



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ОБЩЕСТВЕННАЯ БИБЛИОТЕКА

БИБЛИОТЕКА РУССКОЙ КЛАССИКИ

Ф.М.ДОСТОЕВСКИЙ

Б  РАТЯ
КАМАЗОВЫ
РОМАН

II

ИЗДАТЕЛЬСТВО
«СОВЕТАКАН ГРОХ», ЕРЕВАН-1984

Ֆ.Մ.ԴՈՍՏՈՅՎՍԿԻԻ

Լ  ԵՐԱՄԱՐՈՎ,
ԴԲԻՅՐԵՐ
ՎԵՊ

II

«ՍՈՎԵՏԱԿԱՆ ԳՐՈՂ»
ՀՐԱՏԱՐԱԿՁՈՒԹՅՈՒՆ, ԵՐԵՎԱՆ-1984

ԿԱՐԳԻՍ ՍՈՒՐԵՆՑԱՆԻ
Քարգմանությանը

ՄԱՍՆ ԵՐՐՈՐԴ

Գ ի թ ք յ ո թ Ե թ ո թ ր ր ր ր

ԱԼՅՈՇԱ

I

ԱՊԱԿԱՆՈՒԹՅԱՆ ՇՈՒՆՉԸ

Ննչեցյալ սքեմազգյաց արեղա սրբահայր Զոսիմայի մարմինը թաղման պատրաստեցին ըստ սահմանված կարգի: Մահացած վանականներին և սքեմազգյացներին, ինչպես հայտնի է, չեն լվանում: «Հորժամ ոմն ի վանականաց հանգչի ի տեր (ասված է մեծ ծիսարանում), ապա սահմանյալ վանականը (այսինքն՝ այդ բանի համար նշանակվածը) տաք ջրով սրբում է մարմինը նորա, նախապես սպունգով խաշակնքելով ճակատը վախճանյալի, կուրծքը, ձեռքերը և ոտքերն ու ծնկները, և ոչինչ առավել»: Այդ բոլորը հայր Պաիսին կատարեց անձամբ: Սրբումից հետո վանական զգեստ հագցրեց ննչեցյալին և պարուրեց պատմունճանով, որ փոքր-ինչ կտրատեց ըստ կանոնի, որպեսզի պարուրի խաշաձև. գլխին ութանկյուն խաշով մի փեղույր դրեց: Ննչեցյալի դեմքը ծածկեցին սև շուշփայով, իսկ փեղույրը բաց մնաց: Զեռքերի մեջ փրկչի սրբապատկերը դրեցին: Եվ այդ հանդերձանքով էլ առավոտյան դեմ փոխադրեցին դագաղի մեջ, որն արդեն վաղուց էր նախապատրաստված: Եվ որոշեցին դագաղն ամբողջ օրը թողնել խուցում (այն մեծ սենյակում, ուր հանգուցյալ սրբահայրն ընդունում էր միաբաններին ու աշխարհականներին): Քանի որ ննչեցյալը սքեմազգյաց արեղա էր իր հոգևորական կարգով, վանական արեղաներն ու սարկավագները

Դոստոնկի Յ. Մ.

Դ 798 Կարամազով եղբայրներ: Վեպ/Կ. Սուրենյանի
Քարգմ.— II — Եր.: Սովետ. գրող, 1984,— (Ռուս. դաս.
գ-րան). 1984, 640 էջ:

4702010100(8) 84 «8»
705(01)84

ԳՄԳ 84 Ռ1
P 1

այարտավոր էին նրա աճյունի վրա ոչ թե սաղմոս, այլ ավետարան կարգալու։ Ընթերցումն սկսեց հայր Իոսիֆը, հոգեհանգստյան արարողությունից անմիջապես հետո։ Իսկ հայր Պաիսիին, որ կամենում էր հետո անձամբ կարգալու ամբողջ օր ու գիշեր, առայժմ դեռ շատ զբաղված ու մտահոգ էր, ինչպես և մենաստանի մեծավորը, որովհետև հանկարծ անսովոր մի բան սկսել էր ի հայտ գալ թե՛ վանքի միաբանության, թե՛ աշխարհականների մեջ, որոնք խումբ-խումբ գալիս էին վանքի հյուրանոցներից ու քաղաքից. անլուր ու նույնիսկ «անպատշաճ» մի հուզմունք էր դա, անհամբեր մի ակնկալություն, որ հետզհետե ավելի ու ավելի ակնբախ էր դառնում։ Թե՛ մեծավորը, թե՛ հայր Պաիսիին ամեն ջանք ի գործ էին դնում, որ հնարավորին շափ հանդարտեցնեն խռովահույզ մարդկանց այդպիսի իրարանցումը։ Երբ արդեն օրը բավական լուսացավ, քաղաքից սկսեցին ժամանել նույնիսկ մի քանի այնպիսի մարդիկ, որոնք բերել էին նաև իրենց հիվանդներին, մանավանդ երեխաներին, կարծես թե դիտմամբ այս բոլորին էին սպասել դրա համար, երևի ապավինելով բուժման անմիջական զորությունը, որ ննջեցյալի աճյունը պետք է շուտով ի հայտ բերեր, ըստ նրանց հավատի։ Եվ ահա այս առթիվ միայն պարզվեց, թե մեր քաղաքում բոլորն էլ ի՞նչ աստիճան վարժվել էին անտարակուսելի ու մեծագործ մի սուրբ նկատելու ննջեցյալ սրբահորը՝ դեռ իր կենդանության օրոք։ Եվ միայն հասարակ խավի մարդիկ չէին եկողները։

Հավատացյալների այդ մեծ ակնկալությունը, որ արտահայտվում էր այնքան հապճեպորեն ու բացեիքաց, նույնիսկ անհամբերությամբ ու գրեթե պահանջկոտությամբ, աներկբայելի գայթակղություն էր թվում հայր Պաիսիին. ու թեև նա վաղուց նախազգացել էր այդ, բայց իրականությունը գերազանցեց նրա սպասածը։ Վանականների մեջ հանդիպելով այդպիսի հուզվողների, հայր Պաիսիին սկսեց նույնիսկ հանդիմանել նրանց. «Այս կերպ և այսքան անմիջականորեն ակնկալել մի մեծ բան, — ասում էր նա, — թեթևամտություն է, աշխարհականների համար՝ կարելի, բայց մեզ համար՝ անվայելուչ։ Սակայն քիչ էին լսում նրան, և հայր Պաիսիին անհանգստությամբ էր նկատում այդ, հակառակ որ ինքն էլ նույնիսկ (եթե ամեն ինչ ճշմարտորեն վերհիշենք), իր հոգու խորքում, գաղտնորեն, գրեթե նույն բանն էր սպասում և չէր կարող ինքն իրեն շտապողականել այդ, թեև վրդովվում էր շափազանց անհամբեր ակնկալություններից

ու դրանց մեջ թեթևամտություն և ունայնություն էր տեսնում։ Այնուամենայնիվ, նրա համար հատկապես տհաճ էր հանդիպել որոշ մարդկանց, որոնք իր մեջ, ինչ-որ նախազգացման թելադրանքով, մեծ տարակուսանք էին հարուցում։ Ննջեցյալի խուցում խոնված բազմության մեջ նա հոգեկան զզվանքով նկատեց (և անմիջապես էլ ինքն իրեն հանդիմանեց այդ զզվանքի համար), օրինակ, Ռակիտինի ներկայությունը, և կամ էլ օրդորակցի վանականի, որ դեռ հյուր էր մնում վանքում. և հանկարծ այդ երկուսին էլ, չգիտես ինչու, հայր Պաիսիին կասկածելի համարեց, թեև այդ նույն առումով կարող էր նկատել ոչ միայն նրանց, այլև ուրիշներին։ Օրդորակցի վանականը այդ հուզված բազմության մեջ աչքի էր ընկնում որպես մի մարդ, որ ամենից ավելի էր իրար անցել. նրան կարելի էր նկատել ամենուրեք, բոլոր անկյուններում։ Ամեն տեղ նա հարցուփորձ էր անում, ամեն տեղ ականջ էր դնում, ամեն տեղ փսփսում էր մի առանձնահատուկ, խորհրդավոր տեսքով։ Խիստ անհամբեր մի արտահայտություն կար դեմքին և կարծես արդեն նյարդայնացել էր, որ ակնկալվածը չի կատարվում այդքան երկար ժամանակ։ Իսկ գալով Ռակիտինին, նա, ինչպես պարզվեց հետո, մենաստանում այդքան կանուխ հայտնվել էր տիկին Խոխակովայի հատուկ հանձնարարությամբ։ Այս բարեսիրտ, բայց փոփոխամիտ կինը, որ չէր կարող անձամբ մուտք գործել մենաստան, հենց որ զարթնեց ու իմացավ հանգուցյալի մասին՝ հանկարծ այնպիսի սաստիկ մի հետաքրքրությամբ տոգորվեց, որ անմիջապես Ռակիտինին մենաստան ուղարկեց իր փոխարեն, որպեսզի նա աշալուրջ դիտի և անհապաղ, մոտավորապես կես ժամը մեկ, գրավոր հաղորդի իրեն ամեն ինչ, ու կատարվում է։ Տիկին Խոխակովան խիստ բարեպաշտ ու հավատացյալ մի երիտասարդ էր համարում Ռակիտինին, որն ահա ա՛յդ աստիճան ընդունակ էր հաճոյանալ բոլորին և ամեն մեկի ցանկության համաձայն ներկայացնել իր անձը, եթե դրա մեջ նվազագույն մի շահ տեսներ իր համար։

Ձինը, լուսապայծառ օր էր, և ուխտավորներից շատերը խմբվել էին դամբարանների մոտ, որոնք հատկապես խիտ էին տաճարի շուրջ ու նաև տարտղնված՝ մենաստանի ամբողջ շքրջափակում։ Շրջելով մենաստանում, հայր Պաիսիին հանկարծ հիշեց Ալյոշային և անդրադարձավ, որ վաղուց չէր տեսել նրան, համարյա թե գիշերվանից։ Եվ հենց որ հիշեց, իսկույն ևեթ նկատ

տեց նրան մենաստանի ամենահեռավոր անկյունում, պարսպի մոտ՝ ի հնուց հանգուցյալ և իր սրբագործությամբ նշանավոր մի վանականի շիրմաքարի վրա նստած: Թիկունքը դարձրել էր մենաստանին, երեսը՝ պարսպին, և կարծես թաքնվում էր հուշարձանի ետև: Ընդհուպ մոտենալով, հայր Պաիսին տեսավ, որ նա, երկու ափով դեմքը ծածկած, արտասովում է անձայն, բայց դառնազգին, ամբողջ մարմնով ցնցվելով հեծկլտանքներից: Հայր Պաիսին մի պահ կանգնեց կողքին:

— Բավական է, որդյակ սիրելի, բավական է, սրտակից իմ,— ասաց նա ի վերջո զգացված,— ինչու՞ աղաչես: Ուրախացիր, աչ ոչ թե արտասովիր: Եվ կամ թե չգիտե՞ս, որ այս օրը մեծագույնն է երա օրերից: Հապա հիշիր լոկ այն, թե որտե՞ղ է նա հիմա, սույն բոլորիս:

Այլոշան հայացքը բարձրացրեց ու նայեց նրան, բացելով իր դեմքը, որ արցունքից ուռել էր փոքրիկ երեխայի դեմքի նման, բայց և անմիջապես շրջվեց, առանց մի բառ ասելու, և նորից երեսը ծածկեց ափերով:

— Բայց թեևս աղաչես է պետք,— ասաց հայր Պաիսին մտախոհ,— գուցե լավ է, որ արտասովես, Քրիստոս է ուղարկել քեզ այդ արտասուքը: «Այս քո սրտառուչ արտասուքը հանգիստ է լոկ հոգեկան և զվարթություն կտա քո անուշ սրտին»,— ավելացրեց նա իր մտքում, հեռանալով Այլոշայից և գորովահույզ մտածելով նրա մասին: Բայց և փութով հեռացավ, որովհետև զգաց, թե ինքն էլ կարող էր արտասովել՝ նրան նայելով: Իսկ ժամանակն անցնում էր, ննչեցյալի համար վանական արարողություններն ու հոգեհանգիստները շարունակվում էին ըստ կարգի: Հայր Պաիսին դազադի մոտ նորից փոխարինեց հայր Իոսիֆին և նորից ինքը շարունակեց ավետարանի ընթերցումը: Բայց դեռ հետմիջօրեի ժամը երեքը չէր անցել, երբ կատարվեց մի բան, որին ակնարկել հմ դեռ նախորդ գրքի վերջում. դա այնքան անսպասելի էր բոլորիս համար և այնքան ներհակ էր համբուհահանուր ակնկալության, որ, կրկնում հմ, այդ դեպքը մինչև օրս էլ ունայնամտորեն ու շափազանց կենդանի մանրամասներով հիշվում էր մեր քաղաքում և մեր ամբողջ շրջակայքում: Այստեղ մի անգամ ևս անձնապես իմ կողմից ավելացնեմ, թե ինձ համար գրեթե խորշիկ է հիշել այդ սին ու գայթակղիչ դեպքը, որ ըստ էության շատ անիմաստ մի բան էր, բնական մի երևույթ. և ես, անշուշտ, առանց որևէ հիշատակության զանց

կառնեի այդ պատահարը, եթե դա շատ ուժեղ ու որոշակի կերպով շնորհործեր իմ այս պատմության գլխավոր, թեև ապագա հերոսի՝ Այլոշայի հոգու և սրտի վրա, մի տեսակ բեկում ու շրջադարձ առաջ բերելով նրա հոգեկան աշխարհում, ցնցելով, բայց և արդեն վերջնականապես, ցկյանս ամբացնելով նրա բանականությունը և պարզորոշ նպատակի ծառայելով:

Եվ արդ, վերադառնանք պատմության: Երբ դեռ լուսածագից առաջ սրբահոր պատանված մարմինը դրել էին դազադի մեջ ու բերել առաջին սենյակը՝ նրա նախկին ընդունարանը, դազադի մոտ գտնվողների մեջ հարց էր ծագել, թե պե՞տք է արդյոք սենյակի լուսամուտները բանալ: Սակայն այդ հարցը, որ ներկաներից մեկը դրել էր ի միջի այլոց և հարևանցիորեն, անպատասխան ու գրեթե աննկատելի մնաց. գուցե միայն ներկաներից ոմանք նկատեցին, այն էլ իրենց մտքում, և լոկ այն իմաստով, թե կատարյալ անհեթեթություն է աղաչիս հանգուցյալի մարմնից նեխում և ապականության շունչ սպասել, և թե նույնիսկ ցավալի բան է (եթե ոչ ծիծաղելի) այդ հարցը դնող մարդու թերահավատությունն ու թեթևամտությունը: Վասնզի ճիշտ հակառակն էին սպասում: Եվ ահա, կեսօրն հագիվ էր անցել, երբ սկսվեց մի բան, որ սենյակ մտնող ու ելնողներն սկզբում ընկալում էին լեկլայն ու մտովի, և նույնիսկ յուրաքանչյուր ոք հայտնապես վախենում էր որևէ մեկին հաղորդել իր մեջ ծագող միտքը: Բայց ժամը երեքի մոտ էր, երբ արդեն այդ բանն այնքան պարզ ու անհերքելիորեն ի հայտ եկավ, որ լուրը վայրկենապես տարածվեց մենաստանում և բոլոր ուխտավոր այցելուների մեջ, իսկույն թափանցեց նաև վանք և զարմանքի մատնեց բոլոր վանականներին, ու վերջապես, ամենակարճ ժամանակում, հասավ քաղաք և ալեկոծեց բոլորին՝ թե՛ հավատացյալներին, թե՛ անհավատներին: Անհավատներն ուրախացան, իսկ ինչ վերաբերում է հավատացյալներին՝ նրանց մեջ գտնվեցին ոմանք, որ նույնիսկ ավելի ուրախացան, քան բուն իսկ անհավատները, որովհետև «մարդիկ սիրում են արդարի անկումն ու նվաստացումը», ինչպես հանգուցյալ սրբահայրը ինքն էր ասել իր հորդորներից մեկում:

Խնդիրն այն է, որ դազադից ապականության շունչն սկսեց դուրս գալ կամաց-կամաց, բայց հետզհետե ավելի ու ավելի նկատելիորեն, իսկ ժամը երեքին արդեն շափազանց որոշակիորեն ի հայտ եկավ ու աստիճանաբար սաստկացավ: Նման մի գայթակղություն, ինչպիսին այդ դեպքից անմիջապես հետո

երեան եկավ բուն իսկ վանականների մեջ, վաղուց չէր եղել ու նույնիսկ չէր էլ կարելի հիշել մեր վանքի ամբողջ անցյալ կյանքում. այդպիսի կոպտորեն սանձարձակ գայթակղութիւնը հնարավոր էլ չէր որևէ այլ դեպքում: Հետագայում արդեն, և նույնիսկ շատ տարիներ հետո, որոշ խելամիտ վանականներ, մանրամասն վերհիշելով ամբողջ այդ օրը, զարմանում էին ու զարհուրում, թե ինչպե՞ս այն ժամանակ գայթակղութիւնը կարող էր այդ աստիճանին հասնել: Որովհետև առաջ էլ պատահում էր, որ մահանում էին հույժ արդարակյաց վանականներ՝ ծերունիներ աստվածավախ, որոնց սրբակեցութիւնը ակնհայտ էր բոլորի համար, այնինչ նրանց դազադներին ևս ելնում էր ապականութեան շունչը, հայտնվելով բնականորեն, ինչպես բոլոր մեռյալներից, բայց դա գայթակղութիւն առաջ չէր բերում, ոչ էլ նույնիսկ որևէ դուզն խոսվք: Իհարկե, մեզ մոտ եղել էին նաև ի հնուց հանգուցյալ հայրեր, որոնց հիշատակը դեռ վառ պահվում էր վանքում և որոնց աճյունները, ըստ ավանդութեան, նեխման նշաններ չէին ցուցաբերել. այդ երևույթը սրտառուչ ու խորհրդավոր էր թվացել միաբանութեանը, հիշվելով պահպանվել էր որպես բարեգարդ ու հրաշալի մի բան, նաև իբրև խոստում, որ ապագային ավելի ևս մեծ փառք է ակնկալվում նրանց դամբարաններից, եթե միայն, կամօքն աստօժ, հասնի դրա ժամանակը: Այդպիսիներից էր հարյուր հինգ տարի ապրած վանական Հոբը՝ նշանավոր մոնազն, մեծանուն ծոմապահ ու լուակյաց, որ արդեն վաղուց, ներկա դարի տասական թվականներին հանգել էր ի տեր և որի հիշատակը պահպանվում էր առանձին գուրգուրանքով. նրա շիրիմը հատուկ և բացառիկ հարգանքով էին ցույց տալիս առաջին անգամ եկող բոլոր ուխտավորներին, ըստ որում խորհրդավոր ակնարկութիւններ անելով ինչ-որ մեծ հույսերի մասին: (Դա այն նույն շիրիմն էր, որի վրա Ալլոշան նստել էր առավոտյան, երբ հայր Պախին գտավ նրան): Ի հնուց անտի հանգուցյալ այս վանականից բացի, նույնպիսի կենդանի հիշատակ էր մնում նաև համեմատաբար ոչ շատ վաղուց հանգուցյալ սքեմազգյաց արեղա, մեծանուն սրբահայր Վարսոնֆիից. սա հենց այն սրբահայրն էր, որին հաջորդել էր հայր Զոսիման և որին, իր կենդանութեան օրոք, վանք այցելող բոլոր ուխտավորները ուղղակի կրոնախե էին համարում: Այս երկուսի մասին պահպանվել էր այն ավանդութիւնը, թե նրանք իրենց դազադներում պատկած էին կենդանի մարդու նման և թաղվել էին

առանց դուզն ինչ նեխած լինելու, և թե նրանց դեմքերը կարծես պայծառացել էին դազադի մեջ: Իսկ ոմանք էլ նույնիսկ հիշում էին ու պնդում, թե նրանց մարմիններից անուշ բուրմունք էր ելնում հայտնապես: Բայց, համենայն դեպս, նույնիսկ շնայած այս հույժ պատկանելի հիշատակներին, դժվար կլիներ բացատրել այն անմիջական պատճառը, որ կարող էր այնքան թեթևամիտ, անհեթեթ ու շարախինդ մի երևույթի առիթ տալ սրբահայր Զոսիմայի դազադի առաջ: Ծս անձնապես կարծում եմ, որ այստեղ շատ բաներ զուգահիշել են՝ այլազան պատճառներ ազդել են միաժամանակ: Այդպիսի պատճառներից մեկն է, օրինակ, այն արմատացած թշնամութիւնը սրբահայրութեան կարգի դեմ, որպես շարադիտ մի նորութեան, այն ընդդիմութիւնը, որ վանքում դեռ խորապես պահպանվել էր բազմաթիվ վանականների մտայնութեան մեջ: Իսկ հետո, անշուշտ և գլխավորը, նախանձն էր ննջեցյալի սրբութեան նկատմամբ՝ նրա կենդանութեան օրոք այնքան հաստատապես նվիրագործված սրբութեան, որի դեմ առարկելն իսկ արգելված էր կարծես թե: Քանզի թեև հանգուցյալ սրբահայրը շատերին էր առինքնել՝ ոչ այնքան հրաշքներով, որքան սիրով, և վարծես սիրավետ հոգիների մի ամբողջ աշխարհ էր կերտել իր շուրջ, բայց այնուամենայնիվ ու առավել ևս այդ իսկ պատճառով նախանձ էր հարուցել իր դեմ, ուստի և վաստակել էր անողոք թշնամիներ՝ թե՛ բացահայտ, թե՛ թաքուն, և ոչ միայն վանականների մեջ, այլև նույնիսկ աշխարհականների: Ոչ ոքի, օրինակ, վնաս չէր տվել, բայց թե՛ «Ինչո՞ւ այնքան սուրբ են համարում նրան»: Եվ այս մեկ հարցը միայն, տակավ առ տակավ կրկնվելով, ի վերջո անհագուրդ քինախընդրութեան մի ամբողջ անդունդ էր ստեղծել: Ահա թե ինչու կարծում եմ, որ շատերը, ապականութեան հոտն առնելով նրա մարմնից, և այն էլ այդքան շուտ — որովհետև դեռ մի օր էլ չէր անցել նրա մահից հետո — անսահմանորեն ուրախացան. ու նմանապես՝ մինչ այժմ սրբահորը հարգող ու նրան նվիրված մարդկանց մեջ էլ իսկույն գտնվեցին այնպիսիներ, որոնք գրեթե անձնապես վիրավորված ու անարգված զգացին այդ դեպքից: Իսկ դեպքի աստիճանական ընթացքը հետևյալ կերպ եղավ:

Հազիվ էր սկսել ի հայտ գալ նեխումը, և արդեն ննջեցյալի խուցը մտնող վանականների տեսքից միայն կարելի էր կոհհել, թե ինչու են նրանք գալիս: Մտնում էին, մի քիչ կանգնում, հետո շտապում էին դուրս գալ՝ հաստատելու համար լուրը ուրիշներին

առաջ, որոնք խուռնեբամ սպասում էին դրսում: Այս սպասող-ներից ոմանք իրենց գլուխներն էին շարժում վշտահար, բայց ուրիշներն արդեն չէին էլ ուզում թաքցնել իրենց ուրախությունը, որ բացահայտորեն փայլում էր նրանց շարախինդ հայացքների մեջ: Եվ այլևս ոչ ոք չէր կշտամբում նրանց, ոչ ոք մի արդար ձայն չէր բարձրացնում, և դա նույնիսկ տարօրինակ էր, որովհետև ննջեցյալ սրբահորը նվիրված մարդիկ այնուամենայնիվ մեծամասնությունն էին վանքում. բայց դե երևի նույնինքն աստված թույլ էր տվել, որ այս անգամ փոքրամասնությունը ժամանակավորապես հաղթանակ տաներ: Շուտով խուցում երևացին նաև աշխարհականներ՝ առավելաբար զարգացած այցելուներից, նույնպես լրտեսելու մտադրությամբ: Իսկ հասարակ մարդիկ քիչ էին մտնում, թեև այդ խավի մի մեծ բազմություն հավաքվել էր մենաստանի դարպասի առաջ: Կարելի է հաստատ ասել, որ հատկապես ժամը երեքից հետո խիստ մեծացավ աշխարհական այցելուների հոսանքը, և հենց գալթակղիչ լուրի հետևանքով: Մարդիկ, որոնք գուցե բոլորովին էլ չէին գալու այդ օրը և միտք էլ չունեին գալու, այժմ եկել էին դիտմամբ, և նրանց մեջ կային մի քանի բարձրաստիճան անձինք: Սակայն պատշաճությունը դեռ արտաքինապես չէր խախտվում, և հայր Պաիսիին, խստադեմ, շարունակում էր ընթերցել ավետարանը բարձրաձայն, անվարան ու հստակ արտասանելով, կարծես չնկատելով այն, ինչ կատարվում էր, թեև վաղուց էր արդեն անսովոր մի բան նկատել: Բայց ահա նրա ականջին էլ սկսեցին հասնել ձայներ, որոնք սկզբում շատ մեղմ էին, բայց աստիճանաբար ուժեղանում էին ու քաջալերվում: «Երևում է, որ աստվածային դատաստանն ա՛յլ է, քան մարդկայինը», — լսեց հանկարծ հայր Պաիսիին: Առաջինը, որ այդ խոսքն արտասանեց, մի աշխարհական էր՝ քաղաքաբնակ պաշտոնյա, արդեն տարեց և, ինչպես ասում էին, շատ աստվածավախ մի մարդ: Բայց նա, բարձրաձայն արտասանելով, պարզապես կրկնեց այն, ինչ վանականները վաղուց էին փսփսում իրար ականջին: Նրանք վաղուց արդեն ասել էին այդ անբարեհույս խոսքը, և ամենավատթարն այն էր, որ այդ խոսքի հետ հաղթական մի տրամադրություն էր ի հայտ գալիս ու զարգանում ըստ առ ըստ: Սակայն շուտով արտաքին պատշաճությունն էլ սկսեց խախտվել, և ահա բոլորը կարծես զգացին, թե նույնիսկ մի տեսակ իրավունք ունեն խախտելու: «Եվ ինչպե՞ս կարող էր պատահել այս

բանը, — ասում էին վանականներից ոմանք, սկզբում կարծես նույնիսկ ցավ զգալով, — մարմինը փոքր էր, շորուկ, ոսկորներին կպած, որտեղի՞ց կարող էր լինել ապականության շունչը: — «Ուրեմն աստված ուզում էր հատկապես մատնացույց անել», — շտապում էին ավելացնել ուրիշները, և նրանց կարծիքն անմիջապես ընդունվում էր անվիճելիորեն, քանզի նշում էին դարձյալ, որ եթե նույնիսկ բնականորեն գոյանար ապականության շունչը, ինչպես որևէ մեղավոր ննջեցյալի մարմնից, պետք է համենայն դեպս ավելի ուշ ի հայտ գար, գոնե մի օր հետո, այլ ոչ թե այսքան ակնհայտորեն շուտափույթ. իսկ «այս մեկը բնությունն էլ կանխեց», ուրեմն այստեղ գործում է աստված ու դիտավորյալ մատը նրա: Ուզում էր մատնացույց անել: Այս դատողությունը ներգործում էր անդիմադրելիորեն: Հեղահամբույր հայր Իոսիֆ արեղան, մատենադարանապետը, որ հանգուցյալի սիրելին էր, փորձեց առարկել շարախոսներից ոմանց, թե «ամեն տեղ չէ, որ այդպես է», և թե արդարակյաց մարդկանց մարմինների անապատականությունը դավանաբանական անհրաժեշտ մի դրույթ չէ ուղղափառ եկեղեցվո մեջ, այլ լոկ մի կարծիք. նույնիսկ ամենաուղղափառ երկրներում, օրինակ Աթոսում, ապականության շունչն այնքան էլ շփոթություն առիթ չի տալիս, և փրկյալների փառավորման գլխավոր նշանը համարվում է ոչ թե մարմնի անապատականությունը, այլ գույնը նրանց ոսկորների, երբ նրանց մարմինները բազում տարիներ մնացել են հողի մեջ ու նույնիսկ փտել են այնտեղ: «Եվ եթե ոսկրերն ի հայտ գան մեղրամոմի նման դեղնագույն՝ ահա ուրեմն մեծամեծ նշանը, որ աստված փառավորել է ննջեցյալ արդարակյացին. իսկ եթե ի հայտ գան ոչ թե դեղնագույն, այլ սևացած, ուրեմն աստված այդպիսի մարդուն չի արժանացրել փառավորման. ահա ա՛յս է նշանը Աթոսում՝ մեծ սրբավայրում, ուր ուղղափառ հավատքն ի ճնուց անտի պահպանվում է անխախտ ու պայծառագույն մաքրությամբ», — եզրակացրեց հայր Իոսիֆը: Սակայն խոնարհասիրտ հոր խոսքերը մնացին ապարդյուն և նույնիսկ հեգնական ընդդիմություն առաջ բերեցին: «Այդ բոլորը գիտություն են ու նոր-նոր բաներ, լսել անգամ չարժե», — որոշեցին վանականները: «Մենք հին ձևով ենք հավատում. քի՛չ նորություններ են մեզտեղ հանում հիմա, պետք է այդ բոլորին հետևե՛նք», — ավելացնում էին ուրիշները: «Մենք էլ ունեցել ենք սուրբ հայրեր, և ոչ նրանցից պակաս: Նրանք

այնտեղ նստել են թուրքի լծի տակ և ամեն ինչ մոռացել են։ Նրանց ուղղափառությունն էլ վաղուց պղտորվել է, և նույնիսկ գանդեր շունեն», — հարում էին ամենից ավելի ծաղրասերները։

Հայր Իոսիֆը մի կողմ քաշվեց վշտաբեկ, մանավանդ որ շատ վստահորեն չէր հայտնել իր կարծիքը, ինքն էլ ասես քիչ հավատարով դրան։ Այլև շփոթահար կանխատեսեց, որ շատ անվայելուչ մի բան է սկիզբ առնում, և որ մինչև անգամ զուրի է բարձրացնում բուն իսկ անհնազանդությունը։ Հայր Իոսիֆից հետո բոլոր խելամիտ ձայները լռեցին հետզհետե։ Եվ մի տեսակ այնպես պատահեց, որ բոլոր նրանք, ովքեր սիրում էին հանգուցյալ սրբահորը և գորովագին հնազանդություն մը ընդունել էին սրբահայրության կարգի հաստատումը, հանկարծ սոսկալի վախեցան մի բանից և, երբ հանդիպում էին իրար, երկշտ նայում էին միմյանց երեսին։ Իսկ նրանք, ովքեր թշնամի էին սրբահայրության կարգին՝ որպես նորամուծության, հպարտորեն բարձրացրին իրենց գլուխները։ «Հանգուցյալ սրբահայր Վարսոնոֆիից ոչ միայն ապականության շունչ ի հայտ չեկավ, այլև անուշ բուրմունք արտահոսեց, — հիշեցնում էին նրանք շարախնդորեն, — բայց նա ոչ թե սրբահայր լինելով արժանացավ դրան, այլ որովհետև ինքն էր սրբակյաց»։ Ու հետայդու արդեն պարսավանքներ ու մինչև իսկ բուն մեղադրանքներ թափվեցին նորոգ հանգուցյալ սրբահայր Զոսիմայի վրա։ «Մխալական էր ուսուցանում. ուսուցանում էր, թե կյանքը մեծ ուրախություն է, ալ ոչ թե արտավալից խոնարհություն», — ասում էին հույժ անմիտներից ոմանք։ «Հավատում էր ըստ նորույթի, չէր ընդունում, որ դժոխքի հուրը նյութական է», — ավելացնում էին առավել ևս անմիտները։ «Ծոմապահության նկատմամբ խստապահանջ չէր, քաղցրավենիք էր թուլատրում իրեն, բալի անուշ էր ուտում թեյի հետ. շատ էր սիրում այդ անուշը, տիկիներն էին ուղարկում նրան։ Սքեմազգյաց վանականը թե՛յ կսմի», — լըսվում էր որոշ նախանձորդներից։ «Հպարտացած նստում էր, — դաժանամտորեն հիշում էին ամենից ավելի շարախնդները, — սուրբ էր համարում իրեն. ծնկի էին ընկնում նրա առաջ և իբրև պատշաճ էր ընդունում այդ»։ — «Նոստովանանքի խորհուրդն էր շարաշահում», — քինոտ փսփսուքով ավելացնում էին սրբահայրության ամենակատարի հակառակորդները։ Եվ սրանց մեջ նույնիսկ կային երիցագույն ու խստակրոն վանականներ՝ ճշմարիտ ծոմապահներ ու լռակյացներ, որոնք լուռ էին մնացել ննջեցյալի

կենդանության օրոք, բայց այժմ հանկարծ բացել էին իրենց շրթները. և դա արդեն սոսկալի էր, որովհետև նրանց խոսքերը մեծապես ազդում էին երիտասարդ ու դեռ շկազմավորված վանականների վրա։ Սուրբ Միլվեստրից եկած օբդորսկցի հյուրն էլ մեծ հետաքրքրությամբ պահանջ էր դնում ասվածներին, խոր հառաչանքներ արձակելով ու գլուխը շարժելով։ «Ձէ՛, երևում է, որ հայր Ֆերապոնտը երեկ ճշմարիտ էր դատում», — մտածում էր նա, և մեկ էլ ահա երևաց հայր Ֆերապոնտը. կարծես հենց խոսվածությունը սաստկացնելու համար էր նա դուրս եկել իր խուցից։

Արդեն հիշել եմ նախօրոք, որ նա հազվադեպ էր դուրս գալիս փեթականոցում գտնվող իր փայտաշեն խուցից, նույնիսկ եկեղեցվո մեջ շատ հազվադեպ էր երևում, և որ նրան, որպես կրոնախելի, թույլ էին տալիս այդ բանը, ազատ կացուցանելով ընդհանուրի համար պարտադիր կարգ ու կանոնից։ Բայց եթե ամբողջ ճշմարտությունն ասենք, այդ բոլորը նրան թույլ էին տալիս որոշ անհրաժեշտությունից ելնելով։ Որովհետև՝ նույնիսկ մի տեսակ ամոթալի կլինեիր, եթե ընդհանուր կանոնադրությամբ ծանրաբեռնեին այդքան մեծ ծոմապահին ու լռակյացին, որ աղոթում էր օր ու գիշեր (նույնիսկ նիրհում էր ծնրադիր)։ Եթե ինքը չէր ուզում ենթարկվել, բայց պարտադրելին, վանականները կարող էին ասել. «Նա մեր բոլորից էլ ավելի սուրբ է և դժվարագույնն է կատարում, ավելին, քան կանոնադրությունը. և եթե եկեղեցի չի գնում, ուրեմն ի՛նքը գիտե, թե երբ պետք է գնա, իր սեփական կանոնադրությունը ունի»։ Հենց այս հավանական տրտունջքին ու գայթակղության տեղի շտալու համար է, որ հանգիստ էին թողնում հայր Ֆերապոնտին։ Ինչպես բոլորին հայտնի էր արդեն, հայր Ֆերապոնտը սաստիկ չէր սիրում այն լուրը, թե «աստվածային դատաստանն ուրեմն այլ է, քան մարդկայինը, և թե նույնիսկ բնությունն էլ կանխեց»։ Պետք է ենթադրել, որ լուրը տանելու համար նրա մոտ վազող առաջին մարդկանցից մեկը օբդորսկցի հյուրն էր, որ երեկ այցելել էր հայր Ֆերապոնտին և սարսափած հեռացել նրանից։ Ինչպես արդեն ասացի, հայր Պախին հաստատակամ ու անհողող կանգնած ընթերցում էր դագաղի վրա, ու թեև չէր կարող լսել ու տեսնել, թե ինչ է կատարվում խուցից դուրս, բայց սրտի խորքում անսխալականորեն կռահեց տիրող տրամադրությունը,

որովհետև շատ լավ գիտեր իր միջավայրը: Ու ըստովմեջ, այլ առանց վախի սպասեց, թե ինչ դեպքեր կարող են կատարվել տակավին. թափանցող հայացքով հետամուտ էր լինում այդ խռովության հնարավոր վախճանին, որն արդեն պատկերացնում էր մտովի: Եվ հանկարծ միջանցքում բարձրացած մի արտասովոր աղմուկ, որ արդեն ակնհայտորեն խախտում էր պատշաճությունը, նրա ականջը ծակեց: Դուռը լայն բացվեց մեկն, և շեմքին երևաց հայր Ֆերապոնտը: Նրա ետևում, ինչպես պարզ երևում էր խուցից, անդաստակի առաջ խոնվել էին բազում վանականներ, որոնք ընկերակցում էին նրան, և աշխարհականներ էլ կային խմբի մեջ: Սակայն ընկերակցողները ներս չմտան և անդաստակ էլ չբարձրացան, այլ մնացին ներքևում և սպասեցին, թե ինչ է ասելու հայր Ֆերապոնտը և ինչ է անելու հետո, որովհետև նրանք, հակառակ իրենց ամբողջ հանդգնության, մինչև իսկ որոշ վախով նախազգում էին, որ նա իզուր չի եկել: Կանգնելով շեմքին, հայր Ֆերապոնտը ձեռքերը վեր նետեց, և նրա աջ թևի տակից սուր ու խուզարկու հայացքով նայեցին օրդորակցի հյուրի փոքրիկ աչքերը. նա միակն էր, որ չէր համբերել և հայր Ֆերապոնտի ետևից վազել ու բարձրացել էր սանդուղքով, իր ահռելի հետաքրքրասիրությունից մղված: Իսկ մյուսները, ընդհակառակն, ավելի ևս ընկրկել էին անակնկալ վախից, երբ դուռը բացվել էր այդպիսի շոնդալի աղմուկով: Համբառնալով զձեռս ի լերինս, հայր Ֆերապոնտը հանկարծ գոռաց.

— Հրաժարելով հրաժարիմ, — և անմիջապես սկսեց ձեռքով խաշակնքել խուցի պատերն ու շորս անկյունները, մեկ կողմից մյուսը դառնալով հաջորդաբար: Ընկերակցողներն անմիջապես հասկացան հայր Ֆերապոնտի այդ արարմունքը, քանզի գիտեին, որ նա միշտ, ուր էլ մտներ, այդպես էր անում, և որ չէր նստի ու մի բառ անգամ չէր ասի, մինչև չվտարեր շար ոգիներին:

— Ե՛լ աստի, սատանա, ե՛լ աստի, սատանա, — կրկնում էր նա յուրաքանչյուր խաշակնքման հետո: — Հրաժարելով հրաժարիմ, — գոռաց նա նորից:

Իր կոշտ պարեգոտն էր հագել, մեջքին պարան կապած: Կաննիս շապկի տակից երևում էր սպիտակ մազերով ծածկված մերկ կուրծքը: Իսկ ոտքերը բուրդովին բոբիկ էին: Հենց որ սկսեց ձեռքերը թափահարել, պարեգոտի տակ դղրդացին ու զնգզնգա-

ցին այն դաժան շղթաները, որ կրում էր իր մարմնի վրա: Հայր Պախին ընդհատեց ընթերցումը, առաջ եկավ ու կանգնեց նրա դիմաց, սպասելով:

— Զիա՞րդ եկար, պատվական հայր: Ընդէ՞ր պատշաճությունն ես խախտում: Ընդէ՞ր խռովում ես հոտը խոնարհ, — ասաց նա վերջապես, խստահայաց եայելով նրան:

— Վասն է՞ր եմ եկյալ: Զի՞նչ հայցեմ: Որպե՞ս հավատաս, — գոռաց հայր Ֆերապոնտը խևորեն: — Եկա՞ վտարելու ձեր այստեղի հյուրերին՝ պիղծ դեերին: Եկա նայելու՞ շա՞տ եք ժողովել դրանց իմ բացակայության ժամանակ: Ցարասենու ավելով ավելի-հանել եմ ուզում դրանց:

— Չար ոգուն ես վտարում, բայց գուցե ինքդ էլ ծառայում ես դրան, — աներկյուղ շարունակեց հայր Պախին: — Եվ ո՞վ կարող է ասել ինքն իր մասին՝ «սուրբ եմ ես»: Արդյոք դո՞ւ, հայր պատվական:

— Պիղծ եմ ես, այլ ոչ սուրբ: Չեմ նստի բազկաթոռին ու չե՛մ տենչա, որ երկիր պագանեն իմ առաջ՝ իբրև կուռքի, — որոտաց հայր Ֆերապոնտը: — Այժմ մարդիկ սուրբ հավատքն են կործանում: Հանգուցյալը, ձեր սո՛ւրբ մարդը, — դարձավ նա ամբոխին, մատով ցույց տալով դագաղը, — ժխտում էր դեերին: Լուծողական էր տալիս դեերի դեմ: Ահա և նրանք աճել ու բազմացել են ձեր մեջ, ինչպես սարդերն անկյուններում: Իսկ այժմ ինքն էլ նեխեց: Ի սմա տեսնում ենք մեծամեծ նշանն աստուծո:

Իսկ նրա ակնարկած դեպքն իրոք պատահել էր մի անգամ հայր Զոսիմայի կենդանության օրոք: Վանականներից ոմն սկսել էր երազում տեսնել շար ոգուն, և ի վերջո նաև արթուն վիճակում սատանան պատկերանում էր նրա աչքին: Եվ երբ նա, սաստիկ վախեցած, այդ բանը հայտնեց սրբահորը, հայր Զոսիման խորհուրդ տվեց անընդհատ աղոթել ու խստագույն ծոմ պահել: Բայց երբ այդ էլ չօգնեց, սրբահայրը խորհուրդ տվեց նրան, որ շարունակելով հանդերձ ծոմն ու աղոթքը, նաև մի որոշ դեղ ընդունի: Այն ժամանակ շատերը գայթակղվեցին և գլուխները շարժելով խոսում էին այդ մասին և ամենից ավելի՝ հայր Ֆերապոնտը. որոշ բանասերկուններ շտապել էին իսկույն հաղորդել նրան այդ «արտառոց» հորդորի մասին, որ սրբահայրը տվել էր այդպիսի յուրահատուկ դեպքի առթիվ:

— Ե՛լ աստի, հայր սուրբ, — հրամայականորեն ասաց հայր Պախին, — ոչ թե մարդիկ են դատում, այլ աստված: Գուցե այս-

տեղ տեսնում ենք այնպիսի մի «նշան», որ ո՛չ ես, ո՛չ դու և ո՛չ ոք ի գորու չէ հասկանալու: Ե՛լ աստի, հայր սուրբ, և մի՛ խոսվիր հոտն հավատացելոց, — կրկնեց նա պնդորեն:

— Պահոց կանոնները շէր պահպանում ըստ իր նվիրապետական կարգի, ուստի և եղև նշան: Ակներև է այս, և թաքուցանելն՝ մեղանշանք, — շէր հանգստանում մոլագարը, որ անմտանալու շափ տարվել էր իր մոլեռանդությամբ: — Շաքարեղենով էր հրապուրվում, սիկիլիներն էին բերում նրան լի գրպաններով, թե՛ չէր ճաշակում, որկորն էր պաշտում, քաղցրավենիքով լցնելով զայն, իսկ միտքը՝ գոռոզությամբ... Ահա և այս պատճառով նախատինք կրեց...

— Թեթևամիտ են խոսքերը քո, հայր սուրբ, — իր ձայնը բարձրացրեց հայր Պախին: — Հիանում եմ քո ծոմապահությամբ ու խստակրոնությունքով, բայց թեթևամիտ են խոսքերը քո, կարծես թե ասած լինի աշխարհական մի պատանի՝ անկայուն ու մանկամիտ: Օ՛ն, ե՛լ աստի, հայր սուրբ, հրամայո՛ւմ եմ քեզ, — որոտընգոստ եզրափակեց հայր Պախին:

— Ե՛ս ինքս ելանիցեմ աստի, — ասաց հայր Ֆերապոնաքը, կարծես թե փոքր-ինչ շփոթված, սակայն շհրաժարելով իր գազազումից, — գիտուններ եք դուք: Մեծ խելք ունեք և գոռոզությունք եք նայում իմ ոչնչությունք: Թերուս եկի այստեղ, և իմացածս էլ այստեղ մոռացա, ինքն աստված ձեր գերիմաստությունից պաշտպանեց ինձ՝ տկարիս...

Հայր Պախին կանգնել էր նրա առաջ և սպասում էր անդրրվելի: Հայր Ֆերապոնաքը լռեց և հանկարծ, վշտաբեկ, աջ ափը դրեց այտին ու սկսեց խոսել լացակումած ձայնով, նայելով ննջեցյալ սրբահոր գագաղին:

— Վաղն առավոտ «Պահապան և օգնական» պիտի երգեն նրա վրա՝ այդ փառավոր կանոնը, իսկ երբ ես սատակեմ՝ ընդամենը «Որպիսի՛ քաղցրություն կենաց» են երգելու, փոքրիկ մի տաղ՝, — ասաց նա արտասովազին ափսոսանքով: — Հպարտացել եք ու գոռոզացել, ունա՛յն մի վայր է սա, — գոռաց նա

¹ Հասարակ վանականի և սքեմազոյաց մոնազի հողակավորության ժամանակ (երբ աճյունը խուցից տանում են եկեղեցի և, հոգեհանգստյան արարողությունից հետո, եկեղեցուց գերեզմանատուն) երգվում է «Որպիսի՛ քաղցրություն կենաց...» տաղաշարը: Իսկ եթե ննջեցյալը սքեմազոյաց արեղա է, երգում են «Պահապան և օգնական» կանոնը:

հանկարծ խելագարի նման և, ձեռքը թափ տալով, արագորեն շրջվեց ու արագորեն վար իջավ անդաստակի սանդուղքից: Ներքևում սպասող բազմութունը տատանվեց. ոմանք անմիջապես հետևեցին նրան, բայց ոմանք էլ համեցան, որովհետև խուցի դուռը դեռ բաց էր և հայր Պախին, անդաստակ ելնելով հայր Ֆերապոնաքի ետևից, կանգնած դիտում էր: Սակայն մոլեգնած ծերունին դեռ ամեն ինչ շէր վերջացրել: Հետանալով քսան քայլ, նա հանկարծ դարձավ վերջալույսի արևին, ձեռքերը գլխից վեր նետեց ու արմատախիլ ծառի նման փովեց գետին՝ ահռելի մի գոռոցով:

— Տե՛րն իմ հաղթանակեց: Քրիստոս հաղթե՛ց մայր մըտնող արևին, — գոռաց նա խելահեղորեն, ձեռքերը մեկնելով դեպի արևը, և երեսնիվայր գետին ընկնելով հեկեկաց բարձրաձայն, փոքրիկ երեխայի նման, ոտքից մինչև գլուխ ցնցվելով ու թևերը տարածելով գետնի վրա: Այս անգամ արդեն բոլորը վազեցին նրա մոտ, բացականչություններ լսվեցին, արձագանքող հեծկտոցներ... Մի տեսակ մոլագարություն պատեց բոլորին:

— Ահա՛ թե ով է սուրբ: Ահա՛ թե ով է արդարակյաց, — բացականչում էին ոմանք՝ արդեն աներկյուղ: — Ահա՛ թե ով պետք է սրբահայր լինի, — ավելացնում էին ուրիշներ՝ արդեն շարասիրությունքով:

— Նա սրբահայրություն չի անի... Ինքը կմերժի... չի ծառայի անիծյալ նորություն... չի հետևի նրանց հիմարություններին, — անմիջապես վրա բերեցին ուրիշ ձայներ: Եվ նույնիսկ դժվար է պատկերացնել, թե ո՛ւր կհասնեն այս ամբողջը, բայց հենց այդ ըոպեին զանգը ղողանջեց, կանչելով ժամերգության: Բոլորը հանկարծ սկսեցին խաշակնքել: Վեր կացավ նաև հայր Ֆերապոնաքը և, նշանավ խաչի պահպանելով իրեն, առանց ետ նայելու գնաց դեպի իր խուցը, դեռ շարունակելով բացականչություններ արձակել, բայց նրա ասածն արդեն բոլորովին անկապակից մի բան էր: Մի քանի հոգի, սակավաթիվ մի խումբ, հետևեցին նրան, սակայն մեծամասնությունն սկսեց ցրվել, շտապելով ժամերգության: Հայր Պախին ընթերցումը հանձնեց հայր Իսսիֆին և իջավ ներքև: Մոլեռանդների խելահեղ գոռում-գոչյունները չէին կարող սասանել նրան, բայց նրա սիրտը հանկարծ տրտմեց ու վշտագին զգացումով լցվեց, և նա զգաց, թե

որոշակի մի բան էր դրա պատճառը: Կանգ առավ ու հանկարծ հարց տվեց ինքն իրեն. «Ինչո՞ւ սրտում է անձն իմ՝ նույնիսկ վհատութեան շափ»: Եվ զարմանքով կռահեց իսկույն, թե իր այդ անակնկալ տրամուխունն ըստ երևույթին հետևանք էր մի շատ փոքր ու մասնակի պատճառի. խուցի դռան առաջ խոնաված տազ-նապահույզ ամբոխի մեջ նկատել էր նաև Ալյոշային, և հիմա հիշեց, որ այդ պահին, տեսնելով նրան, իր սրտում մի տեսակ ցավ էր զգացել անմիջապես: «Բայց մի՞թե այդ մանուկն այս-բան մեծ նշանակություն ունի այժմ իմ սրտում», — հանկարծ զարմանքով հարցրեց նա ինքն իրեն: Եվ հենց այդ րոպեին էլ Ալյոշան անցնում էր նրա մոտից, կարծես շտապելով մի տեղ, բայց ոչ դեպի եկեղեցի: Նրանց աչքերը հանդիպեցին: Ալյոշան արագորեն շրջեց հայացքը և խոնարհեց գետին, և արդեն պատանու տեսքից միայն հայր Պաիսին կռահեց, թե այդ րոպեին ինչպիսի՞ մեծ փոփոխություն է կատարվում նրա մեջ:

— Գուցե դո՞ւ ևս գայթակղվեցիր, — գուցե հանկարծ հայր Պաիսին, — Բայց մի՞թե դո՞ւ ևս թերահավատների հետ ես, — ավելացրեց նա վշտագին:

Ալյոշան կանգ առավ և մի տեսակ անորոշ նայեց հայր Պաիսին, բայց նորից արագորեն շրջեց հայացքը և խոնարհեց գետին: Կանգնած էր կողքով և դեմքը շղարձրեց նրա կողմը, ով հարց էր տվել իրեն: Հայր Պաիսին դիտում էր ուշադիր:

— Իսկ ո՞ւր ես աճապարում: Զանգը հրավիրում է ժամերգութեան, — ասաց նա կրկին, բայց Ալյոշան դարձյալ պատասխան չտվեց:

— Գուցե հեռանում ես մենաստանից: Բայց ինչպե՞ս թե առանց թողութուն խնդրելու՞, առանց օրհնություն ստանալու՞:

Ալյոշան հանկարծ ծուռ ժպտաց, մի տարօրինակ, շատ տարօրինակ հայացք նետեց հայր սուրբի վրա, որ իրեն հարց էր տալիս, այն հայր սուրբի, որի խնամքին էր հանձնել իրեն իր նախկին առաջնորդը, իր սրտի ու մտքի նախկին տերը, իր սիրելի սրբահայրը՝ մեռնելու պահին: Եվ հանկարծ, նորից առանց պատասխան տալու, ձեռքը թափ տվեց, կարծես նույնիսկ հոգ շանելով ակնածանքի մասին, և արագ քայլերով գնաց դեպի դարպասը՝ դուրս մենաստանից:

— Դեռ կվերադառնա՞ս, — շշուշաց հայր Պաիսին, վշտագին զարմանքով նայելով նրա ետևից:

Հայր Պաիսին շտապվեց անշուշտ, երբ որոշեց, թե իր «սիրելի տղան» կվերադառնա նորից, և գուցե նույնիսկ կռահեց (թեկուզ ոչ լրիվ, բայց այնուամենայնիվ խորաթափանցորեն) Ալյոշայի հոգեվիճակի բուն իմաստը: Եվ սակայն խոստովանում եմ անկեղծորեն, որ ինձ համար էլ շատ դժվար կլիներ հիմա որոշապես բացահայտել բուն իմաստը այդ տարօրինակ ու տարտամ պահի, որ հասել էր իմ այնքա՞ն սիրած ու դեռ այնքա՞ն երիտասարդ հերոսի կյանքում: Հայր Պաիսիի տված վըշտագին հարցին՝ «Մի՞թե դո՞ւ ևս թերահավատների հետ ես», կարող էի անշուշտ վստահորեն պատասխանել Ալյոշայի փոխարեն. «Ոչ, նա թերահավատների հետ չէ»: Նույնիսկ ավելին. ճիշտ հակառակն էր տեղի ունեցել՝ նրա շփոթմունքն առաջացել էր հենց այն պատճառով, որ նա շատ էր հավատում: Բայց համենայն դեպս շփոթմունքն առաջացել էր ու կար, և այնքա՞ն տանջալից էր, որ նույնիսկ հետագայում, երկար ժամանակ անցնելուց հետո, Ալյոշան իր կյանքի ամենածանր ու ճակատագրակալ օրերից մեկն էր համարում այդ վշտալի օրը: Իսկ եթե ուղղակի հարցնեն՝ «Բայց մի՞թե այդ ամբողջ վիշտն ու այդպիսի տազնապը կարող էին նրա մեջ առաջ գալ պարզ այն պատճառով, որ նրա սրբահոր մարմինը, փոխանակ անմիջապես բուժական զորություն ի հայտ բերելու, ընդհակառակն, այդպիսի կանխահաս նեխման ենթարկվեց», ես կպատասխանեմ առանց երկմտության. «Այո, իրոք այդպես էր»: Միայն թե կխնդրեի ընթերցողից, որ դեռ շտապի ծիծաղի առարկա դարձնել իմ պատանի հերոսի մաքուր սիրտը: Իսկ ինքս ոչ միայն մտադիր չեմ ներողամտություն խնդրելու նրա նկատմամբ և կամ նրա պարզամիտ հավատքն արդարացնելու, օրինակ, պատանեկան տարիքի թերություններով կամ էլ ուսման մեջ նրա ունեցած նվազ առաջադիմությամբ և այլն, և այլն, ընդհակառակն, նույնիսկ հայտարարում եմ անվարան, որ անկեղծ հարգանք եմ զգում նրա սրտի այդ բնատուր հատկության հանդեպ: Իհարկե, մի ուրիշ պատանի, որ զգուշությամբ է ընկալում սրտաշարժ տպավորությունները և որ արդեն կարող է սիրել ոչ թե խանդակաթ ջերմությամբ, այլ պարզապես գաղջորեն, թեկուզ և ուղղակիչիւ,

բայց տարիքի համեմատ չափազանց խոհեմ (ուստի և էժանագին) խելքով, այդպիսի պատանին, ասում եմ, կխուսափեր այն բանից, որ պատահեց իմ նորատի հերոսին: Բայց որոշ դեպքերում, ճիշտն ասած, ավելի պատվաբեր է անձնատուր լինել թեկուզ անխոհեմ, բայց այնուամենայնիվ մեծ սիրուց ծնված զգացմունքի, քան բոլորովին չենթարկվել դրան: Եվ առավել ևս՝ պատանեկան տարիքում, որովհետև անբարեհույս է այն պատանին, որ շփոթ դուրս հարատևորեն խոհեմությունն է անում, և չի կարելի մի մեծ արժեք տալ նրան. ահա՛ իմ կարծիքը: «Բայց,— գուցե բացականչեն հիմա խելամիտ մարդիկ,— չի կարող ամեն մի պատանի այդպիսի նախապաշարմունքի հավատալ, և ձեր պատանի հերոսը օրինակ չէ մնացյալների համար»։ Դրան ես դարձյալ կպատասխանեմ՝ այո՛, իմ պատանի հերոսը հավատում էր, հավատում էր սրբանվեր ու անասան, բայց այնուամենայնիվ ես ներողամտություն չեմ խնդրում նրա նկատմամբ:

Գիտե՞ք ինչ. թեև ես քիչ առաջ հայտարարեցի (և գուցե շատ հապճեպորեն), որ չեմ սկսի բացատրություններ տալ ու արդարացնել իմ հերոսին, բայց տեսնում եմ, որ համենայն դեպս անհրաժեշտ է պարզել մի որոշ բան, որպեսզի հասկանալի լինի պատմության հետագա ընթացքը: Ուրեմն ասեմ ահա. խնդիրն այստեղ հրաշքը չէ: Թեթևամիտ անհամբերությունը չէ, որ Ալյոշան հրաշքի էր սպասում: Եվ ոչ թե ինչ-որ համոզմունքների հաղթանակի համար էր, որ հրաշք էր պետք նրան այն ժամանակ (այդ արդեն բոլորովին բացառված է), ոչ թե ինչ-որ կանխակալ գաղափարի համար, որ մի ուրիշ գաղափարի վրա հաղթանակ տաներ շուտով, ո՛չ, ամենևին ոչ. այդ բոլորի մեջ ամենից առաջ տեսնում էր մի դեմք, ու միայն մի դեմք՝ դեմքն իր սիրեցյալ սրբահոր, դեմքն այն արդարակյաց մարդու, որին նա այդպես պաշտելու շփոթ մեծարում էր: Հենց այս է խնդիրը. «բոլորի և ամեն ինչի» նկատմամբ այն սերը, որ պահված էր նրա պատանեկան մաքուր սրտում, այդ օրերին ու նախորդող ամբողջ տարվա ընթացքում կարծես լիովին կենտրոնանում էր (և գուցե նույնիսկ սխալ կերպով) լոկ մի էակի վրա առավելապես, գոնե իր սրտի ուժեղագույն մղումների դրսևորման պահին. և այդ էակը իր սիրեցյալ սրբահայրն էր՝ այժմ արդեն հանգուցյալ: Ծիշտ է, այդ էական այնքա՛ն երկար ժամանակ նրա առաջ կանգնել էր որպես անվիճելի իդեալ, որ նրա սրտի բոլոր թարմ ուժերը չէին

կարող արդեն չձգտել բացառապես դեպի այդ իդեալը, մերթ ընդ մերթ «բոլորին և ամեն ինչ» մոռանալու աստիճան: (Հետագայում ինքն էր հիշում, որ այդ ծանր օրվա ընթացքում բոլորովին մոռացավ իր եղբայր Դմիտրիին, որի մասին այնքա՛ն մտահոգվել ու տրտմել էր նախորդ օրը. մոռացավ նաև երկու հարյուր ուրբլին տանել Իլյոշայի հայրիկին, մի բան, որ այնպիսի՛ եռանդով մտադրել էր կատարել նույնպես նախորդ օրը): Սակայն դարձյալ՝ ոչ թե հրաշք էր պետք նրան, այլ լոկ «գեորագույն արդարություն», որ խախտվել էր ի հեճուկս իր հավատքի, որով և այնքա՛ն դաժանորեն ու անակնկալորեն վիրավորվել էր իր սիրտը: Եվ ի՛նչ փուլթ, թե այդ «արդարությունը», իրերի իսկ բերումով, հրաշքի ձև էր ստացել Ալյոշայի ակնկալությունների մեջ, այն հրաշքի, որ անմիջականորեն սպասվում էր իր պաշտած առաջնորդի աճյունից: Զե՛ որ վանքում բոլորն էլ այդպես էին մտածում ու ակնկալում, նույնիսկ նրանք, որոնց խելքի առաջ խոնարհվում էր Ալյոշան. հենց հայր Պախին, օրինակ: Եվ ահա Ալյոշան, առանց տարակույսներով խոռվելու ինքն իրեն, իր իղձերին էլ տվեց այն նույն ձևը, որ բոլորն էին տվել: Եվ վաղուց արդեն նրա սիրտն այդ կերտվածքն էր ստացել, մի ամբողջ տարվա վանական կյանքի սովորություններ, և նա արդեն վարժվել էր այդպես ակնկալելու: Բայց նա ծարավի էր արդարություն, արդարությա՛ն, և ոչ թե լոկ հրաշքի: Եվ ահա այն մարդը, որ, ըստ Ալյոշայի ակնկալության, պետք է բոլորից վեր դասվեր ամբողջ աշխարհում, այդ նո՛ւյն մարդն ահա, փոխանակ իրեն արժանի փառքով փառավորվելու, հանկարծ տապալվել ու անտրգվել էր: Վասն ինչի՞: Ո՞վ էր գատել: Ո՞վ կարող էր այդպիսի վճիռ արձակել: Ահա այն հարցերը, որ անմիջապես տանջեցին նրա անփորձ ու կուսական սիրտը: Զէր կարող նա առանց վիրավորանք կրելու, առանց սրտակտուր ցասման հանդուրժել, որ արդարների մեջ արդարագույնը մատնելի ամբոխի շարախինդ ծաղրուծանակին, այնքա՛ն թեթևամիտ և նրանից այնքա՛ն ցածր կանգնած ամբոխի: Դե լավ, թող բոլորովին էլ հրաշք չպատահեր, թող ոչ մի հրաշակերպ բան չհայտնվեր ու շարժարանային անմիջական ակնկալությունները, բայց ինչո՞ւ այս անփառոտնակությունը հայտնվեց, ինչո՞ւ թույլատրվեց այս նախատի՛նքը, ինչո՞ւ եղավ այս շուտափուլ թեթևամիտ, «որ բնությունը կանխեց», ինչպես շարամիտ վանականներն էին ասում: Ինչո՞ւ այս «նշանը», որ նրանք այնպես հաղթականորեն

հետեցնում են հայր Ֆերապոնտի հետ միասին, և ինչո՞ւ նրանք հավատում են, թե նույնիսկ իրավունք են ստացել այդպես հետեցնելու: Իսկ ո՞ւր է նախախնամությունը և մատը նրա: Ինչո՞ւ նախախնամությունը թաքցրեց իր մատը «ամենակարևոր բուսակին» (մտածում էր Ալյոշան) և կարծես ինքն իսկ ուզեց ենթարկվել բնության կույր, համր, անողոք օրենքներին:

Ահա թե ինչու արյուն էր կաթում Ալյոշայի սրտից, և անշուշտ, ինչպես ասացի արդեն, նրա վշտի բուն շարժառիթը այն մա՛րդն էր, որին ամենից ավելի էր սիրում աշխարհում, և որ «նախատինք» էր կրել, «փառագրկվել» էր: Ասենք թե իմ պատանի հերոսի այս տրտունջը թեթևամիտ ու անխոհեմ բան էր, սակայն դարձյալ ու երրորդ անգամ վրկնում եմ (և նախօրոք համաձայն եմ, որ զուցե նույնպես թեթևամտություն եմ անում)— ուրախ եմ, որ իմ պատանի հերոսը այդքան խոհեմություն չցուցաբերեց այդպիսի պահին, որովհետև խելացի մարդու համար միշտ էլ կգա խոհեմության ժամանակը, բայց եթե այդպիսի բացառիկ պահին անգամ սե՛րը շտիրի պատանու սղորտում, այլևս ե՛րբ է տիրելու: Եվ սակայն շեմ ուզում այս առթիվ լուծյան մատենել մի տարօրինակ երևույթ, որ թեև հարևանցիորեն, բայց այնուամենայնիվ ի հայտ եկավ Ալյոշայի մտքում՝ նրա համար ճակատագրական ու անստույգ այդ պահին: Վայրկենաբար առկայծած այդ նոր բանը տանջալի մի տպավորություն էր՝ Իվանի հետ ունեցած երեկվա խոսակցությունից, որ հիմա Ալյոշայի միտքն էր գալիս անդադար: Այո, հենց հիմա, այս պահին: Օ՛, ոչ թե որևէ բան խախտվել էր նրա հոգու հիմնական, այսպես ասած տարերային հավատից, ո՞չ: Նա սիրում ու անսասան հավատում էր իր աստծուն, թեև անակնկալորեն տրտնջացել էր նրա դեմ: Բայց, համենայն դեպս, Իվանի հետ երեկվա խոսակցության վերհիշումից ծնվող տարտամ, բայց տանջալից ու հոռի տպավորությունը հիմա հանկարծ վերբուստին սկսել էր խլրտալ նրա հոգում և ավելի ու ավելի համառորեն պահանջում էր մակերես քարձրանալ:

Մտքն իջնում էր արդեն, երբ Ռակիտինը, որ մենաստանից վանք գնալիս անցնում էր սոճու պուրակով, հանկարծ նկատեց Ալյոշային՝ ծառի տակ երեսնիվայր պառկած, անշարժ ու ասես քնած: Նա մոտեցավ ու ձայն տվեց:

— Դու... այստե՞ղ ես, Ալեքսեյ: Բայց մի՞թե դու... — սկսեց նա զարմացած, սակայն խոսքը կես թողեց: Ուզում էր ասել՝

«Մի՞թե դու ա՛յս բաճիճ հասար»: Ալյոշան շնայեց, բայց նրա մի տարտամ շարժումից Ռակիտինն անմիջապես իմացավ, որ նա լսում է իրեն ու հասկանում:

— Իսկ ի՞նչ է պատահել քեզ,— շարունակում էր նա զարմանալ, բայց նրա դեմքին զարմանքն սկսում էր փոխվել ժպիտի, որն ավելի ու ավելի հեզնական էր դառնում:

— Լսի՛ր, ախր երկու ժամից ավելի է՝ քեզ եմ փնտրում: Հանկարծ կորար այնտեղից: Բայց ի՞նչ ես անում այստեղ: Ի՞նչ հիմարաբանություն է մտել գլուխդ: Գե գոնե նայի՛ր ինձ...

Ալյոշան գլուխը բարձրացրեց, նստեց ու մեջքով հենվեց ծառին: Չէր արտասվում, բայց դեմքին տառապանքի արտահայտություն կար, իսկ աչքերի մեջ ջղայնություն էր երևում: Սակայն նայում էր ոչ թե Ռակիտինին, այլ մի ուրիշ կողմ:

— Գիտե՞ս, դեմքդ բոլորովին փոխվել է: Քո այն նախկին նշանավոր հեզությունից բան չի մնացել: Բարկացե՛լ ես որևէ մեկի վրա, ինչ է: Անպատվե՞լ են քեզ:

— Հանգի՛ստ թող ինձ,— ասաց հանկարծ Ալյոշան, դեռ շարունակելով ուրիշ կողմ նայել և ձեռքի հոգնած մի շարժում անելով:

— Օհո՛, դրա՞ն հասանք: Սկսեցինք բոբռա՞լ, իսկ և իսկ ուրիշ մահկանացուների նման: Եվ սա երկնքի՞ց իջած հրեշտակ է, հա՛, է՛, Ալյոշկա, զարմացրի՛ր ինձ, գիտե՞ս, անկեղծ եմ ասում: Այստեղ վաղուց չէի զարմացել որևէ բանի վրա: Բայց, համենայն դեպս, քեզ զարգացած մարդ էի համարում...

Ալյոշան վերջապես նայեց նրան, բայց մի տեսակ մտացիք, վարժես դեռ լավ չհասկանալով նրա ասածը:

— Բայց մի՞թե իսկապես պատճառը քո ծերուկի հոտելն է միայն: Ինչ է, լրջորեն հավատո՞ւմ էիր, որ նա կսկսի հրաշքներ թափել,— գոչեց Ռակիտինը, նորից շատ անկեղծորեն զարմանալով:

— Հավատում էի, հավատում եմ, ուզո՞ւմ եմ հավատալ և պիտի հավատա՞մ, դե էլ ի՞նչ ես ուզում ինձնից,— գոռաց Ալյոշան ջղայնորեն:

— Ոչինչ չեմ ուզում, սիրելիս: Թո՛ւհ, գրողը տանի, ախր տասներեք տարեկան դպրոցականն էլ հիմա չի հավատում դրան: Բայց դե հե՛րն անիծած... է՛հ, ուրեմն հիմա դու զայրացել ես քո ասածն դեմ, ըմբոստացել ես, հա՞. այսինքն թե՛ աստիճանի

բարձրացումն աչքաթող արեցին, տոնի առթիվ շքանշան չտվեցին: էիս, տիպեր եք, հա՛:

Ալյոշան մի երկար հայացք նետեց Ռակիտինի վրա, աչքերը մի տեսակ կկոցած, և հանկարծ մի բան փայլատակեց նրա աչքերում... բայց դա ոչ թե գայրույթ էր Ռակիտինի հանդեպ:

— Ես իմ աստծո դեմ չեմ ըմբոստանում. պարզապես «չեմ ընդունում նրա աշխարհը»,— ծուռ ժպտաց հանկարծ Ալյոշան:

— Ինչպե՞ս թե չես ընդունում աշխարհը,— մի քիչ մտածեց Ռակիտինը նրա պատասխանի վրա:— Ա՞յդ ինչ ցնդաբանություն է:

Ալյոշան չպատասխանեց:

— Դե բավական է քրքրենք այդ դատարկ բաները: Գործի անցնենք. մի բան կերե՞լ ես այսօր:

— Չեմ հիշում... կարծեմ կերել եմ:

— Քեզ կազդուրվել է պետք, դատելով դեմքիցդ: Մարդ որ երեսիդ նայի, մեղքանալը կգա: Գիշերն էլ ախր չես քնել, լսում էի, ժողով ունեիք այնտեղ: Եվ հետո՝ այս ամբողջ քաշկոտուքն ու խժթածանքը... Կաշկա՝ նշխարի մի կտոր ես կերել: Գրպանումս երշիկ ունեմ, ցերեկը համենայն դեպս վերցրել էի քաղաքից, երբ այստեղ էի գալիս: Միայն թե դու երշիկ չես ուտի...

— Դե տո՛ւր, երշիկ տուր:

— Է՛հ: Ուրեմն ա՛յ թե ինչ: Դե ասա՝ կատարյալ ապրուստամբություն է, բարիկաղնեբր՛վ: Է՛, ախպերս, չի կարելի այսպիսի բանը աչքաթող անել: Գնանք իմ սենյակը... Հիմա ինքս էլ մի քիչ օղի կկոնծեի, մեռնում եմ հոգնությունից: Բայց երևի օղին չես համարձակվի... թե՞ կխմես, հա՞:

— Տո՛ւր, օղի էլ տուր:

— Բահո՛, շքանշանում ես, ախպերս,— աչքերը լայն բացեց Ռակիտինը:— Դե լավ, այսպես թե այնպես, օղի լինի թե երշիկ՝ հոյակա՛պ բան է, լավ առիթ է, չի կարելի բաց թողնել: Գնա՛նք: Ալյոշան լուռ վեր կացավ գետնից ու հետևեց Ռակիտինին:

— Իվան եղբայրդ տեսնե՞ր այս բանը, ա՛յ թե կզարմանար, հա՛: Ի դեպ, Իվան Ֆյոդորովիչդ այս առավոտ թռավ-գնաց Մոսկվա, գիտե՞ս, թե չէ:

— Գիտեմ,— անտարբեր ասաց Ալյոշան, և հանկարծ նրա մտքում առկայծեց Գիտորիի դեմքը, բայց միայն առկայծեց մի վայրկյան, ու թեև մի բան հիշեցրեց, շտապ մի գործ, որն արդեն ոչ մի րոպե չէր կարելի հետաձգել, ինչ-որ մի պարտակա-

նություն, ահավոր մի անհրաժեշտություն, սակայն այդ հիշեցումն էլ ոչ մի տպավորություն չգործեց նրա վրա, շհասավ սրտին, հենց նույն վայրկյանին դուրս թռավ հիշողությունից ու մոռացվեց: Բայց Ալյոշան հետագայում երկար ժամանակ չկարողացավ մոռանալ այդ վայրկյանը:

— Քո եղբայր Վանյան մի անգամ բարբառե՛ց իմ մասին, թե ես մի «անշնորհք, լիբերալ տոպրակ» եմ: Եվ դու էլ մի անգամ շղիմացար ու իմ կտուրը քար գցեցիր, թե «անազնիվ» եմ ես... Լա՛վ, թող այդպես լինի: Դե հիմա կտեսնեմ ձեր շնորհքն ու ազնվությունը: (Այս վերջինը քթի տակ ասաց Ռակիտինը, փսփսալով): Թո՛ւհ, լսի՛ր,— սկսեց նա նորից բարձրաձայն,— վանքը մի կողմ թողնենք, ուղղակի քաղաք գնանք արահետով... Հը՛մ: Պետք է, ի դեպ, Խոխալկովային հանդիպեմ: Երևակայիր, ես նրան գրավոր տեղեկացրի ամբողջ պատահածը, և, պատկերացնո՛ւմ ես, նա իսկույն ինձ պատասխանեց մատիտով գրած մի երկտողով (այդ տիկինը սոսկաղի սիրում է երկտողներ գրել): «Ոչ մի կերպ,— ասում է,— այդպիսի՛ առա՛ք չէի սպասում այնքան պատկառելի մի սրբահայրից, ինչպիսին հայր Զոսիման է»: Հենց այդպես էլ գրել է՝ «արա՛ք»: Նույնպես գայրացե՛լ է ախր: Է՛իս, բողոք էլ տիպե՛ր եք: Սպասի՛ր,— հանկարծ գոռաց նա նորից, մեկեն կանգ առավ և, բռնելով Ալյոշայի ուսը, նրան էլ կանգնեցրեց:

— Գիտե՞ս, Ալյոշկա,— խուզարկու հայացքով նայեց Ռակիտինը նրա աչքերի մեջ, ամբողջովին տարված մի նոր մտքով, որ հանկարծ ծագել էր իր գլխում. ու թեև ծիծաղում էր արտաքուստ, բայց ըստ երևույթին վախենում էր բարձրաձայն ասել այդ իր նոր միտքը, որովհետև Ալյոշայի ներկա տրամադրությունը ա՛յն աստիճան տարօրինակ ու անսպասելի էր թվում, որ դեռ չէր կարողանում հավատալ դրան:— Ամենալավը, Ալյոշկա... գիտե՞ս ուր գնալինք հիմա,— ասաց նա վերջապես վարանոտ ու շողոմ մի շեշտով:

— Միևնույն է... ուր որ ուզես:

— Գնանք Գրուշենկայի մոտ, հը՛: Կգա՞ս,— ասաց ի վերջո Ռակիտինը, մինչև իսկ դողալով վարանոտ սպասումից:

— Գնանք Գրուշենկայի մոտ,— հանգիստ պատասխանեց Ալյոշան իսկույն ևեթ, և այդպիսի անմիջական ու հանգիստ պատասխանը այնքան անսպասելի էր Ռակիտինի համար, որ քիչ մնաց նա ետ ցատկեր:

— Գե՛... դե լա՛վ... Այ ահա՛,— սկսել էր գոռալ նա շժմած, բայց հանկարծ պինդ թևանցուկ արեց Ալյոշային և արագորեն տարավ նրան արահետով, դեռ սաստիկ երկյուղ կրելով, որ նրա այդ խիզախությունը հանկարծ հօդս կցնդի: Լուռ քայլում էին, Ռակիտինը նույնիսկ վախենում էր խոսել:

— Ինչպե՛ս կուրախանա հիմա Գրուշենկան, ինչպե՛ս կուրախանա... — սկսեց մրթմրթալ նա, բայց նորից բերանը փակեց: Եվ արդեն բնավ էլ Գրուշենկային ուրախացնելու համար չէր, որ Ալյոշային տանում էր նրա մոտ. լուրջ մարդ էր Ռակիտինը և առանց իր համար շահաբեր մի նպատակ ունենալու ոչինչ չէր ձեռնարկում: Իսկ հիմա նա երկակի նպատակ ուներ. նախ՝ ուզում էր վրեժ առնել, այսինքն տեսնել «արդարակյացի խայտառակվելը»՝ Ալյոշայի «անկումը սրբութունից դեպի մեղսագործություն», որն արդեն նախօրոք ըմբռնված էր մտովի, և երկրորդ՝ աչքի առաջ ուներ նաև նյութական մի որոշ շահագրգռություն, իր համար շատ օգտաբեր, որի մասին խոսք կլինի ստորև:

«Ուրեմն այսպիսի բախտորոշ մի պահ ստացվեց,— մտածում էր նա ինքնիրեն շարախինդ զվարթությամբ,— այ ուրեմն հիմա կրենենք սրա շնքից, այսինքն այս պահի, որովհետև շատ ձեռնառու է մեզ համար»:

III

ՄԻ ԿԱՆԱՆՉ ՍՈՌԵ

Գրուշենկան ապրում էր քաղաքի ամենաբանուկ մասում, Մայր եկեղեցու հրապարակի մոտ. վարձել էր փայտե փոքր մի շենք՝ վաճառականի այրի Մորոզովայի տան բակում: Մորոզովայի տունը մեծ էր, քարաշեն, երկհարկանի, հին ու շատ անբարետես. այնտեղ մեկուսացած ապրում էր պառավ տանտիրուհին իր երկու զարմուհիների հետ, որոնք նույնպես տարեց օրիորդներ էին: Նա կարիք չուներ բակի շենքը վարձով տալու, բայց բոլորը գիտեին, թե Գրուշենկային վարձակալ էր ընդունել (դեռ չորս տարի առաջ) միմիայն ի հաճույս իր ազգականի՝ վաճառական Սամսոնովի, որ Գրուշենկայի բացահայտ հովանավորն էր: Ասում էին, թե խանդոտ ծերունին երբ իր «սիրեցյալին» տեղավորում էր Մորոզովայի տանը՝ սկզբում նկատի ուներ

այն, որ պառավին իր սուր աչքով կհետևի նոր վարձակալի վարքուբարքին: Բայց շուտով պարզվեց, որ սուր աչքն ավելորդ է, Մորոզովան սկսեց նույնիսկ հազվադեպորեն հանդիպել Գրուշենկային և ի վերջո բոլորովին չէր ձանձրացնում նրան որևէ տեսակի հսկողությամբ: Ծիշտ է, արդեն չորս տարի էր անցել այն օրից, երբ ծերունին նահանգային կենտրոնական քաղաքից այս տունն էր բերել տասնութամյա երկչոտ, ամոթխած, նրբագեղ, նիհարիկ, մտածկոտ ու տխուր աղջկան, և շատ ջրեր էին հոսել դրանից հետո: Եվ սակայն մեր քաղաքում քիչ բան գիտեին այս աղջկա կենսագրությունից, այն էլ տարտամորեն. վերջին ժամանակներս էլ որևէ նոր բան չիմացան՝ նույնիսկ երբ շատ-շատերն սկսեցին հետաքրքրություն ցուցաբերել Ագրաֆենա Ալեքսանդրովնայի նկատմամբ, որ չորս տարվա ընթացքում «չքնաղ գեղեցկուհի» էր դարձել: Միայն լուր էր պտտվում, թե մարդու մեկը, իբրև թե մի սպա, խաբել ու հետո անմիջապես լքել է Գրուշենկային, երբ նա դեռ տասնյոթ տարեկան մի աղջընակ էր: Սպան թողել-գնացել է ու հետո ամուսնացել է մի տեղ, իսկ Գրուշենկան մնացել է աղքատության մեջ, պատվիլը կորցրած: Եվ սակայն ասում էին, որ թեև ծերունին իսկապես աղքատությունից է հանել Գրուշենկային, բայց աղջիկը սերում է հոգևորական դասին պատկանող մի պատվավոր ընտանիքից՝ ինչ-որ անպաշտոն սարկավազի կամ նման մի մարդու զուստրն է:

Եվ ահա ուրեմն, չորս տարվա ընթացքում, խղճուկ, անարգված ու զգայուն որբուհին դարձել էր վարդագեղ ու լիամարմին ոռու գեղեցկուհի, համարձակ ու վճռական բնավորության տեր մի կին, որ հպարտ էր ու աներես, գիտեր փողի արժեքը, ժլատ էր, զգուշավոր, ամեն ինչ ձեռք էր բերում արդար կամ անարդար միջոցներով և արդեն կարողացել էր, ինչպես ասում էին, իր սեփական փոքր դրամազուխը դիզել: Միայն մի բան կար, որին բոլորը հաստատ համոզված էին. դժվարամատչելի էր Գրուշենկան, և բացի նրա ծերունի հովանավորից՝ չորս տարվա ընթացքում չէր եղել մի մարդ, որ կարողանար պարծենալ, թե նրա բարեհաճությունն է վայելել: Դա անտարակուսելի փաստ էր, որովհետև այդ բարեհաճությունը ձեռք բերելու համար բավականաչափ հավակնորդներ էին մեջտեղ ընկել, հատկապես վերջին երկու տարիներին: Սակայն բոլոր փորձերն իզուր էին անցել, իսկ դարպասողներից ոմանք, հանդիպելով հաստատակամ պար-

մանուհու անհողողող ու հեգնակաւ ընդդիմութեան, ստիպված էին եղել մինչև իսկ զավեշտական ու ամոթալի նահանջի դիմել: Հայտնի էր նաև, որ այս պարմանուհին, հատկապես վերջին տարվա ընթացքում, սկսել էր այսպես կոչված «ձեռնտու գործերով» զբաղվել և այդ ուղղությամբ ցուցաբերել էր արտակարգ ընդունակութուններ, այնպես որ շատերն ի վերջո իսկական ջհուդ էին կոչել նրան: Ոչ թե վաշխառուական տոկոսներով փող էր պարտք տալիս, այլ ուրիշ գործարքներ էր անում. հայտնի էր զարձեղ, օրինակ, որ մի որոշ ժամանակից ի վեր ընկերացել է Ֆյոգոր Պավլովիչ Կարամազովի հետ և, իրոք, մուրհակներ գնելով էլ զբաղվում. առնում է շնչին գնով՝ ուրբու դիմաց տասը կոպեկով, իսկ հետո որոշ մուրհակներից տասնապատիկ օգուտ է անում՝ տասը կոպեկի դիմաց մի ուրբի ձեռք բերելով:

Այրի ու հիվանդ Սամսոնովը, որի ոտքերն ուռել էին և վերջին տարում մատնվել անշարժութեան, ժլատ ու անողորմ մի մեծահարուստ էր, իր հասուն որդիների բռնակալը, սակայն ընկել էր իր պաշտպանյալի ուժեղ ազդեցության տակ, թեև սկզբում նրան իր բռի մեջ էր պահում ու ամեն կերպ ճնշում էր, ստիպում էր «ծոմ բռնել», ինչպես ծաղրասեր մարդիկ ասում էին այն ժամանակ: Բայց Գրուշենկան կարողացել էր ազատագրվել, միաժամանակ իր հավատարմության նկատմամբ անսահման վստահություն ներշնչելով ծերունուն: Այս ծերունին (այժմ արդեն վաղուց հանգուցյալ) խիստ գործարար մարդ էր և նույնպես աչքի էր ընկնում իր բնավորությամբ, մանավանդ շատ կծծի էր ու կայծքարի նման անկոտորում. ու թեև Գրուշենկան այնպես էր նվաճել նրան, որ ծերունին չէր էլ կարող ապրել առանց իր պաշտպանյալի (մանավանդ վերջին երկու տարիներին հենց այդպես էր), բայց ժլատ վաճառականը այնուամենայնիվ մի մեծ գրամագուլիս շատկացրեց Գրուշենկային, և եթե վերջինս նույնիսկ սպառնար բոլորովին լքել նրան, նորից էլ ծերունին անդրադառնալի կմնար: Բայց, համենայն դեպս, մի փոքր գրամագուլիս հատկացրել էր, և նույնիսկ այդ էլ զարմացրեց բոլորին, երբ հայտնի դարձավ: «Դու ինքզ էլ հաշիվդ իմացող կնիկ ես,— ասաց նա Գրուշենկային, ութ հազար ուրբի տալով,— և ինքզ էլ գործ արա, բայց իմացիր, որ այլևս ինձից ոչինչ չես ստանա մինչև մեռնելս, բացի առաջվա նման քո տարեկան ապրուստի փողից, և կտակիս մեջ էլ ոչինչ չեմ հատկացնելու քեզ»: Եվ նա իր խոսքը կատարեց. մեռավ ու ամեն

ինչ թողեց իր որդիներին, որոնց, կանանց ու երեխաների հետ, ծառաների պես էր պահել իր ամբողջ կյանքում, իսկ Գրուշենկային իր կտակում բոլորովին չհիշատակեց նույնիսկ: Այս ամբողջը հայտնի դարձավ հետագայում: Բայց նա Գրուշենկային շատ էր օգնում իր խորհուրդներով, թե ինչպես պետք է գործի դնել «սեփական գրամագուլիսը», և շահաբեր «գործեր» էր ցույց տալիս նրան: Երբ Ֆյոգոր Պավլովիչ Կարամազովը, որ սկզբում մի պատահական «ձեռնտու գործի» առիթով էր կապվել Գրուշենկայի հետ, վերջ ի վերջո իր համար բոլորովին անսպասելիորեն սիրահարվեց նրան և այն էլ խելքը թոցնելու աստիճան, ծերունի Սամսոնովը, մահամերձ հիվանդ լինելով հանդերձ, սկսեց կուշտ ու կուռ ծիծաղել նրա վրա: Ուշագրավ է այն, որ Գրուշենկան լիովին ու նույնիսկ սրտանց անկեղծ էր իր ծերունու հանդեպ՝ իրենց ամբողջ ծանոթության ընթացքում, և կարծես թե ծերունին աշխարհում միակ մարդն էր, որին նա այդպես էր վերաբերվում: Վերջերս, երբ Դմիտրի Ֆյոգորովիչն էլ հանդես էր եկել իր բուն սիրով, Սամսոնովը դադարեց ծիծաղելուց: Ընդհակառակն, մի անգամ անժպիտ լրջությամբ խորհուրդ տվեց Գրուշենկային. «Եթե պետք լինի ընտրել երկուսից մեկին՝ հորը կամ սրդան, դու ծերունին ընտրիր, բայց այն պայմանով, որ պառավ սրիկան անպատճառ ամուսնանա քեզ հետ և նախապես գոնե մի որոշ գրամագուլիս փոխանցի քո անվանը: Իսկ կապիտանի հետ գլուխ մի՛ դնիր, խեղ չկա նրանից»: Ահա հենց այս խոսքերն ասաց ծերունի հեշտասերը, որ այն ժամանակ արդեն նախազգում էր իր մոտալուտ մահը և, իսկապես էլ, Գրուշենկային այս խորհուրդը տալուց հինգ ամիս հետո մեռավ: Հարևանցիորեն նշեմ նաև, որ թեպետ այդ ժամանակ մեր քաղաքում շատերը գիտեին հայր և որդի Կարամազովների անհեթեթ ու անճոռնի մրցակցության մասին, որի առարկան էր Գրուշենկան, բայց հազիվ թե որևէ մեկը հասկանում էր այդ երկուսի հանդեպ նրա վերաբերմունքի բուն իմաստը: Նույնիսկ Գրուշենկայի երկու սպասուհիները հետագայում վկայություն տվեցին դատարանում (երբ արդեն կատարվել էր այն աղետը, որի մասին խոսելու եմ տակավին), թե Ագրաֆենա Ալեքսանդրովնան պարզապես վախից զրդված ընդունում էր Դմիտրի Ֆյոգորովիչին՝ իբր թե այն պատճառով, որ նա «սպառնում էր արյուն թափել»: Ընդամենը երկու սպասուհի ուներ Գրուշենկան. դեռ իր ծնողներից մնացած մի պառավ խո-

հարարուհի, որ հիվանդ էր ու համարյա խուլ, և նրա թուրճ քսանամյա ժիր, նորատի մի աղջիկ, որ Գրուշենկայի աղախինն էր: Իսկ Գրուշենկան շատ ժլատ էր ապրում և տան կահավորումը բնավ էլ չքեղ չէր: Նրա վարձած շենքում ընդամենը երեք սենյակ կար՝ քսանական թվականների հին, կարմիր փայտե կահ-կարասիով, որ պատկանում էր տանտիրուհուն:

Երբ Ռակիտինն ու Ալյոշան նրա տունը մտան, արդեն մութն ընկել էր համարյա, բայց սենյակները դեռ լուսավորված չէին: Գրուշենկան պառկել էր իր հյուրասենյակի խոշոր, անճոռնի, կոշտ բազմոցի վրա, որ կարմիր փայտե թիկնակ ուներ ու երեսապատված էր վաղուց մաշված ու ծակծկուն կաշվով: Անկողնից բերված երկու սպիտակ, փետրալից բարձեր կային գլխի տակ: Մեջքի վրա մեկնվել էր անշարժ, երկու ձեռքերը գլխի ետևը դրած: Զուգվել-զարդարվել էր, կարծես հատուկ մի մարդու էր սպասում. մետաքսյա սև շրջազգեստ էր հագել ու դրել էր ժանյակե թեթև մի գլխազարդ, որ վայելուչ էր. ուսերին ժանեկահյուս մի վարջամակ էր դրել՝ ոսկե մեծղի զարդասեղով ամրացրած: Նա հենց մի հատուկ մարդու էր սպասում, պառկել էր ասես անձկությամբ լի ու անհամբեր, դեմքը մի քիչ գունատված, շրթունքներն ու աչքերը վառվում էին, աչքերի ծայրով անհանգիստ թխթխկացնում էր բազմոցի արմունկին: Հազիվ էին երևացել Ռակիտինն ու Ալյոշան, երբ մի թեթև իրարանցում տեղի ունեցավ. նախասենյակից լավեց, թե ինչպես Գրուշենկան արագորեն վեր թռավ բազմոցից և հանկարծ վախեցած գոչեց. «Այդ ո՞վ է»: Բայց հյուրերին դիմավորեց աղախինը և անմիջապես պատասխանեց իր տիրուհուն.

— Չէ, նա չէ, ուրիշ մարդիկ են, բան չկա:

«Ի՞նչ կարող է պատահած լինել», — մրթմրթաց Ռակիտինը, Ալյոշային ձեռքից բռնած տանելով հյուրասենյակ: Գրուշենկան կանգնել էր բազմոցի մոտ, կարծես դեռ վախեցած: Նրա մուգ շագանակագույն ծամերից մի հաստ փունջ, հանկարծ դուրս սահելով գլխազարդի տակից, ընկավ աչք ուսին, բայց նա չնկատեց այդ ու շուղեց, քանի դեռ ուշադիր նայում էր հյուրերին, ջանալով ճանաչել նրանց:

— Ա՛խ, դո՛ւ ես, Ռակիտկա: Քիչ մնաց վախեցնելիք ինձ: Ռ՞ւմ հետ ես եկել: Այդ ո՞վ է կողքիդ: Տե՛ր աստված, ա՛յ թե ումն է բերել, — բացականչեց նա, ճանաչելով Ալյոշային:

— Դե ասա, որ մոմեր բերեն, — խոսեց Ռակիտինը ամենամոտիկ ծանոթի և մտերիմ մարդու ազատ վարվելակերպով, մի մարդու, որ նույնիսկ իրավունք ունի կարգադրություններ անելու տան մեջ:

— Մոմե՛ր... Իհարկե մոմեր... Տենյա, մի մոմ բեր սրան... է՛հ, ժամանակ գտար մարդուն հետո բերելու, — բացականչեց նա նորից՝ գլխով ցույց տալով Ալյոշային, և դեպի հայելին դարձավ ու սկսեց արագորեն ուղղել մազերը երկու ձեռքով: Կարծես թե դժգոհ էր:

— Ի՞նչ է, չկարողացա՞ ստիճ յուղ քսել, — հարցրեց Ռակիտինը, գրեթե նեղանալով իսկույն:

— Վախեցրիք ինձ, Ռակիտկա, հասկանո՞ւմ ես, — դարձավ Գրուշենկան, ժպտալով Ալյոշային: — Մի՛ վախենար ինձնից, Ալյոշա, ջանիկա, սոսկալի ուրախ եմ, որ տեսնում եմ քեզ, իմ անսպասելի՛ հյուրս: Իսկ դու, Ռակիտկա, վախեցրիք ինձ. կարծեցի, որ Միտյան է ներս խուժում: Հասկանո՞ւմ ես, քիչ առաջ խաբեցի նրան, ստիպեցի երգվել, որ հավատում է ինձ, բայց ինքս սուտ խոսեցի: Ասացի, որ Կուզմա Կուզմիչի մոտ եմ գնում, իմ ծերուկի մոտ, ամբողջ երեկոն այնտեղ եմ լինելու և մինչև ուշ գիշեր փող եմ հաշվելու հետո: Զէ՛ որ ամեն շաբաթ գնում եմ նրա մոտ, ամբողջ երեկոն նստում եմք ու հաշիվները նայում: Դուրը կողպում եմք, նա շրխկացնում է համրիչի վրա, իսկ ես նստում եմ՝ գրանցում գրքի մեջ, ի՛նձ է վստահում միայն: Եվ Միտյան հավատաց, որ ես այնտեղ եմ, բայց ահա փակվել եմ իմ տանը, նստել եմ՝ մի լուր եմ սպասում: Ինչպե՞ս եղավ, որ Տենյան ձեզ ներս թողեց: Տե՛նյա, Տե՛նյա: Վազի՛ր դարպասի մոտ, բաց արա և նայիր չորս կողմը, կապիտանը լի՞ երևում որևէ տեղ: Թաքնվել է գուցե և աչք է պահում, մեռնում եմ վախից:

— Ոչ ոք չկա, Ագրաֆենա Ալեքսանդրովնա, հենց նոր ամեն կողմ նայեցի. բոպեն մեկ գնում ու ձեռքից էլ եմ նայում, ինքս էլ գողում եմ վախից:

— Փեղկերը փա՞կ են, Տենյա: Վարագույրն էլ իջեցնենք, ա՛յ այսպես: — Նա ինքը իջեցրեց ծանր վարագույրները: — Թե չէ՛ հենց լույսը տեսնելով ներս կխուժի: Միտյայից, քո եղբայր Միտյայից եմ վախենում այսօր, Ալյոշա: — Գրուշենկան բարձր էր խոսում՝ թեև տագնապած, բայց և համարյա ցնծությամբ լի:

— Ինչո՞ւ այդպես վախենում ես այսօր Միտյայից, — ուզեց,

իմանալ Ռակիտինը:— Կարծեմ նրանից վախեցողը չէիր, քո ծափով է նա պար գալիս:

— Ասում եմ քեզ, լուր եմ սպասում, մի ոսկի՛ լուր, այնպես որ Միտյան հիմա բոլորովին ավելորդ է: Եվ չհավատաց էլ նա, զգում եմ, չհավատաց, որ Կուզմա Կուզմիչի մոտ գնացի: Երեկ նստել է հիմա այնտեղ, այգում, Տյոզոր Պավլովիչի տան հտեր, ինձ վրա է աչք պահում: Իսկ եթե այնտեղ է թաքնվել, ուրեմն այստեղ չի գա, դե ավելի՛ լավ: Բայց ես իրոք գնացի Կուզմա Կուզմիչի մոտ, հենց Միտյան էլ ինձ ուղեկցեց. ասացի՝ մինչև կեսգիշերը նստելու եմ, և խնդրեցի, որ ինքն էլ անպայման դա կեսգիշերին, տուն բերի ինձ: Թողեց գնաց, իսկ ես մի տասը ընդհանուր նստեցի ծերուկի մոտ, ու նորից եկա այստեղ: Ո՛ւյ, ինչպես էի վախենում՝ վազում էի, որ նրան չհանդիպեմ:

— Իսկ ինչո՞ւ ես զուգվել-զարդարվել, ո՞ւր ես գնում: Այդ ի՞նչ հետաքրքիր զարդ ես դրել գլխիդ:

— Բայց թե ի՞նքդ ինչ հետաքրքիր մարդ ես, հա՛, Ռակիտին: Ասում եմ քեզ, մի լավ լուր եմ սպասում: Լուրը եկավ թե չէ՝ ցատկում եմ տեղիցս ու թռնում, էլ ինձ չե՞ք տեսնի: Հենց զուգվել-զարդարվել եմ, որ պատրաստ լինեմ:

— Իսկ ո՞ւր ես թռնում:

— Շատ իմանաս, շուտ կծերանաս:

— Մի տես, է՛: Փայլում է ուրախությունից... Քեզ երբեք այսպես չէի տեսել մինչև հիմա: Հագվել-շքվել ես՝ ոնց որ պարահանդես ես գնալու:

— Շա՛տ բան ես հասկանում պարահանդեսներից:

— Իսկ դու շա՛տ ես հասկանում:

— Ես տեսել եմ պարահանդես: Նախանցյալ տարի Կուզմա Կուզմիչին իր տղային էր ամուսնացնում, ես էլ նայում էի վերնահարկից: Ինչ է, Ռակիտկա, հիմա ես քե՞զ հետ խոսեմ, երբ այսպիսի մի իշխան է կանգնած այստեղ: Այսպիսի հյո՛ւր: Ալյոշա, սիրելիս, նայում եմ քեզ ու չեմ հավատում. աստված իմ, ինչպե՞ս եղավ որ դու հայտնվեցիր իմ տանը: Ծիշտն ասեմ քեզ՝ չէի սպասում, մտքովս էլ չէր անցնում, և առաջ էլ երբեք չեմ հավատացել, որ դու կարող էիր գալ: Թեև հիմա այն հարմար ընդհանուր չէ, բայց սոսկալի ուրախ եմ, որ եկել ես: Նստիր բազմոցին, ահա այստեղ, ա՛յ այսպես, լուսնյա՛կ իմ նորելուկ: Ծի՛շտ, կարծես դեռ աչքերիս չեմ հավատում... է՛հ, Ռակիտկա, եթե երե՛կ բերած լինեիր նրան, կամ էլ անցյալ օրը... Բայց

այսպես էլ ուրախ եմ: Գուցե ավելի լավ է, որ հիմա՛ եկավ, այսպիսի ընդհանուր, և ոչ թե անցյալ օրը...

Նա ժիր ու զվարթ նստեց Ալյոշայի կողքին, բազմոցի վրա, և ուղղակի գմայլանքով նայեց նրան: Եվ իսկապես ուրախ էր, չէր ստում այդպես ասելով: Աչքերը վառվում էին, շրթունքները ծիծաղում, բայց ծիծաղում էին ուրախ, բարեսրտորեն: Ալյոշան նույնիսկ չէր սպասում, որ այդպիսի բարի արտահայտություն կտեսնի նրա դեմքին... Մինչև երեկ նա քիչ էր հանդիպել Գրուշենկային, ահաբեկող մի կարծիք էր կազմել նրա մասին, իսկ երեկ Կատերինա Իվանովնայի գլխին նրա խաղացած շարախինդ ու նենգ խաղից այնպես էր ցնցվել, որ հիմա շատ զարմացավ, երբ հանկարծ ասես բոլորովին տարբեր, անսպասելի մի անձնավորություն տեսավ իր առաջ: Եվ որքան էլ հիմա ընկճված էր իր սեփական վշտից, այնուամենայնիվ աչքերն ակամա կանգ առան Գրուշենկայի վրա և ուշադիր նայեցին: Նրա ամբողջ վարվելակերպն էլ կարծես իսպառ բարեփոխվել էր երեկվանից հետո, գրեթե բոլորովին չկար երեկվա այն քաղցրավունությունը խոսվածքի մեջ, չկային այն փափկասուն ու սեթևեթ շարժումները... Նրա մեջ ամեն ինչ պարզ էր, սրտաբաց, շարժումներն արագ էին, շիտակ, դուրսավտահ, բայց նա շատ էր հուզված:

— Տե՛ր աստված, ինչե՛ր են կատարվում այսօր իրար ետևից, ճի՛շտ որ,— սկսեց նորից ճվլալ:— Եվ ինչո՞ւ այսքան ուրախ եմ քեզ տեսնելով, ինքս էլ չգիտեմ, Ալյոշա: Հարցնես էլ՝ չգիտեմ:

— Դե լա՛վ, չգիտե՞ս, թե ինչու ես ուրախ,— քմծիծաղ տվեց Ռակիտինը:— Մի բան կար երևի, որ միշտ էլ կպել էիր օձիթիցս՝ բե՛ր նրան, բե՛ր նրան: Մի նպատակ ունեիր անշուշտ:

— Առաջ ուրիշ նպատակ ունեի, իսկ հիմա անցավ դա, հիմա այն ընդհանուր չէ: Այ ասեմ, ուզում եմ հարգ ու պատիվ տալ ձեզ: Հիմա ես բարի եմ դարձել, Ռակիտկա: Բայց դու էլ նստիր, Ռակիտկա, ինչո՞ւ ես կանգնել: Ինչ է, նստե՛լ ես արդեն: Զվախենա՛ք, Ռակիտուշկան իր անձը մոռացողը չէ: Այ հիմա նստել է մեր դիմաց, Ալյոշա, և նեղանում է՝ ինչո՞ւ քեզնից առաջ նրա՛ն չհրավիրեցի, որ նստի: Ո՛ւյ, խոսվեցին է մեր Ռակիտկան, այնքան շո՛ւտ է նեղանում,— ծիծաղեց Գրուշենկան:— Մի՛ բարկանա, Ռակիտկա, ես բարի եմ այսօր: Բայց ինչո՞ւ այսպես տխուր նստել ես, Ալյոշկա, գուցե ինձնի՞ց ես վախենում,— զվարթ հեգնանքով նայեց Ալյոշայի աչքերի մեջ:

— Վիշտ ունի Աստիճանի բարձրացում շտվեցին,— բամձ բեց Ռակիտինը:

— Ի՞նչ աստիճանի բարձրացում:

— Նրա սրբահայրը հոտեց:

— Ինչպե՞ս թե հոտեց: Հիմար-Հիմար դուրս ես տալիս, երևի ուզում ես մի որեէ գարշելի բան ասել: Ձայնդ կտրի՞ր, խելքի տոպրակ: Ալյոշա, թույլ կտա՞ս, որ ծնկներիդ նստեմ, ա՛յ այսպես:— Եվ հանկարծ նա մոտ թռավ, ծիծաղելով նստեց Ալյոշայի ծնկներին, փաղաքուշ կատվի նման, և աչ թևով նրա վիզը գրկեց քնքշորեն:— Կուրախացնեմ քեզ, իմ բարեպա՛շտ մանչուկս: Ձէ, իտկապես, թույլ կտա՞ս, որ ծնկներիդ նստեմ, շե՞ս բարկանա: Ուզում ես՝ վեր կենամ:

Ալյոշան լուս մնաց: Նստել էր ու վախենում էր շարժվել. լսեց նրա վերջին ասածը— «Ուզում ես՝ վեր կենամ», բայց չպատասխանեց, կարծես ընդարմացել էր: Բայց նրա զգացածն այն չէր, ինչ կարող էր ակնկալել կամ երևակայել հիմա թեկուզ Ռակիտինը, օրինակ, որ ցանկասիրաբար դիտում էր նրան իր նստած տեղից: Ալյոշայի հոգին լցնող մեծ վիշտը կլանում էր բոլոր այն զգացողությունները, որոնք կարող էին ծնվել նրա սրտում, և եթե այս րոպեիս ի վիճակի լինեիր լիուլի հաշիվ տալու իրեն, ինքն էլ պիտի գիտակցեր, որ հիմա շատ ամուր զրահով է պաշտպանված ամեն մի գայթակղության ու փորձության դեմ: Բայց այնուամենայնիվ, շնայած իր հոգեվիճակի անխոս շփոթահարության և ընկճող վշտին, նա ակամա զարմանքով նկատում էր, որ մի նոր ու տարօրինակ զգացողություն է ծրնվում իր սրտի մեջ: Այս կինը, այս «սարսափելի» կինը նախկին վախը չէր պատճառում հիմա իրեն, այն վախը, որ առաջ զգում էր, երբ կին արարածի մասին որեէ մի անուրջ խոռովում էր իր հոգին մերթ ընդ մերթ: Հնդհակառակը, այս կինը, որից ամենից ավելի էր վախենում, հիմա իր ծնկներին նստած ու իրեն գրկած՝ բոլորովին տարբեր մի զգացում էր հարուցում հանկարծ իր մեջ, անսպասելի ու յուրահատուկ մի զգացում՝ մի տեսակ անսովոր, մեծագույն և ամենապարկեշտ հետաքրքրություն նրա նկատմամբ, և արդեն առանց որեէ երկյուղի. մինչև իսկ հետք չէր մնացել իր նախկին սարսափից: Ահա ա՛յս էր գլխավորը, և ա՛յս էր, որ ակամա զարմացնում էր իրեն:

— Դե բավական է հիմարություններ դուրս տաք,— գոռաց

Ռակիտինը,— ավելի լավ կլինի՝ շամպայն հյուրասիրես: Պարտք է, գիտե՞ս ինչու:

— Իրոք որ պարտքս է: Ախր ես նրան, Ալյոշա, շամպայն էլ էի խոստացել ամեն բանի վրա, եթե քեզ այստեղ բերեր: Դե հա՛, թող շամպայն լինի, ե՛ս էլ կխմեմ: Ֆե՛նյա, Ֆե՛նյա, մեզ շամպայն բեր, այն շիշը, որ Միտյան թողեց, շո՛ւտ արա: Ես թեև ժլատ եմ, բայց մի շիշ կդնեմ սեղանին, ո՛չ թե քեզ համար Ռակիտկա, դու սունկ ես, իսկ նա՛ իշխան: Ու թեև հիմա իմ հոգին ուրիշ բանով է լցված, բայց թո՛ղ այդպես լինի, ես էլ կխմեմ ձեզ հետ, սիրտս խրախճա՛նք է ուզում:

— Բայց այդ ի՞նչ հատուկ րոպեի, մասին ես խոսում, ի՞նչ «լուր» է, որ սպասում ես, կարելի՞ է հարցնել, թե՞ գաղտնիք է,— նորից մեջ բերեց Ռակիտինը հետաքրքրված, միաժամանակ գերագույն ճիգ անելով, որպեսզի ձևացնի, թե կարևորություն անգամ չի տալիս անընդհատ իրեն հասցեագրվող խայթոցներին:

— Է՛խ, գաղտնիք չէ, և ինքզ էլ գիտես արդեն,— հանկարծ մտահոգ շեշտով ասաց Գրուշենկան, զուվսը դարձնելով Ռակիտինի կողմը և մի քիչ ետ թեքվելով Ալյոշայից, թեև շարունակում էր նստած մնալ նրա ծնկներին, թեով նրա վիզը գրկած,— սպան է գալիս, Ռակիտին, իմ սպա՛ն է գալիս:

— Լսել եմ, որ գալիս է, բայց այսքան մո՞տ է արդեն:

— Մոկրոնում է հիմա, այնտեղից սուրհանդակ է ուղարկելու այստեղ. ինքն է այդպես գրել, այսօր նամակ ստացա: Նստել ու սպասում եմ սուրհանդակին:

— Այ քեզ բա՛ն: Ինչո՞ւ Մոկրոնում:

— Երկար պատմություն է, և էլ բավական է հարցնես:

— Ը՛հը, հիմա Միտենկան... օճո-հո՛: Իսկ նա գիտի՞ թե ոչ:

— Ո՞նց թե գիտի: Բոլորովին չգիտի: Որ իմանար, կսպաներ: Բայց ես հիմա բնավ էլ չեմ վախենում դրանից, չեմ վախենում նրա դանակից: Լո՞ի՛ր, Ռակիտկա, մի՛ հիշեցրու ինձ Դեմիտրի Ֆլոդորովիչի մասին, նա իմ սիրտը շարդուփշուր արեց: Եվ ոչ մի այդպիսի բանի մասին չեմ էլ ուզում մտածել այս րոպեիս: Ա՛յ, Ալյոշայի մասին կարող եմ մտածել, Ալյոշայի՞ն եմ նայում ես... Դե ժպտա՛ ինձ, սիրելիս, զվարճացի՛ր, խնդա՛ իմ հիմարության, իմ ուրախության վրա... Օ՛, ժպտաց ահա, ժպտաց: Տես, ի՞նչ սիրալիկ է նայում: Գիտե՞ս, Ալյոշա, անընդհատ մտածում էի, որ դու ինձ վրա բարկանում ես անցյալ օրվա

համար, այդ օրիորդի համար... Շուն էի այդ օրը, այ ասեմ
ահա... Բայց համենայն դեպս լավ էր, որ այդպես եղավ: Ե՛վ
վատ էր, և՛ լավ,— մտածկոտ ժպտաց հանկարծ Գրուշենկան, և
մի դաժան նշույլ կայծկլտաց նրա ժպիտի մեջ:— Միտյան ասում
էր, որ նա գոռացել է՝ «Մտրակո՞վ պետք է ծեծել նրան»: Այո,
շատ խիստ վիրավորեցի օրիորդին: Կանչել էր ինձ, հաղթել էր
ուզում, ուզում էր իր շոկոլադով հրապուրել... Չէ՞, լավ էր, որ
այդպես եղավ,— ժպտաց նորից Գրուշենկան:— Բայց այ վախե-
նում եմ, որ դո՛ւ բարկացած լինես...

— Եվ ճի՛շտ որ,— լուրջ զարմանքով վրա բերեց հանկարծ
Ռակիտինը:— Ախր նա իսկապես քեզնից վախենում է, Ալյոշա,
քեզ նման ճուտիկից:

— Քե՞զ համար է նա ճուտիկ, Ռակիտկա, հասկացա՞ր...
որովհետև դու խիղճ չունես, հասկացա՞ր: Տեսնում ես, հոգո՞վ
եմ սիրում նրան, հասկացա՞ր: Ալյոշա, հավատո՞ւմ ես, որ ես
քեզ սիրում եմ ամբողջ հոգով:

— Ա՛խ, անամոթ: Սե՛ր է բացատրում քեզ, Ալեքսեյ:

— Ինչ կա որ, սիրում եմ, այո՛:

— Իսկ սպա՞ն: Եվ ոսկի լո՞ւրջ Մոկրոեից:

— Դա մի բան է, սա՛ ուրիշ:

— Այ քեզ կնկա տրամաբանություն:

— Մի՛ բարկացնիք ինձ, Ռակիտկա,— տաքացած վրա
տվեց Գրուշենկան,— դա մի բան է, սա՛ ուրիշ բան: Ես Ալյոշա-
յին ուրիշ ձևով եմ սիրում: Ծիշտ է, Ալյոշա, առաջ քո նկատ-
մամբ մի նենգ նպատակ ունեի: Ես ախր ստոր եմ, կատաղի մի
արարած, բայց թե լինում են ռուպեներ, Ալյոշա, որ քեզ իմ
խղճի տեղն եմ դնում: Շարունակ մտածում եմ՝ «Այդպիսի մեկը
հիմա ինչպե՞ս պետք է արհամարհի ինձ նման զգվելի արարա-
ծին»: Անցյալ օրն էլ այդ մտածեցի, երբ օրիորդի տնից վազեցի
եկա այստեղ: Վաղուց քեզ այսպես եմ նկատել, Ալյոշա, և Միտ-
յան գիտի, ասել եմ նրան: Ա՛յ, Միտյան հասկանում է: Կհա-
վատա՞ս, Ալյոշա, ճիշտ եմ ասում, երբեմն նայում եմ քեզ և
ամաչում եմ, ոտից-գլուխ ամաչում... Եվ ինչպե՞ս եղավ, որ քո
մասին այսպես սկսեցի մտածել, երբ վանի՞ց՝ չգիտեմ ու չեմ
հիշում...

Տեսնյան ներս մտավ ու սեղանի վրա դրեց մատուցարանը,
որի վրա բացված մի շիշ կար ու շամպայնով լեցուն երեք
բաժակ:

— Շամպա՞յն բերեցին,— գոչեց Ռակիտինը:— Բռնկվել ես,
Ագրաֆենա Ալեքսանդրովնա, և գլուխդ կորցրել: Մի բաժակ
խմես՝ կսկսես պար գալ: Է-է՛խ, սա էլ նույնիսկ չեն կարողա-
նում անել,— ավելացրեց նա, դիտելով շամպայնի շիշն ու բա-
ժակները:— Պառավա՛ն է լցրել խոհանոցում, շիշն էլ առանց խցա-
նի են բերել, և տաք: Դե լավ, թեկուզ և այսպես լինի:

Նա մոտեցավ սեղանին, վերցրեց բաժակը, մի շնչով խմեց
ու նորից լցրեց իր համար:

— Հաճախ չէ, որ շամպայն է ընկնում ձեռդ,— ասաց նա,
շրթունքները լիզելով:— Դե տեսնեմ, Ալյոշա, վերցրու բաժակը,
ցույց տուր շնորհքդ: Ինչի՞ կենացը խմենք: Դրախտի դոների՞:
Վերցրո՛ւ բաժակը, Գրուշա, դու էլ խմիր դրախտի դոների կե-
նացը:

— Ի՞նչ դրախտի դոների:

Գրուշենկան վերցրեց բաժակը: Ալյոշան էլ վերցրեց, խմեց
մի ումպ և բաժակը ետ դրեց:

— Չէ, ավելի լավ է շիմեմ,— մեղմ ժպտաց նա:

— Հե՛, գլուխդ էիր գովում,— գոռաց Ռակիտինը:

— Դե՛հ, եթե այդպես է՝ ես էլ չեմ խմի,— վրա բերեց
Գրուշենկան,— և չեմ էլ ուզում: Խմիր, Ռակիտկա, ամբողջ շիշը
մենակդ խմիր: Եթե Ալյոշան խմի, ես էլ կխմեմ:

— Հորթային սիլիբիլին սկսվե՛ց,— ձեռ առավ Ռակիտի-
նը:— Եվ մեկ էլ նրա ծնկներին է նստել: Ասենք թե նա վիշտ
ունի, իսկ քե՞զ ինչ է պատահել: Նա իր աստծո դեմ է ըմբոս-
տացել, պատրաստ էր երշիկ խժոնելու...

— Ինչպե՞ս թե:

— Նրա սրբահայրը մեռավ այսօր, հայր Զոսիման, սուրբը:

— Ուրեմն մահացե՛լ է Զոսիման,— բացականչեց Գրուշեն-
կան:— Աստված իմ, իսկ ես չգիտեի:— Նա բարեպաշտորեն
խաչակնքեց:— Մեղա՛ տեր, Ի՛նչ եմ անում, նրա ծնկներին եմ
նստել այսպիսի ռուպեի՞ն,— վեր թռավ նա մեկեն, կարծես վա-
խեցած, վայրկենապես իջավ նրա ծնկներից և նստեց բազկաթո-
ռի վրա: Ալյոշան երկար նայեց նրան զարմանքով, և կարծես
մի լույս ծագեց իր դեմքին:

— Ռակի՛տին,— ասաց նա հանկարծ բարձրաձայն ու հաս-
տատակամորեն,— մի՛ ծաղրիր ինձ, թե ես ըմբոստացել եմ իմ
աստծո դեմ: Չեմ ուզում բարկանալ քեզ վրա, ուրեմն դու էլ
ավելի բարի եղիր: Կորցրել եմ այնպիսի մի գանձ, որի նմանը

դու երբեք չես ունեցել, և հիմա դու չես կարող դատել ինձ: Ասվելի լավ է՝ նայիր ահա նրան, տեսա՞ր, թե ինչպես խնայեց ինձ: Սա այստեղ եկա մի շար հոգի գտնելու, հենց ինքս ձգտում էի դրան, որովհետև ստոր էի ու շար, բայց մի անկեղծ քույր գտա, գտա մի գանձ՝ մի սիրաջերմ հոգի... Նա ինձ խնայեց հիմա... Ազրաֆենա Ալեքսանդրովնա, ես քո մատին եմ խոսում: Դու իմ հոգին վերականգնեցիր այս րոպեիս:

Ալյոշայի շրթները դողացին, շունչը կտրվեց, ու նա կանգ առավ:

— Իրև թե հենց ուղղակի փրկեց քեզ, հա՞,— ծիծաղեց, Ռակիտինը շարախնդորեն:— Իսկ նա ուզում էր քեզ կուլ տալ, գիտե՞ս այդ բանը:

— Կա՞ց, Ռակիտկա,— վեր թռավ հանկարծ Գրուշենկան,— երկուսդ էլ լուեցեք: Ամեն ինչ ասեմ հիմա: Լոիր, Ալյոշա, որովհետև քո այդպիսի խոսքերից ամոթս է գալիս, որովհետև ես շար եմ, ոչ թե բարի. ահա՛ թե ինչ աղջիկ եմ ես: Իսկ դու, Ռակիտկա, լոիր, որովհետև սուտ ես խոսում: Ունեցել եմ մի այդպիսի ստոր միտք, այո, ուզում էի կուլ տալ նրան, բայց հիմա՝ սուտ ես ասում, հիմա բոլորովին այն չէ արդեն... և էլ երբե՞ք չեմ ուզում ձայնդ լսել, Ռակիտկա:— Այս բոլորն արտասովոր հուզմունքով ասաց Գրուշենկան:

— Սրա՞նց տեսեք, երկուսն էլ ցնդել են,— թշուաք Ռակիտինը, զարմացած դիտելով նրանց.— խելագար լինեն կարծես: Գտնե՞ց եմ ընկել, ինչ է: Սրկուսի էլ լարերը թուլացել են, հիմա՛ կսկսեն լաց լինել:

— Եվ այո՛, կսկսեմ լաց լինել, կսկսեմ, կսկսեմ լաց լինել,— վրա բերեց Գրուշենկան:— Նա ինձ իր քույրը կոչեց, և էլ երբե՞ք չեմ մոռանա այդ խոսքը: Միայն թե ասեմ քեզ, Ռակիտկա, ես թեև շար եմ, բայց համենայն դեպս մի կանաչ սոխ եմ տվել:

— Ի՞նչ, Ո՞նց թե կանաչ սոխ: Թո՛ւհ, գրողը տանի, խախաղե՞ս որ սրանք գծվել են:

Ռակիտինը զարմանում էր նրանց ոգևորության վրա, վերադարձվում ու բորբոքվում էր, թեպետ կարող էր և կշռադատել ու հասկանալ, որ երկուսի համար էլ հասել է կյանքում հաջող գեղարքեն պատահող այն պահը, երբ մարդկային հոգին ցնցող բոլոր ազդեցիկները զուգադիպում են իրար: Բայց Ռակիտինը, որ ընդունակ էր շարժազանց զգայուն կերպով ընկալել իր անձին

վերաբերող ամեն ինչ, շատ կոպտորեն էր հասկանում իր մերձավորների պարամներն ու զգացողությունները՝ մասամբ իր երիտասարդական անփորձության պատճառով, մասամբ՝ էլ իր ահեղի եսասիրության հետևանքով:

— Գիտե՞ս, Ալյոշկա,— հանկարծ նյարդային մի ծիծաղով դարձավ նրան Գրուշենկան,— Ռակիտկայի առաջ գլուխս գովեցի, որ մի կանաչ սոխ եմ տվել, բայց քո առաջ չեմ պարծենա, ուրիշ նպատակով կասեմ այդ նույն բանը: Դա պարզապես մի առակ է, բայց լավ առակ. դեռ երեխա էի, երբ լսեցի իմ պառավ Մատրոնայից, որ մինչև հիմա էլ իմ խոհարարուհին է: Լսիր, այսպես է առակը. «Լինում է, շի լինում, մի շար, շատ շար կին է լինում: Մի օր էլ այս կինը մեռնում է: Եվ ոչ մի բարի գործ չի մնում նրանից: Սատանաները բռնում են նրան ու նետում հրեղեն լիճը: Իսկ նրա պահապան հրեշտակը կանգնում ու մտածում է՝ ի՞նչ բարի գործ հիշեմ նրանից, որ ասեմ աստծուն: Հիշում է և աստծուն ասում. նա իր պարտեզում, ասում է, մի կանաչ սոխ հանեց արմատից ու աղքատ կնոջ տվեց: Եվ աստված պատասխանում է նրան. ա՛ռ ուրեմն այդ նույն կանաչ սոխը, ասում է, երկարիր նրան, թող բռնի՛ ու վեր ձգվի, և եթե նրան դուրս քաշես լճից, թող գա դրախտ, իսկ եթե պոկվի կանաչ սոխը, ուրեմն կինը պետք է մնա այնտեղ, ուր որ է հիմա: Հրեշտակը վազում է կնոջ մոտ, երկարում կանաչ սոխը. ահա՛, կնիկ, ասում է, բռնիր ու վեր ձգվիր: Եվ սկսում է զգույշ վեր քաշել նրան, և արդեն լրիվ դուրս էր քաշել, բայց լճում եղած մյուս մեղավորները, երբ տեսնում են, որ կնոջը դուրս են քաշում, սկսում են կախ ընկնել նրանից, որպեսզի իրենց էլ դուրս քաշեն նրա հետ: Իսկ այդ կինը շար է լինում, շատ շար, և սկսում է քացի տալ նրանց. «Ինձ են վեր քաշում, ոչ թե ձեզ, ի՛մ սոխն է, ոչ թե ձեր սոխը»: Հենց որ ասում է այդ բանը, կանաչ սոխը պոկվում է: Եվ ընկնում է կինը լճի մեջ ու մինչև օրս էլ այրվում է այնտեղ: Իսկ հրեշտակը լաց է լինում ու հեռանում է»: Այս է ահա առակը, Ալյոշա, անգիր եմ հիշում, որովհետև հենց ինքս եմ այդ նույն շար կինը: Ռակիտկայի առաջ գլուխս գովեցի, թե մի կանաչ սոխ եմ տվել, բայց քեզ ուրիշ կերպ ասեմ. ընդամենը մի փոքրիկ կանաչ սոխ եմ տվել իմ ամբողջ կյանքում, հենց միայն այդ մի բարի գործն եմ արել: Եվ էլ ինձ մի՛ գովիր դրանից հետո, Ալյոշա, մի՛ համարիր, թե ես բարի եմ. շար եմ ես, շար, շատ շար, և եթե գովես, ամոթով կթողնես

ինձ: է՛հ, արի ամեն ինչ խոստովանեմ: Լսիր, Ալյոշա: Ես այն-
քա՛ն էի ցանկանում իմ ձեռք գցել քեզ և այնքա՛ն էի կպել Ռա-
կիտկայի օձիքից, որ նրան քսանհինգ ուրբլի խոստացա, որ պեսզի
քեզ բերի ինձ մոտ: Կա՛ց, Ռակիտկա, սպասի՛ր:— Նա արագ
քայլերով մոտեցավ սեղանին, բացեց դարակը, դրամապանակը
վերցրեց և մի քսանհինգ ուրբլիանոց հանեց այնտեղից:

— Ա՛յ քեզ հիմարություն: Ա՛յ քեզ հիմարություն,— բա-
ցականչում էր Ռակիտինը շամորած:

— Վերցրո՛ւ, Ռակիտկա, պարտքս է, չե՛ս հրաժարվի, ինքդ
էիր խնդրում:— Եվ շարտեց նրան փողը:

— Ա՛յն էր պակաս, որ հրաժարվեի,— բամբեց Ռակիտինը,
հայտնապես ամոթահար, սակայն կտրիճորեն քողարկելով իր
զգացած ամոթը:— Սա մեզ համար շատ ձեռնառու բան է, հի-
մարներն էլ ստեղծվել են հենց նրա համար, որ խելոք մարդուն
օգուտ բերեն:

— Իսկ հիմա սակվիր, Ռակիտկա, հիմա ի՛նչ էլ որ ասեմ՝
քո աղանջների համար չէ այլևս: Նստիր այդ անկյունը և ձայնդ
կտրիր, դու չես սիրում մեզ, ուրեմն պապանձվիր:

— Եվ ինչի՞ համար սիրեմ որ ձեզ,— դիմադարձեց Ռակի-
տինը, արդեն իր զայրույթը չթաքցնելով: Քսանհինգանոց բանկ-
նոտը գրպանը խցկեց, և ուղղակի ամոթ էր զգում, որ Ալյոշայի
աչքի առաջ է ածում այդ: Հույս ուներ, որ հետո՞ կստանա վար-
ձը և Ալյոշան չի էլ իմանա, իսկ հիմա ամոթից զազազեց: Մինչև
այս ըոպեն, հակառակ Գրուշենկայի բոլոր հարվածներին, Ռա-
կիտինը ճարտար հաշվենկատություն էր համարում շատ չհա-
կաճառելը նրան, որովհետև պարզ էր, որ նա ինչ-որ իշխանու-
թյուն ուներ իր վրա: Բայց հիմա ինքն էլ զայրացել էր:

— Մարդ մի որևէ բանի համար է սիրում, իսկ դուք երկուսդ
էլ ի՛նչ եք արժե ինձ համար:

— Իսկ դու առանց որևէ բանի սիրիր, ա՛յ ինչպես Ալյոշան
է տիրում:

— Ինչո՞վ է նա քեզ սիրում և ի՛նչ մի սեր ցույց տվեց, որ
այդպես իրար ես անցել:

Գրուշենկան կանգնել էր սենյակի մեջտեղում, խոսում էր
հրաշքով, և նրա ձայնի մեջ հիստերիկ շեշտեր լսվեցին:

— Լո՛ի՛ր, Ռակիտկա, դու ոչինչ չես հասկանում մեզնից: Եվ
էլ սրանից հետո չհամարձակվես ինձ դու առել, չեմ ուզում թույլ
տալ քեզ, և որտեղի՞ց է քո այդպիսի հանդգնությունը, հա՛: Գե

իմացի՛ր: Նստիր անկյունը և ձայնդ կտրիր, ոնց որ իմ ծառան
լինես: Իսկ հիմա, Ալյոշա, ամբողջ ճշմարտությունն եմ ասելու
քեզ, քե՛զ միայն, որ պեսզի տեսնես, թե ինչպիսի՞ արարած եմ
ես: Ոչ թե Ռակիտկային, այլ քեզ եմ ասում: Ուզում էի խորտա-
կել քեզ, Ալյոշա, ա՛յս է բուն ճշմարտությունը, ուղղակի որո-
շել էի. այնքա՛ն էի ուզում, որ փողով կաշառեցի Ռակիտկային,
որ պեսզի քեզ բերի այստեղ: Եվ ինչո՞ւ ուզեցի անել այդ բանը:
Դու ոչինչ չգիտեիր, Ալյոշա, երես էիր դարձնում ինձնից, երբ
անցնում էիր իմ մոտով՝ աչքերդ էիր իջեցնում, բայց ես մինչև
հիմա հարյուր անգամ նայել եմ քեզ, սկսել էի բոլորին հարցնել
քո մասին: Քո դեմքը դրոշմվել էր իմ սրտում: «Արհամարհում է
ինձ, մտածում էի, նույնիսկ չի էլ ուզում երեսիս նայել»: Եվ ի
վերջո ինձ այնպիսի մի զգացում տիրեց, որ ինքս էլ զարմանում
էի, թե ինչո՞ւ եմ վախենում այսպիսի մի երեխայից: Ուղղակի
կուլ տամ նրան ու հետո ծիծաղեմ: Բոլորովին զազազել էի:
Կհավատա՞ս, ո՛չ ոք այստեղ չի համարձակվի ասել կամ մտա-
ծել, որ կարող է այդ վատ բանի համար գալ Ագրաֆենա Ալեք-
սանդրովնայի մոտ. միայն ու միայն ծերուկ Կուզմայի հետ եմ,
կապվել ու ծախվել եմ նրան, սատանան է մեզ պսակել, բայց
ուրիշ ոչ ոքի հետ չեմ եղել: Բայց նայելով քեզ, որոշեցի՞ պիտի
կուլ տամ: Պիտի կուլ տամ ու ծիծաղեմ: Տեսնո՞ւմ ես ինչ կա-
տաղի շուն եմ ես, իսկ դու ինձ քո քո՛ւյրը կոչեցիր: Եվ ահա
հիմա եկել է այն սպան, որ իմ պատիվը խորտակեց, ու ես նըս-
տել, լուրի եմ սպասում: Իսկ դու գիտե՞ս, թե ինչ է եղել ինձ
համար այդ մարդը: Հինգ տարի առաջ, երբ Կուզման ինձ այս-
տեղ բերեց, օրեր էին լինում, որ մարդկանցից թաքմում,
նստում էի տանը, որ պեսզի ոչ ոք չտեսնի ու չլսի ինձ. նիհարիկ
ու հիմար մի աղջիկ՝ նստում ու հեկեկում էի, գիշերնե՛ր էի
լուսացնում, մտածում էի. «Իսկ ո՞ւր է արդյոք նա հիմա, ինձ
անպատվո՞ղը: Երևի ծիծաղո՞ւմ է ինձ վրա մի ուրիշի հետ, ա՛խ
ես նրան, մտածում էի, միայն տեսնե՛մ նրան, հանդիպեմ եր-
բևիցե՛ այնպե՛ս մուռս կհանեմ նրանից, այնպե՛ս մուռս կհա-
նեմ»: Գիշերը, մթին, երեսս թաղում էի բարձի մեջ ու հեկեկում,
անընդհատ որոճում էի այդ բոլորը, սիրտս դիտմամբ պատառ-
պատառ էի անում, զայրույթով էի լցնում. «Այնպե՛ս մուռս կհա-
նեմ, այնպե՛ս մուռս կհանեմ նրանից»: Երբեմն հենց այսպես
էլ գոտում էի մթան մեջ: Բայց երբ հանկարծ հիշում էի, թե ոչինչ
էլ չեմ անի նրան, իսկ նա ծիծաղո՞ւմ է ինձ վրա, գուցե և քո-

լորովին մոռացել է, չի էլ հիշում, է՛խ, ուղղակի անկողնից նետ-
վում էի հատակին, անզոր արցունքներ էի թափում և մինչև
առավոտ ցնցվում էի, ցնցվում ոտից գլուխ: Առավոտյան վեր
էի կենում շնից էլ ավելի կատաղած, ամբողջ աշխարհը տային՝
ուրախությամբ կհռչոտեի: Իսկ հետո, ի՞նչ ես կարծում, սկսեցի
զրամագլուխ դիզել, անգուժ դարձա, հաստացա, և կարծում ես
խելքի՞ եկա, հա՛: Չէ՛, չկարծես. ամբողջ տիեզերքում ոչ ոք չի
տեսնում ու չգիտի, բայց երբեմն, հենց որ իջնում է գիշերվա
մութը, ճիշտ նույն ձևով պառկում ու ատամներս եմ կրճտաց-
նում ինչպես հինգ տարի առաջ, հիմար աղջնակի նման, և ամ-
բողջ գիշերը լաց եմ լինում, մտածում եմ «Ա՛խ ես նրան, ա՛խ
ես նրա՛ն»: Լսեցի՞ր այս ամբողջը: Դե ուրեմն ի՞նչ կհասկանաս
հիմա ինձնից, եթե ասեմ, որ մեկ ամիս առաջ հանկարծ եկավ
այդ նամակը՝ թե գալիս է նա, այրիացել է, ուզում է ինձ տես-
նել: Շունչս կտրվեց ուղղակի, աստվա՛ծ իմ, և հանկարծ մտա-
ծեցի՛ եթե գա ու մի սուլոցով կանչի ինձ, սողալո՛ւմ կգնամ մո-
տը՝ ձեռնված, մեղավոր շնիկի նման: Մտածում էի այդպես ու չէի
հավատում ինքս ինձ. «Մտո՞ր եմ, թե չէ, կվազե՛մ նրա մոտ, թե
չեմ վազի»: Եվ ինքս ինձ հանդեպ այնպիսի՝ մի կատաղությամբ
լցվեցի այս ամբողջ ամսվա ընթացքում՝ նույնիսկ ավելի՛ վատ,
քան հինգ տարի առաջ: Տեսնո՞ւմ ես հիմա, Ալյոշա, ի՞նչ գա-
զազած աղջիկ եմ ես, ի՞նչ կատաղի աղջիկ, ամբողջ ճշմարտու-
թյունը ասացի քեզ: Միտյայի հոգու հետ էի խաղում, որպեսզի
չվազեմ մյուսի մոտ: Լո՛ւր, Ռակիտկա, դու չես, որ պիտի դա-
տես ինձ, քեզ համար չեն իմ ասածները: Ձեր գալուց առաջ
պառկել էի այստեղ, սպասում էի, մտածում, ամբողջ ճակատա-
գիրս էի որոշում, և երբեք չեք կարող իմանալ, թե ինչ էր կա-
տարվում իմ սրտի մեջ: Չէ՛, Ալյոշա, ասա՛ թո այդ օրիորդին՝
թող չբարկանա անցյալ օրվա համար... Եվ ամբողջ աշխարհում
ոչ ոք չգիտի, թե ինչ է հիմա իմ վիճակը, չի էլ կարող իմանալ...
Որովհետև... գուցե այսօր դանակ տանեմ հետս այնտեղ, դեռ
չեմ որոշել...

Եվ այս վերջին «եղբրական» խոսքն ասելով, Գրուշենկան
ընդմացավ, կես թողեց, երեսը ծածկեց ձեռքերով, նետվեց բազ-
մոցի վրա՝ բարձրի մեջ, և սկսեց հեկեկալ փոքր երեխայի
նման: Ալյոշան վեր կացավ ու մոտեցավ Ռակիտինին:

— Միշա, — ասաց նա, — մի՛ բարկանար: Նա վիրավորեց
քեզ, բայց մի՛ բարկանար: Լսեցի՞ր նրա ասածը հիմա: Չի կա-

րելի այսքան շատ պահանջել մարդկային հոգուց, պետք է ավե-
լի գթասիրտ լինել...

Ալյոշան սրտի անդիմադրելի մղումով ասաց այդ Պետք է
արտահայտեր իր զգացածը և դիմեց Ռակիտինին: Եթե Ռակիտի-
նը չլիներ, ինքնիրեն էր բացականշելու: Սակայն Ռակիտինը
հեզնականորեն նայեց նրան, և Ալյոշան կանգ առավ:

— Երեկ գիշեր քո սրբահոր քարոզով լցրին քեզ, և հիմա
հենց այդ քարոզն էլ կրակեցիր ինձ վրա, Ալյոշենկա, ա՛յ դու
աստծո մարդուկ, — ասաց Ռակիտինը ատելությամբ լի ժպի-
տով:

— Մի՛ ծիծաղիր, Ռակիտին, մի՛ ծաղրիր, մի՛ խոսիր հան-
գուցյալի մասին. նա ավելի բարձր էր, քան որևէ մեկը աշխար-
հում, — գռչեց Ալյոշան արտասովալից ձայնով: — Ես ոչ թե որ-
պես դատավոր ելա քեզ խոսելու, այլ որպես ամենահետիներ մե-
ղադրյալների մեջ: Ո՞վ եմ ես այս կնոջ մոտ: Ես այստեղ գալիս
էի կործանվելու համար և ասում էի ինքս ինձ՝ «Թո՞ղ այդպես
լինի», և դա՛ իմ փոքրոգության հետևանքով. իսկ նա, հինգ
տարվա տանջանքից հետո՝ հենց որ մեկը եկավ և առաջին ան-
գամ անկեղծ խոսք ասաց նրան, ամե՛ն ինչ ներեց, ամե՛ն ինչ
մոռացավ ու արտասվում է: Վերագարծել է այն մարդը, որ խոր-
տակեց նրան, կանչում է հիմա, և ամեն ինչ ներում է այդ տղա-
մարդուն, ուրախությամբ շտապում է հանդիպելու և դանակ չի
տանի հետք, չի տանի: Չէ, ես այդպիսին չեմ: Չգիտեմ, Միշա,
դու այդպիսի՞ն ես, թե չէ, բայց ես այդպիսին չեմ: Ահա այս
դասն ստացա այսօր, այս պահին... Նա ավելի բարձր է իր սի-
րազեղ սրտով, քան մենք... Դու առաջ լսե՛լ էիր այն, ինչ պատ-
մեց հիմա: Ոչ, չէիր լսել. եթե լսած լինեիր, վաղուց կհասկանա-
իր ամեն ինչ... և մյուս օրիորդն էլ, որ անարգվեց անցյալ օրը,
թող նույնպես ների՛ նրան: Եվ կների, եթե իմանա... և կիմա-
նա՛... Դեռ խաղաղություն չի գտել այս հոգին, պետք է կարեկ-
ցել նրան... կարող է գանձ լինել այս հոգու մեջ...

Ալյոշան լռեց, որովհետև շունչն էր կտրվել: Ռակիտինը,
հակառակ իր ամբողջ զայրույթին, զարմանքով էր նայում
նրան: Երբեք այդպիսի մի ճառ չէր սպասում մեղմաբարո Ալ-
յոշայից:

— Այ քեզ փաստաբա՛ն: Ինչ է, արդեն սիրահարվեցի՞ր
նրան: Ազրաֆենա Ալեքսանդրովնա, մեր ծոմապահն ախր ի՞նչ...

կայան սիրահարվել է քեզ, հաղթեցիր,— գոռաց նա ժպիրճ ծիծաղով:

Գրուշենկան գլուխը վեր առավ բարձից և Ալյոշային նայեց գորովագին մի ժպիտով, որ փայլում էր արցունքից ուռած նրա դեմքին:

— Թո՛ղ նրան, Ալյոշա, հրեշտակա, տեսնո՞ւմ ես նա ինչպիսի՞ն է, նա այն մա՛րդն է, որին ասես ըո խոսքերը: Միխայիլ Օսիպովիչը, — դարձավ նա Ռակիտինին, — ուզում էի քեզնից ներողութուն խնդրել, որ կոպտեցի քեզ, բայց հիմա շեմ ուզում ալլես: Ալյոշա, արի ինձ մոտ, նստիր այստեղ, — կանչեց նա բերկրալի ժպիտով, — ա՛յ այսպես, նստիր ահա այստեղ, ասա ինձ (նա վերցրեց Ալյոշայի ձեռքը և ժպտալով նայեց նրա դեմքին), ասա ինձ՝ սիրո՞ւմ եմ այդ մարդուն, թե չէ: Այն մարդուն, որ խորտակեց ինձ՝ սիրո՞ւմ եմ, թե չէ: Ձեր գալուց առաջ պառկել էի այստեղ մթան մեջ և անընդհատ հարց էի տալիս իմ սրտին՝ սիրո՞ւմ եմ նրան, թե չէ: Լուծիր իմ հարցը, Ալյոշա, ժամանակը եկել է, ըո որոշածն է լինելու ներե՞մ նրան, թե ոչ:

— Բայց ահա ներել ես արդեն, — ասաց Ալյոշան ժպտալով:

— Եվ իսկապես ներել եմ, — մտախոճ վրա բերեց Գրուշենկան: — Ա՛յս ինչ անպիտան սիրտ է: Իմ անպիտան սրտի կենացը, — թափով վերցրեց հանկարծ բաժակը սեղանից, մի շնչով խմեց, հետո բաժակը վեր առավ ու թափով նետեց հատակին: Բաժակը ջարդուփշուր եղավ ու ճնգաց: Դաժան մի բիծ երևաց նրա ժպիտի մեջ:

— Բայց և գուցե դեռ չեմ ներել, — ասաց նա մի տեսակ սպառնագին, աչքերը վար առնելով, կարծես ինքն իր հետ էր խոսում: — Գուցե սիրտս դեռ միայն պատրաստվում է ներելու: Դեռ կպայքարեմ այս սրտիս դեմ: Հասկանո՞ւմ ես, Ալյոշա, ես սոսկալի սիրել եմ իմ հինգ տարվա արցունքները... Գուցե իմ կրած անպատվութի՞ւնն եմ սիրել միայն, ոչ թե նրան:

— Օ՛, ես չէի ուզենա այդ մարդու տեղը լինել, — թշուշ Բակիտինը:

— Եվ չես էլ լինի, Ռակիտկա, երբեք չես լինի այդ մարդու տեղը: Դու իմ կոշիկներն ես մաքրելու, Ռակիտկա, ա՛յ թե ինչի համար եմ քեզ օգտագործելու: Ինձ նմանին դու երբեք չես տեսնի... Եվ այդ մարդն էլ գուցե չի տեսնի...

— Նա էլ չի տեսնի: Իսկ ինչո՞ւ ես զուգվել-զարդարվել, — թունոտ շեշտով ծաղրեց Ռակիտինը:

— Երեսուվա մի՛ տա իմ զուգվել-զարդարվելը, Ռակիտկա, դու դեռ լրիվ չես ճանաչում իմ սիրտը: Ուզեմ՝ կպոկեմ այս արդուզարդը, հենց հիմա կպոկեմ, ա՛յս բոպեխս, — գոռաց նա զրնգուն ձայնով: — Գու չգիտե՞ս, թե ինչի համար է այս զուգվել-զարդարվելը, Ռակիտկա: Գուցե կանգնեմ նրա առաջ ու ասեմ. «Ինձ այսպես տեսե՛լ էիր մինչև հիմա, թե չէ»: Ախր ես տասներյոթ տարեկան բարալիկ, հյուծախտավոր, լալկան մի երեխա էի, երբ նա ինձ թողեց: Հիմա կնստեմ կողքին, կհրապուրեմ, կբորբոքեմ նրան. «Տեսա՞ր ինչպիսի՞նն եմ հիմա, կասեմ նրան, դե ուրեմն արտոթակդ քեզ պահիր, հարգելի պարո՞ն, բերնիդ ջրերը վազեցի՛ն, բայց փորդ քաղցած մնաց»: Ա՛յ, գուցե սրա համար է այս զուգվել-զարդարվելը, Ռակիտկա, — վերջացրեց Գրուշենկան շարախինդ ծիծաղով: — Գազազած աղջիկ եմ ես, Ալյոշա, կատաղի: Կպոկեմ իմ արդուզարդը, կայլանդակեմ ինքս ինձ, իմ գեղեցկութի՞ւնը, կխանձեմ իմ դեմքը և կկտրտեմ դանակով, կգնամ մուրացկան կղառնամ: Եթե ուզեմ՝ հիմա ոչ մի տեղ էլ չեմ գնա, եթե ուզեմ՝ հենց վաղն իսկ Կուզմայի՛ն ետ կուղարկեմ ամե՛ն ինչ, որ նվիրել է ինձ, և փողե՛րն էլ լրիվ ետ կտամ, իսկ ինքս կգնամ օրավարձով կաշխատեմ ամբո՞ղջ կյանքումս... Կարծում ես՝ չե՞մ անի այդ բանը, Ռակիտկա, չե՞մ հանդգնի անել: Կանե՛մ, կանե՛մ, հենց հիմա կարող եմ անել, միայն թե մի՛ ջղայնացրեք ինձ... Իսկ այդ մարդուն կվռնդեմ, սա՛ ցույց կտամ նրան, եղունգիս ծա՛յրն էլ չի տեսնի:

Վերջին բառերը նա գոռաց հիստերիկ ձայնով, բայց նորից չդիմացավ, ձեռքերով ծածկեց երեսը, նետվեց բարձի վրա և սկսեց ցնցվել հեծկտոցներից: Ռակիտինը վեր կացավ:

— Գնանք, — ասաց նա, — ուշ է, վանքի դռները կփակեն, ներս չեն թողնի:

Գրուշենկան իսկույն վեր թռավ տեղից:

— Բայց մի՞թե ուզում ես գնալ, Ալյոշա, — բացականչեց նա վշտահար զարմանքով, — ի՛նչ վիճակի մեջ ես թողնում հիմա ինձ. ամբողջ իմ հոգին տակնուվրա արեցիր, և հիմա նորի՛ց այս գիշերը, նորի՛ց մենակ եմ մնալու:

— Նա հո քեզ մոտ չի գիշերելու: Բայց դե՛հ, եթե ուզում է՝ թող մնա: Ես մենա՛կ էլ կգնամ, — թունոտ կատակեց Ռակիտինը:

— Լո՛ր, շարասիրտ,— գոռաց Գրուշենկան զայրագին,—
գու ինձ երբեք չես ասել այնպիսի խոսքեր, որ նա եկավ ասելու։
— Իսկ ի՞նչ ասաց որ քեզ,— ջղայնորեն բրթմնջաց Ռակի-
տինը։

— Զգիտեմ, չեմ իմանում, բոլորովին չեմ իմանում, թե ինչ
ասաց ինձ, սի՛րտս իմացավ նրա խոսքերը, նա իմ սիրտը շուտ
տվեց... Նա առաջինն էր, միակն էր, որ ինձ խղճաց, հասկա-
նո՞ւմ ես։ Մինչև հիմա ինչո՞ւ չէիր գալիս, հրեշտա՛կ իմ,—
Քանկարծ նա ծնկի ընկավ Ալյոշայի առաջ, կարծես մոլեգնա-
հար։— Ես իմ ամբողջ կյանքում սպասում էի քեզ նման մեկին,
գիտե՛ի, որ այսպիսի մեկը կգա ու ինձ կների։ Հավատում էի,
որ ինձ էլ կսիրի մեկը, ինձ նման գարշելիին, ո՛չ միայն խայ-
տառակություն համար...

— Ի՞նչ մի առանձին բան արեցի քեզ համար,— պատաս-
խանեց Ալյոշան գորովագին ժպտալով ու հակվեց Գրուշենկայի
վրա, քնքրորեն վերցրեց նրա ձեռքերը,— մի կանաչ սոխ միայն
տվեցի քեզ, մի շատ փոքրիկ կանաչ սոխ, ա՛յդ էր միայն, ուրիշ
ոչինչ...

Եվ այդ ասելով՝ ինքն էլ փղձկաց։ Նույն րոպեին հանկարծ
աղմուկ բարձրացավ գավթում, ինչ-որ մեկը նախասենյակ
մտավ։ Գրուշենկան վեր թռավ՝ կարծես սոսկալի վախեցած։
Գոռում-գոռումով ներս վազեց Ֆենյան։

— Տիրուհի՛ս, աղավնյա՛կ իմ, տիրուհի՛ս, սուրհանդակը
եկավ,— գոռում էր նա ուրախ ու շնչակտուր։— Կառք են ուղար-
կել Մոկրոներից, ձեզ տանելու, Տիմոֆեյն է կառապանը, հենց
խեղույն նոր ձիեր կլծեն... Նամա՛կ, նամա՛կ, տիրուհիս, ահա
նամա՛կ։

Նամակը նա բռնել էր ձեռքում և գոռալու ժամանակ
անընդհատ շարժում էր օդի մեջ։ Գրուշենկան նամակը խեց
նրանից ու մոտեցրեց մոմին։ Մի փոքրիկ գրություն էր միայն,
մի քանի տող, և նա մի վայրկյանում կարդաց։

— Կանո՞ւմ է,— գոռաց լիովին գունատվելով, գեմքը ախ-
տագին մի ժպիտով ալլալված,— սուլե՛ց։ Դե սողա՛ ուրեմն,
ծեծվա՛ծ շնիկ։

Բայց միայն մի վայրկյան նա կանգնած մնաց, ասես տա-
տանվելով։ Հանկարծ արյունը խուժեց գլուխը և այտերը վառ-
վեցին։

— Գնո՞ւմ եմ,— գոչեց նա մեկեն։— Իմ կյանքի հի՛նգ տա-

րիներ։ Մնաք բարո՛ւ։ Մնաս բարով, Ալյոշա, բախտս վճռվեց...
Հեռացե՛ք, հեռացե՛ք, հեռացե՛ք հիմա ինձնից բոլորդ, էլ լսես-
նե՛մ ձեզ... Գրուշենկան թռավ դեպի նոր կյանք... Դու էլ իմ
վատը մի՛ հիշիր, Ռակիտկա։ Գուցե դեպի մա՛հ եմ գնում։ Ո՛վս։
Հարբե՛լ եմ կարծես։

Նա հանկարծ թողեց նրանց ու վազեց իր ննջասենյակը։

— Դե՛հ, հիմա մենք ավելորդ ենք նրա համար,— բրթմնջաց
Ռակիտինը։— Գնանք. թե չէ՝ մեկ էլ տեսար նորից կսկսի՛ այդ
կանացի ճվճվոցը։ Էլ գլուխս գնացել է այս լալկան գոռում-գո-
ռումներից...

Ալյոշան մեքենաբար թույլ տվեց, որ նա իրեն դուրս տանի։
Բակում կանգնած էր ուղեկառքը, լծից արձակում էին ձիերին,
այս ու այն կողմ էին վազվզում լապտերով։ Ձիերի մի նոր եռ-
յակ էին ներս բերում բաց դարպասից։ Սակայն հազիվ էին Ալ-
յոշան ու Ռակիտինը սանդուղքից բակ իջել, երբ հանկարծ Գրու-
շենկայի ննջասենյակի լուսամուտը բացվեց և նա հնչեղ ձայնով
գոռաց Ալյոշայի ետևից.

— Ալյոշկա՛, ողջույնս հաղորդիր քո եղբայր Միտենկային
և ասա՛, որ իմ վատը չհիշի, չնայած ես շարիք հասցրի նրան։
Եվ մեկ էլ իմ բռնորով ասա՛ «Սրիկայի՛ն բաժին ընկավ Գրու-
շենկան, և ոչ թե քեզ՝ ազնիվ մարդուն»։ Եվ այս էլ ավելացրու,
որ Գրուշենկան մի ժամ սիրել է նրան, միայն մի ժամ է սիրել
ընդամենը, այնպես որ նա սրանից հետո իր ամբողջ կյանքում
թող հիշի այդ մի ժամը. ասա՛ Գրուշենկան այդպե՛ս պատվի-
րեց քեզ, ամբո՛ղջ կյանքում...

Նա վերջացրեց հեծեծալից ձայնով։ Լուսամուտը շրխո-
ցով փակվեց։

— Հը՛մ, հը՛մ,— մոլտաց Ռակիտինը ծիծաղելով,— մոր-
թեց քո Միտենկային, և մեկ էլ հրամայում է, որ իր ամբողջ
կյանքում հիշի։ Ա՛յ քեզ գիշատիչ կնիկ։

Ալյոշան ոչինչ չպատասխանեց, կարծես չէր էլ լսել։ Նա
արագ քայլում էր Ռակիտինի կողքին, ասես սարսափելի շտա-
պում էր. անզգայացել էր մի տեսակ, մեքենաբար էր նետում
քայլերը։ Ռակիտինը հանկարծ մի սուր ծակոց զգաց, կարծես
մատով դիպել էին իր թարմ վերքին։ Բնավ էլ այս չէր իր սպա-
սածը, երբ Գրուշենկային ու Ալյոշային իրար մոտ բերեց մի
ժամ առաջ. բոլորովին ուրիշ բան պատահեց, և ոչ թե այն, ինչ
ինքը շատ էր ցանկանում։

— Լեհ է այդ մարդը՝ նրա այդ սպան, — սկսեց խոսել նորից, զսպելով իրեն, — և սպա էլ չէ հիմա, Սիբիրում մաքսատան պաշտոնյա է եղել՝ շինական սահմանի մի անկյունում, երևի ճլորած լեհուկի մեկն է: Ասում են՝ պաշտոնն է կորցրել: Լսել է հիմա, որ Գրուշենկայի ձեռքին դրամագլուխ կա, և հաս վերադարձել է: Հենց սա է ամբողջ գաղտնիքը:

Ալյոշան նորից չէր լսում կարծես: Ռակիտինը շղիմացավ:

— Ինչ է, մեղավորին դարձի՞ բերեցիր, — շարախնդորեն ծիծաղեց նա Ալյոշայի երեսին: — Անառակ կնոջը ճշմարիտ ուղու վրա՞ դրեցիր: Յոթը դեկրը դուրս քշեցիր, հա՞: Ա՛յ թե որտեղ կատարվեցին այն հրաշքները, որ սպասում էինք այսօր:

— Վերջ տուր, Ռակիտին, — պատասխանեց Ալյոշան տառապալից սրտով:

— Ինչ է, քիչ առաջվա քսանհինգ ռուբլու համար ինձ «արհամարհո՞ւմ ես» հիմա: Այսինքն թե՛ ծախեցի՞ ճշմարիտ բարեկամիս: Բայց ախր դու Քրիստոս չես, ես էլ Հուդա չեմ:

— Ախ, Ռակիտին, հավատացնում եմ քեզ, որ նույնիսկ մոռացել էի դրա մասին, — գուցե Ալյոշան, — ինքդ հիմա հիշեցիր...

Բայց Ռակիտինն արդեն վերջնականապես կատաղեց:

— Դե գրողի ծո՞ցը գնաք բոլորդ էլ, — բղավեց նա հանկարծ, — ի՞նչ գործ ունեի կապվեցի քեզ հետ, շոռ ու ցա՛վ: Չեմ էլ ուզում երեսդ տեսնել սրանից հետո: Գնա՛, մենակդ գնա, ա՛յ քո ճանապարհը:

Եվ նա շեշտակիորեն դարձավ մի ուրիշ փողոց, Ալյոշային մենակ թողնելով խավարի մեջ: Ալյոշան քաղաքից դուրս եկավ ու դաշտի միջով գնաց դեպի վանք:

IV

ԿԱՆԱ ԳԱԼԻԼԻԱԿԱՆ

Արդեն շատ ուշ էր ըստ վանական կարգուկանոնի, երբ Ալյոշան հասավ մենաստան. դռնապանը հատուկ մի մուտքից նրան ներս թողեց: Ժամը ինն էր եղել արդեն՝ ընդհանուր հանգրստի և խաղաղության ժամը, բոլորի համար այնքա՛ն տագնապալի օրից հետո: Ալյոշան վախվխելով դուռը բացեց և մտավ սրբահոր խուցը, ուր հիմա նրա դագաղն էր դրված: Բացի հայր

Պախսից, որ դագաղի առաջ ավետարանն էր կարդում մենու-
թյան մեջ, և բացի պատանի նորընծա Պորֆիրիից, որ պատա-
նեկան պինդ քնով քնել էր մյուս սենյակի հատակին՝ երեկ գի-
շերվա զրուցատրությունից և այսօրվա իրարանցումից հոգնած,
խուցում ուրիշ ոչ ոք չկար: Հայր Պախսին թեև լսեց Ալյոշայի
ներս մտնելը, բայց նույնիսկ չնայեց նրա կողմը: Ալյոշան դար-
ձավ դեպի աջ անկյունը, ծնրադրեց ու սկսեց աղոթել: Հորդալիր
էր նրա հոգին, բայց մի տեսակ խառնաշփոթ, և ոչ մի առան-
ձին զգացողություն որոշակի դրսևորմամբ չէր զատորոշվում,
այլ ընդհակառակը, ամեն մեկը դուրս էր մղում մյուսին՝ հան-
դարտ ու համաշափ մի հոլովույթի մեջ: Բայց սիրտը քաղցրու-
թյամբ էր լի, և, տարօրինակ բան, Ալյոշան չէր զարմանում դրա
համար: Նորից իր առաջ տեսնում էր այդ դագաղը՝ չորս կողմից
փակված այդ թանկագին մեռյալին, բայց իր հոգում չկար այն
արտասովալից, մորմոքուն, տանջագին ցավը, որ զգում էր առա-
վոտյան: Ներս մտնելով, անմիջապես ծունկի ընկավ դագաղի
առաջ՝ որպես սրբարանի, բայց ցնծություն, ցնծութիւն էր
շողշողում նրա մտքի մեջ ու սրտի մեջ նրա: Խուցի պատուհան-
ներից մեկը բաց էր, թարմ ու զովաշունչ օդ կար սենյակում:
«Ուրեմն հոտն ավելի է սաստկացել, եթե որոշել են բանալ պա-
տուհանը», — մտածեց Ալյոշան: Բայց նույնիսկ ապականության
շնչի այդ միտքը, որ դեռ ցերեկվա ժամերին այնքա՛ն սարսա-
փելի ու անփառունակ էր թվում իրեն, այժմ նրա մեջ չհարու-
ցեց անցյալ վիշտն ու վրդովմունքը: Նա հանգիստ սկսեց աղո-
թել, բայց շուտով ինքն էլ զգաց, թե համարյա մեքենաբար էր
աղոթում: Մտքերի բեկորներ առկայծում էին նրա հոգու մեջ, մի
պահ վառվում էին աստղերի նման և իսկույն հանգում, դրանց
փոխարինում էին ուրիշ բեկորներ. սակայն և նրա հոգու մեջ
տիրում էր ամբողջական, ամուր, հագեցնող մի բան, և ինքն էլ
գիտակցում էր այդ: Երբեմն մի աղոթք էր սկսում բուռն ջերմե-
ռանդությամբ, այնքա՛ն էր ուզում զեղել իր շնորհակալությունն
ու սերը... Բայց սկսելով աղոթքը, հանկարծ անցնում էր մի ուրիշ
բանի, մտասուզվում էր ու մոռանում թե՛ աղոթքը, թե՛ այն բա-
նը, որ ընդհատման պատճառն էր եղել: Սկսեց ունկնդրել այն,
ինչ ընթերցում էր հայր Պախսին, սակայն, շատ հոգնած լինե-
լով, հետզհետե սուզվեց մրափի մեջ...

«Եւ յաւուրն երբորդի հարսանիք էին ի Կանա Գալիլեա-
ցոց, — ընթերցում էր հայր Պախսին, — և անդ էր մայրն Յիսու-

սի: Կոչեցաւ և Յիսուս, և աշակերտքն նորա ի հարսանիսն»:

«Հարսանիք: Ի՞նչ է դա... հարսանիք... — հողմի նման անցավ Ալլոշայի մտքով,— նա նույնպես երջանկության մեջ է հիմա, Գրուշենկան... գնաց խնջույթի... Ոչ, դանակ շտարավ հետը, դանակ շտարավ... Դա «եղերական» մի խոսք էր միայն... է՛հ... պետք է ներել եղբրական խոսքերը, անպայման ներել: Եղբրական խոսքերը թեթևացնում են հոգին... մարդկանց վիշտը չափազանց ծանր կլինենր առանց այդ խոսքերի: Ռակիտինը կողմնակի փողոցը գնաց: Փանի դեռ Ռակիտինը մտածում է իր կրած վիրավորանքների մասին, նա միշտ էլ կողմնակի փողոց պիտի գնա... Իսկ ճանապարհը... մեծասքանչ ճանապարհը լայն է, ուղիղ, լուսապայծառ, բյուրեղյա, և արևն է մյուս ծայրում... Հա... ի՞նչ են ընթերցում»:

«...Եւ ի պակասել գինւոյն՝ ասէ մայրն ցՅիսուս. Գինի ոչ ունիք...», — հասավ Ալլոշայի ականջին:

«Ախ այո՛, բաց էի թողնում այս համարը, իսկ չէի ուզում բաց թողնել, այս հատվածը սիրում եմ. Կանա Գալիլիականն է, առաջին հրաշքը... Ախ, այս հրա՛շքը, ախ, այս թանկագին հրաշքը: Ոչ թե մարդկային վշտին, այլ ուրախությա՛նն իր այցելութունը բերեց Քրիստոս, մարդկային ուրախությանն աշակից եղավ իր առաջին հրաշքը կատարելով... «Ով սիրում է մարդկանց՝ սիրում է նաև նրանց ուրախութունը...»: Հանգուցյալն ամեն բույս կրկնում էր այս խոսքը, նրա առաջնագույն մտքերից մեկն էր դա... Առանց ուրախության չի կարելի ապրել, ասում է Միտյան... Այո, Միտյան... Ամեն ինչ, որ ճշմարիտ է ու գեղեցիկ, միշտ լեցուն է համատարած ներողամտությամբ. այս բանն էլ նա էր ասում դարձյալ...»:

«... Եւ ասէ ցնա Յիսուս. Զի՞ կայ իմ և քո, կի՛ն դու. չե՛ է հասեալ ժամանակ իմ: Ասէ մայրն նորա ցպասաւորսն. Որ գինչ ասիցէ ձեզ՝ արասիք»:

«Արասիք... Ուրախութունը, ուրախությունը այդ աղքատ, շատ աղքատ մարդկանց... Անշո՛ւշտ թե աղքատ, քանի որ նույնիսկ հարսանիքի համար բավականաչափ գինի չի եղել... Ահա գրո՛ւմ են պատմաբանները, թե այդ ժամանակ Գեննեսարեթա ծովակի շուրջ և բոլոր այդ վայրերում ապրող մարդիկ չբավորագույն բնակչությունն էին, որ կարելի է երևակայել... Եվ այդ հարսանիքին ներկա եղող մյուս վսեմ էակի՛ շիսուսի մոր մեծաշնորհ սիրտը գիտե՛ր անշուշտ, թե որդին եկել է ոչ միայն իր

վեհագույն ու սարսափելի մեծագործության համար, այլ թե նրա սրտին մատչելի է նաև անկեղծ, անպաճույճ զվարճությունը ինչ-որ անգեա, անուս ու պարզամիտ էակների, որոնք սիրալիր կանչել են նրան իրենց խեղճուկրակ հարսանիքին: «Եեռ չի հասել իմ ժամանակը», — ասում է նա մեղմ ժպիտով (անպայմա՛ն նա հեզորեն ժպտացել է իր մորը)... Եվ իրոք, մի՞թե աղքատ հարսանիքներում գինին շատացնելու համար էր, որ նա իջավ երկիր: Բայց թե ահա գնաց ու կատարեց այդ բանը՝ իր մոր խնդրանքով... Ա՛խ, նորից է ընթերցում»:

«... Ասէ ցնոսա Յիսուս. Լցէ՛ք զբակոյկսդ ջրով. և լցին զնոսա մինչև ի վեր: Եւ ասէ ցնոսա. Արդ՝ անէ՛ք և բերէ՛ք տաճարապետիդ. և նոքա բերին: Եւ իբրև հաշակեաց տաճարապետն զնուրն գինի եղեալ, և ոչ գիտէր ուստի իցէ, քայց սպասաւորքն գիտէին՝ որք արկին զնուրն, խօսի բնդ փեսային տաճարապետն և ասէ. Ամենայն մարդ զանոյշ գինին յառաջագոյն պաշտէ, և յորժամ արբենան՝ յայնժամ գյոռին. դու պահեցեր զանոյշ գինիդ մինչև ցայժմ»:

«Բայց ի՞նչ է սա, ի՞նչ է սա: Ինչո՞ւ է լայնանում սենյակը... Ախ այո՛... չէ՛ որ ամուսնություն է սա, հարսանիք... այո, անշուշտ: Ահա՛ հյուրերը, ահա և երիտասարդ զույգը, և զվարժ բազմությունը և... իսկ ո՛ւր է իմաստուն տաճարապետը: Բայց ո՞վ է սա: Ո՞վ: Նորից լայնանում է սենյակը... Ո՞վ է ոտքի ելնում այնտեղ՝ մեծ սեղանի ետևից: Ի՞նչ... Նա՞ էլ այստեղ է: Բայց չէ՞ որ դազաղի մեջ է նա... Բայց և այստեղ է միաժամանակ... ոտքի ելավ, տեսավ ինձ, գալիս է ինձ մոտ... Տե՛ր աստված...»:

Այո, նրան, նրան՝ Ալլոշային մոտեցավ այդ փոքրամարմին, նիհարուկ ծերունին, որ մանր կնճիռներ ուներ դեմքին և ժպտում էր ուրախ ու մեղմիվ: Դագաղ չկա արդեն, և հագել է այն նույն զգեստը, որով նստած էր երեկ իրենց հետ, երբ հյուրերը հավաքվել էին նրա մոտ: Բաց է դեմքը լրիվ, աչքերը փայլում են: Բայց ինչպե՞ս թե. ուրեմն նա՛ ևս մասնակցում է խնջույթին, նույնպես հրավիրվել է հարսանիքի՝ ի Կանա Գալիլիացվոց...

— Նույնպես, քաղցրիկդ իմ, նույնպես հրավիրյալ եմ, հրավիրյալ ու կոչեցյալ,— լսեց Ալլոշան այդ մեղմ ձայնը իր գլխի վերև: — Ինչո՞ւ ես պահ մտել այստեղ ու չես երևում... զնանք, դու էլ եղիր մեզ հետ:

Նրա՛ ձայնն է, սրբահայր Զոսիմայի ձայնը... Եվ ինչպե՞ս կարող է նա՛ շլինել, երբ կանչո՞ւմ է: Սրբահայրն իր ձեռքով բարձրացրեց ծնկադիր Ալյոշային, և Ալյոշան ոտքի ելավ:

— Զվարճանում ենք,— շարունակեց նիհարուկ ծերունին,— նոր գինի ենք խմում, նոր ուրախության, մեծ ուրախության գինին. տեսնո՞ւմ ես, որքա՛ն հյուր կա: Ահա՛ փեսան ու հարսը, ահա և տաճարապետն իմաստուն, փորձում է նոր գինին: Ինչո՞ւ ես զարմացած նայում ինձ: Մի կանաչ սոխ տվեցի, և ահա ես էլ այստեղ եմ հիմա: Եվ այս հրավիրյալներից շատերը մի կանաչ սոխ են տվել միայն, լոկ մի փոքրիկ կանաչ սոխ... Ի՞նչ են մեր արած գործերը: Դո՛ւ ևս, մեղմիկ իմ որդյակ, դո՛ւ ևս, հեզահամբույր մանուկ իմ, դո՛ւ ևս կարողացար այսօր մի կանաչ սոխ տալ ծարավի կնոջ: Սկսի՛ր քո գործը, քաղցրիկդ իմ, սկսի՛ր, հեզաբարո պատանյակ... Իսկ տեսնո՞ւմ ես արևը մեր, տեսնո՞ւմ ես նրան:

— Վախենում եմ... չեմ համարձակվում նայել... — շնչաց Ալյոշան:

— Մի՛ երկնչիր նրանից: Մեր առջև սարսափելի է նա իր վեհությունը, ահավոր է իր բարձրությամբ, սակայն գթառատ է անհունորեն, նա մեր կերպարանքն է զգեցել սիրո հորդորմամբ և ուրախանում է մեզ հետ, ջուրը վերածում է գինվո, որպեսզի չընդհատվի ուրախությունը հյուրերի, ու նոր հրավիրյալների է սպասում, անդադար կանչում է նորերին և արդեն հավիտյանս հավիտենից: Ահա և նոր գինի են բերում, տեսնո՞ւմ ես, թափուկներն են բերում...»:

Հուրհրատող մի բան վառվում էր Ալյոշայի սրտում, հանկարծ մի բան լիուլի լցրեց նրա սիրտը՝ ցավեցնելու աստիճան, հափշտակության արցունքները ձգտում էին դուրս ժայթքել նրա հոգու խորքից... Նա թևերը տարածեց, մի ձիւ արձակեց ու արթնացավ...

Նորից դագաղը, բաց լուսամուտը և ավետարանի մեղմ, ծանրալուրջ, հստակաձայն ընթերցումը: Բայց Ալյոշան արդեն չէր լսում, թե ինչ են ընթերցում: Տարօրինակ բան, նա քնել էր ծնրադիր, իսկ հիմա կանգնած էր ոտքի, և հանկարծ, ասես պոկվելով իր կանգնած տեղից, երեք ամուր ու արագ քայլերով ընդհուպ մոտեցավ դագաղին: Նույնիսկ ուսով դիպավ հայր Պափիին և շնկատեց այդ: Հայր Պափսին աչքերը մի վայրկյան վեթառավ գրքից ու նայեց նրան, բայց իսկույն իշնցրեց հայացքը

Նորից, հասկանալով, որ մի տարօրինակ բան է պատահել տղային: Ալյոշան մոտ կես րոպե նայեց դագաղին՝ ծածկված ու անշարժ մեռյալին, որ պառկած էր դագաղի մեջ՝ սրբապատկերը կրծքի վրա և ութանկյուն խաչով փեղույրը գլխին: Դեռ նոր էր լսել նրա ձայնը, և այդ ձայնը տակավին հնչում էր իր ականջներում: Ու դեռ ունկնդրում էր, դեռ նոր հնչյունների էր սպասում... Բայց հանկարծ կարուկ շրջվեց ու դուրս ելավ խուցից:

Կանգ չառավ նաև անդաստակում, այլ արագորեն վար իջավ: Ցնծությունը լցված նրա հոգին ծարավի էր ազատության, բայեարձակ տարածության: Գլխի վերև անհունորեն խորանում էր անծայրածիր երկնականարը՝ մեղմ ու փայլփռուն աստղերով լեցուն: Դեռ անորոշ Միք Կաթինը երկճուղվելով երկարում էր բարձրակետից մինչև հորիզոն: Զովաշունչ ու անշարժության չափ խաղաղ գիշերը պարուրել էր երկիրը: Մայր տաճարի սպիտակ աշտարակներն ու ոսկի գմբեթները ճաճանչում էին շափուղա երկնքի դիմաց: Տան շուրջը, բուրաստանների մեջ, աշնանային փարթամ ծաղիկները նիրհել էին մինչ առավոտ: Երկրային լուսությունը կարծես միաձուլվել էր եթկնային լուսության, երկրի խորհուրդն առնչվում էր աստղերի խորհուրդին... Ալյոշան կանգնած նայում էր և հանկարծ ամբողջ մարմնով վայր նետվեց ու երկիր պագանեց գետնատարած:

Նա չգիտեր, թե ինչու է գրկում երկիրը, չէր կշռադատում, թե ինչու այնպես անդիմադրելիորեն ուզում է համբուրել այն, համբուրել ամբողջությամբ, բայց համբուրո՞ւմ էր արտասովորով, հեկեկալով, իր արցունքներով էր ողողում երկիրը և հափշտակությամբ երզվում էր սիրել այն, սիրել հավիտյանս հավիտենից: «Թրջիր երկիրն արցունքներով քո ուրախության ու սիրի արցունքները քո...», — հնչեց նրա հոգում: Վասն ինչի՞ էր արտասովոր նա: Օ՛, իր ցնծության մեջ արտասովոր էր նույնիսկ այդ աստղերի վրա, որոնք փայլելու ու նայում էին իրեն տիեզերքի անհունից, և «չէր ամաչում այդ հափշտակությունից»: Աստուծո բոլոր այդ անհամար աշխարհներից հանկարծ թեչեր էին կարծես ի մի եկել իր հոգում, և ամբողջովին թրթռում էր իր հոգին, «հաղորդակցելով այլ աշխարհների հետ»: Տեսնում էր ներել բուրբիս ու ամեն ինչի համար, և ներումն խնդրել, օ՛, ոչ թե իր համար խնդրել, այլ բոլոր մարդկանց, ընդհանուրի և ամեն ինչի, իսկ «ինձ համար ուրիշներն էլ են խնդրում», հնչեց նորից նրա հոգու մեջ: Բայց վայրկյան առ վայրկյան նա զգում

էր հայտնաբար ու կարծես շոշափելիորեն, թե այդ երկնակա-
մարի պես հաստատուն ու անասան մի բան իջնում ու տիրում
էր իր հոգուն: Անես մի գաղափար գահակալում էր իր մտքում՝
ու ցկյանս արդեն ու հավիտյանս հավիտենից: Որպես մի տկար
պատանի նետվել էր երկիր պազանելու, բայց ոտքի ելավ որ-
պես ցկյանս հաստատակամ մի մարտիկ և այդ բանը գիտակցեց
ու զգաց հանկարծ՝ իր հափշտակութեան այդ նույն պահին: Ու
երբեք, երբեք Ալլոշան չէր կարող մոռանալ այդ պահը իր ամ-
բողջ հետագա կյանքում: «Անծանոթ մեկն այցելեց իմ հոգին
այդ ժամին», — ասում էր նա հետագայում, հաստատապես հա-
վատալով իր ասածին...

Երբք օր հետո նա հեռացավ վանքից, և այդ քայլը համա-
պատասխանում էր նաև իր հանդուցյալ սրբահոր այն հորդո-
րին, թե նա պետք է «աշխարհիկ կյանքը ճանաչի»:

Գ ի թ թ ու թ եր ո թ թ

Մ Ի Տ Յ Ա

I

Կ Ո Ւ Ջ Մ Ա Մ Ա Ր Ա Ն Ո Ւ

Իսկ Գմիտրի Ֆյոդորովիչը, որին Գրուշենկան, դեպի նոր
կյանք սուրալով, իր վերջին ողջուհին էր հղել ու «պատվիրեք» էր
ընդմիջա հիշել իր մի ժամվա սերը, այդ բուսեին նույնպես ահա-
վոր հուզմունքի ու հոգսերի մեջ էր ու ոչինչ չգիտեր Գրուշեն-
կայի գլխով անցած-դարձած բաների մասին: Վերջին երկու օրե-
րի ընթացքում նա այնպիսի աներեակայելի վիճակի մեջ էր, որ
իսկապես կարող էր հիվանդանալ ուղեղի բորբոքումով, ինչպես
ինքն էր ասում հետո: Ալլոշան նախորդ օրն առավոտյան չէր
կարողացել գտնել նրան, իսկ Իվանն էլ չէր կարողացել նույն
օրը տեսակցություն ունենալ նրա հետ գինետանը: Նրա վար-
ձած բնակարանի տանտերերը, անսալով իր հրամանին, թաքցրել
էին նրա հետքերը: Իսկ ինքն այդ երկու օրվա մեջ բառացիորեն
խոյանում էր այս ու այն կողմ, «պայքարելով իր ճակատագրի
դեմ ու փրկելով իրեն», ինչպես ինքն իսկ արտահայտվեց հե-

տո. և նույնիսկ մի քանի ժամով քաղաքից դուրս սլացավ հրա-
տապ մի գործ կարգադրելու, շնայած որ իր համար սարսափելի
էր հեռանալ ու գեթ մի բուսե աչքից հեռու թողնել Գրուշենկա-
յին: Այդ բոլորը հետագայում պարզվեցին ամենայն մանրամաս-
նությամբ ու վավերագրական վկայություններով, բայց այժմ
նշենք փաստորեն ամենակարևոր պատահարները նրա կյանքի
այդ երկու սարսափելի օրերից, որոնց հաջորդեց ահավոր աղե-
տը՝ այնքան անակնկալորեն պայթելով նրա գլխին ու շուտ տա-
լով ճակատագիրը:

Թեև Գրուշենկան, ճիշտ է, մի ժամ սիրել էր նրան ճշմար-
տապես ու անկեղծորեն, բայց և, միաժամանակ, իրոք որ դա-
ժանորեն ու անողոք կերպով տանջում էր նրան երբեմն: Գլխա-
վորն այն էր, որ Միտյան ոչինչ չէր կարողանում կռահել նրա
մտադրություններից: Միտյանը կամ բռնի կերպով մի
բան կորզելը նույնպես անհնար էր. Գրուշենկան ոչ մի կերպ
տեղի չէր տա, այլ պարզապես կարող էր բարկանալ ու բողոք-
վին երես դարձնել նրանից: Միտյան որոշակիորեն հասկանում
էր այդ: Շատ իրավացիորեն կասկածում էր, որ Գրուշենկան ևս
ներքին մի պայքարով է տվալտում, տատանվում է արտասո-
վոր մի անորոշության մեջ, ուզում է մի բան վճռել ու չի կարո-
ղանում հստակ որոշում տալ: Ուստի և Միտյան հիմք ուներ են-
թադրելու, որ նա մերթ ընդ մերթ պետք է պարզապես ատի
իրեն՝ Միտյային, ատի իր ցուցաբերած կիրքը. և սիրտը նվա-
զում էր այդ ենթադրությունից: Գուցե և իրոք այդպես էր, բայց
նա այնուամենայնիվ չէր հասկանում, թե ինչն էր Գրուշենկայի
սրտնեղության բուն պատճառը: Ճիշտն ասած, ամբողջ այդ
տանջալի հարցը նրա համար երկու եզր ուներ միայն. «Կամ ին-
քը՝ Միտյան, կամ Ֆյոդոր Պավլովիչը»: Ի դեպ, այստեղ պետք
է մի որոշակի փաստ նշել. նա լիովին համոզված էր, որ Ֆյո-
դոր Պավլովիչն անպայման օրինական ամուսնություն կառա-
ջարկի Գրուշենկային (եթե արդեն չի առաջարկել), և ոչ մի բո-
պե չէր հավատում, թե ծերունի հեշտամուլը կարող է հույս ունե-
նալ միայն երբեք հազար ուրբով գործը գլուխ բերելու: Միտյան
այդ եզրակացությանն էր հասել, ծանոթ լինելով Գրուշենկայի
բնավորությանը: Ահա թե ինչու երբեմն նրան կարող էր թվալ,
թե Գրուշենկայի ամբողջ տանջանքի և անվճռականության պատ-
ճառը նույն երկրնտրանքն է պարզապես, այսինքն չգիտե, թե
ո՞ւմ ընտրի նրանցից, ո՞ր մեկն ավելի շահավոր կլինի իրեն:

Տարօրինակ բան, այդ օրերին Միտյայի մտքով իսկ շանցավ, թե շուտով վերադառնալու է «սպան», այսինքն այն մարդը, որ ճակատագրական դեր էր կատարել Գրուշենկայի կյանքում, և որի ժամանումին նա սպասում էր այնպիսի՝ հուզմունքով ու վախով: Ընդհատ է, որ Գրուշենկան վերջերս այդ խնդրի շուրջ ծպտուն չէր հանել Միտյայի ներկայությունը: Սակայն Միտյային քաջ հայտնի էր այն նամակը, որ մի ամիս առաջ Գրուշենկան ստացել էր այդ իր երբեմնի գայթակղիչից, մասամբ հայտնի էր նաև նամակի բովանդակությունը: Գրուշենկան այն ժամանակ, գայրույթի մի ընդհատ, ցույց էր տվել նամակը, բայց զարմանքով տեսել էր, որ Միտյան ոչ մի կարևորություն չընծայեց դրան: Եվ շատ դժվար կլինեիր բացատրել, թե ինչու. պատճառը գուցե պարզապես այն էր, որ Միտյան, այս կնոջ սիրույն իր հարազատ հոր դեմ մղած պայքարի ահավոր այլանդակությունից ճնշված, այլևս ոչ մի ավելի սարսափելի ու վտանգավոր բան չէր էլ կարող ենթադրել իր համար, գոնե այդ ժամանակ: Ու պարզապես չէր հավատում, որ մի սիրեկան, հինգ տարի անհայտանալուց հետո, հանկարծ լույս աշխարհ է ընկնում չգիտես որտեղից, և ավելի ևս չէր հավատում, որ նա կգա շուտով: Մանավանդ որ «սպայի» առաջին նամակում, որ տեսել էր Միտյան, շատ անորոշ կերպով էր խոսվում այդ նոր մրցակցի գալուտյան մասին. նամակը շատ մշուշապատ էր, շատ վերամբարձ և միայն դուրազագաց խոսքերով լեցուն: Պետք է նշել, որ Գրուշենկան նրանից թաքցրել էր նամակի վերջին տողերը, ուր մի քիչ ավելի որոշակի էր խոսվում վերագարձի մասին: Բացի այդ, Միտյան հետագայում հիշեց, որ այդ պահին հենց Գրուշենկայի դեմքին էլ ակամա ու հպարտամիտ մի արհամարհանք էր նշմարել՝ Միտյայից եկած այդ գրություն նկատմամբ: Այնուհետև Գրուշենկան այլևս ոչինչ չէր հայտնել այդ նոր մրցակցի հետ իր հետագա փոխհարաբերությունների մասին: Այսպիսով, կամաց-կամաց, Միտյան նույնիսկ բոլորովին մոռացել էր այդ սպային: Նա միայն մտածում էր այն մասին, թե ինչ էլ լինեիր հետևանքը, ինչպիսի ընթացք էլ ստանար խնդիրը, այնուամենայնիվ Ֆյոդոր Պավլովիչի հետ իր վերջնական ընդհարումը չափազանց մոտալուտ էր արդեն և պետք է իր վախճանին հասնեիր ուրիշ որևէ բանից առաջ: Ամեն ինչ Գրուշենկայի վճռին էր սպասում սրտի նվազումով և հավատում էր շարունակ, որ դա տեղի կունենա մի տեսակ անակնկալորեն, ընդհանրապես ներշնչումով: Նա

հանկարծ կասի իրեն՝ «Ա՛ն ինձ, ես քոնն եմ հավիտյան», և ամեն ինչ կվերջանա. իսկույն ևեթ կգրկի նրան ու կտանի աշխարհի մյուս ծայրը: Օ՛, անմիջապես կտանի նրան հեռու, որքան կարելի է հեռու, եթե ոչ աշխարհի ծայրը, գոնե Ռուսաստանի հեռավոր մի անկյունը, կամուսնանա այնտեղ նրա հետ ու բնակություն կհաստատի incognito, այնպես որ այլևս ո՛չ ոք ոչինչ չիմանա իրենց մասին, ո՛չ այստեղ, ո՛չ այնտեղ ու ո՛չ մի տեղ: Եվ այն ժամանակ, օ՛, այն ժամանակ բոլորովին նոր մի կյանք կսկսի անմիջապես: Այդ տարբեր, վերանորոգված և արդեն «առաքինի» («անպայման, անպայման առաքինի») կյանքի մասին նա երազում էր ամեն ինչ ու տենդագին: Մարավի էր այդ հարություն ու վերանորոգության: Նրան շատ էր տանջում այն նողկալի ճահճափոսը, որի մեջ խրվել էր իր սեփական կամքով, և նա, ինչպես շատ-շատերը նման դեպքերում, ամենից ավելի հավատում էր միջավայրի փոփոխության. միայն թե չլինեին այս մարդիկ, միայն թե չլինեին այս հանգամանքները, միայն թե ինքը փախչի-գնա՝ այս անիծյալ տեղից, և ամեն ինչ կվերածնվի, ամեն ինչ կընթանա նոր ձևով: Ահա թե ինչ էր հավատում, ահա թե ինչ էր տենչում:

Բայց դա կարող էր լինել՝ հարցի առաջին, երջանիկ լուծման պարագային: Կար նաև մի այլ լուծում, հնարավոր էր նաև մի այլ, բայց արդեն սարսափելի վախճան: Գրուշենկան հանկարծ կարող էր ասել՝ «Գնա՛ բանիդ, հենց նոր ես գործը կարգադրեցի Ֆյոդոր Պավլովիչի հետ և նրա՛ հետ էլ ամուսնանում եմ, իսկ դու ինձ պետք չես»... և այդ դեպքում... բայց այդ դեպքում... Սակայն Միտյան չգիտեր, թե ինչ է լինելու այդ դեպքում, մինչև վերջին ժամը չգիտեր. այս հարցում պետք է արդար լինել նրա նկատմամբ: Որոշակի մտադրություն չունեիր, ոճիր չէր ծրագրել: Հետամտում էր պարզապես, լրտեսում ու տանջվում էր, բայց համենայն դեպս իր ճակատագրի առաջին, երջանիկ լուծմանն էր պատրաստվում միայն: Որևէ այլ մտածող վանում էր նույնիսկ իրենից: Բայց ահա այստեղ բոլորովին ուրիշ մի տանջանք էր սկսում արդեն, իր առաջ ծառանում էր բոլորովին նոր ու կողմնակի մի հանգամանք, որ նույնպես ճակատագրական էր ու անլուծելի:

Այսինքն, եթե Գրուշենկան ասի իրեն՝ «Ես քոնն եմ, տար ինձ այստեղից», ինչպե՞ս տանի նրան: Որտեղի՞ց դրա համար գանձի միջոցներ, փող: Հենց այդ ժամանակ սպասվել էին իր

բոլոր այն եկամուտները, որ մինչև հիմա այնքան տարի անընդհատ ստանում էր Յոզոր Պավլովիչից, որոբմության պես: Գրուշենկան իհարկե փող ուներ, բայց այդ հարցում հանկարծ սոսկալի մի հպարտություն ի հայտ եկավ Միտյայի մեջ, ինքն էր ուզում տանել նրան և իր միջոցներով մի նոր կյանք սկսել նրա հետ: Երևակայել անգամ չէր կարող, որ փող կվերցնի նրանից, և այդ միտքը տաժանագին նողկանք ազդելու շափ լլկում էր իրեն: Այս փաստի մասին երկար չեմ խոսի այստեղ, չեմ վերլուծի, այլ միայն կնշեմ, որ այսպիսի մի տրամադրություն էր տիրում նրա հոգու մեջ այդ պահին: Այս ամբողջը կարող էր նույնիսկ անուղղակիորեն և մի տեսակ անգիտակցաբար առաջացած լինել այն թաքուն խղճի խայթից, որ նա զգում էր՝ Կատերինա Իվանովնայի փողը գողեզող յուրացրած լինելու համար: «Մեկի առաջ սրիկա դուրս եկա և մյուսի առաջ էլ իսկույն սրիկա կլինեմ նորից,— մտածում էր նա այն ժամանակ, ինչպես ինքը խոստովանեց հետագայում,— և Գրուշենկան եթե իմանա, ինքը նախ կհրաժարվի այսպիսի սրիկայից»: Եվ այսպես ուրեմն, որտեղի՞ց գտնել միջոցները, որտեղի՞ց գտնել այդ ճակատագրական փողը: Այլապես ամեն ինչ կկորչի ու ոչինչ չի իրագործվի, «և միայն այն պատճառով, որ փողն էր պակասում, օ՞ խայտառակություն»:

Առաջ անցնելով ասեմ, որ նա հենց գիտե՞ր գուցե, թե որտեղից կարող է ձեռք բերել այդ փողը, գուցե գիտեր նաև, թե այդ փողը որտեղ է գտնվում: Առայժմ ավելի մանրամասնորեն չեմ խոսի այս մասին, որովհետև հետագայում ամեն ինչ պարզ է գառնալու Բայց ահա՝ ասեմ, թեև տարտամորեն, թե ինչն էր գլխավոր դժբախտությունը նրա համար. որպեսզի կարողանար վերցնել այդ ինչ-որ մի տեղ գտնվող միջոցները, որպեսզի իրավունք ունենար վերցնելու, պետք է նախ և առաջ Կատերինա Իվանովնային վերադարձներ երեք հազարը. այլապես՝ «գրպանահատ եմ ես, սրիկա, իսկ չեմ ուզում սրիկա լինելով սկսել իմ նոր կյանքը»,— որոշեց Միտյան: Ուստի վճռեց ամբողջ աշխարհը շուտ տալ, եթե պետք լիներ, բայց անպայման այդ երեք հազարը վերադարձնել Կատերինա Իվանովնային՝ ամեն գնով և ամեն բանից առաջ: Այդ վճիռը վերջնականապես հասունացավ, այսպես ասած, նրա կյանքի ամենավերջին ժամերին, այսինքն Ալյոշայի հետ իր վերջին հանդիպումից սկսած՝ երկու օր առաջ, երեկոյան, ճանապարհի վրա, այն բանից հետո, երբ Գրուշեն-

կան անպատվել էր Կատերինա Իվանովնային. իսկ Միտյան, լսելով Ալյոշայից այդ պատմությունը, խոստովանել էր, որ ինքը սրիկա է, և պատվիրել էր հաղորդել իր այդ խոստովանությունը Կատերինա Իվանովնային, «եթե դա կարող է որևէ շափով մխթաբարել նրան»: Եվ հենց այդ ժամանակ էլ, այդ գիշեր, բաժանվելով եղբորից, նա իր մոլեգնություն մեջ ունեցել էր այն զգացումը, թե նույնիսկ ավելի լավ է «սպանել ու կողոպտել որևէ մեկին, բայց պարտքը վերադարձնել Կատյային անպայման»: «Ավելի լավ է՝ մարդ սպանող ու կողոպտող ավազակ դառնամ բոլորի աչքին, Սիբիր գնամ, քան թե Կատյան իրավունք ունենա ասելու, թե ես իրեն դավաճանեցի և հենց ի՞ր փողերը գողացա և ի՞ր փողերով էլ փախա Գրուշենկայի հետ՝ առաքինի՝ մի կյանք սկսելու համար: Այդ բանը չե՛մ կարող անել»: Այդպես էր ասել Միտյան ատամները կրճատացնելով, և իսկապես մերթ ընդ մերթ նրան կարող էր թվալ, թե ի վերջո ուղեղի բորբոքում կստանա: Բայց առայժմ պայքարում էր...

Տարօրինակ բան: Կարծես թե այդ վճռից հետո այլևս նրա համար ոչինչ չէր մնում, բացի հուսահատությունից, որովհետև որտեղի՞ց հանկարծ կարող էր այդպիսի գումար գտնել, այն էլ նրա նման անկուտի մեկը. և սակայն մինչև վերջ էլ հույս ուներ, որ ձեռք կբերի այդ երեք հազարը, հույս ուներ, որ այդ գումարը կգա, ինքնիրեն կընկնի իր ձեռքը՝ թեկուզ նույնիսկ երկնքից: Բայց հենց այդպես է լինում վիճակը այն մարդկանց, որոնք, Գմիտրի Յոզորովիչի նման, իրենց ամբողջ կյանքում կարող են միայն ծախսել ու վատնել ժառանգաբար իրենց հասած ձրի դրամը, բայց ոչ մի պատկերացում չունեն, թե ինչպես է դրամը ձեռք բերվում: Երկու օր առաջ, Ալյոշայից բաժանվելուց անմիջապես հետո, պատրանքների ամենացնորական մի մրրիկ բարձրացավ նրա գլխում և խառնեց բոլոր մտքերը: Եվ այդպիսով, հենց սկզբից էլ բացարձակապես արտառոց մի քայլի դիմեց: Գուցե այդ, հենց այսպիսի պայմաններում, հենց այսպիսի մարդկանց համար, առաջին իսկ քայլից հնարավոր են թվում ամենից ավելի անկարելի ու ցնորական միջոցառումները: Նա հանկարծ որոշեց գնալ վաճառական Սամսոնովի մոտ, այն ծերունու, որ Գրուշենկայի հովանավորն էր, և մի «ծրագիր» առաջարկել նրան, այդ «ծրագրի» հաշվին էլ նրանից ուղղակի ձեռք բերել ամբողջ անհրաժեշտ գումարը: Գործառնություն տեսակետից իր ծրագրի շահաբեր լինելու մասին ոչ մի տարակույս չուներ. միակ տարա-

կույսն այն էր, թե Սամսոնովն ի՛նչ աչքով կնայի իր այդ անսովոր արարքին, եթե հանկարծ ուզենա հարցը դիտել ոչ միայն վաճառաշահության առումով: Միայն թեև դեմքով գիտեր այդ վաճառականին, բայց անձնապես ծանոթ չէր ու մի բառ անգամ չէր փոխանակել հետը: Սակայն, շփտես ինչու, արդեն վաղուց նրա մեջ հաստատվել էր այն համոզմունքը, թե այդ ծեբ անառակը, որ այժմ մահվան դուռն էր հասել, գուցե այս բուպեիս բնավ էլ չի ընդդիմանա, եթե Գրուշենկան պատվավոր մի ձևով դասավորի իր կյանքը և ամուսնանա «վստահելի մարդու» հետ. ու ոչ միայն չի ընդդիմանա, այլև ցանկանում է այդ բանը, և եթե առիթը ներկայանա՝ ի՛նքը կնպաստի դրան: Միտյան, իր ականջին հասած լուրերի՛ց, թե Գրուշենկայի ինչ-որ ասածից ելնելով, եզրակացրել էր նաև, թե ծերունին Գրուշենկայի համար գուցե նախընտրելի իրեն՝ Միտյային, քան թե Ֆյոդոր Պավլովիչին: Մեր այս վեպի ընթերցողներից շատերին գուցե թվա, թե Դմիտրի Ֆյոդորովիչը չափից ավելի կուպիտ ու անբծախնդիր հաշվենկատությամբ էր վարվում՝ ապավինելով այդպիսի օգնության և մտադրվելով իր հարսնացուին առնել, այսպես ասած, նրա հովանավորի ձեռքից: Կարող եմ միայն նշել, որ Գրուշենկայի անցյալը արդեն վերջնականապես անցած-գնացած բան էր թվում Միտյային: Նա անհուն կարեկցանքով էր նայում այդ անցյալին և իր կրթի ամբողջ հրայրքով որոշել էր, որ եթե Գրուշենկան ասի իրեն՝ «Միտում եմ քեզ ու կամուսնանամ քեզ հետ», ապա իսկույն ևեթ ծնունդ կառնի բոլորովին նոր մի Գրուշենկա և միաժամանակ բոլորովին նոր մի Դմիտրի Ֆյոդորովիչ՝ արդեն բոլոր արատներից զերծ, միայն բարեմասնություններով զարգարված, երկուսն էլ կներեն իրար և արդեն բոլորովին նոր ձևով կսկսեն իրենց կյանքը: Իսկ գալով Կուզմա Սամսոնովին, Միտյան նրան համարում էր մի մարդ, որ ճակատագրական դեր է խաղացել Գրուշենկայի կյանքի այդ անցած-գնացած շրջանում, և որին, սակայն, երբեք չի սիրել Գրուշենկան, մի մարդ, որն արդեն (և այս էր զլխավորը) նույնպես «անցել է», վերջացել, այնպես որ նա բոլորովին գոյություն էլ չունի: Եվ բացի այդ, Միտյան հիմա նույնիսկ մարդ էլ չէր կարող համարել նրան, որովհետև քաղաքում ամեն ոք գիտեր, թե նա պարզապես հիվանդ մի ավերակ էր և, այսպես ասած, միայն հայրական փոխհարաբերություն էր պահպանում Գրուշենկայի հետ, այլ ոչ թե նախկին հիմունքներով էր կապված, և դա վաղուց արդեն այդ-

պես էր, համարյա թե մի տարի է այդպես էր: Համենայն դեպս, Միտյայի կողմից բավականաչափ պարզամտություն էլ կար այս բոլորի մեջ, որովհետև նա, իր բոլոր մոլություններով հանդերձ, շատ պարզամիտ մարդ էր: Հենց իր այդ պարզամտության հետևանքով էլ նա, ի միջի այլոց, ամենայն լրջությամբ համոզված էր, որ Կուզման, պատրաստվելով անդենական աշխարհ մեկնելու, անկեղծորեն զղջում է Գրուշենկայի հետ իր ունեցած անցյալի համար, և որ հիմա Գրուշենկան չունի ավելի անձնվեր մի հովանավոր ու բարեկամ, քան արդեն անվնաս այս ծերունին:

Վանքի ճանապարհին Ալյոշայի հետ իր խոսակցությունից հետո գրեթե անբուն մի գիշեր անցկացնելով, հաջորդ օրն իսկ, առավոտյան ժամը տասի մոտ, նա հայտնվեց Սամսոնովի տանը և պատվիրեց, որ իր մասին զեկուցեն տանտիրոջը: Հին էր այդ տունը, մռայլ, շատ ընդարձակ, երկհարկանի, ուներ կցաշենք և այլ օժանդակ շինություններ բազում: Ներքևի հարկում ապրում էին Սամսոնովի երկու ամուսնացած որդիներն իրենց ընտանիքներով, ինչպես և տարեց քույրն ու շամուսնացած մի աղջիկը: Իսկ կցաշենքում բնակվում էին նրա երկու գործակատարները, որոնցից մեկը նույնպես բազմադամ ընտանիք ուներ: Թե՛ զավակները, թե՛ գործակատարները խճողված էին ապրում, բայց ծերունին մեն-մենակ՝ գրավել էր տան ամբողջ վերնամասը և չէր թողնում, որ նույնիսկ աղջիկն ապրի իր հետ, թեև այդ օրիորդն էր նրան խնամում և, հակառակ իր ունեցած շնշարգելության, պարտավոր էր ամեն անգամ ներքևից վեր վազել, երբ հասներ որոշյալ ժամը կամ էլ երբ հայրը որևէ ժամանակ կանչեր նրան: Այդ «վերնամասը» բաղկացած էր բազմաթիվ մեծ շքասենյակներից, որոնք կահավորված էին վաճառական դասի հին ոճով՝ կարմիր փայտե անճոռնի բազկաթոռների և աթոռների երկար, միապաղաղ շարքեր, ծածկոցով պատված բյուրեղապակյա ջահեր, պատերի վրա մռայլ հայելիներ: Բոլոր այդ սենյակները մնում էին դատարկ ու անբնակ, որովհետև հիվանդ ծերունին ամփոփվել էր հեռավոր մի անկյունում գտնվող իր փոքրիկ ննջասենյակի մեջ, ուր նրան ծառայում էին պառավ ու լաշակավոր սպասուհին և մեկ էլ «լաճը», որի մշտական տեղը միջանցքի օթոցն էր: Ծերունին, իր ուռած ոտքերի պատճառով, արդեն համարյա բոլորովին չէր կարողանում քայլել. երբեմն միայն բարձրանում էր կաշվե բազկաթոռից, և պա-

Պա՛վ սպասուհին, թեևրի տակից բռնելով, մեկ-երկու անգամ տանում-բերում էր նրան սենյակում: Նույնիսկ այս պառավի հանդեպ նա խոժոռ էր ու մունջ: Երբ նրան զեկուցեցին «կապիտանի» այցելության մասին, իսկույն ևեթ հրամայեց մերժել: Բայց Միտյան համառեց ու կրկին զեկուցել տվեց: Կուզմա Կուզմիչը մանրամասն հարցուփորձի ենթարկեց լաճին, թե՛ ի՞նչ տեսք ունի, գուցե հարբա՞ծ է: Խենթուխելառ չի՞ գոռոտում: Եվ պատասխան ստացավ, թե «խելքը տեղն է, բայց գնալ չի ուզում»: Մերունին նորից հրամայեց մերժել: Այդ ժամանակ Միտյան, որ նախատեսել էր այս բոլորը և հատկապես թուղթ ու մատիտ էր վերցրել հետը այսպիսի մի դեպքի համար, թղթի կտորի վրա հստակորեն գրեց մի տող՝ «Ամենակարևորագույն գործով, որ սերտ կապ ունի Ագրաֆենա Ալեքսանդրովնայի հետ», և ուղարկեց ծերունուն: Մի քիչ մտածելուց հետո, ծերունին կարգադրեց, որ լաճն այցելուին տանի հյուրասրահ, իսկ պառավ սպասուհուն ուղարկեց ներքև՝ հրամայելով, որ կրտսեր որդին անմիջապես բարձրանա իր մոտ: Այս կրտսեր որդին, տասներկու վերջով հասակով և աճուկի ուժի տեր մի տղամարդ, որ երեսն ամիսում էր ու եվրոպացու նման էր հագնվում (Սամսոնովն ինքը կաֆտան էր հագնում և մորուք ունեւր), անհապաղ ու լուռու-մունջ վեր եկավ: Նրանք բոլորն էլ զողում էին իրենց հոր առաջ: Հայրն այս ածաղային կանչեց ոչ թե որովհետև վախենում էր կապիտանից (նա բոլորովին էլ վախկոտ բնավորություն չուներ), այլ հենց այնպես, ավելի ճիշտ՝ որևէ դեպքում մի վկա ունենալու համար: Սամսոնովն ի վերջո քարշ եկավ հյուրասրահ՝ իրեն թեևս արած որդու և լաճի ընկերակցությամբ: Պետք է ենթադրել, թե նա բավական ուժեղ մի հետաքրքրություն էլ էր զգում: Այդ հյուրասրահը, ուր սպասում էր Միտյան, վիթխարի, մռայլ, մարդու հոգին տխրությանը խեղդող մի սենյակ էր՝ երկշար լուսամուտներով, վերնատնով, «մարմարակերպ» պատերով և երեք բյուրեղապակյա հսկա ջահերով, որոնք ծածկոցով էին պատած: Միտյան մուտքի դռան մոտ նստել էր աթոռակի վրա և ջղային անհամբերությամբ սպասում էր իր բախտին: Երբ ծերունին երեսց հանդիպակաց դռնից, մոտ քսան մետր հեռու, Միտյան ընդոստ վեր կացավ ու իր ամուր, կանգունաչափ, զինվորական քայլերով ընդառաջ գնաց: Վայելուչ էր հագնվել Միտյան՝ կոճկված սերթուկ, սև ձեռնոց, կլոր գլխարկը ձեռքին, ճիշտ ու ճիշտ այնպես, ինչպես երեք օր առաջ վան-

քում՝ սրբահոր մոտ, Ֆյոդոր Պավլովիչի ու եղբայրների հետ ընտանեկան հավաքույթին: Մերունին, կանգնած, սպասում էր ամբարտավան ու խստադեմ, և Միտյան անմիջապես զգաց, որ նա ոտից գլուխ զննեց իրեն, երբ ինքը մոտենում էր: Միտյային զարմացրեց նաև Կուզմա Կուզմիչի դեմքը, որ արտակարգորեն ուռել էր վերջերս. ստորին շրթունքը, որ արդեն հաստ էր, հիմա մի տեսակ կախ ընկած բլիթ էր թվում: Մանրաբարո ու լուելյան գլուխ տվեց նա հյուրին, բազմոցի մոտ մի բազկաթոռ մատնանշեց նրա համար, իսկ ինքը դանդաղորեն, որդու թևին հենվելով ու ցավագին տնքալով, սկսեց նստել բազմոցի վրա՝ Միտյայի դիմաց, այնպես որ Միտյան, ի տես նրա ցավագին ճիգերի, անմիջապես զղջահարվեց ու նրբազգաց մի ամոթով լրցվեց, գիտակցելով իր այժմու ոչնչությունը այդ այնքան կարևոր անձնավորության առաջ, որին ինքը անհանգստացրել էր:

— Ի՞նչ էիք ուզում ինձնից, պարոն,— վերջապես նստելուց հետո ասաց ծերունին դանդաղորեն, հստակ, խիստ, բայց քաղաքավարի շեշտով:

Միտյան ցնցվեց, ընդոստ վերկացավ, բայց նորից նստեց: Հետո անմիջապես սկսեց խոսել բարձր, արագ, ջղային, ձեռքերը շարժելով ու կատարյալ մոլուցքի մեջ ընկած: Երևում էր, որ մարդը հասել է կործանման եզրին և մի վերջին ելք է փնտրում, իսկ եթե այդ էլ չհաջողվի՝ թեկուզ հենց այս բոպեիս պատրաստ է ջուրը նետվելու: Մերունի Սամսոնովք թերևս մի ակնթարթում հասկացավ այս բոլորը, թեև նրա դեմքը սառն ու անփոփոխ էր մնում արձանի նման:

«Մեծապատիվ Կուզմա Կուզմիչը հավանաբար բազմիցս լսել է արդեն իմ ընդհարումների մասին հորս հետ՝ Ֆյոդոր Պավլովիչ Կարամազովի, որ կողոպտել է ինձ հասնող ժառանգությունը իմ հարազատ մորից հետո... քանի որ ամբողջ քաղաքն արդեն շաղակրատում է այդ մասին... որովհետև այստեղ բոլորն էլ պետք չեղած բաների մասին են շաղակրատում... Եվ բացի այդ, կարող էր հասնել նաև Գրուշենկայի միջոցով... ներողություն, Ագրաֆենա Ալեքսանդրովնայի... ազնվափայլ Ագրաֆենա Ալեքսանդրովնայի, որին ես շատ եմ հարգում...»: Այսպես սկսեց և առաջին իսկ խոսքից սայթաքեց Միտյան: Բայց մենք բառացիորեն չենք մեջ բերի նրա ամբողջ ճառը, այլ դրա շարադրանքը միայն կներկայացնենք: Այսինքն թե, նրա ասելով, խնդիրն այն է, որ ինքը, Միտյան, դեռ երեք ամիս առաջ հատ-

կայան դիտավորյալ խորհրդակցել է (նա հենց ասաց «հատկապես դիտավորյալ», և ոչ թե «դիտամամբ») փաստաբանի հետ նահանգային կենտրոնում, «նշանավոր փաստաբանի, Կուզմա Կուզմիշ, երևելի Պավել Պավլովիչ Կորնեպլոդովի հետ, թերևս բարեհաճե՞լ եք լսել նրա մասին: Բեղուն գլուխ է, համարյա պետական գործչի խելք ունի... ձեզ նույնպես ճանաչում է... լավագույնս արտահայտվեց ձեր մասին...», — սայթաքեց նորից Միտյան: Բայց սայթաքումները չէին կանգնեցնում նրան, իսկույն ցատկում էր դրանց վրայից և սլանում ավելի ու ավելի առաջ: Իբր թե այդ Կորնեպլոդովը, ուրեմն, մանրամասն հարցուփորձ անելով և քննելով այն փաստաթղթերը, որ Միտյան կարող էր ներկայացնել նրան (փաստաթղթերի մասին Միտյան անորոշ արտահայտվեց և հատկապես շտապ անցավ այդ հարցի վրայից), կարծիք է հայտնել, թե իսկապես հնարավոր կլինե՞ր դատական գործ սկսել Չերմաշնյա գյուղի նկատմամբ, որ պետք է պատկաներ իրեն՝ Միտյային, մոր կողմից. և այդպիսով կարելի է շժմեցնել անառակ ալևորին՝ իր հորը... «որովհետև բոլոր դռները հո փակ չեն, և արդարադատությունը գիտե անշուշտ, թե որտեղից կարելի է խցկվել»: Մի խոսքով, կարելի կլինե՞ր հույս ունենալ նույնիսկ մի վեց հազար ութըլու հավելյալ գումար ստանալու Ֆյոդոր Պավլովիչից, մինչև իսկ յոթ հազար, քանի որ Չերմաշնյայի արժեքն այնուամենայնիվ քսանհինգ հազարից պակաս չէ, այսինքն թերևս էլ քսանութ հազար է, «երեստ՛ն, երեստ՛ն, Կուզմա Կուզմիշ, իսկ ես, պատկերացրեք, տասնյոթ հազար էլ չեմ ստացել այդ դաժան մարդուց...»: Այսպես ուրեմն ես, այսինքն Միտյան, այդ ժամանակ ձեռք բաշեցի այդ գործից, որովհետև գլուխ չունեմ դատական օրենքների հետ, իսկ երբ այստեղ եկա՝ իմ դեմ հարուցված հակահայցք ինձ ապշեցրեց ուղղակի (այս կետում Միտյան նորից խճճվեց ու նորից կարուկ ցատկեց առաջ). այ ուրեմն, չե՞ք ցանկանա դուք, ազնվամեծար Կուզմա Կուզմիշ, վերցնել իմ բոլոր իրավունքները այդ հրեշի դեմ, իսկ ինքներդ երեք հազար միայն տվեք ինձ... Դուք ոչ մի դեպքում չեք կարող կորուստ ունենալ, ազնվությամբ, ազնվությամբ եմ երդվում. ընդհակառակը, կարող եք վեց կամ յոթ հազար շահել երեք հազարի փոխարեն... Բայց գլխավորն այն է, որ այս գործը վերջանա «հենց այսօր իսկ»: «Ես ձեզ հենց նոտարի միջոցով, կամ էլ ինչպես որ պետք է... մի խոսքով, ամեն ինչի պատրաստ եմ, ձեր պահանջած բոլոր թղթերը կտամ,

ամեն ինչ կստորագրեմ... և մենք իսկույն կվերջացնենք այդ թուղթը, և եթե կարելի է, եթե միայն կարելի է, հենց այսօր, այս առավոտ անենք... Դուք ինձ այդ երեք հազարը տայիք... որովհետև այս փոքրիկ քաղաքում ո՞վ կարող է մրցել ձեզ հետ որպես դրամատեր... և դրանով կփրկեիք ինձ մի այնպիսի՝ բանից... մի խոսքով, կփրկեիք իմ խեղճ գլուխը մի ազնվագույն գործի համար, կարելի է ասել՝ վսեմագո՞ւյն գործի համար... որովհետև ազնվագույն զգացումներ եմ տածում մի որոշ անձնավորության նկատմամբ, որին դուք շատ լավ գիտեք, և որի հանդեպ դուք հոգածու եք հայրաբար: Այլապես չէի էլ գա, եթե հայրաբար չլինեի: Եվ, եթե ուզում եք ճիշտը, այստեղ երեք հոգի ճակատ-ճակատի են եկել, որովհետև մարդուս ճակատագիրը մի ճիվա՞ղ է, Կուզմա Կուզմիշ: Ռեալի՞զմ, Կուզմա Կուզմիշ, ռեալի՞զմ: Եվ քանի որ ձեզ վաղուց արդեն պետք է բացառել, ուրեմն մնում են երկու ճակատ իրար կպած, ինչպես ասացի. գուցե և վայելուչ մի արտահայտություն չէ դա, բայց դե ես գրոցբրոց չեմ: Այսինքն մեկը իմ ճակատն է, իսկ մյուսը՝ այդ հրեշինը: Ուրեմն ընտրեցեք՝ ե՞ս, թե այդ հրեշը: Հիմա ամեն ինչ ձեր ձեռքումն է՝ երեք ճակատագիր և երկու բախտ... Ներեցեք, ամեն ինչ իրար խառնեցի, բայց դուք հասկանում եք... ձեր պատվական աչքերից եմ տեսնում, որ հասկացաք... Իսկ եթե չհասկացաք, մնում է, որ հենց այսօր իսկ ջո՛ւրը նետվեմ, ահա՛»:

Միտյան այդ «ահա»-ով էլ ընդհատեց իր անհեթեթ ճառը և, ընդոստ վեր կենալով, պատասխան սպասեց իր հիմար առաջարկությանը: Վերջին նախադասությունն ասելու վայրկյանին նա հանկարծ հուսահատորեն զգաց, որ ամեն ինչ հօդս էր ցրնդել, և որ մանավանդ ահռելի մի ցնդաբանություն էր դուրս տվել: «Տարօրինակ բան, երբ այստեղ էի գալիս, ամեն ինչ լավ էր թվում, իսկ հիմա ցնդաբանություն եղավ ահա», — անցավ հանկարծ նրա հուսալքված մտքով: Երբ նա խոսում էր, ծերունին անշարժ նստել էր շարունակ և աչքերի մեջ սառցասառն մի արտահայտությամբ հետևում էր նրան: Ու վերջապես, մոտ մի րոպե նրան սպասողական վիճակի մեջ պահելուց հետո, Կուզմա Կուզմիշը ամենավճռական ու անբարեհույս շեշտով ասաց.

— Ներեցեք, մենք այդպիսի գործերով չենք զբաղվում: Միտյան հանկարծ զգաց, որ ոտքերը թուլանում են:

— Իսկ ի՞նչ է լինելու իմ բանը հիմա, Կուզմա Կուզմիչ,— մրթմրթաց նա գունատ ժպտալով:— Ուրեմն էլ կործանվեցի՛ հիմա. ի՞նչ եք կարծում:

— Ներեցեք խնդրեմ...

Միտյան շարունակում էր կանգնած մնալ և անշարժ նայում էր, աչքերը հառած: Ու հանկարծ մի շարժում նկատեց ծերունու դեմքին: Ցնցվեց:

— Գիտե՞ք ինչ, պարոն, այդպիսի գործերը անհարմար բաներ են մեզ համար,— ասաց ծերունին դանդաղորեն,— դատողատաստան, փաստաբաններ՝ կրակ ու պատիժ: Բայց եթե ուզում եք, մի մարդ կա այստեղ, ա՛յ նրան դիմեցեք...

— Տե՛ր աստված, ո՞վ է այդ մարդը... Դուք ինձ կյանք եք տալիս, Կուզմա Կուզմիչ,— սկսեց հանկարծ թոթովել Միտյան:

— Այստեղացի չէ այդ մարդը, և այստեղ էլ չէ հիմա: Գյուղացի է, փայտի առուտուր է անում, կազավի են ասում նրան: Ահա մի տարի է՝ Ֆյոդոր Պավլովիչի հետ սակարկություն է անում այդ ձեր Չերմաշնյայի պուրակի համար, բայց գնի մասին չեն համաձայնվում, գուցե թե լսել եք: Հենց այս օրերիս նորից է եկել, մնում է Իլլինսկոեի տերտերի մոտ, Վոլովյա կայանից մի տասներկու վե՛րստ է, թե ինչ՝ այդ Իլլինսկոե գյուղը այսինքն: Նա ինձ էլ նամակ գրեց հենց այդ գործով, այսինքն այդ պուրակի մասին, խորհուրդ էր հարցնում: Ֆյոդոր Պավլովիչն ինքը ուզում է նրա մոտ գնալ: Դե ուրեմն, եթե դուք Ֆյոդոր Պավլովիչին կանխեք և կազավիին առաջարկեք հենց այս բանը, որ ինձ ասացիք, գուցե թե նա...

— Հանճարե՛ղ միտք,— ընդհատեց Միտյան հրճվանքով:— Հենց նա՛ է, հենց նրա՛ն է ձեռնառու Սակարկում է մարդը, թանկ են ուզում նրանից, և մեկ էլ ահա նրա ձեռքն են տալիս հենց այն փաստաթուղթը, որով ինքն է տեր դառնում, հա-հա-հա:— Եվ Միտյան հանկարծ սկսեց քրքջալ կարճ-կարճ, փայտածայն ծիծաղով, բոլորովին անսպասելիորեն, այնպես որ նույնիսկ Սամսոնովը ցնցվեց:

— Ինչպե՞ս շնորհակալությունս հայտնեմ ձեզ, Կուզմա Կուզմիչ,— ետում էր Միտյան:

— Ոչինչ բան է,— գլուխը խոնարհեց Սամսոնովը:

— Բայց դուք չգիտե՞ք, դուք փրկեցի՛ք ինձ, օ՛, նախազգացումն էր, որ ինձ բերեց ձեզ մոտ... Դե ուրեմն, վազե՛նք այդ տերտերին գտնելու:

— Չարժե շնորհակալությունս հայտնել:

— Շտապում եմ, թույլում: Չարաշահեցի ձեր առողջությունը: Հավիտյա՛նս չեմ մոռանա, ոտ՛ւս մարդն է ասում ձեզ այս բանը, Կուզմա Կուզմիչ, ո-ոտ՛ւս մարդը:

— Բա ո՞նց:

Միտյան հենց ուզում էր բռնել նրա ձեռքը, որպեսզի թոթվի, բայց ծերունու աչքերում շարանենգ մի բան երևաց: Միտյան հտ քաշեց ձեռքը, սակայն ինքնիրեն հանդիմանեց կասկածամտության համար: «Պարզապես հոգնել է...»,— անցավ նրա մտքով:

— Նրա՛ սիրույն: Գրո՛ւշենկայի սիրույն, Կուզմա Կուզմիչ: Դուք հասկանում եք, որ այս բոլորը նրա՛ սիրույն է,— գոռաց նա հանկարծ ամբողջ սրահով մեկ, գլուխ տվեց, կտրուկ շրջվեց և նույն արագ, կանգունաշափ քայլերով, առանց հտ նայելու սլացավ դեպի դուռը: Դուզում էր ցնծությունից: «Արդեն կործանվում էր ամեն ինչ, և ահա պահապան հրեշտակը փրկեց,— անցնում էր նրա մտքով:— Եթե այս ծերունու նման գործարար մարդը (ազնվագույն ծերունի է, ի՛նչ կեցվածք ունի), եթե այսպիսի մարդն է այս ուղին ցույց տալիս, ուրեմն... ուրեմն անշո՛ւշտ թե շահեցի՛նք գործը: Հենց հիմա պետք է թռչել-գնալ: Մինչև գիշե՛ր կվերադառնամ, գիշե՛րը կվերադառնամ՝ միևնույնն է, գործը հաղթանակով արված է արդեն: Կարո՞ղ է պատահել, որ ծերուկը քթիս ծիծաղած լինի»: Այսպես բացականչելով Միտյան գնում էր դեպի իր բնակարանը, և անշուշտ ուրիշ կերպ չէր էլ կարող պատկերացնել, այսինքն՝ կա՛մ գործնական մի խորհուրդ է դա (այսպիսի մի գործարար մարդու), և ծերուկը գիտե այս գործը, գիտե այդ կազավիին (տարօրինակ ազգանուն), և կամ էլ... կամ էլ Սամսոնովն իր քթին ծիծաղեց: Ավա՛ղ, հենց այս վերջին միտքն էր միայն ճշմարիտ: Հետագայում, երկար ժամանակ հետո, երբ արդեն կատարվել էր աղետը, ծերունի Սամսոնովն ինքը խոստովանեց ծիծաղելով, որ այն ժամանակ ձեռք էր առել «կապիտանին»: Չարասիրտ, անկարեկից ու հեզնասեր մարդ էր նա, և այդ բոլորի վրա դեռ հիվանդագին հակակրանքի պոռթկումներ էլ էր ունենում: Չգիտեմ, թե ինչը մղեց ծերունուն՝ արդյոք կապիտանի հուզաբորբոք արտահայտությունը, արդյոք «փողը քամուն տվող այդ լոթոն» հիմար համոզմո՛ւնքը, թե նա, Սամսոնովը, կարող է տեղի տալ նրա «ծրագրի» նման ցանցառ մի բանի, արդյոք խանդի զգացմո՛ւն-

քը Գրուշենկայի համար, որի անունով «այդ թոկից փախածը» եկել էր փող պոկելու ինչ-որ մի ցնդաբանութուն առաջարկելով,— չգիտեմ, բայց հենց այն բուսիին, երբ Միտյան կանգնած էր նրա առաջ և զգում էր, որ ոտքերը թուլանում են ու անիմաստ բացականշում էր, թե կործանվել է, այդ բուսիին ահա ծերունին անսահման շարասրտութամբ նայեց նրան և որոշեց քթին ծիծաղել: Երբ Միտյան դուրս գնաց, Կուզմա Կուզմիշը, զայրույթից գունատվելով, դարձավ իր որդուն և հրամայեց այնպես անել, որ այդ քրջոտն այլևս ոտք չդնի իր տունը և նույնիսկ բակի դուռը չբացեն նրա առաջ, թե չէ...

Նա խոսքը շվերջացրեց, շասաց իր սպառնալիքը, բայց նույնիսկ որդին, որ հաճախ էր նրա բարկութունը տեսել, վախից դողաց: Հետո մի ամբողջ ժամ ծերունին ոտից գլուխ ցնցվում էր զայրույթից, իսկ երեկոյան հիվանդացավ և մարդ ուղարկեց բժիշկ կանչելու:

II

ԼՅԱԳԱՎԻ

Այսպես ուրեմն, պետք է «քառատրոփ» սուրար, բայց թե ձիերի համար վճարելու ոչ մի կոպեկ փող չունենր, այսինքն երկու քասնկոպեկանոց կար գրպանում, և այդ էր ամբողջը, ամբողջը, որ մնում էր այնքան տարիների բարեկեցիկ կյանքից: Սակայն տանը արծաթե մի հին ժամացույց կար, որն արդեն վաղուց դադարել էր աշխատելուց: Ուղղակի վերցրեց այդ ժամացույցը և տարավ մի հրեա ժամագործի մոտ, որ մի փոքրիկ խանութ ուներ շուկայում: Հրեան վեց ուրբի տվեց դրա դիմաց: «Այսքանն էլ չէի սպասում»,— գռչեց Միտյան խանդավառված (դեռ շարունակվում էր նրա խանդավառ հոգեվիճակը), վերցրեց իր վեց ուրբին ու տուն վազեց: Տանը ավելացրեց գումարը, երեք ուրբի պարտք անելով տանտերերից, որոնք այնքան էին սիրում նրան, որ հաճույքով տվեցին, թեև իրենց վերջին կոպեկներն էին դրանք: Միտյան իր խանդավառութամբ տարված տեղն ու տեղը հայտնեց նրանց, թե իր բախտն է վճռվում, և պատմեց, անշուշտ սոսկալի շտապելով, համարյա ամբողջ այն «ծրագիրը», որ հենց նոր ներկայացրել էլ Սամսոնովին, ապա և Սամսոնովի որոշումը, իր ապագա հույսերը և այլն, և այլն: Տանտերերն առաջ էլ իրազեկ էին դառնում նրա շատ գաղտնիք-

ներին, և այդ պատճառով էլ նրան համարում էին իրենց մարդը, այլ ոչ երբեք հպարտ մի պարոն: Այսպես ինը ուրբի հավաքելով, Միտյան փոստակայանի ձիեր բերել տվեց՝ մինչև Վոլովյա կայանը գնալու համար: Բայց այդպիսով մարդկանց հիշողության մեջ տեղ գրավեց այն փաստը, թե «մի որոշ դեպքի նախորդ օրը, կեսօրին, Միտյան ոչ մի կոպեկ փող չունենր և փող ճարելու համար ժամացույցը ծախեց ու երեք ուրբի պարտք առավ տանտերերից, և այդ բոլորը՝ վկաների ներկայութամբ»:

Նախօրոք նշում եմ այս փաստը. հետո կպարզվի, թե ինչու եմ այսպես անում:

Սուրբալով դեպի Վոլովյա կայանը, Միտյան թեև փայլում էր այն բերկրալի նախազգացումից, թե վերջապես կլուծի ու կվերջացնի «բոլոր այս խնդիրները», բայց այնուամենայնիվ դողում էր նաև վախից՝ ի՞նչ կանի հիմա Գրուշենկան իր բացակայության ընթացքում: Հապա եթե հենց այսօր որոշի վերջապես գնալ Ֆյոդոր Պավլովիչի մոտ: Ահա թե ինչու Միտյան մեկնելուց առաջ ոչինչ չասաց նրան և տանտերերին էլ պատվիրեց ոչ մի դեպքում չհայտնել, թե ուր է գնացել ինքը, եթե որևէ տեղից գան և իրեն հարցնեն: «Անպայման, անպայման այս երեկո պետք է վերադառնամ»,— կրկնում էր նա տմբտմբալով կառքի մեջ,— իսկ այդ կազավիին լավ կլինի, որ քարը տամ բերեմ այստեղ... որ այս գործը վերջացնենք...»: Այսպիսի երազներով էր տարվում Միտյան և սիրտը թրթռում էր, բայց ավա՞ղ, բոլորովին բախտ չէր վիճակվել նրան, որ երազանքները կատարվեին ըստ իր կազմած «ծրագրի»:

Նախ և առաջ, ուշացավ. Վոլովյա կայանից բռնեց գյուղամիջյա կարճ ճանապարհը, բայց պարզվեց, որ այդ կարճ ճանապարհը ոչ թե տասներկու, այլ տասնութ վերստ է: Երկրորդ տանը չգտավ Իլյինսկոեի քահանային, որ հարևան գյուղն էր գնացել: Մինչև որ Միտյան նույն հոգնած ու տանջված ձիերով հասավ այդ հարևան գյուղը և գտավ նրան, արդեն համարյա գիշեր եղավ: Տեղ հայրը, ամոթխած ու սիրալիլ երևույթով մի մարդուկ, անմիջապես բացատրեց նրան, որ այդ կազավին թեև սկզբում իր տանն էր իջեցնել, բայց հիմա գտնվում է Սուխոյ Պոսյոլոկում, այնտեղ անտառապահի խրճիթում է գիշերելու աշօր, որովհետև այնտեղ էլ փայտանյութ է սակարկում: Երբ Միտյան թախանձագին խնդրեց, որ նա իրեն հենց անմիջապես տանի կազավիի մոտ և «այդպիսով, այսպես ասած, փրկի

իրեն», տեր հայրն սկզբում տատանվեց թեև, բայց վերջապես համաձայնվեց ուղեկցել նրան մինչև Սուխոյ Պոսյոլոկ, երևի հետաքրքրություն զգալով. բայց դժբախտաբար խորհուրդ տվեց «ոտորով գնալ», քանի որ ընդամենը մի վերստ ճանապարհ կլինեիր, դե «մի քիչ էլ ավել»։ Միտյան, բնական է, համաձայնվեց ու ճամփա ընկավ իր կանգունաչափ քայլերով, այնպես որ խեղճ տեր հայրը համարյա վազում էր նրա ետևից։ Դեռ ոչ ծեր ու շատ զգուշավոր մի մարդուկ էր նա։ Միտյան նրա հետ էլ անմիջապես սկսեց խոսել իր ծրագրերի մասին, ետանդով ու ջղայնորեն խորհուրդներ հարցրեց կյազավիի վերաբերյալ և խոսեց ու խոսեց ամբողջ ճանապարհին։ Տեր հայրը ուշադիր լսում էր, բայց քիչ էր խորհուրդ տալիս։ Միտյայի հարցերին խուսափուկ էր պատասխանում. «Զգիտեմ, օհ, չգիտեմ, ես ո՞նց կարող եմ իմանալ էդ բանը» և այլն։ Երբ Միտյան սկսեց խոսել ժառանգության հարցով հոր հետ իր ընդհարումների մասին, տեր հայրը նույնիսկ վախեցավ, որովհետև ինչ-որ փոխհարաբերություններ ուներ Ֆյոդոր Պավլովիչի հետ և նրանից կախյալ դրուժյան մեջ էր։ Բայց և այնպես նա զարմացած հարցրեց, թե ինչո՞ւ Միտյան կյազավի է կոչում այդ առևտրական գյուղացի Գորսուկինին, և բարի եղավ բացատրելու, որ նա թեև իսկապես կյազավի է կոչվում, բայց և կյազավի չէ, որովհետև սարսափելի վիրավորվում է այդ անունից, պետք է անպայման Գորսուկին ասել նրան, «թե չէ ոչինչ չեք կարող անել նրա հետ, չի էլ լսի ձեզ», — եզրակացրեց տեր հայրը։ Միտյան մի բույս որոշ զարմանք զգաց և բացատրեց, որ Սամսոնովն ինքը այդպես էր կոչում նրան։ Լսելով այդ բանը, տեր հայրն իսկույն խոսակցությունը փոխեց, թեև լավ կաներ՝ հենց այդ բույսին էլ Դմիտրի Ֆյոդորովիչին հայտներ իր ենթադրությունը, որ եթե Սամսոնովն ինքը նրան ուղարկել է այդ գյուղացու մոտ և կյազավի անունն է տվել, արդյոք ծիծաղելու համար չի՞ արել այդպես, և արդյոք մի վատ բան չկա՞ դրա մեջ։ Բայց Միտյան ժամանակ չունեիր «այդպիսի մանրուքների վրա» կանգ առնելու։ Շտապում էր նա, քայլում էր մեծ-մեծ քայլերով և Սուխոյ Պոսյոլոկ հասնելուց հետո միայն նկատեց, որ անցել էին ոչ թե մի վերստ, ոչ էլ մեկուկես, այլ երևի երեք վերստ. սրտնեղեց դրանից, բայց ձայն չհանեց։ Մտան խրճիթ։ Տեր հոր ծանոթ անտառապահն ապրում էր խրճիթի մի կեսում, իսկ մյուս, ավելի մաքուր կեսում, միջանցքի մյուս կողմը, Գորսուկինն էր տեղավորվել։ Մտան այդ

մաքուր սենյակը և ճարպամոմ վառեցին։ Խրճիթը սաստիկ տաքացված էր։ Սոճեփայտե սեղանի վրա հանգած մի ինքնատե կար, նաև մի մատուցարան՝ բաժակներով, ումի դատարկ մի շիշ, մի մեծ շիշ էլ օղի՝ դեռ կեսը լեցուն, և ցորենահացի մնացուկներ։ Իսկ ինքը՝ եկվորը մեջքի վրա պառկել էր նստարանին, գլխի տակ ճմռված վերնազգեստն էր դրել բարձի փոխարեն և ծանր խոմփացնում էր։ Միտյան վարանած կանգնեց։ «Թհարկե պետք է արթնացնել. իմ գործը շափազանց կարևոր է, շտապել եմ այնպես, և շտապում եմ այսօր իսկ վերադառնալ», — սկսեց տազնապել Միտյան։ Բայց տեր հայրն ու անտառապահը լուռ կանգնել էին, չէին հայտնում իրենց կարծիքը։ Միտյան մոտեցավ և ինքը ջանաց արթնացնել նրան, ջանաց ետանդով, բայց քնած գյուղացին չէր արթնանում։ «Շարբած է, — որոշեց Միտյան, — բայց ի՞նչ անեմ հիմա ես, աստված իմ, ի՞նչ անեմ»։ Եվ հանկարծ սոսկալի անհամբերությամբ սկսեց քաշքշել նրա ձեռքերից, ոտքերից, ցնցել գլուխը, բարձրացնել ու նստեցնել նրանստարանին, բայց և այնպես, շատ երկար ջանքերից հետո, կարողացավ հասնել միայն մի բանի՝ քնածն սկսեց անիմաստ բառալուծներ արձակել և թունդ հայհոյել, թեև անորոշ արտասանելով բառերը։

— Չէ, ավելի լավ է սպասեք մի քիչ, — ասաց վերջապես տեր հայրը, — որովհետև երևում է՝ չի կարող։

— Ամբողջ օրը խմում էր, — ձայնակցեց անտառապահը։

— Տե՛ր աստված, — աղաղակեց Միտյան, — եթե միայն իմանայիք, թե որքա՞ն անհրաժեշտ է նա ինձ և ի՞նչ հուսահատության մեջ եմ հիմա։

— Չէ, բայց ավելի լավ կլինեիր սպասեիք մինչև առավոտ, — կրկնեց տեր հայրը։

— Մինչև առավոտ։ Ի սե՛ր աստծո, անկարելի է դառնալ — Եվ հուսահատությունից մղված՝ հենց նորից էր նետվում հարբածի վրա, որ արթնացնի, բայց իսկույն ձեռք քաշեց, հասկանալով, որ իր բոլոր ջանքերն անօգուտ են լինելու։ Տեր հայրը լուռ էր մնում, քնաթաթախ անտառապահը մոռալ կանգնել էր։

— Ռեալի՞զմը, ռեալիզմը ի՞նչ սարսափելի ողբերգություններ է բերում մարդկանց գլխին, — ասաց Միտյան կատարելապես հուսահատած։ Քրտինքը թափվում էր երեսից։ Օգտվելով հարմար բույսից, տեր հայրը շատ խելամտորեն բացատրեց, որ եթե նույնիսկ հաջողվեիր արթնացնել քնածին, այնուամենայնիվ

նա, հարբած լինելով, չէր կարողանա որևէ խոսակցութիւն վարել, «իսկ ձեր գործը կարևոր է, այնպես որ իսկապես լավ կլինենք համբերեիք մինչև առավոտ...»: Միտյան ձեռքերը տարածեց ու համաձայն եղավ:

— Ես այստեղ կմնամ, տեր հայր, մոմն էլ վառած կթողնեմ և կբռնեմ հարմար ընկեր: Հենց որ զարթնի, կսկսեմ... Մոմի համար կվճարեմ քեզ,— դարձավ նա անտառապահին,— գիշերելու համար էլ կվճարեմ, դու չե՞ս մոռանա Գմիտրի Կարամազովին: Բայց միայն թե, տեր հայր, հիմա չգիտեմ ձե՞ր բանն ինչպես անենք. որտե՞ղ եք պառկելու:

— Զէ, ես տուն գնամ: Այ նրա ձիուկն ինձ տուն կհասցնի,— ցույց տվեց նա անտառապահին:— Արդ ուրեմն մնաք բարով, ցանկանում եմ լրիվ գոհացում ստանաք:

Այդպես էլ արեցին: Տեր հայրը ձի նստեց ու մեկնեց, ուրախացած, որ վերջապես օձիքն ազատել էր, բայց և շփոթահար շարժելով գլուխը և մտմտալով, թե արդո՞ք հարկավոր չէ՞ վաղն և իսկ, դեռ բանը բանից չանցած, այս տարօրինակ դեպքի մասին հայտնել բարերար Ֆյոդոր Պավլովիչին, «թե չէ մեկ էլ տեսար, սատանայի ականջը, կիմանա հանկարծ, կբարկանա և էլ շնորհ չի անի»: Անտառապահը գլուխը քոր տվեց ու լուռումունջ գնաց իր սենյակը, իսկ Միտյան նստեց նստարանին, որպեսզի, ինչպես սասց, բռնի հարմար ընկեր: Խորունկ մի տխրութիւն պատեց նրա հոգին, ծանր մշուշի նման: Խորունկ, սարսափելի մի տխրութիւն: Նստած մտածում էր, բայց ոչինչ չէր կարողանում կշտադատել: Մոմն այլուցք էր կապում և լույսն աղտոտանում էր, մի ծղրիդ ճոճոտում էր անընդհատ, տաքացված սենյակում օդը ծանրանում էր անտանելիորեն: Նրա մտքում հանկարծ պատկերացավ այգին, անցքը այգու ետևում, հոր տանը մի դուռ բացվեց խորհրդավոր կերպով, Գրուշենկան վազելով ներս անցավ... Նա վեր թռավ նստարանից:

— Ողբերգութիւն,— սասց ատամները կրճատցնելով, մեքենաբար մոտեցավ ջնած մարդուն և սկսեց նրա գեմքին նայել: Բարակ-մարակ, միջին տարիքի մի գլուղացի էր, խիստ երկարավուն դեմքով, խարտյաշ գանգուրներով, մորուքը երկար էր, բարակ ու կարմրավուն, հագել էր շփե վերնաշաւիկ ու սև բաճկոնակ, որի գրպանից երևում էր արծաթե ժամացույցի շղթան: Միտյան սոսկալի ատելութամբ էր դիտում այդ գեմքը, և, չգիտես ինչու, այդ մարդու գանգուր մազեր ունենալը հատկապես

նրա ատելութունն էր գրգռում: Անտանելիորեն վիրավորական էր մանավանդ այն, որ ահա ինքը, Միտյան, այնքա՞ն բան գոհելով, այնքա՞ն բան մի կողմ թողնելով, կատարելապես տանջված, իր անհետաձգելի գործի համար կանգնել է նրա գլխին, իսկ «այս պորտաբույժը, որից հիմա իմ ամբողջ ճակատագիրն է կախված, այնպես է խոմփացնում, որ կարծես ոչինչ էլ չի եղել, կարծես ինքը ուրիշ մոլորակից է իջել»: «Օ՛, ճակատագրի հեգնա՞նքը»,— բացականչեց Միտյան և հանկարծ, բոլորովին գլուխը կորցնելով, նորից նետվեց հարբած գլուղացուն արթնացնելու: Մի տեսակ կատաղութամբ էր աշխատում արթնացնել նրան, քաշքշում էր, հրում, նույնիսկ ծեծում, բայց, մոտ հինգ ընկած շարշարվելուց ու նորից արգլունքի չհաննելուց հետո, անզոր հուսահատութամբ վերադարձավ իր նստարանին ու նստեց:

— Հիմարութիւնն է, հիմարութիւնն,— բացականչում էր Միտյան:— Եվ... ի՞նչ անպատվաբեր է այս ամբողջը,— ավելացրեց նա հանկարծ, չգիտես ինչու: Գլուխն սկսեց սարսափելիորեն ցավել: «Զե՞՞ք քաշեմ գուցե: Թողնեմ ու գնամ»,— անցավ նրա մտքով:— Բայց չէ, սպասեմ մինչև առավոտ: Այ, հենց դիտմամբ եմ սպասելու, գիտմամբ: Էլ ինչու՞ եմ եկել: Եվ ձի-մի էլ չկա, որ գնամ, ինչպե՞ս կարող ես հիմա այստեղից հեռանալ, օ՛ տխմարութիւն»:

Բայց նրա գլուխն ավելի ու ավելի էր ցավում: Անշարժ նստել էր և էլ չէր հիշում, թե ինչպես սկսեց մրափել ու հանկարծ քունը տարավ՝ այդպես նստած: Երևի քնեց մի երկու ժամ ու թերևս ավելի: Զարթնեց անտանելի գլխացավից, այնքան անտանելի, որ ուզում էր գոռալ: Քունքերը մրճահարվում էին, գագաթը ցավում էր: Զարթնելուց հետո դեռ երկար ժամանակ չէր կարողանում լրիվ ուշքի գալ ու հասկանալ, թե ինչ է պատահել իրեն: Վերջապես ըմբռնեց, որ խիստ տաքացված սենյակը լցվել է սարսափելի ածխահոտով, և որ ինքը գուցե կարող էր մեռնել: Իսկ հարբած գլուղացին դեռ պառկել ու խոմփացնում էր: Մոմը հավել էր և պետք է հանգչեր շուտով: Միտյան բոռաց ու երբևրալով նետվեց միջանցք՝ դեպի անտառապահի սենյակը: Անտառապահը շուտով զարթնեց, բայց լսելով, որ մյուս սենյակը ածխահոտով է լցվել, տարօրինակ անտարբերութամբ ընդունեց այդ փաստը, թեև գնաց կարգի գցելու. դա վիրավորական թվալու չափ զարմացրեց Միտյային:

— Բայց նա մեռա՞վ, նա մեռա՞վ, և այդ դեպքում... ի՞նչ

եմ անելու այդ դեպքում,— մոլեգնած գոռում էր Միտյան նրա առաջ:

Բաց արեցին դռները, լուսամուտը, բացեցին ծխնելույզը, Միտյան մի դույլ շուր բերեց միջանցքից, նախ իր գլուխը թրջեց, հետո լաթի մի կտոր գտավ, թաթախեց ջրի մեջ ու դրեց կազավիի գլխին: Իսկ անտառապահը շարունակում էր մի տեսակ նույնիսկ արհամարհանքով վերաբերվել այդ ամբողջ դեպքին և, լուսամուտը բանալով, մոռյուրեն ասաց՝ «Դե լավ է ըսենց», ու գնաց վերստին քնելու, թիթեղյա լապտերը թողնելով Միտյային: Միտյան կես ժամի շափ զբաղվեց հարբած ու ածխահար գյուղացիով, շարունակ թրջելով նրա գլուխը, և արդեն լրջորեն մտադրվել էր ամբողջ գիշերը շքնել, բայց արդեն ուժասպառ եղած, մի րոպե նստեց շունչ քաշելու և վայրկենապես աչքերը փակեց, հետո իսկույն անգիտակցորեն մեկնվեց նստարանի վրա և քնեց մեռածի նման:

Սոսկալի ուշ զարթնեց: Մոտավորապես առավոտյան ժամը ինն էր արդեն: Արևը պայծառ փայլում էր խրճիթի երկու լուսամուտներից: Երեկվա գանգրահեր գյուղացին նստել էր նստարանի վրա, արդեն բաճկոնը հագած: Նրա առաջ մի նոր ինքնաեռ ու մի նոր շիշ օղի էր դրված: Երեկվա կիսատ շիշը դատարկել էր և նորի էլ կեսից ավելին խմել էր արդեն: Միտյան վեր թռավ ու վայրկենապես հասկացավ, որ անիծյալ գյուղացին հարբել էր նորից, հարբել էր մինչև ուղն ու ծուծը, անհուսալիորեն: Մի րոպե նայեց նրան, աչքերը չռած: Իսկ գյուղացին լուռ ու խորամանկ հայացքներ էր նետում նրա վրա՝ մի տեսակ վիրավորական հանդարտությամբ, նույնիսկ մի տեսակ արհամարհական մեծամտությամբ, ինչպես թվաց Միտյային: Նա խոյացավ գյուղացու մոտ:

— Ներեցեք, գիտե՞ք... ես... դուք երևի լսել եք այստեղի անտառապահից, որ այն սենյակում է, լսել եք՝ ես պորուչիկ Դմիտրի Կարամազովն եմ, ծերունի Կարամազովի որդին, դուք բարեհաճում եք պուրակը գնել նրանից...

— Փըշ-շո՞ւմ ես էդ բանը,— ասաց հանկարծ գյուղացին՝ հաստատ, կտրուկ և հանգիստ շեշտով:

— Ինչպե՞ս թե փշում եմ: Ֆյոդոր Պավլովիչին գիտեք, չէ՞:

— Ոչ մի բո Ֆյոդոր Պավլովիչին էլ չգիտեմ,— ասաց գյուղացին, մի տեսակ ծանր շարժելով լեզուն:

— Պուրակը, պուրակն եք ուզում նրանից գնել: Դե զարթնեք, ուշքի եկեք: Իլլիինսկոնի հայր Պավելը բերեց ինձ այստեղ... Դուք գրել եք Սամսոնովին, և նա ինձ ձեզ մոտ ուղարկեց...— շնչասպառ հևում էր Միտյան:

— Փըշ-շո՞ւմ ես,— կարճ ու կտրուկ ասաց նորից գյուղացին:

Միտյայի ոտքերը սառեցին:

— Ի սե՛ր աստժո, կատակ չէ իմ ասածը: Գուցե գինով եք: Բայց վերջապես կարող եք խոսել, հասկանալ... Թե չէ... Թե չէ ոչի՞նչ չեմ հասկանում:

— Դու է՛շ ներկող ես:

— Ի սե՛ր աստժո, ես Կարամազովն եմ, Դմիտրի Կարամազովը, առաջարկություն ունեմ ձեզ... շահավոր առաջարկություն... շատ շահավոր... հենց պուրակի կապակցությամբ:

Գյուղացին լուրջ-լուրջ շոյում էր մորուքը:

— Չէ՛, դու կապալով վերցրիր ու սրիկա դուրս եկար: Սրիկա՛ ես դու:

— Բայց հավատացնում եմ ձեզ՝ սխալվո՞ւմ եք,— ձեռ ու ոտ էր ընկել Միտյան հուսահատած: Գյուղացին շարունակ մորուքն էր շոյում և հանկարծ խորամանկորեն կկոցեց աչքերը:

— Չէ՛, դու ա՛յ թե ինչ ցույց տուր ինձ, ցույց տուր էնպիսի մի օրենք, որ թույլ է տրվում կեղտոտ բաներ անել, լսո՞ւմ ես: Սրիկա՛ ես դու, հասկանո՞ւմ ես, թե չէ:

Միտյան մոռյուրեն ետ քաշվեց, և հանկարծ ասես «մի բան խփվեց ճակատին», ինչպես ինքն ասաց հետո: Ակընթարթորեն մի լույս ծագեց նրա մտքում, «մի ջահ վառվեց, և ես ամեն ինչ հասկացա»: Քարացած կանգնել էր նա և զարմանում էր, թե ինչպե՞ս ինքը, համենայն դեպս խելացի մարդ լինելով, կարող էր տեղի տալ այսպիսի հիմարության, խճճվել այսպիսի արկածախնդրության մեջ և համարյա մի ամբողջ օր ու գիշեր շարունակել այս բոլորը, զբաղվել այս կյազավիի հետ, սրա գլուխը թրջել... «Դե հարբած է մարդը, մինչև ուղն ու ծուծը հարբած, և դեռ մի ամբողջ շաբաթ կիսմի ու կիսմի, էլ ի՞նչ սպասես սրանից: Բայց չլինի՞ Սամսոնովը դիտմամբ ինձ ուղարկեց այստեղ: Չլինի՞ թե Գրուշենկան... Օ՛ր աստված իմ, ի՞նչ արեցի...»:

Գյուղացին նստած նայում էր նրան ու քթի տակ ծիծաղում: Եթե ուրիշ ժամանակ լիներ, Միտյան գուցե կատաղությունից սպաներ այդ հիմարին, բայց հիմա ինքը ամբողջ մարմնով թու-

լացել էր երեխայի նման: Հանգիստ մոտեցավ նստարանին, վերցրեց իր վերարկուն, լուռ հագավ ու դուրս գնաց: Անտառապահին չգտավ մյուս սենյակում. ոչ ոք չկար այնտեղ: Գրպանից հիսուն կոպեկ մանր գրամ հանեց ու դրեց սեղանին որպես վարձ՝ գիշերելու, մոմի և պատճառած անհանգստության համար: Խրքճիթից դուրս գալով, տեսավ, որ շուրջն ամբողջ անտառ է միայն և ուրիշ ոչինչ: Քայլեց պատահական մի ուղղությամբ, շփշփելով նույնիսկ, թե խրճիթից ո՞ր կողմը պետք է գնա՝ ա՞ջ թե ձախ. երեկ գիշեր շտապելով տեր հոր հետ՝ ճանապարհը չէր նկատել: Նրա սրտում ոչ մեկի նկատմամբ վրիժառություն չգացում չկար, ոչ իսկ Սամսոնովի: Անտառային նեղ արահետով քայլում էր աննպատակ, ինքնակորույս, «խորհուրդը կորցրած» և բոլորովին չմտահոգվելով, թե ուր է գնում: Որևէ մի երեխա կարող էր զգեստել նրան, այնքա՛ն ուժաթափվել էր հանկարծ հոգեպես ու մարմնապես: Բայց համենայն դեպս մի կերպ անտառից դուրս եկավ. հանկարծ իր առաջ բացվեցին հնձված, մերկ դաշտերը՝ անծայրածիր տարածությամբ: «Ի՛նչ հուսահատություն, ի՛նչ մեռելություն ամեն կողմ», — կրկնում էր նա, շարունակ առաջ ու առաջ քայլելով:

Պատահական անցորդներ փրկեցին նրան. մի կառապան գյուղամիջյա ճանապարհով տանում էր ծերունի մի վաճառականի: Երբ կառքը հասավ ետևից, Միտյան հարցրեց ճանապարհը, և պարզվեց, որ նրանք նույնպես գնում են դեպի Վոլովյա: Պայմանների մասին խոսեցին ու Միտյային վերցրին իրենց հետ: Երեք ժամից տեղ հասան: Վոլովյա կայանում Միտյան անմիջապես փոստային ձիեր պատվիրեց մինչև քաղաք և հանկարծ անդրադարձավ, որ ահաբեկորներ քաղցած է: Քանի դեռ ձիերն էին լծում, մի ձվածեղ պատրաստեցին նրա համար: Մի վայրկյանում կերավ ամբողջ ձվածեղը, կերավ հացի մեծ կտորն ամբողջությամբ, մի կտոր էլ երշիկ կերավ ու երեք ըմպանակ օղի խմեց: Ուտելուց հետո աշխուժացավ, սիրտը նորից բացվեց: Ուղղակի թռչում էր ճանապարհով, շտապեցնում էր կառապանին, և հանկարծ մի նոր ու արդեն «անխախտ» ծրագիր կազմեց, թե ինչպես հենց այսօր իսկ, մինչև երեկո ձեռք է բերելու «այդ անիծյալ փողը»: «Եվ մի ռոպե մտածե՛ս, հենց միայն մտածես, թե այդ շնչին երեք հազարի պատճառով մարդու ճակատագիր է խորտակվում, — բացականչեց նա արհամարհանքով: — Հենց ա՛յսօր իսկ կլուծեն հարցը»: Եվ եթե նրան շարունակ շանհան-

զբստացներ այն միտքը, թե արդյոք մի բան չի՞ պատահել Գրուշենկային, նա գուցե նորից շատ զվարթ լիներ: Բայց Գրուշենկայի մասին այդ միտքը սուր դանակի պես խրվում էր իր սրտի մեջ ամեն ռոպե: Վերջապես հասան, և Միտյան իսկույն վազեց Գրուշենկայի մոտ:

III

ՈՍԿՈՒ ՀԱՆՔԵՐ

Դա Միտյայի հենց այն այցելությունն էր, որի մասին Գրուշենկան այնպիսի սարսափով պատմում էր Ռակիտինին: Այն ժամանակ նա իր «սուրհանդակին» էր սպասում և շատ ուրախ էր, որ Միտյան չէր եկել ո՛չ նախորդ օրը, ոչ էլ նույն օրը. հույս ուներ, որ գուցե, աստված տա, մինչև իր մեկնումը չի էլ երևա, բայց ահա նա վրա հասավ հանկարծ: Մնացյալը հայտնի է մեզ. որպեսզի գլուխն ազատի, Գրուշենկան վայրկենապես համոզեց նրան, որ իրեն ուղեկցի մինչև Կուզմա Սամսոնովի տունը, ուր իբրև թե ինքը պետք է խիստ անհրաժեշտորեն գնար «փող հաշվելու»: Միտյան իսկույն ուղեկցեց, իսկ Կուզմայի տան դարպասի առաջ Գրուշենկան ցտեսություն ասաց նրան և ստիպեց խոսք տալ, որ գիշերվա ժամը տասներկուսին նորից կգա և իրեն ետ կտանի տուն: Միտյան նույնպես ուրախ էր այդպիսի կարգադրության համար. «Կնստի Կուզմայի մոտ, ուրեմն Յոդոր Պավլովիչի մոտ չի գնա... եթե միայն սուտ չի ասում», — ավելացրեց նա իսկույն: Բայց իր տեսածի համաձայն՝ կարծես թե սուտ չէր նրա ասածը: Միտյան հենց այն տեսակի մի խանդոտ էր, որ սիրած կնոջ բացակայությամբ անմիջապես սկսում էր աստված գիտե էլ ինչպիսի՞ սարսափելի բաներ հնարել, այսինքն թե ինչեր են գալիս արդյոք նրա գլխին և ինչպես է նա իրեն «դավաճանում», բայց երբ նորից վազում էր նրա մոտ՝ ամբողջ հոգով ցնցված, վշտաբեկ, արդեն անդառնալիորեն հավատացած, որ նա համենայն դեպս հասցրել է դավաճանել իրեն, և երբ առաջին իսկ հայացքից տեսնում էր այդ կնոջ դեմքը՝ խնդուն, զվարթ ու սիրալիք դեմքը, իսկույն ևեթ վերակենդանանում էր, իսկույն ևեթ մոռանում էր ամեն մի կասկած և բերկրալի ամոթով հանդիմանում էր ինքն իրեն՝ իր խանդի համար: Գրուշենկային ուղեկցելուց հետո նա տուն վազեց: Օ՛, դեռ այնքան անելիք բաներ ուներ այսօր: Բայց գոն սիրտը թեթևացել

էր: «Միայն թե պետք է շուտով իմանամ Սմերդյակովից՝ երեկ իրիկուն բան-ման չի՞ եղել այնտեղ, չի՞նի՞ թե Գրուշենկան գնացել է Ֆլորոբ Պավլովիչի մոտ, ո՞ւր»,— անցավ նրա մտքով: Այնպես որ նա դեռ չէր էլ հասել իր բնակարանը, երբ արդեն նորից խանդն սկսեց խլրտալ նրա ապերասան սրտում:

Խա՛նդ: «Օթելլոն խանդոտ չէ, դյուրահավատ է»,— նկատել է Պուշկինը, և միայն այդ կռահումն իսկ վկայում է մեր մեծ բանաստեղծի արտասովոր խորամտությունը: Օթելլոյի հոգին է ջախջախվել պարզապես և մթազնել է նրա ամբողջ աշխարհայացքը, որովհետև նրա իդեալն է խորտակվել: Բայց Օթելլոն չի սկսի թաքնվել, լրտեսել, դարանակալ հսկել. նա դյուրահավատ է: Ընդհակառակը, պետք էր մեծ ջանքեր ի գործ դնելով ուղղություն տալ նրան, հրմշտել, բորբոքել, որպեսզի նա ի վերջո կռահեր դավաճանությունը: Իսկական խանդոտ մարդն այդպես չէ: Նույնիսկ անհնար է պատկերացնել այն ամբողջ խայտառակութունն ու բարոյական անկումը, որ խանդոտ մարդն ընդունակ է կրելու առանց որևէ խղճի խայթի: Եվ հո չի կարելի ասել, թե բոլոր խանդոտները գոհճիկ ու կեղտոտ հոգիներ են: Ընդհակառակը, մարդը կարող է բարձր զգացմունքներ ունենալ ու սիրել մաքուր, ինքնագոհությամբ լի սիրով, և միաժամանակ թաքնվել սեղանների տակ, կաշառել ամենաստոր մարդկանց ու համակերպվել լրտեսելու և ականջ դնելու ամենագարշելի խայտառակության հետ: Օթելլոն ոչ մի կերպ չէր կարող հաշտվել դավաճանության հետ (ոչ թե ներել չէր կարող, այլ հաշտվել չէր կարող), թեև նրա հոգին անհիշաշար ու անմեղ էր՝ երեխայի հոգու նման: Այդպես չէ իսկական խանդոտ մարդը. դժվար է պատկերացնել, թե ինչպիսի՞ բաների հետ կարող են համակերպվել ու հաշտվել և ինչե՞ր կարող են ներել որոշ խանդոտ մարդիկ: Հենց խանդոտները ամենից ավելի հոժար են ներելու, և բոլոր կանայք գիտեն այդ բանը: Օրինակ, խանդոտ մարդն ընդունակ է շփազանց շուտ ներելու (իհարկե, սկզբում սոսկալի մի տեսարան սարքելուց հետո) համարյա արդեն ապացուցված դավաճանությունը, իր աչքով իսկ տեսած գրկախառնումներն ու համբույրները, եթե, ասենք, միաժամանակ համոզվի որևէ կերպ, որ դա «վերջին անգամ» էր, և որ իր մրցակիցն այդ բոպեից իսկ կըջվի, կգնա աշխարհի մյուս ծայրը, և կամ ի՛նքը իր սիրած կնոջը կտանի այնպիսի մի տեղ, ուր այլևս չի հայտնվի այդ իր սարսափելի մրցակիցը: Իհարկե, հաշտու-

թյունը մեկ ժամ միայն կտևի, որովհետև եթե նույնիսկ իրոք մրցակիցը չբանա, խանդոտ մարդը հաջորդ օրն իսկ նորը կհնարի և կսկսի խանդել այդ նոր մրցակցին: Մարդ կարող է մտածել, թե ի՛նչ կա այն սիրո մեջ, որի ետևից պետք է այդպես լրտեսել, և ի՛նչ արժի այն սերը, որն այդքան ուժեղ հսկողության պետք ունի: Բայց ահա հենց այս բանը երբեք չի հասկանա իսկական խանդոտը, այնինչ, ճիշտն ասած, նրանց մեջ պատահում են նույնիսկ վսեմ սրտի տեր մարդիկ: Ուշագրավ է և այն, որ հենց այդ վսեմ սրտի տեր մարդիկ, թաքնված կանգնելով մի որևէ խցիկում, ականջ դնելով ու լրտեսելով, իրենց «վսեմ սրտի» շնորհիվ պարզ հասկանում են այն ամոթալի վիճակը, որի մեջ իրենք իսկ ընկել են կամավորաբար, սակայն և այնպես, գոնե այդ խցիկում կանգնած պահին, երբեք խղճի խայթ չեն զգում: Գրուշենկայի ներկայությամբ չբանում էր Միտյայի խանդը, և մի վայրկյան նա դյուրահավատ ու ազնիվ էր դառնում, նույնիսկ արհամարհում էր ինքն իրեն՝ իր վատ զգացումների համար: Բայց դա պարզապես նշանակում էր, որ այդ կնոջ հանդեպ իր սիրո մեջ շատ ավելի բարձր մի բան կար, քան ինքն էր ենթադրում, և ոչ թե միայն սեռային կիրք, ոչ թե միայն «մարմնի կորագիծ», որի մասին նա ասել էր Ալյոշային: Մական բավական էր, որ Գրուշենկան հեռանար աչքից, Միտյան իսկույն ևեթ սկսում էր նորից կասկածել ու դավաճանության բոլոր ստորություններն ու նենգությունները տեսնել նրա մեջ: Ընդ որում ոչ մի խղճի խայթ չէր զգում:

Եվ այսպես, խանդը նրա մեջ նորից սկսեց եռալ: Համենայն դեպս պետք էր շտապել: Նախ և առաջ պետք է գոնե մի քիչ փող ճարեր, կարճ ժամանակով պարտք առնել մի տեղից: Երեկվա ինը ռուբլին գրեթե ամբողջությամբ ծախսվել էր ճանապարհի համար, իսկ առանց փողի, պարզ է, ոչ մի-քայլ չես կարող անել: Բայց դեռ ցերեկը, կառքի մեջ, իր նոր ծրագիրը կազմելիս մտածել էր նաև, թե որտեղից ճարի այդ մի քիչ փողը կարճ ժամանակով: Մենամարտի լավ ատրճանակ ուներ մի զույգ, փամփուշտներն էլ հետը, և եթե մինչև հիմա դրանք գրավի չէր դրել, պատճառն այն էր, որ իր ունեցած բոլոր իրերից ավելի էր սիրում: «Մայր քաղաք» գինետանը վաղուց արդեն ծանոթացել էր մի երիտասարդ պաշտոնյայի հետ և հենց գինետանն էլ մի օր իմացել էր, որ այդ ամուրի և շատ բարեկեցիկ պաշտոնյան կըրքոտ սեր ունի զենքերի նկատմամբ, գնում է ատրճանակի տե-

սակներ, դաշույններ, տանը կախում է պատերի վրա, ցույց է տալիս ծանոթներին, պարծենում և վարպետորեն բացատրում է ատրճանակի կառուցվածքը, լցնելու ձևը և այլն: Առանց երկար մտածելու, Միտյան անմիջապես գնաց նրա մոտ և առաջարկեց տասը ռուբլով գրավի վերցնել ատրճանակները: Պաշտոնյան, ուրախացած, սկսեց նրան համոզել, որ ուղղակի ծախի, բայց Միտյան չհամաձայնվեց, և պաշտոնյան տասը ռուբլի տվեց նրան, հայտարարելով, որ ոչ մի դեպքում տոկոս չի վերցնի: Բաժանվեցին որպես բարեկամներ: Միտյան շտապում էր և սուրաց դեպի Ֆյոդոր Պավլովիչի տան ետևը՝ դեպի իր տաղավարը, որպեսզի հնարավորին շափ շուտ կանչի Սմերդյակովին: Բայց այդպիսով հաստատվեց ևս մի փաստ. Միտյան ոչ մի կոպեկ չունեց որոշ մի դեպքից ընդամենը երեք-չորս ժամ առաջ (այդ դեպքի մասին խոսելու եմ ստորև), և նա տասը ռուբլով գրավի դրեց իր սիրած առարկան, այնինչ հանկարծ, երեք ժամ հետո, հազարներ հայտնվեցին նրա ձեռքում... Բայց շտապեմ առաջ քնկնել:

Մարյա Կոնդրատենայից (Ֆյոդոր Պավլովիչի հարևանուհուց) իմացավ Սմերդյակովի հիվանդության անսպասելի լուրը, որ շափազանց զարմացրեց ու խռովեց նրան: Լսեց ամբողջ պատմությունը. նրա նկուղ ընկնելը, հետո ընկնավորություն նուպան, բժշկի այցելությունը, Ֆյոդոր Պավլովիչի ցուցաբերած խնամքը. հետաքրքրությամբ իմացավ նաև, թե իր եղբայր Իվան Ֆյոդորովիչն արդեն Մոսկվա է մեկնել այդ առավոտ: «Ծրեի ինձնից առաջ է վերջացրել անցել,— մտածեց Գմիտրի Ֆյոդորովիչը, բայց Սմերդյակովի հարցն էր նրան սոսկալի անհանգրստացնում:— Իսկ ի՞նչ է լինելու հիմա, ո՞վ պիտի հսկի, ո՞վ պիտի լուր բերի ինձ»: Ազահորեն սկսեց հարցուփորձել այդ կանանց՝ արդյոք որևէ բան չե՞ն նկատել երեկ իրիկուն: Նրանք շատ լավ հասկանում էին, թե ինչ էր ուզում իմանալ, և լիովին վստահացրին նրան. ոչ ոք չի եկել, գիշերել է Իվան Ֆյոդորովիչը, «ամեն ինչ կարգին էր բացարձակապես»: Միտյան մտածմունքի մեջ ընկավ: Իհարկե, այսօր էլ պետք է հսկել, բայց ո՞ր. այստե՞ղ, թե Սամսոնովի դարպասի առաջ: Որոշեց՝ և՛ այստեղ, և՛ այնտեղ, ըստ հանգամանքների բերման, իսկ մինչ այդ, մինչ այդ... Խնդիրն այն է, որ հիմա նրա առաջ կանգնած էր այն «ծրագիրը», նոր ու արդեն հաստատ ծրագիրը, որ այսօր կազմել էր ճանապարհին, և որի իրագործումն այլևս անկարելի էր

հետաձգել: Միտյան որոշեց մի ժամ զոհել դրան. «մի ժամվա մեջ ամեն ինչ կլուծեմ, ամեն ինչ կիմանամ և հետո, հետո՝ նախ ո՞ւղղակի Սամսոնովի տունը, կիմանամ՝ այնտե՞ղ է Գրուշենկան, և ո՞ւղղակի նորից այստեղ, մինչև տասնմեկը կսպասեմ այստեղ, հետո նորի՞ց Սամսոնովի դռան առաջ, որպեսզի նրան ետ տանեմ տուն»: Ահա այսպես որոշեց նա:

Տուն վազեց, լվացվեց, սանրվեց, մաքրեց հագուստը, հագնեց և գնաց տիկին Խոխլակովայի մոտ: Ավա՞ղ, նրա «ծրագիրն» այդ տիկնոջ հետ էր կապված: Որոշել էր երեք հազար ռուբլի պարտք առնել նրանից, Եվ մանավանդ որ հանկարծ, մի տեսակ անակնկալորեն, արտակարգ մի վստահություն էր զգացել, թե նա իրեն չի մերժի: Գուցե զարմանան, որ եթե այդպիսի վստահություն ունեց, ապա ինչո՞ւ հենց սկզբից չէր գնացել այդ տիկնոջ մոտ՝ այսպես ասած ի՛ր շրջանակի մարդու մոտ, այլ դիմել էր Սամսոնովին՝ ուրիշ կերտվածքի տեր մի մարդու, որի հետ նույնիսկ չգիտեր, թե ինչպես պետք է խոսի: Բայց խնդիրն այն է, որ վերջին ամսվա ընթացքում համարյա թե բոլորովին կտրել էր իր ծանոթությունը Խոխլակովայի հետ, և առաջ էլ շատ ծանոթ չէին իրար, ու բացի այդ՝ շատ լավ գիտեր, որ այդ տիկինը տանե՛լ չէր կարող իրեն: Խոխլակովան հենց սկզբից էլ ատել էր Միտյային պարզ այն պատճառով, որ նա Կատերինա Իվանովնայի փեսացուն է, և միաժամանակ այդ տիկինը, չգիտես ինչու, հանկարծ փափագել էր, որ Կատերինա Իվանովնան երես դարձնի նրանից և ամուսնանա «համակրելի, ասպետորեն նրբակիրթ Իվան Ֆյոդորովիչի հետ, որ այնպե՛ս հիանալի վարվելաձև ունի»: Իսկ Միտյայի վարվելաձևն ատում էր նա: Միտյան ուղղակի ծիծաղում էր նրա վրա և մի առիթով ասել էր, թե այդ տիկինը «նույնքան աշխույժ ու անզուսպ է, որքան անուս»: Եվ ահա այս առավոտ, կառքի մեջ, ամենափայլուն միտքն էր ծագել իր գլխում. «Է՛հ, եթե նա այնքան չի ուզում, որ ես ամուսնանամ Կատերինա Իվանովնայի հետ, և ա՛յդ աստիճան չի ուզում (գիտեր, որ նա համարյա հիստերիկա է բարձրացնում այդ առիթով), էլ ինչո՞ւ մերժի հիմա այդ երեք հազարը տալ ինձ, տալ հենց այն նպատակով, որ ես այդ փողի շնորհիվ կարողանամ թողնել Կատյային և հավիտյանս հավիտենից գնամ այստեղից: Այս երես առած բարձրաշխարհիկ տիկինները եթե մի բան այնպե՛ս ուզեցին, որ քմահաճույթի հարց դարձավ, էլ ոչինչ չեն խնայի, որ իրենց ուզածը լինի: Մանավանդ որ այս

մեկն էլ այնքան հարուստ է», — դատում էր Միտյան: Իսկ գալով բուն «ծրագրին», ամեն ինչ նախկինի նման էր, այսինքն առաջարկելու էր իր իրավունքները Չերմաշնյայի վրա, բայց արդեն ոչ թե շահաբերության իմաստով, ինչպես երեկ առաջարկել էր Սամսոնովին, ոչ թե ջանալու էր այս տիկնոջը ևս հրապուրել՝ երեք հազարի փոխարեն վեց կամ յոթ հազարի կրկնակի մի պատառ պոկելու հնարավորությամբ, այլ պարզապես իր իրավունքները հանձնելու էր որպես աննենգ մի երաշխիք՝ պարտքի դիմաց: Զարգացնելով իր այդ նոր միտքը, Միտյան հասավ սքանչացման, բայց նա միշտ էլ հասնում էր այդ հոգեվիճակին, երբ մի նոր բան էր նախաձեռնում, մի անակնկալ որոշում էր ընդունում: Կրթով էր հանձնվում ամեն մի նոր մտքի: Բայց այնուամենայնիվ, երբ ոտք դրեց տիկին խոխլակովայի տան շքամուտքի սանդուղքին, հանկարծ սոսկումի սարսուռ անցավ նրա կոնակով: Միայն այդ վայրկյանին նա գիտակցեց լիուլի և մաթեմատիկական հստակությամբ, որ սա իր վերջին հույսն է արգեն, և որ եթե այստեղ էլ ձախորդություն լինի, էլ ուրիշ ոչինչ չի մնում աշխարհում, քան «սպանել ու կողոպտել որևէ մեկին այդ երեք հազարի համար, էլ ուրիշ ոչինչ...»: Ժամը յոթ անց կես էր, երբ նա հնչեցրեց դռան զանգը:

Սկզբում կարծես թե բախտը ժպտաց. հազիվ էր գեկուցել իր այցը, և իսկույն ընդունեցին նրան արտակարգ փութկոտությամբ: «Կարծես սպասում էր ինձ», — անցավ Միտյայի մըտքով, և հետո, երբ նրան հյուրասենյակ առաջնորդեցին, տանտիրուհին գրեթե ներս վազեց և հանկարծ ուղղակի հայտարարեց, թե սպասում էր նրան...

— Սպասում էի, սպասում: Չէի՛ էլ կարող մտածել, թե դուք ինձ մոտ կգաք, ընդունեցե՛ք այս բանը. և սակայն սպասում էի ձեզ, զարմացե՛ք իմ բնազդի վրա, Դմիտրի Ֆյոդորովիչ, ամբողջ օրը համոզված էի, որ դուք այսօր կգաք:

— Դա իրոք որ զարմանալի է, տիկին, — ասաց Միտյան, անձարակորեն նստելով, — բայց... ես շափազանց կարևոր մի գործով եմ եկել... ամենակարևորագույնից էլ կարևոր, այսինքն ի՛նձ համար, տիկին, միայն ինձ համար... և շտապում եմ...

— Գիտեմ, որ ամենակարևորագույն գործով է, Դմիտրի Ֆյոդորովիչ, այստեղ ոչ թե ինչ-որ նախազգացումների հարց է, ոչ թե հրաշքներ գործելու հետադիմական հավակնություն (լսե՛՛ք էք սրբահայր Զոսիմայի մասին), այստեղ մաթեմատիկա է, մա-

թեմատիկա: Կատերինա Իվանովնայի գլխին եկած այդ բոլոր բաներից հետո դուք չէիք կարող շփալ, չէի՛ք կարող, չէի՛ք կարող, մաթեմատիկա է դա:

— Իրական կյանքի ռեալիզմն է, տիկին, այ թե ինչ է դա: Բայց թույլ տվեք բացատրել...

— Հենց ռեալիզմ, Դմիտրի Ֆյոդորովիչ: Ես հիմա ամբողջ հոգով ռեալիզմի կողմն եմ, լա՛վ խելքի եկա հրաշքների հարցում: Լսե՛՛ք էք, որ սրբահայր Զոսիման մեռավ:

— Ոչ, տիկին, առաջին անգամն եմ լսում, — մի քիչ զարմացավ Միտյան: Նրա մտքում պատկերացավ Ալյոշայի դեմքը:

— Այս գիշեր է եղել, և պատկերացրեք, որ...

— Տիկին, — ընդհատեց Միտյան, — ես միայն այն եմ պատկերացնում, որ ամենահուսահատական դրուժյան մեջ եմ, և եթե դուք ինձ շօգնեք, ամեն ինչ փուլ կգա, և ամենից առաջ ե՛ս փուլ կգամ: Ներեցեք տափակ արտահայտությանս համար, բայց ես տենդի մեջ եմ, վառվում եմ...

— Գիտեմ, գիտեմ, որ դուք վառվում եք, ամեն ինչ գիտեմ, դուք չեք էլ կարող ուրիշ հոգեվիճակի մեջ լինել, և ինչ էլ որ ասեք հիմա, ես ամեն ինչ նախօրոք գիտեմ: Ես վաղուց եմ խորհրդածության նյութ դարձրել ձեր ճակատագիրը, Դմիտրի Ֆյոդորովիչ, հետևում եմ նրան և ուսումնասիրում... Օ՛հ, հավատացեք, որ ես հոգիների փորձառու բժիշկ եմ, Դմիտրի Ֆյոդորովիչ:

— Տիկին, եթե դուք փորձառու բժիշկ եք, ես էլ ուրեմն փորձառու հիվանդ եմ, — սիրալիր լինելու ճիգ արեց Միտյան, — և նախազգում եմ, որ եթե դուք այդպես հետևում եք իմ ճակատագրին, ուրեմն և կօգնեք, որ նա չխորտակվի: Բայց դրա համար թույլ տվեք բացատրեմ վերջապես այն ծրագիրը, որով հանդգնել եմ գալ ձեզ մոտ... և այն բանը, որ սպասում եմ ձեզնից... Ես եկել եմ, տիկին...

— Մի՛ բացատրեք, դա երկրորդական է: Իսկ ինչ վերաբերում է օգնության, դուք առաջին մարդը չեք, որին օգնում եմ, Դմիտրի Ֆյոդորովիչ: Հավանաբար լսել եք իմ զարմուհի Բելմեսովայի մասին, նրա ամուսինը կործանվում էր, փուլ էր գալիս, ինչպես հատկանշականորեն արտահայտվեցիք, Դմիտրի Ֆյոդորովիչ: Եվ ի՛նչ եք կարծում, ես նրան ցույց տվեցի ձիաբուժության ուղին, և նա հիմա բարգավաճում է: Դուք գաղափար ունե՞ք ձիաբուժության մասին, Դմիտրի Ֆյոդորովիչ:

— Նշո՛ւյլն անգամ շունեմ, տիկին, օ՛հ, տիկին, նշույլն անգամ, — գոչեց Միտյան ջղային անհամբերությամբ և նույնիսկ վեր կացավ տեղից:— Ես միայն աղաչում եմ ձեզ, տիկին, լսեցեք ինձ, թույլ տվեք միայն երկու րոպե ազատ խոսեմ, որպեսզի նախ բացատրեմ ձեզ ամեն ինչ, ամբողջ այն ծրագիրը, որով եկել եմ ձեզ մոտ: Մանավանդ որ սուղ է ժամանակս, սոսկալի շտապո՛ւմ եմ... — հիստերիկ ձայնով գրոաց Միտյան, զգալով, որ նա հենց անմիջապես կսկսի խոսել նորից, և հույս ունենալով, որ կարող է կանխել նրան:— Ես եկել եմ հուսահատ... ծայր աստիճանի հուսահատ, եկել եմ, որ երեք հազար ութըլի պարտք խնդրեմ ձեզնից, պա՛րտք, բայց ապահով, ապահովագո՛ւյն երաշխիքով, տիկին, ապահովագո՛ւյն գրավակա՜նով: Միայն թույլ տվեք բացատրեմ...

— Այդ բոլորը հետո, հետո՛ կասեք, — իր հերթին ձեռքը թափահարեց տիկին խոխլակովան, — և ի՛նչ էլ որ ասեք, ես այդ բոլորը նախօրոք գիտեմ, արդեն ասացի ձեզ: Դուք ինչ-որ գումար եք խնդրում, երեք հազար է ձեզ հարկավոր, բայց ես ձեզ ավելի՛ն կտամ, անշափորեն ավելի, ես կփրկեմ ձեզ, Դմիտրի Ֆյոդորովիչ, բայց պետք է լսեք ինձ:

Միտյան կրկին վեր թռավ տեղից:

— Մի՞թե իրո՞ք այդքան բարի եք դուք, տիկին, — գոչեց նա արտասովոր զգացմունքով:— Աստվա՛ծ իմ, փրկեցիք դուք ինձ: Տիկին, դուք մի մա՛րդ եք փրկում հարկադրական մահից, ատրո՜ճանակի փամփուշտից... Իմ հավիտենական շնորհակալությու՜նը...

— Ես ձեզ անհունորեն, անհունորե՛ն ավելի կտամ, քան այդ երեք հազարը, — գոչեց տիկին խոխլակովան, շողշողուն ժպտով նայելով Միտյայի հիացմունքին:

— Անհունորե՛ն: Բայց պետք էլ չէ այդքանը: Այդ երեք հազարն է միայն անհրաժեշտ, ինձ համար ճակատագրակա՛ն այդ երեք հազարը, և ես իմ կողմից անհուն շնորհակալությամբ եմ այդ գումարը երաշխավորում և ձեզ առաջարկում եմ մի ծրագիր, որը...

— Բավական է, Դմիտրի Ֆյոդորովիչ, ասված է և կատարված, — կարճ կտրեց տիկին խոխլակովան՝ բարերարուհու պարկեշտ հաղթությամբ:— Խոստացա փրկել ձեզ ու կփրկեմ: Կփրկեմ ձեզ, ինչպես Բելմեսովին փրկեցի: Ի՛նչ եք մտածում ոսկու հանքերի մասին, Դմիտրի Ֆյոդորովիչ:

— Ոսկու հանքերի՞ մասին, տիկին: Ոչ մի բան էլ չեմ մտածել երբեք:

— Բայց ե՛ս մտածել եմ ձեր փոխարեն: Երկա՛ր ու երկար եմ մտածել: Արդեն մի ամիս է հետևում եմ ձեզ՝ այդ նպատակով: Հարյուր անգամ նայել եմ ձեզ, երբ անցնում էիք, և միշտ էլ ասել եմ ինքս ինձ. ահա՛՜ եռանդուն մի մարդ, որ պետք է ոսկու հանքերը գնա: Նույնիսկ ուսումնասիրել եմ ձեր քայլվածքը և եղրակացրել՝ այս մարդը շատ հանքեր կգտնի:

— Իմ քայլվածքի՞ց, տիկին, — ժպտաց Միտյան:

— Ի՛նչ կա որ, քայլվածքից էլ, այո: Ինչ է, մի՞թե դուք ժխտում եք, որ քայլվածքից կարելի է ճանաչել բնավորությունը, Դմիտրի Ֆյոդորովիչ: Բնական գիտությունները հաստատում են այդ բանը: Օ՛, ես հիմա ռեալիստ եմ, Դմիտրի Ֆյոդորովիչ: Այսօրվանից սկսած, վանքի այդ ամբողջ պատմությունից հետո, որ ինձ այնպե՛ս տակնուվրա արեց, ես բացարձակորեն ռեալիստ եմ և ուզում եմ ամբողջովին նվիրվել գործնական կյանքին: Բուժվել եմ ես: Բավական է, ինչպես ասել է Տուրգենևը:

— Բայց, տիկին, այդ երեք հազարը, որն այնպես մեծահոգաբար խոստացաք փոխ տալ ինձ...

— Կունենաք, Դմիտրի Ֆյոդորովիչ, — անմիջապես նրա խոսքը կտրեց տիկին խոխլակովան:— Միևնույն է թե ձեր գրպանում է այդ երեք հազարը, և ոչ թե երեք հազար, այլ երեք միլիո՛ն, Դմիտրի Ֆյոդորովիչ, ամենակարճ ժամանակում: Ասեմ, թե ինչ է լինելու ձեր գազափարը. ոսկու հանքեր կգտնեք, միլիոններ կշահեք, ես կգաք ու գործիչ կդառնաք, մեզ էլ կշարժեք տեղից, կառաջնորդեք դեպի բարին: Մի՞թե ամեն ինչ պետք է թողնենք ջհուղներին: Շենքեր պիտի շինեք և զանազան ձեռնարկություններ: Պիտի օգնեք աղքատներին, իսկ նրանք պիտի օրհնեն ձեզ: Հիմա երկաթուղիների դար է, Դմիտրի Ֆյոդորովիչ: Դուք հայտնի մարդ կդառնաք և անհրաժեշտ կլինեք Ֆինանսների մինիստրությանը, որ այնքա՛ն կարիքներ ունի հիմա: Մեր վարկային ուղբու արժեքագրկումը քնել չի տալիս ինձ, Դմիտրի Ֆյոդորովիչ, այդ կողմից լավ չգիտեն ինձ մարդիկ...

— Տիկին, տիկին, — անհանգիստ մի նախազգացումով ընդհատեց նորից Դմիտրի Ֆյոդորովիչը, — ես գուցե սիրով, սիրով հետևեմ ձեր խորհուրդին, ձեր այդ խելացի խորհուրդին, տիկին, և գուցե գնամ այնտեղ... այդ ոսկու հանքերը... նորից

կգամ այդ մասին խոսելու... նույնիսկ շատ անգամներ կգամ... բայց հիմա այդ երեք հազարը, որ դուք այնպե՛ս մեծահոգաբար... Օ՛, այդ գումարն ազատություն կտար ինձ, և եթե հնարավոր է այսօր... Այսինքն, գիտե՞ք, հիմա ոչ մի ռուպե, ոչ մի ռուպե ժամանակ չունեմ...

— Բավական է Դմիտրի Ֆյոդորովիչ, բավական է,— համառորեն ընդհատեց նորից տիկին խոխլակովան։— Հարցնում եմ՝ գնո՞ւմ եք ոսկու հանքերը, թե ոչ, վճռե՞լ եք լիովին, պատասխանեցե՛ք մաթեմատիկական ճշգրտությամբ։

— Գնում եմ, տիկին, հե՛տո... Կգնամ ո՛ւր որ ուզեք, տիկին... բայց հիմա...

— Սպասեցե՛ք,— գոչեց տիկին խոխլակովան ու վեր թռավ, վազեց դեպի իր հոյակապ գրասեղանը, որ անհամար գզրոցիկներ ունեւր, և սկսեց մեկը մյուսի ետևից քաշել գզրոցիկները, մի բան փնտրելով ու սոսկալի աճապարելով։

«Երեք հազարը,— մտածեց Միտյան սրտատրոփ,— և հենց անմիջապես, առանց թղթեր մրոտելու, առանց վավերագրերի... օ՛, ջենտլմենություն է սա։ Հոյակապ կին է, և եթե միայն այսքան խոսելու մարմաջ չունենար...»։

— Ահա՛,— գոչեց տիկին խոխլակովան ուրախացած, վերադառնալով Միտյայի մոտ,— ահա՛ թե ինչ էի փնտրում։

Դա մի շատ փոքրիկ, արծաթյա սրբապատկեր էր երիզակով, որի նմանները երբեմն կրում են մարմնի վրա՝ խաչի հետ միասին։

— Կիևից է սա, Դմիտրի Ֆյոդորովիչ,— շարունակեց նա երկյուղածությամբ,— մեծ նահատակ սուրբ Վարվառայի մատուցներից։ Թույլ տվեք անձամբ կախեմ ձեր վզին և այդպիսով նոր կյանք ու նոր սխրագործություններ բարեմաղթեմ ձեզ։

Եվ նա իրոք Միտյայի վզին անցկացրեց սրբապատկերը և սկսեց տեղավորել։ Միտյան, խիստ շփոթված, առաջ հակվեց ու սկսեց օգնել նրան և վերջապես փողկապի ու օձիքի տակից սրբապատկերը կախեց կրծքի վրա։

— Ահա հիմա կարող եք գնալ,— ասաց տիկին խոխլակովան, հանդիսավորությամբ նստելով նորից իր տեղը։

— Տիկին, ես այնքան զգացված եմ... և չգիտեմ նույնիսկ, թե ինչպես շնորհակալությունս հայտնեմ... այսպիսի զգացմունքների համար, բայց... եթե իմանայիք, թե ինձ համար որքա՛ն թանկ է ժամանակը հիմա... Այն գումարը, որ ես այնպե՛ս

սպասում եմ ձեր մեծահոգությունից... Օ՛ տիկին, քանի որ դուք այնքան բարի՛ եք իմ նկատմամբ, այնքան սրտաշարժորեն մեծահոգի,— բացականից հանկարծ Միտյան ներշնչումով,— ուրեմն թույլ տվեք հայտնել ձեզ... Թեև դուք արդեն վաղուց գիտեք... որ ես այստեղ սիրում եմ մի էակի... Ես դավաճանեցի Կատյային... ուզում եմ ասել Կատերինա Իվանովնային։ Օ՛, անմարդկային և անազնիվ գտնվեցի նրա հանդեպ, բայց ես մի ուրիշին սիրեցի այստեղ... մի կնոջ, որին գուցե դուք արհամարհում եք, տիկին, որովհետև ամեն ինչ գիտեք արդեն, բայց ես ոչ մի կերպ չեմ կարող թողնել նրան, ո՛չ մի կերպ, և այդ պատճառով էլ հիմա, այդ երեք հազարը...

— Թողե՛ք ամեն ինչ, Դմիտրի Ֆյոդորովիչ,— ամենավճռական շեշտով ընդհատեց տիկին խոխլակովան։— Թողեք ամեն ինչ, և հատկապես կանանց։ Ձեր նպատակը ոսկու հանքերն են, և հարկ չկա այստեղ կանանց տանելու։ Հետո, երբ վերադառնաք հարստությամբ ու փառքով, ամենաբարձր հասարակության մեջ սրտակից ընկերուհի կգտնեք ձեզ համար։ Ժամանակակից աղջիկ կլինի, գիտելիքների տեր և առանց նախապաշարումների։ Մինչ այդ արդեն հասունացած կլինի կանանց հարցը, որ սկիզբ է առել հիմա, և կհայտնվի նոր կինը...

— Տիկին, այդ չէ հարցը, այդ չէ հարցը... — Միտյան ձեռքերը միացրեց աղաչալից։

— Այդ է հենց, Դմիտրի Ֆյոդորովիչ, դա հենց այն է, որ պետք է ձեզ, այն, որ դուք տենչում եք, առանց ինքներդ գիտնալու։ Ես բոլորովին էլ դեմ չեմ կանանց հարցին, որ բարձրանում է այսօր, Դմիտրի Ֆյոդորովիչ։ Կանանց զարգացումը և նույնիսկ կնոջ քաղաքական դերը ամենամոտիկ ապագայում՝ ահա՛ իմ իդեալը։ Ես ինքս էլ դուստր ունեմ, Դմիտրի Ֆյոդորովիչ, և այդ կողմից լավ չգիտեմ ինձ մարդիկ։ Այս առթիվ ես մի նամակ եմ ուղարկել գրող Շչեդրինին։ Այդ գրողն ինձ այնքա՛ն բան է սովորեցրել կնոջ կոչման մասին, որ ես անցյալ տարի անանուն մի նամակ ուղարկեցի նրան, ընդամենը երկու տող՝ «Գրկում ու համբուրում եմ ձեզ ժամանակակից կնոջ անունից, իմ սիրելի գրող, շարունակեցե՛ք»։ Եվ ստորագրեցի՝ «Մայր»։ Ուզում էի ստորագրել «Ժամանակակից մայր» և տատանվում էի, բայց ի վերջո կանգ առա պարզ «մայր» բառի վրա. ավելի շատ բարոյական գեղեցկություն կա դրա մեջ, Դմիտրի Ֆյոդորովիչ, և բացի այդ՝ «Ժամանակակից» բառը նրանց կհիշեցներ

«Սովորեմենիկ»-ը¹, դառն մի հիշողություն նրանց համար՝ եկատի ունենալով ներկա գրաքննությունը... Ա՛խ աստված իմ, ի՞նչ պատահեց ձեզ:

— Տիկի՛ն,— վեր թռավ վերջապես Միտյան, անզոր աղաչանքով ափերն իրար միացնելով նրա առաջ,— դուք ինձ կատիպեք լաց լինել, տիկին, եթե ուշացնեք այն, ինչ այնպիսի մեծահոգությունը...

— Այո, լացե՛ք, Դմիտրի Ֆյոդորովիչ, լացե՛ք: Գեղեցիկ զգացումներ են դրանք... ձեզ սպասում է այնպիսի՝ մի ուղի: Արցունքը կթեթևացնի ձեզ, հետո կվերադառնաք և կսկսեք ուրախանալ: Հատկապես կվազեք կգաք ինձ մոտ Սիրիբից, որպեսզի ինձ հետ միասին ուրախանաք...

— Բայց թո՛ւյլ տվեք, որ ես էլ... — գոռաց հանկարծ Միտյան,— վերջին անգամ աղաչում եմ, ասացե՛ք, կարո՞ղ եմ այսօր ստանալ ձեր խոստացած գումարը: Եվ եթե ոչ, ե՞րբ գամ ստանալու:

— Ի՞նչ գումար, Դմիտրի Ֆյոդորովիչ:

— Ձեր խոստացած երեք հազարը... որ դուք այնպիսի մեծահոգությամբ...

— Երեք հազար: Ռուբլի՞: Օ ո՛ւր, երեք հազար ռուբլի չունեմ,— ասաց տիկին խոխլակովան մի տեսակ հանգիստ զարմանքով:

Միտյան քարացավ...

— Բայց ինչպե՞ս թե... գուք հիմա... հենց հիմա... նույնիսկ ասացի՞ք միևնույն է թե իմ գրպանում է այդ երեք հազարը...

— Օհ ո՛ւր, դուք ինձ սխալ եք հասկացել, Դմիտրի Ֆյոդորովիչ: Եթե այդպես է, ուրեմն չեք հասկացել ինձ: Ես խոսում էի ոսկու հանքերի մասին... Ճիշտ է, ես ավելին խոստացա, անհունորեն ավելի, քան երեք հազար, հիմա ամեն ինչ հիշում եմ, բայց ես միայն ոսկու հանքերը նկատի ունեի:

— Իսկ փո՞ղբ: Երեք հազարը,— անհեթեթորեն բացականչեց Միտյան:

— Օ՛, եթե ձեր մտքինը փողն էր, ես փող չունեմ: Հիմա ես բոլորովին փող չունեմ, Դմիտրի Ֆյոդորովիչ, հիմա ես հենց

¹ «Սովորեմենիկ» բառը (հայտնի ամսագրի անուն) հայերեն նշանակում է «ժամանակակից»: Ս. Ք.:

կիմ եմ անում իմ կառավարչի հետ և ինքս էլ այս օրերս հինգ հարյուր ռուբլի պարտք եմ վերցրել Միոսովից: Ոչ, ոչ, ես փող չունեմ: Եվ գիտե՛ք, Դմիտրի Ֆյոդորովիչ, եթե նույնիսկ ունենայի, չէի տա ձեզ: Նախ և առաջ, ես ոչ ոքի պարտք չեմ տալիս: Պարտք տալ՝ նշանակում է գժովել: Բայց ձեզ, ձե՛զ հատկապես չէի տա, ձեզ սիրելուց է, որ չէի տա, ձեզ փրկելու՝ համար չէի տա, որովհետև միայն մի բան է հարկավոր ձեզ՝ ոսկու հանքեր, հանքեր ու հանքեր...

— Օ՛, գրո՞ղբ տանի... — մռնչաց հանկարծ Միտյան և բռունցքն ամբողջ ուժով խփեց սեղանին:

— Ա-ա՛յ,— ճշաց խոխլակովան վախեցած և թռավ սինյակի մյուս ծայրը:

Միտյան թքեց ու արագ քայլերով դուրս եկավ սենյակից, տնից՝ փողոց, դեպի խավա՛ր: Գնում էր խելագարի նման, խփելով իր կրծքին, կրծքի հենց այն տեղին, ուր խփել էր երկու օր առաջ Ալյոշայի ներկայությամբ, երբ վերջին անգամ խոսում էր նրա հետ երեկոյան, ճանապարհի վրա, խավարի մեջ: Թե ի՞նչ էր նշանակում այդ կուրծք ծեծելը, կրծքի այդ տեղին խփելը, և թե ինչ էր նա ուզում արտահայտել դրանով՝ առայժմ գաղտնիք էր, մի գաղտնիք, որ ոչ ոք չգիտեր աշխարհում, մի գաղտնիք, որ այն ժամանակ չէր հայտնել նույնիսկ Ալյոշային, բայց այդ գաղտնիքն իր մեջ թաքցնում էր մի բան, որ ավելի քան խայտառակություն էր նրա համար, թաքցնում էր կործանում և անձնասպանություն. այդպե՛ս էր որոշել նա, եթե չկարողանար ճարել երեք հազարը, որպեսզի վերադարձնի Կատերինա Իվանովնային և դրանով իսկ հանի իր կրծքից խայտառակությունը, որ կրում էր «կրծքի այդ տեղում», և որ այնպե՛ս ճշշում էր իր խզճի վրա: Այս ամբողջը հետագայում լրիվ կպարզվի ընթերցողի համար, բայց հիմա, երբ արդեն վերջին հույսն էլ չբացել էր, Ֆիզիկապես այնքան ուժեղ այդ մարդը, խոխլակովայի տնից հազիվ մի քանի քաչ ճեղքանալուց հետո, հանկարծ սկսեց ազի արցունք թափել՝ փոքրիկ երեխայի նման: Քայլում էր նա և, ինքնիրեն մոռացած, արցունքներն էր սրբում բռունցքով: Այդպես նա հասավ հրապարակ և հանկարծ զգաց, որ ամբողջ մարմնով ընդհարվեց մի բանի: Լսվեց ճղճղան վայնասունը մի պառավ կնոջ, որին նա համարյա գետին էր տապալել:

— Վա՛յ աստված իմ, քիչ էր մնում սպանեի՞ր: Ինչի՞ չեմ նայում առաջդ, թոկի՛ց փախած:

— Ի՞նչ, դո՞ւք եք,— գոչեց Միտյան, պառավին ճանաչելով խավարի մեջ: Նա հենց այն պառավ սպասուհին էր, որ ծառայում էր Կուզմա Սամսոնովին, և որին հատկապես նկատել էր երեկ Միտյան:

— Իսկ դուք ինքնե՞րդ ով եք, հեր օրհնած,— ասաց պառավը բոլորովին ուրիշ ձայնով,— չեմ կարողանում ձեզ ճանաչել էս խավարում:

— Դուք ապրում եք Կուզմա Կուզմիչի մո՞տ, ծառայում եք նրա՞ն:

— Շատ ճիշտ եք, հեր օրհնած, հենց նոր գնացել էի Պրոխորիչի մոտ... Բայց էս ինչի՞ չեմ կարողանում ձեզ ճանաչել:

— Ասացե՛ք, մայրիկ, Ագրաֆենա Ալեքսանդրովնան ձեզ մո՞տ է հիմա,— հարցրեց Միտյան խելակորույս ակնկալությամբ:— Քիչ առաջ ինքս բերեցի նրան ձեզ մոտ:

— Մեզ մոտ էր, հեր օրհնած, եկավ, մի քիչ նստեց ու գնաց:

— Ի՞նչ: Գնա՞ց,— գոչեց Միտյան:— Ե՞րբ գնաց:

— Այ հենց եկավ ու գնաց, հենց մի րոպե մնաց մեզ մոտ: Մի հեքիաթ պատմեց Կուզմա Կուզմիչին, ծիծաղացրեց ու վազեց գնաց:

— Սո՛ւտ ես ասում, անիծյա՛լ պառավ,— մոնչաց Միտյան:

— Ա-ա՛յ,— ճշաց պառավը, բայց Միտյայի հետքն անգամ կորել էր:

Նա ամբողջ ուժով վազեց Մորոզովայի տունը: Դա հենց այն ժամանակ էր, երբ Գրուշենկան արդեն ճամփա էր ընկել դեպի Մոկրոնե, հազիվ քառորդ ժամ էր անցել նրա մեկնումից: Ֆենյան խոհանոցում նստած էր իր տատիկի՝ խոհարարուհի Մատրյոնայի հետ, երբ հանկարծ ներս վազեց «կապիտանը»: Տեսնելով նրան, Ֆենյան ամբողջ ձայնով սկսեց ճշար:

— Ըվո՞ւմ ես,— մոնչաց Միտյան:— Ո՞ւր է նա:

Բայց չթողնելով, որ գոնե մի բառ ասի սարսափահար Ֆենյան, հանկարծ ընկավ աղջկա ոտքերը.

— Ֆենյա, տերն մեր Հիսո՛ւ Քրիստոսի սիրույն, ասա՛, ո՞ւր է նա:

— Ոչինչ չգիտեմ, հոգուդ մատաղ, սիրելի Դմիտրի Ֆյոդորովիչ, ոչի՞նչ չգիտեմ, սպանեք էլ՝ ոչի՞նչ չգիտեմ,— երդումպատառ եղավ Ֆենյան,— մի երկու ժամ առաջ ինքնեքդ նրա հետ գնացիք...

— Ե՛տ եկավ նա...

— Չի եկել, ջանիկս, երդվում եմ ասածո անունով, չի՛ եկել:

— Սո՛ւտ ես ասում,— գոռաց Միտյան,— հենց միայն քո վախենալուց գիտեմ, թե որտեղ է նա...

Միտյան դուրս նետվեց: Ահաբեկված Ֆենյան ուրախ էր, որ գուրխն էժան ազատեց, բայց և շատ լավ հասկացավ, որ նա պարզապես ժամանակ չունեք, թե չէ՝ իր վիճակը կարող էր վատ լինել: Բայց Միտյան, դուրս վազելիս, իր մի շատ անսպասելի արարքով զարմացրեց, թե՛ Ֆենյային, թե՛ պառավ Մատրյոնային: Սեղանի վրա պղնձե մի սանդ կար, մեջն էլ մի սանդղոթ, պղնձե մի փոքր սանդղոթ՝ ընդամենը քառորդ կանգուն երկարությամբ: Միտյան, դուրս վազելով ու արդեն մի ձեռքով բանալով դուռը, մյուս ձեռքով հանկարծ հափշտակեց սանդղոթը և կողքի գրպանը խոթեց, այդպես էլ հետը տարավ:

— Ա՛խ աստված իմ, ուզում է ինչ-որ մեկին սպանե՛լ,— ձեռքերն իրար զարկեց Ֆենյան:

IV

ԽԱՎԱՐԻ ՄԵՋ

Ո՞ւր վազեց նա: Պարզ է. «էլ ո՞ւր կարող է լինել Գրուշենկան, եթե ոչ Ֆյոդոր Պավլովիչի մոտ: Սամսոնովի տնից ուղղակի վազել է նրա մոտ, հիմա արդեն պարզ է դա: Բացահայտ է հիմա ամբողջ խարդավանքը, ամբողջ խաբեությունը...»: Այս բոլորը մրրիկի նման պատվում էին նրա գլխում: Մարյա Կոնդրատենայի տունը չհանդիպեց. «Կարիք չկա այնտեղ գնալու, բոլորովին կարիք չկա... թող ոչ մի իրարանցում չլինի... իսկույն լուր կտան ու կզավաճանեն... Մարյա Կոնդրատենան երևի դավադրության մեջ է, Սմերդյակովին էլ, Սմերդյակովին էլ, բոլորն էլ կաշառված են»: Մի ուրիշ բան ծրագրվեց նրա մտքում. կրտրելով կողմնակի փողոցը և մի մեծ շրջան անելով, վազեվազ շրջանցեց Ֆյոդոր Պավլովիչի տունը, վազեց Դմիտրովսկայա փողոցն ի վար, վազելով անցավ փոքրիկ կամուրջը և ուղղակի մտավ հետնամասի այն ամայի ու անմարդաբնակ նրբանցքը, որ մի կողմից եզերված էր հարևան բանջարանոցի ճյուղորմով, իսկ մյուս կողմից՝ Ֆյոդոր Պավլովիչի այգին շրջապատող բարձր, ամուր ցանկապատով: Այստեղ նա ընտրեց մի կետ, երևի

հենց այն կետը, որտեղից, ըստ Միտյային հայտնի ավանդու-
թյան, կիզավետա Սմերդյաշչայան մի ժամանակ անցել էր ցան-
կապատի վրայով: «էհ, եթե նա՛ կարողացել է անցնել,— չգի-
տես ինչու այդ միտքը ծագեց նրա գլխում,— ե՛ս ինչու չկարո-
զանամ»: Եվ իրոք, վեր ցատկեց ու վայրկենապես կարողացավ
բռնել ցանկապատի ծայրից, հետո աշխուժորեն վեր ձգվեց,
միանգամից բարձրացավ ու ձի հեծնելու նման նստեց ցանկա-
պատի վրա: Մոտը, այգու մեջ, բաղնիքն էր, բայց ցանկապա-
տից երևում էին նաև տան լուսավոր պատուհանները: «Ըհը՛,
ճիշտ է, բիձուկի ննջարանում լույս կա, այնտե՛ղ է Գրուշեն-
կան»: Եվ նա ցանկապատից ցատկեց այգու մեջ: Թեև գիտեր,
որ Գրիգորին հիվանդ է, գուցե Սմերդյակովն էլ հիվանդ է իս-
կապես և ուրեմն մարդ չի կարող լսել իրեն, բայց բնագոյաբար
թաքնվեց, անշարժացավ ու սկսեց ականջ դնել: Սակայն մեռե-
լային լուսթյուն էր ամեն կողմ և, կարծես դիտմամբ, լիակա-
տար հանդարտութուն էր տիրում, քամու շունչն իսկ չկար:

«Լուսթյունն է լուկ շշնջում,— չգիտես ինչու այդ բանաս-
տեղծական տողը նրա միտքը եկավ,— միայն թե մարդ լսած
չլինի իմ ցատկելը: Կարծես թե՛ չէ, ոչ ոք»: Մի բույս կանգնե-
լուց հետո, կամացուկ առաջ գնաց այգու մեջ, խոտի վրայով-
շրջանցելով ծառերն ու թուփերը, քայլեց դանդաղորեն, երկար,
յուրաքանչյուր քայլը զաղտագողի նետելով, ինքն իսկ ականջ
դնելով իր ամեն մի քայլին: Շուրջ հինգ բույս տևեց, մինչև հա-
սավ լուսավոր պատուհանի մոտ: Հիշում էր, որ ուզողի պա-
տուհանի տակ թանթրվենու և փռնչնու մի քանի մեծ, բարձր,
խիտ թփեր կային: Գեպի այգի ելնող դուռը, որ տան ճակատի
ձախ կողմն էր գտնվում, փակ էր հիմա, և նա անցնելու ժա-
մանակ հատկապես ուշադրութուն դարձրեց դրան: Վերջապես
հասավ նաև թփերի մոտ և թաքնվեց դրանց ետև: Շունչը պա-
հեց: «Հիմա պետք է սպասեմ մի քիչ,— մտածեց նա:— Եթե
լսել են իմ քայլերը և ականջ են դնում, պետք է փարատվի
նրանց կասկածը... Միայն թե չհազամ, չփռշտամ...»:

Մոտ երկու բույս սպասեց, բայց սիրտը սոսկալի բարա-
խում էր, և վայրկյաններ էին լինում, երբ շունչը կտրվում էր
գրեթե: «Չէ, չի անցնի այս սրտի խփոցը,— մտածեց նա,— չեմ
փարող ավելի սպասել»: Կանգնած էր թփի ետև, ստվերում: Թփի
մշուս կեսի վրա ընկել էր պատուհանի լույսը: «Այս փռնչնին,
ապտուղները, ինչ կարմիր են»,— շշնջաց նա, չգիտեր ինչու:

Չատ-հատ, անլսելի քայլերով կամացուկ մոտեցավ պատուհա-
նին ու վեր ձգվեց ոտքի մատներին վրա: Ֆյոդոր Պավլովիչի ամ-
բողջ ննջասենյակը բացվեց նրա աչքին: Մի փոքր սենյակ էր
դա, որ լայնակի երկու մասի էր բաժանված կարմիր, «չինա-
կան» վարագույրներով, ինչպես կոչում էր դրանք Ֆյոդոր Պավ-
լովիչը: «Չինական,— անցավ Միտյայի մտքով,— իսկ վարա-
գույրի ետև՝ Գրուշենկան»: Սկսեց դիտել Ֆյոդոր Պավլովիչին: Նա
հագել էր իր նոր, մետաքսե, շերտավոր տնազգեստը, որ դեռ
երբեք չէր տեսել Միտյան, և մեջքին կապել էր նույնպես մե-
տաքսե ծոպավոր մի երիզ: Տնազգեստի օձիքի տակից երևում
էր պճնամուրի մաքուր շապիկը, որ հոլանդական նուրբ կտորից
էր և ոսկե կոճակներ ուներ: Ֆյոդոր Պավլովիչի գլխին այն նույն
կարմիր կապն էր, որ տեսել էր Ալյոշան: «Հազվել-շքվել է»,—
մտածեց Միտյան: Ֆյոդոր Պավլովիչը կանգնած էր պատուհանի
մոտ, երևի մտասուզված. հանկարծ նա գլուխը վեր առավ, մի
թեթև ականջ դրեց և ոչինչ չլսելով՝ մոտեցավ սեղանին, կես ըմ-
պանակ կոնյակ լցրեց ջրամանից ու խմեց: Հետո հառաչեց ամ-
բողջ կրծքով, նորից կանգնեց մի բույս, մտամոլոր մոտեցավ
պատի հայելուն, աջ ձեռքով մի քիչ բարձրացրեց կարմիր կապը
ճակատից և սկսեց դիտել կապտաբծերն ու ցավոտ սպիներքը,
որոնք դեռ չէին անցել: «Մենակ է,— մտածեց Միտյան,— ամե-
նայն հավանականութամբ մենակ է»: Ֆյոդոր Պավլովիչը հե-
ռացավ հայելուց, հանկարծ դարձավ դեպի պատուհանը և դուրս
նայեց: Միտյան ականթարթորեն ետ ցատկեց ստվերի մեջ:

«Գուցե նրա մոտ է Գրուշենկան, վարագույրի ետև, գուցե
արդեն քնել է»,— մի սուր ծակոց զգաց Միտյան իր սրտում:
Ֆյոդոր Պավլովիչը հեռացավ պատուհանից: «Գրուշենկայի հա-
մար էր դուրս նայում պատուհանից, ուրեմն նա այստեղ չէ: Ին-
չո՞ւ պետք է աչքերը տնկի խավարի մեջ... Ուրեմն անհամբե-
րությունն է ուտում նրան»: Միտյան իսկույն մոտ թռավ ու նո-
րից սկսեց պատուհանից ներս նայել: Մերունին արդեն նստել
էր սեղանի առաջ, ըստ երևույթին ծանր թախիծ զգալով: Վեր-
ջապես նա հենվեց արմունկին և աջ այտը ափին դրեց: Միտյան
ազահորեն դիտում էր:

«Մենա՛կ է, մենա՛կ,— պնդեց նորից ինքնիրեն:— Եթե
Գրուշենկան այստեղ լիներ, նրա դեմքն ուրիշ արտահայտությու-
ն կունենար»: Տարօրինակ բան, Միտյայի սրտում հանկարծ մի
անիմաստ ու զարմանալի վրդովմունք բռնկվեց այն պատճա-
ռով:

ուով, որ Գրուշենկան այստեղ չէ: «Ոչ թե այն պատճառով, որ նա այստեղ չէ,— անմիջապես ըմբռնեց ու ինքն իրեն պատասխանեց Միտյան,— այլ որովհետև ոչ մի կերպ չեմ կարողանում հաստատ իմանալ՝ այստե՞ղ է, թե ոչ»: Հետագայում Միտյան ինքն էր հիշում, որ այդ րոպեին իր միտքն արտակարգորեն հստակ էր և ամեն ինչ կշռադատում էր մինչև հետին մանրամասնությունը, ըմբռնում էր ամեն մի կետ: Բայց նրա սրտում անասելի արագությամբ աճում էր տվյալտանքը, անտեղյակության ու անվճռականության տվյալտանքը: «Այստե՞ղ է նա վերջապես, թե այստեղ չէ»,— բորբոքվեց նրա սիրտը զայրույթով: Եվ հանկարծ որոշեց անելիքը. ձեռքը երկարեց ու մեղմ թխկացրեց պատուհանի շրջանակը: Թխկացրեց այն պայմանական նշանը, որ ծերունին ասել էր Սմերդյակովին. առաջին երկու անգամը՝ դանդաղ, իսկ հետո երեք անգամ՝ ավելի արագ՝ թըթ-թըթ-թըթ, որ նշանակում էր՝ «Գրուշենկան եկավ»: Ծերունին ցնցվեց, գլուխն ընդոստ վեր առավ, արագորեն թռավ տեղից ու նետվեց դեպի պատուհանը: Միտյան ետ ցատկեց ստվերի մեջ: Ֆյոդոր Պավլովիչը բացեց պատուհանը և ամբողջ գլուխը դուրս հանեց:

— Գրուշենկա, դո՛ւ ես: Դո՛ւ ես, հա՛, — ասաց նա մի տեսակ դողահար կիսաշշուկով:— Ո՞ւր ես, հոգյակս, հրեշտակս, ո՞ւր ես:— Սարսափելիորեն հուզված էր նա, շունչը կտրվում էր: «Մենա՛կ է»,— վճռեց Միտյան:

— Բայց ո՞ւր ես, — գոռաց նորից ծերունին և ավելի ևս դուրս հանեց գլուխը, մինչև ուսերը դուրս հանեց ու նայեց բոլոր կողմերը, աչ ու ձախ:— Արի՛ այստեղ, մի փոքրիկ նվեր եմ պատրաստել քեզ համար, արի՛, ցույց տամ...

«Ծրարած երեք հազար ոտրլու մասին է», — անցավ Միտյայի մտքով:

— Բայց ո՞ւր ես, ո՞ւր... Հա՛, դոան մո՞տ: Հիմա կբացեմ...

Ու ծերունին համարյա դուրս կախվեց պատուհանից, նայելով դեպի աջ՝ այն կողմը, ուր այգու վրա բացվող դուռն էր, և ջանալով տեսնել խավարի մեջ: Հաջորդ վայրկյանին նա անպայման պետք է վազեր դուռը բանալու, առանց սպասելու Գրուշենկայի պատասխանին: Միտյան նայում էր կողքից ու չէր շարժվում: Ծերունու ամբողջ այդ պրոֆիլը, որից այնպես զրզվում էր, նրա կախ ընկած աղամախնձորը, կեռ քիթը, հեշտագին սպասումով ժպտացող շրթունքները՝ այդ բոլորը վառ լուսավորված էին լամպի շեղ լույսով, որ ընկնում էր ձախից, սեն-

յակի խորքից: Միտյայի սրտում հանկարծ մի ահավոր, կատաղի ցասում ժայթքեց. «Ահա՛ նա, իմ մրցակիցը, ինձ տանջողը, իմ կյանքի հոգեհա՛րը»: Դա ժայթքումն էր հենց այն անակնկալ, վրեժխնդիր ու կատաղի ցասման, որի մասին, կարծես նախադասելով, ասել էր նա Ալլոշային չորս օր առաջ, տաղավարում, երբ պատասխանել էր Ալլոշայի հարցին՝ «Ինչպե՞ս կարող ես ասել, թե կսպանես հայրիկին»:

«Չգիտե՛մ, չգիտե՛մ, — ասել էր նա այն ժամանակ:— Գուցե չսպանեմ, գուցե և սպանեմ: Վախենում եմ, որ նա հանկարծ ատելի դառնա ինձ այդ նույն րոպեին՝ իր այդ դեմո՛սով: Ատո՛ւմ եմ նրա աղամախնձորը, նրա քիթը, նրա աչքերը, նրա անամոթ քմծիծաղը: Անձնական զզվանք եմ զգում: Դրանից եմ վախենում ահա: Հանկարծ չկարողանամ զսպել ինձ...»:

Անձնական նողկանքն անտանելիորեն սաստկանում էր: Միտյան արդեն կորցրեց իրեն և հանկարծ գրպանից դուրս քաշեց պղնձե սանդղոթը...

Աստված հսկում էր ինձ այդ րոպեին, — ասաց Միտյան ինքը հետագայում: Ծիշտ այդ պահին իր անկողնում զարթնեց Գրիգորի Վասիլևիչը, որ հիվանդ էր: Նույն օրը, երեկոյան դեմ, նա ընդունել էր այն յուրահատուկ բուժումը, որի մասին Սմերդյակովը պատմում էր Իվան Ֆյոդորովիչին: այսինքն, կնոջ օգնությամբ, ամբողջ մարմինը շփել էր օղիով, որի մեջ գաղտնի ձեվով պատրաստված մի շատ թունդ չրաթուրմ էին խառնել, հետո դրա մնացորդը խմել էր, մինչ կի՛նը «մի որոշ աղոթք» էր շնջում նրա գլխին, և պառկել էր քնելու: Մարֆա Իգնատևնան նույնպես ճաշակել էր այդ խառնուրդը և, խմիչքի անսովոր լինելով, մեռածի նման քնել էր ամուսնու կողքին: Եվ ահա, բոլորովին անակնկալորեն, Գրիգորին հանկարծ զարթնեց գիշերը, մի րոպե մտածեց ու թեև իսկույն մի սուր ցավ զգաց նորից իր գոտկատեղում, բայց վերկացավ ու նստեց անկողնին: Հետո նորից մտածեց մի քիչ, ոտքի ելավ ու շտապ հագնվեց: Գուցե խճճի խայթ զգաց, որ ինքը քնում է և տունը առանց պահակի է մնացել «այսպիսի վտանգավոր մի ժամանակ»: Ընկնավորության նոպայից ուժաթափված Սմերդյակովը մյուս սենյակում անշարժ պառկել էր: Մարֆա Իգնատևնան շեշերաց նույնիսկ: «Թլֆել է կնիկը», — մտածեց Գրիգորի Վասիլևիչը նրան նայելով, հետո տնքալով գնաց անդաստակ: Իհարկե, նա ուզում էր պարզապես

— Ինչո՞ւ,— գոռաց Միտյան:

— Էդ մեկը չգիտեմ, ինչ-որ սպայի մոտ գնաց, էնտեղից կանչել էին, ձիեր էին ուղարկել...

Միտյան թողեց նրան ու խելագարի նման վազեց Ֆենյայի մոտ:

V

ԱՆՍԿԵՎԱԼ ՈՐՈՇՈՒՄ

Ֆենյան իր տատիկի հետ նստել էր խոհանոցում, երկուսն էլ պատրաստվում էին քնելու: Հուլյս գնելով նազար Իվանովիչի վրա, նրանք այնպես էլ չէին կողպել դուռը ներսից: Միտյան ներս խուժեց, խոյացավ Ֆենյայի վրա և ամուր բռնեց նրա կողորդից:

— Հենց իսկույն ասա՛, որտե՞ղ է նա, ո՞ւմ հետ է հիմա Մոկրոեում,— մոնչաց նա մոլեգնած:

Կանայք երկուսն էլ ճշացին:

— Ա՛յ, կասեմ, ա՛յ, Դմիտրի Ֆյոդորովիչ, ջանիկս, ամեն ինչ կասեմ իսկույն, ոչինչ չեմ թաքցնի,— արագ-արագ ձվձվաց Ֆենյան, որ մահու շափ վախեցել էր:— Մոկրոե գնաց, սպայի մոտ:

— Ի՞նչ սպա,— մոնչաց Միտյան:

— Էն նախկին սպան, էն նույնը, էն իր նախկինը, որ հինգ տարի առաջ, էն որ թողել գնացել է,— բլբլաց Ֆենյան նույն շուտասանուկի արագությամբ:

Դմիտրի Ֆյոդորովիչը ետ քաշեց ձեռքերը, որոնցով նրա կողորդն էր սեղմում: Աղջկա դիմաց կանգնել էր մեռելի նման գունատ ու անձայն, բայց աչքերից երևում էր, որ ամեն ինչ հասկացել էր մեկեն, առաջին իսկ բառից հասկացել էր ամեն ինչ, ամեն ինչ կետ առ կետ, կոահել էր ամբողջ իրավիճակը: Խեղճ Ֆենյան այդ վայրկյանին անշուշտ շէր կարող նկատել՝ հասկացե՞լ է նա, թե ոչ: Ինչպես որ նստել էր սնդուկի վրա Միտյայի ներս վազելու ընկերին, այնպես էլ մնում էր հիմա, ոտից գլուխ դողալով, և այդ դիրքում քարացել էր՝ ձեռքերն առաջ պարզած, կարծես պաշտպանվելու համար: Վախից լայնացած, սոսկումնալից բիբերն անշարժ սևեռել էր Միտյային: Մանավանդ որ՝ Միտյայի երկու ձեռքերն էլ արյունոտ էին: Ճանապարհին, վազելու ժամանակ, նա երևի ձեռքերը ճակատին էր

տարել՝ քրտինքը սրբելով երեսից, այնպես որ թե՛ ճակատի, թե՛ աջ այտի վրա քամսված արյան կարմիր բծեր կային: Քիչ էր մնում, որ Ֆենյան հիստերիկ նոսպայի մեջ ընկնէր, իսկ պառավ խոհարարուհին տեղից վեր էր թռել ու նայում էր խելագարի նման, համարյա գիտակցությունը կորցրած: Դմիտրի Ֆյոդորովիչը մի րոպե կանգնած մնաց ու հանկարծ մեքենաբար փուլ եկավ աթոռի վրա, Ֆենյայի մոտ:

Նստել էր նա և ոչ թե մտածում էր, այլ ահաբեկվել էր կարծես, անզգայացել էր մի տեսակ: Բայց ամեն ինչ պարզ էր լույսի պես. այդ սպան... գիտե՛ր այդ սպայի մասին, շատ լավ գիտեր ամեն ինչ, գիտեր հենց Գրուշենկայից, գիտեր, որ մի ամիս առաջ նամակ էր ուղարկել նա: Ուրեմն մի ամիս, ամբողջ մի ամիս այդ բանը կատարվում էր իրենից զաղտնի, խորապես գաղտնի, մինչև որ ահա այսօր եկել էր այդ նոր մարդը, իսկ ինքը չէ՛ր էլ մտածում նրա մասին: Բայց ինչպե՞ս կարող էր, ինչպե՞ս կարող էր շմտածել նրա մասին: Ինչո՞ւ այն ժամանակ հենց այնպես էլ մոռացավ այդ սպայի գոյությունը, մոռացավ հենց իմանալուց անմիջապես հետո: Ահա այն հարցը, որ մի տեսակ հրեշի նման կանգնել էր նրա առաջ: Եվ նա այդ հրեշին նայում էր իսկապես ահաբեկված, ահից սառչելով:

Բայց նա հանկարծ սկսեց մեղմ ու հեղահամբույր խոսել Ֆենյայի հետ, հանգիստ ու սիրալիր երեխայի նման, կարծես բոլորովին մոռանալով, որ դեռ մի րոպե առաջ այնպես վախեցրել էր նրան, վիրավորել ու տանջել: Սկսեց Ֆենյային հարցուփորձ անել արտակարգ ճշգրտությամբ, որ նույնիսկ զարմանալի էր նրա դրության մեջ: Իսկ Ֆենյան թեև վայրի հայացքով նայում էր նրա արյունոտ ձեռքերին, բայց նույնպես զարմանալի պատրաստակամությամբ ու աճապարանքով սկսեց պատասխանել նրա յուրաքանչյուր հարցին, կարծես նույնիսկ շտապելով հայտնել ամբողջ ճշմարտությունը, «ճիշտ ու ճիշտ ճշմարտությունը»: Կամաց կամաց նույնիսկ մի տեսակ ուրախությամբ սկսեց պատմել բոլոր մանրամասնությունները, և ոչ թե ուղեղով տանջել նրան, այլ կարծես ջանալով ի սրտե ծառայություն մատուցել, որքան որ կարող էր: Ամենահետին մանրամասնություններով պատմեց նաև ամբողջ այդ օրվա մասին, նկարագրեց Ռակիտինի և Ալյոշայի այցելությունը, և թե ինչպես ինքը, Ֆենյան, պահակ էր կանգնել, ինչպես տիրուհին մեկնեց, ինչպես լուսամուտից գոռաց Ալյոշային, որ իր ողջույնը հաղորդի նրան:

այսինքն Միտյային, և որ Միտյան «հավիտենապես հիշի, թե ինչպես ինքը մի ժամ սիրել է նրան»: Լսելով ողջույնի մասին, Միտյան հանկարծ ժպտաց, և նրա գունատ այտերը վառվեցին: Նույն րոպեին Ֆենյան ասաց նրան, այլևս մազաշափ անգամ չվախեննալով իր ցուցաբերած հետաքրքրության համար:

— Բայց էդ ի՞նչ են եղել ձեր ձեռքերը, Դմիտրի Ֆյոդորովիչ, ամբողջ արյուն է:

— Այո,— պատասխանեց մեքենաբար Միտյան, մտամոլոր նայեց իր ձեռքերին և իսկույն մոռացավ իր ձեռքերն էլ, Ֆենյայի հարցն էլ: Նորից խորասուզվեց լուսթյան մեջ: Ներս վազելուց հետո արդեն քսան րոպե էր անցել: Քիչ առաջվա նրա վախը չբացել էր, բայց երևի մի նոր, անդրզվելի վճռականություն էր արդեն տիրել նրա հոգուն: Նա հանկարծ վեր կացավ ու մտախոհ ժպտաց:

— Տեր իմ, էդ ի՞նչ է պատահել ձեզ,— ասաց Ֆենյան, նորից ցույց տալով նրա ձեռքերը: Աղջիկը կարեկցանքով ասաց այդ բանը, կարծես հիմա ինքը ամենավշտակից էական էր նրա համար:

Միտյան նորից նայեց իր ձեռքերին:

— Արյուն է, Ֆենյա,— ասաց նա, տարօրինակ մի արտա-
հայտություններ նայելով աղչկան,— մարդկային արյուն է և, աստված իմ, ինչու՞ թափվեց այս արյունը: Բայց... Ֆենյա... մի ցանկապատ կա այստեղ (Միտյան նայում էր նրան, կարծես հանելուկ առաջարկելով), մի բարձր ցանկապատ, և սարսափելի է դրա տեսքը, բայց... վաղը, արշալույսին, երբ «վեր սլանա արեգակը», Միտենկան կցատկի այդ ցանկապատի վրայից... Չես հասկանում, Ֆենյա, թե ինչ ցանկապատ է, բայց գե ոչինչ... միևնույն է, վաղը կլսես և ամեն ինչ կհասկանաս... իսկ հիմա մնա՞ր բարով: Չեմ խանգարի նրան, մի կողմ կբաշվեմ, գիտե՞մ մի կողմ քաշվելու ձևը: Ապրի՛ր, իմ ուրախություն... գու ինձ մե՛կ ժամ սիրեցիր, այդպես էլ հիշի՛ր հավիտյան Միտենկա կարամազովին... Նա միշտ էլ ինձ Միտենկա էր ասում, հիշո՞ւմ ես:

Նվ այս խոսքերն ասելով նա հանկարծ դուրս ելավ խոհանոցից: Իսկ Ֆենյան նրա այդպես գնալուց համարյա ավելի եռ վախեցավ, քան քիչ առաջ, երբ նա ներս էր վազել ու խոյացել իր վրա:

Ուղիղ տասը րոպե հետո Դմիտրի Ֆյոդորովիչը մտավ Պյոտր Իլյիչ Պերխոտինի տունը, այն երիտասարդ պաշտոնյայի, որի մոտ մի քանի ժամ առաջ գրավ էր դրել իր ատրճանակները: Ժամը ութ անց կես էր արդեն, և Պյոտր Իլյիչը, տանը թեյ խմելուց հետո, հենց քիչ առաջ սերթուկն էր հագել նորից, որպեսզի գնա «Մայր քաղաք» գինետունը՝ բիլիարդ խաղալու: Միտյան վրա հասավ այն րոպեին, երբ նա դուրս էր գալիս: Պյոտր Իլյիչը, տեսնելով նրան և արյան բծերը նրա դեմքին, ուղղակի բացականչեց.

— Տե՛ր աստված: Ի՞նչ է պատահել ձեզ:

— Գիտե՞ք ինչ,— ասաց Միտյան արագ-արագ,— եկա իմ ատրճանակները վերցնելու, փող բերեցի ձեզ: Շնորհակալություններ: Շտապում եմ, Պյոտր Իլյիչ, խնդրում եմ՝ շո՛ւտ:

Պյոտր Իլյիչն ավելի ու ավելի էր զարմանում: Միտյայի ձեռքին հասգին փող տեսավ հանկարծ, և մանավանդ նկատեց, որ նա այդ փողը ձեռքում բռնել ու ներս էր մտել այնպես, ինչպես ոչ ոք չի մտնում որևէ տեղ՝ փողն այդ ձևով բռնած. բանկտոմսերի ամբողջ կապոցը բռնել էր աջ ձեռքում և ձեռքն ուղղակի մեկնել էր առաջ՝ կարծես փողը ցուցադրելու համար: Պյոտր Իլյիչին ծառայող մանչը, որ միջանցքում դիմավորել էր Միտյային, հետագայում պատմում էր, որ նա փողը հենց այդ ձևով բռնած միջանցք էր մտել փողոցից, ուրեմն և փողոցում էլ ճիշտ նույն ձևով էր բռնել՝ աջ ձեռքն առաջ մեկնած: Թղթադրամները բոլորն էլ հարյուրանոց էին, վարդագույն, և նա արյունոտ մատներով էր բռնել դրանք: Հետագայում, երբ հետաքրքրվող անձինք հարց տվեցին, թե որքա՞ն էր այդ փողը, Պյոտր Իլյիչը հայտարարեց, որ այն ժամանակ դժվար էր աչքի շափով գտափար կազմել, գուցե երկու հազար էր, գուցե երեք հազար, բայց մի մեծ, «բավական հաստ» կապոց էր: Պյոտր Իլյիչը հետագայում վեպայեց նաև, որ Դմիտրի Ֆյոդորովիչը «կարծես բոլորովին կորցրել էր գլուխը, բայց հարբած չէր, այլ մի տեսակ հափշտակություն մեջ էր թվում, շատ մտացիր էր, բայց և միաժամանակ ասես կենտրոնացած, կարծես թե մի բանի մասին էր մտածում, մի բան էր ուզում և չէր կարողանում որոշման հանգել: Շատ էր շտապում, կտրուկ ու խիստ տարօրինակ պատասխաններ էր տալիս, իսկ լինում էին վայրկյաններ, երբ կարծես բոլորովին վշտահար չէր թվում, այլ նույնիսկ ուրախ»:

— Բայց ի՞նչ է պատահել ձեզ, ի՞նչ է պատահել ձե՛զ,—

գոռաց Պյոտր Իլյիչը, վայրի հայացքով նայելով իր հյուրին:— Ինչպե՞ս է, որ արյունոտվել եք ոտից գլուխ, ընկե՞լ եք, ինչ է, նայեցե՛ք:

Նա բռնեց Միտյայի արմունկից ու մոտեցրեց հայելուն: Միտյան, տեսնելով իր արյունոտ դեմքը, ցնցվեց ու մոռացվեց վայրալից:

— Է՛, գրո՞ղը տանի: Ա՛յս էր պակաս, — մրթմրթաց նա բարկացած, թղթադրամների կապոցն աչ ձեռքից արագորեն առավ ձախ ձեռքը և ջղածիդ մի շարժումով թաշկինակը հանեց գրպանից: Բայց պարզվեց, որ թաշկինակն էլ ամբողջովին արյունաթաթախ էր (հենց այդ թաշկինակով սրբել էր Գրիգորիի գլուխն ու դեմքը): Համարյա ոչ մի սպիտակ տեղ չէր մնացել թաշկինակի վրա, և ոչ թե պարզապես սկսել էր շորանալ, այլ մի տեսակ գնդաձև քարացել էր ու չէր ուզում բացվել: Միտյան դայրույթով այն շարտեց հատակին:

— Է՛, գրո՞ղը տանի: Մի լաթի կտոր շունե՞ք... գոնե սրբվեի...

— Ուրեմն պարզապես քսմսվե՞լ է արյունը, չե՞ք վիրավորվել: Դե ուրեմն ավելի լավ է լվացվեք, — պատասխանեց Պյոտր Իլյիչը:— Ահա լվացամանը, ջուրը ես կթափեմ:

— Լվացամա՞ն: Լավ է... միայն թե ո՞ւր դնեմ այս բանը, — արդեն բոլորովին տարօրինակ մի վարանումով ցույց տվեց հարյուրանոցների կապոցը Պյոտր Իլյիչին, հարցական նայելով նրան, կարծես նա՛ պետք է որոշեր, թե ինքը ուր դնի իր սեփական փողերը:

— Դրեք ձեր գրպանը, կամ էլ ա՛յ այստեղ դրեք, սեղանի վրա, չի կորչի:

— Գրպա՞նս: Հա՛, այո, գրպանս: Լավ է... Չէ, գիտե՞ք ինչ, հիմարությո՞ւն է այս ամբողջը, — գոռաց նա, կարծես հանկարծ սթափվելով իր ցրված վիճակից:— Լսեցեք, նախ այդ գործը վերջացնենք, ատրճանակների հարցը. ետ տվեք ինձ, և ահա՛ ձեր փողը... որովհետև ինձ շատ, շատ պետք են դրանք... և ոչ մի թուպ, ոչ մի թուպ, ոչ մի թուպ ժամանակ չունեմ...

Եվ կապոցից հանելով վերևի հարյուրանոցը՝ երկարեց Պյոտր Իլյիչին:

— Բայց ես չեմ էլ կարողանա մանրել, — նկատեց պաշտոնյան, — ավելի մանր դրամ չունե՞ք:

— Չէ, — ասաց Միտյան, նորից նայելով կապոցին, և կար-

ծես իր ասածի վրա վստահ չլինելով՝ երկու-երեք թղթադրամ թերթեց վերևից, — չէ, բոլորն էլ նույնն են, — ավելացրեց նա և նորից հարցական նայեց Պյոտր Իլյիչին:

— Բայց որտեղի՞ց եք այսպես հարստացել, — հարցրեց Պյոտր Իլյիչը:— Սպասեցեք, ես իմ մանչին կուղարկեմ Պլոտնիկովների մոտ: Նրանք ուշ են փակում, վազելով կհասնի: Գուցե թե մանրեն: Հե՛յ, Մի՛շա, — գոռաց նա դեպի միջանցքը:

— Պլոտնիկովների խանութը. հոյակա՛պ, — գոռաց նաև Միտյան, կարծես մի նոր միտք էր ծագել նրա գլխում:— Մի՛շա, — դարձավ նա ներս մտած մանչին, — գիտե՛ս ինչ, վազի՛ր Պլոտնիկովների խանութը և ասա, որ Դմիտրի Ֆյոդորովիչը բարևում է և ինքն էլ հենց իսկույն կգա... Բայց լսի՛ր, լսի՛ր. ասա՛ մինչև իմ գալը շամպայն պատրաստեն, մի երեսուն-քառասուն շիշ, և դարսեն այն օրվա պես, որ Մոկրոն գնացի... Այդ օրը մոտ հիսուն շիշ վերցրի նրանցից, — հանկարծ դիմեց Պյոտր Իլյիչին, — նրանք գիտեն արդեն, մի՛ անհանգստանա, Միշա, — նորից տղային դարձավ:— Եվ լսի՛ր. պանիր էլ թող դնեն, ստրասբուրգյան կարկանդակ, ապխտած սիգ, խոզապուխտ, խավյար, դե ամեն ինչ, ամե՛ն ինչ, որ ունեն, մի հարյուր կամ հարյուր քսան ռուբլու, ինչպես այն օրը... Եվ լսի՛ր. անուշեղենն ու միրգն էլ չմոռանան՝ կոնֆետ, տանձ, երկու կամ երեք հատ ձմերուկ, կամ էլ շո՛րս հատ... չէ, չէ, մի ձմերուկը բավական է, բայց շոկոլադ, մոնպանսիե, տեսակ-տեսակ շաքարներ, դե մի խոսքով՝ ամե՛ն ինչ, որ այդ օրը ինձ հետ տարա Մոկրոն, մի երեք հարյուր ռուբլու բան թող լինի շամպայնի հետ... Դե այ ուրեմն, հիմա էլ ճի՛շտ այդ օրվա պես լինի: Բայց հիշի՛ր, Միշա, եթե անունդ Միշա է... Անունը հո Միշա է, չէ՞, — նորից դարձավ նա Պյոտր Իլյիչին:

— Բայց սպասեցեք մի թուպ, — ընդհատեց Պյոտր Իլյիչը, անհանգստությամբ լսելով ու դիտելով նրան, — ավելի լավ է ինքներդ գնաք և ասեք այդ բոլորը, իսկ նա ամեն ինչ կխառնի իրար:

— Կխառնի՞, տեսնում եմ, որ կխառնի: Է՛խ, Միշա, ես էլ ուզում էի քեզ համբուրել այս հանձնարարության համար... Եթե չխառնես՝ տասը ռուբլի քեզ, դե թո՛ր շուտով... Շամպայնը, շամպա՛յնն է գլխավորը, թող դարսե՛ն, և կոնյակն էլ, կարմիր գինի, սպիտակ գինի, ամե՛ն ինչ այդ օրվա պես... Նրանք գիտեն, թե ինչպես էր այդ օրը:

— Բայց լսեցե՛ք ախր,— ընդհատեց Պյոտր Իլյիչն արգեն անհամբեր:— Ասում եմ ձեզ՝ նա թող պարզապես վազի փողը մանրելու և ասի, որ խանութը չփակեն, իսկ դուք կգնաք և ինքներդ կպատվիրեք... Տվեք ձեր հարյուրանոցը: Մա՛րշ, Միշա, գնալդ ու գալդ մեկ լինի:— Պյոտր Իլյիչը կարծես դիտմամբ շտապեց դուրս անել Միշային, որովհետև տղան կանգնած մնում էր հյուրի առաջ, լայն բացված աչքերը հռոկ էր նրա արյունոտ դեմքին, արյունոտ ձեռքերին, նրա դողացող մատների մեջ այդ փողի կապոցին, զարմանքից ու վախից բերանը բաց արած, և ըստ երևույթի քիչ բան հասկանալով Միտայի բոլոր այդ պատվերներին:

— Դե հիմա եկեք լվացվելու,— խստադեմ ասաց Պյոտր Իլյիչը:— Փողերը դրեք սեղանի վրա կամ էլ ձեր գրպանը... Այ այդպես, դե եկեք: Բայց հանեցեք սերթուկը:

Նա սկսեց Միտային օգնել սերթուկը հանելու և հանկարծ նորից գոչեց.

— Տեսե՛ք, ձեր սերթուկն էլ արյունոտ է:

— Չէ... սերթուկը չէ: Միայն մի քիչ այտուղ՝ թևքի վրա... Իսկ սա էլ այտուղ միայն, թաշկինակի տեղը: Գրպանից է դուրս մղվել: Հենց թաշկինակի վրա էի նստել Ֆենյայի մոտ, և արյունն էլ հենց քամվել է,— իսկույն բացատրեց Միտայն՝ մի տեսակ զարմանալի դյուրավստահությամբ: Պյոտր Իլյիչը լսեց խոժոռվելով:

— Ի՞նչ է փչել ձեր խելքին. երևի կովել եք մեկի հետ,— մրթմրթաց նա:

Միտայն սկսեց լվացվել: Պյոտր Իլյիչը բռնել էր կուժը և ջուր էր թափում: Միտայն շտապում էր և լավ շօճառեց ձեռքերը: (Նրա ձեռքերը դողում էին, ինչպես Պյոտր Իլյիչը հիշեց հետագայում): Պյոտր Իլյիչն անմիջապես պարտադրեց ավելի շատ օճառել և ավելի լավ շփել ձեռքերը: Այդ ընթացքին նա կարծես մի տեսակ գերշխում էր Միտայի վրա, և հետզհետե ավելի ու ավելի էր շեշտվում այդ: Ի դեպ նշենք, որ այս երիտասարդը հանդուգն բնավորության տեր մարդ էր:

— Տեսեք, լավ չմաքրեցիք եղունգները: Դե հիմա ձեր երեսը շփեցեք, այ այտուղ՝ քունքերը, ականջի մոտ... Այս շապիկով էլ գնալու՞ եք: Իսկ ո՞ւր եք գնում: Տեսեք, աչ թևքի ծայրը ամբողջովին արյունոտ է:

— Այո, արյունոտ է,— նկատեց Միտայն, դիտելով շապիկի թևածալը:

— Դե ուրեմն փոխեցեք շապիկը:

— Ժամանակ չունեմ: Բայց ահա այսպես, այսպես, տեսնո՞ւմ եք... — նույն դյուրավստահությամբ շարունակեց Միտայն, երեսն ու ձեռքերը սրբելով և հագնելով սերթուկը,— ահա այստեղ կծալեմ թևքի ծայրը, և չի երևա սերթուկի տակ... Տեսնո՞ւմ եք:

— Ասացեք հիմա, որտե՞ղ եք այս փորձանքի մեջ ընկել: Ինչ է, կովե՞լ եք որևէ մեկի հետ: Գինետա՞նը նորից, ինչպես այն օրը: Չլինի՞ նորից կապիտանին կպաք, ծեծեցիք ու քաշ տվեցիք նրան,— հիշեց Պյոտր Իլյիչը, կարծես հանդիմանելով:— Էլ ուրիշ ո՞ւմ ծեծեցիք... կամ գուցե սպանեցիք, հա՞:

— Հիմարություն,— ասաց Միտայն:

— Ինչպե՞ս թե հիմարություն:

— Կարիք չկա,— ասաց Միտայն և հանկարծ ժպտաց:— Մի պառավ կին էր, քիչ առաջ ոտի տակ տվեցի հրապարակում:

— Ոտի տակ տվեցի՞ք: Պառավ կի՞ն:

— Պառավ մա՛րդ,— գոռաց Միտայն, նայելով ուղղակի Պյոտր Իլյիչի դեմքին, ծիծաղելով և այնպես գոռալով, որ կարծես դիմացինը խուլ լիներ:

— Է՛, գրո՞ղը տանի, պառավ կին, պառավ մաբդ... Ինչ է, սպանե՞լ եք որևէ մեկին:

— Հաշտվեցինք: Կպանք իրար... և հաշտվեցինք: Մի տեղ: Մտերմորեն բաժանվեցինք: Հիմարի մեկն էր... Ներեց ինձ... հիմա արգեն վստահ եմ, որ ներեց... Եթե վեր կենար, չէ՞ր ների,— աչքով արեց հանկարծ Միտայն,— միայն թե, գիտե՞ք ինչ, գրողի ծո՞ցը նրան, լսո՞ւմ եք, Պյոտր Իլյիչ, գրողի ծո՞ցը, կարիք չկա՞: Այս ընթացքին չե՛մ ուզում,— վճռականորեն կարճ կրտրեց Միտայն:

— Իմ ասածը պարզապես այն է, որ ի՛նչ գործ ունեք՝ կրպնում եք սրա-նրա հետ... Ինչպես այն օրը այդ փոխկապիտանի հետ՝ դատարկ բանի համար... Կովել եք և հիմա վազում եք քեֆ անելու. ահա՛ ձեր ամբողջ բնավորությունը: Քառասո՞ւն շիշ շամպայն... ո՞ւր եք տանում այդքանը:

— Բռա՛վո: Հիմա տվե՛ք ատրճանակը: Աստված վկա, ժամանակ չունեմ: Այո՞, կուզեի քեզ հետ խոսել, սիրելիս, բայց ժամանակ չկա: Եվ կարիք էլ չկա բոլորովին, ուշ է խոսելը: Հա՛,

ո՞ր է փողը, ո՞ր դրեցի,— գոչեց նա և սկսեց ձեռքերը խոթել գրպանները:

— Սեղանի վրա դրեցիք... ինքներդ... այ այնտեղ էլ մնում է: Մոռացա՞ք: Իսկապես որ փողը ձեզ համար աղբ կամ ջուր լինի: Ահա ձեր ատրճանակը: Տարօրինակ է, ժամը վեցին եկավ ու տասը ուրբալով գրավի դրեց, իսկ հիմա ա՛յ քեզ բան, հազարներ ունեք: Երկո՞ւ հազար ասենք, թե երեք:

— Երեք ասա,— ծիծաղեց Միտյան, փողը ճխտելով տաբատի գրպանը:

— Կկորցնեք այդպես: Ոսկու հանքե՞ր ունեք, ինչ է:

— Հանքե՞ր: Ոսկու հանքե՞ր,— ամբողջ ուժով գոռաց Միտյան և սկսեց քրքջալի:— Ուզո՞ւմ եք ոսկու հանքերը գնալ, Պերխոտին: Այստեղ մի տիկին կա, հենց իսկույն երեք հազարը կթափի ձեր առաջ, միայն թե գնաք: Իմ առաջ թափե՛ց, այնքան է սիրում նա հանքերը: Խոխալկովային ճանաչո՞ւմ եք:

— Ծանոթ չեմ, բայց լսել ու տեսել եմ: Ինչ է, իսկապես նա՞ տվեց ձեզ երեք հազարը: Հենց այնպես թափե՛ց ձեր առաջ,— տարակուսանքով նայեց նրան Պյոտր Իլյիչը:

— Է՛հ, վաղն առավոտ, հենց որ վեր սլանա արեգակը, թե՛վերը բացի ու թռչի՛ հավետ երիտասարդ Ֆեբուսը, գովաբանելով ու փառաբանելով աստծուն, վաղն առավոտ գնացեք նրա մոտ, այդ Խոխալկովայի մոտ, և ինքներդ հարցրե՛ք՝ թափե՛ց իմ առաջ երեք հազարը, թե չէ: Դե՛հ, ստուգեցեք:

— Ես չգիտեմ ձեր հարաբերությունները... Եթե այսքան հաստատ եք ասում, ուրեմն տվել է... Բայց փողը ձեռք եք զցել, և փոխանակ Սիբիր գնալու, բռնողով քամուն եք տալիս... Բայց իսկապես, ո՞ր եք գնում հիմա, հը՞:

— Մոկրոն:

— Մոկրոն: Բայց գիշե՞ր է:

— Երեկ կար, այսօր չկա,— ասաց հանկարծ Միտյան:

— Ինչպե՞ս թե չկա: Այսպիսի հազարներ մարդու ձեռքում, և չկա՞:

— Հազարների մասին չէ իմ ասածը: Գրողի ծո՛ցը հազարները: Կանացի բնավորությունն եմ ասում:

Գյուրաթեք է կնոջ սիրտը,
Անկայուն ու անառակ:

Ես համաձայն եմ Ողիսեսի հետ, նա է ասում այս բանը:

— Չեմ հասկանում ձեզ:

— Հարբա՞ծ եմ, ինչ է:

— Ոչ թե հարբած, ավելի վատ:

— Ուզո՞ւմ եմ հարբած, Պյոտր Իլյիչ, ոգո՞ւմ եմ հարբած, և էլ բավական է, բավական...

— Այդ ի՞նչ եք անում, ատրճանակն եք լցնում:

— Ատրճանակն եմ լցնում:

Եվ իսկապես, բացելով ատրճանակների տուփը, Միտյան վառողի սրվակ հանեց և ուշադրությամբ լցրեց վառողը ատրճանակի մեջ: Հետո մի փամփուշտ վերցրեց և, խցկելուց առաջ, երկու մատով բարձրացրեց մոմի լույսին՝ աչքերի դիմաց:

— Ինչո՞ւ եք այդպես նայում փամփուշտին,— անհանգիստ հետաքրքրությամբ հետևում էր Պյոտր Իլյիչը:

— Հենց այնպես: Երևակայություն: Ա՛յ եթե խելքիդ փշեր այս փամփուշտը խրել ուղեղիդ մեջ, ատրճանակը լցնելիս կնայե՞ի՞ր սրան, թե չէ:

— Ինչո՞ւ նայեմ:

— Ուղեղիս մեջ է մտնելու, դե ուրեմն հետաքրքիր է մի հայացք զցել, տեսնե՞ք ի՞նչ բան է... Բայց հիմարություն է, ընդհանրապես հիմարություն: Ահա վերջացավ,— ավելացրեց նա, մեջը դնելով փամփուշտը և ձողիկի ծայրով խրելով:— Պյոտր Իլյիչ, սիրելիս, հիմարություն է, կատարյալ հիմարություն, և եթե իմանայի՛ր, թե ինչ աստիճանի հիմարություն է ամեն ինչ: Դե հիմա մի կտոր թուղթ տուր:

— Ահա քեզ թուղթ:

— Չէ, հարթ, մաքուր թուղթ, գրելու թուղթ: Հա՛, այդպես:— Եվ Միտյան, սեղանից վերցնելով գրիչը, արագորեն մի երկու տող գրեց թղթի վրա, հետո շորս տակ ծալեց ու դրեց բաճկոնակի գրպանը: Ատրճանակները տեղավորեց տուփի մեջ, կողպեց փոքրիկ բանալիով ու տուփը ձեռքն առավ: Հետո նայեց Պյոտր Իլյիչին և երկար, մտախոհ ժպտաց:

— Հիմա գնանք,— ասաց նա:

— Ո՞ր գնանք: Չէ, սպասեցե՛ք, մի ըոպե... Գուցե դուք ձե՞ր ուղեղի մեջ եք ուզում խրել դա, այդ փամփուշտը... — ասաց Պյոտր Իլյիչն անհանգստացած:

— Փամփուշտը հիմարություն է: Ես ապրել եմ ուզում, ես կյանքն եմ սիրում: Իմացիր այս բանը: Ես սիրում եմ ոսկեհեր

Տերուսին և նրա ջերմ յուշան եմ սիրում: Սիրելի Պյոտր Իլյիչ, դու ընդունակ ես մի կողմ քաշվելու:

— Ինչպե՞ս թե մի կողմ քաշվելու:

— Ճանապարհ տալու: Սիրելի էակին և առեկլիին էլ ճանապարհ տալու: Եվ այնպես, որ առեկլին էլ սիրելի գառնա, ահա այդպե՛ս ճանապարհ տալու: Եվ ասելու նրանց՝ աստված ձեզ հետ, գնացեք, անցեք ու գնացեք, իսկ ես...

— Իսկ դո՞ւր:

— Բավական է, գնանք:

— Աստված վկա, պիտի ասեմ որևէ մեկին, — նախքան նրան Պյոտր Իլյիչը, — պիտի ասեմ, սք ձեզ շթողնեն աջատեղ գնաք: Ի՞նչ պետք ունեք հիմա Մոկրոն գնալու:

— Կին կա այնտեղ, կի՛ն, և էլ բավական է խոսես, Պյոտր Իլյիչ, վե՛րջ:

— Լսեցեք, դուք թեև վայրի մարդ եք, բայց միշտ էլ մի տեսակ դուր եք եկել ինձ... և դրա համար էլ անհանգստանում եմ:

— Շնորհակալ եմ, ախպերս: Ես վայրի եմ, ասում ես: Վայրենիներ, վայրենիներ: Ես հենց այդ մի բանն եմ ասում ու ասում՝ վայրենիներ: Բայց հա՛, Միշան եկավ, իսկ ես նույնիսկ մոռացել էի նրան:

Շտապ-շտապ ներս մտավ Միշան՝ մանր թղթադրամները ձեռքին, և զեկուցեց, որ Պլոտնիկովների խանութում «բոլորն իրար անցան» և քարշ են տալիս շշերը, ձուկն էլ, թեյն էլ, հենց իսկույն ամեն ինչ պատրաստ կլինի: Միտյան վերցրեց մի տասանոց ու տվեց Պյոտր Իլյիչին, մի ուրիշ տասանոց էլ Միշային գցեց:

— Չհամարձակվե՛ք, — գռչեց Պյոտր Իլյիչը: — Իմ տանը չի կարելի, և դա վատ բան է, երես եք տալիս: Պահեցե՛ք ձեր փողերը, այ այստեղ դրեք, ի՞նչ կարիք կա վատնելու: Հենց վաղը կարող են հարկավոր լինել, և վստահ եմ՝ հենց ինձ մոտ էլ կգաք, որ մի տասը ոտբլի խնդրեք: Ինչո՞ւ եք անընդհատ կողքի գրպանը խցկում: Է՛, կկորցնե՛ք:

— Լսի՛ր, սիրելի բարեկամ, գնա՞նք միասին Մոկրոն:

— Ե՛ս ինչու պետք է գնամ այնտեղ:

— Լսի՛ր, արի հիմա մի շիշ բացեմ, խմե՛նք կյանքի կենացը: Ուզում եմ խմել, և մանավանց քե՛զ հետ խմել: Քեզ հետ երբեք չեմ խմել, չե՛:

— Դե լավ, կարելի է գինետանը, գնանք, հիմա ինքս էլ գնում էի այնտեղ:

— Ժամանակ չունեմ գինետուն գնալու: Պլոտնիկովների խանութում խմենք, ետևի սենյակում: Ուզո՞ւմ ես, քեզ մի հանելուկ ասեմ:

— Ասա:

Միտյան բաճկոնակի գրպանից հանեց թղթի կտորը, բացեց ու ցույց տվեց: Հստակ ու խոշոր ձեռագրով գրված էր.

«Պատժում եմ ինձ իմ ամբողջ կյանքի համար, իմ ամբողջ կյանքն եմ պատժում»:

— Իսկապես, պիտի ասեմ որևէ մեկին, հենց հիմա գնամ ու ասեմ, — գռչեց Պյոտր Իլյիչը, թուղթը կարդալով:

— Չես հասցնի, անուշս, գնանք ու խմե՛նք, մա՛րջ:

Պլոտնիկովների խանութը Պյոտր Իլյիչի տնից համարյա մի շենք անդին էր, փողոցի անկյունը: Դա նպարեղենի ամենամեծ խանութն էր մեր քաղաքում, պատկանում էր հարուստ վաճառականների և շատ էլ լավ ապրանքներ ուներ: Կար ամեն ինչ, որ կարելի է գտնել մայրաքաղաքային որևէ խանութում, ամեն տեսակի նպարեղեն՝ «Ելիսեն եղբայրների վաճառահանած» գինի, մրգեր, սիգարներ, թեյ, շաքար, սուրճ և այլն: Երեք դործակատար մշտապես սպասարկում էին, իսկ երկու ցորոզ սղաներ վաղում էին տները: Թեև մեր երկրամասն աղքատացել էր, կալվածատերերը հեռացել էին, նվազել էր առևտուրը, բայց նպարեղենի խանութները բարգավաճում էին առաջվա նման և նույնիսկ տարվետարի ավելի ու ավելի ակնբախտին: Այդ ապրանքների համար միշտ էլ գնորդներ կային: Միտյային անհամբերությամբ էին սպասում խանութում: Շատ լավ հիշում էին, թե ինչպես նա երեք-չորս շաբաթ առաջ ճիշտ նույն ձևով, միանգամից, մի քանի հարյուր ոտբլու ապրանք ու գինի էր վերցրել ամեն տեսակի, գումարը տեղն ու տեղը վճարելով (ապառիկ վճարով ոչինչ չէին վստահի նրան իհարկի), հիշում էին, որ այն ժամանակ էլ, ինչպես հիմա, նրա ձեռքում հարյուրանոցների մի ամբողջ կապոց կար և նա անհարկորեն ցրիվ էր տալիս դրանք առանց սահարկելու, չէր մտածում ու չէր էլ ուզում մտածել, թե իր ինչե՛ն է պետք այդքան ապրանքը, գինի՞ն և այլն: Ամբողջ քաղաքում խոսում էին, որ նա այդ օրը, Գրուշենկայի հետ Մոկրոն գնալով, «միանգամից երեք հազար է վառել է մի գիշերվա և հաշորդ օրվա ընթացքում և գինարբուքից վերադարձել է առանց

կոպեկի, ախլ-սկլոր»։ Ոտքի է հանել գնչուների մի ամբողջ թա-
վառախումբ (որ այն ժամանակ քոչել էր մեզ մոտ), և ասում
էին, թե նրանք հարած Միտյայից անհաշիվ փող են կորզել եր-
կու օրվա ընթացքում և անհաշիվ քանակությամբ թանկարժեք
գինի են խմել։ Միտյայի վրա ծիծաղելով պատմում էին, որ նա
Մոկրոնեում շամպայնով է հարբեցրել կոշտ ու կոպիտ գյուղա-
ցիներին, իսկ գյուղի աղջիկներին ու կանանց կշառացրել է շա-
քարեղենով ու ստրասբուրգյան կարկանդակներով։ Միծաղում
էին նաև՝ հատկապես գինետանը, Միտյայի արած
այն բացսիրտ ու հրապարակային խոստովանության վրա
(նրա երեսին չէին ծիծաղում անշուշտ, մի քիչ վտանգավոր բան
էր նրա երեսին ծիծաղելը), թե այդ ամբողջ խելառության հա-
մար հենց մի շնորհ է միայն ստացել Գրուշենկայից՝ աղջիկը
«թույլ է տվել, որ նա իր ոտքը համբուրի, և էլ ուրիշ ոչինչ թույլ
չի տվել»։

Երբ Միտյան ու Պյոտր Իլլիչը հասան խանութ, դռան առաջ
տեսան եռածի մի կառք, որ պատրաստ կանգնել էր՝ գորգերով
ծածկված ու զանգակներով և զանգուլակներով, իսկ կառապան
Անդրեյն սպասում էր Միտյային։ Խանութում արդեն համարյա
«կարգի էին գցել» սպրանքներով լեցուն մի արկղ և միայն սպա-
սում էին Միտյայի երևալուն, որպեսզի արկղը փակեն, մեխեն ու
գնեն կառքի մեջ։ Պյոտր Իլլիչը զարմացավ։

— Բայց որտեղից հասավ քեզ համար այս կառքը, —
հարցրեց նա Միտյային։

— Վաղում էի քեզ մոտ, պատահեցի ա՛յ սրան՝ Անդրեյին,
և պատվիրեցի՝ ուղղակի գա այստեղ, խանութի առաջ։ Պետք չէ
ժամանակ կորցնել։ Անցյալ տնգամ Տիմոֆեյի հետ եմ գնացել,
բայց հիմա Տիմոֆեյը ծլկե՛լ է, չկա՛, ինձնից առաջ թուլ-գնա-
ցել է մի կախարդուհու հետ։ Անդրեյ, շա՛տ ենք ուշանում։

— Գուցե հազիվ մի ժամով մեզնից առաջ լինեն, էլ քանն
էլ չէ, դե ամենաշատը մի ժամ, հա՛, — շտապ պատասխանեց
Անդրեյը։ — Տիմոֆեյին ե՛ս սարքի գցեցի, գիտե՛մ ոնց կգնան։
Նրանց գնալը մերի նման չի լինի, Դմիտրի Ֆյոդորովիչ, որտե-
ղից։ Մի ժամ առաջ էլ չեն հասնի, — եռանդով վրա տվեց
Անդրեյը՝ դեռ ոչ շատ հին մի կառապան, շիկավուն մազերով,
լշար մի երիտասարդ, որ անթև մի բաճկոն էր հագել ու վեր-
նազգեստը գցել էր ձախ թևին։

— Հիսուն ուրբի քեզ, եթե մեկ ժամով միայն ետ մնաս։

— Մի ժամը վստահ ենք, Դմիտրի Ֆյոդորովիչ, է՛խ, ոչ թե
մի ժամ, կե՛ս ժամով էլ առաջ չեն լինի։

Միտյան թեև այս ու այն կողմ վազելով կարգադրություն-
ներ էր անում, բայց մի տեսակ տարօրինակորեն էր խոսում ու
հրամաններ տալիս, խառնափնթոր, և ոչ թե կարգ ու կանոնով։
Սկսում էր ասել մի բան ու մոռանում էր վերջացնել։ Պյոտր Իլ-
լիչն անհրաժեշտ գտավ միջամտել ու օգնել գործին։

— Չո՛րս հարյուր ուրբու, շորս հարյուրից ոչ պակաս, ճիշտ
ու ճիշտ այդ օրվա պես, — հրամայում էր Միտյան։ — Հիսուն շիշ
շամպայն, մի հատ պակաս չլինի։

— Ինչի՞դ է պետք այդքանը, ինչի՞ համար։ Սպասի՛ր, —
գոռաց Պյոտր Իլլիչը։ — Ի՞նչ արկղ է սա։ Ի՞նչ կա մեջը։ Չորս
հարյուր ուրբու բա՛ն կա այստեղ։

Իրար անցած գործակատարներն անմիջապես քաղցր-մեղցր
խոսքերով բացատրեցին նրան, որ այդ առաջին արկղում ընդա-
մենը վեց շիշ շամպայն կա և «առաջին իսկ առիթով անհրաժեշտ
զանազան բաներ»՝ խորտիկներ, շաքարեղեն, մոնպանսիե և
այլն։ Իսկ գլխավոր «ապրանքները» առանձին կփաթաթվեն ու
կուղարկվեն իսկույն, ինչպես անցյալ անգամ, նույնպես եռածի
հատուկ կառքով և ճիշտ ժամանակին ձեռքի տակ կլինեն, «գու-
ցե ընդամենը մի ժամ ուշ հասնեն Դմիտրի Ֆյոդորովիչի ետե-
վից»։

— Մի ժամից ո՛չ ավելի, մի ժամից ավելի չուշանա՛, և
որքան կարելի է շատ մոնպանսիե և ձյութանուշ դրեք. աղջիկըն
այնտեղ սիրում են այդ բաները, — եռանդով պնդեց Միտյան։

— Ձյութանու՛շ. վնաս չունի։ Բայց հիսուն շիշ շամպա՛յնն
ինչի՞դ է պետք։ Տաս-տասնհինգը բավական է, — համարյա բար-
կացել էր արդեն Պյոտր Իլլիչը։ Նա սկսեց սակարկել, ապրանք-
ների հաշիվն էր պահանջում, շէր ուզում հանգստանալ։ Բայց
ընդամենը մի հարյուր ուրբի կարողացավ փրկել։ Վերջապես
համաձայնվեցին, որ միայն երեք հարյուր ուրբու ապրանք
ուղարկվի, ոչ ավելի։

— Է՛, գրողի ծո՛ցը բուրդ էլ, — գոռաց Պյոտր Իլլիչը, կար-
ծես հանկարծ միտքը փոխելով, — Ի՛մ ինչ գործն է։ Գցի՛ր ջու-
րը փողերդ, եթե ձրի ես գտել։

— Արի այստե՛ղ, տնտես ախպեր, արի այստե՛ղ, մի՛ բար-
կանա, — քարշ տվեց նրան Միտյան խանութի ետևի սենյակը։ —
Ա՛յ հիմա այստեղ մի շիշ կբերեն մեզ և կկոնծենք։ Է՛խ, Պյոտր

Իլլիշ, արի՛ գնանք միասին, որովհետև դու անուշ մարդ ես, սիրում եմ քեզ նման մարդկանց:

Միտյան նստեց մի հյուսած աթոռակի վրա, փոքրիկ մի սեղանի առաջ, որ ծածկված էր շատ կեղտոտ սփռոցով: Պյոտր Իլլիշը տեղավորվեց նրա դիմաց, և անմիջապես երևաց շամպայնը: Նաև ոստրե առաջարկեցին՝ «առաջնակարգ ոստրեներ, հենց նոր ստացված»:

— Գրողի ծո՞ցը ոստրենները, ես չեմ ուտում դրանք: Եվ ոչինչ էլ պետք չէ,— համարյա զայրացած վրա տվեց Պյոտր Իլլիշը:

— Ժամանակ չկա ոստրենների համար,— նկատեց Միտյան,— և ախորժակ էլ չկա: Գիտե՞ս, բարեկամս,— ասաց նա հանկարծ զգացմունքով,— ես երբեք էլ չեմ սիրել այս ամբողջ անկարգությունը:

— Իսկ ո՞վ է սիրում որ: Քառասուն շիշ շամպայն գլուղացիների համար, ի սե՛ր աստծո, դա ո՞ւմ ասես չի տրաքացնի:

— Այդ չէ իմ ասածը: Գերագույն կարգ ու կանոնի մասին եմ ասում: Կարգ ու կանոն չկա իմ մեջ, գերագույն կարգ ու կանոն... Բայց... վերջացավ այդ ամբողջը, կարիք չկա ախ ու վախ անելու: Ուշ է, և հե՛րն էլ անիծած: Ամբողջ իմ կյանքն անկարգություն է եղել, և պետք է կարգ ու կանոն հաստատել: Բառախաղ եմ անում, հը՞:

— Զառանցում ես, ոչ թե բառախաղ անում:

— Փա՛ռք բարձրալին տիեզերաց,

Փա՛ռք բարձրալին իմ հոգու:

Այս երկու տող բանաստեղծությունը իմ հոգուց է ժայթքել մի ժամանակ, ոչ թե բանաստեղծություն է, այլ արցունք... Ինքս եմ հորինել... բայց ոչ այն ժամանակ, երբ փոխկապիտանին քարշ էի տալիս մորուքից...

— Ինչո՞ւ հանկարծ նրան հիշեցիր:

— Ինչու հանկարծ նրան հիշեցիր: Հիմարությունը Ամեն ինչ վերջանում է, ամեն ինչ մի հայտարարի գալիս, տակը մի գրիծ... և հաշվեհարդար:

— Անկեղծ եմ ասում, անընդհատ քո ատրճանակներն են երևում աչքիս:

— Ատրճանակն էլ հիմարություն է: Խմի՛ր ու մի՛ ցնորաբանիր: Կյանքն եմ սիրում, շա՛տ-շատ եմ սիրում կյանքը, եյն-

քան շատ, որ զզվելի է նույնիսկ: Բավական է: Կյանքի՛ կենացը, սիրելիս, կյանքի կենացը խմենք, կյանքի՛ համար կենաց եմ առաջարկում: Ինչո՞ւ գոհ եմ ես ինձնից: Ստոր եմ, բայց գոհ եմ ինձնից: Եվ այնուամենայնիվ տանջվում եմ դրա համար, այսինքն որ ստոր եմ, բայց գոհ եմ ինձնից: Օրհնաբանո՞ւմ եմ արարչությունը, հենց այս ըոպեիս պատրաստ եմ օրհներգելու աստծուն և արարչությունը նրա, բայց... բայց պետք է ոչնչացնել մի զազրելի միջատի, որպեսզի նա շտողա, շփշացնի ուրիշների կյանքը... Խմե՛նք կյանքի կենացը, սիրելի եղբայր: Կյանքից ավելի թանկ ի՞նչ կարող է լինել: Ոչի՛նչ, ոչի՛նչ: Կյանքի կենացը և մեր թագուհու՛ կենացը, թագուհիների՛ թագուհու:

— Խմենք կյանքի կենացը, գե քո թագուհու կենացն էլ, եթե ուզում ես:

Խմեցին մեկական բաժակ: Միտյան թիև ցնծագին ու զեղուն տրամադրության մեջ էր, բայց և տրտում էր մի տեսակ: Կարծես մի անհաղթահարելի ու ծանր մտահոգություն կանգնած էր նրա գլխին:

— Միշա՛... քո Մի՞շան է ներս մտնողը: Միշա, անուշիկս, Միշա, արի՛ այստեղ, խմիր այս բաժակը իմ սիրունի՛ վաղվա ոսկեհեր Ֆեբուսի կենացը:

— Ինչո՞ւ ես տալիս նրան,— գոռաց Պյոտր Իլլիշը շղայնորեն:

— Դե թույլ տուր, գե հենց այնպես, ուզո՞ւմ եմ:

— Է-է՛խ:

Միշան խմեց բաժակը, գլուխ տվեց ու դուրս փախավ:

— Կհիշի մի օր,— նկատեց Միտյան:— Կին եմ սիրում, կի՛ն: Ի՞նչ է կինը, Երկրի թագուհի՛ն: Տխուր եմ, տխուր, Պյոտր Իլլիշ: Հիշո՞ւմ ես Համլետին. «Այնքան տխու՛ր եմ, այնքան տխու՛ր, Հորացիո... Ա՛խ, խեղճ Յորիկ»: Գուցե հենց ես եմ Յորիկը: Հենց հիմա՛ եմ Յորիկ, իսկ հետո՞ գանգ:

Պյոտր Իլլիշը լսում էր ու լուռ մնում: Միտյան էլ լռեց:

— Այդ ի՞նչ շնիկ է,— մտաջիբ հարցրեց նա հանկարծ գործակատարին, մի փոքրիկ, սիրունիկ, սեաշվի բուռնյան շնիկ նկատելով անկյունում:

— Մեր տանտիրուհու շնիկն է, Վարվառա Ալեքսեևնայի-նը,— պատասխանեց գործակատարը:— Ինքը բերեց քիչ առաջ և մոռացավ այստեղ: Պետք է ետ տանել:

— Ըիշտ այսպիսի մի շնիկ եմ տեսել... մեր ֆնգում...—

մտախոհ ասաց Միտյան:— Միայն թե նրա ետևի ոտքը կոտորվել էր... Պյոտր Իլյիչ, ուզում էի մի հարց տալ քեզ, ի միջի այլոց. կյանքումդ երբևիցե մի բան գողացել էս, թե չէ:

— Ա՞յդ ինչ հարց է:

— Չէ, հենց այնպես: Հասկանո՞ւմ ես՝ ասենք որևէ մեկի գրպանից, ուրիշին պատկանող մի բան: Պետական գանձի մասին չեմ ասում. բոլորն են թալանում պետական գանձը, և անշուշտ դո՞ւ էլ...

— Գնա՛ գրողի ծոցը:

— Ասում եմ՝ ուրիշին պատկանող մի բան, ուղղակի ուրիշի գրպանից, քսակից, հը՞:

— Մի անգամ մի քսան կոպեկ եմ գողացել մորիցս, ինը տարեկան էի: Կամացուկ վերցրի սեղանից ու ամուր պահեցի ձեռքիս մեջ:

— Է՛, հետո՞:

— Հետո ոչինչ: Երեք օր պահեցի, ամոթս եկավ, խոստովանեցի ու ետ տվի:

— Հետո՞:

— Պարզ է, ծեծ կերա: Բայց ինչո՞ւ ես հարցնում, հո ինքդ չե՞ս գողացել մի բան:

— Գողացել եմ, — խորամանկորեն աչքով արեց Միտյան:

— Ի՞նչ ես գողացել, — հետաքրքրվեց Պյոտր Իլյիչը:

— Քսան կոպեկ մորիցս, ինը տարեկան էի, երեք օր հետո ետ տվի:

Այդ ասելով, Միտյան հանկարծ վեր կացավ:

— Դմիտրի Ֆյոդորովիչ, շատ պե՞նք, — գոռաց հանկարծ Անդրեյը խանութի դռնից:

— Պատրա՞ստ է: Գալի՞ս ենք, — իրար անցավ Միտյան: — Մի վերջին ասելիք էլ և... Անդրեյին իսկույն մի բաժակ օղի՛ ճանապարհից առաջ: Եվ կոնյակ էլ նրան, օղուց բացի, մի բաժակ կոնյակ: Այս տուփը (ատրճանակները) դնել իմ նստարանի տակ: Մնաս բարո՞վ, Պյոտր Իլյիչ, իմ վատը մի՛ հիշիր:

— Բայց վաղը վերադառնում ես, չէ՞:

— Անպայման:

— Հաշիվը հիմա կբարեհաճե՞ք փակել, — մոտ թռավ գործակատարը:

— Ա՛հ, այո, հաշի՛վը: Անպայման:

Նա նորից դուրս քաշեց թղթադրամների կապոցը գրպանից,

հանեց երեք հատ հարյուրանոց, նետեց վաճառասեղանին և շտապ դուրս եկավ խանութից: Բոլորը հետևեցին նրան և, գլուխ տալով, ողջերթ մաղթեցին ու բարի ցանկություններով ճանապարհ դրին: Անդրեյը փնջաց հենց նոր խմած կոնյակից և ցատկեց նստիքի վրա: Բայց հազիվ էր Միտյան կառք բարձրանում, երբ հանկարծ, բուրբուկին անսպասելիորեն, իր առաջ հայտնվեց Ֆենյան: Աղջիկը շնչակտուր վազելով մոտեցավ, մի ճիչ արձակեց, ձեռքերը աղբսագին միացրեց իրար և ուղղակի ընկավ նրա ոտքերը:

— Տե՛ր իմ, Դմիտրի Ֆյոդորովիչ, ջանիկս, մի՛ կործանեք իմ տիրուհուն: Եվ մեկ էլ ե՛ս պատմեցի ձեզ ամեն ինչ... Նրա՛ն էլ մի՛ սպանեք, է՛ն սպային, առաջ նա է եղել ախր, նա է իմ տիրուհու մարդը: Հիմի նա պսակվում է Ագրաֆենա Ալեքսանդրովնայի հետ, հենց դրա համար է եկել Սիբիրից... Տե՛ր իմ, Դմիտրի Ֆյոդորովիչ, մի՛ կործանեք ուրիշի կյանքը:

— Օ-հո-հո՛, ահա՛ թե ինչ: էլ ինչե՛ր հիմա չես անի այնտեղ, — մրթմրթաց ինքնիրեն Պյոտր Իլյիչը: — Ամեն ինչ հասկանալի է հիմա, ամեն ինչ պարզ եղավ: Դմիտրի՛ Ֆյոդորովիչ, դե՛ հենց անմիջապես տո՛ւր ինձ ատրճանակները, եթե ուզում ես մարդ լինել, — բարձրաձայն գոռաց նա Միտյային, — լսո՞ւմ ես, Դմիտրի:

— Ատրճանակները: Սպասի՛ր, անուշս, ճանապարհին ջուրը կգցեմ՝ դրանք, — պատասխանեց Միտյան: — Ֆենյա, վեր կաց, այդպես գետնին մի՛ մնա իմ առաջ: Չի կործանի Միտյան, էլ սրանից հետո ո՛չ ոքի չի կործանի այս հիմարը: Եվ գիտե՞ս ինչ, Ֆենյա, — գուշեց նա արդեն նստելով, — ես քիչ առաջ վերավորեցի քեզ, ների՛ր ինձ ու թողութուն շնորհիր, ների՛ր մի սրիկայի... Բայց շնքես էլ՝ միևնույն բանն է: Որովհետև էլ ամեն ինչ միևնույնն է հիմա: Քշի՛ր, Անդրեյ, թո՛ւր թռչունի պես:

Անդրեյը զընց. դանգակները զնգզնգացին:

— Մնաս բարո՞վ, Պյոտր Իլյիչ: Քե՛ղ համար է իմ վերջին արցունքը...

«Հարբած չէ հո, բայց ի՛նչ ցնդաբանություններ է դուրս տալիս», — մտածեց Պյոտր Իլյիչը նրա ետևից նայելով: Նա տրամադիր էր մնալ ու հետևել, թե ինչպես են մնացյալ մթերքներն ու գինիները պատրաստելու և բարձելու հաջորդ եռածի կառքի վրա, որովհետև նախազգում էր, որ անպայման կխաբեն Միտյային, պակաս կուղարկեն: Բայց հանկարծ, ինքն իր վրա

բարկանալով, թքեց ու գնաց գինետուն՝ իր բիլիարդը խաղալու:

— Հիմարի մեկն է, թեև լավ տղա է... — մրթմրթում էր նա ճանապարհին: — Գրուշենկայի այդ «առաջվա» սպայի մասին լսել եմ: Դե՛, եթե եկել է, ուրեմն... է՛խ, այդ ատրճանակները: Բայց գրողի ծո՛ցը. ես նրա դաստիարակն եմ, ինչ է: Թող ի՛նչ ուզում են անեն: Եվ ոչինչ էլ չեն անի: Բոսբոսան տիպեր են, ուրիշ ոչինչ: Կհարբեն ու կկովեն, կկովեն ու կհաշտովեն նորից: Գործ անող մա՛րդ են սրանք: Բա՛ն էր ասում՝ «մի կո՛ղմ կբաշտվեմ», «ինքս ինձ կպատժե՛մ». ոչինչ էլ չի անի: Հազար անգամ է այդպիսի մեծ-մեծ խոսքեր գոռացել գինետանը, հարբած: Բայց հիմա հարբած չէ: «Ողո՛վ եմ հարբել». վերամբարձ խոսքեր են սիրում սրիկաները: Նրա դաստիարակն եմ, ինչ է: Եվ կովել է արդեն, ամբողջ սեխը արյուն էր: Ո՛ւմ հետ արդյոք: Կիմանամ գինետանը: Եվ թաշկինակն էլ լրիվ արյունոտ էր... Թո՛ւհ, գրողի ծոցը, այդ թաշկինակը իմ տանը մնաց, հատակին... Քջա՛ծ:

Նա գինետուն մտավ շատ վատ տրամադրությամբ և անմիջապես սկսեց բիլիարդ խաղալ: Առաջին խաղը զվարթացրեց նրան: Մի երկրորդ խաղ էլ խաղաց և հանկարծ սկսեց խաղընկերներին մեկի հետ խոսել այն մասին, թե Դմիտրի Կարամազովը նորից փող է ձեռք բերել, մոտ մի երեք հազար. ասաց, որ իր աչքով է տեսել այդ փողը, և որ Միտյան նորից զբեց-գնաց Մոկրոն՝ Գրուշենկայի հետ խրախճանք անելու: Նրան լսողները գրեթե անսպասելի մի հետաքրքրությամբ ընդունեցին այդ լուրը: Եվ բոլորն սկսեցին խոսել՝ ոչ թե ծիծաղելով, այլ մի տեսակ տարօրինակ լրջությամբ: Նույնիսկ խաղն ընդհատեցին:

— Երեք հազա՛ր: Բայց որտեղի՞ց կարող է երեք հազար ունենալ:

Շարունակեցին հարցեր տալ: Խոխլակովայի մասին պատմելվածը տարակուսանքով ընդունեցին:

- Իսկ բիճուկին չի՞ կողոպտել արդյոք, ա՛յդ է խնդիրը:
- Երե՛ք հազար: Կասկածելի է մի տեսակ:
- Գլուխն էր գովում բոլորի առաջ, որ կսպանի հորը, չէ՞. բոլորն էլ այստեղ լսել են այդ բանը: Հենց երեք հազարի մասին էր խոսում...

Պյոտր Իլյիչը լսում էր և հանկարծ սկսեց շոր ու կցկտուր պատասխանել հարցերին: Միտյայի դեմքի ու ձեռքերի արյունոտ լինելու մասին ոչ մի բառ չասաց, թեև այդ էլ էր ուզում պատմել քիչ առաջ, գինետուն գալու ժամանակ: Երրորդ խաղն

սկսեցին, Միտյայի մասին խոսակցությունն աստիճանաբար դադարեց: Բայց վերջացնելով երրորդ խաղը, Պյոտր Իլյիչն այլևս չուզեց շարունակել, կիլը վար դրեց և առանց ընթրելու, հակառակ իր մտադրության, գինետանից դուրս եկավ: Հրապարակում նա կանգ առավ շփոթահար, նույնիսկ զարմանալով ինքն իր վրա: Հանկարծ գիտակցեց, որ այդ բոպեին ուզում էր Ֆյոդոր Պավլովիչի տունը գնալ՝ իմանալու համար, թե մի բան չի՞ պատահել արդյոք: «Բայց մի հիմարություն է դուրս գալու տակից, և հիմարության համար ոտքի՞ հանեմ ուրիշի տունը, խայտառակություն անեմ: Թո՛ւհ, գրողի ծո՛ցը, ես նրանց դաստիարակն եմ, ինչ է»:

Շատ վատ տրամադրությամբ քայլեց ուղղակի դեպի իր տունը և հանկարծ հիշեց Ֆենյային: «է՛, գրողի ծո՛ց, եթե քիչ առաջ հարցնեի նրան, ամեն ինչ կիմանայի», — մտածեց նա վրդովմունքով: Ու մեկեն այնպիսի՝ մի ցանկություն զգաց Ֆենյայի հետ խոսելու և ամեն ինչ իմանալու, այնպե՛ս անհամբեր դարձրեց այդ համառ ցանկությունը նրան, որ կես ճանապարհից կտրուկ դարձավ դեպի Մորոզովայի տունը, ուր բնակվում էր Գրուշենկան: Հասնելով դարպասին, թակեց, և գիշերվա լուծյան մեջ այդ թակոցը կարծես հանկարծ նորից սթափեցրեց ու զայրացրեց նրան: Եվ մանավանդ որ ոչ ոք պատասխան չտվեց, բոլորը քնել էին տանը: «Այստե՛ղ էլ խայտառակություն եմ անելու հիմա», — մտածեց նա, արդեն մի տեսակ տառապանք զգալով իր հոգում, բայց թողնելու և վերջնականապես գնալու փոխարեն հանկարծ սկսեց նորից թակել, այս անգամ ամբողջ ուժով: Փողոցով մեկ աղմուկ բարձրացավ: «Դե լա՛վ ուրեմն, չէ՛, կթակեմ, կթակե՛մ, մինչև բաց անեք», — մոմոում էր նա, ամեն մի հարվածի հետ կատաղելու շափ զայրանալով ինքն իր վրա, բայց և միաժամանակ ավելի ու ավելի ուժգնորեն հարվածելով դարպասին:

VI

ԵՍ ԻՆՔՍ ԵՄ ԳԱՆԻՍ

Իսկ Դմիտրի Ֆյոդորովիչը սուրում էր ճանապարհով: Մինչև Մոկրոն քսան վեցստից մի քիչ ավելի էր, բայց Անդրեյի եռաձին այնպես քառատրոփ էր սլանում, որ կարող էր հասնել մի ժամ ու մի քառորդից: Սրաբշավ ընթացքը կարծես հանկարծ

Քարմացրեց Միտայիին: Օղը զով էր, սառնավուն, մաքուր երկընթում խոշոր աստղեր էին փայլում: Դա հենց այն նույն գիշերն էր, գուցե և նույն ժամը, երբ Ալյոշան, նետվելով գետին, «հափշտակութամբ երդվեց սիրել երկիրը, սիրել հավիտյանս հավիտենից»: Բայց խառնաշփոթ էր Միտայի հոգին, խիստ խառնաշփոթ, ու թեև շատ բաներ տանջում էին հիմա նրա սիրտը, սակայն նրա ամբողջ էությունն այդ պահին անդիմադրելիորեն ձգտում էր միայն դեպի իր թագուհին, և նա սլանում էր իր թագուհու մոտ, որպեսզի վերջին անգամ նայի նրան: Միայն մի բան կարող էր վստահ ստել. նրա սիրտը ոչ մի բանի չէր տատանվում: Գուցե չհավատան ինձ, եթե ասեմ, որ այս խանդոտ սիրահարը մազաշափ անգամ խանդ չէր զգում այդ նոր մարդու հանդեպ՝ այդ նոր մրցակցի, այդ «սպայի», որ հանկարծ բուսել էր հողի տակից: Ուրիշ որևէ մեկի նկատմամբ իսկույն պիտի խանդեր և գուցե նորից արյունով թրջեր իր սարսափելի ձեռքերը, բայց ա՛յս մեկի հանդեպ, «նրա առաջինի» հանդեպ ոչ միայն խանդի ատելություն չէր զգում այս պահին, երբ սլանում էր եռածիռով, այլ թշնամական զգացում էլ չունեիր... Թեև ճիշտ է, որ դեռ չէր տեսել նրան: «Այստեղ արդեն վեճի հարց չկա, այստեղ երկուսն էլ իրավունք ունեն. սա իր առաջին սերն է, որ չի մոռացել այս հինգ տարվա ընթացքում, ուրեմն նրա՛ն է միայն սիրել ամբողջ հինգ տարի, իսկ ես, ե՞ս ինչու մեջ ընկա այստեղ: Ե՞ս ինչ եմ այստեղ, ե՞ս ինչ գործ ունեմ: Մի կո՞ղմ քաշվիր, Միտայ, և ճամփա՛ տուր: Եվ հետո՛՛ էլ ի՞նչ եմ որ ես հիմա: Հիմա առանց այդ սպայի էլ ամե՛ն ինչ վերջացավ արդեն, թեկուզ բոլորովին էլ նա մեջտեղ չգար՝ միևնույն է, ամե՛ն ինչ վերջացել էր արդեն...»:

Ահա թե ինչպիսի բառերով նա կարող էր մոտավորապես արտահայտել իր զգացողությունները, եթե ի վիճակի լիներ դատելու: Բայց այս պահին նա չէր կարող դատել արդեն: Նրա ամբողջ այս վճռական քայլը ծնվել էր առանց դատողությունների, մի ակնթարթում. զգացումն էր թելադրել այս քայլը քիչ առաջ, Ֆենյայի մոտ, աղջկա առաջին իսկ խոսքերից, և նա լրիվ ընդունել էր զգացման թելադրածը՝ բոլոր հետևանքներով: Եվ այնուամենայնիվ, շնայած իր ամբողջ վճռականության, խառնաշփոթ էր նրա հոգին, տառապելու շափ խառնաշփոթ. վճռականությունն էլ չէր հանգստացրել նրան: Շատ-շատ բան մնում էր ետևում, և այդ բոլորը տանջում էին: Լինում էին վայրկյան-

ներ, երբ այդ տանջանքը տարօրինակ էր թվում նրան. չէ՞ որ ի՛նքն իսկ իր ձեռքով գրել էր իր դատավճիռը թղթի վրա՝ «պատճում եմ ինքս ինձ, իմ կյանքը», և այդ թուղթը հենց իր մոտ էր, իր գրպանում, պատրաստ. չէ՞ որ ատրճանակը լցված էր արդեն, չէ՞ որ արդեն որոշել էր, թե ինչպես է վաղը դիմավորելու «ոսկեհեր Ֆեբուսի» առաջին ջերմ ճառագայթը: Բայց, համե՛նայն դեպս, անհնար էր հաշիվները փակել անցյալի հետ, ետե՛վում մնացած և իրեն տանջող այդ բոլոր բաների հետ. շարշարվելու շափ զգում էր դա, և այդ միտքը մխրձվում էր նրա հոգու մեջ, հուսահատություն բերելով: Ծանապարհին եղավ մի վայրկյան, երբ նա հանկարծ ուզեց կանգնեցնել Անդրեյին, դուրս ցատկել կառքից, վերցնել իր լցված ատրճանակն ու վերջացնել ամեն ինչ, էլ չսպասելով արևածագին: Բայց այդ վայրկյանը կայծի նման թռավ ու անցավ: Ու եռածի կառքն էլ թռչում էր, «լափելով տարածությունը», և քանի նա մոտենում էր նպատակին, դարձյալ նրա հոգում տիրական էր դառնում Գրուշենկան, միայն Գրուշենկան, ավելի ու ավելի ուժգնորեն գրավելով նրա էությունը և նրա սրտից դուրս մղելով բոլոր մյուս սարսափելի ուրվականները: Օ՛, այնքան էր ուզում նայել իր թագուհուն, գեթ մի վայրկյան, գեթ հեռվից: «Նո՛ւա հետ է հիմա, այդ սպայի, տեսնեմ, թե ինչպես է զգում նրա հետ, իր առաջին սիրեցյալի հետ, և միայն ա՛յդ է ինձ պետք»: Ու դեռ երբեք նրա կրծքում այնքան հորդաբուխ սեր չէր բարձրացել այդ կնոջ նկատմամբ՝ իր կյանքում ճակատագրական այդ կնոջ, դեռ երբեք չէր ունեցել այսպիսի նոր, անծանոթ մի զգացում, մի զգացում, որ անակնկալ էր նույնիսկ ի՛ր համար, մի զգացում, որ նուրբ էր աղապատանքի շափ, նրա առաջ հավելու, անէանալու շափ: «Եվ կանխանա՛մ»,— ասաց նա հանկարծ՝ մի տեսակ հիստերիկ հափըշտակության նոպայի մեջ:

Մոտ մի ժամ քառատրոփ սուրացել էին արդեն: Միտայն լուռ էր մնում, իսկ Անդրեյը թեև զրուցասեր գյուղացի էր, բայց դեռ նույնպես ոչ մի բառ չէր արտասանել, կարծես վախենում էր խոսելուց և միայն աշխուժորեն խթանում էր իր երեք աշխետ, նիհար, բայց կրակոտ ձիերին: Եվ հանկարծ Միտայն բացականչեց ահռելի անհանգստությունով.

— Անդրե՛յ: Իսկ եթե քնո՞ւմ եմ նրանք:

Հանկարծ այդ բանը միտքն ընկավ, իսկ մինչև հիմա չէր էլ մտածել դրա մասին:

— Պետք է ենթադրել, որ արդեն պառկել են, Դմիտրի Ֆյոդորովիչ:

Միտյան ցավագին խոժոռովեց. ա՛յս ինչ բան է իրոք, ինքը սուրալով գալիս է... այսպիսի զգացումներով... իսկ նրանք քնում են... գուցե նա՛ էլ քնել է հենց նույն տեղը... Մի զայրագին զգացում բորբոքվեց նրա սրտում:

— Քշի՛ր, Անդրեյ, հասցրո՛ւ, Անդրե՛յ, շուտ, շո՛ւտ,— գոռաց նա մոլեգնորեն:

— Յայց մի գուցե դեռ չեն էլ պառկել,— դատեց Անդրեյը մի քիչ լռելուց հետո:— Էն է Տիմոֆեյն ասում էր, որ շատ մարդ է հավաքվել էնտեղ...

— Կալանո՞ւմ:

— Չէ՛, կալանում չէ, Պլաստունովների մոտ, նրանց պանդոկում. այսինքն նրանք էլ ձի են տալիս, մասնավոր կալան է:

— Գիտեմ: Բայց ի՞նչ է, ասում ես շա՞տ են նրանք: Ո՞ր տեղից են շատ: Ովքե՞ր են,— վեր թռավ Միտյան, այդ անակընկալ լուրից սոսկալի տազնապած:

— Դե ասում էր Տիմոֆեյը, էլի, աղաներ են բոլորն էլ: Երկուսը քաղաքից, թե ովքե՞ր են՝ չեմ իմանում, միայն Տիմոֆեյն աւում էր՝ երկուսն էս մեր կողմի աղաներից են, էն մյուս երկուսն էլ ոնց որ դրսից են եկել, դե մի գուցե ուրիշներն էլ կան, մի էարգին չհարցրի, էլի: Ասում էր՝ սկսել են թուղթ խաղալ:

— Թուղթ խաղա՞լ:

— Ըհը: Դե այ որ սկսել են թուղթ խաղալ, գուցե թե չեն քնում, էլի: Ասենք հիմի տասնմեկը կլինի, ոչ ավել:

— Քշի՛ր, Անդրեյ, քշի՛ր,— ջղայնորեն գոռաց նորից Միտյան:

— Էն ի՞նչ էր, ուզում եմ հարցնել ձեզ, պարոն,— սկսեց նորից Անդրեյը մի փոքր լռելուց հետո,— միայն թե վախենում եմ բարկանաք, չեմ ուզում բարկացնեմ, տեր իմ:

— Ի՞նչ է եղել:

— Էն որ քիչ առաջ Ֆեդոսյա Մարկովնան ձեր ոտերն էր ընկել, աղաչում էր՝ իր տիրուհուն չկործանեք, մեկ էք մի ուրիշի... այ ուրեմն ես էլ հիմի տանո՞ւմ եմ ձեզ էնտեղ. պարոն... ներքեցեք ինձ պարոն. հենց էնպես, խիղճ է, էլի, գուցե թե հիմար բան ասացի:

Միտյան հանկարծ ետևից բռնեց նրա ուսերը:

— Դու կառապա՞ն ես: Կառապա՞ն,— սկսեց նա մոլեգնի:

— Հա, կառապան...

— Գե ուրեմն գիտե՛ս, որ պետք է ճամփա տալ: Ի՞նչ կառապան, եթե ոչ ոքի ճամփա չի տալիս, քշում է, կոխկոսում անցնում. թե ի՞նչ է՝ ե՛ս եմ գալիս: Չէ՛, կառապան, մի՛ կոխկրոտիր: Չի կարելի կոխկոսել մարդուն, չի կարելի փշացնել մարդկանց կյանքը: Իսկ եթե կյանք փշացրիր, պատժի՛ր ինքդ քեզ... եթե փշացրիր, եթե կործանեցիր որևէ մեկի կյանքը՝ պատժի՛ր ինքդ քեզ ու դեն գնա:

Միտյան կարծես կատարյալ հիստերիկայի մեջ դուրս տվեց այդ ամբողջը: Անդրեյը թեև զարմացավ պարոնի վրա, բայց շարունակեց խոսակցությունը:

— Ճիշտ է, տեր իմ, Դմիտրի Ֆյոդորովիչ, ճիշտ եք ասում, որ չպետք է մարդուն կոխոճել, չպետք է և տանջել, և ոչ էլ մի ուրիշ որևէ արարածի, որովհետև ամեն մի արարած աստծու ստեղծածն է, ա՛յ, թեկուզ ասենք ձին. որովհետև մարդ կա՛ իզուր տալիս հա տալիս է մտրակով, դու ասա մեր կառապաններից էլ կան էդպիսիք... Եվ չեն էլ զսպում իրենց, հենց ուղղակի տալիս հա տալիս են, քշում հա քշում:

— Ո՞ւր, դժո՞խք,— ընդհատեց մեկեն Միտյան և քրքջաց իր հանկարծակի, կարճ ծիծաղով:— Անդրե՛յ, պարզապի՛րտ մարդ,— նորից ամուր բռնեց նրա ուսերից,— ասա՛՛ դժո՞խք է ընկնելու Դմիտրի Ֆյոդորովիչ Կարամազովը, թե ոչ, ի՞նչ ես կարծում:

— Չգիտեմ, ջանիկս, ձեզնից է կախված, որովհետև դուք... Գիտե՞ս, պարոն, երբ աստծու որդին խաչվեց ու մեռավ, խաչի վրայից ուղղակի դժոխք իջավ և ազատեց բոլոր մեղավորներին, որ տանջվում էին: Եվ դժոխքն սկսեց ախ ու վախ անել, մտածեց, որ էլ հիմա ոչ մեկը չի գա իր մոտ, այսինքն ոչ մի մեղավոր: Եվ էն ժամանակ աստված ասաց նրան. «Ախ մի՛ քաշի, դժո՞խք, որովհետև սրանից հետո էլ ամեն տեսակ իշխաններ, կառավարիչներ, գլխավոր դատավորներ ու հարուստներ գալու են քեզ մոտ, և դու կլցվես ճիշտ էնպես, ինչպես որ եղել ես դրից դար, մինչև որ ես նորից գամ»: Էս ճիշտ բան է, ասվել է էս խոսքը...

— Ժողովրդական առասպե՛լ է, հոյակա՛պ բան: Մտրակի՛ր ձախ կողմինը, Անդրե՛յ:

— Ա՛յ ուրեմն ում համար է դժոխքը, պարոն,— մտրակեց

Անդրեյը ձախ կողմի ձին, — իսկ դուք ոնց որ փոքր երեխա լինեք, էլի... մենք էդպես ենք նայում ձեզ, պարոն... Քեկ բարկացկոտ եք, պարոն, էդ էլ ասենք, բայց ձեր անկեղծ սրտի համար աստված կների ձեզ:

— Իսկ դու, դո՛ւ կներե՞ս ինձ, Անդրեյ:

— Ե՛ս ինչի ներեմ ձեզ, դուք ինձ ոչինչ չեք արել:

— Չէ՛, բոլորի՛ փոխարեն, բոլորի՛ դո՛ւ միայն, ահա այս րոպեիս, այստեղ, ճանապարհին, կներե՞ս ինձ բոլորի փոխարեն: Ասա՛, գեղջուկի պարզ հոգի, ասա՛:

— Օ՛հ, պարոն: Մարդ վախենում է ձեզ ճանապարհ տանելուց, ձեր զրույցը տարօրինակ է ոնց որ...

Բայց Միտյան շլեց: Մոլեռանդորեն աղոթում էր նա և հրայրքով շնջում ինքն իրեն.

— Ո՛վ տեր աստված, ընդունի՛ր ինձ իմ ամբողջ անօրենությունամբ, բայց մի՛ դատիր ինձ: Թո՛ղ տուր անցնեմ առանց քո դատաստանի... Մի՛ դատիր, որովհետև ես ինքս դատապարտել եմ ինձ: Մի՛ դատիր, որովհետև սիրում եմ քեզ, ո՛վ տեր աստված: Նողկալի եմ ինքս, բայց սիրում եմ քեզ. դժոխք իսկ ուղարկես, այնտեղ էլ պիտի սիրեմ և այնտեղից էլ պիտի գոռամ, որ սիրում եմ քեզ հավիտյանս հավիտենից... Բայց թույլ տուր նաև, որ սիրեմ մինչև վերջ... այստե՛ղ, հիմա՛ սիրեմ մինչև վերջ, հի՛նգ ժամ ընդամենը՝ մինչև առաջին ջեբմ ճառագայթը քո... Վասնզի ես սիրում եմ իմ հոգու թագուհուն: Սիրում եմ ու չեմ կարող շփրել: Ինքդ տեսնում ե՛ս իմ ամբողջ էությունը: Կհասնեմ, կընկնեմ նրա ոտքերն ու կասեմ՝ իրավունք ունես, որ թողցիր ինձ ու անցար... Մնաս բարով և մոռացի՛ր քո զոհին, մի՛ խոտվիր դու քեզ երբեք:

— Մոկրոե՛, — գոռաց Անդրեյը, մտրակով ցույց տալով դիմացը:

Գիշերվա դժգույն խավարի մեջ հանկարծ սևին տվեց շենքերի հաստատուն մի զանգված, որ փովել էր ահագին տարածության վրա: Մոկրոե գյուղը երկու հազար բնակիչ ուներ, բայց այդ ժամին արդեն ամբողջովին քուն էր մտել, և միայն տեղտեղ առանձին լույսեր պլպլում էին տակավին:

— Քշիր, քշիր, Անդրեյ: Գալի՛ս եմ, — բացականչեց Միտյան ասես տենդահար:

— Չեն քնել, — ասաց Անդրեյը նորից, մտրակով ցույց տալով Պլաստունովների պանդուկը, որ գտնվում էր գյուղի հենց

սեմին, դեպի փողոց նայող վեց պատուհանները վառ լուսավորված էին:

— Չեն քնել, — կրկնեց Միտյան ուրախությամբ, — թնդացրո՛ւ, Անդրեյ, քշիր քառատրոփ, զրնգացրո՛ւ, շրխկոցո՛վ քշի՛: հասիր: Թող իմանա՛ն ով է գալիս: Ե՛ս եմ գալիս: Ես ի՛նքս եմ գալի՛ս, — մոլեգնորեն բացականչում էր Միտյան:

Անդրեյը քառատրոփ վազքով քշեց ուժասպառ եռյակը, իսկապես շրխկոցով հասավ պանդուկի բարձր անդաստակի առաջ և կանգնեցրեց իր գրեթե շնչահեղձ ձեռքին, որոնցից գոլորշի էր բարձրանում: Միտյան դուրս ցատկեց կառքից, և հենց նույն րոպեին էլ պանդուկապանը, որ արդեն գնում էր պանդուկ, անդաստակից դուրս նայեց հետաքրքրված, թե ով էր այդպիսի դղրդյունով ժամանել:

— Տրիֆոն Բորիսիչ, դո՞ւ ես:

Պանդուկապանը հակվեց, ուշադիր նայեց, շեշտակի վազեց սանդուղքն ի վար և ստորաքարշ հրճվանքով նետվեց դեպի հյուրը:

— Տե՛ր իմ, Դմիտրի Ֆյոդորովիչ: Չե՞զ ենք տեսնում նորից:

Այս Տրիֆոն Բորիսիչը թիկնեղ ու առողջ մի գյուղացի էր, միջահասակ, մի քիչ հաստ դեմքով: Խիստ ու անհաշտ էր նրա տեսքը, հատկապես մոկրոեցի գյուղացիների հանդեպ, բայց նա ընդունակ էր իսկույն ևեթ ամենաստորաքարշ արտահայտությունը տալու իր դեմքին, երբ շահի հոտն առնելու շագնվում էր ուսական ձևով՝ կողքից կոճկվող օձիքով վերնաշապիկ և անթև ու երկար բաճկոն: Բավական փող էր դիզել, բայց ավելի բարձր դիրք էր երազում անընդհատ: Գյուղացիների կեսից ավելին նրա ձանկերի մեջ էր, բոլորն էլ գլխովին պարտք էին նրան: Կալվածատերերից հող էր վարձում և հետո գնելով տեր դառնում, իսկ այդ հողը նրա համար գյուղացիներն էին մշակում պարտքի դիմաց, որի տակից երբեք չէին կարողանում դուրս գալ: Այրի էր նա և չորս հասուն աղջիկ ուներ: Նրանցից մեկը նույնպես այրիացել էր արդեն և հոր մոտ ապրում էր իր երկու փոքր երեխաներով՝ նրա թոռներով, և նրա համար աշխատում էր վարձու բանվորուհու նման: Մի ուրիշ աղջիկն ամուսնացել էր մի մանր պաշտոնյայի հետ, որ քծնելով-մծնելով գրագիր էր դարձել, և պանդուկի սենյակներից մեկում, պատի վրա, ամենամանր շափի ընտանեկան լուսանկարների շարքին կարելի էր տեսնել նաև

այդ շնչին պաշտոնյային՝ համազգեստով ու պաշտոնեական ուսադիրներով: Երկու կրտսեր աղջիկները, եկեղեցական տոներին կամ մի տեղ հյուր գնալիս, հագնում էին կապույտ կամ կանաչ, ըստ նորածնության կարված հագուստներ՝ պիրկ ձգված ետևից ու կանգունաչափ պոչով, բայց հաջորդ օրն իսկ, սովորականի պես, առավոտյան վեր էին կենում հաղիվ լույսը բացված, և ցարասննու ավելը ձեռքներին՝ մաքրում էին սենյակները, դուրս տանում կեղտաշուրն ու կենվորներից մնացած աղբը: Չնայած իր դիզած հազարներին, Տրիֆոն Բորիսիչը շատ էր սիրում փող պոկել խնջույք անող կենվորից. և հիշելով, որ դեռ մի ամիս էլ չէր անցել այն օրից, երբ Դմիտրի Ֆյոդորովիչից ինքը ավելի քան երկու հարյուր ռուբլի էր շահել, եթե ոչ երեք հարյուր, Գրուշենկայի հետ նրա խրախճանքի ժամանակ, հիմա նրան փութկոտ ուրախությամբ դիմավորեց, որովհետև նորից որսի հոտն առավ արդեն՝ հենց միայն տեսնելով, թե ինչպես Միտյան մոտեցավ ու կանգ առավ պանդոկի առջև:

— Տե՛ր իմ, Դմիտրի Ֆյոդորովիչ, ձե՛զ ենք նորից ընդունում մեզ մոտ:

— Սպասի՛ր, Տրիֆոն Բորիսովիչ, — սկսեց Միտյան, — նախ և առաջ ամենակարևորը՝ ո՛ւր է նա:

— Ազրաֆենա Ալեքսանդրովնա՛ն, — անմիջապես հասկացավ պանդոկապանը, աչալուրջ նայելով Միտյայի դեմքին, — նա էլ հիմի... էստեղ է...

— Ո՛ւմ հետ, ո՛ւմ հետ:

— Անցվոր հյուրեր են, տիա՛ր... Մինը պաշտոնյա է, ոնց որ թե լե՛հ լինի, խոսելու ձևից է երևում. հենց նա է, որ էստեղից ձիեր ուղարկեց՝ Ազրաֆենա Ալեքսանդրովնային բերելու: Իսկ մյուսն էլ սրա ընկե՛րն է, թե ուղեկի՛ցը, ո՛վ իմանա: Քաղաքացիական են հագել...

— Իսկ ինչ է, քե՛ֆ են անում: Հարո՛ւտ են:

— Քե՛ֆ: Սրան էլ քե՛ֆ կասեն: Ոչինչ բան է, Դմիտրի Ֆյոդորովիչ:

— Ոչինչ բա՛ն: Դե լավ, մյուսնե՛րը:

— Քաղաքից են նրանք, երկու պարոն... Չերեից էին վերադառնում, էստեղ էլ մնացին: Մինը շահել է, ոնց որ թե պարոն Միուսովի ազգականը լինի, միայն թե մոռացա անունը ինչ էր... իսկ մյուսին, կարծում եմ, դուք էլ գիտեք՝ կալվածատեր Մաքսիմով, ասում է՝ ուխտի է եկել է՞ք ձեր վանքը, և այ հիմա

ճամփորդում է պարոն Միուսովի է՞դ շահել ազգականի հետ...

— Ուրիշ մարդ չկա՞:

— Չէ:

— Սպասի՛ր, լո՛ի՛ր, Տրիֆոն Բորիսիչ, հիմա ամենակարևորն ասա՛ ի՛նչ է անում նա, ինչպե՛ս է զգում:

— Դե այ քիչ առաջ եկավ ու նստել է նրանց հետ:

— Ուրա՛խ է: Միծաղո՞ւմ է:

— Չէ՛, շատ էլ չի ծիծաղում ոնց որ... Նույնիսկ բուրբուլին էնպես տխուր նստել է, էն շահելի մազերն էր սանրում:

— Էն լե՛հի՞, էն սպայի՞:

— Լե՛հի՞: Նա որտեղի՞ց շահել, սկի սպա էլ չէ: Չէ, տեր իմ, ոչ թե նրա, էն մյուսի՛ Միուսովի ազգականը, շահելը... ո՛նց եմ մոռացել անունը:

— Կալզա՞նով:

— Հա՛, հենց Կալզանով:

— Լավ, ինքս կտեսնեմ: Թո՛ւղթ են խաղում:

— Խաղում էին, բայց էլ չեն խաղում, թեյ խմեցին, էն պաշտոնյան մրգօղի ուզեց:

— Սպասի՛ր, Տրիֆոն Բորիսիչ, սպասի՛ր, հոգիս, ինքս կտեսնեմ: Հիմա ամենակարևորն ասա՛ գնչունե՛ր կա՞ն:

— Գնչուները հիմի սկի չեն երևում, Դմիտրի Ֆյոդորովիչ, իշխանությունը քեց նրանց էստեղից: Բայց ա՛յ, ջճուղներ կան էստեղ, ծնծղա և ջութակ են նվազում, էս հարևան գյուղում են, դե հենց հիմի էլ կարելի է մարդ ուղարկել: Կգան:

— Ուղարկի՛ր, անպայման ուղարկի՛ր, — գռչեց Միտյան: — Իսկ աղջիկներին էլ կարելի է կանչել, ինչպես այն օրը, հասկապես Մարյային, և Ստեպանիդային էլ, Արիևային էլ: Երկու՛ հարյուր ռուբլի՛՝ երգչախմբի համար:

— Բա՛, որ էդքան փող ես տալիս՝ ամբողջ գյուղը ոտի կհանեմ քեզ համար, թեկուզ և հիմի պատկել ու խոմփացնում են: Բայց տեր իմ, Դմիտրի Ֆյոդորովիչ, արթի՛՛ որ էդպիսի շնորհ ես անում էստեղի գյուղացիներին, թեկուզ և ասենք աղջկերանց: Էդպիսի գումա՞ր ես գցում սրանց ստորության ու կոպտության համար: Էս մեր գյուղացին սիգար ծխելու մա՛րդ է որ... իսկ դու նրանց տալիս էիր: Ախր նա հոտածի մեկն է, է՛, ավազա՛կը: Իսկ աղջկերքը բուրբն էլ ոչլուտ են: Ախր ես իմ սեփական աղջկերանց ոտի կհանեմ քեզ համար՝ ձրի՛, ոչ թե էդպիսի գումարով: Հենց նոր պատկեցին քնելու, իսկ ես ոտով կտամ նրանց

մեջքին ու կտտիպեմ, որ քեզ համար երգեն: էն անգամը շամպայն խմացրիք գյուղացիներին, է-է՛խ:

Տրիֆոն Բորիսիչն իզուր էր կարեկցում Միտյային. անցյալ անգամ ինքն էր հինգ-վեց շիշ շամպայն թաքցրել նրանից, իսկ սեղանի տակ ընկած մի հարյուրանոց թղթագրամ վերցրել ու սեղմել էր ափի մեջ: Այդպես էլ նրա բոունցքի մեջ մնաց այդ թղթագրամը:

— Տրիֆոն Բորիսիչ, այն օրը հազարից ավելի շաղ տվեցի այստեղ: Հիշո՞ւմ ես:

— Շաղ տվեցիք, ջանիկս, ո՞նց չհիշենք ձեզ, վայ թե մի երեք հազար թողեցիք մեզ մոտ:

— Դե՛հ, հիմա էլ եկել եմ նույնը անելու, տեսնո՞ւմ ես:

Ծվ նա հանեց ու պանդոկապանի հենց քթին մոտեցրեց թղթագրամների իր կապոցը:

— Հիմա լսիր ու հասկացի՛ր, մի ժամից գինին է գալու, խորտիկները, կարկանդակները, շաքարեղենը, այդ բոլորն էլ իսկույն վերև կբերես: Այս մի արկղն էլ, ա՛յ, որ Անդրեյի մոտ է, հենց հիմա վերև կբերես, կբացես և իսկույն շամպայնը կմատուցես... Իսկ գլխավորը՝ աղջիկներին՝ կանչիր, աղջիկներին, և Մարյային անպայման...

Նա դարձավ դեպի կառքը և իր ատրճանակների տուփը դուրս քաշեց նստարանի տակից:

— Վարձքդ վերցրո՞ւ, Անդրեյ: Ահա քեզ տասնհինգ ուրբի՝ ճամփու ծախսը, այս հիսունն էլ՝ օղու փող... քո պատրաստակամության, քո սիրո համար... Հիշի՛ր ազնվական կարամազովին:

— Վախենում եմ, տեր իմ... — տատանվեց Անդրեյը, — մի հինգ ուրբի եթե հաճեք, ավելին չեմ ընդունի: Տրիֆոն Բորիսիչը վկա: Ներեցեք իմ հիմար խոսքը...

— Ինչի՞ց ես վախենում,— Միտյան հայացքով շփեց նրան: — Դե լա՛վ, դո՛ւ էլ գրողի ծոցը, եթե այդպես է,— գոռաց նա, հինգ ուրբի նետելով կառապանին: — Դե հիմա ինձ սուսուփուս վերև տար, Տրիֆոն Բորիսիչ, և այնպես արա, որ նախ և առաջ մի աչք գցեմ նրանց վրա, բայց նրանք ինձ չնկատեն: Որտե՞ղ են նրանք, կապույտ սենյակո՞ւմ:

Տրիֆոն Բորիսիչը վախվիսելով նայեց Միտյային, բայց նրա պահանջն իսկույն կատարեց հնազանդորեն. զգուշությամբ առաջնորդեց նրան միջանցք, ինքը մտավ առաջին մեծ սենյա-

կը, որ գտնվում էր հյուրերի զբաղեցրած սենյակի կողքին, և մոմ բերեց այնտեղից: Հետո կամացուկ ներս տարավ Միտյային ու կանգնեցրեց անկյունում, մթան մեջ, որտեղից նա կարող էր ազատորեն դիտել սեղանի շուրջ նստածներին, ինքը անտեսանելի մնալով: Բայց Միտյան երկար չնայեց, և չէր էլ կարող ուշադիր նայել. տեսավ Գրուշենկային, և սիրտն սկսեց ուժգին տրոփել, աչքերը մթազնեցին: Գրուշենկան կողքով էր նստել սեղանին, բազկաթոռի մեջ, իսկ նրա մոտ, բազմոցի վրա, նստել էր սիրունիկ ու դեռ շատ երիտասարդ Կալզանովը: Գրուշենկան նրա ձեռքն էր բռնել ու կարծես ծիծաղում էր, իսկ երիտասարդը, առանց նրան նայելու, մի բան էր ասում բարձրաձայն, ասես վրդովված, դիմելով Մաքսիմովին, որ նստել էր սեղանի մյուս կողմը՝ Գրուշենկայի դիմաց: Իսկ Մաքսիմովը քրքրում էր: Բազմոցի վրա նստած էր նա, իսկ մի ուրիշ անծանոթ էլ՝ բազմոցի կողքին, աթոռի վրա, պատի տակ: Բազմոցի վրա նստողը մեկնվել էր ու ծխամորձ էր ծխում, և Միտյան մի վայրկյան միայն տեսավ, որ նա լայն դեմքով ու հաստիկ մի մարդուկ էր, երևի կարճահասակ ու կարծես մի բանից բարկացած: Իսկ նրա ընկերը, մյուս անծանոթը, շփից ավելի բարձրահասակ թվաց Միտյային: Բայց Միտյան ուրիշ ոչինչ չկարողացավ տեսնել այլևս: Շունչը կտրվեց: Մի րոպե իսկ չկարողացավ դիմանալ, ատրճանակների տուփը դրեց սեղանին, և սրտատրոփ, ասես ցրտից դողալով, ուղղակի մտավ կապույտ սենյակը՝ նրանց մոտ:

— Ա՛յ,— ճշաց Գրուշենկան վախեցած, մյուսներից առաջ նկատելով նրան:

VII

ԱՌԱՋԻՆՆ ՈՒ ԱՆՎԻՃԵԼԻՆ

Միտյան իր արագ ու երկար քայլերով մոտեցավ ուղղակի սեղանին:

— Պարոնա՛յք,— սկսեց նա բարձրաձայն, համարյա գոռալով, բայց կակազելով յուրաքանչյուր բառի վրա,— ես... ես ոչի՛նչ: Մի՛ վախենաք,— բացականչեց նա,— ես... դե ոչինչ, ոչի՛նչ,— դարձավ նա հանկարծ Գրուշենկային, որ իր բազկաթոռի մեջ հակվել էր Կալզանովի կողմը և ամուր կպել նրա ձեռքից: — Ես... Ես էլ եմ ճամփորդ: Մնալու եմ մինչև առավոտ:

Պարոնա՛յք, անցորդ ուղևորը... կարո՞ղ է ձեզ հետ լինել... մինչև առավոտ: Միայն մինչև առավոտ, վերջի՛ն անգամ, հենց այս սենյակում, կարելի՞ է:

Այդ վերջին հարցն արդեն ուղղեց հաստիկ մարդուկին, որ նստել էր բազմոցի վրա և ծխամորճն էր ծխում: Մարդուկը մեծամտորեն հեռացրեց ծխամորճը շրթներից և ասաց խիստ շեշտով.

— Պանե, մենք այստեղ առանձնակի ենք: Ուրիշ սենյակներ կան:

— Օ՛, դո՛ւք եք, Դմիտրի Ֆյոդորովիչ, էլ ինչո՞ւ եք հարցնում,— պատասխանեց հանկարծ Կալզանովը:— Դե նստեցե՛ք մեզ հետ, բարե՛ ձեզ:

— Բարե՛, սիրելի բարեկամ... և անգի՛ն բարեկամ: Ես միշտ հարգել եմ ձեզ... — ուրախությամբ ու եռանդագին պատասխանեց Միտյան, անմիջապես իր ձեռքը նրան մեկնելով սեղանի վրայից:

— Օ՛յ, ինչ ամուր սեղմեցիք: Ուղղակի կոտրեցիք մատներս,— ծիծաղեց Կալզանովը:

— Այ նա միշտ էլ այդպես է սեղմում, մի՛շտ,— ուրախ վրա բերեց Գրուշենկան, դեռ երկչու ժպտալով. կարծես հանկարծ համոզվել էր Միտյայի տեսքից, որ նա կովազանություն չի անելու, և դիտում էր նրան սոսկալի հետաքրքրությամբ ու դեռ անհանգստացած: Միտյայի դեմքին կար մի բան, որ ուղղակի ապշեցրել էր Գրուշենկային, և նա բնավ, բնավ չէր սպասում, որ Միտյան կարող է այսպիսի բոպեին այդ ձևով մտնել և այդպես խոսել:

— Բարե ձեզ, տիա՛ր,— քաղցրածոր ձայն տվեց նաև կալվածատեր Մաքսիմովը ձախից: Միտյան նրա մոտ էլ վազեց:

— Բարե՛ ձեզ, դո՛ւք էլ այստեղ եք, որքա՛ն ուրախ եմ, որ դուք էլ այստեղ եք: Պարոնա՛յք, պարոնա՛յք, ես... — նա նորից դարձավ ծխամորճ ծխող պանին, երևի նրան գլխավոր մարդը համարելով այստեղ:— Ես թո՞ւ եկա... ուզում էի այս սենյակում անցկացնել իմ վերջին օրն ու վերջին ժամը, հենց այս սենյակում... ուր ես պաշտե՛լ եմ... իմ թագուհուն... Ների՛ր, պանե,— գոռաց նա մուլեզնորեն,— ես սուրալով գալիս էի այստեղ ու երգվեցի... Օ՛, մի՛ վախենաք, իմ վերջին գիշերն է... Խմե՛նք հաշտության բաժակը, պանե: Հենց հիմա գինի են մա-

տուցելու... Ես ահա ա՛յս բերեցի— նա հանկարծ, չգիտես ինչու, հանեց իր թղթադրամների կապոցը:— Թո՛ւյլ տուր, պանե: Ես երգ ու նվագ եմ ուզում, աղմուկ, աղաղակ, ամե՛ն ինչ, որ եղել է մի անգամ... Բայց որդը, անպետք որդը պիտի սողա գետնի վրա և պիտի չքվի՛: Իմ ուրախության օ՛րն եմ հիշելու այս գիշեր՝ իմ վերջին գիշերը...

Նա գրեթե շնչահեղձ էր լինում: Շատ, շատ բան էր ուզում ասել, բայց միայն տարօրինակ բացականչություններ դուրս թռան բերանից: Պանը անշարժ նայում էր նրան, թղթադրամների նրա կապոցին, նայում էր Գրուշենկային և ակնհայտորեն ընկել էր տարակուսանքի մեջ:

— Եթե իմ թահուին կամենա... — սկսեց նա ասել...

— Ի՞նչ թահուի, ուզում եք թագուհի՞ ասել, ինչ է,— ընդհատեց հանկարծ Գրուշենկան:— Ա՛յ թե ծիծաղս է գալիս, որ այդ ձևով եք խոսում: Նստի՛ր, Միտյա, այդ ի՞նչ բաներ ես ասում, հա՞: Մի՛ վախեցրու խնդրեմ: Չես վախեցնելու, չէ՞, շե՛ս վախեցնելու: Եթե շե՛ս վախեցնելու, ուրախ եմ, որ եկար...

— Ե՛ս, ես վախեցնե՛մ,— գոչեց հանկարծ Միտյան, վեր նետելով իր ձեռքերը:— Օ՛, անցե՛ք իմ կողքով, անցեք գնացե՛ք, շե՛մ խանգարի... — Եվ հանկարծ նա, բոլորովին անսպասելիորեն, ոչ միայն բոլոր ներկաների, անշուշտ ի՛ր համար էլ անսպասելիորեն, նետվեց աթոռի վրա և սկսեց աղեկտուր լաց լինել, գլուխը դեպի հանդիպակաց պատը դարձնելով, իսկ թևերովն ամուր գրկելով աթոռի հենակը, կարծես սեղմելով իր կրծքին:

— Դե՛, դե լա՛վ, ի՛նչ մարդ ես դու,— բացականչեց Գրուշենկան հանդիմանորեն:— Ա՛յ ճիշտ այսպես գալիս էր ինձ մոտ... հանկարծ սկսում է խոսել, իսկ ես ոչինչ չեմ հասկանում: Մի անգամ էլ ա՛յ այսպես սկսեց լաց լինել, և ահա հիմա նորից... ամոթ է, ամո՞թ: Ինչո՞ւ ես լաց լինում որ: Գո՞նե մի պատճառ լինե՞ր,— ավելացրեց նա հանկարծ, մի տեսակ զղայնությամբ շեշտելով այդ իր առեղծվածային խոսքը:

— Չէ... լաց չեմ լինում... Դե լավ, բարե ձեզ,— վայրկենաբար ետ դարձավ նա աթոռի վրա և հանկարծ սկսեց ծիծաղել, բայց ոչ թե իր փայտածայն, կարճ-կարճ խնդուքով, այլ մի տեսակ անլսելի, երկար, զղային ու ցնցվող ծիծաղով:

— Ահա նորից... Դե զվարթացի՛ր, զվարթացի՛ր,— համոզում էր նրան Գրուշենկան:— Ես շատ ուրախ եմ, որ եկար, շա՛տ

անակնկալի բերեց նրան, և նա մեկ առ մեկ նայեց բոլորին՝ մի բան սպասող աչքերով. «Բայց ինչո՞ւ ենք այսպես նստել, ինչո՞ւ մի որևէ բան չեք սկսում, պարոնայք», — ասում էր կարծես նրա խնդուն հայացքը:

— Այ նա անընդհատ սուտ բաներ է ասում, և մենք էլ անընդհատ ծիծաղում էինք, — սկսեց հանկարծ Կալզանովը, ասես կոահելով նրա միտքը և ցույց տալով Մաքսիմովին:

Միտյան ուղղակի աչքերը հառեց Կալզանովին և հետո անմիջապես Մաքսիմովին նայեց:

— Սուտ բանե՞ր, — ծիծաղեց նա իր կարճ, փայտածայն ծիծաղով, անմիջապես ուրախանալով շփտես ինչի համար, — հա-հա՛:

— Այո: Պատկերացրեք, պնդում է, որ իբր թե քսանական թվականներին մեր ամբողջ հեծելազորը ամուսնացել է լեհուհիների հետ: Բայց դա սոսկալի անմտություն է, այնպես չէ՞:

— Լեհուհիների հե՞տ, — կրկնեց նորից Միտյան և արդեն ուղղակի հրճվանքով:

Կալզանովը շատ լավ հասկանում էր Միտյայի հարաբերությունները Գրուշենկայի հետ, կոահում էր նաև լեհ պանի դերը, բայց այդ բոլորը այնքան էլ չէին հետաքրքրում նրան, գուցե և բողոքովին չէին հետաքրքրում. ամենից ավելի նրան հետաքրքրում էր Մաքսիմովը: Նա Մաքսիմովի հետ պատահաբար ընկել էր այստեղ և կյանքում առաջին անգամ հանդիպել էր պաներին այս պանդոկում: Իսկ Գրուշենկային ճանաչում էր նախօրոք և նույնիսկ մի անգամ նրա տանն էր եղել ինչ-որ մեկի հետ. այն ժամանակ նա դուր չէր եկել իրեն: Բայց այստեղ Գրուշենկան շատ սիրալիր էր նայում նրան. մինչև Միտյայի գալը նույնիսկ շոյում էր նրան, սակայն նա մի տեսակ անզգա էր մնում: Հազիվ քսան տարեկան պատանի էր Կալզանովը, պճնամուլի՝ հագուստ-կապուստով, շատ սիրունիկ ու սպիտակ դեմքով և խարտյաշ, խիտ, սքանչելի մազերով: Այդ սպիտակ դեմքին կենդանություն էին տալիս բաց կապույտ, գեղեցիկ աչքերը, որոնք խելացի էին, երբեմն էլ ստանում էին խորունկ, նույնիսկ տարիքին անհամապատասխան արտահայտություն, շնայած որ մերթ ընդ մերթ պատանին ուղղակի երեխայի նման էր խոսում ու նայում և բողոքովին էլ չէր ամաչում դրա համար, մինչև իսկ երբ ինքն էր գիտակցում այդ բանը: Ընդհանրապես նա շատ յուրօրինակ մարդ էր, նույնիսկ քմահաճ, թեև միշտ էլ սիրալիր:

Երբեմն նրա դեմքի արտահայտության մեջ անշարժ ու անդրդվելի մի բան էր երևում. նայում էր ձեզ, լսում, բայց կարծես միաժամանակ անշեղորեն երազում էր իրեն զբաղեցնող մի ուրիշ բանի մասին: Մերթ դառնում էր ալարկոտ ու ծուլ, մեկ էլ հանկարծ սկսում էր հուզվել՝ երբեմն կարծես ամենադատարկ մի պատճառով:

— Երևակայեցեք, արդեն շորս օր է, որ հետս եմ ման ածում նրան, — շարունակեց նա, կարծես մի քիչ ծուլ-ծուլ երկարացնելով բառերը, բայց առանց որևէ թեթևադիտության, այլ շատ բնականորեն: — Հիշո՞ւմ եք, հենց այն օրից, երբ ձեր եղբայրը նրան կառքից դուրս հրեց և նա ետ-ետ թռավ: Այդ ժամանակ, երբ տեսա այդ բանը, նա իմ հետաքրքրությունը շարժեց, և ես նրան հետս տարա գյուղ. բայց հիմա անընդհատ սուտ է խոսում, այնպես որ ամաչում եմ նրա հետ լինել: Ետ եմ տանում նրան...

— Պանը լեհ օրիորդ չի տեսել, և իր ասածը չէր կարող պատահել, — առարկեց ծխամորճով պանը Մաքսիմովին:

Միամորճով պանը կարգին ուսերին գիտեր, գոնե շատ ավելի լավ, քան ձևացնում էր: Ռուսերեն բառերը, եթե գործածում էլ էր, աղավաղում էր ու արտասանում լեհական ձևով:

— Բայց չէ՞ որ ինքս էլ ամուսնացել եմ լեհ օրիորդի հետ, — մանր-մանր քրքշալով պատասխանեց Մաքսիմովը:

— Ինչ է, դուք հեծելազորո՞ւմ եք ծառայել: Չէ՞ որ խոսում էիք հեծելազորի մասին: Ուրեմն դուք հեծելազորի սպա՞ եք եղել, — իսկույն վրա բերեց Կալզանովը:

— Դե իհա՛րկե, հեծելազորի սպա՞ է նա, հա-հա՛, — գոռաց Միտյան, որ ագահորեն լսում էր և իր հարցական հայացքն անմիջապես դարձնում ամեն մի խոսողի կողմը, կարծես թե շտեսնրված-չլսված մի բան էր սպասում ամեն մեկի ասածից:

— Բայց չէ, գիտե՞ք ինչ, — դարձավ նրան Մաքսիմովը, — ես այն եմ ասում, որ այնտեղի օրիորդները... սիրունի՛կ օրիորդները... հենց որ մեր ուլանի հետ մազուրկա են պարում... հենց որ պարեց-պրծավ մազուրկան, իսկույն թռնում է ուլանի ծնկներին, կատվի նման, գիտե՞ք... ճերմկուկ կատվի ձագի... իսկ պան-հայրիկն ու պանի-մայրիկը տեսնում ու թույլ են տալիս... թույլ են տալիս, չէ՞... իսկ մեր ուլանը մյուս օրը գեղում ու ձեռքն է խնդրում... այ այդպես... ձե՛ռքն է խնդրում, հի-հի՛, — վերջացրեց Մաքսիմովը քրքշալով:

— Պանը լայնակ է,— քրթմնչաց հանկարծ աթոռի վրա նստած բարձրահասակ լեհը և ոտքը ոտքին դրեց: Միտյան հենց միայն նկատեց նրա հսկայական երկարաճիտ կոշիկը, որ յուզած էր և հաստ ու կեղտոտ ներբան ուներ: Եվ ընդհանրապես երկու պաներն էլ բավական աղտոտ էին հագնված:

— Դե՛, դե՛, այ քեզ լայնակ: Ինչո՞ւ է այդպես նախատում,— բարկացավ հանկարծ Գրուշենկան:

— Պանի Ագրիպպինա, պանը մեր լեհաց երկրում հասարակ աղջկերք է տեսել, ոչ թե ազնվական օրիորդներ,— նկատեց ծխամորճով պանը, դառնալով Գրուշենկային:

— Կարող ես վստահ լինել,— արհամարհանքով վրա տվեց բարձրահասակ պանը:

— Այ քեզ բա՛ն: Թողեք խոսի մարդը: Խոսում են, լսում, ի՞նչ կարիք կա խանգարելու: Նրանց հետ ես ուրախ եմ զգում,— խայթեց Գրուշենկան:

— Ես չեմ խանգարում, պանի,— նշանակալից ասաց կեղծամով պանը, երկար մի հայացք նետելով Գրուշենկայի վրա, և մեծամտորեն լռեց ու նորից սկսեց ծծել իր ծխամորճը:

— Բայց չէ, չէ, պանը ճիշտ էր ասում հիմա,— տաքացավ նորից Կալզանովը, կարծես թե խոսքը մի շատ կարևոր հարցի մասին էր:— Չէ՞ որ նա կհաստանում շի եղել, ուրեմն էլ ինչպե՞ս կարող է խոսել կհաստանի մասին: Գուք հո կհաստանում չէ՞ք ամուսնացել, չէ՞:

— Չէ, չէ, Ամոլենսկի նահանգում: Միայն թե՛ դրանից առաջ մի ուլան բերել էր նրան կհաստանից, այսինքն իմ կնոջը, ապագա կնոջը, տիա՛րք, և պանի-մայրիկին էլ հետը, տանտիին՝ էլ, և դեռ մի ազգականուհու էլ, որ հասուն տղա ուներ... հենց ուղղակի կհաստանից, բուն կհաստանից... և իր բերած օրիորդին ինձ գիշեց: Մեր պորուշիկներից մեկն էր այդ ուլանը, մի սքանչելի երիտասարդ: Սկզբում ինքն էր ուզում ամուսնանալ, բայց շամուսնացավ, որովհետև պարզվեց, որ օրիորդը կաղ էր...

— Ուրեմն դուք կաղ օրիորդի հե՛տ ամուսնացաք,— բացականչեց Կալզանովը:

— Այո՛, կաղ օրիորդի հետ: Հասկանո՞ւմ եք, երկուսն էլ մի քիչ խարեցին ինձ այն ժամանակ, թաքցրին բանը: Ես կար-

ծում էի, որ օրիորդը ցատկոտում է... դե անընդհատ ցատկոտում էր, ես կարծեցի, որ ուրախանում է այդպես...

— Ուրախանո՞ւմ է, որ ձե՛զ հետ է ամուսնանում,— գռչեց Կալզանովը մի տեսակ մանկական, զրնգուն ձայնով:

— Այո, ուրախանո՞ւմ: Բայց դուրս եկավ, որ պատճառը բոլորովին ուրիշ բան էր: Հետո, երբ պսակվեցինք, հենց պսակից հետո, նույն իրիկունը, խոստովանեց օրիորդը և շա՛տ հուզիչ կերպով ներողութուն խնդրեց: Երբ փոքր էի, ասաց, մի անգամ ջրափոսի վրայով թռա և ոտքս վնասվեց: Հի-հի՛:

Կալզանովը քահ-քահ ծիծաղեց ուղղակի մանկական ծիծաղով ու համարյա ընկավ բազմոցի վրա: Գրուշենկան նույնպես ծիծաղեց: Իսկ Միտյան երջանկության զագաթն էր հասել:

— Գիտե՞ք, գիտե՞ք, այս մեկն արդեն ճի՛շտ է ասում, այս մեկն արդեն սուտ չէ՛ հիմա,— բացականչում էր Կալզանովը, դառնալով Միտյային:— Եվ գիտե՞ք, նա երկու անգամ է ամուսնացել, հիմա իր առաջին կնոջ մասին էր խոսում, իսկ երկրորդ կինը փախել է, գիտե՞ք, և մինչև հիմա էլ ողջ է դեռ, գիտե՞ք այս բանը:

— Չէ, իսկապե՛ս,— Միտյան արագորեն դարձավ Մաքսիմովին, և նրա դեմքին արտասովոր մի զարմանք երևաց:

— Այո՛, փախավ, այդպիսի մի տհաճութուն ունեցա,— համեստորեն հաստատեց Մաքսիմովը:— Մի մսյոյի հետ գնաց: Բայց ի՞նչն է կարևորը. իմ ամբողջ փոքրիկ գյուղը հենց միայն իր անունով է վեր գրել նախօրոք, ամեն բանից առաջ: Դու զարգացած մարդ ես, ասաց, կարող ես ինքդ մի կտոր հաց ճարել: Առաց ու բերանս փակեց: Մի պատկառելի եպիսկոպոս կար, նա մի անգամ ինձ այնպես ասաց. քո մի կինը կաղ էր, ասաց, իսկ մյուսի էլ ոտքը շատ թեթև էր, հի-հի՛:

— Լսեցե՛ք, լսեցե՛ք ինձ,— հենց ուղղակի եռում էր Կալզանովը,— եթե նույնիսկ սուտ է ասում (և նա հաճախ է սուտ ասում), միմիայն նրա համար է, որ բոլորիս էլ հաճույք պատճառի: Դա հո ստորութուն չէ, ստորութուն չէ, ճի՛շտ է: Գիտե՞ք, ես նրան սիրում եմ երբեմն: Նա շատ ստոր մարդ է, բայց բնականություն կա նրա ստորութվյան մեջ, հը՞: Ի՞նչ եք կարծում: Մարդ կա, որ մի որևէ բանի համար է ստորութվյուն անում, մի շահ ստանալու համար, իսկ նա՛ հենց այնպես, բնականից... Երևակայեցեք, օրինակ, նա հավակնում է, որ... (երեկ ամբողջ ճանապարհսին մի՛ճում էր այդ հարցով), որ Գոգոլը «Մեռյալ հո-

1 Տանտի (Փրանս. tante բառից) — հորաքույր կամ մորաքույր:

գիններ»-ում նրա մասին է գրել: Հիշո՞ւմ եք, գրքում մի կալվածատեր Մաքսիմով կա, որին ծեծում է նոգզրեք, և նոգզրեքին դատի են տալիս՝ «հարբած վիճակում կալվածատեր Մաքսիմովին ճիպտոով ծեծելու և անձնական վիրավորանք հասցնելու համար», դե հիշում եք, չէ՞: Եվ ի՞նչ եք կարծում... պատկերացրե՞ք, նա հավակնում է, որ ինքն է եղել այդ կալվածատեր Մաքսիմովը և իրե՛ն են ծեծել: Է՛, կարո՞ղ է այդպիսի բան լինել: Չի՞ղիվում ամենաուշը քանական թվականներին էր անում իր ճամփորդությունը, քանականների սկզբին, այնպես որ տարեթվերը բոլորովին չեն բռնում: Նա չէր կարող այն ժամանակ ծեծ ուտել: Չէր կարող, չէր կարող, չէ՞:

Դժվար էր պատկերացնել, թե ինչո՞ւ Կալզանովն այդպես տաքացել էր, բայց նա անկեղծորեն էր բորբոքվում, Միտյան անվերապահորեն ձայնակցեց նրան:

— Լավ, բայց եթե իրո՞ք ծեծել են,— գոռաց նա քահ-քահ ծիծաղելով:

— Ոչ թե ուղղակի ծեծեցին, այլ հենց այնպես,— վրա բերեց հանկարծ Մաքսիմովը:

— Է, եղա՞վ: Կա՞մ ծեծել են, կամ էլ ոչ, հը՞:

— Ժամը քանի՞սն է, պանե, — լեհերեն հարցրեց ժխամորձով պանը բարձրահասակ պանին, ձանձրացող մարդու արտահայտություններ: Բարձրահասակ պանը ուտերը թոթվեց. երկուսն էլ ժամացույց չունեին:

— Իսկ ինչո՞ւ շխտեսն: Թողեք, որ ուրիշներն էլ խոսեն: Եթե դուք ձանձրանում եք, ուրեմն մյուսները չպետք է խոսեն, հա՞,— վրա ավելցնողից Գրուշենկան, և հայտնի էր, որ դիտմամբ կրպշում էր: Միտյայի մտքում կարծես թե առաջին անգամ լինելով մի բան առկայծեց: Պանն արդեն ակնհայտ ջղայնությունով պատասխանեց այս անգամ.

— Պանի, ես ոչ մի հակառակ բան չասացի, ես ոչինչ չասացի:

— Դե չավ, եթե այդպես է: Իսկ դու պատմի՛ր,— գոռաց Գրուշենկան Մաքսիմովին:— Ինչո՞ւ բոլորդ էլ լռեցիք:

— Չէ, գիտե՞ք, պատմելու բան էլ չկա այստեղ, պարզապես հիմարություն է այդ ամբողջը,— իսկույն վրա բերեց Մաքսիմովը ակնհայտ գոհունակությամբ ու մի քիչ սեթևեթելով:— Եվ Գոգոլն էլ այդ ամբողջը պարզապես այլաբանության ձևով է արել, որովհետև բոլոր ազգանուններն էլ այլաբանական է դարձ-

րել: Նոգզրեք, գիտե՞ք, ոչ թե նոգզրեք էր, այլ Նոսով, իսկ դե Կուվշինիկովը արդեն բոլորովին նման էլ չէ, որովհետև նա Շկվորեն էր: Իսկ Ֆենարդին իսկապես Ֆենարդի էր, միայն թե իտալացի չէր, այլ ռուս, Պետրով, և մամզել Ֆենարդին էլ սիրունիկ օրիորդ էր, ոտքերին տրիկո էր հագնում, սիրունի՛կ ոտքերին, շրջազգեստը կարճիկ էր՝ զանակներով, և ահա նա էր արագ-արագ պտտվում, բայց ոչ թե շորս ժամ, այլ ընդամենը շորս ընդամենը միայն... և բոլորին զխահահան էր անում...

— Բայց ինչո՞ւ ծեծեցին, ինչո՞ւ, ինչո՞ւ ծեծեցին քեզ,— գոռաց Կալզանովը:

— Պիրոնի համար,— պատասխանեց Մաքսիմովը:

— Ի՞նչ Պիրոնի,— գոռաց Միտյան:

— Ֆրանսիացի հայտնի գրող է՝ Պիրոն: Խմում էինք այդ օրը, մի մեծ խմբով հավաքվել էինք, գինետանն էր, հենց այն տոնավաճառում: Ինձ նրանք էին հրավիրել, ես էլ հենց ուղղակի սկսեցի էպիգրամներ արտասանել. «Այդ դո՞ւ ես, Բուալո, ի՞նչ ծիծաղելի հագուստ»: Իսկ Բուալոն պատասխանում է, որ դիմակահանդես է գնում, այսինքն բաղնիք, հի-հի՛, և իմ ասածը նրանք իրենց վրա վերցրին: Դե ես էլ հենց իսկույն մի ուրիշը արտասանեցի, մի կծու էպիգրամ, բոլոր զարգացած մարդիկ լավ գիտեն այս մեկը.

Դու Սաֆոն ես, ես՝ Ֆանոնը, այդ մասին էլ չեմ վիճում,
Բայց դու վիշտ ես ինձ պատճառում՝
Մովի ճամփան չես իմանում:

Նրանք ավելի շատ վիրավորվեցին և սկսեցին դրա համար ինձ հայհոյել անպատշաճ խոսքերով: Դե ես էլ հենց, իմ շար բախտից, ուզեցի կացությունը փրկել և տեղն ու տեղը մի շատ բարեկիրթ անեկղոտ պատմեցի Պիրոնի մասին, թե ինչպես նրան ֆրանսիական ակադեմիա չեն ընդունել, և նա էլ, վրեժ լուծելու համար, իր սեփական դամբանագիրն է գրել այսպես.

Ci-gît Piron qui ne fut rien
Pas même académicien!

Եվ մեկ էլ նրանք ինձ բռնեցին ու ծեծեցին:

— Բայց ինչո՞ւ, ինչո՞ւ:

1 Աստ հանգի Պիրոնը, որ ոչինչ չկարողացավ լինել, ոչ իսկ ակադեմիկոս (ֆրանս.):

— Իմ զարգացած լինելու համար: Քի՛շ պատճառներ կան, որի համար մարդիկ կարող են ծեծել մարդուն,— եզրակացրեց Մաքսիմովը հեզ ու խրատական շեշտով:

— Է՛, բավական է, զզվելի է այդ ամբողջը, շեմ ուզում լսել. կարծում էի՝ մի ուրախ բան կլինի,— ընդհատեց հանկարծ Գրուշենկան: Միտյան իրար անցավ և անմիջապես վերջ տվեց ծիծաղելուն: Բարձրահասակ պանը վեր կացավ աթոռից և, խորթ միջավայրում ձանձրացող մարդու մեծամիտ արտահայտությամբ, սկսեց անկյունից անկյուն քայլել սենյակում, ձեռքերը մեջքին դրած:

— Սրա՛ն նայեցեք, քայլե՛լ սկսեց,— արհամարհանքով նայեց նրան Գրուշենկան: Միտյան սկսեց անհանգստանալ, մանավանդ որ նկատեց, թե բազմոցի վրա նստած պանը գրգռված արտահայտությամբ նայում է իրեն:

— Պա՛ն,— գոռաց Միտյան,— խմե՛նք, պանե: Եվ մյուս պանն էլ միասին. խմե՛նք, պանովե:— Վայրկենապես երեք բաժակ առաջ քաշեց նա ու շամպայն լցրեց:

— Լեհաստանի կենա՛ցը, պանովե, խմում եմ ձեր Լեհաստանի՛ կենացը, Լեհաց երկրի կենացը,— բացականչեց Միտյան:

— Ինձ շատ հաճելի է, պանե, խմենք,— ասաց բազմոցի վրա նստած պանը փքուն ու բարեհաճ շեշտով և վերցրեց իր բաժակը:

— Եվ մյուս պանն էլ, ի՞նչ է անունը, է՛յ, պայծառափա՛ջ, վերցրո՛ւ բաժակը,— հետամտում էր Միտյան:

— Պան Վրուբլյովսկի,— հուշեց բազմոցի վրա նստած պանը:

Պան Վրուբլյովսկին օրորվելով մոտեցավ սեղանին ու բաժակը վերցրեց, ոտքի կանգնած:

— Լեհաստանի կենացը, պանովե, ուտա՛,— գոռաց Միտյան, բաժակը բարձրացնելով:

Երեքն էլ խմեցին: Միտյան թափով վերցրեց շիշը և անմիջապես լցրեց երեք բաժակները նորից:

— Հիմա Ռուսաստանի՛ կենացը, պանովե, և եղբայրա՛նա՛նք:

— Մեզ էլ լցրու,— ասաց Գրուշենկան,— ես էլ ուզում եմ խմել Ռուսաստանի կենացը:

— Ես էլ,— ասաց Կալզանովը:

— Դե ես էլ կուզեի... անուշիկ Ռուսաստանի կենացը՝ մեր սլառավ տատիկի,— մանր-մանր քրքջաց Մաքսիմովը:

— Բոլորս, բոլո՛րս,— գոչում էր Միտյան:— Վարպե՛տ, մյուս շշե՛րն էլ:

Միտյայի բերած արկղից մնացած երեք շշերն էլ դրեցին սեղանին: Միտյան բաժակները լցրեց:

— Ռուսաստանի կենացը, ուտա՛,— գուշեց նա նորից: Բոլորը խմեցին, բացի լեհ պաներից, իսկ Գրուշենկան մի անգամից դատարկեց իր ամբողջ բաժակը: Պաները նույնիսկ ձեռք չտվեցին իրենց բաժակներին:

— Է՛, ի՞նչ եք անում, պանովե,— բացականչեց Միտյան:— Ուրեմն այդպես, հա՛:

Պան Վրուբլյովսկին վերցրեց բաժակը, բարձրացրեց ու ասաց հնչեղ ձայնով.

— Ռուսաստանի կենացը, բայց մինչև 1772 թվականի սահմաններով:

— Ա՛յ դա լավ է,— գոռաց մյուս պանը լեհերեն, և երկուսն էլ միանգամից դատարկեցին իրենց բաժակները:

— Է՛, հիմարներ եք դուք, պանովե,— թռավ հանկարծ Միտյայի բերանից:

— Պա-նե՛,— գոռացին նրանք երկուսն էլ սպառնազին, աբլորների նման ցցվելով Միտյայի դեմ: Հատկապես բորբոքվեց պան Վրուբլյովսկին:

— Մարդ կարո՞ղ է չսիրել իր երկիրը,— աղաղակեց նա:

— Լոեցե՛ք: Չկովե՛ք: Կոխվ-մոխվ շեմ ուզում,— գոռաց Գրուշենկան տիրականորեն և ոտքը զարկեց հատակին: Նրա դեմքը շառագունեց, աչքերը փայլատակեցին: Երևում էր հենց նոր խմած բաժակի ազդեցությունը: Միտյան սոսկալի վախեցավ:

— Պանովե, ներեցե՛ք: Ես եմ մեղավորը, էլ շեմ անի: Վրուբլյովսկի, պա՛ն Վրուբլյովսկի, էլ շեմ անի...

— Դե գոնե դո՛ւ սուս կաց, նստի՛ր, ա՛յ քեզ հիմար,— սաստեց նրան Գրուշենկան զայրագին վրդովմունքով:

Բոլորը նստեցին, բոլորն էլ լոեցին, բոլորն էլ սկսեցին իրար նայել:

— Պարոնայք, ես էի այդ բոլորի պատճառը,— սկսեց նորից Միտյան, որ ոչինչ չէր հասկացել Գրուշենկայի վրդովմուն-

քից:— Դե ինչո՞ւ ենք այսպէս նստել: Ինչո՞վ զբաղվենք, որ... ուրախ լինի, նորից ուրախ լինի:

— Ա՛խ, իսկապէս որ սոսկալի տխուր է,— ծուլ-ծուլ ծամծամեց Կալզանովը:

— Մի փոքր բանկ խաղայինք, ինչպէս քիչ առաջ...— մանր-մանր քրքշաց Մաքսիմովը հանկարծ:

— Բա՞նկ: Հոյակա՞պ,— վրա բերեց Միտյան,— եթե միայն պաները...

— Օ՛չ է, պանե, — մի տեսակ դժկամորեն պատասխանեց բազմոցի վրա նստած պանը:

— Ճիշտ է ասում,— ձայնակցեց նաև պան Վրուբլյովսկին:

— Օ՞չ, Ի՞նչ է այդ «օշը», — հարցրեց Գրուշենկան:

— «Ուշ» է նշանակում, պանի, ուշ, ուշ է ժամը,— բացատրեց բազմոցի վրա նստած պանը:

— Ամե՛ն ինչ ուշ է նրանց համար, ոչ մի բան կարելի չէ նրանց համար,— գրեթե ճշաց Գրուշենկան վրդովմունքով:— Ինքները թթվել նստել են և ուզում են, որ ուրիշներն էլ թթվեն:

Մինչև քո գալը, Միտյա, սրանք ա՛յ այսպէս լեզունները փորը գցել նստել էին անընդհատ և վոթվոթում էին ինձ վրա...

— Իմ աստվածուհի՛,— գոչեց բազմոցի վրա նստած պանը,— դու ինչ ասես, այն է լինելու: Տեսնում եմ՝ լավ շես տրամադրվել, դրա համար էլ տխուր եմ: Պատրաստ եմ, պանե,— ավելացրեց նա, դառնալով Միտյային:

— Սկսի՛ր, պանե,— արձագանքեց անմիջապէս Միտյան, գրպանից դուրս քաշելով թղթադրամները և երկու հատ հարյուրանոց դնելով սեղանին:— Ուզում եմ տարվել քեզ, պան, մեծ գումար տարվել: Վերցրու խաղաթղթերը, դի՛ր բանկը:

— Բայց պանդոկապանի խաղաթղթերով ենք խաղում, պանե,— լրջորեն պնդեց կարճահասակ պանը:

— Ամենալավը դա է,— վրա բերեց պան Վրուբլյովսկին:

— Պանդոկապանի՛: Լավ, հասկանում եմ, թո՛ղ այդպէս չլինի, լավ ասացիք, պանով: Խաղաթղթե՛ր,— հրամայեց Միտյան պանդոկապանին:

Պանդոկապանը խաղաթղթերի մի նոր, չբացված կապոց բերեց և հայտնեց Միտյային, որ աղջիկներն արդեն հավաքվում են, ծնծղա նվազող ջնուղներն էլ շուտով կգան երևի, և որ պարենը բերող եռաձին դեռ չի հասել: Միտյան իսկույն վեր թռավ ու վազեց կողքի սենյակը, որպեսզի անմիջապէս կարգադրութուններ

անի: Բայց ընդամենը երեք աղջիկ էին եկել, և դեռ Մարյան էլ չկար: Միտյան ինքն էլ չգիտեր, թե ինչ կարգադրութուն պետք է անի և ինչու այդպէս հանկարծ դուրս վազեց: Միայն պատվիրեց, որ արկղից ամեն տեսակի շաքարեղեն հանեն ու աղջիկներին էլ տան իրենց բաժինը: «Եվ Անդրեյին էլ օղի, օղի՛ Անդրեյին,— հրամայեց նա շտապելով,— ես նեղացրի Անդրեյին»:

Եվ այդ վայրկյանին հանկարծ նրա ուսին ձեռք տվեց Մաքսիմովը, որ նրա ետևից դուրս էր վազել:

— Հինգ ուրբի տվեք ինձ,— փսփսաց նա Միտյային,— ես էլ ուզում եմ բախտս փորձել, հի-հի՛:

— Սքանչելի՛ է, հոյակա՞պ: Տասը ուրբի վերցրեք, ըհը՛:— Նա նորից իր բոլոր թղթադրամները դուրս քաշեց գրպանից և մի տասանոց գտավ ու տվեց:— Իսկ եթե տարվես, նորի՛ց արի, նորի՛ց արի...

— Լավ, տիար իմ,— ուրախ փսփսաց Մաքսիմովը և վազեց մյուս սենյակը: Իսկույն վերադարձավ նաև Միտյան և ներողութուն խնդրեց, որ ստիպել էր սպասել իրեն: Պաներն արդեն նստել էին և բացել խաղաթղթերի նոր կապոցը: Իսկ նրանց հայացքները շատ ավելի ջերմ, համարյա սիրալիւր էին դարձել: Բազմոցի վրա նստած պանը մի նոր ծխամորճ վառեց և պատրաստվեց թուղթ գցելու: Նրա դեմքին նույնիսկ մի տեսակ հանդիսավորութուն երևաց:

— Գրավեցեք ձեր տեղերը, պանովե,— գոչեց պան Վրուբլյովսկին:

— Ձէ, ես այլևս չեմ խաղա,— պատասխանեց Կալզանովը,— ես քիչ առաջ արդեն հիստուն ուրբի տարվեցի նրանց:

— Պանի բախտը չէր բերում, իսկ հիմա կարող է բախտը բացվել,— նկատեց բազմոցի վրա նստած պանը՝ խոսքը նրան ուղղելով:

— Որքա՞ն կա բանկում: Փոխադա՞րձ,— տաքացավ Միտյան:

— Նայած, պանե, գուցե հարյուր, գուցե երկու հարյուր, նայած դու որքան ես դնում:

— Միլիո՞ն,— քահ-քահ ծիծաղեց Միտյան:

— Պան կապիտանը գուցե լսե՛լ է պան Պողվիսոցկու մասին:

— Ի՞նչ Պողվիսոցկի:

— Վարշավայում խաղաւտուն կա, ով ուզում է՝ գալիս բան-

կին փոխադարձ է դնում: Գալիս է Պողոսոսկին, հազար ոսկի տեսնում, ասում է՝ վա-բանկ: Բանկատերն ասում է. «Պանն Պողոսոսկի, ոսկի՞ ես դնում, թե պատվի խոսք»:— «Պատվի խոսք, պանն»,— ասում է Պողոսոսկին:— «Ավելի լավ, պանն»: Բանկատերը գցում է տալիան, Պողոսոսկին շահում է ոսկին: «Ստացի՛ր, պանն,— ասում է բանկատերը, քաշում դարակը և միլիոն տալիս,— վերցրու, պանն, ահա քո հաշիվը»: Բանկում միլիոն է եղել: «Ծս չգիտեի»,— ասում է Պողոսոսկին: «Պանն Պողոսոսկի,— ասում է բանկատերը,— դու քո՞ պատիվը դրեցիր, մենք էլ մե՛ր պատիվը»: Պողոսոսկին միլիոնը վերցնում է:

— Դա սուտ բան է,— ասաց Կալզանովը:

— Պանն Կալզանով, ազնվական հասարակութայն մեջ այսպես վայել չէ խոսել:

— Հա՛, լե՛հ խաղամուրը հենց այնպես էլ մի միլիոն կտան քեզ, էլի,— բացականչեց Միտյան, բայց իսկույն խոսքը կուտվեց:— Ներքի, պանն, մեղավոր եմ, սխալվեցի նորից, կտա, կտա՛ միլիոնը, պատվի խոսքով կտա, լե՛հակա՛ն պատվի: Տեսնո՞ւմ ես, ինչպես եմ լե՛հերեն խոսում, հա-հա՛: Ա՛յ, տասը ուրբալի եմ դնում, վալետի վրա:

— Իսկ ես՝ մի ուրբալի թագուհու վրա, սրտիկի թագուհու, սիրունիկ պանուհու, հի-հի՛,— մանր-մանր քրքջաց Մաքսիմովը, առաջ դնելով իր թագուհին, և կարծես իր անելիքը թաքցնելու համար բոլորից՝ ուղղակի հակվեց սեղանին և արագորեն երեսը խաշակնքեց սեղանի տակ: Միտյան շահեց: Շահեց նաև ուրբալին:

— Անկյո՛ւն,— գոռաց Միտյան:

— Իսկ ես՝ նորից մի ուրբալի, մեկ հատիկ եմ դնում, պատիկ, պատիկ մի հատիկ,— երանագին մրմնջում էր Մաքսիմովը՝ սոսկալի ուրախացած, որ մի ուրբալի էր շահել:

— Կորա՛վ,— գոռաց Միտյան:— Յոթնոց՝ կրկնակի:

Կորավ նաև կրկնակին:

— Վերջ տվեք,— ասաց հանկարծ Կալզանովը:

— Կրկնակի, կրկնակի՛,— կրկնապատկում էր Միտյան խաղազումարը, և ամեն անգամ, որ դնում էր կրկնակիի վրա՝ կորցնում էր: Իսկ Մաքսիմովի ուրբալիները շահում էին:

— Կրկնակի՛,— բղավեց Միտյան կատաղած:

— Երկու հարյուր ուրբալի տարվել ես, պանն: Նորի՞ց եր-

կու հարյուր ես դնում,— հարցրեց բազմոցի վրա նստած պանն:

— Ի՞նչ, արդեն երկու հարյուր տարվե՞լ եմ: Դե ուրեմն՝ էլի՞ երկու հարյուր: Ամբողջ կրկնակի՛:— Եվ գրպանից դուրս քաշելով իր փողերը, երկու հարյուր ուրբալի ուզեց նետել թագուհու վրա, բայց հանկարծ Կալզանովն իր ափով ծածկեց խաղաթուղթը:

— Բավական է,— գոռաց նա իր զրնգուն ձայնով:

— Ի՞նչ եք անում,— Միտյան աչքերը հռոցեց նրան:

— Բավական է, չեմ ուզում: Էլ մի՛ խաղաք:

— Ինչո՞ւ:

— Հենց այնպես: Թե՛ք ու գնացեք, ա՛յ թե ինչու: Էլ չեմ թողնի, որ խաղաք:

Միտյան շշմած նայում էր նրան:

— Թո՛ղ, Միտյա, գուցե նա ճիշտ է ասում: Առանց այն էլ շատ տարվեցիր,— ասաց նաև Գրուշենկան՝ ձայնի մեջ տարօրինակ մի շեշտով: Երկու պաններն էլ հանկարծ վեր կացան սոսկալի վիրավորված արտահայտությամբ:

— Կատա՞կ ես անում, պանն,— ասաց կարճահասակ պանը և մի խիստ հայացքով շափեց Կալզանովին:

— Ինչպե՞ս եք համարձակվում այդպիսի բան անել,— բղավեց նաև պան Վրուբլյովսկին Կալզանովի վրա:

— Չհամարձակվե՛ք, չհամարձակվե՛ք գոռգոռալ,— բոռաց Գրուշենկան:— Ա՛խ դուք հնդու աբլորներ:

Միտյան հերթով նայում էր բոլորին: Բայց հանկարծ Գրուշենկայի դեմքին տեսավ մի բան, որ ուղղակի ապշեցրեց նրան, և հենց նույն վայրկյանին մի նոր միտք փայլատակեց նրա գլխում, բոլորովին նոր ու տարօրինակ մի միտք:

— Պանի Ագրիպպինա,— սկսում էր խոսել կարճահասակ պանը, զայրույթից ամբողջովին կարմրած, բայց հանկարծ Միտյան մոտեցավ նրան ու թփթփացրեց նրա ուսին:

— Պայծառափա՛յլ, ուզում եմ մի երկու խոսք ասել քեզ:

— Ի՞նչ ես ուզում, պանն:

— Գնանք այն սենյակը, այն մյուս սենյակը, մի երկու խոսք պետք է ասեմ քեզ, ամենալավ խոսքերը, գոհ կմնաս:

Կարճահասակ պանը զարմացավ ու վարանումով նայեց Միտյային: Եվ սակայն իսկույն համաձայնվեց, բայց այն պայմանով, որ պան Վրուբլյովսկին էլ գա իր հետ:

— Թիկնապա՛հը: Դե նա՛ էլ թող գա, նա էլ պետք է ինձ: Նա անպայման պետք է,— բացականշեց Միտյան:

— Մա՛րշ, պանովե:

— Ո՛ւր եք գնում,— հարցրեց Գրուշենկան անհանգստացած:

— Մի վայրկյանից կվերադառնանք,— պատասխանեց Միտյան: Նրա դեմքը հանկարծ փայլատակեց մի տեսակ համարձակությամբ, անակնկալ մի կայտառությամբ. բոլորովին այլ էր նրա դեմքի արտահայտությունը, երբ մի ժամ առաջ այդ սենյակը մտավ: Նա պաներին առաջնորդեց դեպի աջ, ոչ թե այն մեծ սենյակը, ուր հավաքվում էր աղջիկների երգչախումբը և սեղանն էին դնում, այլ դեպի այն փոքր ննջասենյակը, ուր կային սնդուկներ, փաթեթներ ու երկու մեծ մահճակալ՝ յուրաքանչյուրի վրա բլրի նման դարսված շթե բարձերով: Սենյակի հենց անկյունում, մի փոքրիկ նրբակերտ սեղանի վրա, մոմ էր վառվում: Պանն ու Միտյան այդ սեղանի մոտ նստեցին դեմ դիմաց, իսկ հսկա պան Վրուբլյովսկին կանգնեց նրանց կողքին, ձեռքերը մեջքին դրած: Պաները նայում էին խստահայաց, բայց ակնհայտ հետաքրքրությունով:

— Ի՞նչ ծառայություն կարող եմ մատուցել պանին,— թոթովեց կարճահասակ պանը:

— Լսի՛ր ինձ, պանե, ես շատ չեմ երկարացնելու. ահա քեզ փող,— հանեց նա իր թղթադրամները,— ուզո՞ւմ ես երեք հազար, վերցրու և գնա՛ քանիդ, հեռացի՛ր այստեղից:

Պանը նայում էր ուշի-ուշով, աչքերը շորս բացած, հենց ուղղակի հայացքը բեկեռել էր Միտյայի դեմքին:

— Երեք հազա՛ր, պանե:— Կարճահասակ պանն ու Վրուբլյովսկին իրար նայեցին:

— Երեք հազար, պանովե, երեք հազար: Լսի՛ր, պանե, տեսնում եմ, որ դու հասկացող մարդ ես: Երեք հազար վերցրու և գնա՛ գրողի ծոցը, Վրուբլյովսկուն էլ տար հետդ, լսո՞ւմ ես: Բայց՝ հենց հիմա, հենց այժմ ընդհատվեց, և էլ երբե՛ք չերևաս, հասկանո՞ւմ ես, պանե, երբե՛ք: Այ հենց այս դռնից էլ հիմա դուրս կգնաս ու վե՛րջ: Ի՞նչ ունես այնտեղ՝ վերարկո՞ւ, մուշտա՞կ: Կբերեմ քեզ: Հենց այս վայրկյանիս ձեռքը կլծեն քեզ համար, և գնա՛ս բարով, պանե: Հը՛:

Միտյան վստահորեն սպասում էր պատասխանի: Չէր տարակուսում: Պանի դեմքին չափազանց վճռական մի արտահայտություն երևաց:

— Իսկ փո՞ղը, պանե:

— Փողի հարցն այսպես ենք անում, պանե. հենց այս ընդհատված հարցը ուրիշ քեզ՝ ճանապարհածախս և կանխավճար, իսկ երկու հազար հինգ հարյուրն էլ վաղը՝ քաղաքում. պատվովս եմ երդվում, կլինի՛ փողը, գետնի տակից կհանեմ,— գոռաց Միտյան:

Լեհերը նորից իրար նայեցին: Կարճահասակ պանի դեմքն սկսեց դժգոհ արտահայտություն ստանալ:

— Յո՛թ հարյուր, յոթ հարյուր, ոչ թե հինգ, ա՛յս ընդհատված հենց այս բռնակալ տալիս եմ ձեռքդ,— ավելացրեց գումարը Միտյան, մի անախորժ բան զգալով:— Ի՞նչ է, պան: Չե՞ս հավատում: Հո չեմ կարող երեք հազարը միանգամից տալ քեզ: Եթե տամ, հենց վաղն ևեթ կարող ես վերադառնալ Գրուշենկայի մոտ... Եվ հիմա մոտս չունեմ էլ երեք հազար ուրիշ, տանն է, քաղաքում,— թոթովեց Միտյան, վախվսելով ու իր ամեն մի խոսքից հետո ավելի վհատվելով,— աստված վկա, տանն է փողը, պահել եմ...

Հանկարծ, մի վայրկյանում, կարճահասակ պանի դեմքին բացառիկ մի արժանապատվության զգացում երևաց:

— Ինչ է, էլ ուրիշ բան չե՞ս ուզում,— հարցրեց նա հեզանաբով:— Ամոթ, է՛, ամոթ:— Եվ նա թքեց: Թքեց նաև պան Վրուբլյովսկին:

— Դիտե՛մ ինչու ես թքում, պանե,— ասաց Միտյան հուսակտուր, հառկանալով, որ ամեն ինչ վերջացել էր.— գիտե՛մ ինչու. հույս ունես ավելի շա՛տ շանթել Գրուշենկայից: Կատած աքլորներ եք երկուսդ էլ, ուրիշ ոչինչ:

— Մայր աստիճան վիրավորվա՛ծ եմ,— բացականշեց կարճահասակ պանը լեհերեն, հանկարծ խեցգեղանի պես կարմրելով, և սոսկալի վրդովված դուրս գնաց սենյակից արագորեն, կարճեւ ոչ մի խոսք չցանկանալով այլևս լսել: Վրուբլյովսկին օրորուն քայլվածքով հետևեց ընկերոջը, իսկ նրանց ետևից դուրս եկավ Միտյան՝ շփոթահար ու մոլորուն: Նա վախենում էր Գրուշենկայից, նախազգում էր, որ պանն իսկույն աղմուկ կբարձրացնի: Այդպես էլ եղավ: Պանը մտավ ընդհանուր սենյակը և թատերական կեցվածքով կանգնեց Գրուշենկայի առաջ:

— Պանի Ագրիպպինա, ծայր աստիճան վիրավորվա՛ծ եմ,— սկսեց նա բացականշել լեհերեն, բայց Գրուշենկան հանկարծ

վերջնականապես կորցրեց իր համբերութիւնը, կարծես նրա ամենացալոտ տեղին էին դիպել:

— Ռուսերեն խոսիր, ռուսերե՛ն, էլ ո՛չ մի լեհերեն բառ,— գոռաց նա պանի վրա:— Խոսո՛ւմ էիր առաջ ռուսերեն, հինգ տարվա մեջ մոռացա՞ր, ինչ է:— Նա ամբողջովին կարմրեց զայրույթից:

— Պանի Ագրիպպինա...

— Ես Ագրաֆենա եմ, Գրուշենկա. ռուսերեն խոսիր, թե չէ չե՛մ ուզում լսել:

Պանն սկսեց փնշալ վիրավորված արժանապատվությամբ և, կոտորելով ռուսերենը, արագորեն և ճոռոմ շեշտով ասաց.

— Պանի Ագրաֆենա, ես եկա անցածը մոռանալ և ներել, մոռանալ ինչ որ եղել է մինչև այսօր...

— Ինչպե՞ս թե ներել, Ի՞նձ ներելու ես եկել,— ընդհատեց Գրուշենկան ու տեղից վեր թռավ:

— Ճիշտ այդպես, պանի, ես փոքրոգի չեմ, ես մեծահոգի եմ: Բայց ես զարմացել եմ, երբ որ տեսա թո սիրեկանները: Պան Միտյան այն սենյակում ինձ երեք հազար ռուբլի կտար, որ ես գնամ: Ես պանին երես թքեցի:

— Ի՞նչ, նա քեզ փո՞ղ էր տալիս ինձ համար,— ճշաց Գրուշենկան հիստերիկ ձայնով:— Ճի՛շտ է, Միտյա: Բայց ինչպե՞ս ես համարձակվե՛լ: Ես ծախո՞ւ եմ ինչ է, հա՞:

— Պանե, պանե,— բղավեց Միտյան,— նա մաքուր է, նա շողջողում է, ես երբեք նրա սիրեկանը չեմ եղել: Սո՛ւտ ես ասում այդ բանը...

— Դու ինչպե՞ս ես համարձակվում ինձ պաշտպանել նրա առաջ,— աղաղակեց Գրուշենկան:— Ես առաքինության համար չէ, որ մաքուր էի մնում, ոչ էլ որովհետև վախենում էի Կուզմայից, ո՛չ, այլ որպեսզի սրա՛ առաջ հպարտ լինեմ և հանդիպելու ժամանակ իրավունք ունենամ սրիկա՛ ասելու սրան: Բայց ինչ է, նա իսկապես մերժե՞ց փողը:

— Ձէ, չէ, առնո՛ւմ էր, առնո՛ւմ,— բացականչեց Միտյան,— միայն թե միանգամից էր ուզում ամբողջ երեք հազարը, իսկ ես ընդամենը յոթ հարյուր ռուբլի կանխավճար էի տալիս:

— Դե՛հ, հասկանալի՛ է. լսել է, որ ես փող ունեմ, դրա համար էլ եկել է ամուսնանալու:

— Պանի Ագրիպպինա,— սկսեց գոռալ պանը,— ես ասպե՛տ եմ, ես շլյախտիչ, ոչ թե լայդակ: Ես եկել եմ քեզ կին առնեմ,

բայց տեսնում եմ ուրիշ պանի, ոչ թե առաջվան օրիորդ, տեսնում եմ կամակոր և անամոթ կին:

— Դե կորի՛ր գնա այն գրողի ծոցը, որտեղից եկել ես: Կհրամայեմ, որ հենց ա՛յս ըոպեիս դուրս շարտեն քեզ, և կշարտեն,— գոռաց Գրուշենկան մոլուցքով:— Հիմար, հիմա՛ր էի ես, որ հի՛նգ տարի տանջեցի ինձ: Բայց չէ՛, այս մարդու համար չէ, որ տանջում էի ինձ, բնա՛վ երբեք. ես զայրույթի՛ց էի տանջում ինձ: Եվ սա բուրդովին ուրիշ մեկն է, ոչ թե ա՛յս: Նա այսպիսի՛ն էր միթե: Սա նրա հայրը լինի կարծես: Որտեղի՞ց ես ճարել այդ կեղծամը, հա՞: Նա բազե էր, իսկ սա՛ բադ: Նա ծիծաղում ու երգեր էր երգում ինձ համար... Եվ ես, ես հի՛նգ տարի արցունք էի թափում, հիմա՛ր եմ եղել, անիծյալ հիմար, ստոր եմ ես, անամո՛թ եմ:

Նա ընկավ իր բազկաթոռին ու երեսը ծածկեց ափերով: Այդ ըոպեին հանկարծ ձախ կողմի սենյակից լսվեց Մոկրոնի աղջիկների երգչախումբը. վերջապես հավաքվել էին նրանք և պարային կայտառ մի երգ սկսեցին:

— Իսկական Սողոմ-Գոմո՛ր,— բղավեց հանկարծ պան Վրուբլյովսկին:— Պանդոկապե՛տ, քի՛ր անամոթներին:

Պանդոկապանը, որ արդեն վաղուց հետաքրքրությամբ նայում էր դռան ետևից, լսելով գոռոգոցը և հասկանալով, որ հյուրերի մեջ գծտութիւն է ընկել, անմիջապես սենյակ մտավ:

— Ի՞նչ ես գոռում, ի՞նչ ես կոկորդո ձղում,— դիմեց նա Վրուբլյովսկուն, մի տեսակ նույնիսկ անհասկանալի կոպտությամբ:

— Անասո՛ւն,— բղավեց պան Վրուբլյովսկին:

— Անասո՛ւն: Իսկ դու ի՞նչ խաղաթղթերով էիր խաղում հիմի: Ես քեզ մի նոր կապոց տվեցի, իսկ դու թաքցրիր իմ տվածը: Դու կե՛ղծ խաղաթղթերով էիր խաղում: Ես քեզ էդ կեղծ խաղաթղթերի համար կարող եմ Սիրիբի ճամփեն ցույց տալ, գիտե՞ս էդ բանը. որովհետև դա միևնույնն է թե կեղծ փող լինի...

Եվ նա, մոտենալով բազմոցին, մատները խոթեց թիկնակի ու բարձի մեջտեղը և այնտեղից դուրս քաշեց խաղաթղթերի շքացված կապոցը:

— Ահա իմ տված կապոցը, չի՛ բացված:— Նա բարձրացրեց ու շորս կողմը դառնալով ցույց տվեց բուրդին:— Ախր ես տեսա է՛նտեղից, է՛, տեսա ո՛նց նա իմ կապոցն էդ ճեղքի մեջ խցկեց

և իր խարդախ թղթերով սկսեց խաղալ: Դու խաբեբայի՛ մեկն ես, ոչ թե պան:

— Իսկ ես տեսա, թե ինչպես մյուս պանը երկու անգամ կեղծ թուղթ քաշեց,— գոռաց Կալզանովը:

— Ախ ի՛նչ ամոթ է, ինչ ամո՛թ,— բացականչեց Գրուշենկան ձեռքերն իրար զարկելով, և իրոք կարմրեց ամոթից:— Աստված իմ, այս ի՛նչ մարդ է դարձել, ինչ մա՛րդ:

— Ես էլ այդ բանն էի մտածում,— գոռաց Միտյան: Բայց նա դեռ չէր վերջացրել իր ասածը, երբ պան Վրուբլովսկին, շփոթահար ու կատաղած, դարձավ Գրուշենկային, բռունցքով սպառնաց նրան ու բղավեց.

— Հասարակաց պոռնի՛կ:

Բայց հաղիվ էր նա ասել այդ խոսքը, Միտյան անմիջապես խոյացավ, բռնեց նրան երկու ձեռքով, օդ բարձրացրեց ու մի վայրկյանում տարավ աջ կողմի սենյակը, որտեղից հենց նոր էին դուրս եկել:

— Պառկեցրի հատակին,— հայտնեց նա, իսկույն վերադառնալով ու հուզմունքից հեղալով:— Կովտում է սրիկան, բայց հանգիստ եղեք, նա չի՛ գա այնտեղից:

Միտյան փակեց դռան մի կեսը, իսկ մյուս կեսը բաց բռնած՝ գոռաց կարճահասակ պանին.

— Պայծառափա՛յլ, դուք էլ չե՛ք ուզում նույն տեղը գնալ: Ետ-շատ-շա՛տ ենք խնդրում:

— Տեր իմ, Միտրի Ֆլոդորովիչ,— գուչեց Տրիֆոն Բորիսիչը,— ախր ե՛տ վերցրու փողերը, էն, որ տարվեցիր: Ախր միևնույն է թե գողացել են քեզնից:

— Ես չեմ ուզում իմ հիսուն ռուբլին ետ վերցնել,— վրաբերեց հանկարծ Կալզանովը:

— Ե՛ս էլ, ե՛ս էլ չեմ ուզում իմ երկու հարյուրը,— բացականչեց Միտյան,— ոչ մի դեպքում չեմ վերցնի, թող մնա իրեն, թող մխիթարվի դրանով:

— Հոյակա՛պ է, Միտյա: Կեցցե՛ս,— գուչեց Գրուշենկան, և նրա բացականչության մեջ սոսկալի քինախնդիր մի շեշտ հնչեց:

Կարճահասակ պանը, կատաղությունից կասկարմիր կտրած, բայց մազաչափ իսկ չկորցնելով իր մեծաշուք կեցվածքը, արդեն սկսել էր դեպի դուռը գնալ, սակայն մեկին կանգ առավ, դարձավ Գրուշենկային ու ասաց լեհերեն.

— Պանի, եթե ուզում ես գալ ինձ հետ՝ արի՛, իսկ եթե ոչ՝ մնա՛ս բարով:

Ու փրվելով վրդովմունքից և պատվախնդրությունից, գնաց դեպի դուռը: Հաստատակամ մարդ էր. պատահած բոլոր բաներից հետո նա դեռ չէր կորցրել հույսը, որ պանին կամուսնանա իր հետ. այնքա՛ն էր գնահատում ինքն իրեն: Միտյան շրխկոցով փակեց դուռը նրա ետևից:

— Կողպեցեք դուռը բանալիով,— ասաց Կալզանովը: Սակայն փականքը նրանց կողմից լխկաց, իրենք կողպեցին բաշնալիով:

— Հրաշալի՛ է,— գոռաց նորից Գրուշենկան քինախնդիր ու ածխնա:— Հրաշալի՛ է: Ա՛յդ է նրանց տեղը:

VIII

ՋԱՌԱՆՑԱՆՔ

Համարյա խելահեղ մի գինարբուք սկսվեց, հրապարակային մի խրախճանք: Առաջինը Գրուշենկան գոռաց, որ գինի տան իրեն. «եմե՛լ եմ ուզում, լրիվ հարբել եմ ուզում, ինչպես այն օրը, հիշո՛ւմ ես, Միտյա, հիշո՛ւմ ես, թե ո՞նց մենք իրար հետ մտերմացանք այստեղ»: Իսկ Միտյան կարծես զառանցանքի մեջ էր և նախազգում էր «իր երջանկությունը»: Սակայն Գրուշենկան անընդհատ նրան հեռացնում էր իրենից. «Գնա՛, զվարճացիր, ասա նրանց, որ պարեն, որ բոլորն էլ զվարճանան, թող թնդա՛ տունը, թող պատերը թնդան, ինչպես այն օրը, ինչպես այն օ՛րը»,— շարունակում էր նա բացականչել: Կրակ ու բոց էր դարձել նա: Եվ Միտյան վազում էր նրա հրամանները կատարելու: Երգախումբը կողքի սենյակում էր հավաքվել: Իսկ այն սենյակը, ուր նստել էին մինչ այդ, բավական նեղ էր, չթե վարագույրով կիսված. վարագույրի ետև հսկա մի մահճակալ կար՝ փետրալից փամփրիկ ներքնակով ու նույնպես բլրի նման դարաված շթե բարձրով: Եվ պանդոկի շորս «մաքուր» սենյակներում էլ մահճակալներ կային: Գրուշենկան տեղավորվեց հենց դռան առաջ, Միտյան նրա համար բազկաթոռ գրեց այնտեղ. ճիշտ նույն ձևով էր նստել նաև «այն օրը», իրենց առաջին խրախճանքի օրը այս սենյակներում, և այդ տեղից նայել էր երգողներին ու պարողներին: Այդ օրվա բոլոր ազդիվները եկել

էին նորից. եկան նաև ջուրակ ու կիթառ նվագող ջհուղները, և վերջապես հասավ նաև գինի ու պարեն բերող եռաձի կառքը, որին անհամբեր սպասում էին: Միտյան դեսուդեն էր վազում: Կողմնակի մարդիկ էլ սենյակ էին մտնում նայելու համար՝ գլուղացիներ ու կնիկներ, որոնք զարթնել էին և շտենված մի հյուրասիրութեան հոտն էին առել, ինչպես մի ամիս առաջ: Միտյան բարևում ու գրկում էր ծանոթներին, հիշում էր դեմքերը, շքերդ բացում ու գինի էր տալիս ամեն մի հանդիպողի: Միայն աղջիկներն էին աչք տնկում շամպայնի վրա, իսկ գլուղացիներին ավելի դուր էին գալիս ոտմն ու կոնյակը և հատկապես տաք պունջը: Միտյան կարգադրեց, որ շոկոլադ եփեն բոլոր աղջիկներին համար, և որ ամբողջ գիշերն անընդհատ երեք ինքնաեռ վառված մնան, որպեսզի միշտ լինեն թեյն ու պունջը, և ով որ ուզում է՝ խմի: Մի խոսքով, խառնաշփոթ ու անհեթեթ մի բան ծայր առավ. բայց Միտյան կարծես իր հարազատ տարերքի մեջ էր, և որքան ավելի անհեթեթ էր դառնում այդ ամբողջը, այնքան ավելի ոգևորվում էր նա: Եթե այդ բոլորին որևէ մի գլուղացի փող խնդրեր Միտյայից՝ նա իսկույն կհաներ թղթադրամների իր ամբողջ կապոցը և կսկսեր անհաշիվ բաժանել աչ ու ձախ: Ահա թե ինչու պանդոկապանը, Տրիֆոն Բորիսիչը, գրեթե կրնկակոխ պտտվում էր Միտյայի շուրջ, երևի պաշտպանելու համար նրան. մարդը կարծես բոլորովին միտք չուներ այլևս քնելու այդ գիշեր, սակայն քիչ էր խմում (ընդամենը մի բաժակ պունջ էր համտեսել) և աշալուրջ հետևում էր իր հասկացած ձևով, որպեսզի շտուժեն Միտյայի շահերը: Պետք եղած բոլորին նա սիրալիք կերպով ու ծառայամտորեն կասեցնում էր նրան և համոզում, չէր թողնում, որ նա ասիգարներ ու հոենոսյան գինի՝ և մանավանդ, աստված չանի, փող նվիրի գլուղացիներին, ինչպես «այն օրը», և շատ էր վրդովվում, որ աղջիկները լիկյոր են խմում ու շաքարեղեն են ուտում. «Ոչլոտ բաներ են օտից գլուխ, Միտրի Ֆյոդորովիչ, — ասում էր նա, — ես ծնկով կտամ նրանց ամեն մեկի մեջքին, և մեկ էլ կասեմ, որ պատիվ համարեն էդ բանը, ա՛յ էսպիսին են սրանք»: Միտյան նորից հիշեց Անդրեյին և կարգադրեց, որ նրան պունջ տանեն: «Ես նեղացրի նրան քիչ առաջ», — կրկնում էր նա նվաղուն ու խանդաղատալից ձայնով: Կալզանովը շէր ուզում խմել, և աղջիկների երգն սկզբում բոլորովին դուր չէր գալիս նրան, բայց ևս երկու բաժակ շամպայն խմելուց հետո նա սոսկալի աշխուժացավ, սկսեց սեն-

յակից սենյակ անցնել, ծիծաղել, գովել բոլորին ու ամեն ինչ, երգն էլ, երաժշտությունն էլ: Մաքսիմովը, հարբած ու երանելի վիճակում, անընդհատ ընկերանում էր նրան: Գրուշենկան նույնպես սկսել էր հարբել և, Կալզանովին ցույց տալով, ասում էր Միտյային. «Ի՛նչ անուշիկ տղա է, ի՛նչ հրաշալի տղա»: Եվ Միտյան, զմայլված, վազում էր համբուրելու Կալզանովին ու Մաքսիմովին: Օ՛, նա ինչե՛ր էր նախագգում: Գրուշենկան դեռ ոչ մի առանձին բան չէր ասել նրան և նույնիսկ հայտնապես դիտմամբ ուշացնում էր իր ասելիքը, միայն մերթ ընդ մերթ նայում էր նրան գորովալից, տաք հայացքով: Վերջապես նա հանկարծ ամուր բռնեց Միտյայի ձեռքից և ուժգնորեն քաշեց իր մոտ: Այդ բոլորին նստել էր դռան առաջ, բազկաթոռին:

— Այդ ի՛նչ ձևով քիչ առաջ ներս մտար, հա՛: Այդ ի՛նչ ձևով մտար... այնպես վախեցա՛: Ուրեմն ուզում էիր գիշե՛լ գիշե՛լ ինձ նրան, հա՛, Իսկապե՛ս ուզում էիր գիշել:

— Քո երջանկությունը չէի ուզում խորտակել, — թոթովեց Միտյան երանութեան մեջ: Բայց Գրուշենկային պետք էլ շէր նրա պատասխանը:

— Դե գնա՛... զվարճացիր, — հեռացրեց նա նորից Միտյային: — Դե լավ, լաց մի՛ լինի, նորից կկանչեմ:

Ու Միտյան վազելով գնում էր, իսկ Գրուշենկան նորից ականջը տալիս էր երգերին ու դիտում պարերը, թեև հայացքով հետևում էր Միտյային՝ որտեղ էլ լիներ նա: Բայց քառորդ ժամ հետո նորից կանչում էր նրան, և Միտյան նորից վազում գալիս էր:

— Դե հիմա նստիր կողքս, պատմիր՝ ինչպե՛ս երեկ իմացար, որ ես այստեղ եմ եկել: Առաջին տեղամ ումի՛ց իմացար:

Եվ Միտյան սկսում էր ամեն ինչ պատմել, անկապ, անկանոն, տենդագին, բայց և տարօրինակ էր պատմում, հաճախակի խոժոռվում էր հանկարծ և քծղհատում էր:

— Ինչո՞ւ ես հոնքերդ կիտում, — հարցնում էր Գրուշենկան:

— Ոչինչ... մի հիվանդ թողեցի այնտեղ: Եթե առողջանա՞ր, եթե իմանայի, որ առողջացե՛լ է, տասը տարի կտայի իմ կյանքից հիմա:

— Դե՛հ, աստված օգնի նրան, եթե հիվանդ է: Ուրեմն իսկապե՛ս ուզում էիր վաղը անձնասպան լինել, այ քեզ հիմա՞ր: Բայց ինչո՞ւ, ի՛նչ է եղել որ: Ա՛յ, այսպես քեզ նման խելաու-

ներին եմ սիրում,— թոթովում էր նա մի քիչ ծանրացած լեզվով:— Ուրեմն դու ինձ համար ամեն ինչ կանես: Հա՛: Եվ մի՞թե իսկապես ուզում էիր վաղը անձնասպան լինել, հիմա՛ր տղա: Չէ՛, սպասիր դեռ, վաղը ես գուցե մի բան ասեմ քեզ... այսօր չեմ ասի, վա՛ղը: Իսկ դու ուզում էիր այսօ՞ր: Չէ, ես այսօր չեմ ուզում... Դե գնա, գնա՛ հիմա, զվարճացիր:

Մի անգամ, սակայն, Գրուշենկան նրան կանչեց ասես տարակուսանքի մեջ ընկած ու մտահոգ:

— Ինչո՞ւ տխուր ես: Տեսնում եմ, տխուր ես... Չէ՛, տեսնում եմ, տեսնում,— ավելացրեց նա, ուշադիր նայելով նրա աչքերի մեջ:— Թեև այնտեղ համբուրվում ես գյուղացիների հետ, գոռում-գոչում ես, բայց ես մի բան տեսնում եմ: Չէ, ուրախացի՛ր դու: Ես ուրախ եմ, դո՛ւ էլ ուրախացիր... Այստեղ մեկը կա, որին սիրում եմ: Գուշակիր՝ ո՞վ է... Ա՛խ, նայիր՝ քնել է մանչուկը, հարբել է, ջանի՛կս:

Նա խոսում էր Կալզանովի մասին: Պատանին իսկապես հարբել էր ու մի բոպե քնել՝ բազմոցի վրա նստած: Եվ ոչ միայն գինովութունից էր քնել, այլև հանկարծ, շփտես ինչու, տխրել էր, և կամ, ինչպես ինքն էր ասում, «ձանձրույթ» էր զգացել: Վերջ ի վերջո խիստ ընկճվել էր նաև աղջիկների երգերից, որոնք հետզհետե, որքան ավելի էր սաստկանում գինարբուքը, սկսում էին արդեն շափազանց անվայելուչ ու սանձարձակ մի բան դառնալ: Եվ նրանց պարերը նույնպես. երկու աղջիկ արջի նման շորեր հագան, իսկ Ստեպանիդան, որ ժիր աղջիկ էր, ձեռքը մի գավազան վերցրեց ու սկսեց արջ խաղացնողի դեր կատարել, «ցուցադրելով» նրանց: «Դե, շարժվի՛ր, Մայա,— գոռում էր նա,— թե չէ փայտը կուտես»: Արջերը վերջապես գետին գլորվեցին, բայց արդեն մի տեսակ շատ անվայելուչ ձևով, և իրար գլխի հավաքված գյուղացի կնիկների ու տղամարդկանց խայտաբղետ բազմութունը քահ-քահ ծիծաղեց. «Դե լավ, թող ա՛յդ էլ անեն, այդ էլ անեն,— խրատելու պես ասում էր Գրուշենկան՝ դեմքին երանավետ արտահայտությամբ,— մի օր են գտել՝ զվարճանում են մարդիկ, ինչո՞ւ չուրախանան»: Իսկ Կալզանովն այնպես էր նայում, որ կարծես մի կեղտոտ բան էր կպել իրեն: «Սոցուկություն է ոտից գլուխ՝ այս ամբողջ ժողովրդական ասվածք,— նկատեց նա մի կողմ քաշվելով,— սրանք գարնանային խաղեր են, մի ամբողջ գիշեր պարում են ամառը, որ արևը մնա երկնքում»: Բայց հատկապես նրան դուր չեկավ մի «նոր» երգ, որ երգվում էր

պարային աշխույժ եղանակով և ուր նկարագրվում էր, թե ինչպես ազնվական մեծատունը գալիս ու փորձում է աղջիկներին.

Աղան փորձեց աղջկանց՝
Սիրո՞ւմ են իրեն, թե չէ:

Բայց աղջիկներին թվում է, որ չի կարելի սիրել մեծատուներին.

Շատ վատ կծեծի աղան,
էլ ես ոնց սիրեմ նրան:

Հետո գալիս է գնչուն և նույնպես փորձում.

Գնչուն փորձեց աղջկանց՝
Սիրո՞ւմ են իրեն, թե չէ:

Բայց գնչուին էլ չի կարելի սիրել.

Գնչուն գողութուն կանի,
Իսկ իմ ցավը ո՞վ տանի:

Եվ շատ մարդիկ գալիս ու անցնում են այսպես, փորձելով աղջիկներին, նույնիսկ գինվորը.

Զինվորն փորձեց աղջկանց՝
Սիրո՞ւմ են իրեն, թե չէ:

Բայց զինվորին արհամարհանքով են մերժում.

Զինվորն էգուց կգնա,
Իսկ իմ...

Շատ անվայել մի տող էր դա, որ երգվեց ուղապի բացի-բաց և աղմկալի հրճվանք առաջ բերեց ունկնդիրների մեջ: Վերջապես գործը հասնում է վաճառականին.

Վաճառականը փորձեց՝
Սիրո՞ւմ են իրեն, թե չէ:

Եվ պարզվում է, որ շատ են սիրում, այսինքն թե՛

Նա իր ապրանքը ծախի՛,
Ես էլ լինեմ թագուհի:

Կալզանովը զայրացավ նույնիսկ.

— Հենց երեկվա երգն է առ,— նկատեց նա բարձրա-

ձայն:— Եվ ո՞վ է սրանց համար հնարում այս բաները: Մնում է, որ երկաթուղայինը կամ ջհուղն էլ գան ու փորձեն աղջկանց նրանք բուրբին էլ կհաղթեն:— Եվ համարյա թե վերավորված, նա տեղնուտեղը հայտարարեց, որ ձանձրույթ է զգում, նստեց բազմոցին և հանկարծ սկսեց մրափել: Նրա սիրունիկ դեմքը մի քիչ գունատվեց ու ետ ընկավ բազմոցի բարձին:

— Նայիր, ինչ սիրունիկն է,— ասաց Գրուշենկան, տանելով Միտյային նրա մոտ,— քիչ առաջ մազերն էի սանրում. ասես վուշ լինեն մազերը և այնքան խիտ են...

Ու գորովալից հակվելով պատանու վրա, Գրուշենկան համբուրեց նրա ճակատը: Կալզանովն իսկույն բացեց աչքերը, նայեց նրան, վեր կացավ և ամենամտահոգ արտահայտությամբ հարցրեց, թե որտե՞ղ է Մաքսիմովը:

— Ա՛յ թե ով է պետք նրան,— ծիծաղեց Գրուշենկան.— Դե մի ընդհանրապես նստիր ինձ հետ: Միտյա, վազիր գտիր սրա Մաքսիմովին:

Պարզվեց, որ Մաքսիմովը չէր էլ կարողանում հեռանալ աղջիկներից, միայն մեկ-մեկ վազում ու մի քիչ լիկյոր էր ճնկում, իսկ երկու բաժակ էլ շոկոլադ էր խմել արդեն: Նրա փոքր-մոքր դեմքը կարմրել էր, իսկ քիթը կաս-կարմիր էր դարձել, աչքերը խոնավացել էին, մեղր էին ծորում: Նա մոտ վազեց ու հայտարարեց, որ հիմա ինքը «սարսույթ» պարն է ուզում պարել «մի սիրունիկ եղանակով»:

— Գիտե՞ք, երբ ես փոքր էի, բոլոր այդ ազնվակիրք, բարձրաշխարհիկ պարերը սովորեցրին ինձ...

— Դե լավ, գնա, գնա նրա հետ, Միտյա, ես այստեղից կնայեմ, թե ինչպես է պարելու:

— Չէ՛, ես էլ գնում եմ նայելու, ե՛ս էլ,— բացականչեց Կալզանովը, ամենամիամիտ ձևով մերժելով առաջարկը Գրուշենկայի, որ ուզում էր մի ընդհանրապես նրա հետ: Եվ բուրբ գնացին նայելու Մաքսիմովն իսկապես պարեց իր պարը, բայց ոչ մեկին էլ չհիացրեց առանձնապես, բացի Միտյայից: Ամբողջ պարը բաղկացած էր ինչ-որ ցատկոտություններից, միաժամանակ ոտքերն այս ու այն կողմ դարձնելով՝ ներբանները դեպի վեր, և Մաքսիմովն ամեն մի ցատկի հետ ափը ներբանին էր խփում: Կալզանովը բուրբով չհավանեց, բայց Միտյան նույնիսկ պաշարչեց պարողին:

— Է՛հ, շնորհակալություն, հոգնեցի՞ր գուցե, ի՞նչ ես նայում

այս կողմը. կոնֆետ ես ուզում, հա՛: Գուցե սիգար էս ուզում:

— Մի գլանակ:

— Խմել շե՛ս ուզում:

— Այստեղ լիկյոր կա, ես արդեն, արդեն... Իսկ շոկոլադի կոնֆետներ չունե՞ք:

— Ահա՛, սեղանի վրա մի ամբողջ կուլտ կա, ընտրիր ո՞րը ուզում ես, սիրելիս, հոգյակս:

— Չէ՛, ես մի այնպիսի... վանիլով շոկոլադ... ծերուկների համար... Հի-հի՛:

— Չէ, ախպերս, այդպիսի հատուկ բաներ չկան:

— Լսեցե՛ք,— թեքվեց հանկարծ ծերուկը և փսփսաց ուղղակի Միտյայի աղանջին,— ա՛յ այս աղջնակը, Մարյուշկան, հի-հի՛, մի կերպ ծանոթանայի հետը, եթե կարելի է, ձեր բարի օգնությամբ...

— Մի տե՛ս սրան, ինչե՛ր է ուզում: Չէ, ախպերս, փշում ես:

— Ես ո՛չ ոքի վատ բան չեմ անում,— փսփսաց Մաքսիմովը հուսալքված:

— Դե լավ, լավ: Այստեղ միայն երգում ու պարում են, ախպերս: Բայց թե... գրո՛ղը տանի: Սպասիր... Առայժմ կեր, խմիր, ուրախացիր: Փողի պետք ունե՞ս:

— Գուցե հետո,— ժպտաց Մաքսիմովը:

— Լավ, լավ...

Միտյայի գլուխը վառվում էր: Ելավ վերի փայտե պատըզ-գամբը, որ շենքի մի մասն ընդգրկում էր բակի կողմից: Թարմ օդն ուղքի բերեց նրան: Կանգնած էր առանձին, խավարի մեջ, անկյունում, և հանկարծ երկու ձեռքով բռնեց գլուխը: Ցաքուցրիվ մտքերը հանկարծ ի մի եկան, զգացողությունները միաձուլվեցին, և այդ բոլորից մի լույս ցայտեց: Մարսափելի, ահավո՛ր մի լույս: «Ահա՛, եթե անձնասպան եմ լինելու, էլ ե՛րբ, եթե ոչ հիմա,— անցավ նրա մտքով,— Գնամ, ատրճանակը բերեմ այստեղ, և հենց այս կեղտոտ ու խավար անկյունում վերջացնեմ հաշիվը»: Գրեթե մի ընդհանրապես անորոշության մեջ: Մի քանի ժամ առաջ, երբ սուրալով գալիս էր այստեղ, իր ետևում ամոթն ու անպատվությունն էր մնում՝ այն գողությունը, որ կատարել էր արդեն, և այդ արյունը, արյո՛ւնը... Բայց այն ժամանակ ավելի հեշտ էր, օ՛, ավելի հեշտ: Ամեն ինչ վերջացել էր արդեն այն ժամանակ. կորցրել էր Գրուշենկային, զիջել էր, Գրուշենկան

վերջացել էր իր համար, չքացել, և օ՛, դատավճիռն ավելի հեշտ էր իր համար այդ պահին, գոնե թվում էր անխուսափելի, անհրաժեշտ, որովհետև ինչո՞ւ այլևս մնար աշխարհում: Իսկ հիմա՛: Մի՞թե նույն բանն է հիմա: Հիմա գոնե մի ուրվական, մի ճիվաղ վերացել է մեջտեղից. չքացել է այդ նրա «առաջինն» ու անվիճելին, այդ ճակատագրական մարդը հետք անգամ չի թողել: Սարսափելի ուրվականը հանկարծ վերածվեց այնքա՛ն փոքր, այնքա՛ն դավեշտական մի բանի. ձեռքի վրա տարվեց ննջասենյակ ու դուռն էլ բանալիով կողպվեց վրայից: Այլևս երբեք չի վերադառնա այդ ուրվականը: Ամաշում է Գրուշենկան, և նրա աչքերից պարզ երևում է արդեն, թե ո՞ւմ է սիրում: Ահա հենց հիմա պետք է ապրել և... և չի՛ կարելի ապրել, չի՛ կարելի, օ՛ անհոփ: «Աստված իմ, կենդանացրո՛ւ ցանկապատի մոտ ընկածին: Անցո՛ր այս սարսափելի բաժակն ինձնից: Չէ՞ որ ինձ նման մեղավորների համար կատարե՛լ ես հրաշքներ, ո՞վ աստված: Իսկ եթե կենդանի՞ է, կենդանի՞ է ծերունին: Օ՛, այդ դեպքում ես կմաքրե՛մ մյուս անպատվության նախատիները, կվերադարձնեմ գողացված դրամը, կտամ, գետնի տակից կհանեմ ու կտամ... Խայտառակության հետքն իսկ չի մնա, միայն իմ սրտո՞ւմ կմնա առհավետ: Բայց ոչ, ոչ, օ՛, անկարելի երազներ, փոքրոգի երազներ: Օ՛ անհոփ»:

Բայց այնուամենայնիվ կարծես հույսի մի ճառագայթ շողաց նրան խավարի մեջ: Նա պոկվեց այդ անկյունից ու վազեց սենյակ՝ նրա՛ մոտ, նրա՛ մոտ նորից, իր թագուհու՛ւ մոտ հավերժական: «Բայց մի՞թե նրա սիրո մե՛կ ժամը, մեկ վայրկյա՛նը մնացյալ ամբողջ կյանքը շարժե, նույնիսկ եթե անպատվության տանջանքներով լեցուն լինի այդ կյանքը»: Այս արտաոտց հարցը տիրեց Միտյայի սրտում: «Նրա՛ մոտ, նրա մո՛տ միայն, նրա՛ն տեսնել, նրա՛ն լսել ու շատածել ո՛չ մի բանի մասին, ամեն ինչ մոռանալ, գոնե միայն ա՛յս գիշեր, գեթ մի ժամ, գեթ մի ակնթա՛րթ»: Հենց միջանցքի դռան առաջ, դեռ պատշգամբի վրա, նա հանդիպեց պանդոկապան Տրիֆոն Բորիսիչին: Պանդոկապանը մի տեսակ մոռյլ ու մտահոգ թվաց, և կարծես թե նա եկել էր փնտրելու հենց իրեն՝ Միտյային:

— Ի՞նչ է, Բորիսիչ, հո ինձ չէ՛ր փնտրում:
— Չէ, տեր իմ, ձեզ չէ,— կարծես հանկարծ շքեց պանդոկապանը,— ինչո՞ւ պետք է փնտրեի՞ ձեզ: Իսկ դուք... որ տե՛ղ էիք:

— Ի՞նչ ես այդպես քիթդ կախել: Հո չե՞ս բարկանում: Սպասիր, շուտով կգնաս ու կպառկես... Ժամը քանի՞սն է:

— Դե արդեն երեքը կլինի: Գուցե նույնիսկ անցել է երեքը:

— Կվերջացնենք, կվերջացնենք շուտով:

— Խնդրեմ, վնաս չկա: Նույնիսկ որքան որ ուզում եք...

«Ի՞նչ է պատահել սրան»,— հարևանցիորեն մտածեց Միտյան ու վազեց այն սենյակը, ուր աղջիկներն էին պարում: Բայց Գրուշենկան այնտեղ չէր: Կապույտ սենյակում էլ չէր. միայն Կալզանովն էր՝ բազմոցի վրա քնած: Միտյան նայեց վարագույրի ետև՝ այնտեղ էր Գրուշենկան: Նստել էր անկյունը, սնդուկի վրա, թևերն ու գլուխը դրել էր կողքի մահճակալին և այդպես հակված՝ դառնորեն լաց էր լինում, ճիգ անելով, որ զսպի իրեն ու խեղդի իր ձայնը, որպեսզի չլսեն: Տեսնելով Միտյային, կանչեց իր մոտ. և երբ նա վազելով մոտեցավ, Գրուշենկան ամուրբ բռնեց նրա ձեռքը:

— Միտյա, Միտյա, չէ՞ որ ես սիրո՞ւմ էի նրան,— սկսեց նա շշնջալով:— Այնպե՛ս սիրում էի նրան, հինգ տարի շարունակ, անընդհատ, անընդհատ: Նրա՞ն էի սիրում, թե՞ իմ զայրույթը միայն: Ոչ, նրա՛ն: Ախ, նրա՛ն: Սուտ եմ ասում, սո՛ւտ, որ միայն իմ զայրույթն էի սիրում և ոչ թե նրան: Միտյա, չէ՞ որ ես տասնյոթ տարեկան էի այն ժամանակ, նա այնքա՛ն սիրալիր էր ինձ հետ, այնքա՛ն ուրախ, երգեր էր երգում ինձ համար... Կամ էլ թվացել է այդպես՝ ինձ նման հիմար աղջնակին... Իսկ հիմա, աստված իմ, սա այն մարդը չէ, բոլորովին նա չէ: Եվ դեմքով էլ տարբեր է, բոլորովին տարբեր: Դեմքից էլ չճանաչեցի նրան: Գալիս էի այստեղ Տիմոֆեյի հետ և անընդհատ մտածում էի, ամբողջ ճանապարհին մտածում՝ «Ինչպե՞ս եմ հանդիպելու նրան, ի՞նչ եմ ասելու, ինչպե՞ս պիտի նայենք միմյանց...»: Հոգիս թուլանում էր, և ահա նա կարծես մի դույլ կեղտոտ ջուր թափեց գլխիս: Դասատուի պես էր խոսում՝ գիտուն գիտուն բաներ, ծանր-ծանր, այնպես փքված դիմավորեց, որ չվարած մնացի: Առիթ չէր լինում, որ մի խոսք ասեմ: Սկզբում կարծեցի, թե նա իր այդ երկարահասակ լեհից է ամաշում: Նստել նայում էի նրանց և մտածում էի՝ ինչո՞ւ հիմա չեմ կարողանում մի որևէ բան ասել նրան: Գիտե՞ս, կիներն է փչացրել նրան, այ հենց այն կինը, որի համար ինձ լքեց ու ամուսնացավ... Այդ կինն է այսպես փոխել նրան: Միտյա, ի՞նչ ամոթ է, ինչ ամոթ: Թ՛հ, ամաշում եմ, Միտյա, ամաշում եմ, օ՛հ, ամաշում եմ իմ

ամբողջ կյանքի համար: Անիծվեն, անիծվեն այդ հինգ տարիները, անիծյալ լինեն:

Եվ նա նորից սկսեց աղի արցունք թափել, բայց չթողեց Միտյայի ձեռքը, ամուր կառչեց նրանից:

— Միտյա, հոգիս, սպասիր, մի՛ գնա, ուզում եմ մի խոսք ասել քեզ, — շնչաց նա և հանկարծ դեմքը վեր առավ, նայեց նրան: — Լսիր, ասա՛ ինձ՝ ո՞ւմ եմ սիրում: Ես մի մարդ եմ սիրում այստեղ: Ո՞վ է այդ մարդը. ահա ա՛յս բանն ասա ինձ: — Արցունքից ուռած նրա դեմքը լուսավորվեց ժպիտով, աչքերը փայլեցին կիսամթան մեջ: — Հանկարծ մի բազե ներս մտավ, և սիրտս մարմրեց: «Հիմար աղջիկ, ա՛յ թե ում ես սիրում», — հենց այսպես էլ շնչաց սիրտս անմիջապես: Դու ներս մտար և ամեն ինչ լուսավորվեց: «Բայց ինչի՞ց է վախենում», — մտածեցի: Վախենում էիր դու, չէ՞, վախենում էիր ուղղակի, խոսել չէիր կարողանում: Ո՛չ թե նրանցից է վախենում, մտածեցի. կարո՞ղ ես դու որևէ մեկից վախենալ: Ինձնից է վախենում, մտածեցի, միայն ինձնից: Ուրեմն Ֆենյան պատմեց քեզ, չէ՞, ա՛յ դու հիմարիկ, պատմեց, թե ինչպես Ալյոշային գոռացի ես լուսամուտից, գոռացի, որ մի ժամ սիրել եմ Միտենկային, իսկ հիմա գնում եմ սիրելու... ուրիշին: Միտյա, Միտյա, ինչպե՞ս կարող էի ես մտածել, հիմա՛ր աղջիկ, ինչպե՞ս կարող էի մտածել, թե քեզնից հետո ուրիշին եմ սիրում: Ներո՞ւմ ես, Միտյա: Ներո՞ւմ ես ինձ, թե չէ: Սիրո՞ւմ ես ինձ: Սիրո՞ւմ ես:

Նա վեր թռավ ու երկու ձեռքով բռնեց Միտյայի ուսերից: Միտյան, ցնծութունից համբացած, նայում էր նրա աչքերին, նրա դեմքին, նրա ժպիտին, և հանկարծ պինդ գրկեց նրան ու սկսեց համբուրել հրայրբով:

— Եվ կներե՞ս, որ տանջեցի քեզ: Զայրույթից էր, որ տանջում էի ձեզ բոլորիդ: Զայրույթից էր, որ այդ ծերուկին խենթացրի դիտմամբ... Հիշո՞ւմ ես, ինչպես մի անգամ իմ տանը խմում էիր, և բաժակը կոտրեցիր: Դա միտքս մնաց, և ես էլ այսօր մի բաժակ կոտրեցի, «իմ ստոր սրտի» կենացը խմեցի: Միտյա, արծի՛վս, ինչո՞ւ չես համբուրում ինձ: Մի անգամ համբուրեց ու ետ քաշվեց, նայում է, լսում է... Ի՞նչ կարիք կա ինձ լսելու: Համբուրի՛ր ինձ, ավելի ուժե՛ղ համբուրի՛ր, ա՛խ, այսպե՛ս: Սիրում ենք, ուրեմն սիրե՛նք ինչպես պետքն է: Քո ստրուկն եմ լինելու հիմա, քո ստրուկը՝ իմ ամբողջ կյանքում: Քա՛ղցր է ստրուկ լինել... Համբուրի՛ր: Մեծի՛ր ինձ, տանջի՛ր ինձ, ի՛նչ

ուզում ես արա ինձ... Օ՛խ, իսկապես ինձ պետք է տանջել... Կա՛ց, Սպասիր, հետո՛, հիմա չեմ ուզում այդպես... — ետ մղեց հանկարծ Միտյային: — Դե գնա՛, Միտյա, հիմա ինքս էլ պիտի գամ ու խմեմ, ուզում եմ հարբե՛լ, պիտի հարբած պարե՛մ հիմա, ուզո՞ւմ եմ, ուզո՞ւմ:

Գրուշենկան նրանից պոկվեց ու դուրս եկավ վարագույրի ետևից: Միտյան հարբածի պես հետևեց նրան: «Թո՛ղ լինի, թո՛ղ լինի, ինչ էլ պատահի հիմա՝ մեկ րոպեի համար ամբողջ աշխարհը կտամ», — փայլատակեց նրա մտքում: Գրուշենկան իսկապես մի բաժակ էլ շամպայն խմեց մի շնչով և հանկարծ շատ գինովցավ: Նստեց բազկաթոռի մեջ, նախկին տեղը, երանավետ ժպիտով: Այտերն սկսեցին բոցկլտալ, շրթունքները վառվեցին, աչքերը պղտոր մի փայլ ստացան, հայացքը դարձավ կրքոտ ու կանչող: Նույնիսկ Կալզանովը խայթ զգաց սրտում և մոտեցավ նրան:

— Դու զգացի՞ր, թե ինչպես քիչ առաջ համբուրեցի քեզ, երբ քնած էիր, — թոթովեց Գրուշենկան: — Հարբած եմ հիմա, հասկանո՞ւմ ես... Իսկ դու չե՞ս հարբել: Իսկ Միտյան ինչո՞ւ չի խմում: Ինչո՞ւ չես խմում, Միտյա: Ես հարբել եմ, իսկ դու չես խմում..

— Հարբել եմ: Այնպես էլ հարբել եմ... քեզնո՞վ եմ հարբել, իսկ հիմա ուզում եմ գինիով էլ հարբել:

Նա մի բաժակ էլ խմեց և այդ վերջին բաժակից գինովցավ, հանկարծ գինովցավ. իրեն էլ տարօրինակ թվաց այդ բանը, որովհետև միշտ էլ սթափ էր մինչ այդ, հիշում էր: Այդ րոպեից ամեն ինչ սկսեց պտտվել նրա շուրջ, ասես զառանցանքի մեջ էր ընկել: Քայլում էր, ծիծաղում, խոսում էր բոլորի հետ, և այդ ամբողջն անում էր կարծես ինքն իրեն մոռացած: Միայն մի անդրդվելի ու այրող զգացում ամեն րոպե ծակում էր նրա սիրտը, «կարծես մի շիկացած ածուխ լինեիր սրտիս մեջ», ինչպես հիշեց նա հետագայում: Մոտենում էր Գրուշենկային, նստում նրա կողքին, նայում էր նրան, լսում էր նրան... Իսկ Գրուշենկան սոսկալի շատախոս էր դարձել. բոլորին կանչում էր իր մոտ, հանկարծ երգչախմբից մի որևէ աղջկա ձեռքով էր անում, աղջիկը մոտենում էր, իսկ ինքը կա՛մ համբուրում էր նրան ու բաց թողնում, կամ էլ երբեմն խաշակնքում էր ձեռքով: Եվ մի րոպե, և նա կարող էր լաց լինել: Նրան շատ էր զվարճացնում նաև «բիճուկը», ինչպես կոչում էր նա Մաքսիմովին: Մերուկն ամեն րոպե վազում էր Գրուշենկայի մոտ՝ համբուրե-

լու նրա ձեռքերը «և ամեն մի մատիկը», և վերջապես նա մի պար էլ պարեց մի հին երգի տակ, որ ինքն անձամբ երգեց: Հատուկ եռանդով էր պարում մանավանդ հանկերգի ժամանակ.

Խոզուկը՝ խրո-խրո, խրո-խրո,
Հորթուկը՝ մու-մու, մու-մու,
Բադիկը՝ վակ-վակ, վակ-վակ,
Սագիկը՝ դա-դա, դա-դա:
Հավն էլ բակից բակ է նորից գնում-գալիս,
Կրտ-կրտ-կրտ-կրտ, կրտ-կրտ ասում, ման է գալիս,
Վայ-վայ, հավը ման է գալիս:

— Մի բան տուր նրան, Միտյա,— ասաց Գրուշենկան,— նվիրիր, աղքատ է նա, չէ՞: Ա՛խ, աղքատներ, անարգվածներ... Գիտե՞ս, Միտյա, ես վանք եմ մտնելու: Ձէ, իսկապես, կգա մի օր՝ միանձնուհի կդառնամ: Այսօր ինձ Ալյոշան մի խոսք ասաց՝ ամբողջ կյանքումս չեմ մոռանա... Այո... Բայց դե այսօր պարե՛նք: Վաղը՝ վանք, իսկ այսօր պարենք: Ուզում եմ շարաճճիություն անել, բարի՛ մարդիկ. է՛հ, ինչ կա որ, աստված կների: Եթե ես աստված լինեի, բոլոր մարդկանց կներեի. «Իմ սիրելի մեղավորներ, այս օրվանից ներում եմ բոլորիդ»: Եվ ես էլ պիտի ներումն խնդրեմ. «Ներեցե՛ք մի հիմար կնոջ, բարի՛ մարդիկ, հասկանո՞ւմ եք»: Գազան եմ ես, հասկանո՞ւմ եք: Բայց ուզում եմ աղոթել: Մի կանաչ սոխ եմ տվել ես: Ինձ նման շարագործ կինն աղոթե՛լ է ուզում: Միտյա, թող պարեն, մի՛ խանդարիր: Բոլորն էլ լավ մարդիկ են աշխարհում, բոլո՞րը, մինչև վերջին մարդը: Աշխարհը լավ բան է: Թեև զզվելի ենք մենք, բայց լավ բան է աշխարհը: Ձզվելի ենք ու լավ, թե՛ զզվելի, թե՛ լավ... Ձէ՛, ասացեք ինձ, հարց եմ տալիս ձեզ, մոտեցե՛ք բոլորդ և լսեցե՛ք իմ հարցը. ասացե՛ք ինձ բոլորդ էլ՝ ինչո՞ւ այսպես լավն եմ ես: Ես լավ մարդ եմ, շատ լավ մարդ: Դե ասացե՛ք ուրեմն՝ ինչո՞ւ այսպես լավն եմ ես:— Ահա այսպես բլբլում էր Գրուշենկան, ավելի ու ավելի գինովնալով, և վերջապես ուղղակի հայտարարեց, որ հիմա ինքն է ուզում պարել: Վեր կացավ բազկաթոռից ու երեբաց:— Միտյա, էլ ինձ գինի շտաս, խընդրեմ էլ՝ շտաս: Գինին հանգստություն չի բերում: Եվ ամեն ինչ պտտվում է, վառարանն էլ, ամեն ինչն էլ պտտվում է: Պարել եմ ուզում: Թող բոլորը նայեն, թե ինչպես եմ պարում ես... Ի՛նչ լավ, ի՛նչ գեղեցիկ եմ պարում...

Նա լրջորեն ուզում էր պարել. գրպանից հանեց բատիստե սպիտակ թաշկինակը և այժմեղ բռնեց մի ծայրից, որպեսզի ճոճի պարելու ժամանակ: Միտյան սկսեց դեսուդեն վազել, աղջիկները լռեցին, պատրաստվեցին առաջին իսկ նշանով պարային մի երգ թնդացնել խմբովին: Մաքսիմովը երբ խմացավ, թե Գրուշենկան ինքը ուզում է պարել, հրճվանքի մի ձիչ արձակեց ու սկսեց ցատկոտել նրա շուրջ, երգելով՝

Բարակ ոտքեր, զնգուն կողեր,
Պոչն էլ ցցված՝ կեռի պես:

Բայց Գրուշենկան թաշկինակը թափահարեց նրա գլխին ու դեն քշեց.

— Ե՛լ չէ՛, Միտյա, ինչո՞ւ չեն գալիս: Թող բոլորն էլ գան... նայելու: Նրա՛նց էլ կանչիր, այն սենյակում փակվածներին... Ինչո՞ւ նրանց փակեցիր այնտեղ: Ասա՛, որ պարում եմ ես, թող նրանք էլ նայեն, թե ինչպես եմ պարում:

Միտյան հարբածի թափով մոտեցավ փակ դռանը և սկսեց բռունցքներով թակել ու կանչել լեհ պաներին:

— Է՛յ դուք... Պողովիսոցիկներ՝ Դուրս եկե՛ք, նա ուզում է պարել, ձեզ է կանչում:

— Լայդակ,— գոռաց պաներից մեկը պատասխանի փոխարեն:

— Իսկ դու լայդակի լակո՞տն ես: Մանր սրիկայի մեկը: Հասկացա՞ր ինչ ես, հը՞:

— Դե լավ, բավական է լեհաստանի վրա ծիծաղե՛ք,— խրատական շեշտով նկատեց Կալգանովը, որ նույնպես իր շափից ավելին էր խմել:

— Լոիր, մանչուկ: Եթե ես նրան սրիկա ասացի, դա չի նշանակում, որ ամբողջ լեհաստանին եմ սրիկա ասել: Մի լայդակը լեհաստան չէ: Լոիր, անուշիկ մանչուկ, կոնֆետ կեր:

— Ա՛խ ինչ տիպեր են: Կարծես մարդ չլինեն: Ինչո՞ւ չեն ուզում հաշտվել,— ասաց Գրուշենկան ու ելավ պարելու: Երգ-չախումբը թափով սկսեց. «Ա՛խ դու գավիթ, իմ լայն գավիթ»: Գրուշենկան գլուխը ետ նետեց, կիսովին բացեց շրթունքները, ժպտաց, թաշկինակը ճոճեց և հանկարծ, սաստիկ երեբալով, կանգնեց մնաց սենյակի մեջտեղում՝ վարանած:

— Թույլ եմ...— ասաց նա մի տեսակ ուժասպառ ձայնով,— ներեցե՛ք, թույլ եմ, չեմ կարող... Մի՛ մեղադրե՛ք...

Նա գլուխ տվեց երգչախմբին, հետո սկսեց նաև հերթով գլուխ տալ շորս կողմը:

— Մի՛ մեղադրեք... Ներեցեք...

— Խմել ես մի քիչ, տիրուհի, խմել ես, սիրունիկ տիրուհի,— շորս կողմից ձայներ լավեցին:

— Շատ է խմել,— բացատրեց Մաքսիմովն աղջիկներին, մանր-մանր քրքջալով:

— Միտյա, տա՛ր ինձ... ա՛ռ ինձ, Միտյա,— ասաց Գրուշենկան թուլացած: Միտյան խոյացավ նրա մոտ, վերցրեց նրան թևերի վրա և իր թանկագին ավարը գրկած՝ վազեց վարագույրի ետև: «Ե՛հ, էլ թողնեմ ու գնամ հիմա»,— մտածեց Կալզանովը. և կապույտ սենյակից դուրս գալով, դռան երկու փեղկերն էլ փակեց իր ետևից: Բայց մեծ սենյակում թնդում ու շարունակվում էր խրախճանքը, թնդում էր ավելի շունդալից թափով: Միտյան անկողնի վրա դրեց Գրուշենկային և հրայրքով համբուրեց նրա շրթունքները:

— Ձեռք մի՛ տա ինձ...— աղերսագին ձայնով թոթովեց Գրուշենկան,— ձեռք մի՛ տա, մինչև քոնը լինեմ... Ասացի, որ քոնն եմ, բայց դու ձեռք մի՛ տա... խնայիր... Նրանց մոտ, նրանց ներկայությամբ չի կարելի: Նա այստեղ է: Զգվելի է այստեղ...

— Հնազա՛նդ եմ քեզ: Մտքովս էլ չի անցնի... պաշտո՛ւմ եմ,— մրմնջում էր Միտյան:— Այո, զգվելի է այստեղ, օ՛, անարգ:— Եվ իր թևերի մեջ գրկած պահելով Գրուշենկային, նա ծնկի իջավ մահճակալի առաջ, հատակի վրա:

— Գիտեմ, թեև գազան ես դու, բայց ազնիվ ես,— ասաց Գրուշենկան, բառերը դժվար արտասանելով:— Այդ բանը պետք է ազնվորեն... սրանից հետո ամեն ինչ ազնվորեն... և մենք էլ ազնիվ լինենք, մենք էլ բարի լինենք, ոչ թե գազան, այլ բարի... Տար ինձ այստեղից, տար հեռու մի տեղ, լսո՛ւմ ես... Ես այստեղ չեմ ուզում, հեռու մի տեղ թող լինի, հեռու, հեռո՛ւ...

— Օ՛հ, այո, այո՛, անպայմա՛ն,— ասաց Միտյան, սեղմելով նրան իր գրկում,— կտանեմ քեզ, թռչելով կգնանք... Օ՛հ, ամբողջ կյանքս հիմա կտամ մի տարվա դիմաց, միայն թե իմանամ ինչ եղավ այդ արյո՛ւնը:

— Ի՞նչ արյուն,— հարցրեց Գրուշենկան զարմացած:

— Ոչի՛նչ,— ասաց Միտյան ատամները սեղմած:— Գրուշա, դու ուզում ես, որ ազնիվ լինենք, բայց ես գող եմ: Ես Կատ-

յայի փողերը գողացա... Խայտառակություն է, խայտառակություն:

— Կատյայի՞: Այդ օրիորդի՞: Ոչ, չես գողացել: Ետ տուր նրան, ինձնի՛ց վերցրու... Ի՞նչ ես իրար անցնում: Հիմա իմ ամեն ինչը քոնն է: Փո՛ղն ինչ է մեզ համար: Առանց այն էլ ծախսելու ենք շռայլորեն... Մենք այն մա՛րդն ենք, որ շռայլ ենք: Բայց ավելի լավ է, որ մենք գնանք ու հողը հերկենք: Ես ուզում եմ ահա այս ձեռքերով քերել հողը: Պետք է աշխատել, լսո՛ւմ ես: Ալյոշան այդպես պատվիրեց: Ես սիրուհի չեմ լինելու քեզ համար, ես քեզ հավատարիմ եմ լինելու, քո ստրուկըն եմ լինելու, աշխատելու եմ քեզ համար: Մենք կգնանք օրիորդի մոտ ու երկուսս էլ կխոնարհվենք, որպեսզի ների մեզ, և կհեռանանք այստեղից: Իսկ եթե չների, այնպես էլ կհեռանանք: Բայց դու փողը տար նրան, և ինձ սիրիր... Իսկ նրան մի՛ սիրիր: Էլ մի՛ սիրիր նրան: Եթե սիրես, կխեղդեմ նրան... Երկու աչքերն էլ ասեղով կհանեմ...

— Քեզ եմ սիրում, միայն քեզ, Սիրիրում քեզ պիտի սիրեմ...

— Ինչո՛ւ Սիրիր: Բայց ինչ կա որ, թո՛ղ Սիրիրում լինի, եթե ուզում ես: Միևնույն է... պիտի աշխատենք... Սիրիրում ձյուն է... Ես սիրում եմ ճամփորդել ձյան վրա... և սիրում եմ, որ զանգակ լինի... Լսո՛ւմ ես, զանգակի ձայն... Որտե՞ղ է զնգզնգում այդ զանգակը: Մարդիկ են գալիս... ահա լռեց զանգակը:

Նա աչքերը փակեց թուլացած և հանկարծ քնեց մի րոպե: Զանգակն իսկպես զնգզնգում էր հեռավոր մի տեղ և հանկարծ դադարեց զնգզնգալ: Միտյան գլուխը խոնարհեց նրա կրծքին: Չնկատեց, թե զանգակը դադարել էր զնգզնգալ, բայց և չնկատեց, թե ինչպես հանկարծ դադարեցին նաև երգերը, և երգերի ու զինարբուքային զոռում-զոռումի փոխարեն մեռելային մի լուռություն տիրեց ամբողջ տան մեջ, մի տեսակ շատ անակնկալորեն: Գրուշենկան աչքերը բացեց:

— Ի՞նչ է, քնե՛լ էի: Այո... զանգակը... Քնել էի ու երազ տեսա. իբր թե սահնակով գնում եմ ձյան վրա... զնգզնգում է զանգակը, իսկ ես նիրհում եմ: Իբր թե գնում եմ իմ սիրած մարգու հետ, քեզ հետ: Եվ գնում եմ հեռո՛ւ-հեռու: Գրկում էի, համբուրում քեզ, սեղմվում քո մարմնին, մրսում էի իբր թե, իսկ ձյունը փայլում էր... Գիտե՛ս, երբ գիշերը փայլում է ձյունը, իսկ լուսինը

նայում է վերևից... և կարծես երկրից դուրս մի տեղ լինեի... Արթնացա, տեսա մոտս է իմ սիրելին, ինչ լավ է...

— Մոտդ,— մրմնջում էր Միտյան, համբուրելով նրա հագուստը, կուրծքը, ձեռքերը: Եվ հանկարծ նրան թվաց, թե մի տարօրինակ բան է կատարվում, թվաց, թե Գրուշենկան նայում է ուղիղ իր դիմացը, բայց ոչ թե նրան՝ Միտյային, ոչ թե նրա դեմքին, այլ նրա վիսից վեր, նայում է սևեռուն և տարօրինակորեն անշարժ հայացքով: Հանկարծ Գրուշենկայի դեմքին զարմանք երևաց, համարյա թե վախ:

— Միտյա, ո՞վ է մեզ նայում այնտեղից,— փսփսաց նա մեկին: Միտյան ետ նայեց ու տեսավ, որ իսկապես մեկը բացել է վարագույրը և կարծես դիտում է իրենց: Եվ կարծես մեկ հոգի էլ չէ: Միտյան վեր թռավ ու արագ մտեցավ նայողին:

— Եկե՛ք այստեղ, համեցեք մեզ մոտ, այստեղ,— ասաց նրան մի ձայն, մեղմորեն, բայց հաստատ ու պահանջող շեշտով:

Միտյան դուրս եկավ վարագույրի ետևից ու անշարժացավ մնաց: Ամբողջ սենյակը մարդկանցով էր լեցուն, բայց ուրիշ բոլորովին նոր մարդիկ էին սրանք: Վայրկենական մի սարսուտ անցավ Միտյայի կռակով, և նա ցնցվեց: Մի ակնթարթում ճանաչեց բոլոր այդ մարդկանց: Ահա այս բարձրահասակ ու պնդակազմ ծերունին, որ վերարկու է հագել ու կոկարդով գլխարկ, նահանգային ոստիկանապետն է՝ Միխայիլ Մակարիչը: Իսկ այս «հյուսիսային» կոկիկ պճնամուրը, որ «միշտ այսպիսի փայլուն կոշիկներ է հագնում», գատախազի օգնականն է: «Չորս հարյուր ութը շարժող քրոնոմետր ունի, ցույց է տվել ինձ»: Իսկ այս կարճահասակ, ակնոցավոր երիտասարդը... Միտյան պարզապես նրա ազգանունն էր մոռացել, բայց նրան էլ ճանաչում էր, տեսել էր. քննիչ է նա, դատական քննիչ, «իրավաբանականից», հենց վերջերս է եկել: Իսկ ահա այս մեկը գավառական ոստիկանապետն է՝ Մավրիկի Մավրիկիչը, սրան արդեն լավ գիտե, ծանոթ մարդ է: Բայց թե ա՛յ սրանք, կրծքի վրա վահանակներով, սրա՞նք ինչ գործ ունեն այստեղ: Եվ դեռ այս երկու հոգին էլ, գյուղացիներ... Իսկ ահա այնտեղ, դռան մոտ, Կալզանովն ու Տրիֆոն Բորիսիչը...

— Պարոնայք... Ի՞նչ եք այսպես, պարոնայք...— սկսեց ասել Միտյան, բայց հանկարծ, ասես ինքնիրենից դուրս գա-

լով, ասես գլուխը կորցրած, բացականչեց բարձրագույն, ամբողջ ձայնով:

— Հաս-կա-նո՞ւմ եմ:

Ակնոցավոր երիտասարդը հանկարծ առաջ շարժվեց ու մոտենալով Միտյային՝ սկսեց խոսել արժանավայել կեցվածքով, բայց կարծես մի քիչ հապճեպորեն:

— Մենք ձեր նկատմամբ... մի խոսքով, խնդրում եմ ձեզ գալ այստեղ, բազմոցի մոտ... Խիստ անհրաժեշտ է բացատրվել ձեզ հետ:

— Մերո՞ւմը,— գոռաց Միտյան մոլեգնահար,— ծերուկը և նրա արյո՞ւնը... Հաս-կա-նո՞ւմ եմ...

Եվ ծնկները թուլացան, ուղղակի փուլ եկավ, կարծես ընկավ կողքի աթոռին:

— Հասկանո՞ւմ ես: Հասկացա՞վ: Հայրասպան հրե՛շ, ծերուկ հորդ արյո՞ւնն է աղաղակում քո դեմ,— մոնչաց հանկարծ նահանգային ոստիկանապետը, մոտենալով Միտյային: Սաստիկ հուզված էր ծերունին, կաս-կարմիր էր եղել և ուղղակի դողում էր ամբողջ մարմնով:

— Բայց անկարելի է՝ այսպես,— գուցե կարճահասակ երիտասարդը:— Միխայիլ Մակարիչ: Միխայիլ Մակարիչ: Չի կարելի այդպես, չի՛ կարելի... Խնդրում եմ թողնեք, որ միայն ես խոսեմ... Բնավ չէի կարող այսպիսի մի միջադեպ ակնկալել ձեզնից:

— Բայց չէ՞ որ զառանցանք է սա, պարոնայք, զառանցանք,— բացականչում էր նահանգային ոստիկանապետը:— Նայեցե՛ք սրան՝ գիշերվա այս ժամին, հարբած, և անառակ մի կնոջ հետ, և հոր արյունն է կաթում վրայից... Զառանցանք, Զառանցանք:

— Ամենայն լրջությամբ խնդրում եմ, որ այս անգամ զրույեք ձեր զգացմունքները, սիրելի Միխայիլ Մակարիչ,— սկսեց արագ-արագ փսփսալ դատախազի օգնականը ծերունուն,— այլապես հարկադրված կլինեմ դիմել...

Բայց կարճահասակ քննիչը լիքով, որ նա վերջացնի, դարձավ Միտյային և արտասանեց հաստատապես, բարձրաձայն ու արժանավայել կերպով:

— Պարոն պաշտոնաթող պորուչիկ Կարամազով, ես պետք է ձեզ հայտարարեմ, որ դուք մեղադրվում եք ձեր հոր՝ Ֆյոդոր

Պավլովիչ Կարամազովի սպանութեան մեջ, որ տեղի է ունեցել այս գիշեր...

Նա դեռ մի բան էլ ասաց, դատախազը ևս մի բան ավելացրեց, իսկ Միտյան թեև լսում էր, բայց արդեն չէր հասկանում նրանց: Վայրի մի հայացքով նայում էր բոլորին...

Գ ի ր ք ի Ա Ա ե ր ո ր դ

ՆԱՆՆԱԿԱՆ ՔՆՆՈՒԹՅՈՒՆ

I

ԳԱՇՏՈՆՅԱ ԳԵՐՈՒՑՈՒՆ ԻՐ ԱԳԱՍՏԻ ՀՄԲՔՆ Ե ԳՆՈՒՄ

Պյոտր Իլլիչ Պերխոտինը, որին մենք թողեցինք այն պահին, երբ նա ամբողջ ուժով բախում էր Մորոզովայի տան ամուր ու փակ դարպասը, վերջապես անշուշտ կարողացավ այնպես անել, որ բացեն դուռը: Ֆենյան, որ այնպե՛ս վախեցել էր երկու ժամ առաջ և դեռ չէր կարողանում պառկել ու քնել՝ հուզմունքից ու «մտքերից», հիմա լսելով այդ կատաղի թակոցը դարպասին, նորից վախեցավ, համարյա հիստերիկայի հասնելու աստիճան. երևակայեց, թե նորից Դմիտրի Ֆյոդորովիչն է թակում (չնայած որ ինքը անձամբ տեսել էր նրա մեկնելը), որովհետև ոչ ոք չէր կարող այդպես «անզուսպ» թակել բացի նրանից: Ֆենյան վազեց դռնապանի մոտ, որն արթնացել էր ու արդեն գնում էր դեպի դարպասը, և սկսեց աղաչել նրան, որ չբանա դուռը: Բայց դռնապանը հարցուփորձ անելով իմացավ, թե ով է թակողը, և թե նա ուզում է Ֆեդոսյա Մարկովնային տեսնել շատ կարևոր մի գործով, ու վերջապես որոշեց ներս թողնել նրան: Երբ Պյոտր Իլլիչը մտնում էր մեզ ծանոթ խոհանոցը, Ֆենյան «սրտի հանգստության համար» խնդրեց, որ նա դռնապանին էլ թույլ տա ներս մտնելու: Պյոտր Իլլիչը իր հարցուփորձը սկսեց և անմիջապես իմացավ ամենակարևորը, այսինքն այն, թե Դմիտրի Ֆյոդորովիչը, երբ դուրս էր վազում Գրուշենկային փնտրելու, սանդից վերցրել էր սանդղկոթը, իսկ երբ վերադարձել էր՝ սանդղկոթը չկար արդեն, բայց ձեռքերն արյունոտ էին: «Եվ արյունն էլ դեռ կաթո՛ւմ էր, ուղղակի կաթում

նրա ձեռքերից, ուղղակի կաթո՛ւմ», — բացականչում էր Ֆենյան, և պարզ է, որ այդ զարհուրելի մանրամասնութունը ինքն էր ստեղծել իր խանգարված երևակայության մեջ: Բայց Պյոտր Իլլիչն անձամբ էր տեսել այդ արյունոտ ձեռքերը, թեև արյունը չէր կաթում դրանցից, ինքն էլ օգնել էր Միտյայի լվացվելուն, և վերջապես հարցը այն չէր, թե արյունը շուտ էր շորացել կամ ոչ, այլ այն, թե ո՞ւր էր վազել Դմիտրի Ֆյոդորովիչն այդ սանդղկոթը վերցրած, այսինքն հաստատապես Ֆյոդոր Պավլովիչի մոտ էր վազել արդյոք, և ի՞նչ հիման վրա կարելի էր վճռականորեն եզրակացնել այդ բանը: Պյոտր Իլլիչը մանրամասնորեն կանգ էր առնում այս կետի վրա, ու թեև հաստատապես ոչինչ չիմացավ, բայց այնուամենայնիվ հանգեց գրեթե այն համոզման, որ Դմիտրի Ֆյոդորովիչը ուրիշ ոչ մի տեղ չէր կարող գնացած լինել, այլ միայն իր հոր տունը, և որ ուրեմն այնտեղ մի բան պետք է պատահած լինի անպայման: «Իսկ երբ նա վերադարձավ, — ավելացրեց Ֆենյան հուզախոռով, — ես ամեն ինչ խոստովանեցի նրան, հետո սկսեցի հարցնել՝ Դմիտրի Ֆյոդորովիչ, չանիկս, ինչո՞ւ ձեռք երկու ձեռքերն էլ արյունոտ են»: և իբր թե Միտյան հենց ուղղակի պատասխանել է, որ դա մարդու արյուն է, և որ ինքը հենց քիչ առաջ մարդ է սպանել: «Հենց ուղղակի էդպես ասաց, ամեն ինչ խոստովանեց ինձ էստեղ, հետո հանկարծ գծի պես դուրս վազեց: Ծս նստեցի ու սկսեցի մտածել՝ էդ ո՞ւր վազեց հիմա գծի պես: Կգնա Մոկրոն, մտածեցի, և էնտեղ կսպանի իմ տիրուհուն: Վազեցի գնացի, որ աղաչեմ նրան՝ չսպանի իմ տիրուհուն, նրա տունն էի վազում, մեկ էլ Պլոտնիկովների խանութի մոտ տեսնում եմ՝ նա արդեն ճանապարհ է ընկնում և ձեռքերն էլ արդեն արյունոտ չեն»: (Ֆենյան նկատել ու հիշել էր այդ): Ֆենյայի պառավ տատը, որքան որ կարող էր, հաստատեց իր թոռան բոլոր ցուցմունքները: Մի քանի բան էլ հարցնելուց հետո Պյոտր Իլլիչն այդ տնից դուրս եկավ ավելի ևս խոռվահար, քան մտնելու պահին էր:

Կարծես թե նրա համար ամենից ավելի անմիջական բանը հիմա այն էր, որ գնա ուղղակի Ֆյոդոր Պավլովիչի տունը և իմանա՝ որևէ բան չի՞ պատահել այնտեղ, և եթե այո՝ ի՞նչ է պատահել հատկապես. և անժխտելիորեն համոզվելուց հետո միայն գնալ ոստիկանապետի մոտ, ինչպես արդեն հաստատ որոշել էր Պյոտր Իլլիչը: Բայց մութ գիշեր էր, Ֆյոդոր Պավլովիչի տան դարպասներն ամուր էին, պետք էր նորից թակել, իսկ

Յոյողոր Պավլովիչի հետ հեռավոր-հեռու էր ծանոթ: Հապա՞ եթե երկար թակելուց հետո դուռը բանային և հանկարծ պարզվեր, թե ոչինչ էլ չի պատահել այնտեղ. ծաղրասեր Յոյողոր Պավլովիչը վաղն ևեթ անեկդոտ կղարձներ այդ բոլորը և ամբողջ քաղաքում կպատմեր, թե ինչպես Պերխոտին անունով մի անծանոթ պաշտոնյա կեսգիշերին իր դուռն էր ջարդում՝ իմանալու համար, թե արդյոք որևէ մեկը չի՞ սպանել իրեն: Խայտառակություն: Իսկ Պյոտր Իլյիչն աշխարհում ամենից՝ ավելի վախենում էր խայտառակությունից: Եվ այնուամենայնիվ, նրան առաջ մղող զգացումըն այնքան ուժեղ էր, որ նա ոտքը զայրույթով գետին խփեց ու նորից հայհոյեց ինքնիրեն, բայց անմիջապես սլացավ մի այլ ճանապարհով՝ ոչ թե Յոյողոր Պավլովիչի տունը, այլ տիկին Խոխլակովայի: Եթե այդ տիկինը, մտածեց նա, պատասխանի այն հարցին, թե ի՞նքն է արդյոք Դմիտրի Յոյողորովիչին երեք հազար ռուբլի տվել այսօր, այսինչ ժամին, ապա ժխտական պատասխանի դեպքում իսկույն կգնա ոստիկանապետի մոտ, առանց Յոյողոր Պավլովիչի տունը հանդիպելու. հակառակ դեպքում ամեն ինչ կթողնի վաղվան և տուն կվերադառնա: Այստեղ անմիջապես կարելի է պատկերացնել անշուշտ, որ երիտասարդի այդ որոշումը, — գիշերվա ժամը տասնմեկին բարձրաշխարհիկ ու բոլորովին անծանոթ մի տիկնոջ տունը գնալ, թերևս անկողնից հանել նրան՝ զարմանալի հանգամանք ունեցող մի հարց տալու համար, — խայտառակություն առաջ բերելու շատ ավելի մեծ առիթ էր ստեղծում գուցե, քան Յոյողոր Պավլովիչի մոտ գնալը: Բայց երբեմն այդպես են լինում ամենաճշտասեր ու սառնարյուն մարդկանց որոշումները, մանավանդ այսպիսի դեպքերում: Իսկ Պյոտր Իլյիչն այդ բոլորին արդեն սառնարյուն էլ չէր: Նա հետո իր ամբողջ կյանքում հիշում էր, թե ինչպես մի անհաղթահարելի անհանգստություն, աստիճանաբար տիրելով իր էությունը, վերջապես հասել էր տանջանքի աստիճանին ու նույնիսկ հակառակ իր կամքին քշել-տարել էր իրեն: Իհարկե, նա համենայն դեպս ամբողջ ճանապարհին նախատում էր իրեն, որ գնում է այդ տիկնոջ մոտ, բայց «գործը կհասցնեմ, կհասցնեմ՝ մինչև վերջ» կրկնում էր արդեն տասներորդ անգամ, կրճտացնելով ատամները, և իսկապես իր մտադրությունը կատարեց՝ գործը հասցրեց մինչև վերջ:

Ժամը ուղիղ տասնմեկն էր, երբ մտավ տիկին Խոխլակովայի տունը: Բավական շուտ բացեցին նրա առաջ բակի դուռը,

բայց այն հարցին, թե քնա՞ծ է արդեն տիկինը կամ դեռ չի՞ պառկել արդյոք՝ դռնապանը չկարողացավ որոշակի պատասխան տալ, միայն ասաց, թե սովորաբար պառկում է այդ ժամին: «Գնացեք վերև, հայտնեցեք. եթե ուզեն ընդունել ձեզ՝ կընդունեն, եթե չուզեն՝ չեն ընդունի»: Պյոտր Իլյիչը վեր բարձրացավ, բայց գործն ավելի դժվարացավ այստեղ: Սենեկապանը չուզեց զեկուցել ու վերջապես կանչեց աղախինին: Պյոտր Իլյիչը քաղաքավարի, բայց պնդող շեշտով խնդրեց նրան զեկուցել տիրուհուն, որ ահա եկել է Պերխոտին անունով տեղացի մի պաշտոնյա, եկել է մի հատուկ գործով, և եթե շատ կարևոր չլիներ այդ գործը, չէր էլ համարձակվի գալ. «հենց այս բառերով, հենց այս բառերով զեկուցեցեք», — խնդրեց նա աղախինին: Աղջիկը դնաց: Պյոտր Իլյիչն սպասեց նախագավիթում: Տիկին Խոխլակովան թեև չէր պառկել տակավին, բայց արդեն քաշվել էր իր ննջասենյակը: Միտայի այցելությունից ի վեր նա հուզախուով վիճակի մեջ էր և նախազգում էր արդեն, որ գիշերն անխուսափելի է միգրենը՝ սովորական իր գլխացավը նման դեպքերում: Նա զարմանքով լսեց աղախնի զեկույցը, բայց ջղայնորեն հրամայեց մերժել, չնայած որ այսպիսի ուշ ժամին անծանոթ մի «տեղացի պաշտոնյայի» անակնկալ այցելությունը արտակարգորեն գրավել էր նրա կանացի հետաքրքրությունը: Բայց Պյոտր Իլյիչն այս անգամ ջորու նման համառեց. լսելով մերժումը, նա շափազանց հարապնդորեն խնդրեց, որ կրկին զեկուցի աղախինը և հաղորդի «հենց այս բառերով», թե ինքը «արտակարգորեն կարևոր մի գործով է եկել, և տիկինը գուցե զղջա հետո, եթե հիմա չընդունի իրեն»: «Կարծես գլխիվայր գլորվում էի այն ժամանակ», — պատմում էր հետագայում Պյոտր Իլյիչը: Աղախինը զարմացած նայեց նրան և գնաց կրկին զեկուցելու: Տիկին Խոխլակովան ապշեց, մտածեց, հարցուփորձ արեց, թե ինչ տեսք ունի այցելուն, և իմացավ, որ նա «շատ վայելուչ է հագնվել, երիտասարդ է և այնքա՛ն քաղաքավարի»: Հարևանցիորեն նկատեմք փակագծերի մեջ, որ Պյոտր Իլյիչը բավական զեղեցիկ երիտասարդ էր և ինքն էլ գիտեր այդ բանը: Տիկին Խոխլակովան վերջապես որոշեց տեսնել այցելուին: Արդեն իր տնային վերնազգեստն ու հողաթափերն էր հագել, բայց մի սև շալ նետեց ուսերին: «Պաշտոնյայից» խնդրեցին, որ հյուրասենյակ մտնի, հենց այն սենյակը, ուր մի քանի ժամ առաջ ընդունել էին Միտայային: Տիկինը հյուրասենյակ եկավ խիստ ու հարցական արտահայտությամբ, և

առանց հյուրին հրավիրելու, որ նստի, ուղղակի հարցրեց. «Ի՞նչ եք ուզում»:

— Ես համարձակվեցի ձեզ անհանգստացնել, տիկին, մեր ընդհանուր ծանոթ Դմիտրի Ֆյոդորովիչ Կարամզովին վերաբերող մի խնդրով, — սկսեց Պերխոտինը, բայց հազիվ էր այդ անունն արտասանել, երբ հանկարծ տանտիրուհու դեմքին սաստիկ ջղայնություն երևաց: Նա գրեթե ճշաց ու մոլեգնորեն ընդհատեց նրան:

— Դեռ երկա՞ր, երկա՞ր են ինձ տանջելու այդ սարսափելի մարդու պատճառով, — գոռաց նա գազազած: — Ինչպե՞ս եք համարձակվել, պարո՞ն, ինչպե՞ս եք հանդգնում անհանգստացնել անծանոթ մի տիկնոջ՝ իր տան մեջ և այս ժամին... և նրա մոտ եկել եք խոսելու մի մարդու մասին, որ հենց այստեղ, հենց այս հյուրասենյակում, ընդամենը երեք ժամ առաջ, ուզում էր սպանե՛լ ինձ, ոտքերը խփում էր հատակին և այնպե՛ս դուրս գնաց, ինչպես ոչ ոք չէր գնա պատվավոր տնից: Գիտցե՞ք, պարո՞ն, ես գանգատ եմ ներկայացնելու ձեր դեմ, ես չեմ ների ձեզ այս բանը, հաճեցե՞ք ա՛յս ըոպիին իսկ հանգիստ թողնել ինձ... Ես մա՛յր եմ, ես իսկույն... ես... ես...

— Սպանե՛լ: Ուրեմն նա ուզում էր ձե՞զ էլ սպանել:

— Բայց ի՞նչ է, արդեն սպանե՛լ է որևէ մեկին, — թափով հարցրեց տիկին խոխուրով անմիջապես:

— Բարեհաճեցե՞ք կես ըոպե միայն լսել ինձ, տիկին, և ես երկու բառով կբացատրեմ ձեզ ամեն ինչ, — հաստատակամորեն պատասխանեց Պերխոտինը: — Այսօր, կեսօրից հետո ժամը հինգին, պարոն Կարամզովը տասը ուրբի պարտք վերցրեց ինձնից ընկերաբար, և ես հաստատ գիտեմ, որ նա փող չուներ, բայց հենց այսօր էլ, ժամը իննին, նա ինձ մոտ եկավ՝ ձեռքին հարյուրանոց թղթադրամների մի կապոց բռնած ուղղակի աչքիս առաջ, մոտավորապես երկու կամ նույնիսկ երեք հազար ուրբի: Իսկ ձեռքերն ու դեմքը ամբողջովին արյունոտ էին, և ինքն էլ խելագարված էր թվում: Երբ հարցրի՝ որտեղի՞ց է վերցրել այդքան փողը, նա որոշակիորեն պատասխանեց, թե դրանից մի քիչ առաջ ձեզնից է ստացել, դուք երեք հազար ուրբի եք փոխ տվել նրան, որպեսզի իբր թե ոսկու հանքերը գնա...

Տիկին խոխուրովայի դեմքին հանկարծ արտակարգ ու ցավագին մի հուզմունք երևաց.

— Աստվա՛ծ իմ: Իր ծերունի հո՞րն է սպանել, — բացա-

կանչեց նա, ձեռքերն իրար զարկելով: — Ո՛չ մի փող չեմ տվել նրան, ո՛չ մի փող: Օ՛, վազեցե՞ք վազեցե՞ք... էլ ոչ մի խոսք մի՛ ասեք: Փրկեցե՞ք ծերունուն, վազեցե՞ք նրա հոր մոտ, վազեցե՞ք:

— Ներեցե՞ք, տիկին, ուրեմն դուք նրան փող չե՞ք տվել: Հաստատ հիշո՞ւմ եք, որ ոչ մի գումար չեք տվել նրան:

— Չեմ տվել, չե՛մ տվել: Ես մերժեցի տալ, որովհետև նա չէր կարողանում գնահատել: Նա կատաղած դուրս գնաց և ոտքերը հատակին խփեց: Նա ինձ վրա հարձակվեց, իսկ ես ետ ցատկեցի... Եվ դեռ ասեմ ձեզ, որպես մի մարդու, որից այլևս հիմա ոչ մի բան թաքցնելու միտք չունեմ, ասեմ ձեզ՝ նա նույնիսկ թքեց ինձ վրա, կարո՞ղ եք պատկերացնել: Բայց ինչո՞ւ ենք այսպես կանգնած: Ախ, նստեցե՞ք... ներեցե՞ք, ես... Կամ ավելի լավ՝ վազեցե՞ք, վազեցե՞ք, պետք է վազե՞ք ու փրկե՞ք դժբախտ ծերունուն սարսափելի մահից:

— Բայց եթե արդեն սպանե՞լ է նրան:

— Ա՛խ, աստված իմ, իրո՞ք որ: Դե ուրեմն ի՞նչ ենք անելու հիմա: Ինչ եք կարծում, ի՞նչ պետք է անել հիմա:

Բայց միաժամանակ նա Պյոտր Իլյիչին ստիպեց նստել և ինքն էլ նրա դիմացը նստեց: Պյոտր Իլյիչը համառոտակի, բայց բավական հստակորեն պատմեց խնդիրը, գոնե այն մասը, որին ինքն էր այսօր ականատես եղել, պատմեց նաև քիչ առաջվա իր այցելությունը Ֆենյային և սանդղակի մասին էլ ասաց: Բոլոր այդ մանրամասնությունները ծայր աստիճան ցնցեցին հուզազրկո տիկնոջը, որ ճիշեր էր արձակում և աչքերը փակում ձեռքերով...

— Երևակայեցե՞ք, ես նախազգո՞ւմ էի այդ բոլորը: Ես օժտված եմ այդ հատկությամբ, ի՞նչ որ պատկերացնեմ՝ կատարվում է: Եվ քանի, քանի՛ անգամ նայել եմ այդ սարսափելի մարդուն և միշտ մտածել եմ՝ ահա՛ մի մարդ, որ վերջ ի վերջո կսպանի ինձ: Եվ ահա այդպես էլ եղավ... Այսինքն՝ եթե հիմա սպանեց ոչ թե ինձ, այլ իր հորը, պատճառն անշուշտ այն է, որ աստծո մատն այստեղ երևաց ու ինձ պաշտպանեց, և բացի այդ՝ ինքն էլ ամաչեց ինձ սպանելու, որովհետև ես ինքս իմ ձեռքով, այս սենյակում, հենց այստեղ, նրա վզին կախեցի մի սրբապատկեր, որի մեջ մեծ նահատակ Վարվառայի մասունքները կային... Ուրեմն ես այդ վայրկյանին որքա՞ն մոտ էի մահվան, չե՞ որ ուղղակի մոտեցել էի այդ սարսափելի մարդուն, ընդհուպ մոտեցել էի, և նա իր ամբողջ վիզը երկարեց իմ առաջ:

Գիտե՞ք, Պյոտր Իլյիչ (ներքեցի, կարծեմ ասացիք, որ Պյոտր Իլյիչ է ձեր անունը), գիտե՞ք, ես չեմ հավատում հրաշքների, բայց այդ սրբապատկե՞րը և այս ակնհայտ հրա՛շքը, որ կատարվեց հիմա ինձ հետ՝ սա ցնցում է ինձ, և սկսում եմ նորից հավատալ ինչի՞ որ ուզեք: Լսե՛լ եք հայր Զոսիմայի մասին... Բայց չգիտեմ ինչ եմ ասում... Եվ պատկերացրեք, սրբապատկերը վզին էր ու նորից էլ թքեց ինձ վրա... Իհարկե, թքեց միայն, ոչ թե սպանեց, և... և ահա թե ո՛ր վազեց գնաց: Բայց մե՞նք ուր գնանք, մե՞նք ուր գնանք հիմա, ի՞նչ եք կարծում:

Պյոտր Իլյիչը վեր կացավ ու հայտարարեց, որ հիմա ուղղակի պետք է գնա ոստիկանապետի մոտ և ամեն ինչ պատմի նրան, իսկ հետո նրա՛ գործն է արդեն:

— Ա՛խ, նա սքանչելի, սքանչելի մարդ է, ես ծանոթ եմ Միխայիլ Մակարովիչի հետ: Անպայման, հենց նրա մոտ պետք է գնալ: Ի՛նչ հնարամիտ մարդ եք, Պյոտր Իլյիչ, և ինչ լա՛վ մտածեցիք այդ բոլորը: Գիտե՞ք, եթե ես ձեր տեղը լինեի, ոչ մի կերպ չէի կարող այդ բանը մտածել:

— Մանավանդ որ ես էլ լավ ծանոթ եմ ոստիկանապետի հետ, — նկատեց Պյոտր Իլյիչը. — նա դեռ շարունակում էր կանգնած մնալ և հայտնապես ուզում էր շուտով ազատվել այդ խիստ աշխույժ տիկնոջից, որ ոչ մի կերպ առիթ չէր թողնում նրան հրածեշտ տալու և դուրս գնալու:

— Եվ գիտե՞ք, գիտե՞ք, — բլբլացնում էր տիկինը, — եկեք ու ասացեք ինձ ամեն ինչ, որ կտեսնեք ու կիմանաք այնտեղ... և այն, ինչ կպարզվի... և թե ի՞նչ կորոշեն նրա համար, ի՞նչ պատիժ կտան: Ասացեք, մեր երկրում մահապատիժ չկա, չէ: Բայց անպայման եկեք, թեկուզ գիշերվա երեքին, թեկուզ շորսին, նույնիսկ շորս անց կեսին... Պատվիրեցեք, որ ինձ արթնացնեն, ցնցեն, տեղից շարժեն, եթե վեր չկենամ... Օ՛ աստված իմ, ես նույնիսկ չեմ էլ քնի: Գիտե՞ք, ես էլ չգա՛մ արդյոք ձեզ հետ...

— Ո՛-ոչ, տիկին բայց ա՛յ եթե հիմա ձեր ձեռքով մի երեք տող գրեիք, համենայն դեպս... գրեիք, թե ոչ մի փող չեք տվել Դմիտրի Ֆյոդորովիչին, գուցե ավելորդ չլիներ... համենայն դեպս...

— Անպայման, — հրճվանքով նետվեց տիկին խոխլակովան դեպի իր գրասեղանը: — Եվ գիտեք, դուք ինձ չքմեցնում եք, դուք ինձ պարզապես ցնցում եք ձեր հնարամտությամբ, այսպիսի գործերի մեջ ձեր ունեցած հմտությամբ... Դուք այստե՞ղ

եք պաշտոնավարում: Ի՛նչ հաճելի է լսել, որ այստեղ եք պաշտոնավարում...

Եվ դեռ այդ ասելու ընթացքում նա արագորեն խզմզեց հետևյալ երեք մեծատառ տողերը կես թերթ նամակի թղթի վրա.

«Երբեք իմ կյանքում երեք հազար ռուբլի պարտք չեմ տվել այսօր դժբախտ Դմիտրի Ֆյոդորովիչ Կարամազովին (քանի որ նա համենայն դեպս դժբախտ է հիմա), և ուրիշ ոչ մի փող էլ չեմ տվել երբեք, երբե՛ք: Երդվում եմ ամեն ինչով, որ սուրբ է մեր աշխարհում:

Խոխլակովա»:

— Ահա՛ երկտողը, — արագորեն դարձավ Պյոտր Իլյիչին: — Գնացեք ուրեմն, փրկեցեք: Սա մի մեծ սխրագործություն է, որ անում եք:

Եվ նա երեք անգամ խաշակնքեց Պյոտր Իլյիչին: Նույնիսկ վազեց նրան ուղեկցելու մինչև նախագավիթը:

— Որքա՛ն երախտապարտ եմ ձեզ: Չեք կարող երևակայել, թե որքա՛ն երախտապարտ եմ հիմա ձեզ այն բանի համար, որ ամենից առաջ ինձ մոտ եկաք: Ինչպե՞ս է, որ մինչև հիմա չենք հանդիպել իրար: Ինձ համար շատ հաճելի կլիներ այսուհետև ընդունել ձեզ իմ տանը: Եվ որքա՛ն հաճելի է լսել, որ դուք այստեղ եք պաշտոնավարում... և այսպիսի ճշտասիրությունք, այսպիսի հնարամտությամբ... Բայց ձեզ պետք է գնահատեն, պետք է հասկանան ձեզ, և հավատացեք, ի՛նչ որ կարող եմ անել ձեզ համար, ես... Օ՛, այնպե՛ս եմ սիրում երիտասարդ սերունդը: Սիրահարվել եմ երիտասարդ սերնդին: Երիտասարդները մեր այժմու տառապյալ Ռուսաստանի հիմքն են, ամբողջ հույսը... Օ՛, գնացեք, գնացեք...

Բայց Պյոտր Իլյիչն արդեն դուրս էր վազել, այլապես տիկինն այդքան շուտ բաց չէր թողնի նրան: Եվ սակայն տիկին խոխլակովան բավական հաճելի տպավորություն էր գործել նրա վրա, և դա նույնիսկ մի քիչ մեղմացրել էր նրա այն մտահոգությունը, թե ինքը խրվում է այսպիսի զզվելի մի գործի մեջ: Ծաշակները շփազանց բազմապիսի են լինում, հայտնի բան է դա: «Եվ տարիքը այնքան էլ մեծ չէ բոլորովին, — մտածեց նա հաճելի մի զգացումով, — ընդհակառակը, կարող էի իր աղջկա տեղ ընդունել նրան»:

Իսկ գալով տիկին խոխլակովային, նա ուղղակի հմայվել

էր այդ երիտասարդով: «Այսքա՛ն ձեռնհասութիւն, այսքա՛ն ճշտասիրութիւն, և այդպիսի երիտասա՛րդ մի մարդու մեջ, մեր օրերում, և այդ բոլորի հետ՝ նաև այսպիսի՛ վարվելաձև ու արտաքին: Մեկ էլ ասում են ժամանակակից երիտասարդների մասին, թե նրանք ոչ մի բանի ընդունակ չեն. ահա՛ ձեզ մի օրինակ» և այլն, և այլն: Այնպես որ նա պարզապես մոռացավ «սարսափելի դեպքը» և միայն անկողին մտնելու պահին հանկարծ հիշեց նորից, թե «որքան մոտ էր եղել մահվան», և ասաց. «Ա՛խ, սարսափելի է, սարսափելի՛»: Բայց անմիջապես քնեց ամենաքաղցր և ամուր քնով: Այնուամենայնիվ, ես երկար-բարակ չէի խոսի այսպիսի աննշան ու պատահական մանրամասնութիւնների մասին, եթե երիտասարդ պաշտոնյայի և դեռ բոլորովին էլ ոչ տարեց այրի տիկնոջ այս տարօրինակ հանդիպումը հետագայում հիմք չծառայեր այդ գործնական ու ճշտասեր երիտասարդի ամբողջ ապագայի համար: Մինչև հիմա էլ մեր քաղաքում զարմանքով են հիշում այս բանը, և գուցե մենք էլ հատկապես մի քանի խոսք ասենք այս առնչութեամբ, երբ ավարտենք մեր երկար պատմութիւնը Կարամազով եղբայրների մասին:

II

ՏԱԳՆԱԳ

Մեր ոստիկանապետ Միխայիլ Մակարովիչ Մակարովը, պաշտոնաթող փոխգնդապետ, որ քաղաքացիական ծառայութեան մեջ արքունի խորհրդականի աստիճան էր ստացել, այրի ծերունի էր և լավ մարդ: Ընդամենը երեք տարի առաջ էր եկել մեզ մոտ, բայց արդեն ընդհանուր համակրանք էր շահել՝ մանավանդ այն պատճառով, որ «գիտեր հասարակութիւնն ի մի բերելու ձևը»: Նրա տանը միշտ հյուրեր էին լինում, և կարծես նա չէր էլ կարող ապրել առանց նրանց: Ամեն օր մեկն ու մեկը նրա տանը ճաշում էր անպայման. թեկուզ երկու, թեկուզ մեկ հյուր լիներ միայն, բայց առանց հյուրի սեղան չէին նստում: Հատուկ ճաշկերույթներ էլ էր տալիս որևէ մի առիթով, և երբեմն նույնիսկ անսպասելի մի բան էր լինում այդ առիթը: Կերակուրները թեև շատ ընտիր չէին լինում, բայց մատուցվում էին առատորեն, ձկնակարկանդակները մանավանդ հոյակապ էին, իսկ գինիներն

այնքան էլ չէին փայլում որակով, բայց դրա տեղը բռնում էր քանակը: Առաջին սենյակում բիլիարդի սեղան կար՝ շատ վայելուչ պարագաներով շրջապատված, այսինքն նույնիսկ անգլիական արշավտձիբրի նկարներ կային պատերի վրա՝ սև շրջանակների մեջ, մի բան, որ, ինչպես հայտնի է, որևէ մի ամուրի մարդու բիլիարդանոցի անհրաժեշտ զարդն է կազմում: Ամեն երեկո թուղթ էին խաղում, թեկուզ միայն մեկ սեղանի վրա: Բայց շատ հաճախ հավաքվում էր նաև մեր քաղաքի ամբողջ լավագույն հասարակութիւնը, մայրիկներով ու օրիորդներով հանդերձ, և պարում էին: Միխայիլ Մակարովիչը թեև այրի էր, բայց ընտանեկան կյանքով էր ապրում, որովհետև նրա մոտ էր բնակվում վաղուց այրիացած դուստրը, որ իր հերթին մայրն էր երկու աղջիկների: Միխայիլ Մակարովիչի այդ թոռներն արդեն հասուն, իրենց կրթութիւնն ավարտած օրիորդներ էին, որոնք բավական հաճելի արտաքին ունեին և ուրախ բնավորութիւն, ու թեև բոլորը գիտեին, որ նրանք ոչ մի օժիտ չունեն, բայց այնուամենայնիվ իրենց պապիկի տունը հրապուրիչ էին դարձնում մեր բարձրաշխարհիկ երիտասարդութեան համար:

Միխայիլ Մակարովիչը շատ էլ լավ չէր հասկանում իր գործը, բայց պաշտոնը կատարում էր ոչ ավելի վատ, քան ուրիշ շատ մարդիկ: Եթե ուղղակի ասենք, նա բավական թերուս մարդ էր և նույնիսկ հոգ չէր տանում, որ պարզ հասկանա իր վարչական իշխանութեան սահմանները: Չի կարելի ասել, թե նա չէր կորողանում լիովին ըմբռնել ներկա թագավորութեան կատարած որոշ բարենորոգումները, բայց մի քիչ սխալ էր հասկանում դրանք, և երբեմն շատ նկատելի էին լինում նրա սխալները. պատճառը ընամ էլ նրա ինչ-որ հատուկ անընդունակութիւնը չէր, այլ պարզապես նա անհոգ էր իր բնավորութեամբ, որովհետև միշտ էլ ժամանակ չունէր խնդրի մեջ խորամուխ լինելու «Ծս ավելի զինվորական հոգի ունեմ, պարոնայք, քան թե քաղաքացիական», — ասում էր նա ինքը իր մասին: Նույնիսկ ճորտատիրութեան վերացման բուն սկզբունքների մասին նա դեռ կարծես վերջնական ու անխախտ պատկերացում չէր կազմել և դրանք իմանում էր, այսպես ասած, տարեցտարի, իր գիտելիքներն ավելացնելով գործնականորեն և ակամա, այնինչ ինքն էլ կալվածատեր էր:

Պյոտր Իլիչը վստահ գիտեր, որ այդ երեկո Միխայիլ Մակարովիչի մոտ անպայման կհանդիպի հյուրերից որևէ մեկին,

միայն չգիտեր, թե ո՛ւմ հատկապես: Եվ հենց այդ պահին էլ ուստիկանապետի հետ նստած թուղթ էին խաղում դատախազը և մեր գավառական բժիշկ Վարվինսկին: Վերջինս հենց նոր Պետերբուրգից եկած մի երիտասարդ էր՝ Պետերբուրգի բժշկական ակադեմիայի փայլուն շրջանավարտներից մեկը: Իսկ դատախազ Իպոլիտ Կիրիլովիչը (այսինքն դատախազի օգնական էր նա, բայց մեր քաղաքում բոլորն էլ դատախազ էին կոչում նրան) յուրօրինակ մի մարդ էր, տակավին երիտասարդ, ընդամենը երեսունհինգ տարեկան, բայց խիստ հակամետ էր թոքախտի, ըստ որում ամուսնացել էր մի շատ գեր ու ամուլ կնոջ հետ, ինքնասեր էր ու ջղային, թեև շատ պատկառելի խելք ուներ և նույնիսկ բարի սիրտ: Նրա բնավորության ամենադժբախտ կողմը կարծես այն էր, որ իր մասին մի քիչ ավելի բարձր կարծիք ուներ, քան թույլ էին տալիս իր արժանիքները: Եվ ահա թե ինչու նա մշտապես անհանգիստ էր թվում: Մանավանդ որ ավելի բարձր և նույնիսկ գեղարվեստական հավակնություններ էլ ուներ. այսպես օրինակ, հավակնում էր, որ ինքը հոգեբանական ներթափանցման ձիրքն ունի, և հավատում էր, որ ինքը հատկապես գիտե մարդկային հոգին, առանձնահատուկ շնորհ ունի ճանաչելու ոճրագործին և նրա կատարած ոճրագործությունը: Այս իմաստով նա իրեն մի քիչ վերավորված էր զգում, համարելով, որ արժանի պաշտոն չեն տվել իրեն, և միշտ այն համոզմունքին էր, թե բարձրագույն շրջաններում չկարողացան իրեն գնահատել, և թե ինքը թշնամիներ ունի: Մոռյլ ըրպեներին սպառնում էր նույնիսկ թողնել պաշտոնը և քրեական գործերի դատապաշտպան դառնալ: Կարամազովների այս հայրասպանության անսպասելի գործը մի տեսակ լրիվ թափ տվեց նրան. «Այնպիսի՛ գործ է, որ կարող է ամբողջ Ռուսաստանով մեկ հայտնի դառնալ»: Բայց այս բանն արդեն ժամանակից շուտ եմ ասում:

Հարևան սենյակում, օրիորդների հետ, նստել էր նաև մեր երիտասարդ դատական քննիչ Նիկոլայ Պարֆյունովիչ Նեյլուդովը, որ ընդամենը երկու ամիս առաջ եկել էր Պետերբուրգից: Հետագայում մեզ մոտ խոսակցության ու նույնիսկ զարմանքի առարկա դարձավ այն, թե կարծես դիտմամբ բոլոր այդ անձնավորությունները գործադիր իշխանության տանն էին հավաքվել «ոճրագործության» իրիկունը: Այնինչ խնդիրը շատ ավելի պարզ էր, չափազանց բնականորեն էր պատահել այդ բանը: Արդեն երկրորդ օրն էր, ինչ Իպոլիտ Կիրիլովիչի կնոջ աստամներն էին

ցավում, և մարդը պետք է վերջապես փախչեր նրա տնքոցներից, գնար մի տեղ: Բժիշկն արդեն իր բնավորության իսկ բերումով չէր կարող մի երեկո անցկացնել առանց թղթախաղի: Իսկ Նիկոլայ Նեյլուդովը դեռ նույնիսկ երեք օր առաջ միտքն էր դրել այդ երեկո հանդիպել Միխայիլ Մակարովիչի տունը, իբր թե այսպես ասած պատահականորեն, որպեսզի անակնկալի բերեր և դավադրաբար շարժեցներ մեծ օրիորդին՝ Օլգա Միխայլովնային, ասելով, թե գիտե նրա գաղտնիքը, գիտե, որ այսօր նրա ծննդյան օրն է, և որ նա դիտմամբ ուզեցել է թաքցնել այդ բանը մեր հասարակությունից, որպեսզի ամբողջ քաղաքը չհրավիրի պարահանդեսի: Նեյլուդովը պատկերացնում էր, թե որքան պիտի ծիծաղեն ու ակնարկություններ անեն նրա տարիքի վերաբերյալ, որ իբր թե օրիորդը վախենում է ի հայտ բերել, բայց հիմա որ ինքը՝ Նեյլուդովը գիտե նրա գաղտնիքը, վաղն կեթ ասելու է բոլորին և այլն, և այլն: Այս սիրունիկ երիտասարդը մի մեծ շարաճճի էր այսպիսի հարցերում, մեր տիկնայք հենց այդպես էլ նրան շարաճճի էին կոչել, և կարծես դա շատ էր դուր գալիս նրան: Բայց նա շատ լավ հասարակության մեջ էր մեծացել, լավ ընտանիքից էր՝ լավ դաստիարակությամբ ու լավ զգացումներով, ու թեև հաճոյասեր մարդ էր, բայց շատ անմեղ ու միշտ բարեվայելուչ: Կարճահասակ էր նա՝ թույլ ու նուրբ կազմվածքով: Բարակ ու գունատ մատների վրա միշտ էլ մի քանի չափազանց խոշոր մատանիներ էին փայլվում: Իսկ իր պաշտոնը կատարելու ժամանակ արտակարգորեն ծանրակշիռ էր դառնում, կարծես սրբության պես ընկալելով իր նշանակությունն ու իր պարտավորությունները: Հարցաքննությունների ընթացքում հատկապես կարողանում էր շփոթության մատնել ուսմիկ դասին. պատկանող մարդասպաններին և այլ շարագործներին, և իսկապես, եթե ոչ հարգանք, համենայն դեպս որոշ զարմանք էր հարուցում նրանց մեջ իր նկատմամբ:

Մտնելով ուստիկանապետի տունը, Պյոտր Իլյիչը պարզապես շարժեց. հանկարծ տեսավ, որ ամեն ինչ գիտեն արդեն: Իսկապես, թողել էին թղթախաղը, բոլորը ոտքի էին կանգնել ու դատողություններ էին անում, և նույնիսկ Նիկոլայ Պարֆյունովիչն օրիորդներին թողել ու վազել-եկել էր, ամենամարտական ու խոլընթաց տեսք ընդունելով: Պյոտր Իլյիչին դիմավորեց այն շարժումների լուրը, թե իսկապես Ֆյոդոր Պավլովիչին սպանել են

այդ երեկո իր տան մեջ, սպանել են ու կողոպտել: Իսկ այդ լուրը հենց նոր էր հասել ոստիկանապետին, հետևյալ ձևով:

Մարֆա Իգնատևնան, ցանկապատի մոտ զգեստնված Գրիգորիի կինը, պինդ քնել էր իր անկողնում և կարող էր այդպես էլ քնած մնալ մինչև առավոտ, բայց հանկարծ արթնացավ: Նրան զարթեցրեց ընկնավորի այն սարսափելի աղաղակը, որ կողքի սենյակում ուշակորույս պառկած Սմերդյակովն արձակեց: Այդ աղաղակով էին միշտ սկսում նրա նոպաները և միշտ էլ սոսկալի վախ էին պատճառում Մարֆա Իգնատևնային, հիվանդագին ազդեցություն էին գործում նրա վրա: Նա երբեք էլ չէր կարողանում վարժվել դրանց: Քնաթաթախ վեր թռավ կինը և գրեթե խելակորույս վազեց Սմերդյակովի սենյակը: Բայց մութ էր այնտեղ, նա միայն լսեց, որ հիվանդն սկսում է սոսկալի խոխոալ ու տապալկել: Եվ Մարֆա Իգնատևնան ինքը սկսեց ճշալ ու ամուսնուն կանչել, բայց հանկարծ գիտակցեց, որ երբ ինքը վեր էր կենում անկողնից, Գրիգորին կարծես թե այնտեղ չէր: Վազեց մահճակալի մոտ և սկսեց շոշափել նորից, բայց իսկապես դատարկ էր անկողինը: Ուրեմն Գրիգորին ելել գնացել էր. իսկ ո՞ր էր գնացել: Կինը դուրս վազեց ու սանդուղքի վրայից վեհերոտ ձայնով կանչեց ամուսնուն: Պատասխան չստացավ անշուշտ, բայց գիշերային լուսթյան մեջ ինչ-որ տնքոցներ լսեց հեռվից, կարծես թե այգու խորքից: Ականջ դրեց. տնքոցները կրկնվեցին, և պարզ դարձավ, որ դրանք իսկապես այգուց էին գալիս: «Տե՛ր աստված, ոնց որ կիզավետա Սմերդյաշչայան էն ժամանակ», — անցավ նրա խոռվաճար մտքով: Վեհերոտ քայլերով իջավ աստիճաններից ու տեսավ, որ այգու դռնակը բաց է: «Հա՛, երևի էնտեղ է, հոգուն մատաղ», — մտածեց նա, մոտեցավ դռնակին և հանկարծ պարզ լսեց, որ Գրիգորին կանչում է իրեն՝ «Մարֆա՛, Մարֆա՛», կանչում է թույլ, հառաչուն, սարսափելի ձայնով: «Տե՛ր աստված, պահիր մեզ փորձանքից», — փսփսաց Մարֆա Իգնատևնան, վազեց դեպի ձայնը և ահա այդպես գտավ Գրիգորիին: Բայց գտավ ոչ թե ցանկապատի մոտ, ոչ թե այնտեղ, ուր նա ընկել էր, այլ մոտավորապես քսան քայլ հեռու ցանկապատից: Հետո պարզվեց, որ Գրիգորին, ուշքի գալով, սողացել է, և հավանաբար երկար ժամանակ է սողացել, մի քանի անգամ կորցնելով գիտակցությունը և նորից ուշակորույս մնալով: Մարֆա Իգնատևնան իսկույն նկատեց, որ նա ամբողջովին արյունաթաթախ է, և սկսեց բարձր ձայնով ճշալ ու օգ-

նություն կանչել: Իսկ Գրիգորին թոթովում էր կամաց ու անկապ. «Սպանեց... հորը սպանեց... ի՞նչ ես գոռում, հիմար կնիկ... վազիր... մարդ կանչիր...»: Բայց Մարֆա Իգնատևնան խելքի չէր գալիս ու շարունակում էր ճշալ. և հանկարծ տեսնելով, որ իր տիրոջ պատուհանը բաց է և լույս կա այնտեղ, վազեց այդ կողմը և սկսեց կանչել Ֆյոդոր Պավլովիչին: Սակայն երբ պատուհանից ներս նայեց, ահավոր մի տեսարան բացվեց նրա առաջ. տերը մեջքի վրա ընկել էր հատակին, անշարժ: Բաց գույնի վերնագգեստն ու կրծքի վրա սպիտակ շապիկն արյունոտ էին: Սեղանի վրա վառվող մոմը պայծառ լուսավորում էր արյունն ու Ֆյոդոր Պավլովիչի անկենդան դեմքը: Այստեղ արդեն ծայր աստիճան ահաբեկված, Մարֆա Իգնատևնան ետ քաշվեց պատուհանից, դուրս վազեց այգուց, քաշեց դարպասի փականը և ետևի կողմից գլխապատառ վազեց դեպի հարևանուհու տունը: Մարյա Կոնդրատևնան և իր դուստրը քնել էին արդեն, բայց Մարֆա Իգնատևնայի ճիշերից ու լուսամուտի փեղկին հասցրած կատաղի թակոցներից զարթնեցին ու վազեցին լուսամուտի մոտ: Մարֆա Իգնատևնան սկսեց անկապ-անկապ ճշալ ու գոռալ, բայց կարողացավ հայտնել բուն իրողությունը և օգնություն կանչեց: Հենց այդ օրն էլ նրանց մոտ էր գիշերել թափառական Ֆոման: Անմիջապես արթնացրին նրան ու երեքը մեկ վազեցին դեպի ոճրագործության վայրը: Ծանապարհին Մարյա Կոնդրատևնան հասցրեց հիշել, որ այդ երեկո, ժամը իննի մոտ, մի սարսափելի, ականջ ծակող աղաղակ էր լսել նրանց այգուց. և դա անշուշտ հենց այն աղաղակն էր, որով Գրիգորին «Հայրասպա՛ն» էր գոռացել ամբողջ թաղով մեկ, երբ ձեռքերով կառչել էր ցանկապատի վրա նստած Դմիտրի Ֆյոդորովիչի ոտքից: «Միայն մի մարդ էր՝ գոռաց ու հանկարծ լսեց», — վկայում էր Մարյա Կոնդրատևնան վազելով: Հասնելով այն տեղը, ուր գետնին պառկել էր Գրիգորին, երկու կանայք Ֆոմայի օգնությամբ նրան տեղափոխեցին բակի շենքը: Լույսը վառեցին ու տեսան, որ Սմերդյակովի վիճակը դեռ չի թեթևացել, տապալկում է նա իր սենյակում, աչքերը շվիկ են, իսկ շրթունքներից փոփուր է հոսում: Գրիգորիի գլուխը սրբեցին քացախաջրով, և նա արդեն լիովին ուշքի եկավ ջրի շնորհիվ ու իսկույն հարցրեց. «Սպանված է Ֆյոդոր Պավլովիչը, թե ոչ»: Այն ժամանակ երկու կանայք ու Ֆոման շտապեցին Ֆյոդոր Պավլովիչի մոտ, և երբ այգի մտան, այս անգամ տեսան, որ ոչ միայն պատուհանը, այլև

տնից դեպի այգի տանող դուռն էլ լրիվ բաց է, այնինչ Ֆյոդոր Պավլովիչն ամբողջ վերջին շաբաթվա ընթացքում անձամբ կողպում էր այդ դուռը ամեն երեկո և նույնիսկ Գրիգորիին թույլ չէր տալիս որևէ պատրվակով գալ ու թակել: Բաց տեսնելով այդ դուռը, երեքն էլ իսկույն վախեցան գնալ Ֆյոդոր Պավլովիչի մոտ, «որպեսզի տակից մի բան դուրս չգա հետո»: Իսկ երբ բակի շենքը վերադարձան, Գրիգորին հրամայեց իսկույն ևեթ վազել հենց ոստիկանապետի մոտ: Եվ ահա այդ ժամանակ է, որ Մարյա Կոնդրատևան վազեց ու բուրդին ոտքի հանեց ոստիկանապետի տանը: Ընդամենը հինգ րոպեով կանխեց նա Պյոտր Իլյիչին, այնպես որ վերջինս եկավ ոչ թե արդեն իր ենթադրություններն ու եզրակացությունները միայն հայտնելու, այլ որպես ականատես վկա, որ իր պատմածով ավելի ևս հաստատեց այն ընդհանուր կասկածը, թե ով է ոճրագործը (մի կասկած, որին նա իր հոգու խորքում չէր ուզում հավատալ մինչև այդ վերջին րոպեն):

Որոշեցին գործել արագ ու թափով: Քաղաքի ոստիկանական տեսուչի օգնականին անմիջապես հանձնարարեցին չորս հոգի հավաքել որպես ենթավկա, և ըստ բոլոր կանոնների, որոնք այլևս չեմ նկարագրում այստեղ, մտան Ֆյոդոր Պավլովիչի տունը և քննություն կատարեցին ոճրագործության վայրում: Գավառական բժիշկը, տաքարյուն ու նոր մարդ լինելով, գրեթե աշաչեց, որ ինքն էլ ընկերանա ոստիկանապետին, դատախազին ու քննիչին: Համառոտակի նշեմ միայն, որ Ֆյոդոր Պավլովիչն գտան կատարելապես սպանված. ջախջախվել էր գլուխը, բայց ինչո՞վ շատ հավանաբար այն նույն զենքով, որով հետո հարված էր ստացել նաև Գրիգորին: Եվ ահա տեղն ու տեղը գտան նաև այդ զենքը, երբ Գրիգորին, հնարավոր բժշկական օգնությունն ստանալուց հետո, թույլ ու բեկբեկուն ձայնով ու բավական կապակցված խոսելով պատմեց, թե ինչպես էր ինքը տապալվել: Սկսեցին լապտերներով փնտրել ցանկապատի մոտ և գտան պղնձե սանդղոթը, որ նետված էր ուղղակի այգու արահետի վրա, ամենից ավելի ակնառու մի տեղ: Ոչ մի անկարգություն չնկատեցին այն սենյակում, ուր ընկած էր Ֆյոդոր Պավլովիչը, բայց վարագույրի հոտ, նրա մահճակալի մոտ, հատակից վերցրին մի մեծ, գրասենյակային շափսի, հաստ թղթից ծրար, որի վրա գրված էր՝ «Երեք հազար ռուբլի նվեր իմ հրեշտակ Գրոշենկային, եթե ուզենա գալ», իսկ ներքևում, հավանաբար ավելի ուշ, Ֆյոդոր Պավ-

լովիչն ավելացրել էր՝ «և ճուտիկին»: Կարմիր կնքամոմի երեք խոշոր կնիք կար ծրարի վրա, որ սակայն պատռված ու դատարկ էր արդեն. փողը հանված էր: Հատակին գտան նաև այն բարակ, վարդագույն ժապավենը, որով կապված էր ծրարը:

Պյոտր Իլյիչի ցուցմունքների մեջ, ի միջի այլոց, կար մի հանգամանք, որ արտակարգ տպավորություն գործեց դատախազի ու քննիչի վրա, այսինքն այն ենթադրությունը, թե Դմիտրի Ֆյոդորովիչն անպայման անձնասպան կլինի առավոտյան դեմ, թե նա ինքն է որոշել այդ բանը, ինքն է այդպես ասել Պյոտր Իլյիչին, որի ներկայությամբ լցրել է ատրճանակը, մի երկսող է գրել ու դրել է գրպանը և այլն, և այլն: Իսկ երբ Պյոտր Իլյիչը, դեռ չուզենալով հավատալ նրան, սպառնացել է, որ կգնա ու կհայտնի որևէ մեկին, որպեսզի կանխվի անձնասպանությունը, Միտյան քմծիծաղով պատասխանել է՝ «Չես հասցնի»: Ուրեմն պետք էր շտապել, ժամանակին հասնել Մոկրոն ու բռնել ոճրագործին, քանի դեռ իսկապես նրա խելքին չի փչել անձնասպան լինել: «Դա պարզ է, պարզ, — կրկնում էր դատախազը արտակարգորեն հուզված, — նրա նման թոկից փախածները ճիշտ ու ճիշտ այդպես են՝ վաղը կսպանեն՝ մ ինքս ինձ, իսկ մահից առաջ քեֆ եմ անում»: Խանութից գինի և ուտեստեղեն զննելու պատմությունն ավելի ևս բորբոքեց դատախազին: «Հիշո՞ւմ եք այն տղային, պարոնայք, որ վաճառական Օլսոֆիկին սպանեց, գողացավ հազար հինգ հարյուր ռուբլին և իսկույն գնաց մազերը գանգրացրեց, հետո էլ լավ լիթաքցնելով փողերը, համարյա թե նույնպես ձեռքում բռնած, վազեց աղջիկների մոտ»:

Սակայն հետաքննությունը, Ֆյոդոր Պավլովիչի տան խուզարկությունը, ձեակերպումները և այլն ուշացնում էին բոլորին: Այդ ամբողջը ժամանակ էր պահանջում, ուստի իրենց գնալուց երկու ժամ առաջ Մոկրոն ուղարկեցին գավառական ոստիկանապետ Մավրիկի Մավրիկիևիչ Շմերցովին, որ նախորդ օրն առավոտյան քաղաք էր եկել իր ռոճիկն ստանալու: Ըստ տրված հրահանգի, Մոկրոն հասնելուց հետո Մավրիկի Մավրիկիևիչը, առանց որևէ տազնապ հարուցելու, պետք է անդադար հետևեք «ոճրագործին» մինչև պետական իշխանությունների ժամանումը, ինչպես և պետք է նախապատրաստեր ենթավկաներին, գյուղական ոստիկանության վերակացուներին և այլն, և այլն: Այդպես էլ վարվեց Մավրիկի Մավրիկիևիչը, մնալով incognito և միայն իր հին ծանոթ Տրիֆոն Բորիսովիչին մասամբ հայտնելով գաղտնիքը:

Դա հենց այն ժամանակ էր, երբ Միտյան պատշգամբում մթան մեջ հանդիպեց պանդոկապանին, որ փնտրում էր նրան, ընդ որում անմիջապես էլ ինչ-որ անակնկալ փոփոխություն նկատեց Տրիֆոն Բորիսովիչի դեմքին ու խոսքերի մեջ: Այսպիսով, ոչ Միտյան, ոչ էլ ուրիշ որեւէ մեկը գիտեր, որ հետևում են իրենց: Իսկ ատրճանակների տուփը վաղուց արդեն փախցրել էր Տրիֆոն Բորիսովիչը և պահել հարմար մի տեղ: Եվ միայն առավոտյան շորսից հետո, համարյա լուսադեմին, երկու եռաձի ուղեկառուով ժամանեցին բոլոր իշխանավորները՝ նահանգային ոստիկանապետը, դատախազն ու քննիչը: Իսկ բժիշկը Ֆյոդոր Պավլովիչի տանը մնաց, նպատակ ունենալով առավոտյան դիահերձում կատարել սպանվածի մարմնի վրա, բայց նա գլխավորաբար հետաքրքրվել էր հիվանդ ծառայի՝ Սմերդյակովի վիճակով: «Քիչ կարող ես հանդիպել ընկնավորության այսպիսի դաժան ու երկարատև նույնների, որոնք երկու օր անընդհատ կրկնվում են, և սա պետք է գիտության սեփականությունը դառնա»,— օգևորությունը ասաց նա իր գործակիցներին, որոնք մեկնում էին արդեն և ծիծաղելով շնորհավորեցին նրան այդ գյուտի համար: Միաժամանակ բժիշկն ամենավճռական շեշտով ավելացրեց, թե Սմերդյակովը մինչև առավոտ չի ապրի, և դատախազն ու քննիչը շատ լավ հիշեցին նրա ասածը:

Այժմ, այս երկար, բայց կարճեմ անհրաժեշտ բացատրություններից հետո, վերադարձանք մեր պատմության հենց այն պահին, ուր կանգ էինք առել նախորդ գրքում:

III

ՀՈՐԻՆ ԱՆՏՆՈՒՄ Է ՉԱՐՉԱՐԱՆՔՆԵՐԻ ՈՊՂԻՈՎ ՉԱՐՉԱՐԱՆՔ ԱՌԱՋԻՆ

Եվ այսպես, Միտյան նստել ու վայրի հայացքով նայում էր ներկաներին, չհասկանալով, թե ինչ են ասում իրեն: Հանկարծ նա վեր կացավ, ձեռքերը վեր նետեց ու բարձրաձայն գոռաց.

— Մեղք չունե՛մ: Ա՛յդ արյան մեջ մեղք չունեմ: Հորս արյան մեջ մեղք չունեմ... Ուզում էի սպանել, բայց մեղք չունե՛մ: Ես չե՛մ:

Բայց հազիվ էր նա գոռացել այդ, մեկ էլ հանկարծ վարա-

գույրի ետևից դուրս նետվեց Գրուշենկան և հենց ուղղակի փուլ եկավ ոստիկանապետի ոտքերի առաջ:

— Ծ՛ս եմ, ե՛ս, անիծյալ լինեմ, ե՛ս եմ մեղավորը,— աղաղակեց նա սրտակեղեք ձայնով, դեմքն արցունքով ողողված, ձեռքերը մեկնելով բոլորին,— ի՛մ պատճառով սպանեց նա... Ծ՛ս տանջեցի նրան և հասցրի այդ բանին: Այդ խեղճ ծերուկի՛ն էլ, հանգուցյալին էլ տանջեցի՛ իմ շարունջունից, և հասցրի սրա՛ն: Ծ՛ս եմ մեղավորը, ե՛ս եմ ամենից առաջ, ե՛ս եմ գլխավորը, ե՛ս եմ մեղավորը:

— Այո՛, դու ես մեղավորը: Դո՛ւ ես գլխավոր հանցագործը: Դու կատաղած կին ես, դու անառակ ես, դո՛ւ ես ամենից առաջ մեղավորը,— գոռաց ոստիկանապետը, ձեռքով սպառնալով Գրուշենկային, բայց այս անգամ արդեն արագ ու վճռականորեն զսպեցին Միխայիլ Մակարովիչին: Դատախազը նույնիսկ երկու թևով գրկեց նրան:

— Սա արդեն բոլորովին անկարգություն է, Միխայիլ Մակարովիչ,— գոռաց նա,— դուք ուղղակի խանգարում եք դատաքննությունը... գործն եք փշաջնում...— գրեթե շնչահեղձ էր լինում դատախազը:

— Միջոցներ ձեռք առնել, միջոցներ, միջոցներ՝ ձեռք առնել,— սոսկալի բորբոքվեց նաև Նիկոլայ Պարֆյոնովիչը,— այլապես ուղղակի անհնար է...

— Միասին՝ դատեցեք մեզ,— շարունակում էր մոլեգնորեն բացականչել Գրուշենկան, դեռ ծնկների վրա մնալով:— Միասին՝ պատժեք մեզ, հիմա ես նրա հետ մահապատժի՛ էլ կզնամ:

— Գրուշա, դու իմ կյա՛նքս, իմ արյո՛ւնս, սրբությունս իմ, Գրուշա,— նրա կողքին ծնկի նետվեց նաև Միտյան և ամուր սեղմեց նրան իր գրկում:— Մի՛ հավատաք նրան,— գոռաց,— մեղավոր չէ նա, ոչ մի բանում մեղավոր չէ, ոչ մի արյուն, ո՛չ մի բան:

Հետագայում նա հիշեց, որ մի քանի հոգի ուժով ետ քաշեցին իրեն Գրուշենկայից և նրան հանկարծ տարան, իսկ ինքը ուշքի եկավ, երբ արդեն նստել էր սեղանի մոտ: Իր կողքին ու իր ետևում կանգնած էին այն մարդիկ, որոնք վահանակներ ունեին կրծքի վրա: Իր դիմացը, սեղանի մյուս կողմը, բազմոցի վրա նստել էր դատական քննիչ Նիկոլայ Պարֆյոնովիչը, և անընդհատ համոզում էր մի քիչ շուր խմել սեղանի վրա դրված բաժակից. «Դա կթարմացնի ձեզ, կհանգստացնի ձեզ, մի՛ վա-

խենարք, մի՛ անհանգստանարք», — ավելացնում էր նա շփազանց քաղաքավարի կերպով: Բայց Միտյային, ինչպես ինքն էր հիշում հետո, հանկարծ սոսկալի հետաքրքրեցին քննիչի խոշոր մատանիները, որոնցից մեկի վրա մեղսակի կար, իսկ մյուսի վրա՝ վառ դեղին ու թափանցիկ մի շողակ, որ այնքան գեղեցիկ փայլ ուներ: Եվ հետագայում դեռ նա երկար ժամանակ զարմանքով հիշում էր, որ այդ մատանիներն անդիմադրելիորեն գրավում էին իր հայացքը հարցաքննության բոլոր այդ սարսփելի ժամերի ընթացքում, այնպես որ նա, չգիտես ինչու, ոչ մի կերպ չէր կարողանում պոկվել ու մոռանալ դրանք՝ որպես իր դրոթյանը բոլորովին չհամապատասխանող բաներ: Միտյայի ձախ կողմը, այնտեղ, ուր երեկոյի սկզբում նստել էր Մաքսիմովը, հիմա դատախազն էր տեղ գրավել, իսկ Միտյայի աջ կողմը, այնտեղ, ուր Գրուշենկան էր առաջ, տեղավորվել էր վարդագույն այտերով մի երիտասարդ, որ մի տեսակ որսորդական ու խիստ մաշված բաճկոն էր հագել, և որի առաջ թանաքաման ու թուղթ կար: Պարզվեց, որ նա քննիչի գրագիրն է, և քննիչը նրան բերել է իր հետ: Իսկ ոստիկանապետը հիմա կանգնած էր պատուհանի մոտ, սենյակի մյուս ծայրը, Կալբանովի կողքին, որ նույն պատուհանի մոտ նստել էր աթոռի վրա:

— Մի քիչ շուր խմեցեք, — կրկնեց մեղմորեն քննիչը արդեն տասներորդ անգամ:

— Խմեցի, պարոնայք, խմեցի... բայց... է՛հ, պարոնայք, ճզմեցեք ինձ, պատժեցե՛ք, վճռեցե՛ք իմ ճակատագիրը, — բացականչեց Միտյան, սոսկալիորեն անշարժ ու չոված հայացքով նայելով քննիչին:

— Այսպես ուրեմն, դուք հաստատապես պնդում եք, որ մեղավոր չե՞ք ձեր հոր՝ Ֆյոդոր Պավլովիչի մահվան մեջ, — հարցրեց քննիչը մեղմ, բայց հաստատուն շեշտով:

— Մեղավոր չե՛մ: Մեղավոր եմ մի ուրիշ արյուն թափելու մեջ, մի ուրիշ ծերունու արյուն, բայց ոչ թե իմ հոր: Եվ ողբո՛ւմ եմ: Սպանեցի, սպանեցի ծերունուն, սպանեցի ու տապալեցի գետին... Բայց ծանր է այդ արյան դիմաց պատասխան տալ մի ուրիշ արյունով, սարսփելի՛ արյունով, որի համար մեղավոր չեմ... Ահավոր մեղադրանք է, պարոնայք, կարծես բոունքով խփեցիք քթիս-բերնիս: Բայց ո՞վ է սպանել հորս, ո՞վ է սպանել: Ո՞վ կարող է սպանած լինել, եթե ես չեմ: Հրաջջ է սա, անհեթեթ բան, անկարելի՛ բան...

— Այո, ո՞վ կարող է սպանած լինել... — սկսում էր քննիչը, բայց դատախազ Իպոլիտ Կիրիլովիչը (այսինքն դատախազի օգնականը, բայց մենք էլ նրան կարճորեն դատախազ կոչենք), մի հայացք փոխանակելով քննիչի հետ, դարձավ Միտյային ու սասց:

— Դուք իզուր եք անհանգստանում ծերունի ծառա Գրիգորի վասիլևիչի համար: Իմացեք, որ նա կենդանի է, ուշքի է եկել, և շնայած այն ծանր հարվածներին, որոնց նա ենթարկվել է ձեր կողմից, ըստ նրա և ձեր այժմու ցուցմունքի, կարծես թե կենդանի կմնա անտարակույս, գոնե բժշկի ասելով:

— Կենդանի՞ է: Ուրեմն կենդանի է՞, — գուցե հանկարծ Միտյան, ձեռքերն իրար զարնելով: Նրա դեմքը լրիվ պայծառացավ: — Ո՞վ աստված, շնորհակալ եմ քեզնից այն մեծագույն հրաշքի համար, որ ցուցաբերեցիք ինձ՝ մեղավորիս ու շարագործիս, լսեցի՛ր իմ աղոթքը... Այո, այո, իմ աղոթքի պատասխանն է դա, ես ամբողջ գիշեր աղոթում էի... — և նա երեք անգամ խաչակնքեց: Համարյա շունչը կտրվում էր:

— Եվ ահա ուրեմն, հենց այդ Գրիգորից էլ մենք այնքան կարևոր ցուցմունքներ ստացանք ձեր մասին, որ դուք... — շարունակում էր դատախազը, բայց հանկարծ Միտյան վեր թռավ աթոռից:

— Մի բույն, պարոնայք, ի սեր աստծո, միա՛յն մի լուպե, վազեմ Գրուշենկայի մոտ...

— Ներեցե՛ք: Այս բուպեիս ո՛չ մի կերպ չի կարելի, — համարյա ճշաց Նիկոլայ Պարֆյունովիչը և նույնպես վեր թռավ: Միտյային բռնեցին այն մարդիկ, որոնք վահանակներ ունեին կրծքի վրա, բայց նա իր կամքով նստեց աթոռին...

— Շատ ափսոս, պարոնայք: Միայն մի վայրկյան ուզում էի տեսնել նրան... ուզում էի հայտնել, որ սրբվեց, չքացա՛վ այն արյունը, որ ամբողջ գիշերը նստել էր սրտիս վրա, և էլ մարդասպան չե՛մ: Նա իմ հարսնացուն է, պարոնայք, — ասաց նա հանկարծ ցնծությամբ ու ակնածանքով, նայելով շուրջը՝ բուրիս: — Օ՛, շնորհակալ եմ ձեզնից, պարոնայք: Օ՛, ինչպե՛ս վերակենդանացրիք, կյանք տվեցիք ինձ մի վայրկյանում... Այդ ծերունին իր ձեռքերի վրա է պահել ինձ, պարոնայք, նա ինձ լվանում էր տաշտում, երբ երեք տարեկան երեխա էի և բոլորը լքել էին ինձ: Նա հարազատ հա՛յր է եղել ինձ համար...

— Այսպես ուրեմն, դուք...— սկսեց նորից քննիչը:

— Քույլ տվեք, պարոնայք, մի բոլակ ևս թույլ տվեք,— ընդհատեց Միտյան, երկու արմունկները դնելով սեղանին և ափերով ծածկելով դեմքը,— թողեք մի քիչ մտածեմ, թողեք շունչ քաշեմ, պարոնայք: Սոսկալի ցնցում են այս բոլորը, սոսկալի, մարդը հո թմբուկի կաշի չէ, պարոնայք:

— Նորից մի քիչ ջուր խմեիք...— մրմնջաց Նիկոլայ Պարֆյունովիչը:

Միտյան ձեռքերը հեռացրեց դեմքից ու ծիծաղեց: Կորովի էր նրա հայացքը, կարծես լրիվ կերպարանափոխվել էր նա մի վայրկյանում: Փոխվել էր նաև նրա ամբողջ կեցվածքը. արդեն նորից այդ բոլոր մարդկանց հետ, այդ իր նախկին ծանոթների հետ նստել էր որպես նրանց հավասար մի մարդ, ճիշտ այնպես, ինչպես եթե մի բարձրաշխարհիկ հավաքույթի մեջ հանդիպած լինեին այդ բոլորը երեկ, երբ դեռ ոչինչ չէր պատահել: Ի դեպ նշենք, որ Միտյան, երբ դեռ նոր էր եկել մեզ մոտ, սիրալիր ընդունելություն էր գտել ոստիկանապետի տանը, բայց հետո, հատկապես վերջին ամսվա ընթացքում, համարյա չէր այցելում նրան, իսկ ոստիկանապետը երբ պատահաբար հանդիպում էր Միտյային, օրինակ փողոցում, սաստիկ խոժոռվում էր և միայն քաղաքավարության սիրույն ողջույն էր տալիս, և Միտյան շատ լավ նկատել էր այդ: Դատախազի հետ ավելի քիչ էր ծանոթ, բայց երբեմն շատ հարգալից այցելություն էր տալիս նրա տիկնոջը, որ ցնորքներով տարված ու ջղային մի կին էր, և Միտյան ինքն էլ չէր հասկանում, թե ինչու է գնում նրա մոտ, իսկ դատախազի կինը միշտ էլ նրան սիրալիր էր ընդունում, մինչև վերջին օրերս հետաքրքրվում էր նրանով՝ շփոթեց ինչու իսկ քննիչի հետ դեռ չէր հասցրել ծանոթանալ, թեև նրան էլ մեկ կամ երկու անգամ հանդիպել էր ու նույնիսկ խոսել հետը՝ երկու անգամ էլ զեղեցիկ սեռի մասին:

— Ինչպես տեսնում եմ, դուք շատ վարպետ քննիչ եք, Նիկոլայ Պարֆյունովիչ,— ուրախ ծիծաղեց հանկարծ Միտյան,— բայց հիմա ինքս կօգնեմ ձեզ: Օ՛ պարոնայք, ես վերածնվեցի... և ծուռ աչքով մի՛ նայեք ինձ, որ այսպես առանց ձևականության, այսպես ուղղակի դիմում եմ ձեզ: Մանավանդ որ մի քիչ էլ հարբած եմ, ասեմ ձեզ անկեղծորեն: Կարծեմ պատիվն եմ ունեցել... պատիվն ու հաճույքն եմ ունեցել հանդիպելու ձեզ իմ ազգական Միուսովի մոտ, Նիկոլայ Պարֆյունովիչ... Պարոնայք,

պարոնայք, ես հավակնությունը չունեմ հավասարի պես խոսելու ձեզ հետ, ես շատ լավ եմ հասկանում, թե որպես ո՞վ եմ նստել հիմա ձեր դիմաց: Ինձ վրա ընկնում է... եթե Գրիգորին է իմ դեմ ցուցմունք տվել... ուրեմն ինձ վրա ընկնում է... օ՛, իհարկե ընկնում է այդ ահավոր կասկածը: Սարսափելի է, սարսափելի, ես շատ լավ եմ հասկանում դա: Բայց գործի անցնենք, պարոնայք, պատրաստ եմ ես, և մենք հիմա մի վայրկյանում վերջ կտանք դրան, որովհետև... լսեցեք, լսեցե՛ք, պարոնայք: Դե քանի որ գիտեմ, թե ես մեղավոր չեմ, ուրեմն մի վայրկյանում վերջ կտանք անշուշտ: Այնպես չէ՞: Այնպես չէ՞:

Միտյան արագ ու շատ էր խոսում, խոսում էր ջղայնորեն ու բաց սրտով, կարծես իր ունկնդիրներին ուղղակի համարելով իր լավագույն բարեկամները:

— Այսպես ուրեմն, մենք առայժմ կարձանագրենք, որ դուք կտրականապես ժխտում եք ձեր վրա բարդվող մեղադրանքը,— ասաց Նիկոլայ Պարֆյունովիչը ազդեցիկ շեշտով, դարձավ գրագրին և կիսաձայն թելադրեց նրան, թե ինչ պետք է արձանագրել:

— Արձանագրե՛լ: Ուզում եք արձանագրե՞լ այդ բանը: Դե լավ, արձանագրեցեք, համաձայն եմ, տալիս եմ իմ լիակատար համաձայնությունը, պարոնայք... Միայն թե գիտե՞ք ինչ... Սպասեք, սպասեք, այսպես գրեցեք. «Կովազանության մեջ մեղավոր է, խեղճ ծերուկին ծանր հարվածներ հասցնելու մեջ մեղավոր է»: Դե՛հ, մեկ էլ ինքն իր ներսում, իր հոգու խորքում մեղավոր է, բայց այս մեկը պետք չէ գրել,— դարձավ նա հանկարծ գրագրին,— սա արդեն իմ անձնական կյանքն է, պարոնայք, սա արդեն ձեզ չի վերաբերում, այդ հոգու խորքե՛րը այսինքն... Բայց իմ ծերունի հոր սպանության մեջ՝ մեղավոր չե՛մ: Դա վայրենի՛ միտք է: Բացարձակապես վայրենի միտք... Ես կապացուցեմ ձեզ, և դուք վայրկենապես կհամոզվեք: Ու պիտի ծիծաղե՞ք, պարոնայք, ինքներդ պիտի քահ-քահ ծիծաղեք ձեր կասկածի վրա...

— Հանգստացեք, Դմիտրի Ֆյոդորովիչ,— հիշեցրեց քննիչը, երևի ցանկանալով իր հանդարտությանը հաղթել մոլուցքի մեջ ընկած մարդուն:— Նախքան հարցաքննությունը շարունակելը ես կցանկանայի ձեզնից լսել, եթե անշուշտ համաձայն եք պատասխանելու, կցանկանայի լսել, որ դուք հաստատում եք այն փաստը, թե կարծեմ չէիք սիրում հանգուցյալ Ֆյոդոր Պավլովի-

չին, նրա հետ անընդհատ ինչ-որ գծաուծություն ունեիք... Համե- նայն դեպս հիմա այստեղ, մի քառորդ ժամ առաջ, կարծեմ ասացիք, թե նույնիսկ ուզում էիք սպանել նրան: «Չեմ սպանել,— գոռացիք,— բայց ուզում էի սպանել»:

— Այդպիսի բա՞ն ասացի: Ա՛խ, կարող է պատահել, պա- րոնայք: Այո, դժբախտաբար, ուզում էի սպանել նրան, շատ ան- գամ ունեցել եմ այդ ցանկությունը... դժբախտաբար, դժբախտա- բա՛ր:

— Ուզում էիք: Չե՞ք համաձայնվի բացատրել մեզ, թե հատկա- պես ի՞նչ սկզբունքներ էին ձեզ ղեկավարում, երբ այդպիսի ատե- լություն էինք զգում ձեր ծնողի անձնավորության նկատմամբ:

— Բացատրելու ի՞նչ կա, պարոնայք,— մռայլորեն ուսերը թոթվեց Միտյան, հայացքն իջեցնելով:— Ես հո չէի թաքցնում իմ զգացմունքները, ամբողջ քաղաքը գիտե այդ մասին, գինե- տանը բոլորն էլ գիտեն: Դեռ վերջերս վանքում հայտարարեցի՝ սրբահայր Զոսիմայի խուցում... Նույն օրը, երեկոյան, ծեծեցի հորս և քիչ մնաց սպանելի, հետո էլ երգվեցի, որ նորից կգամ ու կսպանեմ, վկաների ներկայությամբ... Օ՛, հազար հոգի կա- րող է վկայել: Ամբողջ մի ամիս գոռում էի, բոլորն են վկա... Աչքի առաջ է փաստը, խոստում է փաստը, գոռում, բայց... զգաց- մունքնե՛րը, պարոնայք, զգացմունքնե՛րը... սա արդեն ուրիշ բան է: Գիտե՞ք ինչ, պարոնայք,— խոժոռ- վեց Միտյան,— ինձ թվում է, թե զգացմունքների մասին դուք իրավունք չունեք ինձ հարցնելու: Ծիշտ է, ձեզ իշխանություն է տրված, հասկանում եմ, բայց դա ի՛մ գործն է, իմ ներքին գործը, խիստ անձնական, թեև... քանի որ սրանից առաջ չեմ թաքցրել իմ զգացմունքները... գինետանը, օրինակ... քանի որ խոսել եմ աչ ու ձախ, բոլորին, ուրեմն... ուրեմն հիմա էլ զաղտնիք չեմ դարձնի դրանք: Գիտե՞ք, պարոնայք, ես հո հասկանում եմ, որ այս դեպքում սարսափելի հանցանշաններ կան իմ դեմ. բո- լորին ասել եմ, որ կսպանեմ նրան, և հանկարծ իրոք նրան սպա- նեցին: Ուրեմն պետք է որ ես լինեմ սպանողը այդ դեպքում: Հա-հա՛: Ներում եմ ձեզ, պարոնայք, բացարձակապես ներում եմ: Չէ՞ որ ես ինքս էլ շժմել եմ մինչև մազերիս ծայրը, որովհետև ո՞վ է սպանել նրան վերջապես, ո՞վ է սպանել այդ դեպքում, եթե ես չեմ: Ծիշտ չե՛մ ասում: Եթե ես չեմ, հապա ո՞վ է, ո՞վ է Պարոնա՛յք,— բացականչեց հանկարծ Միտյան,— ես ուզում եմ իմանալ, նույնիսկ պահանջում եմ ձեզնից, պարոնայք. ո՞րտեղ

է սպանվել նա: Ինչպե՞ս է սպանվել, ինչո՞վ և ինչպե՞ս: Ասացե՛ք ինձ,— հարցրեց նա արագորեն, փոխանիփոխ նայելով դատախա- զին ու քննիչին:

— Մենք նրան գտանք հատակին ընկած, մեջքի վրա, իր առանձնասենյակում, ջախջախված գլխով,— ասաց դատախազը:

— Ահավո՛ր է դա, պարոնայք,— ցնցվեց հանկարծ Միտյան, արմունկները դրեց սեղանին ու երեսը ծածկեց աչ ձեռքով:

— Շարունակներ,— ընդհատեց Նիկոլայ Պարֆյունովիչը:— Այսպես ուրեմն, ինչն էր այն ժամանակ ձեզ ղեկավարում ատե- լության ձեր զգացմունքների մեջ: Դուք կարծեմ հրապարակով հայտարարել եք, թե խանդի զգացմունքն էր:

— Դե հա՛, խանդը, և ոչ միայն խանդը:

— Փողի վեճե՞րը:

— Դե հա՛, փողի վեճերն էլ:

— Կարծեմ վեճը երեք հազար ռուբլու մասին էր, որ իբր թե մնացել է ձեզ հասնող ժառանգությունից ու չի վճարվել ձեզ:

— Ի՛նչ երեք հազար: Ավելի, ավելի,— տաքացավ հանկարծ Միտյան,— վեց հազարից էլ ավելի, գուցե տասից էլ ավելի: Բո- լորին էի ասում, գոռո՛ւմ էի բոլորի առաջ: Բայց թե՛ թո՛ղ այդ- պես լինի, մտածեցի, որոշեցի երեք հազարով գործը վեջընջ- նել: Այդ երեք հազարը կյանքի շափ հարկավոր էր ինձ... այն- պես որ այն կապոցը, որի մեջ երեք հազար ռուբլի կար և գիտեի, որ նրա բարձի տակ է, պատրաստել է Գրուշենկայի համար, ուղղակի ինձնից գողացված էի համարում մի տեսակ, ա՛յ ասում եմ, պարոնայք, իմն էի համարում այդ կապոցը, միևնույն է թե իմ սեփականությունը լիներ...

Դատախազը մի նշանակալից հայացք փոխանակեց քննիչի հետ և հասցրեց աննկատելիորեն աչքով անել նրան:

— Մենք դեռ կվերադառնանք այդ խնդրին,— ասաց իսկույն քննիչը,— իսկ այժմ դուք մեզ թույլ կտաք նշել ու արձանա- գրել հենց այդ մի փոքրիկ կետը, թե դուք այդ ծրարի մեջ եղած փողը մի տեսակ ձեր սեփականությունն էիք համարում:

— Գրեցեք, պարոնայք, ես հասկանո՞ւմ եմ, որ դա նորից մի հանցանշան է իմ դեմ, բայց ես հանցանշաններից չեմ վա- խենում և ի՛նքս եմ խոսում իմ դեմ: Լսո՞ւմ եք, ի՛նքս, անձա՛մբ: Գիտե՞ք ինչ, պարոնայք, կարծեմ դուք ինձ բոլորովին ուրիշ մարդու տեղ եք դնում, իսկ ես այդպիսին չեմ,— ավելացրեց նա հանկարծ մռայլորեն ու տխրությամբ:— Ձեզ հետ խոսում է մի

ազնիվ մարդ, ազնվագույն մի անձնավորութուն, և մանավանդ (այս մեկը բաց մի՛ թողնեք ձեր աչքից) մանավանդ մի մարդ, որ հազար ու մի ստոր բաներ է արել, բայց միշտ եղել ու մնացել է ազնվագույն մի էակ, որպես ներքին էակ, խորքում, դե՛հ, մի խոսքով, շեմ կարողանում արտահայտվել... Հենց դա՛ է ինձ տանջել իմ ամբողջ կյանքում, ազնվության ծարավն եմ ունեցել, այսպես ասած տառապյալն եմ եղել ազնվության, լապտերով եմ փնտրել ազնվութունը, Դիոգենեսի լապտերով, այնինչ ամբողջ կյանքումս զզվելի բաներ եմ արել միայն, ինչպես մենք բոլորս, պարոնայք... այսինքն ինչպես ի՛նքս միայն, պարոնայք, ոչ թե բոլորը, սխալվեցի, ե՛ս, ե՛ս միայն... Պարոնայք, գլուխս է ցավում,— կնճռոտվեց նա տառապալից:— Հասկանո՞ւմ եք, պարոնայք, ինձ համար տհաճ էր նրա արտաքինը, անազնիվ մի բան ունեւր, պարծենկոտ մի արհամարհանք, ոտնահարում էր ամեն սրբութուն, հեզնող էր, անհավատ, զզվելի՛ է, զզվելի՛ Բայց հիմա, երբ արդեն նա մահացել է, ուրիշ կերպ եմ մտածում:

— Ինչպե՞ս թե ուրիշ կերպ:

— Ոչ թե ուրիշ կերպ, այլ ցավում եմ, որ այդպես ասում էի նրան:

— Զղջո՞ւմ եք:

— Զէ, ոչ թե զղջում եմ, մի՛ գրեք այդ բանը: Ես ինքս մի բարի պտուղ չեմ, պարոնայք, հասկանո՞ւմ եք, ես ինքս շատ էլ գեղեցիկ չեմ, ուրեմն իրավունք չունեի նրան էլ զզվելի համարելու, ա՛յս է ահա: Գրեցեք այս, եթե ուզում եք:

Այդպես ասելուց հետո Միտյան հանկարծ շափազանց տըխրեց: Արդեն վաղուց, պատասխանելով քննիչի հարցերին, նա հետզհետե ավելի ու ավելի մոայլ էր դառնում: Եվ հանկարծ, հենց այդ վայրկյանին, նորից մի անսպասելի տեսարան տեղի ունեցավ: Թեև քիչ առաջ հեռացրել էին Գրուշենկային, բայց շատ հեռու չէին տարել՝ ընդամենը երկու սենյակ անդին այն կապույտ սենյակից, ուր կատարվում էր հարցաքննութունը: Մեկ լուսամուտով փոքրիկ մի սենյակ էր դա՛ կից այն մեծ սենյակին, ուր պարում էին գիշերը և մեծ խնջույք անում: Այնտեղ նստել էր Գրուշենկան, և առայժմ նրա հետ էր միայն Մաքսիմովը, որ սոսկալի շմեկ էր, սոսկալի վախեցել ու կպել Գրուշենկային, կարծես փրկութուն փնտրելով նրա կողքին: Դուրս առաջ մի գլուղացի էր կանգնել՝ կրծքին վահանակով: Գրուշենկան լաց

էր լինում, և ահա հանկարծ, երբ վիշտն արդեն շափազանց ծանր ճնշեց, նա վեր թռավ, թեկերը տարածեց, բարձրաձայն աղաղակեց՝ «Վայ ինչ կրա՛կ էր, վա՛յ», ու նետվեց սենյակից դուրս՝ դեպի Միտյան, դեպի իր Միտյան, և այնքան անսպասելիորեն, որ ոչ ոք չհասցրեց կանգնեցնել նրան: Իսկ Միտյան, լսելով նրա աղաղակը, ուղղակի սարսուռաց, ցատկեց տեղից, մոնչաց ու շեշտակի խոյացավ նրան ընդառաջ, կարծես լրիվ մոռանալով ինքնիրեն: Բայց նորից շթողեցին, որ նրանք միանան, թեև արդեն տեսել էին իրար: Միտյային ամուր բռնեցին ձեռքերից. նա մաքառեց, աշխատեց ազատվել, երեք կամ չորս հոգի պետք եղավ, որպեսզի զսպեն նրան: Բռնեցին նաև Գրուշենկային, և Միտյան տեսավ, թե ինչպես նա գոռալով ձեռքերը մեկնում էր իրեն՝ Միտյային, երբ տանում էին նրան: Երբ տեսարանը վերջացավ, Միտյան նորից ուշքի եկավ իր նախկին տեղում, սեղանի առաջ, քննիչի դիմաց, և սկսեց գոռոզուլ, դիմելով նրանց.

— Ի՞նչ եք ուզում նրանից: Ինչո՞ւ եք տանջում նրան: Նա անմեղ է, անմե՞ղ...

Դատախազն ու քննիչը աշխատում էին հանգստացնել նրան: Այդպես անցավ մի որոշ ժամանակ, մոտ տասը ռուպե: Վերջապես Միխայիլ Մակարովիչը, որ դուրս էր եկել, շտապ սենյակ մտավ ու բարձրաձայն, հուզված, դիմեց դատախազին.

— Հեռացված է նա, ներքեում է, ինձ թույլ չե՞ք տա մի խոսք ասել այս դժբախտ մարդուն, միայն մի խոսք, պարոնայք: Ձեր ներկայությամբ, պարոնայք, ձե՛ր ներկայությամբ:

— Ամենայն սիրով, Միխայիլ Մակարովիչ,— պատասխանեց քննիչը.— տվյալ դեպքում մենք առարկելու ոչինչ չունենք:

— Դմիտրի Ֆյոդորովիչ, լսի՛ր, սիրելիս,— սկսեց Միխայիլ Մակարովիչը, դիմելով Միտյային, և նրա հուզված դեմքին ջերմ, գրեթե հայրական կարեկցանք արտահայտվեց դժբախտի նկատմամբ,— ես ինքս քո Ագրաֆենա Ալեքսանդրովնային տարա ներքև ու հանձնեցի պանդոկապետի աղջիկներին, և հիմա անընդհատ նրա հետ է այդ ծերուկ Մաքսիմովը: Ես համոզեցի նրան, լսո՞ւմ ես, համոզեցի ու հանգստացրի. բացատրեցի, որ քեզ հիմա արդարանալ է հարկավոր, ուրեմն նա չպետք է խանգարի քեզ, չպետք է հուզմունք պատճառի քեզ, թե չէ դու կարող ես շփոթվել ու սխալ ցուցմունքներ տալ ինքդ քո դեմ, հասկանո՞ւմ ես: Դե, մի խոսքով, ասացի և նա հասկացավ: Խե-

լացի աղջիկ է, սիրելիս, բարի է, ուզում էր իմ ձեռքերը համբուրել, այս իմ ծերունական ձեռքերը, քեզ համար օգնություն էր խնդրում: Ի՞նչը ուղարկեց ինձ այստեղ, որ ասեմ քեզ՝ մի՛ մտահոգվիր նրա համար, հանգիստ եղիր. և պե՛տք է, սիրելիս, պետք է գնամ ու ասեմ նրան, որ դու հանգիստ ես և շես մտահոգվում նրա համար: Դե հանգստացիր ուրեմն, հասկացի՛ր դու այս բանը: Ես մեղավոր եմ նրա առաջ, քրիստոնյա հոգի ունի այդ աղջիկը, այո՛, պարոնայք, հեզ հոգի է նա և ոչ մի բանում մեղավոր չէ: Ուրեմն ի՞նչ ասեմ նրան, Դմիտրի Ֆյոդորովիչ, հանգիստ պիտի նստե՞ս, թե չէ:

Բարեսիրտ ոստիկանապետը ավելորդ բաներ շատ ասաց, բայց Գրուշենկայի վիշտը, մարդկային վիշտը տոգորել էր նրա բարի սիրտը, և նույնիսկ արցունք կար նրա աչքերի մեջ: Միտյան վեր թռավ ու վազեց նրա մոտ:

— Ներեցեք, պարոնայք, թույլ տվեք, օ՛, թույլ տվեք, — գոչեց նա: — Հրեշտակի հոգի ունեք դուք, հրեշտակի՛, Միխայիլ Մակարովիչ, շնորհակալ եմ Գրուշենկայի համար: Հանգիստ կլինեմ, հանգիստ, զվարթ կլինեմ. ասացեք նրան ձեր հոգու անշափ բարությունը, ասացեք, որ ես զվարթ եմ, ուրախ, նույնիսկ կսկսեմ ծիծաղել հիմա, գիտե՞նալով, որ ձեզ նման մի պահապան հրեշտակ ունի նա: Ա՛յս բոպեիս կվերջացնեմ ամեն ինչ, և հենց որ ազատվեմ՝ խսկույն կվազեմ նրա մոտ, կտեսնի՛ նա, թող սպասի: Պարոնայք, — դարձավ նա հանկարծ դատախազին ու քննիչին, — հիմա իմ ամբողջ հոգին կբանամ ձեր առաջ, կգեղեմ ամբողջությամբ, մի վայրկյանում կվերջացնենք այս բանը, ուրախ կվերջացնենք, և վերջում կծիծաղենք իհարկե, այնպես չէ՞, կծիծաղենք: Բայց այդ կինը իմ սրտի թագուհին է, պարոնայք: Օ՛, թույլ տվեք ինձ ասել այս բանը, ա՛յս մեկն արդեն կբանամ ձեր առաջ... Տեսնում եմ, չէ՞, ազնվագույն մարդկանց հետ է իմ գործը: Նա իմ լույսն է, իմ սրբությունը, և եթե իմանայի՛ք... Լսեցիք, թե ինչպես էր գոռում՝ ռժեզ հետ մահապատժի՛ էլ կգնամ: Իսկ ի՞նչ եմ տվել ես նրան, ես՝ աղքատի, տկլորի մեկը, ինչո՞ւ այդպիսի սեր իմ նկատմամբ, արժանի՛ եմ արդյոք ես՝ անշնորհք, խայտառակ մի արարած, խայտառակ դեմքով, արժանի՛ եմ այդպիսի սիրո, արժանի՛ եմ, որ նա ինձ հետ աքսոր գնա: Ինձ համար քիչ առաջ ձեր ոտքերն էր ընկել, նա՛, որ հպարտ է և ոչ մի մեղք չունի: Ինչպե՞ս չպաշտեմ նրան, ինչպե՞ս շաղաղակեմ, շուրամ նրա մոտ՝ այն:

ինչ արեցի հիմա: Օ՛ պարոնայք, ներեցեք ինձ: Բայց հիմա, հիմա արդեն սփոփվել է իմ սիրտը:

Եվ նա ընկավ աթոռին, երկու ափով ծածկեց դեմքը և սկսեց աղիողորմ լաց լինել: Բայց դրանք արդեն երջանիկ արցունքներ էին: Վայրկենապես ուշքի եկավ: Սերունի ոստիկանապետը շատ գոհ էր, և իրավաբաններն էլ կարծես գոհ էին. նրանք զգացին, որ հարցաքննությունը հիմա նոր փուլի մեջ կմտնի: Երբ ոստիկանապետը դուրս էր գնում, Միտյան պարզապես ուրախ էր արդեն:

— Է՛հ, պարոնայք, հիմա ձերն եմ, լրիվ ձերը: Եվ... եթե շինեին բոլոր այս մանրուքները, մենք անմիջապես կհասկանայինք իրար: Ես նորից մանրուքների մասին եմ ասում: Ձեր տրամադրության տակ եմ, պարոնայք, բայց, ազնիվ խոսք, փոխադարձ վստահություն է պետք՝ դուք իմ նկատմամբ, ես ձեր նկատմամբ, այլապես մենք երբեք չենք կարող վերջացնել: Հենց ձեր օգտին եմ ասում: Գործի անցնենք, պարոնայք, գործի, և զխավորը՝ մի՛ փորփրեք այդպես իմ հոգին, մի՛ տանջեք ինձ դատարկ բաներով, գործի հետ կապ ունեցող փաստերը միայն հարցրեք, և ես անմիջապես կգոհացնեմ ձեզ: Իսկ մանրուքները՝ գրողի ծո՛ցը:

Այսպես էր բացականում Միտյան: Հարցաքննությունը նորից սկսվեց:

IV

ՉԱՐՉԱՐԱՆԷ ԵՐԿՐՈՐ

— Դուք չգիտեք, թե մեզ էլ ինչպե՞ս եք քաջալերում ձեր այդ պատրաստակամությամբ, Դմիտրի Ֆյոդորովիչ... — սկսեց խոսել Նիկոլայ Պարֆյունովիչն աշխույժ արտահայտությամբ. նա իր ակնոցը հանել էր մի բոպե առաջ, և նրա խոշոր ու բաց մոխրագույն, դուրս ընկած, խիստ կարճատես աչքերի մեջ փայլում էր ակնհայտ գոհունակությունը: — Եվ դուք հիմա իրավացիորեն արեցիք այդ նկատումը փոխադարձ վստահության վերաբերյալ, առանց որի երբեմն նույնիսկ անկարելի է արդյունքի հասնել այսպիսի կարևորություն ունեցող գործերում, այն պարագային, երբ կասկածելի անձը իրոք ցանկանում է, հույս ունի և կարող է արդարացնել իրեն: Մենք մեր կողմից ի գործ կդրենք ամեն ինչ, որ կախված է մեզնից, և նույնիսկ դուք ինք-

ներդ կարող էիք տեսնել հիմա, թե ինչպես ենք վարում գործը... Գուք հավանութիւն տալի՞ս եք, Իպոլիտ Կիրիլովիչ,— դարձավ նա հանկարծ դատախազին:

— Օ՛, անտարակույս,— հավանութիւն տվեց դատախազը, թեև նրա շեշտը մի քիչ ավելի շոր էր՝ Նիկոլայ Պարֆյունովիչի եռանդի հետ համեմատած:

Մի անգամ ընդմիջտ նշեմ, որ դեռ վերջերս մեզ մոտ եկած Նիկոլայ Պարֆյունովիչը, իր գործունեութեան հենց սկզբից, բացառիկ հարգանք էր զգացել մեր դատախազ Իպոլիտ Կիրիլովիչի հանդեպ և համարյա թե նրա սրտակից բարեկամն էր դարձել: Նա գրեթե միակ մարդն էր, որ անպայմանորեն հավատացել էր «չգնահատված ու վշտացած» մեր Իպոլիտ Կիրիլովիչի հոգեբանական ու հոետորական արտակարգ տաղանդին և լրիվ հավատում էր նաև, որ նա իսկապես վշտացած է: Նրա մասին դեռ Պետերբուրգում էր լսել: Բայց և Նիկոլայ Պարֆյունովիչն էլ, իր հերթին, ամբողջ աշխարհում եղավ միակ մարդը, որին մեր «վշտացած» դատախազն անկեղծորեն սիրեց: Ճանապարհին, այստեղ գալու ժամանակ, նրանք ճասցրել էին որոշ հարցերում խոսք մեկ անել ու պայմանավորվել առաջիկա գործի վերաբերյալ, և հիմա, երբ նստել էին սեղանի առաջ, Նիկոլայ Պարֆյունովիչի սուր միտքն անմիջապես որսում ու հասկանում էր ամեն մի ցուցմունք, ամեն մի շարժում իր ավագ պաշտոնակցի դեմքին, կռահում էր կեն բառից, մի հայացքից, աչքերի մի թեթև թարթումից:

— Պարոնայք, միայն թե թույլ տվեք, որ ինքս պատմեմ, մի՛ ընդհատեք ինձ դատարկ բաներով, և ես մի վայրկյանում ամեն ինչ կնկարագրեմ,— տաքացավ Միտյան:

— Սքանչելի է: Ենորհակալ եմ: Բայց ձեր հաղորդման ունկնդրութեանն անցնելուց առաջ թույլ տայիք ինձ՝ ևս մի փոքրիկ փաստի մասին հավաստիանալ, մեզ համար շատ հետաքրքրական մի փաստի: Խնդիրը այն տասը ուրբիսն է, որ դուք երեկ, ժամը հինգի մոտ, փոխ եք վերցրել ձեր բարեկամ Պյոտր Իլլիչ Պերխոտինից՝ գրավ դնելով ձեր ատրճանակները:

— Գրավ եմ դրել, պարոնայք, գրավ եմ դրել՝ տասը ուրբու գիմաց: Հետո՞ ինչ: Ա՛յդ է եղած-չեղածը: Հենց որ քաղաք վերադարձա, ուղղակի գնացի գրավ դրեցի:

— Քաղաք վերադարձա՞ք: Իսկ դուք քաղաքից դուրս էիք գնացել:

— Գնացել էի, պարոնայք, քառասուն վերստ հեռու տեղ էի գնացել, իսկ դուք չգիտե՞ք, ինչ է:

Դատախազն ու Նիկոլայ Պարֆյունովիչը իրար նայեցին:

— Եվ ընդհանրապես, լավ չէ՞ր լինի, եթե ձեր պատմութեանն սկսեիք ձեր երեկվա ամբողջ օրը կանոնավորաբար նկարագրելով՝ հենց առավոտից սկսած: Թույլ տվեք, օրինակ, իմանալ, թե ինչու՞ բացակայեցիք քաղաքից և հատկապես ո՞ր ժամին գնացիք, ո՞ր ժամին վերադարձաք... և բոլոր այս փաստերը...

— Դե ուրեմն այսպես էլ հարցնեիք հենց սկզբից,— բարձրաձայն ծիծաղեց Միտյան:— Եվ եթե ուզում եք, պետք է սկսել ոչ թե երեկվա օրից, այլ անցյալ օրվա հենց առավոտից, այն ժամանակ կհասկանաք, թե որտեղ, ինչու և ինչպես եմ գնացել: Անցյալ օրը, պարոնայք, առավոտյան գնացի վաճառական Սամսոնովի մոտ՝ երեք հազար ուրբի փոխ վերցնելու նրանից, ամենահաստատ գրավականով. հանկարծ սոսկալի պետք եղավ այդ գումարը, պարոնայք, սոսկալի պետք եղավ...

— Թույլ տվեք ընդհատել ձեզ,— քաղաքավարի կերպով վրա բերեց դատախազը,— ինչու՞ հանկարծ պետք եղավ, և հենց այդպիսի մի գումար, այսինքն երեք հազար ուրբի:

— Է՛, պարոնայք, մի կողմ թողնենք մանրուքները՝ ինչպե՞ս, ե՞րբ, ինչու՞, և ինչու՞ հենց այդքան փող և ոչ թե այսքան, ձեռք քաշեիք այդ ամբողջ գլխացավանքից... այդ ձեռով երեք հատորն էլ չի հերիքի, և դեռ վերջաբան էլ պետք կլինի:

Միտյան այդ բոլորն ասաց բարեհոգի, բայց անհամբեր մի մտերմավարութեամբ, որ հատուկ է ամբողջ ճշմարտութեանն ասել ցանկացող և ամենաբարի նպատակներով տոգորված մարդուն:

— Պարոնայք,— մի տեսակ խոսքը փոխեց նա հանկարծ,— դուք ինձնից մի՛ դժգոհեք իմ վեր-վեր թռնելու համար, նորից եմ խնդրում՝ հավատացեք, որ ես լիակատար հարգանք եմ զգում ձեր նկատմամբ և հասկանում եմ իրերի իսկական գրութիւնը: Մի՛ կասկածեք, որ հարբած եմ: Արդեն սթափվել եմ հիմա: Եվ հարբած լինելն էլ չէր խանգարի բողոքովին: Իմ բանն այսպես է ախր՝

Ուշքի եկավ, խելքի եկավ՝ հիմար դարձավ:
Մի ամի խմեց, խելքը կորցրեց՝ խելքացավ:

Հա-հա՛: Բայց տեսնում եմ, պարոնայք, որ դեռ ինձ համար անվայել բան է ձեր առաջ սրամտելը, այսինքն քանի դեռ չենք բացատրվել: Թույլ տվեք պահպանել նաև իմ սեփական արժանապատվությունը: Ես լավ հասկանում եմ տարբերությունը այս ընդհանուր շե՛ որ ես համենայն դեպս որպես հանցագործ եմ նստել ձեր առաջ, ուրեմն բացարձակապես ձեր հավասարը չեմ, իսկ ձեր պարտականությունն է դիտել ու հսկել ինձ: Հո չե՞ք շոյելու իմ գլուխը, որ այդպիսի բան արեցի Գրիգորիին. իրոք որ չի կարելի ծերուկների գլուխը ջարդել ու անպատիժ մնալ, և իհարկե դրա համար ինձ կնստեցնեք դատ-դատաստանով, դե ասենք կես տարի, կամ թեկուզ մի տարի ուղղիչ տանը, չգիտեմ ինչ պատիժ կտաք վերջապես, բայց թե առանց իրավազրկման, այնպես չե՞, պարոն դատախազ, առանց իրավազրկման, չե՞: Դե ուրեմն տեսնում եք, պարոնայք, հասկանում եմ այդ տարբերությունը... Բայց և համաձայնվեցեք, որ այդպիսի հարցեր տալով կարող եք հենց աստծուն էլ մոլորեցնել. ո՞ւր կոխեցիր, ինչպե՞ս կոխեցիր, ե՞րբ կոխեցիր, ինչի՞ վրա կոխեցիր: Եթե այդպես լինի, կարող եմ շփոթվել հանկարծ, իսկ դուք անմիջապես լուրջի տեղ կընդունեք ու կարձանագրեք: Եվ ի՞նչ դուրս կգա: Ո՛չ՛նչ էլ դուրս չի գա: Եվ վերջապես, եթե նույնիսկ մեծ-մեծ բրդել սկսեցի հիմա, դե ուրեմն մինչև վերջ ասեմ, իսկ դուք, պարոնայք, որպես բարձրագույն կրթություն ունեցող և ազնվագույն մարդիկ, ներեցեք ինձ: Հենց մի խնդրանքով վերջացնեմ խոսքըս. մոռացե՛ք այլևս այդ պաշտոնական, ձևական հարցաքննությունը, այսինքն, հասկանո՞ւմ եք, իբր թե նախ ինչ-որ շե՛ն չին, անպետք բաներից սկսել՝ ինչպե՞ս վերկացար, ի՞նչ կերար, ինչպե՞ս թքեցիր, և այդ ձևով «հանցագործի ուշադրությունը ցրելուց» հետո, հանկարծ շե՛նցնող մի հարց ես տալիս ու բռնում նրան՝ «Ո՞ւմ սպանեցիր, ո՞ւմ կողոպտեցիր»: Հա-հա՛: Այս է ահա ձեր պաշտոնական ձևը, չե՞, ձեր օրենքն է դա, ահա՛ թե ինչի վրա է հիմնված ձեր ամբողջ խորամանկությունը: Բայց դուք գուղացիների՛ն կարող եք ուշադրությունից շեղել այդպիսի խորամանկություններով, ոչ թե ինձ: Ես հասկանում եմ այս գործը, չե՞, ինքս եմ ծառայության մեջ եղել, հա-հա-հա՛: Չե՞ք բարկանում, պարոնայք, ներո՞ւմ եք իմ հանդգնությունը,— գոռաց նա, գրեթե զարմանալի մի բարեհոգությունամբ նայելով նրանց:— Միտյա Կարամազովն է ասում, չե՞, ուրեմն

և կարելի է ներել, որովհետև խելացի մարդուն ներելի չէ, իսկ Միտյային ներելի է: Հա-հա՛:

Նիկոլայ Պարֆյունովիչը լսում էր և նույնպես ծիծաղում: Դատախազը թեև չէր ծիծաղում, բայց սեռուուն դիտում էր Միտյային, առանց աչքերը վար անելու, կարծես շուգելով բաց թողնել նրա ամենափոքր բառն իսկ, ամենափոքր շարժումը, ամենափոքր դիմազծի ամենափոքր կծկումը:

— Բայց մենք այդպես էլ սկսեցինք ձեզ հետ հենց առաջին ընդհանրացումը,— պատասխանեց Նիկոլայ Պարֆյունովիչը, դեռ շարունակելով ծիծաղել:— Չաշխատեցինք շփոթեցնել ձեզ այդպիսի հարցերով՝ թե ինչպե՞ս եք վեր կացել առավոտյան և ի՞նչ եք կերել, այլ սկսեցինք հենց ամենալավակնից:

— Հասկանում եմ, հասկացա և գնահատեցի, և ավելի ևս գնահատում եմ այս ընդհանուր ձևեր բարությունը իմ նկատմամբ, անօրինակ բարությունը, որ արժանի է ազնվագույն հոգիների: Մենք այստեղ, երեք ազնիվ մարդիկ, հանդիպել ենք իրար, և թող այսպես էլ ամեն ինչ մեր միջև փոխադարձ վստահության վրա լինի, քանի որ զարգացած ու նրբակիրթ մարդիկ ենք՝ ազնվական ծագումով ու պատվի զգացումով իրար կապված: Համենայն դեպս, թույլ տվեք ձեզ իմ լավագույն բարեկամները համարել իմ կյանքի այս ընդհանուր, իմ պատվի նվաստացման այս ընդհանուր: Դա հո վիրավորական չե՞ ձեզ համար, պարոնայք, վիրավորական չե՞:

— Ընդհակառակը, դուք այնքա՛ն սքանչելի արտահայտեցիք այդ բոլորը, Դմիտրի Ֆյոդորովիչ,— համաձայնվեց Նիկոլայ Պարֆյունովիչը, ծանրակշիռ ու հավանություն տվող շեղտով:

— Իսկ մանրուքները, պարոնայք, բոլոր այդ սմանողով մանրուքները դե՛ն գցենք,— բացականչեց Միտյան ոգևորված,— թե չե՛ պարզապես... սատանան գիտե, թե ուր կհասնենք: Ծիշտ չե՛մ ասում:

— Կիովին կհետևեմ ձեր ողջամիտ խորհուրդներին,— մեջ ընկավ հանկարծ դատախազը, դիմելով Միտյային,— բայց և այնպես իմ հարցերից չեմ հրաժարվի: Խիստ էականորեն անհրաժեշտ է ձեզ իմանալ, թե հատկապես ինչի՞ համար պետք եղավ ձեզ այդպիսի գումարը, այսինքն հենց երեք հազար ուրբիին:

— Ինչի համար պետք եղա՞վ: Է՛, մի բանի համար պետք եղավ, էլի... դե պարտք ունեի տալիք:

— Ո՞ւմ հատկապես:

— Այդ մեկը ուղղակի հրաժարվում եմ ասել, պարոնայք Ղասկանո՞ւմ եք, ոչ թե որովհետև չեմ կարող ասել կամ չեմ հասարակվում և կամ թե վախենում եմ. թքած ունեմ այդ բոլորի վրա, դրանք բացարձակապես դատարկ բաներ են: Չեմ ասում, որովհետև սկզբունքի հարց է. իմ անձնական կյանքն է դա, և չեմ թողնի, որ խառնվեն իմ անձնական կյանքին: Ահա՛ իմ սկզբունքը: Ձեր հարցը գործի հետ կապ չունի, և գործի հետ կապ չունեցող ամեն ինչ իմ անձնական կյանքին է վերաբերում: Ուզում էի պարտքս վերադարձնել, պատվո պարտքս էի ուզում տալ, բայց թե ում՝ չեմ ասի:

— Թույլ տվեք մեզ արձանագրել այս կետը, — ասաց դատախազը:

— Խնդրեմ: Հենց այնպես էլ արձանագրեցեք՝ չեմ ասի ու չեմ ասի: Գրեցեք, պարոնայք, որ նույնիսկ անազնիվ եմ համարում ասել այդ բանը: Ա՛յ թե գրում ու գրում եք հա՛, ժամանակ ունեք վատնելու:

— Թույլ տվեք, հարգելի պարոն, նախազգուշացնել ձեզ ու կրկին անգամ հիշեցնել, եթե անշուշտ չգիտեիք այս բանը, — ասաց դատախազը մի հատուկ ու բավական խիստ հորդորանքով, — որ դուք լիակատար իրավունք ունեք չպատասխանելու այն հարցերին, որոնք առաջարկվում են հիմա ձեզ, իսկ մենք էլ, ընդհակառակը, ոչ մի իրավունք չունենք պատասխաններ կորզելու ձեզնից, եթե ինքներդ խուսափում եք պատասխանել այս կամ այն պատճառով: Դա թողնվում է ձեր անձնական գաղտնիության: Բայց և միաժամանակ մեր պարտքն է այսպիսի դեպքում ձեր ուշադրությանը հանձնել ու բացատրել ամբողջ շափը այն վնասի, որ ինքներդ պատճառում եք ձեզ, հրաժարվելով տալ այս կամ այն ցուցմունքը: Իսկ այժմ խնդրում եմ շարունակել:

— Պարոնայք, ես հո չեմ բարկանում... ես — սկսեց մըրթմըրթալ Միտյան, մի քիչ շփոթված այդ նախազգուշացումից, — դե հասկանո՞ւմ եք, պարոնայք, հենց այդ Սամսոնովը, որի մոտ գնացի այն ժամանակ...

Մենք, իհարկե, մանրամասնորեն չենք մեջ բերի նրա պատմածը, որ արդեն ծանոթ է ընթերցողին: Նա անհամբեր ուզում էր պատմել ամեն ինչ, մինչև ամենահետին մանրամասնությունը, և միաժամանակ ուզում էր շուտ վեր-

ջացնել: Բայց որքան ցուցմունք էր տալիս, այնքան արձանագրում էին, ուստի և անհրաժեշտորեն ընդհատում էին նրան: Դմիտրի Ֆյոդորովիչը կշտամբում էր դրա համար, բայց ենթարկվում էր. բարկանում էր, բայց դեռ բարեհոգաբար: Ճիշտ է, հրեման բացականչում էր՝ «Պարոնայք, դա հենց աստծուն էլ համբերությունից կհանի», և կամ՝ «Պարոնայք, գիտե՞ք, որ պարզապես իզուր ջղայնացնում եք ինձ»: Բայց այնուամենայնիվ, այդպես բացականչելով հանդերձ, նա դեռ պահպանում էր իր բարեկամական, զեղուն տրամադրությունը: Այսպես, նա պատմեց, թե ինչպես երկու օր առաջ Սամսոնովը «խաբեց» իրեն: (Հիմա արդեն լիովին հասկանում էր, որ իրեն խաբել են այն ժամանակ): Ծանապահածախսի համար ժամացույցը վեց ուրբով ծախելը, մի փաստ, որ դեռ բոլորովին անծանոթ էր քննիչին ու դատախազին, անմիջապես նրանց արտակարգ ուշադրությունը գրավեց, և դա արդեն չափից դուրս վրդովեց Միտյային, որովհետև անհրաժեշտ գտան մանրամասնորեն արձանագրել այդ փաստը՝ որպես կրկնակի մի հաստատում այն հանգամանքի, թե նախորդ օրն էլ նա համարյա ոչ մի կուպեկ փող չունեի արդեն: Հետզհետե Միտյան սկսեց մոայլվել: Հետո, նկարագրելով կյանքի տեսնելու համար կատարած ճամփորդությունը, ածխահոտով թունավորված խրճիթում գիշերելը և այլն, պատմությունը հասցրեց մինչև քաղաք վերադառնալու պահը: Եվ այստեղ արդեն ինքն անձամբ, առանց իրավաբանների կողմից հատուկ խնդրանքի, սկսեց մանրամասնորեն նկարագրել Գրուշենկայի նկատմամբ իր խանդի տանջանքները: Լուռ և ուշադրությամբ էին նրան: Հատկապես խորացան այն հանգամանքի մեջ, որ Միտյան վազուց արդեն Գրուշենկային հետևելու համար դիտակետ է ունեցել Ֆյոդոր Պավլովիչի տան «ետեի կողմը», Մարյա Կոնդրատենայի այգում, և որ Սժեբրոյակովն էր տեղեկություններ բերում նրան. այս կետը շեշտակի նշեցին ու արձանագրեցին: Իր խանդի մասին նա խոսեց եռանդով ու ընդարձակորեն, ոչ թե ներքուստ ամաշում էր, որ իր ամենաթաքուն զգացմունքները դնում է, այսպես ասած, ըրնդհանուր պարսավանքի» առաջ, բայց երևի հաղթահարում էր ամոթը, որպեսզի ճշմարտությունը պատմի: Ի վերջո Միտյային սաստիկ խռովեցին քննիչի ու մանավանդ դատախազի սեռուուն հայացքները, որոնք անկարեկից խստությամբ ուղղվել էին նրան, երբ նա իր պատմությունն էր պատմում: «Այս երեխան, նիկոլայ Պարֆյո-

նովիչը, որի հետ դեռ ընդամենը մի քանի օր առաջ հիմարություններ էի խոսում կանանց մասին, և այս հիվանդ դատախազը արժանի չեն, որ այս բանը պատմեմ նրանց,— մտածեց նա տխրությամբ,— խայտառակութիւն է:— «Համբերիր, խաղաղվիր ու լռիր»,— վերջացրեց նա իր մտածմունքը այս բանաստեղծական տողով, բայց այնուամենայնիվ ոգեպնդեց ինքն իրեն նորից, որպեսզի շարունակի իր պատմութիւնը: Անցնելով Խոխլակովային կատարած իր այցելութեան, նույնիսկ զվարթացավ կրկին և նույնիսկ ուզեց գործի հետ կապ շունեցող մի նոր անեկդոտ պատմել այդ տիկնոջ մասին, բայց քննիչը կանգնեցրեց նրան և քաղաքավարի կերպով առաջարկեց անցնել «ավելի էական» հարցերի: Վերջապես, նկարագրելով իր հուսահատութիւնը, պատմեց այն ըրպեի մասին, երբ, Խոխլակովայի տնից դուրս գալով, նույնիսկ մտածել էր «թեկուզ սպանել որևէ մեկին, բայց ձեռք բերել երեք հազարը»: այստեղ նորից ընդհատեցին նրան և արձանագրեցին, որ «ուզում էր սպանել»: Միտյան լուռումունջ թողեց, որ արձանագրեն: Եվ վերջապես հասավ պատմութեան այն պահին, երբ հանկարծ իմացել էր, որ Գրուշենկան խաբել է իրեն և իր ուղեկցելուց անմիջապես հետո գնացել է Մամսոնովի տնից, այնինչ իրեն ասել էր, որ մինչև կեսգիշեր նստելու է ծերունու մոտ: «Ըթի այդ ըրպեին ես չսպանեցի այդ Ֆենյային, պարոնայք, պատճառը միայն այն էր, որ ժամանակ չունեի»,— թռավ հանկարծ նրա բերանից, երբ պատմութեան այդ կետին էր հասել: Այդ էլ ուշի-ուշով արձանագրեցին: Միտյան մտալ ղեմքով սպասեց, հետո սկսեց պատմել այն մասին, թե ինչպես հոր այգին էր վազել, բայց հանկարծ քննիչը կանգնեցրեց նրան, բացեց իր խոշոր թղթապանակը, որ դրել էր կողքին, բազմոցի վրա, և այնտեղից հանեց պղնձե սանդղոթը:

— Չեզ ծանոթ է այս առարկան,— ցույց տվեց նա սանդղոթը Միտյային:

— Ա՛խ, այո,— մտալ ծիծաղեց Միտյան,— ինչպե՛ս թե ծանոթ չէ: Տվեք մի նայեմ... Բայց դե գրո՛ղը տանի, պետք չէ՛:

— Դուք մոռացաք հիշել այս բանը,— նկատեց քննիչը:

— Է՛, գրո՛ղը տանի: Հո չէի թաքցնելու ձեզնից: Ինչ է, կարծում էիք առանց դրան կվերջանա՞ր պատմութիւնը: Հիմա պարզապես հիշողութիւնիցս դուրս էր թռել:

— Բարեհաճեցե՛ք հանգամանորեն պատմել, թե ինչպե՛ս գինվեցիք սրանով:

— Խնդրեմ, կբարեհաճեմ, պարոնայք:

Եվ Միտյան պատմեց, թե ինչպե՛ս վերցրեց սանդղոթը և վազեց:

— Բայց ի՞նչ նպատակ է նկատի ունեիք, երբ գինվում էիք այսպիսի զենքով:

— Ինչ նպատակ: Ո՛չ մի նպատակ: Վերցրի ու վազեցի:

— Բայց ինչո՞ւ, եթե նպատակ չունեիք:

Միտյայի սրտում բորբոքվում էր վրդովմունքը: Նա սեւեւան նայեց «երեսային» և մտալ ու զայրացած քմծիծաղեց: Ավելի ու ավելի ամոթ էր զգում, որ իր խանդի պատմութիւնն այնքա՛ն անկեղծորեն և այդպիսի զեղումներով պատմել էր «այսպիսի մարդկանց»:

— Թքե՛լ եմ սանդղոթի վրա,— պոռթկաց նա հանկարծ:

— Բայց համենայն դեպս...

— Դե լավ, շնորհից պաշտպանվելու համար, էլի: Դե մութ էր, էլի... Դե մի բա՛ն կարող էր պատահել, էլի:

— Իսկ առաջ էլ, երբ գիշերը դուրս էիք գալիս, մի որևէ զենք վերցնո՞ւմ էիք ձեզ հետ, եթե այդպես վախենում էիք մութից:

— Է՛, գրո՛ղ, թո՛ւն: Պարոնայք, բացարձակապես չի կարելի խոսել ձեզ հետ,— գոռաց Միտյան ծայր ատտիճան ջզայնացած, և դառնալով գրադրին, դաջրույթից կասկարմիր կտրած, ձայնի մեջ մուկգին մի շեշտով ասաց նրան:

— Գրի՛ր անմիջապես... անմիջապես... «որ հետս վերցրի սանդղոթը, որպեսզի վազեմ սպանելու հորս... Չյողոր Պավլովիչին... գլխին հարվածելով»: Է՛հ, գո՛հ եք հիմա, պարոնայք: Սրտներդ հանգստացա՛վ,— ասաց նա, աչքերը հանդիմանորեն սևեռելով քննիչի ու դատախազի վրա:

— Մենք շատ լավ հասկանում ենք, որ այսպիսի ցուցմունքը հիմա դուք տվեցիք մեր դեմ ջզայնացածով ու վրդովվելով այն հարցերից, որ անաչարտում ենք ձեզ, և որ դուք մտեր եք համարում, բայց որ ըստ էության խիտ էական են,— չոր-չոր պատասխանեց նրան դատախազը:

— Բայց ի սե՛ր աստժա, պարոնայք: Դե լավ, սանդղոթը վերցրի... Է՛հ, մարդ ինչո՞ւ այսպիսի դեպքերում մի բան է վերցնում ձեռքը: Ես չգիտեմ ինչու: Վերցրի ու վազեցի: Բարի:

ոչինչ, Ամոթ է պարոնայք, passons, թե չէ՝ երգվում եմ, էլ ոչինչ չեմ պատմի:

Նա արմունկները սեղանին դրեց ու գլուխը հենեց ձեռքին: Իր կողքն էր դարձրել նրանց ու պատին էր նայում, աշխատելով մի վատ զգացում հաղթահարել իր մեջ: Ծվ իրոք, սոսկալի ուզում էր վեր կենալ ու հայտարարել, որ այլևս ոչ մի բառ չի ասի, «թեկուզ կախաղան հանեցեք»:

— Գիտե՞ք ինչ,— պարոնայք,— ասաց նա հանկարծ, դժվարությունը հաղթահարելով ինքն իրեն,— գիտե՞ք ինչ: Լսում եմ ձեզ, և փնձ թվում է... գիտե՞ք ինչ, ես երբեմն մի երազ եմ տեսնում... մի այնպիսի երազ, որ հաճախ եմ տեսնում, միշտ կրկնվում է նույնը... որ մեկը հալածում է ինձ, այնպիսի մեկը, որից ես սոսկալի վախենում եմ, և նա հալածում է խավարի մեջ, գիշերը, ինձ է փնտրում, իսկ ես թաքնվում եմ նրանից մի որևէ տեղ՝ մի դռան ետև, մի պահարանի ետև, թաքնվում եմ նվաստացնող ձևով, և խնդիրն այն է, որ նա շատ լավ գիտե որտեղ եմ թաքնվել, բայց կարծես դիտմամբ ձևացնում է, թե չգիտե որտեղ եմ նստում, որպեսզի ավելի երկար տանջի ինձ, որպեսզի ըմբռնի իմ լախը... Այ հենց ա՛յդ եք անում հիմա: Հենց դրա՛ն է նման:

— Դուք այդպիսի երազնե՞ր եք տեսնում,— հարցրեց դատախազը:

— Այո, այդպիսի երազներ եմ տեսնում... Ինչ է, չե՞ք ուզում այս էլ արձանագրել,— ծուռ ժպտաց Միտյան:

— Ոչ, արձանագրելու պետք չկա, բայց համեմայն դեպս հետաքրքրական են ձեր երազները:

— Իսկ հիմա արդեն երազ չէ՞: Ռեալիզմ է, պարոնայք, իրական կյանքի ռեալիզմը: Ծա՛ գայլ եմ, իսկ դուք՝ որսորդներ: Է՛հ, հալածո՞ւմ եք գայլին:

— Դուք իզուր այդպիսի համեմատություն արեցիք... սկսեց նիկոլայ Պարֆյունովը շափազանց մեղմ շեշտով:

— Իզուր չէ, պարոնայք, իզուր չէ՞,— բորբոքվեց կրկին Միտյան, թեև նորից սկսել էր բարեհոգի դառնալ, երևի անակրեկալ զայրույթի այդ պոռթկումը թեթևացրել էր սիրտը:— Դուք կարող եք չհավատալ հանցագործին կամ մեղադրյալին, որ շարաշար տանջվում է ձեր հարցերից, բայց չե՞ք կարող չհավատալ ազնվագույն մարդուն, հոգու ազնվագույն մղումներին (համարձակորեն գոռում եմ այս բանը), ո՛չ, պարոնայք, չե՞ք կա-

րող չհավատալ դրան... նույնիսկ իրավո՞ւնք չունեք չհավատալու... բայց՝

լսիր, սիրտ իմ,
Համբերի՛ր, խաղաղվիր ու լսիր:

Է՛հ, ինչ եք ասում, շարունակե՛մ,— մոռալորեն ընդհատեց նա: — Խնդրեմ, շնորհ արեք,— պատասխանեց նիկոլայ Պարֆյունովը:

V

ԵՐՐՈՐԳ ՉԱՐՉԱՐԱՆՔ

Միտյան թեև մոռալորեն սկսեց խոսել, բայց երևում էր, որ ավելի ևս աշխատում է ոչ մի մանրամասնություն չմոռանալ ու բաց չթողնել իր պատմածից: Պատմեց, թե ինչպես ցանկապատի վրայով ցատկել էր հոր այգին, ինչպես գնացել էր մինչև պատուհանը և վերջապես ամեն ինչ, որ տեղի էր ունեցել պատուհանի տակ: Հստակ, ճշգրիտ, կարծես քանդակելով նկարագրեց այն զգացմունքները, որ այդ վայրկյաններին հուզել էին նրան այգու մեջ, երբ այնպե՛ս սոսկալիորեն ուզում էր իմանալ՝ հոր մո՞տ է Գրուշենկան, թե ոչ: Բայց տարօրինակ բան՝ այս անգամ և՛ դատախազը, և՛ քննիչը մի տեսակ ահավոր ժուժկալություն էին լսում, շոր-շոր նայում էին, շատ ավելի քիչ հարցեր էին տալիս: Միտյան ոչինչ չէր կարողանում կռահել նրանց դեմքերից: «Բարկացան ու վիրավորվեցին,— մտածեց նա,— դե թքա՛ծա: Իսկ երբ պատմեց, թե ինչպես ի վերջո սիրտ էր արել հորը ճշտե՛ս տալ, որ Գրուշենկան եկել է, ուստի և նա պետք է բաց անի պատուհանը, դատախազն ու քննիչը բնավ ուշադրություն չդարձրին «նշան» բառի վրա, կարծես բոլորովին էլ չհասկանալով, թե ինչ իմաստ ունի այս պարագային այդ բառը, այնպես որ Միտյան նույնիսկ նկատեց այդ վերջապես հասավ իր պատմության այն վայրկյանին, երբ տեսնելով պատուհանից դուրս ցցված իր հորը, ատելությամբ էր բորբոքվել ու գրպանից հանել էր սանդղոթը: Ծվ հանկարծ այստեղ, կարծես դիտմամբ, կանգ առավ ու լռեց: Նստած նայում էր պատին և գիտեր, որ նրանք իրենց աչքերն ուղղակի բեռեռել էին իրեն:

— Դե լավ,— ասաց քննիչը,— հանեցիք զենքը և... և ի՞նչ պատահեց հետո:

— Հետո՞: Է՛հ, հետո սպանեցի... հասցրի գազաթին և ջախջախեցի գանգը... Այդպես է, չէ՞, ձե՛ր կարծիքով այդպես է,— փայլատակեցին հանկարծ նրա աչքերը: Մեղմացած զայրույթը հանկարծ արտակարգ ուժով բորբոքվեց նրա հոգում:

— Մե՛ր կարծիքով,— կրկնեց նիկոլայ Պարֆյունովիչը,— գե լավ, իսկ ձե՛ր կարծիքով:

Միտյան հայացքն իջեցրեց ու երկար ժամանակ լուռ մնաց:

— Ըստ իս, պարոնայք, ըստ իս, ահա թե ինչպես եղավ,— մեղմորեն սկսեց խոսել նա:— Զգիտեմ՝ լա՞ց եղավ մեկը այդ վայրկյանին, արդյոք մա՞յրս աղաչեց աստծուն, արդյոք պայծառ մի ոգի՞ համբուրեց ինձ հանկարծ՝ չգիտեմ, բայց սատանան տապալվեց իմ մեջ: Ծս դեն նետվեցի պատուհանից և վազեցի գեպի ցանկապատը... Հայրս վախեցավ և առաջին անգամ այդ վայրկյանին տեսավ ինձ, ճշաց ու ետ ցատկեց պատուհանից. այս բանը շատ լավ եմ հիշում: Իսկ ես այգու միջով վազեցի գեպի ցանկապատը... և ահա այստեղ է, որ իմ ետևից հասավ Ֆրիգորին, երբ ես արդեն նստել էի ցանկապատի վրա...

Եվ Միտյան վերջապես աչքերը բարձրացրեց ու նայեց իր տակնդիրներին: Իսկ նրանք կարծես բացարձակորեն անվրդով ուշադրությամբ դիտում էին նրան: Զայրույթի մի ջղաձգություն ասրսեց Միտյայի հոգին:

— Խայց դուք այս րոպեին ծիծաղո՞ւմ եք ինձ վրա, պարոնայք,— ընդհատեց նա հանկարծ:

— Ինչո՞ւ եք այդպես ենթադրում,— նկատեց նիկոլայ Պարֆյունովիչը:

— Իմ ոչ մի բառին չեք հավատում, ահա՛ թե ինչու: Դե հասկանում եմ իհարկե, բանը հասավ ամենակարևոր կետին. ձերուկը հիմա այնտեղ ընկած է ջախջախված գլխով, իսկ ես... ողբերգականորեն նկարագրում եմ, թե ինչպես ուզում էի սպանել նրան և ինչպես արդեն հանել էի սանդղիթը... և հետո հանկարծ թողնում ու փախչում եմ պատուհանի մոտից... Պոե՛մ է: Զափածո՞ պոեմ: Կարելի՞ է հավատալ կտրիճ մարդու խոսքին: Լա-հա՛: Դուք սիրում եք ծաղրել մարդուն, պարոնայք:

Եվ նա ամբողջ մարմնով շոջվեց աթոռի վրա, այնպես որ աթոռը ճռճաց:

— Իսկ դուք չնկատեցի՞ք արդյոք,— սկսեց հանկարծ դատախազը, կարծես ուշադրություն էլ չգարձնելով Միտյայի հուզմունքին,— պատուհանից դեն վազելու ժամանակ չնկատեցի՞ք

արդյոք, թե բա՞ց կամ փա՞կ էք այն դուռը, որ գտնվում է տան մյուս ծայրին, այգու կողմը:

— Ոչ, բաց չէր:

— Բաց չէ՞ր:

— Փակ էր, ընդհակառակը, և ս՞վ կարող էր բաց անել որ: Բահո՞, դո՞ւրը, սպասե՛ք,— կարծես հանկարծ ուշքի եկավ նա և համարյա թե ցնցվեց:— Ի՞նչ է, դուրը բա՞ց գտաք:

— Բաց էր:

— Ուրեմն ս՞վ կարող էր բաց անել, եթե ինքներդ չեք բացել,— սոսկալի զարմացավ հանկարծ Միտյան:

— Դուրը լրիվ բաց էր, և, անտարակույս, ձեր ծնողին սպանողն այդ դռնից է ներս մտել և սպանությունը կատարելուց հետո այդ դռնից էլ դուրս է եկել,— դանդաղ ու հատիկ-հատիկ ասաց դատախազը, կարծես ամեն մի բառը դրոշմելով:— Մեզ համար դա բացարձակապես պարզ է: Սպանությունը ակնհայտորեն կատարվել է սենյակում, ոչ թե պատուհանից, և դա հաստատապես երևում է կատարված հետաքննությունից, մարմնի դիրքից և ամեն ինչից: Այս հանգամանքը ոչ մի տարակույսի չի կարելի ենթարկել:

Միտյան ահռելիորեն ապշել մնացել էր:

— Բայց դա ուղղակի անկարելի՞ է, պարոնայք,— գոռաց նա, բուրբուկի իրեն կորցնելով,— ես... ես չեմ մտել... ես հաստատ եմ ասում, որոշակի եմ ասում ձեզ, որ դուրը փակ էր ամբողջ ժամանակ երբ ես գտնվում էի այգում և երբ փախչում էի այգուց: Ծս միայն պատուհանի տակ էի կանգնել և պատուհանից նրան տեսա, այդքան միայն, այդքան... Մինչև վերջին րոպեն հիշում եմ: Եվ չհիշի էլ, միևնույնն է՝ գիտեմ, որովհետև նշանները ես ու Սմերդյակովը միայն գիտեինք, մեկ էլ նա՛ հանգուցյալը, իսկ նա աշխարհում ո՛չ ոքի առաջ դուրը չէր բանա առանց այդ նշանների:

— Նշաններ՞: Իսկ ի՞նչ նշաններ են դրանք,— ասաց դատախազը ազահ, գրեթե հիստերիկ հետաքրքրությամբ ու վալքիկենապես կորցրեց իր ամբողջ դուռայ կեցվածքը: Վեհերոտ սողոսկելու պես հարցրեց նա: Մի կարևոր, իրեն անծանոթ փաստի հոտն առավ և նույն վալքիկյանին սաստկապես զգաց այն վախը, թե Միտյան դուռն չցանկանա լիովին բաց անել գազաթիքը:

— Ինչ է, չգիտեի՞ք,— աչքով արեց նրան Միտյան, հեզ-
նական ու ջինտո մի ժպիտով:— Է՞, հապա եթե շասե՞մ: Ումի՞ց
կարող եք իմանալ այդ դեպքում: Չէ՞ որ նշանների մասին մե՛նք
միայն գիտեինք՝ հանգուցյալը, ես և Սմերդյակովը, ուրիշ ոչ ոք:
մեկ էլ երկինքը գիտեր, բայց հո երկինքը ձեզ չի ասի: Իսկ փաս-
տը հետաքրքրական է, սատանան գիտե, թե ինչեր կարելի է
կառուցել դրա վրա, հա-հա՛: Հանգիստ եղեք, պարոնայք, այդ
էլ կհայտնեմ, հիմարություններ եք մտածում: Չգիտեք, թե ո՞ւմ
հետ է ձեր գործը: Դուք գործ ունեք այնպիսի մի մեղադրյալի
հետ, որ ինքն իր դեմ է ցուցմունք տալիս, ի վնաս իրեն: Այո,
պարոնայք, որովհետև ես պատվո ասպետ եմ, իսկ դուք՝ ոչ:

Գատախազը կուլ տվեց այդ բոլորը. նա պարզապես դողում
էր նոր փաստն իմանալու անհամբերությունից: Միտյան հստակ
ու մանրամասն պատմեց ամեն ինչ այդ նշանների մասին, որ
Ֆյոդոր Պավլովիչը հնարել էր Սմերդյակովի համար, բացատրեց,
թե ինչ էր հատկապես նշանակում ամեն մի թխկոցը պատուհա-
նին, նույնիսկ թխկացրեց այդ նշանները սեղանի վրա: Եվ երբ
Նիկոլայ Պարֆյոնովիչը հարցրեց, թե ուրեմն նա ծերունու պա-
տուհանին թխկացրել է հենց ա՞յն նշանը, որի իմաստն էր
«Գրուշենկան եկավ», Միտյան որոշակիորեն պատասխանեց՝ այո,
ձիշտ այդպես է թխկացրել, այսինքն թե՛ «Գրուշենկան եկավ»:

— Ահա խնդրեմ, հիմա կառուցե՞ք աշտարակը,— ընդ-
հատեց Միտյան և կրկին երես դարձրեց նրանցից՝ արհամարհան-
քով:

— Եվ այդ նշանները հայտնի էին միայն ձեր հանգուցյալ
ծնողին, ձեզ և ծառա Սմերդյակովի՞ն: Ուրիշ ո՞չ ոքի,— հարցրեց
նորից Նիկոլայ Պարֆյոնովիչը:

— Այո, ծառա Սմերդյակովին և մեկ էլ երկնքին: Երկնքի
մասին էլ արձանագրեցեք: Ավելորդ չի լինի: Եվ դուք ֆինքներդ
էլ աստծո կարիքը կունենաք:

Եվ անշուշտ արձանագրում էին արդեն, բայց արձանագրե-
լու ժամանակ հանկարծ դատախազը, կարծես բոլորովին անա-
կընկալորեն մի նոր միտք հղանալով, ասաց.

— Բայց եթե Սմերդյակովն էլ գիտեր այդ նշանները, իսկ
դուք արմատապես ժխտում եք ձեր նկատմամբ որևէ մեղադրանք
ձեր ծնողի մահվան հարցում, ապա գուցե նա՞ է, որ թխկացրել
է պայմանագրված նշանը, ձեր հորն ստիպել է դուռը բաց անել,
իսկ հետո նաև... կատարել է ո՞ճիրը:

Միտյան խորապես հեգնական, բայց և միաժամանակ
ահավոր ատելությամբ լեցուն մի հայացքով նայեց դատախա-
զին: Նայեց երկար ու լուռ, այնպես որ դատախազն սկսեց հա-
ճախակի թարթել աչքերը:

— Նորի՞ց բռնեցիք աղվեսին,— ասաց վերջապես Միտ-
յան,— ճզմեցիք թշվառականի պուշը և բռնեցիք, հե-հե՛: Չեք
ուղն ու ծուծն եմ տեսնում, դատախա՛զ: Հենց այդպես էլ մտա-
ծում էիք, չէ՞, կարծում էիք, որ անմիջապես տեղիցս վեր կցատ-
կեմ, կկառչեմ այն բանից, որ դուք ինձ հուշում եք, և կոկորդա
պատռելով կգոռամ. «Ա՛յ, Սմերդյակո՛վն է, ահա՛ մարդասպա-
նը»: Խոստովանեցեք, որ մտածեցիք այդ բանը, խոստովանեցեք,
և այդ դեպքում կշարունակեմ:

Բայց դատախազը շխոստովանեց: Լուռ սպասում էր:

— Սխալվեցի՞ք, չեմ գոռա, թե Սմերդյակովն է,— ասաց
Միտյան:

— Եվ նույնիսկ բոլորովին չե՞ք կասկածում նրա վրա:

— Իսկ դուք կասկածո՞ւմ եք:

— Նա էլ կասկածի տակ է:

Միտյան աչքերը հռոնց հատակին:

— Կատակը մի կողմ,— ասաց նա մոռալորեն,— լսեցե՞ք.
Ջենց սկզբից, համարյա թե այն բոլորին, երբ ես վարագույրի
ետևից դուրս վազեցի ու եկա ձեզ մոտ, իմ մտքից արդեն ան-
քավ այդ բանը՝ «Սմերդյակո՛վ»: Նստել էի այս սեղանի առաջ
և գոռում էի, որ մեղավոր չեմ, իսկ իմ մեջ անընդհատ մտածում
էի՝ «Սմերդյակո՛վ»: Եվ հոգուս կպել էր Սմերդյակովը: Վերջա-
պես հենց հիմա նույնը մտածեցի հանկարծ՝ «Սմերդյակո՛վ»,
բայց միայն մի վայրկյան. դրա հետ անմիջապես մտածեցի՝
«Ո՛չ, Սմերդյակովը չէ»: Սա նրա գործը չէ, պարոնայք:

— Այդ դեպքում մի ուրիշ անձնավորության վրա կասկած
չունե՞ք,— զգուշորեն հարցրեց Նիկոլայ Պարֆյոնովիչը:

— Չգիտեմ ով կամ ինչ անձնավորություն, երկնքի՞ ձեռքն
է, թե սատանայի ձեռքը, բայց... Սմերդյակովը չէ՞,— կտրուկ
վճռականությամբ ասաց Միտյան:

— Բայց ինչո՞ւ դուք այսպես հաստատ և այսպես համառո-
րեն պնդում եք, որ նա չէ:

— Այդպես եմ համոզված: Այդ է տպավորությունս: Որով-
հետև Սմերդյակովը ամենաստոր բնավորությամբ մի մարդ է
և վախկոտ: Ոչ թե վախկոտ է, այլ աշխարհի բոլոր վախկոտու-

թյունների հանրագումարը, որ քայլում է երկու ոտքի վրա: Հավից է նա ծնվել: Երբ խոսում էր ինձ հետ, ամեն անգամ էլ դողում էր վախից, որ կապանեմ իրեն, այնինչ ես ձեռքս էլ չէի բարձրացնում: Ընկնում էր ոտքերս և լաց էր լինում, համբուրում էր ահա այս կոշիկները, տառացիորեն համբուրում և աղաչում էր, որ «չվախեցնեն» իրեն: Լսո՞ւմ եք. «Չվախեցնեն՞մ»: Սա՞ ինչ խոսք է: Իսկ ես նույնիսկ նվեր էի տալիս նրան: Ցավազար մի հավ է նա, ընկնավոր, թուլամիտ, և ութ տարեկան մի տղա կարող է նրան ծեծել: Դա ի՞նչ մի բնավորություն է որ: Չէ, Սմերդյակովը չէ, պարոնայք, և նա փող էլ չի սիրում, երբեք չէր վերցնում իմ նվիրածը... Եվ հետո ինչո՞ւ նա սպանի ծերունուն: Չէ՞ որ ինքն էլ նրա որդին է գուցե, ապօրինի որդին, գիտե՞ք այս բանը:

— Լսել ենք այդ առասպելը: Բայց չէ՞ որ դուք էլ ահա ձեր հոր որդին եք, և սակայն հենց ինքներդ էլ ասել եք բոլորին, որ ուզում էիք սպանել նրան:

— Քա՛ր եք գցում իմ կտուրը: Եվ ստո՞ր, զգվելի մի քար: Չե՞մ վախենում: Օ՞ պարոնայք, գուցե շատ մեծ ստորություն է, որ հենց իմ երեսին ասում եք այդ բանը: Ստորություն եք անում, որովհետև այդ բանը ի՞նքս եմ ասել ձեզ: Ոչ միայն ուզում էի, այլև կարող էի սպանել, և դեռ, ազելին, ինքս կամովին մեղք բարդեցի ինձ վրա, ասելով, թե քիչ մնաց սպանելի: Բայց չէ՞ որ շապանեցի նրան, չէ՞ որ ինձ փրկե՞ց իմ պահապան հրեշտակը. ահա ա՛յս է, որ դուք հաշվի չառաք... Դրա համար էլ ստորություն եք անում, ստորություն: Որովհետև ես չե՞մ սպանել, չե՞մ սպանել, չե՞մ սպանել: Լսո՞ւմ եք, դատախա՞զ. չե՞մ սպանե՞լ:

Համարյա թե շնչահեղձ եղալ նա: Ամբողջ հարցաքննության ընթացքում դեռ ոչ մի անգամ այդպես չէր հուզվել:

— Իսկ ի՞նչ ասաց ձեզ նա, պարոնայք, այդ Սմերդյակովը, — ավելացրեց նա հանկարծ, մի քիչ լռելուց հետո. — Կարո՞ղ եմ այս բանը հարցնել ձեզնից:

— Դուք կարող եք ամեն ինչ հարցնել մեզնից, — սառն ու խիստ արտահայտություններ պատասխանեց դատախազը, — ամեն ինչ, որ վերաբերում է գործի փաստական կողմին, իսկ մենք, կրկնում եմ, նույնիսկ պարտավոր ենք գահացում տալ ձեր յուրաքանչյուր հարցին: Մտառ Սմերդյակովին, որի մասին հարցնում եք դուք, ուշակորոյս պառկած գառանք իր անկողնում՝ ընկ-

նավորության շափազանց ուժեղ, գուցե տասը անգամ իրար վրա կրկնված նուպայի մեջ: Մեզ հետ եղող բժիշկը, քննելով հիվանդին, նույնիսկ ասաց, որ գուցե նա շապրի մինչև առավոտ:

— Է՞, այդ դեպքում սատանա՞ն է սպանել հորս, — պոռթկաց հանկարծ Միտյան, կարծես մինչև այդ վայրկյանը նա դեռ հարց էր տալիս ինքն իրեն՝ «Սմերդյակովն է, թե Սմերդյակովը չէ»:

— Մենք դեռ կվերադառնանք այդ փաստին, — որոշեց Նիկոլայ Պարֆյունովը: — Իսկ այժմ չե՞ք ցանկանա շարունակել ձեր ցուցմունքը:

Միտյան հանգստանալու թույլտվություն խնդրեց: Քաղաքավարի կերպով թույլ տվեցին նրան: Հանգստանալուց հետո շարունակեց պատմել: Բայց երևում էր, որ տաժանելի է նրա համար: Տանջվել էր նա, վիրավորվել ու ցնցվել բարոյապես: Եվ մանավանդ որ հիմա դատախազը, արդեն կարծես դիտմամբ, սկսեց ամեն ընդհանուր զրահանքներ նրան, բռնելով «մանրուքների» պոչից: Հազիվ էր Միտյան նկարագրել, թե ինչպես ինքը, ցանկապատի վրա նստած, սանդղկով հարվածել էր իր ձախ ոտքից կառած Գրիգորիի գլխին և հետո իսկույն ետ էր ցատկել տապաված ծերունու մոտ, և ահա դատախազն ընդհատեց նրան ու խնդրեց ավելի մանրամասն նկարագրել, թե ինչպես էր նստել ցանկապատի վրա: Միտյան զարմացավ:

— Ա՛յ այսպես էի նստել ահա, ձի հեծնելու պես, մեկ ոտքս այս կողմ, մյուս ոտքս այն կողմ:

— Իսկ սանդղկո՞թը:

— Սանդղկոթը ձեռքիս էր:

— Եվ ոչ թե գրպանո՞ւմ: Այդպես որոշակի հիշո՞ւմ եք: Լավ, իսկ ուժգին թափ առաք ձեռքով:

— Երևի ուժգին էր, բայց դա ձեր ինչի՞ն է պետք:

— Լավ կլինե՞ր, եթե հիմա աթոռի վրա նստեիք ճիշտ այնպես, ինչպես այն ժամանակ նստել էիք ցանկապատի վրա, և, պարզելու համար, մեր աչքի առաջ ցույց տալիք, թե ինչպես և ո՞ր կողմից թափ առաք, ո՞ր կողմը շարժեցիք ձեր ձեռքը:

— Բայց ինչ է, դուք ծիծաղո՞ւմ եք ինձ վրա, — հարցրեց Միտյան, հպարտորեն նայելով հարցաքննողին, բայց վերջինս աչքերն անգամ չթարթեց: Միտյան ջղաձգորեն դարձավ, ձիավորի պես նստեց աթոռին և թափահարեց ձեռքը:

— Ա՛յ աշապես խփեցի: Ա՛յ աշապես սպանեցի: էլ ի՞նչ ե՞ք ուզում:

— Ենորհակալ եմ: Իսկ հիմա նեղութիւն չե՞ք կրի բացատրե՛լու, թե ինչո՞ւ, հատկապես ի՞նչ նպատակով վար ցատկեցիք և ինչ նկատի ունեիք հատկապես:

— Է՛, գրո՛ղը տանի... ցատկեցի ընկած ծերուկի մոտ... Զգիտեմ ինչու:

— Այդպիսի հուզված վիճակո՞ւմ, եվ փախչելով հանդե՞րձ:

— Այո, հուզված վիճակում և փախչելով հանդերձ:

— Օգնել էիք ուզում նրան:

— Ի՞նչ օգնել... Այո, գուցե և ուզում էի օգնել, չեմ հիշում:

— Զէ՛ր գործում ձեր հիշողութիւնը: Այսինքն նույնիսկ մի որոշ շահով անզգայացե՞լ էիք:

— Օ ո՞չ, բոլորովին էլ չէի անզգայացել, ամեն ինչ հիշում եմ, Մինչև վերջին մանրամասնութիւնը: Ցատկեցի, որ նայեմ նրան, և թաշկինակով սրբեցի արյունը:

— Տեսանք ձեր թաշկինակը: Հույս ունեիք, որ ուշքի՞ կբերեք ձեր զգեստնած մարդուն:

— Զգիտեմ, հույս ունեի՞, շունեի՞: Պարզապես ուզում էի համոզվել՝ կենդանի՞ է, թե չէ:

— Ա՛, ուրեմն ուզում էիք համոզվել: Եվ ի՞նչ:

— Ես բժիշկ չեմ, չկարողացա որոշել: Փախա, մտածելով որ սպանել եմ, բայց ահա ուշքի է եկել:

— Հիանալի է,— վերջացրեց դատախազը:— Ենորհակալ եմ: Այդ էր միայն իմ ուզածը: Հաճեցեք շարունակել:

Ավա՛ղ, Միտյան թեև հիշում էր, բայց մտքովն էլ չանցավ պատմել, որ ծերուկի մոտ ցատկել էր խղճահարութիւնից մղված, և նույնիսկ, կանգնելով նրա գլխին, մի քանի կարեկցական խոսք էր ասել. «Փորձանքի քնկար, բիձուկ, էլ ի՞նչ կարող եմ անել, դե այդպես էլ մնա»: Իսկ դատախազը մեկ եզրակացութիւն միայն հանեց. «այսինքն թե մարդը «այդպիսի բոպեին և այդպիսի հուզված վիճակում» ցատկել է՝ պարզապես հաստատ համոզվելու համար, որ իր ոճրագործութեան միակ վկան կենդանի է, թե ոչ: Եվ որ, ուրեմն, ի՞նչ ուժ, վճռականութիւն, պաղարյունութիւն ու հաշիւնկատ վերաբերմունք է ունեցել մարդը նույնիսկ այդպիսի բոպեին... և այլն, և այլն: Դատախազը գոհ էր. այսինքն թե՛ «դուրարորբոք մարդուն գրգռեցի «մանրուքներով», և նա իր ասել չուզածն էլ բերանից թոցրեց»:

Միտյան տանջահար սրտով շարունակեց պատմել: Բայց այս անգամ արդեն Նիկոլայ Պարֆյունովիչն անմիջապես ընդհատեց նրան.

— Իսկ ինչպե՞ս կարողացաք վազել սպասուհի Ֆեոդոսյա Մարկովնայի մոտ, երբ այդպես արյունոտ էին ձեր ձեռքերը և, ինչպես պարզվել է հետո, նաև ձեր դեմքը:

— Բայց այդ պահին բոլորովին էլ չէի նկատել, որ արյունոտվել եմ,— պատասխանեց Միտյան:

— Ճշմարտանման է ասում, հենց այդպես էլ լինում է,— դատախազը մի հայացք փոխանակեց Նիկոլայ Պարֆյունովիչի հետ:

— Չէի նկատել հենց, շատ լավ ասացիք, դատախա՛զ,— հանկարծ հավանութիւն տվեց նաև Միտյան:

Իսկ այնուհետև Միտյան պատմեց, թե ինչպես ինքը անակընկալորեն որոշել էր «մի կողմ քաշվել» և «ճանապարհ տալ երջանիկներին»: Բայց արդեն ոչ մի կերպ չէր կարող նորից բաց անել իր սիրտը քիչ առաջվա նման և պատմել «իր հոգու թագուհու» մասին: Նողկանք էր զգում այդ սառնասիրտ մարդկանցից, որոնք «փայտօղիւնների նման կպել էին իրեն»: Այդ պատճառով էլ կարճ ու կտրուկ պատասխանեց կրկին ու կրկին տրվող ճարցերին.

— Դե՛հ, վճռեցի սպանել ինքս ինձ: Էլ ինչո՞ւ պետք է ողջ մնայի. այս հարցը ինքն իրեն կանգնում էր իմ առաջ: Հայտնուցվել էր նրա առաջին, անվիճելի սիրահարը, այն մարդը, որ նրա սիրտն էր կտարել, բայց հիմա, հինգ տարի հետո, վազելով եկել ու իր սերն էր բերել՝ օրինական ամուսնութեամբ քավելու համար իր հասցրած վիրավորանքը: Դե ուրեմն հասկացա, որ ամեն ինչ կորել էր ինձ համար... Իսկ իմ ետևում՝ խայտառակութիւն, և ահա այդ արյունը, Գրիգորիի արյունը... Էլ ինչո՞ւ ապրեի: Դե որեմն զնացի ետ առնելու գրավ դրած ատրճանակներս, որպեսզի լցնեմ դրանք և լուսադեմին փամփուշտը խրեմ գանգիս մեջ... Էլ ինչո՞ւ ապրեի:

— Իսկ մինչ այդ՝ գիշերը փառավոր մի խնջո՞ւյք:

— Այո, գիշերը փառավոր խնջույք: Է՛, գրողը տանի, պարոնայք, շուտ արեք, վերջացրեք: Ուզում էի անպայման ցրիվ տալ գանգս, ա՛յ այստեղ՝ հեռու չէ, գյուղի ծայրին, և առավոտը ժամը հինգին պետք է մաքրեի իմ հաշիվը, գրպանումս մի երկտող էի պատրաստել արդեն: Պերխոտինի մոտ էի գրել, երբ ատրճանակն էի լցնում: Ահա՛ այդ թուղթը, կարդացեք: Չեզ հա-

Մար չէ՛, որ պատմում եմ,— ամենացրեց նա հանկարծ արհամարհանքով: Քաճկոնակի գրպանից հանեց թուղթը և նետեց սեղանի վրա. քննիչները հետաքրքրությամբ կարդացին և, ըստ սովորականի, այդ թուղթն էլ միացրին դործին:

— Եվ նույնիսկ երբ պարոն Պերխոտինի մոտ գնացիք, դեռ չէի՞ք մտածում ձեր ձեռքերը լվանալ: Ուրեմն չէի՞ք վախենում կասկածներից:

— Ի՞նչ կասկածներ: Կասկածեին կամ ոչ՝ միևնույն է, ես պիտի սուրալով գալի այստեղ ու ժամը հինգին վերջ տալի կյանքիս, և դուք ոչինչ էլ չէիք հասցնի անել: Եթե չլիներ հորս դեպքը, դուք ոչինչ էլ չէիք իմանա և չէիք գա այստեղ: Օ՛, սատանան է արել այդ բանը, սատանան է սպանել հորս, և հենց սատանայի շնորհիվ այդքան շուտ իմացաք: Ինչպե՞ս է, որ այդքան շուտ հասաք այստեղ: Հրաշք է, ցնո՛րք:

— Պարոն Պերխոտինը հաղորդեց մեզ, որ դուք, երբ մտնում էիք նրա մոտ, ձեր ձեռքում... արյունոտ ձեռքում... բռնել էիք ձեր դրամը... մի մեծ գումար... հարյուրանոց թղթադրամների մի կապոց, և նրան ծառայող մանչն էլ տեսել է այդ բանը:

— Ճիշտ է, պարոնայք, հիշում եմ, որ այդպես էր:

— Հիմա մի փոքրիկ հարց է մեջտեղ գալիս: Չե՞ք կարող մեզ հայտնել,— չափազանց մեղմորեն սկսեց Նիկոլայ Պարֆյոնովիչը,— որտեղի՞ց վերցրիք հանկարծ այդքան փողը, քանի որ գործից երևում է, որ եթե ժամերի հաշիվը անենք՝ նույնիսկ տուն էլ չեք գնացել:

Դատախազը մի քիչ խոժոռովեց, որ հարցն այդպես ուղղակի է դրվում, բայց լրնդհատեց Նիկոլայ Պարֆյոնովիչին:

— Ոչ, տուն չեմ գնացել,— պատասխանեց Միտյան, ըստ երևույթին շատ հանգիստ, բայց նայելով հատակին:

— Թույլ տվեք այդ դեպքում կրկնել հարցը,— շարունակեց Նիկոլայ Պարֆյոնովիչը, մի տեսակ սողոսկելով դեպի բուն խռնդիրը:— Որտեղի՞ց կարող էիք այդպիսի գումար ձեռք բերել միանգամից, երբ նույն օրը, ժամը հինգին, ձեր խել խոստովանությամբ...

— Տասը ուրբու կարիք ունեի և ատրճանակները գրավորի Պերխոտինի մոտ, հետո գնացի խոխոկովայից երեք հազար ուրբի խնդրելու, բայց նա շտվեց, և այլն, և այլն, ահա այսպիսի բաներ,— կտրականորեն ընդհատեց Միտյան:— Հո՛ ուրեմն, պարոնայք, փող չունեի, և մեկ էլ հանկարծ երե՛ք հա-

զար ուրբի բաւաժ գեանի տակից, հը՛: Գիտե՞ք ինչ, պարոնայք, հիմա երկուսիդ էլ փորը վախ է ընկել՝ հապա եթե շասի՛, թե որտեղից է վերցրել այդ փողը: Հենց այդպես էլ է. չեմ ասի, պարոնայք, ճիշտ կուհեցիք: Չե՞ք իմանա այդ բանը,— ասաց հանկարծ Միտյան, արասկարգ վճռականությամբ շնչտելով իր խոքը: Քննիչները մի պահ լուռ մնացին:

— Հասկացեք, պարոն Կարամազով, մեզ համար էականորեն անհրաժեշտ է իմանալ այդ բանը,— ասաց Նիկոլայ Պարֆյոնովիչը մեղմ ու հեղաբարոս:

— Հասկանում եմ, բայց և այնպես՝ չեմ ասի:

Միջամտեց նաև դատախազը և նորից հիշեցրեց, որ հարցաքննվողն առշուշտ կարող է չպատասխանել հարցերին, եթե այդպես անելը իր համար շահավոր է համարում և այլն, բայց նկատի ունենալով, որ հասկածի ենթակա անձը ինչպիսի՞ վնաս կարող է հասցնել իրեն իր լուծությամբ, և հատկապես նկատի առնելով այսպիսի կարեւորություն ունեցող հարցերը, որոնք...

— Եվ այլն, պարոնայք, և ա՛յլն: Բավական է, լսեցի արդեն այդ քարոզը,— նորից ընդհատեց Միտյան:— Ինքս էլ հասկանում եմ, որ խեղիքը շատ կարեւոր է, և որ հենց ա՛յս է ամենաէական կետը, բայց և այնպես՝ չեմ ասի:

— Է՛հ, մե՛զ ինչ, սա հո մեր գործը չէ, ձե՛ր գործն է, ինքե՛րդ ձեզ կվնասեք,— ջղայնորեն նկատեց Նիկոլայ Պարֆյոնովիչը:

— Գիտե՞ք ինչ, պարոնայք, կատակը մի կողմ թողնենք,— աչքերը բարձրացրեց Միտյան և հաստատակամորեն նայեց երկուսին էլ:— Հենց սկզբից արդեն նախազգում էի, որ մենք այս կետի վրա ճակատ-ճակատի ենք խփվելու: Բայց քիչ առաջ, երբ սկսեցի ցուցմունքներ տալ, այս ամբողջը դեռ հեռավոր մշուշի մեջ էր, վայրիվերո մի բան, և ես նույնիսկ այնքա՛ն պարզամիտ եղա, որ «մեր միջև փոխադարձ վստահություն» առաջարկելով սկսեցի: Հիմա ինքս եմ տեսնում, որ այդ վստահությունը չէր էլ կարող լինել, որովհետև համենայն դեպս պետք է հասնեինք այս անիծյալ պատենչին: Է՛հ, հասանք ուրեմն: Չի՛ կարելի, և վե՛րջ: Բայց դե ես չեմ մեղադրում ձեզ. դո՛ւք էլ չեք կարող պարզապես իմ խոսքին հավատալ, հասկանում եմ իհարկե:

Նա մոայլորեն լուեց:

— Իսկ չէի՞ք կարող, առանց որևէ կերպ խախտելու ձեր այդ վճռականությունը, որով ուզում եք լիստել ամենազգայավո-

րի մասին, չէի՞ք կարող միաժամանակ ամենափոքր մի ակնարկությամբ մեզ հասկացնել, թե այդ ի՞նչ ուժեղ շարժառիթներ են հատկապես, որ ներկա հարցաքննության այս վտանգավոր պահին կարող են ձեզ մղել լուռ մնալու:

Միտյան տխուր ու մի տեսակ մտախոհ ծպտաց:

— Ըս շատ ավելի բարի եմ, քան դուք կարծում եք, պարոնայք, Կհայտնեմ ձեզ, թե ինչու չեմ ասում, և կանեմ այդ ակնարկութիւնը, թեև դուք արժանի չեք դրան: Չեմ ասում, պարոնայք, որովհետև ինձ համար անպատվութիւն է դա: Հարցնում եք, թե որտեղի՞ց եմ վերցրել այդ փողը: դրա պատասխանն ինձ համար այնպիսի մի անպատվութիւն է, որի հետ չէր կարող համեմատվել նույնիսկ հորս սպանելն ու կողոպտելը, եթե իրոք սպանած ու կողոպտած լինեի նրան: Ահա թե ինչու չեմ կարող ասել: Անպատվության վախից է, որ չեմ կարող: Բայց ի՞նչ է, պարոնայք, ուզում եք արձանագրե՞լ:

— Այո, պետք է արձանագրենք, — թոթովեց Նիկոլայ Պարֆյոնովիչը:

— Չպետք է արձանագրեիք այս բանը, «անպատվութիւնը» այսինքն: Իմ սրտի բարութիւնից է միայն, որ հայտնեցի ձեզ, բայց կարող էի և չհայտնել: Ըս ձեզ, այսպես ասած, նվիր արեցի, իսկ դուք անմիջապես պոչից բռնեցիք: Դե լա՛վ, գրեցեք, գրեցեք ինչ ուզում եք, — եզրակացրեց նա արհամարհանքով ու զզվանքով, — չեմ վախենում ձեզնից և... հպարտ եմ զգում, ձեր առաջ:

— Իսկ չե՞ք ասի, թե ի՞նչ բնույթի է այդ անպատվութիւնը, — կմկմաց Նիկոլայ Պարֆյոնովիչը:

Գատախազը սուսկալի խոժոռովեց:

— Չէ՛-չէ՛, c'est fini!, իզուր մի՛ հոգնեք: Չարժի էլ, որ ձեռքերս կեղտոտեմ: Այնպես էլ արդեն կեղտոտվեցի ձեզ հետ շփվելով: Արժանի չեք, ոչ ոք արժանի չէ... Բավական է, պարոնայք, վերջ եմ տալիս:

Չափազանց վճռականորեն ասվեց այդ բանը: Նիկոլայ Պարֆյոնովիչը չպնդեց այլևս, բայց Իպոլիտ Կիրիլովիչի աչքերից անմիջապես նկատեց, որ նա զեռ հույսը չի կորցնում:

— Չե՞ք կարող գոնե հայտնել, թե ի՞նչ գումար ունեիք

ձեր ձեռքում, երբ մտաք պարոն Պերխոտինի տունը, այսինքն քանի՞ ռուբլի հատկապես:

— Այդ էլ չեմ կարող հայտնել:

— Պարոն Պերխոտինին, կարծեմ, ասել եք երեք հազար ռուբլու մասին, որ իբր թե ստացել եք տիկին Խոխլակվայի՞ց:

— Գուցե և ասել եմ: Բավական է, պարոնայք, չեմ ասի, թե ինչ գումար էր:

— Այդ դեպքում բարի եղեք նկարագրել, թե ինչպես եկաք այստեղ և ամեն ինչ, որ արեցիք այստեղ գալուց հետո:

— Է՛հ, դրա մասին հարցրեք բոլոր այստեղացիներին: Բայց դե լավ, ես էլ կպատմեմ:

Ու պատմեց, բայց մենք չենք կրկնի նրա պատմածը: Պատմեց չոր ու հարևանցի: Իր սիրտ խայտանքների մասին բոլորովին չխոսեց: Պատմեց, սակայն, թե ինչպես չբացավ անձնասպան լինելու իր վճիռը՝ «նոր փաստերի շնորհիվ»: Պատմում էր առանց պատճառաբանելու, առանց մանրամասնութիւնների մեջ մտնելու: Եվ քննիչներն էլ այս անգամ շատ շանհանգստացրին նրան. պարզ էր, որ նրանց համար ևս գլխավոր կետը այդ չէ հիմա:

— Մենք այդ բոլորը կստուգենք, մենք դեռ կվերադառնանք այդ բոլորին՝ վկաների հարցաքննության ժամանակ, որ անշուշտ ձեր ներկայությամբ տեղի կունենա, — Նիկոլայ Պարֆյոնովիչն ավարտեց հարցաքննութիւնը: — Իսկ այժմ թույլ տվեք մի խնդրանք ներկայացնել ձեզ. դրեք սեղանի վրա ձեր ունեցած բոլոր իրերը և մանավանդ այն ամբողջ դրամը, որ գտնվում է հիմա ձեր գրպաններում:

— Դրա՞մը, պարոնայք: Խնդրե՞մ, հասկանում եմ, որ այդպես է պետք: Զարմանում եմ նույնիսկ, թե ինչպե՞ս ավելի շուտ չհետաքրքրվեցիք: Ճիշտ է, ոչ մի տեղ էլ չէի կարող գնալ, նստել եմ ձեր աչքի առաջ, է՛հ, ահա իմ ունեցած դրամը, հաշվեցեք ահա, վերցրեք, կարծեմ այս է ամբողջը:

Կրիվ դատարկեց գրպանները, նույնիսկ մանր դրամը հանեց. երկու հատ քսանկոպեկանոց դուրս բերեց բաճկոնակի գրպանից: Հաշվեցին դրամը. պարզվեց, որ ութ հարյուր երեսուն վեց ռուբլի քառասուն կոպեկ ունեի:

— Եվ ա՛յս է ամբողջը, — հարցրեց քննիչը:

— Այս է:

— Քիչ առաջ, երբ ձեր ցուցմունքներն էիք տալիս, հա-

ճեցիք ասել, որ Պլոտնիկովների խանութում երեք հարյուր ուրբ-
լի եք թողել, Պերխոտինին էլ տվել եք տասը ուրբլի, կառապա-
նին՝ քսան, այստեղ երկու հարյուր ուրբլի տարվել եք, հետո...

Նիկոլայ Պարֆյունովիչը հաշվեց այդ բոլորը: Միտյան հո-
ժարությամբ օգնեց նրան: Հիշեցին յուրաքանչյուր կոպեկը և
մտցրին հաշվի մեջ: Նիկոլայ Պարֆյունովիչն արագորեն հանեց
ընդհանուր գումարը:

— Այս ութ հարյուրի հետ, ուրեմն, ընդամենը շուրջ հազար
հինգ հարյուր ուրբլի՞ եք ունեցել սկզբում:

— Այդպես է երևի, — կարճ կտրեց Միտյան:

— Իսկ ինչպե՞ս են բոլորը պնդում, թե շատ ավելին էր:

— Թող պնդեն:

— Բայց դուք ինքներդ էլ պնդում էիք:

— Ես ինքս էլ պնդում էի:

— Մենք դեռ այս բոլորը կստուգենք՝ ուրիշ չհարցաքննված
անձանց վկայություններով: Ձեր դրամի մասին մի՛ մտահոգ-
վեք, սրանք կպահվեն որտեղ որ պետք է և նորից ձեր տրամա-
դրության տակ կլինեն, երբ վերջանա այս ամբողջ... որ սկսվել
է... եթե պարզվի կամ այսպես ասած ապացուցվի, որ դուք ան-
վիճելիորեն այս դրամի տերն եք: Է՛, իսկ հիմա...

Նիկոլայ Պարֆյունովիչը հանկարծ վեր կացավ և հաստատա-
պես հայտարարեց Միտյային, որ «ստիպված է և պարտավոր է»
ամենամահրամասն և ամենատուրջ խուզարկության ենթարկել
ձեր հագուստը և ամեն ինչը...»:

— Ինդրեմ, պարոնայք, բոլոր գրպաններս շուռ կտամ, եթե
ուզում եք:

Եվ նա իրոք սկսեց շուռ տալ գրպանները:

— Անհրաժեշտ կլինի նույնիսկ, որ ձեր հագուստն էլ հանեք:

— Ինչպե՞ս: Հանվե՞մ: Թո՛ւհ, գրողը տանի: Դե հենց այս-
պես էլ խուզարկեցեք, էլի: Չի՞ կարելի այսպես:

— Ոչ մի կերպ չի կարելի, Գմիտրի Ֆյոդորովիչ: Պետք է
հանեք հագուստը:

— Ինչպես ուզում եք, — մոռալորեն ենթարկվեց Միտյան, —
միայն թե, խնդրում եմ, ոչ թե այստեղ, այլ վարազուրի ետև
Ո՞վ է խուզարկելու:

— Իհարկե վարազուրի ետև, — գլուխը խոնարհեց Նիկոլայ
Պարֆյունովիչը՝ ի նշան համաձայնության: Նրա դեմքին նույնիսկ
մի յուրահատուկ, ծանրակշիռ լրջություն երևաց:

Սկսվեց մի բան, որ բոլորովին անսպասելի ու զարմանալի
էր Միտյայի համար: Նա ոչ մի կերպ ու երբեք, նույնիսկ մի
բողբ առաջ չէր կարող ենթադրել, թե որևէ մեկը կարող է այդ-
պես վարվել իր հետ՝ Միտյա կարամազովի՛ հետ: Եվ նամանա-
վանդ՝ ստորացուցիչ մի բան կար դրա մեջ, իսկ նրանց կող-
մից՝ «ամբարտաձևան ու իր նկատմամբ արհամարհական» մի
բան: Սերթուկը հանելը դեռ ոչինչ, բայց խնդրեցին, որ դեռ շա-
բունակի հանվել: Եվ ոչ թե պարզապես խնդրեցին, այլ ըստ էու-
թյան հրամայեցին. ինքը շատ լավ հասկացավ այդ: Հպարտու-
թյունից ու արհամարհանքից դրդված՝ նա լիովին ենթարկվեց,
առանց որևէ բան ասելու: Բացի Նիկոլայ Պարֆյունովիչից, վա-
րազուրի ետև եկավ նաև դատախազը, մի քանի գյուղացիներ
էլ ներկա գտնվեցին, «անշուշտ ուժ գործադրելու համար, — մտա-
ծեց Միտյան, — և գուցե մի ուրիշ որևէ նպատակով էլ»:

— Է՛հ, ինչ է, վերնաշապի՞կս էլ հանեմ, — կտրուկ հարց-
րեց նա, բայց Նիկոլայ Պարֆյունովիչը չպատասխանեց: Դա-
տախազի հետ միասին նա, կլանված, զննում էր սերթուկը, տա-
բատը, բաճկոնեակն ու գլխարկը, և երևում էր, որ երկուսն էլ
խիստ հետաքրքրվել են այդ զննությունը: Մնչ, մի քանից շեն
քաշվում, — անցավ Միտյայի մտքով, — նույնիսկ անհրաժեշտ
քաղաքավարությունն էլ շեն պահպանում»:

— Երկրորդ անգամ եմ հարցնում ձեզ՝ պե՞տք է հանեմ վեր-
նաշապիկս, թե ոչ, — ասաց նա ավելի կտրուկ և ավելի ջղա-
յորեն:

— Մի՛ անհանգստանաք, կտանեք ձեզ, — պատասխանեց
Նիկոլայ Պարֆյունովիչը՝ նույնիսկ մի տեսակ մեծավորի շեշտով:
Գոնե Միտյային այդպես թվաց:

Այդ միջոցին քննիչն ու դատախազը ցածր ձայնով խոթհր-
դակցում էին փութեռանդորեն: Պարզվել էր, որ սերթուկի վրա,
հատկապես ձախ քղանցքին, ետևի կողմից, արջան հակադա-
կան բծեր կային՝ շորացած, քարացած ու դեռ այդպես էլ կոշտ
մնացած: Տարատի վրա՝ նույնպես: Նիկոլայ Պարֆյունովիչը,
բացի այդ, գյուղացի ենթավկաների ներկայությամբ, իր սեփա-
կան մատներով շոշափեց սերթուկի օձիքը, թևածալքերը, բոլոր

կարերը, տաբատն էլ շոշափեց վերից վար. մի բան էր փնտրում հայտնապես՝ անշուշտ թե փող: Մինչև իսկ չէին թաքցնում Միտյայից իրենց կասկածները, թե նա կարող էր փողը հագուստի մեջ կարել, ընդունակ էր այդպիսի բան անելու: «Այս արդեն՝ կարծես ուղղակի գողի՝ հետ է իրենց գործը, ոչ թե սպա- յի», — քրթմնջաց նա ինքն իրեն: Իսկ իրենց մտքերը տարօրինակ թվալու շափ բացահայտորեն հաղորդում էին իրար՝ Միտյայի ներկայութամբ: Օրինակ, գրագիրը, որ նույնպես հայտնվել էր վարագույրի ետևում ու անընդհատ դեսուդեն էր ընկնում՝ ծառայություն մատուցելով, Նիկոլայ Պարֆյունովիչի ուշադրությունը հրավիրեց գլխարկի վրա, որը նույնպես շոշափեցին. «Հիշո՞ւմ եք գրագիր Գրիգենկային, — նկատեց նա, — ամառը գնացել էր ամբողջ գրասենյակի ոռճիկներն ստանալու, իսկ վերադառնալուց հետո հայտարարեց, թե հարբած վիճակում կորցրել է փողը: Եվ որտե՞ղ գտան, հիշո՞ւմ եք: Այ հենց գլխարկի այս եզրակների մեջ. հարյուրանոցները բարակ-բարակ ոլորել ու այս եզրակների մեջ էր կարել»: Քննիչն ու դատախազը շատ լավ էին հիշում Գրիգենկայի դեպքը, ուստի Միտյայի գլխարկը մի կողմ դրեցին ու որոշեցին, որ այդ բոլորը պետք է լրջորեն զննել հետո, և առհասարակ ամբողջ հագուստը պետք է զննել:

— Ներեցե՞ք խնդրեմ, — գոչեց հանկարծ Նիկոլայ Պարֆյունովիչը, նկատելով Միտյայի վերնաշապկի աջ թևը, որի ներս դարձած ծայրն ամբողջովին արյունոտ էր, — ներեցե՞ք խնդրեմ, սա՞ ինչ է, արյո՞ւն:

— Արյուն, — կարճ կտրեց Միտյան:

— Այսինքն ի՞նչ արյուն է... և ինչո՞ւ թևքի ծայրը ներս է դարձրած:

Միտյան պատմեց, թե ինչպես Գրիգորիի գլուխը մաքրելու ծամանակ թևքի ծայրն արյունոտվել էր, և թե հետո Պերխոտի- նի մոտ, երբ ձեռքերն էր լվանում, ներս էր դարձրել արյունոտ մասը:

— Ուրեմն ձեր վերնաշապիկն էլ պետք է վերցնենք, շատ կարևոր է... որպես իրեղեն ապացույց:

Միտյան կարմրեց ու կատաղեց:

— Ի՞նչ է, մե՞րկ մնամ, — գոռաց նա:

— Մի՛ անհանգստանաք... Մի կերպ կկարգադրենք: Իսկ մինչ այդ՝ գուլպաներն էլ հանեցեք խնդրեմ:

— Հո կատակ չե՞ք անում: Դա իսկապես անհրաժե՞շտ է, — փայլատակեցին Միտյայի աչքերը:

— Մենք կատակելու տրամադրություն չունենք, — խստորեն դիմադրածեց Նիկոլայ Պարֆյունովիչը:

— Դե լավ, եթե պետք է... ես... — մրթմրթաց Միտյան և, նստելով մահճակալին, սկսեց հանել գուլպաները: Անտանեիկո- րեն անհարմար էր զգում նա. բոլորը հազնված են, իսկ ինքը մերկ է և, տարօրինակ բան, այդպես մերկ լինելով՝ կարծես ինքն էլ մի տեսակ մեղավոր էր զգում իրեն նրանց առաջ, և մանա- վանդ ինքն էլ համաձայն էր գրեթե, որ իսկապես հանկարծ ավելի նվաստ էր դարձել, քան նրանք, և որ հիմա արդեն լիովին իրա- վունք ունեն արհամարհելու իրեն: «Երբ բոլորն են մերկ՝ ամոթ չէ, բայց երբ մեկ հոգի է մերկ, իսկ բոլորը նայում են՝ խայտա- ռակություն է, — կրկին ու կրկին անցնում էր նրա մտքով: — Կարծես երազ լինի. երբեմն երազի մեջ ինքս ինձ տեսել եմ այս- պիսի խայտառակ վիճակում»: Բայց գուլպաները հանելը մինչև իսկ տանջալի էր նրա համար. շատ անմաքուր էին դրանք, և սպիտակեղենը՝ նույնպես, և հիմա բոլորը տեսնում էին այդ բա- նը, եվ մանավանդ՝ ինքն էլ չէր սիրում իր ոտքերը. ամբողջ կյանքում, չգիտես ինչու, անճոռնի էր համարել երկու ոտքերի բթմատերը, հատկապես աջ ոտքի կոպիտ, տափակ, դեպի ներքև ծոված մի եղունգը, և ահա հիմա բոլոր այս մարդիկ կտեսնեն դա: Անտանեիկի ամոթ զգալով, նա հանկարծ ավելի ևս կոպիտ սկսեց վարվել՝ արդեն դիտմամբ: Ինքը անձամբ պոկեց ու հանեց իր վերնաշապիկը:

— Չե՞ք ուզում մի ուրիշ տեղ էլ խուզարկել, եթե չեք ամա- լում:

— Ոչ, առայժմ պետք չէ:

— Ինչ է, հենց այսպես էլ մե՞րկ եմ մնալու, — ավելաց- րեց նա մոլեգնորեն:

— Այո, առայժմ այդպես է պետք... Բարի եղեք առայժմ այստեղ նստելու, կարող եք անկողնից վերցնել ծածկոցը և փա- րթավել, իսկ ես... ես այս բոլորը հիմա կկարգադրեմ:

Բոլոր իրերը ցույց տվեցին ենթավկաներին, կազմեցին խու- զարկության ատենագրությունը, և վերջապես Նիկոլայ Պարֆյու- նովիչը դուրս գնաց, իսկ հագուստը տարան նրա ետևից: Իսպո- լիտ Կիրիլովիչը նույնպես դուրս գնաց, Միտյայի մոտ մնացին միայն գյուղացիները, որոնք լուռ կանգնել էին ու իրենց հա-

յացքները չէին հեռացնում նրանից: Միտյան վերցրեց ծածկոցը և փաթաթվեց. սկսել էր մրսել: Մերկ ոտքերը դուրս էին ցցվել, և նա ոչ մի կերպ չէր կարողանում ծածկոցն այնպես հարմարեցնել իր վրա, որ ծածկի դրանք: Նիկոլայ Պարֆյունովիչը կարծես թե շատ ուշացավ, «տանջելու չափ շատ», «ինձ շան լակոտի տեղ է դնում», կրճատացնում էր ատամները Միտյան: «Այդ անպիտան դատախազն էլ գնաց՝ իհարկե արհամարհելով ինձ, զզվեց մերկ մարդուն նայելուց»: Միտյան այնուամենայնիվ ենթադրում էր, որ իր հագուստը կզննեն այնտեղ ու ետ կբերեն: Բայց ինչպիսի՞ վրդովմունքով լցվեց նա հանկարծ, երբ Նիկոլայ Պարֆյունովիչը վերադարձավ բոլորովին ուրիշ մի հագուստով, որ մի գյուղացի բերում էր նրա ետևից:

— Դե՛հ, ահա ձեզ հագուստ,— ասաց նա սանձարձակ մի շեշտով, ըստ երևույթին շատ գոհ լինելով, որ կարողացել էր հոգատարություն ցույց տալ:— Այս արտասովոր պարագաներում պարոն Կալզանովն է ձեզ ընծայում սրանք, ինչպես և մի մաքուր վերնաշապիկ: Բարեբախտաբար հենց այս բոլորը կային նրա ճամպրուկի մեջ: Կարող եք հագնել ձեր սեփական սպիտակեղենն ու գուլպաները:

Միտյան սոսկալի բորբոքվեց:

— Չե՛մ ուզում ուրիշ հագուստը,— սպառնալից գոռաց նա,— ի՛մը տվեք:

— Անկարելի է:

— Տվե՛ք իմը, գրողի ծո՛ցը Կալզանովին, նրա հագուստն էլ, իրեն էլ:

Նրկար աշխատեցին համոզել նրան: Բայց մի կերպ հանգրստացրին: Հասկացրին, որ նրա հագուստը, արյունոտ լինելով, պետք է «մտցվի իրեղեն ապացույցների ցուցակի մեջ», և որ հիմա հագուստը նրան վերադարձնելու «խրավունք անգամ չունեն... նկատի առնելով, թե ո՞վ գիտե ինչ ելք կունենա գործը»: Միտյան մի կերպ հասկացավ այդ բանը վերջապես: Մտալորեն լռեց և սկսեց շտապ հագնվել: Միայն թե հագնվելու ժամանակ ասաց, որ սա ավելի շքեղ է, քան իր հին հագուստը, և որ ինքը չէր ուզենա «օգտվել»: Բացի այդ, «խայտառակորեն նեղ է այս հագուստը: Ինչ է, ծաղրածուի դե՞ր եմ խաղալու սրանով... ձեր հաճույքի՞ համար»:

Նորից նրան հասկացրին, որ այս հարցում էլ չափազանցում է. պարոն Կալզանովը թեև ավելի բարձրահասակ է նրանից,

բայց ոչ այնքան, և գուցե տարատը միայն երկար լինի մի քիչ: Բայց սերթուկի ուսերն իսկապես նեղ եկան:

— Գրո՞ղը տանի, կոճկելն էլ դժվար է,— քթմնջաց նորից Միտյան:— Բարի եղեք խնդրեմ, հենց այս վայրկյանիս հաճեցե՞ք իմ կողմից հաղորդել պարոն Կալզանովին, որ ես ինքս չեմ խընդրել նրա հագուստը, ինձ ստիպեցին հագնել ու խեղկատակ դարձրին այսպես:

— Նա շատ լավ հասկանում է այդ բանը և ցավում է... այսինքն ոչ թե իր հագուստի համար է ցավում, այլ, ճիշտն ասած, այս ամբողջ դեպքի համար...— կմկմաց Նիկոլայ Պարֆյունովիչը:

— Թքե՛լ եմ նրա ցավելու վրա: Է՛հ, ո՛ւր գնամ հիմա: Կամ թե շարունակե՞մ նստել այստեղ:

Ննդրեցին, որ նորից անցնի «այն սենյակը»: Միտյան դուրս եկավ, զայրույթից մոայլված, աշխատելով ոչ ոքի չնայել: Ուրիշ հագուստով նա իրեն բոլորովին խայտառակված էր զգում, նույնիսկ այդ գյուղացիների և Տրիֆոն Բորիսովիչի առաջ, որի դեմքը հանկարծ, չգիտես ինչու, երևաց դաան մեջ ու անհայտացավ: «Եկավ մի աչք գցելու իմ կերպարանքի վրա»,— մտածեց Միտյան: Նստեց իր նախկին տեղը՝ նույն աթոռին: Ամեն ինչ մղձավանջային ու անհեթեթ էր երևում աչքին. թվում էր իրեն, թե խելքը կորցրել է:

— Է՛հ, հիմա՞ ինչ, սկսելու եք ճիպտներով ծեծել, հը՞, էլ ուրիշ բան չմնաց, չէ՞,— կրճատացրեց նա ատամները, դիմելով դատախազին: Նիկոլայ Պարֆյունովիչի կողմը գառնալ անգամ չէր ուզում արդեն, կարծես արժանի էլ չհամարելով նրա հետ խոսել: «Չափից ավելի ուշադիր գննում էր իմ գուլպաները, որպեսզի բոլորին ցույց տա, թե ինչ կեղտոտ է իմ սպիտակեղենը»:

— Այ հիմա պետք է անցնենք վկաների հարցաքննության,— ասաց Նիկոլայ Պարֆյունովիչը, կարծես պատասխանելով Դմիտրի Ֆյոդորովիչի հարցին:

— Այո՞,— ասաց դատախազը մտախոհ, ասես նույնպես մի բանի մասին մտմտալով:

— Մենք, Դմիտրի Ֆյոդորովիչ, հենց ձեր օգտին արեցինք ամեն ինչ, որ կարող էինք,— շարունակեց Նիկոլայ Պարֆյունովիչը,— բայց երբ դուք այդքան կտրականորեն մերժում եք բացատրել մեզ, թե որանդից եք ձեռք բերել այն գումարը, որ գտնվեց ձեզ մոտ, մենք տվյալ բոլորին...

— Այդ ի՞նչ քար է ձեր մատանու վրա, — ընդհատեց հան-
կարծ Միտյան, կարծես մտասուլզ տի վիճակից սթափվելով,
նա մատով ցույց տվեց մեկն այն երեք խոշոր մատանիներին,
որոնք զարդարում էին Նիկոլայ Պարֆյունովիչի աջ ձեռքը:

— Մատանի՞, — կրկնեց Նիկոլայ Պարֆյունովիչը զարմացած:

— Այո, ահա այդ մեկը... միջնամատի վրա, բարալիկ երակ-
ներով քարը, ի՞նչ քար է, — պնդում էր Միտյան մի տեսակ
զղայնորեն, համառ երեխայի նման:

— Մխազույն տպագիրն է, — ժպտաց Նիկոլայ Պարֆյունո-
վիչը, — ուզո՞ւմ եք նայել, հանեմ...

— Չէ, չէ, մի՛ հանեք, — մոլեգնորեն գոռաց Միտյան, հան-
կարծ ուշքի գալով ու զայրանալով ինքն իր վրա, — մի՛ հանեք,
պետք չէ... Գրո՞ղը տանի... Կեղտոտեցի՞ք իմ հոգին, պարոնայք:
Մի՞թե կարծում եք, որ կպահանջեմ ձեզինից, եթե իրոք սպանած
լինեի հորս. խորամանկությունն կանեի, կստեի՞, կթաքնվեի՞:
Ո՛չ, այդպիսի մարդ չէ Դմիտրի Կարամազովը, նա չէր կարող
հանդուրժել այդ, և եթե ես մեղավոր լինեի, երզվում եմ՝ չէի
սպասի ձեր գալուն, չէի սպասի, որ ծագի արևը, ինչպես մտա-
դիր էի սկզբում, այլ դրանից էլ առաջ կոչնչացնեի՞ ինքս ինձ, էլ
չսպասելով արշալույսին: Հիմա ես ի՞նքս իմ մեջ զգում եմ այդ
բանը: Քսան տարի էլ ապրեի, չէի կարող այնքան բան
սովորել, որքան իմացա այս մի անիծյալ՝ գիշերվա մեջ...
Եվ ես այսպե՞ս, այսպե՞ս կլինեի այս գիշեր և ահա այս ռո-
պեիս, երբ նստել եմ ձեզ հետ, այսպե՞ս կխոսեի, այսպե՞ս
կշարժվեի, այսպե՞ս կնայեի ձեզ և աշխարհին, եթե իրոք հայրա-
սպան լինեի. այնինչ՝ պատահաբար Գրիգորիին սպանած լինե-
լու գաղափարն անգամ հանգիստ չէր տալիս ինձ ամբողջ գի-
շերը, ո՛չ թե վախից, օ՛, ոչ թե հենց միայն ձեր պատիժը կրե-
լու վախից: Նախատի՞նքը: Եվ դուք ուզում եք, որ մեկ էլ նո-
րից սի՞րտս բանամ ձեզ նման ծաղրասերների առաջ, որոնք
ուշինչ չեն տեսնում և ոչ մի բանի չեն հավատում, ուզում եք,
որ ձեզ նման կույր խլորդներին ու ծաղրասերներին պատմե՞մ
իմ մի ուրիշ ստորությունն էլ, մի ուրի՞շ խայտառակություն, թե-
կուզ և, ասենք թե, այդ բանը փրկեք ինձ ձեր մեղադրանքից:
Չէ՞, ավելի լավ է քարոն ու տաժանակիր աշխատանքը: Ով
որ բացել է հորս տան դուռը և մտել է այդ դռնից, հենց նա էլ
սպանել է հորս, հենց նա էլ կողոպտել է: Իսկ ո՞վ է նա. չեմ
կարողանում կռահել և շշմում եմ, տանջվում: Բայց Դմիտրի Կա-

րամազովը չէ՛ այդ մարդը, իմացե՛ք. ահա այս է այն ամբողջը,
որ կարող եմ ասել ձեզ, և բավակա՞ն է, հանգիստ թողեք ինձ...
Աքսորեցեք, մահապատիժ տվեք, բայց էլ մի՛ շղայնացնեք ինձ:
Թերանս փակում եմ: Կանչեցեք ձեր վկաներին...

Միտյան իր անակնկալ մենախոսությունն ասաց այնպես,
որ կարծես արդեն որոշել էր վերջնականապես լռել դրանից հետո:
Հազիվ էր նա բերանը փակել, երբ դատախազը, որ շարունակ
հետևում էր Միտյային, հանկարծ ամենասառն ու ամենահան-
գիստ արտահայտությամբ սկսեց խոսել, կարծես ամենահասա-
րակ մի բան ասելով.

— Ահա հենց այդ բաց դռան առիթով, որի մասին դուք
խոսեցիք հիմա, կարող ենք հայտնել ձեզ, և հենց այս ռոպեիս
տեղը եկավ հայտնելու, թե ձեր ձեռքով վիրավորված ծերունի
Գրիգորի Վասիլևը տվել է մի շափազանց հետաքրքրական ցուց-
մունք, որ վերին աստիճանի կարևոր է թե՛ ձեզ, թե՛ մեզ հա-
մար: Ուշքի գալուց հետո, պատասխանելով մեր հարցերին, նա
հստակորեն հաղորդեց մեզ ու պնդեց, որ դեռ այն ժամանակ,
երբ ինքը դուրս է եկել, սանդուղքի վրա և այգում մի աղմուկ
լսելով որոշել է իջնել ու այգի մտնել դռնակից, որը բաց է եղել
այդ պահին, ապա ուրեմն, մտնելով այգի, նախքան տեսնելը,
թե դուք, ինչպես արդեն ինքներդ հայտնեցիք մեզ, մթան մեջ
փախչում եք այն բաց պատուհանից, որի մեջ տեսել էիք ձեր
հորը, նա, Գրիգորին, մի հայացք նետելով ձախ կողմը և նկա-
տելով իսկապես բաց եղող այդ պատուհանը, միաժամանակ շատ
ավելի մոտից նկատել է նաև լրիվ բացված դուռը, այն դուռը,
որի մասին դուք հայտարարեցիք, թե փակ է եղել ամբողջ ժա-
մանակ, երբ դուք գտնվել եք այգում: Չեմ թաքցնում ձեզինից,
որ Վասիլևն ինքը հաստատորեն եզրակացնում է ու վկայում,
թե դուք պետք է այդ դռնից դուրս փախած լինեք, թեև, իհարկե,
նա իր աչքերով չի տեսել ձեր փախչելը, քանի որ երբ առաջին
անգամ նկատել է ձեզ՝ դուք արդեն նրանից մի որոշ հեռավորու-
թյան վրա եք եղել, այգու մեջ, դեպի ցանկապատը փախչելիս...

Միտյան դեռ այդ ճառի կեսին վեր էր թռել աթոռից:

— Տխմարությունն է, — բղավեց նա հանկարծ կատաղո-
րեն, — լիտի խաբեբայություն: Նա չէր կարող դուռը բաց տեսնել,
դրովհետև փակ էր այն ժամանակ... Սո՛ւտ է ասում...

— Պարտք եմ համարում կրկնել, որ նրա ցուցմունքը հաս-

տատ է: Չի վարանում: Պնդում է իր ասածը: Մի քանի անգամ հարցրինք նրան:

— Ճիշտ այդպես, ինքս մի քանի անգամ հարցրի,— եռանդով հաստատեց նիկոլայ Պարֆյունովիչը:

— Սո՛ւտ է, սո՛ւտ: Կա՛մ զրպարտություն է իմ դեմ, կամ էլ խելագարի ցնորք,— շարունակեց գոռալ Միտյան:— Պարզապես աչքին է երևացել զառանցանքի մեջ, արյունլվա, երբ ուշքի է եկել՝ վերքից ուժասպառ... Եվ ահա զառանցում է:

— Այո, բայց չէ՞ որ նա բաց դուռը նկատել է ոչ թե վիրավորվելուց և ուշքի գալուց հետո, այլ դրանից առաջ, երբ հենց նոր է այգի մտել բակի շենքից:

— Բայց սո՛ւտ է ախր, սո՛ւտ, չի կարող այդպես լինել: Ոխը հանելու համար զրպարտում է ինձ... Ձէր կարող այդպիսի բան տեսնել... Դռնից դուրս չե՛մ եկել ես,— խեղճվում էր Միտյան:

Դատախազը դարձավ նիկոլայ Պարֆյունովիչին և ազգու մի շեշտով ասաց նրան.

— Ցույց տվե՛ք:

— Ձեզ ծանոթ է այս իրը,— հանկարծ նիկոլայ Պարֆյունովիչը սեղանին գրեց հաստ թղթից խոշոր, գրասենյակային չափսի մի ծրար, որի վրա գեռ մնացել էին երեք կնիքները: Բայց ծրարը դատարկ էր ու մի ծայրից պատաված: Միտյան շոված աչքերով նայեց գրան:

— Դա... դա ուրեմն հորս ծրարն է,— մրթմրթաց նա,— հենց այն ծրարը, որի մեջ այդ երեք հազարն էր... և եթե վրսն մակագրություն կա... ներողություն, ահա՛ «ճուտիկին»... ահա՛, երեք հազար,— գոռաց նա,— երե՛ք հազար, տեսնո՞ւմ եք:

— Դե իհարկե, տեսնում ենք, բայց մեջը գրամ չգտանք: դատարկ էր ու ընկած էր հատակին, մահճակալի մոտ, ձեղկի ետև:

Միտյան մի քանի վայրկյան շժմածի նման կանգնեց մնաց:

— Պարոնա՛յք, Սմերդյակո՞վն է,— գոռաց հանկարծ ամբողջ ուժով,— նա՛ է սպանել, նա՛ է կոզսպտել: Միտյան նա՛ գիտեր, թե ծերուկը որտեղ է պահել այս ծրարը... Նա է, նա՛, պարզ է հիմա:

— Բայց չէ՞ որ դուք էլ գիտեիք այս ծրարի մասին ու գիտեիք նաև, որ գրված էր բարձի տակ:

— Երբե՛ք չգիտեի, երբեք էլ չեմ տեսել, առաջին անգամն

եմ տեսնում հիմա, իսկ առաջ Սմերդյակովից եմ լսել միայն... Նա՛ միայն գիտեր, թե որտեղ է պահել ծերուկը, ես չգիտեի՛...— Լրիվ շնչահեղձ էր լինում Միտյան:

— Եվ սակայն դուք ինքներդ քիչ առաջ հայտնեցիք մեզ, թե ծրարը գրված էր ձեր հանգուցյալ հոր բարձի տակ: Հենց այդպես էլ ասացիք՝ բարձի տակ, ուրեմն գիտեիք, թե որտեղ էր գրված:

— Մենք այդպես էլ արձանագրեցինք,— հաստատեց նիկոլայ Պարֆյունովիչը:

— Հիմարությունն է, անհեթեթ բան: Բոլորովին էլ չգիտեի, որ բարձի տակ էր: Գուցե բնավ էլ բարձի տակ չէր... Ես հենց այնպես ասացի, թե բարձի տակ էր, պատահաբար ասացի... Իսկ ի՞նչ է ասում Սմերդյակովը: Հարցրի՞ք նրան՝ ծրարը որտեղ էր: Ի՞նչ է ասում Սմերդյակովը: Այո է զխավորը... Իսկ ես դիտմամբ սուտ բաներ ասացի ինքս իմ դեմ... Առանց մտածելու փռեցի, թե բարձի տակ էր, իսկ դուք հիմա... Դե գիտե՞ք ինչ, հանկարծ բերնիցդ է թոնում, և ահա մի սուտ բան է՝ փշում ես: Միտյան Սմերդյակովը գիտեր, միայն ու միայն Սմերդյակովը, ուրիշ ո՛չ սք... Նա ինձ էլ շատաց ծրարի տեղը: Բայց նա՛ է արել, նա՛: Ոչ մի տարակույս՝ նա՛ է սպանել, հիմա ինձ համար պարզ է լույսի նման,— բացականչում էր Միտյան ավելի ու ավելի մոլեգնելով, անկապորեն կրկնելով ասածը, տաքանալով, կատաղելով:— Հասկացե՛ք այս բանը և ձերբակալեցե՛ք նրան՝ շուտ, շո՛ւտ... Հենց նա է սպանել, երբ ես փախչում էի, Գրիգորին էլ ընկել էր ուշաթափված, պարզ է հիմա, պարզ... Նա է թխկացրել նշանը, և հայրս բացել է նրա առաջ... Որովհետև նա՛ միայն գիտեր նշանները, իսկ հայրս ոչ ոքի առաջ չէր բանա դուռը առանց այդ նշանների...—

— Բայց նորից դուք մտանում եք այն հանգամանքը,— նկատեց դատախազն առաջվա նման զուսպ, բայց արդեն մի տեսակ հաղթական շեշտով,— որ կարիք էլ չկար նշանը թխկացնելու, եթե դուռը բաց էր արդեն ձեր այնտեղ եղած ժամանակ, երբ դեռ դուք այգում էիք գտնվում...

— Դուռը, դուռը,— մրմնջաց Միտյան և, համբանալով, աչքերը հառեց դատախազին, նորից աթոռի վրա ընկավ թուլացած: Բոլորը լուռ մնացին:— Այո, գո՛ւաբ... Ցնո՞րք է: Աստվա՛ծ էլ դեմ է ինձ,— բացա՛կանչեց նա, արդեն բուլբոլի մտակորույս հայացքով նայելով առաջը:

— Տեսնո՞ւմ եք ահա,— ասաց դատախազը ծանրակշիռ կերպով:— Եվ հիմա ինքնեքդ դատեցեք, Դմիտրի Ֆյոդորովիչ: Մի կողմից՝ այդ ցուցմունքը բաց դռան մասին, որտեղից դուք դուրս եք վազել, մի ցուցմունք, որ ձեզ էլ է ընկճում, մեզ էլ: Մյուս կողմից ձեր անհասկանալի, համառ ու գրեթե անդրդվելի լռությունը, որով հրաժարվում եք ասել, թե որտեղից եք ճարել այդ դրամը, մի գումար, որ հանկարծ հայտնվել է ձեր ձեռքում, այնինչ դեռ դրանից երեք ժամ առաջ, ձեր իսկ տված ցուցմունքի համաձայն, դուք գրավ եք դրել ձեր ատրճանակները, որպեսզի տա՛սը ուրբի միայն ստանաք: Նկատի ունենալով այս բոլորը, ինքնեքդ որոշեցեք՝ ո՞ր փաստին հավատանք և ո՞ր փաստի վրա հենվենք: Եվ մի՛ մեղադրեք մեզ, որ «սառնասիրտ, անպատկառ ու ծաղրասեր մարդիկ» ենք և ընդունակ չենք ձեր հոգու ազնիվ մղումներին հավատալու... Ընդհակառակը, մեր վիճակի մեջ էլ մտեք...

Միտյան աներևակայելիորեն հուզվել էր: Մեկն գունատվեց:

— Լա՛վ,— բացականչեց նա հանկարծ,— կհայտնեմ ձեզ իմ դադտնիքը, կասեմ, թե որտեղից եմ փողը վերցրել... Մեջտեղ կհանեմ իմ անպատվությունը, որպեսզի հետո ո՛չ ձեզ մեղադրեմ, ո՛չ էլ ինձ...

— Եվ հավատացեք, Դմիտրի Ֆյոդորովիչ,— վրա բերեց Նիկոլայ Պարֆյունովիչը՝ մի տեսակ ուրախությունից փափկած ձայնով,— հավատացեք, որ հենց այս ընդհանուր արված ձեր ամեն մի անկեղծ ու լիակատար խոստովանությունը հետագայում կարող է մեծապես նպաստել ձեր վիճակի թեթևացմանը և նույնիսկ, բացի այդ...

Սակայն դատախազը մի թեթև մշտեց նրան սեղանի տակ, և Նիկոլայ Պարֆյունովիչը կարողացավ ճիշտ ժամանակին խոսքը կտրել: Թեև, ճիշտն ասած, Միտյան չէր լսում նրան:

VII

ՄԻՑՅԱՅԻ ՄԵՍ ԳԱՂՏՆՈՒՔԸ: ԵՎԱՏՆՈՒՄ ԵՆ

— Պարոնա՛յք,— սկսեց նա նույն հուզմունքով,— այդ փողը... ես ուզում եմ լրիվ խոստովանել... այդ փողը իմն էր: Դատախազի ու քննիչի դեմքերը նույնիսկ կախ ընկան. բոլորովին այդ չէր նրանց սպասածը:

— Ինչպես թե ձերը,— կմկմաց Նիկոլայ Պարֆյունովիչը,— երբ դեռ նույն օրը ժամը հինգին, ձեր իսկ խոստովանությամբ...

— Է՛, գրո՛ղը տանի նույն օրվա ժամը հինգն էլ, իմ խոստովանությունն էլ, խնդիրն այդ չէ հիմա: Իմն էր այդ փողը, իմը, այսինքն իմ գողացածը... ոչ թե իմը այսինքն, այլ գողացված փող էր, ես էի գողացել, և հազար հինգ հարյուր ուրբի էր, մոտս էի պահում, միշտ մոտս էի պահում...

— Բայց որտեղի՞ց եք վերցրել:

— Իմ վզից եմ վերցրել, պարոնայք, վզից, ա՛յ հենց այս իմ վզից... Այստեղ էր փողը, վզիս վրա, լաթի մեջ կարել ու կախել էի վզիցս, վաղո՛ւց, արդեն մի ամիս է՝ վզիս վրա կրում էի այդ փողը, ամոթով ու անպատվությամբ:

— Բայց ումի՞ց... յուրացրիք:

— Ուզում էիք ասել՝ «գողացաք», չէ՞: Բառերը ուղղակի ասացեք հիմա: Այո, ես համարում եմ, որ միևնույն է՝ գողացել եմ այդ փողը, իսկ եթե ուզում եք՝ «յուրացրել» եմ իրոք: Բայց, ըստ իս, գողացել եմ: Իսկ երեկ իրիկուն հենց ուղղակի գողացա արդեն:

— Երեկ իրիկո՞ւն: Բայց դուք հիմա ասացիք, որ արդեն մի ամիս է, ինչ... ձեռք եք բերել:

— Այո, բայց ոչ թե հորիցս, ո՛չ թե հորիցս, մի՛ անհանգրստանաք, ոչ թե հորիցս եմ գողացել, այլ այն օրիորդից: Թողեք պատմեմ և մի՛ ընդհատեք: Մանր բան է: Հասկանո՞ւմ եք՝ մի ամիս առաջ ինձ կանչեց Կատերինա Իվանովնա վերխուժեցան, իմ նախկին հարսնացուն... Ճանաչո՞ւմ եք նրան:

— Ինչպես թե, անշուշտ:

— Գիտեմ, որ ճանաչում եք: Ազնվագույն մի հոգի, ազնիվների մեջ ազնվագույնը, որ սակայն ատում է ինձ, օ՛, վաղուց արդեն, վաղուց... և իրավունքով, իրավունքով է ատում:

— Կատերինա Իվանովնա՞ն,— զարմացած հարցրեց քննիչը: Դատախազը նույնպես աչքերը սոսկալի սևեռեց:

— Օ՛, իզուր մի՛ առնեք նրա անունը ձեր բերանը: Սրիկա՛ եմ ես, որ նրան էլ մեջտեղ եմ բերում: Այո, ես տեսնում էի, որ նա ատում էր ինձ... վաղուց... հենց առաջին անգամից... հենց այն օրից, երբ իմ բնակարանում, դեռ այնտեղ... Բայց բավա՛կա՛ն է, բավա՛կա՛ն է, դուք արժանի էլ չեք այդ բանը իմանալու, պետք չէ, բոլորովին պետք չէ... Միայն մի բան պետք է ասեմ. մի ամիս առաջ նա կանչեց ինձ, երեք հազար ուրբի

տվեց, որպեսզի Մոսկվա ուղարկեմ՝ իր քրոջը և իր մի ուրիշ ազգականուն (կարծես թե ինքը չէր կարող ուղարկել), իսկ ես... դա իմ կյանքի հենց այն ճակատագրական պահն էր, երբ ես... դե մի խոսքով՝ երբ ես հենց նոր սիրել էի ուրիշին, նրան, հիմակվա իմ... այ նա հիմա նստել է ներքևում, Գրուշնկան... Ես այն ժամանակ նրան բերեցի այստեղ՝ Մոկրոն, երկու օրում վատնեցի այդ անիծյալ երեք հազարի կեսը, այսինքն հազար հինգ հարյուր ուրբի, իսկ մյուս կեսը պահեցի մոտաւ Ահա ուրեմն այդ իմ պահած հազար հինգ հարյուրն էր, որ կրում էի վզիս, հոռուսթի պես, իսկ երեկ հանեցի այդ փողը և ծախսեցի: Մեթ հարյուր ուրբի մնացորդը ձեր ձեռքումն է հիմա, Նիկոլայ Պարֆյունովիչ, երեկվա հազար հինգ հարյուրի մնացորդն է դա:

— Ներեցեք, ինչպե՞ս թե, չէ՞ որ դուք երեք հազար եք ծախսել այստեղ մի ամիս առաջ, և ոչ թե հազար հինգ հարյուր: Բոլորը գիտեն, չէ՞:

— Իսկ ո՞վ գիտե, ո՞վ: Ո՞վ է հաշվել: Ո՞ւմ եմ ես հաշիվ տվել:

— Ներեցեք, բայց դուք ինքներդ եք ասել բոլորին, թե ուզիդ երեք հազար եք ծախսել այդ ժամանակ:

— Ճիշտ է, ասել եմ, ամբողջ քաղաքին եմ ասել, ամբողջ քաղաքն էր խոսում, բոլորն այդպես էին կարծում, և այստեղ էլ՝ Մոկրոնում էլ բոլոր կարծում էին, թե երեք հազար էր: Բայց ինչ էլ կարծեն, ես ոչ թե երեք հազար, այլ հազար հինգ հարյուր ծախսեցի, իսկ մյուս կեսը կարեցի լաթի մեջ ու վզիս կախեցի: Ահա այսպես է եղել բանը, պարոնայք, ահա թե օրտեղից երեկվա փողը...

— Դա գրեթե հրաշքի նման է... — կծկմաց նիկեոյայ Պարֆյունովիչը:

— Թույլ տվեք հարցնել, — ասաց ի վերջո զատախազը, — այդ հանցամանքի մասին գոնե որևէ մեկին չե՞ք հայտնել մինչև հիմա... այսինքն թե՛ այդ հազար հինգ հարյուրը պահել եք ձեզ մոտ հենց այն ժամանակ, մեկ ամիս առաջ:

— Ոչ ոքի չեմ ասել:

— Տարօրինակ է: Հենց այնպես էլ ոչ ոքի չե՞ք հայտնել, բացարձակապես՞:

— Բացարձակապես ոչ ոքի: Ոչ ոքի, ոչ մեկին:

— Բայց ի՞նչն է նման գազտնապահության պատճառը: Ի՞նչը դրանց ձեզ այդպիսի մի գաղտնիք գարծնել այդ բանը:

Միտքս ավելի հստակ բացատրեմ. դուք վերջապես հայտնեցիք մեզ ձեր գաղտնիքը, որ ըստ ձեր ասածի այնքա՛ն «անպատվաբեր» է, թեև ըստ էության, այսինքն իհարկե համեմատաբար ասած, այդ արարքը, այսինքն հենց ուրիշի երեք հազար ուրբի յարացնելը, և միայն ժամանակավորապես անկասկած, այդ արարքը, գոնե իմ տեսակետով, վերին աստիճանի թեթևամիտ մի արարք է պարզապես, բայց ոչ այնքան անպատվաբեր, նկատի առնելով, բացի այդ, նաև ձեր նկարագիրը... Դե ասենք նույնիսկ վերին աստիճանի ամոթաբեր արարք է, համաձայն եմ, բայց ամոթաբեր, և ոչ համեմալն դեպս անպատվաբեր... Այսինքն, ճիշտն ասած, խնդիրն այն է, որ այս վերջին ամսվա ընթացքում, առանց ձեր խոստովանութան էլ, շատերն արդեն կոհակ էին, որ այդ երեք հազարը վերցրել եք օրիորդ Վերխովցևայից ու վատնել եք: Ինքս անձամբ լսել եմ այդ առասպելը... Միտայիլ Մակարովիչը, օրինակ, նույնպես լսել է: Այնպես որ դա ի վերջո առասպել իսկ չէ արդեն, այլ ամբողջ քաղաքում տարածված բամբասանք: Բացի այդ, նշաններ կան, որ դուք ինքներդ էլ, եթե չեմ սխալվում, այդ բանը խոստովանել եք ինչ-որ մեկին, այսինքն թե այդ դրամը վերցրել էիք օրիորդ Վերխովցևայից... Ուստի ինձ չափազանց զարմացնում է, որ դուք մինչև հիմա, այսինքն մինչև հենց այս րոպեն, այդպիսի արտասովոր մի գաղտնիք եք դարձրել այդ հազար հինգ հարյուր ուրբին, որ մի կողմ եք դրել ձեր ասելով, և նույնիսկ ինչ-որ սարսափելի բանի բնույթ եք տվել ձեր այդ գաղտնիքին... Անհավատալի է, որ այդպիսի մի գաղտնիք խոստովանելը կարող էր այնքա՛ն տանջանքներ արժել ձեզ համար... որովհետև դուք հիմա նույնիսկ գոռում էիք, որ ավելի լավ է աքսորն ու տաժանակրոթյունը, քան խոստովանելը...

Պատասխազը լռեց: Տաքացել էր նա: Չէր թաքցնում իր վերդովմունքը, համարյա զայրույթը, և դուրս ավեց ամեն ինչ, որ կուտակվել էր իր մեջ, նույնիսկ շտաժեկով ռժի գեղեցկության մասին, այսինքն անկասկածից ու մինչև իսկ խառնափնթոր խոսելով:

— Ոչ թե հազար հինգ հարյուր ուրբին էր անպատվությունը, այլ այն, որ այդ հազար հինգ հարյուրը անջատել էի երեք հազարից, — ասաց Միտայն անդրովելիորեն:

— Հետո ի՞նչ, — ջղայնորեն քմծիծաղեց դատախազը, — ի՞նչ մի անպատվություն է այն, որ ըստ ձեր հայեցողության մի կողմ եք դրել երեք հազարի կեսը, այն երեք հազարի, որ արդեն

վերցրել եք ամոթաբեր ձևով և կամ, եթե ուզում եք, թեկուզ և անպատվաբեր ձևով: Ավելի կարևոր է այն, որ դուք յուրացրել եք երեք հազարը, և ոչ թե այն, թե ինչպես եք տնօրինել այդ դրամը: Ի դեպ, ինչո՞ւ եք հենց այդպես տնօրինել, այսինքն առանձնացրել եք այդ կեսը: Ինչո՞ւ համար, ի՞նչ նպատակով եք այդպես արել, կարո՞ղ եք բացատրել մեզ:

— Օ՛ պարոնայք, հենց նպատակն է ամբողջ խնդիրը, — բացականչեց Միտյան: — Առանձնացրի, որովհետև ստոր էի, այսինքն հաշիվ ունեի, իսկ այս դեպքում հենց հաշիվն է ստորութիւնը... Եվ այդ ստորութիւնը շարունակվեց մի ամբողջ ամիս:

— Անհասկանալի է:

— Զարմանում եմ ձեզ վրա: Բայց ավելի պարզ բացատրեմ, գուցե իրոք անհասկանալի է: Լսեցեք հիմա, հետևեցե՛ք իմ ասածին: Յուրացնում եմ երեք հազարը, որ հանձնել է ինձ վստահելով իմ պատվին, քեֆ եմ անում այդ փողով, մսխում ամբողջը, առավոտյան գնում եմ նրա մոտ և ասում. «Կատյա, մեղավոր եմ, վատնեցի քո երեք հազարը»: Է՛հ, լա՞վ բան է դա: Ոչ, լավ չէ, անաղնիվ բան է, փոքրոգի, գազանային բան. մի մարդ, որ գազան դառնալու շփ անզուսպ է, հա՞, այնպես չէ՞: Բայց համենայն դեպս գող չեմ տակավին: Չեք կարող ասել, որ ուղղակի գող եմ, չեք կարող, համաձայնվեցե՛ք: Վատնել եմ, բայց չեմ գողացել: Հիմա՝ երկրորդ պարագան, որ ավելի ևս նպաստավոր է. հետևեցեք իմ ասածին, թե չէ նորից կարող եմ շփոթվել, գլուխս պտտվում է մի տեսակ: Ուրեմն երկրորդ պարագան. այստեղ վատնում եմ միայն հազար հինգ հարյուր ռուբլի այդ երեք հազարից, այսինքն կեսը: Մյուս օրը գնում եմ մոտը և այդ կեսը տալիս եմ նրան. «Կատյա, վերցրու այս կեսը ինձնից՝ թշվառական ու թեթևամիտ մի սրիկայից, որովհետև փողի կեսը վատնել եմ, ուրեմն այս կեսն էլ կվատնեմ, այնպես որ գլուխս ազատի՛ր մեղքից»: Է՛հ, ի՞նչ կասեիք այս դեպքում: Ի՞նչ որ ուզեք՝ և՛ գազան, և՛ սրիկա, բայց գո՞ղ, ոտից գլուխ գո՞ղ ո՞չ երբեք. որովհետև եթե գող լինեի, մնացած կեսը ետ չէի տա իհարկե, այլ կյուրացնեի: Նա անմիջապես տեսնում է, որ քանի որ բերել եմ կեսը, ուրեմն մնացածն էլ կբերեմ, այսինքն վատնածս. ամբողջ կյանքումս կշահամ ճարել այդ գումարը, թեկուզ աշխատանքի կգնամ, բայց կճարեմ ու կվերադարձնեմ: Այդպիսով, կարող եմ սրիկա լինել, բայց գո՞ղ, գո՞ղ ո՞չ երբեք, բնա՞վ, կարող եք ամեն ինչ ասել, բայց ո՞չ գող:

— Ասենք, թե մի որոշ տարբերություն կա, — սառնորեն քմծիծաղ տվեց դատախազը: — Բայց համենայն դեպս տարբերնակ է, որ դուք դրա մեջ այդպիսի ճակատագրական տարբերություն եք տեսնում:

— Այո՛, այդպիսի ճակատագրական տարբերություն եմ տեսնում: Ամեն մարդ կարող է սրիկա լինել, և գուցե իրոք էլ ամեն մարդ սրիկա է, բայց ամեն մարդ չի կարող գող լինել, միայն գերբիկան է ընդունակ: Դե ես այդպիսի նրբութիւնները բնորոշել չգիտեմ... Միայն՝ գողը սրիկայից էլ ստոր է, ահա իմ համոզմունքը: Լսեցե՛ք, մի ամբողջ ամիս փողը մոտս եմ պահում, վաղն ևեթ կարող եմ վճռական լինել ու ետ տալ, և արդեն սրիկա չեմ լինի, բայց հենց վճռե՛լ չեմ կարողանում, հասկանո՞ւմ եք, թե և ամեն օր աշխատում եմ վճռել, ամեն օր մղում եմ ինքս ինձ՝ «վճռիր, վճռիր, սրիկա», և ահա ամբողջ մի ամիս չեմ կարողանում վճռել, հասկանո՞ւմ եք: Դե ինչ է, լա՞վ է այսպես, լա՞վ է ձեր կարծիքով, հը՞:

— Ասենք թե այնքան էլ լավ չէ, ես հիանալի կարող եմ հասկանալ այդ բանը և չեմ վիճում դրա դեմ, — զուսպ պատասխանեց դատախազը: — Եվ առհասարակ մի կողմ թողնենք բոլոր հակաճառութիւնները այդ նրբութիւնների և տարբերութիւնների մասին, և լավ կլիներ, որ հաճեիք նորից բուն խնդրին անցնել: Իսկ խնդիրը հենց այն է, որ դուք դեռ չբարեհաճեցիք բացատրել մեզ, թե և մենք հարցրինք՝ ինչո՞ւ ամենից առաջ երկու մասի բաժանեցիք այդ երեք հազարը, այսինքն մի կեսը մսխեցիք, իսկ մյուս կեսը պահեցիք: Հատկապես ի՞նչ նպատակով պահեցիք, հատկապես ինչի՞ համար ուզում էիք օգտագործել ձեր այդ առանձնացրած հազար հինգ հարյուր ռուբլին: Ես պնդում եմ այս հարցը, Դմիտրի Ֆյոդորովիչ:

— Հա՛, այո, իսկապես, — գոչեց Միտյան, ձեռքը խփելով ճակատին, — ներեցեք, տանջում եմ ձեզ, բայց ամենակարևորը չեմ բացատրում, թե չէ դուք մի վայրկյանում կհասկանայիք, որովհետև հենց այդ նպատակը, այդ նպատակն է անպատվութիւնը: Հասկանո՞ւմ եք, խնդիրը այդ ձեռուկն է նորից, հանգուցյալը. նա անընդհատ խոռովում էր Ագրաֆենա Ալեքսանդրովնային, իսկ ես խանդում էի և այն ժամանակ մտածում, որ նա ստատանվում է իմ և ձերուկի միջև: Եվ ահա ամեն օր մտահոգվում էի՝ ի՞նչ պետք է անեմ, եթե հանկարծ որոշում տա Գրուշենկան, եթե հոգնի ինձ տանջելուց և հանկարծ ասի՝ «Քեզ եմ սի-

րում, ոչ թե նրան, տար ինձ աշխարհի մյուս ծայրը: Հնդամենը մի երկու հատ քօանկոպեկածոց ունեմ, ինչո՞վ կարող եմ տանել նրան, ի՞նչ անեմ այդ դեպքում: Ուրեմն կորա... Ես չէի՝ ճանաչում նրան այդ ժամանակ, չէի հասկանում նրան, կարծում էի՝ նրան փող է պետք և չի ների ինձ, որ աղքատ եմ: Եվ ահա ես նենգորեն հաշվեցի այդ երեք հազարի կեսը, առանձնացրի, բաժնաստորոն կարեցի լաթի մեջ, դեռ հարբելուց առաջ կարեցի, և հետո երբ արդեն կարելի պրծել էի՝ մնացած կեսը վերցրի ու ընացի խմելու: Չէ՞, դա ստորութուն է: Հասկացա՞ք հիմա:

Գատախազը բաժրածայն ծիծաղեց, քննիչը՝ նույնպես:

— Ես նույնիսկ խոհեմ ու բարոյական եմ համարում, որ զսպել եք ձեզ և ամբողջ դրամը չեք մսխել,— քրքջաց Նիկոլայ Պարֆյունովիչը,— որովհետև, ճիշտն ասած, ի՞նչ մի սոսկալի բան կա դրա մեջ:

— Ի՞նչ, Գողացել եմ, գողացե՛լ, այդ է սոսկալին: Օ՛ր աստված իմ, դուք ինձ սարսափեցնում եք ձեր անհասկացողություններ: Ամբողջ ժամանակ, որ այդ հազար հինգ հարյուրը պահում էի կրծքիս, լաթի մեջ կարված, ամեն օր ու ամեն ժամ ասում էի ինքս ինձ. «Գո՞ղ ես դու, գո՞ղ»: Ինչո՞ւ էի կատաղել մի ամբողջ ամիս, ինչո՞ւ էի կովում գինեատանը, ինչո՞ւ ծեծեցի հորս, ինչո՞ւ որովհետև գող էի զգում ինձ: Նույնիսկ շկարողացա սիրտ անել, չհամարձակվեցի այդ հազար հինգ հարյուր ուրբու մասին հայտնել եղբորս՝ Ալյոշային. ա՛յն աստիճան զգում էի, որ սրիկա եմ, մի ողորմելի գրպանահատ: Բայց իմացե՛ք, քանի դեռ կրծքիս էր այդ փողը, ես միաժամանակ ամեն օր և ամեն ժամ ասում էի ինքս ինձ. «Չէ՛, Դմիտրի Յյոզորովիչ, դու գուցե գող չես տակավին»: Ինչո՞ւ: Հենց որովհետև կարող ես վաղը գնալ ու հազար հինգ հարյուրը ետ տալ Կատյային: Եվ ահա երեկ միայն վճռականությունն ուճեցա վզիցս պոկելու իմ հուռութը, երբ Յենյայի տնից գնում էի Պերխոտինի մոտ, իսկ մինչև այդ ընդմեջ սիրտ չէի անում. և հենց որ պոկեցի, նույն ընդմեջ արդեն վերջնահանապես գող դարձա, ուղղակի գող ու անազնիվ մարդ՝ մինչև կյանքիս վերջը: Ինչո՞ւ: Որովհետև հուռութի հետ պատռեցի նաև այն բաղձանքը, որ ինձ մղում էր գնալ ու ասել Կատյային: «Ես սրիկա եմ, բայց ո՛չ գող»: Հասկանո՞ւմ եք հիմա, հասկանո՞ւմ եք:

— Իսկ ինչո՞ւ հենց երեկ իրիկուն վճռեցիք այդ բանը,՝ ընդհատեց Նիկոլայ Պարֆյունովիչը:

— Ինչո՞ւ: Ծիծաղելի է հարցնելը: Որովհետև մահվան էի դատապարտել ինքս ինձ. առավոտյան ժամը հինգին, այստեղ, լուսածագին: «Միկենույնը չէ՞, մտածեցի, որպես սրիկա՞ ես մեռնում, թե որպես ազնիվ մարդ»: Բայց ահա պարզվեց, որ ո՛չ միկենույնը չէ՛: Հավատացեք, պարոնայք, ամբողջ գիշերը տանջվում էի, բայց ոչ թե, ո՛չ թե այն պատճառով, որ ծերունի ծառային եմ սպանել և Միրիք գնալու վտանգն է կախվել զլխիս, այն էլ ե՛րբ... երբ պսակներո՞վ է զարդարվել իմ սերը և նորից երկինքն է բացվել իմ առաջ: Օ՛ր, դա ինձ տանջում էր, բայց ոչ այնքան. համենայն դեպս ոչ այնպես, ինչպես այն անիծյալ գիտակցությունը, թե վերջապես պոկեցի իմ կրծքից այդ անիծյալ փողը և ծախսեցի և ուրեմն գո՞ղ եմ այլևս, գող եմ վերջնականորեն: Օ՛ պարոնայք, նորից եմ ասում ձեզ, այլովո՞ղ սրտով եմ ասում՝ շա՛տ բան իմացա այս գիշեր: Իմացա, որ ոչ միայն սրիկայորեն ապրելն է անկարելի, այլև սրիկա մեռնելն փակ անկարելի է... Չէ՛, պարոնայք, մարդ պետք է ազնիվ մեռնի...»

Գունատ էր Միտյան: Ուժասպաս ու ասանջված մարդու տեսք ուներ դեմքը, հակառակ որ ծախր աստիճան հուզվել էր նա:

— Միտյան եմ հասկանալ ձեզ, Դմիտրի Յյոզորովիչ,— ծոքավեց դատախազը մեղմորեն ու նույնիսկ մի տեսակ կարեկցանքով,— բայց այս ամբողջը, թույլ տվեք ասել, պարզապես ջգերի հարց է ըստ իս... ձեր վատատուր ջգերի, ահա թե ինչ: Եվ ինչո՞ւ, օրինակ, շաղատվելիք գրեթե մի ամբողջ ամիս տևող այգպիսի տանջանքներից, չգնացիք ու չվերադարձնեիք այդ հազար հինգ հարյուրը այն օրիորդին, որ վստահել էր ձեզ այդ գրամը: Ինչո՞ւ չբացատրեիք խնդիրը նրան, և հետո, նկատի առնելով ձեր այն ժամանակվա վիճակը, որ այնքան սարսափելի էր ըստ ձեր նկարագրաժի, ինչո՞ւ չփորձեիք այն կերպը, որ շատ բնականորեն կարող է մարդու միտքը գալ. այսինքն, ձեր սխալներն ազնվորեն խոստովանելուց հետո, ինչո՞ւ հենց այդ օրիորդից էլ լիներեիք ձեր ծախսերի համար անհրաժեշտ գումարը, որ նա չէր մերժի անշուշտ, լինելով այգպիսի մեծատիրոս մի անձնավորություն և տեսնելով ձեր ծանր վիճակը, մանավանդ եթե գրամը ստացադրով վերցնեիք և կամ, վերջապես, թեկուզ այն նույն կրաշխիքով, որ առաջարկել եք վաճառուկան Առաքունովին ու տիկին Խոխլակովային: Կարծեմ մինչև հիմա էլ դեռ արժեքավոր եք համարում ձեր այդ նրաշխիքը. չէ՞:

Միտյան հանկարծ կարմրեց.

— Բայց ի՞նչ է, նույնիսկ ա՛յդ աստիճան սրիկա եք համարում ինձ: Լո՛ւրջ եք ասում այդ բանը: չի՛ կարող պատահել... — ասաց նա վրդովված, ուղղակի նայելով դատախազի աչքերին ու կարծես չհավատալով, որ այդպիսի բան է լսել նրանից:

— Հավատացնում եմ ձեզ, որ լուրջ եմ ասում... Ինչո՞ւ եք կարծում, որ լուրջ է, — զարմացավ իր հերթին դատախազը:

— Օ՛, ինչ ստո՛ր բան կլինե՞ր դա: Պարոնայք, գիտե՞ք, որ տանջում եք ինձ: Խնդրե՛մ, ամեն ինչ ասեմ հիմա ձեզ, ուրիշ ճար չկա երևի, հիմա արդեն խոստովանեմ իմ ամբողջ դժոխային էությունը, բայց ձե՛զ ամաչեցնելու համար. և ինքներդ պիտի զարմանաք, թե ինչպիսի՛ ստորություն կարող է հասնել մարդկային զգացմունքների շփոթը: Իմացեք ուրեմն, ես ինքս արդեն ունեի այդ ծրագիրը, այ հենց այն, ինչի մասին խոսեցինք հիմա, դատախա՛զ: Այո, պարոնայք, ես էլ այդ միտքն եմ ունեցել այս ամբողջ անիծյալ ամսվա ընթացքում, այնպես որ համարյա վճռել էի արդեն գնալ Կատյայի մոտ, ա՛յդ աստիճան ստոր էի: Բայց գնալ նրա մոտ, հայտնե՛լ նրան իմ դավաճանությունը և հենց նրանից էլ, հենց Կատյայից էլ փող խնդրել (խնդրել, լսո՞ւմ եք, խնդրե՛լ) հենց այդ դավաճանության համար, այդ դավաճանությունն իրագործելու համար, այդ դավաճանության պահանջած ծախսերի համար, և հետո անմիջապես նրանից փախչե՛լ ուրիշի հետ, նրա մրցակցի հետ, մի կնոջ հետ, որ ասում է նրան, անպատվել է նրան... Ներեցեք, բայց խելագարվե՛լ եք դուք, դատախա՛զ:

— Խելագարվել եմ թե չեմ խելագարվել, բայց... Խհարկե՛, տաքացա մի քիչ ու հաշվի չառա... այ հենց այդ կանացի խանդը... Եթե իսկապես կարող էր խանդ լինել այս հարցում, ինչպես հավաստում եք... այո, կարծես թե այդ տեսակ մի բան կա, — ժպտաց դատախազը:

— Բայց դա արդեն այնպիսի՛ մի զգվանք կլինե՞ր, — բռնունցքը կատաղորեն սեղանին խփեց Միտյան, — այնպիսի՛ մի գարշահոտություն, որ էլ չգիտե՛մ: Եվ գիտե՞ք, որ նա կարո՞ղ էր տալ ինձ այդ փողը, և կտա՞ր, անպայման կտար, ինձնից վրե՛ժ լուծելու համար կտար, վրե՛ժի հաճույքն զգալու, ինձ արհամարհելու համար կտար, որովհետև նա էլ դժոխային հոգի է, ասե՛լի ցասում ունեցող մի կին: Իսկ ես կառնեի փողը, օ՛, կառնեի, այո, կառնեի, և հետո իմ ամբողջ կյանքում... օ՛

ասոված իմ: Ներեցեք, պարոնայք, ես այսպես գոռում եմ, որովհետև հենց վերջերս դեռ այդ միտքն ունեի, ընդամենը դեռ երկու օր առաջ, հենց այն գիշեր, երբ հոգիս հանեց այդ կյազավին, և հետո՝ երեկ, այո, երեկ էլ, ամբողջ օրը, հիշում եմ, ուղղակի մինչև այս դեպքը...

— Մինչև ո՞ր դեպքը, — վրա բերեց Նիկոլայ Պարֆյունովիչը հետաքրքրությամբ, բայց Միտյան չլսեց:

— Ահավոր մի խոստովանություն արեցի ձեզ, — մռայլորեն եզրակացրեց նա: — Գնահատեցեք ուրեմն իմ ասածը, պարոնայք: Բայց քիչ է դա, քիչ է գնահատելը, ոչ թե գնահատեցեք, այլ արժեքը իմացեք, իսկ եթե ոչ, եթե սրա՛ նկատմամբ էլ անտարբեր մնացին ձեր հոգիները, ուրեմն դուք արդեն ուղղակի չեք հարգում ինձ, պարոնայք, ա՛յ ասում եմ ձեզ, և ես ամոթի՛ց կմեռնեմ, որ խոստովանեցի ձեզ նման մարդկանց: Օ՛, կպանեմ ինքս ինձ: Բայց տեսնում եմ արդեն, տեսնո՞ւմ եմ, որ չեք հավատում: Ի՞նչ, ուրեմն ա՛յս էլ ուզում եք արձանագրել, — գոռաց նա արդեն վախեցած:

— Այ հենց այն, որ հիմա ասացիք, — զարմացած նայեց նրան Նիկոլայ Պարֆյունովիչը, — այսինքն թե մինչև վերջին ժամն էլ դուք դեռ մտադիր էիք գնալ օրիորդ Վերստովցևայի մոտ և այդ գումարը խնդրել նրանից... Հավատացնում եմ ձեզ, դա շատ կարևոր ցուցմունք է ձեզ համար, Դմիտրի Ֆյոդորովիչ, այսինքն ամբողջ այդ պարագան... և հատկապես ձե՛զ համար, հատկապես ձեզ համար է կարևոր:

— Գու՞թ ունեցեք, պարոնայք, — ձեռքերն իրար զարկեց Միտյան, — գոնե այս բանը մի՛ գրեք, ամո՞թ ունեցեք: Ես իմ հոգին պատռեցի ձեր առաջ, երկու կես արեցի, իսկ դուք օգտվում եք առիթից և երկու մասում էլ խառնում եք պատվածքները ձեր մատնեքով... Օ՛ ասոված իմ:

Հուսահատված՝ նա ձեռքերով ծածկեց դեմքը:

— Մի՛ անհանգստանաք այդպես, Դմիտրի Ֆյոդորովիչ, — ասաց դատախազը, — ամեն ինչ, որ արձանագրվում է հիմա, հետո ինքներդ կլսեք, և եթե համաձայն չլինեք որևէ բանի, կփոխենք ըստ ձեր ցանկության: Իսկ հիմա երրորդ անգամ կրկնելու եմ մի փոքրիկ հարց. մի՞թե իսկապես ոչ ոք, հենց ուղղակի ոչ ոք չի լսել ձեզնից այն փողի մասին, որ կարել էր լսթի մեջ: Ասեմ ձեզ, գրեթե անկարելի է պատկերացնել այդ բանը:

— Ա՛չ որ, ո՛չ որ, ասացի արդեն, այլապես դուք ոչինչ չեք հասկացել: Հանգիստ թողեք ինձ:

— Ենդրեմ: Այս հարցը պետք է պարզվի, և դրա համար դեռ շատ ժամանակ ունենք մեր առաջ, բայց առայժմ մտածեցե՛ք՝ մենք գուցե տասնյակներով վկայութուններ ունենք, որ հենց ինքներդ ամեն տեղ տարածել ու նույնիսկ գոռացել եք ձեր ծախսած այդ երեք հազարի մասին, երե՛ք հազար, ոչ թե հազար հինգ հարյուր, և հիմա էլ դարձյալ, երեկվա դրամք ձեռք բերելուց հետո, նույնպես հասցրել եք շատերին իմացնել, թե նորից երեք հազար ուրբի եք բերել ձեզ հետ...

— Ոչ թե տասնյակներով, այլ հարյուրներով վկայութուններ ունեք ձեր ձեռքում, երկո՛ւ հարյուր վկայութուն, երկո՛ւ հարյուր մարդ լսել է, հազա՛ր հոգի է լսել, — բացականչեց Միտյան:

— Դե այ, տեսնո՞ւմ եք, բուրոն են վկայում, բուրոջ: Եվ վերջապես բոլոր բառը մի որևէ բան նշանակում է, չէ՞:

— Ոչինչ էլ չի նշանակում: Ես փչեցի, և իմ ետևից բուրոն էլ կրկնեցին իմ փչածը:

— Բայց ի՞նչ կարիք ունեիք այդպես «փչելու», ինչպես ասում եք:

— Է՛հ, սատանան գիտի: Պարծենալու համար էր գուցե... հենց այնպես... թե տեսե՛ք՝ այսքան շատ փող եմ ծախսել, քե՛ք եմ արել... Գուցե և մոռանալու համար այն փողը, որ կարել էի... այո՛, հենց դրա համար... գրո՛ղբ տանի... քանի՞երորդ անգամն եք տալիս այդ հարցը: Դե փչեցի՛, և վե՛րջ: Փչել էի մի անգամ և էլ չուզեցի ուղղել: Մարդ ինչո՛ւ երբեմն սուտ է փչում:

— Շատ դժվար է որոշել, Դմիտրի Յյոզորովիչ, թե ինչո՞ւ մարդ սուտ է փչում, — ասաց դատախազը ազդեցիկ շեշտով: — Բայց ասացեք, խոշո՞ր բան էր ձեր այդ հուռութ կոշածը, որ կախել էիք վզից:

— Ոչ, փոքր բան էր:

— Ի՞նչ մեծության էր, օրինակ:

— Հարյուրամեկ թղթադրամք կեսից ծալեք, այ այդ մեծու-

թյան:

— Կա՞մ կրիներ, որ ցույց տալիք մեզ լաթի կտորները: Պահել եք ձեր մի որևէ որպանում, չէ՞:

— Է՛, գրո՛ղբ տանի... ասյ թնչ հիմարություն է... չգիտեմ արտեղ են դրանք:

— Բայց ներեցեք, համենայն դեպս՝ որտե՞ղ և ե՞րբ եք հանել ձեր վզից: Զէ՛ որ ինքներդ եք վկայում, որ տուն չեք գնացել:

— Այ երբ Ֆենյայի տնից դուրս եկա և գնում էի Պերխոտինի մոտ, ճանապարհին պոկեցի վզիցս և հանեցի փողը:

— Խավարի մե՞ջ:

— Դրա համար լո՛ւյս էր պետք: Մատուց, հենց մի վայրկյանում արեցի:

— Առանց մկրատի՞, փողոցո՞ւմ:

— Հրապարակում էի կարծեմ: Ի՞նչ մկրատ: Հին լաթի կտոր էր, անմիջապես պատուվեց:

— Ի՞նչ արեցիք հետո այդ լաթը:

— Այնտեղ գցեցի:

— Ո՞ւր այսինքն:

— Դե հենց հրապարակում, էլի, առհասարակ հրապարակում: Սատանան գիտե, թե հրապարակի ո՞ր մասն էր: Բայց դա ձեր ինչի՞ն է պետք:

— Դա շահազանց կարևոր է, Դմիտրի Յյոզորովիչ: Իրեզեն ապացույցներ՝ հենց ձեր օգտին: Ինչպե՞ս չեք ուզում հասկանալ այդ բանը: Իսկ մեկ ամիս առաջ ո՞վ օգնեց ձեզ կարելու:

— Ոչ որ չի օգնել, ինքս եմ կարել:

— Դուք կարել գիտե՞ք:

— Զինվորք պետք է իմանա կարել: Բայց այդպիսի մի բան կարելու համար հմտություն էլ պետք չէ:

— Իսկ որտեղի՞ց վերցրիք նյութը, այսինքն այդ լաթի կտորը, որի մեջ կարել եք:

— Ինչ է, հո չե՞ք ծիծաղում:

— Բնավ երբեք, և բուրոյվին էլ ծիծաղելու տրամադրություն չունենք, Դմիտրի Յյոզորովիչ:

— Չեմ հիշում որտեղից եմ վերցրել լաթը, մի տեղից վերցրել եմ, էլի:

— Գոնե ա՛յդ պետք է հիշեիք կարծես թե, չէ՞:

— Աստված վկա, չեմ հիշում: Գուցե մի քրեկ սպիտակեզնից պատուել եմ մի կտոր:

— Դա շատ հետաքրքրական է: Կարող էինք վազը ձեք բնակարանում գտնել այդ իրը՝ գուցե մի վերնաշապիկ, որից պատուել եք այդ կտորը: Ի՞նչ կտավ էր՝ վո՛ւշ, բամբակ:

— Սատանան գիտե, թե ինչ էր: Սպասե՛ք... Կարծեմ ոչ մի բանից էլ չեմ պատուել: Կոլենկորի մի կտոր էր... Կարծեմ իմ տանտիրուհու տնային գլխարկի մեջ կարեցի:

— Տանտիրուհու տնային գլխարկի՞:

— Այո, թոցրել էի նրանից:

— Ինչպե՞ս թե թոցրել էիք:

— Հասկանո՞ւմ եք, մի անգամ իսկապես, հիշում եմ, նրա տնային մի գլխարկը թոցրի, որ քուրջի տեղ օգտագործեմ, գուցե և գրիչ սրբելու համար: Սուսուփուս վերցրի, որովհետև անպետք մի լաթ էր: Հետո դրա կտորները մնացել էին, և մեկ էլ այդ հազար հինգ հարյուր ութու հարցը ելավ. վերցրի կտորներից մեկը և կարեցի մեջը... Կարծեմ հենց այդ լաթի կտորն էր: Կոլենկորե հին, անպետք մի բան, հազար անգամ լվացված:

— Եվ արդեն հաստա՞տ եք հիշում այդ բանը:

— Չգիտեմ, հաստա՞տ է, թե չէ: Կարծեմ այդ գլխարկն էր է՛, թքա՛ծ:

— Այդ դեպքում՝ գոնե ձեր տանտիրուհին կկարողանա՞ հիշել, թե կորել էր այդ իրը:

— Ոչ, նա չիմացավ անգամ: Հին լաթ էր, ասում եմ ձեզ, հին ու մին լաթի կտոր, կոպեկ շարժեր:

— Իսկ ասե՞ղ որտեղից վերցրիք, թե՞ լը որտեղից:

— Վե՛րջ, էլ չեմ ուզում որևէ բան ասել: Բավական է, — բարկացավ ի վերջո Միտյան:

— Եվ համենայն դեպս տարօրինակ է, որ այդպես բոլորովին մոռացել եք, թե հրապարակի ո՞ր մասում հատկապես գցեցիք այդ... հուռութի:

— Է՛հ, հրամայեցեք, որ վաղը ավլեն հրապարակը, գուցե գտնեք, — քմծիծաղեց Միտյան: — Բավական է, պարոնայք, բավական է, — վճռեց նա տանջահար ձայնով: — Պարզ տեսնում եմ՝ չհավատացիք ինձ: Իմ ասածներին կոպեկի արժեք չտվեցիք: Ես եմ մեղավորը, ոչ թե դուք, չպետք է ընդառաջեի ու մեջ ընկնեի: Ինչո՞ւ, ինչո՞ւ խոստովանեցի իմ գաղտնիքը և զզվելի դարձրի ինքս ինձ: Իսկ ձեզ համար դա ծիծաղի նյութ է, ձեր աչքերից եմ տեսնում: Դո՞ւք էիք, որ ինձ հասցրիք սրան, դատախա՞զ: Ձեր անձի գովքը երգեցեք, եթե կարող եք... Անիծյա՛լ լինեք դուք, շարշարողնե՛ր:

Նա գլուխը ծռեց ու դեմքը ծածկեց ձեռքերով: Դատախազն ու քննիչը լուռ մնացին: Մի րոպե հետո նա վեր առավ գլուխը

և մի տեսակ խելագուրկ հայացքով նայեց նրանց: Հիմա արդեն լիակատար, անդառնալի հուսահատություն էր արտահայտում դեմքը, և նա մի տեսակ սսկվել նստել էր ու կարծես մոռացել ինքն իրեն: Եվ սակայն պետք է վերջացնեին գործը. պետք էր անհապաղ անցնել վկաների հարցաքննության: Առավոտյան ժամը ութն էր արդեն: Մոմերը վաղուց հանգցրել էին: Միխայիլ Մակարովիչն ու Կալզանովը, որոնք հարցաքննության ամբողջ ընթացքում ներս ու դուրս էին անում, այս անգամ նորից դուրս գնացին սենյակից: Դատախազն ու քննիչը նույնպես չափազանց հոգնած էին երևում: Մոռյլ մի առավոտ էր բացվել, ամբողջ երկինքն ամպամած էր և տեղատարափ անձրև էր գալիս: Միտյան դատարկ հայացքով նայում էր լուսամուտներին:

— Կարո՞ղ եմ լուսամուտից դուրս նայել, — հարցրեց նա հանկարծ Նիկոլայ Պարֆյունովիչին:

— Օ՛, որքան ուզում եք, — պատասխանեց քննիչը:

Միտյան վեր կացավ և մոտեցավ լուսամուտին: Անձրևն ուղղակի մտրակում էր լուսամուտի փոքրիկ, կանաչավուն ապակիները: Հենց լուսամուտի տակ ցեխոտ ճանապարհն էր, իսկ ավելի հեռու, անձրևային մառախուղի մեջ, շարք-շարք երևում էին սև, թշվառ, խեղճուկրակ խրճիթները, որոնք կարծես ավելի ևս սևացել ու խղճուկ էին դարձել անձրևի տակ: Միտյան հիշեց «ոսկեհեր Ֆեբուսը» և թե ինչպես ինքը ուզում էր անձնասպան լինել այն պահին, երբ երևար առաջին ճառագայթը նրա: «Այսպիսի մի առավոտ... գուցե և ավելի լավ լիներ», — ժպտաց նա հանկարծ, վերից վար թափահարեց ձեռքը, դարձավ շարշարողներին:

— Պարոնայք, — գոչեց նա, — ես հո տեսնում եմ, որ կորա արդեն: Բայց նա՞, Գրուշենկա՞ն: Ասացե՛ք ինձ նրա մասին, աղաչում եմ, մի՞թե նա էլ պետք է կորչի ինձ հետ: Անմեղ է նա, հասկանո՞ւմ եք, երեկ պարզապես խելքը կորցրել էր, երբ գոռում էր՝ «ամեն ինչում մեղավոր եմ»: Նա ոչ մի մեղք չունի, ո՛չ մի մեղք: Աբողջ գիշերը սիրտս մղկտում էր, երբ նստել էի ձեզ հետ... Չի՞ կարելի արդյոք, չե՞ք կարող արդյոք ինձ ասել՝ ի՞նչ եք անելու նրան հիմա:

— Կատարելապես հանգիստ եղեք այդ մասին, Դմիտրի Ֆյոդորովիչ, — պատասխանեց դատախազն անմիջապես ու ալընհայտ աճապարանքով, — առայժմ մենք ոչ մի նշանակալից շարժառիթ չունենք որևէ ձևով անհանգստացնելու այն տիկնոջը:

որով դուք այնքան հետաքրքրվում եք: Հույս ունեմ, որ գործի հետագա ընթացքն էլ նույն բանը ցույց կտա... Ընդհակառակը, այդ առնչությամբ մենք կանենք ամեն ինչ, որ հնարավոր է մեր կողմից: Վատարելապես հանգիստ եղեք:

— Ծնորհակալ եմ, պարտնայք, ես այդպես էլ գիտեի, որ դուք համենայն դեպս ազնիվ ու արգար մտրդիկ եք, չնայած այս բոլորին: Ազատեցիք իմ սիրտը ծանր բեռից... Գե չավ, էլ ի՞նչ ենք անելու հիմա: Ծս պատրաստ եմ:

— Է՛հ, պետք է շտապել: Պետք է անհապաղ անցնենք վկաների հարցաքննության: Այդ ամբողջը անպայման ձեր ներկայությամբ պետք է տեղի ունենա, ուստի և...

— Բայց նախ մի թեյ չխմե՞նք,— ընդհատեց նիկոլայ Պարֆյունովիչը:— Կարծեմ թե այլևս արժանի՝ ենք դրան:

Որոշեցին, որ եթե պատրաստ թեյ կա ներքևում (քանի որ Միխայիլ Մակարովիչը վստահաբար գնացել էր «թեյելու»), մեկական բաժակ խմեն ու հետո «շարունակեն ու շարունակեն»: Իսկ բուն «նախաճաշը» հետաձգեն ավելի ազատ մի ժամի ներքևում իսկապես պատրաստ թեյ կար և շուտով վեր բերեցին: Միտյան սկզբում հրաժարվեց մի բաժակ թեյից, որ նիկոլայ Պարֆյունովիչը սիրալիր առաջարկում էր նրան, բայց հետո ինքը խնդրեց ու խմեց ազահորեն: Եվ ընդհանրապես մի տեսակ զարմանալիորեն տանջված տեսք ուներ: Կարելի էր մտածել, թե ամողահա ուժի տեր այդ մարդու համար ի՞նչ մի բան է մի գիշերվա գինարբուրը, թեկուզ և ամենաուժեղ հուզմունքներն ապրած լինի միաժամանակ: Բայց նա ինքը զգում էր, որ հազիվ է կարողանում նստել, իսկ մերթ ընդ մերթ կարծես բոլոր իրերն սկսում էին ուղղակի պտտվել ու պար գալ ֆոր աչքերի առաջ: «Մի քիչ էլ, և արդեն կսկսեմ զառանցել Երևի»,— մտածեց նա ինքն իրեն:

VIII

ՎԿԱՆԵՐԻ ՏՈՒՑՄԱՌՆԸ: ԵՐԵՎԱՆ

Վկաների հարցաքննությունն սկսվեց: Բայց մենք այլևս մեր պատմությունը չենք շարունակի այնպիսի մանրամասնությամբ, ինչպես անում էինք մինչև հիմա: Ուստի և զանց կառնենք այն, թե ինչպես նիկոլայ Պարֆյունովիչն ազդարարում էր յուրաքանչյուր կանչվող վկային, որ նա պետք է ցուցմունք տա

բառ ճշմարտության ու խղճի մտք, և որ հետագայում պարտավոր է երդամաք կրկնել իր այդ ցուցմունքը: Եվ վերջապես չենք պատմի, թե ինչպես յուրաքանչյուր վկայից պահանջվում էր, որ նա ստորագրի իր ցուցմունքների արձանագրությունը և այլն, և այլն: Նշենք միայն մի բան. ամենազբաղվածը կետը, որի վրա առավելաբար հրավիրվում էր հարցաքննողներին ուղարկությունը, նույն այդ երեք հազար ռուբլու հարցն էր, այսինքն՝ երե՞ք հազար ռուբլի էր այդ գումարը, թե հազար հինգ հարյուր, երբ Դեմետրի Ֆյոդորովիչն իր առաջին խնջույքն էր արել այստեղ՝ Մոկրոեում, մեկ ամիս առաջ, և երեկ էլ, Գմիտրի Ֆյոդորովիչի երկրորդ խնջույքին, երե՞ք հազար էր նորից, թե հազար հինգ հարյուր: Ավա՛ղ, բոլոր վկայությունները, առաջինից մինչև վերջինը, Միտյայի դեմ եղան, և ոչ մեկը նրա օգտին չխոսեց. իսկ վկաներից ոմանք հենց ուղղակի նոր, գրեթե շշմեցուցիչ փաստեր բերեցին ի հեճուկս Միտյայի ցուցմունքների: Առաջին հարցաքննվողը Տրիֆոն Բորիսիչն էր: Նա հարցաքննողների առաջ կանգնեց առանց դուլզն վախի. ընդհակառակը, մեղադրյալի դեմ խիստ ու դառն վրդովմունք ունեցողի տեսք ընդունեց և դրանով էլ, անկասկած, արտակարգ ճշմարտասիրության ու սեփական արժանապատվության տեր մարդու երևույթ տվեց ինքն իրեն: Քիչ ու զուսպ խոսեց, սպասելով հարցերին և ճշգրիտ ու մտածված պատասխանելով: Հաստատապես և առանց այլևայլի վկայեց, որ մեկ ամիս առաջ ծախսված գումարը չէր կարող երեք հազարից պակաս լինել, և որ այստեղի բոլոր գյուղացիները կարող են վկայել, թե հենց «Միտրի Ֆյոդորովիչից» են լսել այդ երեք հազարի մասին: «Միայն գնչուհիներին ինչքան փող էր գցում: Երեկ մի հազարից էլ ավել հենց մենակ նրանց ավեց»:

— Գուցե մի հինգ հարյուր էլ չեմ տվել,— մտալորեն նկատեց Միտյան դրա դիմաց,— միայն թե չհաշվեցի այն ժամանակ, հարթած էի, և ափսո՛ս, որ չհաշվեցի...

Միտյան այս անգամ կողքով էր նստել, մեջքը վարագույրին գործրած, լսում էր մտալորեն, ախուր ու հոգնած դեմքով, որ կարծես ասում էր՝ «Է՛հ, տվեք ինչ վկայությունն որ ուզում եք, հիմա էլ ամե՛հ ինչ միևնույնն է»:

— Հազարից ավել գնաց էք գնչուհիների վրա, Միտրի Ֆյոդորովիչ,— անդրդվելիստե՛ն ժխտեց Տրիֆոն Բորիսովիչը,— զուր գցում էիք, նրանք էլ վերցնում էին: Էդ ժառուգուրդն ախր գող ա խարդախ է, ձիաբարդեր են նրանք, քեցիցին նրանց էստեղից,

թիւն չէ ինքները գուցե կգային ու վկա կլինեին, թե ինչքան են ձեռնից օգուտ ստացել: Ինքս էն օրը ձեր ձեռքում էն գումարը տեսա. հաշվելը՝ դե չհաշվեցի իհարկե, դուք իմ ձեռքը չտվեցիք, դա ճիշտ է, բայց լաշքի լափով, հիշում եմ, հազար հինգ հարյուրից շատ-շատ ավել կլինեիր... Ի՞նչ հազար հինգ հարյուր, է՛: Մենք էլ հո փող ենք տեսել, կարանք դատենք...

Իսկ երեկվա գումարի մասին Տրիֆոն Բորիսովիչն ուղղակի ասաց, թե Դմիտրի Ֆյոդորովիչը հենց կառքից իջել էր թե չէ՝ անձամբ հայտարարել էր իրեն, որ երեք հազար ութսու է բերել:

— Դե լա՛վ, էլի, այդպե՛ս է որ, Տրիֆոն Բորիսովիչ, — առարկեց Միտյան: — Ինչ է, հենց այնպես էլ ուղղակի հայտարարեցի, որ երեք հազար եմ բերել:

— Ասացիք, Միտրի Ֆյոդորովիչ: Անդրեյի առաջ ասացիք: Այ Անդրեյն ինքը էստեղ է, դեռ չի գնացել, կանչեք նրան: Իսկ էն դահլիճում, որ երգախմբին էիք պատիվ անում, հենց ուղղակի գոռացիք, որ վեցերորդ հազարն եք թողնում էստեղ, այսինքն էն անգամվա փողերն էլ հաշված. էդպես պետք է հասկանալ: Ստեփանն ու Սեմյոնն էլ լսեցին էդ բանը, և Պյոտր Ֆոմիչ Կալզանովն էլ էդ թուպին ձեր կողքին էր կանգնած, գուցե թե նա էլ հիշում է...

Վեցերորդ հազարի մասին վկայությունը արտակարգ տպավորություն գործեց հարցաքննողների վրա: Գուր եկավ նոր ձևակերպումը. երեքին գումարած երեք՝ վեց է անում, ուրեմն երեք հազար այն անգամ, երեք հազարն էլ հիմա՝ ահա և վեց հազարը, պարզ հաշիվ էր ստացվում:

Հարցաքննեցին Տրիֆոն Բորիսովիչի մատնանշած բոլոր գյուղացիներին, Ստեփանին ու Սեմյոնին, կառապան Անդրեյին և Պյոտր Ֆոմիչ Կալզանովին: Գյուղացիներն ու կառապանը առանց այլևայլի հաստատեցին Տրիֆոն Բորիսովիչի ցուցմունքը: Բացի այդ, հատկապես արձանագրեցին Անդրեյի պատմածը՝ ճանապարհին Միտյայի հետ նրա ունեցած այն խոսակցության մասին, թե «որտե՞ղ եմ ընկնելու ես՝ Դմիտրի Ֆյոդորովիչս, դրա՛խտ, թե դժոխք, և արդյոք կներե՞ն ինձ մյուս աշխարհում, թե ոչ»: «Հոգեբան» Իպոլիտ Կիրիլովիչն այդ բոլորը լսեց մի նուրբ ժպիտով և ի վերջո հանձնարարեց «գործին կցել» նաև այդ ցուցմունքը, այսինքն այն մասին, թե որտեղ է «ընկնելու» Դմիտրի Ֆյոդորովիչը:

Կալզանովը, երբ կանչեցին, դժկամորեն ներս մտավ, խոս

ծոռված, քմահաճ, և այնպես խոսեց դատախազի ու Նիկոլայ Պարֆյոնովիչի հետ, որ կարծես թե առաջին անգամ էր տեսնում նրանց իր կյանքում, այնինչ վաղեմի և ամենօրյա ծանոթն էր նրանց: Հենց սկզբից էլ ասաց, որ «ոչինչ չգիտեմ այդ բոլորի մասին և չի էլ ուղում իմանալ»: Բայց պարզվեց, որ լսել է «վեցերորդ հազարի» մասին, և ընդունեց, որ այդ թուպին Միտյայի մոտ էր կանգնել: Նրա կարծիքով՝ Միտյայի ձեռքում «չգիտեմ որքան» փող կար: Իսկ այն մասին, թե լեհերը թղթախազի մեջ խարդախություն արեցին, նա վկայեց հաստատապես: Պատասխանելով կրկնակի հարցումներին, բացատրեց նաև, որ լեհերի դուրս արվելուց հետո Միտյայի գործն իսկապես լավ գնաց Ագրաֆենա Ալեքսանդրովնայի հետ, և որ վերջինս ինքն ասաց, թե սիրում է նրան: Ագրաֆենա Ալեքսանդրովնայի մասին Կալզանովը զուտպ ու հարգալից արտահայտվեց, ասես նա ամենալավ հասարակության պատկանող մի ազնվական տիկին լիներ, և նույնիսկ ոչ մի անգամ իրեն թույլ չտվեց «Գրուշենկա» կոչել նրան: Հակառակ որ երիտասարդն ակնհայտորեն զզվանք էր զգում վկայություն տալուց, Իպոլիտ Կիրիլովիչը երկար հարցաքննեց նրան և միայն նրանից իմացավ բոլոր մանրամասնություններն այն բանի, որն այսպես ասած Միտյայի «սիրական» էր եղել այդ գիշեր: Միտյան ոչ մի անգամ չընդհատեց Կալզանովին: Վերջապես ազատ թողեցին երիտասարդին, և նա անսքող վրդովմունքով հեռացավ սենյակից:

Հարցաքննեցին նաև լեհերին: Նրանք իրենց սենյակում թեև պակեկ էին քնելու, բայց ամբողջ գիշերն արթուն էին մնացել, իսկ իշխանավորների ժամանումից հետո շտապ հագնվել ու պատրաստվել էին, հասկանալով, որ անպայման կկանչեն իրենց: Արժանապատվությամբ ներկայացան նրանք, թեև մի քիչ էլ վախեցել էին: Պարզվեց, որ գլխավոր, այսինքն կարճահասակ պանը տասներկուերորդ կարգի պաշտոնաթող աստիճանավոր է, որպես անասնաբույժ ծառայել է Սիբիրում, ազգանունն էլ Մուսյալովիչ է: Իսկ պան Վրուբլյովսկին, բանից դուրս եկավ, ատամնաբույժ է, որ աշխատում է առանց վկայագրի: Չնայած որ Նիկոլայ Պարֆյոնովիչն էր հարցեր տալիս նրանց, բայց երկուսն էլ, հենց որ սենյակ մտան, իրենց պատասխաններն անմիջապես սկսեցին ուղղել մի կողմ կանգնած Միխայիլ Մակարովիչին, անգիտորեն կարծելով, թե նա է գլխավոր պետն ու ղեկավար դիմքը, և ամեն մի բառից հետո նրան կոչելով «պան գնդապետ»:

Մի քանի անգամ հենց Միխայիլ Մակարովիչը նկատել տվեց ու հետո միայն նրանք հասկացան, որ իրենց պատասխանները պետք է ուղղեն միայն Նիկոլայ Պարֆյունովիչին: Պարզվեց, որ կարող են շատ ճիշտ ուսուցանել խոսել, բացի որոշ բաների արտասանությունից: Գրուշենկայի հետ իր անցյալ ու ներկա փոխհարաբերությունների մասին պան Մուսայլովիչն սկսեց բարբառել եռանդով ու հպարտորեն, այնպես, որ Միտյան անմիջապես համբերությունը կորցրեց ու գոռաց, որ «սրիկային» թույլ չի տա այդպես խոսել իր ներկայությունը: Պան Մուսայլովիչն իսկույն ևեթ ուշադրություն հրավիրեց «սրիկա» բառի վրա և խնդրեց, որ մտցնեն արձանագրության մեջ: Միտյան կատաղությամբ բռնկվեց:

— Այո՛, սրիկա՛ է, սրիկա՛: Գրեցե՛ք այս բանը, և ախ էլ գրեցեք, որ շնայած արձանագրությանը ես դարձյալ գոռում եմ՝ սրիկա՛ է նա, — բղավեց Միտյան:

Նիկոլայ Պարֆյունովիչը թեև մտքրեց այդ բանը արձանագրության մեջ, բայց այս տհաճ միջադեպի առիթով հույժ դրվատելի գործնականություն և հարցերը անօրինակ ընդունակություն ցուցաբերեց. Միտյային խիստ նկատողություն անելուց հետո, ինքն էլ իսկույն դադարեցրեց գործի սիրավեպային կողմի հետ առնչված բոլոր հետագա հարցապնդումները և շուտով անցավ էական խնդրին: Իսկ էական խնդրին պատասխանելիս պաները առաջ քաշեցին մի ցուցմունք, որ քննիչների արտակարգ հետաքրքրությունը շարժեց. այսինքն այն, թե ինչպես Միտյան փոքր սենյակում կաշառում էր պան Մուսայլովիչին և երեք հազար ուսուցիչ հրաժարագին էր առաջարկում՝ յոթ հարյուր ուսուցիչն առձեռն, իսկ մնացյալ երկու հազար երեք հարյուրն էլ «հենց վաղը առավոտ քաղաքում» տալու պայմանով, ըստ որում ազնիվ խոսքով երդվում էր, թե այստեղ, Մոկրոնում, առայժմ այդքան փող չունի մոտը, բայց թե քաղաքում փող ունի Միտյան, տաքացած, տեղն ու տեղը առարկեց, թե ինքը չի ասե՛լ՝ անապա՛ման կտավաղը քաղաքում. սակայն պան Վրուբլովսկին հաստատեց ցուցմունքը, և Միտյան ինքն էլ մի րոպե մտածելուց հետո, հանքերը կիտելով համաձայնվեց, որ ըստ երևույթին այնպես էլ եղել է, ինչպես ասում են պաները, որովհետև ինքը այդ պահին բորբոքված էր, ուստի և իրոք կարող էր այդպես ասած լինել: Գատախազն ուղղակի կառնեց այդ ցուցմունքից. հետաքննության համար պարզ էր դառնում (ինչպես իրոք եզրակացրին հետո),

որ Միտյայի ձեռքն անցած երեք հազար ուսուցիչ կեսը կամ մի մասը կարող էր իսկապես պահված լինել քաղաքում մի տեղ, կամ էլ գուցե նույնիսկ այստեղ՝ Մոկրոնում, մի որևէ անկյունում, այնպես որ այդ ձևով պարզվում էր նաև հետաքննության համար կենդան ախ հանգամանքը, թե Միտյայի ձեռքին ընդամենը ութ հարյուր ուսուցիչ էին գտել: Այդ հանգամանքը մինչև հիմա միակ ցուցմունքն էր, որ քավական շնչին լինելով հանդերձ՝ համեմայն դեպս մի որոշ վկայություն էր հօգուտ Միտյայի: Իսկ հիմա այդ նրա օգտին եղող միակ վկայությունն էլ խորտակվում էր: Երբ գատախազը Միտյային հարցրեց, թե որտեղի՞ց էր նա վերցնելու մնացյալ երկու հազար երեք հարյուր ուսուցիչ՝ հաջորդ օրը պանին տալու համար, եթե ինքն իսկ պնդում է, որ ընդամենը հազար հինգ հարյուր ուսուցիչ ուներ, այսինչ միաժամանակ ազնիվ խոսք տալով ջանացել է վստահեցնել պանին, Միտյան հաստատորեն պատասխանեց, թե ուզում էր հաջորդ օրը այդ քննակին՝ ոչ թե փող առաջարկել, այլ Չերմաշնյա կալվածքի վրա իր ունեցած իրավունքները հանձնելու պաշտոնական վավերագիր, հենց այն իրավունքները, որ առաջարկել էր Սամսոնովին ու խոխլակովային: Գատախազը նույնիսկ ժպտաց ղշմեղանքի միամտությանը՝ վրա:

— Եվ դուք կարծում եք, որ նա կհամաձայնվե՞ր երկու հազար երեք հարյուր ուսուցիչ առձեռն դրամի փոխարեն ընդունել այդ «իրավունքները»:

— Անպայման կհամաձայնվե՞ր, — վրա բերեց Միտյան եռանդով: — Ի՛նչ եք ասում, ոչ թե երկու, այլ չորս, նույնիսկ վե՛ց հազար կարող էր շնթել դրա դիմաց: Անմիջապես կհավաքե՞ր իր մանր-մունր փաստաբաններին, լեհուկներին ու ջհուղներին, և ոչ թե երեք հազար, այլ ամբողջ Չերմաշնյան կիսին ծերուկից:

Իհարկե, պան Մուսայլովիչի ցուցմունքն ամենայն մանրամասնությամբ մացրին արձանագրության մեջ: Եվ դրանով էլ բավարարվեցին ու ազատ արձակեցին պաներին: Իսկ թղթախաղի խարդախության փաստը համարյա թե չհիշատակեցին անգամ. առանց այդ էլ Ծիկոլայ Պարֆյունովիչը շափազանց երախտագարտ էր նրանց և չէր ուզում դատարկ բանեքով անհանգստացնել, մասնավորապես որ այդ ամբողջ թղթախաղը անիմաստ մի կոկով էր եղել հարբած վիճակում, ուրիշ ոչինչ: Էլ ի՛նչ կերտխում ու ալլա՛նդափություն ասես չէ՛ր եղել այդ գիշեր... Եվ շարժված փողը, երկու հարյուր ուսուցիչ, այնպես էլ մնաց պաների գրպանում:

Այնուհետև կանչեցին ծերուկ Մաքսիմովին: Նա վախվեց լույս ներս մտավ, մոտեցավ մանր քայլերով, թափթփված տեսք ուներ և շատ տխուր էր: Մինչ այդ նա շարունակ պատասպարվել էր ներքևում, Գրուշենկայի մոտ, լուռ նստել էր նրա կողքին և «մեկ էլ տեսար՝ հակվում էր նրա վրա և սկսում էր հեկեկալ, իսկ աչքերը սրբում էր կապույտ, քառակուսավոր թաշկինակով», ինչպես պատմում էր հետո Միխայիլ Մակարովիչը: Այնպես որ Գրուշենկան ինքն էր այլևս հանգստացնում ու մխիթարում նրան: Մերուկն իսկույն ևեթ, արցունքն աչքերին, խոստովանեց, որ մեղավոր է ինքը, որ Դմիտրի Յոզոբովիչից պարտք է վերցրել «տասը ուրլի, տիարք, իմ աղքատության երեսից, տիարք», և որ պատրաստ է վերադարձնելու... Նիկոլայ Պարֆյունովիչի այն ուղղակի հարցին, թե նա չի՞ նկատել արդյոք՝ որքան փող կար Դմիտրի Յոզոբովիչի ձեռքում, քանի որ պարտք վերցնելու ժամանակ ամենից ավելի մոտիկ կարող էր տեսնել նրա ձեռքի փողը, Մաքսիմովն ամենայն վճռականությամբ հայտարարեց թե «քսան հազար» ուրլի կար:

— Իսկ դուք առաջ երբևիցե քսան հազար ուրլի տեսն՞ել եք որևէ տեղ, — հարցրեց Նիկոլայ Պարֆյունովիչը ժպտալով:

— Ինչպե՞ս թե, տեսել եմ, տիարք, միայն թե ոչ քսան հազար, այլ յոթ հազար, երբ կինս գրավ դրեց իմ փոքրիկ գյուղակը: Միայն հեռվից թողեց, որ նայեմ, պարծեցավ իմ առաջ: Շատ խոշոր մի կապոց էր, բոլորը վարդագույն հարլուրանոցներ: Դմիտրի Յոզոբովիչի ձեռքում էլ բոլորը վարդագույն էին...

Շուտով բաց թողեցին նրան: Վերջապես հերթը հասավ նաև Գրուշենկային: Քննիչները հայտնապես երկյուղ էին կրում այն բանից, թե ինչ տպավորություն կարող էր գործել նրա երվալը Դմիտրի Յոզոբովիչի վրա, և Նիկոլայ Պարֆյունովիչը նույնիսկ մի քանի հորդորական խոսքեր մրթմրթաց Միտային, բայց Միտայն լռելյայն խոնարհեց գլուխն ի պատասխան, հասկացնելով, որ «անկարգություն չի լինի»: Միխայիլ Մակարովիչն անձամբ ներս բերեց Գրուշենկային: Նա ներս մտավ խոտահայաց ու մոռյլ դեմքով, որ արտաքուստ գրեթե հանգիստ էր, և հանդարտորեն նստեց ցույց տրված աթոռին՝ Նիկոլայ Պարֆյունովիչի դիմաց: Շատ գունատ էր, մրսում էր կարծես, և պինդ փաթաթվել էր իր սքանչելի սև շալով: Իրոք, մի թեթև, տենդագին դող էր բռնել նրան այդ պահին, և դա սկիզբն էր այն երկարատև հիվանդության, որով նա տառապեց այդ գիշերից հետո:

Նրա խոտաշունչ տեսքը, շիտակ ու լուրջ հայացքը և հանգիստ վարվելակերպը շատ բարենպաստ տպավորություն գործեցին բոլորի վրա: Նիկոլայ Պարֆյունովիչն անմիջապես մի քիչ «հրապուրվեց» նույնիսկ: Հետագայում տեղ-տեղ պատմելով այդ մասին, նա ինքը խոստովանում էր, որ այդ օրը միայն հասկացավ, թե որքան «գեղեցիկ է այդ կինը», իսկ առաջ թեև մերթընդ մերթ տեսել էր նրան, բայց միշտ էլ «գավառական ցնծուհու» նման մի բան էր համարել: «Ամենաբարձր հասարակութայանը վայել վարվելակերպ ունի», — բերանից թոցրեց մի անցավ հիացմունքով, երբ տիկնանց շրջանակում խոսում էր նրա մասին: Բայց նրա ասածն ընդունեցին լիակատար վրդովմունքով և անմիջապես «չարածճի» անվանեցին նրան, և ինքը շատ գովմանց այդ բանից:

Ներս մտնելով, Գրուշենկան պարզապես հարևանցի մի ակնորկ նետեց Միտայի վրա, որն իր հերթին անհանգստությամբ նայեց նրան, բայց նրա տեսքը նույն ընդունեցին իսկ հանգստացրեց Միտային: Առաջին անհրաժեշտ հարցերից ու նախազգուշացումներից հետո, Նիկոլայ Պարֆյունովիչը թեև մի քիչ կմկջմալով, բայց և ամենաքաղաքավարի վերաբերմունքը պահպանելով հարցրեց Գրուշենկային, թե ի՞նչ փոխհարաբերություններ ունեք պաշտոնաթող պորուչիկ Դմիտրի Յոզոբովիչ կարամազովի հետ: Գրուշենկան մեղմ ու հաստատ ձայնով ասաց.

— Նա իմ ծանոթն էր, որպես ծանոթ ընդունում էի նրան որս վերջին ամսում:

Հետագա պրպտուն հարցերին նա ուղղակի և լիակատար անկեղծությամբ պատասխանեց, որ թեև «լինում էին ժամեր», երբ հավանում էր Միտային, բայց թե չէր սիրում նրան, «չլ գաթակղեցնում էր՝ «իմ նողկալի շարությունից մղված», նմանապես հրապուրում էր նաև այն «ծերուկին», տեսնում էր, որ Միտայն սաստիկ խանդ էր ցուցաբերում Յոզոբովիչի և բոլորի նկատմամբ, սակայն դա պարզապես զվարճացնում էր իրեն՝ Գրուշենկային: Իսկ Յոզոբովիչի մոտ ինքը երբեք էլ չէր ուզում գնալ, հենց միայն ժիծաղում էր նրա վրա: «Նրանց մասին, թե՛ հոր, թե՛ որդու, չէի էլ մտածում այս ամբողջ ամսվա ընթացքում: Սպասում էի մի ուրիշ մարդու, որ մեղավոր էր իմ առաջ... Միայն թե կարծում եմ, — եզրակացրեց Գրուշենկան, — որ դուք կարիք շունեք գրանով հետաքրքրվելու, ես

էլ կարիք չունեմ պատասխանելու ձեզ, որովհետև դա իմ անձնական գործն է»:

Նիկոլայ Պարֆյունովիչը հենց այդպես էլ վարվեց անմիջապես. նորից հրաժարվեց «սիրավեպային» կետերի վրա ծանրանալուց և ուղղակի անցավ լուրջ խնդրին, այսինքն նույն այն նրեք հազար ուրբլու կտրեորագույն հարցին: Գրուշենկան հաստատեց, որ Յոկրոնում, մեկ ամիս առաջ, իսկապես երեք հազար ուրբլի էր ծախսվել, ու թեև ինքն անձամբ չէր հաշվել փողը, բայց հենց Գմիտրի Յյոգորովիչից լսել էր, որ երեք հազար ուրբլի էր գումարը:

— Առանձին ասաց ձեզ այդ բանը, թե՞ ուրիշ մեկի ներկայությամբ, կամ էլ դուք պորզուպես լսեցիք, երբ նա ձեր առաջ ուրիշներին՝ հետ էր խոսում, — հարցրեց անմիջապես դատախազը:

Գրուշենկան դրան պատասխանեց, թե լսել է և՛ ուրիշների ներկայությամբ, լսել է, երբ Միտյան ուրիշների հետ էր խոսում, լսել է նաև անձամբ նրանից, երբ իրենք առանձին են եղել:

— Մե՞կ անգամ միայն նրանից լսեցիք առանձին, թե՞ մի քանի անգամ, — հարցրեց նորից դատախազը և իմացավ, որ Գրուշենկան մի քանի անգամ է լսել:

Իպոլիտ Կիրիլովիչը շատ գոհ մնաց այդ ցուցմունքից: Հետագա հարցերից պարզվեց նաև, որ Գրուշենկային հայտնի է եղել, թե որտեղից էր այդ փողը, այսինքն թե Գմիտրի Յյոգորովիչը վերցրել էր Կատերինա Իվանովնայից:

— Իսկ թեկուզ մի անգամ չե՞ք լսել, որ ոչ թե երեք հազար է ծախսվել մեկ ամիս առաջ, այլ ավելի քիչ, և որ Գմիտրի Յյոգորովիչն այդ գումարի ամբողջ մի կեսը պահել է իր համար:

— Ոչ, երբեք չեմ լսել այդ բանը, — վկայեց Գրուշենկան: Այնուհետև պարզվեց նույնիսկ, որ Միտյան, ընդհակառակը, հաճախ ասել է նրան այդ ամբողջ ամսվա ընթացքում, թե ոչ մի կոպեկ փող չունի: «Միշտ սպասում էր, որ իր հորից կստանա», — եզրակացրեց Գրուշենկան:

— Իսկ երբևիցե չի՞ ասել ձեր առաջ... կա՞մ մի տեսակ հարևանցիորեն, կամ էլ ջղայնության պահին, — վրա բերեց հանկարծ Նիկոլայ Պարֆյունովիչը, — թե մտադիր է իր հոր կյանքի դեմ ոտնձգություն անելու:

— Ա՛խ, ասել է, — հառաչեց Գրուշենկան:

— Մե՞կ անգամ, թե մի քանի անգամ:

— Մի քանի անգամ հիշել է այդ բանը, միշտ էլ բարկացած ժամանակ:

— Եվ դուք հավատում էիք, որ կկատարի իր ասածը:

— Ոչ, երբե՞ք չեմ հավատացել, — հաստատ պատասխանեց Գրուշենկան, — հույս ունեի նրա ազնվություն վրա:

— Պարոնա՛յք, թույլ տվեք, — գուցե հանկարծ Միտյան, — թույլ տվեք՝ ձեր ներկայությամբ մի խոսք միայն ասեմ Ազրաֆենա Ալեքսանդրովնային:

— Ասացեք, — թույլատրեց Նիկոլայ Պարֆյունովիչը:

— Ազրաֆենա Ալեքսանդրովնա, — վեր կացավ աթոռից Միտյան, — հավատա՛ աստծուն և ինձ. երեկ իրիկուն սպանված իմ հոր արյան մեջ ես մեղք չունեմ:

Այդ ասելուց հետո Միտյան նորից նստեց աթոռին: Գրուշենկան վեր կացավ և դառնալով սրբապատկերին՝ ջերմեռանգորեն խաչակնքեց երեսը:

— Փա՛ռք քեզ, աստված, — ասաց նա կաթոզին, հուզաթափավ ձայնով, և դեռ տեղը չնստած, դառնալով Նիկոլայ Պարֆյունովիչին, ավելացրեց. — Ենչպես որ ասաց հիմա, հենց դրան էլ հավատացե՛ք: Գիտեմ նրան. ինչե՛ր ասես դուրս չի տալիս՝ կամ հանաքով, կամ էլ համառությունից, բայց եթե խղճի դեմ է՝ երբեք չի խաբի: Ուղղակի ճշմարտությունը կասի, հավատացե՛ք դրան:

— Ենթահակալ եմ, Ազրաֆենա Ալեքսանդրովնա, ուժ տվեցիք հոգուս, — արձագանքեց Միտյան դողահար ձայնով:

Երբ հարցրին երեկվա փողի մասին, Գրուշենկան հայաաբարեց թե չդիտե որքան էր գումարը, բայց լսել է ինչպես Միտյան երեկ բազմիցս ասում էր ուրիշներին, որ երեք հազար ուրբլի է բերել իր հետ: Իսկ թե որտեղի՞ց է վերցրել փողը, այդ մասին նա ասել է միայն իրեն՝ Գրուշենկային, թե Կատերինա Իվանովնայից է զգալացել, և ինքն էլ պատասխանել է նրան, թե դա ճիշտ չէ, չի զգալացել, և թե վաղն ևեթ պետք է վերադարձնի փողը: Դատախազի պնդած այն հարցին, թե ի՞նչ փազի մասին էր ասում Միտյան, որ զողացել է Կատերինա Իվանովնայից՝ երեկվա՞ գումարը, թե՞ այն երեք հազարը, որ մեկ ամիս առաջ է ծախսվել այստեղ, Գրուշենկան հայաաբարեց, թե նա խառամ էր մեկ ամիս առաջ ծախսված փողի մասին, և թե ինքը այդպես է հասկացել նրա ասածը:

Ի վերջո ազատ արձակեցին Գրուշենկային, ըստ որում նիկոլայ Պարֆյունովիչը փութաց հայտնել, որ նա կարող է թեկուզ նույն բուսանի քաղաք վերադառնալ, և որ եթե ինքը իր կողմից կարող է որևէ բանով աջակցել, օրինակ, ձիերի հարցում, կամ էլ, օրինակ, եթե նա ուղեկից է ցանկանում, ապա ինքը... իր կողմից...

— Շատ շնորհակալ եմ,— գլուխ տվեց նրան Գրուշենկան,— ես այն ծերուկի հետ կգնամ, կալվածատեր ծերուկի, նրան էլ տեղ կհասցնեմ, բայց առայժմ, եթե թույլ տաք, կսպասեմ ներքևում, որ իմանամ ինչ եք որոշելու Դմիտրի Ֆյոդորովիչի մասին:

Նա դուրս գնաց: Միտյան հանգիստ էր և նույնիսկ լիովին սրտապնդված էր երևում, բայց միայն մի բուսան: Ֆիզիկական տարօրինակ մի անզորություն էր տիրում նրան հետզհետե, ավելի ու ավելի սաստկորեն: Աչքերը փակվում էին հոգնածությունից: Վկաների հարցաքննությունը վերջապես ավարտվեց: Սկսեցին պատրաստել արձանագրության վերջնական ձևակերպումը: Միտյան վեր կացավ իր աթոռից ու գնաց անկյունը, վարագույրի մոտ, պառկեց գորգով ծածկված մի մեծ սնդուկի վրա և վայրկենապես քնեց: Տարօրինակ մի երազ տեսավ, այնպիսի մի երազ, որ բոլորովին չէր համապատասխանում ո՛չ տեղին, ոչ էլ պահին: Ահա իբր թե ճամփորդում է տափաստանում, այնտեղ, ուր ծառայել է մի ժամանակ, վաղուց, և մի գյուղացի բռնում է երկձի սայլը ձյունախառն ցեխի մեջ: Միայն թե կարծես մոտում է Միտյան, նոյեմբերի սկիզբն է, և ձյունը թափվում է խոշոր ու թաց փաթիլներով, և ընկնելով գետին՝ հալչում է անմիջապես: Եվ աշխուժորեն բռնում է գյուղացին, հոյակապորեն սլանում, շեկ ու երկար է մորուքը նրա, և ոչ թե ծեր է, այլ կլինի մի հիսուն տարեկան, գեղջկական գորշ կապա է հագել: Եվ ահա մի գյուղ դիմացը, երևում են սեփ-սև խրճիթները, իսկ խրճիթների կեսն այրվել է, ցցված են միայն կիսայրված գերանները: Գյուղի եզրին գեղջկուհիներ են շարվել ճանապարհի վրա, շատ ու շատ գեղջկուհիներ, մի ամբողջ շարք, բոլորն էլ նիհար, հյուծված, մի տեսակ դարչնագույն դեմքեր ունեն: Ահա մանավանդ մեկը, որ կանգնել է շարքի ծայրը, բարձրահասակ, այնպե՛ս կմախքացած, քառասուն տարեկան է երևի, բայց գուցե և ընդամենը քսան տարեկան, դեմքը երկար է, նիհար, իսկ նրա ձեռքերին մի փոքրիկ երեխա է լալիս, և այնքա՛ն շորացած են

երևում գեղջկուհու կրծքերը, ո՛չ մի կաթիլ կաթ չկա դրանց մեջ: Եվ լալիս է, լալի՛ս է երեխան, երկարում փոքրիկ թևերը, մերկ թևերը, և պստիկ բուռնցքները բոլորովին կապտել են ցրտից:

— Ինչո՞ւ են լալիս: Ինչո՞ւ են լալիս,— հարցնում է Միտյան, երբ թափով սլանում են նրանց մոտով:

— Երեխեն,— պատասխանում է կառապանը,— երեխեն է լալիս:

Ու Միտյային զարմացնում է այն, որ նա յուրովի, գեղջկական ձևով ասաց «երեխեն», և ոչ թե երեխան: Ու նրան դուր է գալիս, որ գյուղացին «երեխեն» ասաց. դրա մեջ կարեկցանքն ավելի շատ է կարծես:

— Բայց ինչո՞ւ է լալիս,— պնդում է Միտյան հիմարի պես:— Ինչո՞ւ մերկ են թաթիկները, ինչո՞ւ շեն փաթաթում նրան:

— Դե մրսել է երեխեն, շորերը սառել են, այ դրա համար էլ շեն տաքացնում երեխուն:

— Բայց ինչո՞ւ է այդպես: Ինչո՞ւ,— շարունակում է պնդել հիմար Միտյան:

— Դե աղքատ են, էլի, հրդեհից են տուժել, հաց չունենք սղորմություն են ուզում իրենց վառված տների համար:

— Ձէ, չէ,— կարծես դեռ չի հասկանում Միտյան,— դու ասա ինձ՝ ինչո՞ւ են այդպես կանգնել հրդեհից տուժած մայրերը, ինչո՞ւ աղքատ են մարդիկ, ինչո՞ւ աղքատ է երեխեն, ինչո՞ւ մերկ է տափաստանը, ինչո՞ւ նրանք շեն գրկում իրար, ինչո՞ւ շեն համբուրում իրար, ինչո՞ւ շեն երգում ուրախ երգեր, ինչո՞ւ նրանք սևացել են այս սև ցավից, ինչո՞ւ շեն կերակրում երեխուն:

Եվ զգում է նա, որ թեև խենթ ու անօգուտ հարցեր է տալիս, բայց ուզում է անպայման հարցնել ճիշտ այդպես, և որ ճիշտ այդպես էլ պետք է հարցնել: Եվ զգում է նաև, որ իր սրտում բարձրանում է մի խանդաղատանք, որի նմանը երբեք չի եղել իր մեջ, և ուզում է արտասվել, ուզում է բոլորի համար անել այնպիսի մի բան, որ այլևս լաց չլինի երեխեն, լաց չլինի նաև երեխու սևադեմ, շորացած մայրիկը, որ այս բուսանից սկսած ոչ ոք արցունք չթափի այլևս, և ուզում է իսկույն, իսկույն ևեթ անել այդ բանը, առանց հետաձգելու և հակառակ ամեն ինչի, կարամազովյան ամբողջ ապերասալ նությամբ:

— Եվ ե՛ս էլ քեզ հետ, հիմա էլ շեմ հեռանա քեզնից:

մինչև կյանքիս վերջը քեզ հետ եմ գալիս,— լսվում են նրա կողքին Գրուշենկայի քաղցրալուր, օրտալիր խոսքերը: Եվ ահա բացկտում է Միտյայի սիրտը և ձգտում գեպի հրաշալի մի լույս, ուզում է նա ապրել ու ապրել, գնալ ու գնալ մի նոր ճանապարհով, դեպի նոր, կանելող լույսը, և շուտով, շուտով, հենց հիմա, ա՛յս ըոպեիս:

— Ի՞նչ: Ո՞ւր,— բացականչում է նա, բանալով աչքերը և նստելով սնդուկի վրա, կարծես նվաղումից հետո լրիվ ուշքի եկած, և սակայն պայծառ ժպտալով: Նրա գլխին կանգնել էր Նիկոլայ Պարֆյունովիչը, որ հրավիրում էր լսելու արձանագրութունը և ստորագրելու: Միտյան հասկացավ, որ քնել էր մի ժամ և գուցե ավելի, բայց նա չէր լսում Նիկոլայ Պարֆյունովիչին: Հանկարծ զարմացավ, որ իր գլխի տակ հայտնվել է մի բարձ, որ չկար քիչ առաջ, երբ ինքն ուժասպառ մեկնվել էր սնդուկի վրա:

— Ո՞վ իմ գլխի տակ այս բարձը դրեց: Ո՞վ է այն մարդը, որ այդքան բարի՛ է եղել,— բացականչեց նա մի տեսակ ցնծագին, շնորհակալ զգացմունքով ու մի տեսակ արտասովորից ձայնով, կարծես թե մեծ բարիք էին արել նրան: Այդ բարի մարդն այնպես էլ անհայտ մնաց, թերևս գլուղացի ենթավրկաներից որևէ մեկն էր, կամ էլ թերևս Նիկոլայ Պարֆյունովիչի աննշան գրագիրը, որ կարեկցանքից մղված՝ մտածել էր բարձ դնել նրա գլխի տակ, համեմատյալ դեպք Միտյայի ամբողջ հոգին ցնցվեց արտասուքով: Նա մոտեցավ սեղանին և հայտարարեց, թե կստորագրի ամեն ինչ, որ ուզում են:

— Ես լավ երազ տեսա, պարոնայք,— ասաց նա մի տեսակ տարօրինակորեն, և մի նոր արտահայտություն կար դեմքին, որ կարծես ուրախությամբ էր լուսավորված:

IX

ՏԱՆՈՒՄ ԵՆ ՄԻՏՅԱՅԻՆ

Երբ արձանագրութունն ստորագրվեց, Նիկոլայ Պարֆյունովիչը հանգիսավոր կերպով դարձավ մեղադրյալին և կարդաց նրան «Ռոտշումը», ուր ասված էր, թե այսինչ թվականին և այսինչ օրը, այսինչ վայրում, նահանգային այսինչ դատարանի դատաքննիչը, հարցաքննելով այսինչ մարդուն (այսինքն Միտյային) որպես այսինչ ու այնինչ հանցանքներում մեղադրյալի

(բոլոր հանցանքները ամենայն բժախնդրությամբ արձանագրված էին), և նկատի առնելով, որ մեղադրյալը, իր վրա բարդվող հանցագործությունների մեջ իրեն մեղավոր չճանաչելով հանդերձ, իր արդարացման համար ոչինչ չկարողացավ առաջադրել, մինչդեռ վկաները (այսինչ մարդիկ) և հանգամանքները (այսինչ ու այնինչ) լիովին ապացուցում են նրա հանցապարտությունը, և առաջնորդվելով «Պատժական օրենսգրքի» այսինչ ու այնինչ հոդվածներով և այլն, սրողեց. խափանելու համար այն միջոցները, որով այսինչը (Միտյան) կարող է խուսափել դատաքննությունից ու դատից, արգելափակել նրան այսինչ բանտում, որի մասին հայտնել մեղադրյալին, իսկ սույն որոշման պատճենը հաղորդել դատախազի օգնականին և այլն, և այլն: Մի խոսքով, Միտյային հայտարարեցին, թե նա այդ ըոպեից կալանավոր է, և թե նրան հիմա տանելու են քաղաք, որտեղ արգելափակելու են մի շատ տհաճ վայրում: Միտյան, ուշադիր լսելուց հետո, պարզապես ուտեց թոթվեց:

— Է՛հ, պարոնայք, ես ձեզ չեմ մեղադրում, պատրաստ եմ... Հասկանում եմ, որ ձեզ ուրիշ ոչինչ չի մնում անելու:

Նիկոլայ Պարֆյունովիչը մեղմորեն բացատրեց Միտյային, որ նրան իսկույն ևեթ տանելու է գավառական ոստիկանապետ Մավրիկի Մավրիկիևիչը, որ հենց բախտի բերմամբ այստեղ է հիմա...

— Սպասեցեք,— ընդհատեց հանկարծ Միտյան և, դիմելով բոլոր նրանց, սվքեր գտնվում էին սենյակում, խոսեց անդեմագրելի մի զգացումով.— Պարոնայք, մենք բոլորս էլ գաժան ենք, բոլորս էլ հրեշներ ենք, բոլորս էլ պատճառ ենք դառնում, որ լաց լինեն մարդիկ, մայրերն ու ծծկեր երեխաները, բայց բոլորից ավելի (է՛հ, թո՛ղ այդպես լինի վճիռը հիմա) բոլորից ավելի ե՛ս եմ ամենաստոր սողունը: Թո՛ղ այդպես լինի: Ես իմ կյանքում ամեն օր, կուրծքս ծծելով, խոստացել եմ ուղղվել և ամեն օր էլ նույն կեղտոտ բաներն եմ արել: Հասկանում եմ հիմա, որ ինձ նմանների գլխին մի հարված է պետք, ճակատագրի հարվածը, կարծես օդապարհանով վզից բռնելու և արտաքին մի օժժով կուպկպելու համար: Ես երբեք, երբե՛ք ինքնաբերաբար չէի բարձրանա: Բայց որո՞տք պայթեց: Ընդունում եմ մեղադրանքի և հրապարակային նախատինքի տանջանքը, տառապել եմ ուզում և տառապանքով կմաքրվեմ: Ու թերևս մաքրվեմ իրոք, պարոնայք, հա՛: Բայց և այնպես, լսեցե՛ք վեր-

ջին անգամ՝ հորս արյան մեջ ես մեղք չունե՛մ: Պատիժն ընդու-
նում եմ՝ ոչ թե որովհետև սպանե՛լ եմ նրան, այլ որովհետև
ուզում էի սպանել և գուցե իրոք սպանեի... Բայց համենայն դե-
պքս մտադիր եմ պայքարել ձեր դեմ և հայտարարում եմ ձեզ
այս բանը: Պիտի պայքարեմ ձեր դեմ մինչև ամենավերջին
վայրկյանը, և հետո թող աստվա՛ծ որոշի: Մնաք բարով, պարո-
նայք, մի՛ նեղանաք, որ հարցաքննության ընթացքում գոռացի
ձեզ վրա, օ՛, դեռ այնքա՛ն հիմար էի այդ ժամանակ... Եվս մի
րուպե, և կալանավոր եմ ես, բայց հիմա, վերջին անգամ, որպես
դեռ ազատ մարդ, Դմիտրի Կարամազովը մեկնում է ձեզ իր
ձեռքը: Հրածեշտ տալով ձեզ՝ մարդկանց եմ հրածեշտ տալիս:

Նրա ձայնը դողում էր, և իսկապես երկաթեց իր ձեռքը,
բայց Նիկոլայ Պարֆյունովիչը, որ ամենից ավելի մոտ էր կանգ-
նած, մի տեսակ հանկարծակի, գրեթե ջղաձիգ շարժումով ձեռ-
քերը ետ տարավ ու պահեց մեջքին: Միտյան վայրկենապես
նկատեց դա և ցնցվեց: Անմիջապես իջեցրեց իր մեկնած ձեռքը:

— Քննությունը դեռ չի ավարտվել,— կմկմաց Նիկոլայ Պար-
ֆյունովիչը, մի քիչ շփոթվելով,— պիտի շարունակենք քաղա-
քում, և ես, իհարկե, իմ կողմից պատրաստ եմ ձեզ ամենայն
հաջողություն մաղթելու... ձեր արդարացման մեջ... Ծիշտն ասե-
լով, Դմիտրի Ֆյոդորովիչ, ես միշտ էլ հակված եմ ձեզ նկատե-
լու, այսպես ասած, ոչ այնքան մեղավոր, որքան դժբախտ մի
մարդ... Մենք բոլորս էլ այստեղ, եթե անշուշտ կարող եմ հա-
մարձակվել բոլորի անունից արտահայտվելու, բոլորս էլ պատ-
րաստ ենք ընդունելու ձեզ որպես իր խորքում ազնիվ մի երի-
տասարդի, որ սակայն, ավա՛ղ, մի քիչ չափից ավելի տարվել
է որոշ կրքերով...

Նիկոլայ Պարֆյունովիչի փոքրիկ դեմքն այդ ճառի վերջում
կատարելապես մեծաշուք արտահայտություն էր ստացել: Հան-
կարծ Միտյայի մտքով անցավ, որ այս «տղան» հիմա կմտնի
իր թևը, մյուս անկյունը կտանի իրեն և կվերսկսի դեռ վերջերս
իրենց ունեցած խոսակցությունը «աղջիկների» մասին: Բայց
ինչե՛ր ասես չեն անցնում նույնիսկ մահապատժի գնացող ոճ-
րագործի մտքով, ի՛նչ մտորումներ, որոնք բոլորովին երկրոր-
դական են ու անպատեհ:

— Պարոնայք, դուք բարի եք, ողորմասիրտ. կարո՞ղ եմ տես-
նել նրան, մնաս բարով ասել վերջին անգամ,— հարցրեց Միտ-
յան:

— Անտարակույս, բայց նկատի առնելով, որ... մի խոսքով,
հիմա այլևս չի կարելի առանց հսկողութ՛յան...

— Խնդրե՛մ, հսկեցեք:

Բերեցին Գրուշենկային, բայց հրածեշտը կարճատև եղավ,
քիչ խոսքեր ասվեցին, և դա չգոհացրեց Նիկոլայ Պարֆյունովիչին:
Գրուշենկան խոր գլուխ տվեց Միտյային:

— Ասացի քեզ, որ քոնն եմ, և քոնն էլ պիտի լինեմ, հա-
վիտյանս պիտի գամ քեզ հետ, ուր էլ ուղարկեն քեզ: Մնաս բա-
րո՞վ, անմեղորեն ինքն իրեն կործանած մարդ:

Նրա շրթունքները դողացին, արցունքը հոսեց աչքերից:

— Ներիր ինձ իմ սիրո համար, Գրուշա, ներիր, որ իմ սի-
րով քե՛զ էլ խորտակեցի:

Միտյան ուզում էր դեռ մի բան էլ ասել, բայց հանկարծ
ինքն ընդհատեց ու դուրս գնաց: Նրա շուրջ անմիջապես հայտնը-
վեցին մարդիկ, որոնք ուշի-ուշով հետևում էին: Ներքևում, ան-
դաստակի առաջ, ուր երեկ այնպիսի դրմփոցով քշել հասել էր
Անդրեյի եռածին, հիմա արդեն պատրաստ կանգնած էին երկու
ուրիշ կառքեր: Մավրիկի Մավրիկիևիչը, կարճիկ ու թիկնեղ մի
մարդ, ուռած դեմքով, ջղայնացել էր մի բանից՝ անակնկալորեն
պատահած ինչ-որ անկարգությունից, և բարկացած գո-
ռում էր: Մի տեսակ չափից ավելի խստորեն նա Միտյային հրա-
վիրեց կառք նստելու: «Առաջ, երբ գինետանը խմացնում էի
սրան, բոլորովին ուրիշ դեմք ուներ մարդը»,— մտածեց Միտյան
կառք բարձրանալով: Անդաստակից իջավ նաև Տրիֆոն Բորիսովի-
չը: Դարպասի առաջ խոնվել էին մարդիկ՝ գյուղացիներ, կա-
նայք, կառապաններ, բոլորն էլ աչքները հռուել էին Միտյային:

— Մնացեք բարով ու ներեցե՛ք, ողորմած մարդիկ,— գոռաց
հանկարծ Միտյան կառքից, դառնալով նրանց:

— Մեզ էլ ներիր,— լսվեց երկու-երեք ձայն:

— Դո՛ւ էլ մնաս բարով, Տրիֆոն Բորիսիչ:

Բայց Տրիֆոն Բորիսիչը շուռ շեկավ ու շնայեց անգամ,
գուցե շատ էր զբաղված: Նա էլ գոռգոռում էր ու իրար էր ան-
ցել: Պարզվեց, որ դեռ ամեն ինչ կանոնավոր չէր երկրորդ կառ-
քում, որի մեջ գյուղական ոստիկանության երկու վերակացու
պետք է ուղեկցեին Մավրիկի Մավրիկիևիչին: Այն գյուղացին,
որին հանձնարարել էին քշել երկրորդ կառքը, կապան էր հագ-
նում և բուռն վիճում էր, թե Ակիմը պետք է գնա, ոչ թե ինքը:

Բայց Ակիմը չկար. վազել էին նրան փնտրելու: Գյուղացին պընդում էր և աղաչում, որ սպասեն:

— Մեր էս ժողովուրդն սկի՛ ամոթ չունի ախր, Մավրիկի Մավրիկիեհիչ,— բացականչում էր Տրիֆոն Բորիսիչը:— Անցյալ օրն Ակիմը քեզ քսանհինգ կոպեկ տվեց, խմեցիր պրծար էդ փողը, հիմի էլ գոռոտում ես: Պարզապես զարմանում եմ, որ էսպես բարի եք վարվում մեր ստոր ժողովրդի հետ, Մավրիկի Մավրիկիեհիչ, էլ ուրիշ բան չեմ ասում:

— Բայց մեր ինչի՞ն է պետք երկրորդ կառքը,— միջամտեց Միտյան,— մի կառքով գնանք, Մավրիկի Մավրիկիեհիչ, մի՛ վախենա, չեմ ըմբոստանա, չեմ փախչի քեզնից, ի՞նչ կարիք կա պահանջներին:

— Հաճեցեք ինձ հետ խոսելու ձևն իմանալ, պարո՞ն, եթե դեռ չեք սովորել: Հաճեցեք դու-ով յխոսել ինձ հետ, ես ձեր ընկերը չեմ, և ձեր խորհուրդներն էլ ուրիշ անգամվա համար պահեցեք...— կատաղորեն շշպոնց հանկարծ Մավրիկի Մավրիկիեհիչը, կարծես ուրախանալով, որ զայրույթն է թափում:

Միտյան սսկվեց: Կաս-կարմիր եղավ: Մի վայրկյան հետո հանկարծ զգաց, որ սաստիկ մրսում է: Անձրևը դադարել էր, բայց պղտոր երկինքը ծայրից ծայր ամպերով էր ծածկված, և սուր քամին ուղղակի դեմքին էր փչում: «Մրսե՛լ եմ, ինչ է»,— մտածեց Միտյան, ներս քաշելով ուսերը: Վերջապես Մավրիկի Մավրիկիեհիչն էլ կառք մտավ, ծանրորեն ու լայն-լայն նստեց և, կարծես շնկատելով Միտյային, պինդ սեղմեց դեպի անկյունը: Ճիշտ է, տրամադրությունը վատ էր, և տրված հանձնարարությունը խիստ տհաճ էր նրա համար:

— Մնա՛ս բարով, Տրիֆոն Բորիսիչ,— գոռաց նորից Միտյան, և ինքն էլ զգաց, որ ոչ թե բարեսրտության մղումով էր գոռում այս անգամ, այլ զայրույթից, իր կամքին հակառակ: Բայց Տրիֆոն Բորիսիչը հպարտ կանգնել էր, ձեռքերը մեջքին կապած, աչքերն ուղղակի հռոկ էր Միտյային, նայում էր խիստ ու բարկացած և ոչինչ չպատասխանեց նրան:

— Գնաք բարո՞վ, Դմիտրի Ֆյոդորովիչ, զնաք բարո՞վ,— լավեց հանկարծ Կալգանովի ձայնը: Չգիտես որտեղից դուրս էր թռել նա հանկարծ, և վազելով կառքի մոտ՝ ձեռքը մեկնեց Միտյային: Առանց գլխարկի էր: Միտյան հասցրեց բռնել ու սեղմել նրա ձեռքը:

— Մնա՛ս բարով, սիրելի՛ բարեկամ, չեմ մոռանա քո մե-

ծահոգությունը,— բացականչեց Միտյան ջերմորեն: Բայց կառքը շարժվեց, և նրանց ձեռքերը բաժանվեցին իրարից: Զանգուլակն սկսեց զնգզնգալ, և տարան Միտյային:

Իսկ Կալգանովը վազելով ներս մտավ, նստեց նախասենյակի անկյունը, գլուխը ծոց, ձեռքերով ծածկեց դեմքը և սկսեց լաց լինել: Երկար նստեց այդպես ու արտասվեց, կարծես դեռ մի փոքր տղա լիներ, և ոչ թե արդեն քսանամյա երիտասարդ: Օ՛, նա զրեթե լիովին հավատում էր, որ մեղավոր է Միտյան: «Այս ի՞նչ մարդիկ են, էլ ի՞նչ կարող են լինել մարդիկ սրանից հետո»,— անկապորեն բացականչում էր նա դառն տրամուլթյամբ, համարյա հուսահատորեն: Այդ վայրկյանին նա շէր էլ ուզում ապրել այս աշխարհում: «Արժե՞ որ, արժե՞ որ»,— բացականչում էր դառնացած պատանին:

ՄԱՍՆ ԶՈՐՐՈՐԳ

Գ ի թ ք տ ա ս ւ ւ ե թ ո թ դ

ՏՂԱՆԵՐԸ

I

ԿՈՒՅԱ ԿՐԱՍՈՏԿԻՆ

Նոյնմբերի սկիզբն էր: Տասնմեկ աստիճան սառնամանիք էր մեր քաղաքում, բայց գետինը մերկ էր, սառցակալած: Գիշերը շոր ձյուն էր տեղացել մի քիչ, և «չոր ու կծու» քամին բարձրացնում էր ձյունը, զշում էր տխուր-տրտում փողոցներով ու մանավանդ շուկայի հրապարակով: Մոայլ առավոտ էր, բայց դադարել էր ձյունը: Հրապարակից ոչ շատ հեռու, Պլոտնիկովների խանութի մոտ, մի փոքր տուն կար, որ շատ մաքուր էր թե՛ դրսից, թե՛ ներսից: Այրի տիկին Կրասոտկինայի տունն էր դա: Նահանգային քարտուղար Կրասոտկինը շատ վաղուց էր մահացել, գրեթե տասնչորս տարի առաջ, և նրա երեսնամյա այրին, որ դեռ շատ սիրունիկ մի տիկին էր, «իր դրամագլուխով» ապրում էր իր կոկիկ տանը: Պարկեշտ ու ամոթխած մի կյանքով էր ապրում, բնավորությամբ մեղմ էր, բայց և բավական կենսութախ: Տասնութ տարեկան էր, երբ ամուսինը մեռավ. ընդամենը մեկ տարի էր ապրել նրա հետ և հենց նոր մի տղա էր ծնել: Ամուսնու մահվան օրից նա իր ամբողջ կյանքը նվիրել էր այդ իր անգին մանչուկի՝ Կոլյայի, դաստիարակությանը, և թեպետ ամբողջ տասնչորս տարի խելակորույս սիրել էր նրան, բայց իհարկե, անհամեմատ ավելի տառապանք էր տեսել, քան ուրախություն, գրեթե ամեն օր ահուդողի մեջ ընկնելով, մեռնելով

այն վախից, թե տղան կհիվանդանա, կմրսի, շարունջուն կանի, աթոռի վրա կմազցի ու վայր կընկնի և այլն, և այլն: Իսկ երբ Կոլյան սկսեց դպրոց գնալ և հետո հաճախել մեր պրոգրեմնազիան, մայրն էլ նրա հետ փութաց ուսումնասիրել բոլոր գիտությունները, որպեսզի օգնի նրան և դասերը սերտեն միասին, փութաց ծանոթանալ ուսուցիչների և նրանց կանանց հետ, փաղաքշել նույնիսկ Կոլյայի դպրոցական ընկերներին, հաճոյանալ նրանց, որպեսզի ձեռք շտան Կոլյային, շժաղերն նրան, շփածեն: Եվ հասցրեց այնտեղ, որ ընկերներն իրոք սկսեցին ծաղրել նրան հենց մոր պատճառով, սկսեցին ձեռ առնել, որ նա մամայի բալիկ է: Բայց տղան կարողացավ իր գլխին տեր կանգնել: Խիզախ տղա էր, «սոսկալի ուժեղ», ինչպես լուր տարածվեց դասարանում, և շուտով էլ հաստատվեց, որ այդպես է իրոք. ճարպիկ էր, անկոտրում բնավորության տեր, հանդուգն ու նախաձեռնող ոգի ուներ: Լավ էր սովորում, և նույնիսկ ասում էին, թե նա թվաբանության ու ընդհանուր պատմության մեջ հենց դասատու Դարդանելովին էլ կգլի-կանցնի: Տղան թեև վերից էր նայում բոլորին, քթիկը տնկած, բայց լավ ընկեր էր և չէր մեծամտանում: Դպրոցականների հարգանքն ընդունում էր որպես իրեն վայել մի բան, սակայն ընկերաբար էր վերաբերվում նրանց: Մանավանդ չափ ու սահմանը գիտեր, հարկ եղած դեպքում կարող էր զսպել իրեն, և ուսուցիչների հետ իր փոխհարաբերությունների մեջ երբեք չէր անցնում այն վերջին ու նվիրական սահմանը, որից այն կողմ արդեն որևէ արարք չի հանդուրժվի, կդառնա անկարգություն, ընդվզում և անօրինություն: Եվ սակայն բնավ, բնավ էլ դեմ չէր շարաճճիություններ անելու, և եթե որևէ հարմար առիթ ներկայանար, անելիքն անում էր ամենահետին մի լաճի նման, ոչ այնքան շարաճճիության սիրուն, որքան մի որևէ արտասովոր, հնարամիտ տարօրինակությամբ զարմացնելու, շշմեցնող տպավորություն գործելու և իրեն ցույց տալու համար: Շատ ինքնասեր էր մանավանդ: Նույնիսկ իր մայրիկին կարողացել էր ենթարկել իրեն, գրեթե բոլորակալի պես ազդելով նրա վրա: Եվ մայրիկը ենթարկվել էր, օ՛, վաղուց էր արդեն ենթարկվել, բայց ոչ մի կերպ չէր կարողանում հաշտվել միայն այն մտքի հետ, որ տղան «քիչ է սիրում» իրեն: Նրան շարունակ թվում էր, թե Կոլյան «անզգա» է իր նկատմամբ, և լինում էին դեպքեր, երբ հիստերիկ արցունքներ թափելով սկսում էր հանդիմանել տղային՝ սառն վերաբեր-

մունքի համար: Տղան չէր սիրում այդ բանը, և մայրը որքան ավելի էր նրանից սրտագին զեղումներ պահանջում, այնքան ավելի անդրդվելի էր դառնում նա՝ կարծես դիտմամբ: Բայց նրա այդ վերաբերմունքը ոչ թե դիտումնավոր էր, այլ ակամա. այդպես էր բնավորությունը: Մայրը սխալվում էր. նա շատ էր սիրում իր մայրիկին, միայն թե չէր սիրում «Նորթային քնքշությունները», ինչպես ասում էր իր դպրոցական լեզվով: Հորից մնացել էր մի գրապահարան, որի մեջ սակավաթիվ գրքեր կային. Կոլյան սիրում էր կարդալ և արդեն ինքնաբերաբար կարդացել էր դրանցից մի քանիսը: Դա շանհանգստացրեց մորը, պարզապես նա զարմանում էր երբեմն, տեսնելով, թե ինչպես իր տղան ժամերով կանգնում էր պահարանի մոտ մի որևէ գրքի մեջ խորասուզված, փոխանակ դուրս գնալու և խաղալու: Եվ այդպիսով Կոլյան կարգաց բաներ, որ չէր կարելի նրան թույլ տալ այդ տարիքում:

Տղան թեև չէր սիրում իր շարաճճիությունների մեջ մի որոշ սահմանից անդին անցել, բայց վերջերս սկսել էր անել այնպիսի շարաճճիություններ, որոնք լրջորեն վախեցնում էին մորը. ճիշտ է, անբարոյական բաներ չէին դրանք, բայց կապը կտրած մարդու սանձարձակ խելառություններ էին: Հենց այդ տարվա հուլիսին, ամառային արձակուրդի ժամանակ, այնպես էր պատահել, որ մայրիկն ու տղան մի շաբաթով հյուր էին գնացել մի ուրիշ գավառ, յոթնասուն վերստ մեր քաղաքից, հեռավոր մի ավզականուհու մոտ, որի ամուսինը պաշտոնավարում էր երկաթուղային կայարանում (հենց այն կայարանում, որ ամենամոտն էր մեր քաղաքին, և որտեղից Իվան Ֆլորոսովիչ Կարամազովը մեկ ամիս հետո մեկնեց Մոսկվա): Կոլյան այնտեղ նախ և առաջ սկսեց մանրամասնորեն դիտել, ուսումնասիրել երկաթուղային կարգուկանոնը, հասկանալով, որ տուն վերադառնալուց հետո կարող է իր նոր գիտելիքներով փայլել պրոգրմնազիայի դպրոցականների մեջ: Բայց հենց այդ նույն ժամանակ ուրիշ տղաներ էլ կային այնտեղ, և Կոլյան բարեկամացավ նրանց հետ. մի քանիսը կայարանում էին ապրում, մի քանիսն էլ շրջակայքում, ընդամենը վեց կամ յոթ պատանյակներ էին՝ տասներկուսից տասնհինգ տարեկան, և նրանցից երկուսն էլ մեր քաղաքից էին պատահմամբ: Տղաները միասին խաղում էին, շարաճճիություններ անում, և ահա Կոլյայի հյուրագնացության շորորդ կամ հինգերորդ օրը հիմար երեխաները

խելքից-մտքից դուրս մի գրագ եկան երկու ուսուցիչներ. Կոլյան, որ գրեթե ամենափոքրն էր բոլորի մեջ և դրա համար էլ մի քիչ արհամարհվում էր մեծերից, ինքնասիրության կամ էլ անսանձ խիզախության մղումով առաջարկեց, որ գիշերը, երբ ժամը տասնմեկի գնացքը գա, ինքը երեսի վրա կպառկի երկաթգծի մեջտեղը և անշարժ կմնա, մինչև գնացքը սրենթաց արագությամբ անցնի իր վրայով: Ճիշտ է, նախօրոք ստուգեցին ու պարզեցին, թե իրոք կարելի է այնպես մեկնվել գծերի մեջտեղը և տափակ պառկել, որ գնացքն անշուշտ անցնի առանց պառկողին դիպչելու, բայց դե, համենայն դեպս, հանա՞ք է այդպես պառկելը: Կոլյան հաստատ պնդում էր, որ կպառկի: Յկզբում ծիծաղում էին նրա վրա, սուտիկ էին կոշում նրան, պոռոտախոս էին ասում, բայց դրանով ավելի ևս գրգռեցին տղային: Եվ մանավանդ որ այդ տասնհինգ տարեկան տղաները շափից ավելի ցցում էին իրենց քթերը նրա առաջ, սկզբում նույնիսկ «ճատիկ» էին համարում նրան և չէին ուզում ընդունել որպես իրենց ընկերը, իսկ դա արդեն անտանելիորեն վիրավորական էր: Եվ ահա որոշեցին երեկոյան գնալ կայարանից մեկ վերստ հեռու, որպեսզի գնացքը, կայարանից դուրս գալուց հետո, հասցնի լրիվ թափ առնել: Տղաները հավաքվեցին: Հասավ անլուսին գիշերը. ոչ թե մութ էր պարզապես, այլ գրեթե խավարամած: Որոշյալ ժամին Կոլյան պառկեց գծերի միջև: Մյուս հինգ տղաները, որոնք գրազ էին եկել, սպասում էին ուղեթումբի ներքևում, թփերի մեջ՝ նվազուն սրտով, հետո նաև վախով ու զղջումով: Վերջապես հեռվում սկսեց դմբալ գրնացքը, որ դուրս էր եկել կայարանից: Մթան խորքից երկու կարմիր լապտերները փայլեցին, հրեջը դրդալով մոտենում էր: «Փախի՛ր գծից, փախի՛ր»,— գոռացին ահաբեկված տղաները թփերի միջից, բայց արդեն ուշ էր. գնացքը վրա հասավ ու սուրալով անցավ գնաց: Տղաները վազեցին Կոլյայի մոտ. նա անշարժ պառկել էր: Սկսեցին քաշքշելով բարձրացնել գետնից: Նա հանկարծ վեր կացավ ու առանց մի բառ ասելու գծից հեռացավ: Ուղեթմբից ցած իջնելով, նա հայտարարեց, թե դիտմամբ այդպես պառկել էր ուշաթափվածի նման, որպեսզի վախեցնի նրանց. բայց ճշմարտությունն այն էր, որ նա իրոք ուշաթափվել էր, ինչպես ինքը խոստովանեց մորը, երբ արդեն երկար ժամանակ էր անցել այդ օրից: Այսպիսով, ընդմիջում ձեռք բերեց «քաջասիրտ» տղայի համբավը: Այդ գիշեր երբ կա-

յարան վերադարձավ ու տուն մտավ՝ մոմի պես գունատ էր՝
Հաջորդ օրը մի թեթև հիվանդացավ ջղախին տենդով, բայց սուս
կալի բարձր էր տրամադրությունը, ուրախ էր ու զոհ: Դեպքը մեր
քաղաքում իմացվեց ոչ թե անմիջապես, այլ նրանց վերադառ
նալուց հետո, և լուրը հասավ դպրոց, տնօրենության ականջը:
Բայց Կոլյայի մայրիկը իսկույն վազեց տնօրենի մոտ, աղաչեց,
որ չպատժեն իր տղային, և ի վերջո Դարդանելովը, որ հարգված
ու ազդեցիկ դասատու էր, Կոլյային պաշտպանեց ու բարեխոսեց
նրա օգտին. գործն անհետևանք թողեցին, իբրև թե բնավ էլ չի
եղել:

Այս Դարդանելովը, ամուրի և միջին տարիքի մի մարդ, եր
կար տարիներ բուռն սիրահարվել էր տիկին Կրասոտկինային և
արդեն մի անգամ, գրեթե մեկ տարի առաջ, համարձակվել էր
նրա ձեռքը խնդրել՝ ամենահարգալից ձևով, վախից ու նրբա
նկատությունից դողահար. բայց տիկինը մերժել էր, համա
ձայնվելը դավաճանություն համարելով իր որդյակի նկատմամբ,
թեև Դարդանելովը, որոշ խորհրդավոր նշաններից դատելով,
գուցե նույնիսկ իրավունք ուներ հուսալու, որ ինքը այնքան էլ
հակակրելի չէր այդ հմայիչ, բայց չափազանց առաքինի ու
քեջասիրտ այրի կնոջ համար: Կոլյայի այդ խենթ շարաճհու
թյունը կարծես սառույցը կոտրեց, և Դարդանելովն իր արած
բարեխոսության դիմաց հույսի մի նշույլ ստացավ, ճիշտ է՝ հե
ռավոր մի նշույլ, բայց թե Դարդանելովը ինքն էլ մաքրության ու
նրբանկատության արտակարգ մի երևույթ էր, ուստի առայժմ
դա էլ բավական էր նրա երջանկությունը լիակատար դարձնելու
համար: Նա սիրում էր Կոլյային, թեպետ նվաստացուցիչ պիտի
համարեր հաճոյանալ նրան, և դասարանում խիստ ու պահանջ
կոտ էր նրա նկատմամբ: Բայց Կոլյան ինքն էլ նրան պատկառելի
հեռավորության վրա էր պահում, դասերը սովորում էր շատ լավ,
դասարանի երկրորդն էր, Դարդանելովին շոր էր վերաբերվում
և ամբողջ դասարանը հաստատ հավատում էր, թե ընդհանուր
պատմության մեջ Կոլյան այնքան ուժեղ է, որ հենց Դարդանե
լովին էլ «կգլի»: Եվ իրոք, Կոլյան մի անգամ նրան հարց էր տվել՝
«Ո՞վ է հիմնել Տրովադան», և Դարդանելովը, պատասխանելով,
խոսել էր առհասարակ ժողովուրդների, նրանց շարժումների
ու գաղթների, դարերի խորքի և առասպելաբանության մասին,
բայց թե ո՞վ է հիմնել Տրովադան, այսինքն ո՞ր պատմական
անձնավորությունները՝ չէր կարողացել պատասխանել և նույն

խկ, շգիտես ինչու, անիմաստ ու մտացածին էր համարել այդ
հարցը: Բայց տղաներն այնպես էլ մնացին այն համոզմունքին,
որ Դարդանելովը շգիտե ով է հիմնել Տրովադան: Իսկ Կոլյան
Տրովադայի հիմնադիրների մասին կարդացել էր Սմարագորովի
դրբում, որ գտել էր իր հորից մնացած գրապահարանի մեջ, Ի
վերջո բոլոր տղաներն սկսեցին հետաքրքրվել, թե ով է հիմնել
Տրովադան, բայց Կրասոտկինն իր գաղտնիքը չհայտնեց, և այդ
բանը գիտենալու նրա համբավը անխախտ մնաց:

Երկաթուղու ղեպքից հետո Կոլյայի վերաբերմունքը մի քիչ
փոխվեց մոր նկատմամբ: Երբ Աննա Ֆյոդորովնան (Կրասոտկի
նի այրին) իմացավ իր որդյակի սխրագործության մասին, հա
մարյա թե խելագարվեց սարսափից: Մի քանի օր, մեջընդմեջ,
այնպիսի ահավոր հիստերիկ նոպաներ ունեցավ, որ Կոլյան,
արդեն լրջորեն վախեցած, ազնիվ խոսք տվեց մորը, թե նման
չարաճհիություններն այլևս երբեք չեն կրկնվի: Նա ծնկադիր երդ
վեց սրբապատկերի առաջ, երդվեց հոր հիշատակով, ինչպես
պահանջում էր տիկին Կրասոտկինան, ընդ որում «արիասիրտ»
Կոլյան ինքն էլ փղձկաց ու երկար լաց եղավ վեց տարեկան
մանչուկի պես: Եվ ամբողջ այդ օրը մայր ու որդի անընդհատ
իրար գիրկ էին նետվում ու արցունք թափում հեկեկալով: Հա
ջորդ օրը Կոլյան առաջվա պես «անզգա» արթնացավ, բայց
դարձավ ավելի սակավախոս, ավելի խոնարհ, խստաբարո ու
մտախոհ: Ծիշտ է, մեկուկես ամիս հետո նա նորից բռնվեց մի
չարաճհիության մեջ, և նրա անունը մինչև իսկ հայտնի դարձավ
մեր հաշտարար դատավորին, բայց այդ շարաճհիությունն ար
դեն բոլորովին ուրիշ տեսակի էր, նույնիսկ զվարճալի ու հի
մարիկ մի բան, և հետո պարզվեց նաև, որ նա ինքը չէր արել
այդ բանը, այլ մասնակից էր եղել միայն: Բայց դրա մասին
դեռ առիթ կլինի պատմելու: Մայրը շարունակում էր դողալ ու
տանջվել, իսկ որքան ավելանում էին նրա տագնապները, Դար
դանելովն այնքան ավելի մեծ հույսեր էր տածում: Պետք է նկա
տել, որ Կոլյան այդ առնչությամբ հասկանում ու կռահում էր
Դարդանելովի ձգտումը և, իհարկե, խորապես արհամարհում
էր նրան այդ «զգացմունքների» համար. առաջ նա նույնիսկ
այնքան աննրբանկատ էր, որ իր այդ արհամարհանքը ցույց էր
տալիս մոր ներկայությամբ, հեռվից հեռու ակնարկելով, որ
հասկանում է ինչի է ձգտում Դարդանելովը: Բայց երկաթուղու
ղեպքից հետո այս հարցում էլ փոխեց իր վարմունքը. այլևս

իրենն թույլ չէր տալիս ամենահեռավոր ակնարկներն անգամ անել, իսկ Դարդանելովի մասին սկսեց ավելի հարգալից խոսել մոր առաջ, և զգայուն կինն անմիջապես հասկացավ այդ բանը՝ սիրտն անսահման երախտագիտությամբ լցված: Բայց և այնպես, եթե Կոլյայի ներկայությամբ մի որևէ հյուր ամենափոքր, ամենապատահական խոսքն ասեր Դարդանելովի մասին, Աննա Ֆյոդորովնան հանկարծ վարդի պես կարմրում էր ամոթից: Իսկ Կոլյան այդպիսի բոպեններին կամ լուսամուտից դուրս էր նայում խոժոռված, կամ ձևացնում էր, թե զբաղված է իր կոշիկները դիտելով, կամ էլ կատաղորեն կանչում էր Պերեզվոնին՝ իր փրշոտ, բավական խոշոր ու թուստ շանը, որին չգիտես որտեղից գտել էր մի ամիս առաջ, բերել էր տուն և չգիտես ինչու գաղտնորեն պահում էր ներսում, իր ընկերներից ոչ մեկին ցույց չէր տալիս: Սոսկալի բռնանում էր շան վրա, ամեն տեսակ խաղեր ու հնարքներ էր սովորեցում, և խեղճ շանը հասցրեց այն օրին, որ երբ ինքը դպրոցում էր լինում՝ նա ոռնում էր տիրոջ կարոտից, իսկ երբ ինքը գալիս էր՝ ուրախությունից վնգստում էր կենդանին, ցատկոտում էր խենթի նման, կանգնում էտևի թափերի վրա, պառկում գետնին ու մեռած ձևանում և այլն, մի խոթքով, ցուցադրում էր տիրոջ սովորեցրած բոլոր հնարքները, և արդեն ոչ թե նրա պահանջով, այլ պարզապես իր հրճվալից զգացմունքների ու երախտագետ սրտի խանդավառ մղումով:

Ի դեպ, մոռացա էլ ասելու, որ Կոլյա Կրասոտկինը հենց այն տղան էր, որի ազդրին գրպանի դանակով խփել էր պաշտոնաթող փոխկապիտան Մենզիրյովի՝ որդին՝ արդեն ընթերցողին ծանոթ Իլյուշան, երբ պաշտպան էր կանգնել իր հորը, որին դպրոցականները ծաղրում էին «ճիլոպ» ասելով:

II

ԵՐԵՄԱՆԵՐԸ

Այսպես ուրեմն, նոյնմբերի այդ սառնաշունչ ու հողմասուչ առավոտյան Կոլյա Կրասոտկինը նստել էր տանը: Կիրառի էր, դպրոցը փակ էր: Բայց արդեն ժամը տասնմեկը խփեց, իսկ նա անպայման պետք է տնից դուրս գնար «շատ կարևոր մի գործով», այնինչ ամբողջ տանը ինքն էր միայն մնացել ուղղակի որպես պահապան, որովհետև այնպես էր պատահել, որ

բոլոր մեծահասակ բնակիչները բացակայում էին տնից՝ արտակարգ ու եզակի մի իրադարձության պատճառով: Այդ տիկին Կրասոտկինան իր տանը վարձու էր տվել երկու փոքրիկ սենյակից բաղկացած միակ հավելյալ հարկաբաժինը, որ միջանքով անջատված էր մյուս հարկաբաժնից, ուր ինքն էր բնակվում. վարձակալը բժշկի կին էր՝ երկու փոքրիկ երեխաներով: Այս տիկինը Աննա Ֆյոդորովնայի տարեկիցն էր ու մտերիմ բարեկամուհին, իսկ նրա բժիշկ ամուսինը մոտ մի տարի առաջ գնացել էր մի հեռու տեղ, նախ Օրենբուրգ, հետո էլ Տաշքենդ, և ահա արդեն կես տարի է՝ բժշկից ոչ մի լուր չկար, այնպես որ եթե շիններ տիկին Կրասոտկինայի հետ բարեկամությունը, որ մի քիչ մեղմացնում էր լքված կնոջ վիշտը, նա ուղղակի կըխեղդվեր արցունքից: Եվ մեկ էլ ահա, կարծես ճակատագրի հարվածը լիակատար դարձնելու համար, բժշկի կնոջ միակ սպասուհին, Կատերինան, այդ նույն գիշերը հանկարծ բոլորովին անակնկալորեն հայտարարեց, թե նախատեսում է առավոտյան դեմ ծննդաբերել: Համարյա հրաշք թվաց բոլորին, թե ինչպե՞ս էր պատահել, որ մինչ այդ ոչ ոք չէր նկատել այդ բանը: Ապշած տիկինը բարվոք համարեց, քանի դեռ ժամանակ կար, Կատերինային տանել այն հատուկ հաստատությունը, որ մեր քաղաքում մի մանկաբարձուհի պահում է նման դեպքերի համար: Քանի որ տիկինը շատ թանկ էր գնահատում այդ սպասուհուն, անմիջապես իրագործեց իր ծրագրերը, և ոչ միայն տարավ նրան, այլև ինքն էլ մնաց այնտեղ նրա կողքին: Հետո, արդեն առավոտյան, չգիտես ինչու պետք եղավ, որ տիկին Կրասոտկինան ևս օգնության հասնի իր ամբողջ բարեկամական կարեկցանքով, մանավանդ որ նա այս դեպքում կարող էր մի որևէ բան խնդրել որևէ մեկից և ինչ-որ ձևով հովանավորություն ցույց տալ: Այսպիսով, երկու տիկիններն էլ բացակա էին, իսկ տիկին Կրասոտկինայի սպասուհին, Ազաֆյան, շուկա էր գնացել, և ահա ուրեմն Կոլյան առժամապես պահապան ու հսկիչ էր դարձել «ճատոների» համար, այսինքն բժշկի կնոջ տղայի ու աղջնակի, որոնք մեն-մենակ էին մնացել:

Կոլյան չէր վախենում տանը պահակ մնալուց, մանավանդ որ իր հետ էր նաև Պերեզվոնը, որին հրամայված էր փոքի վրա պառկել նախասենյակում, նստարանի տակ, և մնալ «առանց շարժվելու»: Հենց այդ պատճառով էլ, երբ Կոլյան տան մեջ ետ ու առաջ անելով նախասենյակ էր մտնում, կենդանին ամբողջ

գլխով սարսուռում էր և պոչով երկու թունդ ու քծնական հարված էր տալիս հատակին, բայց ավա՛ղ, կանչի սուլոցը չէր լսվում: Կոլյան սպառնալից նայում էր դժբախտ շանը, որ նորից քարանում մնում էր հնազանդ անշարժությամբ: Միակ բանը, որ անհանգստացնում էր Կոլյային, «ճատոների» հարցն էր: Նա իհարկե խորագույն արհամարհանքով էր նայում Կատերինայի անակնկալ դեպքին, բայց որբացած ճատոներին շատ էր սիրում և արդեն մանկական գիրք էր տարել նրանց: Մեծը, Նաստյան, ու՞թ տարեկան աղջիկ էր և կարդալ գիտեր, իսկ փոքր ճատոն, Կոստյան, յո՞թ տարեկան մի մանչուկ, շատ էր սիրում լսել, երբ Նաստյան կարդում էր նրա համար: Կրասոտկինն անշուշտ կարող էր ավելի հետաքրքրական ձևով զբաղեցնել երեխաներին, այսինքն կողք-կողքի կանգնեցնել նրանց ու զինվոր-զինվոր խաղալ և կամ պահմտոցի սկսել ամբողջ տան մեջ: Առաջ նա շատ անգամ արել էր այդ բանը և չէր խորշում դրանից, այնպես որ իրենց դասարանում մի անգամ նույնիսկ լուր տարածվեց, թե Կրասոտկինն իր տանը փոքրիկ վարձակալների հետ ձի-ձի է խաղում, ցատկոտում է կողքի լծած ձիու նման, գլուխը ծռելով, բայց Կրասոտկինը հպարտորեն հակահարված տվեց այդ մեղադրանքին, դիտել տալով, որ «մեր դարում» իսկապես ամոթալի կլինեն ձի-ձի խաղալ իր տարեկիցների՝ տասներեք տարեկան տղաների հետ, բայց ինքն այդ բանը անում է «ճատոների» համար, որովհետև սիրում է նրանց, իսկ իր զգացմունքների համար ոչ ոք իրավունք չունի հաշիվ պահանջելու իրենից: Դրա դիմաց երկու «ճատոներն» էլ պաշտում էին նրան: Բայց այս անգամ նա խաղով զբաղվելու ժամանակ չունեի: Սեփական շատ կարևոր գործ էր սպասում նրան, ըստ երևույթին համարյա թե խորհրդավոր մի գործ նույնիսկ, այնինչ ժամանակն անցնում էր, իսկ Ագաֆյան, որի խնամքին կարելի էր հանձնել երեխաներին, կարծես դեռ միտք էլ չունեի վերադառնալու շուկայից: Կոլյան արդեն մի քանի անգամ անցել էր միջանցքը, վարձակալների դուռը բացել ու մտահոգ նայել էր «ճատոներին», որոնք իր հրամանով նստել ու գիրք էին կարդում. ամեն անգամ երբ բացում էր դուռը, նրանք լուռ ժպտում էին ամբողջ բերանով, սպասելով, որ ա՛յ նա հիմա ներս կմտնի և սքանչելի, զվարճալի մի բան կանի: Բայց Կոլյան տազնապել էր ու ներս չէր մտնում:

Վերջապես խփեց ժամը տասնմեկը, և նա հաստատորեն ու վերջնականապես որոշեց, որ եթե տասը ռուպեից չվերադառնա «անիծյալ» Ագաֆյան, ինքը առանց նրան սպասելու կգնա տնից, իհարկե «ճատոներից» խոսք անելով, որ իր գնալուց հետո չեն վախենալու, շարություն չեն անելու և լաց չեն լինելու վախից: Այսպես մտածելով, նա հագավ իր մուշտակե օձիքով ձմեռային բամբակած վերարկուն, ուսից կախեց պայուսակը և, հակառակ մոր բազմիցս կրկնած խնդրանքին, որ «այսպիսի ցլտին» դուրս գալու ժամանակ միշտ կրկնակոշիկներ հագնի, պարզապես արհամարհանքով նայեց դրանց, երբ անցնում էր նախասենյակով, և միայն կոշիկները հագած դուրս եկավ հարկաբաժնից: Պերեզվոնը, հագնված տեսնելով նրան, սկսեց ավելի ուժեղ դմբբացնել պոչը հատակին, ամբողջ մարմնով ջլածվելով, և նույնիսկ աղիոզորմ մի կաղկանձ արձակեց, բայց Կոլյան, տեսնելով իր շան այդպիսի բուռն ձգտումը, որոշեց, որ դա կարգապահության խախտում է, և թեկուզ մի ռուպե ևս, բայց դեռ ստիպեց նրան մնալ նստարանի տակ և հետո միայն, երբ արդեն բացել էր միջանցքի դուռը, հանկարծ սուլեց: Շունը խենթի նման վեր թռավ ու սկսեց նրա առաջ ցատկոտել հրճվանքից: Անցնելով միջանցքը, Կոլյան մյուս դուռը բացեց ու նայեց «ճատոներին»: Երկուսն էլ առաջվա պես նստել էին փոքրիկ սեղանի առաջ, բայց արդեն շէին կարդում, այլ տաք-տաք վիճում էին մի բանի մասին: Այս երեխաները հաճախ իրար հետ վիճում էին կյանքի խռովիչ հարցերի շուրջ, և Նաստյան, մեծը լինելով, միշտ հաղթում էր. իսկ Կոստյան եթե համաձայն չլիներ նրա հետ՝ գրեթե միշտ դիմում էր Կոլյա Կրասոտկինին, և վերջինս ինչ որ ասեր՝ այդ էլ մնում էր որպես բացարձակ վճիռ երկու կողմերի համար: Այս անգամ «ճատոների» վեճը մի քիչ հետաքրքրեց Կրասոտկինին, և նա դուռն մեջ կանգ առավ լսելու: Երեխաները տեսան, որ նա լսում է, և ավելի մեծ եռանդով շարունակեցին հակաձայնել իրար:

— Երբեք էլ, երբեք էլ չեմ հավատա,— լեզվին էր տալիս Նաստյան,— չեմ հավատա, որ մամիկները փոքրիկ երեխաներին բանջարանոցում են գտնում, կաղամբների մեջ: Հիմա ձմեռ է, ոչ մի կաղամբ էլ չկա, և մամիկը չէր կարող Կատերինային աղջիկ բերել:

— Ֆյո՛ւ,— զարմացած սուլեց Կոլյան ինքն իրեն:

— Կամ էլ թե չէ՝ բերում են մի տեղից, բայց միայն նրանց համար, ովքեր ամուսնացել են:

Կոստյան սեեռուն նայում էր Նաստյային, խորամտորեն լսում էր ու կշռադատում:

— Ինչ հիմար ես դու, Նաստյա,— ասաց նա վերջապես հաստատորեն և առանց տաքանալու,— ինչպե՞ս կարող է Կատերինան երեխա ունենալ, քանի որ չի ամուսնացել:

Նաստյան սոսկալի բորբոքվեց:

— Դու ոչինչ չես հասկանում,— ջղայնացած վրա տվեց նա,— գուցե ամուսին ունի, միայն թե բանտում է նստած, և ինքն էլ ահա երեխա ծնեց:

— Բայց ի՞նչ է, նրա ամուսինը բա՞նտ է գնացել,— լուրջ-լուրջ հարցրեց խելամիտ Կոստյան:

— Կամ էլ թե չէ,— թափով ընդհատեց Նաստյան, բոլորովին մի կողմ թողնելով ու մոռանալով իր առաջին վարկածը,— նա ամուսին չունի, ճիշտ ես ասում, բայց ուզում է ունենալ, և այ սկսել է մտածել՝ ինչպե՞ս անի, որ ամուսին ունենա, և մտածել է, մտածել է, այնքա՛ն է մտածել, որ ա՛յ, ոչ թե ամուսին, երեխա է ունեցել:

— Լավ, գուցե այդպես է,— համաձայնվեց Կոստյան, լրիվ պարտաված:— Բայց դու առաջ այդպես չասացիր, ես որտեղի՞ց իմանայի:

— Է՛, երեխաներ,— ասաց Կոյլան, սենյակ մտնելով ու մոտենալով նրանց,— տեսնում եմ՝ վտանգավո՞ր մարդիկ եք դուք:

— Պերեզվո՞ւնն էլ ձեզ հետ է,— ժպտաց Կոստյան և սկսեց մատեները շխկացնելով կանչել Պերեզվոնին:

— Ճատեներ, ես դժվար կացության մեջ եմ,— սկսեց Կրասոպկինը լուրջ դեմքով,— և դուք պետք է օգնեք ինձ: Ազաֆյայի տաքն է ջարդվել իհարկե, քանի որ մինչև հիմա դեռ չի գալիս, դա արդեն հաստատ բան է: Իսկ ես պետք է դուրս գնամ: Կթողնե՞ք, որ գնամ, թե չէ:

Երեխաները մտահոգված նայեցին իրար, նրանց ժպտուն դեմքերին անհանգստություն երևաց: Բայց դեռ լրիվ չէին հասկանում, թե ինչ էր իրենցից ուզվածը:

— Եթե ես գնամ, շարություն չե՞ք անի: Պահարանի վրա չե՞ք ելնի, ոտներդ չե՞ք ջարդի: Մենակ որ մնաք, լաց չե՞ք լինի վախից:

Երեխաների դեմքին սոսկալի տխրություն երևաց:

— Իսկ ես կարող եմ ձեզ մի բան ցույց տալ՝ դրա դիմաց, պղնձե թնդանոթ, կարելի է իսկական վառող դնել մեջը և կրակել:

Երեխաների դեմքը վայրկենապես պայծառացավ:

— Գուցե տվեք թնդանոթը,— ասաց Կոստյան ուրախությու-նից փայլելով:

Կրասոպկինը ձեռքը խոթեց պայուսակի մեջ, մի փոքրիկ բրոնզե թնդանոթ հանեց ու դրեց սեղանին:

— Ըհը՛, ցույց տամ, հա՛: Տես, անիվներ ունի,— քեց նա խաղալիքը սեղանի վրա,— և կարելի է կրակել: Կոտորուք լցնել մեջը և կրակել:

— Եվ կսպանի՞:

— Ում ասես կսպանի, միայն թե նշան բռնես,— և Կրասոպկինը բացատրեց, թե որտեղ պետք է դնել վառողը, որտեղ պետք է լցնել կոտորուքը, հրանցքի նման մի փոքրիկ ծակ ցույց տվեց և ասաց, թե կրակելու ժամանակ թնդանոթը ետ է ցատկում: Երեխաները լսում էին ահռելի հետաքրքրությամբ՝ նրանց երեակայությունը հատկապես բորբոքվեց, երբ իմացան, որ թնդանոթը ետ է ցատկում:

— Իսկ վառող ունե՞ք,— հարցրեց Նաստյան:

— Ունեմ:

— Վառողն էլ ցույց տվեք,— ծոր տվեց աղջնակը խնդրող ժպտով:

Կրասոպկինը նորից խառնեց պայուսակը և հանեց մի փոքրիկ սրվակ, որի մեջ իսկական վառող էր լցված մի քիչ, իսկ մի ծալված թղթի մեջ էլ մի քանի հատիկ կոտորուք կար: Նույն-իսկ բացեց սրվակը և մի քիչ վառող թափեց ափի մեջ:

— Ահա, միայն թե կրակ չլինի որևէ տեղ, թե չէ՛՝ հենց ուղղակի կպայթի և բոլորիս էլ կսպանի,— զգուշացրեց Կրասոպկինը տպավորություն գործելու համար:

Երեխաներն ակնածալի սարսափով էին դիտում վառողը, և սարսափն ավելի էր սրում նրանց հաճույքը: Բայց կոտորուքն աղելի դուր եկավ Կոստյային:

— Իսկ կոտորուքը չի՞ վառվում,— հարցրեց նա:

— Չէ, չի վառվում:

— Մի քիչ կոտորուք տվեք ինձ,— ասաց նա աղաչական ձայնով:

— Կնվիրեմ մի քիչ կոտորուք, ահա՛, վերցրու, միայն թե մամայիդ ցույց շտապ մի նշև իմ գալը, թե չէ կկարծի, որ վառող է, և ուղղակի կմեննի վախից, ձեզ էլ մի լավ կծծծի:

— Մաման մեզ երբեք էլ փայտով չի ծծծում,— նկատեց իսկույն նաստյան:

— Գիտեմ, ես պարզապես խոսքս կլորացնելու համար ասացի: Եվ մամային էլ երբեք մի՛ խաբեք, բայց այս անգամ՝ մի նշև իմ գալը: Դե ուրեմն, ճատոներ, կարո՞ղ եմ գնալ, թե չէ: Լաց չե՞ք ինի վախից, եթե գնամ:

— Լա՛ց կը-լի-նե՛նք,— ձայնը գցեց Կոստյան, արդեն լալու պատրաստ:

— Լա՛ց կլինենք, անպայման լա՛ց կլինենք,— շուտասելուկի պես վրա բերեց նաստյան վախիկ շեշտով:

— Օ՛հ, երեխաներ, երեխաներ, ինչ վտանգավո՞ր է ձեր տարիքը: Ինչ անես, պետք է ուրեմն ձեզ հետ նստեմ, ճուտիկներ, էլ չգիտեմ քանի ըտպես Իսկ ժամանակը անցնում է, ժամանակը, ո՛ւխ:

— Ասեք Պերեզվոնին՝ թող մեռա՞ծ ձևացնի,— խնդրեց Կոստյան:

— Է՛հ, ինչ անես, Պերեզվոնին էլ պիտի դիմենք ուզած-չուզած: Իսի՛, Պերեզվոնի:— Եվ Կոլյան սկսեց հրամայել շանը, շունն էլ սկսեց կատարել իր բոլոր իմացած հնարքները: Փրշոտ շուն էր, մի տեսակ գորշ ու բաց մանիշակագույն, բակի սովորական շան մեծությամբ: Աջ աչքը կույր էր, իսկ ձախ ականջը չգիտես ինչու ձեղքված էր: Վնգստում ու ցատկոտում էր նա, կանգնում էր ետևի թաթերի վրա, քայլում էր այդպես, պառկում էր մեջքի վրա և չորս թաթերը վեր ցցած մնում անշարժ, մեռածի նման: Այս վերջինը կատարելու ժամանակ դուռը բացվեց ու շեմին երևաց տիկին Կրասոտկինայի սպասուհին՝ քառասնամյա, գեր, ծաղկատար դեմքով Ազաֆյան, որ շուկայից էր վերադարձել ու գնած մթերքներով լեցուն մի տոպրակ ուներ ձեռքին: Նա կանգ առավ և, տոպրակը ձախ ձեռքում ուղիղ բռնած, սկսեց նայել շանը: Կոլյան, հակառակ որ անհամբեր սպասում էր Ազաֆյային, չընդհատեց «ներկայացումը», մի որոշ ժամանակ Պերեզվոնին պահեց մեռած վիճակում, հետո վերջապես սուլեց. շունը վեր թռավ և սկսեց ցատկել ուրախությունից, որ կատարել էր իր պարտականությունը:

— Այ քեզ շո՛ւն,— ասաց Ազաֆյան խրատական շեշտով:
— Իսկ դու ինչո՞ւ ուշացար, կինարմատ,— հարցրեց Կրասոտկինը սաստելու պես:

— Կինարմատ: Սրա՛ն տեսեք, պզո՞ւկ:

— Պզո՞ւկ:

— Հա՛, պզուկ: Քե՞զ ինչ, որ ուշացա: Եթե ուշացել եմ, ուրեմն էդպես էր պետք,— մրթմրթաց Ազաֆյան, որ սկսել էր վառարանով զբաղվել. նրա ձայնի մեջ բոլորովին էլ դժգոհություն կամ բարկություն չկար, այլ ընդհակառակը, շատ զոհ էր, կարծես ուրախանում էր, որ առիթ էր գտել մի փոքր գզվուկելու իր դեռատի ու կենսուրախ տիրոջ հետ:

— Լսի՛ր, թեթևամիտ պառավ,— սկսեց Կրասոտկինը, վեր կենալով բազմոցից,— կարո՞ղ ես դու ինձ երգվել ամեն ինչով, որ սուրբ է այս աշխարհում, և դեռ դրանից էլ ավելի մի բանով երգվել, որ ուշի-ուշով հսկելու ես ճատոներին իմ բացակայության ժամանակ: Ես գնում եմ:

— Իսկ ինչի՞ քեզ երգվեմ որ,— ծիծաղեց Ազաֆյան,— առանց այն էլ կնայեմ երեխեքին:

— Չէ, պետք է երգվես թո հոգու հավիտենական փրկությանը: Թե չէ՛ չեմ գնա:

— Է՛հ, մի՛ գնա, ի՞մ ինչ գործն է: Յուրտ է դրսում, նստիր տանը:

— Ճատոնե՛ր,— դարձավ Կոլյան երեխաներին,— այս կինը կմնա ձեզ հետ մի նշև իմ գալը կամ էլ մի նշև ձեռք մամայի գալը, որովհետև նա էլ պետք է վաղուց վերադառնար արդեն: Բացի այդ, ձեզ նախաձաշ էլ կտա: Կտա՞ս նրանց մի բան, Ազաֆյա:
— Կարելի է:

— Յոնսություն, ճուտիկներ, հանգիստ սրտով գնում եմ: Իսկ դու, տատ ջան,— կես ձայնով ու լուրջ-լուրջ ասաց նա երբ անցնում էր Ազաֆյայի մոտից,— հույս ունեմ, որ Կատերինայի մասին ձեր սովորական կնկա հիմարությունները չես փչի նրանց առաջ, կխնայես նրանց մատղաշ տարիքը: Իսի՛, Պերեզվոնի:

— Դե գնա՞ քանիդ,— սաստեց Ազաֆյան արդեն բարկացած:— Խայտառակ: Քե՞զ պետք է ծծծել էդպիսի խոսքերի համար, ա՛յ թե ինչ:

Բայց Կոլյան արդեն չէր լսում: Վերջապես կարող էր գնալ: Գուրս գալով դարպասից, շուրջը նայեց, վեր քաշեց ուսերը, «Սառնամանի՜ք է» ասաց, ուղիղ գնաց փողոցով և հետո դարձավ աջ նրբանցքը, որ շուկայի հրապարակն էր տանում: Դեռ հրապարակ չհասած, նախավերջին տան դարպասի առաջ կանգ առավ, գրպանից մի սուլիչ հանեց և սուլեց ամբողջ ուժով, ասես պայմանական նշան էր տալիս: Հազիվ մեկ րոպե ստիպված եղավ սպասել, հանկարծ դարպասի դռնակից դուրս թռավ կարմիր այտերով, մոտ տասնմեկ տարեկան մի տղա, որ նույնպես ձմեռային վերարկու էր հագել, կոկիկ, նույնիսկ պճնագեղ մի վերարկու: Սմուրովն էր, նախապատրաստական դասարանի մի տղա (այնինչ Կոլյա Կրասոտկինն արդեն երկու դասարան բարձր էր նրանից): Բարեկեցիկ մի պաշտոնյայի որդին էր նա, և ծնողները կարծես թույլ չէին տալիս ընկերություն անել Կրասոտկինի հետ, որ կապը կտրած շար տղայի համբավ ուներ, այնպես որ Սմուրովը, պարզ է, գողտուկ էր ճողոպրել հիմա տնից: Այս Սմուրովը, եթե ընթերցողը չի մոռացել, մեկն էր այն տղաներից, որ երկու ամիս առաջ քար էին նետում Իլյուշայի վրա, և նա էր, որ այն ժամանակ Իլյուշայի մասին պատմել էր Ալլոշա Կարամազովին:

— Մի ամբողջ ժամ ձեզ եմ սպասում, Կրասոտկին, — ասաց Սմուրովը վճռական արտահայտությամբ, և տղաները քայլեցին դեպի հրապարակ:

— Ուշացա, — պատասխանեց Կրասոտկինը: — Որոշ հանգամանքներ կային: Քեզ չե՞ն ծեծի, որ ինձ հետ ես գալիս:

— Դե լա՛վ, ինձ ե՞րբ են ծեծել որ: Պերեզվո՞նն էլ ձեզ հետ է:

- Այո:
- Նրա՞ն էլ այնտեղ եք տանում:
- Նրան էլ:
- Ա՛խ, եթե Ժուլկան լիներ:
- Անկարելի է: Ժուլկան չկա: Ժուլկան կորավ անհայտության խավարի մեջ:
- Ախ, չե՞ր կարելի, որ այսպես անեինք, — կանգ առավ

հանկարծ Սմուրովը: — Գիտե՞ս ինչ, Իլյուշան ասում է, որ Ժուլկան էլ փրչոտ է եղել, այսպես գորշ, ծխի գույն, ճիշտ Պերեզվոնի նման: Զի՞ լինի որ ասենք՝ սա հենց այն Ժուլկան է, գուցե հավատա, հա՛:

— Դպրոցական, խորշիր սուտ ասելուց, այս մեկ: Նույնիսկ բարի գործի համար սուտ մի՛ խոսիր, այս էլ երկուս: Իսկ ամենակարևորը՝ հույս ունեմ, որ այնտեղ ոչինչ չես ասել իմ գալու մասին:

— Աստված չանի, ես հո հասկանում եմ: Բայց Պերեզվոնով նրան չես մխիթարի, — հառաչեց Սմուրովը: — Գիտե՞ս ինչ, նրա հայրը, այդ կապիտանը, «Ճիլո՛ւյը», մեզ ասաց, որ այսօր մի շան ձագ է բերելու նրան, իսկական գամփոռի ձագ, սև դնշով: Կարծում է, որ դրանով կմխիթարի Իլյուշային, բայց հազիվ թե, հա՛:

— Իսկ ինչպե՞ս է ինքը՝ Իլյուշան:

— Ա՛խ, վատ է վիճակը, վատ: Կարծում եմ՝ թոքախտ է: Ուշքը լրիվ տեղն է, միայն թե այնպես արագ-արագ է շնչում, վատ է շնչում, վատ: Անցյալ օրը խնդրեց, որ մի քիչ ման ածեն իրեն, կոշիկները հագցնեն, փորձեց քայլել, բայց չէր կարողանում ոտքի վրա մնալ: «Ախ հայրիկ, — ասաց, — բեզ ասել եմ, որ վատ են իմ կոշիկները, այս հին կոշիկները, առաջ էլ գծվար էի քայլում սրանցով»: Կարծում էր՝ կոշիկներից է, որ չի կարողանում ոտքի վրա մնալ, բայց պարզապես թուլությունից էր: Մի շաբաթ էլ չի ապրի: Հերցենշտուբեն գալիս նայում է: Հիմա նորից հարուստ են նրանք, շատ փող ունեն:

- Խաբեբաներ են:
- Ովքե՞ր են խաբեբաները:
- Բժիշկները և ամբողջ այդ բժշկական ոճմակը առհասարակ, և անշուշտ նաև մասնավորապես: Ես չեմ ընդունում բժշկությունը: Անօգուտ հաստատություն է: Եվ սակայն այդ բոլորը դեռ կուսումնասիրեմ ես: Բայդ այդ ի՞նչ քնքուշ զգացմունքներ եք սկսել այնտեղ: Կարծեմ ամբողջ դասարանով եք գնում մոտը, հա՛:

— Ոչ ամբողջ դասարանը, մերոնցից մի տասը հոգի գնում է միշտ, ամեն օր: Բան չկա դրա մեջ:

— Այս բոլորի մեջ ինձ զարմացնում է Ալեքսեյ Կարամազովի դերը. վաղը կամ մյուս օր նրա եղբորը դատում են այդ-

պիսի ոճրագործութեան համար, իսկ ինքը այնքա՞ն ժամանակ ունի, որ տղաների հետ փափկասրտութիւն է անում:

— Այստեղ ոչ մի փափկասրտութիւն էլ չկա: Այ դու ինքդ էլ հիմա գնում ես Իլյուշայի հետ հաշտվելու:

— Հաշտվելո՞ւ Միծաղելի՛ խոսք: Այն էլ ասեմ, որ ոչ ոքի թույլ չեմ տա իմ արարքները վերլուծել:

— Բայց Իլյուշան ինչպե՞ս կուրախանա, երբ քեզ տեսնի: Նրա մտքովն էլ չի անցնում, որ դու կգնաս մտոր: Ինչո՞ւ, ինչո՞ւ այսքան երկար ժամանակ չէիր ուզում գնալ, — հանկարծ սրտանց բացականչեց Սմուրովը:

— Դա ի՛մ գործն է, սիրելի տղաս, ոչ թե քոնը: Ես իմ կամքով եմ գնում, որովհետև այդպես եմ ուզում, իսկ ձեզ բոլորիդ Ալեքսեյ Կարամազովը քաշ տվեց այնտեղ. դե ուրեմն տարբերութիւն կա: Եվ որտեղի՞ց գիտես, գուցե բոլորովին էլ հաշտվելու չեմ գնում: Հիմա՛ր խոսք:

— Ոչ, ոչ, Կարամազովը չէր, բոլորովին նա չէր: Մերոնք հենց ինքները սկսեցին գնալ, սկզբում իհարկե Կարամազովի հետ: Եվ ոչ մի այդպիսի բան էլ չեղավ, ոչ մի հիմարութիւն: Նախ մեկը գնաց, հետո մյուսը: Հայրը սոսկալի ուրախացավ, որ գնացինք: Գիտե՞ս, նա պարզապես կխելագարվի, եթե մահանա Իլյուշան: Նա տեսնում է, որ Իլյուշան կմեռնի: Բայց ինչքա՞ն ուրախ էր, որ մենք եկանք ու հաշտվեցինք Իլյուշայի հետ: Իլյուշան քո մասին հարցրեց, հետո էլ ոչինչ շատաց: Հենց հարցնում է ու լուռ: Իսկ հայրը կա՛մ կխելագարվի, կամ էլ կկախի իրեն: Առաջ էլ նա խելագարի պես էր պահում իրեն, չէ՞: Գիտե՞ս, նա ազնիվ մարդ է, և այն ժամանակ սխալ բան եղավ: Ամբողջ այդ հայրասպանն է մեղավոր՝ ձեռքն նրան այն ժամանակ:

— Բայց համենայն դեպս Կարամազովը հանելուկ է ինձ համար: Կարող էի վաղուց ծանոթանալ հետը, բայց որոշ դեպքերում ես սիրում եմ հպարտ կիներ: Եվ մեկ էլ՝ նրա մասին մի որոշ կարծիք եմ կազմել և դեռ պետք է ստուգեմ իմ կարծիքը, պարզեմ:

Կոլյան լռեց՝ լուրջ դեմք ընդունելով: Սմուրովն էլ լուռ մնաց: Սմուրովն անշուշտ պաշտում էր Կոլյա Կրասոտկինին և չէր էլ համարձակվում մտածել, թե ինքը կարող է նրա հավասարը լինել: Իսկ հիմա սաստիկ հետաքրքրվել էր, որովհետև Կոլյան ասաց, թե ինքը «իր կամքով» է գնում, ուրեմն անպայ-

ման մի հանելուկ կա այստեղ, եթե Կոլյան որոշել է հիմա՞ գնալ, հենց այսօր: Նրանք անցնում էին շուկայի հրապարակով, ուր գյուղերից եկած բազմաթիվ սայլեր կային ու տեսակ-տեսակ կենդանի թռչուններ: Քաղաքի մանրավաճառ կանայք, տաղավարներում կանգնած, օղաբլիթ, կարի թել և այլ իրեր էին ծախում: Այդպիսի կիրակնօրյա շուկաները մեր քաղաքում միամտորեն կոչվում են տոնավաճառներ, և այդպիսի տոնավաճառները հաճախ են լինում տարվա մեջ: Պերեզվոնը վազվզում էր ամենակայտառ տրամադրությամբ, անընդհատ շեղվելով աջ կամ ձախ՝ մի որևէ տեղ մի որևէ բան հոտտեկու: Երբ ուրիշ շների էր հանդիպում, արտակարգ կողանքով հոտվում էր նրանց հետ, ըստ շնական բոլոր կանոնների:

— Ես սիրում եմ դիտել կյանքի ճշմարտութիւնը, Սմուրով, — ասաց հանկարծ Կոլյան: — Նկատե՞լ ես, թե ինչպե՞ս շները հանդիպում ու հոտվում են իրար: Բնութիւն ընդհանուր մի օրենք կա նրանց արածի մեջ:

— Այո, մի տեսակ ծիծաղելի բան:

— Այսինքն ո՞չ թե ծիծաղելի, ճիշտ չես ասում: Մարդն իր նախապաշարմունքներով ի՛նչ ուզում է կարծի, բնութիւն մեջ ոչ մի ծիծաղելի բան չկա: Եթե շները կարողանային դատողութիւններ անել և քննադատել մեզ, վստահ եմ՝ նրանք էլ իրենց տերերի, այսինքն մարդկանց սոցիալական փոխհարաբերութիւնների մեջ ծիծաղելի բաներ կգտնեին իրենց համար, նույնքան կգտնեին, եթե ոչ շատ ավելի. կրկնում եմ՝ եթե ոչ շատ ավելի, որովհետև հաստատ համոզված եմ, որ մեր հիմարութիւնները շատ ավելի շատ են: Սա Ռակիտինի միտքն է, սքանչելի մի միտք: Ես սոցիալիստ եմ, Սմուրով:

— Իսկ ի՞նչ է սոցիալիստը, — հարցրեց Սմուրովը:

— Այն է, որ բոլորը հավասար լինեն, բոլորը մի ընդհանուր սեփականութիւն ունենան, ամուսնութիւնների չլինեն, իսկ կրոնն ու բոլոր օրենքները՝ ով ինչպես ուզում է, և դեռ սրանց նման շատ բաներ: Քեզ համար շուտ է, դեռ այնքան չես հասունացել, որ հասկանաս: Բայց ցուրտ է, հա՛:

— Այո: Տասներկու աստիճան է: Քիչ առաջ հայրիկս ջերմաշափը նայեց:

— Եվ նկատե՞լ ես, Սմուրով, ձմեռվա կեսին եթե տասն-հինգ աստիճան է լինում կամ նույնիսկ տասնութը, այնքան էլ ցուրտ չի թվում, ինչպես օրինակ հիմա, ձմեռվա սկզբին, երբ

հանկարծ տասներկու աստիճան սառնամանիքն է կոխում միանգամից, այ ինչպես այսօր, և մանավանդ երբ ձյունն էլ քիչ է: Դա նշանակում է, որ մարդիկ դեռ չեն վարժվել: Ամեն ինչ սովորություն է մարդկանց կյանքում, ամեն ինչ, նույնիսկ պետական ու քաղաքական փոխհարաբերությունների մեջ: Սովորությունը գլխավոր շարժիչ ուժն է: Բայց տես, ի՞նչ ծիծաղելի է այս գյուղացին:

Կոլյան ցույց տվեց մի բարձրահասակ, ոչխարենու մորթի հազած գյուղացու, որ բարի դեմք ունեւր և, իր սայլի մոտ կանգնած, ափերը ցրտից խփում էր իրար, թեև թաթմաններ կային ձեռքերին: Նրա երկար, շեկ մորուքն ամբողջովին եղյամ էր պատել:

— Գյուղացու մորուքը սառե՛լ է,— բարձր ու գրգռիչ շեշտով գոռաց Կոլյան, երբ անցնում էր նրա մոտից:

— Շատերինն է սառել,— հանգիստ ու խրատելու պես պատասխանեց գյուղացին:

— Մի՛ բարկացնի նրան,— նկատեց Սմուրովը:

— Ոչինչ, չի բարկանա, լավ մարդ է: Մնաս բարով, Մատվեյ:

— Գնաս բարով:

— Բայց ինչ է, Մատվե՞յ է անունդ:

— Մատվեյ է: Չէի՞ր իմանում:

— Չէ: Հենց այնպես ասացի:

— Հլա տե՛ս: Ոնց որ դպրոցական ես, հա՞:

— Հա, դպրոցական:

— Ինչ է, ծեծո՞ւմ են քեզ:

— Շատ էլ չէ, բայց մեկ-մեկ:

— Ցավո՞ւմ է:

— Դա էլ է պատահում:

— Է՛խ աշխարհ, աշխարհ,— հառաչեց գյուղացին սրտի խորքից:

— Մնաս բարով, Մատվեյ:

— Գնաս բարով: Անուշ տղա ես դու, այ ասեմ քեզ:

Տղաները շարունակեցին իրենց ճանապարհը:

— Լավ գյուղացի էր,— ասաց Կոլյան Սմուրովին.— Ես սիրում եմ խոսել ժողովրդի հետ և միշտ պատրաստ եմ նրան իրավունք տալու:

— Ինչո՞ւ նրան սուտ ասացիր, որ ծեծում են մեր դպրոցում,— հարցրեց Սմուրովը:

— Պե՛տք էր նրան մխիթարել, չէ՞:

— Ինչպե՞ս թե մխիթարել:

— Գիտե՛ս ինչ, Սմուրով, չեմ սիրում, երբ առաջին բանից չեն հասկանում մի բան և նորից են հարցնում: Կան բաներ, որ բացատրել էլ չի լինի: Գյուղացու հասկացողությամբ՝ դպրոցականին ծեծում են և պետք է ծեծեն. էլ ի՞նչ դպրոցական, եթե ծեծ չի ուտում: Եվ մեկ էլ հանկարծ ասեի նրան, թե մեր դպրոցում չեն ծեծում, կտխրեր, չէ՞: Բայց դու չես հասկանա այս բանը: Պետք է ժողովրդի հետ խոսելու ձևն իմանալ:

— Միայն թե մի՛ նեղացնիր նրանց, խնդրում եմ, թե չէ նորից պատմություն կստացվի, ինչպես այն սազի դեպքը եղավ:

— Ինչ է, վախենու՞մ ես:

— Մի՛ ծիծաղիր, Կոլյա, իսկապես որ վախենում եմ: Հայրս սոսկալի կբարկանա: Ինձ խտիվ արգելված է քեզ հետ ման գալ:

— Հանգիստ եղիր, այս անգամ ոչինչ չի պատահի: Բարե՛, Նատաշա,— գոռաց նա՝ տաղավարում կանգնած մանրավաճառ մի կնոջ:

— Չէ՛ մի, էլ ի՞նչ կասես. ես Մարյա եմ, ոչ թե Նատաշա,— ճղճղան ձայնով պատասխանեց կինը, որ դեռ բոլորովին էլ պառավ չէր:

— Շատ լավ է, որ Մարյա ես, ցտեսություն:

— Ա՛խ, թոկից փախած լակոտ, մի թիզ բոյ ունես, բայց արդեն ճամփեն բռնել ես, հա՞:

— Դե, դե, ժամանակ չունեմ, մյուս կիրակի կպատմես,— ձեռքերը թափ տվեց Կոլյան, կարծես թե նա՛ էր իրեն խոսք գցել, ոչ թե ինքը նրան:

— Ե՛ս եմ քեզ բան պատմելու կիրակի օրը: Ի՛նքդ ինձ կպար, ոչ թե ես քեզ, կովազա՛ն լակոտ,— գոռոռաց Մարյան.— Մի լավ պետք է դնես քեզ, հասկացա՞ր, աշխարհը գիտի, որ խուժանի մեկն ես, հասկացա՞ր:

Մյուս մանրավաճառ կանայք, որ Մարյայի հետ կանգնել էին տաղավարում, քահ-քահ ծիծաղեցին: Մեկ էլ հանկարծ, շփոտես ինչու, մի ջղայնացած մարդ դուրս վազեց քաղաքային

խանութների կամարակապ նրբանցքից. առևտրական գործա-
կատար էր կարծես, բայց մերոնցից չէր, այլ եկվոր, կապույտ
ու երկար բաճկոն էր հագել, հովարով գլխարկ, երիտասարդ էր՝
մուգ շագանակագույն գանգուրներով ու երկար, գունատ, ծաղ-
կատար դեմքով: Մի տեսակ հիմարորեն բորբոքվել էր և անմի-
ջապես սկսեց բռունցքով սպառնալ Կոլյային:

— Ես քեզ գիտե՛մ, — բացականչում էր ջղայնացած, —
ճանաչու՛մ եմ քեզ:

Կոլյան ուշի-ուշով նայեց նրան: Չէր էլ կարողանում հի-
շել, թե ինքը երբևիցե վեճ ու կռիվ ունեցե՞լ էր այդ մարդու
հետ: Բայց որքա՛ն ասես վեճ ու կռիվ էր ունեցել փողոցնե-
րում, հնարավո՞ր էր հիշել այդ բոլորը:

— Ճանաչու՛մ ես, — հեգնորեն հարցրեց նա:

— Ես քեզ գիտե՛մ: Ես քեզ գիտե՛մ, — հիմարի պես իրենն
էր պնդում քաղթենին:

— Ավելի լավ քե՛զ համար: Դե՛հ, ժամանակ չունեմ, մնաս
բարով:

— Ինչի՞ ես կովշտում, — գոռաց մարդը: — Էլի կռիվ ես
ման գալի, հա՛: Ես քեզ գիտե՛մ: Էլի կռի՞վ ես ման գալի:

— Էլ քո ի՞նչ գործն է հիմա, ախպերս, կռի՞վ եմ ման գա-
լի, թե չէ, — ասաց Կոլյան, կանգ առնելով ու շարունակելով
գիտել նրան:

— Ո՞նց թե իմ ինչ գործը:

— Այնպես: Քո գործը չէ:

— Իսկ ո՞ւմ գործն է: Ո՞ւմ գործը: Ո՞ւմ գործն է, հը՞:

— Հիմա դա Տրիֆոն Նիկիտիչի գործն է, ախպերս, ոչ թե
քոնը:

— Էդ ո՞ր Տրիֆոն Նիկիտիչի, — ապուշ զարմանքով հարց-
րեց երիտասարդը և աչքերը շորս բացած նայեց Կոլյային, թեև
գեռ շարունակում էր բորբոքված մնալ: Կոլյան ոտից գլուխ
չափեց նրան հայացքով:

— Սուրբ Հարություն գնացի՞ր, — հարցրեց նա հանկարծ
խիստ ու անհողողող շեշտով:

— Ի՞նչ սուրբ Հարություն: Ինչո՞ւ: Չէ, չեմ գնացել, — շվա-
րեց մի քիչ երիտասարդը:

— Սաբանեկին գիտե՛ս, — ավելի խիստ ու ավելի անհող-
ղող շարունակեց Կոլյան:

— Ի՞նչ Սաբանեկ: Չէ, չգիտեմ:

— Դե ուրեմն գրո՞ղը տանի քեզ, — կարճ կտրեց հանկարծ
Կոլյան և, կտրուկ աջ դառնալով, արագ շարունակեց իր ճամ-
փան, կարծես թե խոսելն իսկ ավելորդ էր համարում այնպիսի
մի տխմարի հետ, որ անգամ Սաբանեկին չի ճանաչում:

— Սպասի տո՛, հե՛յ: Էդ ի՞նչ Սաբանեկ է, — ուշքի եկավ
երիտասարդը, նորից գլխովին բորբոքված: — Էդ ի՞նչ էր
ասածը, — դարձավ հանկարծ մանրավաճառ կանանց, հիմար-
հիմար նայելով նրանց:

Կանայք ծիծաղեցին:

— Տարորինակ տղա է, բան չես հասկանա, — ասաց նը-
րանցից մեկը:

— Էդ ի՞նչ Սաբանեկ էր ասում, ի՞նչ Սաբանեկ, — կրկնում
էր երիտասարդը մոլեգնորեն, շարունակ թափ տալով աջ ձեռ-
քը:

— Կա-չկա՛ դա էն Սաբանեկն է, որ Կուզմիչենների մոտ էք
ծառայում, այ հենց նա է, նա, — կոռահեց հանկարծ մի կին:

Երիտասարդը մի խուլ հայացք սևեռեց նրան:

— Կուզ-մի-չև՞, — մեջ ընկավ մի ուրիշ կին, — բա նրա
անունը Տրիֆոն է: Կուզմա է, ոչ թե Տրիֆոն, իսկ տղեն Տրի-
ֆոն Նիկիտիչ ասաց, ուրեմն նա չի:

— Ինձ լսեք, նա ոչ Տրիֆոն է, ոչ էլ Սաբանեկ, Չիժով է,
Չիժով, — վրա բերեց հանկարծ մի երրորդ կին, որ մինչ այդ
լուռ կանգնել ու լրջորեն լսում էր: — Ալեքսեյ Իվանիչ են ասում
նրան: Չիժով, Ալեքսեյ Իվանովիչ:

— Հենց էդպես էլ է՝ Չիժով, — վստահորեն հաստատեց
չորրորդ կինը:

Շշմած երիտասարդը մեկ սրան էր նայում, մեկ նրան:

— Բայց ինչի՞ էր հարցնում, է՛, ինչի՞ էր հարցնում, ասեք
ինձ, աստվա՛ծ սիրեք, — բացականչում էր նա արդեն համար-
յա հուսահատված: — «Սաբանեկին գիտե՛ս»: Սատանան գիտի,
թե էդ ով է էդ Սաբանեկը:

— Անհասկացող մարդ ես, հա՛: Ասում են քեզ՝ ոչ թե
Սաբանեկ, Չիժով է, Ալեքսեյ Իվանովիչ Չիժով, հասկացա՞ր ով
է, — ազդու շեշտով գոռաց կանանցից մեկը:

— Ի՞նչ Չիժով: Ո՞վ է Չիժովը: Դե ասա՛, եթե գիտես:

— Լող-լող էնպես, փսլնքոտ, ամառս նստում էր շուկայում:

— Իմ ինչի՞ն է պետք քո էդ Չիժովը, աստված սիրեք, հը՞:

— Ես ի՞նչ գիտեմ քո ինչին է պետք Չիժովը:

— Ո՞վ կարող է իմանա ինչի է նա քեզ հարկավոր,— վրա բերեց մի ուրիշը.— ինքդ պետք է իմանաս ինչ ես ուզում նրանից, որ էսպես զոդոսցը գցել ես: Ախր նա քե՞զ ասաց, ոչ թե մեզ, այ թե հիմարն ես, հա՛: Ինչ է, իսկապե՞ս չգիտես նրան:

— Ո՞ւմ:

— Չիժովին:

— Դե գրո՞ղը տանի Չիժովին էլ, քեզ էլ: Մի լավ ջարդե-լու եմ նրան, ա՛յ ասում եմ: Միժաղում էր ինձ վրա:

— Էդ դու Չիժովի՞ն ես ջարդում, ինչ է: Թե նա՛ է քեզ ջարդում: Հիմարի մեկն ես, հա՛:

— Չէ, չէ, Չիժովին չէ, անպիտան կնիկ, օձի կծած, էն տղին եմ ջարդելու, հասկացա՞ր: Բռնե՞ք նրան, բերեք էստեղ, ծիծաղում էր ինձ վրա:

Կանայք քրքում էին: Իսկ Կոլյան արդեն հեռացել էր հաղ-թական տեսքով: Սմուրովը քայլում էր նրա կողքից, ետ դառ-նալով ու նայելով հեռվում գոռոռացող այդ խմբին: Նրա տրամադրությունն էլ շատ բարձր էր, թեև դեռ վախենում էր, որ շինի թե փորձանքի մեջ ընկնի Կոլյայի հետ:

— Այդ ի՞նչ Սաբանեկ էր,— հարցրեց նա Կոլյային, նա-խազգալով պատասխանը:

— Շա՞տ գիտեմ ինչ Սաբանեկ է: Հիմա նրանք մինչև իրի-կուն փորոգոտան: Սա սիրում եմ թափ տալ հիմարներին՝ հասա-րակության բոլոր խավերում: Ահա մի դժբո էլ է կանգնել, ահա այս գյուղացին, տես: Ասում են՝ «Չկա ավելի հիմար բան, քան հիմար ֆրանսիացին», բայց նկատի ունեցիր, որ ուստի դեմքն էլ մատնում է ինքն իրեն: Դե ա՛յ, սրա դեմքին չի՞ գրված, որ հիմարի մեկն է, ահա այս գյուղացու դեմքին, հը՞:

— Հանգիստ թող նրան, Կոլյա, անցնենք դեմքս:

— Չէ՞, ոչ մի դեպքում, ախորժակս եկել է արդեն: Հե՛յ, բարի օր, գյուղացի ախպեր:

Կլոր ու հիմարավուն դեմքով, ալեխառն մորուքով հաղ-թանդամ գյուղացին, որ երևի խմել էր արդեն և դանդաղ անցնում գնում էր, գլուխը բարձրացրեց և նայեց տղային:

— Դե լավ, բարի օր, եթե հանաք չես անում,— պատաս-խանեց նա անշտապ:

— Իսկ եթե հանա՞ք եմ անում,— ծիծաղեց Կոլյան:

— Է՛հ, անում ես, արա, աստված քեզ հետ: Ինչ կա որ: Արածդ թող հանաք լինի, դա միշտ էլ կարելի է:

— Կներես, ախպերս, հանաք էրս
— Է՛հ, աստված քեզ ների:
— Ի՞նչ դու, որ՞ես ներս՞ում ես:
— Շատ լավ էլ ներում եմ: Գնա բանիդ:
— Տես է՛, դու խելոք գյուղացի ես երևում:
— Քեզնից խելոք եմ,— պատասխանեց գրուղացին ան-սպասելիորեն և նույն ժանրակշիռ արտահայտությամբ:
— Հաղիվ թե,— շփոթվեց մի քիչ Կոլյան:
— Ճիշտ եմ ասում:
— Գուցե և այդպես է:
— Հա, էդպես է, քանիկս:
— Մնաս բարով, գյուղացի ախպեր:
— Գնաս բարով:
— Գյուղացիները բոլորն էլ նույնը չեն ըինում,— նկատեց Կոլյան մի փաթը լսելուց հետո, դիմելով Սմուրովին:— Որտե-ղի՞ց իմանայի, որ խելոքին կհանդիպեմ: Սա միշտ պատրաստ եմ ընդունելու, որ խելք ասված բանը կա՛ ժողովրդի մեջ:
Հեռվում մայր եկեղեցու ժամացույցը տասնմեկ անց կեսը խփեց: Տղաներն սկսեցին շտապել և արագորեն, գրեթե առանց խոսելու անցան մնացած ճանապարհը, որ դեռ բավական եր-կար էր՝ մինչև փոխկապիտան Սնեգիրյովի բնակարանը: Քսան քայլ էր մնացել, երբ հանկարծ Կոլյան կանգ առավ և Սմուրո-վին պատվիրեց առաջ գնալ և Կարամազովին կանչել դուրս՝ իր մոտ:

— Պետք է նախօրոք շոշափել մի քիչ,— նկատեց նա:
— Բայց ի՞նչ կարիք կա դուրս կանչելու,— առաքվեց Սմու-րովը,— հենց ուղղակի մտիր, սոսկալի կուրախանան, որ եկել ես: Թե չէ այս ցրտին ծանոթանա՞լն ինչ է:
— Ե՛ս գիտեմ, թե ինչու եմ նրան դուրս կանչում այս ցրտին,— կարճ կտրեց Կոլյան տիրական շեշտով (նա շատ էր սիրում այդ ձևով խոսել այս «փոքրերի» հետ), և Սմուրովը վա-զեց հրամանը կատարելու:

IV

ԺՈՒՉԿԱՆ

Կոլյան դեմքի ծանրակշիռ արտահայտությամբ հենվեց ցանկապատին և սպասեց Ալյոշայի երևալուն: Այո, վաղուց ար-գեն ուզում էր հանդիպել նրան: Ալյոշայի մասին շատ էք բեկ

տղաներից, բայց մինչև հիմա միշտ էլ արհամարհական անտարբերություն էր ցուցաբերել արտաքուստ, երբ խոսում էին նրա մասին, նույնիսկ «քննադատել» էր նրան, լսելով այն, ինչ հաղորդում էին իրեն նրա ասածներից: Բայց սրտի խորքում շատ, շատ էր ուզում ծանոթանալ. համակրական ու գրավիչ մի բան կար այն բոլոր պատմությունների մեջ, որ լսել էր Ալյոշայի մասին: Այսպիսով, ներկա պահը կարևոր էր Կոլյայի համար. նախ և առաջ, պետք է այնպես աներ, որ ամոթով չմնար, իր անկախությունը ցույց տար. «Թե չէ կմտածի, որ տասներեք տարեկան եմ և ինձ էլ սրանց նման երեխայի տեղ կդնի: Իսկ ի՞նչ է ուզում այս երեխաներից: Կհարցնեմ, երբ լավ ծանոթանամ հետը: Բայց վատ է, որ այսքան կարճ է հասակս: Տուգիկովը փոքր է ինձնից, բայց մի կես զլխով ավելի երկար է: Բայց խելացի դեմք ունեմ. գեղեցիկ չեմ, նույնիսկ գիտեմ, որ զզվելի եմ դեմքով, բայց խելացի է դեմքս: Եվ մեկ էլ՝ կարիք չկա շատ բացվելու, թե չէ հենց միանգամից որ գիրկն ընկնեմ, կարող է մտածել... Թո՛ւհ, ինչ զզվելի բան կլինի, եթե մտածի, որ...»:

Այսպես հուզվում էր Կոլյան, ամբողջ էությունամբ ջանալով խիստ անկախ տեսք ընդունել: Հատկապես նրան տանջում էր կարճ հասակը. ոչ այնքան իր «զզվելի» դեմքը, որքան հենց կարճ հասակը: Տան մի անկյունում, պատի վրա, դեռ անցյալ տարի մատիտով մի գիծ էր քաշել, նշելով իր հասակը, և դրանից հետո երկու ամիսը մեկ մոտենում էր պատին անձկությամբ, տեսնելու համար, թե որքան է աճել: Բայց ավա՛ղ, սոսկալի դանդաղ էր աճում, և դա երբեմն պարզապես հուսահատության էր մատնում նրան: Իսկ դեմքը բնավ էլ «զզվելի» չէր, այլ ընդհակառակը՝ բավական առինքնող էր, սպիտակ, դալկավուն, պեպենտ: Մոխրագույն, փոքր, բայց վառվռուն աչքերը նայում էին հանդուգն հայացքով և հաճախ զգացմունքն էր բոցավառվում նրանց մեջ: Այտոսկրերը մի քիչ լայն էին, շրթունքները՝ փոքր, ոչ շատ հաստ, բայց շատ կարմիր. քիթն էլ փոքր էր և որոշակիորեն վեր ցցված: «Ուղղակի կճատ քիթ է, կճա՛տ քիթ», — մրթմրթում էր ինքնիրեն Կոլյան, երբ հայելու մեջ էր նայում, և միշտ էլ վրդովմունքով էր հեռանում հայելուց: «Բայց գուցե դե՛մքս էլ խելացի չէ», — մտածում էր նա երբեմն, նույնիսկ դրան էլ կասկածելով: Եվ սակայն պետք չէ կարծել, թե իր դեմքի ու հասակի մասին մտահոգությունը կլանում էր

Նրա ամբողջ խելքն ու միտքը: Ընդհակառակը, որքան էլ դառն լինեին այդ բուպեները հայելու առաջ, շուտով մոռանում էր դրանք, և նույնիսկ երկար ժամանակ մոռանում, «լիովին հանձնվելով գաղափարներին և իրական կյանքին», ինչպես ինքն էր բնորոշում իր գործունեությունը:

Ալյոշան շուտով երեաց և շտապ մոտեցավ Կոլյային: Դեռ մի քանի քայլ հեռվից Կոլյան տեսավ, որ Ալյոշայի դեմքը մի տեսակ շատ ուրախ էր: «Մի՞թե այդքան ուրախ է, որ ինձ է տեսնում», — մտածեց Կոլյան գոհունակությամբ: Այստեղ ի դեպ նշենք, որ Ալյոշան շատ էր փոխվել այն օրից, երբ վերջին անգամ տեսանք նրան. հանել էր պարեգոտը և սքանչելի կարված սերթուկ էր հագնում հիմա, կլոր ու փափուկ զլխարկ, մազերն էլ կարճ էին կտրված: Այս բոլորը շատ էին գեղեցկացրել նրան, ուղղակի սիրունիկ մի տղամարդ էր դարձել: Նրա առինքնող դեմքին միշտ էլ ուրախ արտահայտություն կար, բայց դա մի տեսակ մեղմ ու հանգիստ ուրախությունն էր: Կոլյան զարմացավ, որ Ալյոշան դուրս էր եկել առանց վերարկուի, հենց այն հագուստով, որով նստել էր սենյակում. երևում էր, որ շտապել է: Նա ուղղակի ձեռքը մեկնեց Կոլյային:

— Ահա վերջապես դուք էլ եկաք: Ի՞նչ անհամբեր սպասում էինք ձեզ բոլորս:

— Պատճառներ կային, հիմա հիմանաբ: Համենայն դեպս, ուրախ եմ, որ ծանոթանում եմ: Վաղուց էի սպասում առիթի և շատ եմ լսել, — մրթմրթաց Կոլյան, և շունչը կտրվեց մի քիչ:

— Մենք այնուամենայնիվ պիտի ծանոթանայինք իրար, ինքս էլ ձեր մասին շատ եմ լսել: Բայց այստեղ, այստե՛ղ ուշ եկաք:

— Ասացեք, ինչպե՞ս է դրությունը այստեղ:

— Իլյուշան շատ վատ է, կմահանա անպայման:

— Ի՞նչ եք ասում: Ընդունեցեք, որ բժշկությունը ստոր բան է, Կարամազով, — բացականչեց Կոլյան եռանդազին:

— Իլյուշան հաճախ, շատ հաճախ էր հիշում ձեզ, նույնիսկ քնած ժամանակ, զառանցանքի մեջ, գիտե՞ք: Երևում է, որ դուք առաջ շատ, շատ թանկ եք եղել նրա համար... մինչև այն դեպքը... դանակը... Մի ուրիշ պատճառ էլ կա... Ասացեք, սա ձե՞ր շունն է:

— Իմն է: Պերեզվոն:

— Եվ ո՛չ թե ժուշկա,— Ալլուշան ցավագին նայեց Կոլլայի աչքերի մեջ:— Այնպես էլ կորավ-գնա՞ց ժուշկան:

— Գիտեմ, բոլորդ էլ կուզեիք, որ ժուշկան լիներ, ամեն ինչ լսել եմ,— խորհրդավոր ժպտաց Կոլլան:— Լսեցեք, Կարամազով, ես ձեզ կբացատրեմ ամբողջ խնդիրը, հենց դրա համար եմ եկել, դրա համար էլ դուրս կանչեցի ձեզ. նախօրոք բացատրեմ ամբողջ պատմությունը, ներս մտնելուց առաջ,— աշխուժորեն սկսեց նա:— Հասկանո՞ւմ եք, Կարամազով, դարնան էր՝ Իլլուշան նախապատրաստական դասարանը մտավ: Դե գիտեք մեր նախապատրաստական դասարանը՝ պատիկ տղաներ են, երեխաներ: Հենց իսկույն սկսեցին կայնել Իլլուշային: Ծն երկու դասարան բարձր եմ, և պարզ է՝ հեռվից եմ նայում, կողմնակի անձ: Տեսնում եմ՝ փոքրիկ, թույլ տղա է, բայց զուլս չի թեքում, նույնիսկ կովում է նրանց հետ, հպարտ է, աշուկաները վառվում են: Սիրում եմ այդպիսիներին: Իսկ մյուսները, տեսնում եմ, ավելի խիստ նեղացնում են նրան: Մանավանդ որ նա այն ժամանակ մի զարհուրելի վերարկու էր հագնում, տաբատը՝ նեղ-նեղ, կոշիկները՝ ծակ-ծակ: Մեկ էլ դրա համար կայնում էին նրան: Նվաստացնում էին: Չէ՞, այդ արդեն շեմ սիրում: Անմիջապես պաշտպան կանգնեցի և մի կարգին դաս տվեցի մյուսներին: Ծն ծեծում եմ նրանց, իսկ նրանք ինձ պաշտում են, գիտե՞ք, Կարամազով,— անկեղծ մղումով իր գլուխը գտնեց Կոլլան:— Եվ առհասարակ սիրում եմ երեխաներին: Հիմա էլ տանը երկու ճուտ նստած են իմ վզին, այսօր նույնիսկ պատճառ եղան, որ ուշանամ: Այսպես ուրեմն, էլ վերջ տվեցին Իլլուշային փեծելուն, և ես նրան իմ պաշտպանության տակ առա: Տեսնում եմ՝ հպարտ տղա է, ասում եմ ձեզ՝ հպարտ, բայց վերջը ստրուկի պես նվիրվեց ինձ, իմ ամենափոքր հրամանները կատարում էր, այնպես էր հնազանդվում՝ կարծես աստված լինեի. ամեն ինչ անում էր, որ ինձ նմանվի: Դասամիջոցներին խնդրեց վազում էր ինձ մոտ, և միտտին էինք ման դալիս: Կիրակի օրերը նույնպես: Մեք դպրոցում ծիծաղում են, երբ մեծը այդ ձևով ընկերություն է անում փոքրի հետ, բայց դա նախապաշարմունք է: Սիրտս այսպե՛ս է ուզում և վե՛րջ ճիշտ չե՛մ ասում: Բան էի սովորեցնում նրան, զարգացնում էի, և ասացեք խնդրեմ՝ ինչո՞ւ չեմ կարող զարգացնել, եթե նա ինձ դուր է գալիս: Չէ՞ որ ահա դուք էլ, Կարամազով, մոտիկացել եք բոլոր այս ճտերի հետ, ուրեմն ուզում եք ազդեցություն

զործել նոր սերնդի վրա, զարգացնել, օգտակար լինել, չէ՞: Եվ խոստովանում եմ, ինձ ամենից ավելի հեռաբաբերեց ձեր բնավորության ա՛յդ գիծը, որ իմացել եմ ձեր մասին իմ լսածներից: Բայց անցնե՞ք հարցին. նկատում էի, օր մի տեսակ զգայուն, փափկասիրտ բաներ են զարգանում տղայի մեջ, իսկ ես, գիտե՞ք, ուղղակի ատում եմ բոլոր տեսակի հորթային քնքշությունները, հենց իմ ծնված օրից: Եվ մեկ էլ հակասություններ էի տեսնում. հպարտ է, բայց ստրուկի պես նվիրվել է ինձ. ստրուկի պես նվիրվել է, բայց հանկարծ աչքերը վառվում են և նույնիսկ չի էլ ուզում համաձայնվել ինձ հետ, վիճում է, կատաղությունից ուտում իրեն: Երբեմն այս կամ այն գաղափարն էի քարոզում. նա ոչ թե գաղափարները չէր ընդունում, այլ պարզապես տեսնում էի՝ ուղղակի ի՛մ դեմ է իր ըմբոստությունը, որովհետև ես ստոն եմ պատասխանում իր քնքշություններին: Դե ես էլ, պնդացնելու համար նրան, որքան ավելի քնքուշ էր լինում՝ այնքան ավելի սառն էի պահում ինձ, դիտմամբ էի անում, այդպես է իմ համոզմունքը: Միտքս այն էր, որ բնավորությունը կոփեմ, ձևի մեջ դնեմ, մարդ ստեղծեմ... և հետո էլ... դե պարզ է, դուք մի բանից հասկանում եք ինձ: Մեկ էլ հանկարծ նկատեցի՝ մի օր չէ, երկու օր չէ, երեք օր՝ զուլսը կախել է, ցավ ունի սրտում, բայց ոչ թե այդ քնքշությունների համար, չէ՞, մի ուրիշ բան է ցավը, ավելի կարևոր, բարձր մի բան: Մտածեցի՝ ի՛նչ ողբերգություն է տեսնես: Վրա տվեցի և հասկացա բանը. շփոտեմ ինչպես, ծանաթացե՛ք է Սմերդյակովի հետ՝ ձեր հանգուցյալ հոր ծառայի (իսկ ձեր հայրը դեռ կենդանի էր այն ժամանակ), և այդ Սմերդյակովին էլ, դու մի առա, մի հիմար կատակ է սովորեցրել նրան, տխմար լակոտին, այսինքն վայրենի մի կատակ, ստոր կատակ. այսինքն թե՛ մի կտոր հացի միջուկ վերցրու, ասեղ խոթիր մեջը և գցիր մի որևէ շան առաջ, այնպիսի մի շան, որ սովից ուղղակի կուլ է տալիս պատառը առանց ծամելու, և նայիք, թե ինչ կլինի հետո: Ուրեմն այդպիսի մի կտոր հաց են պատրաստում և գցում են հենց այդ փրշոտ ժուշկային, որի համար այդպես իրար են անցել հիմա. բակի շուն է լինում դա, բայց տերերը պարզապես չեն կերակրում, և նա էլ ամբողջ օրը մոռված տնկած հաշում է: (Միտքում եք այդ հիմար հաշոցը, Կարամազով: Ծն տանե՛լ չեմ կարող): Ուղղակի նետվել է հացի վրա, հենց կուլ տվել ու սկսել է կաղկանծել, կտոր-կտոր պատվել, հետո վազել-գնացել է, վա-

դիւ ու անընդհատ կաղկանձել ու այդպես էլ կորել է: Իլյուշան ինքը այդպես նկարագրեց: Խոստովանում էր արածը, բայց ինչպե՛ս էր լաց լինում, գրկում էր ինձ ու ցնցվում ոտից գլուխ: «Վազում ու կաղկանձում էր, վազում ու կաղկանձում»,— հենց այս էր միայն կրկնում անընդհատ, սոսկալի ազդել էր վրան այդ պատկերը: Է՛, տեսնում եմ՝ խիղճն է տանջում: Լուրջ ընդունեցի հարցը: Մանավանդ որ՝ առաջվա բաների համար էլ ուզում էի դասը տալ: Եվ պետք է խոստովանեմ՝ խորամանկութուն արեցի, ձեռքերի, թե սոսկալի վրդովվել եմ, թեև այնքան էլ չէի վրդովվել գուցե: «Ստոր բան ես արել,— ասացի,— սրիկա ես դու: Ոչ ոքի չեմ ասի իհարկե, բայց առայժմ կապերս կտրում եմ քեզնից: Կմտածեմ արածիդ մասին և Սմուրովի միջոցով իմաց կտամ քեզ (այ հենց այս տղան, որ հիմա ինձ հետ եկավ և միշտ էլ ինձ նվիրված է եղել): Իմաց կտամ,— ասացի,— շարունակելու՞ եմ սրանից հետո հարաբերություններս քեզ հետ, թե վերջնականապես դեն եմ գցելու քեզ որպես սրիկայի»: Սոսկալի շշմեց: Խոստովանում եմ, հենց նույն րոպեին էլ զգացի, որ գուցե չափից ավելի խիստ էի վերաբերվել, բայց ի՞նչ անես՝ այդպես էի մտածում այդ րոպեին: Անցավ մի օր, Սմուրովին ուղարկեցի ասելու, թե այլևս «չեմ խոսում» հետը, այսինքն մենք այդպես ենք ասում, երբ երկու ընկեր կտրում են իրենց հարաբերությունները: Թաքուն միտքս այն էր, որ ընդամենը մի քանի օր երես դարձնեմ նրանից, հետո երբ զղջալը տեսնեմ՝ նորից մեկնեմ իմ ձեռքը: Հաստատ մտադրել էի այդպես: Բայց ինչ եք կարծում՝ լսել է Սմուրովին, և հանկարծ աչքերը սկսել են վառվել: «Ասա՛ իմ կողմից Կրասոտկինին,— գոռացել է,— սրանից հետո բոլոր շնորհին ասեղով հաց եմ գցելու, բոլոր շնորհին, բոլոր»:— «Ըհ՛ր,— մտածեցի,— կոտորներ են բուսել, պետք է շարդել դրանք»,— և սկսեցի կատարյալ արհամարհանք ցույց տալ: ամեն անգամ, որ հանդիպում էի՝ երեսս շուռ էի տալիս կամ հեղանական ժպտում: Եվ մեկ էլ հանկարծ նրա հոր այդ դեպքը պատահեց, հիշում եք: Ճիշտապես: Հասկացեք, այդ բոլորն արդեն այնպիսի հող էին պատրաստել նրա մեջ, որ նա պետք է սոսկալի բորբոքվեր: Տղաները երբ տեսան, որ ես լեցի նրան, վրա տվեցին և սկսեցին ծաղրել. «Ճիլո՛ւպ, ճիլո՛ւպ»: Այ հենց այդ ժամանակ էլ սկսվեցին նրանց ճակատամարտերը, և ես սոսկալի ցավում եմ դրա համար, որովհետև, կարծեմ, մի անգամ շատ

վատ խփել են նրան: Եվ ահա մի օր էլ նա բոլորի վրա հարձակվեց դպրոցի բակում, երբ դասից դուրս էին գալիս, իսկ ես էլ հենց կանգնել էի տասը քայլ հեռու և նրան էի նայում: Երդովում եմ, չեմ հիշում, որ ծիծաղած լինեմ այդ րոպեին. ընդհակառակը, շատ, շատ մեղքացա նրան, և մի վայրկյան էլ՝ ու պիտի վազեի, որ պաշտպանեմ: Բայց հանկարծ իմ հայացքը տեսավ. չգիտեմ ինչ թվաց նրան, բայց մեկնեմ գրպանի դանակը հանեց ու նետվեց ինձ վրա, խփեց ազդրիս՝ ահա այստեղ, աչ ոտքիս: Չշարժվեցի. ճիշտն ասեմ, երբեմն ես քաջ եմ լինում, Կարամազով: Պարզապես արհամարհանքով նայեցի նրան, կարծես հայացքով ասում էի՝ «Դե՛հ, ուզում ես մի անգամ էլ խփիր, եթե այսպես ես վարձատրում իմ բարեկամությունը. ծառա եմ կամքիդ»: Բայց էլ շփեց. չգիմացավ, ինքը վախեցավ, դեն գցեց դանակը, լաց ու կոծը դրեց ու վազելով փախավ: Պարզ է, ես չծախեցի նրան և բոլորին էլ հրամայեցի, որ բերանները փակ պահեն, դասատուների ախանջը չհասնի. նույնիսկ մորս էլ շասացի, մինչև վերքը լավացավ, և արդեն վերքն էլ դատարկ բան էր, հասարակ մի քերծվածք: Հետո մեկ էլ լսեցի, որ նույն օրը քարակոխվ է արել և ձեր մատն է կծել, բայց թե հասկանում եք ինչ վիճակի մեջ էր նա: Դե ինչ արած, իմ հիմարությունն էլ այն էր, որ երբ հիվանդացավ՝ չգնացի նրան ներելու, այսինքն հաշտվելու հետը, հիմա զղջում եմ: Բայց դե արդեն մի ուրիշ բան էի մտածել այդ ժամանակ, մի հատուկ նպատակ ունեի: Ահա ուրեմն ամբողջ պատմությունը... միայն թե կարծեմ հիմար բան արեցի, որ այսպես...

— Ախ ափսո՛ս,— բացականչեց Ալյուշան հուզված,— ափսո՛ս, որ ես առաջ չգիտեի ձեր այդ հարաբերությունները նրա հետ, թե չէ ինքս վաղուց կգայի ձեզ մոտ և կխնդրեի, որ ինձ հետ միասին այցելեք նրան: Կհավատա՞ք, հիվանդ պառկած, շերմության մեջ, նա ձեր մասին էր զառանցում: Ես չգիտեի էլ, թե որքա՛ն թանկ եք նրա համար: Եվ մի՞թե, մի՞թե իսկապես չգտաք այդ ժուլկային: Հայրը և բոլոր տղաները փնտրել են ամբողջ քաղաքում: Կհավատա՞ք, այդպես հիվանդ, լաց լինելով, նա իմ ներկայությամբ արդեն երեք անգամ ասաց հորը. «Ժուլկային սպանեցի այն ժամանակ, դրա համար էլ հիվանդ եմ հիմա, հայրիկ, աստված ինձ պատժեց»: Անկարելի է այդ բանը հանել նրա մտքից: Եվ եթե գտնվե՞ր հիմա այդ ժուլկան, բերեին ու ցույց տային, որ չի մեռել, կենդանի է, ուրախություն

նը կարծես թե կյանք կտար նրան: Բոլորս էլ ձեզ վրա էինք հույս դրել:

— Իսկ ասացե՞ք, ինչո՞ւ, ինչի՞ց ելնելով հույս ունեիք, որ կզտնեմ ժուլկային, այսինքն թե հենց ե՛ս կլինեմ գտնադը,— հարցրեց Կոլյան արտակարգ հետաքրքրությամբ,— ինչո՞ւ հենց ինձ վրա էիք հույս դրել, ոչ թե ուրիշի:

— Ասում էին, որ դուք փնտրում եք և երբ գտնեք՝ պիտի այստեղ բերեք: Սմուրովը այդպիսի մի բան էր ասում: Մանավանդ որ բոլորս էլ աշխատում ենք համոզել Իլյուշային, որ ժուլկան կենդանի է, տեսել են նրան մի տեղ: Տղաները մի կենդանի նապաստակ էին ճարել ու բերել, բայց նա հենց նայեց միայն, հազիվհազ ժպտաց ու խնդրեց, որ բաց թողնեն դաշտում: Այդպես էլ արեցինք: Դեռ քիչ առաջ հայրը եկավ ու զամփոռ ձագ բերեց, նույնպես ճարել է մի տեղից, մտածում էր, թե կմխիթարի դրանով, բայց կարծեմ ավելի վատ եղավ...

— Մի բան էլ ասացե՞ք ինձ, Կարամազով. ի՞նչ մարդ է նրա այդ հայրը: Ճանաչում եմ նրան, բայց ի՞նչ մարդ է ձեր կարծիքով՝ խեղկատակ, միմո՞ս:

— Օհ ո՞չ, մարդիկ կան, որ խոր զգացումներ ունեն, բայց ճնշված են մի տեսակ: Այդպիսիների խեղկատակությունը զայրալից հեգնանքի նման մի բան է այն մարդկանց դեմ, որոնց երեսին շեն համարձակվում ճշմարտությունը ասել, որովհետև երկար ժամանակ ստորացուցիչ երկչոտությամբ են նայել նրանց: Հավատացե՞ք, Կրասոտկին, այդպիսի խեղկատակությունը երբեմն չափազանց ողբերգական է: Նրա համար ամեն ինչ, ամբողջ աշխարհը հիմա Իլյուշայի մեջ է կենտրոնացել, և եթե մեռնի Իլյուշան, նա կամ կխեղազարվի վշտից, կամ էլ վերջ կտա իր կյանքին: Երբ հիմա նայում եմ նրան, գրեթե համոզվում եմ, որ այդպես է:

— Հասկանում եմ ձեզ, Կարամազով, տեսնում եմ, որ դուք ճանաչում եք մարդկային հոգին,— ավելացրեց Կոլյան խելամտորեն:

— Եվ երբ այս շունը տեսա ձեզ մոտ, ուղղակի մտածեցի, որ հենց այդ ժուլկային եք բերել:

— Սպասեցե՞ք, Կարամազով, գուցե և գտնենք նրան, իսկ այս մեկը Պերեզվոնն է: Հիմա ես սրան ներս կթողնեմ, և գուցե սա ավելի ուրախացնի Իլյուշային, քան այդ զամփոռ ձագը: Սպասեցե՞ք, Կարամազով, հիմա մի որոշ բան կիմանաք: Բայց

ասովա՞ծ իմ, ինչո՞ւ եմ ձեզ պահում այստեղ,— բացականչեց Կոլյան հանկարծակի մղումով: — Միայն սերթուկով կանգնել եք այս ցրտին, իսկ ես երկար-բարակ պատմություններ եմ անում: Տեսնո՞ւմ եք, տեսնո՞ւմ եք ինչ եսասեր եմ: Օ՛, մենք բոլորս էլ եսասեր ենք, Կարամազով:

— Մի՛ անհանգստանաք. ճիշտ է՝ ցուրտ է, բայց ես մրսկան չեմ: Գնանք համենայն դեպս: Ի միջի այլոց, ի՞նչ է ձեր անունը: Գիտեմ, որ Կոլյա է, բայց լրի՞վ անունը:

— Նիկոլայ, Նիկոլայ Իվանով Կրասոտկին, կամ ինչպես ասում են պաշտոնական ձևով՝ որդի Կրասոտկին,— չգիտես ինչու ծիծաղեց Կոլյան, բայց հանկարծ ավելացրեց.— Պարզ է, ատում եմ իմ Նիկոլայ անունը:

— Իսկ ինչո՞ւ:

— Տափակ է, պաշտոնական...

— Տասներեք տարեկա՞ն եք,— հարցրեց Ալյոշան:

— Այսինքն տասնչորս, երկու շաբաթից տասնչորս եմ լինելու, շատ քիչ է մնում: Նախօրոք խոստովանեմ ձեզ իմ թուլությունը, Կարամազով, սա արդեն հենց այնպես եմ ասում ձեզ, առաջին ծանոթության համար, որպեսզի միանգամից տեսնեք իմ ամբողջ բնավորությունը. ատում եմ, երբ հարցնում են իմ տարիքը, և դեռ ատելն էլ քիչ է... և վերջապես... իմ մասին, օրինակ, մի զրպարտություն են տարածել, թե անցյալ շաբաթ նախապատրաստական երեխաների հետ ավազակ եմ խաղացել: Ծիշտ է, խաղացել եմ, բայց ուղղակի զրպարտություն է, երբ ասում են, թե ես ինձ համար եմ խաղացել, իմ սեփական հաճույքի համար: Հիմքեր ունեմ կարծելու, որ ձեզ էլ հասել է լուրը, բայց ես ոչ թե ինձ համար էի խաղում, այլ երեխաների համար, որովհետև նրանք ոչինչ չէին կարողանում հեռքել առանց ինձ: Ահա, միշտ էլ մի որևէ հիմարություն են տարածում մեր քաղաքում: Բամբասանքների քաղաք է, հավատացնում եմ ձեզ:

— Թեկուզ և ձեր հաճույքի համար խաղայիք, ի՞նչ կա որ:

— Է՛, եղա՞վ. իմ հաճույքի համար... Դուք հո ձի-ձի չէիք խաղա, չէ՞:

— Բայց դուք այսպես դատեցե՞ք,— ժպտաց Ալյոշան: — Մեծերը, օրինակ, թատրոն են գնում, չէ՞, և թատրոնում էլ ամեն տեսակ հերոսների արկածներն են ներկայացնում, երբեմն

այնտեղ էլ ավազակներ են լինում, կռիվներ. դա նույն բանը չէ՞, ի՞ր տեսակի մեջ անշուշտ: Իսկ երբ փոքրերն զբոսանքի ժամին զինվոր-զինվոր կամ էլ ավազակ են խաղում, դա նույնպես արվեստ է իր սաղմնային վիճակում, դա արվեստի պահանջն է, որ ծնվում է դեռատի հոգու մեջ, և երբեմն նույնիսկ այդ խաղերը ավելի հնարամիտ են արվում, քան թատրոնի ներկայացումները: Տարբերությունը միայն այն է, որ թատրոն են գնում դերասաններին նայելու, իսկ երբ փոքրերը խաղում են՝ հենց իրենք են դերասանները: Բայց դա էլ հենց բնական է:

— Դուք այդպե՞ս եք մտածում: Այդպե՞ս է ձեր համոզմունքը:— Կուլյան ակնդետ նայեց նրան:— Գիտե՞ք, բավական հետաքրքիր միտք հայտնեցիք: Երբ տուն գնամ, ուղեղս կրանցնեմ այդ ուղղութիւնը: Խոստովանում եմ՝ հենց այսպես էլ ենթադրում էի, հույս ունեի, որ կարելի է ձեզնից բան սովորել: Ես եկել եմ սովորելու ձեզնից, Կարամազով,— եզրակացրեց Կուլյան խորազգաց ու զեղուն ձայնով:

— Ես էլ՝ ձեզնից,— ժպտաց Ալյոշան, սեղմելով նրա ձեռքը:

Կուլյան շափազանց զոհ էր Ալյոշայից: Շշմել էր, որ նա բացարձակապես հավասարի տեղ է դնում իրեն և այնպես է խոսում, ինչպես «ուղղակի մեծի» հետ:

— Ես հիմա ձեզ մի հիմարություն եմ ցույց տալու, Կարամազով, նույնպես թատերական մի ներկայացում,— ջղայնորեն ծիծաղեց նա,— հենց դրա համար եմ եկել:

— Նախ մտնենք տանտիրոջ մոտ, ձախ կողմը. ձերոնք բուրն էլ իրենց վերարկուները այնտեղ են թողնում, որովհետև սենյակում նեղվածք է և շոգ:

— Օ՛, ես մի վայրկյան եմ մնալու, կմտնեմ ու վերարկուով էլ կնստեմ: Պերեզվոնը թող մնա այստեղ, միջանցքում, և թող մեռնի. «Իսի՛, Պերեզվոն, պառկիր ու մեռի՛ր»: Տեսնո՞ւմ եք, մեռավ: Իսկ ես նախ մտնեմ, նայեմ ինչպես է դրությունը, և հետո երբ պետք լինի՝ կսուչեմ. «Իսի, Պերեզվոն»: Եվ կտեսնեք, խենթի նման ներս կթոնի անմիջապես: Միայն թե Սմուրովը չճոռոնա և նույն վայրկյանին դուռը բաց անի: Դե լավ, ես ամեն ինչ կկարգադրեմ և դուք կտեսնեք ներկայացումը...

Մեզ արդեն ծանոթ սենյակում, ուր բնակվում էր պաշտոնաթող փոխկապիտան Սնեգիրյովի ընտանիքը, այդ րոպեին շատ մարդ էր հավաքվել և նեղվածք էր, տոթ: Այս անգամ մի քանի տղա նստել էին Իլյուշայի մոտ, ու թեև բուրն էլ, Սմուրովի նման, պատրաստ էին ժխտելու, որ Ալյոշան էր նրանց բերել այստեղ ու հաշտեցրել Իլյուշայի հետ, բայց իրոք այդպես էր: Այս պարագային նրա ի գործ դրած ամբողջ ճարտարությունն այն էր, որ տղաներին մեկ առ մեկ բերել էր Իլյուշայի մոտ, առանց «հորթային քնքշությունների», կարծես բուրրովին պատահականորեն, և ոչ թե դիտմամբ: Իսկ դա մեծապես թեթևացրել էր Իլյուշայի տառապանքը: Նա շատ էր հուզվել, տեսնելով այդ տղաների, իր նախկին թշնամիների, համարյա քնքշալի բարեկամությունն ու կարեկցանքը իր նկատմամբ: Միայն Կրասոտկինն էր բացակայում, և դա ծանր քարի պես նստել էր նրա սրտին: Եթե Իլյուշայի դառն հիշողությունների մեջ կար մի բան, որ ամենից ավելի դառն էր, դա հենց Կրասոտկինի՝ իր նախկին միակ բարեկամի և պաշտպանի վրա դանակով հարձակվելու դեպքն էր: Այդպես էր մտածում նաև Սմուրովը, այդ խելացի մանուկը, որ առաջինն էր եկել հաշտվելու Իլյուշայի հետ: Բայց երբ Սմուրովը հեռվից-հեռու ակնարկելով հասկացրեց Կրասոտկինին, թե Ալյոշան ուզում է նրա մոտ գալ «մի գործով», Կրասոտկինն իսկույն կարճ կտրեց ու փակեց ճանապարհը, Սմուրովին հանձնարարելով անմիջապես հայտնել «Կարամազովին», թե ինքը ավելի լավ գիտե ինչպես պետք է վարվի, ոչ ոքից խորհուրդ չի խնդրում, և եթե գնա էլ հիվանդի մոտ՝ ի՛նքը գիտե, թե երբ պետք է գնա, որովհետև «ի՛ր հաշիվը» ունի: Դա այս կիրակի օրից երկու շաբաթ առաջ էր: Ահա թե ինչու Ալյոշան անձամբ չէր գնացել նրա մոտ, հակառակ իր մտադրության: Բայց և այնպես, սպասելով հանդերձ, նա մի անգամ ևս Սմուրովին ուղարկեց Կրասոտկինի մոտ, հետո մի երրորդ անգամ էլ: Սակայն Կրասոտկինը նորից ու նորից մերժեց՝ արդեն կտրականապես ու խիստ անհամբեր պատասխանելով, որ եթե Ալյոշան անձամբ գա իրեն տանելու, հենց դրա համար էլ ինքը երբեք չի գնա Իլյուշայի մոտ, և որ այլևս թող շցավացնեն իր գլուխը:

Մինչև վերջին օրն էլ դեռ Սմուրովը չգիտեր, որ Կոլյան որոշել է հենց այդ առավոտ գնալ Իլյուշային տեսնելու, և միայն նախորդ երեկո, Սմուրովից բաժանվելիս, Կոլյան հանկարծ կտրուկ ասաց նրան, որ հաջորդ առավոտ տանը մնա և սպասի իրեն, որովհետև նրա հետ միասին գնալու է Մենգիրյովների մոտ, բայց և զգուշացրեց, որ չհամարձակվի որևէ մեկին հայտնել իր գնալու մասին, որովհետև ուզում է անակնկալ անել: Սմուրովը հնազանդվեց: Իսկ նրա այն հույսը, թե Կոլյան կորած ժուլկային էլ կբերի իր հետ, հիմնված էր այն հարևանցի խոսքի վրա, որ Կրասոտկինը ասել էր մի անգամ. «Էջեր են բոլորն էլ, որ չեն կարողանում գտնել շանը, եթե անշուշտ չի մեռել կենդանին»: Իսկ երբ Սմուրովը, հարմար առիթը գտնելով, երկշոտ մի ակնարկ էր արել շան վերաբերյալ իր ենթադրածի մասին, Կրասոտկինը հանկարծ սոսկալի զայրացել էր. «Ինչ է, ես է՞ջ եմ, որ ուրիշի շանը փնտրեմ ամբողջ քաղաքով մեկ, երբ ես իմ Պերեզվոնն ունեմ: Եվ ինչպե՞ս կարելի է հուսալ, որ ասեղ կուտված շունը կենդանի մնա: Հորթային քնքշություններ են, ուրիշ ոչինչ»:

Իսկ Իլյուշան, արդեն երկու շաբաթ է, համարյա չէր ելնում իր անկողնից, պառկել էր անկյունը՝ սրբապատկերների տակ: Դպրոց չէր գնում հենց այն օրից, երբ հանդիպեց Ալյոշային և նրա մատը կծեց: Ի դեպ, նույն օրն էլ հիվանդացել էր, թեև դրանից հետո դեռ մի ամիս կարողանում էր մեկ-մեկ վերկենալ ու մի կերպ քայլել սենյակում և միջանցքում: Բայց ի վերջո այնքան էր տկարացել, որ առանց հոր օգնության չէր էլ կարողանում շարժվել: Հայրը դողում էր նրա վրա, նույնիսկ բոլորովին չէր խմում այլևս, համարյա խելագարվել էր այն վախից, թե կմեռնի իր մանուկը, և հաճախ, մանավանդ Իլյուշային սենյակում թևանցուկ ման ածելուց և նորից անկողին պառկեցնելուց հետո, հանկարծ վազում էր միջանցքի մի մուկ անկյունը, ճակատը հենում պատին և սկսում հեկեկալ մի տեսակ աղիողորմ, սասանվող լացով, զսպելով ձայնը, որպեսզի իր հեկեկանքը չհասնի Իլյուշայի ականջին:

Բայց երբ սենյակ էր վերադառնում, սովորաբար սկսում էր մի որևէ բանով զվարճացնել ու մխիթարել իր սիրելի մանուկին, հեքիաթներ էր պատմում, ծիծաղաշարժ անեկդոտներ, և կամ իր հանդիպած զանազան ծիծաղելի մարդկանց տնազն էր անում, նույնիսկ կապկում էր կենդանիներին, ցույց տալով, թե

ինչ ծիծաղելի ձևով են նրանք ոռնում կամ գոռում: Բայց Իլյուշան բնավ չէր սիրում, երբ հայրը ծոմովում ու խեղկատակություներ էր անում այդպես: Տղան թեև աշխատում էր ցույց չտալ, թե իր համար տհաճ է դա, սակայն ցավ ի սիրտ գիտակցում էր, որ հայրը նվաստացած մարդ է հասարակության մեջ, շարունակ հիշում էր «ճիրուպը» և այն «սոսկալի օրը», հիշում անդիմադրելիորեն: Նինոչկան, Իլյուշայի անդամալույծ ու հեզահամբույր բույրիկը, նույնպես չէր սիրում հոր խեղկատակությունները (իսկ վարվառա Նիկոլանկան վաղուց արդեն Պետերբուրգ էր գնացել՝ դասընթացների հետևելու), բայց տկարամիտ մայրիկը շատ էր զվարճանում և ամբողջ սրտով ծիծաղում էր, երբ ամուսինն սկսում էր որևէ բան ցուցադրել կամ ծիծաղելի շարժումներ անել: Եվ միայն դրանով կարելի էր մխիթարել մայրիկին, իսկ մնացյալ ժամերին նա շարունակ փնթփնթում էր ու տրտնջում, թե հիմա բոլորն այլևս մոռացել են իրեն, թե իրեն ոչ ոք չի հարգում, թե բոլորը վիրավորում են և այլն, և այլն: Բայց վերջին մի քանի օրվա ընթացքում նա էլ մի տեսակ լրիվ փոխվել էր հանկարծ: Սկսել էր հաճախ նայել անկյունը՝ Իլյուշային, և մտածմունքի մեջ ընկնել: Շատ ավելի լուսկյաց էր դարձել, հանդարտվել էր, և եթե նույնիսկ սկսում էր լաց լինել, ապա ձայն չէր հանում, որպեսզի շլսեն: Փոխկապիտանը դառն տարակուսանքով նկատեց այդ փոփոխությունը նրա մեջ: Տղաների այցելություններն սկզբում դուր չէին գալիս մայրիկին և պարզապես բարկացնում էին նրան, բայց հետո երեխաների ուրախ պոռչալուքն ու պատմությունները սկսեցին նրան էլ զվարճություն պատճառել և ի վերջո այնքան դուր եկան, որ եթե տղաները վերջ տային այցելություններին, նա սոսկալի պիտի տխրեր: Երբ երեխաները մի որևէ բան էին պատմում կամ սկսում էին խաղալ, նա ծիծաղում էր և ծափ տալիս: Ոմանց իր մոտ էր կանչում և համբուրում էր: Հատկապես սիրելի էր Սմուրովին:

Իսկ գալով փոխկապիտանին, հենց սկզբից էլ, երբ իր բնակարանում հայտնվեցին երեխաները, որոնք գալիս էին Իլյուշային զվարճացնելու, նրա սիրտը լցվեց հրճվազին ուրախությամբ և նույնիսկ այն հույսով, որ Իլյուշան այլևս չի տխրի և գուցե այդ պատճառով էլ ավելի շուտ կառողջանա: Հակառակ Իլյուշայի համար իր զգացած վախին, մինչև վերջերս նա ոչ մի բուպե չէր տարակուսել, որ մանուկը կառողջանա հանկարծ: Հիացական մեծարանքով էր դիմավորում փոքրիկ հյուրերին, նրանց

շուրջն էր պատվում, ծառայութիւններ մատուցում, պատրաստ էր իր ուսերի վրա ման ածել նրանց, և նույնիսկ իրոք սկսել էր այդպէս ման ածել, բայց Իլյուշային դուր չեկան այդ խաղերը և վերջ գտան: Նրանց համար սկսեց քաղցրեղեններ, մեղրաբլիթ, կաղին գնել: Թե՛յ էր հշուրասիրում, ինքն էլ կարագ էր քսում հացի շերտերի վրա: Պետք է նշել, որ ամբողջ այդ ժամանակ նա միշտ էլ փող ուներ: Կատերինա Իվանովնայից երկու հարյուր ռուբլին ընդունել էր ճիշտ այնպէս, ինչպէս գուշակել էր Ալլոշան: Իսկ հետո Կատերինա Իվանովնան, ավելի մանրամասն իմանալով նրանց պայմանների և Իլյուշայի հիվանդութեան մասին, անձամբ այցելել էր նրանց բնակարանը, ծանոթացել ամբողջ ընտանիքի հետ և նույնիսկ կարողացել էր հմայել տկարամիտ մայրիկին: Այդ օրից նրա ձեռքը միշտ էլ բաց էր եղել, իսկ փոխկապիտանը, ահաբեկված այն մտքից, թե իր մանուկը կարող է մեռնել, մոռացել էր իր նախկին պատվախնդրութիւնը և խոնարհաբար ընդունում էր նպաստը: Ամբողջ այդ ժամանակ դոկտոր Հերցենշտուբեն, Կատերինա Իվանովնայի հրավերով, երկու օրը մեկ ճշտապահորեն գալիս էր հիվանդի մոտ, բայց նրա այցելութիւնները քիչ էին օգուտ տալիս, և նա տղայի փորը դեղերով էր լցնում: Բայց այդ օրը, այսինքն այդ կիրակի առավոտ, մի նոր բժիշկ էին սպասում փոխկապիտանի բնակարանում, Մոսկվայից եկած և Մոսկվայում նշանավոր դեմք համարվող մի բժիշկ: Կատերինա Իվանովնան հատկապէս հրավիրել էր նրան Մոսկվայից ահագին մի գումար ծախսելով՝ ոչ թե Իլյուշայի համար, այլ մի ուրիշ նպատակի, որի մասին կխոսենք իր տեղում: Բայց քանի որ եկել էր բժիշկը, Կատերինա Իվանովնան խնդրեց, որ նա այցելի նաև Իլյուշային, և այդ մասին նախօրոք հայտնեց փոխկապիտանին:

Սակայն փոխկապիտանը ոչ մի կերպ չէր նախազգում, թե այդ օրը գալու է նաև Կոլյա Կրասոտկինը, թեև վաղուց էր ցանկանում, որ վերջապէս գա այդ տղան, որի համար այնքան թանջվում էր իր Իլյուշան: Այն վայրկյանին, երբ Կրասոտկինը դուռը բացեց ու երևաց սենյակում, փոխկապիտանը և բոլոր տղաները հավաքվել էին հիվանդի անկողնի մոտ և նայում էին հենց նոր բերված զամփոփ ձագին, որ դեռ երեկ էր ծնվել, թեև փոխկապիտանը մի շաբաթ առաջ էր պատվիրել այն, որպէսզի զվարճացնի և մխիթարի Իլյուշային, որ շարունակ տխրում էր,

հիշելով կորած և իհարկե այդքան մեռած ժուշկային: Բայց Իլյուշան, որ արդեն երեք օր առաջ լսել էր ու գիտեր, թե իրեն մի շնիկ են նվիրելու, և ոչ թե հասարակ շնիկ, այլ իսկական զամփոփ ձագ (մի բան, որ սոսկալի կարևոր էր անշուշտ), հիմա թեև նրբանկատ մի զգացումից մղվելով ցուց էր տալիս, թե ուրախ է նվերի համար, բայց բոլորն էլ, և՛ հայրը, և՛ տղաները, պարզ տեսնում էին, որ նոր շնիկը Իլյուշայի փոքրիկ սրտով գուցե ավելի սաստկորեն բորբոքում էր իր տանջած դժբախտ ժուշկայի հիշատակը: Շնիկը պառկել ու շարժկոտում էր Իլյուշայի կողքին, և տղան, ցավագին ժպտալով, շոյում էր նրան իր բարակի, դժգույն, հյուծված ձեռքով: Նույնիսկ երևում էր, որ շնիկը նրան դուր է եկել, բայց... չկա՞ր համենայն դեպս ժուշկան, այս շնիկը համենայն դեպս ժուշկան չէր, իսկ ա՛յ, եթե այս շնիկի հետ նաև ժուշկան լիներ հիմա, կատարյալ՝ երջանկութիւն կլիներ:

— Կրասոտկինը, — գոչեց հանկարծ տղաներից մեկը, որ ամենից առաջ էր տեսել ներս մտած Կոլյային: Ակնհայտ մի իրարանցում եղավ. տղաները ետ քաշվեցին ու կանգնեցին անկողնի մեկ և մյուս կողմը, այնպէս որ Իլյուշան երևաց ոտից գլուխ: Փոխկապիտանը շեշտակի սլացավ Կոլյային ընդառաջ:

— Համեցե՛ք, համեցե՛ք... Թանկագին՝ հոյուր, — սկսեց բլբլալ նա: — Իլյուշկա, պարոն Կրասոտկինն է եկել քեզ այցելութեան...

Բայց Կրասոտկինը, շտապ սեղմելով նրա ձեռքը, վայրկենապէս ցուց տվեց, որ ինքը չափազանց լավ գիտե նաև բարեկիրթ հասարակութեան կանոնները: Իսկույն ևեթ և ամենից առաջ դարձավ փոխկապիտանի տիկնոջը, որ նստել էր իր բազկաթոռին (հենց այդ բազկին էլ կիներ, սոսկալի դժգոհ, տրտնջում էր, թե տղաները կանգնել են Իլյուշայի անկողնի առաջ և չեն թողնում, որ ինքն էլ նայի նոր շնիկին), և չափազանց քաղաքավարի ողջունեց նրան՝ ոտքերը քստքստացնելով ու գլուխ տալով, հետո դարձավ Նինային և նրան էլ, որպէս օրիորդի, նույն ձևով ողջունեց: Այդ բարեկիրթ վարմունքը արտակարգորեն հաճելի տպավորութիւն գործեց հիվանդ տիկնոջ վրա:

— Ա՛յ իսկույն երևում է լավ կրթված երիտասարդը, — ասաց նա բարձր ձայնով ու ձեռքերը տարածելով: — Թե չէ՛ մեր էն մյուս հոյուրերն ի՞նչ՝ մեկը մյուսի վրա նստած գալիս մտնում են:

— Ինչպե՞ս թե մեկի մյուսի վրա նստած, մայրիկ, ի՞նչ եք ասում,— դժկամեց փոխկապիտանը՝ թեև սիրալիր, բայց «մայրիկի» ասածից փոքր-ինչ մտահոգված:

— Այ հենց էդպես էլ ներս են մտնում: Միջանցքում մեկը մյուսի շալակին է նստում և էդպես գալիս մտնում են ազնիվ ընտանիքի մեջ, ոնց որ ձի հեծած: Էդ ի՞նչ հյուր է որ:

— Բայց ո՞վ է այդպես ներս մտել, մայրիկ, ո՞վ, ո՞վ:

— Այ էս տղան էսօր են տղայի վրա նստած մտավ, իսկ ա՛յ էն էլ՝ նրա վրա...

Բայց Կոլյան արդեն կանգնել էր Իլյուշայի անկողնի մոտ: Հիվանդը ակնհայտորեն գունատվել էր: Մի փոքր բարձրացել էր անկողնում և ուշիուշով նայում էր Կոլյային: Արդեն երկու ամիս է Կոլյան չէր տեսել իր նախկին փոքրիկ բարեկամին և հիմա հանկարծ բոլորովին զարմանահար կանգնել էր նրա առաջ. երևակայել անգամ չէր կարող, որ այսքա՞ն նիհարած ու դեղնած մի դեմք կտեսնի, այսպիսի տենդագին ջերմության մեջ վառվող ու կարծես սոսկալի մեծացած աչքեր, այսպիսի բարալիկ ձեռքեր: Վշտագին զարմանքով հառել էր աչքերը, տեսնելով, թե ինչպես խոր ու արագ-արագ է շնչում Իլյուշան, ինչպես են նրա շրթունքները շորացել: Մի քայլ արեց, մոտեցավ նրան, ձեռքը մեկնեց և համարյա բոլորովին շփոթվելով՝ ասաց.

— Է՛հ, բիձուկ... ինչպե՞ս ես:

Սակայն ձայնը կտրվեց, չկարողացավ անկաշկանդ ձեռնալ, դեմքը հանկարծ ջղաձգվեց. մի տեսակ, դող անցավ շրթունքներով: Իլյուշան ցավագին ժպտում էր նրան ու դեռ չէր կարողանում մի բառ ասել: Կոլյան հանկարծ ձեռքը բարձրացրեց և, չգիտես ինչու, շոյեց Իլյուշայի մազերը:

— Ուշի՞նչ,— շշնջաց նա կմկմալով, կարծես քաջալիրում էր հիվանդին, և կամ գուցե ինքն էլ չգիտեր, թե ինչու ասաց այդ բանը: Մի րոպե նորից լուռ մնացին:

— Դա ի՞նչ է, նոր շնի՞կ ունես,— հանկարծ բոլորովին անկարեկից ձայնով հարցրեց Կոլյան:

— Հա-ա-ա՛,— պատասխանեց Իլյուշան երկարուն, հեռապառ մի շշուշուով:

— Քիթը սև է, ուրեմն կատաղի շուն կլինի, կապելու շուն,— նկատեց Կոլյան լուրջ ու աներկմիտ, կարծես ամբողջ խնդիրը հենց շնիկն էր ու նրա սև քիթը: Բայց իրողութունն այն էր, որ նա դեռ ամբողջ ուժով ճիգ էր անում հաղթահարել իր զգացումը,

որպեսզի լաց չլինի «երեխայի նման», և չէր կարողանում հաղթահարել տակավին:— Երբ մեծանա, հարկավոր կլինի շղթայով կապել, հաստատ գիտեմ:

— Հսկա՛ շուն է լինելու,— բացականչեց տղաներից մեկը:

— Դե պարզ է: Գամփո է: Հսկա՛: Ա՛յ այսքան: Հորթի չափ,— լավեցին հանկարծ տարբեր ձայներ:

— Հորթի չափ, իսկական հորթի,— վրա բերեց փոխկապիտանը,— ես դիտմամբ այս տեսակ շուն փնտրեցի, ամենա-ամենակատաղին, և սրա ծնողներն էլ հսկա են, այնպե՛ս կատաղի, գետնից ա՛յ այսքան բարձր... Նստեցեք խնդրեմ, ահա այստեղ՝ անկողնին, Իլյուշայի մոտ, կամ էլ այստեղ՝ նստարանի վրա: Բարի եկաք, թանկագին հյուր, երկար սպասում էինք ձեզ... Ալեքսեյ Ֆյոդորովիչի հե՛տ հաճեցիք գալ:

Կրասոտկինն անկողնի վրա նստեց՝ Իլյուշայի ոտքերի մոտ: Գուցե ճանապարհին մտածել ու պատրաստել էր խոսակցության այնպիսի մի սկիզբ, որ անկաշկանդ լիներ, բայց հիմա բոլորովին կորցրել էր մտքի թելը:

— Չէ... Պերեզվոնի հետ եկա... Ես հիմա մի շուն ունեմ, Պերեզվոն է անունը: Սլավոնական անուն է: Սպասում է այնտեղ... սուլեմ՝ ներս կթռնի: Ես էլ շուն եմ բերել,— դարձավ նա մեկնե Իլյուշային:— Հիշո՞ւմ ես Ժուլկային, բիձուկ,— հանկարծ շիփշիտակ նրա երեսին տվեց այդ հարցը:

Իլյուշայի փոքրիկ դեմքն այլալվեց: Նա տառապագին նայեց Կոլյային: Դուռն մոտ կանգնած Ալյուշան խոժոռվեց ու Կոլյային թաքուն մի նշան արեց գլխով, որ չխոսի Ժուլկայի մասին, բայց Կոլյան շնկատեց կամ չուզեց նկատել:

— Իսկ ո՛ւր է... Ժուլկան,— հարցրեց Իլյուշան բեկբեկուն ձայնով:

— Է՛հ, սիրելիս, քո Ժուլկան... հե՛յ: Կորա՛վ քո Ժուլկան:

Իլյուշան լուռ մնաց, բայց մի անգամ էլ ուշիուշով նայեց Կոլյային: Ալյուշան, որսավով Կոլյայի հայացքը, շուտ-շուտ գլխով նշան արեց կրկին, բայց Կոլյան նորից հայացքը շուտ տվեց, ձեռքներով, թե չի նկատել:

— Վազել-մտել է մի անկյուն, այնտեղ էլ մեռել է: Ինչպե՞ս չմեռներ այդպիսի համեղ պատառից հետո,— անգթորեն վրա էր տալիս Կոլյան, թեև ինքն էլ կարծես խեղդվում էր մի տեսակ:— Բայց ես մի շուն ունեմ... Պերեզվոն... Սլավոնական անուն է... Քեզ համար եմ բերել...

— Չեմ ուզում,— ասաց հանկարծ Իլյուշկան:

— Չէ, չէ, ուզում ես, պետք է տեսնես անպայման... Կուրախանաս: Դիտմամբ բերեցի... սա էլ փրշոտ է նրա նման.. Տիկին, թույլ կտա՞ք, որ այստեղ կանչեմ իմ շանը,— դարձավ նա հանկարծ տիկին Սենգիրյովային, արդեն բոլորովին անհասկանալի մի հուզմունքով:

— Չեմ ուզում, չեմ ուզում,— բացականչեց Իլյուշան վըշտաբեկ ձայնով: Կշտամբանքն առկայծեց նրա աչքերում:

— Դուք գուցե...— հանկարծ առաջ նետվեց փոխկապիտանը, որ դեռ հազիվ էր նստել պատի տակ դրված սնդուկին,— դուք գուցե... մի ուրիշ անգամ...— կմկմաց նա, բայց Կոլյան, որ անսանձեխորեն համառում էր, հանկարծ շտապ գոռաց Սմուրովին՝ «Բաց արա դուրը, Սմուրով», և հենց որ բացվեց դուրը, անմիջապես շվվացրեց: Պերեզվոնը շեշտակի ներս թռավ:

— Կանգնի՛ր, Պերեզվոն, բարև կաց: Բարև՛ կաց,— գոռաց Կոլյան վեր թոնելով, և շունը ետևի թաթերի վրա ուղիղ կանգնեց Իլյուշայի անկողնի առջև: Ու պատահեց մի բան, որ ոչ ոք չէր սպասում. Իլյուշան ցնցվեց ու հանկարծ ամբողջ թափով շարժվեց առաջ, թեքվեց դեպի Պերեզվոնը և, կարծես քարանալով, նայեց նրան:

— Ժո՛ւզկան է,— գոռաց նա հանկարծ՝ տառապանքից ու երջանկությունից խզված ձայնով:

— Բա ի՞նչ էիր կարծում,— ամբողջ ուժով հնչեց Կրասոտկինի զրնգուն, երջանիկ ձայնը, և նա հակվեց շան վրա, գրկեց ու բարձրացրեց դեպի Իլյուշան:

— Նայիր, բիձուկ, տեսնո՞ւմ ես, մի աչքը կույր է և ձախ ականջը կտրված, ճիշտ այն նշանները, որ դու ինձ ասել էիր: Հենց ա՛յս նշաններով էլ գտա: Հենց այն ժամանակ գտա, անմիջապես: Տեր շունը շունը, տե՛ր շունը,— բացատրեց նա, արագորեն դառնալով փոխկապիտանին, նրա տիկնոջը, Ալյոշային և հետո նորից Իլյուշային:— Տեղոտովների ետևի բակում էր ապրում, ընտելացել էր այդ տեղին, բայց նրան չէին կերակրում. թափառական շուն էր, գյուղից էր փախել-եկել... Եվ ես գտա նրան... Տեսնո՞ւմ ես, բիձուկ, ուրեմն քո հացը կույ չի տվել այն ժամանակ: Եթե կույ տար, կմեռներ իհարկե, չէ՞, իհարկե կմեռներ: Ուրեմն կարողացել է թքել-հանել բերնից, քանի որ հիմա ողջ է: Իսկ դու չես էլ նկատել, թե նա թքել-հանել է: Թքել է, բայց թե ասեղը ծակել է լեզուն, դրա համար էլ կաղկանձում էր:

վազում էր ու կաղկանձում, իսկ դու կարծել ես, թե լրիվ կույ տվեց: Իհարկե սոսկալի պետք է կաղկանձեր, որովհետև շան բերանի մաշկը շատ նուրբ է լինում... ավելի նուրբ, քան մարդունը, շա՛տ ավելի նուրբ,— բացականչում էր Կոլյան մոլեգնորեն, հրճվանքից փայլող ու վառվառուն դեմքով:

Իսկ Իլյուշան չէր էլ կարողանում խոսել: Նայում էր Կոլյային՝ իր խոշոր ու մի տեսակ սոսկալիորեն դուրս ցցված աչքերով, բերանը բաց, պատի պես գունատ: Եվ եթե իմանար Կրասոտկինը, թե այդպիսի բոպեն ի՞նչ տանջալից ու մահացու ազդեցութուն կարող էր ունենալ հիվանդ երեխայի առողջության վրա, ոչ մի դեպքում անշուշտ չէր հանդգնի այդպիսի խաղ խաղալ նրա գլխին. բայց այդ բանը նրա մտքով էլ չէր անցնում: Մենյակում գուցե Ալյոշան էր միայն, որ հասկանում էր վտանգը: Իսկ ինչ վերաբերում է փոխկապիտանին, նա կարծես ուղղակի էրեխա էր դարձել, փոքրիկ մի երեխա:

— Ժո՛ւզկա: Ուրեմն սա՞ է ժուշկան,— բացականչում էր նա երանավետ ձայնով:— Իլյու՛շա, տե՛ս, ժուշկան է, քո ժուշկան: Մայրի՛կ, տե՛ս, ժուշկան է, ժուշկան:— Համարյա թե լաց էր լինում նա:

— Բայց ես ինպե՛ս գլխի շրնկա,— բացականչեց Սմուրովը դառնորեն:— Ասում էի, չէ՞, որ նա կգտնի ժուշկային, և ահա գտել է: Նրան Կրասոտկին կասես:

— Գտել է, գտել,— հրճվալից արձագանքեց մի ուրիշ տղա:

— Ապրե՛ս, Կրասոտկին,— զնգաց մի երրորդ ձայն:

— Ապրե՛ս, ապրե՛ս,— գոչեցին բոլոր տղաները և սկսեցին ծափ տալ:

— Դե սպասե՛ք, սպասե՛ք,— ջանում էր բոլորից բարձր գոռալ Կրասոտկինը,— պատմեմ, թե ինչպես եղավ, ա՛յդ է խնդիրը, այդ է խնդիրը, ուրիշ բան չէ: Լսո՞ւմ եք, գտա նրան, մեր տուն տարա, հենց իսկույն պահեցի, տանը պահեցի, կողպած, և ոչ մեկին ցույց չէի տալիս, մինչև հենց այսօր: Միայն Սմուրովը իմացավ երկու շաբաթ առաջ, բայց նրան համոզեցի, որ սրա անունը Պերեզվոն է, և նա գլխի շրնկավ. իսկ ես այդ միջոցին ինչե՛ր ասես շտվորեցրի ժուշկային, հիմա կտեսնեք, կտեսնեք, թե ինչե՛ր գիտի: Ամեն ինչ սովորեցրի, որ մի լավ վարժեցրած, կարգին շուն բերեմ քեզ համար, բիձուկ, և ասեմ՝ տե՛ս, բիձուկ, ի՞նչ է դարձել հիմա քո ժուշկան: Բայց մի որևէ մսի կտոր չու-

նե՞ք, հիմա ձեզ մի այնպիսի բան ցույց կտա, որ կմեռնեք ծի-
ծաղից: Մի կտոր միս, դե մի փոքրիկ կտոր, շունե՞ք, ինչ է:

Փոխկապիտանը դուրս վազեց, անցավ միջանցքը և մտավ
տանտիրոջ խոհանոցը, ուր իրենք էլ իրենց ճաշն էին պատրաս-
տում: Իսկ Կոլյան, չկորցնելու համար թանկագին ժամանակը,
սաստիկ շտապելով, «Մեռի՛ր» գոռաց Պերեզվոնին: Եվ շունը հան-
կարծ գլորվեց, պառկեց մեջքի վրա և անշարժացավ՝ չորս թա-
թերը վեր ցցած: Տղաները ծիծաղում էին, Իլյուշան նայում էր
նույն տառապագին ժպիտով, բայց ամենից ավելի «մայրիկին»
էր, որ դուր եկավ Պերեզվոնի մեռնելը: Նա քահ-քահ ծիծաղեց ու
սկսեց մատները շրթացնելով կանչել շանը.

— Պերեզվո՛ն, Պերեզվո՛ն:

— Ոչ մի դեպքում չի վեր կենա, ո՛չ մի դեպքում, — բացա-
կանչեց Կոլյան հաղթականորեն ու արդարացի հպարտությամբ, —
թեկուզ ամբողջ աշխարհը գոռա: Իսկ ա՛յ եթե ես կանչեմ, մի
վայրկյանում վեր կթռնի: Իսի՛, Պերեզվոն:

Շունը վեր թռավ ու սկսեց ցատկոտել, ուրախությունից
վնգստալով: Փոխկապիտանը ներս վազեց՝ մի կտոր խաշած միս
ձեռքին:

— Տաք չէ՞, — շտապ ու գործնական շեշտով հարցրեց Կոլ-
յան, վերցնելով մսի կտորը, — չէ, տաք չէ: Շները տաք բան չեն
սիրում: Դե ուրեմն նայեցեք բոլորդ էլ, նայի՛ր, Իլյուշա, դե նա-
յիր, բիձուկ, նայի՛ր, ինչո՞ւ չես նայում: Բերել եմ շանը, իսկ նա
չի՛ էլ նայում:

Նոր հնարքն այն էր, որ շունը պետք է անշարժ կանգներ ու
առաջ երկարեր թիթը, և մսի համեղ կտորը պետք է դրվեր հենց
քթի ծայրին: Խեղճ շունը պետք է անշարժ կանգնե՞ր՝ մսի կտորը
քթին պահած, և այդպես մնար այնքան, որքան կամենար իր
տերը, թեկուզ կես ժամ, առանց շարժվելու, առանց երերալու:
Բայց հազիվ մի րոպե այդպես պահեցին Պերեզվոնին, մի կարճ
րոպե միայն:

— Հա՛փ, — գոչեց Կոլյան, և մի ակնթարթում մսի կտորը
շան քթից թռավ բերանի մեջ: Պարզ է, հանդիսատեսները հիա-
ցական զարմանք արտահայտեցին:

— Եվ մի՞թե, մի՞թե պարզապես շանը վարժեցնելու համար
չէիք գալիս այսքան ժամանակ, — բացականչեց Ալյոշան ակամա
կշտամբանքով:

— Հենց դրա համար, — գոչեց Կոլյան ամենամիամիտ ան-

կեղծություններ: — Ուզում էի նրան իր ամբողջ փառք ու պատվով
ցույց տալ:

— Պերեզվո՛ն, Պերեզվո՛ն, — ձայնեց հանկարծ Իլյուշան, իր
բարալիկ մատները շրթացնելով ու շանը կանչելով իր մոտ:

— Ի՞նչ ես ուզում, սպասի՛ր: Թող ի՛նքը ցատկի քո անկող-
նի վրա: Իսի՛, Պերեզվոն, — ափը անկողնին խփեց Կոլյան, և
Պերեզվոնը նետի նման թռավ Իլյուշայի մոտ: Տղան ուժգին զբո-
կեց նրա գլուխը երկու ձեռքով, իսկ Պերեզվոնը դրա դիմաց ան-
միջապես լիզեց նրա այտը: Իլյուշան սեղմեց նրան իր գրկում,
մեկնվեց անկողնի վրա ու երեսը թաքցրեց նրա թավ մազերի
մեջ:

— Տե՛ր աստված, տե՛ր աստված, — բացականչում էր փոխ-
կապիտանը:

Կոլյան նորից նստեց անկողնի վրա, Իլյուշայի մոտ:

— Իլյուշա, ես քեզ կարող եմ մի ուրիշ բան էլ ցույց տալ: Մի
փոքրիկ թնդանոթ եմ բերել քեզ համար: Հիշո՞ւմ ես, դեռ այն
ժամանակ պատմել էի քեզ այդ թնդանոթի մասին, և դու ասա-
ցիր՝ «Ա՛խ, ես էլ տեսնեի»: Դե ա՛յ, բերել եմ հիմա:

Եվ Կոլյան, աճապարելով, պայուսակից հանեց իր բրոնզե
փոքրիկ թնդանոթը: Աճապարում էր, որովհետև ինքն էլ շատ եր-
ջանիկ էր արդեն. ուրիշ առիթով լինե՞ր, պիտի սպասեր, որ անցնի
Պերեզվոնի թողած տպավորությունը, բայց հիմա աճապարեց, էլ
ոչ մի համբերություն նկատի չառնելով, այսինքն թե՛ «այսպես
էլ երջանիկ եք արդեն, դե առեք ձեզ մի բան էլ՝ ավելի երջան-
կացե՛ք»: Իսկ ինքը ուղղակի արեցություն մեջ էր:

— Վաղուց էի տեսել այս բանը Մորոզովի մոտ, աչքս վրան
էր՝ քեզ համար, բիձուկ, քեզ համար: Մորոզովին պետք չէր, եղ-
բորից էր նրան մնացել, և ահա փոխանակեցինք՝ ես մի գիրք
տվեցի նրան, հորս պահարանից մի գիրք՝ «Մուհամմեդի ազգա-
կանը կամ Բուժիչ հիմարություն»: Հարյուր տարվա գիրք է, լկտի
մի բան, Մոսկվայում է լույս տեսել, երբ դեռ գրաքննություն
չկար: Իսկ Մորոզովը այդպիսի բաների սիրահար է: Դեռ շնորհա-
կալություն էլ հայտնեց...

Կոլյան թնդանոթը բռնել էր ձեռքում՝ բոլորի աչքի առաջ,
այնպես որ բոլորն էլ կարող էին տեսնել ու հրճվել: Իլյուշան մի
քիչ բարձրացել էր և, շարունակելով գրկել Պերեզվոնին աջ ձեռ-
քով, հափշտակված դիտում էր խաղալիքը: Տպավորությունը վե-
րին աստիճանի ուժեղացավ, երբ Կոլյան հայտարարեց, թե վա-

ոող էլ ունի և կարելի է իսկույն կրակել. «Եթե անշուշտ դա չի անհանգստացնի տիկիններին»: «Մայրիկն» անմիջապես խնդրեց, որ իրեն թույլ տան ավելի մոտից նայել խաղալիքին, և իսկույն կատարվեց նրա խնդրանքը: Նրան սոսկալի դուռը եկավ բրոնզե փոքրիկ թնդանոթը, որ անիվներ ուներ, և կինը սկսեց ետ ու առաջ բռնել խաղալիքը իր ծնկների վրա: Երբ կրակելու թույլտվություն խնդրեցին, նա լիակատար համաձայնություն տվեց, թեև առանց հասկանալու, թե ինչ էին խնդրում իրենից: Կույան ցույց տվեց վառողն ու կոտորուքը: Փոխկապիտանը, որպես նախկին զինվորական, հանձն առավ թնդանոթը լցնել. ամենադուրսը քանակությամբ վառող լցրեց և խնդրեց, որ կոտորուքը մնա մի ուրիշ անգամվա համար: Թնդանոթը դրին հատակին, փողը դատարկ մի կողմ ուղղելով, հրանցքի մեջ վառողի երեք փոշեհատիկ խցկեցին ու վառած լուցկի մոտեցրին: Փառավոր մի կրակոց ստացվեց: Մայրիկը ցնցվեց մի վայրկյան, բայց իսկույն ևեթ սկսեց ծիծաղել ուրախությունից: Տղաները լուռ նայում էին հաղթական մի զգացումով, բայց ամենից ավելի հրճվել էր փոխկապիտանը, որ երանությամբ նայում էր Իլյուշային: Կույան վերցրեց թնդանոթը և անմիջապես նվիրեց Իլյուշային՝ կոտորուքն ու վառողն էլ հետը:

— Քե՛զ համար եմ առել, քե՛զ համար: Վաղուց էի պահել քեզ համար,— կրկնեց նա մի անգամ էլ, երջանկությամբ հորդելով:

— Ա՛խ, ինձ նվիրեք: Չէ, ավելի լավ է ի՛նձ նվիրեք թնդանոթը,— սկսեց հանկարծ խնդրել մայրիկը, փոքր երեխայի նման: Նրա դեմքին կսկծալի մի անհանգստություն կար, վախենում էր, որ շեն նվիրի իրեն: Կույան շփոթվեց: Փոխկապիտանն իրար անցավ:

— Մայրի՛կ, մայրի՛կ,— կնոջ մոտ վազեց նա,— թնդանոթը քոնն է, քոնը, բայց թող մնա Իլյուշայի մոտ, որովհետև նրան են նվիրել, բայց միևնույն է թե քոնն է, Իլյուշկան միշտ էլ կտա քեզ խաղալու, թող երկուսիդ էլ լինի, երկուսիդ էլ...

— Չէ՛, շեմ ուզում երկուսիս էլ, շեմ ուզում, թող միայն իմը լինի, ոչ Իլյուշայինը,— շարունակում էր մայրիկը, արգեն լալու պատրաստ:

— Ա՛ռ, մամա, վերցրու, քոնն է, քո՛նն է,— գոչեց Իլյուշան:— Կրասոտկին, կարո՞ղ եմ մամայիս նվիրել,— հանկարծ Կրասոտկինին դարձավ աղաչական մի արտահայտությամբ, կարծես վախենալով, որ նա կվիրավորվի, եթե ինքը ուրիշին տա նրա նվերը:

— Լրիվ կարող ես,— անմիջապես համաձայնվեց Կրասոտկինը և, վերցնելով թնդանոթը Իլյուշայի ձեռքից, անձամբ տվեց մայրիկին՝ ամենահարգալից մի խոնարհություն անելով: Մայրիկը նույնիսկ լաց եղավ հուզմունքից:

— Իլյուշկա, անուշի՛կ... ա՛յ թե ով է սիրում իր մամային,— գորովալից բացականչեց նա և անմիջապես սկսեց նորից թնդանոթը ետ ու առաջ բռնել ծնկների վրա:

— Մայրիկ, տուր ձեռքդ համբուրեմ,— մոտ վազեց ամուսինը և իսկույն կատարեց իր ասածը:

— Եվ մեկ էլ շա՛տ անուշիկ մի տղա որ տեսել եմ՝ այ էս բարի՛ տղան է,— ասաց երախտագետ տիկինը, ցույց տալով Կրասոտկինին:

— Սրանից հետո ինչքան ուզես՝ վառող կբերեմ քեզ համար, Իլյուշա: Հիմա մենք ինքներս ենք վառող պատրաստում: Բորովիկովն իմացավ բաղադրությունը. քսանչորս մաս բորակ ես վերցնում, տասը մաս ծծումբ, վեց մաս փայտածուխ, բոլորը միասին ծծումբ-մանրացնում ես, ջուր ես լցնում, խառնում ես մինչև խմոր դառնա, հետո բարակ մաղում ես՝ ահա քեզ վառող:

— Սմուրովն ինձ պատմել է ձեր վառողի մասին, միայն թե հայրիկս ասում է, որ դա իսկական վառող չէ,— պատասխանեց Իլյուշան:

— Ինչպե՞ս թե իսկական չէ,— կարմրեց Կույան,— վառվում է: Բայց թե ես չգիտեմ ճիշտն ասած...

— Չէ, ոչինչ, ոչինչ,— վեր թռավ հանկարծ փոխկապիտանը մեղավոր արտահայտությամբ:— Ճիշտ է, ասել եմ, որ իսկական վառողը այդպես շեն պատրաստում, բայց ոչինչ, ոչինչ, այդպես էլ կարելի է:

— Չգիտեմ, դուք ավելի լավ գիտեք: Մենք կավե ամանի մեջ վառել ենք, սքանչելի այրվում էր, լրիվ այրվեց, պատիվ մի կտոր մուր մնաց տակը: Բայց դա պարզապես խմորն էր, իսկ եթե մաղով անցկացվի... Բայց դե դուք ավելի լավ գիտեք, ես չգիտեմ... Իսկ Բուլկինը հորից ծեծ կերավ մեր վառողի երեսից, լսե՛լ ես,— դարձավ նա հանկարծ Իլյուշային:

— Լսել եմ,— պատասխանեց Իլյուշան: Նա անհուն հեռաբերությունով ու հաճույքով լսում էր Կույային:

— Մի ամբողջ շիշ վառող էինք պատրաստել, նա իր մահահավալի տակ էր պահում: Հայրը տեսել է: Կարող է պայթել,

ասել է, և տեղն ու տեղը ծեծել նրան: Ուզում էր գնալ դպրոց՝ գանգատվել իմ դեմ: Հիմա նրան շեն թողնում, որ ինձ հետ ընկերություն անի, էլ ոչ ոքի շեն թողնում ինձ մոտ: Սմուրովին էլ շեն թողնում, համբավս տարածվել է: Ասում են, թե «կրակ ու պատիժ» եմ,— արհամարհանքով ժպտաց Կոլյան:— Այդ ամբողջը երկաթգծի պատմությունից սկսվեց:

— Օ՛, մենք ձեր այդ խիզախություն մասին էլ լսել ենք,— բացականչեց փոխկապիտանը:— Ինչպե՞ս կարողացաք պառկել գնացքի տակ: Ինչ է, բնավ չվախեցաք, երբ անցնում էր գնացքը: Սարսափելի էր, չէ՞:

Փոխկապիտանը ուղղակի շողորթրթում էր Կոլյային:

— Ո՛-ո՛չ այնքան,— անփութորեն պատասխանեց Կոլյան:— Իմ անունը ամենից ավելի այդ անիծյալ սագը փշացրեց այստեղ,— դարձավ նորից Իլյուշային: Ու թեև նա անփութ էր ձևանում խոսելիս, բայց դեռ չէր կարողանում իշխել իրեն և սայթաքում էր մի տեսակ:

— Ախ հա՛, սագի մասին էլ եմ լսել,— ծիծաղեց Իլյուշան, ու երեսը փայլեց ուրախությունից:— Պատմեցին. բայց չհասկացա, իսկապե՞ս դատավորը քեզ դատել է:

— Ամենահիմար, ամենաշնչին բանն էր, լուն ուղտ սարքեցին, ինչպես միշտ անում են մեզ մոտ,— սկսեց Կոլյան ազատհամարձակ:— Մի անգամ անցնում էի հրապարակով, և մեկ էլ տեսա՝ կենդանի սագեր են քշել-բերել: Կանգնեցի ու նայում էի սագերին: Հանկարծ այստեղացի մի տղա՝ Վիշնյակովը, նա, որ հիմա Պլոտնիկովների մոտ ցրիչ է աշխատում, կանգնեց ու ինձ նայեց, մեկ էլ ասաց՝ «Ինչ է, ինչի՞» ես նայում սագերին»: Նայեցի նրան՝ հիմար, կլոր մի մուրթ, քսան տարեկան կլինելու: Ես երբեք չեմ խուսափում ժողովրդից, հասկանո՞ւմ եք: Միրում եմ ժողովրդի հետ շփվել... Մենք ետ ենք մնացել ժողովրդից, աքսիոմ է սա... Կարծեմ բարեհաճում եք ծիծաղել, հա՛, Կարամազով:

— Չէ, քավ լիցի, սիրով լսում եմ ձեզ,— պատասխանեց Ալյուշան շատ անկեղծ արտահայտությամբ, և կասկածամիտ Կոլյան իսկույն քաշալերվեց:

— Իմ տեսությունը պարզ ու հստակ է, Կարամազով,— անմիջապես նա սկսեց շատախոսել նորից, ուրախացած:— Ես հավատում եմ ժողովրդին և միշտ պատրաստ եմ իրավունք տալու նրան, բայց առանց երբեք շփացնելու, դա sine qua¹ է... Հա՛,

¹ Sine qua non— անհրաժեշտ պայման (լատ.):

սագի մասին էի ասում: Դարձա ուրեմն այդ հիմարին ու պատասխանեցի. «Այ, մտածում եմ, թե արդյոք սագը ինչի մասին է մտածում»: Նայեց ինձ կատարյալ հիմարի պես: «Ինչի՞ մասին է մտածում սագը»,— ասաց: «Ահա տեսնո՞ւմ ես,— ասացի,— այնտեղ վարսակով լիքը սայլ է կանգնել: Պարկից վարսակ է թափվում, և սագն էլ վիզը երկարել է հենց անիվի տակ, կոցում է, տեսնո՞ւմ ես»:— «Շատ լավ էլ տեսնում եմ»,— ասաց: «Դե այդ ուրեմն,— ասացի,— եթե հիմա այդ սայլը մի քիչ առաջ շարժվի՝ անիվը կկտրի՞ սագի գլուխը, թե չէ»:— «Անպայման կկտրի»,— ասաց և մինչև ականջները ժպտաց, ուղղակի հալվեց հրճվանքից: «Դե ուրեմն գնանք,— ասացի,— դե արի՛»:— «Արի՛»,— ասաց անմիջապես: Եվ շուտով էլ գլուխ բերեցինք գործը. նա հենց այնպես սուսուփուս կանգնեց սանձի մոտ, ես էլ կողքով կանգնեցի, որ սագին ուղղություն տամ: Կառապանն էլ այդ ընդմիջում ուրիշ կողմ էր դարձել, խոսում էր մեկի հետ, այնպես որ ուղղություն տալու կարիք էլ չեղավ. սագը ինքնիրեն երկարեց վիզը սայլի տակ, որ վարսակը կոցի, հենց ուղղակի անիվի տակ: Ես աչքով արեցի տղային, նա էլ սանձը քաշեց, և կրճի՛ սագի վիզն ուղղակի կես եղավ: Եվ մեկ էլ ահա, մեր բախտից, հենց նույն վայրկյանին գլուղացիները մեզ տեսան, ու միանգամից աղմուկը գցեցին. «Դիտմամբ արեցիր»:— «Չէ, դիտմամբ չարեցի»:— «Չէ՞, դիտմամբ արեցիր»: Եվ սկսվե՛ց ղուլոցը: «Դատավորի մոտ տարեք, դատավորի՛»: Ինձ էլ բռնեցին. «Դո՛ւ էլ այստեղ էիր ուրեմն, հա՛, օգնո՞ւմ էիր նրան, քեզ ամբողջ շուկան գիտի»: Եվ իսկապես էլ, չգիտեմ ինչու, ամբողջ շուկան ինձ ճանաչում է,— ավելացրեց Կոլյան ինքնապարծորեն:— Գնացինք բոլորս էլ հաշտարար դատավորի մոտ, սագն էլ բերեցին: Մեկ էլ տեսնեմ, այս իմ ախպեր տղան վախեցավ, լացը դրեց, ուղղակի կնկա նման լաց էր լինում: Իսկ սագերի տերը գոռում էր՝ «էս ձեռք ինչքա՛ն ասես կարելի է սագ սպանել»: Դե պարզ է, վկաներ կային: Դատավորը մի վայրկյանում հաշիվը տեսավ. տղան թող մի ուրբի տա սագի տիրոջը, սատկած սագն էլ թող ինքը վերցնի: Եվ մեկ էլ թե՛ սրանից հետո այդպիսի կատակներ չանի երբեք: Իսկ տղան անընդհատ ոռնում էր կնկա նման: «Ես չեմ արել,— ասաց,— այ նա՛ ինձ բռնեց»: Եվ ինձ է ցույց տալիս: Ես լրիվ սառնասրտությամբ պատասխանեցի, որ բոլորովին էլ չեմ դրգել նրան, հիմնական գաղափարն եմ հայտնել պարզապես, ծրագրային մի բան եմ ասել: Դատավոր Նեֆեդովը ժպտաց,

բայց հենց անմիջապես էլ բարկացավ ինքն իր վրա, որ ժպտացւ
«Ծն իսկույն եեթ դպրոցի ղեկավարութեանը գանգատ կներկա-
յացնեմ ձեր դեմ,— ասաց,— որպէսզի սրանից հետո նստեք ու
ձեր դասերը սովորեք, փոխանակ այդպիսի ծրագրային բանե-
րով զբաղվելու»: Ղեկավարութեանը գանգատ շներկայացրեց
իհարկեմ, կատակ էր անում, բայց լուրը իսկապէս տարածվեց ու
դասատունների ականջը հասավ. չէ՞ որ լեզուները երկար են մեզ
մոտ, ականջներն էլ: Հատկապէս մեր «հին աշխարհ» Կոլբաս-
նիկովը ձայնը բարձրացրեց, բայց Դարդանելովը նորից պաշտ-
պանեց ինձ: Կոլբասնիկովը հիմա բոլորիս դեմ շարացել է, կա-
նաչ էջի պես: Լսել ես, չէ՞, Իլյուշա, ամուսնացավ մարդը. հազար
ռուբլի օժիտ առավ Միխայլովներից, իսկ հարսը մի մոռ՛ւթ ունի՝
առաջին կարգի ու վերջին աստիճանի: Երրորդ դասարանցիները
իսկույն մի էպիգրամ գրեցին.

Դասարանն ամբողջ շնորհ է լուրից՝
Կոլբասնիկովը փնթի առավ կողակից:

Եվ այլն, և այլն, շատ ծիծաղելի մի բան է, հետո կբերեմ քեզ:
Դարդանելովի մասին բան չեմ ասում. գիտուն մարդ է,
ուղղակի գիտուն: Այդպիսի մարդկանց հարգում եմ, և բոլորո-
վին էլ ոչ այն պատճառով, որ ինձ պաշտպանեց:

— Բայց դու հաղթեցի՞ր նրան, երբ հարցրիր, թե ով է հիմ-
նել Տրովադան,— վրա բերեց հանկարծ Սմուրովը: որ այդ թո-
պեին ուղղակի հպարտանում էր Կրասոտկինով: Շատ էր նրան
դուր եկել սագի պատմութիւնը:

— Հենց այնպէս էլ հաղթեցի՞ք իսկապէս,— շողորթ մի
շեշտով ձայնակցեց փոխկապիտանը:— Այն հարցում, թե ո՞վ է
հիմնել Տրովադան: Լսել ենք, լսել ենք, որ հաղթել եք, այո: Իլ-
յուշկան հենց այն ժամանակ էլ պատմեց ինձ...

— Նա ամեն ինչ գիտեմ, հայրիկ, մեր բոլորից էլ ավելի
գիտեմ,— ձայնակցեց նաև Իլյուշան,— պարզապէս ձեռքնում է,
որ այսպէս է ինքը, բայց նա բոլոր առարկաներից էլ առա-
ջինն է:

Իլյուշան անսահման երջանկութեամբ նայում էր Կոլբասին:

— Է՛հ, Տրովադայի մասին այդ ամբողջը հիմարութիւն է,
դատարկ բան: Ես ինքս այդ հարցը անիմաստ եմ համարում,—
ասաց Կոլբասն հպարտ համեստութեամբ: Նա արդեն լիովին ըն-
կել էր իր հունի մեջ, բայց դեռ անհանգստանում էր մի քիչ. զգում

էր, որ հուզագրգիռ վիճակի մեջ է ներքուստ, և որ սագի մասին,
օրինակ, շափից ավելի սրտանց էր պատմել, այնինչ Ալյուշան
լուրջ դեմքով լսել էր ամբողջ այդ պատմութիւնը և լռել էր շա-
րունակ: Եվ ահա, կասկածն արդեն սկսել էր կամայ-կամաց
փորփրել ինքնասեր տղայի սիրտը. «Չլինի՞ թե ինձ արհամար-
հելուց է այդպէս լռում, մտածելով, որ ուզում եմ իր գովասան-
քը լսել: Եթե նա համարձակվում է այդպէս մտածել, այդ դեպ-
քում ես...»:

— Ես այդ հարցը ուղղակի անիմաստ եմ համարում,—
կրկնեց նա, հպարտորեն շեշտելով:

— Իսկ ես գիտեմ ով է հիմնել Տրովադան,— շատ անսպա-
սելիորեն խոսեց հանկարծ մի տղա, որ մինչ այդ համարյա դեռ
ոչինչ չէր ասել: Լուռումունջ ու երևի ամաչկոտ տղա էր նա, շատ
սիրունիկ, տասնմեկ տարեկան, ազգանունը՝ Կարտաշով: Նստել
էր հենց դռան մոտ: Կոլբասն զարմանքով ու ծանրակշիռ մի ար-
տահայտութեամբ նայեց նրան: Խնդիրն այն էր, որ «ո՞վ է հիմ-
նել Տրովադան» հարցը ուղղակի զաղտնիք էր դարձել ամբողջ
դպրոցում, և այդ պարզելու համար պետք էր Սմարագով կար-
դալ: Սակայն Կոլբասից բացի ոչ ոք Սմարագով չունեւ: Եվ ահա
մի անգամ, երբ Կոլբասն ուրիշ կողմ էր նայում, Կարտաշովը
զաղտագողի մոտեցել էր նրա գրքերին, արագորեն բացել էր
Սմարագովի «Ընդհանուր պատմութիւնը» և ուղղակի ընկել այն
էջի վրա, ուր խոսվում է Տրովադայի հիմնադիրների մասին: Ար-
դեն բավական երկար ժամանակ էր անցել այդ օրից, բայց Կար-
տաշովը միշտ էլ անհարմար էր զգացել մի տեսակ ու սիրտ չէր
արել հրապարակով հայտնել, որ ինքն էլ գիտեմ, թե ով է հիմնել
Տրովադան. վախեցել էր, որ անախորժ բան կարող է պատահել
և Կոլբասն մի որևէ կերպ ամոթանք կտա իրեն դրա համար: Բայց
հիմա հանկարծ, չգիտես ինչու, չդիմացավ ու ասաց: Եվ արդեն
վաղուց էր ուզում ասել:

— Է՛, ո՞վ է հիմնել տեսնե՞ք,— գոռոզամիտ հոխորտանքով
դարձավ նրան Կոլբասն, արդեն նրա դեմքից կռահելով, որ իսկա-
պէս գիտեմ: Եվ, բնական է, իսկույն պատրաստվեց դիմագրա-
վելու դրա բոլոր հետևանքները: Տիրող ներդաշնակ տրամադրու-
թեան մեջ, այսպէս ասած, մի անբարեհունչ ձայն հնչեց:

— Տրովադան հիմնել են Տեկրոսը, Դարդանոսը, Իլոսը և
Տրոսոսը,— կարճ ու կտրուկ շարեց տղան և մի վայրկյանում

կարմրեց, այնպես կարմրեց, որ մարդ ցավ կզգար նրան նայելով: Բայց տղաները բոլորն էլ շեշտակի նայեցին նրան, մի ամբողջ ընդհանր նայեցին, և հետո բոլոր այդ շեշտակի նայող աչքերը միանգամից դարձան Կոլլային: Իսկ Կոլլան շարունակում էր իր արհամարհական ու սառնասիրտ հայացքով ոտից զլուխ շափել հանդուգն տղային:

— Այսինքն ինչպե՞ս են հիմնել,— վերջապես արժանի համարեց խոսել նա,— և առհասարակ ի՞նչ է նշանակում մի քաղաք կամ պետություն հիմնել: Ի՞նչ են արել նրանք, եկել ու մեկական աղյուս են դրել, հա՞:

Մի ծիծաղ պայթեց: Մեղավոր տղան կասկարմիր դարձավ: Լեզուն կապվել էր, քիչ էր մնում լաց լինելու: Կոլլան դեռ մի ընդհանր նայեց, և այդ վիճակի մեջ պահեց նրան:

— Որպեսզի խոսես այնպիսի պատմական դեպքերի մասին, ինչպիսին է ազգության հիմնադրումը, պետք է նախ և առաջ հասկանաս, թե ինչ է նշանակում դա,— խրատեց նա խիստ ու հատու շեշտով:— Բայց ես կարևորություն էլ չեմ տալիս այդ պառավական հեքիաթներին, և առհասարակ շատ էլ չեմ հարգում ընդհանուր պատմությունը,— ավելացրեց նա հանկարծ անփութորեն, արդեն դիմելով բոլորին:

— Ընդհանուր պատմությունը,— հարցրեց հանկարծ փոխկապիտանը, կարծես մի տեսակ վախեցած:

— Այո, ընդհանուր պատմությունը: Մարդկային մի շարք հիմարությունների ուսումնասիրումն է դա, ուրիշ ոչինչ: Ես հարգում եմ միայն մաթեմատիկական և բնական գիտությունները,— փքվեց Կոլլան և աչքի տակով նայեց Ալլոշային. միայն նրա կարծիքից էր վախենում այստեղ: Բայց Ալլոշան դեռ շարունակում էր լուռ մնալ և դեռ առաջվա նման լուրջ էր: Եթե մի բան ասեր հիմա Ալլոշան, դրանով էլ կվերջանար ամեն ինչ, բայց Ալլոշան լուռ մնաց, իսկ «նրա լուրջությունը կարող էր արհամարհական լինել», և Կոլլան արդեն լրիվ բորբոքվեց:

— Եվ մեկ էլ նորից այդ դասական լեզուները հիմա պարզապես խենթություն է դա, ուրիշ ոչինչ... Կարծեմ նորից համաձայն չեք ինձ հետ, Կարամազով:

— Համաձայն չեմ,— զուսպ ժպտաց Ալլոշան:

— Դասական լեզուները, եթե ուզում եք իմ լրիվ կարծիքն իմանալ, ուստիկանական միջոց են. ահա պարզապես, թե ինչ

լու մտքերն են դրանք ծրագրի մեջ,— աստիճանաբար սկսեց նորից շնչասպառ լինել Կոլլան:— Մտքերն են, որովհետև ձանձրալի են դրանք, և որովհետև բթացնում են ընդունակությունները: Ամեն ինչ ձանձրալի էր արդեն, ուրեմն ի՞նչ անեին, որ է՛լ ավելի ձանձրալի լինելու: Ամեն ինչ անիմաստ էր, ուրեմն ի՞նչ անեին, որ ավելի անիմաստ լինելու: Եվ ահա գլուխ արեցին՝ դասական լեզուները: Այս է իմ լրիվ կարծիքը դրանց մասին, և հույս ունեմ, որ երբեք չեմ փոխի կարծիքս,— կտրուկ վերջացրեց Կոլլան: Երկու այտերին էլ մի-մի կարմիր բիծ երևաց:

— Ծիշտ է,— զրնգուն ու համոզված ձայնով համաձայնեց հանկարծ Սմուրովը, որ աշխուրջ լսում էր:

— Իսկ ինքը առաջի՞նն է լատիներենից,— գոռաց հանկարծ տղաներից մեկը:

— Այո, հայրիկ, այդպես է ասում, բայց ինքը մեր դպրոցում առաջինն է լատիներենից,— արձագանքեց Իլյուշան:

— Հետո՞ ինչ,— անհրաժեշտ համարեց պաշտպանվել Կոլլան, թեև գովեստն էլ շատ հաճելի էր նրան:— Լատիներենն անգիր եմ անում, որովհետև այդպես է պետք, որովհետև մորս խոստացել եմ ավարտել դպրոցը. և կարծում եմ՝ եթե մի բան հանձն առար, պետք է լավ անես: Բայց հոգուս խորքում խորապես արհամարհում եմ դասական լեզուները և ամբողջ այդ ստորությունը... Համաձայն չե՞ք, Կարամազով:

— Բայց ինչո՞ւ «ստորություն»,— ժպտաց նորից Ալլոշան:

— Ներեցեք, բայց չէ՞ որ դասականները թարգմանված են բոլոր լեզուներով. ուրեմն լատիներենը մտքերն են ոչ թե դասական հեղինակներին ուսումնասիրելու համար, այլ պարզապես նրանց պետք է եկել իբրև ուստիկանական միջոց, որպեսզի բթացնեն ընդունակությունները: Է՛հ, եթե դա ստորություն չէ, ի՞նչ է հապա:

— Բայց ո՞վ է ձեզ սովորեցրել այդ բոլորը,— բացականչեց Ալլոշան, որ զարմացել էր վերջի վերջո:

— Ծախ՝ ես ինքս կարող եմ հասկանալ, առանց ուրիշ սովորեցնելու, և երկրորդ՝ իմացեք, հենց այս նույն բանը, որ հիմա ես ձեզ առաջի դասականների թարգմանության մասին, մեր ուսուցիչ Կոլլասնեկովն է ասել ամբողջ երրորդ դասարանի առաջ:

— Բժի՛շկը եկավ,— բացականչեց հանկարծ Նինոչկան, որ մինչ այդ լուռ էր մնացել:

Իրոք, տան դարպասի առաջ կանգ էր առել տիկին Խոխլա-
կովայի անձնական կառքը: Փոխկապիտանը, որ առավոտից
սպասում էր բժշկին, կայծակի արագությամբ վազեց դեպի
դարպասը՝ նրան դիմավորելու: «Մայրիկը» հավաքեց իրեն ու
ծանրակշիռ մի արտահայտություն տվեց դեմքին: Ալյոշան մո-
տեցավ Իլյուշային և սկսեց նրա բարձր ուղղել: Նիհողկան
անձկագին հետևում էր իր բազկաթոռից, թե ինչպես է նա կար-
գի բերում Իլյուշայի անկողինը: Տղաներն շտապեցին հրաժեշտ
տալ, մի քանիսը խոստացան գալ երեկոյան: Կոլյան կանչեց
Պերեզվոնին, և շունը անկողնից վար թռավ:

— Ես չեմ գնա, չեմ գնա,— հապճեպորեն ասաց Կոլյան
Իլյուշային,— կսպասեմ միջանցքում և նորից կգամ, երբ բժիշ-
կը գնա, Պերեզվոնի հետ կգամ:

Բայց արդեն ներս էր մտնում բժիշկը՝ ծանրակշիռ մի անձ-
նավորություն, արջենու մուշտակ հագած, երկար ու մուգ գույնի
այտամորուսներով, ծնոտը փայլուն ածիլված: Շեմքից ներս
անցնելով, նա հանկարծ կանգ առավ, կարծես շվարեց. երևի
նրան թվաց, թե սխալ տեղ է մտել: «Ի՞նչ է սա: Որտե՞ղ եմ
ես»,— քրթմնջաց նա, մուշտակը դեռ ուսերին պահելով ու նաև
չհանելով գլխարկը, որ ծովարջի մորթուց էր կարված և նույն
մորթուց էլ հովար ուներ: Բազմությունը ներսում, սենյակի
աղբատությունը, պարանի վրա կախված սպիտակեղենը անկյու-
նում՝ այս բոլորը շփոթեցրել էին նրան: Փոխկապիտանը երկու
ժալ դարձած խոնարհվում էր նրա առաջ:

— Այստեղ է, տիար, այստեղ է, տիար,— մրթմրթում էր
նա ստորաքարշորեն,— այստեղ է, իմ տունն է, տիար, իմ տունն
էիք գալիս, տիար...

— Մնե-գիր-յո՛վ,— ասաց բժիշկը հոխորտ ու բարձր ձայ-
նով:— Պարոն Մնեգիրյովը... դո՛ւք եք:

— Ե՛ս եմ, տիար...

— Ա՛:

Բժիշկը մի անգամ էլ շուրջը նայեց խորշող մի հայացքով
և մուշտակը ետ նետեց: Բոլորի աչքի առաջ շողշողաց նրա վզի
փառավոր շքանշանը: Փոխկապիտանը արագորեն բռնեց նրա
մուշտակը, իսկ բժիշկն իր գլխարկը հանեց:

— Իսկ ո՛ւր է հիվանդը,— հարցրեց նա՝ բարձրաձայն ու
տիրական շեշտով:

— Ինչ եք կարծում, ի՞նչ կասի նրան բժիշկը,— շուտասե-
լուկի նման հարցրեց Կոլյան:— Բայց ի՞նչ զզվելի մոութ է, չէ՞:
Տանե՛լ չեմ կարող բժշկությունը:

— Իլյուշան կմեռնի: Ինձ թվում է, որ արդեն կասկած չի
կարող լինել,— տխուր պատասխանեց Ալյոշան:

— Խարեբանե՛ր: Սո՛ւտ բան է բժշկությունը: Բայց ուրախ
եմ, որ ծանոթացա ձեզ, Կարամազով: Վաղուց էի ուզում ծանո-
թանալ: Միայն թե ցավում եմ, որ այս տխուր առիթով հանդի-
պեցինք...

Կոլյան շատ էր ուզում ավելի ջերմ, ավելի զեղուն մի բան
ասել, բայց կարծես ճնշվում էր մի տեսակ: Ալյոշան նկատեց
այդ, ժպտաց և սեղմեց նրա ձեռքը:

— Ես վաղուց սովոր եմ հարգելու ձեզ՝ որպես մի հազվա-
գյուտ անձնավորության,— կմկմաց նորից Կոլյան, շփոթվելով
ու տատամսելով:— Լսել եմ, դուք միստիկ եք և եղել եք վան-
քում: Գիտեմ, որ միստիկ եք, բայց... դա ետ չպահեց ինձ:
Իրականության հետ շփվելը ձեզ կբուժի... Ձեզ նման բնավո-
րությունները միշտ այդպես են լինում:

— Ի՞նչ եք հասկանում միստիկ ասելով: Իմ ի՞նչը պետք է
բուժվի,— զարմացավ մի քիչ Ալյոշան:

— Է՛, աստված-մաստված և այլն:

— Ի՞նչ, մի՞թե չեք հավատում աստուծո:

— Ընդհակառակը, ես ոչինչ էլ չունեմ աստծո դեմ: Իհար-
կե, աստվածը պարզապես ենթադրություն է... բայց... ընդու-
նում եմ, որ հարկավոր է նա, կարգ ու կանոնի համար... տիե-
զերական կարգ ու կանոնի և այլն... և եթե չլիներ աստված,
պետք էր հնարել նրան,— ավելացրեց Կոլյան, սկսելով կարմրել:
Հանկարծ մի բան անցավ նրա մտքով. չլինի՞ հիմա Ալյոշան
մտածում է, թե ինքը իր գիտելիքներն է ցուցադրում նրա առաջ՝
ցույց տալու համար իր «մեծ» լինելը: «Իսկ ես բոլորովին էլ չեմ
ուզում իմ գիտելիքները ցուցադրել»,— մտածեց Կոլյան վրդով-
մունքով: Եվ հանկարծ սոսկալի տհաճ զգաց:

— Խոստովանում եմ, ես տանե՛լ չեմ կարող այսպիսի վե-
ճերի մեջ մտնելը,— ասաց նա կտրականորեն:— Կարելի է նաև

առանց աստծուն հավատալու սիրել մարդկութեանը, չէ՞, ի՞նչ եք կարծում: Վոլտերը չէր հավատում աստծուն, բայց սիրում էր մարդկութեանը, չէ՞: («Նորից, նորի՛ց»,— մտածեց նա ինքնիրեն):

— Վոլտերը հավատում էր աստուծո, բայց կարծեմ քիչ էր հավատում և, որքան գիտեմ, մարդկութեանն էլ քիչ էր սիրում,— ասաց Ալյոշան հանգիստ, զուսպ ու կատարելապես բնական շեշտով, կարծես խոսում էր իր տարեկիցի կամ նույնիսկ իրենից մեծ մի մարդու հետ: Կոլյային հատկապես զարմացրեց, որ Ալյոշան այդպես մի տեսակ անվստահորեն արտահայտեց իր կարծիքը Վոլտերի մասին, և որ կարծես իրեն՝ փոքրիկ Կոլյային թողեց այդ հարցի լուծումը:

— Իսկ դուք, ինչ է, կարդացե՞լ եք Վոլտերին,— ավելացրեց Ալյոշան:

— Ոչ, չեմ կարող ասել, թե կարդացել եմ... Բայց կարդացել եմ «Կանդիդը», ուսերեն թարգմանությամբ... Հին, այլանդակ, ծիծաղելի մի թարգմանություն... (Նորից, նորի՛ց):

— Եվ հասկացա՞ք:

— Օ այո՛, ամեն ինչ... այսինքն... Իսկ ինչո՞ւ եք կարծում, որ չէի կարող հասկանալ: Իհարկե, պիղծ բաներ շատ կան այնտեղ... Ես անշուշտ կարող եմ հասկանալ, որ դա փիլիսոփայական վեպ է և գրվել է մի գաղափար առաջ քաշելու համար...— արդեն բոլորովին խճճվեց Կոլյան:— Ես սոցիալիստ եմ, Կարամազով, ես անուղղա սոցիալիստ եմ,— բոլորովին անկապորեն հայտարարեց նա մեկին, կարճ կտրելով:

— Սոցիալիստ,— ծիծաղեց Ալյոշան:— Բայց ե՞րբ եք հասցրել: Կարծեմ դեռ տասներեք տարեկան եք միայն, չէ՞: Կոլյան կծկվեց:

— Նախ՝ ոչ թե տասներեք, այլ տասնչորս, երկու շաբաթից՝ տասնչորս,— ուղղապի բռնկվեց նա կարմրելով,— և հետո՛ բոլորովին չեմ հասկանում, ի՞նչ գործ ունի այստեղ իմ տարիքը: Խնդիրն այն է, թե ինչ համոզմունքներ ունեմ, և ոչ թե քանի տարեկան եմ: Այնպես չէ՞:

— Երբ ավելի մեծահասակներդ կտեսնեք, թե տարիք ինչ նշանակություն ունի համոզմունքների համար: Ինձ թվաց, թե դրանք ձեր սեփական խոսքերը չեն,— համեստ ու հանգիստ պատասխանեց Ալյոշան, բայց Կոլյան տաք-տաք ընդհատեց նրան:

— Ներեցեք, դուք հնազանդություն ու միստիցիզմ եք ուզում: Ընդունեցեք, որ քրիստոնեական հավատքը, օրինակ, ծառայել է միայն հարուստներին ու մեծավորներին՝ ստրկության մեջ պահելու համար ցածր դասակարգը, այնպես չէ՞:

— Ա՛խ, ես գիտեմ որտեղ եք կարդացել այդ բանը, և անպայման ուրի՛շ մեկն է ասել ձեզ,— բացականչեց Ալյոշան:

— Ներեցեք, իսկ ինչո՞ւ անպայման պետք է կարդացած լինեմ: Եվ բացարձակապես ոչ ոք չի ասել ինձ: Ես ինքս էլ կարող եմ... Եվ եթե ուզում եք՝ ես դեմ չեմ քրիստոսին: Շատ մարդասեր մի անձնավորություն էր նա, և եթե մեր ժամանակներում ապրեր՝ ուղղակի հեղափոխականների շարքը կմտներ, գուցե և աչքի ընկնող դեր խաղար... Եվ անպայման այդպես կլիներ:

— Բայց որտեղի՞ց, որտեղի՞ց եք ձեր գլուխը մտցրել այդ բանը: Ո՞ր հիմարի հետ եք շփվել,— բացականչեց Ալյոշան:

— Ներեցեք, ճշմարտությունը չի կարելի թաքցնել: Ես իհարկե, մի որոշ առիթով, հաճախ եմ խոսում պարոն Ռակիտինի հետ, բայց... Ասում են, որ դեռ պապիս օրոք Բելիսկին էլ ասել է այդ բանը:

— Բելիսկին՞: Չեմ հիշում: Նա ոչ մի տեղ այդպիսի բան չի գրել:

— Եթե չի գրել, ուրեմն ասել է. այդպես են ասում: Ես դա լսել եմ մի մարդուց, որ... Բայց ոչինչ, գրո՞ղը տանի...

— Իսկ Բելիսկուն կարդացե՞լ եք:

— Գիտե՞ք ինչ... ոչ... կարգին չեմ կարդացել, բայց... այն հատվածն եմ կարդացել Տատյանայի մասին՝ թե ինչո՞ւ նա Օնեգինի հետ շփաց:

— Ինչպե՞ս թե Օնեգինի հետ շփաց: Բայց ինչ է, դուք այդ բանն արդեն... հասկանո՞ւմ եք:

— Ներեցեք, երևի դուք ինձ փոքրիկ Սմուրովի տեղ եք դնում,— շղայնորեն քմծիծաղեց Կոլյան:— Բայց խնդրեմ, մի՛ կարծեք, թե ես մի այնպիսի՝ հեղափոխական եմ: Շատ հաճախ՝ ես համաձայն չեմ լինում պարոն Ռակիտինի հետ: Տատյանա ասացի, բայց բոլորովին էլ կողմնակից չեմ կանանց ազատագրմանը: Ես ընդունում եմ, որ կինը ստորադաս էակ է և պետք է հնազանդի: Les femmes tricotent! ինչպես ասել է

1 Կանանց գործը հյուսելն է (ֆրանս.):

Նապոլեոնը,— չգիտես ինչու ժպտաց Կոլլան,— և գոնե այս հարցում կատարելապես բաժանում եմ այդ կարծեցյալ մեծ մարդու տեսակետը: Ծս էլ, օրինակ, գտնում եմ, որ հայրենիքից Ամերիկա փախչելը ստորութուն է, ստորութունից էլ վատ՝ հիմարութուն: Ինչո՞ւ Ամերիկա գնալ, երբ մեր երկրում էլ կարելի է մեծ օգուտ բերել մարդկությանը: Մանավանդ հիմա: Բեղուն գործունեության ահագին ասպարեզ կա: Հենց այդպես էլ պատասխանեցի:

— Ինչպե՞ս թե պատասխանեցիր: Ո՞ւմ: Ինչ է, որևէ մեկը ձեզ Ամերիկա՞ է հրավիրել արդեն:

— Խոստովանում եմ՝ ինձ դրդում էին, բայց ես մերժեցի: Սա մեր մեջ իհարկե, Կարամազով, լսո՞ւմ եք, ոչ ոքի ոչ մի խոսք: Միայն ձեզ եմ ասում: Բոլորովին ցանկություն չունեմ նրորդ բաժանմունքի ճանկն ընկնելու և դասեր առնելու Շոթալավոր կամուրջի մոտ:

Դեռ կհիշե՞ս դու շենքն այն
Շոթալավոր կամուրջի մոտ:

Հիշո՞ւմ եք: Հոյակապ է: Ինչո՞ւ եք ծիծաղում: Չլինի՞ կարծում եք, որ փչում եմ այս բոլորը ձեր առաջ: (Քսկ եթե հանկարծ իմանա՞, որ հորս պահարանում «Կոլոկոլի» այդ մի համարն է ընդամենը, և էլ ուրիշ ոչ մի այդպիսի բան չեմ կարդացել»,— մտածեց Կոլլան հարևանցիորեն, բայց սարսռալով):

— Օ՛հ, ոչ, ես չեմ ծիծաղում և բնավ էլ չեմ կարծում, որ սուտ խոսեցիր: Հենց այն է խնդիրը, որ չե՞մ կարծում. որովհետև՝ կատարելապես ճշմարիտ է այդ ամբողջը, ավա՛ղ: Բայց ասացեք, Պուշկինին կարդացե՞լ եք, հենց «Օնեգինը», օրինակ... Այ հիմա խոսում էիք Տատյանայի մասին:

— Ոչ, դեռ չեմ կարդացել, բայց ուզում եմ կարդալ: Ծս նախապաշարմունքներ չունեմ, Կարամազով: Ծս ուզում եմ երկու կողմերն էլ լսել: Ինչո՞ւ հարցրիք:

— Հենց այնպես:

— Ասացե՛ք, Կարամազով, դուք սոսկալի արհամարհո՞ւմ եք ինձ,— կտրեց հանկարծ Կոլլան և ամբողջ հասակով մեկ ձգվեց Ալլոշայի առաջ, կարծես մարտական դիրք ընդունելով:— Հաճեցեք ուղղակի ասել, առանց այլևայլի:

— Արհամարհում եմ ձե՞զ,— զարմացած նայեց նրան Ալլոշան:— Բայց ինչո՞ւ: Պարզապես տխրում եմ, որ ձեզ նման

հիանալի՞ մի բնավորություն, դեռ ապրել չսկսած, խեղաթյուրվել է արդեն այդ կոպիտ հիմարութուններով:

— Իմ բնավորության մասին մի՞ մտահոգվեք,— ընդհատեց Կոլլան մի որոշ ինքնագոհությամբ:— Բայց ճիշտ է, որ ես կասկածամիտ եմ: Հիմարորեն կասկածամիտ, կոպտորեն կասկածամիտ: Ժպտացիր հիմա, և ինձ թվաց, որ դուք կարծես թե...

— Ախ, ես բոլորովին ուրիշ բանի համար ժպտացի: Գիտե՞ք ինչու ժպտացի. վերջերս մի արտասահմանյան գերմանացու կարծիքը կարդացի մեր այժմյան ուսանող երիտասարդության մասին, Ռուսաստանում ապրած մի գերմանացու «Ռուս դպրոցականին»,— գրում է,— ցույց տվեք աստղերի քարտեզը, որի մասին նա մինչ այդ ոչ մի գաղափար չի ունեցել, և վաղն եթե այդ քարտեզը ձեզ կվերադարձնի՝ վրան ուղղումներ արած: Ոչ մի գիտելիք և անսահման ինքնահավանություն՝ ահա թե ինչ է ուզում ասել գերմանացին ուս դպրոցականի մասին:

— Օ՛, դա բացարձակապես ճի՛շտ է,— սկսեց հանկարծ քրքշալ Կոլլան,— կետ առ կետ ճի՛շտ է, ճիշտիսիմո՛: Բռա՛վո, գերմանացի: Բայց այդ օտարը դրա լա՛վ կողմը չի տեսել, հը՛, ի՞նչ եք կարծում: Ինքնահավանությո՞ւն. է՛հ, ինչ կա որ, դա երիտասարդ լինելուց է, հետո կուղղվի, միայն՝ եթե պետք է այդ ուղղվելը: Բայց մյուս կողմից՝ անկախ, ինքնուրույն ոգի, համարյա թե մանկությունից սկսած. մտքի և համոզմունքների խիզախություն, և ոչ թե այդ երջիկ ուսողների ստրկամիտ ոգին, որ գլուխ է ձուլում հեղինակությունների առաջ... Բայց համենայն դեպս լավ է ասել գերմանացին: Բռա՛վո, գերմանացի: Թեև՝ գերմանացիներին պետք է խեղդել, ճիշտն ասած: Դե հա, ուժեղ են գիտության ասպարեզում, բայց համենայն դեպս պետք է խեղդել նրանց...

— Խեղդե՛լ. բայց ինչո՞ւ,— ժպտաց Ալլոշան:

— Է՛հ, գուցե և հիմար բան ասացի, համաձայն եմ: Երբեմն սոսկալի երեխա եմ դառնում, և երբ ուրախանում եմ մի բանից՝ չեմ կարողանում ինձ զսպել, սկսում եմ հիմար-հիմար դուրս տալ: Բայց գիտե՞ք ինչ, մենք այստեղ դատարկ բաների մասին ենք շողակրատում, իսկ այդ բժիշկը որքա՛ն երկար մնաց այնտեղ: Դե գուցե «մայրիկին» էլ է քննում և այդ անդամալուծ նիւնային: Գիտե՞ք, այդ նիւնան ինձ դուր եկավ: Երբ սենյակից ելնում էի, հանկարծ ինձ փսփսաց. «Ինչո՞ւ մինչև հիմա չէիք գա-

լիս: Եվ այնպիսի մի ձայնով, կշտամբանքով: Ինձ թվում է, սոսկալի բարի ու խեղճուկրակ աղջիկ է:

— Այո, այո: Այ հիմա կսկսեք հաճախ գալ ու կտեսնեք, թե ի՞նչ մարդ է նա: Զեզ համար շատ օգտակար կլինի ճանաչել ահա այսպիսի էակներին, որպեսզի կարողանաք ուրիշ շատ բաներ էլ գնահատել, այդ բաները կիմանաք հենց այս մարդկանց հետ ծանոթանալու շնորհիվ,— նկատեց Ալլոշան փութեռանդորեն:— Ամեն ինչից ավելի հենց դա՛ ձեզ կվերափոխի:

— Օ՛, որքա՛ն ցավում եմ ու նախատում ինքս ինձ, որ չեմ եկել մինչև հիմա,— բացականչեց Կոլյան զառնագին մի զգացմունքով:

— Այո, շատ ցավալի է: Ինքներդ տեսաք, թե ի՞նչ ուրախ տպավորություն գործեցիք խեղճ տղայի վրա: Եվ ինչպես էր նա մորմոքվում՝ ձե՛զ սպասելով:

— Մի՛ ասեք ինձ: Ավելի եմ բորբոքվում: Բայց արժանի՛ եմ դրան. ինքնասիրությանից է, որ չէի գալիս, եսապաշտ ինքնասիրություն, ստոր կամակորություն, որից ամբողջ կյանքումս չեմ կարողանում ազատվել, թեև ամբողջ կյանքումս էլ աշխատել եմ կոտրել իմ այդ գիծը: Տեսնում եմ հիմա, շատ կողմերով ստո՛ր մարդ եմ ես, Կարամազով:

— Ոչ, դուք հիանալի բնավորություն ունեք, թեև աղճատված մի քիչ. և ես շատ լավ եմ հասկանում, թե ինչու այդպիսի ազդեցություն եք ունեցել այս ազնիվ ու հիվանդագին կերպով զգայուն տղայի վրա,— պատասխանեց Ալլոշան ջերմորեն:

— Եվ դուք ի՞նձ նք ասում այդ բանը,— գռչեց Կոլյան:— Իսկ ես, պատկերացրեք, կարծում էի... և հիմա էլ, այստեղ, քանի՛ անգամ մտքովս անցավ, որ դուք արհամարհում եք ինձ: Եթե իմանալի՛ք, թե որքան թանկ է ինձ համար ձեր կարծիքը:

— Բայց մի՛թե իրոք այդքան կասկածամիտ եք: Այս տարիքո՛ւմ: Այո, երևակայեցեք, երբ քիչ առաջ դուք պատմում էիք սենյակում, ես էլ հենց ձեզ նայելով մտածեցի, որ երևի շատ կասկածամիտ պետք է լինեք:

— Ուրեմն այդպե՛ս մտածեցիք: Բայց ի՞նչ սուր աչք ունեք, այ ասեմ ձեզ: Գրազ կգամ, դա հենց այն պահին էր, երբ ես սազի մասին էի պատմում: Հենց այդ պահին մտքովս անցավ, որ դուք ինձ խորապես արհամարհում եք, որովհետև ես շտապում եմ իմ քաջությունը ցուցադրել. և նույնիսկ ատեցի ձեզ դրա համար, սկսեցի հանկարծ հիմարություններ դուրս տալ: Հետո

էլ այստեղ, միջանցքում, երբ դեռ քիչ առաջ ասում էի՝ «Եթե չլինեիր աստված, պետք էր հնարել նրան», հանկարծ ինձ թվաց, թե շափից ավելի շտապում եմ իմ գիտելիքները ցուցադրել, մանավանդ որ գրքում եմ կարդացել այդ նախադասությունը: Բայց երդվում եմ, անափառությունից չէր, որ շտապում էի այդպես ցուցադրել ինքս ինձ. հենց այնպես, չգիտեմ ինչից էր, ուրախությունից էր, ուրախությունից, աստված վկա, ուրախությունից էր կարծես... Թեև շատ ամոթալի բան է, երբ մարդ ուրախությունից սկսում է բոլորի վզին փաթաթվել: Գիտեմ: Բայց հիմա արդեն համոզված եմ, որ դուք չեք արհամարհում ինձ և այդ բոլորը ինքս եմ երևակայել: Օ՛ Կարամազով, ես խորապես դժբախտ եմ: Երբեմն աստված գիտե թե ինչեր եմ երևակայում, որ իբր թե բոլորը ծիծաղում են ինձ վրա, ամբողջ աշխարհը ծիծաղում է, և այդ ժամանակ. այդ ժամանակ պարզապես ուզում եմ ոչնչացնել աշխարհի ամբողջ կարգուսարքը:

— Եվ տանջում եք ձեր շրջապատին,— ժպտաց Ալլոշան:

— Այո, տանջում եմ շրջապատիս, հատկապես մորս: Ասացեք ինձ, Կարամազով, շա՛տ ծիծաղելի եմ հիմա:

— Է՛հ, մի՛ մտածեք դրա մասին, մի՛ մտածեք, բնա՛վ,— բացականչեց Ալլոշան:— Եվ ի՞նչ է նշանակում ծիծաղել: Մարդ քի՛չ անգամ ծիծաղելի է լինում կամ թվում այդպես: Եվ հետո՛ գրեթե բոլոր ընդունակ մարդիկ հիմա սոսկալի վախենում են ծիծաղելի լինելուց և դրանով էլ դժբախտ են: Ինձ զարմացնում է միայն, որ դուք այսքա՛ն շուտ սկսել եք զգալ այդ բանը, թեև, ճիշտն ասած, ես վաղուց արդեն նկատում եմ դա, և ոչ միայն ձեր մեջ: Հիմա նույնիսկ երեխաներն էլ սկսել են տառապել այդ ցավով: Համարյա թե խելագարություն է դա: Սատանան է այդ ինքնասիրության կերպարանքն ստացել և մտել ամբողջ սերնդի մեջ, այո, հենց սատանա՛ն,— ավելացրեց Ալլոշան ու բոլորովին շփտաց, այնինչ Կոլյան, որ շեշտակի նայում էր նրան, հենց այդ վայրկյանին կարծեց, թե ժպիտ կտեսնի նրա դեմքին:— Դուք էլ նման եք բոլորին,— եզրակացրեց Ալլոշան,— այսինքն շատ-շատերին, միայն թե չպետք է լինեք այնպես, ինչպես բոլորն են, ա՛յս է խնդիրը:

— Նույնիսկ երբ բոլո՞րն են այդպես:

— Այո, նույնիսկ երբ բոլորն են այդպես: Դո՛ւք միայն այդպես մի լինեք: Եվ իրոք էլ դուք այնպես չեք, ինչպես բոլորը. ա՛յ հիմա շամաչեցիք և խոստովանեցիք այն, ինչ վատ է և

նույնիսկ ծիծաղելի, չէ՛: Իսկ մեր օրերում ո՞վ է խոստովանում այդ քանը: Ոչ ոք: Եվ նույնիսկ ինքնադատության կարիքն էլ չեն զգում այլևս: Ուրեմն մի՛ լինեք այնպես, ինչպես բոլորն են. ու թեկուզ միակը մնաք, համենայն դեպս մի՛ նմանվեք բոլորին:

— Հոյակա՛ւ պ է: Չեմ սխալվել ձեր նկատմամբ: Դուք մխիթարելու շնորհն ունեք: Օ՛, ինչպե՞ս էի ձգտում ծանոթանալ ձեզ հետ, Կարամազով, վաղուց, վաղուց էի ուզում հանդիպել ձեզ: Մի՞թե իսկապես դուք էլ մտածել եք իմ մասին: Քիչ առաջ ասացիք, որ դուք էլ մտածել եք իմ մասին, չէ՞:

— Այո, լսել էի ձեր մասին և մտածում էի նույնպես... և եթե հիմա ինքնասիրությունն էր մասամբ, որ ձեզ մղեց այդ հարցը տալու, դե վնաս չունի:

— Գիտե՞ք ինչ, Կարամազով, մեր այս բացատրությունը նման է սիրո խոստովանության,— ասաց Կոլյան մի տեսակ նվաղուն ու ամոթխած ձայնով:— Ծիծաղելի չէ՞ դա, ծիծաղելի չէ՞:

— Բոլորովին էլ ծիծաղելի չէ, ու թեկուզ ծիծաղելի էլ լինի՝ վնաս չունի, որովհետև լավ բան է,— պայծառ ժպտաց Ալյոշան:

— Բայց գիտե՞ք, Կարամազով, ընդունեցեք՝ դուք ինքներդ էլ հիմա մի քիչ ամաչում եք, որ ինձ հետ այսպես... Ձեր աչքերից եմ տեսնում,— ժպտաց Կոլյան մի տեսակ խորամանկորեն, բայց համարյա թե երջանիկ:

— Իսկ ինչո՞ւ պետք է ամաչեմ:

— Իսկ ինչո՞ւ կարմրեցիք:

— Բայց դո՛ւք այնպես արեցիք, որ կարմրեցի,— ծիծաղեց Ալյոշան և իրոք կասկարմիր եղավ:— Է՛, այո, մի քիչ ամաչում եմ՝ աստված գիտե, թե ինչու, չգիտեմ ինչու...— մրթմրթաց նա, համարյա նույնիսկ շփոթվելով:

— Օ՛, ինչպե՞ս եմ ձեզ սիրում ու գնահատում այս րոպեիս՝ հենց դրա համար. դո՛ւք էլ ամաչում եք, որ այսպես խոսում եք ինձ հետ, և չգիտե՞ք ինչու: Որովհետև դո՛ւք էլ ինձ նման եք,— բացահայտ հրճվանքով բացականչեց Կոլյան: Այտերը վառվում էին, աչքերը փայլում:

— Գիտե՞ք, Կոլյա, ի միջի այլոց, դուք նաև շատ դժբախտ մարդ եք լինելու կյանքում,— ասաց Ալյոշան ինչ-որ մղղմով:

— Գիտեմ, գիտեմ: Ինչպե՞ս ամեն ինչ իմանում եք նախօրոք,— հաստատեց իսկույն Կոլյան:

— Բայց այնուամենայնիվ, կյանքը պիտի օրհնեք ընդհանուր առմամբ:

— Շա՛տ ձիշտ է: Ուռա՛: Մարգարե եք դուք: Օ՛, մենք կմտերմանանք, Կարամազով: Գիտե՞ք, ինձ ամենից պվելի հիացնում է այն, որ դուք ինձ հետ բացարձակապես հավասարի նման եք վարվում: Բայց մենք հավասար չենք, ո՛չ, հավասար չենք, դուք պվելի՛ բարձր եք: Բայց կմտերմանանք: Գիտե՞ք, ամբողջ մի ամիս ես ինքս ինձ ասում էի. «Կա՛մ միանգամից բարեկամներ կդառնանք հավիտյանս հավիտենից, կամ էլ հենց առաջին անգամից կբաժանվենք որպես թշնամիներ՝ ցմահ»:

— Եվ այդպես ասելով՝ անշուշտ սիրում էիք ինձ, չէ՞,— ուրախ ծիծաղեց Ալյոշան:

— Սիրում էի, սոսկալի՛ սիրում, սիրում էի ու երազում ձեր մասին: Եվ ինչպե՞ս դուք նախօրոք իմանում եք այդ բոլորը: Պա՛հ, ահա վերջապես բժիշկը: Տեր աստված, ի՞նչ է ասելու արդյոք: Տեսեք, դե՛մքը տեսեք:

VII

ՈՅՈՒՅՈՒ

Բժիշկը սենյակից դուրս եկավ նորից մուշտակի մեջ փաթաթված և գլխարկը գլխին: Դեմքին համարյա բարկացած ու խորշող մի արտահայտություն կար, ասես դեռ վախենում էր, որ մի բանի դիպչելով կկեղտոտվի: Մի հարևանցի հայացք նետեց միջանցքին ու միաժամանակ խոստրեն նայեց Ալյոշային ու Կոլյային: Ալյոշան դռնից նշան արեց կառապանին, և բժշկին բերող կառքը մոտեցավ մուտքի դռանը: Փոխկապիտանը շեշտակի դուրս թռավ բժշկի ետևից և երկու ծալ լինելով, համարյա գալարվելով նրա առաջ, կանգնեցրեց ու մի վերջին խոսք խնդրեց նրանից: Խեղճ մարդու դեմքին կյանք չէր մնացել, աչքերի մեջ վախ կար:

— Ձե՛րդ գերազանցություն, ձե՛րդ գերազանցություն... մի՞թե...— սկսեց նա ու չկարողացավ շարունակել, միայն ձեռքերը հուսահատորեն զարկեց իրար, թեև մի վերջին պաղատանքով նայում էր դեռ բժշկին, կարծես թե իր խեղճ մանչուկի ճակատագիրը կարող էր փոխվել այն մեկ խոսքից, որ ասելու էր բժիշկը հիմա:

— Ի՞նչ կարող եմ անել: Աստված չեմ,— անփութորեն պատասխանեց բժիշկը, թեև նրա ձայնի մեջ ազդու մի շեշտ կար ըստ սովորութեան:

— Դոկտոր... Ձե՛րդ գերազանցութիւն... իսկ դա... շուտո՞վ է լինելու, շուտո՞վ:

— Պատ-րաստ ե-ղեք ամեն ինչի,— ասաց բժիշկը պարզ ու կտրուկ, շեշտելով յուրաքանչյուր վանկը, և աչքերը խոնարհեց, պատրաստվեց գուրս գալ շեմքից՝ դեպի կառքը:

— Ձե՛րդ գերազանցութիւն, ի սե՛ր Քրիստոսի,— նորից կանգնեցրեց նրան փոխկապիտանը, վախեցած,— ձե՛րդ գերազանցութիւն... էլ ուրեմն ոչի՞նչ չի փրկի նրան, ոչի՞նչ, բացարձակապես ոչի՞նչ...

— Հիմա այլևս ինձնից չի կախված,— ասաց բժիշկը անհամբեր,— և սակայն, հը՛մ,— կանգ առավ նա հանկարծ,— եթե դուք օրինակ, կարողանայիք... ու-ղար-կել... ձեր հիվանդին... Սի-րա-կու-զա... իսկույնեթ, առանց որևէ ուշացման (բժիշկն «իսկույնեթ, առանց որևէ ուշացման» բառերն արտասանեց ոչ թե պարզապես խստորեն, այլ համարյա ցասումնալից, այնպես որ փոխկապիտանը ցնցվեց նույնիսկ), ապա... նոր, բա-րե-րար կլի-մա-յա-կան պայմանների շնորհիվ... գուցե կարող է պատահել, որ...

— Սիրակու՛զա,— գոչեց փոխկապիտանը, կարծես դեռ ոչինչ չհասկանալով:

— Սիրակուզան գտնվում է Սիցիլիա կղզում,— վրա բերեց հանկարծ Կոլյան բարձրաձայն, որպես բացատրութիւն: Բժիշկը նրան նայեց:

— Սիցիլիա: Տեր իմ, ձե՛րդ գերազանցութիւն,— գլուխը կորցրեց փոխկապիտանը,— բայց դուք տեսաք, չէ՞,— երկու ձեռքերը տարածեց նա շուրջանակի, ցույց տալով իր պայմանները— իսկ մայրի՛կը, իմ ընտանի՛քը:

— Ո-ոչ, ընտանիքին Սիցիլիա պետք չէ, ձեր ընտանիքը՝ Կովկաս, վաղ գարնան... ձեր դստերը՝ Կովկաս, իսկ կնոջը... հողացավի համար նույնպես Կով-կա-սում հանքային ջրեր ընդունելուց հետո... անմիջապես ու-ղար-կել Փարիզ՝ հո-գե-բույժ դոկտոր Լը-պել-լըտյեի բուժարանը, ես կարող եմ ձեզ մի երկտող տալ նրա անունով, և այդ դեպքում... գուցե կարող է պատահել, որ...

— Դոկտոր, դոկտոր: Բայց ախր տեսնո՞ւմ եք,— հան-

կարծ նորից ձեռքերը տարածեց փոխկապիտանը, հուսահատորեն ցույց տալով միջանցքի մերկ, գերանակապ պատերը:

— Ա՛, դա արդեն իմ գործը չէ,— ժպտաց բժիշկը,— ես պարզապես ասացի այն, ինչ գի-տու-թյունը կարող է պատասխանել՝ վերջին միջոցների մասին ձեր հարցին, իսկ մնացյալը... ցավում եմ, որ...

— Մի՛ անհանգստացեք, բուժա՛կ, իմ շունը ձեզ չի կծի,— խայթեց հանկարծ Կոլյան բարձր ձայնով, նկատելով բժշկի մի քիչ անհանգիստ հայացքը, որ ուղղված էր դռան մեջ կանգնած Պերեզվոնին: Ցասումնալից մի շեշտ հնչեց Կոլյայի ձայնի մեջ: Իսկ «բուժակ» բառը նա դիտմամբ ասաց «դոկտորի» փոխարեն, և «վիրավորելու համար» ասաց, ինչպես ինքը բացատրեց հետո:

— Ի՞նչ ա-սա-ցի՞ք,— գլուխը վեր ցցեց բժիշկը, աչքերը զարմացած սեռեցելով Կոլյային:— Ո՞վ է սա-ա՛, — դարձավ հանկարծ Ալյոշային, կարծես հաշիվ պահանջելով նրանից:

— Պերեզվոնի տերն է, բուժակ, մի՛ մտահոգվեք իմ անձի մասին,— խայթեց նորից Կոլյան:

— Զվո՛ն,— կրկնեց բժիշկը, չհասկանալով, թե ինչ բան է Պերեզվոնը:

— Քայլ առաջ, օ՛ն: Ցտեսութիւն, բուժա՛կ, կտեսնվենք Սի-րակուզայում:

— Ո՞վ է սա-ա՛: Ո՞վ է, ո՞վ,— հանկարծ սոսկալի բորբոք-վեց բժիշկը:

— Դպրոցական է, դոկտոր, շարաճճի տղա է, ուշադրութիւն մի՛ դարձնեք,— ասաց Ալյոշան արագ-արագ, խոժոռվելով:— Լոնցե՛ք, Կոլյա,— գոռաց նա Կրասոտկինին:— Պետք չէ ուշադրութիւն դարձնել, դոկտոր,— կրկնեց նա արդեն մի քիչ անհամբեր:

— Ծեծ-ծե՛լ, ծեծ-ծե՛լ է պետք, ծեծ-ծե՛լ,— ոտքը հատակին խֆեց բժիշկը, որ, չգիտես ինչու, չափից ավելի կատաղել էր:

— Բայց գիտե՞ք, ինչ, բուժա՛կ, իմ Պերեզվոնը կարող է և կծել, գիտե՞ք,— ասաց Կոլյան դողացող ձայնով. գունատվել էր նա և աչքերը փայլատակում էին:— Իսի՛, Պերեզվոն:

— Կո՛լյա, եթե մի բառ էլ ասեք, այլևս երբեք չեմ խոսի ձեզ հետ,— գոռաց Ալյոշան հրամայականորեն:

— Բուժա՛կ, ամբողջ աշխարհում միայն մե՛կ մարդ կա, որ կարող է հրամայել Նիկոլայ Կրասոտկինին, այն էլ ահա ա՛յս

մարդն է,— Կոլյան ցույց տվեց Ալյոշային:— Հնազանդվում եմ նրան: Մնաք բարով:

Նա խոյացավ դեպի սենյակի դուռը, բացեց ու արագ ներս մտավ: Պերեզվոնը վազեց նրա ետևից: Բժիշկը, կարծես ապուշ կտրած, դեռ մի հինգ վայրկյան էլ անշարժ կանգնեց, նայելով Ալյոշային, հետո հանկարծ թքեց ու արագ քայլերով գնաց դեպի կառքը, բարձրաձայն կրկնելով. «Ի՛նչ է սա-ա, ի՛նչ է, ի՛նչ է... չգիտեմ ինչ է»: Փոխկապիտանը վազեց, որ օգնի նրան կառք նստելու: Ալյոշան սենյակ մտավ Կոլյայի ետևից: Կոլյան արդեն կանգնել էր Իլյուշայի անկողնի մոտ: Իլյուշան բռնել էր նրա ձեռքը և հայրիկին էր կանչում: Մի ըրպեցիք վերադարձավ նաև փոխկապիտանը:

— Հայրի՛կ, հայրի՛կ, արի այստեղ... մենք...— սկսեց թոթովել Իլյուշան արտակարգորեն հուզված, բայց երևի չկարողանալով շարունակել՝ հանկարծ իր նիհարիկ թևերն առաջ նետեց ու միանգամից գրկեց թե՛ Կոլյային, թե՛ հորը, գրկեց այնքան ամուր, որքան կարող էր, միացնելով նրանց իր գրկում և ինքն էլ սեղմվելով նրանց: Փոխկապիտանը հանկարծ սկսեց ամբողջ մարմնով ցնցվել լուռ հեծկտանքից, իսկ Կոլյայի շրթներն ու ծնոտը դողողացին:

— Հայրի՛կ, հայրի՛կ: Որքա՛ն եմ մեղքանում քեզ, հայրիկ,— վշտամորմոք հառաչեց Իլյուշան:

— Իլյուշկա... հոգյակս... բժիշկն ասաց... կառողջանաս... երջանիկ կլինենք... բժիշկը...— սկսեց փոխկապիտանը, բայց չկարողացավ շուրանակել:

— Ա՛խ, հայրիկ: Գիտեմ ինչ ասաց նոր բժիշկը... Տեսա՛,— բացականչեց Իլյուշան ու նորից ամբողջ ուժով սեղմեց երկուսին էլ իր գրկում, երեսը թաքցնելով հայրիկի ուսին:

— Լաց մի՛ լինի, հայրիկ... և երբ ես մեռնեմ, դու մի լավ տղա վերցրու, մի ուրիշ տղա... ինքդ ընտրիր նրանցից մեկին՝ մի լավ տղայի... անունը Իլյուշա դիր, և իմ տեղը նրա՛ն սիրիր...—

— Սո՛ւս արա, բիձուկ, կառողջանա՛ս,— գոռաց հանկարծ Կրասոտկինը, ասես բարկանալով:

— Իսկ ինձ, հայրի՛կ, ինձ երբեք մի՛ մոռանա,— շարունակեց Իլյուշան,— միշտ արի ինձ մոտ, իմ գերեզմանը... և հետո գիտե՛ս ինչ, հայրիկ, ինձ թաղիր մեր մեծ քարի կողքին, ուր քեզ հետ գնում էինք ման գալու, և Կրասոտկինի հետ արի այն-

տեղ ինձ մոտ, իրիկունը... Եվ Պերեզվոնն էլ... Իսկ ես պիտի սպասեմ ձեզ... Հայրի՛կ, հայրի՛կ:

Նրա ձայնը կտրվեց, երեքն էլ կանգնել էին գրկված և արդեն լուռ էին: Նիհնչկան էլ մեղմ արտասովում էր իր բազկաթոռում, և հանկարծ մայրիկն էլ, տեսնելով նրանց լացը, սկսեց աղի արցունք թափել:

— Իլյո՛ւշկա: Իլյո՛ւշկա,— բացականչում էր մայրիկը:

Կրասոտկինը հանկարծ դուրս եկավ Իլյուշայի գրկից:

— Ցտեսություն, բիձուկ, մայրս ինձ սպասում է ճաշին,— ասաց նա արագ-արագ:— Ափսո՛ս, որ նախօրոք շասացի նրան: Շատ կանհանգստանա... Բայց ճաշից հետո անմիջապես կգամ քեզ մոտ, ամբողջ օրը կմնամ, ամբողջ իրիկունը, և այնքա՛ն բաներ կպատմեմ քեզ, այնքա՛ն բաներ: Եվ Պերեզվոնին էլ կբերեմ, իսկ հիմա հետս եմ տանում, որովհետև առանց ինձ կսկսի ոռնալ և կխանգարի քեզ: Ցտեսություն:

Եվ նա վազեց միջանցք: Չէր ուզում լաց լինել, բայց և այնպես միջանցքում սկսեց լալ: Այդ վիճակում էլ գտավ նրան Ալյոշան:

— Կոլյա, դուք անպայման պետք է կատարեք ձեր խոսքը, և գաք, այլապես նա սոսկալի վիշտ կապրի,— ասաց Ալյոշան պարտադրող շեշտով:

— Անպայմա՛ն: Օ՛, ինչպե՛ս եմ անիծում ինքս ինձ, որ մինչև հիմա չեմ եկել,— մրթմրթաց Կոլյան լալով և արդեն առանց ամաչելու, որ լաց է լինում:

Այդ ըրպեին հանկարծ սենյակից դուրս թռավ փոխկապիտանը և իսկույն դուռը փակեց իր ետևից: Նրա դեմքին մուգնահար մի արտահայտություն կար, շրթները դողում էին: Կանգնեց երկու պատանիների առաջ և ձեռքերը վեր նետեց:

— Չե՛մ ուզում լավ տղա: Չե՛մ ուզում ուրիշ տղա,— շշնջաց նա վայրագ մի փսփսուքով ու կրճտացնելով ատամները:— Եթե մոռացայց զքեզ, Երուսաղեմ, մոռացցի զիս աչ իմ...—

Չկարողացավ շարունակել, կարծես շունչը կտրվեց, և ուժասպառ ընկավ ծնկների վրա՝ փայտե նստարանի առաջ: Բռունցքներով սեղմեց գլուխը և սկսեց հեկեկալ, մի տեսակ անհեթեթ վնգվնգալով, բայց և ամբողջ էությունը ճիգ անելով, որ չլսեն իր վնգվնգոցները սենյակում: Կոլյան փողոց վազեց:

— Ցտեսություն, Կարամազով: Դուք ինքներդ գալո՞ւ եք,— կտրուկ ու բարկացած գոռաց նա Ալյոշային:

— Երեկոյան անպայման կգամ:

— Այդ ի՞նչ էր ասում Երուսաղեմի մասին... Դա ի՞նչ բան էր:

— Աստվածաշնչից է. «Եթե մոռացայց զքեզ, Երուսաղեմ», այսինքն եթե մոռանամ այն ամբողջը, որ ամենից ավելի թանկ է ինձ համար, եթե փոխեմ ուրիշ բանի հետ, ապա ուրեմն թո՛ղ պատժի իմ...

— Հասկանում եմ, բավական է: Դուք էլ եկեք անպայման: Իսի՛, Պերեզվոն,— արդեն ուղղակի կատաղորեն գոռաց նա շանը և խոշոր, արագ քայլերով գնաց տուն:

Ք ի ը ք տ ա ս ն մ ե կ ե ռ ո ղ

ԻՎԱՆ ՖՅՈՂՈՐՈՎԻՉ

I

ԳՐՈՒՇԵՆԱՍԻ ՄՈՏ

Ալյոշան գնաց Մայր եկեղեցու հրապարակը՝ Մորոզովայի տունը, Գրուշենկային տեսնելու: Գրուշենկան դեռ վաղ առավոտյան ուղարկել էր Ֆենյային՝ խնդրելով Ալյոշայից, որ նա անպայման գա իր մոտ: Ֆենյային հարցուփորձելով, Ալյոշան իմացել էր, որ մի մեծ, առանձին տագնապ է համակել նրա տիրուհուն՝ դեռ երեկվանից: Միտյայի ձերբակալությունից հետո, անցած երկու ամսվա ընթացքում, Ալյոշան հաճախ էր այցելում Մորոզովայի տունը՝ թե՛ իր սեփական ցանկության մղումով, թե՛ Միտյայի հանձնարարությամբ: Միտյայի ձերբակալությունից երեք օր հետո Գրուշենկան սաստիկ հիվանդացել էր ու գրեթե հինգ շաբաթ էր տևել նրա հիվանդությունը: Մի ամբողջ շաբաթ պառկել էր ուշակորույս: Շատ էր փոխվել դեմքը, նիհարել էր ու դեղնել, թեև ահա երկու շաբաթ է արդեն՝ կարողանում էր տնից դուրս գալ: Բայց Ալյոշայի կարծիքով, նրա դեմքը մի տեսակ ավելի գրավիչ էր դարձել, և Ալյոշան սիրում էր հանդիպել նրա հայացքին, երբ մտնում էր նրա տունը: Գրուշենկայի հայացքը կարծես ամրացել էր տոկուն ու

իմաստալից մի բանով: Աչքերը մի որոշ հոգեկան հեղաշրջում էին արտահայտում՝ անխախտ, խոնարհ, բայց համառ ու անդարձ մի վճռականություն: Ճակատին, հոնքերի միջև, մի փոքրիկ, ուղղահայաց կնճիռ էր երևացել, և դա ինքնամփոփ, առաջին հայացքից նույնիսկ խստաշունչ մտածկոտություն տեսք էր տալիս նրա հմայիչ դեմքին: Նախկին թեթևամտությունից, օրինակ, հետք անգամ չէր մնացել: Ալյոշային տարօրինակ էր թվում և այն, որ շնայած խեղճ կնոջ գլխին եկած ամբողջ դժբախտության, շնայած որ նրա փեսացուին ձերբակալել էին ահավոր մի ռճրագործության համար՝ գրեթե հենց այն պահին, երբ ինքը նրա հարսնացուն էր դարձել, շնայած իր անցկացրած հիվանդության և վաղվա գրեթե անխուսափելի դատավճռին, որ կախվել էր սպառնալիքի նման, Գրուշենկան այնուամենայնիվ չէր կորցրել իր նախկին երիտասարդական կենսուրախությունը: Նրա մի ժամանակ հպարտ աչքերի մեջ մի մեղմ լույս էր շողում հիմա, թեև... թեև այդ աչքերը մերթ ընդ մերթ դարձյալ բոցավառվում էին շարագուշակ մի հրով, երբ նրան կրկին ու կրկին այցելում էր անցյալի մի մտատանջություն, որ ոչ միայն չէր մեղմացել, այլ նույնիսկ ավելի էր սաստկացել նրա սրտում: Այդ մտատանջության առարկան միշտ նույնն էր՝ Կատերինա Իվանովնան, որի մասին Գրուշենկան նույնիսկ զառանցել էր հիվանդ եղած ժամանակ: Ալյոշան հասկանում էր, որ Գրուշենկան սոսկալի խանդում է նրան, շնայած որ Կատերինա Իվանովնան ոչ մի անգամ չէր գնացել կալանավոր Միտյայի մոտ, թեև ուզած ժամանակ կարող էր այցելել նրան բանտում: Այս ամբողջը դժվար մի խնդիր էր դարձել Ալյոշայի համար, որովհետև նա միակ մարդն էր, որի առաջ Գրուշենկան բացում էր իր սիրտը և անընդհատ խորհուրդ հարցնում. իսկ Ալյոշան երբեմն բացարձակապես ոչինչ չէր կարողանում ասել նրան:

Ալյոշան անհանգիստ սրտով մտավ նրա բնակարանը: Արդեն տանն էր Գրուշենկան. կես ժամ առաջ վերադարձել էր Միտյայի մոտից, և հիմա այնպիսի մի արագ շարժումով վեր թռավ բազկաթոռից ու ընդառաջ վազեց, որ Ալյոշան հենց դրանից միայն հասկացավ, թե նա մեծ անհամբերությամբ սպասում էր իրեն: Սեղանի վրա խաղաթղթեր կային, նոր էին սկսել «գուրաչկի» խաղալ: Կաշվե բազմոցի վրա, սեղանի մյուս կողմը, անկողին էր փոված և այնտեղ ընկողմանել էր Մաքսիմովը, որ գիշերազգեստ էր հագել ու բամբակյա թասակ ուներ

գլխին. երևում էր, որ հիվանդ է նա, տկարացել է, թեև քաղցր ժպտում էր: Այս անտունի ծերուկը դեռ այն ժամանակ, երկու ամիս առաջ, Գրուշենկայի հետ վերադառնալով Մոկրոեից, պարզապես մնացել էր նրա տանը և մինչև հիմա էլ մնում էր: Երբ այդ օրը, անձրևին ու ցեխին, վերջապես Մոկրոեից տուն հասան, Մաքսիմովը, թրջված ու վախեցած, նստեց բազմոցի վրա և աչքերը լուռումունջ հառեց Գրուշենկային՝ երկշոտ ու խնդրող մի ժպիտով: Գրուշենկան սոսկալի վշտի մեջ էր, արդեն սկսել էր նաև տենդը, և նա, տուն հասնելուց հետո զանազան հոգսերով տարված, համարյա մոռացավ նրան առաջին կես ժամվա ընթացքում: Հետո հանկարծ մի տեսակ սևեռուն հայացքով նայեց նրան. ծերուկը խղճալիորեն ծիծաղեց իր մանր քրքիռով, շփոթված նայելով նրա երեսին: Գրուշենկան կանչեց Ֆենյային ու պատվիրեց, որ ուտելու բան տան նրան: Ամբողջ այդ օրը նա նստած մնաց իր տեղում, համարյա առանց շարժվելու: Իսկ երբ մուժն ընկավ ու փեղկերը փակեցին, Ֆենյան հարցրեց իր տիրուհուն:

— Ուրեմն ի՞նչ է, տիրուհի, պարոնը էստե՞ղ է մնալու գիշերը:

— Այո, անկողին գցիր բազմոցին, — պատասխանեց Գրուշենկան:

Ավելի մանրամասն հարցուփորձ անելով, Գրուշենկան իմացավ, որ նա հիմա, իրոք, բացարձակապես ոչ մի տեղ չունի ապաստանելու, և որ «պարոն Կալզանովը, իմ բարերարը, ուղղակի հայտարարեց, որ այլևս չի ընդունի ինձ և հինգ ուրլի նվիրեց»: — «Դե լավ, աստված քեզ հետ, մնա՛ ուրեմն այստեղ», — որոշեց վշտահար Գրուշենկան, կարեկցորեն ժպտալով նրան: Այդ ժպիտը տակնուվրա արեց ծերուկի սիրտը, և նրա շրթները դողդղացին երախտապարտ արցունքներից: Ու թափառական ձրիակներն այդպես էլ մնաց Գրուշենկայի մոտ այդ օրից ի վեր: Նույնիսկ նրա հիվանդության օրերին չհեռացավ տնից: Ֆենյան ու նրա մայրը, Գրուշենկայի խոհարարուհին, շվտարեցին նրան, այլ շարունակեցին կերակրել ու նրա համար անկողին փոել բազմոցի վրա: Հետագայում Գրուշենկան նույնիսկ վարժվեց նրան և ամեն անգամ, երբ վերադառնում էր Միտյայի մոտից (որին սկսել էր այցելության գնալ իր առողջանալուց անմիջապես հետո, նույնիսկ դեռ լրիվ չապաքինված), իր տիրությունը փարատելու համար նստում ու սկսում էր այլևայլ

դատարկ բաներից խոսել «Մաքսիմուշկայի» հետ, միմիայն իր վիշտը մոռանալու նպատակով: Պարզվեց, որ ծերուկը երբեմն կարողանում է հետաքրքրական բաներ պատմել, այնպես որ ի վերջո նա նույնիսկ անհրաժեշտ դարձավ Գրուշենկայի համար: Բացի Ալյոշայից, որ գալիս էր, բայց ոչ ամեն օր, և միշտ էլ քիչ էր նստում, համարյա ուրիշ ոչ ոքի չէր ընդունում Գրուշենկան: Իսկ նրա ծերունի վաճառականն այդ ժամանակ սոսկալի հիվանդ էր արդեն, «չունչը փշում էր», ինչպես ասում էին քաղաքում, և իսկապես՝ Միտյայի դատից մի շաբաթ հետո մեռավ: Մահից երեք շաբաթ առաջ, զգալով մոտալուտ վախճանը, նա վերջապես իր որդիներին և նրանց կանանց ու երեխաներին կանչեց իր մոտ՝ վերին հարկը, և պատվիրեց, որ այլևս չհեռանան իրենից: Հենց նույն րոպեին էլ ծառաներին խստորեն հրամայեց, որ էլ երբեք ներս չընդունեն Գրուշենկային, իսկ եթե գա՛ ասեն նրան. «Ձեզ երկար և ուրախ կյանք է մաղթում և ասում է, որ բոլորովին մոռանաք իրեն»: Եվ սակայն Գրուշենկան գրեթե ամեն օր մարդ էր ուղարկում՝ նրա առողջությունը հարցնելու:

— Եկա՛ր վերջապես, — գոռաց նա, գցելով խաղաթղթերը և ուրախությամբ ողջունելով Ալյոշային, — իսկ Մաքսիմուշկան հենց մի գլուխ վախեցնում էր ինձ, թե գուցե էլ շես գա: Ա՛խ, այնպե՛ս հարկավոր ես ինձ հիմա: Նստիր սեղանի մոտ: Ասա ինչ ես ուզում, սո՛ւրճ:

— Լավ կլինի, — ասաց Ալյոշան, նստելով սեղանի մոտ, — շատ եմ քաղցած:

— Ահա՛: Ֆենյա, Ֆենյա, սո՛ւրճ, — գոռաց Գրուշենկան: — Վաղուց արդեն եռում է սուրճը, քե՛զ է սպասում: Կարկանդակ էլ բեր, և տաք-տաք բեր: Հա՛, լսիր ինձ, Ալյոշա, այս կարկանդակների գլխին այսօր փոթորիկ պայթեց: Հետո բանտ էի տարել նրա համար, բայց կհավատա՞ս՝ բռնեց ու ետ շարտեց, այնպես էլ չկերավ: Մի հատն էլ վերցրեց, ուղղակի գցեց հատակին ու տրորեց: Ես էլ ասացի՝ «Պահակի մոտ կթողնեմ. եթե շուտե՛ս մինչև իրիկուն, ուրեմն քո թունոտ մաղձով ես կշտանում»: Ասացի ու դուրս եկա: Նորի՛ց կովեցինք, հավատո՞ւմ ես դու սրան: Երբ էլ որ գնամ, հենց մի գլուխ կովում ենք:

Գրուշենկան մի շնչով ասաց այդ բոլորը, հուզված: Մաքսիմովն անմիջապես վախ զգաց և աչքերը խոնարհելով սկսեց ժպտալ:

— Իսկ ա՞յս անգամ ինչու կովեցիք,— հարցրեց Ալյոշան:

— Է՞հ, բոլորովին չէի սպասում: Երևակայիր, «նախկինի» համար խանդեց, այն լեհի: Ասում է՝ «Ինչու էս պահում նրան: Ուրեմն սկսել ես պահել նրան, հա՞»: Խանդում է, անընդհատ խանդում: Քնում է՝ խանդում, ուտում է՝ խանդում: Անցյալ շաբաթ էր՝ մի անգամ նույնիսկ Կուզմայի համար էլ խանդեց:

— Բայց չէ՞ որ նա գիտեր «նախկինի» մասին:

— Դե ա՞յ ասա: Հենց սկզբից էլ գիտեր, մինչև այսօր գիտեր և այսօր հանկարծ վեր կացավ ու սկսեց հայհոյել: Ուղղակի ամաչում եմ կրկնել ասածները: Հիմա՞ր: Երբ դուրս էի գալիս, Ռակիտկան եկավ մոտը: Գուցե հենց Ռակիտկան է նրա գլուխը լցնում, հա՞: Ի՞նչ ես կարծում,— ավելացրեց նա մի տեսակ ցրված:

— Միրում է քեզ, հասկանո՞ւմ ես, շատ է սիրում: Եվ հիմա ջգայնացած էլ է մանավանդ:

— Ինչպե՞ս չըղայնանա, վաղը դատն է: Եվ գնացել էի, որ վաղվա համար իմ խոսքն ասեմ իրեն, որովհետև, Ալյոշա, սարսափում եմ նույնիսկ մտածել, թե ի՞նչ է լինելու վաղը: Այ դու ասում ես, որ նա ջգայնացած է, բայց ե՞ս ինչ ջգային վիճակում եմ: Իսկ նա լեհի՞ մասին է խոսում: Այ քեզ հիմա՞ր: Կավ է, գոնե Մաքսիմուշկայի համար չի խանդում:

— Իմ կինն էլ շատ էր խանդում ինձ,— վրա բերեց Մաքսիմովը:

— Ի՞նչ, քե՞զ,— ակամա ծիծաղեց Գրուշենկան:— Ո՞ւմ համար պիտի խանդեր որ:

— Աղախինների:

— Է՞, սուս կաց, Մաքսիմուշկա, ծիծաղելու սիրտ չունեմ հիմա, նույնիսկ ջգայնությունս է գալիս: Կարկանդակների վրա էլ աչք մի՛ տնկիր, չեմ տա, վնաս է քեզ. սպիտակ ջրից էլ չեմ տա: Ահա՛, մեկ էլ սրա՛ հոգսը պետք է քաշեմ. կարծես անկեղանոց լինի իմ տունը, ճիշտ եմ ասում,— ծիծաղեց նա:

— Ես ձեր բարեբարությունն արժանի չեմ, ես չնչին մի արարած եմ,— ասաց Մաքսիմովը լացակումած, բարախիկ ձայնով:— Ավելի լավ կլիներ՝ ձեր բարիքները շռայլեիք նրանց, ովքեր ինձնից ավելի պիտանի են:

— Է՛խ, ամեն մարդ էլ պիտանի է, Մաքսիմուշկա, և ինչպե՞ս իմանանք, թե ով ումից ավելի է պիտանի: Գոնե բոլորովին չլինեք այդ լեհը, Ալյոշա, ախր նրա խելքին էլ փչել է այ-

նոր հիվանդանալ: Նրա մոտ էլ եղա: Եվ այ հիմա նրան էլ կարկանդակ եմ ուղարկելու. դիտմա՛մբ. չէի ուղարկում, բայց Միտյան ինձ մեղադրեց, որ ուղարկում եմ, դե այ ուրեմն դիտմամբ եմ ուղարկելու հիմա, դիտմա՛մբ: Ախ, Փենյան նամա՛կ է բերում ահա: Դե հա՛, պարզ է, նորից այդ լեհերն են, փո՞ղ են ուզում նորից:

Եվ իրոք, պան Մուսայլովիչը, ըստ իր սովորության, շափազանց երկար ու մանվածապատ մի նամակ էր ուղարկել, երեք ուրբի պարտք էր խնդրում: Նամակին կցված էր մի ստացագիր, որով նա պարտավորություն էր ստանձնում երեք ամսվա մեջ վերադարձնել փողը. ստացագրի տակ ստորագրել էր նաև պան Վրուբլյովսկին: Գրուշենկան արդեն շատ էր այդպիսի նամակներ ստացել իր «նախկինից», և բոլորն էլ նույնպիսի ստացագրերով: Եվ դա սկսվել էր հենց Գրուշենկայի առողջանալու օրից, երկու շաբաթ առաջ: Բայց նա գիտեր, որ երկու պաները իր հիվանդության ժամանակ էլ գալիս էին իր առողջությունը հարցնելու: Գրուշենկայի ստացած առաջին նամակը երկար էր՝ մի թերթ մեծադիր նամակաթղթի վրա գրված ու տոհմային խոշոր կնիքով դրոշմված, և այնքան մթին էր ու մանվածապատ, որ Գրուշենկան հետք միայն կարգաց ու մի կողմ թողեց, բացարձակապես ոչինչ չհասկանալով: Եվ նամակ կարդալու գլուխ էլ չունեք այդ օրերին: Հաջորդ օրն այդ նամակին հետևեց երկրորդը, ուր պան Մուսայլովը երկու հազար ուրբի պարտք էր խնդրում ամենակարճ ժամանակով: Գրուշենկան այդ նամակն էլ առանց պատասխանի թողեց: Հետո արդեն նամակների մի ամբողջ շարք հաջորդեց, օրը մի նամակ, և բոլորն էլ նույնպես ծանրակշիռ ու մանվածապատ, բայց լեհերի խնդրած պարտքի գումարը, հետզհետե իջնելով, հասավ հարյուր ուրբու, քսանհինգ ուրբու, տասը ուրբու, և վերջապես Գրուշենկան ստացավ մի նամակ, ուր միայն մեկ ուրբի էին խնդրում պաները, կցելով մի ստացագիր, որի տակ երկուսն էլ ստորագրել էին: Այդ ժամանակ Գրուշենկան հանկարծ խղճաց ու անձամբ գնաց պանի մոտ, երեկոյան մթնշաղին: Մոսկալի աղքատության մեջ գտավ երկուսին էլ, համարյա ծայրահեղ կարիքի մեջ. ոչ ուտելիք ունեին, ոչ վառելափայտ, ոչ ծխախոտ, ու նաև պարտք էին տանտիրուհուն: Այն երկու հարյուր ուրբին, որ Միտյայից շահել էին Մոկրոնում, շատ արագ չգիտես ուր չբացել էր: Եվ սակայն Գրուշենկային զարմացրեց այն, որ երկուսն էլ իրեն դե-

Մավորեցին ամբարտավան, անկախ տեսքով, մեծագույն քաղաքավարությամբ, փրուն ճառերով: Գրուշենկան ծիծաղեց պարզապես և տասը ուրբի տվեց իր «նախկինին»: Եվ հենց այն ժամանակ էլ, ծիծաղելով, պատմեց այդ մասին Միտյային, և Միտյան բոլորովին շխանդեց: Բայց դրանից հետո պաները կառչեցին Գրուշենկայից, ամեն օր նրան ուժեղացնում էին նամակներով ու փող խնդրում, և նա ամեն անգամ ուղարկում էր մի քիչ: Եվ ահա այսօր Միտյայի խելքին փչել էր սոսկալի խանդել հանկարծ:

— Ես էլ, հիմարի պես, հենց մի րոպե նրա մոտ էլ մտա, երբ Միտյային տեսնելու էի գնում, որովհետև հիվանդացել է նա էլ՝ իմ նախկին պանը, — սկսեց նորից Գրուշենկան, իրար անցնելով ու աճապարելով: — Միծաղում էի և պատմում Միտյային. «Պատկերացրու, ասում էի, իմ լեհի խելքին փչեց, որ կիթառի վրա իր նախկին երգերը երգի ինձ համար, կարծում է՝ կհուզվեմ և իր հետ կամուսնանամ»: Եվ մեկ էլ Միտյան այնպե՛ս վեր թռավ ու սկսեց հայհոյել որ... Այդպես ուրեմն, հա՛. դե ես էլ կարկանդակ կուղարկեմ պաներին: Ֆենյա, ինչ է, նրա՛նք են այդ աղջնակին ուղարկել: Ահա՛, երեք ուրբի տուր նրան, մի տասը հատ էլ կարկանդակ փաթաթիր թղթի մեջ և ասա՛, որ տանի. իսկ դու էլ, Ալյոշա, անպայման պատմիր Միտյային, որ կարկանդակ ուղարկեցի նրանց:

— Ո՛չ մի դեպքում չեմ պատմի, — ասաց Ալյոշան ժպտալով:

— Է՛խ, դու կարծում ես, որ տանջվում է նա. չէ՛, նա դիտմամբ խանդեց, իսկ իր համար միևնույն է, — ասաց Գրուշենկան դառնորեն:

— Ինչպե՛ս թե դիտմամբ, — հարցրեց Ալյոշան:

— Հիմար ես դու, Ալյոշենկա, այստե՛մ քեզ. այդքան խելք ունես, բայց ոչինչ չես հասկանում այս հարցում, ահա՛: Ինձ համար վիրավորականը այն չէ, որ նա խանդում է ինձ նման աղջկան. թե չէ՛ իսկապես վիրավորական կլիներ, եթե բոլորովին շխանդեր: Ես այսպես եմ: Խանդից չեմ վիրավորվում. ես ինքս էլ դաժան սիրտ ունեմ, ինքս էլ կարող եմ խանդել: Միայն թե ինձ համար վիրավորական է, որ նա բոլորովին չի սիրում ինձ, իսկ հիմա դիտմամբ խանդեց, հասկացա՛ր: Կո՛ւյր եմ, ինչ է, չե՛մ տեսնո՞ւմ: Ինչո՞ւ հիմա հանկարծ նրա՛ մասին խոսեց, այդ Կատյայի. թե՛ այսպիսի՛ն է նա, այնպիսի՛ն է նա, Մոսկվա-

յից բժի՛շկ է կանչել իմ դատի համար, ինձ փրկելու համար է կանչել, ամենից առաջնակարգ դատապաշտպանի՛ն էլ է կանչել, ամենագիտո՞ւն դատապաշտպանին: Դե ուրեմն սիրում է այդ Կատյային, եթե սկսեց իմ աչքի առաջ գու՛լել նրան, և մեկ էլ իր անամո՞թ աչքերով իմ երեսին էր նայում: Ի՛նքս է մեղավոր իմ առաջ, դե դրա համար էլ կպել է ինձ, որ առաջինը ի՛նձ մեղավոր հանի և ամբողջ մեղքը վրաս գցի. ուզում է ասել՝ չդու ինձնից առաջ այդ լեհի հետ ես եղել, դե այ ուրեմն ես էլ իրավունք ունեմ, որ Կատյայի հետ եմ եղել»: Ա՛յ, հասկացա՛ր: Ամբողջ մեղքն ուզում է ինձ վրա գցել միայն: Դիտմամբ է կպել ինձ, դիտմամբ, ասո՞ւմ եմ քեզ, բայց ես այնպե՛ս կանեմ որ...

Գրուշենկան շարողացավ շարունակել, շատաց, թե ինչ կանի, թաշկինակով ծածկեց աչքերը և սկսեց սոսկալի հեկեկալ:

— Նա չի սիրում Կատերինա Իվանովնային, — ասաց Ալյոշան հաստատորեն:

— Դե լա՛վ, սիրում է թե չի սիրում՝ ի՛նքս շուտով կիմանամ, — ձայնի մեջ սպառնալից մի շեշտով ասաց Գրուշենկան, թաշկինակը հեռացնելով աչքերից: Դեմքն այլալվել էր: Ալյոշան դառնությամբ տեսավ, թե ինչպես հանկարծ նրա հեզ ու մեղմախիտ դեմքը դարձել էլ մոռյլ ու շարացած:

— Բավական են այս հիմարությունները, — կտրեց նա հանկարծ, — դրա համար չէ, որ կանչել եմ քեզ: Ալյոշա, ջանիկս, վա՛ղը ինչ է լինելու, վա՛ղը: Ահա՛ թե ինչն է տանջում ինձ: Եվ միայն ի՛նձ է տանջում, միա՛յն: Նայում եմ բոլորին, ոչ ոք դրա մասին չի մտածում, ոչ ոքի հո՛գն էլ չէ: Դո՛ւ գոնե մտածո՞ւմ ես դրա մասին: Վաղը դատո՞ւմ են, հասկանո՞ւմ ես, վա՛ղը: Ասա՛ ինձ, ինչպե՛ս են դատելու նրան: Այդ ծառա՛ն, ծառան է սպանել, ծառա՛ն: Աստվա՛ծ իմ: Մի՞թե ծառայի տեղ նրա՛ն են դատապարտելու, և ոչ ոք, ո՛չ ոք չի՞ պաշտպանելու նրան: Եվ այդ ծառային նեղություն էլ չեն տվել բոլորովին, հա՛:

— Խիստ հարցաքննության են ենթարկել, — նկատեց Ալյոշան մտախոհ, — բայց բոլորն էլ եկել են այն եզրակացություն, որ նա չէ: Հիմա հիվանդ պատկած է, լուրջ հիվանդ: Այդ օրից հիվանդ է, այդ նոպայի օրից, Իսկապես հիվանդ է, — ավելացրեց Ալյոշան:

— Աստվա՛ծ իմ, գոնե դու ինքդ գնայիր այդ դատապաշտպանի մոտ և երես առ երես պատմեիր գործը: Ասում են՝ Պեռերուրգից են հրավիրել նրան, երեք հազար ուրբով, հա՛:

— Մենք երեք հոգով տվեցինք երեք հազարը՝ ես, Իվանը և Կատերինա Իվանովնան։ Իսկ բժշկին նա անձամբ հրավիրեց Մոսկվայից՝ երկու հազարով։ Դատապաշտպան Ֆետյուկովիչը ավելի թանկ կվերցնեք, բայց այս գործը հռչակվել է ամբողջ Ռուսաստանում, բոլոր թերթերն ու ամսագրերը գրում են դրա մասին, և Ֆետյուկովիչն ավելի իր փառքի համար համաձայնվեց գալ, որովհետև շափազանց նշանավոր գործ է դարձել արդեն։ Երեկ տեսա նրան։

— Եվ ի՞նչ։ Խոսեցի՞ր հետը, — իսկույն վեր թռավ Գրուշենկան։

— Լսեց ու ոչինչ չասաց։ Ասաց, որ արգեն որոշակի կարծիք է կազմել։ Բայց խոստացավ նկատի առնել իմ ասածը։

— Ինչպե՞ս թե նկատի առնել։ Ախ, ի՞նչ խաբեբաներ են։ Կկործանե՞ն նրան։ Իսկ բժշկին ինչու է կանչել այդ օրիորդը, բժշկին։

— Որպես փորձագետի։ Ուզում են ապացուցել, որ եղբայրս խելագարվել է և սպանել է խելացնոր վիճակում, չի՞մանալով, թե ինչ է անում, — մեզմ ժպտաց Ալյոշան։ — Միայն թե եղբայրս չի համաձայնվի դրան։

— Ա՛խ, բայց ճշմարի՛տ է դա, եթե ինքն է սպանել, — բացականչեց Գրուշենկան։ — Խելագար էր այն ժամանակ, կատարյալ խելագար, և ես էի, ե՛ս էի մեղավորը, ինչ ստո՛ր եմ ես։ Բայց ախր նա չի՞ սպանել, չի՞ սպանել։ Իսկ բոլո՛րը նրան են ցույց տալիս, թե սպանել է, ամբողջ քաղաքը։ Նույնիսկ Ֆենյան էլ այնպիսի ցուցմունք է տվել, որ դուրս է գալիս՝ նա է սպանողը։ Եվ մեկ էլ խանութի՛ մարդիկ, և մեկ էլ այդ պաշտոնյա՛ն, իսկ առաջ էլ գինետանն են լսել նրա ասածները։ Բոլորը, բոլորը նրա դեմ են, ուղղակի աղմուկ են գցել։

— Այո, վկայությունները սոսկալի բարդվել են, — մոայլորեն նկատեց Ալյոշան։

— Իսկ Գրիգորի՛ն, Գրիգորի Վասի՛լեիչը, ախր կանգնել է իր ասածի վրա, թե դուռը բաց է եղել։ Համառորեն պնդում է, որ տեսել է ինքը, շես կարող նրան ետ գցել իր ասածից։ Ինքս զնացի մոտը, ինքս խոսեցի հետը։ Դեռ հայտնո՞ւմ էլ է։

— Այո, դա գուցե ամենաուժեղ վկայությունն է եղբորս դեմ, — ասաց Ալյոշան։

— Իսկ որ Միտյան խելագար է... դե հիմա էլ դրա նման մի բան է կարծես, ճիշտ եմ ասում, — սկսեց հանկարծ Գրուշենկան

մի տեսակ հատկապես մտահոգ ու խորհրդավոր արտահայտությամբ։ — Գիտե՞ս, Ալյոշենկա, վաղուց էի ուզում ասել քեզ դրա մասին. ամեն օր գնում եմ մոտը և պարզապես զարմանում եմ։ Ասա ինձ, ի՞նչ ես կարծում՝ այդ ի՞նչ բաներ են, որ սկսել է ասել հիմա։ Խոսում է, խոսում՝ ոչինչ չեմ կարողանում հասկանալ. մտածում եմ՝ երևի խելոք բաներ է ասում, դե ես էլ հիմար եմ, իմ խելքի բանը չէ. այդպես եմ ասում ինքս ինձ։ Բայց հանկարծ սկսեց «երեխու» մասին խոսել, այսինքն ինչ-որ մանկիկի մասին, թե՛ «ինչո՞ւ աղքատ է երեխեն»։ «Հենց այդ երեխու համար էլ հիմա Միբիր կգնամ. ես չեմ սպանել, բայց պետք է, որ Միբիր գնամ»։ Ի՞նչ բան է դա, ի՞նչ «երեխու» մասին էր՝ այնպես էլ ոչինչ չհասկացա։ Միայն թե լացս եկավ, երբ խոսում էր, որովհետև շա՛տ լավ ասաց այդ բանը. ինքն էր լաց լինում, ես էլ սկսեցի լաց լինել, և մեկ էլ հանկարծ ինձ համբուրեց ու ձեռքով խաշակնքեց։ Ի՞նչ է դա, Ալյոշա, ասա՛ ինձ, ի՞նչ «երեխու» մասին է դա։

— Վերջերս Ռակիտինը, շգիտեմ ինչու, հաճախ նրա մոտ է գնում, — ժպտաց Ալյոշան, — բայց չէ... Ռակիտինի բանը չէ դա։ Երեկ չեմ եղել մոտը, այսօր կտեսնեմ նրան։

— Ոչ, Ռակիտիկան չէ, Իվան Ֆյոդորովիչն է խոսվում նրա հոգին, նա՛ է գնում մոտը, հասկանո՞ւմ ես... — ասաց Գրուշենկան և հանկարծ լեզուն իրեն քաշեց։ Ալյոշան աչքերը հռոցեց նրան, խիստ զարմացած։

— Ինչպե՞ս թե գնում է։ Բայց մի՞թե Իվանը զնացել է տեսակցության։ Միտյան ինքը ինձ ասաց, թե նա ոչ մի անգամ չի եղել մոտը։

— Դե ա՛հ... ա՛յ թե ինչպիսի աղջիկ եմ ես։ Բերնիցս թոցրի, — բացականչեց Գրուշենկան շփոթված, հանկարծ կարճաբերելով։ — Սպասիր, Ալյոշա, սուս կաց. թող այդպես լինի. քանի որ բերնիցս թռավ արդեն, ասեմ ամբողջ ճշմարտությունը։ Իվանը երկու անգամ եղել է նրա մոտ։ Առաջին անգամ՝ երբ հենց նոր էր եկել. չէ՞ որ իսկույնեթ վազեց-եկավ Մոսկվայից, ես դեռ անկողին էլ չէի ընկել այն ժամանակ։ Իսկ երկրորդ անգամ՝ մի շաբաթ առաջ է գնացել։ Միտյային էլ պատվիրել է, որ շասի քեզ դրա մասին, շատ խիստ է պատվիրել, և առհասարակ պատվիրել է, որ ոչ ոքի չասի։ Գաղտնի է գնացել մոտը։ Ալյոշան նստել էր մտասուլզ և խորհրդածում էր մի բանի մասին։ Լուրը հայտնապես ապշեցրել էր նրան։

— Իվանը Միտյայի գործի մասին չի խոսում ինձ հետ,—
ասաց նա դանդաղորեն,— և առհասարակ նա ինձ հետ շատ
քիչ է խոսել ամբողջ այս երկու ամսվա ընթացքում. իսկ երբ
գնում էի մոտը, միշտ էլ դժգոհ էր լինում, որ եկել եմ, այնպես
որ արդեն երեք շաբաթ է՝ չեմ գնում այլևս: Հը՛մ... Եթե նա մի
շաբաթ առաջ է եղել այնտեղ, ուրեմն... Իսկպես, այս մի
շաբաթվա ընթացքում ինչ-որ փոփոխություն է տեղի ունեցել
Միտյայի մեջ...

— Փոփոխություն, փոփոխություն,— իսկույն վրա բերեց
Գրուշենկան:— Մի գաղտնիք կա նրանց մեջ, գաղտնիք կա,
գաղտնիք: Միտյան ինքը ինձ ասաց, որ գաղտնիք կա, և գի-
տե՞ս, այնպիսի՛ գաղտնիք, որ Միտյան չի էլ կարողանում
հանգստանալ: Առաջ նա զվարթ էր, չէ՞, այսինքն՝ հիմա էլ է
զվարթ, բայց, հասկանո՞ւմ ես, երբ որ սկսում է այսպես գլուխը
շարժել, մեկ էլ գնում-գալիս է սենյակում, ահա այս աչ մա-
տով էլ բունքի մազերն է սկսում խառնել, դե ես գիտե՞մ՝ մի
բան է անհանգստացնում նրա սիրտը... հաստատ գիտեմ: Թե
չէ՛ նա զվարթ էր առաջ. բայց այսօ՛ր էլ զվարթ էր:

— Բայց ասացիր՝ ջղայնացած էր, չէ՞:

— Դե ջղայնացած էլ էր, բայց զվարթ էր: Միշտ էլ ջղայ-
նանում է, բայց մի վայրկյան, հետո մեկ էլ զվարթ է լինում,
հետո նորից ջղայնանում է հանկարծ: Եվ գիտե՞ս, Ալյոշա,
անընդհատ զարմանում եմ նրա վրա. ի՞նչ ահավոր փորձանք
է կախվել գլխին, բայց նա մեկ-մեկ այնպիսի՛ դատարկ բանե-
րի համար սկսում է քրքջալ, կարծես ի՛նքը երեխա լինի:

— Եվ իսկպե՞ս պատվիրեց, որ Իվանի մասին բան չա-
սես ինձ: Հենց այդպես էլ «մի՛ ասա» ասա՞ց:

— Հենց այդպես էլ «մի՛ ասա» ասաց: Քեզնից է հատկա-
պես վախենում նա, այսինքն Միտյան, Միտյան: Որովհետև գաղտ-
նիք է, ինքը ասաց, որ գաղտնիք է... Ալյոշա, ջանիկս, գնա մոտը,
իմացիր՝ այդ ի՛նչ բան է նրանց գաղտնիքը, և արի ասա ինձ,—
վեր թռավ ու աղաչեց հանկարծ Գրուշենկան:— Հանգստացրու
իմ սիրտը, մեղք եմ, ես էլ իմանամ, թե ինչ է լինելու իմ անիծ-
յալ՝ բախտը: Այ սրա՛ համար կանչեցի քեզ:

— Կարծում ես՝ քե՞զ վերաբերող մի բան է: Բայց չէ՞ որ
այդ դեպքում նա քեզ չէր ասի, թե գաղտնիք կա:

— Զգիտեմ: Գուցե ուզում է ինձ ասել, բայց չի համար-

ձակվում: Զգուշացնում է: Այսինքն թե՛ գաղտնիք կա, բայց ինչ
գաղտնիք է՝ չի ասում ինձ:

— Իսկ ինքդ ի՛նչ ես կարծում:

— Ի՛նչ կարծեմ: Վերջս եկել է, ա՛յ թե ինչ եմ կարծում:
Նրանք երեքը միասին իմ գերեզմանն են փորում, որովհետև
Կատյայի մատը կա այստեղ: Ամբողջ այդ Կատյան է, նրանից
է գալիս ամեն ինչ: «Նա այսպե՛ս է, նա այնպե՛ս է», ուրեմն ես
այնպես չեմ: Նախօրոք ասում է Միտյան, նախօրոք զգուշացնում է
ինձ: Լքել է ուզում ինձ, այս է ահա ամբողջ գաղտնիքը: Երեքով են
այդ բանը մտածել՝ Միտյան, Կատյան և Իվան Ֆյոդորովիչը: Ալյո-
շա, վաղուց էի ուզում հարցնել քեզ. մի շաբաթ առաջ նա հանկարծ
ինձ ասաց, որ Իվանը սիրահարվել է Կատյային, որովհետև հա-
ճախ նրա մոտ է գնում: Ծի՛շտ ասաց, թե չէ: Ձեռքդ խղճիդ դիր
ու ասա՛, մի՛ խնայիր ինձ:

— Սուտ չեմ ասի քեզ: Իվանը չի սիրահարվել Կատերինա
Իվանովնային, այդպես եմ կարծում:

— Հա՛, ես էլ այդպես մտածեցի հենց այդ ըոպեին: Սո՛ւտ
է ասում ինձ, անամո՞թը, դե պա՛րզ է: Եվ հիմա խանդեց հան-
կարծ, որ հետո ինձ վրա գցի ամեն ինչ: Հիմար է նա, հիմար,
չի կարողանում գաղտնի պահել, այնքան բա՛ց է սիրտը, հաս-
կանո՞ւմ ես... Բայց ես ցո՛ւյց կտամ նրան, ցո՛ւյց կտամ նրան:
Ասում է՝ «Դու հավատում ես, որ ես եմ սպանել»... և ի՛նձ է
ասում այդ բանը, ինձ, ի՛նձ է հանդիմանում դրանով, հա՞:
է՛հ, աստված նրա հետ: Բայց սպասի՛ր, այդ Կատյան կստա-
նա՛ ինձնից դատի ժամանակ: Մի այնպիսի՛ սիրուն խոսք եմ
ասելու որ... Ամեն ինչ, ամեն ինչ կասեմ այնտեղ:

Ու նորից սկսեց դառնորեն լաց լինել:

— Ահա՛ թե ինչ կարող եմ ասել քեզ հաստատորեն, Գրու-
շենկա,— ասաց Ալյոշան վեր կենալով:— Նախ այն, որ Միտյան
սիրում է քեզ, աշխարհում ամենից ավելի քեզ է սիրում, և
միայն քեզ, հավատա՞ ինձ: Գիտեմ ես: Հաստատ գիտեմ: Երկ-
րորդ ասելիքս այն է, որ չեմ ուզում գաղտնիքը կորզել նրանից.
Իսկ եթե ինքը ինձ հայտնի այսօր, ես էլ ուղղակի կասեմ նրան,
որ խոստացել եմ քեզ հաղորդել: Եվ այդ դեպքում հենց այսօր
էլ կգամ ու կասեմ քեզ: Միայն թե.. ինձ թվում է... Կատերինա
Իվանովնայի մասին խոսք անգամ չի կարող լինել, մի ուրիշ բան
կա այդ գաղտնիքի տակ: Եվ դա հաստատ այդպես է: Բուրրո-

վին չի երևում, որ Կատերինա Իվանովնայի հարց կա այստեղ, ինձ այդպես է թվում: Դե առայժմ ցտեսութիւն:

Ալլոշան նրա ձեռքը սեղմեց: Գրուշենկան դեռ լաց էր լինում: Ալլոշան տեսավ, որ նա շատ էլ չհավատաց իր մխիթարական խոսքերին, բայց Գրուշենկայի համար գոնե լավը այն եղավ, որ սիրտը պարպեց, վիշտը դուրս թափեց: Ալլոշան ցավում էր, որ նրան պետք է թողնի այդ վիճակում, բայց դե շտապում էր: Դեռ շատ գործ ուներ անելու:

II

ՀԻՎԱՆՈՒ ՈՅՐԸ

Նախ և առաջ տիկին Խոխլակովայի տանը մի գործ ուներ, և շտապեց այնտեղ, որպեսզի շուտով վերջացնի և շուշանա՝ Միտայի մոտ գնալու: Տիկին Խոխլակովան արդեն երեք շաբաթ է՝ մի թեթև հիվանդ էր. չգիտես ինչու, ոտքն էր ուռել, ու թեև նա չէր պառկել անկողնում, բայց ցերեկն այնուամենայնիվ ընկողմանում էր իր զարդասենյակի օթոցի վրա՝ տնային հրապուրիչ, բայց վայելուչ զգեստով: Ալլոշան մի անգամ անմեղ քմծիծաղով նկատել էր իր մտքում, թե տիկին Խոխլակովան, չնայած իր հիվանդության, համարյա թե սկսել է պճնամուտթյուն անել. ինչ-որ գլխազարդեր են երևացել, ժապավեններ, բացվիզ զգեստներ, և Ալլոշան կռահում էր դրա պատճառը, թեև այդպիսի մտքերը վանում էր որպես ունայն բաներ: Վերջին երկու ամսվա ընթացքում տիկին Խոխլակովայի մշտական հյուրերից մեկն էր դարձել երիտասարդ պաշտոնյա Պերխոտինը:

Ալլոշան արդեն շորս օր է չէր այցելել, և հիմա, մտնելով այդ տունը, ուզեց շտապել և ուղղակի գնալ կիզայի մոտ, որովհետև նրա հետ էր գործը. կիզան դեռ երեկ մի աղախին էր ուղարկել, հատկապես խնդրելով Ալլոշայից, որ նա անմիջապես իր մոտ գա «մի շատ կարևոր գործի համար», և դա, որոշ պատճառներով, հետաքրքրել էր Ալլոշային: Աղախինը հիմա գնաց կիզային զեկուցելու, բայց տիկին Խոխլակովան ինչ-որ մեկից իմացավ, որ Ալլոշան է եկել, և անմիջապես մարդ ուղարկեց՝ խնդրելով, որ նա իր մոտ գա «միայն մի բոպեով»: Ալլոշան հարմար դատեց նախ տիկնոջ խնդրանքը կատարել, որովհետև այլպես, քանի ինքը կիզայի մոտ լիներ, մայրիկն ամեն

բույս աղախինն ուղարկելու էր աղջկա սենյակը: Տիկին Խոխլակովան պառկել էր օթոցի վրա, մի տեսակ հատկապես տոնական հագնված և, ըստ երևույթին, արտակարգորեն ջղազրդիւ վիճակում: Հրճվանքի ճիշերով դիմավորեց նա Ալլոշային:

— Դարերով, դարերով, ուղղակի դարերով չեմ տեսել ձեզ: Մի ամբողջ շաբաթ, երևակայեցե՞ք: Բայց ախ, չէ՞, ընդամենը շորս օր առաջ այստեղ էիք, շորեջրաբթի օրը: Lise-ին տեսնելու եք եկել, և վստահ եմ՝ ուզում էիք ուղղակի մոտը գնալ, ուզում էիք մատների վրա քայլել, որ ես չլսեմ: Սիրելի՛, սիրելի՛ Ալեքսեյ Ֆյոդորովիչ, եթե իմանայիք, թե ինչպե՞ս է նա ինձ մտահոգում: Բայց սրա մասին՝ հետո, թեև սա է ամենազխտավորը, բայց հետո: Սիրելի Ալեքսեյ Ֆյոդորովիչ, ես լրիվ վստահում եմ ձեզ իմ կիզային: Հայր Զոսիմայի մահից հետո—աստված հոգին լուսավորե (նա խաչակնքեց)—նրա մահից հետո ես ձեզ նայում եմ որպես կրոնավորի, թեև դուք շատ շնորհալի եք այս նոր զգեստով: Որտեղի՞ց այդպիսի դերձակ եք գտել այս քաղաքում: Բայց չէ, չէ, դա չէ գլխավորը, դրա մասին՝ հետո: Ներեցեք, որ ես ձեզ երբեմն Ալլոշա եմ ասում, պառավ կին եմ, ամեն ինչ թույլատրելի է ինձ,— ժպտաց նա կոտորածվելով,— բայց սրա՛ մասին էլ՝ հետո: Գլխավորը, գլխավորը շմոռանամ: Խնդրեմ, ինքներդ ինձ հիշեցրեք, հենց որ սկսեմ երկար բարակ խոսել, ասացեք. «Իսկ գլխավորը»: Ա՛խ, որտեղի՞ց իմանամ, թե ինչն է հիմա գլխավորը: Այն օրից, որ Lise-ը ետ առավ իր խոստումը, ձեզ հետ ամուսնանալու՝ իր խոստումը, իր մանկակա՛ն խոստումը, Ալեքսեյ Ֆյոդորովիչ, այն օրից անշուշտ հասկացաք, որ դա մի հիվանդ աղջնակի մանկական, թուլուտն ցնորք էր, երկար ժամանակ իր բազկաթոռին գամված աղջնակի ցնորք. փա՛ռք աստծո, հիմա արդեն կարող է քայլել: Այս նոր բժիշկը, որին Կատյան Մոսկովայից է հրավիրել ձեր այդ դժբախտ եղբոր համար, որ վաղը... է՛հ, ինչ ասեմ վաղվա մասին: Վաղվա մասին մտածելն անգամ մեռցնում է ինձ: Եվ մանավանդ հետաքրքրությունի՞ց եմ մեռնում... Մի խոսքով, այդ բժիշկը երեկ այստեղ էր և տեսավ Lise-ին... Հիսուն ռուբլի վճարեցի նրան այցի համար: Բայց դա էլ չէ խնդիրը, նորից դա չէ խնդիրը... Տեսնու՞մ եք, արդեն բուրոսովին թելը կորցրի հիմա: Շտապում եմ: Ինչու՞ եմ շտապում: Զգիտեմ: Մոսկալի է, այլևս ոչինչ չեմ կարողանում հասկանալ: Ամեն ինչ խառնվել է ինձ համար, մի տեսակ կծիկ է դարձել: Վախենում

եմ՝ հիմա ձանձրույթից վեր թռնեք ու փախչեք ինձնից, ու ձեզ տեսնելու ու շտեսնելու մեկ լինի: Ա՛խ աստված իմ: Ի՞նչ ենք նղստել, նախ և առաջ՝ սո՛ւրձ: Յո՛ւլիա, Գլաֆի՛րա, սո՛ւրձ:

Ալյոշան շտապեց շնորհակալություն հայտնել և ասաց, որ հենց նոր է սուրձ խմել:

— Որտե՞ղ:

— Ազրաֆենա Ալեքսանդրովնայի մոտ:

— Այդ... այդ կնո՞ջ: Ա՛խ, նա էր, որ կործանեց բոլորին, թեև հիմա, չգիտեմ, ասում են՝ սուրբ է դարձել, չնայած ուշ է արդեն: Առա՛ջ թող այդպես լիներ, երբ պետք էր դա, իսկ հիմա ի՞նչ օգուտ: Լոնցեք, լոնցեք, Ալեքսեյ Ֆյոդորովիչ, որովհետև այնքա՛ն բան ունեմ ասելու, որ վախենում եմ՝ ոչինչ չկարողանամ ասել: Այդ սոսկալի դա՛տը... անպայման կգամ, պատրաստվում եմ, ինձ բազկաթոռի մեջ կտանեն, մանավանդ որ կարող եմ նստել, և ինձ հետ մարդիկ են լինելու և հետո գիտե՞ք, չէ՞, վկա են արձանագրել ինձ: Ինչպե՞ս եմ խոսելու, ինչպե՞ս եմ խոսելու: Չգիտեմ, ինչ եմ ասելու: Պետք է երգում տալ չէ՞, այնպես է, չէ՞:

— Այնպես է, բայց շեմ կարծում, որ դուք ի վիճակի լինեք ներկայանալու:

— Կարող եմ նստել այնտեղ՝ ա՛խ, դուք ինձ շեղում եք: Այս դա՛տը, այս վայրենի արա՛րքը, հետո էլ բոլորը Սիբիր են գնում, ոմանք ամուսնանում են, և այս բոլորը՝ արագ-արագ, և ամե՛ն ինչ փոփոխվում է, հետո վերջապես ոչինչ չի մնում, բոլորը ծերանում են, աչքերը դարձնում են դեպի գերեզման: է՛հ, ինչ ուզում է լինի, ես հոգնել եմ: Այս Կատյան, cette charman- te personne¹, բոլո՛ր իմ հույսերը խորտակեց. հիմա նա ձեր մի եղբոր ետևից Սիբիր կգնա, ձեր մյուս եղբայրն էլ նրա՛ ետևից կգնա ու կապրի հարևան քաղաքում, և բոլորն էլ իրար կտանջեն: Դա ինձ խենթացնում է, և մանավանդ այս լայն արձագա՛նքը: Պետերբուրգի և Մոսկվայի բոլոր թերթերում միլիոն անգամ գրեցին: Ախ հա՛, երևակայեցեք, իմ մասին էլ են գրել, թե ես ձեր եղբոր «սիրելի բարեկա՛մն» էի... շեմ ուզում կրկնել նողկալի բառը, երևակայեցե՞ք, դե երևակայեցե՞ք:

— Չի կարող պատահել: Բայց որտե՞ղ են գրել, ինչպե՞ս են գրել:

¹ Այս հմայիչ անձնավորությունը (ֆրանս.):

— Հիմա ցույց կտամ: Երեկ ստացա, երեկ էլ կարդացի: Ահա այստեղ է, «Ասուլիս» թերթում: Այս թերթն այս տարի են սկսել հրատարակել Պետերբուրգում, ես էլ սոսկալի սիրում եմ ասելն ու լսելը և բաժանորդագրվեցի: Եվ ահա՛ գլխիս եկածը, ահա՛ թե ինչ ասուլիս է: Ահա այստեղ, ահա այս պարբերու- թյունը, կարդացե՛ք:

Եվ նա Ալյոշային երկարեց թերթը, որ իր բարձի տակ էր մինչ այդ:

Տիկին Խոխլակովան ոչ թե վրդովվել էր պարզապես, այլ մի տեսակ ջախջախվել էր, և գուցե իրոք նրա գլխում ամեն ինչ խառնվել ու կծիկ էր դարձել: Թերթում տպագրվածը շատ հատկանշական մի բան էր և, անշուշտ, պետք է նրա վրա ցընցող տպավորություն գործեր, բայց տիկինը, գուցե բարեբախտաբար, այս պահին ի վիճակի չէր կենտրոնանալու մի հարցի վրա, դրա համար էլ կարող էր մի րոպեից մյուսը մոռանալ նույնիսկ թերթը և թռնել բոլորովին ուրիշ նյութի: Իսկ Ալյոշան վաղուց գիտեր, որ այս սոսկալի դատավարությունը արդեն հուշակվել էր ամբողջ Ռուսաստանում, և աստվա՛ծ իմ, այս երկու ամսվա մեջ, ճիշտ լուրերի հետ, ինչպիսի՛ արտառոց լուրեր ու թղթակցություններ էր կարդացել իր եղբոր մասին, Կարամազովների մասին ընդհանրապես, և նույնիսկ ի՛ր մասին: Մի թերթում նույնիսկ ասված էր, թե ինքը՝ Ալյոշան, եղբոր կատարած ոճրից վախեցած, սքեմ է ընդունել ու փակվել վանքում. մի ուրիշ թերթում հերքել էին այդ լուրը և գրել էին, ընդհակառակը, թե նա իր սրբահայր Զոսիմայի հետ ջարդել է վանքի գանձարկղը և միասին «ծլկել են վանքից»: Իսկ «Ասուլիս» թերթի այս թղթակցությունը վերնագրված էր՝ «Կարամազովների դատավարությունը Սկոտոպրիգոնևսկում» (ավա՛ղ, այսպես է կոչվում մեր փոքրիկ քաղաքը. այսբան երկար ժամանակ թաքցրել էի այս անունը): Հոգվածը կարճ էր, տիկին Խոխլակովայի մասին բացահայտորեն ոչինչ չէր ասված, և առհասարակ ոչ մի անուն չէր հիշատակվում: Պարզապես տեղեկություն էր տրվում, որ ոճրագործը, բանակային պաշտոնաթող մի կապիտան, անամոթ ու ծուլ մի տիպ, ճորտատիրության ներկայացուցիչ, որին այժմ դատելու են այնպիսի՛ շունդյունով, անընդհատ սիրային արկածներով էր զբաղվել և հատկապես հմայել էր որոշ տիկինների, «որոնք ձանձրանում են մենակությունից»:

Եվ իբր թե այդպիսի մի տիկին, «ձանձրացող մի այրի», որ երիտասարդ կնոջ հովեր է առնում, թեև արդեն հասուն աղջիկ ունի, այնքան էր հրապուրվել այդ կապիտանով, որ ոճրագործութունից ընդամենը երկու ժամ առաջ երեք հազար ռուբլի է առաջարկել նրան, որպեսզի անմիջապես Սիբիր փախչեն միասին, գնան ոսկու հանքերը: Բայց իբր թե շարագործը, հույս ունենալով, որ անպատիժ կմնա, նախընտրել է սպանել հորը և հենց երեք հազար ռուբլի գողանալ նրանից, քան թե քարշ գալ Սիբիր՝ ձանձրացող այրու քառասնամյա հմայքները տանելով իր հետ: Այս թեթևասրտիկ թղթակցութունն ավարտվում էր, իհարկե, ազնիվ վրդովմունքով, որով նշավակվում էր հայրասպանութան ու նախկին ճորտատիրական իրավունքի անբարոյականութունը: Հետաքրքրությամբ կարդալուց հետո Ալյոշան թերթը ծալեց ու ետ տվեց տիկին խոխլակովային:

— Դե ասացեք, իմ մասին չէ՞,— սկսեց բլբլացնել տիկինը նորից:— Ես էի, ես էի, որ դրանից գրեթե մի ժամ առաջ ոսկու հանքեր առաջարկեցի նրան, և ահա հանկարծ՝ «քառասնամյա հմայքներ»: Բայց մի՞թե այդ էր իմ նպատակը: Գիտեմ՝ մեք է գրել: Այդ քառասնամյա հմայքների համար թող ների՛ նրան հավիտենական դատավորը, ինչպես ես եմ ներում, բայց գիտե՛ք... գիտե՛ք ով է գրողը: Ձեր բարեկամ Ռակիտինը:

— Կարող է պատահել,— ասաց Ալյոշան,— թեև ես ոչինչ չեմ լսել դրա մասին:

— Նա է, նա՛, և ոչ թե «կարող է պատահել»: Չէ՞ որ ես վաճառել եմ նրան... Գիտեք այդ ամբողջ պատմությունը, չէ՞:

— Գիտեմ, դուք նրան առաջարկել եք, որ այլևս չայցելի ձեզ, բայց թե ի՞նչ պատճառով՝ այդ բանը ես... գոնե ձեզնից չեմ լսել:

— Ուրեմն նրանի՛ց եք լսել: Ինչ է, նախատո՞ւմ է ինձ, շա՞տ է նախատում:

— Այո, նախատում է, բայց դե նա բոլորին է նախատում: Իսկ թե ինչո՞ւ եք ձեր դուռը փակել նրա առաջ, այդ բանը նրանից էլ չեմ լսել: Եվ առհասարակ ես շատ հազվադեպ եմ հանդիպում նրան: Բարեկամներ չեք:

— Դե լավ ուրեմն, ասեմ ձեզ հիմա այդ ամբողջը. և ճար չկա, պետք է խոստովանեմ մեղքս, որովհետև այստեղ մի կետ կա, որի մեջ գուցե ինքս մեղավոր եմ: Միայն թե փոքրիկ, փոքրիկ մի կետ է, շատ փոքրիկ, այնպես որ գուցե բոլորովին էլ

չկա այդ կետը: Հասկանո՞ւմ եք, սիրելիս,— տիկին խոխլակովային հանկարծ մի տեսակ ծեծեքուն արտահայտություն ստացավ, և նրա շրթներին մի սիրունիկ, թեև առեղծվածային ժպիտ խաղաց,— հասկանո՞ւմ եք, ես կասկածում եմ, որ... Ներեցեք ինձ, Ալյոշա, ես մոր նման եմ ձեզ համար... օ ո՛չ, ո՛չ, ընդհակառակը, ես հիմա ձեզ հետ խոսում եմ ինչպես իմ հոր հետ... որովհետև այստեղ մայրը բոլորովին հարմար չէ... է՛հ, միևնույնն է թե խոստովանում եմ սրբահայր Զոսիմային, հենց դա է ամենաճիշտը, շատ հարմար է այդպես. չէ՞ որ քիչ առաջ ձեզ վանական կոչեցի... Եվ ահա ուրեմն այդ խեղճ երիտասարդը, ձեր բարեկամ Ռակիտինը (օ՛ աստված իմ, պարզապես չեմ կարողանում բարկանալ նրա վրա: Բարկանում եմ ու զայրանում, բայց ոչ շատ), մի խոսքով, այդ թեթևամիտ երիտասարդը հանկարծ, պատկերացրեք... կարծեմ խելքին փշել էր սիրահարվել ինձ: Ես դա հետո, հետո՛ միայն նկատեցի հանկարծ, իսկ սկզբում, այսինքն մի ամիս առաջ, նա սկսեց ավելի հաճախ այցելել ինձ, գրեթե ամեն օր, թեև առաջ էլ մենք ծանոթ էինք: Ոչինչ չգիտեի... բայց ահա հանկարծ մի լույս ծագեց մտքիս մեջ և սկսեցի նկատել, զարմանքով: Գիտե՞ք, արդեն երկու ամիս է՛ իմ մշտական հյուրն է դարձել այն համեստ, համակրելի և արժանավոր երիտասարդը՝ Պյոտր Իլյիչ Պերխոտինը, որ պաշտոնավարում է այստեղ: Դուք ինքներդ քանիքանի անգամ հանդիպել եք նրան իմ տանը: Եվ ճիշտ է, չէ՞, արժանավոր մարդ է նա, լուրջ մարդ: Գալիս է երեք օրը մեկ, և ոչ թե ամեն օր (թեկուզ ամեն օր էլ գար՝ ուրախ կլինեի), և միշտ այնքան լավ է հագնվում. ես առհասարակ սիրում եմ երիտասարդներին, Ալյոշա, տաղանդավոր, համեստ երիտասարդներին, ա՛յ ինչպես դուք եք, իսկ նա համարյա պետական մարդու միտք ունի, այնպե՛ս շնորհալի է խոսում, և ես անպայման, անպայման պիտի բարեխոսեմ նրա համար: Ապագա դիվանագետ է նա: Այդ սարսափելի օրը համարյա մահից փրկեց ինձ, երբ գիշերը ինձ մոտ եկավ: Է՛հ, իսկ ձեր բարեկամ Ռակիտինը միշտ էլ այնպիսի՛ կոշիկներով է գալիս և ոտքերը փռում գորգի վրա... մի խոսքով, նա սկսեց նույնիսկ ինչ-որ ակնարկություններ անել ինձ, և մի անգամ էլ հանկարծ, երբ գնում էր, սոսկալի սեղմեց ձեռքս: Հենց նա ձեռքս սեղմել էր, հանկարծ ոտքիս հիվանդությունն սկսվեց: Առաջ էլ նա ինձ մոտ հանդիպում էր Պյոտր Իլյիչին և, կհավատա՞ք, անընդհատ

խայթում էր նրան, խայթում, հենց ուղղակի մուտում էր նրա վրա, չգիտես ինչու: Ծս պարզապես նայում էի երկուսին էլ, երբ իրար հետ էին լինում, և ներքուստ ծիծաղում էի: Ծվ ահա մի անգամ էլ նստել էի մենակ, այսինքն ո՛չ, այն ժամանակ արգեն պառկում էի, մի անգամ ուրեմն պառկել էի մենակ, հանկարծ Ռակիտինը եկավ և, պատկերացրեք, իր գրած ոտանավորը բերեց, շատ կարճ մի ոտանավոր՝ իմ հիվանդ ոտքի մասին, այսինքն իմ հիվանդ ոտքն էր նկարագրել ոտանավորի ձևով: Սպասեք, ինչպե՞ս էր.

Ա՛խ, այս ոտքը, ա՛խ, այս ոտքը
Հիվանդացել է մի քիչ...

Այսպիսի մի բան էր. այ երբեք չեմ կարողանում ոտանավոր հիշել: Մոտս է հիմա, այստեղ է, դե հետո ցույց կտամ ձեզ, բայց սքանչելի բան է, սքանչելի՛, և գիտե՞ք, միայն ոտքի մասին չէ, այլ նաև բարոյախոսություն կա մեզը, սքանչելի մի գաղափար, միայն թե մոռացել եմ. մի խոսքով, ուղղակի ալբոմի մեջ գրելու բան է: Դե պարզ է, շնորհակալություն հայտնեցի, և նա ակներևորեն շոքված զգաց: Հազիվ էի շնորհակալությունս հայտնել, մեկ էլ Պյոտր Իլյիչը ներս մտավ, և Միխայիլ Իվանովիչը հանկարծ հոնքերը կիտեց սև ամպի պես: Տեսնում էի, որ Պյոտր Իլյիչը խանգարեց նրան, որովհետև Միխայիլ Իվանովիչը անպայման ուզում էր մի բան ասել ոտանավորից հետո, ես նախազգում էի արդեն, և ահա մեկեն Պյոտր Իլյիչը ներս մտավ: Ուղղակի ցույց տվեցի ոտանավորը Պյոտր Իլյիչին, բայց շասացի, թե ով է գրել: Բայց վստահ եմ, վստահ եմ, որ նա իսկույն կռահեց, թեև մինչև հիմա էլ չի ընդունում, ասում է, որ չի կռահել. դիտմամբ է ասում: Պյոտր Իլյիչն անմիջապես ծիծաղեց ու սկսեց քննադատել. անպետք ոտանավոր է, ասաց, երևի ճեմարանականի մեկն է գրել, և գիտե՞ք, այնպիսի՝ եռանդով, այնպիսի՝ եռանդով էր ասում: Ծվ մեկ էլ ձեր բարեկամը, փոխանակ ծիծաղելու, հանկարծ բոլորովին կատաղեց... Աստված իմ, մտածեցի, սրանք կկռվեն հիմա: «Ծս եմ գրել,— ասաց,— Կատակի համար եմ գրել, որովհետև ստորություն եմ համարում ոտանավոր գրելը... Միայն թե իմ ոտանավորը լավ է: Ձեր Պուշկինին հուշարձան են ուզում կանգնեցնել, որովհետև կանացի ոտքե՞րն է երգել, իսկ իմ ոտանավորի մեջ գաղափարական ուղղություն կա, իսկ դուք ինքներդ,

անձամբ, ճորտատիրության պաշտպան եք,— ասաց:— Դուք ո՛չ մի մարդասիրություն չունեք, ո՛չ մի ժամանակակից, լուսավորյալ զգացում չունեք, առաջադիմության նշույն անգամ չկա ձեր մեջ, դուք մի շոր պաշտոնյա եք,— ասաց,— և դուք կաշա՞ռք եք վերցնում»: Օ՛հ, ես էլ արդեն սկսեցի ճշալ ու աղաչել նրանց: Իսկ Պյոտր Իլյիչը, գիտեք, բնավ էլ երկշտ մարդ չէ նա, և հանկարծ ազնվագույն կեցվածքն ընդունեց. հեգնորեն նայեց նրան, լսեց ու ներողություն խնդրեց. «Ծս չգիտեի,— ասաց:— Եթե իմանայի, այդպես չէի ասի, կգովեի... Բանաստեղծները,— ասաց,— այնքան դյուրագրգիռ են բոլորն էլ...»: Մի խոսքով, ազնվագույն կեցվածքի տակ, այսպիսի հեգնակա՛ն խոսքեր: Ինքը հետո բացատրեց ինձ, որ այդ ամբողջը հեգնանք էր, իսկ ես կարծում էի, որ լուրջ է ասում: Միայն թե պառկել էի այնպես, ա՛յ ինչպես հիմա ձեր առաջ եմ պառկել, և մտածում էի՝ արդյոք ազնի՞վ բան կլինի, եթե հանկարծ Միխայիլ Իվանովիչին դուրս անեմ, որովհետև իմ տանը անվայել կերպով գոռում է իմ հյուրի վրա: Ծվ ահա ուրեմն, կհավատա՞ք, պառկել եմ, աչքերս փակել ու մտածում եմ՝ ազնի՞վ բան կլինի արդյոք, թե ոչ, և չեմ կարողանում որոշել, տանջվում եմ, տանջվում եմ, սիրտս է բաբախում, գոռա՞մ, թե չգոռամ: Մի ձայն ասում է՝ գոռա՛, մի ուրիշ ձայն ասում է՝ չէ, մի՛ գոռա: Չենց որ այդ երկրորդ ձայնը խոսեց իմ մեջ, հանկարծ գոռացի և իսկույն նվաղեցի: Դե, պարզ է, իրար անցան: Ծս հանկարծ վեր կացա և ասացի Միխայիլ Իվանովիչին. «Դառն է ասելը ինձ համար, բայց այլևս չեմ ցանկանում ձեզ տեսնել իմ տանը»: Ծվ այդպես էլ վռնդեցի: Ա՛խ, Ալեքսեյ Ֆյոդորովիչ: Ինքս էլ գիտեմ, որ շատ վատ արեցի. ամբողջ սուտ էր իմ ասածը, բոլորովին էլ չէի բարկացել նրա վրա, բայց հանկարծ, մանավանդ հանկարծ ինձ թվաց, թե այնպիսի՛ լավ մի տեսարան կլինի դա... Բայց համենայն դեպս, կհավատա՞ք, բնական էր այդ տեսարանը, որովհետև ես լաց եղա նույնիսկ, հետո մի քանի օր շարունակ արցունք էի թափում, և մի օր էլ հանկարծ ճաշից հետո ամեն ինչ մոռացա: Դե ահա արդեն երկու շաբաթ է՛ նա չի գալիս, և ես մտածում էի՝ չլինի՞ թե բոլորովին չի գալու այլևս: Դեռ երեկ էի այդպես մտածում, և հանկարծ երեկոյան այս «Ասուլիս»-ը եկավ: Կարդացի և բերանս բաց մնաց. ո՞վ է գրել, դե նա՛ է գրել անշուշտ. այն օրը տուն է գնացել, նստել ու գրել է տեղն ու տեղը, ուղարկել է, տպել են: Չէ՞ որ դա եր-

կու շարք առաջ էր: Բայց սոսկալի շատախոսում եմ, հա՞, Ալյոշա, և բոլորովին չեմ ասում այն, ինչ պետք է ասեմ: Ա՛խ, լեզուս ինքնիրեն է խոսում:

— Այսօր ինձ սոսկալի անհրաժեշտ է, որ ժամանակին հասնեմ եղբորս մոտ, — կմկմաց Ալյոշան:

— Անշուշտ, անշո՛ւշտ: Ամե՛ն ինչ ահա հիշեցրիք ինձ: Լսեցեք, ի՞նչ բան է աֆեկտը:

— Ի՞նչ աֆեկտ, — զարմացավ Ալյոշան:

— Դատական աֆեկտը: Այնպիսի աֆեկտ, որի համար ամեն ինչ ներում են: Ինչ էլ արած լինեք, անմիջապես կներեն ձեզ:

— Բայց ի՞նչ եք ուզում ասել:

— Ահա թե ինչ. այդ Կատյան... Ա՛խ, ինչ անուշի՛կ, ի՞նչ անուշիկ աղջիկ է նա, միայն թե ոչ մի կերպ չեմ հասկանում, թե ում է սիրահարված: Քիչ առաջ նստել էր այստեղ, և ես ոչինչ չկարողացա բաշել նրա բերանից: Մանավանդ որ ինքը հիմա այնպիսի՝ մակերեսային բաներից է սկսում խոսել ինձ հետ, կարճ ասած՝ անընդհատ իմ առողջությունն է հարցնում, ուրիշ ոչինչ, և նույնիսկ այնպիսի՝ մի շեշտով է խոսում որ... է՛հ, ես էլ իմ մտքում ասացի՛ դե լավ, թո՛ղ այդպես լինի, արյուն ձեր՝ գլուխ ձեր... Ախ հա՛, այդ աֆեկտն էի ասում. ուրեմն այդ բժիշկն է եկել: Գիտե՞ք, որ բժիշկ է եկել: Դե անշո՛ւշտ գիտեք, այն բժիշկը, որ խելագարներին է հայտնաբերում, հենց դուք եք հրավիրել, այսինքն ոչ թե դուք, այլ Կատյան: Ամե՛ն ինչ Կատյան: Հասկանո՞ւմ եք ուրեմն. հանգիստ նստել է մարդը, բոլորովին էլ խելագար չէ, բայց հանկարծ աֆեկտ է ունենում: Խելքը գլխին է և գիտե, թե ինչ է անում, բայց աֆեկտի մեջ է: Ահա ուրեմն Դմիտրի Ֆյոդորովիչն էլ աֆեկտի մեջ է եղել: Հենց որ այս նոր դատարանները բացեցին, իսկույննեթ իմացան, որ աֆեկտ ասած բանը կա: Դա նոր դատարանների բերած բարիքն է: Այդ բժիշկը եկավ այստեղ և ինձ հարցուփորձ արեց այն երկկոյի մասին, դե այն ոսկու հանքերի մասին, այսինքն թե ի՞նչ վիճակում էր նա այն ժամանակ: Իհա՛րկե աֆեկտի վիճակում. հենց եկավ թե չէ, սկսեց գոռալ՝ փո՛ղ-փո՛ղ, երեք հազա՛ր, տվեք երեք հազար ռուբլի, հետո էլ զնաց ու հանկարծ սպանեց: Չեմ ուզում սպանել, ասում էր, չեմ ուզում սպանել, և հանկարծ սպանեց: Այ հենց դրա համար էլ կներեն, որ չէր ուզում, բայց սպանեց:

— Բայց նա չի՛ սպանել, — մի քիչ խստորեն ընդհատեց Ալյոշան: Ավելի ու ավելի անհանգստանում և անհամբեր էր դառնում նա:

— Գիտեմ, այդ ծերունի Գրիգորին է սպանել...

— Ինչպե՛ս թե Գրիգորին, — գոռաց Ալյոշան:

— Այո, այո, Գրիգորին: Դմիտրի Ֆյոդորովիչը երբ հարվածել է նրան, նա էլ պառկել է գետնին, հետո վեր է կացել. տեսել է՝ դուռը բաց է, գնացել ու սպանել է Ֆյոդոր Պավլո-վիչին:

— Բայց ինչո՞ւ, ինչո՞ւ:

— Աֆեկտ է ստացել: Դմիտրի Ֆյոդորովիչը երբ հարվածել է զլխին, նա էլ ուշքի գալով աֆեկտ է ստացել, գնացել ու սպանել է: Իսկ եթե ինքը ասում է, որ չի սպանել, գուցե պարզապես չի հիշում: Միայն թե գիտե՞ք ինչ. ավելի լավ է, շատ ավելի լավ, եթե Դմիտրի Ֆյոդորովիչն է սպանել: Եվ այդպես էլ եղե՛լ է. թեև ասում են, որ Գրիգորին է, բայց Դմիտրի Ֆյոդորովիչն է անկասկած, և դա շատ լավ է, շա՛տ ավելի լավ: Ա՛խ, ավելի լավ է ոչ թե այն պատճառով, որ որդին հորն է սպանել, ես չեմ գովում այդ բանը. ընդհակառակը, զավակները պետք է հարգեն ծնողներին: Բայց համենայն դեպս ավելի լավ է, եթե նա է արել, որովհետև այդ դեպքում կարիք էլ չունեիր ողբալու, քանի որ առանց գիտակցելու է սպանել նա, կամ ավելի լավ է ասել՝ գիտակցել է, բայց չի իմացել, թե ինչ է անում: Չէ՛, թող ներեն նրան. դա այնքա՛ն մարդասիրական կլինի, և հետո՝ թող մարդիկ տեսնեն, թե ինչպիսի՛ բարիք են նոր դատարանները: Իսկ ես չգիտեի՛, որ այդպես է, այնինչ ասում են՝ վաղուց է այդ բանը, և երբ երեկ իմացա, այնպե՛ս զարմացրեց ինձ, որ անմիջապես ուզեցի ձեզ կանչել: Եվ հետո, եթե ներեն նրան, դատարանից ուղղակի բերում եք ինձ մոտ ճաշի, իսկ ես կհրավիրեմ մեր ծանոթներին և կխմենք նոր դատարանների կենացը: Չեմ կարծում, որ նա վտանգավոր լինի, և բացի այդ՝ շատ-շատ հյուրեր կկանչեմ, այնպես որ միշտ էլ կարելի է նրան դուրս հանել, եթե որևէ բան անի: Եվ հետո նա կարող է մի որևէ այլ քաղաքում հաշտարար դատավոր լինել կամ այդպիսի մի բան, որովհետև ամենից լավ դատում են այն մարդիկ, որ իրենք են զժբախտություն կրել: Եվ մանավանդ, ո՞վ հիմա աֆեկտի մեջ չէ, դուք, ես, բոլորս աֆեկտի մեջ ենք, և որքա՛ն շատ են օրինակները. նստել է մարդը, ռոմանս է եր-

գում, հանկարծ մի որևէ բան դուր չի գալիս նրան, վերցնում է ատրճանակը և սպանում առաջին պատահած մարդուն, հետո էլ ամեն ինչ ներում են նրան: Վերջերս կարդացի այս բանը, և բոլոր բժիշկներն էլ հաստատում են: Բժիշկները հաստատում են հիմա, ամեն ինչ հաստատում են: Խնդրե՛մ, իմ Lise-ը աֆեկտի մեջ է. դեռ երեկ լաց էի լինում նրա պատճառով, նախորդ օրն էլ լաց եմ եղել, բայց այսօր հանկարծ հասկացա, որ նա պարզապես աֆեկտից է ինձ լացացնում: Օ՛հ, Lise-ն այնպե՛ս վշտացնում է ինձ: Կարծում եմ, որ նա կատարելապես խելագարվել է: Ինչո՞ւ է կանչել ձեզ: Նա՞ է ձեզ կանչել, թե դուք ինքներդ եք եկել նրա մոտ:

— Այո, նա է կանչել, և հենց հիմա գնում եմ նրա մոտ, — վճռականորեն վեր կացավ Ալյոշան:

— Ա՛խ, սիրելի, սիրելի՛ Ալեքսեյ Ֆյոդորովիչ, ահա գուցե ա՛յս է ամենազլխավորը, — գուշեց տիկին Խոխլակովան, հանկարծ սկսելով լաց լինել: — Տեսնում է աստված, ես իմ Lise-ին անկեղծորեն վստահում եմ ձեզ, և հոգ չէ, որ նա իր մորից գաղտնի է ձեզ կանչել: Բայց Իվան Ֆյոդորովիչին, ձեզ եղբորը, ներեցե՛ք ինձ, չեմ կարող այդպես հեշտորեն վստահել իմ աղջիկը, թեև շարունակում եմ խիստ ասպետական մի երիտասարդ համարել նրան: Բայց պատկերացրե՛ք, մեկ էլ նա հանկարծ եկել է Lise-ի մոտ, իսկ ես ոչինչ չգիտեի այդ մասին:

— Ինչպե՞ս: Ի՞նչ: Ե՞րբ, — սոսկալի զարմացավ Ալյոշան: Նա չէր նստում այլևս ու կանգնած էր լսում:

— Պատմե՛մ ձեզ. գուցե հենց դրա համար ձեզ կանչեցի, որովհետև չգիտեմ էլ, թե ինչու կանչեցի: Այսպես ուրեմն, Իվան Ֆյոդորովիչը Մոսկվայից վերադառնալուց հետո ընդամենը երկու անգամ եղավ այստեղ, առաջին անգամը այցելության եկավ որպես ծանոթ, իսկ երկրորդ անգամը, դեռ վերջերս էր, Կատյան նստել էր ինձ մոտ, և նա եկավ, լսելով, որ Կատյան ինձ մոտ է: Պարզ է, ես չէի էլ կարող պահանջել, որ նա հաճախակի այցելի ինձ, որովհետև գիտեմ, թե առանց այն էլ որքան հոգսեր ունի հիմա, vous comprenez, cette affaire et la mort terrible de votre papa¹, բայց հանկարծ իմացա, որ նա նորից է եկել, բայց ոչ թե ինձ մոտ, այլ Lise-ի, մի վեց օր առաջ է

եղել այդ բանը. եկել է, նստել է հինգ բույս ու գնացել: Իսկ ես երբ օր հետո իմացա Գլաֆիրայից, այնպես որ դա ինձ Ֆրայե¹ արեց հանկարծ: Անմիջապես կանչեցի Lise-ին, ծիծաղում է օրիորդս. «Մտածել էր, որ դուք քնած եք, — ասում է, — և ինձ մոտ եկավ, որ ձեր առողջությունը հարցնի»: Իհարկե, հենց այդպես էլ եղել է: Բայց Lise-ը, Lise-ը, օ՛ աստված իմ, ինչպե՛ս է նա ինձ վշտացնում, Երևակայեցե՛ք, հանկարծ մի գիշեր, շորս օր առաջ էր, այն օրը, երբ դուք վերջին անգամ այստեղ էիք, հանկարծ ձեր գնալուց հետո նոպա ունեցավ գիշերը, գոռում էր, ճշում, հիստե՛րիկա: Ե՛ս ինչու հիստերիկա չեմ ունենում երբեք: Հետո հաջորդ օրն էլ նոպան բռնեց, հետո մյուս օրը նորից, և երեկ նորից, և ահա այդ աֆեկտը երեկ: Հանկարծ սկսեց գոռալ. «Ասում եմ Իվան Ֆյոդորովիչին, պահանջում եմ, որ ել ընդունե՛ք նրան, չթողնե՛ք, որ նա մեր տունը մտնի»: Ես քարացա մնացի այդպիսի անակնկալից, և առարկեցի նրան՝ ի՞նչ ստելով ընդունեմ այդպիսի արժանավոր երիտասարդին, այն էլ այդպիսի՛ գիտելիքներ ունեցող երիտասարդին, և այնքան էլ դժբա՛խտ, որովհետև այս բոլոր պատմությունները դժբախտություն են համենայն դեպս, չէ՞, ոչ թե բառերախտություն, ճիշտ չե՞մ ասում: Նա հանկարծ քահ-քահ ծիծաղեց իմ խոսքերի վրա, և այնքա՛ն վիրավորական ձևով, գիտե՛ք: Է՛հ, բայց ուրխ էի. մտածեցի, որ զվարճացրի նրան և նոպաները կանցնեն հիմա, մանավանդ որ ինքս էլ ուզում էի մերժել իմ հյուրընկալությունը Իվան Ֆյոդորովիչին և բացատրություն պահանջել նրանից, թե ինչո՞ւ առանց իմ համաձայնության այդպիսի տարօրինակ այցելություններ է անում: Բայց հանկարծ այս առավոտ կիզան զարթնում է և բարկանում Յուլիայի վրա, և պատկերացրե՛ք, ապտակ է զարկում երեսին: Սակայն դա monstrueux² բան է, ես «դուք»-ով եմ խոսում իմ աղախի՛նների հետ: Եվ հանկարծ մի ժամ հետո Յուլիայի ոտքերն է գրկում ու համբուրում: Իսկ ինձ լուր ուղարկեց, որ բուլորովին չի գալու մոտս և էլ երբեք չի ուզում ինձ տեսնել, բայց երբ ինքս քարշ եկա նրա մոտ՝ վազեց ինձ համբուրելու, լաց եղավ և այդպես համբուրելով էլ դուրս արեց ինձ, ոչ մի բառ չսասց, այնպես որ ոչինչ էլ չկարողացա իմանալ: Հիմա ձեզ վրա եմ դնում իմ

¹ Հասկանո՞ւմ եք, այս գործը և ձեր հայրիկի սոսկալի մահը (Ֆրանս.):

¹ Ֆրանսերեն frapper բառից՝ զարնել, շարժել:
² Հրեշավոր (Ֆրանս.):

բոլոր հույսերը, սիրելի Ալեքսեյ Յոդորովիչ, և անշուշտ, իմ ամբողջ կյանքը, իմ ամբողջ ճակատագիրը ձեր ձեռքումն է հիմա: Պարզապես խնդրում եմ՝ գնացե՛ք Lise-ի մոտ, ամեն ինչ իմացե՛ք նրանից, ինչպես որ դո՛ւք միայն կարող եք անել, և եկե՛ք պատմեցե՛ք ինձ, ի՞նձ մորը, որովհետև, հասկանո՞ւմ եք, կմեռնե՛մ, պարզապես կմեռնեմ, եթե շարունակվի այս ամբողջը, կամ էլ կփախչեմ տնից: Չեմ կարող այլևս: Ես համբերություն ունեմ, բայց կարող եմ կորցնել համբերությունս, և այդ դեպքում... այդ դեպքում սարսափելի բաներ կլինեն: Ա՛խ, աստված իմ, ահա Պյոտր Իլլի՛չը վերջապես, — գոչեց տիկին Խոխլակովան և հանկարծ փայլեց ուրախությունից, տեսնելով Պյոտր Իլլիչ Պերխոտինին, որ ներս էր մտնում: — Ուշացաք, ուշացա՛ք: Դե լավ, նստե՛ք, խոսեցե՛ք, վճռեցե՛ք մեր բախտը, ի՞նչ է ասում այդ դատապաշտպանը: Բայց ո՞ւր եք գնում, Ալեքսեյ Յոդորովիչ:

— Lise-ի մոտ:

— Ա՛խ, այո: Ուրեմն չե՞ք մոռանա, չե՞ք մոռանա այն, ինչ խնդրեցի: Կյանքի հարց է, կյանքի՛ հարց, ճակատագի՛ր:

— Իհարկե չեմ մոռանա, եթե միայն հնարավոր լինի... բայց ես այնպե՛ս ուշացա, — մրթմրթաց Ալյոշան, շտապելով փախուստ տալ:

— Չէ, անպայման, անպայման եկե՛ք, և ոչ թե «եթե հնարավոր լինի», այլապես կմեռնե՛մ, — գոռաց նրա ետևից տիկին Խոխլակովան, բայց Ալյոշան արդեն դուրս էր եկել սենյակից:

III

ՓՈՔՐԻԿ ԴԵՎԸ

Մտնելով Լիզայի սենյակը, Ալյոշան նրան ընկողմանած գտավ իր այն նախկին բազկաթոռի մեջ, որով ման էին ածում աղջկան, երբ դեռ չէր կարողանում քայլել: Լիզան տեղից չշարժվեց դիմավորելու համար, բայց նրա սուր, սևեռուն հայացքը ուղղակի բևեռվեց Ալյոշայի երեսին: Մի քիչ տենդոտ էր այդ հայացքը, իսկ դեմքը գունատ էր, դեղնած: Ալյոշան զարմացավ տեսնելով, թե ինչպես է նա փոխվել նրեք օրվա մեջ, նույնիսկ նիհարել: Լիզան ձեռքը շնչեղեց նրան: Ալյոշան ինքը հպավ աղջկա բարակ, երկար մատներին, որոնք անշարժ մնում էին նրա հագուստի վրա, հետո լուռ նստեց նրա դիմաց:

— Գիտեմ, որ շտապում եք բանտ գնալ, — ասաց Լիզան

կտրուկ, — իսկ մաման երկու ժամ պահեց ձեզ, իմ ու Յուլիայի մասին էր պատմում հենց նոր:

— Ինչպե՞ս իմացաք, — հարցրեց Ալյոշան:

— Գաղտնի լսում էի: Ի՞նչ եք այդպես նայում ինձ: Ուզում եմ գաղտնի լսել և լսում եմ, ոչ մի վատ բան չկա դրա մեջ: Ներողություն չեմ խնդրում:

— Վրդովվե՞լ եք մի որևէ բանից:

— Ընդհակառակը, շատ ուրախ եմ: Հենց հիմա մտածում էի նորից, երեսուներորդ անգամ մտածում՝ ի՞նչ լավ է, որ մերժեցի ձեզ և ձեր կինը չեմ դաճնալու: Դուք ամուսին լինելու բան չեք. ասե՛նք, թե ամուսնանամ ձեզ հետ, իսկ հետո էլ հանկարծ մի երկտող տամ, որ տանեք այն մարդուն, որին սիրել եմ ձեզնից հետո, դուք կվերցնեք ու անպայման կտանեք, դեռ պատասխան էլ կբերեք: Եվ քառասուն տարեկան էլ դառնանք, նորից կտանեք իմ այդպիսի երկտողները:

Նա հանկարծ ծիծաղեց:

— Մի շար բան կա ձեր մեջ և միաժամանակ անկեղծ մի բան, — ժպտաց Ալյոշան:

— Անկեղծն այն է, որ չեմ ամաչում ձեզնից: Եվ ավելին. ոչ միայն չեմ ամաչում, այլև չեմ ուզում ամաչել ձե՛ր առաջ, հենց ձեզնից: Ալյոշա, ինչո՞ւ չեմ հարգում ձեզ: Ես ձեզ շատ եմ սիրում, բայց չեմ հարգում ձեզ: Եթե հարգեի, առանց ամաչելու չէի խոսի, չէ՞, այնպես չէ՞:

— Այնպես է:

— Իսկ հավատո՞ւմ եք, որ չեմ ամաչում ձեզնից:

— Ոչ, չեմ հավատում:

Լիզան նորից ծիծաղեց շղայնորեն. արագ-արագ էր խոսում նա:

— Ես ձեր եղբորը, Դմիտրի Յոդորովիչին, շաքարեղեն ուղարկեցի բանտը: Ալյոշա, գիտե՞ք ինչ լավի՛կն եք դուք: Ես ձեզ սոսկալի պիտի սիրեմ այն բանի համար, որ այսպես շուտով ինձ թույլ տվեցիք շտապել ձեզ:

— Ինչո՞ւ այսօր ինձ կանչեցիք, Lise:

— Ուզում էի իմ ցանկությունը ասել ձեզ: Ուզում եմ, որ մեկը տանջի ինձ, ամուսնանա ինձ հետ ու հետո տանջի, խաբի, լքի ու հեռանա: Չե՛մ ուզում երջանիկ լինել:

— Անկարգությունն է հրապուրել ձեզ:

— Ա՛խ, այո, անկարգություն եմ ուզում: Անընդհատ ուզում

եմ վառել տունը: Միշտ երեւակայում եմ, թե ինչպե՛ս գաղտա-
գողի մտտե՛նում եմ ու կրակ տաղիւս, բայց անպայմա՛ն գաղ-
տագողի: Նրանք հանգցնում են, հանգցնում, տունն էլ վառվում
է ու վառվում: Ես գիտեմ, բայց լուում եմ: Է՛հ, ինչ հիմարու-
թյուններ են: Եվ որքան ձանձրալի՛ է ամեն ինչ:

Նա զզվանքով թափ տվեց ձեռքը:

— Ծոխ եք ապրում,— ասաց Ալյոշան մեղմիվ:

— Ինչ է, ավելի լավ է աղբա՛տ ապրել:

— Այո, ավելի լավ է:

— Ձեր հանգուցյալ վանականն է այդպես ուսուցանել ձեզ:
Ծիշտ չէ: Թո՛ղ ես հարուստ լինեմ, իսկ բոլորը՝ աղքատ. ես
անուշեղեն կուտեմ ու սերուցք կխմեմ, և նրանցից ոչ մեկին չեմ
տա: Ա՛հ, մի՛ խոսեք, մի՛ խոսեք, ոչինչ մի՛ ասեք,— ձեռքը թափ
տվեց նա, թեև Ալյոշան բերանն էլ չէր բացել,— մինչև հիմա այդ
բոլորն ասել եք ինձ արդեն, ամեն ինչ անգիր գիտեմ: Ձանձրա-
լի է: Եթե ես աղքատ լինեմ, կսպանե՛մ որևէ մեկին. բայց դե
հարուստ էլ լինեմ՝ գուցե սպանեմ նորից, ինչո՞ւ ձեռքերս ծալած
նստեմ որ: Բայց գիտե՞ք, ուզում եմ հնձել, հաճար հնձել: Կա-
մուսնանամ ձեզ հետ, իսկ դուք գյուղացի կդառնաք, իսկական
գյուղացի, և մենք ձիու քուռակ կունենանք, ուզո՞ւմ եք: Կալգա-
նովին ճանաչո՞ւմ եք դուք:

— Ծանաչում եմ:

— Նա անընդհատ թափառում է ու երազում: Ասում է՝ ին-
չո՞ւ իսկական կյանքով ապրեմ, ավելի լավ է երազել: Կարող
ես ամենաուրախ բաները երազել ուզածիդ շափ, իսկ ապրելը
ձանձրալի է: Բայց դե ինքը ամուսնանում է շուտով, ի՛նձ էլ
արդեն սեր է բացատրել: Դուք կարո՞ղ եք հոլ գցել:

— Կարող եմ:

— Այ նա հոլի նման է. փաթաթե՛ս նրան ու գցես, և ծե-
ծես, ծեծես, ծեծե՛ս մտրակով: Եթե ամուսնանամ հետը, ամ-
բողջ կյանքումս կգցեմ նրան հոլի պես: Չե՞ք ամաչում, որ
նստել եք ինձ հետ:

— Ոչ:

— Սոսկալի բարկանում եք, որ սուրբ բաների մասին չեմ
խոսում: Չեմ ուզում սուրբ լինել: Ի՞նչ կանեն ինձ հանդերձալ
աշխարհում ամենամեծ մեղքի համար: Դուք անշուշտ կետ առ
կետ կիմանաք այդ բանը:

— Աստված կդատի,— ուշիուշով նայում էր նրան Ալյոշան:

— Ահա ես էլ այդ եմ ուզում: Գնայի այնտեղ և ինձ դա-
տեին, և ես էլ հանկարծ նրանց բոլորի երեսին ծիծաղելի: Սոս-
կալի ուզում եմ կրակի տալ տունը, Ալյոշա, մե՛ր տունը, դեռ
չե՞ք հավատում ինձ:

— Ինչո՞ւ չէ: Նույնիսկ կան երեխաներ, ասենք տասներկու
տարեկան, որոնք շատ են ուզում մի որևէ բան կրակի տալ և
իսկապես կրակի են տալիս: Դա հիվանդություն է մի տեսակ:

— Ծիշտ չէ դա, ճիշտ չէ, ասենք թե կան երեխաներ, բայց
իմ ասածն ուրիշ է:

— Դուք շարն ընդունում եք որպես բարի. դա բոլորական մի
ճգնաժամ է, գուցե այստեղ ձեր նախկին հիվանդությունն է մեղա-
վոր:

— Բայց դուք արհամարհո՞ւմ եք ինձ համենայն դեպս: Ես
պարզապես չեմ ուզում բարիք անել, ուզում եմ շարի՞ք անել,
և ոչ մի հիվանդություն էլ չկա այստեղ:

— Ինչո՞ւ չարիք անել:

— Որպեսզի ոչինչ չմնա աշխարհում: Ախ, ի՛նչ լավ կլիներ,
եթե ոչինչ չմնար: Գիտե՞ք, Ալյոշա, երբեմն մտածում եմ՝ սոս-
կալի շատ շարիք անեմ ու ամեն տեսակի վատ բաներ, և եր-
կար ժամանակ գաղտնի գործեմ, հետո հանկարծ բոլորը իմա-
նան: Բոլորը ինձ շրջապատեն ու մատով ցույց տան ինձ, իսկ
ես բոլորի երեսին նայեմ: Դա շատ հաճելի է: Ինչո՞ւ այդքան
հաճելի է դա, Ալյոշա:

— Հենց այնպես: Մի որևէ լավ բան խորտակելու կամ էլ,
ինչպես ասում էիք հիմա, վառելու պահանջ է: Դա էլ լինում
է երբեմն:

— Բայց ես ոչ թե հենց այնպես ասում եմ, այլև կանեմ:

— Հավատում եմ:

— Ախ, ինչպե՛ս եմ ձեզ սիրում նրա համար, որ ասում
եք՝ հավատում եմ: Եվ բոլորովին, բոլորովին չեք ստում, չէ՞:
Բայց գուցե կարծում եք՝ այս բոլորը դիտմա՛մբ եմ ասում, որ-
պեսզի ձեզ բարկացնե՛մ:

— Ոչ, չեմ կարծում... Թեև մի քիչ էլ այդ պահանջն ունեք գուցե:

— Այո, մի քիչ ունեմ: Երբեք չեմ կարող սուտ ասել ձեզ,—
ասաց նա, և աչքերը կայծկլտացին մի տեսակ:

Ալյոշային ամենից ավելի զարմացնում էր կիզայի լրջու-
թյունը. ծիծաղելու կամ կատակելու հետքն անգամ չկար աղջկա
դեմքին, այնինչ մի ժամանակ, նույնիսկ իր «ամենալուրջ» բո-

պեններին, նա երբեք չէր կորցնում իր զվարթութիւնն ու կատակասիրութիւնը:

— Կան ըրպեներ, երբ մարդիկ սիրում են ոճիրը,— ասաց Ալլոշան մտածկոտ:

— Այո, այո: Դուք իմ միտքը ասացիք. սիրում են ոճիրը, բոլորն են սիրում և միշտ սիրում են, և ոչ թե «կան ըրպեներ»: Գիտե՞ք, կարծես թե մի ժամանակ բոլորը պայմանավորվել են ստել այդ հարցում, և այդ օրից էլ ստում են բոլորը: Բոլորն էլ ասում են, թե ատում են վատը, բայց իրենց հոգում բոլորն էլ սիրում են դա:

— Առաջվա նման դեռ շարունակում եք վատ գրքեր կարդալ:

— Կարդում եմ, այո: Մաման կարդում է և բարձի տակ պահում, ես էլ գողանում եմ:

— Չե՞ք ամաշում, որ այդպես կործանում եք ձեզ:

— Ես ուզում եմ ինձ կործանել: Այստեղ մի տղա կա, երկաթգծերի մեջտեղը պառկել է և գնացքն է անցել վրայից: Ի՞նչ երանելի է այդ տղան: Լսեցեք, ձեր հղբորը հիմա դատում են նրա համար, որ իր հորն է սպանել, և բոլորը սիրում են, որ նա իր հորն է սպանել:

— Սիրում են, որ հորն է սպանե՞լ:

— Սիրում են, բոլորն էլ սիրում են: Բոլորն էլ ասում են, որ դա սարսափելի է, բայց իրենց հոգու մեջ սոսկալի սիրում են: Առաջինը ես եմ սիրում:

— Բոլորի մասին ձեր ասածի մեջ մի քիչ ճշմարտութիւն կա,— ասաց Ալլոշան մեղմ ձայնով:

— Ա՛խ, ինչ մտքեր ունեք,— ճշաց իրզան հրճվանքով,— և դեռ վանակա՛ն էլ եք: Չեք հավատա, որքա՛ն եմ ձեզ հարգում, Ալլոշա, որ երբեք սուտ չեք խոսում: Ա՛խ, իմ մի ծիծաղելի երազը պատմեմ ձեզ: Երբեմն աստանաներ եմ տեսնում երագիս մեջ. իբր թե գիշեր է, ես առանձին եմ իմ սենյակում, մոմի լույսով, և հանկարծ ամեն կողմ սատանաներ են, բոլոր անկյուններում, սեղանի տակ էլ. դուռն եմ բացում, սատանաների մի ամբոխ կա դռան ետև, և ուզում են ներս մտնել, բռնել ինձ: Եվ ահա մոտենում են արդեն, բռնում են: Բայց հանկարծ խաչ էմ հանում երեսիս, և նրանք բոլորն էլ ետ են քաշվում, վախենում են, միայն թե չեն թողնում ու հեռանում բոլորովին, կանգ-

նում են դռան մոտ և անկյուններում, սպասում են: Եվ հանկարծ ես սոսկալի ցանկութիւն եմ զգում բարձրաձայն նախատել աստծուն, և ահա սկսում եմ նախատել, նրանք էլ հանկարծ նորից մոտենում են ինձ ամբողջ բազմութեամբ, ուղղակի ուրախանում են, նորից բռնում են ինձ, և ես հանկարծ նորից խաչ եմ հանում երեսիս, բոլորն էլ ետ են քաշվում: Ահռելիորեն զվարճալի է, մարդու շունչն է կտրվում:

— Ես էլ տեսել եմ այդ նույն երազը,— ասաց հանկարծ Ալլոշան:

— Իսկապե՞ս,— գոչեց իրզան զարմանքով:— Ի սե՛ր աստծո, Ալլոշա, մի՛ ծիծաղեք, դա սոսկալի կարևոր է. հնարավո՞ր բան է, որ երկու տարբեր մարդիկ միևնույն երազը տեսնեն:

— Երևի հնարավոր է:

— Ալլոշա, ասո՞ւմ եմ ձեզ, սոսկալի կարևոր է դա,— շարունակեց իրզան, արդեն մի տեսակ շփոթից դուրս զարմացած:— Ոչ թե երազն է կարևորը, այլ այն, որ դուք էլ իմ տեսած երազն եք տեսել նույնութեամբ: Դուք երբեք սուտ չեք ասում ինձ, հիմա էլ սուտ մի՛ ասեք. ճի՞շտ է դա: Չե՞ք ծիծաղում:

— Ճիշտ է:

Իրզան սոսկալի շշմել էր և մի կես ըրպե լուռ մնաց:

— Ալլոշա, հաճախ եկեք ինձ մոտ, հաճախ եկեք,— ասաց նա հանկարծ աղերսական ձայնով:

— Ես միշտ գալու եմ ձեզ մոտ, իմ ամբողջ կյանքում,— հաստատ պատասխանեց Ալլոշան:

— Միայն ձե՛զ եմ ասում այս բաները, հասկանո՞ւմ եք,— սկսեց նորից իրզան:— Ինքս ինձ եմ ասում միայն, մեկ էլ ձեզ: Միայն ձեզ՝ ամբողջ աշխարհում: Եվ ավելի հոժար եմ ձե՛զ ասելու, քան ինքս ինձ: Եվ բոլորովին չեմ ամաշում ձեզնից: Ալլոշա, ինչո՞ւ ես բոլորովին չեմ ամաշում ձեզնից, բոլորովին: Ալլոշա, ճի՞շտ է, որ ջհուղները զատկին երեխա են գողանում և մորթում:

— Չգիտեմ:

— Ես մի գիրք ունեմ, դրա մեջ մի դատի մասին կարդացի. չգիտեմ որտեղ է պատահել, ջհուղի մեկը շորս տարեկան տղա է գողացել և նախ երկու ձեռքի բոլոր մասները կտրել է, հետո էլ խաչել է նրան պատի վրա, մեխերով դամել ու խաչել է, իսկ հետո դատարանում ասել է, որ տղան շուտ մեռավ, շորս

Ժամից: Այ թե շո՛ւտ է: Ասել է, որ տղան տնքում էր, անընդ-
հատ տնքում, իսկ ինքը կանգնել ու հիացած նայում էր նրան:
Լավ է:

— Լա՞վ է:

— Լավ է, այո: Երբեմն մտածում եմ, որ ինքս եմ խաշել:
Պատից կախված տնքում է նա, ես էլ դիմացը նստել եմ ու
անանասի կոմպոտ եմ ուտում: Շատ եմ սիրում անանասի կոմ-
պոտը: Ի՞նչ սիրո՞ւմ եք:

Ալյոշան լուռ նայում էր նրան: Աղջկա դեղնադալուկ դեմքը
հանկարծ այլալվեց, աչքերը վառվեցին:

— Գիտե՞ք, երբ այդ ջհուղի մասին կարդացի, ամբողջ գի-
շերը լաց եղա, ուղղակի դողում էի, ցնցվում: Երևակայում էի,
թե ինչպե՞ս էր ճշում և տնքում այդ փոքրիկ երեխան (չորս
տարեկան տղան հասկանում է, չէ՞), իսկ իմ ուղեղին անընդ-
հատ կպել էր այդ կոմպոտը: Առավոտյան նամակ ուղարկեցի
մի մարդու, որ անպայման գա ինձ մոտ: Եկավ, ես էլ հանկարծ
նրան պատմեցի, երեխայի ու կոմպոտի մասին, ամեն ինչ պատ-
մեցի, ամեն ինչ, և ասացի, որ «լավ է»: Նա հանկարծ ծիծաղեց և
ասաց, որ իսկապես լավ է դա: Հետո վեր կացավ ու գնաց: Ըն-
դամենը հինգ րոպե նստեց: Արհամարհե՞ց նա ինձ, արհամար-
հե՞ց: Ասացե՞ք, ասացե՞ք, Ալյոշա, արհամարհե՞ց նա ինձ, թե
չէ, — Կիզան ուղիղ նստեց օթոցի վրա և աչքերը փայլատակեցին:

— Ասացե՞ք ինձ, — հարցրեց Ալյոշան հուզախոռով, — դուք
ինքնե՞րդ կանչեցիք այդ մարդուն:

— Այո, ինքս:

— Նամա՞կ ուղարկեցիք:

— Այո, նամակ:

— Հենց այդ բանը հարցնելու, այդ երեխայի մասի՞ն:

— Ոչ, բոլորովին էլ դրա համար չէր, բոլորովին: Բայց երբ
նա ներս մտավ, ես անմիջապես դրա մասին հարցրի: Պատաս-
խանեց, ծիծաղեց, վեր կացավ ու գնաց:

— Այդ մարդը ազնիվ է վարվել ձեզ հետ, — ասաց Ալյո-
շան մեղմիվ:

— Բայց արհամարհե՞ց ինձ: Ծիծաղե՞ց ինձ վրա:

— Ոչ, որովհետև ի՞նքը գուցե հավատում է անանասի կոմ-
պոտին: Նա էլ շատ հիվանդ է հիմա, Lise:

— Այո, հավատո՞ւմ է, — ասաց Կիզան փայլատակող մա-
քերով:

— Նա ոչ ոքի չի արհամարհում, — շարունակեց Ալյոշան: —
Պարզապես չի հավատում ոչ ոքի: Քանի որ չի հավատում,
սերեմն և արհամարհում է անշուշտ:

— Ուրեմն ի՞նձ էլ արհամարհում է: Ի՞նձ էլ:

— Ձեզ էլ:

— Լա՞վ է, — մի տեսակ ատամները կրճտացրեց Կիզան: —
Երբ նա ծիծաղելով դուրս գնաց, ես զգացի, որ լավ է արհա-
մարհված լինելը: Կտրված մատներով երեխա՛ն էլ լավ է, արհա-
մարհված լինե՞լն էլ լավ է:

Եվ նա մի տեսակ շարախնդորեն ու տենդագին ծիծաղեց Ալ-
յոշայի երեսին:

— Գիտե՞ք, Ալյոշա, գիտե՞ք, ես պիտի ուզեի, որ... Ալյո-
շա, փրկեցե՞ք ինձ, — վեր թռավ հանկարծ օթոցից, խոյացավ
ու պինդ գրկեց Ալյոշային: — Փրկեցե՞ք ինձ, — համարյա տըն-
քաց նա: — Աշխարհում կա՞ մի մարդ, որին ասեի այն, ինչ որ
ձե՛զ ասացի: Իսկ ես ճշմարտությունն ասացի ձեզ, ճշմարտու-
թյունը, ճշմարտությունը: Կսպանե՞մ ինքս ինձ, որովհետև
ամե՛ն ինչ զգվելի է ինձ համար: Ամե՛ն ինչ զգվելի է ինձ համար,
ամե՛ն ինչ զգվելի է: Ալյոշա, ինչո՞ւ դուք ինձ բոլորովին, բոլոր-
ովին, չեք սիրում, — վերջացրեց նա մոլեգնորեն:

— Ձե՛, սիրո՞ւմ եմ, — ջերմորեն պատասխանեց Ալյոշան:

— Եվ պիտի լա՞ք ինձ համար, պիտի լա՞ք:

— Այո:

— Ո՛չ թե նրա համար, որ շուգեցի ձեր կինը լինել, այլ
պարզապես, պարզապես պիտի լա՞ք ինձ համար:

— Այո:

— Շնորհակա՛լ եմ: Միայն ձե՛ր արցունքներն են ինձ
պետք: Իսկ մյուս բոլորը թող խաշեն ինձ, ճգմեն ոտքերի տակ,
բոլորը, բոլո՞րը, թող ոչ ոք բացառություն չլինի: Որովհետև ես
ոչ ոքի չեմ սիրում: Լսո՞ւմ եք, ոչ ոքի: Ընդհակառակը, ատո՞ւմ
եմ: Գնացե՞ք, Ալյոշա, ժամանակն է, որ ձեր եղբոր մոտ գնաք, —
պոկվեց հանկարծ նա Ալյոշայից:

— Բայց ինչպե՞ս թողնեմ ձեզ այս վիճակում, — ասաց Ալ-
յոշան համարյա վախեցած:

— Գնացե՞ք ձեր եղբոր մոտ, կփակեն բանտը, գնացե՞ք, ահա
ձեր գլխարկը: Համբուրեցե՞ք Միտային, գնացե՞ք, գնացե՞ք:
Եվ Կիզան համարյա բռնի ուժով դռնից դուրս հանեց նրան:
Ալյոշան նայում էր նրան վշտագին զարմանքով, երբ հանկարծ

իր աջ ձեռքում մի նամակ զգաց, մի փոքրիկ, պինդ ծալած ու կնքված նամակ: Մի հայացք նետեց ու վայրկենապես կարդաց հասցեն՝ Իվան Ֆյոդորովիչ Կարամազովին: Արագորեն կիզային նայեց: Աղջկա դեմքը համարյա սպառնազին դարձավ:

— Տվե՛ք նրան, անպայման տվեք, — հրամայեց նա մոլեգնորեն, ամբողջ մարմնով դողալով, — հենց այսօր, իսկո՛ւյն: Թե չէ՝ թույն կխմեմ: Հենց սրա համար էի կանչել ձեզ:

Եվ արագորեն շրմփացրեց դուռը: Փականը շրխկաց: Ալյոշան նամակը դրեց գրպանը և ուղղակի գնաց դեպի սանդուղքը, առանց տիկին Նոխլակովայի մոտ մտնելու, նույնիսկ մոռանալով նրան: Իսկ կիզան, Ալյոշայից հեռանալուց հետո, անմիջապես ետ քաշեց փականը, բացեց դուռը մի քիչ, մատը դրեց ճեղքի մեջ, ամբողջ ուժով շրմփացրեց դուռը նորից և ճզմեց մատը: Տասը վայրկյան հետո մատն ազատելով, նա մեղմ, դանդաղ քայլերով գնաց դեպի իր բազկաթոռը, ուղիղ նստեց ու սկսեց ուշադիր նայել իր սեացած մատին ու եղունգի տակից արտածորող արյան: Շրթները դողում էին, և նա արագ-արագ փսփստում էր ինքնիրեն:

— Ստո՛ր եմ, ստո՛ր, ստո՛ր, ստո՛ր:

Վ

ՕՐՀՆԵՐԳՈՒԹՅՈՒՆ ԵՎ ԳԱՂՏՆՈՒԷ

Արդեն շատ ուշ էր (և օրերն էլ արդեն կարճ են նոյեմբերին), երբ Ալյոշան մոտեցավ բանտի դարբասին ու զանգ տվեց: Սկսել էր մթնել նույնիսկ: Բայց Ալյոշան գիտեր, որ իրեն առանց որևէ արգելքի կթողեն Միտայի մոտ գնալ: Այդ բաները մեր փոքրիկ քաղաքում էլ կատարվում են այնպես, ինչպես ամեն տեղ: Իհարկե, սկզբում, ամբողջ նախնական քննության ավարտումից հետո, ազգականներն ու մի քանի ուրիշ անձինք համենայն դեպս որոշ անհրաժեշտ ձևականություններ պետք է լրացնեին՝ Միտայի հետ տեսակցության իրավունք ստանալու համար, բայց հետագայում ոչ թե ձևականությունները մեղմացան, այլ Միտայի այցելուներից գոնե ոմանց համար մի տեսակ ինքնըստինքյան բացառություն արվեց: Եվ այն աստիճան, որ երբեմն նույնիսկ այցելուն ու կալանավորը համարյա թե դռնփակ էին խոսում իրար հետ՝ տեսակցության համար հատ-

կացված սենյակում: Սակայն այդպիսի բացառություն կազմող անձինք շատ քիչ էին. միայն Գրուշենկան, Ալյոշան ու Ռակիտինը: Բայց Գրուշենկայի նկատմամբ հենց ուստիկանապետ Միխայիլ Մակարովիչն էր շատ բարյացակամ վերաբերվում: Ծերունու խղճի վրա ծանրացել էր այն գոռոցոցը, որով նա Գրուշենկային հանդիմանել էր Մոկրոեում: Հետագայում, իմանալով խնդրի ամբողջ էությունը, բոլորովին փոխել էր իր կարծիքը նրա մասին: Եվ տարօրինակ բան, թեև Միխայիլ Մակարովիչը հաստատ համոզված էր, որ Միտայան հանցագործ է, բայց նրա բանտարկությունից հետո մի տեսակ ավելի ու ավելի մեղմ աչքով էր նայում նրան: «Գուցե լավ սիրտ ունեի մարդը, բայց արի տես, որ կորած-գնաց հարբեցողության ու անկարգության երեսից»: Ծերունու սրտում նախկին սարսափը տեղի տվեց մի տեսակ կարեկցության: Գալով Ալյոշային, ուստիկանապետը շատ էր սիրում նրան և արդեն վաղուց ծանոթ էր հետը: Իսկ Ռակիտինը, որի համար վերջերս սովորություն էր դարձել հաճախակի այցելել կալանավորին, շատ մտերիմ ծանոթություն էր հաստատել «ուստիկանապետի օրիորդներին» հետ, ինչպես ինքն էր կոչում նրանց, և ամեն օր քարշ էր գալիս նրանց տանը: Բացի այդ, նա բանտի վերակացուի տանն էլ դասեր էր տալիս, իսկ վերակացուն բարեհոգի մի ծերունի էր, թեև իր պաշտոնի կատարման մեջ՝ խիստ փութաջան: Գալով դարձյալ Ալյոշային, նա վերակացուի առանձնահատուկ ու վաղեմի ծանոթն էր. ծերունին սիրում էր նրա հետ խոսել առհասարակ «իմաստուն բաների» մասին: Իվան Ֆյոդորովիչին, օրինակ, ոչ թե պարզապես հարգում էր վերակացուն, այլ մանավանդ վախենում էր նրա դատողություններից, թեև ինքն էլ մեծ փիլիսոփա էր, անշուշտ «իր սեփական խելքով հասած»: Բայց Ալյոշայի նկատմամբ նա մի տեսակ անհաղթահարելի համակրանք ուներ: Մանավանդ որ վերջին տարվա ընթացքում ծերունին ուսումնասիրում էր պարականոն ավետարանները և անընդհատ իր տպավորությունները հայտնում էր իր երիտասարդ բարեկամին: Առաջ նույնիսկ վանք էր գնում Ալյոշային տեսնելու և ժամերով խոսակցում էր նրա և աբեղաների հետ: Մի խոսքով, Ալյոշան եթե նույնիսկ ուշ հասներ բանտ, բավական էր, որ վերակացուի մոտ գնար, և միշտ էլ ամեն ինչ հարթվում էր: Բացի այդ, բանտում բոլորն էլ, մինչև իսկ վերջին

հակիրճ, սովորել էին Ալյոշային: Իսկ պահակն անշուշտ չէր նեղում նրան, միայն թե պետի թույլտվությունը լիներ:

Երբ Միտային կանչում էին, նա միշտ էլ իր խցիկից իջնում էր այն սենյակը, որ հատկացված էր տեսակցութունների համար: Ալյոշան, մտնելով այդ սենյակը, հանկարծ հանդիպեց Ռակիտինին, որն արդեն հրաժեշտ էր առնում Միտայից: Նրանք երկուսն էլ բարձրաձայն խոսում էին: Միտայն, ճամփու դնելով նրան, կուշտուկուռ ծիծաղում էր մի բանի համար, իսկ Ռակիտինը կարծես փնթփնթում էր: Հատկապես վերջերս Ռակիտինը չէր սիրում հանդիպել Ալյոշային, համարյա չէր խոսում նրա հետ, նույնիսկ դժկամ էր բարևում նրան: Հիմա տեսնելով, որ Ալյոշան է ներս մտնողը, նա հատկապես խոժոռվեց և հայացքը ուրիշ կողմ դարձրեց, իբրև թե խիստ զբաղված էր իր խոշոր, տաք, մուշտակե օձիքով վերարկուն կոճկելով: Հետո անմիջապես սկսեց փնտրել իր հովանոցը:

— Իմ մի որևէ բանը չմոռանամ այստեղ, — մրթմրթաց նա, պարզապես մի բան ասած լինելու համար:

— Դու ուրիշի՞ որևէ բանը մի՞ մոռանա, — կատակեց Միտայն և ինքն էլ իսկույն քահ-քահ ծիծաղեց իր արած սրամտության վրա: Ռակիտինը վայրկենապես բռնկվեց:

— Դու քո Կարամազովների՞ն տուր այդ խորհուրդը, ճորտատերի՞ ձագեր, ոչ թե Ռակիտինին, — գոռաց նա հանկարծ, ուղղակի դողալով զայրույթից:

— Ի՞նչ ես գոռում: Կատակ էր ասածս, — գռչեց Միտայն: — Թո՛ւհ, գրողը տանի: Այ, սրանք բոլորն էլ այսպես են, — դարձավ նա Ալյոշային, գլուխը շարժելով դեպի արագորեն հեռացող Ռակիտինի կողմը: — Նստել էր ու անընդհատ ծիծաղում էր, ուրախ էր, մեկ էլ հանկարծ տաքացա՞վ ահա: Քեզ նույնիսկ գլխով էլ չարեց. բոլորովին գժտվե՞լ եք, ինչ է: Ինչո՞ւ այսքան ուշացար: Ամբողջ առավոտը սպասում էի, ոչ թե պարզապես սպասում, այլ տենչում էի քեզ: Դե լավ, ոչինչ: Տեղը կհանենք հիմա:

— Ինչո՞ւ է այդքան հաճախ գալիս քեզ մոտ: Բարեկամացե՞լ ես հետը, ինչ է, — հարցրեց Ալյոշան, նույնպես գլուխը շարժելով դռան կողմը, ուր չքվել-գնացել էր Ռակիտինը:

— Ի՞նչ, Միխայիլի՞ հետ եմ բարեկամացել: Չէ՞, չկարծես: Եվ ի՞նչ բարեկամություն, խոզի մեկն է: Ինձ... սրիկա է համարում: Կատակ էլ չեն հասկանում սրանք, ահա թե ինչն է ամենա-

վատը: Երբեք էլ կատակ չեն հասկանա: Եվ չոր է սրանց հոգին, տափակ ու չոր, ճիշտ ինչպես բանտի պատերն էին այն օրը, երբ ինձ այստեղ էին բերում և ես նայում էի այդ պատերին: Բայց խելացի մարդ է, խելացի: Է՛հ, Ալեքսեյ, հիմա այլևս կորա՞վ խեղճ գլուխս:

Նա նստեց նստարանին և Ալյոշային էլ իր կողքը նստեցրեց:

— Այո, վաղը դատն է: Ուրեմն ինչ է, բոլորովին՞ հույս չունես, եղբայր, — ասաց Ալյոշան վեհերոտ մի զգացումով:

— Ինչի՞ մասին ես խոսում, — մի տեսակ անորոշ նայեց նրան Միտայն: — Ա՛խ, դա՛տն ես ասում: Է՛հ, հերն էլ անիծածս: Մինչև հիմա քեզ հետ միշտ էլ դատարկ բաների մասին ենք խոսել, այ այս դատի մասին, իսկ ամենազլխավորի մասին ոչինչ չեմ ասել քեզ: Այո, վաղը դատն է, բայց ես դատը նկատի չունեի, երբ ասացի, թե կորավ խեղճ գլուխս: Գլուխս չի կորել. կորչում է այն, ինչ կար գլխիս մեջ: Ինչո՞ւ ես այդպես քննադատող դեմքով նայում ինձ:

— Դո՞ւ ինչի մասին ես ասում, Միտայն:

— Գաղափարներ՞ըր, գաղափարներ՞ըր, հասկանո՞ւմ ես: Էթիկա: Ի՞նչ բան է այդ էթիկան:

— Էթիկա՞, — զարմացավ Ալյոշան:

— Այո: Գիտությունն է դա, ինչ է:

— Այո, այդպիսի մի գիտություն կա... միայն թե... խոստովանում եմ, չեմ կարող բացատրել քեզ, թե ինչ գիտություն է:

— Ռակիտինը գիտե: Շատ բան գիտե Ռակիտինը, գրո՞ղը տանի նրան: Վանական չի դառնա: Պատրաստվում է Պետերբուրգ գնալ: Այնտեղ, ասում է, քննադատության ասպարեզը կմտնի, բայց ազնիվ ուղղությամբ: Ինչ կա որ, կարող է օգուտ բերել և իր համար կարիերա ստեղծել: Ո՛ւխ, կարիերայի վարպետներ են սրանք: Գրողի ծո՞ցը էթիկան: Ե՛ս կորա, Ալեքսեյ, ե՛ս, սիրելիս, ո՞վ դու ասածո մարդ: Ես քեզ բոլորից ավելի եմ սիրում: Սիրտս տակնուվրա է լինում քեզ համար, հասկանո՞ւմ ես: Ո՞վ է եղել այդ Կարլ Բեռնարը:

— Կարլ Բեռնա՞ր, — զարմացավ նորից Ալյոշան:

— Չէ, Կարլ չէ, սպասիր, սխալ ասացի. Կլոդ Բեռնար: Ի՞նչ բան է դա: Քիմիա՞ է, ինչ է:

— Այնպիսի մի գիտնական է երևի, — պատասխանեց Ալյոշան, — միայն թե, խոստովանում եմ, նրա մասին էլ շատ

բան չեմ կարող ասել: Լսել եմ միայն, որ գիտնական է, բայց թե ի՞նչ գիտնական՝ չգիտեմ:

— Է՛հ, գրո՛ղը տանի նրան, ես էլ չգիտեմ,— հայհոյեց Միտյան:— Սրիկայի մեկն է երևի, ամենայն հավանականութեամբ: Եվ բոլո՛րն էլ սրիկա են դրանք: Բայց Ռակիտինը կապրդի ու կանցնի, Ռակիտինը արանքից կխցկվի, նա՛ էլ Բեռնար է: Ո՛ւրի այդ Բեռնարները: Սնկի պես բուսել են շորս կողմը:

— Բայց ի՞նչ է պատահել քեզ,— համառորեն հարցրեց Ալյոշան:

— Ուզում է հողված գրել իմ մասին, իմ գործի մասին, և դրանով էլ իր դերն սկսել գրականության մեջ: Դրա համար էլ գալիս է մոտս, իր բերնով ասաց: Ուզում է գաղափարական հողի վրա մի բան գրել. այսինքն թե՛ «չէր կարող չուպանել, միջավայրը փշացրել էր նրան» և այլն, և այլն: Բացատրեց: Սոցիալիզմի երանգ է լինելու հողվածի մեջ, ասում է: Է՛հ, նրա հե՛րն էլ անիծած, երանգ է ուզում՝ թող երանգ դնի, ինձ համար միևնույնն է: Իվանին չի սիրում, ատում է, քեզ էլ չի խնայում: Բայց չեմ քշում նրան, որովհետև խելացի լակոտ է: Թեև՝ շատ է գոռոզանում: Այ հենց հիմա ասացի նրան. «Կարամազովները սրիկա չեն, այլ փիլիսոփա, որովհետև բոլոր իսկական ուսանելը փիլիսոփա են, իսկ դու թեև սովորել ես, բայց փիլիսոփա չես, ուսմիկի մեկն ես»: Միծաղում է, շարահնդորեն այնպես: Ես էլ ասացի՝ de գաղափարաբուս non est disputandum¹, լավ սրամտություն է, չէ՞: Գոնե ես էլ դասականության ջրերը մտա,— քրքրաց հանկարծ Միտյան:

— Իսկ ինչո՞ւ ասացիր, որ կորար: Հենց նոր այդպես ասացիր,— ընդհատեց Ալյոշան:

— Ինչու կորա՞: Հը՛մ: Ըստ էության... եթե ամբողջությամբ վերցնենք, աստծուն եմ ափսոսում, ահա՛ թե ինչու:

— Ինչպե՞ս թե աստծուն ես ափսոսում:

— Երևակայիր. ջղերի մեջ է խնդիրը, գլխի մեջ, այսինքն ուղեղի մեջ այդ ջղերը կան (դե գրո՛ղը տանի նրանց)... մի տեսակ պոչուկներ կան, հասկանո՞ւմ ես, այդ ջղերը պոչուկներ ունեն. է՛հ ուրեմն, հենց որ այդ պոչուկներն սկսեն թրթռալ... այսինքն հասկանո՞ւմ ես, այս իմ աչքերով նայում եմ մի որևէ բանի, այ, այսպես, և դրանք սկսում են թրթռալ, այդ պոչուկ-

ները այսինքն... և հենց որ սկսեն թրթռալ, պատկերն է երևում, և ոչ թե անմիջապես, այլ մի ինչ-որ ակնթարթ է անցնում, մի երկվայրկյան ասենք, և իբր թե այնպիսի մի պահ է երևում, այսինքն ոչ թե պահ (գրո՛ղը տանի պահը), պատկեր է երևում, այսինքն մի իր կամ գործողություն, դե ինչ որ է, գրո՛ղը տանի, և ահա թե ինչու տեսնում եմ, հետո էլ մտածում եմ... որովհետև պոչուկներ կան, էլի, և ո՛չ թե որովհետև ես հոգի ունեմ, իբր թե ի՛նքս պատկեր ու նմանություն եմ ինչ-որ, ո՛չ, այդ բոլորը հիմա՛ր բաներ են: Միխայիլը դեռ երեկ բացատրեց ինձ այս բոլորը, եղբայր իմ, և կարծես շիկացած երկաթով խանձեցին ինձ: Հոյակա՛պ է այս գիտություն ասածդ, Ալյոշա: Նո՛ր մարդն է ծնվում, հասկանում եմ այդ բանը... Բայց համեմայն դեպս ափսոսում եմ աստծուն:

— Է՛հ, գոնե այդ էլ լավ է,— ասաց Ալյոշան:

— Որ աստծո՞ւն եմ ափսոսում: Քիմիան է, սիրելիս, քիմիա՛ն: Ճար-չկա, ձերդ սրբազնություն, ետ քաշվեցեք մի քիչ, քիմիա՛ն է գալիս: Բայց չի սիրում աստծուն Ռակիտինը, ո՛ւրի, չի՛ սիրում: Դա նրանց ամենացավոտ կողմն է, բոլորի՛ էլ: Բայց թաքցնում են: Սուտ բաներ են ասում: Ձևեր են թափում: «Ինչ է, դու քո քննադատության ասպարեզում ա՛յդ ես քարոզելու»,— հարցրի նրան,— «է՛, բացեիրբաց անեմ՝ չեն թողնի»,— ասաց, ծիծաղեց: «Բայց այդ դեպքում ի՞նչ է լինելու մարդ արարածը,— հարցրի:— Ի՞նչ է լինելու նրա վիճակը առանց աստծո և առանց հանդերձյալ կյանքի: Ուրեմն այսպիսով ամեն ինչ թույլատրելի՞ է դառնում, ամեն ինչ կարելի՞ է անել»:— «Իսկ դու ինչ է, չգիտեիր»,— ասաց: Միծաղեց: «Խելացի մարդու համար ամեն ինչ կարելի է,— ասաց,— խելացի մարդը կարող է օձը ծակից հանել, իսկ ահա դու սպանեցիր ու ծակն ընկար,— ասաց,— և հիմա փտո՞ւմ ես բանտում»: Իմ երեսի՛ն է ասում այդ բանը: Խոզի՞ ծնունդ: Առաջ ես այսպիսիներին դո՛ւրս էի շարտում, բայց դե հիմա լսում եմ: Խելացի բաներ էլ շատ է ասում: Խելացի էլ գրում է: Անցյալ շաբաթ մի հողված էր սկսել կարդալ ինձ, մի երեք տող դիտմամբ արտագրեցի այն ժամանակ. սպասիր մի վայրկյան, ահա այստեղ է:

Միտյան, շտապելով, թղթի մի կտոր հանեց բաճկոնակի գրպանից և կարդաց:

— «Այս հարցը լուծելու համար նախ և առաջ անհրաժեշտ

¹ Գաղափարների մասին չեն վիճում (լատ.):

է սեփական անձը հակադրել սեփական իրականութեանը»: Հասկանո՞ւմ ես, թե չէ:

— Զէ, շեմ հասկանում,— ասաց Ալլոշան:

Նա հետաքրքրութեամբ նայում էր Միտյային ու լսում:

— Ես էլ շեմ հասկանում: Մթին է ու անորոշ, բայց խելացի է ասված: «Բուրբն էլ հիմա այսպես են գրում,— ասում է,— որովհետև միջավայրն է այդպես...»: Միջավայրից են վախենում: Ոտանավոր էլ է գրում սրիկան, խոխլակովայի ոտքն է գովերգել, հա-հա-հա՛:

— Լսել եմ դրա մասին,— ասաց Ալլոշան:

— Լսե՞լ ես: Իսկ ոտանավորը լսե՞լ ես:

— Ոչ:

— Ունեմ մոտս, ահա կարդամ: Դու չգիտես, շեմ ասել քեզ, մի ամբողջ պատմություն է դա: Սրիկա՛ն: Երեք շաբաթ առաջ էր, ինձ ծաղրել ուզեց: «Դու երեք հազար ռուբլու համար ծակն ընկար հիմարի նման,— ասաց,— իսկ ես հարյուր հիսուն հազար եմ շանթելու. մի այրի կնոջ հետ եմ ամուսնանում և քարաշեն տուն եմ գնելու Պետերբուրգում»: Եվ պատմեց ինձ, որ սիլիբիլի է անում խոխլակովայի հետ, իսկ այդ տիկինը մանկությունից արդեն խելոք չի եղել, հիմա էլ քառասունին է հասել ու բոլորովին խելքը թոցրել է: «Բայց դե շատ զգացական կին է,— ասում է սրիկան,— այ հենց այդ լարից էլ կբռնեմ ու նրան ձեռքս կգցեմ: Կամուսնանամ, Պետերբուրգ կտանեմ նրան, իսկ այնտեղ կսկսեմ թերթ հրատարակել»: Եվ այնպիսի՝ մի զզվելի հեշտասիրութեամբ էին վազում բերնի ջրերը, ոչ թե խոխլակովայի համար, այլ այդ հարյուր հիսուն հազարի: Եվ հավատացնում էր ինձ, հավատացնում, անընդհատ գալիս էր մոտս, ամեն օր. անձնատուր է լինում, ասում էր: Փայլում էր ուրախությունից: Եվ մեկ էլ հանկարծ վռնդեցի՛ն նրան. Պերխոտինը հաղթող ելավ, ապրե՛ս, Պյոտր Իլյիչ: Այսինքն ուղղակի կհամբուրեի՛ այդ կուտը պակաս խոխլակովային, որ այդպես վռնդել է նրան: Այ հենց այդ օրերին էր, որ գրեց այս ոտանավորը, գալիս էր մոտս ու ասում. «Առաջին անգամն եմ կեղտոտում ձեռքերս, ոտանավոր եմ գրում,— ասում էր,— հրապուրելու համար է, ուրեմն օգտակար գործի համար: Երբ ձեռքս զցեմ հիմար կնոջ դրամագլուխը, կարող եմ հետո հասարակական օգուտ բերել»: Դե նրանք իրենց ամեն մի գար-

շելի գործի համար այս հասարակակա՛ն արդարացումը ունենե՛: «Բայց համենայն դեպս քո Պուշկինից լավ եմ գրել,— ասաց,— որովհետև այս խեղդատակ ոտանավորի մեջ անգամ կարողացել եմ հասարակական վիշտը խցկել»: Հասկանո՞ւմ եմ ինչ է ուզում ասել Պուշկինի մասին: Է՛հ, եթե իսկապես ընդունակ մարդ էր այդ Պուշկինը, բայց միայն ոտքե՛ր է նկարագրել, ի՞նչ օգուտ: Բայց թե ինչպե՛ս էր հպարտանում սրիկան իր գրած այս ոտանավորով: Ինքնասիրությունը սրանց, ինքնասիրությունը: «Իմ հոգածությունն առարկա հիվանդ ոտքի առողջացման ի խնդիր»,— այսպիսի վերնագիր է հնարել, ճարպի՛կ տիպ է:

Ա՛խ, այս ոտքը քերուշ, դյութիշ,
Ափսո՛ս, ուռել է քիշ, մի քիշ:
Բժիշկներն են գալիս, նայում,
Փաթաթում են, շեն խնայում:

Ոտքի համար ես շեմ տրտմում,
Է՛հ, Պուշկինն է ոտքի երգիչ,
Գլխի համար եմ ես տրտմում,
Որ մտքերո՞վ ապրեր մի քիշ:

Ընկալում էր արդեն քիշ-քիշ,
Բայց հիմա ո՛տքն է խանգարում:
Թո՛ղ ուրեմն ոտքը դյութիշ
Բուժվի, որ տեղ բացվի գլխում:

Խո՞ղ է, կարգին խոզ, բայց պճլտուն բան է գրել ստահակը: Եվ իսկապես «հասարակականը» խցկել է մեջը: Բայց ինչպե՛ս էր ջղայնացել, երբ վռնդել էին: Ատամներն էր կրճատացնում:

— Արդեն վրեժը հանել է,— ասաց Ալլոշան:— Խոխլակովայի մասին թղթակցություն է գրել:

Եվ Ալլոշան համառոտակի պատմեց «Ասուլիս» թերթում տպված թղթակցության մասին:

— Նա է, նա՛,— հաստատեց Միտյան խոժոռվելով,— նա՛ է: Այդ թղթակցությունները... գիտեմ, չէ՞... այսինքն ի՛նչ ստորություններ են արդեն գրվել, օրինակ, Գրուշայի մասին... Եվ մյուսի մասին էլ՝ Կատյայի... չը՛մ:

Նա մտահոգ սկսեց քայլել սենյակում:

— Եվբայր, ես շեմ կարող երկար մնալ,— ասաց Ալլոշան, մի փոքր լռելուց հետո:— Վաղը ստակալի օր է, մեծ օր է քեզ համար. աստժո դատաստանին ես ենթարկվելու... և ահա դար-

մանուս էմ, որ քայլում ես այդպես, ու փոխանակ գործի մասին խոսելու, էլ չգիտեմ ինչեր ես ասում...

— Չէ, մի՞ զարմանա, — եռանդով ընդհատեց Միտյան: — Ինչ է, այդ գարշահոտ շա՞ն մասին խոսեմ: Այդ մարդասպանի՞: Քեզ հետ շատ ենք խոսել դրա շուրջ, բավական է: էլ չեմ ուզում լսել Գարշահոտ կիզավետայից ծնված այդ գարշահոտ լակոտի մասին: Աստված կսպանի նրան, ա՛յ կտեսնես: Դու սուս կաց: Նա հուզմունքով մոտեցավ Ալյոշային և հանկարծ համբուրեց նրան: Աչքերը փայլեցին:

— Ռակիտինը չի հասկանա, — սկսեց նա մի տեսակ հափշտակությամբ, — բայց դու, դու ամեն ինչ կհասկանաս: Դրա համար էլ տենչում էի քեզ: Գիտե՞ս, այնքա՛ն բաներ էի ուզում ասել քեզ այս խունացած պատերի մեջ, վաղուց էի ուզում, բայց դեռ ոչինչ չեմ ասել ամենագլխավորի մասին. միշտ էլ կարծես ժամանակը դեռ չէր գալիս: Սպասեցի այս վերջին ժամին, որպեսզի սիրտս զեղեմ քո առաջ: Եղբա՛յր իմ, այս վերջին երկու ամսվա ընթացքում մի նո՞ր մարդ զգացի իմ մեջ, մի նո՞ր մարդ ծնվեց իմ հոգում: Կա՞ր իմ մեջ այդ նոր մարդը, բայց երբեք չէր հայտնվի, եթե չպայթեր այս փոթորիկն իմ գլխին: Սոսկալի՛ է: Ի՛նչ փուլթ թե քսան տարի հանքերի մեջ քար եմ կոտրելու մուրճով. բոլորովին չեմ վախենում դրանից. այլ մի ուրիշ բանից եմ սոսկում հիմա՝ չհեռանա՞ այդ վերածնված մարդն ինձնից: Այնտե՛ղ էլ նույնիսկ, այդ հանքախորշերում, գետնի տակ, կարող եմ մարդկային մի սիրտ գտնել իմ կողքին, նույնպիսի մի տաժանակիր կալանավորի և մարդասպանի մեջ, և կարող եմ մտերմանալ նրա հետ, որովհետև այնտե՛ղ էլ կարելի է ապրել, սիրել ու տառապել: Կարելի է վերակենդանացնել սառած սիրտը այդ տաժանակիր մարդու մեջ, հարություն տալ նրան, կարելի է տարիներո՞վ հոգ տանել ու վերջապես մի բարձր հոգի լույս աշխարհ բերել մութ քարանձավից, մի տառապյալ գիտակցություն, կարելի է մի հրեշտակ վերածնել նրա մեջ, մի հերո՞ս կյանքի կոչել: Եվ այնքա՛ն շատ են նրանք, հարյուրներո՞վ, և մենք բոլորս մեղավոր ենք նրանց համար: Ինչո՞ւ այն ժամանակ «երեխու» մասին երազ տեսա, այդպիսի՞ ըոպեին: «Ինչո՞ւ աղքատ է երեխեն»: Այդ ըոպեին դա մարգարեական մի ուղեցույց էր իմ առաջ: Եվ հենց «երեխու» համար կզնամ: Որովհետև բոլորը մեղավոր են բոլորի համար: Բոլո՞ր «երեխեքի» համար կզնամ, որովհետև

կան փոքր երեխաներ ու մեծ երեխաներ: Բոլորը «երեխեք» են: Եվ հենց բոլորի համար էլ կզնամ, որովհետև պե՛տք է որևէ մեկը զնա բոլորի համար: Ես չեմ սպանել իմ հորը, բայց պետք է զնամ: Ընդունո՞ւմ եմ: Այստե՛ղ իմ մեջ ծագեց ամեն ինչ... ահա այս խունացած պատերի մեջ: Ու չէ՞ որ շատ են նրանք, հարյուրնե՛ր են նրանք այնտեղ, գետնի տակ, մուրճերը ձեռքներին: Օհ այո՛, մենք շղթայակապ ենք լինելու, և չի լինելու ազատություն, բայց հայնժամ, մեր ահագնամեծ վշտի խորքից, մենք կրկին պիտի բարձրանանք ուրախության, առանց որի չի կարող մարդն ապրել, և առանց որի աստված էլ չի կարող գոյություն ունենալ, որովհետև ուրախություն է տալիս աստված, դա նրա՛ մենաշնորհն է, մե՛ծ մենաշնորհը... Աստված իմ, հավի՛ր մարդ աղոթքի մեջ: Ինչպե՞ս առանց աստծո լինեմ ես այնտեղ, այնտե՛ղ, գետնի տակ: Փշո՛ւմ է Ռակիտինը. եթե աստծուն վտարեն երկրի վրայից, մենք նրան կդիմավորենք երկրի՛ տակ: Տաժանակիր բանտարկյալը չի կարող ապրել առանց աստծո, նույնիսկ ավելի ևս չի կարող, քան ազատ մարդը: Եվ հայնժամ մենք, ընդերկրյա մարդիկ, երկրի խորքերից ողբերգաձայն օրհներգություն պիտի երգենք առ աստված, որ աղբյուրն է ուրախության: Կեցցե՛ աստված և ուրախությունը նրա: Սիրո՞ւմ եմ նրան:

Արտասանելով իր տարօրինակ ճառը, Միտյան համարյա շնչահեղձ էր լինում: Գունատվել էր, շրթները դողում էին, արցունքներ էին գլորվում աչքերից:

— Չէ՛, լիուլի է կյանքը, գետնի՛ տակ էլ բաբախում է կյանքը, — սկսեց նա նորից: — Չես հավատա, Ալեքսեյ, ինչպե՛ս եմ ապրե՛լ ուզում հիմա, լինելու և գիտակցելու ինչպիսի՞ տենչանք է ծնվել իմ սրտում, հենց այս խունացած պատերի մեջ: Ռակիտինը չի հասկանում այս բանը, նրա միակ երազն է տունը շինել ու վարձակալներ ունենալ: Բայց ես քեզ էի սպասում: Եվ ի՛նչ է վերջապես տառապանքը: Չեմ վախենում դրանից, թեկուզ և չափ ու սահման չունենա: Հիմա չեմ վախենում, առաջ վախենում էի: Գիտե՞ս, գուցե և չպատասխանեմ դատի ժամանակ... Եվ ինձ թվում է, հիմա այնքա՛ն շատ է այդ ուժը իմ մեջ, որ ես ամեն ինչ կհաղթահարեմ, բոլո՞ր տառապանքները, որպեսզի միայն ասեմ ու ասեմ ինքս ինձ ամեն լուպե՛ ես կա՛մ: Հազարավոր տանջանքների մեջ՝ ես կա՛մ, խոշտանգում են ինձ ու գալարվում եմ, բայց կա՛մ: Նստել եմ աշտարակում մեն-մե-

նակ, բայց ե՛ս էլ գոյութուն ունեմ, արևն եմ տեսնում, իսկ եթե չեմ էլ տեսնում արևը, գիտեմ, որ նա կա: Եվ գիտնալ, թե կա արևը՝ մի ամբողջ կյանք է արդեն: Ալյոշա, հրեշտակ իմ, ինձ սպանում են այլազան փրկիսոփայությունները, գրո՛ղը տանի դրանք: Իվանը...

— Իվանը ի՞նչ... — ընդհատեց Ալյոշան, բայց Միտյան չլսեց:

— Հասկանո՞ւմ ես, առաջ ես այս տարակույսներից ոչ մեկը չունեի, բայց այս ամբողջը թաքնված էր իմ ներսում: Գուցե հենց դրա համար էլ հաճախ հարբում էի, կովում, կատաղում, որովհետև անծանոթ գաղափարներ էին ալեկոծվում իմ մեջ: Դրանց հագուրդ տալու համար էի կովում, զսպելու համար, ճնշելու համար: Իվանը Ռակիտին չէ, նրա մեջ գաղափար է թաքնված: Իվանը սֆինքս է և լուռ է, միշտ լուռ է: Իսկ ինձ աստծո հարցն է տանջում: Միայն դա է տանջում ինձ: Հապա եթե չկա՞ նա: Հապա՞ եթե ճիշտ է Ռակիտինը, որ դա արհեստական մի գաղափար է մարդկության մեջ: Եթե աստված չկա, ուրեմն մարդն է երկրի, տիեզերքի պարագլուխը: Հոյակա՞պ է: Բայց թե ինչպե՞ս է մարդը առաքինի լինելու առանց աստծո: Ահա՛ խնդիրը: Ես անընդհատ այդ եմ մտածում: Որովհետև՝ ո՞ւմ է սիրելու այդ դեպքում մարդ արարածը: Ո՞ւմ է նա շնորհակալ լինելու, ո՞ւմ համար է երգելու իր օրհներգութունը: Ռակիտինը ծիծաղում է: Ռակիտինն ասում է, որ կարելի է առանց աստծո էլ սիրել մարդկությանը: Է՛, փսլնքոտ ցանցառը միայն կարող է այդպես պնդել: Իսկ ես չեմ կարող այդ բանը հասկանալ: Ռակիտինի համար հեշտ է ապրելը. գիտե՞ս ինչ ասաց այսօր: «Ավելի լավ կլինի, որ մարդու քաղաքացիական իրավունքների ընդլայնման համար աշխատես, կամ էլ գոնե ջանաս, ող մսի գինը չբարձրանա. դրանով ավելի պարզ ու անմիջական սեր ցուցաբերած կլինես մարդկության հանդեպ, քան թե փրկիսոփայություններով»: Է՛հ, ես էլ դրա պատասխանը տվեցի՛: «Իսկ դու եթե աստված չունես,— ասացի,— դեռ ինքդ էլ մի բանով կբարձրացնես մսի գինը, եթե ձեռքիցդ գա, և կոպեկի վրա մի ռուբլի կշորթես»: Բարկացավ: Որովհետև ի՞նչ է վերջապես առաքինութունը, պատասխանի՛ր ինձ խնդրեմ, Ալեքսեյ: Առաքինութունը ինձ համար մի բան է, չինացու համար՝ ուրիշ բան, ուրեմն հարաբերական է դա: Կամ էլ գուցե ո՞չ: Հարաբերական չէ՞: Փշոտ հարց է: Չես ծիծաղի, եթե ասեմ, որ եր-

կու գիշեր չեմ քնել դրա երեսից: Ես հիմա զարմանում եմ միայն, թե ինչպե՞ս մարդիկ ապրում են աշխարհում և ոչինչ չեն մտածում դրա մասին: Ունայնությո՞ւն: Իվանը աստված չունի: Գաղափար ունի: Իմ սահմաններից դուրս է: Բայց լուռ է Իվանը: Կարծում եմ՝ մաստն է նա: Հարցրի իրեն՝ լուռ է: Միայն մի անգամ մի խոսք ասաց:

— Ի՞նչ ասաց,— իսկույն վրա բերեց Ալյոշան:

— Ես նրան հարցրի՛ ուրեմն ամեն ինչ թույլատրելի՞ է, եթե այդպես է: Խո՞տովեց: «Ճյողոր Պավլովիչը,— ասաց,— մեր հայրիկը, խոճկորի մեկն էր, բայց ճիշտ էր մտածում»: Ահա՛ թե ինչ բարբառեց, խնդրե՛մ: Այդ էր ամբողջ ասածը: Սա արդեն Ռակիտինին էլ կոխեց-անցավ:

— Այո,— հաստատեց Ալյոշան դառնորեն:— Ե՛րբ եկավ նա քեզ մոտ:

— Դրա մասին՝ հետո, հիմա ուրիշ բան եմ ասում: Իվանի մասին գրեթե ոչինչ չեմ ասել քեզ մինչև հիմա: Հետաձգում էի մինչև վերջին րոպեն: Երբ իմ այս պատմութունը վերջանա այստեղ և դատավճիռը հայտնեն, այն ժամանակ մի որոշ բան կասեմ քեզ, ամեն ինչ կասեմ: Մի ահավոր խնդիր կա... Եվ դու իմ դատավճիռը կլինես այդ խնդրում: Իսկ հիմա մի՛ էլ սկսիք դրա մասին, հիմա՛ սո՛ւ: Այ դու ասում ես վաղվա մասին, դատի մասին, բայց կհավատա՞ս, ես ոչինչ չգիտեմ:

— Այդ դատապաշտպանի հետ խոսե՞լ ես:

— Դատապաշտպանն ինչ: Ամեն ինչ ասացի նրան: Նուրբ սրիկայի մեկն է, մայրաքաղաքի սրիկա: Բեռնա՛ր: Բայց չի հավատում ինձ, կոպեկի տեղ չի դնում իմ ասածը: Հավատում է, որ ես եմ սպանել, երևակայիր: Տեսնում եմ, չէ՞: «Այդ դեպքում ինչո՞ւ եք եկել ինձ պաշտպանելու», — հարցրի: Թ՛քե՛լ եմ նրանց վրա: Բժիշկ էլ են հրավիրել, ուզում են ինձ խելագար հանել: Չե՛մ թողնի: Կատերինա Իվանովնան ուզում է մինչև վերջ կատարել «իր պարտքը»: Ստիպո՞ւմ է ինքն իրեն,— դառը ժպտաց Միտյան:— Կատու է, կատու՛: Դաժան սիրտ: Գիտե՛, որ ես Մոկրոեում իր մասին ասել եմ՝ «մեծ ցասում ունեցող» կին է: Հասցրել են ականջը: Այո՛, ցուցմունքները շատացել են ծովի ավազի չափ: Գրիգորին կանգնել է իր ասածի վրա: Գրիգորին ազնիվ է, բայց հիմար: Շատ կան այնպիսի մարդիկ, ոչ ազնիվ են, որովհետև հիմար են: Ռակիտինի միտքն է դա: Գրիգորին թշնամի է ինձ: Իսկ ո՞մանք էլ կան, որ ավելի լավ է

Քշնամի լինեն, քան բարեկամ: Կատերինա Իվանովնայի մասին եմ ասում: Վախենում եմ, օ՛, վախենում եմ, որ դատարանում հանկարծ պատմի, թե ինչպես մինչև գետին խոնարհվեց այն շորսուկես հազարից հետո: Ամե՛ն ինչի տեղը կհանի, պարտքի տակ չի մնա: Չե՛մ ուզում նրա զոհողությունը: Ամոթա՛նք կտան ինձ դատարանում: Ինչպե՛ս հանդուրժեմ: Գնա՛ մոտը, Ալյոշա, խնդրիր, որ շասի այդ բանը դատի ժամանակ: Ինչ է, չի՞ կարելի: Դե լա՛վ, հերն էլ անիծած, միևնույն է, կհանդուրժեմ: Իսկ նրան չեմ խղճում: Ինքն է ուզում այդպես: Կրակ բռնողը ձեռքը կայրի: Ես իմ ասածը կասեմ, Ալեքսեյ:— Նա նորից դառը ժպտաց:— Միայն թե... Միայն թե Գրուշան, Գրո՛ւշան, աստված իմ: Նա՞ ինչի համար այսպիսի տանջանք է կրում հիմա,— բացականչեց նա հանկարծ, և աչքերը լցվեցին:— Սպանո՛ւմ է ինձ Գրուշան, նրա մասին մտածելն իսկ սպանում է ինձ, սպանո՛ւմ: Այսօր եկել էր...

— Պատմեց ինձ: Այսօր նա շատ էր վշտացել քեզնից:

— Գիտեմ: Գրո՛ղը տանի իմ բնավորությունը, ետանդեցի: Հետո էլ երբ գնում էր՝ զղջացի, համբուրեցի նրան: Ներողություն չխնդրեցի:

— Ինչո՞ւ չխնդրեցիր,— բացականչեց Ալյոշան:

Միտյան համարյա զվարթորեն ծիծաղեց հանկարծ:

— Միրելի՛ մանչուկա, աստվա՛ծ շանի, որ երբևիցե քո հանցանքի համար ներողություն խնդրես քո սիրած կնոջից: Մանավանդ սիրա՛ծ կնոջից, մանավանդ, որքան էլ մեղավոր լինես նրա առաջ: Որովհետև կինը... է՛հ, սատանան գիտե, թե ինչ բան է կինը, եղբայր իմ: Ինչ էլ չլինի, գոնե կի՛ն արարածից մի բան հասկանում եմ: Դե փորձիր խոստովանել մեղքդ նրան, ասա «մեղավոր եմ, կներես, ներողություն եմ խնդրում», և տեղնուտեղը հանդիմանությունների կարկուտը կթափվի գլխիդ: Ոչ մի դեպքում ուղղակի և պարզապես չի ների. կստորացնի քեզ, քրջի կտոր կդարձնի, շեղած մեղքն էլ վզիդ կգցի, ամե՛ն ինչ մեջտեղ կհանի, ոչինչ չի մոռանա, իր կողմից էլ մի բան կավելացնի և հետո՛ միայն կների քեզ: Եվ սա դեռ նրանցից լավագույնն էլ կանի, լավագո՛ւյնը: Ամենավերջին մանրուքները կքե՛րի հատակից և գլխիդ կթափի, այո. և ասեմ քեզ, այնպե՛ս են քերթում նրանք մարդու կաշին, նրանց բնությա՛ն մեջ է այդ հատկությունը, բոլորի մեջ, առանց բացառության, բոլո՛ր այդ հրեշտակների մեջ, առանց որոնց մենք չե՛նք էլ կարող ապրել:

Գիտե՛ս ինչ, սիրելիս, անկեղծորեն ու պարզ ասեմ քեզ՝ ամեն մի պարկեշտ մարդ գոնե մի որևէ կնոջ կրունկի տակ պետք է լինի: Այս է իմ համոզմունքը. ոչ թե համոզմունքը, այլ զգացմունքը: Տղամարդը պետք է վեհանձն լինի, և դա չի արատավորի տղամարդուն: Հերոսին անգամ չի արատավորի, Կեսարին էլ չի արատավորի: Բայց դե այնուամենայնիվ ներողություն մի՛ խնդրիր, երբեք, ոչ մի դեպքում: Հիշի՛ր այս օրենքը, որ եղբայրդ է ավանդում քեզ, կանանց երեսից կործանված Միտյան: Չէ՛, ավելի լավ է առանց ներողություն խնդրելու արժանի լինեմ Գրուշենկային մի որևէ բանով: Պաշտո՛ւմ եմ նրան, Ալեքսեյ, պաշտո՛ւմ եմ: Միայն թե նա չի տեսնում, չէ՛, որքան էլ սիրեմ՝ քիչ է նրա համար: Եվ տանջում է ինձ, իր սիրով է տանջում: Առաջ ի՛նչ էր որ: Առաջ մարմնի դժոխային կորագծերն էին միայն տանջում ինձ, իսկ հիմա նրա ամբողջ հոգին եմ առել իմ հագու մեջ և նրա շնորհիվ ի՛նքս եմ մարդ դարձել: Կպսակե՞ն մեզ: Առանց դրան կմեռնեմ խանդից: Ամեն օր էլ ուղղակի մի սրև է բան տեսնում եմ երազիս մեջ... Խ՛նչ ասաց իմ մասին:

Ալյոշան կրկնեց այն բոլորը, որ Գրուշենկան ասել էր այսօր: Միտյան ամեն մի մանրամասնություն լսեց ուշադրությամբ, շատ բան վերստին հարցրեց ու գոհ մնաց:

— Ուրեմն չի՞ բարկանում, որ խանդում եմ,— բացականչեց նա:— Իսկական կին է ուղղակի, կի՛ն: «Ես ինքս էլ դաժան սիրտ ունեմ»: Ո՛ւխ, սիրում եմ այսպիսիներին, այսպիսի դաժան սիրտ ունեցողներին, թեև չեմ կարող հանդուրժել, երբ ինձ խանդում են, չե՛մ կարող հանդուրժել: Պիտի կովենք: Բայց պիտի սիրեմ, անսահմանորեն պիտի սիրեմ նրան: Կպսակե՞ն մեզ արդյոք: Կալանավորներին պսակո՛ւմ են թե չէ: Այս է հարցը: Առանց նրան ես չեմ կարող ապրել....

Միտյան խոժոռված դեմքով սկսեց քայլել սենյակում: Համարյա մութ էր արդեն: Նա հանկարծ սոսկալի մտահոգ դարձավ:

— Ուրեմն գաղտնիք կա ասում է, հա՞, գաղտնի՞ք: Իբր թե մենք երեքով դավադրություն ենք անում նրա դեմ, և իբր թե «Կատյան» էլ մատ ունի մեջը, հա՞: Չէ՛, Գրուշենկա, չէ՛, ախպերս, այդպես չէ: Այստեղ արդեն ճիշտ կետին չխփեցիր, քո կանացի հիմարիկ խելքը վրիպե՛ց: Ալյոշա, սիրելիս, է՛հ, ինչ ուզում է լինի: Ասեմ քեզ մեր գաղտնիքը:

Նա շորս կողմը նայեց, արագորեն և ընդհուպ մոտեցավ իր

առաջ կանգնած Ալլոշային և սկսեց խորհրդավոր մի արտա-
հայտութեամբ փսփսալ նրան, թեև փաստորեն ոչ ոք չէր կարող
լսել նրանց խոսածը. ծերունի հսկիչը մրափում էր անկյունում,
նստարանի վրա, իսկ պահակ զինվորների ականջին ոչ մի բառ
չէր կարող հասնել:

— Մեր ամբողջ գաղտնիքը պարզեմ քեզ,— փսփսաց Միտ-
յան աճապարանքով:— Ուզում էի ավելի ուշ հայտնել, որով-
հետև կարո՞ղ եմ ես մի որևէ բան վճռել առանց քեզ: Դու ամեն
ինչ ես ինձ համար: Թեև ասում եմ, որ Իվանը ավելի բարձր է
մեզնից, բայց դու իմ հրեշտակն ես: Միայն քո՞ որոշումն է
վճռելու ամեն ինչ: Գուցե հենց դո՞ւ ես բարձր մարդը, և ոչ թե
Իվանը: Հասկանո՞ւմ ես, խղճի հարց է այստեղ, գերագույն
խղճի հարց. այնքա՞ն կարևոր գաղտնիք է, որ ես ինքս չեմ կա-
րող գլուխ հանել և անընդհատ հետաձգում էի, որ ժամանակը
հասնի և ասեմ քեզ: Բայց դեռ այնուամենայնիվ շուտ է որո-
շելու համար, որովհետև պետք է սպասել դատավճռին. երբ դա-
տավճիւր տան, այն ժամանակ դու կորոշես իմ բախտը: Հիմա
մի՞ որոշիր: Հիմա ես քեզ կասեմ, դու էլ կլսես, բայց մի՞ որո-
շիր: Կանգնիր ու լուռ մնա: Ամեն ինչ չեմ հայտնի քեզ: Միայն
հիմնական միտքը կասեմ, առանց մանրամասնությունների,
իսկ դու լուռ լսիր: Ոչ մի հարց, ոչ մի շարժում, համաձայն ես:
Բայց աստված իմ, աչքե՞րդ ինչ անեմ հապա: Վախենում եմ,
որ աչքերդ ասեն քո որոշումը, թեկուզ և լուռ մնաս: Օ՛, վա-
խենում եմ: Ալլոշա, լսի՛ր. Իվանն ինձ առաջարկում է փախչել:
Մանրամասնությունները չեմ ասում. ամեն ինչ նախատեսված
է, ամեն ինչ կարելի է կարգադրել: Լոիր, մի՞ որոշիր: Գրուշայի
հետ՝ Ամերիկա: Առանց Գրուշայի չեմ կարող ապրել, հասկա-
նո՞ւմ ես: Իսկ եթե նրան չթողնե՞ն որ գա ինձ մոտ՝ Սիբիր: Կա-
լանավորներին պսակո՞ւմ են արդյոք: Իվանն ասում է՝ ոչ: Իսկ
առանց Գրուշայի ի՞նչ անեմ այնտեղ գետնի տակ, մուրճը ձեռ-
քիս, հա՞: Պարզապես գլո՞ւխս կշարդեմ այդ մուրճով: Բայց
մյուս կողմից՝ խի՞ղճը հապա: Չէ որ տառապանքից եմ փա-
խած լինում: Նշան եղավ ինձ՝ մերժում եմ նշանը. քավութեան
ուղին ցույց տրվեց՝ ուղղակի «ետ դարձ» եմ անում: Իվանն
ասում է, որ Ամերիկայում, «եթե լավ հակումներ ունենալ»,
ավելի շատ օգուտ կբերես, քան գետնի տակ: Է լա՞վ, բայց մեր
ընդերկրային օրհներգությունն ուր մնաց: Ամերիկա՞ն ինչ է,
Ամերիկան էլ ունայնություն է նորից: Եվ կարծում եմ, Ամե-

րիկայում էլ խարդախություն շատ կա: Խաչելությունի՞ց եմ
փախած լինում: Քեզ եմ ասում, Ալեքսեյ, որովհետև միայն դու
կարող ես հասկանալ, ուրիշ ոչ ոք: Ուրիշների համար հիմարու-
թյուն է, զառանցանք է այն ամբողջը, որ քեզ ասացի օրհներ-
գության մասին: Կասե՛ն՝ խելագարվել է կամ էլ հիմար է: Բայց
ես չեմ խելագարվել, հիմար էլ չեմ: Իվանն էլ հասկանում է
օրհներգությունը, օ՛խ, հասկանում է, բայց չի պատասխանում
դրան, լուռ է: Չի հավատում օրհներգության: Մի՞ խոսիր, մի՞
խոսիր, տեսնո՞ւմ եմ ինչպես ես նայում. որոշել ես արդեն: Մի՞
որոշիր, խնայիր ինձ, ես չե՞մ կարող ապրել առանց Գրուշայի,
սպասիր դատին:

Միտյան վերջացրեց մոլեգնահարի նման: Երկու ձեռքով
բռնել էր Ալլոշայի ուսերից և իր տոշորուն, տենդագին հայաց-
քըն ուղղակի բեռեղ էր նրա աչքերի մեջ:

— Կալանավորներին պսակո՞ւմ են արդյոք,— կրկնեց նա
երրորդ անգամ, աղաչական ձայնով:

Ալլոշան ծայրահեղ զարմանքով էր լսում և խորապե-
ցնցվել էր:

— Դու ինձ մի բան ասա,— հարցրեց նա,— Իվանը շա՞տ
է պնդում, և ո՞վ առաջին անգամ հղացավ այդ միտքը:

— Նա, նա՛ հղացավ, նա՛ է պնդում: Երբեք չէր գալիս ինձ
մոտ և հանկարծ մի շաբաթ առաջ եկավ, ուղղակի դրանից
սկսվեց: Սոսկալի պնդում է: Չի խնդրում, հրամայում է ուղ-
ղակի: Վստահ է, որ կհնազանդվեմ, թեև նրան էլ պարզեցի իմ
ամբողջ սիրտը և օրհներգության մասին խոսեցի, ինչպես հիմա
քո առաջ: Պատմեց, թե ինչպես է կարգադրելու, բոլոր տեղե-
կությունները հավաքել է. բայց դրա մասին՝ հետո: Խելահեղորեն
ուզում է: Փողն է գլխավոր խնդիրը. քեզ տասը հազար ռուբլի
փախուստի համար, ասում է, քսան հազար էլ Ամերիկա գնա-
լու, իսկ տասը հազարով, ասում է, հոյակապ մի փախուստ
կկազմակերպենք:

— Եվ պատվիրեց, որ ոչ մի դեպքում չասե՞ս ինձ,— հարց-
րեց նորից Ալլոշան:

— Ոչ մի դեպքում, ոչ ոքի, մանավանդ քեզ. քեզ՝ բնա՞վ
երբեք: Պարզ է, վախենում է, որ դու խղճի նման կկանգնես իմ
առաջ: Մի՞ ասա նրան, որ հայտնել եմ քեզ: Չլինի՞, որ ասես,
չէ՞:

— Իրավունք ունես,— եզրակացրեց Ալլոշան,— դատավճռից

առաջ անկարելի է մի բան որոշել: Գատից հետո ինքդ կորոշես. այդ ժամանակ դու մի նոր մարդ կգտնես քո մեջ, և նա էլ կորոշի:

— Մի նոր մարդ կամ մի Բեռնար, որ բեռնարյա՞ն ձեռով էլ կորոշի: Որովհետև, ինձ թվում է, ես ինքս էլ անարգ մի Բեռնար եմ,— ասաց Միտյան դառն քմծիծաղով:

— Բայց մի՞թե, մի՞թե բոլորովին հույս չունես արդարանալու, եղբայր:

Միտյան շղաձգորեն վեր քաշեց ուսերը և գլուխը շարժեց բացասական:

— Ալյոշա, ժամանակն է, որ գնաս, անուշոս,— ասաց նա հանկարծ աճապարանքով:— Վերակացուն ահա սկսեց գոռալ բակում, շուտով այստեղ կգա: Ուշ մնացի՞նք, լանկարգություն է: Գրկիր ինձ, շո՛ւտ, համբուրիք, խաշակնքիր ինձ, անուշոս, խաշակնքիր ինձ՝ վաղվա իմ կրելիք խաշի համար...

Գրկվեցին ու համբուրվեցին:

— Իսկ Իվանը, Իվա՛նը,— ասաց հանկարծ Միտյան,— փախել առաջարկեց ինձ, բայց ինքը՝ հավատո՞ւմ է, որ ես եմ սպանել:

Մի տխուր քմծիծաղ երևաց նրա շրթներին:

— Իսկ դու հարցրի՞ր նրան, թե հավատում է կամ ոչ,— հարցրեց Ալյոշան:

— Ձէ, չհարցրի: Ուզում էի հարցնել, բայց չկարողացա, քաջություն չունեցա: Բայց միևնույն է, ես նրա աչքերից եմ տեսնում, չէ՞: Դե լավ, ցտեսություն:

Շտապ համբուրվեցին նորից, և Ալյոշան արդեն դուրս էր գալիս, երբ հանկարծ Միտյան ետ կանչեց նրան:

— Կանգնի՛ր իմ առաջ, ահա այսպես:

Ծվ նա նորից երկու ձեռքով մամուր բռնեց Ալյոշայի ուսերից: Գեմքը հանկարծ կատարելապես գունատվեց, այնպես որ համարյա մութ սենյակում անգամ դա սոսկալիորեն նկատելի դարձավ: Շրթները ծովեցին, հայացքը բևեռվեց Ալյոշայի աչքերի մեջ:

— Ալյո՛շա, ասա՛ ինձ ամբողջ ճշմարտությունը, ինչպես պիտի ասելիք աստծո առաջ. հավատո՞ւմ ես, որ ես եմ սպանել, թե չես հավատում: Դու ի՛նքդ քո մեջ, դո՛ւ, անձնապես՝ հավատո՞ւմ ես, թե չէ: Բացարձակ ճշմարտությունն ասա, մի՛ ստիր,— գոռաց նա մոլեգնորեն:

Ալյոշան կարծես օրորվեց ամբողջ մարմնով և զգաց, որ կարծես մի սուր բան ծակեց իր սիրտը:

— Դե լավ, ինչ ես ասում...— թթովեց նա իրեն կորցրած:

— Ամբողջ ճշմարտությունը, ամբողջ, մի՛ ստիր,— կրկնեց Միտյան:

— Ոչ մի բոլոր չեմ հավատացել, որ դու մարդասպան ես,— Ալյոշայի դողացող ձայնը պոկվեց հանկարծ կրծքի խորքից, և նա իր աչքի մեջ վեր բարձրացրեց, կարծես աստծուն վկա կանչելով իր խոսքերի համար:

Միտյայի ամբողջ դեմքը վայրկենապես պայծառացավ երանությունամբ:

— Շնորհակա՛լ եմ,— ասաց նա դանդաղորեն, կարծես նվաղումից հետո մի հառաչանք արձակելով:— Հիմա արդեն կյանք տվիր ինձ... Կհավատա՞ս, մինչև հիմա վախճում էի հարցնել քեզ, քե՛զ նույնիսկ, քե՛զ: Դե գնա, գնա՛: Ուժ տվիր ինձ վաղվա համար, աստվա՛ծ քեզ օրհնի: Դե լավ, գնա՛, սիրիր Իվանին,— ասաց հանկարծ Միտյան, և այդ եղավ իր վերջին խոսքը:

Ալյոշան դուրս եկավ արտասովալից աչքերով: Միտյայի այդ աստիճան կասկածամտությունը, նրա այդ աստիճան անվստահությունը նույնիսկ իր՝ Ալյոշայի նկատմամբ, այդ ամբողջը հանկարծ Ալյոշայի առաջ անհույս վշտի ու վհատության մի անդունդ բացեց իր դժբախտ եղբոր հոգում, այնպիսի մի անդունդ, որ իր մտքով անգամ չէր անցել մինչև հիմա: Խորունկ, անհուն մի կարեկցանք համակեց ու տանջեց Ալյոշային վայրկենապես: Նրա խոցված սիրտը սարսափելի ցավում էր: «Միրի՛ր Իվանին»,— հիշեց հանկարծ Միտյայի ասածը: Ծվ նա հենց գնում էր Իվանի մոտ: Դեռ առավոտից սոսկալի կարիք էր զգում Իվանին տեսնելու: Իվանի վիճակը նրան նույնքան տանջում էր, որքան Միտյայինը, իսկ հիմա, եղբոր հետ տեսակցությունից հետո, Իվանը իրեն մտահոգում էր ավելի քան երբեք:

V

ԳՈՒ 2ԵՍ, ԳՈՒ 2ԵՏ

Իվանի մտտ գնալու համար պետք է անցնել այն տան մոտով, ուր ապրում էր Կատերինա Իվանովնան: Պատուհանների մեջ լույս կար: Նա հանկարծ կանգ առավ ու որոշեց ներս մտնել:

Արդեն ավելի քան մի շաբաթ չէր տեսել Կատերինա Իվանովնային: Բայց հիմա հանկարծ մտածեց, որ Իվանը կարող է նրա մոտ լինել այդ բոլորին, մանավանդ որ ճակատագրական օրվա նախօրյակն էր: Զանգը տվեց, և երբ բարձրանում էր սանդուղքով, որ շինական լապտերի աղոտ լույսով էր լուսավորված, վերևից իջնող մի մարդ տեսավ, իսկ երբ իրար մոտեցան, ճանաչեց մարդուն. իր եղբայրն էր: Ուրեմն նա արդեն հրաժեշտ էր տվել Կատերինա Իվանովնային ու դուրս էր գալիս:

— Ախ, դու ես պարզապես, — ասաց Իվան Յյոդորովիչը շոր շեշտով: — է՛հ, ցտեսութուն: Նրա մո՞տ ես գնում:

— Այո:

— Խորհուրդ չեմ տա. «հուզված» է նա, իսկ դու ավելի ևս կփշացնես տրամադրությունը:

— Ո՛չ, ո՛չ, — գոռաց հանկարծ մի ձայն վերևից՝ վայրկենապես բացված դռնից: — Ալեքսեյ Յյոդորովիչ, նրա մոտի՞ց եք գալիս:

— Այո, նրա մոտ էի:

— Պատվիրեց մի որևէ բա՛ն ասել ինձ: Եկեք, Ալյոշա, և դուք էլ, Իվան Յյոդորովիչ, անպայման, անպայմա՛ն վերադարձեք: Կր-սո՞ւմ եք:

Կատյայի ձայնի մեջ այնպիսի մի հրամայական շեշտ հնչեց, որ Իվան Յյոդորովիչը, մի վայրկյան տատանվելուց հետո, այնուամենայնիվ որոշեց նորից վերև բարձրանալ Ալյոշայի հետ:

— Ականջ էր դնում, — ջղայնորեն փսփսաց նա թթի տակ, բայց Ալյոշան պարզ լսեց:

— Թույլ տվեք՝ վերարկուս չհանել, — ասաց Իվան Յյոդորովիչը, հյուրասենյակ մտնելով: — Չեմ էլ նստի: Մի բոլորից ավելի չեմ մնալու:

— Նստեցեք, Ալեքսեյ Յյոդորովիչ, — ասաց Կատերինա Իվանովնան, ինքը ոտքի մնալով: Նա քիչ էր փոխվել այս երկու ամսվա ընթացքում, բայց նրա մուգ աչքերի մեջ շարագուշակ մի փայլ կար: Ալյոշան հետագայում հիշեց, որ այդ բոլորին նա շափազանց սիրուն էր թվացել իրեն:

— Իսկ ի՞նչ պատվիրեց, որ ասեք ինձ:

— Միայն մի բան, — ասաց Ալյոշան, ուղիղ նրա երեսին նայելով, — որ դուք խնայեք ձեզ և դատարանում ոչինչ չասեք այն մասին... — նա մի քիչ կմկմաց, — այն մասին, ինչ որ եղել է ձեր միջև... ձեր առաջին ծանոթության ժամանակ... այն քաղաքում...

— Հա՛, այն, որ ես մինչև գետին խոնարհվեցի՞ այդ փողոց, համար, — վրա բերեց Կատյան, դառն ծիծաղելով: — Ինչ է, նա ի՞ր համար է վախենում, թե ինձ համար, հա՞: Ասում է, որ եթ խնայեմ... բայց ո՞ւմ: Նրա՞ն, թե ինքս ինձ: Ասացե՛ք, Ալեքսեյ Յյոդորովիչ:

Ալյոշան ուշադիր նայում էր, ջանալով հասկանալ նրան:

— Ե՛վ ձեզ, և՛ նրան, — ասաց նա մեղմորեն:

— Հենց այդ է, — մի տեսակ շարախնդորեն վրա տվեց Կատյան ու հանկարծ կարմրեց: — Գուց դեռ չգիտեք ինձ, Ալեքսեյ Յյոդորովիչ, — ասաց նա սպառնազին, — և ես էլ դեռ չգիտեմ ինքս ինձ: Գուցե վաղվա հարցաքննությունից հետո ուզենաք ինձ տրորել ձեր ոտքերի տակ:

— Գուց ազնվորեն վկայություն կտաք, — ասաց Ալյոշան, — այդ է պետք միայն:

— Կինը հաճախ անազնիվ է լինում, — կրճտացրեց Կատյան: — Դեռ մի ժամ առաջ մտածում էի, թե ինձ համար սարսափելի է ձեռք տալ այդ հրեշին... ասես իժ լինի... բայց չէ, նա դեռ մա՛րդ է ինձ համար: Բայց սպանե՛լ է որ նա: Նա՞ է սպանել արդյոք, — բացականչեց նա հանկարծ հիստերիկ ձայնով, արագորեն դառնալով Իվան Յյոդորովիչին: Ալյոշան վայրկենապես հասկացավ, որ այդ նույն հարցը նա մինչև այդ տվել էր արդեն Իվան Յյոդորովիչին, գուցե իր գալուց ընդամենը մեկ բոլոր առաջ, և ոչ թե առաջին, այլ հարյուրերորդ անգամ, և որ նրանք ի վերջո ընդհարվել էին:

— Ես տեսա Սմբրոյակովին... Դու, դո՛ւ համոզեցիր ինձ, որ նա հայրասպան է: Ես միայն քե՛զ հավատացի, — շարունակեց Կատյան, դիմելով Իվան Յյոդորովիչին: Վերջինս բռնադբոսիկ ժպտաց: Ալյոշան ցնցվեց, լսելով այդ «աղա»-ն: Նրա մտքով էլ չէր անցել, որ այդպիսի փոխհարաբերություններ կան նրանց միջև:

— Դե լավ, բավական է համենայն դեպս, — կարճ կտրեց Իվանը: — Գնում եմ: Վաղը կգամ: — Եվ իսկույն դարձավ, դուրս եկավ սենյակից, ուղղակի գնաց դեպի սանդուղքը:

Կատերինա Իվանովնան հանկարծ տիրական մի շարժումով բռնեց Ալյոշայի երկու ձեռքերը:

— Գնացե՛ք նրա ետևից: Հասե՛ք նրան: Ոչ մի բոլոր առանձին-մի՛ թողնեք, — արագ-արագ շնչաց նա: — Խելագար է: Զգիտե՛ք, որ խելագարվել է: Տենդ ունի, ջղային տե՛նդ: Բժիշկն

Ինձ ասաց: Գնացե՛ք, վարդենք՝ ք նրա ետևից...

Ալլոշան վեր թռավ ու խոյացավ Իվան Տյոդորովիչի ետևից, որ դեռ հազիվ հիսուն քայլ էր հեռացել:

— Ի՞նչ ես ուզում,— հանկարծ Իվան Տյոդորովիչը դարձավ Ալլոշային, տեսնելով, որ նա շտապում է հասնել իրեն:— Պատվիրեց, որ իմ ետևից վազես, որովհետև խելագար եմ: Անգիր գիտեմ,— ավելացրեց նա ջղայնորեն:

— Ես սխալվում է իհարկե, բայց ճիշտ է ասում, որ հիվանդ ես,— ասաց Ալլոշան:— Ես հիմա այնտեղ քո դեմքին էի նայում: Երևում է դեմքիցդ, որ շատ հիվանդ ես, Իվան, շատ:

Իվանը քայլում էր առանց կանգ առնելու: Ալլոշան էլ նրա ետևից:

— Իսկ դու գիտե՞ս, Ալեքսեյ Տյոդորովիչ, թե ինչպես են խելագարվում,— հարցրեց Իվանը հանկարծ բոլորովին մեղմ ձայնով, առանց որևէ ջղայնության, և նրա ձայնի մեջ ամենապարզամիտ հետաքրքրությունն զգացվեց մեկն:

— Ոչ, չգիտեմ: Ենթադրում եմ, որ խելագարության շատ այլազան տեսակներ կան:

— Իսկ մարդ կարո՞ղ է իր սեփական աչքով գիտել, որ խելագարվում է ինքը:

— Կարծում եմ, որ այդպիսի դեպքում մարդ չի կարող հստակորեն հետևել ինքն իրեն,— պատասխանեց Ալլոշան զարմանքով:

Իվանը մի կես ընկալե լուռ մնաց:

— Եթե ուզում ես մի որևէ բանի մասին խոսել ինձ հետ, փոխի՛ր նյութը, խնդրում եմ,— ասաց նա հանկարծ:

— Հա, շնորհամ, մի նամակ պետք է հանձնեմ քեզ,— ասաց Ալլոշան ամոթխածորեն և կիզայի նամակը հանեց գրպանից, երկարեց նրան: Հենց այդ ընկալին էլ նրանք մոտեցել էին լայտերասյանը: Իվանն անմիջապես ձեռագիրը ճանաչեց:

— Ա՛, այդ դևի ձագն է ուղարկել,— ծիծաղեց նա շարախընդորեն ու հանկարծ, առանց ծրարը բացելու, կտոր-կտոր պատառոտեց նամակը և օդ նետեց: Քամին թոցրեց ծվենները:

— Կարծեմ դեռ տասնվեց տարեկան էլ չկա, և արդեն առաջարկո՞ւմ է ինքն իրեն,— ասաց նա արհամարհանքով և շարունակեց քայլել փողոցն ի վար:

— Ինչպե՞ս թե առաջարկում է ինքն իրեն,— բացականչեց Ալլոշան:

— Պարզ է, ինչպես անառակ կանայք են առաջարկում:

— Ի՛նչ ես ասում, Իվան, ի՛նչ ես ասում,— գռչեց Ալլոշան վշտագին, ջերմորեն պաշտպանելով աղջկան:— Երեխա է նա, դու երեխայի՛ն ես վիրավորում: Հիվանդ է աղջիկը, նա էլ շատ հիվանդ է, նա էլ գուցե խելագարվում է... Ես չէի կարող չհանձնել քեզ նրա նամակը... Ընդհակառակը, ուզում էի մի որևէ բան լսել քեզնից... որ փրկվի նա...

— Ինձնից ոչինչ էլ չես լսի: Եթե երեխա է, ես նրա դայակը չեմ: Լոկ՛ր, Ալեքսեյ: Մի՛ շարունակիր: Ես դրա մասին չեմ էլ մտածում:

Նորից մի ընկալե լուռ մնացին:

— Հիմա նա ամբողջ գիշերը պիտի աղոթի, որպեսզի մայր աստվածածինը ցույց տա, թե վաղը ինչպե՞ս վարվի դատարանում,— հանկարծ խոսեց նա նորից, կտրուկ ու զայրալից շեշտով:

— Դու... դու Կատերինա Իվանովնայի՞ մասին ես ասում:

— Այո: Որպես Միտայի փրկի՞չը հանդես գա, թե՞ կործանի նրան: Պիտի աղոթի, որ վերևից մի լույս ծագի իր հոգում: Ինքը դեռ չգիտի՛, հասկանո՞ւմ եք, դեռ չի՞ կարողացել մի որոշման գալ: Սա էլ ինձ դայակի տեղ է դնում, ուզում է՝ օրո՞ր ասեմ իրեն:

— Կատերինա Իվանովնան սիրում է քեզ, եղբայր,— ասաց Ալլոշան տրամորեն:

— Գուցե: Միայն թե ես աչք չունեմ վրան:

— Տառապում է նա: Իսկ ինչո՞ւ դու երբեմն... նրան ասում ես... այնպիսի խոսքեր, որ հույս են տալիս նրան,— շարունակեց Ալլոշան երկչու հանդիմանությունով:— Գիտեմ, չէ՞, դու նրան հուսադրել ես, ներիր, որ այսպես եմ ասում,— ավելացրեց նա:

— Չե՛մ կարող հիմա այնպես վարվել, ինչպես պետք է, այսինքն խզել կապերս և ուղղակի ասել նրան,— պատասխանեց Իվանը ջղայնորեն:— Պետք է սպասեմ, մինչև դատավճիռը հաշտեն մարդասպանին: Եթե ես հիմա խզեմ կապերս, ինձնից վրեժ լուծելու համար վաղը այդ ստահակին կկործանի դատարանում, որովհետև ատում է նրան և գիտե, որ ատում է: Կեղծի՛ք է այս ամբողջը, ստի վրա սուտ: Հիմա երբ դեռ չեմ խզել կապերս, նա շարունակում է հույս ունենալ և չի խորտակի սյդ հրեշին, գիսե, թե ես ինչպես եմ ուզում փորձանքից ազատել նրան: Եվ ե՛րբ է գալու այդ անիծյալ դատավճիռը...

«Մարդասպան» և «հրեշ» բառերը ցավագին արձագանք տվեցին Ալյոշայի սրտում:

— Բայց ինչո՞վ նա կարող է խորտակել մեր եղբորը,— հարցրեց նա, մտածելով Իվանի ասածի վրա:— Ի՞նչ մի վկայություն կարող է բերել, այնպիսի մի վկայություն, որ ուղղակի խորտակեր Միտյային:

— Դու դեռ չգիտես այդ բանը: Նրա ձեռքին մի փաստաթուղթ կա, հենց Միտյայի ձեռքով գրված մի փաստաթուղթ, որ մաթեմատիկական ճշգրտությամբ ապացուցում է, թե նա է սպանել Ֆյոդոր Պավլովիչին:

— Անկարելի՞ բան է դա,— բացականչեց Ալյոշան:

— Ինչպե՞ս թե անկարելի: Ինքս եմ կարդացել:

— Այդպիսի փաստաթուղթ չի՞ կարող լինել,— կրկնեց Ալյոշան հոգով-սրտով,— չի՞ կարող լինել, որովհետև նա չէ՞ մարդասպանը: Նա չէ՞ հայրիկին սպանողը, նա չէ՞:

Իվան Ֆյոդորովիչը հանկարծ կանգ առավ:

— Ո՞վ է ուրեմն մարդասպանը, ձեր կարծիքով,— հարցրեց նա մի տեսակ ակնհայտ սառնությամբ, և նույնիսկ ամբարտավան մի շեշտ հնչեց նրա հարցի մեջ:

— Ինքդ գիտես ով է,— ասաց Ալյոշան մեղմ ու հուզախոռով ձայնով:

— Ո՞վ: Այն ցնդած ապուշի, այն ընկնավորի մասին հեքիա՞թն ես ասում: Սմերդյակո՞վը:

Ալյոշան հանկարծ զգաց, որ ինքը ամբողջ մարմնով դողում է:

— Ինքդ գիտես ով է,— ասաց նա ակամա, ուժասպառ ձայնով: Շունչը կտրվում էր:

— Բայց ո՞վ, ո՞վ,— համարյա արդեն կատաղորեն գոռաց Իվանը: Ամբողջ նրա զսպվածությունը հանկարծ հօդս ցնդեց:

— Ես միայն մի բան գիտեմ,— ասաց Ալյոշան նույն մեղմ ձայնով, համարյա շշնջալով:— Հայրիկին սպանողը դու չես:

— «Դու չե՞ս»: Ի՞նչ է նշանակում՝ դու չես,— քարացավ Իվանը:

— Դու չես հայրիկին սպանողը, դու չե՞ս,— հաստատորեն կրկնեց Ալյոշան:

Կես ըոպե լուռ մնացին:

— Դե ինքս էլ գիտեմ, որ ես չեմ, զառանցո՞ւմ ես,— ասաց Իվանը, գունատ ու ալլալված ժպտալով: Կարծես աչքե-

րով ուտում էր Ալյոշային: Երկուսն էլ նորից կանգնել էին լապտերասյան տակ:

— Ձէ, Իվան, դու ինքդ մի քանի անգամ ասել ես քեզ, որ դու ես մարդասպանը:

— Ե՞րբ եմ ասել... Ես Մոսկվայում էի... Ե՞րբ եմ ասել,— թոթովեց Իվանը, կատարելապես շփոթված:

— Շատ անգամ ասել ես ինքդ քեզ, երբ առանձին ես մնացել այս երկու սարսափելի ամիսների ընթացքում,— շարունակեց Ալյոշան առաջվա նման մեղմ ու հստակ: Բայց արդեն խոսում էր կարծես իրեն մոռացած, կարծես իր կամքից անկախ, մի անդիմադրելի հրամանի ենթարկվելով:— Դու մեղադրել ես անձդ և խոստովանել ես ինքդ քեզ, որ մարդասպանը դու ես միայն, ուրիշ ոչ ոք: Բայց դու չե՞ս սպանողը, սխալվում ես, դու չես մարդասպանը, լսո՞ւմ ես ինձ, դու չե՞ս: Աստված ինձ ուղարկեց, որ ասեմ քեզ այս բանը:

Երկուսն էլ լռեցին: Մի ամբողջ երկար ըոպե տեղեց այդ լուռությունը: Երկուսն էլ կանգնել էին և անընդհատ նայում էին իրար աչքերի մեջ: Երկուսն էլ գունատ էին: Հանկարծ Իվանն սկսեց դողալ ամբողջ մարմնով և պինդ բռնեց Ալյոշայի ուսը:

— Դու եղել ես իմ սենյակո՞ւմ,— փսփսաց նա ատամները սեղմած:— Դու եղել ես իմ սենյակում գիշերը, երբ նա եկել էր... Խոստովանիր... տեսա՞ր նրան, տեսա՞ր:

— Ո՞ւմ մասին ես ասում... Միտյայի՞,— հարցրեց Ալյոշան զարմանքով:

— Ձէ՞, նա չէ, գրողի ծո՞ցը այդ հրեշը,— գոռաց Իվանը կատաղորեն:— Ուրեմն ինչ է, գիտե՞ս, որ նա ինձ մոտ է գալիս: Ինչպե՞ս իմացար, ասա՛:

— Ո՞վ է նա: Չգիտեմ ում մասին ես խոսում,— թոթովեց Ալյոշան արդեն վախենալով:

— Ձէ, գիտես... թե չէ ինչպե՞ս կարող էիր... անկարելի է, որ իմացած չլինես...

Բայց հանկարծ նա մի տեսակ զսպեց իրեն: Կանգնել էր ու կարծես մտածում էր մի բանի մասին: Տարօրինակ մի քմծիծաղ ծումոնց նրա շրթունքները:

— Եղբայր,— սկսեց նորից Ալյոշան դողահար ձայնով,— ես քեզ այս բանը ասացի, որովհետև դու կհավատաս իմ խոսքին, գիտեմ: Մի անգամ ընդմիջտ ասում եմ քեզ՝ դու չե՞ս: Լսո՞ւմ ես, մի անգամ ընդմիջտ: Եվ աստված էր, որ իմ սիրտը

մղեց ասելու քեզ այս բանը, թեկուզ և դու հենց այս ըոպեից սկսես ատել ինձ քո ամբողջ կյանքում:

Բայց Իվան Ֆյոդորովիչն ըստ երևույթին արդեն կատարելապես իշխել էր իրեն:

— Ալեքսեյ Ֆյոդորովիչ,— ասաց նա սառն քմծիծաղով,— ես տանե՛լ չեմ կարող մարգարեներին ու ընկնավորներին, և մանավանդ աստծո պատգամախոսներին. դուք շատ լավ գիտեք այս բանը: Այս ըոպեից խզում եմ կապերս ձեզ հետ, և կարծեմ ընդմիշտ: Խնդրում եմ՝ հենց հիմա, այս խաչմերուկի վրա մենակ թողնեք ինձ: Եվ արդեն ձեր տան ճանապարհն էլ այս կողմնակի փողոցով է: Հատկապես այսօր չգաք ինձ մոտ, զգուշացե՛ք: Լսո՞ւմ եք:

Նա դարձավ և ուղիղ գնաց ամուր քայլերով, առանց ետ նայելու:

— Եղբա՛յր,— գոռաց Ալյոշան նրա ետևից,— եթե այսօր մի բան պատահի քեզ, ամենից առաջ ի՞մ մասին մտածիր...

Բայց Իվանը չպատասխանեց: Ալյոշան կանգնեց խաչմերուկում, լապտերասյան տակ, մինչև Իվանը անհայտացավ խավարի մեջ: Հետո դարձավ ու կողմնակի փողոցով դանդաղորեն գնաց դեպի իր բնակարանը: Ե՛վ Ալյոշան, և՛ Իվան Ֆյոդորովիչը վարձով էին ապրում՝ տարբեր բնակարաններում. նրանցից ոչ մեկը չուզեց ապրել Ֆյոդոր Պավլովիչի ամայացած տանը: Ալյոշան կահավորված սենյակ էր վարձել միջին դասի մի ընտանիքում: Իսկ Իվան Ֆյոդորովիչը բավական հեռու էր ապրում նրանից, ընդարձակ ու բավական հարմարավետ կցաշենք էր վարձել բավական լավ տան կողքին, որ բարեկեցիկ ու այրի մի կնոջ սեփականությունն էր: Բայց ամբողջ այդ կցաշենքում նրան սպասարկում էր միայն մի զառամյալ ու խուլ պառավ, որ տառապում էր հոգացավերից, պառկում էր երեկոյան ժամը վեցին և առավոտյան ժամը վեցին վեր էր կենում: Իվան Ֆյոդորովիչն այդ երկու ամսվա ընթացքում տարօրինակորեն սակավապահանջ էր դարձել և շատ էր սիրում կատարելապես առանձին մնալ: Նույնիսկ ինքն էր մաքրում այն սենյակը, ուր ապրում էր, իսկ իր ձեռքի տակ եղող մյուս սենյակները հազվադեպ էր մտնում:

Հասնելով իր տան դարբասը, ձեռքը տարավ զանգին, բայց մեկեն կանգ առավ: Զգաց, որ դեռ ոտից գլուխ դողում է զայրույթից: Հանկարծ թողեց զանգը, թքեց, ետ դարձավ ու արագորեն գնաց դեպի քաղաքի մյուս, հանդիպակաց ծայրը, իր բնա-

կարանից մոտ երկու վերստ հեռու, դեպի այն փողոցիկ, ծուռ, գերանակապ տնակը, ուր ապրում էր Մարյա Կոնդրատենան՝ Ֆյոդոր Պավլովիչի նախկին հարևանուհին, որ ապուրի համար գալիս էր Ֆյոդոր Պավլովիչի խոհանոցը, և որի մոտ Սմերդյակովն այն ժամանակ իր երգերն էր երգում և կիթառ էր նվագում: Մարյա Կոնդրատենան ծախել էր իր նախկին տունը և հիմա իր մոր հետ ապրում էր այս տնակում, որ համարյա խրճիթ էր, իսկ հիվանդ, գրեթե մահամերձ Սմերդյակովը, հենց Ֆյոդոր Պավլովիչի մահից ի վեր, նրանց մոտ էր բնակություն հաստատել: Եվ ահա Սմերդյակովի մոտ էր գնում հիմա Իվան Ֆյոդորովիչը՝ անակնկալ ու անհաղթահարելի մի մտադրության մղումով:

VI

ԱՌԱՋԻՆ ՏԵՍԱԿՈՒԹՅՈՒՆԸ ՍՄԵՐԿՑԱԿՈՎԻ ՀԵՑ

Մոսկվայից վերադառնալուց ի վեր՝ այս արդեն երրորդ անգամն էր, որ Իվան Ֆյոդորովիչը գնում էր խոսելու Սմերդյակովի հետ: Աղետից հետո առաջին անգամ նրան տեսել ու խոսել էր հենց իր վերադարձի օրը, այնուհետև մի անգամ ևս այցելել էր երկու շաբաթ անց: Բայց այդ երկրորդ այցելությունից հետո նա դադարեցրել էր իր տեսակցությունները Սմերդյակովի հետ, այնպես որ հիմա արդեն մի ամսից ավելի էր, որ չէր տեսել նրան և համարյա ոչինչ չէր լսել նրա մասին:

Իվան Ֆյոդորովիչը Մոսկվայից վերադարձել էր իր հոր մահվան հինգերորդ օրը միայն, այնպես որ նրա դագաղն անգամ չէր տեսել. թաղումը տեղի էր ունեցել հենց նախորդ օրը: Իվան Ֆյոդորովիչի ուշանալու պատճառն այն էր, որ Ալյոշան, որոշակի շիմանալով նրա մոսկովյան հասցեն, հեռագիր ուղարկելու համար դիմել էր Կատերինա Իվանովնային, իսկ վերջինս էլ, նույնպես նրա իսկական հասցեն չիմանալով, հեռագրել էր իր քրոջն ու մորաքրոջը, հույս ունենալով, որ Իվան Ֆյոդորովիչը Մոսկվա հասնելուն պես այցելած կլինի նրանց: Բայց նա շորորդ օրը միայն գնաց նրանց մոտ և, կարդալով հեռագիրը, պարզ է, զխապատառ թռավ-եկավ մեր քաղաքը: Ամենից առաջ հանդիպեց Ալյոշային, բայց, խոսելով նրա հետ, շատ զարմացավ, որ նա չի էլ ուզում կասկածել Միտյայի վրա, այլ ուղղակի Սմերդյակովին է մատնացույց անում որպես մարդասպանի, մի բան, որ հակառակ էր մեր քաղաքում տարածված բոլոր մյուս

կարծիքներին: Տեսակցելով այնուհետև ոստիկանապետի և դատախազի հետ, իմանալով մեղադրանքի և ձեռքարկալության մասնաբաժանումը, ավելի ևս զարմացավ Ալյոշայի վրա և նրա կարծիքը վերագրեց պարզապես ծայր աստիճանի հասած եղբայրական զգացմանն ու Միտայի հանդեպ նրա կարեկցանքին, իսկ իվանը գիտեր, որ Ալյոշան շատ է սիրում Միտային: Ի դեպ, Դմիտրի Ֆյոդորովիչի նկատմամբ իվանի տածած զգացմունքները մասին մեկ-երկու խոսք ասենք մի անգամ ընդմիջումով շատ անգամ նրան իվանը, շատ-շատ՝ երբեմն կարեկցանք էր զգում նրա հանդեպ, բայց նույնիսկ այդ կարեկցանքն էլ զզվանքի հասնող արհամարհանքով էր խառնված: Միտայի ամբողջ անձը, նույնիսկ նրա ամբողջ արտաքին կերպարանքը ծայր աստիճան հակակրեթի էր նրան: Իվանին վրդովմունք էր պատճառում Կատերինա իվանովնայի սերը Միտայի հանդեպ: Բայց և այնպես, նա իր ժամանման առաջին օրը տեսնվեց նաև ամբաստանյալ Միտայի հետ, և այդ տեսակցությունը ոչ միայն չխախտեց իր համոզմունքը նրա մեղավոր լինելու նկատմամբ, այլ նույնիսկ ավելի ուժեղացրեց: Եղբորը գտավ անհանգիստ վիճակում, հիվանդագին հուզմունքի մեջ: Միտայն շատ էր խոսում, բայց մտացիք էր ու անընդհատ մի բանից անցնում էր մյուսը, շատ խիստ լեզվով էր արտահայտվում, մեղադրում էր Սմերդյակովին և սոսկալի խճճվում էր: Ամենից ավելի խոսում էր նույն այն երեք հազարի մասին, որ հանգուցյալը «գողացել» էր իրենից: «Իմ փողն էր, իմն էր այդ փողը, — պնդում էր Միտայն, — եթե նույնիսկ գողանայի, իրավացի կլինեի»: Համարյա չէր վիճարկում իր դեմ ներկայացված հանցանշանները, և եթե փաստորեն իր օգտին էր մեկնաբանում, ապա դարձյալ խառնաշփոթ ու անհեթեթ ձևով էր անում դա. կարծես առհասարակ չէր էլ ցանկանում որևէ կերպ արդարանալ իվանի կամ ուրիշ որևէ մեկի առաջ, ընդհակառակը՝ բարկանում էր, հպարտորեն արհամարհում մեղադրանքները, հայհոյում էր ու փրփրում: Պարզապես արհամարհանքով ծիծաղում էր Գրիգորիի այն վկայության վրա, թե դուռը բաց է եղել, և հավատացնում էր, որ աստանան է բացել: Սակայն այդ փաստի մասին ոչ մի կապակցված բացատրություն չէր կարողանում տալ: Այդ առաջին տեսակցության ժամանակ նա նույնիսկ հասցրեց վիրավորել իվան Ֆյոդորովիչին, կտրուկ ասելով նրան, թե իր վրա կասկածելու և հարցաքննելու իրավունք անգամ չունեն այն մարդիկ,

որ իրենք իսկ հայտարարում են, թե «ամեն ինչ թույլատրելի է»: Եվ ընդհանրապես այդ օրը նա շատ անբարյացակամ էր իվան Ֆյոդորովիչի նկատմամբ: Միտայի հետ այդ տեսակցությունից անմիջապես հետո էր, որ իվան Ֆյոդորովիչն առաջին անգամ գնաց Սմերդյակովի մոտ:

Դեռ վազոնում, երբ շտապ գալիս էր Մոսկվայից, շարունակ մտածում էր Սմերդյակովի և նրա հետ իր վերջին խոսակցության մասին, որ ունեցել էր մեկնելու նախորդ իրիկունը: Շատ բան խոսվում էր նրան, շատ բան կասկածելի էր թվում: Բայց երբ իր վկայությունն էր տալիս դատական քննիչին, իվան Ֆյոդորովիչն առժամապես լուռության մատնեց այդ խոսակցությունը: Ամեն ինչ հետաձգվեց մինչև իր տեսակցությունը Սմերդյակովի հետ, որ այն ժամանակ գտնվում էր քաղաքային հիվանդանոցում: Դոկտոր Հերցենշտուբեն և բժիշկ Վարվինսկին, որին հանդիպեց նա հիվանդանոցում, իվան Ֆյոդորովիչի համառ հարցապնդումներին հաստատորեն պատասխանեցին, թե անտարակուսելի է Սմերդյակովի ընկնալորության նուպան, և նույնիսկ զարմանքով ընդունեցին նրա հարցը՝ «Արդյոք աղետի օրը Սմերդյակովը չի՞ կեղծել նուպան»: Բժիշկները բացատրեցին, որ դա նույնիսկ արտասովոր մի նուպա էր, մի քանի օր շարունակվում էր ու կրկնվում, այնպես որ հիվանդի կյանքը ուղղակի վտանգի տակ էր, և որ միայն հիմա, ձեռք առնված միջոցներից հետո, կարելի է հաստատապես ասել, թե հիվանդը կենդանի կմնա, թեև շատ հնարավոր է (ավելացրեց դոկտոր Հերցենշտուբեն), որ նրա գիտակցությունը մասամբ խանգարված կլինի, «եթե ոչ ամբողջ կյանքում, գոնե բավական երկար ժամանակ»: Իվան Ֆյոդորովիչի այն անհամբեր հարցին, թե «ուրեմն նա խելագար է հիմա», պատասխանեցին, որ «դեռ լրիվ իմաստով չկա այդ բանը, բայց նկատվում են որոշ անբնական երեվոյթներ»:

Իվան Ֆյոդորովիչը որոշեց անձամբ իմանալ, թե ինչ անբնական երևույթներ են դրանք: Հիվանդանոցում անմիջապես թույլ տվեցին, որ նա տեսակցի հիվանդի հետ: Սմերդյակովը գտնվում էր առանձին սենյակում և պառկել էր մահճակալին: Կողքին մի ուրիշ մահճակալ էլ կար, և քաղաքաբնակ մի արհեստավոր էր պառկել այնտեղ, խիստ տկարացած մի հիվանդ, որ ամբողջովին ուռել էր ջրդուրությունից և հայտնապես կմահանար վաղը կամ մյուս օր. խոսակցությունը նա չէր կարող խան-

գարել: Տեսնելով Իվան Ֆյոդորովիչին, Սմերդյակովը կասկածոտ ժպտաց և առաջին վայրկյանին կարծես վախեցավ նույնիսկ: Գոնե այդպես թվաց Իվան Ֆյոդորովիչին: Բայց դա մի վայրկյան էր միայն, իսկ դրանից հետո, ընդհակառակը, ամբողջ տեսակցության ընթացքում Սմերդյակովը համարյա շշմեցրեց նրան իր հանդարտությամբ: Առաջին իսկ հայացքից Իվան Ֆյոդորովիչն անտարակուսելիորեն համոզվեց, որ նա կատարելապես հիվանդ է. շատ թույլ էր, դանդաղ էր խոսում և կարծես դժվարությամբ էր շարժում լեզուն. խիստ նիհարել ու դեղնել էր: Ամբողջ տեսակցության ընթացքում, քսան ռուպե շարունակ, գանգատվում էր գլխացավից և մարմնի բոլոր անդամների մեջ կոտորտուքից: Նրա ներքինիական շոր դեմքը այնքա՛ն փոքրացել էր կարծես, բունքի մազերը խճճված էին, գլխի նախկին մազափնջի փոխարեն մի բարակիկ խոպոպ էր միայն տնկվել: Բայց կկոցված, կարծես մի բան ակնարկող ձախ աչքը մատնում էր, որ նա մնացել է նույն Սմերդյակովը: «Խեղոք մարդու հետ քար կրի, խենթի հետ հաց մի՛ ուտի»,— հիշեց անմիջապես Իվան Ֆյոդորովիչը: Նստեց նրա ոտքերի կողմը, աթոռակի վրա: Սմերդյակովը, տառապագին մի շարժումով, մարմնի դիրքը փոխեց անկողնում, բայց ինքը չսկսեց խոսակցությունը, լուռ մնաց, և կարծես թե արդեն նայում էր առանց շատ հետաքրքրություն ցուցաբերելու:

— Կարո՞ղ ես խոսել ինձ հետ,— հարցրեց Իվան Ֆյոդորովիչը,— շատ չեմ հոգնեցնի:

— Իհարկե կարող եմ,— ծամծամեց Սմերդյակովը թույլ ձայնով:— Վաղո՞ւց բարեհաճել եք գալ,— ավելացրեց նա համբերատար կերպով, կարծես քաջալերելով շփոթված այցելուին:

— Այ հենց այսօր եմ եկել... Ձեր այստեղ եփած ապուրը ուտելու:

Սմերդյակովը հառաչեց:

— Ի՞նչ ես հառաչում, գիտեիր, չէ՞,— ուղղակի երեսին տվեց Իվան Ֆյոդորովիչը:

Սմերդյակովը մի ռուպե ծանրակշիռ լուռություն պահպանեց:

— Ո՞նց կարող էի չիմանալ: Սկզբից էլ պարզ էր: Միայն թե ո՞նց կարող էի իմանալ, որ այսպիսի բան կանեն:

— Ինչպե՞ս թե կանեն: Թո՞ղ սատանայությունը մի կողմ: Չէ՞ որ ինքդ նախօրոք ասացիր, թե ընկնավորության նուպա ես

ունենալու, և հենց նկուղ իջնելու ռուպեին: Հենց ուղղակի տեղն էլ նշեցիր՝ նկուղը:

— Այդ բանը հարցաքննության ժամանակ ասացի՞ք արդեն,— անվրդով հարցրեց Սմերդյակովը:

Իվան Ֆյոդորովիչը հանկարծ բարկացավ:

— Ոչ, դեռ չասացի, բայց կասեմ անպայման: Դու հիմա շատ բան պետք է բացատրես ինձ, ախպերս, և իմացիր՝ չե՞մ թույլ տա, որ խաղ անես ինձ հետ:

— Իսկ իմ ինչի՞ն է պետք խաղ անելը, երբ իմ ամբողջ հույսը ձե՛ր վրա է մեծակ, ոնց որ աստուծո՞ք,— ասաց Սմերդյակովը նույն կատարյալ հանդարտությամբ, միայն մի վայրկյան աչքերը փակելով:

— Նախ և առաջ,— սկսեց Իվան Ֆյոդորովիչը,— ես գիտեմ, որ ընկնավորության նուպան չի կարելի նախատեսել: Հարցրել եմ, սատանայություն մի՞ արա: Օրն ու ժամը չի կարելի նախատեսել: Իսկ ինչպե՞ս է, որ դու ինձ օրն ու ժամը նախօրոք ասացիր այն ժամանակ, և դեռ նկուղն էլ հետը: Ինչպե՞ս կարող էիր նախօրոք իմանալ, որ նուպադ կբռնի և կընկնես հենց այդ նկուղը, եթե դիտմամբ չես կեղծել նուպան:

— Առանց այն էլ պետք է որ նկուղ իջնեի. նույնիսկ օրը մի քանի անգամ,— անշտապ ծոր տվեց Սմերդյակովը:— Հենց այդպես մի տարի առաջ ձեղունից ընկա: Շատ ճիշտ է, որ ընկնավորության նուպան չի կարելի գուշակել օրով ու ժամով, բայց նախազգացումը միշտ էլ կարելի է ունենալ:

— Բայց դու գուշակեցիր օրն ու ժամը:

— Իմ ընկնավորության նուպայի մասին ավելի լավ կլինի, որ այստեղի բժիշկներից իմանաք, տիար իմ, կասեն ձեզ՝ իսկակա՞ն էր, թե իսկական չէր, իսկ ես այս հարցի շուրջ էլ ոչ մի ասելիք չունեմ ձեզ:

— Իսկ նկո՞ւղը: Նկո՞ւղը ինչպես իմացար նախօրոք:

— Կպե՞լ եք այդ նկուղին: Երբ այն օրը նկուղ էի իջնում, վախն ու կասկածը մտել էր մեջս: Վախենալուս պատճառը ամենից ավելի այն էր, որ ձեզ կորցրել էի և էլ աշխարհում ոչ ոքի վրա հույս չէի կարող դնել, որ կպաշտպանի ինձ: Այն օրը իջնում էի այդ նկուղը և մտածում՝ «Այ հիմա կգա, այ հիմա կխփի նուպան, կընկնե՞մ, թե չէ», և հենց այդ կասկածից էր, որ հանկարծ կոկորդս սեղմեց այդ անխուսափելի ջղաձգությունը... և ըն՛՛ջ, գլորվեցի ցած: Այ հենց այս բոլորը և մեկ էլ մեր

ամբողջ խոսակցութիւնը ձեզ հետ, որ դրա նախորդ իրիկումն եղաւ, դարբասի մոտ, երբ ես իմ վախը հայտնեցի ձեզ և նկուղի մասին ասացի, այս բոլորը մանրամասն պատմեցի դոկտոր Հերցենշտուբեին և քննիչ Նիկոլայ Պարֆյունովիչին, և նրանք ամեն ինչ մտցրին արձանագրութեան մեջ: Իսկ այստեղի բժիշկը՝ պարոն Վարվինսկին, այդպես էլ բոլորի առաջ հատուկ պնդեց, որ հենց այդ մտածմունքն է եղել պատճառը, այսինքն հենց այն իմ կասկածը, թե «այ հիմա կընկնե՞մ, թե չեմ ընկնի»: Եվ հենց այդ բոլորին էլ նույն բռնել է: Այդպես էլ արձանագրեցին՝ անպայման այդ ձևով պետք է լիներ, այսինքն միայն իմ վախի պատճառով:

Վերջացնելով իր խոսքը, Սմերդյակովը խոր շունչ քաշեց, կարծես սոսկալի հոգնել ու տանջվել էր:

— Ուրեմն դու այդ բոլորը ասե՞լ ես քո վկայութեան մեջ, — հարցրեց Իվան Ֆյոդորովիչը, մի քիչ շվարած: Ինքը հենց ուզում էր Սմերդյակովին վախեցնել, որ կհայտնի իրենց այդ օրվա խոսակցութիւնը, բայց պարզվեց, որ նա արդեն հայտնել է ամեն ինչ:

— Ի՞նչ ունեմ վախենալու: Թող ամբողջ ճշմարտութիւնը գրեն ինչպես որ եղել է, — ասաց Սմերդյակովը հաստատակամորեն:

— Եվ դարբասի մոտ մեր ունեցած խոսակցութիւնը բառ առ բառ պատմեցի՞ր:

— Չէ, ամեն ինչ բառ առ բառ չէր իհարկե:

— Եվ որ կարող ես ընկնամորութեան նույն կեղծել, ինչպես պարծենում էիր այդ օրը իմ առաջ, ասացի՞ր այդ էլ:

— Չէ, այդ էլ չասացի:

— Հիմա ասա՛ տեսնեմ, ինչո՞ւ այդ օրը դու ինձ Չերմաշնյա էիր ուղարկում:

— Վախենում էի, որ Մոսկվա կգնաք, իսկ Չերմաշնյան համենայն դեպս ավելի մոտ է:

— Ստում ես, դու ի՛նքդ ինձ առաջարկում էիր, որ գնամ, փորձանքից հեռու գնացեք ասում էիր:

— Դա պարզապես ձեր հանդեպ բարեկամութեան զգացումից էր և իմ անկեղծ նվիրվածութեանից, նախազգալով, որ փորձանք է պատահելու տանը, ձեզ մեղքանալով: Միայն թե ինձ ավելի էի մեղքանում: Դրա համար էլ ասացի՝ հեռու գնացեք

փորձանքից, որպեսզի դուք հասկանաք, որ տանը վատ բան պետք է լինի և մնաք ձեր ծնողին պաշտպանելու:

— Դե ուրեմն ուղղակի ասեիր, հիմարի՛ գլուխ, — բռնկվեց հանկարծ Իվան Ֆյոդորովիչը:

— Իսկ ինչպե՞ս կարող էի այն ժամանակ ուղղակի ասել: Մենակ վախն էր խոսում իմ մեջ, և հետո դուք էլ կարող էիք բարկանալ: Ես իհարկե կարող էի վախենալ, որ Դմիտրի Ֆյոդորովիչը մի որևէ խայտառակ բան կանի և հենց այդ փողը կվերցնի ու կտանի, քանի որ այնպես էլ իր փողն էր համարում դա, բայց դե ո՞վ էր իմանում, որ այսպիսի սպանողութեամբ կվերջանա գործը: Մտածում էի, որ նա պարզապես կհափշտակի այդ երեք հազար ռուբլին, որ Ֆյոդոր Պավլովիչի անկողնի տակ էր դրված, ծրարի մեջ, բայց դե սպանեց ասա: Եվ դո՛ւք էլ որտեղի՞ց կարող էիք գուշակել, տիար իմ:

— Դե ուրեմն եթե ինքդ ես ասում, որ չէր կարելի գուշակել, ինչպե՞ս կարող էի ես հասկանալ և տանը մնալ: Այդ ի՞նչ հակասութիւն է, — ասաց Իվան Ֆյոդորովիչը, մտմտալով:

— Կարող էիք հասկանալ այն բանից, որ ես ձեզ այդ Մոսկվայի տեղ Չերմաշնյա էի ուղարկում:

— Բայց ինչպե՞ս կարող էի հասկանալ դրանից, ինչպե՞ս: Սմերդյակովը շատ հոգնած էր երևում և նորից մի բոլորով մնաց:

— Հենց դրանից էլ կարող էիք հասկանալ. եթե ես ձեզ Մոսկվայի տեղ Չերմաշնյա էի ուղարկում, ուրեմն ուզում էի, որ դուք մոտիկ մի տեղ լինեք, որովհետև Մոսկվան հեռու է, իսկ Դմիտրի Ֆյոդորովիչն էլ, իմանալով, որ դուք շատ հեռու չեք, այնքան չէր քաշալերվի: Եվ մեկ էլ, եթե մի բան պատահեր, կարող էիք շուտով գալ և ինձ էլ պաշտպանել, որովհետև այդ բոլորից բացի ես ձեզ իմացրի, որ Գրիգորի Վասիլևիչը հիվանդ է, և այն էլ ասացի, որ ընկնամորութեան նույնից եմ վախենում: Իսկ բացատրելով ձեզ այն թխկոցները, որոնց միջոցով կարելի էր մտնել հանգուցյալի մոտ, և իմացնելով ձեզ, որ դրանք բոլորն էլ ես հայտնել եմ Դմիտրի Ֆյոդորովիչին, մտածում էի, թե դուք ինքներդ կհասկանաք, որ նա անպայման մի բան կանի, և նույնիսկ Չերմաշնյա էլ չեք գնա, այլ ուղղակի կմնաք այստեղ:

«Շատ կապակցված է խոսում, — մտածեց Իվան Ֆյոդոր»

բովիչը.— թեև ժամծում է. էլ ի՞նչ ընդունակութունների խան-
գարման մասին էր ասում Հերցենշտուբենս:

— Խորամանկութուն ես անում իմ գլխին, գրո՞ղը տա-
նի քեզ,— բացականչեց նա բարկացած:

— Իսկ ես, ճիշտն ասած, այն օրը մտածեցի, որ դուք լրիվ
հասկացաք,— ասաց Սմերդյակովը ամենամիամիտ արտահայ-
տությամբ, ետ մղելով հարվածք:

— Եթե հասկացած լինեի, կմնայի՞ ուրեմն,— գոռաց Իվան
Ֆյոդորովիչը, նորից բորբոքվելով:

— Է՛, իսկ ես էլ մտածեցի, որ ամեն ինչ հասկացել եք,
դրա համար էլ հենց միայն փորձանքից եք հեռանում ինչքան
կարելի է շուտ, վախեցել եք և փախչում եք մի որևէ տեղ, որ
ձեր գլուխն ազատեք:

— Կարծում էիր, բոլորն էլ քեզ նման վախկոտնե՞ր են:

— Ներեցեք, մտածում էի, որ դուք էլ ինձ նման եք:

— Իհարկե, պետք է հասկանայի,— հուզվում էր Իվանը,—
և հասկանում էլ էի, որ հենց քեզնից մի որևէ զգվելի բան
կարելի է սպասել... Միայն թե ստում ես, նորի՞ց ստում ես,—
գոռաց նա, հանկարծ հիշելով:— Հիշո՞ւմ ես, այդ օրը դու մո-
տեցար կառքին և ասացիր ինձ. «Խելոք մարդու հետ քար կրի,
խենթի հետ հաց մի՛ ուտի»: Ուրեմն ուրախ էիր, որ գնում եմ,
չէ՞, քանի որ գովեցիր:

Սմերդյակովը նորից ու նորից հառաչեց: Կարծես թե մի
թեթև գույն երևաց դեմքին:

— Եթե ուրախ էի,— ասաց նա մի քիչ հեալով,— պատ-
ճառը միայն այն էր, որ համաձայնվեցիք ոչ թե Մոսկվա, այլ
Չերմաշնյա գնալ: Որովհետև ավելի մոտ էր համենայն դեպս:
Միայն թե այդ խոսքը ես ասացի ոչ թե գովելու համար, այլ
հանդիմանելու: Չեք հասկացել այդ բանը:

— Ինչպե՞ս թե հանդիմանելու:

— Որ դուք նախազգալով այդպիսի դժբախտությունը, էլքում
էիք ձեր ծնողին և չէիք ուզում մեզ պաշտպանել, որովհետև
այդ երեք հազարի համար միշտ էլ կարող էին ինձ վրա մեղք
գցել, թե գողացել եմ:

— Գրո՞ղը տանի քեզ,— նորից հայհոյեց Իվանը:— Սպասիշ-
տեսնեմ. դու այդ նշանների, այդ թխկոցների մասին հայտնե-
ցի՞ր քննիչին ու դատախազին:

— Ամեն ինչ հայտնեցի ինչպես որ եղել է:

Իվան Ֆյոդորովիչը նորից զարմացավ ներքուստ:

— Եթե ես մի բան մտածեցի այն ժամանակ,— սկսեց նա
նորից,— միայն այն էր, որ դո՞ւ կարող ես մի որևէ կեղտոտու-
թյուն անել: Գմիտրին կարող էր սպանել, բայց թե նա գողու-
թյուն կանի՝ չէի հավատում այդ ժամանակ... Բայց քեզնից
ամեն մի կեղտոտութուն սպասում էի: Ինքդ ինձ ասացիր, որ
կարող ես ընկնավորութուն կեղծել: Ինչո՞ւ ասացիր այդ բանը:

— Պարզապես իմ միամտութունից: Ես իմ կյանքում երբեք
էլ ընկնավորութուն չեմ կեղծել դիտամբ, և հենց այնպես,
ձեր առաջ գլուխս գովելու համար ասացի: Պարզապես հիմարու-
թյուն էր: Ձեզ շատ էի սիրել այն ժամանակ և լրիվ անկեղծ էի
ձեզ հետ:

— Եղբայրս ուղղակի քեզ է մեղադրում, որ սպանել ու կո-
ղոպտել ես:

— Գե նրան ուրիշ ի՞նչ է մնում անելու,— դառնորեն
բժժիծաղեց Սմերդյակովը,— և ո՞վ կհավատա նրան բոլոր այդ
հանցանշաններից հետո: Դուռը հո բաց է տեսել Գրիգորի վա-
սիլեիչը, էլ ի՞նչ կարելի է ասել դրանից հետո: Է՛հ, աստված նրա
հետ: Ժրեն փրկելու համար է դողում...

Նա առանց վրդովվելու լռեց և հանկարծ, ասես խորհրդա-
ծելուց հետո, ավելացրեց.

— Ահա խնդրեմ, նորից այդ բանը վերցնենք. նա ուզում է
ինձ վրա գցել, որ դա իմ արած գործն է (ես արդեն լսել եմ դրա
մասին), բայց ահա թեկուզ այդ բանը, որ ընկնավորութուն
կեղծելու վարպետ եմ, է՛հ, ես սկզբից կասե՞ի ձեզ, որ կարող եմ
կեղծել, եթե իսկապես մի որևէ նպատակ ունենայի ձեր ծնողի
հանդեպ: Եթե այդպիսի սպանողութուն մտածած լինեի, մարդ
կարո՞ղ է այնքան հիմար լինել, որ սկզբից այդպիսի՞ մի հան-
ցանշան թողնի ինքն իր դեմ, այն էլ սպանվողի հարազատ որ-
դուն ասելով: Ի սե՛ր աստժո: Հավանականության նման է դա:
Ասես, որ այդպիսի մի բան կարող է լինել, չէ՞, ընդհակառակը,
երբեք էլ չի լինի: Այ հիմա մեր այս խոսակցությունը ոչ ոք չի
լսում, բացի հենց բուն իսկ նախախնամությունից, իսկ եթե դուք
հայտնեիք դատախազին և նիկոլայ Պարֆյունովիչին, հենց դրա-
նով էլ կարող էիք միանգամայն պաշտպանել ինձ, որովհետև այդ
ի՞նչ շարագործ է այդ տեսակ, եթե սկզբից էլ այնքան միամիտ է:
Բոլորն էլ շատ լավ կարող են տեսնել այդ բանը:

— Լսի՛ր,— վերկացավ Իվան Ֆյոդորովիչը, շարժելով Սմեր-

դյակովի վերջին փաստարկից և ընդհատելով խոսակցութունը,—
ես բոլորովին էլ չեմ կասկածում քո վրա և նույնիսկ ծիծաղելի
եմ համարում քեզ մեղադրելը... ընդհակառակը, շնորհակալ եմ
քեզ, որ ինձ հանգստացրիր: Հիմա գնում եմ, բայց նորից կգամ:
Առայժմ մնաս բարով, առողջացիր: Կարիք չունե՞ս որևէ բանի:

— Շնորհակալ եմ ամեն ինչի համար: Մարֆա Իգնատևնան
չի մոռանում ինձ և առաջվա իր բարեսրտությամբ օժանդակում
է ամեն ինչով, եթե մի բանի պետք ունենամ: Ամեն օր ինձ այ-
ցելում են բարի մարդիկ:

— Ցտեսություն: Բայց այն մասին, որ դու կարող ես ընկ-
նավորություն կեղծել, ոչինչ չեմ ասի... և քեզ էլ խորհուրդ եմ
տալիս, որ շասես,— ավելացրեց հանկարծ Իվանը, չգիտես ին-
չու:

— Շատ էլ լավ հասկանում եմ: Եվ եթե դուք այդ բանը
չասեք, ես էլ չեմ հայտնի մեր այն օրվա ամբողջ խոսակցու-
թյունը դարբասի մոտ...

Դրանից հետո այնպես պատահեց, որ Իվան Ֆյոդորովիչը
հանկարծ դուրս եկավ, և արդեն տասը քայլ առաջացել էր մի-
ջանցքով, երբ նոր միայն զգաց, որ Սմերդյակովի վերջին նա-
խադասության մեջ վիրավորական մի իմաստ կար: Ուզեց վե-
րադառնալ, բայց դա վաղանցուկ մի ակնթարթ էր միայն. «Հի-
մարություն է՞» ասաց քթի տակ և շտապեց դուրս գալ հիվան-
դանոցից: Գլխավորն այն էր, որ իսկապես հանգստացած էր
զգում իրեն, և նրան հանգստացրել էր հենց այն, որ մեղավոր
է ոչ թե Սմերդյակովը, այլ իր եղբայր Միտյան, թեև կարծես թե
հակառակը պետք է զգար: Չէր ուզում այդ ըոպեին վերլուծել,
թե ինչու այդպես զգաց, նույնիսկ զզվելի էր թվում քրքրել իր
զգացողությունները: Կարծես մի բան կար, որն ուզում էր շուտով
մոռանալ:

Հաջորդ մի քանի օրվա ընթացքում, երբ ավելի անմիջա-
կանորեն ու ավելի հիմնավոր կերպով ծանոթացավ Միտյայի
վրա ծանրացող հանցանշաններին, արդեն լրիվ համոզվեց, որ
նա է մեղավորը: Կային վկայություններ, որ ամենաշնչին մար-
դիկ էին տվել, ինչպես օրինակ Ֆենյան ու իր մայրը, բայց գրե-
թե ցնցող բաներ էին դրանք: Էլ ի՞նչ ասեր այն վկայությունների
մասին, որ տվել էին Պերխոտինը, գինետան մարդիկ, Պլոտնի-
կովների խանութի աշխատողները, Մոկրոեի վկաները: Հատկա-
պես մանրամասնությունները ճշշիչ տպավորություն էին գոր-

ծում: Գաղտնի «թխկոցների» խնդիրը գրեթե նույնքան շմեցրել
էր քննիչին ու դատախազին, որքան Գրիգորիի ցուցմունքը բաց
դռան մասին: Գրիգորիի կինը, Մարֆա Իգնատևնան, ուղղակի
պատասխանելով Իվան Ֆյոդորովիչի հարցուփորձին, ասաց, թե
Սմերդյակովն ամբողջ գիշերը պառկած էր իրենց տանը, միջ-
նորմի մյուս կողմը, «մեր անկողնից երեք քայլ էլ չէր լինի»: Ու
թեև ինքը, Մարֆա Իգնատևնան, պինդ քնում էր, բայց քանի-
քանի անգամ արթնացել էր նրա տնոցներից. «Ամբողջ ժամա-
նակ տնքում էր, անընդհատ տնքում»: Խոսելով Հերցենշտուբեի
հետ և հայտնելով իր տարակույսը, թե Սմերդյակովը բոլորովին
էլ խելագար չի թվում իրեն, այլ պարզապես տկարացած, Իվա-
նը մի նուրբ ժպիտ հարուցեց միայն ծերունի բժշկի դեմքին:
«Իսկ դուք գիտե՞ք, թե նա հիմա ինչով է զբաղվում հատկա-
պես,— հարցրեց բժիշկը:— Ֆրանսերեն բառեր է անգիր սովո-
րում. բարձի տակ մի տետրակ ունի, և մեկը ռուսական տառե-
րով ֆրանսերեն բառեր է գրել մեջը, հե-հե-հե»:

Իվան Ֆյոդորովիչն ի վերջո մի կողմ թողեց իր բոլոր տա-
րակույսները: Այլևս չէր էլ կարողանում առանց զզվանքի մտածել
Դմիտրիի մասին: Բայց մի բան տարօրինակ էր համենայն
դեպս. Ալյոշան համառորեն շարունակում էր պնդել, որ սպանել
է ոչ թե Դմիտրին, այլ «ամենայն հավանականությամբ» Սմեր-
դյակովը: Իվանը միշտ էլ զգում էր, որ ինքը բարձր է գնահա-
տում Ալյոշայի կարծիքը, ուստի հիմա շատ էր զարմանում նրա
վրա: Տարօրինակ էր և այն, որ Ալյոշան առիթ չէր փնտրում
նրա հետ խոսելու Միտյայի մասին և ինքը երբեք չէր սկսում
խոսակցությունը, այլ միայն պատասխանում էր Իվանի հար-
ցերին: Այդ էլ հատկապես նկատեց Իվան Ֆյոդորովիչը: Բայց այդ
ժամանակ նա շատ էր տարված բոլորովին կողմնակի մի բա-
նով. վերադառնալով Մոսկվայից, հենց առաջին իսկ օրերից ամ-
բողջովին և անդարձորեն անձնատուր եղավ Կատերինա Իվա-
նովնայի հանդեպ իր տածած բուռն և խելահեղ տենչանքին:
Հիմա տեղը չէ խոսք բանալու Իվան Ֆյոդորովիչի այդ նոր
զգացմունքի մասին, որ հետագայում անդրադարձավ նրա ամ-
բողջ կյանքի վրա. դա կարող էր հենք լինել մի ուրիշ պատմու-
թյան, մի ուրիշ վեպի համար, որ չգիտեմ՝ կգրե՞մ արդյոք
երբեիցե: Բայց այնուամենայնիվ չեմ կարող հիմա լռության
մատնել այն պարագան, որ երբ Իվան Ֆյոդորովիչը, ինչպես
նկարագրեցի արդեն, գիշերը Ալյոշայի հետ դուրս էր եկել Կա-

տերինա Իվանովնայի տնից և ճանապարհին ասաց՝ «Ծն աչք շունեմ նրա վրա», այդ ընդհանրապես սուտ էր ասում. խելահեղորեն սիրում էր Կատերինա Իվանովնային, թեև ճիշտ է և այն, որ մերթ ընդ մերթ ատում էր, և այն աստիճան, որ կարող էր նույնիսկ սպանել նրան: Շատ պատճառների հետևանք էր այդ թնճուկը: Միտայի դեպքից խորապես ցնցված, Կատյան ընդառաջ վազեց ու կարծես իբրև իր փրկարարն ընդունեց Իվան Ֆյոդորովիչին, որ վերադարձել էր նրա մոտ: Անարգված, վիրավորված, նվաստացած էր զգում իրեն Կատյան: Եվ ահա եկավ նորից այն մարդը, որ առաջ էլ այնքան սիրում էր իրեն (օհ, նա շատ լավ գիտեր այդ բանը), և որի խելքն ու սիրտը միշտ էլ ինքը այնքան բարձր էր դասել իր սեփական անձից: Բայց խստաբարո աղջիկը լիովին անձնատուր չեղավ, հակառակ իր սիրահարի կարամազովյան անզուսպ ցանկասիրության և հակառակ այն ամբողջ հմայքին, որով նա գերում էր իրեն: Միաժամանակ անընդհատ տանջվում էր խղճի խալթից, որ ինքը դավաճանել է Միտային, և գոտություն ահավոր պահերին (իսկ այդպիսի պահերը հաճախ էին լինում) ուղղակի ասում էր այդ բանը Իվանի երեսին: Հենց այդ էր, որ Իվանը «ստի վրա սուտ» կոչեց, երբ խոսում էր Ալյոշայի հետ: Եվ իսկապես, սուտ բան շատ կար դրա մեջ, և այդ էր, որ ամենից ավելի ջլաչանացնում էր Իվան Ֆյոդորովիչին... բայց այդ բոլորի մասին՝ հետո: Մի խոսքով, առժամապես նա համարյա մոռացավ Սմերդյակովին: Եվ սակայն, իր առաջին այցելությունից երկու շաբաթ հետո, նույն տարօրինակ մտքերը նորից սկսեցին տանջել նրան, ինչպես առաջ: Բավական է ասել, որ նա սկսեց անընդհատ հարցնել ինքն իրեն՝ ինչու՞ և այն վերջին գիշերը Ֆյոդոր Պավլովիչի տան մեջ, մեկնելուց առաջ, ինքը կամացուկ դուրս էր եկել սանդուղքի վրա, գողի նման, և ականջ էր դրել իմանալու, թե ի՞նչ է անում հայրը ներքևում: Ինչու՞ զզվանքով էր հիշել այդ բանը հետո, ինչու՞ հաջորդ առավոտ այդպես հանկարծ տխրել էր ճանապարհին, իսկ Մոսկվա մտնելիս ասել էր ինքն իրեն՝ «Սրիկա՛ եմ ես»: Եվ ահա հիմա եղավ մի պահ, երբ նա մտածեց, թե բոլոր այդ տանջալի մտքերի հետևանքով գուցե նույնիսկ պատրաստ է մոռանալու Կատերինա Իվանովնային. այնպե՛ս ուժգնորեն տիրել էին նորից այդ մտքերը իր հոգում: Հենց նոր էր մտածել այդ բանը, երբ փողոցում հանդիպեց Ալյոշային: Անմիջապես կանգնեցրեց նրան ու հանկարծ հարց տվեց.

— Հիշո՞ւմ ես, երբ Դմիտրին ճաշից հետո ներս խոժեց և ծեծեց մեր հորը, հետո էլ ես քեզ ասացի բակում, որ «ցանկանալու իրավունքը» վերապահում եմ ինձ... ասա՛, մտածեցի՞ր այդ ժամանակ, թե ես մեր հոր մահն եմ ցանկանում կամ ոչ:

— Մտածեցի,— մեղմ պատասխանեց Ալյոշան:

— Բայց դա այդպես էր արդեն, կոահելու բան էլ չկար: Իսկ այն ժամանակ մտքովդ շանցա՞վ նաև այն, թե ես հենց ուզում եմ, որ «մի սողունը կուլ տա մյուս սողունին», այսինքն հենց Դմիտրին սպանի ծերուկին, այն էլ որքան կարելի է շուտ... և որ ինքս էլ նույնիսկ դեմ չեմ նպաստելու դրան:

Ալյոշան թեթև գունատվեց ու լուռ նայեց եղբոր աչքերին:

— Դե խոսի՛ր,— բացականչեց Իվանը:— Ծն սոսկալի ուզում եմ իմանալ, թե ինչ մտածեցիր այն ժամանակ: Պետք է ինձ ճշմարտությունը, ճշմարտությունը:

Նա ծանր շունչ քաշեց, արդեն նախօրոք մի տեսակ զայրույթով նայելով Ալյոշային:

— Ներիր ինձ, այդ էլ մտածեցի այն ժամանակ,— շնչաց Ալյոշան ու լռեց, ոչ մի «մեղմացուցիչ դեպք հանցանաց» չավելացնելով:

— Շնորհակալություն,— կարճ կտրեց Իվանը և, թողնելով Ալյոշային, արագորեն հեռացավ իր ճամփով: Այդ օրից Ալյոշան սկսեց նկատել, որ Իվանը մի տեսակ կտրականորեն խուսափում է իրենից և նույնիսկ հակակրանքով է վերաբերվում իրեն, այնպես որ հետո Ալյոշան ինքն էլ դադարեց գնալ էրա մոտ: Բայց այդ ընդմիջումից անմիջապես հետո, Իվան Ֆյոդորովիչը տուն չգնաց, այլ ուղղակի Սմերդյակովի մոտ գնաց նորից:

VII

ԵՐԿՐՈՐԿ ԱՅՑԵԼՈՒԹՅՈՒՆԸ ՍՄԵՐԳՅԱԿՈՎԻՆ

Սմերդյակովն այն ժամանակ արդեն դուրս էր եկել հիվանդանոցից: Իվան Ֆյոդորովիչը գիտեր նրա բնակարանը, այսինքն հենց այն գերանակապ ծուռ տնակը, որ երկու սենյակ ուներ՝ միջանցքով բաժանված: Մի սենյակում տեղավորվել էր Մարյա Կոնդրատևան իր մոր հետ, իսկ մյուսում ապրում էր Սմերդյակովը՝ առանձին: Աստված գիտե, թե ինչ պայմանով էր բնակություն հաստատել նրանց մոտ՝ ձրի՞ էր ապրում, թե վարձ

էր տալիս: Հետագայում ենթադրեցին, թե այնտեղ հաստատվել էր որպէս Մարյա Կոնդրատենայի փեսացուն և առժամայեա ձրի էր ապրում: Մայր ու աղջիկ շատ էին հարգում և իրենցից բարձր մարդ էին համարում նրան:

Բախելուց հետո, երբ դուռը բացվեց, Իվան Ֆյոդորովիչը միջանցք մտավ, և Մարյա Կոնդրատենայն ուղղակի ցույց տվեց դեպի ձախ՝ «կոկիկ սենյակը», ուր ապրում էր Սմերդյակովը: Այդ սենյակում հախճաղյուսե վառարան կար և սաստիկ տաք էր: Պատերին տեսք էր տալիս երկնագուն որմնաթուղթը, որ սակայն պատուված էր շատ տեղերից, իսկ որմնաթղթի տակ, ճեղքերի մեջ, սոսկալի քանակութամբ ուտիճներ էին վխտում, այնպես որ անդադրում մի խշրտոց կար անընդհատ: Կահավորումը շնչին էր. երկու նստարան պատերի տակ և երկու աթոռ սեղանի մոտ: Իսկ սեղանը թեև պարզ փայտե էր, բայց ծածկված էր սփռոցով, որի վրա վարդագուն նախշեր կային: Երկու փոքրիկ լուսամուտագոգերին մեկական ծաղկաման էր դրված, և դրանց մեջ խորդենի էր աճում: Անկյունում սրբապատկերների տապանակ կար: Սեղանի վրա դրված էր պղնձե մի փոքրիկ, խիստ ճարձկան ինքնաեռ և մի մատուցարան՝ երկու բաժակով: Բայց Սմերդյակովն արդեն խմել էր թեյը, և ինքնաեռը հանգել էր... Նա նստել էր սեղանի առաջ, նստարանի վրա, և տետրակի մեջ նայելով մի բան էր գծմծում գրչով: Մտոր թանաքաման կար, ինչպես նաև երկաթե ցածիկ մի մոմակալ, որի մեջ սակայն բնաճարպե մոմ էր վառվում: Իվան Ֆյոդորովիչն անմիջապէս հասկացավ Սմերդյակովի դեմքից, որ նա լրիվ ապաքինվել է հիվանդութունից հետո: Դեմքը ավելի թարմ էր, ավելի գիրուկ, մազափունջը խնամքով վեր սանրված, քունքի մազերը օձանելիքով հարդարված: Նստել էր գունդգուն ու ներսից բամբակած տնային զգեստով, որ սակայն շատ էր մաշված ու կեղտոտ: Քթին ակնոց կար, մի բան, որ Իվան Ֆյոդորովիչն առաջ երբեք չէր տեսել: Այդ շնչին պարագան հանկարծ մի տեսակ կրկնակի զայրացրեց Իվան Ֆյոդորովիչին. «Այսպիսի՝ մի արարած, և դեռ ակնոց էլ է դնում»: Սմերդյակովը դանդաղորեն բարձրացրեց զլուխը և ակնոցի միջով ուշադիր նայեց ներս մտնողին. հետո դանդաղորեն հանեց ակնոցը և վեր կացավ նստարանից, բայց բոլորովին էլ ոչ այնքան հարգալից կերպով, նույնիսկ մի տեսակ ծուլորեն, պարզապէս միայն պահպանելու համար այն նվազագույն անհրաժեշտ քաղաքավարութունը,

որն արդեն համարյա չի կարելի դանց առնել: Այս ամբողջ վայրկենապես Իվանի ուշադրութունը գրավեց և նա միանգամից ըմբռնեց այդ բոլորը, մանավանդ Սմերդյակովի հայացքը՝ ուղղակի շարակամ, անհյուրընկալ ու նույնիսկ դողող մի հայացք, որ կարծես ասում էր՝ «Ինչ ես քաշ գալիս, չե՞ որ ամեն ինչի մասին խոսքը մեկ արեցինք այն ժամանակ, էլ ինչո՞ւ եկար նորից»: Իվան Ֆյոդորովիչը հազիվ զսպեց իրեն:

— Շոգ է այստեղ, — ասաց նա, դեռ ոտքի, և բացեց վերարկուն:

— Հանեցեք, — թույլատրեց Սմերդյակովը: Իվան Ֆյոդորովիչը հանեց վերարկուն և նետեց նստարանին, դողացող ձեռքերով վերցրեց աթոռը, արագորեն մոտեցրեց սեղանին և նստեց: Սմերդյակովն շտապեց նրանից առաջ նստել իր նստարանին:

— Նախ և առաջ, մենա՞կ ենք մենք, — հարցրեց Իվան Ֆյոդորովիչը խստորեն ու թափով: — Չե՞ն լսի մեզ այնտեղից:

— Ոչ ոք ոչինչ չի լսի: Ինքներդ տեսաք. միջանցք է:

— Լսիր, սիրելիս, ի՞նչ էր քո փշածը այն օրը, երբ հիվանդանոցում ցտեսութուն էի ասում քեզ, այսինքն որ եթե ես ոչինչ չասեմ այն մասին, թե դու ընկնալորութուն կեղծելու վարպետ ես, դու էլ իբր թե քննիչին շե հայտնի մեր այն ամբողջ խոսակցութունը դարբասի մոտ: Այդ ի՞նչ ամբողջի մասին է խոսքը: Ի՞նչ միտք կարող էր լինել դրա տակ: Չլինի՞ սպառնում էիր ինձ, հա՞: Որ ինչ է, քեզ հետ մի որևէ դաշի՞նք եմ կնքել, հա՞, վախենո՞ւմ եմ քեզնից, հա՞:

Իվան Ֆյոդորովիչն ուղղակի կատաղութամբ ասաց այդ բանը, հայտնապէս ու դիտմամբ հասկացնելով, որ արհամարհում է ամեն մի երկդիմութուն, ամեն մի շրջանցում, և ուղղակի բաց է անում իր թղթերը: Սմերդյակովի աչքերը շարանենգորեն փայլեցին, ձախ աչքն սկսեց թարթվել, և նա անմիջապէս տվեց իր պատասխանը, թեև, ցատ իր սովորութան, զուսպ ու շափած-ձևած, կարծես ուզում էր ասել՝ «Բացեիրաց ես ուզում, դե ուրեմն ա՞ն քեզ այդ բացեիրացը»:

— Իմ ասել ուզածն այն էր և այդ բանը այն մտքով ասացի, որ դուք, ձեր հարազատ ծնողի այս սպանողութան հարցը նախօրոք գիտենալով հանդերձ, թողեցիք, որ նա զո՞հ գնա, և հիմա այնպէս չլինի, որ մարդիկ մի որևէ վատ բան եզրակացնեն ձեր զգացմունքների մասին, գուցե և մի ուրիշ բանի մա-

սին. ահա այս էր, որ այն ժամանակ խոստացա չհայտնել իշխանութուններին:

Սմերդյակովը թեև խոսում էր առանց շտապելու և հայտնապես իշխելով իրեն, բայց նրա ձայնի մեջ հաստատակամ ու համառ, շարախինդ ու լկտիորեն զայրացուցիչ մի բան կար: Հայացքը հանդգնորեն սևեռել էր Իվան Ֆյոդորովիչին, և առաջին րոպեին Իվանի աչքերը մթնեցին նույնիսկ:

— Ինչպե՞ս: Ի՞նչ: Խելքդ հո չե՞ս կորցրել:

— Կատարելապես խելքս գլխիս է:

— Բայց ինչ է, ես գիտե՞ի՞ այն ժամանակ, որ սպանություն է լինելու, — գոռաց ի վերջո Իվան Ֆյոդորովիչը և բռունցքով ամուր խփեց սեղանին: — Ի՞նչ է նշանակում «գուցե և մի ուրիշ բանի մասին», հը՞: Խոսի՛ր, սրիկա՛:

Սմերդյակովը լուռ էր մնում և շարունակում էր նույն լկտի հայացքով դիտել նրան:

— Խոսի՛ր, գարշահո՛տ ստահակ, ի՞նչ է այդ «ուրիշ բանը», — բղավեց Իվան Ֆյոդորովիչը:

— Իմ ասել ուզած «մի ուրիշ բանը» այս բոպեիս այն էր, որ դուք ինքներդ էլ այն ժամանակ գուցե շատ էիք ցանկանում ձեր ծնողի մահը:

Իվան Ֆյոդորովիչը վեր թռավ և ամբողջ ուժով բռունցքը խփեց նրա ուսին, այնպես որ Սմերդյակովը ետ ընկավ դեպի պատը: Նրա դեմքը վայրկենապես ողողվեց արցունքով: «Ամո՞թ է հիվանդ մարդուն խփելը, պարոն», — ասաց նա և հանկարծ իր շատ կեղտոտ, կապույտ քառակուսիներով թաշկինակն աչքերին տարավ, սկսեց մեղմ թսթսալով արցունք թափել: Անցավ մի րոպե:

— Բավական է: Վերջ տուր, — ասաց ի վերջո Իվան Ֆյոդորովիչը հրամայական շեշտով, նորից նստելով աթոռին: — Այնպես մի՛ արա, որ բոլորովին կորցնեմ համբերությունս:

Սմերդյակովն իր լաթի կտորը հեռացրեց աչքերից: Նրա հնձուտված դեմքի ամեն մի գիծն արտահայտում էր հենց նոր կրած իր վիրավորանքը:

— Ուրեմն դու, սրիկա՛, այն ժամանակ մտածեցիր, որ ես էլ Դմիտրիի հետ ուզում եմ հորս սպանել, հա՞:

— Ես չգիտեի ինչ մտքեր ունեիք այն ժամանակ, — ասաց Սմերդյակովը վիրավորված, — և դրա համար էլ այն օրը ձեզ

կանգնեցրի դարբասի առաջ, որպեսզի հենց այդ կետում ստուգեմ ձեզ:

— Ի՞նչ ստուգես, ի՞նչ:

— Այ հենց այն հանգամանքը, այսինքն դուք ուզո՞ւմ էիք, որ ձեր ծնողը շուտով սպանվի, թե չէիք ուզում:

Իվան Ֆյոդորովիչին ամենից ավելի վրդովում էր այդ կամակոր, լկտի շեշտը, որից համառորեն չէր ուզում հրաժարվել Սմերդյակովը:

— Դո՛ւ ես սպանել, — բացականչեց նա հանկարծ:

Սմերդյակովը արհամարհական ժպտաց:

— Ինքներդ էլ շատ լավ գիտեք, որ ես չեմ սպանել: Եվ ես կարծում էի, որ խելոք մարդը այլևս չի էլ խոսի դրա մասին:

— Բայց ինչո՞ւ, ինչո՞ւ այն ժամանակ այդպիսի կասկած ունեցար ինձ վրա:

— Ինչպես գիտեք արդեն, պարզապես վախից էր: Որովհետև այնպիսի դրության մեջ էի այն ժամանակ, որ վախից դողալով՝ բոլորի վրա կասկածում էի: Որոշեցի ձեզ էլ ստուգել, որովհետև եթե դուք էլ, մտածեցի, նույն բանն եք ցանկանում, ինչ որ ձեր եղբայրը, ուրեմն կարելի է վերջացած համարել այդ ամբողջ գործը, և ես էլ ուրեմն կկորչեմ ճանճի պես:

— Լսիր, դու երկու շաբաթ առաջ ուրիշ բան էիր ասում:

— Նույն բանն էի ուզում ասել, երբ հիվանդանոցում էլ խոսում էի ձեզ հետ, միայն թե կարծում էի, որ դուք առանց ավելորդ խոսքերի էլ կհասկանաք, և շատ խելոք մարդ լինելով՝ ինքներդ չեք ուզենա, որ բացեիքաց խոսակցություն լինի դրա մասին:

— Սրա՛ն նայեցեք: Բայց պատասխանիր, պատասխանի՛ր, պնդում եմ. ի՞նչ էր բուն պատճառը, ի՞նչ կարող էի արած լինել, որ ինձ համար այնքա՛ն նվաստացուցիչ կասկած եմ հարուցել քո ստոր հոգու մեջ:

— Եթե սպանելը ասենք, դուք ինքներդ ոչ մի կերպ չէիք կարող անել այդ բանը, և չէիք էլ ուզում անել, իսկ եթե ասենք, թե ուզում էիք, որ ուրիշ մեկը սպանի, հենց ա՛յդ էր ձեր ուզածը իհարկե:

— Եվ ի՞նչ հանգիստ է խոսում, ի՞նչ հանգիստ: Բայց ինչո՞ւ պետք է ուզեի, ի՞նչ մտքով պետք է ուզեի:

— Ինչպե՞ս թե ինչ մտքով: Հույս ժառանգությունը, — վրաբերեց Սմերդյակովը թունտ ու նույնիսկ մի տեսակ վրիժառու

շեշտով:— Չէ՞ որ ձեր ծնողի մահից հետո երեք եղբայրներից ամեն մեկիդ մոտավորապես քառասուն հազար կարող էր հասնել, գուցե և ավելի, իսկ եթե Ֆյոդոր Պավլովիչն այն ժամանակ ամուսնանար այդ տիկնոջ, այսինքն Ագրաֆինա Ալեքսանդրովնայի հետ, ապա ուրեմն պսակից անմիջապես հետո տիկինը ամբողջ դրամագուլտին իր անվանը կփոխանցեր, որովհետև բավական խելք կա նրա զլխում, այնպես որ ձեր ծնողից երկու ութիլի էլ չէր հասնի ձեզ՝ երեքդ միասին: Իսկ այն ժամանակ ի՞նչ էր մնում որ պսակվելու համար: Մազ էր մնում. բավական էր, որ այդ տիկինը իր ճկույթով ա՛յ այսպես աներ նրա առաջ, և Ֆյոդոր Պավլովիչը իսկույն նրա ետևից եկեղեցի կվազեր, լեզուն կախ ընկած:

Իվան Ֆյոդորովիչը տանջալիորեն զսպեց իրեն:

— Կավ,— ասաց նա ի վերջո,— տեսնում ես, վեր չթռա, չծծեցի քեզ, չսպանեցի քեզ: Շարունակիր. ուրեմն, ըստ քեզ, ես որոշել էի, որ Դմիտրի՞ն կանի այդ բանը, նրա՞ վրա էի դրել իմ հույսը:

— Ինչպե՞ս նրա վրա չդնեիք ձեր հույսը. չէ՞ որ եթե նա սպաներ, ուրեմն կզրկվեր ազնվականության բոլոր իրավունքներին, իր տիրոջից ու սեփականությանից, և աքսոր կգնա: Եվ այդ դեպքում չէ՞ որ ժառանգության նրա բաժինը կմնար ձեզ ու ձեր եղբորը՝ Ալեքսեյ Ֆյոդորովիչին, կես-կես, ուրեմն ոչ թե այլևս քառասուն, այլ վաթսուն հազար կհասներ ամեն մեկիդ: Դուք անպայման Դմիտրի Ֆյոդորովիչի վրա էիք հույս դրել:

— Է՛հ, ինչեր եմ քաշում քեզնի՞ց: Լսիր, անզգամ. եթե այն ժամանակ հույս էլ դնեի մեկի վրա, դո՛ւ կլինեիր իհարկե այդ մարդը, ոչ թե Դմիտրիին, և երգվում եմ՝ նույնիսկ նախազգացի, որ մի որևէ ստորություն ես անելու... հիշո՞ւմ եմ իմ տպավորությունը... այդ օրը...

— Ես էլ այն օրը մտածեցի մի բան, որ ինձ վրա էլ հույս եք դնում,— հեղձական ժպտաց Սմերդյակովը:— Այնպես որ հենց դրանով ավելի ևս դուք ձեզ մատնեցիք իմ առաջ, որովհետև եթե իմ մասին նախազգացում ունեցաք և այնուամենայնիվ գնացիք այստեղից, ուրեմն հենց դրանով էլ կարծես թե ինձ ասացիք՝ կարող ես սպանել իմ ծնողին, արգելք չեմ լինի:

— Սրիկա՛: Այդպես հասկացար ուրեմն, հա՞:

— Հենց այդ Չերմաշնյան էր ամբողջ հարցը: Ներեցեք խնդրեմ: Պատրաստվում էիք Մոսկվա գնալ, և ձեզ ծնողը ինչքան

էլ խնդրում էր, որ Չերմաշնյա գնաք, մերժում էիք: Եվ միայն իմ մի հիմար խոսքի վրա հանկարծ համաձայնվեցիք: Ձեր ինչի՞ն էր պետք, որ համաձայնվեցիք այդ Չերմաշնյային: Քանի որ առանց պատճառի, միայն իմ խոսքի վրա Չերմաշնյա գնացիք, ոչ թե Մոսկվա, ուրեմն ինձնից մի բան էիք սպասում:

— Ո՛չ, երգվում եմ, ո՛չ,— գոռաց Իվանը, ատամները կրճտացնելով:

— Ինչպե՞ս թե ոչ: Ուրեմն դուք, ընդհակառակը, որպես ձեր ծնողի որդին, պետք է անմիջապես ինձ ուստիկանատուն տանեիք իմ այդպիսի խոսքերի համար և պահանջեիք, որ մի լավ ծեծեն ինձ... կամ էլ գոնե ինքներդ տեղն ու տեղը մոռոթ ջարդեիք. բայց դուք, ներեցեք խնդրեմ, բոլորովին էլ չբարկացաք, ընդհակառակը, հենց անմիջապես բարեկամորեն կատարեցիք իմ շատ հիմար խոսքը և գնացիք, մի բան, որ ուղղակի անմտություն էր, որովհետև դուք պետք է մնայիք՝ ձեր ծնողի կյանքը պաշտպանելու համար... Ուրեմն ինչպե՞ս կարող էի եզրակացություններ շանել:

Իվանը նստել էր հոնքերը կիտած, բոունցքները ջղաձգորեն հենել էր ծնկներին:

— Այո, ափսո՛ս, որ չջարդեցի մոռոթը,— դառն ժպտաց նա:— Ձեր կարելի քեզ նույն բույսին ուստիկանատուն քարշ տալ. ո՞վ կհավատար ինձ և ի՞նչ մեղադրանք կարող էի ներկայացնել: Բայց մոռոթիդ հասցնելը... ա՛խ, ափսոս, որ մտքովս շանցավ: Թեև արգելված է քիթ-բերան ջարդելը, բայց քո ուխտը մի լավ ջարդուփշուր կանեի:

Սմերդյակովը գրեթե հրճվանքով էր նայում նրան:

— Կյանքի սովորական դեպքերում,— ասաց նա այն ինքնագոհ-վարժապետական շեշտով, որով մի ժամանակ, Ֆյոդոր Պավլովիչի ճաշասենյակում կանգնած, հավատքի մասին վիճել էր Գրիգորի Վասիլևիչի հետ ու ջղայնացրել նրան,— կյանքի սովորական դեպքերում քիթ-բերան ջարդելը այսօր իսկապես արգելված է օրենքով, և բոլորը վերջ են տվել այդ բանին, բայց դե կյանքի բացառիկ դեպքերում, ոչ միայն մեզ մոտ, այլև ամբողջ աշխարհով մեկ՝ թեկուզ և ամենալիակատար ֆրանսիական հանրապետությունը լինի, էլի շարունակում են մարդու քիթն-բերանն խփել, ինչպես Ադամ-Եվայի ժամանակ, և երբեք էլ վերջ չեն տա դրան, բայց դուք բացառիկ դեպքում էլ չհամարձակվեցիք:

— Ինչո՞ւ ես ֆրանսերեն բառեր սովորում,— Իվանը գլխի շարժումով ցույց տվեց տետրը սեղանի վրա:

— Իսկ ինչո՞ւ չսովորեմ, որպեսզի դրանով բարեկամ իմ կրթությունը, ենթադրելով, որ մի օր գուցե ինքս էլ առիթ ունենամ զնալու Եվրոպայի այդ երջանիկ տեղերը:

— Լսի՛ր, ճիվաղ,— փայլատակեցին Իվանի աչքերը և նա ցնցվեց ամբողջ մարմնով,— ես չեմ վախենում քո մեղադրանքներից, ի՞նչ ուզում ես վկայիր իմ դեմ, և եթե հիմա քեզ շան սատակ շարեցի, միա՛յն այն պատճառով, որ կասկածում եմ՝ դո՞ւ ես կատարել այդ ոճիրը, և քեզ դատարան եմ քարշ տալու: Ես դեռ կպատռեմ քո դիմակը:

— Իսկ ըստ իս, ավելի լավ է լուռ մնաք: Բրովհետև ի՞նչ մեղադրանք կարող եք ներկայացնել իմ դեմ, քանի որ ես կատարելապես անմեղ եմ, և ո՞վ կհավատա ձեզ: Բայց եթե սկսեք, ես էլ ամեն ինչ կպատմեմ, որովհետև ինչպե՞ս կարող եմ չպաշտպանել ինձ:

— Կարծում ես՝ վախենո՞ւմ եմ հիմա քեզնից:

— Ասենք, թող դատարանում չհավատան իմ այս բոլոր խոսքերին, որ հիմա ասացի ձեզ, բայց հասարակությունը կհավատա, և դուք ամոթով կմնաք:

— Դրանով ուզում ես դարձյալ ասել՝ «խելոք մարդու հետ քար կրի», հա՞,— կրճտացրեց Իվանը:

— Ճիշտ կետին բարեհաճեցիք խփել: Հենց այդ է՝ խելոք եղեք:

Իվան Ֆյոդորովիչը վեր կացավ՝ ոտից գլուխ դողալով զայրույթից, հագավ վերարկուն և, առանց այլևս պատասխանելու Սմերդյակովին, առանց նույնիսկ նայելու նրան, արագորեն դուրս եկավ խրճիթից: Երեկոյան զով օդը թարմացրեց նրան: Երկնքում փայլում էր լիալուսինը: Մտքերի և զգացողությունների ահավոր մի մղձավանջ էր ալեկոծում նրա հոգին: «Գնամ ու հայտնեմ հիմա Սմերդյակովի մասին: Բայց ի՞նչ հայտնեմ. այնուամենայնիվ, մեղք չունի նա: Ընդհակառակը, նա՛ ինձ կմեղադրի: Իսկապես, ինչո՞ւ ես այն օրը ելա Չերմաշնյա զնալու: Ինչո՞ւ, ինչո՞ւ,— հարցնում էր Իվան Ֆյոդորովիչը:— Այո, իհարկե, մի բան էի ակնկալում, և նա իրավունք ունի...»: Եվ նա նորից հիշեց, հարյուրերորդ անգամ, թե ինչպես վերջին գիշերն իբր հոր տանը ականջ էր դրել սանդուղքից, բայց հիմա արգեն հիշեց այնպիսի տառապանքով, որ նույնիսկ տեղն ու տեղը կանգ

առավ, կարծես դաշույնով հարվածել էին նրան: «Այո՛, ես ա՛յդ էի ակնկալում այն ժամանակ, ճիշտ է: Ես ուզում էի, հենց ուզում էի, որ սպանություն լինի: Ուզո՞ւմ էի սպանությունը, ուզո՞ւմ էի... Պետք է սպանե՛մ Սմերդյակովին... Եթե չհանդգնեմ հիմա սպանել Սմերդյակովին, ուրեմն չարժի՛ էլ ապրել...»: Իվան Ֆյոդորովիչը տուն չմտավ, այլ ուղղակի գնաց Կատերինա Իվանովնայի մոտ և վախեցրեց նրան իր տեսքով. խելագարի նման էր: Պատմեց նրան իր ամբողջ խոսակցությունը Սմերդյակովի հետ, ամենայն մանրամասնությամբ: Որքան էլ հորդորում էր Կատյան, Իվան Ֆյոդորովիչը չէր կարողանում հանգստանալ, շարունակ քայլում էր սենյակում և խոսում էր անկապ-անկապ, տարօրինակորեն: Վերջապես նստեց, արմունկները դրեց սեղանին, գլուխն առավ ձեռքերի մեջ և տարօրինակ մի խոսք սասաց.

— Եթե սպանողը Դմիտրին չէ, այլ Սմերդյակովը, ուրեմն այդ դեպքում ես նրա մեղսակիցն եմ անշուշտ, որովհետև դրդել եմ նրան: Դրդե՞լ եմ արդյոք՝ դեռ չգիտեմ: Բայց եթե նա՛ է սպանել, և ոչ թե Դմիտրին, ուրեմն ես էլ մարդասպան եմ իհարկե:

Լսելով այդ, Կատերինա Իվանովնան լուռ վեր կացավ, մոտեցավ իր գրասեղանին, մի տուփ բացեց, թղթի մի կտոր հանեց այնտեղից ու դրեց Իվանի առաջ: Այդ թղթի կտորը հենց այն փաստաթուղթն էր, որի մասին Իվան Ֆյոդորովիչը հետագայում հայտնեց Ալյոշային իբրև «մաթեմատիկական մի ապացույց», թե իրենց հորն սպանել է Դմիտրին: Մի նամակ էր դա, որ Միտյան հարբած վիճակում գրել էր Կատերինա Իվանովնային, գրել էր հենց այն իրիկունը, երբ դաշտում հանդիպեց Ալյոշային, որ վանք էր վերադառնում Կատերինա Իվանովնայի տանը պատահած այն տեսարանից հետո, ուր Գրուշենկան վիրավորանք էր հասցրել օրիորդին: Ալյոշայից բաժանվելով, Միտյան այդ իրիկուն վազեց Գրուշենկայի մոտ. չգիտեմ, տեսա՞վ արդյոք նրան, բայց գիշեր էր արդեն, երբ հայտնվեց «Մայր քաղաք» գինետանը և կուշտ ու կուռ խմեց: Հարբելով, թուղթ ու գրիչ պահանջեց և գրեց մի բան, որ իր դեմ ծանրակշիռ փաստաթուղթ եղավ: Մոլեգին, շաղկիրատ ու անկապ նամակ էր դա, հենց ուղղակի «հարբած» մի նամակ: Գրվել էր այնպես, ինչպես հարբած մարդը, տուն վերադառնալով, սկսում է արտակարգ եռանդով պատմել կնոջը կամ տնեցիներից որևէ մեկին, թե ինչպես դեռ քիչ

առաջ անպատվել են իրեն, թե ի՞նչ սրիկա է իրեն անպատ-
վողը, իսկ ինքը, ընդհակառակը, ի՞նչ սքանչելի մարդ է, և թե
ինչպե՞ս ինքը ցույց կտա այդ սրիկային. և այդ ամբողջը՝ եր-
կար-բարակ, անկապ խոսքերով, փրփրելով, բուռնքները սե-
ղանին խփելով, հարբածի արցունքներ թափելով: Այն թուղթը,
որ գինետանը տվեցին Միտյային, հասարակ գրենական թղթի
մի կտոր էր, վատ տեսակի, կեղտոտ, և հակառակ կողմի վրա
ինչ-որ հաշիվ էր գրված: Պարզ երևում էր, որ տեղը քիչ էր եկել
հարբածի շաղակրատության համար, և Միտյան ոչ միայն լցրել
էր բոլոր լուսանցքները, այլ նույնիսկ վերջին տողերը շեղակի
գրել էր արդեն գրված էջի վրա: Նամակի բովանդակությունը
հետևյալն էր.

«Ճակատագրակա՛ն Կատյա: Վաղը փող կճարեմ և ետ
կտամ քեզ թո երեք հազարը, և մնաս բարո՛ւ, մեծ ցասման տե-
ր կին, բայց և մնաս բարո՛ւ, իմ սեր: Վերջացնե՛նք: Վաղը կճա-
րեմ բոլոր մարդկանցից, իսկ եթե չճարեմ մարդկանցից, ազ-
նիվ խոսք եմ տալիս քեզ՝ կգնամ հորս մոտ ու կշախջախեմ նրա
գլուխը և կվերցնեմ բարձի տակից, միայն թե Իվանը գնացած
լինի: Թեկուզ աքսոր գնամ, բայց կտամ թո երեք հազարը: Իսկ
դու մնաս բարով: Խոնարհվում եմ մինչև գետին, որովհետև
սրիկա եմ թո առաջ, ներիք ինձ: Չէ, ավելի լավ է մի՛ ներիք.
ավելի հեշտ կլինի և՛ ինձ համար, և՛ քեզ համար: Ավելի լավ է
աքսորը, քան թո սերը, որովհետև ուրիշին եմ սիրում, իսկ նրան
դու շատ լավ ճանաչեցիր այսօր, էլ ինչպե՞ս կարող ես ներել:
Պիտի սպանե՛մ ինձ կողոպտողին: Պիտի հեռանամ ձեզից, բո-
լորիցդ էլ, պիտի գնամ Արևելք, որպեսզի էլ ոչ ոքի չտեսնեմ:
Նրան էլ, որովհետև միայն դու չես ինձ տանջողը, նա էլ է:
Մնա՛ս բարով:

Հ. Գ. Անեծք եմ գրում, բայց պաշտու՛մ եմ քեզ: Լսում եմ
դա կրծքիս մեջ: Մի լար է մնացել ու գնգում է: Ավելի լավ է
երկո՛ւ կես լինի սիրտս: Կսպանեմ ինձ, բայց նախ այդ շանը
համենայն դեպս: Կխլեմ նրանից երեք հազարը և կգցեմ քեզ:
Թեև սրիկա եմ թո առաջ, բայց գող չեմ: Սպասիր երեք հազա-
րը: Շան անկողնի տակն է, վարդագույն ժապավենով: Ծս չեմ
գողը, բայց սպանելու եմ ինձ կողոպտող գողին: Կատյա, ար-
համարհանքով մի՛ նայիր, Դմիտրին գող չէ՛, այլ մարդասպան:
Սպանել է իր հորը և կործանել իրեն, որպեսզի կանգուն մնա և
և թո հպարտությունը չհանդուրժի: Եվ քեզ չսիրի:

Հ. Հ. Գ. Ուտքե՛րդ եմ համբուրում, մնաս բարով:

Հ. Հ. Հ. Գ. Կատյա, աղոթիր աստծուն, որ մարդիկ տան
ինձ փողը: Այդ դեպքում ձեռքերս արյունոտ չեն լինի, իսկ եթե
չտան՝ արյո՛ւն կլինի: Սպանիր ինձ:

Ստրուկոդ ու թշնամիդ

Գ. Կարամազով:

Երբ Իվանը կարդաց «փաստաթուղթը», համոզվեց արդեն:
Ուրեմն սպանել է եղբայրը, ոչ թե Սմերդյակովը: Եվ եթե ոչ
Սմերդյակովը, ուրեմն նաև ոչ ինքը՝ Իվանը: Այդ
նամակը հանկարծ նրա աչքին մաթեմատիկական ճշ-
գրություն նշանակություն ստացավ: Նրա համար այլևս
ոչ մի տարակույս չէր կարող լինել, որ Միտյան է մեղա-
վորը: Ի դեպ, նա երեք չէր ունեցել այն կասկածը, թե Միտյան
կարող է Սմերդյակովի հետ միասին սպանած լինել, և դա փաս-
տորեն էլ չէր բռնում: Իվանը լրիվ հանգստացավ: Հաջորդ առա-
վոտ պարզապես արհամարհանքով հիշեց Սմերդյակովին ու նրա
հեզանկան խայթոցները: Մի քանի օր հետո սկսեց նույնիսկ
զարմանալ, թե ինչպես ինքը կարող էր այդքան տանջալիորեն
վիրավորվել նրա կասկածներից: Որոշեց արհամարհել նրան ու
մոռանալ: Այդպես մի ամիս անցավ: Այլևս ոչ մի հարցուփորձ
չէր անում Սմերդյակովի մասին, բայց երկու անգամ լսեց հարե-
վանցիորեն, որ նա շատ հիվանդ է և խելքը գլխին չէ: «Ի վերջո
կխելագարվի», — ասաց մի անգամ երիտասարդ բժիշկ Վարվինս-
կին, և Իվանի մտքում մնաց այդ բանը: Այդ ամսվա վերջին շա-
բաթվա ընթացքում Իվանն ինքը սկսեց շատ վատ զգալ իրեն: Ար-
դեն գնացել էր խորհրդակցելու այն բժշկի հետ, որին Կատերի-
նա Իվանովնան հենց դատից առաջ հրավիրել էր Մոսկվայից:
Եվ հենց այդ ժամանակ էլ Կատերինա Իվանովնայի հետ նրա հա-
րաբերությունները ծայր աստիճան սրվեցին: Իրար սիրահաղ-
ված երկու թշնամիներ էին կարծես: Կատերինա Իվանովնայի
«վերադարձները» դեպի Միտյան, զգացմունքի վայրկենական,
բայց բուռն այդ պոթկումները կատարյալ մոլեգնություն էին
հասցնում արդեն Իվանին: Տարօրինակ էր, որ մինչև մեր նկա-
րագրած այն վերջին տեսարանը, երբ Ալյոշան Միտյայից բա-
ժանվելուց հետո եկավ Կատերինա Իվանովնայի մոտ, Իվանը
ամբողջ ամսվա ընթացքում ոչ մի անգամ չէր լսել, որ Կատյան
տարակուսանք հայտնի Միտյայի մեղավոր լինելու վերաբերյալ,

չնայած նրա այն բոլոր «վերադարձներին», որոնք այնքան ատեն-
լի էին Իվանի համար: Ուշագրավ է նաև այն, որ Իվանը, զգա-
լով, թե օրից օր ավելի ու ավելի է ատում Միտյային, միաժամա-
նակ հասկանում էր՝ ոչ թե Կատյայի «վերադարձներին» համար
է ատում նրան, այլ հենց այն պատճառով, որ նա սպանել է
իրենց հորը: Զգում էր այդ բանը և լրիվ գիտակցում: Այնուամե-
նայնիվ, դատից տասը օր առաջ գնաց Միտյայի մոտ և փա-
խուստի ծրագիր առաջարկեց նրան, մի ծրագիր, որ ըստ
երևույթին վաղուց էր կանխամտածված: Բացի գլխավոր պատ-
ճառից, կար մի ուրիշ բան էլ, որ նրան մղեց այդ քայլին. դա
իր սրտում դեռ կոտորացող այն վերքն էր, որ մնացել էր Սմեր-
դյակովի ասածից, թե իրեն՝ Իվանի համար իբր թե շահավոր է
եղբոր դատապարտվելը, որովհետև այդ դեպքում իրենց հորից
ժառանգվելիք գումարը քառասունից վաթսուն հազարի կբարձ-
րանա իր և Ալյոշայի օգտին: Նա որոշեց երեսուն հազար ոտբլի
զոհել հենց միայն իր կողմից՝ Միտյայի փախուստը կազմակեր-
պելու համար: Այն օրը, երբ Միտյայի մոտից էր վերադառնում,
սոսկալի տխուր ու շփոթված էր Իվանը. հանկարծ սկսել էր զգալ,
որ ինքը Միտյայի փախուստն է ցանկանում ոչ միայն երեսուն
հազար ոտբլի զոհելու և իր սրտի այդ վերքը բուժելու համար,
այլև մի ուրիշ պատճառով: «Գուցե որովհետև ե՞ս էլ նույնպիսի
մարդասպան եմ իմ հոգու խորքում»,— հարցրեց նա ինքն
իրեն: Հոգու խորքում մի հեռավոր, բայց այրող բան կար, որ
խոցում էր իր խիղճը: Եվ մանավանդ, իր հպարտությունը սոս-
կալի տանջանքներ էր կրում այդ ամբողջ ամսվա ընթացքում,
բայց դրա մասին՝ հետո... Ալյոշայի հետ խոսակցությունից հե-
տո ձեռքը դնելով իր դռան զանգին և հանկարծ որոշելով Սմեր-
դյակովի մոտ գնալ, Իվան Ֆյոդորովիչը ենթարկվեց իր սրտում
անակնկալորեն բորբոքված մի յուրահատուկ զայրույթի մղումին:
Հանկարծ հիշեց, թե ինչպես Կատերինա Իվանովնան հենց քիչ
առաջ գոռացել էր իրեն՝ Ալյոշայի ներկայությամբ. «Դո՛ւ,
միայն դո՛ւ հավատացրիր ինձ, որ նա է սպանողը (այսինքն
Միտյան)»: Հիշելով այդ, Իվանը նույնիսկ քարացավ մի րոպե.
Երբեք, ոչ մի անգամ չէր հավատացրել նրան, որ սպանողը
Միտյան է, և դեռ ավելին՝ ինքը ի՛ր մասին կասկած էր հայտ-
նել, երբ այդ օրը վերադարձել էր Սմերդյակովի մոտից: Ընդ-
հակառակը, նա էր, Կատյան, որ իր առաջ այդ «փաստաթուղթը»
դրեց և ապացուցեց իր եղբոր հանցանքը: Եվ հանկարծ նա, հենց

Կատյան, բացականչում է. «Ես ինքս գնացի Սմերդյակովի մոտ»:
Ե՛րբ է գնացել: Իվանը ոչինչ չգիտեր դրա մասին: Ուրեմն Կատ-
յան բոլորովին էլ վստահ չէ այնքան, որ Միտյան է մեղավորը:
Եվ ի՞նչ կարող է ասած լինել Սմերդյակովը նրան: Ի՞նչ է ասել
հատկապես, ի՞նչ: Ահավոր մի զայրույթ բռնկվեց Իվանի սրտում:
Չէր հասկանում, թե ինչպե՞ս կարող էր ինքը կես ժամ առաջ
այդպես անպատասխան թողնել Կատյայի ասածը, առանց տեղն
ու տեղը գոռալու: Թողեց զանգը և վազեց Սմերդյակովի մոտ:
«Այս անգամ գուցե կսպանեմ նրան»,— մտածում էր ճանապարհ-
հին:

VIII

ԵՐՐՈՐԴ ՈՒ ՎԵՐՁԻՆ ՏԵՍԱԿՑՈՒԹՅՈՒՆԸ ՍՄԵՐԴՅԱԿՈՎԻ ԷՏՏ

Դեռ կես ճանապարհին չոր ու կծու քամի բարձրացավ,
ճիշտ այնպիսի քամի, որ փչում էր այդ օրը վաղ առավոտյան, և
մանր, առատ ու չոր ձյուն սկսեց տեղալ: Զյունը չէր նստում,
քամին ուր-ուրը քշում էր, և շուտով իսկական ձյունամրրիկ
բարձրացավ: Մեր քաղաքի այն մասում, ուր ապրում էր Սմեր-
դյակովը, համարյա ոչ մի լապտերասյուն չկա: Իվան Ֆյոդորո-
վիչը քայլում էր խավարի մեջ, առանց նկատելու ձյունամրրիկը,
բնազդորեն գտնելով ճամփան: Գլուխն էր ցավում և տանջալի
մի թխթխոց կար քունքերի մեջ: Զգում էր, որ ձեռքերը ջրածր-
վում էին: Քիչ էր մնացել մինչև Մարյա Կոնդրատենայի խրճի-
թը, երբ հանկարծ Իվան Ֆյոդորովիչը հանդիպեց միայնակ մի
հարբածի, որ կարճահասակ գեղջուկ էր, կարկտված ու քոսոտ
կապա հագած, քայլում էր զիզազանքով, փնթփնթում էր ու
հայհոյում: Հանկարծ նա թողեց հայհոյելը և սկսեց երգել հար-
բածի խոպոտ ձայնով.

Ա՛խ մեր վանկան գնաց Պիտեր,
Զե՛մ սպասի ես նրան:

Բայց նա ամեն անգամ ընդհատում էր այդ երկրորդ տողի
վրա և նորից սկսում հայհոյել մեկի հասցեին, հետո հանկարծ
նորից ձայնը գցում ու երգում էր նույն երգը: Իվան Ֆյոդորո-
վիչն արդեն սոսկալի ատելություն էր զգում նրա դեմ, դեռ բո-
լորովին էլ չմտածելով նրա մասին, և հանկարծ գիտակցեց նրա
ներկայությունը: Նույն վայրկյանին անդիմադրելի մի ցանկու-
թյուն ունեցավ բռունցքն իջեցնել նրա գլխին ու գետնին փռել

նրան: Հենց նույն վայրկյանին էլ նրանք կողք-կողքի եկան, և գլուղացին, սաստիկ օրորվելով, իր ամբողջ ծանրությամբ բախվեց Իվանին: Իվանը կատաղորեն ետ հրեց նրան: Գեղջուկը թռավ-գնաց ու կոճղի նման շրմփաց սառած գետնին, միայն մի անգամ ցավագին տնքաց՝ «0—օ», և լռեց: Իվանը մոտեցավ նրան: Մարդը պառկել էր մեջքի վրա, բոլորովին անշարժ, անզգա: «Կսառչի»,— մտածեց Իվանը և շարունակեց իր ճամփան դեպի Սմերդյակովի տունը:

Մարյա Կոնդրատենան, որ մոմը ձեռքին վազել էր դուռը բացելու, դեռ միջանցքում շնչաց Իվանին, թե Պավել Ֆյոդորովիչը (այսինքն Սմերդյակովը) շատ հիվանդ է, շատ, ոչ թե պառկել է, այլ համարյա թե խելքը կորցրել է մի տեսակ և նույնիսկ հրամայեց ետ տանել թեյը, շուգեց խմել:

— Գժուխունե՞ր է անում, ինչ է,— կուպտորեն հարցրեց Իվան Ֆյոդորովիչը:

— Չէ՛, ինչ գժուխուն, ընդհակառակը, բոլորովին սակվելու նստել է, միայն թե դուք շատ երկար մի՛ խոսեք նրա հետ...— խնդրեց Մարյա Կոնդրատենան:

Իվան Ֆյոդորովիչը դուռը բացեց ու ներս մտավ:

Անցյալ անգամվա նման շատ տաք էր սենյակը, բայց մի քանի նկատելի փոփոխություններ կային. պատի տակ դրված նստարաններից մեկը դուրս էին տարել և դրա տեղը գրավել էր կարմիր փայտե մի բազմոց՝ մեծ, հին, կաշեպատ: Բազմոցի վրա անկողին էր փռված՝ սպիտակ ու բավական մաքուր բարձերով: Անկողնի վրա, նույն տնային զգեստը հագած, նստել էր Սմերդյակովը: Սեղանը բերել էին բազմոցի առաջ, այնպես որ սենյակում շարժվելու տեղ չէր մնացել: Սեղանի վրա դեղին շապկով մի հաստ գիրք կար, բայց Սմերդյակովը չէր կարդում, նստել էր ու ոչինչ չէր անում կարծես: Երկար, լուռումունջ հայացքով դիմավորեց Իվան Ֆյոդորովիչին, և երևում էր, որ բոլորովին չզարմացավ նրան տեսնելով: Շատ էր փոխվել Սմերդյակովի դեմքը, շատ էր նիհարել ու դեղնել: Աչքերը փոս էին ընկել, ներքևի կոպերը կապտել էին:

— Ինչ է, իսկապե՞ս հիվանդ ես,— կանգ առավ Իվան Ֆյոդորովիչը:— Ես քեզ երկար չեմ գրադեցնի, նույնիսկ վերարկուս էլ չեմ հանի: Բայց ո՞ր կարելի է նստել այստեղ:

Նա անցավ մյուս ծայրը, մի աթոռ մոտեցրեց ու նստեց:

— Ի՞նչ ես լուռ-լուռ նայում ինձ: Ես միայն մի հարցով եմ եկել, և երդվում եմ, չեմ գնա, մինչև պատասխան չտաս ինձ. քեզ մոտ եկե՛լ է այն օրիորդը՝ Կատերինա Իվանովնան:

Սմերդյակովը երկար լուռ մնաց, շարունակելով հանգիստ նայել Իվանին, բայց հանկարծ ձեռքը թափ տվեց ու երեսը դարձրեց մյուս կողմ:

— Ի՞նչ է,— բացականչեց Իվանը:

— Ոչինչ:

— Ինչպե՞ս թե ոչինչ:

— Դե հա, եկավ: Ձե՞ր ինչ գործն է: Հանգիստ թողեք ինձ:

— Չէ՛, չեմ թողնի: Ասա՛, ե՞րբ եկավ:

— Է՛, նրան մոռացել եմ նույնիսկ,— ասաց Սմերդյակովը արհամարհական մի ժպիտով և հանկարծ նորից, դեմքը դարձնելով Իվանին, աչքերը հառեց մի տեսակ մոլեգին առելությամբ լի հայացքով, հենց այն հայացքով, որով նայել էր նախորդ տեսակցության ժամանակ, մեկ ամիս առաջ:

— Ինքներդ ասես հիվանդ լինեք, տես է՛, լղարել եք, գույն չկա ձեր երեսին,— ասաց նա:

— Մի կողմ թող իմ առողջությունը, ասա՛ այն, ինչ հարցնում են քեզ:

— Բայց ինչո՞ւ դեղնել են ձեր աչքերը: Սպիտակուցները լրիվ դեղին են: Շա՞տ եք տանջվում, ի՞նչ է:

Նա արհամարհանքով ժպտաց և մեկ էլ հանկարծ ուղղակի ծիծաղեց:

— Լսի՛ր. ասացի, որ չեմ գնա, մինչև պատասխան չտաս,— գոռաց Իվանը սոսկալի ջղայնացած:

— Ինչո՞ւ եք կպել ինձ: Ինչո՞ւ եք ինձ տանջում,— ասաց Սմերդյակովը տառապալից ձայնով:

— Է՛, գրո՞ղը տանի: Ես գործ չունեմ քեզ հետ: Պատասխանի՛ր հարցիս, և անմիջապես կգնամ:

— Ո՛չ մի պատասխան էլ չունեմ,— հայացքն իջեցրեց նորից Սմերդյակովը:

— Հավատա ինձ՝ կստիպե՛մ քեզ, որ պատասխանես:

— Ի՞նչ եք այդպես անընդհատ անհանգստանում,— հանկարծ ուղղակի նայեց նրան Սմերդյակովը, բայց ոչ թե պարզապես արհամարհանքով, այլ արդեն մի տեսակ զզվանքի արտահայտությամբ:— Որովհետև դա՞տն է սկսվում վաղը: Ձեզ ոչինչ չի լինի, հասկանո՞ւմ եք, հավատացե՛ք վերջապես: Գնա-

ցեք տուն, պառկեց ու հանգիստ քնեք, ոչ մի բանից մի՛ վախե՛ցեք:

— Չեմ հասկանում քեզ... վաղը ինչի՞ց պետք է վախենամ,— ասաց Իվանը դարմացած, և հանկարծ իռկապես նրա հոգին սարսուռաց վախի սառեցնող մի զգացումով: Մմերդակովը հայացքով շփեց նրան:

— Չեք հասկանում,— երկարեց նա հանդիմանորեն:— Զարմանում եմ, որ խելոք մարդը այսպես ծիծաղելի դերասանություն է անում:

Իվանը լուռ նայում էր նրան: Միայն այդ խոսելու ձևն արդեն, այդ բոլորովին անսպասելի, մի տեսակ անհավատալիորեն մեծամիտ շեշտը, որով հիմա իրեն դիմում էր իր նախկին ծառան, արտասովոր մի բան էր ինքնին: Նույնիսկ անցյալ անգամ այսպիսի շեշտով չէր խոսել նա համեմայն դեպս:

— Ասում եմ ձեզ, վախենալու բան չունեք: Ոչ մի վկայություն չեմ տա ձեր դեմ, ոչ մի հանցանշան չկա: Տես է՛, դողում են ձեռքերը: Ինչո՞ւ ձեր մատները այդպես պար են գալիս: Գնացեք տուն, դուք չե՛ք սպանիչը:

Իվանը ցնցվեց: Հիշեց Ալյոշային:

— Գիտեմ, որ ես չեմ...— թոթովեց նա:

— Գիտե՞ք,— նորից վրա բերեց Մմերդակովը:

Իվանը վեր թռավ ու բռնեց նրա ուսից:

— Ասա՛՛ ամեն ինչ, զարշելի՛ արարած: Ամե՛ն ինչ ասա:

Մմերդակովը բոլորովին չվախեցավ: Պարզապես խելահեղ մի ատելությամբ աչքերը բևեռեց նրան:

— Դե ուրեմն հենց դո՛ւք սպանեցիք, եթե այդպես է,— կատաղորեն փսփսաց նա:

Իվանը դանդաղ ետ ընկավ իր աթոռին, կարծես մի բան կշռադատելով: Եվ ծիծաղեց շարախնդորեն:

— Նորից այդ օրվա մասի՞ն է խոսքդ: Այն, որ անցյալ անգամ էլ ասացիր:

— Անցյալ անգամ էլ կանգնել էիք իմ առաջ և ամեն ինչ հասկանում էիք, հիմա էլ հասկանում եք:

— Հասկանում եմ միայն, որ դու խելագար ես:

— Դեռ չի՛ էլ ձանձրանում մարդը: Երես-երեսի նստել ենք, էլ ի՞նչ կարիք կա միմյանց աչքին փոշի փչելու, ի՞նչ կարիք կա դերասանություն անելու: Կամ էլ թե չէ՞՞ դեռ ուզում եք ի՞նչ վրա գցել մեռակ, այն էլ իմ աչքի առաջ: Դո՛ւք սպանեցիք,

բուն սպանիչը հենց դուք եք, իսկ ես պարզապես ձեր կամակատարն էի, ձեր հավատարիմ ծառան, և ձեր ասածով էլ այդ գործը կատարեցի:

— Կատարեցի՞ր: Ինչ է, դո՞ւ սպանեցիր,— սառեց-մնաց Իվանը:

Կարծես մի բան ցնցվեց նրա ուղեղում, և ամբողջ մարմինն սկսեց դողալ մանր, մրսեցնող սարսուռով: Հիմա էլ Մմերդակովն էր, որ զարմացած նայեց նրան. վերջապես երևի նա էլ շշմեց, երբ տեսավ, որ անկեղծ է Իվանի զգացած վախը:

— Բայց մի՞թե իսկապես ոչինչ չգիտեիր,— թոթովեց նա թերահավատորեն, ծուռ-ծուռ ժպտալով նրա երեսին:

Իվանը անընդհատ նայում էր նրան, կարծես լեզուն կապվել էր:

Ա՛խ մեր վանկան գնաց Պիտեր,

Չե՛մ սպասի ես նրան,—

հնչեց հանկարծ նրա գլխում:

— Գիտե՞ս ինչ. վախենում եմ, որ դու երազ ես, դու ուրվական ես իմ առաջ նստած,— թոթովեց նա:

— Ոչ մի ուրվական չկա այստեղ, միայն մենք երկուսս ենք, և մեկ էլ մի երրորդը: Կասկած չկա, նա այստեղ է հիմա, այդ երրորդը՝ մեր երկուսի միջև:

— Ո՞վ է: Ո՞վ կա այստեղ: Ո՞վ է երրորդը,— բացականչեց Իվան Ֆյոդորովիչը վախեցած, և շուրջը նայեց՝ աչքերն շտապ-շտապ մի անկյունից մյուսը տանելով:

— Այդ երրորդը աստվածն է, նույնինքն նախախնամությունը. նա հիմա այստեղ է, մեզ մոտ, միայն թե մի՛ փնտրեք նրան, չեք գտնի:

— Սո՛ւտ ես ասում, որ դու ես սպանել,— կատաղորեն բղավեց Իվանը:— Դու կա՛մ խելագար ես, կամ էլ իմ հոգու հետ ես խաղում, ինչպես անցյալ անգամ:

Մմերդակովը դեռ շարունակում էր հետաքրքրությամբ հետևել նրան, բոլորովին չվախենալով: Դեռ ոչ մի կերպ չէր կարողանում հաղթահարել իր թերահավատությունը, դեռ նրան թվում էր, թե Իվանը «ամեն ինչ գիտե», քայց պարզապես այդպես է ձևացնում, որպեսզի «հենց իր աչքի առաջ ամեն ինչ իր վրա գցի»:

— Սպասեք մի րոպե,— ասաց նա ի վերջո թույլ ձայնով և

հանկարծ, սեղանի տակից դուրս հանելով իր ձախ ոտքը, սկսեց տաբատը վեր ծալել: Երկար ու սպիտակ գուլպա էր հագել և հողաթափ: Առանց շտապելու արձակեց կապիչը և մատները խցկեց գուլպայի մեջ, մինչև խորքը: Իվան Ֆյոդորովիչը նայում էր նրան և հանկարծ ցնցվեց՝ սարսափից ջղաձգվելով:

— Գի՛ժ, խելագա՛ր,— բղավեց նա և, արագորեն ցատկելով տեղից, ետ նետվեց, այնպես որ մեջքով զարնվեց պատին ու կարծես կպավ-մնաց, ոտից գլուխ ձգվելով ու քարանալով: Խելահեղ սարսափով նայում էր Սմերդյակովին: Իսկ Սմերդյակովը, առանց մազաչափ անգամ ազդվելու նրա սարսափից, շարունակում էր քրքրել գուլպայի խորքերը, կարծես ջանալով մի բան բռնել այնտեղ մատներով ու դուրս քաշել: Իվան Ֆյոդորովիչը տեսավ, որ ինչ-որ թղթեր էին դրանք կամ թղթերի մի ծրար: Սմերդյակովը դուրս քաշեց ծրարը և դրեց սեղանի վրա:

— Ահա՛,— ասաց նա մեղմորեն:

— Ի՞նչ է,— պատասխանեց Իվանը դողալով:

— Հաճեցե՞ք նայել,— նույն մեղմ ձայնով ասաց Սմերդյակովը:

Իվանը մոտեցավ սեղանին, վերցրեց ծրարը և սկսեց բանալ, բայց հանկարծ մատները ետ քաշեց, կարծես նողկալի, սարսափելի մի սողունի էր դիպել:

— Ձեր մատները անընդհատ ցնցվում են է՛, դող է բռնել,— նկատեց Սմերդյակովը և ինքն անձամբ, առանց շտապելու, բացեց ծրարը: Հարյուր ուրբիանոց վարդագույն բանկնոտների երեք կապոց կար ծրարի մեջ:

— Ամբողջն էլ այստեղ է, ամբողջ երեք հազարը, կարող եք չհաշվել: Վերցրե՞ք,— առաջարկեց նա Իվանին, գլխի շարժումով ցույց տալով փողը: Իվանը փուլ եկավ աթոռին: Պատի պես գունատ էր:

— Վախեցրի՞ր ինձ... այդ գուլպայովդ...— ասաց նա, մի տեսակ տարօրինակ ժպտալով:

— Բայց իրո՞ք, իրո՞ք մինչև հիմա չգիտեիք,— կրկին հարցրեց Սմերդյակովը:

— Ձէ, չգիտեի: Միշտ էլ մտածում էի, որ Դմիտրին է: Եղբա՛յր իմ: Եղբա՛յր: Ա՛խ:— Նա հանկարծ երկու ձեռքով բռնեց գլուխը:— Լսի՛ր. մենա՞կ ես սպանել: Առա՞նց եղբորս, թե եղբորս հետ:

— Միայն ձեզ հետ, ձեզ հետ միասին եմ սպանել, իսկ Դմիտրի Ֆյոդորովիչն այնպես էլ ոչ մի մեղք չունի:

— Լավ, լավ... Իմ մասին հետո: Ինչո՞ւ եմ այսպես անընդհատ դողում... Բառերը չեմ կարողանում արտասանել:

— Միշտ էլ քաշ էիք այն ժամանակ, այսինքն թե «ամեն ինչ թուլյատրելի է» ասում էիք, իսկ հիմա ա՛յ թե վախեցաք այսպես, հա՛,— քրթմնջում էր Սմերդյակովը, զարմանալով:— Լիմոնադ չե՞ք ուզում, անմիջապես կասեմ, որ բերեն: Շատ լավ կթարմացնի: Միայն թե նախ այս բանը պետք է ծածկել:

Եվ նա նորից գլխով ցույց տվեց փողը: Նա հենց վեր էջ կենում, որպեսզի դռնից կանչի Մարյա Կոնդրատենային և ասի, որ պատրաստի ու բերի լիմոնադը, բայց նախ մի բան փնտրեց փողը ծածկելու և աղջկա աչքից թաքցնելու համար. սկզբում թաշկինակը հանեց, բայց որովհետև դա շատ կեղտոտ էր նորից, վերցրեց այն հաստ ու դեղին գիրքը, որ Իվանը ներս մտնելու ժամանակ նկատել էր սեղանին, և դրեց փողի կապոցների վրա: Գիրքը կոչվում էր «Սրբո հորն մերո Իսահակ Ասորու ճառերը»: Իվան Ֆյոդորովիչը մեքենաբար կարդաց վերնագիրը:

— Լիմոնադ չեմ ուզում,— ասաց նա:— Իմ մասին՝ հետո: Նստի՛ր ու պատմի՛ր՝ ինչպե՞ս արեցի՞ր այդ բանը: Ամեն ինչ պատմի՛ր...

— Գոնե վերարկուն հանեիք, թե չէ կթրտնեք:

Իվան Ֆյոդորովիչը, կարծես հիմա միայն գլխի քնկնելով, քաշեց-հանեց վերարկուն և, առանց աթոռից վեր կենալու, նետեց նստարանի վրա:

— Դե պատմի՛ր, պատմի՛ր խնդրեմ:

Խաղաղվել էր կարծես: Վստահ սպասում էր, որ Սմերդյակովը ամեն ինչ կասի հիմա:

— Պատմեմ, թե ինչպե՞ս կատարվեց դա,— հառաչեց Սմերդյակովը:— Ամենաբնական ձևով կատարվեց, հենց այն ձևի խոսքերից ելնելով...

— Իմ խոսքերի մասին՝ հետո,— ընդհատեց նորից Իվանը, բայց արդեն ոչ թե առաջվա նման գոռալով, այլ հաստատորեն արտասանելով բառերը և կարծես լիովին իշխելով իրեն:— Միայն թե մանրամասն պատմի՛ր ինչպե՞ս արեցի՞ր այդ բանը: Կարգով պատմի՛ր ամեն ինչ: Ոչինչ մի՛ մոռանա: Մանրամասն ու թյունները, հատկապես մանրամասնությունները: Խնդրում եմ:

— Դուք գնացիք, հետո ես նկուղ ընկա...

— Իսկապես նույն էր, թե կեղծեցիր:

— Պարզ է, որ կեղծեցի: Ամեն ինչ կեղծեցի: Սանդուղքից հանգիստ իշա, հենց մինչև հատակը, հանգիստ պառկեցի այնտեղ, և հենց որ պառկեցի, սկսեցի գոռալ: Եվ երբ դուրս էին տանում, ցնցվում էի:

— Սպասիր: Եվ շարունակ կեղծո՞ւմ էիր, հետո՞ էլ, հիվանդանոցո՞ւմ էլ:

— Չէ, բնավ երբեք: Հենց հաջորդ օրը, առավոտ շուտ, դեռ հիվանդանոց տանելուց առաջ, իսկականը խփեց, և այնքան ուժեղ նույն էր, որ արդեն քանի՜ տարի է այդպիսի բան չէր եղել: Երկու օր բուրդովին կորցրել էի ուշքս:

— Լավ, լավ: Շարունակիր:

— Դրեցին ինձ այն անկողնի վրա, հենց գիտեի, որ այնտեղ էլ կդնեն, այն բարակ պատի ետևը, որովհետև ամեն անգամ, երբ հիվանդ էի լինում, Մարֆա Իգնատևնան գիշերը ինձ պառկեցնում էր հենց այդ բարակ պատի ետևը, իրենց մոտ: Նա միշտ էլ ինձ քնքուշ է վերաբերվել, հենց իմ ծնված օրից: Գիշերը տնքում էի, միայն թե մեղմ: Անընդհատ սպասում էի Դմիտրի Ֆյոդորովիչին:

— Ինչպե՞ս թե սպասում էիր: Քեզ մո՞տ էր գալու:

— Ինչո՞ւ ինձ մոտ: Սպասում էի, որ կգա, տուն կմտնի, որովհետև այլևս ինձ համար ոչ մի տարակույս չկար, որ նա հենց այդ գիշեր կգա, քանի որ այլևս ինձ շտեմեցնում և ոչ մի լուր չստանալով՝ անպայման ստիպված էր ինքը անձամբ տուն մտնել ցանկապատից, ինչպես որ կարող էր արդեն, և մտնելուց հետո մի բան պիտի անե՞ր:

— Իսկ եթե չգա՞ր:

— Այդ դեպքում ոչինչ չէր պատահի: Առանց նրան ես սիրտ չէի անի:

— Լավ, լավ... ավելի հասկանալի պատմիր, մի՞ շտապիր. և մանավանդ՝ ոչինչ բաց մի՞ թողնի:

— Սպասում էի, որ նա կսպանի Ֆյոդոր Պավլովիչին... հաստատ կսպանի: Որովհետև այդպես նախապատրաստել էի նրան... վերջին օրերը... և մանավանդ որ այդ նշանները իմացել էր արդեն: Նրա կասկածամտությունը և այն կատաղությունը, որ այդ օրերին կուտակվել էր նրա մեջ, պետք է անպայման

ստիպեին նրան, որ այդ նշանների միջոցով հենց տան ներսը մտնի: Անպայման: Հենց այդպես էլ սպասում էի:

— Կա՛ց, — ընդհատեց Իվանը, — եթե նա սպաներ, ուրեմն կվերցնեի ու կտանեի փողը. հենց այդպես պետք է մտածեիր, չէ՞: Դրանից հետո քե՞զ ինչ էր հասնելու: Չեմ տեսնում այդ բանը:

— Բայց նա երբեք էլ չէր կարող փողը գտնել: Ես հենց միայն ասել էի նրան, որ փողը անկողնի տակ է: Բայց դա ճիշտ չէր: Առաջ տուփի մեջ էր փողը, հասկանո՞ւմ եք: Իսկ հետո, քանի որ Ֆյոդոր Պավլովիչը ամբողջ աշխարհում միայն ինձ էր վստահում, ես նրան միտք տվի, որ այն փողի ծրարը պահի անկյունում, սրբապատկերների ետևը, որովհետև ոչ ոքի մտքով էլ չէր անցնի այդտեղ նայել, մանավանդ եթե աճապարանքով ներս մտնի: Այնպես որ, այդ ծրարը հենց այդտեղ էր, սրբապատկերների ետևը: Իսկ անկողնի տակ պահելը բուրդովին ծիծաղելի կլիներ, տուփը գոնե կարելի էր բանալիով կողպել: Բայց այստեղ հիմա բուրդն էր հավատացել են, որ անկողնի տակ էր փողը: Հիմար դատողություն: Այ ուրեմն եթե Դմիտրի Ֆյոդորովիչը կատարեր հենց այդ սպանողությունը, ոչինչ չէր գտնի և շտապ կփախչեր, ամեն մի խռոցից վախենալով, ինչպես միշտ էլ լինում է սպանիչներին, կամ էլ թե չէ՝ կձերբակալվեր: Այնպես որ այդ դեպքում ես միշտ էլ կարող էի, ասենք հաջորդ օրը, կամ էլ հենց նույն գիշերը ելնել սրբապատկերների ետևը, այդ փողը վերցնել ու տանել, և ամեն ինչ Դմիտրի Ֆյոդորովիչի վրա կզցեին: Միշտ էլ կարող էի դրա վրա հույս դնել:

— Լավ, բայց եթե չսպաներ, այլ պարզապես ծեծե՞ր:

— Եթե չսպաներ, ես անշուշտ չէի համարձակվի փողը վերցնել և ամեն ինչ զուր կլիներ: Բայց այսպիսի հաշիվ էլ կարնա այնպես կծեծի, որ Ֆյոդոր Պավլովիչը ուշքը կկորցնի, ես էլ այն ժամանակ կհասնեմ ու կվերցնեմ փողը, իսկ հետո Ֆյոդոր Պավլովիչին այնպես կասեմ, որ հենց միայն Դմիտրի Ֆյոդորովիչն է փողը հափշտակել, նրան ծեծելուց հետո, ուրիշ ոչ ոք:

— Սպասիր... խառնում եմ արդեն: Ուրեմն, համենայն դեպքս Դմիտրի սպանեց, իսկ դու միայն փողը վերցրիր:

— Չէ, նա չի սպանել: Ինչ կա որ, ես հիմա էլ կարող էի ձեռք ասել, որ սպանիչը նա է... Բայց չեմ ուզում հիմա ձեր առաջ սուտ ասել, որովհետև... որովհետև եթե դուք իսկապես, ինչպես

ինքս էլ տեսնում եմ, մինչև այս րոպես ոչինչ չէիք հասկանում և ձևեր չէիք թափում, որ ձեր բացա՛հայտ մեղքը հենց իմ երեսին գցեք, համենայն դեպս նորից էլ դուք եք մեղավորը ամեն ինչում, որովհետև գիտեիք սպանողության մասին և ինձ էլ հանձնարարեցիք սպանողության գործը, իսկ ինքներդ, ամեն ինչ իմանալով հանդերձ, ելաք գնացիք: Դրա համար էլ ուզում եմ այս երեկո ձեր երեսին ապացուցել, որ այս բոլորի մեջ գլխավոր սպանիչը միայն դուք եք, իսկ ես բոլորովին երկրորդական եմ, թեև ես եմ սպանել: Իսկ ամենաօրինավոր սպանիչը հենց դո՛ւք եք:

— Ինչո՞ւ, ինչո՞ւ եմ մարդասպան: Օ՛ր աստված իմ,— չդիմացավ վերջապես Իվանը, մոռանալով, որ իրեն վերաբերող բոլոր հարցերը թողել էր պարզելու խոսակցության վերջում: Այդ նույն Չերմաշնյայի հա՛րցն է նորից: Սպասիր, ասա՛ ինձ, ինչո՞ւ քեզ պետք էր իմ համաձայնությունը, եթե իրոք Չերմաշնյան որպես համաձայնություն ընդունեցիր: Հիմա՞ ինչպես կբացատրես այդ բանը:

— Վստահ լինելով ձեր համաձայնության, ես արդեն կիմանայի, որ դուք, վերադառնալուց հետո, այդ կորած երեք հազարի համար աղմուկ-աղաղակ չեք բարձրացնի, եթե մի որևէ պատճառով իշխանությունը ինձ վրա կասկածեր Դմիտրի Ֆյոդորովիչի տեղ կամ էլ որպես Դմիտրի Ֆյոդորովիչի մեղսակից ընդհակառակը ինձ կպաշտպանեիք ուրիշներից... Իսկ ժառանգությունը ստանալով, հետագա ձեր ամբողջ կյանքում, երբ որ կարողանայիք, այնպես էլ կվարձատրեիք ինձ, որովհետև համենայն դեպս այդ ժառանգությունը ի՛մ միջոցով ստացած կլինեիք, այնինչ եթե Ագրաֆենա Ալեքսանդրովնայի հետ ամուսնանար՝ ճիվերս միայն կստանայիք:

— Հա՛: Ուրեմն դու միտք ունեիր հետո՞ էլ տանջել ինձ, ամբո՞ղջ իմ կյանքում,— կրճտացրեց Իվանը:— Հապա՞ եթե շգնայի այն ժամանակ, այլ ուղղակի հայտնեի քո մասին:

— Իսկ ի՞նչ կարող էիք հայտնել այն ժամանակ: Թե ես ձեզ համոզում եմ Չերմաշնյա՞ գնալ: Բայց դա հիմարություն է, չէ՞: Բացի այդ, մեր խոսակցությունից հետո կա՞մ պիտի գնայիք, կամ էլ մնայիք: Եթե մնայիք, ուրեմն ոչինչ էլ չէր պատահի, այնպես էլ կիմանայի, որ դուք չեք ուզում այդ բանը, և ոչ մի քայլ չէի անի: Բայց քանի որ գնացիք արդեն, ուրեմն, նշանակում է, ինձ վստահացրիք, որ չեք համարձակվի իմ դեմ:

հայտնել դատարանին և այդ երեք հազարն էլ ներում եք ինձ: Եվ բոլորովին չէիք էլ կարող հալածել հետո, որովհետև այդ դեպքում ես ամեն ինչ կպատմեի դատարանում, այսինքն ոչ թե այն, որ ես գողացել եմ կամ սպանել (այդ բանը չէի ասի), այլ այն, որ դուք ինքներդ ինձ դրդում էիք գողանալ ու սպանել, բայց ես պարզապես չհամաձայնվեցի: Հենց դրա համար էլ այն ժամանակ ինձ պետք էր ձեր համաձայնությունը, որ դուք ոչ մի բանով չկարողանայիք նեղը դնել ինձ, որովհետև ի՞նչ ապացույց կարող էիք բերել որ, իսկ ես միշտ էլ կարող էի ձեզ նեղը դնել, մեջտեղ հանելով, թե ինչպիսի մարմաջ ունեիք ձեր ծնողի մահվան, և այ ասում եմ՝ հասարակության մեջ բոլորն էլ դրան կհավատային և դուք ամոթով կմնայիք ամբողջ կյանքում:

— Ուրեմն ունեի՞, ունեի՞ այդ մարմաջը, ունեի՞,— կրճտացրեց նորից Իվանը:

— Անպայման ունեիք և ձեր համաձայնությամբ դուք լուռումունջ թույլ տվիք ինձ, որ անեմ այդ գործը,— Սմերդյակովն անհողորդդ նայեց Իվանին: Շատ տկար էր նա և խոսում էր մեղմ ու հոգնած, բայց ներքին թաքուն մի բան հրահրում էր նրան, երևի մի որևէ մտադրություն ուներ: Իվանը նախազգաց այդ բանը:

— Շարունակիր,— ասաց նա,— շարունակիր այդ գիշերվա մասին:

— Էլ ի՞նչ շարունակեմ: Պառկել էի ուրեմն, և մեկ էլ լսեցի՝ Ֆյոդոր Պավլովիչը կարծես թե գոռաց: Իսկ դրանից առաջ Գրիգորի Վասիլևիչը հանկարծ վեր էր կացել ու գնացել էր դուրս, և հանկարծ բոռացել էր, հետո ամեն ինչ լուռ էր, խավար: Պառկել եմ, սպասում եմ, սիրտս խփում է, շեմ կարողանում համբերել: Վեր կացա վերջապես ու գնացի. տեսնում եմ՝ ձախ կողմից պատուհանը բաց է այգու վրա, մի քանի քայլ էլ գնացի ձախ, որ ահանջ դնեմ՝ ողջ-առողջ նստե՛լ է այնտեղ, թե չէ, և լսեցի՝ Ֆյոդոր Պավլովիչը ետ ու առաջ է անում, ախ է քաշում, ուրեմն ողջ է: Է՛խ, մտածեցի: Մոտեցա պատուհանին, «Ես եմ» գոռացի նրան: Իսկ նա թե՛ «Այստեղ էր, այստեղ էր, փախա՛վ»: Այսինքն ուզում էր ասել՝ Դմիտրի Ֆյոդորովիչը: «Գրիգորիին սպանե՛ց»։— «Որտե՞ղ»,— փսփսացի ես: «Այնտեղ, անկյունում»,— ցույց տվեց նա, ինքն էլ փսփսաց: «Սպասե՛ք»,— ասացի: Գնացի անկյունը, փնտրելու, և պատի մոտ էլ հենց դեմ առա Գրիգորի Վասիլևիչին՝ պառկել էր արյունվա, ուշքը կորցրած:

«Ուրեմն ճիշտ է, որ Դմիտրի Ֆյոդորովիչն է եկել»,— անցավ անմիջապես մաքուր, և իսկույն տեղն ու տեղը որոշեցի հենց միանգամից վերջացնել գործը, քանի որ Գրիգորի Վասիլևիչը եթե դեռ ողջ էլ էր, առայժմ ոչինչ չէր տեսնի՝ այդպես անզգա պառկած։ Միակ վտանգը այն էր, որ հանկարծ Մարֆա Իգնատևնան կարող էր զարթնել։ Զգացի դա այդ բոլորին, բայց այդ մարմաջը ինձ բռնել էր արդեն, այնքան, որ շունչս կտրվեց։ Նորից եկա պատուհանի տակ և ասացի Ֆյոդոր Պավլովիչին. «Այստեղ է, եկել է, Ագրաֆենա Ալեքսանդրովնան է եկել, ուզում է ներս գալ»։ Ուղղակի ոտից գլուխ ցնցվեց երեխայի նման։ «Ո՞ւր այստեղ, Ո՞ւր»,— հառաչեց ուղղակի, բայց դեռ չէր հավատում։ «Այնտեղ կանգնել է,— ասացի,— բաց արեք»։ Հենց պատուհանից էլ նայում էր ինձ, հավատում էր ու չէր հավատում, բայց վախենում էր դուռը բանալ. է՛, ինձնից էլ արդեն վախենում է, մտածեցի։ Եվ ծիծաղելի բան. հանկարծ խելքիս փչեց, որ այդ նշանը թխկացնեմ պատուհանի շրջանակին, հենց իր աչքի առաջ, այսինքն թե Գրուշենկան է եկել. խոսքերիս կարծես թե չէր հավատում, բայց հենց որ նշանը թխկացրի, անմիջապես վազեց դուռը բանալու։ Բացեց։ Ներս էի մտնում, բայց նա կանգնել էր, մարմնով փակել ճանապարհը, չէր թողնում։ «Ո՞ւր է նա, ո՞ւր»,— նայում է ինձ ու դողում է։ է՛, մտածեցի, եթե այսպես վախենում է ինձնից, վա՛տ է բանը։ Եվ մեկ էլ ոտքերս թուլացան վախից, որ նա ինձ ներս չի թողնի, կամ էլ կգոռա, կամ հանկարծ Մարֆա Իգնատևնան կվազի-կզա, և կամ էլ մի որևէ բան կպատահի. էլ շեմ հիշում, երևի գույնս գցել կանգնել էի նրա առաջ։ «Այնտեղ է ախր, այնտեղ,— փսփսացի,— պատուհանի տակ, ինչպե՞ս շտեսաք նրան»։— «Իսկ դու բե՛ր նրան այստեղ, բե՛ր նրան այստեղ»։— «Վախենում է,— ասացի,— գոռոցից վախեցել, թփի տակ է թաքնվել, գնացեք ինքներդ կանչեցե՞ք ձեր սենյակից»։ Վազեց ներս, մոտեցավ պատուհանին, մոմը դրեց պատուհանի մեջ։ «Գրո՞ւշենկա,— կանչեց,— Գրուշենկա, այստե՞ղ ես»։ Այդպես կանչում էր, բայց չէր ուզում պատուհանից դուրս թեքվել, չէր ուզում ինձնից մի քայլ հեռանալ, հենց այդ ահուգողից էր, որովհետև շատ էր վախեցել ինձնից, դրա համար էլ չէր համարձակվում իմ կողքից հեռանալ։ «Ա՛յ այնտեղ է,— ասացի ես (մոտեցա պատուհանին, ինքս լրիվ դուրս թեքվեցի),— ա՛յ այնտեղ, թփի մեջ, ձի-

ծաղում է ձեզ, տեսնո՞ւմ եք»։ Մեկին հավատաց, ուղղակի սկսեց դողալ, սոսկալի սիրահարված էր ախր. և ամբողջ մարմնով պատուհանից դուրս թեքվեց։ Ես իսկույն վերցրի այն երկաթե մամլակը, նրա սեղանի վրա էր, հիշո՞ւմ եք, մի երեք ֆունտ կլինի ծանրությունը. թափ առա և ետեից... ուղղակի գագաթին՝ մամլակի անկյունով։ Զգոռաց նույնիսկ։ Միայն փուլ եկավ հանկարծ, իսկ ես մի անգամ էլ խփեցի, երրորդ անգամ էլ։ Երրորդին զգացի, որ ջարդեցի գանգը։ Հանկարծ մեջքի վրա ընկավ, երեսը վեր, ամբողջ արյուն։ Նայեցի շուրջս, արյուն չկար վրաս, չէր ցայտել. մամլակը սրբեցի, տեղը դրի, ելա սրբապատկերների մոտ, ծրարից հանեցի փողը, իսկ ծրարը գցեցի հատակին, վարդագույն ժապավենն էլ կողքը։ Իջա այգի, ոտից գլուխ դողում էի։ Մոտեցա ուղղակի այն խնձորենուն, որի վրա խոռոչ կա, գիտե՞ք այդ խոռոչը. իսկ ես արդեն վաղուց էի նկատի առել, այնտեղ արդեն մի լաթի կտոր ու թուղթ կար, վաղուց էի պատրաստել։ Ամբողջ գումարը փաթաթեցի թղթի մեջ, հետո էլ լաթի մեջ և խցկեցի դրա խորքը։ Այդպես էլ երկու շաբաթից ավելի մնաց այնտեղ, այ հենց այս գումարը, հետո երբ հիվանդանոցից դուրս եկա՝ հանեցի։ Ուրեմն այգուց ետ եկա, պառկեցի անկողնիս և ահուգողով մտածեցի։ «Եթե Գրիգորի Վասիլևիչը ուղղակի սպանված է, այդ դեպքում շատ վատ կարող է լինել, իսկ եթե չի սպանված և ուշքի գա, շա՛տ լավ կլինի, որովհետև այդ դեպքում նա վկա է, որ Դմիտրի Ֆյոդորովիչը եկել էր, ուրեմն հենց նա է սպանել ու փողը տարել»։ Եվ սկսեցի երկմտանքից ու անհամբերությունից տնքալ, որպեսզի շուտով արթնացնեմ Մարֆա Իգնատևնային։ Վերջապես նա վեր կացավ, ուղղակի վազեց ինձ մոտ, բայց երբ հանկարծ տեսավ, որ Գրիգորի Վասիլևիչը չկա, վազելով դուրս գնաց, հետո լսեցի՝ սկսեց ճչալ։ է՛հ, դրանից հետո այդ ամբողջը շարունակվեց մինչև առավոտ, իսկ իմ սիրտն էլ լրիվ հանգստացավ այլևս։

Սմերդյակովը կանգ առավ։ Իվանը մեռելային լուծվան մեջ լսել էր նրան շարունակ, առանց շարժվելու, աչքերը չհեռացնելով նրանից։ Իսկ Սմերդյակովը պատմելու ընթացքում մեկ-մեկ միայն նայում էր նրան, ավելի շատ մի կողմ էր թեքում հայացքը։ Երբ վերջացրեց իր պատմությունը, հայտնապես հուզվել էր ու ծանր էր շնչում։ Դեմքին քրտինք երևաց։ Բայց կարելի չէր կռահել՝ զղջահարություն էր զգում, թե ինչ։

— Սպասիր,— վրա բերեց Իվանը, մի բան մտածելով։—

Իսկ դո՞ւուր: Եթե նա քո՝ առաջ միայն բացեց, հապա ինչպե՞ս կարող էր Գրիգորին դուր բաց տեսնել մինչ այդ: Որովհետև Գրիգորին մինչև քո գալն է տեսել, չէ՞:

Ուշագրավ է այն, որ Իվանը հարցնում էր խաղաղ ձայնով, կարծես բոլորովին ուրիշ, բոլորովին անհիշաշար շեշտով նույնիսկ, այնպես որ եթե որևէ մեկը դուր բանար այդ ընկերին ու շեմքից նայեր նրանց, անպայման կգար այն եզրակացություն, որ նստել ու հաշտ ու խաղաղ խոսում են մի որևէ սովորական, թեև հետաքրքրաշարժ նյութի մասին:

— Ինչ վերաբերում է այդ դռանը, և որ Գրիգորի վասիլևիչը իբր թե տեսել է, որ բաց էր, դա պարզապես նրան թվացել է,— ասաց Սմերդյակովը, ծուռ ժպտալով:— Նա հո մարդ չէ, ասեմ ձեզ, համառ ջորու նման մի բան է. չի էլ տեսել, բայց իրեն թվացել է, որ տեսել է և էլ չեք կարող տեղից շարժել նրան: Է՛հ, մեր բախտը բերեց, որ նա հնարեց այդ բանը, որովհետև Գմիտրի Ֆյոդորովիչին լրիվ կմերկացնեն դրանից հետո, անպայման:

— Լսի՛ր,— ասաց Իվան Ֆյոդորովիչը, կարծես նորից սկսելով գլուխը կորցնել ու մի բան մտաբերելու ճիգ անելով,— Լսիր... Ես դեռ շատ բան ուզում էի հարցնել Ձեզ, բայց մոռացա... Անընդհատ մոռանում եմ ու խառնում իրար... Հա՛, այդ Գոնե այս մի բանը ասա ինձ. ինչո՞ւ բացեցիր ծրարը և հենց այնտեղ էլ թողեցիր, հատակին: Ինչո՞ւ պարզապես վերցնելով շտարար ծրարը... Երբ պատմում էիր, ինձ թվաց, թե այնպես խոսեցիր այդ ծրարի մասին, որ կարծես հենց այդպես էլ պետք է վարվեիր... Իսկ ինչո՞ւ այդպես պետք է վարվեիր՝ չեմ կարողանում հասկանալ...

— Այդպես արեցի որոշ պատճառով: Որովհետև՝ եթե մարդս գիտի բանը և սովոր է դրան, ինչպես որ ես, օրինակ, որ այդ փողը առաջուց տեսել էի և գուցե ինքս էլ դրել այդ ծրարի մեջ, հետո էլ իմ սեփական աչքերով նայել էի, թե ինչպես կնքվեց դա և վրան էլ գրվեց, ուրեմն այդպիսի մարդը, եթե, օրինակ, նա է սպանել, ինչո՞ւ համար սպանողությունից հետո պետք է սկսեր բաց անել ծրարը, այն էլ այդպիսի հապճեպության մեջ, առանց այն էլ արդեն բոլորովին հաստատ իմանալով, որ փողը անպայման այդ ծրարի մեջ է: Ընդհակառակը, եթե նա գող է, ինչպես որ ես, օրինակ, ուրեմն պարզապես այդ ծրարը պետք է գրպանը խոթեր, բոլորովին էլ չբանալով և շուտով պետք է

ծկեր: Բոլորովին ուրիշ բան է, եթե Գմիտրի Ֆյոդորովիչը լիներ. նա ծրարի մասին լսել էր միայն, իր աչքերով չէր տեսել, և եթե, օրինակ, վերցնում է ծրարը, իբր թե անկողնի տակից, ուրեմն շուտով տեղն ու տեղը պետք է բաց անի, որպեսզի իմանա՝ իսկապես կա՞ մեջը այդ փողը: Իսկ ծրարը այնտեղ էլ գցում է, այլևս չկարողանալով կշռադատել, որ կմնա որպես հանցանշան, որովհետև նա անվարժ գող է և դրանից առաջ երբեք էլ ոչ մի բան չի գողացել ուղղակի, ծնունդով ազնվական լինելով, իսկ եթե հիմա որոշել է գողանալ, կարծես թե եկել է ոչ թե հենց գողանալու համար, այլ պարզապես իր սեփական փողը ետ վերցնելու, քանի որ նախօրոք ամբողջ քաղաքին հայտարարել է դրա մասին և նույնիսկ առաջուց բացեիրբաց գլուխ է գովել բոլորի ներկայությամբ, որ կգնա և իր սեփականությունը կխլի Ֆյոդոր Պավլովիչի ձեռքից: Հենց այս միտքը ես դատախազին հասկացրի իմ հարցաքննության ժամանակ, ոչ թե բացեիրբաց, այլ ընդհակառակը, մի ակնարկությամբ գլխի գցեցի նրան, իբրև թե ես չեմ հասկանում և իբրև թե ի՞նքը խելքի ընկավ, ոչ թե ես հուշեցի. և նույնիսկ պարոն դատախազի բերնի ջրերը վազեցին իմ այդ ակնարկությունից...

— Բայց մի՞թե, մի՞թե այդ բոլորը դու տեղն ու տեղը մտածեցիր այդ ընկերին,— բացականչեց Իվան Ֆյոդորովիչը, զարմանքից այլալաված: Նա նորից վախով էր նայում Սմերդյակովին:

— Ի սե՛ր աստծո, կարելի՞ է այդ բոլորը մտածել այդպիսի հապճեպության մեջ: Առաջուց ամեն ինչ մտածվել էր:

— Դե՛... դե ուրեմն... հենց սատանան է օգնել Ձեզ,— բացականչեց նորից Իվան Ֆյոդորովիչը:— Ձե, դու հիմար չես, դու շատ ավելի խելացի ես, քան կարծում էի...

Նա վեր կացավ, սենյակում քայլելու ակնհայտ մտադրությամբ: Ահավոր մի տխրություն էր պատել նրան: Բայց քանի որ սեղանը փակել էր ճանապարհը և սեղանի ու պատի արանքից համարյա թե խցկվելով պետք էր անցնել, նա պարզապես դարձավ իր կանգնած տեղում և նորից նստեց: Գուցե հենց այն, որ չկարողացավ քայլել, ջղախոսությունը նրան հանկարծ, այնպես որ համարյա առաջվա պես մոլեգնորեն գոռաց միանգամից.

— Լսի՛ր, թշվառական, ստոր, անպե՛տք արարած: Չե՞ս հասկանում, ինչ է. եթե Ձեզ չսպանեցի մինչև հիմա, պատճառը պարզապես այն է, որ պահում եմ Ձեզ՝ վաղը պատասխան կտաս

դատարանում: Տեսնում է աստված,— ձեռքը բարձրացրեց Իվանը,— գուցե ես էլ մեղավոր էի, գուցե իրոք մի թաքուն ցանկութուն ունեի, որ... մեռնի հայրս, բայց երդվում եմ՝ ես այնքան մեղավոր չեի, որքան կարծում ես դու, և գուցե բոլորովին էլ չեմ դրդել քեզ: Ո՛ր, ո՛ր, չեմ դրդել: Բայց միևնույն է, ես ի՛նքս պիտի վկայութուն տամ իմ դեմ, հենց վաղը, դատարանում, վճռե՛լ եմ: Ամե՛ն ինչ կասեմ, ամեն ինչ: Բայց մենք միասին կենդակայանանք, քե՛զ հետ: Եվ դատարանում ի՛նչ էլ ասես իմ դեմ, ի՛նչ վկայութուն էլ տաս՝ ընդունում եմ և չեմ վախենում քեզնից: Ի՛նքս կհաստատեմ ամեն ինչ: Բայց դո՛ւ էլ պետք է խոստովանես դատարանի առաջ: Պե՛տք է, պե՛տք է խոստովանես, միասին կգնանք: Հենց այդպես էլ պետք է լինի:

Իվանը հանգիսավոր ու վճռականորեն ասաց այդ բանը, և միայն նրա փայլատակող հայացքից երևում էր արդեն, որ այդպես էլ պիտի լինի:

— Դուք հիվանդ եք, տեսնում եմ, կատարյալ հիվանդ եք: Ձեր աչքերը բոլորովին դեղնել են,— ասաց Սմերդյակովը, բայց առանց դուլզն հեզանքի, կարծես նույնիսկ կարեկցելով:

— Միասին կգնանք,— կրկնեց Իվանը,— իսկ եթե չգաս՝ միևնույն է, ես մենակս կխոստովանեմ:

Սմերդյակովը մի րոպե լուռ մնաց, կարծես խորհրդածելով:

— Ոչ մի այդպիսի բան չի լինելու, դո՛ւք էլ չեք գնալու,— որոշեց նա վերջապես կտրակաճորեն:

— Ձե՛ս հասկանում դու ինձ,— բացականչեց Իվանը կշտամբանքով:

— Չափից դուրս ամոթով կմնաք, եթե ամեն ինչ խոստովանեք: Եվ ավելին ասեմ՝ անօգուտ բան կլինի, բոլորովին անօգուտ, որովհետև ես ուղղակի կհայտարարեմ, որ ոչ մի այդպիսի բան չեմ ասել ձեզ երբե՛ք, և որ դուք կա՛մ հիվանդ եք (և հենց այդպես է կարծես թե), կամ էլ այնքան եք ցավել ձեր հեղձոր համար, որ զոհում եք ձեզ, իսկ այդ բոլորը հնարել եք իմ դեմ, քանի որ ինձ մժղուկի տեղ եք դրել ձեր ամբողջ կյանքում, ոչ թե մարդու տեղ: Եվ ո՞վ կհավատա ձեզ, և ի՛նչ ապացույց ունեք, գոնե մի հատիկ ապացույց:

— Լսի՛ր, այս փողը հիմա ցույց տվիր, որ անշուշտ համոզես ինձ:

Սմերդյակովը փողի վրայից վերցրեց Իսահակ Ասորու գիրքը և մի կողմ դրեց:

— Վերցրեք այս փողը և տարեք ձեզ հետ,— հառաչեց Սմերդյակովը:

— Իհա՛րկե կտանեմ: Բայց ինչո՞ւ ես ինձ տալիս, եթե սրա համար սպանեցիր,— մեծ զարմանքով նայեց նրան Իվանը:

— Բոլորովին պետք չէ ինձ այս փողը,— ասաց Սմերդյակովը դողացող ձայնով ու ձեռքը թափ տվեց:— Առաջ միտք ունեի, որ այսպիսի գումարով նոր կյանք սկսեմ Մոսկվայում, կամ էլ ավելի լավ է՝ արտասահմանում, այդպիսի մի երազ ունեի, և ամենից ավելի այն պատճառով, որ «ամեն ինչ թուլատրելի է»: Դա ճիշտ բան էր, որ սովորեցրիք ինձ, որովհետև այն ժամանակ դուք ինձ շատ էիք ասում դրա մասին. որովհետև՝ եթե անսկիզբ ու անվախճան աստված չկա, ուրեմն ոչ մի առաքինություն էլ չկա, և այդ դեպքում պետք էլ չէ առաքինություն կոչվածը: Ծիշտ էիք ասում: Հենց այդպես էլ դատեցի:

— Քո խելքո՞վ հասար դրան,— ծուռ ժպտաց Իվանը:

— Ձեր դեկավարությամբ:

— Իսկ հիմա ուրեմն հավատո՞ւմ ես աստծուն, քանի որ փողը ետ ես տալիս:

— Չէ, չեմ հավատում,— շնչաց Սմերդյակովը:

— Ուրեմն ինչո՞ւ ես տալիս:

— Դե բավական է... կարիք չկա,— նորից ձեռքը թափ տվեց Սմերդյակովը:— Այ դուք ինքներդ անընդհատ ասում էիք այն ժամանակ, որ ամեն ինչ թույլատրելի է, իսկ հիմա ինչո՞ւ եք այսպես տակնուվրա եղել, ինքներդ, հա՛: Նույնիսկ ուզում եք գնալ ու ինքներդ ձեր դեմ վկայութուն տալ... Միայն թե ոչ մի այդպիսի բան չի լինելու: Ձե՛ք գնա վկայութուն տալու,— վճռեց նորից Սմերդյակովը հաստատ ու համոզված:

— Կտեսնե՛ս,— ասաց Իվանը:

— Այդ բանը չի կարող լինել: Դուք շատ խելոք եք: Փող եք սիրում, գիտեմ դա, հարգանք ու պատիվ էլ եք սիրում, որովհետև շատ հպարտ եք, կանացի հրապույրները չափից ավելի եք սիրում, իսկ ամենից ավելի՝ հանգիստ ու ճոխ կյանքով ապրել և ոչ մեկի առաջ գլուխ չձռել: այս մեկը՝ ամենից ավելի: Չեք ուզենա ձեր կյանքը վերջնականապես փշացնել, դատարանում այդպիսի խայտառակություն ընդունելով: Դուք Ֆյոդոր Պավ-

լովիչի նման եք, ամենից ավելի, բոլոր գավակներէի մեջ ամենից ավելի դո՛ւք եք նրան քաշել, նույն հոգին ունեք:

— Դու անխելք չես,— ասաց Իվանը, մի տեսակ շշմած. արյունը խուժեց նրա դեմքին:— Առաջ կարծում էի, որ հիմար ես: Հիմա լո՛ւրջ ես դու,— նկատեց նա, հանկարծ մի նոր հայացքով նայելով Սմերդյակովին:

— Ձեր հպարտութունից էիք մտածում, որ ես հիմար եմ: Վերցրեք փողը:

Իվանը վերցրեց բանկնոտների երեք կապոցը և գրպանը դրեց, առանց որևէ բանի մեջ փաթաթելու:

— Վաղը դատարանում ցույց կտամ,— ասաց նա:

— Ոչ ոք ձեզ չի հավատա այնտեղ, քանի որ դուք հիմա ինքներդ էլ բավական փող ունեք. վերցրել եք ձեր դրամատուփից ու բերել դատարան:

Իվանը վեր կացավ:

— Կրկնում եմ, եթե շսպանեցի քեզ, պատճառը միայն այն է, որ դու ինձ պետք ես վաղը, հիշի՛ր դա, մի՛ մոռանա:

— Ինչ կա որ, սպանեցեք: Հիմա սպանեցեք,— հանկարծ տարօրինակորեն ասաց Սմերդյակովը, տարօրինակորեն նայելով Իվանին:— Այդ էլ չեք համարձակվի անել,— ավելացրեց նա, դառն ժպտալով,— ոչ մի բան չեք համարձակվի, դո՛ւք, որ առաջ հանդո՛ւզն մարդ էիք:

— Վա՛ղը կտեսնվենք,— գոռաց Իվանը և շարժվեց դեպի դուրս:

— Սպասեք... նորից ցույց տվեք ինձ այդ փողը:

Իվանը հանեց բանկնոտները և ցույց տվեց նրան: Սմերդյակովը մոտ տասը վայրկյան նայեց:

— Դե գնացեք,— ասաց նա, ձեռքը թափ տալով:— Իվան՝ Ֆյոդորովիչը,— նորից գոռաց հանկարծ նրա ետևից:

— Ի՛նչ է,— դարձավ Իվանը առանց կանգնելու:

— Մնա՛ք բարով:

— Մինչև վա՛ղը,— գոռաց նորից Իվանը և դուրս եկավ խրճիթից:

Չյունամրրիկը դեռ շարունակվում էր: Առաջին քայլերը կայտառ էին, բայց հանկարծ սկսեց մի տեսակ երերալ: «Ֆիզիկական մի բան է սա»,— մտածեց, ինքն իրեն ժպտալով: Ուրախության նման մի բան էր ծագել հիմա նրա հոգում: Անսասման մի ամբողջուն զգաց իր մեջ. վե՛րջ իր տատանումներին,

որոնք այնքան սոսկալիորեն տանջել էին իրեն այս մեկ-երկու ամսվա ընթացքում: Որոշումը տրված էր արդեն «և ալևս չի փոխվի»,— մտածեց նա երջանկությամբ: Այդ վայրկյանին հանկարծ ոտքը զարնվեց մի բանի և քիչ մնաց ընկներ: Կանգ առավ ու իր ոտքերի առաջ տեսավ այն գեղջուկին, որին ինքը գետին էր գցել. նույն տեղում պառկած մնացել էր նա, անզգա ու անշարժ: Չյունամրրիկն արդեն ծածկել էր համարյա ամբողջ դեմքը: Իվանը հանկարծ բռնեց նրան ու շալակը վերցրեց: Աջ կողմը լույս տեսնելով մի տնակի մեջ, մոտեցավ, թակեց փեղկը, և երբ տանտերը պատասխանեց իր կանչին, նրա օգնությունը խնդրեց, որ գեղջուկին տանեն ոստիկանատուն, խոստանալով անմիջապես երեք ռուբլի տալ դրա համար: Տանտերը պատգրաստվեց ու դուրս եկավ: Մանրամասնորեն չեմ նկարագրի, թե ինչպես Իվան Ֆյոդորովիչը կարողացավ հասնել իր նպատակին և գյուղացուն պատսպարել ոստիկանատանը, կարգադրելով, որ անմիջապես բժիշկ կանչվի ու քննություն կատարվի, ըստ որում նա նորից առատաձեռն եղավ, վճարելով «ծախսերի համար»: Անեմ միայն, որ գրեթե մի ամբողջ ժամ խլեց այդ գործը: Բայց Իվան Ֆյոդորովիչը գո՛հ մնաց: Նրա միտքը այդ ու ձախ աշխատում էր անընդհատ: «Եթե այսքան հաստատորեն որոշում չընդունեի վաղվա համար,— մտածեց նա հանկարծ հաճույքով,— մի ամբողջ ժամ կանգ չէի առնի գեղջուկին տեղավորելու, կանցնեի-կգնայի և կարևորություն անգամ չէի տա, որ նա սառչելու է... Բայց ինչպե՛ս կարողանում եմ դիտել ինքս ինձ,— մտածեց նա նույն ըրպեին ավելի մեծ հաճույքով,— իսկ նրանք որոշել են, որ ես խելագարվո՞ւմ եմ»: Հասնելով իր տունը, հանկարծ կանգ առավ՝ անակնկալ մի հարց տալով իրեն. «Իսկ պետք չէ՞ արդյոք հենց հիմա, այս ըրպեիս գնալ դատախազին ու հայտնել ամեն ինչ»: Հարցը լուժեց, նորից դեպի տուն դառնալով. «Վաղը ամեն ինչ միասին»,— շնչաց նա ինքն իրեն և, տարօրինակ բան, մի վայրկյանում չբացավ գրեթե ամբողջ ուրախությունը, ամբողջ իր ինքնագո՛հ վիճակը: Իսկ երբ իր սենյակը մտավ, հանկարծ սառցասառն մի բան դիպավ նրա սրտին, կարծես մի հիշատակ լինեք, ավելի ճիշտ՝ հիշեցում այն մասին, թե տանջալի, նողկալի մի բան կա հիմա հենց այս սենյակում, հենց այս ըրպեիս, մի բան, որ առաջ էլ եղել է այստեղ: Հոգնած փող եկավ իր բազմոցին: Պառավը ինքնահեռ բերեց: Իվանը թեյ պատրաստեց, բայց այնպես էլ թողեց առանց խմելու: Պառա-

վին արձակեց մինչև հաջորդ օրը: Նստել էր բազմոցին և գլխապտուլտ էր դգում: Զգում էր, որ հիվանդ է և ուժասպառ: Սկսել էր քունը տանել, բայց անհանգիստ վեր կացավ ու քայլեց սենյակում, որպեսզի քունը վանի: Լինում էին ընկերներ, երբ թվում էր իրեն, թե զառանցում է կարծես: Բայց հիվանդությունը չէր նրա մտահոգության գլխավոր առարկան. նորից նստելով, սկսեց մերթ ընդ մերթ շուրջը նայել, կարծես մի բան էր փնտրում: Մի քանի անգամ այգպես եղավ: Վերջապես նրա հայացքը մի կետի վրա սևեռվեց ու մնաց: Իվանը ժպտաց, բայց դեմքը կարմրեց դայրույթից: Երկար նստեց նա իր տեղում, գլուխը երկու ձեռքի վրա ամուր հենած, և այնուամենայնիվ թեք-թեք նայելով այդ նույն կետին՝ դիմացի պատի տակ դրված բազմոցին: Երևի մի բան կար այնտեղ, մի առարկա, որ շղայնացնում էր նրան, խոռվում, տանջում:

IX

ՍԱՏԱՆԱՆ: ԻՎԱՆ ՅՅՈՂՈՐՈՎԻՉԻ ՄՂՁԱՎԱՆԵՐ

Ես բժիշկ չեմ, բայց այնուամենայնիվ զգում եմ, որ հասավ այն ընկերներ, երբ ուղղակի անհրաժեշտորեն պետք է ընթերցողին գոնե մի որևէ շահով բացատրեմ Իվան Յյողորովիչի հիվանդության բնույթը: Կանխելով դեպքերի ընթացքը, միայն մի բան ասեմ. այդ պահին, հենց այդ երեկո, նրա մեջ սկիզբ էր առնում տենդայալը, որ վերջապես լիովին տիրել էր նրա վաղուց խախտված, բայց համառորեն հիվանդության դիմադրող կազմվածքին: Թեև ոչինչ չգիտեմ բժշկությունից, բայց հանգրգնեմ անել այն ենթադրությունը, թե զուցե իրոք, կամքի սուկալի լարումով, նա կարողացել էր առժամայես ետ մղել հիվանդությունը, հույս ունենալով անշուշտ, որ բոլորովին կհաղթահարի: Գիտեմ, որ անառողջ է, բայց, խորշանք զգալու շահի, չէր ուզում հիվանդ լինել այդ ժամանակ՝ իր կյանքի ճակատագրական ընթացքին, որոնք մոտենում էին ահա, և երբ պետք է գեմ հանդիման պատրաստ լիներ, համարձակորեն ու վճռականորեն ասեր իր խոսքը և անձամբ քարդարացներ ինքն իրեն իր առաջ: Բայց և այնպես, մի անգամ գնացել էր այն նոր բժշկի մոտ, որին Կատերինա Իվանովնան Մոսկվայից հրավիրել էր ցնորական մի նկատառումով, ինչպես նշել եմ արդեն: Բժիշ-

կը, լսելով ու քննելով Իվանին, եկել էր այն եզրակացություն, որ նույնիսկ ուղեղի խանգարման պես մի բան ունի նա, և բոլորովին չէր զարմացել, երբ Իվանը, խորշելով հանդերձ, մի որոշ խոստովանություն էր արել: «Զեր վիճակում շատ հնարավոր են զգայախարությունները,— որոշել էր բժիշկը,— թեև ավելի լավ կլիներ ստուգել դրանք... Իսկ ընդհանրապես անհրաժեշտ է լրջորեն սկսել բուժումը, առանց մի ընկալ կորցնելու, թե չէ վատ կլինի»: Բայց Իվան Յյողորովիչը, բանի տեղ չդնելով այդ ողջամիտ խորհուրդը, չէր պառկել բուժվելու. «Գեո կարողանում եմ քայլել, ուժերս տեղն են, եթե անկողին ընկնեմ՝ ուրիշ հարց, ով ուզում է թող բուժի այն ժամանակ»,— որոշեց նա, ձեռքը թափ տալով:

Այսպես ուրեմն, նա նստել էր հիմա, ինքն էլ համարյա գիտակցելով, որ զառանցանքի մեջ է, և ինչպես ասացի արդեն՝ համառորեն նայում էր դիմացի պատի տակ գտնվող բազմոցին: Հանկարծ այնտեղ երևաց մեկը, որ նստել էր, բայց աստված գիտե, թե ինչպես էր ներս մտնել, որովհետև երբ Իվան Յյողորովիչը, վերադառնալով Սմերդյակովի մոտից, իր սենյակը մտավ, այդպիսի մեկը չկար ներսում: Նստողը մի պարոն էր, ավելի ճիշտ՝ որոշ տեսակի մի ռուս ջենտլմեն, որ արդեն տարիքն առել էր, «qui faisait la cinquantaine»¹, ինչպես ասում են Ֆրանսիացիները, դեռ ոչ այնքան ալեհեր, սև, բավական երկար ու խիտ մազերով և փոքր, սրածայր մորուքով: Հագել էր սրճագույն մի բաճկոն, որ երևի լավագույն դերձակի ձեռքից էր ելել, բայց մաշված էր արդեն, մոտավորապես երեք տարի առաջվա նորաձևությամբ էր կարված այդ բաճկոնը, և այդ ձևն արդեն դուրս էր եկել գործածությունից, այնպես որ բարձրաշխարհիկ ու բարեկեցիկ մարդկանցից ոչ մեկը այդպիսի բան չէր հագնում երկու տարուց ի վեր: Նրա վերնաշապիկը, երկար, վզնոցի նման փողկապը և առհասարակ ամեն ինչ այնպես էր, ինչպես սովորաբար հագնում են բոլոր ջենտլմենները, բայց եթե ավելի մոտիկից նայեիր, վերնաշապիկը կեղտոտ էր մի քիչ, իսկ լայն վզնոցը շատ էր քրքրված: Հյուրի քառակուսավոր տաքատը հոյակապ էր նստում, բայց դարձյալ շափազանց բաց գույնի էր և շափազանց նեղ, իսկ հիմա արդեն այդքան նեղ չեն հագնում: Մպիտակ, փափուկ, բմբուլի գլխարկն էլ բնավ հարմար չէր

¹ «Որ հասունի մոտ էր» (ֆրանս.):

տարվա եղանակին: Մի խոսքով, արժանավայել արտաքին՝ նյութական շատ նեղ միջոցների ներած չափով: Կարծես թե այդ ջենտլմենը պատկանում էր նախկին դատարկապորտ կալվածատերերի այն դասին, որ բարգավաճում էր ճորտատիրական իրավունքի ժամանակ. երևում էր, որ աշխարհ տեսած և վայելուչ հասարակության մեջ ապրած մարդ էր նա, ժամանակին կապեր էր ունեցել և գուցե մինչև հիմա էլ պահպանել էր դրանք, բայց հետզհետե, երիտասարդ տարիների ուրախ կյանքից և ճորտատիրական իրավունքի վերացումից հետո աղքատանալով, դարձել էր մի տեսակ հաճելի նիստուկաց ունեցող ձրիակեր, որ քարշ է գալիս իր հին ու լավ ծանոթների տները, իսկ նրանք ընդունում են նրան՝ հարմարվող ու հոժարակամ բնավորության համար և նաև նկատի առնելով, որ համենայն դեպս կանոնավոր մարդ է նա և կարելի է նույնիսկ որևէ մեկի ներկայությամբ հրավիրել սեղանին մասնակցելու, թեև, անշուշտ, համեստ մի տեղ նստեցնելով: Այդպիսի ձրիակերները, հոժարակամ բնավորության տեր այդ ջենտլմենները, որ կարող են համովհոտով պատմել, թղթախաղի ընկեր լինել, և որ ուղղակի չեն սիրում իրենց պարտադրվող որևէ հանձնարարություն ստանձնել, նովորաբար միայնակ մարդիկ են՝ ամուրի կամ այրի. գուցե և երեխաներ ունեն, բայց նրանց երեխաները միշտ էլ աչքից հեռու մի տեղ են դաստիարակություն ստանում, մի որևէ հորաքրոջ կամ մորաքրոջ մոտ, որի մասին ջենտլմենը համարյա չի էլ հիշատակում վայելուչ հասարակության մեջ, կարծես մի քիչ ամաչելով այդպիսի ազգականությունից: Իսկ երեխաներից բոլորովին խորթանում է կամաց-կամաց, միայն մերթ ընդ մերթ նրանցից շնորհավորական նամակներ է ստանում ծննդյան տոնի կամ իր անվանակոչության առթիվ և երբեմն էլ նույնիսկ պատասխանում է նրանց:

Անսպասելի հյուրի դեմքին ոչ այնքան բարեհոգություն կար, որքան հենց հոժարակամություն, և նա պատրաստ էր, ըստ հանգամանքի, որևէ մի սիրալիր արտահայտություն ընդունելու ժամացույց շուներ, բայց ուներ կրեոսկրե լորնետ՝ սև ժապավենով: Աջ ձեռքի միջնամատին փայլում էր ոսկյա զանգվածեղ մի մատանի, որ էժանագին մի արևաքարով էր զարդարված: Իվան Ֆյոդորովիչը զայրալից լռում էր և չէր ուզում խոսակցություն սկսել: Հյուրն սպասում էր և նստել էր հենց ձրիակերի նման, որ դեռ նոր է իջել իրեն հատկացված սենյակից, որպես-

զի տանտիրոջը զրուցակից լինի թեյի ժամանակ, բայց խոնարհաբար լռում է, տեսնելով, որ տանտերն զբաղված է և խոժոռ դեմքով մտածում է մի բանի մասին: Սակայն նա պատրաստ էր որևէ սիրալիր խոսակցության, միայն թե սկսեր տանտերը: Հանկարծ նրա դեմքին մի տեսակ անակնկալ մտահոգություն երևաց:

— Լսիր,— սկսեց նա, դիմելով Իվան Ֆյոդորովիչին,— ներիր ինձ իհարկե, բայց պարզապես ուզում եմ հիշեցնել. դու Մամերդյակովի մոտ գնացել էիր Կատերինա Իվանովնայի մասին իմանալու համար, բայց դուրս եկար առանց որևէ բան իմանալու, երևի մոռացար...

— Ախ այո՞,— բացականչեց հանկարծ Իվանը, և նրա դեմքը մռայլվեց մտահոգությունից,— այո, մոռացա... Բայց հիմա միևնույն է արդեն, վա՛ղը ամեն ինչ,— մրթմրթաց նա ինքն իրեն:— Իսկ դու,— ջղայնորեն դիմեց նա հյուրին,— ես ինքս հիմա պետք է հիշեի, որովհետև հենց դա՛ էր տանջում ինձ: Ի՞նչ է այդպես մեջ ընկար, կարծում ես կհավատա՞մ, որ դու հուշեցիր ինձ, և ոչ թե ինքս հիշեցի:

— Է՛հ, մի՛ հավատա,— սիրալիր ժպտաց ջենտլմենը:— Էլ ի՞նչ հավատք, եթե բռնությամբ է լինելու: Մանավանդ որ, ապացույցները երբեք չեն օգնում հավատքին, հատկապես նյութական ապացույցները: Թովմասը հավատաց ոչ թե այն պատճառով, որ տեսավ հարուցյալ Քրիստոսին, այլ որովհետև նախօրոք ցանկանում էր հավատալ: Ահա, օրինակ ոգեհարցները... ես շատ եմ սիրում նրանց... երևակայիր, նրանք համարում են, որ օգտակար գործ են անում հավատքի համար, որովհետև սատանաները մյուս աշխարհից իրենց եղջյուրներն են ցույց տալիս նրանց: «Դա արդեն, այսպես ասած, նյութական ապացույց է, որ կա՛ մյուս աշխարհը»,— ասում են նրանք: Մյուս աշխարհը և նյութական ապացույցներ՝ հայ-հայ: Եվ վերջապես, եթե ապացուցված է սատանայի գոյությունը, դեռ հայտնի չէ, թե աստծո գոյությունը ապացուցված է: Ուզում եմ իդեալիստական մի ընկերության արձանագրվել, ընդդիմադիր կուսակցություն կազմել այնտեղ. կասեմ՝ ռեալիստ եմ, ոչ թե մատերիալիստ, հե-հե՛:

— Լսիր,— վեր կացավ հանկարծ Իվան Ֆյոդորովիչը սեղանից:— Ես հիմա կարծես զառանցում եմ... և... զառանցում եմ, իհարկե... փշի՛ր ինչ որ ուզում ես, ինձ համար միևնույնն է:

Դու ինձ կատաղության շնու հասցնի, ինչպես անցյալ անգամ եղավ: Միայն թե ամաշուստ եմ մի տեսակ... Ուզում եմ քայլել սենյակում... Սրբեք շնու տեսնում քեզ և նույնիսկ թո՛ ձայնն էլ շնու լսում, ինչպես անցյալ անգամ, բայց միշտ կոսհում եմ թո՛ գուրս տված հիմարությունները, որովհետև ե՛ս եմ ասում դրանք, ե՛ս եմ խոսում, ոչ թե դու: Միայն թե չգիտեմ, քնե՞լ էի անցյալ անգամ, թե բաց աչքերով էի տեսնում քեզ: Այ հիմա սրբիչը կթրջեմ պաղ ջրով ու կդնեմ գլխիս, գուցե թե ցնդես, չքանաս:

Իվան Յոյոզորովիչը գնաց անկյունը, սրբիչը վերցրեց, արեց իր ասածը և թաց սրբիչը գլխին դրած՝ սկսեց ետ ու առաջ անել սենյակում:

— Ինձ դուր է գալիս, որ մենք ուղղակի դառնեք ասում իրար,— սկսեց հյուրը:

— Տխմա՛ր,— ծիծաղեց Իվանը,— դաւ-ո՞վ եմ խոսելու քեզ հետ, ինչ է: Զվարթ տրամադրություն ունեմ հիմա, բայց թունքս է ցավում... և գլխիս կատարը... միայն թե խնդրում եմ, մի՛ փիլիսոփայիր, ինչպես անցյալ անգամ: Եթե շնու կարող չըբ-վել, գոնե ուրախ մի բան փշիր: Բամբասանք արա. ձրիակեր ես, չէ՞, դե ուրեմն բամբասիր: Ա՛յս ինչ մղձավանջ է կպել: Բայց շնու վախենում քեզնից: Կհաղթահարեմ քեզ: Գժանոց չե՛ն տանի: Ինձ:

— C'est charmant¹, ձրիակե՛ր: Այո, ես հենց հիմա իմ դե-րի մեջ եմ: Ի՞նչ եմ երկրի վրա, եթե ոչ ձրիակեր: Ի դեպ, լսում եմ քեզ և զարմանում մի քիչ. աստված վկա, կարծես թե արդեն կա-մաց-կամաց սկսում ես մի իրական բան համարել ինձ, և ոչ թե միայն թո՛ երևակայության ծնունդը, ինչպես պնդում էիր անց-յալ անգամ...

— Ոչ մի ընդունում, որ դու իրական մի բան ես,— մի տեսակ կատաղորեն գոռաց Իվանը:— Դու սուտ ես, իմ հիվանդությունն ես, ուրվական ես դու: Միայն թե չգիտեմ, ինչպե՛ս ոչնչացնեմ քեզ, և տեսնում եմ, որ մի որոշ ժամանակ պետք է տառապեմ: Դու իմ բանդագուշանքն ես: Դու մարմնաց-նում ես իմ սեփական անձը, բայց միայն մեկ կողմը իմ ան-ձի... իմ մտքերն ու զգացումները, բայց ամենազգվելի ու հիմար մտքերն ու զգացումները: Այդ իմաստով դու կարող էիր նույնիսկ հետաքրքրական լինել ինձ համար, եթե միայն ժամանակ ունենայի քեզնով զբաղվելու:

— Թույլ տուր, թույլ տուր մի ընդուն, ես քեզ բռնեմ հիմա. քիչ առաջ, լապտերասյան տակ, վրա տվեցիր Ալյոշային ու գո-ռացիր. «Նրանի՛ց ես իմացել: Ինչպե՛ս իմացար, որ ես ինձ մոտ է գալիս»: Այդ պահին ինձ էիր հիշում, չէ՞: Ուրեմն մի ակնթարթ հավատացիր, հավատացի՛ր, որ ես իսկապես գոյու-թյուն ունեմ,— մեղմ ծիծաղեց շենտլմենը:

— Այո, դա իմ բնության թերությունն էր... բայց ես չէի կարող հավատալ քեզ: Զգիտեմ, քնե՞լ էի անցյալ անգամ, թե քայլում էի: Գուցե այդ ժամանակ քեզ իմ երազում եմ տեսել միայն, իրականում բոլորովին էլ շնու տեսել...

— Իսկ ինչո՞ւ քիչ առաջ այդքան խիստ վարվեցիր Ալյո-շայի հետ: Անուշ տղա է նա. ես նրա առաջ մեղավոր եմ հայր Զոսիմայի համար:

— Զխոսե՛ս Ալյոշայի մասին: Ինչպե՛ս ես համարձակվում, պնակալե՛զ,— ծիծաղեց նորից Իվանը:

— Հայհոյում ես, բայց ինքդ էլ ծիծաղում ես. լավ նշան է: Սակայն այսօր դու շատ ավելի սիրալիր ես վարվում ինձ հետ, քան անցյալ անգամ, և հասկանում եմ, թե ինչու. թո՛ այդ մե՛ծ որոշումը...

— Զխոսե՛ս իմ որոշման մասին,— կատաղորեն գոռաց Իվանը:

— Հասկանում եմ, հասկանում եմ, c'est noble, c'est char- mant¹, դու վաղը գնում ես եղբորդ պաշտպանելու և զոհարե-րում ես քեզ... c'est chevaleresque²:

— Լո՛ի՛ր, թե չէ քացի կտամ ետևիցդ:

— Մասամբ ուրախ կլինեմ, որովհետև այդ դեպքում կհաս-նեմ իմ նպատակին. եթե քացի ես տալիս, ուրեմն հավատում ես իմ իրականության, որովհետև ուրվականին քացի շնու տալիս: Կատակը մի կողմ. ինձ համար միևնույնն է՝ հայհոյիր, եթե ուզում ես, բայց համենայն դեպս ավելի լավ է գոնե մազաշափ ավելի քաղաքավարի լինել, թեկուզ նույնիսկ իմ նկատմամբ: Թե չէ՞ տխմա՛ր, պնակալե՛զ, ի՞նչ բառեր են սրանք:

— Հայհոյելով քեզ, ի՛նձ եմ հայհոյում,— նորից ծիծաղեց Իվանը,— դու իմ եսն ես, իմ սեփական եսը, միայն թե ուրիշ մոտթով: Դու հենց ասում ես այն, որ ես արդեն մտածում եմ... և ուրիշ ո՞չ մի նոր բան շնու կարող ասել ինձ:

¹ Ազնիվ բան է, սքանչելի բան (ֆրանս.):

² Ապստական բան է (ֆրանս.):

— Եթե ես քեզ նման եմ մտածում, դա ինձ պատիվ է բերում միայն,— ասաց ջենտլմենը նրբանկատորեն և արժանապատվությամբ:

— Միայն թե անընդհատ իմ զգվելի մտքերն ես վերցնում, և մանավանդ՝ իմ հիմար մտքերը: Գու հիմար ես ու գոհհիկ: Սոսկալի հիմար: Չէ՛, չեմ կարող հանդուրժել քեզ: Ինչպե՞ս անեմ, ի՛նչ անեմ,— կրճտացրեց Իվանը:

— Սիրելի բարեկամս, ես համանայն դեպս ուզում եմ ջենտլմեն լինել և ուզում եմ, որ այդպես էլ ընդունեն ինձ,— սկսեց հյուրը, զուտ ձրիակերներին հատուկ և արդեն նախօրոք զիջող ու բարեհոգի պատվախնդրությամբ տարված:— Ես աղքատ եմ, բայց... չեմ ասի, որ շատ ազնիվ եմ, բայց... սովորաբար հասարակության մեջ որպես աքսիոմ է ընդունված, որ ես անկյալ հրեշտակ եմ: Աստված վկա, չեմ կարող պատկերացնել, թե ինչպես կարող էի հրեշտակ լինել մի ժամանակ: Եթե նույնիսկ եղել եմ երբևիցե, երևի դա այնքան վաղուց էր, որ մոռանալն էլ մի մեծ հանցանք չէ: Ես հիմա թանկ եմ գնահատում միայն կանոնավոր մարդու վարկ ունենալը և ապրում եմ այնպես, ինչպես բախտը բերում է, ջանալով հաճելի լինել: Ես անկեղծորեն սիրում եմ մարդկանց. օ՛, շատ բաներում զրպարտել են ինձ: Այստեղ, երբ ժամանակ առ ժամանակ տեղափոխվում եմ ձեզ մոտ, կյանքս կարծես թե իսկական է դառնում, և դա է ամենից ավելի դուր գալիս ինձ: Չէ՞ որ ես ինքս էլ, քեզ նման, տառապում եմ ցնորականությամբ, և դրա համար էլ սիրում եմ ձեր երկրային ոեալիզմը: Այստեղ ամեն ինչ շրջագծված է ձեզ մոտ, ամեն ինչ բանաձև է, երկրաչափություն, իսկ մեզ մոտ ինչ-որ անորոշ հավասարումներ են միայն: Ես թափառում եմ այստեղ ու երազում: Սիրում եմ երազել: Մանավանդ որ սնտոխապաշտ եմ դառնում երկրի վրա. մի՛ ծիծաղիր խնդրեմ, ինձ դուր է գալիս հենց այն, որ սնտոխապաշտ եմ դառնում: Ես այստեղ յուրացնում եմ ձեր բոլոր սովորությունները. սիրեցի ձեր հասարակական բաղնիքը, կարո՞ղ ես պատկերացնել. և սիրում եմ շոգու լոգանք ընդունել վաճառականների ու տերտերների հետ: Իմ երազն այն է, որ այլևս վերջնականապես, անվերադարձորեն մարմնավորվեմ մի որևէ վաճառականի կնոջ կերպարանքով՝ հաստ, յոթ փթանոց մի կնոջ, և հավատամ ամեն ինչի, որ նա է հավատում: Իմ իղբալին է եկեղեցի մտնել և անկեղծ սրտով մոմ վառել. այդպես է, աստված

վկա: Այն ժամանակ վերջ կգտնեն իմ տառապանքները: Ա՛յ մեկ էլ բուժվելը սիրեցի ձեզ մոտ. գարնանը ծաղկախտի համաճարակ էր, գնացի ու ծաղկախտի դեմ պատվաստվեցի մանկատանը: Եթե իմանալիր, թե ի՛նչ գոհունակություն վայելեցի այդ օրը. տասը ուրբալի նվիրեցի ի նպաստ սլավոն եղբայրների... Բայց դու չես լսում: Գիտե՞ս, մի տեսակ շատ մտահոգ ես այսօր,— լոեց մի քիչ ջենտլմենը:— Գիտեմ, երեկ այդ բժշկի մոտ գնացիր... է՛հ, ինչպե՞ս է առողջությունդ: Ի՛նչ ասաց քեզ բժիշկը:

— Տխմա՛ր,— շշպոեց Իվանը:

— Է՛հ, գոնե դո՛ւ ես խելոք: Նորի՞ց ես հայհոյում: Ես ոչ թե կարեկցելուց էր, որ հարցրի, այլ հենց այնպես: Ուզում ես՝ մի՛ պատասխանիր: Այ հիմա նորից հոգացավն սկսվեց...

— Տխմա՛ր,— կրկնեց Իվանը:

— Անընդհատ քոնն ես ասում, իսկ ես այնպիսի՞ մի հոգացավ ունեցա անցյալ տարի, որ մինչև հիմա հիշում եմ:

— Սատանան՝ հոգացա՞վ:

— Իսկ ինչո՞ւ չէ, եթե ես երբեմն մարմնավոր կերպարանք եմ ստանում: Մարմին ստանալով, ընդունում եմ նաև հետևանքները: Սատանա sum et nihil humanum a me alienum puto.¹

— Ինչպե՞ս, ինչպե՞ս: Սատանա sum et nihil humanum... դա բավական խելոք բան է սատանայի համար:

— Ուրախ եմ, որ վերջապես գոհացրի:

— Բայց դա ինձնից չես վերցրել,— կանգ առավ մեկնեմ Իվանը, կարծես շմեկով,— երբեք այդպիսի բան չի եկել իմ միտքը, տարօրինակ է դա...

— C'est du nouveau, n'est-ce pas? Այս անգամ ես ազնիվ կվարվեմ ու կբացատրեմ քեզ: Լսիր. երազների և մանավանդ մղձավանջների մեջ, դե ասենք մարսողության խանգարումից կամ մի ուրիշ պատճառով, մարդ երբեմն այնպիսի գեղարվեստական բաներ է տեսնում, այնպիսի բարդ ու շոշափելի մի իրականություն, այնպիսի դեպքեր ու նույնիսկ դեպքերի մի ամբողջ աշխարհ, այնպիսի մի ինտրիգով, այնպիսի անսպասելի մանրամասնություններով՝ ձեր ամենավսեմ դրսևորումներից մինչև

¹ Սատանա եմ և ոչ մի մարդկային բան խորթ չէ ինձ համար (լատ.):

² Նոր բան է, չէ՞ (ֆրանս.):

հետին կոճակը կրծկալի վրա, որ երգվում էմ քեզ՝ և Տոլստոյն անգամ չի հորինի այդպիսի բան, այնինչ երբեմն այդպիսի երազներ են տեսնում ոչ թե գրողները, այլ ամենասովորական մարդիկ, պաշտոնյաները, ժուռնալիստները, տերտերները... Դա նույնիսկ մի ամբողջ խնդիր է դառնում. մի միջիստր ուղղակի խոստովանեց ինձ, որ իր բոլոր լավագույն մտքերը գալիս են քնած ժամանակ: Դե այ հիմա էլ այդպես է: Ես թեև քո բանդագուշանքն եմ, բայց ճիշտ այնպես, ինչպես լինում է մղձավանջում, ինքնատիպ բաներ եմ ասում հիմա, բաներ, որ մինչև հիմա միտքդ էլ չէին գալիս, այնպես որ բոլորովին էլ չեմ կրկնում քո գաղափարները, և սակայն ես քո մղձավանջն եմ միայն, ուրիշ ոչինչ:

— Ստում ես: Քո նպատակն է հենց համոզել ինձ, որ դու անձամբ կաս, և ոչ թե իմ մղձավանջն ես, և ահա ինքդ ես հաստատում հիմա, որ երազ ես:

— Սիրելի բարեկամս, այսօր հատուկ մի մեթոդ եմ ընտրել, հետո կբացատրեմ քեզ: Սպասիր, ի՞նչ էի ասում: Հա՛, այո, մրսեցի ուրեմն այն ժամանակ, բայց ոչ թե ձեզ մոտ, այլ դեռ այնտեղ...

— Որտե՞ղ այնտեղ: Ասա, երկա՞ր ես մնալու ինձ մոտ, չե՞ս կարող գնալ այստեղից, — համարյա հուսահատորեն բացականչեց Իվանը: Նա դադարեց ետ ու առաջ անել, նստեց բաղմոցին, նորից արմունկները սեղանին դրեց ու երկու ձեռքով սեղմեց գլուխը: Թաց սրբիչը քաշեց ու մի կողմ գցեց վրդովմունքով. երևի չէր օգնում:

— Ջղերդ քայքայվել են, — նկատեց ջենտլմենը անփութորեն համարձակ, բայց կատարելապես սիրալիք արտահայտությամբ: — Բարկանում ես ինձ վրա նույնիսկ այն բանի համար, որ ես կարող էի մրսել, այնինչ դա ամենարևակա՞ն ձևով պատահեց: Շտապում էի մի դիվանագիտական երեկույթի՝ պետերբուրգցի բարձրաստիճան մի տիկնոջ մոտ, որ աչքը տնկել էր միջիստրի իշխանության: Է՛հ, ֆրակ էի հագել, սպիտակ փողկապ, ձեռնոց, բայց դեռ աստված գիտե որտեղ էի և պետք է թռչեի-անցնեի անջրպետք, ձեր այս երկրագունդը հասնելու համար... Իհարկե, մի ակնթարթի բան էր միայն, բայց դե լույսի ճառագայթն էլ ամբողջ ութ րոպե ճամփորդում է արևից երկիր, իսկ ես, պատկերացրու, ֆրակով էի և բաց բաճկոնակով: Ոգիները չեն սառչում, բայց դե երբ մարմնավոր կերպարանք ես

ստացել... մի խոսքով, թեթևամտությու՞ն արեցի, ճանապարհ ընկա, իսկ այդ տարածություններում, եթե՞րի մեջ, այդ շրի մեջ, որ ի վերո հաստատությունն, այնպիսի՞ մի սառնամանիք է որ... այսինքն սառնամանի՞քն ինչ է, չի էլ կարելի սառնամանիք կոչել դա, կարո՞ղ ես պատկերացնե՞լ հարյուր հիսո՞ւն աստիճան զրոյից ներքև: Գիտես գյուղացի աղջիկների այն հայտնի զվարճությունը. երեսուն աստիճան սառնամանիքին առաջարկում են մի որևէ համբակի, որ կացինը լիզի. լեզուն վայրկենապես սառչում-կաչում է, և դմբոն ետ է քաշում ու պոկում է մաշկը, արյունոտվում: Բայց դա երեսուն աստիճան է դեռ, հապա եթե հարյուր հիսուն աստիճա՞ն լինի. հենց բավական է միայն, որ մատդ դնես կացնին, և կարծում եմ՝ բան չի մնա այդ մատիցդ, եթե անշուշտ... եթե կարող է կացին լինել այնտեղ...

— Իսկ կարո՞ղ է կացին լինել այնտեղ, — ընդհատեց հանկարծ Իվան Ֆյոդորովիչը մտացիր, նողկանքի զգացումով: Ամբողջ ուժով դիմադրում էր նա, որպեսզի չհավատա իր զառանցանքին ու չխելագարվի վերջնականապես:

— Կացի՞ն, — հարցրեց հյուրը զարմացած:

— Դե հա, ի՞նչ կպատահի այնտեղ կացնին, — գոռաց հանկարծ Իվանը, մի տեսակ մոլեգին ու անկոտրում համառությամբ:

— Ցարածություն մեջ ինչ կպատահի կացնին: Quelle idée!՝ Եթե հեռու մի տեղ ընկնի, կարծում եմ, որ կսկսի պտտվել երկրի շուրջ, առանց ինքն էլ իմանալու, թե ինչու, արբանյակի նման: Աստղագետները կհաշվեն կացնի ծագման ու մայրամուտի պահերը, Գառցուկը կմտցնի իր օրացույցի մեջ, և ուրիշ ոչինչ:

— Դու հիմա՞ր ես, սոսկալի հիմար, — ասաց Իվանն անսաստորեն: — Ավելի խելոք փշիք, այլապես չեմ լսի: Դու ուզում ես հաղթել ինձ ռեալիզմով, հավատացնել ինձ, որ կաս, բայց ես չե՞մ ուզում հավատալ, որ կաս: Չե՞մ հավատում:

— Բայց ես չեմ փչում, այդ ամբողջը ճշմարիտ է. դժբախտաբար ճշմարտությունը գրեթե միշտ էլ տափակ է լինում: Տեսնում եմ, դու անպայման մի մեծ բան ես սպասում ինձնից, գուցե գեղեցիկ բան: Դա շատ ցավալի է, որովհետև ես տալիս եմ միայն այն, ինչ կարող եմ...

1 Ինչպիսի՞ գաղափար (ֆրանս.):

— Մի՛ փիլիսոփայիր, ավանա՛կ:

— Էլ ինչ փիլիսոփայեմ, երբ լրիվ աչ կողմս փայտացել է, տնքում եմ ու մուտում: Փորձեցի ամբողջ բժշկությունը. սքանչելի կարողանում են ախտորոշել, տեղը-տեղին կբացատրեն քեզ ամբողջ հիվանդությունդ, բայց դե բուժել չեն կարողանում: Այստեղ մի խանդավառ ուսանողի հանդիպեցի. եթե նույնիսկ մեռնեք, ասաց, համենայն դեպս կիմանա՞ք, թե ինչ հիվանդությունից եք մեռնում: Եվ հետո՝ մասնագետների մոտ ուղարկելու այդ ձևը. մենք միայն ախտորոշում ենք, ասում են, բայց գնացեք ահա այսինչ մասնագետի մոտ, նա էլ կբուժի: Ասեմ քեզ՝ բոլորովին, բոլորովին չբացել է այն նախկին բժիշկը, որ բոլոր տեսակի հիվանդությունները բուժում էր, հիմա մասնագետներ կան միայն և անընհատ հայտարարություններ են տալիս թերթերում: Եթե քիթդ ցավի, Փարիզ են ուղարկում քեզ. ասում են՝ այնտեղ համաեվրոպական մի մասնագետ կա, որ քիթ է բուժում: Գնում ես Փարիզ, քննում է քիթդ. ասում է՝ ես կարող եմ միայն ձեր աչ ունզը բուժել, որովհետև ձախ ունզը չեմ բուժում, դա իմ մասնագիտությունը չէ, բայց այստեղից էլ գնացեք Վիեննա, այնտեղ մի հատուկ մասնագետ կա, որ ձեր ձախ ունզը կբուժի: Ի՞նչ անես: Ժողովրդական բուժամիջոցների դիմեցի, մի գերմանացի բժիշկ խորհուրդ տվեց, որ բաղնիքում մեղր ու աղով շփեմ մարմինս: Պարզապես մի ավելորդ անգամ էլ բաղնիք ընդունելու համար գնացի. ոտից գլուխ կեղտոտվեցի, և ոչ մի օգուտ: Հուսահատված՝ գրեցի կոմս Մատտեիին, Միլան. գիրք ու կաթիլներ ուղարկեց, է՛հ, աստված նրա հետ: Ու երևակայիր՝ Հոֆֆի մալց-էքստրա՛կտը օգնեց: Պատահաբար գնեցի ու խմեցի մեկուկես շիշ և արդեն ուղղակի պատրաստ էի պարելու. ցավ-մավ, ամեն ինչ սրբեց տարավ: Որոշեցի հրապարակով նրան «շնորհակալ եմ» ասել անպայման, տպել թերթերում, երախտագիտության զգացումը խոսեց իմ մեջ: Եվ ահա երևակայիր, այստեղ արդեն մի ուրիշ պատմություն սկսվեց. ոչ մի խմբագրություն չէր ընդունում: «Շատ հետադիմական բան կլինի,— ասացին,— ոչ ոք չի հավատա, le diable n'existe point!»: Առանց ստորագրության տպեցեք»,— խորհուրդ տվեցին: Դե էլ ի՞նչ «շնորհակալ եմ», եթե ստորագրություն չկա: Միծաղեցի խմբագրության աշխատողների հետ. «Մեր դարում,— ասացի,—

աստծուն հավատալն է հետադիմական բանը, իսկ ես սատանա եմ, չէ՞, ինձ կարելի է հավատալ»:— «Հասկանում ենք,— ասացին նրանք,— ո՞վ չի հավատում սատանային: Բայց այնուամենայնիվ չի կարելի, դա կարող է վնասել մեր գաղափարականին: Գուցե կատակի՞՞ ձևով անենք»: Բայց դե մտածեցի, որ կատակի ձևով տպելն էլ տափակ բան կլինի: Այնպես էլ շտպեցին: Եվ կհավատա՞ս, մինչև հիմա էլ ցավ է եղել սրտիս: Իմ լավագույն զգացումները, ինչպես երախտագիտությունը, օրինակ, պաշտոնապես արգելված են ինձ՝ միայն իմ սոցիալական դրության պատճառով:

— Նորի՞ց քշեցիր-մտար փիլիսոփայության մեջ,— կրճը-տացրեց Իվանը ատելությամբ:

— Աստված ինձ հեռու պահի դրանից, բայց հո չի կարելի երբեմն չգանգատվել: Զրպարտված մարդ եմ ես: Այ դու ամեն ինչ ասում ես երեսիս, որ հիմար եմ: Ուղղակի երևում է՝ երիտասարդ ես: Սիրելիս, խնդիրը միայն խեղճ չէ: Ես ի բնե բարի ու զվարթ սիրտ ունեմ, թե էլ ամեն տեսակի մանր-մունր վնասվածքներ եմ գրում: Կարծեմ դու ինձ ուղղակի դնում ես տարիքն առած իշխտակովի տեղ, բայց իմ ճակատագիրը շատ ավելի լուրջ է: Անդրժամանակյան մի հրամանագրով, որը երբեք չեմ կարողացել հասկանալ, ինձ համար նախասահմանվել է «ժխտելու» դերը, այնինչ ես անկեղծորեն բարի եմ և բոլորովին ընդունակ չեմ ժխտելու: Չէ՞, գնա ժխտի՛ր, ասում են, առանց ժխտելու քննադատություն չի լինի, իսկ ի՞նչ ժուռնալ, եթե չկա «քննադատության բաժին»: Առանց քննադատության՝ «օվսաննա» կլինի միայն: Բայց միայն «օվսաննան» քիչ է կյանքի համար, պետք է որ այդ «օվսաննան» տարակույսների բովով անցնի և այլն, և այլն, այդ տեսակ բաներ: Սակայն ես չեմ խառնվում այդ բոլորին, արարիչը ես չեմ, պատասխանատուն էլ ես չեմ: Բայց դե քավության նոխազ են ընտրել ինձ, ստիպել են, որ գրեմ քննադատության բաժնում, և արդյունքը եղել է կյանքը: Մենք հասկանո՞ւմ ենք այդ զավեշտը. ես, օրինակ, ուղղակի և պարզորեն իմ ոչնչացումն եմ պահանջում: Չէ, ասում են ինձ, պարի՛ր, որովհետև առանց քեզ ոչինչ չի լինի: Եթե երկրի վրա ամեն ինչ բարեկարգ լիներ, ոչինչ տեղի չէր ունենա: Առանց քեզ ոչ մի իրադարձություն չի լինի, իսկ պետք է, որ իրադարձություններ լինեն: Ահա ուրեմն ծառայում եմ ցավի սիրտ, որպեսզի իրադարձություններ լինեն, և անբարեկարգ

¹ Սատանան բնավ էլ գոյություն չունի (Ֆրանս.):

բաներ եմ ստեղծում, ըստ հրամանի: Մարդիկ այս ամբողջ զավեշտը որպես լուրջ բան են ընդունում, հակառակ նույնիսկ իրենց անուրանալի խելքին: Եվ այդ է նրանց ողբերգությունը: Է՛հ, տառապում են անշուշտ, բայց... ապրում են այնուամենայնիվ, ապրում են իրական կյանքով, ոչ թե ցնորական, որովհետև հենց տառապանքն է կյանքը: Առանց տառապանքի ի՞նչ հաճույք կունենար ապրելը. ամեն ինչ կվերածվեր մի անվերջանալի գոհաբանական մաղթանքի՝ սրբանվեր, բայց մի քիչ ձանձրալի: Է՛, իսկ ե՞ս: Ես տառապում եմ, բայց այնուամենայնիվ չեմ ապրում: Ես իբր եմ՝ անորոշ մի հավասարման մեջ: Ես կյանքի ուրվականն եմ մի տեսակ, որ կորցրել է ամեն ինչի սկիզբն ու վերջը, և նույնիսկ ինքն էլ մոռացել է վերջ ի վերջո, թե ինչ է իր անունը: Միծաղում ես... չէ, չես ծիծաղում, բարկանում ես նորից: Միշտ ու միշտ բարկանում ես, քեզ հետաքրքրում է բանականությունը միայն, բայց կրկնում եմ դարձյալ՝ ես ամեն ինչ կտայի, ամբողջ այս անդրաստղային կյանքը, բոլոր նվիրապետական աստիճաններն ու պատիվները, միայն թե մարմնավորվեի վաճառականի կնոջ կերպարանքով, ստանալի այդ յոթ փթանոց կնոջ հոգին և մոմ վառելի աստժուկ:

— Նույնիսկ դո՞ւ էլ աստժուկ չես հավատում,— ժպտաց Իվանը ատելությամբ:

— Այսինքն ինչպես ասեմ քեզ. եթե լուրջ ես հարցնում...

— Կա՞ աստված, թե չէ,— նորից մոլեգին մի համառությամբ գոռաց Իվանը:

— Հա՛, ուրեմն լուրջ ես հարցնում: Միրելիս, աստված վկա՝ չգիտեմ. ա՛յ, գերագույն խոսքն ասացի հիմա:

— Չգիտես, բայց տեսնում ես աստժուկ, հա՞: Չէ՛, դու առանձին գոյություն չունես, դու իմ եսն ես, դու իմ անձն ես, ուրիշ ոչինչ: Անպե՛տք մի բան ես դու, իմ ցնորքն ես:

— Այսինքն, եթե ուզում ես, դու և ես նույն փիլիսոփայությունն ունենք. այ սա ճիշտ կլինի: Je pense, donc je suis¹, այս բանը հաստատ գիտեմ, իսկ ամբողջ մնացյալը, որ շրջապատում է ինձ, բոլոր այս աշխարհները, աստված և նույնինքն սաղայելը—այդ ամբողջությունն ինձ համար ապացուցված չէ՝ կա՞ արդյոք ինքնին, թե պարզապես իմ արտաբխումն է միայն, հետևողական զարգացումն իմ եսի, որ գոյություն ունի ժամա-

նակից էլ առաջ ու միանձնականորեն... մի խոսքով, շտապ ընդհատում եմ, որովհետև ինձ թվում է՝ հիմա տեղիցդ կցատկես ու կծծես ինձ:

— Ավելի լավ կլիներ՝ մի որևէ անեկդոտ պատմելիք, — ասաց Իվանը ցավագին շեշտով:

— Կա մի անեկդոտ և հենց մեր նյութի մասին է, այսինքն անեկդոտ չէ, այլ պարզապես առասպել: Այ դու ինձ կշտամբում ես անհավատության համար. ասացի՞ր՝ տեսնում ես, բայց չես հավատում: Բայց, սիրելի բարեկամս, հո միայն ես չեմ այդպես. մեզ մոտ, այնտեղ, հիմա բոլորն են շվարել, և ամբողջ այս ձեռք գիտությունների երեսից: Քանի դեռ ատոմներ կային, հինգ զգայարաններ, չորս տարբեր, է՛հ, այն ժամանակ ամեն ինչ մի կերպ բռնում էր իրար: Ատոմները հենց հին աշխարհում էլ կային: Բայց ահա, երբ մենք իմացանք, որ դուք այստեղ «քիմիական մոլեկուլ» եք հայտնաբերել, «պրոտոպլազմա» եք հայտնաբերել և էլ սատանան գիտե, թե ինչ-ինչ բաներ, է՛, մեր պոչերը կծկեցինք: Պարզապես շիլաշփոթ սկսվեց, և մանավանդ՝ սնահավատություն, բամբասանքներ. մեզ մոտ էլ նույնքան բամբասանք կա, որքան ձեզ մոտ, նույնիսկ մի քիչ ավելի շատ, և վերջապես մատնություն էլ կա, մենք էլ ունենք մի այնպիսի հատուկ բաժանմունք, ուր որոշ «տեղեկություններ» են ընդունում: Ահա ուրեմն այդ անհեթեթ առասպելը մեր միջնադարից է մնացել (ոչ թե ձեռք, այլ մեր միջնադարից), նույնիսկ մեզ մոտ էլ ոչ ոք չի հավատում դրան, բացի յոթ փթանոց կանանցից, այսինքն դարձյալ ոչ թե ձեռք, այլ մեր կանանցից: Չեք բոլոր ունեցածները մենք էլ ունենք. ահա, բարեկամությունից մղված, մեր մի գաղտնիքը հայտնում եմ քեզ, թեև արգելված է: Այդ առասպելը, ուրեմն, դրախտի մասին է: Ասում են՝ այստեղ, ձեռք երկրի վրա եղել է մի մտածող ու փիլիսոփա, որ «ժխտում էր ամեն ինչ՝ օրենքներ, խիղճ, հավատք», և մանավանդ՝ հանդերձյալ կյանքն էր ժխտում: Մեռնում է մարդը, մտածում է, որ ուղղակի պիտի կորչի խավարի ու մահվան մեջ, բայց մեկ էլ տեսնում է՝ հանդերձյալ կյանքն է իր առաջ: Զարմանում է ու վրդովվում. «Սա հակասում է իմ համոզմունքներին», — ասում է նա: Ահա հենց դրա համար էլ նրան դատապարտում են... այսինքն, գիտե՞ս ինչ, դու ներքի ինձ, ես պատմում եմ այն, ինչ լսել եմ, սա առասպել է միայն... հասկանում ես, պատիժ են տալիս նրան՝ մի կվարդիլիոն կիլոմետր քայլել խավարի մեջ (դե

¹ Մտածում եմ, ուրեմն կամ (ֆրանս.):

մեզ մոտ էլ հիմա կիրումեստրերով են հաշվում), և երբ վերջացնի այդ կվադրիլիոնը, դրախտի դռները կբանան նրա առաջ և ամեն ինչ կներեն...

— Իսկ ի՞նչ տանջանքներ կան ձեր անդենական աշխարհում, բացի կվադրիլիոնից,— տարօրինակ մի աշխուժությամբ ընդհատեց Իվանը:

— Ինչ տանջանքներ՝ Ա՛խ, մի՛ էլ հարցնի: Առաջ ամեն տեսակն էլ կար, իսկ հիմա ավելի շատ բարոյական տանջանքներ են կիրառում, «խղճի խայթ» և այլն, ամբողջ այդ հիմարությունների շարքը: Սա էլ նույնպես ձեզնից եկավ, ձեր «բարքերի մեղմացումից»: Ե՛հ, ո՞վ ջահեց. ջահեցին միայն անխիղճները, որովհետև նրանց համար ի՞նչ է որ խղճի խայթը, երբ հենց խիղճ ասվածը չունեն բոլորովին: Բայց տուժեցին կանոնավոր մարդիկ, որոնց մեջ դեռ մնում է խիղճն ու պատիվը... Ա՛յ հենց երբ բարենորոգումները կատարվում են շնախապատրաստված հողի վրա, և այն էլ դեռ օտար հաստատություններից ընդօրինակվելով, միայն ու միայն վնաս է գալիս: Հնադարյան կրակը մնար՝ ավելի լավ էր: Ուրեմն այդ կվադրիլիոնի դատապարտվածը կանգնում է, նայում, և պառկում է ճանապարհի լայնքով: «Չեմ ուզում գնալ, սկզբունքով դեմ եմ, չե՛մ գնա»: Վերցրու ռուս լուսավորչալ աթիստի հոգին և խառնիր հոգու հետ Հովնան մարգարեի, որ երեք օր ու գիշեր քիթը կախել էր կետի որովայնում, և ահա քեզ՝ ճանապարհի լայնքին պառկած այդ մտածողի նկարագիրը:

— Իսկ ինչի՞ վրա է պառկել այնտեղ:

— Գե մի որևէ բան կար երևի: Հո չե՞ս ծիծաղում:

— Կեցցե՛ս,— գոռաց Իվանը նույն տարօրինակ եռանդով: Հիմա նա մի տեսակ անսպասելի հետաքրքրությամբ էր լսում:— Եվ ի՞նչ, հիմա՞ էլ դեռ պառկած է:

— Խնդիրն էլ հենց այն է, որ պառկած չէ հիմա: Գրեթե հազար տարի պառկել է ու սկսել է քայլել:

— Այ քեզ ավանակ,— բացականչեց Իվանը ջղայնորեն քրքջալով և կարծես մի բան ըմբռնելու ճիգ անելով տակավին:— Հավիտենապես պառկել կամ մի կվադրիլիոն կիրումեստր քայլել՝ ի՞նչ տարբերություն: Մեկ բիլիոն տարվա ճանապարհ է, չե՞:

— Նույնիսկ շատ ավելի. թուղթ ու մատիտ չկա, թե չէ կա՞րելի էր հաշվել: Բայց նա վաղուց հասել է արդեն, և հենց այստեղից էլ սկսվում է անեկդոտը:

— Ինչպե՞ս թե հասել է, Իսկ որտեղի՞ց է գտել մեկ բիլիոն տարին:

— Է՛հ, դու մեր այս ներկա երկրի մասին ես մտածում միայն: Բայց չէ՞ որ այս ներկա երկիրը գուցե բիլիոն անգամ կրկնվել է. դե ասենք՝ ապրել է իր դարը, սառցակալել է, ճեղքվել է, քայքայվել, վերածվել է բաղկացուցիչ տարրերի, և նորից ջուր, որ ի վերո հաստատությանն, հետո նորից գիսաստղ, նորից արև, նորից երկիրն առաջացել է արևից... և այս դարգացումը գուցե անհունորեն կրկնվել է արդեն, միշտ նույն ձևով, մինչև ամենահետին մանրամասնությունը: Անտանելի՛, խայտառակորեն ձանձրալի բան...

— Դե լավ, լավ, ի՞նչ պատահեց նրա հասնելուց հետո:

— Ուրեմն, հենց որ բացում են դրախտի դռները և նա ներս է մտնում, դեռ երկու վայրկյան էլ շանցած, այն էլ ժամացույցի, ժամացույցի վայրկյաններ (թեև նրա ժամացույցը, ըստ իս, ճանապարհին վաղուց արդեն պետք է քայքայված լիներ ու վերածվեր բաղկացուցիչ տարրերի), ուրեմն երկու վայրկյան էլ շանցած նա բացականչում է, որ այդ երկու վայրկյանի համար ոչ միայն մի կվադրիլիոն, այլ կվադրիլիոն անգամ կվադրիլիոն կարելի է քայլել, այն էլ դեռ կվադրիլիոնապատի՛կ աստիճանին բարձրացնելով: Մի խոսքով, «օվսաննա» է երգում, բայց համը հանում է արդեն, այնպես որ դրախտաբնականներից ոմանք, ավելի ազնիվ մտածելակերպ ունենալով, սկզբում չեն էլ ուզում նրա ձեռքը սեղմել, այսինքն թե՛ մարդը շփից ավելի շուտ թռավ պահպանողականների կողմը: Ռուսական բնավորություն: Կրկնում եմ՝ առասպել է: Ինչպես առել, այնպես էլ ծախում եմ: Ուրեմն ահա թե ինչ հասկացություններ կան տակավին մեզ մոտ, այնտեղ, այս բոլոր հարցերի մասին:

— Բռնեցի՛ քեզ,— գոռաց Իվանը գրեթե մի տեսակ մանկական հրճվանքով, կարծես արդեն մի բան էր հիշել վերջնականապես,— կվադրիլիոն տարիների մասին այդ անեկդոտը ես ի՛նքս եմ հնարել: Այն ժամանակ տասնյոթ տարեկան էի, սովորում էի գիմնազիայում... հնարեցի այդ անեկդոտը և պատմեցի մի ընկերոջ, Կորովիին էր ազգանունը, Մոսկվայում... Այդ անեկդոտը այնքան բնորոշ է, որ չէի կարող որևէ տեղից վերցրած լինել: Կարծես թե մոռացել էի... բայց հիմա անգիտակցորեն միտքս եկավ, ի՛նքս հիշեցի, ոչ թե դու պատմեցիր: Ինչ-

պես որ օրքեմն հազար ու մի բան է գալիս մարդու միտքը, անգիտակցորեն, նույնիսկ երբ մահապատժի են տանում... երազի մեջ միտքս եկավ: Այ հենց դո՛ւ ես այդ երազը: Դու երազ ես, գոյութիւն չունես:

— Դատելով այն մոլեգին եռանդից, որով դու ինձ ժխտում ես,— ծիծաղեց ջենտլմենը,— համոզվում եմ, որ համենայն դեպս հավատում ես ինձ:

— Բնա՛վ երբեք: Հավատի մի հարյուրերորդ մասնիկն էլ չունեմ քո նկատմամբ:

— Բայց մի հազարերորդ մասնիկը ունես: Հոմեոպատիկ շափերը գուցե ամենաուժեղն են, չէ՞: Խոստովանիր, որ հավատում ես, դե ասե՛ք մի տասհազարերորդական չափով...:

— Ո՛չ մի բոպե,— կատաղորեն գոռաց Իվանը:— Եվ սակայն պիտի ուզեի՛ հավատալ քո գոյութիւնը,— հանկարծ ավելացրեց նա տարօրինակորեն:

— Է՛հ: Այ քեզ խոստովանութիւն համենայն դեպս: Բայց ես բարի եմ, այս կետում էլ կօգնեմ քեզ: Լսիր. ե՛ս քեզ բռնեցի, ոչ թե դու ինձ: Դիտմամբ քեզ պատմեցի քո իսկ հնարած անեկդոտը, որ մոռացել էիր արդեն, պատմեցի, որպեսզի վերջնականապես հավատքդ կորցնես իմ նկատմամբ:

— Ստո՛ւմ ես: Քո հայտնվելու նպատակն է՛ ինձ համոզել, որ դու կաս:

— Հենց այդ է: Բայց տատանումները, անհանգստութիւնը, պայքարը հավատքի և անհավատութիւն միջև՝ այս բոլորը այնպիսի՛ մի տանջանք են խղճամիտ մարդու համար, այ քեզ նման մի մարդու, այնպիսի՛ տանջանք, որ ավելի լավ է՛ մարդ կախի իրեն: Ես հենց գիտեի, որ դու մի քիչ հավատում ես ինձ, և այս անեկդոտը պատմելով՝ արդեն վերջնականապես անհավատութիւն ներարկեցի քո մեջ: Ես փոխնիփոխ տարուբերում եմ քեզ հավատքի և անհավատութիւն միջև, և սրտ մեջ իմ նպատակն ունեմ: Նոր մեթոդ է. երբ բոլորովին կորցնես հավատքդ իմ նկատմամբ, իսկույնեթ կսկսեմ իմ աչքի առաջ համոզել ինձ, որ ես երազ չեմ, այլ իսկապես գոյութիւն ունեմ: Գիտեմ քեզ, չէ՞: Այ հենց այն ժամանակ էլ կհասնեմ իմ նպատակին: Իսկ նպատակս ազնիվ է: Հավատքի մի մանրիկ սերմ կնետեմ քո մեջ, և այդ սերմը կդառնա կաղնի, այն էլ այնպիսի՛ մի կաղնի, որ դու հենց այդ կաղնու վրա էլ նստած՝ կցանկանաս «ճգնավոր հայրերի ու անարատ կանանց» շարքը մտնել,

որովհետև գաղտնորեն ուզում ես այդ բանը, շատ ես ուզում, շա՛տ. մորեխ կուտես, անապատում քարշ կգաս՝ հոգիդ փրկելու համար:

— Ուրեմն դու իմ հոգու փրկութիւն համար ես աշխատում, անպիտա՛ն:

— Է՛հ, պետք է գոնե երբևիցե մի բարի գործ անել: Տեսնում եմ՝ բարկանում ես, բարկանո՛ւմ:

— Խայտառակ: Իսկ դու երբևիցե փորձութիւն ենթարկե՛ր ևս այդպիսիներին, այ հենց նրանց, որ մորեխ են ուտում և տասնյոթ տարի աղոթում են լերկ անապատում, մամռակալում են ոտից գլուխ:

— Սիրելի՛ս, հենց այդ եմ արել միայն: Կարելի է մոռանալ ամբողջ աշխարհն ու բոլոր աշխարհները և այդպիսի մեկին կպչել եռանդով, որովհետև շատ թանկագին աղամանդ է դա: Մեկ հատիկ այդպիսի սուրբի հոգին երբեմն մի ամբողջ համաստեղութիւն արժե. մենք մե՛ր թվաբանութիւնն ունենք, հասկանում ես: Հաղթանակն է թանկարժեք: Իսկ չէ՞ որ նրանցից ոմանք, աստված վկա, քեզնից պակաս շին իրենց զարգացմամբ, թեև դու շեմ հավատա դրան. նրանք կարող են հավատքի և անհավատութիւն այնպիսի՛ անդունդներ խորագննել միևնույն պահին, որ, ճիշտն ասած, երբեմն թվում է՛ մազ է մնում, որ մարդը «գլուխկոնծի տա», ինչպես ասում է դերասան Գորբունովը:

— Եվ ի՞նչ, քթիդ տվեցին ու հեռացա՞ր:

— Սիրելի բարեկամս,— նկատեց Տյուրը խրատական շեշտով,— համենայն դեպս ավելի լավ է, որ քթիդ տան, քան թե երբեմն բոլորովին առանց քթի մնաս, ինչպես դեռ վերջերս մի հիվանդ մարկիզ (երևի մասնագետն է բուժել նրան) խոստովանութիւն ժամանակ ասաց իր ճիզվիտ խոստովանահորը: Ես ներկա էի, սքանչելի՛ էր պարզապես: «Վերադարձրե՛ք ինձ իմ քիթը»,— ասում էր նա և կուրծքն էր ծծում: «Որդյակ իմ,— խուսափուկ պատասխանեց քահանան,— ամեն ինչ իր լրումն է գտնում նախախնամութիւն անքնին կամոք, և տեսանելի դժբախտութիւնը երբեմն իր հետ բերում է արտակարգ, թեև անտեսանելի մի օգուտ: Եթե անագորույն ճակատագիրը զրկել է ձեզ քթից, ապա ձեր օգուտն այն է, որ այլևս ձեր ամբողջ կյանքում ոչ ոք չի համարձակվի ասել ձեզ, որ ձեր քթին են տվել»:— «Շայն սուրբ, դա մխիթարութիւն չէ՛,— բացականչեց հուսահատ մարկիզը:— Ընդհակառակը, ես հրճվանքով կընդու-

նեի, որ իմ ամբողջ կյանքում ամեն օր քթիս տային, միայն թե քիթս իր պատշաճ տեղում լինեք»։— «Որդակ իմ,— հառաչեց քահանան,— կարելի չէ բոլոր բարիքները միանգամից պահանջել, և դա արդեն տրտունջք է նախախնամության դեմ, որ նույնիսկ այս պարագային էլ չի մոռացել ձեզ. վասնզի եթե դուք աղաղակում եք, ինչպես աղաղակեցիք հիմա, ասելով, թե ուրախությունս հոժար եք, որ ամբողջ կյանքում ձեր քթին տան, ապա այս պարագային էլ արդեն կատարվել է ձեր ցանկությունն անուղղակիորեն. քանզի երբ կորցրել եք ձեր քիթը, դրանով էլ համենայն դեպս ձեր քթին են տվել կարծես թե...»։

— Թո՛ւհ, ինչ հիմար բան,— գոռաց Իվանը։

— Սիրելի բարեկամս, ես ուզում էի պարզապես զվարճացնել քեզ, բայց երդվում եմ՝ սա իսկական ճիշդիտական կազուստիկա է, երդվում եմ նորից՝ այս ամբողջը տառ առ տառ պատահեց այնպես, ինչպես պատմեցի քեզ։ Վերջերս եղավ այս դեպքը և շատ զխացավանք պատճառեց ինձ։ Դժբախտ երիտասարդը տուն վերադարձավ և նույն գիշերն էլ ատրճանակով խփեց իրեն. ես նրա մոտից չհեռացա մինչև վերջին վայրկյանը... Իսկ գալով այդ ճիշդիտական խոստովանախոցերին, իսկապես որ դա իմ ամենասիրելի զվարճությունն է կյանքիս ամենատխուր ընթացքում։ Ահա քեզ մի դեպք ևս, որ հենց այս վերջին օրերս պատահեց։ Մեր քահանայի մոտ մի շեկ աղջիկ եկավ, նորմանուհի, քսան տարեկան։ Գեղեցկություն, մարմին, անմիջականություն... լորձունքներդ կվազեին։ Թեքվեց ու լսախորշից փսփսաց քահանային իր մեղքը։ «Ինչ է, դուստր իմ, մի՞թե նորից մեղքի մեջ ընկաք արդեն...— բացականչեց քահանան։— Օ՛, Sancta Maria¹, ի՛նչ եմ լսում. ուրի՛շ մեկի հետ այս անգամ։ Բայց մինչև ե՞րբ պիտի շարունակվի այս, ինչպե՞ս չեք ամաչում»։— «Ah mon père²,— պատասխանեց մեղսագործ աղջիկը, զղջման արցունքով ողողված։— Ça lui fait tant de plaisir, et á moi si peu de peine!»³։ Է՛, պատկերացնո՞ւմ ես այսպիսի պատասխանը։ Այստեղ արդեն ես էլ ետ քաշվեցի. դա հենց բնության ճիշն է, և եթե ուզում ես՝ հենց

անմեղությունից էլ լավ է դա։ Տեղն ու տեղը թողություն շնորհեցի նրա մեղքին և դարձել էի, որ գնամ, բայց անմիջապես ստիպված եղա ետ դառնալու. լսեցի՝ քահանան լսախորշից ծամադրություն է նշանակում նրան նույն իրիկվա համար։ Կայծքարի պես ամուր էր ծերունին, և ահա մի վայրկյանում ընկա՛վ։ Բնությունը, բնության ճշմարտությունը հաղթանակեց։ Ինչ է, նորից քիթդ տնկում ես, նորից ես բարկանում։ Էլ չգիտեմ ինչով հաճոյանամ քեզ...։

— Հանգիստ թող ինձ, մղձավանջի նման կպել ու թըխթըխկում ես ուղեղիս մեջ,— ցավագին տնքաց Իվանը, անզոր զգալով իր տեսիլքի առաջ։— Ձանձրանում եմ քեզնից, անտանելի՛ է, տանջալի՛։ Ինչ ասես կտայի, միայն թե կարողանայի վռնդե՛լ քեզ։

— Կրկնում եմ, չափավորիր քո պահանջները, մի՛ պահանջիր ինձնից «ամեն ինչ, որ վեհ է ու գեղեցիկ», և կտեսնես, թե ինչպես հաշտ ու համերաշխ կլինենք իրար հետ,— ասաց ջենտլմենը ազդեցիկ շեշտով։— Իրականում դու ինձ վրա բարկանում ես այն բանի համար, որ ես քո առաջ չհայտնվեցի մի տեսակ կարմիր փայլածությունս, «որոտալով և հուրհուրով», բոցակիզված թևերով, այլ այսպիսի համեստ տեսքով ներկայացա։ Վիրավորվել եմ, նախ և առաջ, քո գեղասիրական զգացումները, և երկրորդ՝ քո հպարտությունը. այսինքն թե՛ ինչպե՞ս այսպիսի մի գոեհիկ սատանա կարող էր ներկայանալ քեզ նման մեծ մարդուն։ Չէ՛, համենայն դեպս քո մեջ կա՛ այն ոռմանտիկ կրակը, որ այնպե՛ս ծաղրել է Բելինսկին։ Ինչ անենք, երիտասարդ ես։ Այ քիչ առաջ, երբ պատրաստվում էի քեզ մոտ գալ, մտածեցի, որ կատակի համար ներկայանամ իսկական պետական խորհրդականի տեսքով՝ Կովկասում ծառայած պաշտոնաթող գեներալի, ֆրակին Առյուծի և Արևի աստղը կպցրած. բայց ուղղակի վախեցա, որովհետև դու ինձ կծծեիր հենց միայն այն բանի համար, որ համարձակվել եմ Առյուծն ու Արևը կպցնել ֆրակիս, և գոնե Բեկոային աստղը կամ Սիրիուսը չեմ կպցրել։ Եվ անընդհատ ասում ես, որ ես հիմար եմ։ Բայց աստված իմ, ես հավակնություն էլ չունեմ իմ խելքով հավասարվելու քեզ։ Մեֆիստոֆելը, հայտնվելով Ցառուսին, հավաստեց, որ ինքը շարիք է ցանկանում, բայց միայն բարիք է անում։ Է՛հ, նա ինչ ուզում է թող ասի, իսկ ես ճիշտ հակառակն եմ։ Ամբողջ բնության մեջ գուցե միակ մարդն եմ ես, որ սիրում է

1 Սուրբ Մարիամ (լատ.)։
2 Ա՛խ, հայր սուրբ (ֆրանս.)։
3 Դա նրան այնքան հաճույք է պատճառում, իսկ ինձ՝ այնքան քիչ զժվարություն (ֆրանս.)։

ճշմարտությունը և անկեղծորեն բարիք է ցանկանում: Ես ներկա էի, երբ խաչի վրա մահացած Բանը երկինք էր բարձրանում, իր կրծքին կրելով ընդ աշմե խաչյալ ավազակի հոգին: լսեցի բերկրալից ճիչերը քերովբեների, որոնք երգում էին և աղաղակում՝ «Օվսաննա», լսեցի նաև սերովբեների ցնծության որոտաձայն աղաղակը, որ ամբողջ երկինքն ու ամբողջ տիեզերքը ցնցեց: Եվ ահա, երգվում եմ ամենայն սրբությունք, ես էլ ուզում էի միանալ երգչախմբին ու գոչել բոլորի հետ՝ «Օվսաննա»: Արդեն թռչում էր բառը բերանիցս, արդեն պոկվել էր կրծքիս խորքերից... գիտես, չէ՞, ես շատ զգայուն եմ և գեղարվեստական դաշտը նկատություն ունեմ: Բայց ողջամտությունը, օ՞, ամենադժբախտ հատկությունը իմ բնության, այստեղ էլ ինձ պահեց պատշաճ սահմաններում, և ես բաց թողեցի ակնթափը: Որովհետև ի՞նչ կպատահի, — մտածեցի նույն րոպեին, — ի՞նչ կպատահի իմ «օվսաննայից» հետո: Ամեն ինչ իսկույն կհանգի աշխարհում և այլևս ոչ մի իրադարձություն չի կատարվի: Եվ ահա, միայն պարտականության գիտակցությունից և իմ սոցիալական դրության բերմամբ, ստիպված եղա խեղդել իմ մեջ այդ լավ պահը և մնալ իմ պիղծ պաշտոնում: Մարդու մեկը բարիք գործելու ամբողջ պատիվն իրեն է վերապահում, իսկ ինձ բաժին են մնացել միայն պիղծ բաները: Բայց ես չեմ նախանձում պորտաբույծ խաբեբայի կյանք ապրելու պատվին, ես փառասեր չեմ: Ինչո՞ւ աշխարհի բոլոր էականերից ե՛ս եմ միայն դատապարտվել բոլոր կանոնավոր մարդկանց անեծքներին և նույնիսկ ինձ տրվող քացիներին: քացիներին՝, այո, որովհետև երբ մարմնավոր կերպարանք եմ ստանում, երբեմն ստիպված եմ նաև այդպիսի հետևանքներ ընդունել: Ես հո գիտե՛մ, որ այստեղ մի գաղտնիք կա, բայց ոչ մի կերպ չեն ուզում հայտնել ինձ այդ գաղտնիքը, որովհետև գուցե այդ դեպքում, հասկանալով, թե ինչը ինչոց է, «օվսաննա» կբոտամ հանկարծ, և իսկույն կըքանա անհրաժեշտ բացասականը, ամբողջ աշխարհում ողջամտությունք կտիրի, և դրանով էլ անշուշտ վերջ կգտնի ամեն ինչ, նույնիսկ թերթերն ու ամսագրերը, որովհետև ո՞վ կբաժանորդագրվի այլևս դրանց: Գիտեմ անշուշտ, որ վերջ ի վերջո կհաշտվեմ, ես էլ կանցնեմ իմ կվադրիլիոնը և գաղտնիքը կիմանամ: Բայց մինչ այդ, քիթս կախում եմ ու ցավ ի սիրտ կատարում իմ դերը, այսինքն հազարներ եմ կործանում, որպեսզի փրկվի մեկ հոգի: Փրինակ, քանի՞-քանի հոգի պետք եղավ կործանել և քանի՞-

քանի պատվավոր անուններ խայտառակել՝ միայն Հորին ձեռք բերելու համար, այդ արդարակյաց մարդուն, որի կապակցությամբ այնպե՛ս շարախնդորեն ինձ ծուղակը գցեցին այդ հին օրերին: Չէ՞, քանի դեռ չի հայտնված գաղտնիքը, ինձ համար երկու տեսակ ճշմարտություն կա. մեկը անդեմականն է, նրա՛նց ճշմարտությունը, որ դեռ բոլորովին անծանոթ է ինձ, իսկ մյուսը՝ ի՛մ ճշմարտությունը: Եվ դեռ հայտնի չէ, թե ո՞րն է ի վերջո ավելի լավը... Քնեցի՞ր:

— Անշո՛ւշտ, — տնքաց Իվանը զայրալից, — դու ինձ որպես մի նորություն ես մատուցում այն ամբողջ հիմարությունը, որ կա իմ մեջ, բոլո՛ր այն բաները, որ արդեն վաղուց են անցել իմ գլխով, մանր-մանր աղացվել են իմ ուղեղում ու դուրս շարտվել լեշի նման:

— Նորի՛ց չկարողացա գոհացնել: Իսկ ես մտածում էի նույնիսկ, որ իմ գրական ռճով կհրապուրեմ քեզ. ճիշտն ասած, վատ չէր այդ «օվսաննան» երկնքում, չէ՞: Հետո էլ այդ հեգնական շեշտը à la Հայնե, հը՞, ճիշտ չե՛մ ասում:

— Չէ՞, ես երբե՛ք այսպիսի պնակալեզ չեմ եղել: Ուրեմն ինչպե՛ս իմ հոգին կարող էր ծնունդ տալ քեզ նման մի պնակալեզի:

— Մթերլի բարեկամս, ես ճանաչում եմ մի սքանչելագույն և շատ համակրելի երիտասարդ ազնվորդու. երիտասարդ մտածող է նա, մեծ սիրահար է գրականության ու նրբագեղ բաների, հեղինակել է մի խոստմնալից պոեմ, որ կոչվում է «Մեծ հավատաքննիչը»... Միայն նրա՛ն նկատի ունեի ես:

— Արգելո՛ւմ եմ քեզ խոսել «Մեծ հավատաքննիչի» մասին, — բացականչեց Իվանը, ամոթից կասկարմիր կտրելով:

— Դե լավ, իսկ «Երկրաբանական հեղաշրջո՞ւմ»-ը: Հիշո՞ւմ ես: Այ դա արդեն պոե՛մ էր:

— Լո՞ր, թե չէ կսպանեմ քեզ:

— Ի՞նձ կսպանես: Չէ՞, կներես, պիտի խոսեմ: Հենց եկել եմ, որ այդ հաճույքը մատուցեմ ինքս ինձ: Օ՞, ես սիրում եմ իմ կրակոտ, երիտասարդ, կյանքի ծարավով թրթռուն բարեկամների երազանքները: Ենոր մարդիկ կան այստեղ, — որոշեցիր դու անցյալ գարնանք, երբ պատրաստվում էիր այստեղ գալ, — նրանք մտադիր են կործանել ամեն ինչ և սկսել մարդակերությունից, Հիմարե՛ր, իմ կարծիքը չեն հարցրել: Ըստ իս, կարիք էլ չկա որևէ բան կործանելու, պետք է միմիայն

աստծո գաղափարը կործանել մարդկության մեջ, ահա՛ թե որ- տեղից պետք է սկսել գործը: Սրտե՛ից, սրանի՛ց պետք է սկսել, օ՛ կույրեր, ոչինչ չհասկացող կույրե՛ր: Հենց որ մարդկությունը համայնորեն հրաժարվի աստծուց (իսկ ես հավատում եմ, որ այդ դարաշրջանը, երկրաբանական դարաշրջաններին հա- մանման, իրականություն կդառնա), ամբողջ նախկին աշխար- հայացքը և մանավանդ ամբողջ նախկին բարոյականությունը ինքնաբերաբար կտապալվի, առանց մարդակերության, և ամեն ինչ նորից նոր կսկսվի: Մարդիկ կհամախմբվեն, որպեսզի կյանքից վերցնեն ամեն ինչ, որ նա կարող է տալ, բայց միայն ու միայն ա՛յս աշխարհում երջանկություն և ուրախություն վա- յելելու համար: Մարդը կբարձրանա աստվածային, տիտանա- կան հպարտության ոգով, և կհայտնվի մարդ-աստվածը: Ժամ առ ժամ հողթահարելով բնությունը առանց այլևս չափ ու սահ- մանի, իր կամքով ու գիտությամբ, մարդը այնպիսի՛ բարձր մի հաճույք պիտի զգա ամեն ժամ, որ դա պիտի փոխարինի երկ- նային հաճույքներ վայելելու բոլոր նախկին հույսերը: Ամեն ոք պիտի իմանա, որ ինքը լիովին մահկանացու է, առանց հոգու հարության, և մահը պիտի ընդունի հպարտորեն ու խաղաղու- րեն, աստծո նման: Իր հպարտության շնորհիվ պիտի հասկա- նա, որ կարիք չկա տրտնջալու, թե կյանքը մի ակնթարթ է, և այլևս առանց որևէ հատուցման պիտի սիրի իր եղբորը: Սերը կյանքի ակնթարթի՛ն միայն պիտի գոհացում տա, բայց հենց ակնթարթայնության գիտակցությունն էլ այնքա՛ն պիտի սաստկացնի սիրո հուրը, որքան որ առաջ ճապաղում էր դա՝ անդրշիրիմյան անհուն սիրո հույսերով... դե և այլն, և այլն, այս տեսակ բաներ: Հիանալի՛ է:

Իվանը, ձեռքերն ականջներին սեղմած, նստել ու նայում էր հատակին, բայց սկսեց դողալ ամբողջ մարմնով: Չայնը շարու- նակեց.

— Հարցը հիմա այն է,— խորհրդածում էր իմ երիտասարդ մտածողը,— հարցը այն է, թե հնարավո՞ր է արդյոք, որ այդպիսի մի դարաշրջան գա երբևիցե: Եթե գա այդ դարաշրջանը, ուրեմն ամեն ինչ կլուծվի և մարդկությունը կարգի կընկնի վերջնակա- նապես: Բայց քանի որ դա, մարդու մեջ միս ու արյուն դարձած հիմարության պատճառով, գուցե հազար տարուց էլ չի իրակա- նանա, ուրեմն ամեն ոք, որ այժմ էլ արդեն ունի գիտակցությու- նը ճշմարտության, կարող է բացարձակապես իր ուզածի նման

կարգավորել իր կյանքը՝ նոր սկզբունքներով: Այդ իմաստով նրան «ամեն ինչ թույլատրելի է»: Ավելին՝ եթե նույնիսկ այդ դարաշրջանը երբեք չհասնի, բայց քանի որ համենայն դեպս չկա աստված և անմահություն, ուրեմն նոր մարդը կարող է մարդ-աստված դառնալ, թեկուզ և նա միակը լինի ամբողջ աշխարհում, և անշուշտ, նոր աստիճանի բարձրացրած, կարող է թեթև սրտով կոխել-անցել նախկին ստրուկ մարդու բարոյա- կանության ամեն մի խոչընդոտ, եթե պետք լինի: Աստծո հա- մար չկա՞ օրենք: Ուր որ կանգնում է աստված՝ դա սրբազա՛ն վայր է արդեն: Ուր որ կանգնեմ ես՝ դա իսկույնսեթ կլինի առաջնազույն վայրը... «ամեն ինչ թույլատրելի է» ու վե՛րջ: Շա՛տ հիանալի է այդ ամբողջը. միայն թե կարծում եմ, որ եթե սիրտդ ուզում է սրիկայություն անել, այլևս ինչի՞դ է պետք ճշմարտության անունով վավերացնել քո ուզածը: Բայց այդպես է մեր ժամանակակից ուսու մարդուկը, այնքա՛ն է սիրահարվել ճշմարտության, որ առանց վավերացման չի կարողանում մինչև իսկ սրիկայություն անել...

Հյուրը խոսում էր, հայտնապես տարված իր պերճախոսու- թյամբ, ավելի ու ավելի բարձրացնելով ձայնը և հեզանականու- րեն նայելով տանտիրոջը: Բայց նա չկարողացավ վերջացնել. Իվանը հանկարծ վերցրեց բաժակը սեղանից և թափով նետեց հետորի վրա:

— Ah mais c'est bête enfin! — բացականչեց հյուրը, վեր թռչելով բազմոցից և մատներով թափ տալով թեյի կաթիլներն իր վրայից: — Լյուսթերի թանաքամա՛նը հիշեցիր: Ի՛նքն է ինձ երազ համարում, և բաժա՛կ է նետում երազի վրա: Կնավարի բան է դա: Այո, ես կասկածում էի արդեն, որ դու ձևացնո՞ւմ էիր պարզապես, թե փակել ես ականջներդ. լսում էիր...

Հանկարծ դրսից ուժգին ու համառորեն բախեցին պատու- հանը: Իվան Փյոդորովիչը վեր թռավ բազմոցից:

— Լսո՞ւմ ես: Լավ կլինի, որ բանաս,— գռչեց հյուրը,— քո եղբայր Ալյոշան է, խիստ անակնկալ ու հետաքրքրական լուր է բերել, հաստա՛տ բան եմ ասում քեզ:

— Լո՛ի՛ր, խաբեբա, ես քեզից առաջ գիտեի, որ Ալյոշան է, նախազգում էի. և անշո՛ւշտ թե իզուր չի գալիս, անշուշտ «լուր» է բերում... — բացականչեց Իվանը մոլեգնորեն:

1 է՛, բայց սա հիմա՛ր բան է վերջապես (Ֆրանս.):

— Գե քա՛ց դուռը, քա՛ց: Ձյունամորթիկ է դրսում, իսկ նա եղբայրն է քո: Monsieur sait-il le temps qu'il fait? C'est à ne pas mettre un chien dehors!...

Թակոցը շարունակվում էր: Իվանն ուզում էր դեպի պատուհանը նետվել. բայց կարծես մի բան կաշկանդեց հանկարծ նրա ոտքերն ու ձեռքերը: Բոլոր ուժերը լարեց, որ քանդի կապանքները, բայց իզուր: Թակոցն ափելի ու ավելի էր սաստկանում: Վերջապես հանկարծ քանդվեցին կապանքները, և Իվան Տյոդորովիչը վեր ցատկեց բազմոցից: Շուրջը նայեց վայրագ մի հայացքով: Երկու մոմերը համարյա լրիվ վառվել էին, սեղանին մնում էր այն բաժակը, որ նա հենց քիչ առաջ նետել էր հյուրի վրա, իսկ դիմացի բազմոցին ոչ ոք չկար: Գեո համառորեն շարունակվում էր Թակոցը պատուհանի շրջանակին, բայց բնավ էլ այնքան ուժգին չէր, որքան հենց հիմա թվացել էր նրան երազում, ընդհակառակը, շատ զուսպ էր:

— Երազ չէ՛: Ոչ, երդվում եմ, երազ չէր, այդ ամբողջը կատարվե՛ց հիմա,— գուչեց Իվան Տյոդորովիչը, նետվեց դեպի պատուհանը և օդանցքը բաց արեց:

— Ալյոշա՛, ասացի՛ քեզ, չէ՞, որ չգաս,— կատաղորեն գոռաց նա եղբորը:— Երկու խոսքով՝ ի՞նչ ես ուզում: Երկու խոսքով, լսո՛ւմ ես:

— Մի ժամ առաջ Սմերդյակովը կախեց իրեն,— պատասխանեց Ալյոշան դրսից:

— Անցիր դեպի դուռը, իսկույն կբացեմ,— ասաց Իվանը և զնաց դուռը բացելու Ալյոշայի առաջ:

X

ՆԱ ԷՐ ԱՍՏԻՄ՝

Ալյոշան, ներս մտնելով, Իվանին ասաց, թե Յոտ մի ժամ առաջ Մարյա Կոնդրատենան վազել-եկել էր իր բնակարանը և հայտնել, որ Սմերդյակովը անձնասպան է եղել: «Հենց մտել էի, ինքնահոը վերցնեմ, մեկ էլ տեսա՝ պատի մեխից կախվել է»: Ալյոշան հարցրել էր՝ «Հայտնեցի՞ր ում որ պետք է», և աղբիկը

¹ Պարոնը գիտե՞, թե ինչ եղանակ է դրսում: Այսպիսի եղանակին շանն էլ դուրս չեն անում... (Գրանո.)

պատասխանել էր, թե ոչ ոքի չի հայտնել, «առաջինը հենց ուղղակի ձեզ մոտ թո՛ւ, ամբողջ ճանապարհը վազեմվազ եկա»: Խելազարի նման էր, ասաց Ալյոշան, տերեխ պես դողում էր: Իսկ երբ Ալյոշան աղջկա հետ վազել էր նրանց խրճիթը, Սմերդյակովին գտել էր նույն կախված վիճակում: Սեղանի վրա մի երկտող կար. «Ոչնչացնում եմ իմ կյանքը իմ սեփական կամքով ու ցանկությունամբ, որպեսզի ոչ ոքի վրա մեղք չզցնեմ»: Ալյոշան այնպես էլ թողել էր այդ երկտողը սեղանի վրա և ուղղակի գնացել ոստիկանապետի մոտ, ամեն ինչ հայտնել նրան, «իսկ այնտեղից ուղղակի քեզ մոտ եկա»,— վերջացրեց Ալյոշան, ուշադիր նայելով Իվանի դեմքին: Եվ պատմելու ժամանակ աչքերը անընդհատ հառել էր եղբորը, կարծես նրա դեմքի արտահայտություն մեջ նկատելով մի բան, որ սաստիկ զարմացրել էր իրեն:

— Եղբա՛յր,— գուչեց նա հանկարծ,— սոսկալի հիվանդ ես երևում: Նայում ես, և թվում է՝ չես հասկանում իմ ասածը:

— Լավ է, որ եկար,— ասաց Իվանը մի տեսակ մտախոհ և կարծես թե բուրբուրվին շլսելով Ալյոշայի բացականչությունները:— Բայց ես գիտեի, որ նա կախել է իրեն:

— Իսկ ո՞վ ասաց:
— Զգիտեմ ով: Բայց գիտեի: Իսկապես, գիտեի՞: Այո, նա՛ ասաց ինձ: Հենց նոր էր ասում...

Իվանը կանգնել էր սենյակի մեջտեղը և խոսում էր նույն մտախոհ արտահայտությամբ, նայելով հատակին:

— Ո՞վ է նա,— հարցրեց Ալյոշան, ակամա նայելով շուրջը:

— Միկեց, փախավ:

Իվանը վեր առավ գլուխը և մեղմ ժպտաց:

— Քեզնից վախեցավ, քեզնից, քեզ նման աղավնյակից: Գու «անարատ քերովբե» ես, հրեշտակ: Դմիտրին քեզ քերովբե է կոչում: Քերովբե... Որոտաձա՛յն աղաղակը սերովբենների ցնծության: Ի՞նչ է սերովբեն: Գուցե մի ամբողջ համաստեղություն: Բայց գուցե այդ ամբողջ համաստեղությունը մի քիմիական մոլեկուլ է միայն... Առյուծի և Արևի համաստեղություն կա՞, չգիտե՞ս:

— Նստի՛ր, եղբայր,— ասաց Ալյոշան վախեցած,— նստիր այստեղ, բազմոցի վրա, ի սեր աստծո:— Զառանցում ես, գլուխդ դիր բարձին, այ այսպես: Թաց սրբիչ ուզո՞ւմ ես գլխիդ: Գուցե ավելի լա՞վ զգաս:

— Տուր սրբիչը, այ այստեղ է, աթոռի վրա, քիչ առաջ այստեղ գցեցի:

— Այստեղ սրբիչ չկա: Մի՛ անհանգստանա, գիտեմ որտեղ է,— ասաց Ալյոշան, մի մաքուր, ծալած ու դեռ շօգտագործած սրբիչ գտնելով սենյակի մյուս անկյունում, Իվանի արդասեղանի մոտ: Իվանը տարօրինակորեն նայեց սրբիչին. հիշողութունը կարծես մի ակնթարթում տեղը եկավ:

— Սպասիր,— վեր կացավ նա բազմոցից,— ես մի ժամ առաջ այս նույն սրբիչը վերցրի այնտեղից և թրջեցի: Գրի գլխիս և հետո գցեցի այստեղ... Իսկ ինչո՞ւ չոր է: Ուրիշ սրբիչ չկար:

— Ա՞յս սրբիչը դրել էիր գլխիդ,— հարցրեց Ալյոշան:

— Այո, և սենյակում քայլեցի, մի ժամ առաջ... Ինչո՞ւ մոմերը այսպես լրիվ վառվել են: Ժամը քանի՞սն է:

— Տասներկուսի մոտ:

— Չէ, չէ, չէ՞,— գոռաց հանկարծ Իվանը,— երազ չէ՞ր դա: Նա այստեղ էր, նստել էր այստեղ, ահա այն բազմոցին: Երբ դու պատուհանն էիր թակում, ես բաժակը նետեցի նրա վրա... ահա այս բաժակը... Սպասիր, անցյալ անգամ էլ քնել էի, բայց այս երազը երազ չէ: Անցյալ անգամ էլ ևղավ: Ալյոշա, երազներ եմ տեսնում հիմա... բայց երազներ չեն, իրական են. քայլում եմ, խոսում, տեսնում... բայց քնած եմ: Բայց նա կա՞ր, նստել էր այստեղ, ահա այդ բազմոցին... Սոսկալի հիմար է նա, Ալյոշա, սոսկալի հիմար,— ծիծաղեց հանկարծ Իվանը և սկսեց քայլել սենյակում:

— Ո՞վ է հիմար: Ո՞ւմ մասին ես խոսում, եղբայր,— նորից անձկությամբ հարցրեց Ալյոշան:

— Սատանան: Սկսել է այցելել ինձ: Երկու անգամ եկավ, համարյա նույնիսկ երեք անգամ: Մաղրում էր ինձ, ասում էր՝ իբր թե ես բարկանում եմ, որ ինքը հասարակ սատանա է, և ոչ թե սադայելը՝ բոցակեզ թեկերով, որտուով ու փայլով: Բայց սադայելը չէ նա, ստում է: Ինքնակոշի մեկն է: Պարզապես սատանա, անպետք, չնչին մի սատանա: Բաղնիք է գնում: Մերկացնես նրան, կտեսնես, որ պոչ ունի, վստահ եմ, երկար, ողորկ մի պոչ, դանիական շան նման, մի կանգուն երկարությամբ, մուգ շագանակագույն... Ալյոշա, մրսել ես, ձյունների մեջ ես եղել, թեյ ուզո՞ւմ ես: Ի՞նչ: Սա՞ռն է: Ուզո՞ւմ ես՝ ասեմ, նոր թեյ բերի: C'est à ne pas mettre un chien dehors!...

1 Այսպիսի եղանակին շանն էլ գուրս չեն անում... (Ֆրանս.):

Ալյոշան վազեց լվացարանի մոտ, թրջեց սրբիչը, համոզեց Իվանին, որ նստի նորից, և թաց սրբիչը փաթաթեց գլխին: Ինքն էլ նրա կողքին նստեց:

— Ի՞նչ էիր ասում քիչ առաջ կիզայի մասին,— սկսեց նորից Իվանը: (Նա սկսում էր արդեն շատախոս դառնալ):— Ինձ դուր է գալիս կիզան: Մի զվելի բան ասացի քեզ նրա մասին: Սուտ էր, նա ինձ դուր է գալիս... Կատյայի համար եմ վախենում վաղը, ամենից ավելի նրա համար եմ վախենում: Ապագայի համար: Վաղը նա ինձ դեռ կգցի ու կտորի ոտքերի տակ: Կարծում է, որ խանդո՞ւմ եմ իրեն և դրա համար կործանում եմ Միտյային: Այո, այդպես է կարծում: Բայց չէ՞, այդպես չէ՞: Վաղը խաչ է, բայց ոչ կախաղան: Չէ, ես ինձ չեմ կախի: Գիտե՞ս, որ ես երբեք չեմ կարող անձնասպան լինել, Ալյոշա: Որովհետև ստո՞ր եմ, հա՞: Ես վախկոտ չեմ: Կյանքի ծարավն է: Ինչպե՞ս իմացա, որ Սմերդյակովը կախել է իրեն: Այո՞, ևա ինձ ասաց... — Եվ դու հաստատ համոզված ես, որ մեկը նստե՞լ էր այստեղ,— հարցրեց Ալյոշան:

— Ահա այն բազմոցի վրա, անկյունը: Դու կվունդեիր նրան: Բայց այո, հենց դու էլ վունդեցիր նրան. երբ դու երևացիր, նա շքացավ: Սիրում եմ քո դեմքը, Ալյոշա: Գիտե՞իր, որ սիրում եմ քո դեմքը: Իսկ ևա... իմ անձն է, Ալյոշա, ես եմ նա, ես ինքս: Ամեն ինչ, որ ստո՞ր է իմ մեջ, ամեն ինչ, որ անարգ է ու քստմենլի: Այո, ես «ռոմանտիկ» եմ, նկատեց այդ բանը... Թեև դա զրպարտություն է: Նա սոսկալի հիմար է, բայց դրանով է գործը գլուխ հանում: Խորամանկ է, անասնորեն խորամանկ, գիտե, թե ինչով կարող է կատաղեցնել ինձ: Անընդհատ ծաղրում էր ինձ, որ չեմ հավատում իրեն, և դրանով էլ ստիպեց, որ լսեմ իր ասածը: Խաբեց ինձ, երեխայի պես խաբվեցի: Բայց նա իմ մասին ճշմարիտ բաներ էլ շատ ասաց, ի՞նձ ասաց: Ես երբեք չէի ասի այդ բոլորը ինքս ինձ: Գիտե՞ս, Ալյոշա, գիտե՞ս,— ավելացրեց Իվանը սոսկալի լուրջ ու մի տեսակ խորհրդապահ շեշտով,— ես շատ կցանկանայի, որ նա իսկապես ևա լիներ, ոչ թե ես:

— Նա քեզ տանջել է,— ասաց Ալյոշան, կարեկցանքով նայելով եղբորը:

— Մաղրո՞ւմ էր ինձ: Եվ գիտե՞ս, վարպետորեն, վարպետորեն: Ձե՛ր լուրջ: Ի՞նչ է խիղճը: Ես ինքս եմ հնարում դա: Ուրեմն ինչո՞ւ եմ տանջվում: Սովորություն է: Մարդկության համաշխարհային սովորությունը՝ յոթ հազար տարուց ի վեր: Ուրեմն թող-

Նմանք այդ աստուծոցն ու աստվածներ լինենք: Նա՛ էր ասում դա, նա՛ էր ասում:

— Եվ ո՛չ թե դու, ո՛չ թե դու, — անդիմադրելիորեն քոչեց Ալյոշան, պարզ նայելով եղբորը: — Քող նա ի՛նչ ուզում է ասի, ձեռք քաշիր նրանից, մտապի՛ր նրան: Քող ի՛ր հետ տանի ամեն ինչ, որ անիծում ես հիմա, և թող երբե՛ք չգա:

— Այո, բայց նա շար է: Միծաղում էր ինձ վրա: Անպատկառ էր նա, Ալյոշա, — ասաց Իվանը, վիրավորանքից դողալով: — Բայց զրպարտում էր ինձ, շատ էր զրպարտում: Հենց իմ երեսին սուտ էր ասում իմ մասին: «Օ՛, դու գնում ես առաքինության սխրանք կատարելու, պիտի հայտարարես, որ սպանել ես հորդ, որ ծառան քո դրդումով է սպանել հորդ...»:

— Եղբայ՛ր, — ընդհատեց Ալյոշան, — զսպիր քեզ, դու չես սպանողը: Դա ճիշտ չէ՛:

— Նա է ասում, նա, իսկ նա գիտե: «Դու՛ գնում ես առաքինության սխրանք կատարելու, բայց հենց առաքինության էլ չես հավատում. ահա թե ինչն է քեզ զայրացնում ու տանջում, ահա թե ինչու այդպես քինախնդիր ես դու: Նա էր ինձ ասում այդ բանը իմ մասին, իսկ նա գիտե ինչ է ասում...»

— Գո՛ւ ես ասում, ոչ թե նա, — վշտագին բացականից Ալյոշան, — և ասում ես, որովհետև հիվանդ ես, զառանցում ես, տանջում ես քեզ:

— Զէ, նա գիտե ինչ է ասում: Գու գնում ես հպարտությունից դրդված, ասում է, դու կկանգնես ու կասես. «Օ՛ սպանեցի, և ինչո՞ւ եք կծկվում սարսուփից, ստո՛ւմ եք դուք: Արհամարհում եմ ձեր կարծիքը, արհամարհում եմ ձեր սարսուփը»: Նա էր ասում այդ բանը իմ մասին, և հետո ասաց. «Բայց գիտե՞ս, դու ուզում ես, որ գովեն քեզ նրանք. այսինքն թե՛ ոճրագործ է, մարգասպան, բայց ի՛նչ վեհանձն զգացմունքների տեր է, ուզեց փրկել իր եղբորը և խոստովանեց»: Այ սա արդեն սո՛ւտ է, Ալյոշա, — գոռաց հանկարծ Իվանը, և աչքերը փայլատակեցին: — Ես չե՛մ ուզում, որ ստոր ուսմիկները գովեն ինձ: Նա սուտ ասաց այդ բանը, Ալյոշա, սուտ ասաց, երդվո՞ւմ եմ քեզ: Գրա համար էլ բաժակը նետեցի նրա քթին-քերնին, և շարդվեց բաժակը նրա մոռութի վրա:

— Հանգստացիր, եղբայր, վե՛րջ տուր: — խնդրում էր Ալյոշան:

— Զէ, նա կարողանում է տանջել, դաժան է նա, — շարտանակում էր Իվանը, առանց լսելու: — Ես միշտ նախազգույժ եմ,

թե ինչու է գալիս: «Ասե՛ք, դու հպարտությունից դրդված պիտի գնաս, բայց նաև հույս ունեիր համենայն դեպս, որ Սմերդյակովին կմերկացնեն ու կուղարկեն տաժանակիր աքսորի, Միտայիին կարդարացնեն, իսկ քեզ կդատապարտեն լուկ բարոյապետ (լսո՞ւմ ես, նա ծիծաղե՛ց այդ ասելով), իսկ ոմանք էլ ուղղակի կգովեն քեզ: Բայց ահա մեռավ Սմերդյակովը, կախեց իրեն. է՛հ, հիմա մենակ մնացիր, և ո՞վ կհավատա քեզ դատարանում: Բայց չէ՛, դու գնում ես, գնում, կգնաս այնուամենայնիվ, որոշել ես, կգնաս: էլ ինչո՞ւ ես գնում սրանից հետո»: Սարսուփելի է, Ալյոշա, ես չեմ կարող հանդուրժել այսպիսի հարցերը: Ո՞վ կհանդգնի այսպիսի հարցեր տալ ինձ:

— Եղբայր, — ընդհատեց Ալյոշան, թուլանալով վախից, բայց դեռ կարծես հույս ունենալով, որ խելքի կբերի Իվանին, — ինչպե՞ս նա կարող էր մինչև իմ գալը ասել քեզ, թե Սմերդյակովը մեռել է, երբ դեռ ոչ ոք չգիտեր դրա մասին, և ժամանակ էլ չկար, որ ուրիշ որևէ մեկը իմանար:

— Ասաց նա, ասաց, — պնդեց Իվանը, տարակույսի հնարավորությունն անգամ մերժելով: — Հենց միայն դրա մասին էր խոսում, եթե ուզում ես: «Եվ գոնե հավատալի՛ր առաքինության, — ասաց նա: — Կարող էիր մտածել՝ թող շահավատան ինձ, սկզբունքի համար եմ գնում: Բայց չէ՛ որ դու խոզի ձագ ես Ֆյոդոր Պավլովիչի նման, և ինչի՞դ է պետք առաքինությունը: Իսկ ինչո՞ւ ես ուզում քարշ գալ այնտեղ, եթե քո զոհողությունը ոչ մի բանի չի ծառայելու: Որովհետև ի՛նքդ չգիտես, թե ինչու ես գնում: Օ՛, դու շատ բան կտայիր, որպեսզի ինքդ էլ իմանայիր, թե ինչու ես գնում: Եվ իբր թե որոշե՛լ ես: Դեռ չես որոշել: Ամբողջ գիշեր պիտի նստես ու տատանվես՝ գնա՞մ, թե չէ: Բայց համենայն դեպս գնալու ես և գիտես, որ գնալու ես: Ինքդ էլ գիտես, որ ինչ որոշում էլ տաս, քեզնից չի կախված վերջնական որոշումը: Պիտի գնաս, որովհետև չես համարձակվի չգնալ: Իսկ թե ինչո՞ւ չես համարձակվի՛ այդ արդեն ի՛նքդ կոահիր, ահա քեզ հանելուկ: Ելավ ու գնաց: Դու եկար, իսկ նա գնաց: Նա ինձ վախկո՞տ կոչեց, Ալյոշա: Le mot de l'énigme՛-ը այն է, որ ես վախկո՞տ եմ: «Այսպիսի արծիվների գործը չէ՛ երկրից վեր սլանալ»: Նա՛ ավելացրեց այս բանը, նա՛ ավելացրեց: Եվ Սմերդյակովն էլ նույն բանը ասաց: Պետք է սպանե՛լ նրան:

1 Հանելուկի լուծումը (Ֆրանս.):

Կատյան արհամարհում է ինձ, արդեն մի ամիս է՝ տեսնում եմ դա, և կիզան էլ կսկսի արհամարհել: «Գնում ես, որ քեզ գովեն»։ դա ճիվաղային սուտ է: Եվ դու էլ արհամարհում ես ինձ, Ալյոշա: Հիմա ես նորից կատեմ քեզ: Եվ հրեշին էլ եմ ատում, հրեշին էլ եմ ատում: Չեմ ուզում փրկել հրեշին, թող փտի՝ տաժանավարում: Օրհնեբգություն սկսեց երգել: Օ՛, վաղը ես կգնամ, կկանգնեմ նրանց առաջ և կթքե՛մ բոլորի երեսին:

Նա վեր թռավ մոլեգնահար, քաշեց ու շարտեց սրբիչը և սկսեց նորից քայլել սենյակում: Ալյոշան հիշեց նրա քիչ առաջվա ասածը. «Կարծես թե քնում եմ արթուն վիճակում... Քայլում եմ, խոսում և տեսնում, բայց քնած եմ»: Հենց այդ էր ասես կատարվում հիմա: Ալյոշան չէր հեռանում նրա մոտից: Մտքովն անցավ, որ վազի ու բժիշկ բերի, բայց վախեցավ եղբորը մենակ թողնել. չկա՛ր մեկը, որի խնամքին թողնեի նրան: Վերջապես Իվանն սկսեց հետզհետե բոլորովին կորցնել դիտակցությունը: Շարունակում էր խոսել, խոսում էր անդադար, բայց բոլորովին անկապ: Նույնիսկ վատ էր արտասանում բառերը և հանկարծ սաստիկ օրորվեց կանգնած տեղում: Բայց Ալյոշան ճիշտ ժամանակին բռնեց նրան: Իվանը թույլ տվեց, որ նա իրեն տանի անկողին, Ալյոշան մի կերպ հանեց նրա հագուստները և պառկեցրեց: Դեռ երկու ժամ նստեց նրա մոտ ու հսկեց: Հիվանդը պինդ քնում էր, առանց շարժվելու, հանգիստ ու համաշափ շնչելով: Ալյոշան մի բարձ վերցրեց ու պառկեց բազմոցի վրա, առանց հանվելու: Քուն մտնելով, նա աղոթեց Միտյայի ու Իվանի համար: Սկսում էր հասկանալ Իվանի հիվանդությունը. «Հպարտ բախտորոշման տանջանքներ, խորունկ խիղճ»: Աստված, որին չէր հավատում նա, և աստուծո ճշմարտությունն սկզբում էին տիրել նրա սրտին, որ դեռ չէր ուզում ենթարկվել: «Այո,— անցավ Ալյոշայի մտքով, երբ նրա գլուխն արդեն հանգչում էր բարձի վրա,— այո, քանի որ Սմերդյակովը մեռավ, այլևս ոչ ոք չի հավատա Իվանի ցուցմունքին. բայց նա կգնա ու կտա՛ իր վկայությունը:— Ալյոշան մեղմ ժպտաց:— Աստված կհաղթանակի,— մտածեց նա:— Կա՛մ ոտքի կկանգնի եղբայրս ճշմարտության լույսով, և կամ... կկործանվի ատելության մեջ ընկած, վրեժ լուծելով իրենից և բոլորից՝ նրա համար, որ ծառայել է մի բանի, որին չի հավատում»,— դառնորեն ավելացրեց Ալյոշան ու նորից աղոթեց Իվանի համար:

Գ Ի ր ք տ ա ս Գ Ե ր կ ու ե ր ո ր դ

ԴԱՏԱԿԱՆ ՍԽԱԼ

I

ՃԱԿԱՏԱԳՐԱԿԱՆ ՕՐԸ

Իմ նկարագրած դեպքերից հետո, հաջորդ օրը, առավոտյան ժամը տասին, մեր շրջանային դատարանում սկսվեց Դմիտրի Կարամազովի դատը:

Նախօրոք ասեմ, և ասեմ հաստատապես՝ ես բնավ էլ ինձ ի վիճակի չեմ համարում պատմելու այն ամբողջը, որ տեղի ունեցավ դատի ընթացքում, և ոչ միայն հարկ եղած լիությամբ, այլև հարկ եղած կարգով պատմել չեմ կարող: Ինձ միշտ էլ թրվում է, որ եթե ամեն ինչ հիշեի և ամեն ինչ բացատրեի այնպես, ինչպես պետք է, մի ամբողջ գիրք հարկավոր կլինեի գրել և նույնիսկ շատ խոշոր գիրք: Ուստի թող չգժգոհեն ինձնից, որ ես պատմում եմ միայն այն, ինչ անձնապես ինձ վրա տպավորություն է գործել, և որ հատկապես հիշում եմ ես: Կարող է պատահել, որ երկրորդականը որպես զլխավոր եմ քնդունել, գուցե նույնիսկ բոլորովին աչքաթող եմ արել ամենացցուն, ամենաէական կետերը... Բայց տեսնում եմ, որ ավելի լավ է շարդարանալ: Կանեմ այնպես, ինչպես կարող եմ, և ընթերցողները իրենք կհասկանան, որ արել եմ միայն այն, ինչ կարող էի:

Եվ նախ, դատարանի դահլիճ մտնելուց առաջ, հիշատակեմ այն, ինչ հատկապես զարմացրեց ինձ այդ օրը: Ի դեպ, ինչպես պարզվեց հետո, ոչ միայն ինձ զարմացրեց դա, այլև բոլորին: Խնդիրն այս է. բոլորս էլ գիտեինք, որ այս գործը շատ-շատերին է հետաքրքրել և բոլորն էլ այրվում են անհամբերությունից, թե երբ է սկսվելու դատը, որ մեր քաղաքի հասարակությունն ամբողջ երկու ամիս խոսում էր դրա մասին, ենթադրություններ անում, բացականում ու զլխից դուրս տալիս: Բոլորս էլ գիտեինք նույնպես, որ այս գործը ամբողջ Ռուսաստանում է հրուշակվել, բայց այնուամենայնիվ չէինք պատկերացնում, որ այդ աստիճան այրող, այդ աստիճան ցնցող հետաքրքրություն է առաջացրել բոլորի և յուրաքանչյուրի մեջ, և ոչ միայն մեր քա-

դաքում, այլև ամենուրեք, ինչպես պարզվեց այդ օրը, բուն իսկ դատավարության ժամանակ: Այդ օրը մեզ մոտ հյուրեր եկան ոչ միայն նահանգի կենտրոնական քաղաքից, այլև Ռուսաստանի մի քանի ուրիշ քաղաքներից, և վերջապես Մոսկվայից ու Պետերբուրգից: Եկան իրավաբաններ, եկան նույնիսկ մի քանի ականավոր անձինք, ինչպես նաև տիկիներ: Բոլոր տոմսերը խլխլվեցին: Դատավորների սեղանի ետև նույնիսկ բոլորովին արտակարգ տեղեր էին հատկացրել առանձնապես պատվարժան ու մեծազարմ այրերի համար, որոնք հյուր էին եկել: այդ այլազան անձնավորությունների համար բազկաթոռների մի ամբողջ շարք էր երևացել այնտեղ, մի բան, որ առաջ երբեք չէր թույլատրվում մեր դատարանում: Հատկապես շատ էին տիկիները՝ թե՛ մեր քաղաքից, թե՛ դրսից. կարծում եմ նույնիսկ, որ ներկա եղող հասարակության կեան էին կազմում նրանք, ոչ պակաս: Ամեն կողմից եկած իրավաբանները միայն այնքան բազմաթիվ էին, որ էլ չգիտեին մինչև իսկ, թե ուր տեղավորեին նրանց, քանի որ բոլոր տոմսերն արդեն վաղուց բաժանել էին խնդրողներին ու աղաչողներին: Ես ինքս տեսա, թե ինչպես դահլիճի խորքում, վերնահարթակի ետև, ժամանակավոր մի ցանկափակ էին կառուցել հապճեպորեն, և բոլոր այդ իրավաբաններին ընդունել էին այնտեղ, և նրանք մինչև իսկ երջանիկ էին համարել իրենց, որ կարող են գոնե կանգնել ցանկափակում, որովհետև, տեղ շահելու համար, բոլոր աթոռները դուրս էին հանել այդ վայրից. և հավաքված բազմությունը ամբողջ «գործի» ընթացքում ուսուսի կանգնեց այնտեղ, մի մեծ կույտ կազմած:

Տիկիներից ոմանք, հատկապես հյուրերից, արտակարգորեն զուգված-զարդարված եկան ու տեղ գրավեցին դահլիճի վերնատանը, բայց տիկիների մեծ մասը նույնիսկ արդուզարդըն էր մոռացել: Նրանց դեմքերին հիստերիկ, ազահ, գրեթե հիվանդափն հետաքրքրասիրություն էր գրոշմված: Դահլիճում հավաքված ամբողջ այդ հասարակության ամենաբնորոշ յուրահատկություններից մեկն այն էր (և սա պետք է նշել), որ համարյա բոլոր տիկիները, գոնե նրանց մեծագույն մասը, Միտային էին պաշտպանում և կողմնակից էին նրա արդարացմանը, և այդ պարագան հետագայում հաստատվեց բազմաթիվ դիտումներով: Դրա գլխավոր պատճառը գուցե այն էր, որ Միտայան կանացի սրտեր նվաճողի համբավ էր վայելում: Գիտեին,

որ երկու մրցակից կանայք պետք է ներկայանան դատարան: Նրանցից մեկը, աչիւնքն Կատերինա Իվանովնան, հատկապես հետաքրքրում էր բոլորին. չափից ավելի շատ և արտասովոր քաներ էին պատմում նրա մասին, զարմանալի անեկդոտներ էին շրջում, թե նա բուռն կիրք է տածում Միտային նկատմամբ, հակառակ նույնիսկ նրա կատարած ոճրագործության: Հատկապես շեշտում էին Կատերինա Իվանովնայի հպարտ բնավորությունը (նա գրեթե ոչ ոքի մոտ այցելության չէր գնացել մեր քաղաքում), հիշում էին նրա «ազնվականական կապերը»: Ասում էին, թե նա մտադիր է խնդրանք ներկայացնել կառավարությանը, որ իրեն թույլ տան ուղեկցել հանցագործին մինչև աքսորավայր և նրա հետ պսակվել մի որևէ հանքում, գետնի տակ: Գրեթե նույն անհամբերությամբ սպասում էին նաև, որ Գրուշենկան երևա դատարանի առաջ, որպես Կատերինա Իվանովնայի մրցակիցը: Տանջալի հետաքրքրասիրությամբ սպասում էին երկու մրցակցուհիներին՝ ազնվական հպարտ օրիորդի և «հետերայի» հանդիպմանը դատարանի առաջ: Բայց Գրուշենկան ավելի հայանի էր մեր տիկիներին, քան Կատերինա Իվանովնան: Մեր տիկիները առաջ էլ տեսել էին նրան՝ «Ճյուղոր Պալլովիչի և նրա դժբախտ որդու կործանման պատճառ եղողին», և բոլորն էլ, գրեթե առանց բացառության, զարմանում էին, թե ինչպես հայր ու որդի կարող էին այդ աստիճան սիրահարվել այդպիսի «ամենահասարակ մի ուսու քաղցնուհու, որ նույնիսկ գեղեցիկ էլ չէ բոլորովին»: Մի խոսքով, շատ էին ասեկոսեները: Հաստատ գիտեմ նույնիսկ, որ հենց մեր քաղաքում մի քանի ընտանեկան լուրջ վեճեր էին տեղի ունեցել Միտայի պատճառով: Տիկիներից շատերը բուռն բախվել էին իրենց ամուսինների հետ՝ այս ամբողջ սարսափելի գործի նկատմամբ տարբեր հայացքների հետևանքով, և դրանից հետո բնական էր, որ բոլոր տիկիները ամուսինները դատարան էին եկել՝ ոչ միայն արդեն անբարեհաճ տրամադրված լինելով մեղադրյալի նկատմամբ, այլև նույնիսկ նրա դեմ զայրույթով լցված: Եվ առհասարակ հաստատորեն կարելի էր ասել, թե ամբողջ արական տարրը, ի հակադրություն տիկիների, տրամադրված էր մեղադրյալի դեմ: Երևում էին խստահայաց, խոժոռ դեմքեր, նույնիսկ ուղղակի քինախնդիր դեմքեր, և այդ բոլորը մեծ թիվ էին կազմում: Ծիշտ էր և այն, որ Միտայան, մեր քաղաքում ապրած ժամանակ, կարողացել էր արդեն անձնապես վիրավորանք

հասցնել նրանցից շատերին: Իհարկե, այցելուներից ոմանք գրեթե զվարթ էին նույնիսկ և շատ անտարբեր էին բուն իսկ Միտյայի ճակատագրի նկատմամբ, բայց և նրանց էլ այնուամենայնիվ հետաքրքրում էր դատաքննության ենթակա գործը: Բոլորին էլ մտահոգում էր գործի ելքը, և տղամարդկանց մեծ մասը ուղղակի ցանկանում էր, որ հանցագործը պատժվի, բացի թերևս իրավաբաններից, որոնց համար թանկ էր ոչ թե գործի բարոյական կողմը, այլ լոկ, այսպես ասած, իրավաբանական հանգամանքը՝ ժամանակակից տեսանկյունով:

Բոլորին հուզել էր նշանավոր դատապաշտպան Ֆետյուկովիչի ժամանումը: Նրա տաղանդը հայտնի էր ամենուրեք և արդեն առաջին անգամը չէր, որ նա երևում էր զավառական վայրում՝ քրեական մեծադղորդ գործեր պաշտպանելու համար: Եվ նրա պաշտպանությունից հետո այդպիսի գործերը միշտ էլ նշանավոր էին դառնում ամբողջ Ռուսաստանում և երկար ժամանակ հիշվում էին: Մի քանի անեկդոտ էր շրջում նաև մեր դատախազի, ինչպես և դատարանի նախագահի մասին: Պատմում էին, որ մեր դատախազը դողում էր Ֆետյուկովիչի հետ հանդիպելուց, և որ նրանք հին թշնամիներ էին՝ դեռ Պետերբուրգից, դեռ իրենց գործունեության սկզբից. ասում էին, թե մեր պատվախնդիր Իպոլիտ Կիրիլովիչը, որ դեռ պետերբուրգյան օրերից էլ մշտապես իրեն վիրավորված էր համարում, որովհետև պատշաճ կերպով չէր գնահատվել նրա տաղանդը, հիմա նորից ոգի էր առել Կարամազովների գործով և նույնիսկ երանում էր այս առթիվ վերականգնել իր գործունեության խամրած ասպարեզը, բայց միայն Ֆետյուկովիչն էր վախեցնում նրան: Սակայն այդ խոսակցությունները, թե նա դողում է Ֆետյուկովիչի առաջ, այնքան էլ ճիշտ չէին: Մեր դատախազը այն մարդկանցից չէր, որոնք վճատվում են վտանգի առջև, այլ ընդհակառակը, մեկն էր այն մարդկանցից, որոնց ինքնասիրությունը աճում ու թևեր է առնում հենց այն շափով, որքանով մեծանում է վտանգը: Իսկ առհասարակ պետք է նկատել, որ մեր դատախազը չափազանց տաքարյուն էր և հիվանդագին կերպով զգայունակ: Երբեմն մի դատական գործի մեջ իր ամբողջ հոգին էր դնում և այնպես էր վարում, որ կարծես դրա լուծումից էր կախված ամբողջ իր ճակատագիրը և ամբողջ իր ունեցած-չունեցածը: Իրավաբանական աշխարհում մի քիչ ծիծաղում էին դրա վրա, որովհետև մեր դատախազը հենց իր այդ հատկությամբ էր որոշ

ճանաչում ձեռք բերել, եթե ոչ ամենուրեք, համենայն դեպս շատ ավելի, քան կարելի էր ենթադրել, նկատի առնելով իր համեստ պաշտոնը մեր դատարանում: Հատկապես ծիծաղի առարկա էր իր կրքոտ հակումը հոգեբանության նկատմամբ: Ըստ իս, բոլորն էլ սխալվում էին, մեր դատախազը, ինձ թվում է, ավելի լուրջ մարդ էր, լուրջ բնավորությամբ, քան կարծում էին շատերը: Բայց դե այդ հիվանդակախ մարդը այնպես էլ չէր կարողացել ըստ պատշաճի հաստատել իրեն իր գործունեության առաջին իսկ քայլերից, հետո էլ արդեն ամբողջ կյանքի ընթացքում:

Գալով մեր դատարանի նախագահին, կարելի է ասել միայն, որ նա զարգացած, բարեսեր մարդ էր, գործնականորեն գիտեր իր գործը և ամենաժամանակակից գաղափարների տեր էր: Բավական ինքնասեր էր նա, բայց շատ էլ չէր մտահոգվում իր համար դիրք ստեղծելու մասին: Նրա կյանքի զլխավոր նպատակն էր պուաշադեմ մարդ լինելը: Ըստ որում կապեր ու հարստություն ունեի, Կարամազովների գործին, ինչպես պարզվեց հետո, բավական սրտանց էր նայում, բայց միայն ընդհանուր առումով: Նրան հետաքրքրում էր բուն իսկ երևույթը, դրա տեղը ընդհանուր դասակարգման մեջ, դրա գնահատումը որպես մեր սոցիալական հիմունքների արգասիք, որպես ուսական տարերքի բնորոշում և այլն: Իսկ գործի անձնական կողմին, դրա ողբերգական բնույթին, ինչպես նաև մասնակից դարձած անձնավորություններին, սկսած մեղադրյալից, նա բավական անտարբեր ու վերացական մոտեցում էր ցույց տալիս, բայց գուցե այդպես էլ պետք է լիներ:

Դատավորների գալուց դեռ շատ առաջ դահլիճն արդեն լեփ-լեցուն էր: Մեր դատարանի դահլիճը լավագույնն է քաղաքում՝ ընդարձակ, բարձր, լավ հնչականությամբ: Դատավորները նըստում էին բարձր պատվանդանի վրա, որի աջ կողմը մի սեղան ու երկու շարք բաղկաթոռ էին պատրաստել երզվյալ ատենակալների համար: Զախ կողմը մեղադրյալի և նրա դատապաշտպանի տեղն էր: Դահլիճի մեջտեղը, պատվանդանի մոտ, մի սեղան կար, որի վրա դրված էին «իրեղեն ասպացույցները»,— Ցյոդոր Պավլովիչի մետաքս սպիտակ, արյունոտ տնազգեստը. պղնձե այն ճակատագրական սանդղակը, որի միջոցով կատարվել էր ենթադրյալ սպանությունը. Միտյայի վերնաշապիկը՝ արյունոտ թևքով. նրա սերթուկը, որի ետևի մասում, այնտեղ, ուր գրպանն էր, արյան բծեր կային, որովհետև այն օրը Միտ-

յան իր ամբողջովին արյունաթաթախ թաշկինակը խոթել էք այդ գրպանը. նույն այդ թաշկինակը նաև, որ կոշտացել էր արյունից և արդեն բոլորովին գեղնել. ատրճանակը, որ Միտյան անձնասպան լինելու համար լցրել էր Պերխտինի տանը, և որ Տիխոն Բորիսովիչը աննկատելիորեն վերցրել էր Մոկրոեով. մակագրված ծրարը, որի մեջ երեք հազար ուրբլի էր դրված եղել Գրուշենկայի համար, ինչպես նաև այն վարդագույն, բարակ ժապավենը, որով կապված էր եղել այդ ծրարը. և բազմաթիվ այլ իրեր, որ չեմ էլ հիշում: Մի քիչ ավելի հետո, դահլիճի խորքից, սկսում էին հասարակությանը հատկացված տեղերը, սակայն դեռ ճաղաշարքի առջև մի քանի բազկաթոռ էր դրված այն վկանների համար, որոնք իրենց վկայությունը տալուց հետո պետք է մնային դահլիճում:

Ժամը տասին եկավ դատական կազմը, որ բաղկացած էր նախագահից, մի այլ անդամից և պատվավոր հաշտարար դատավորից: Պարզ է, անմիջապես երևաց նաև դատախազը: Նախագահը թիկնեղ, ամրակազմ, կարճահասակ մարդ էր, մոտ հիսուն տարեկան, թթախտից տառապողի գունատ դեմքով. մի քիչ սպիտակած ու կարճ կտրած մուգ մազեր ունեւր և չեմ հիշում ո՞ր շքանշանի կարմիր ժապավենն էր կրում: Իսկ դատախազը մի տեսակ շատ գունատ թվաց ինձ, և ոչ միայն ինձ, այլև բոլորին. համարյա թե կանաչ էր դարձել դեմքը, կարծես հանկարծ նիհարել էր գուցե մի գիշերվա մեջ, չգիտես ինչու, որովհետև դեռ երեք օր առաջ տեսել էի նրան իր սովորական կերպարանքով: Նախագահն սկսեց նիստը՝ նախ և առաջ հարց տալով դատական կատարածուին, թե ներկայացնո՞ւ են բոլոր երգվյալ ատենակալները...

Բայց տեսնում եմ, որ այլևս չեմ կարող այսպես շարունակել. թեկուզ նույնիսկ այն պատճառով, որ շատ բան խուսափել է իմ ականջից, ուրիշ բաներ իմ ուշադրությունից են վրիպել, որոշ բաներ էլ մոռացել եմ, բայց մանավանդ այն պատճառով, որ, ինչպես ասացի արդեն, բոլոր ասվածներն ու կատարվածները հիշատակելու համար ոչ ժամանակը կհերիքի, ոչ էլ տեղը՝ բառացի իմաստով: Գիտեմ միայն, որ թե՛ մեկ, թե՛ մյուս կողմը, այսինքն դատապաշտպանն ու դատախազը, երգվյալ ատենակալների մեծ մասին չբացարկեցին: Իսկ տասներկու ատենակալների կազմը հիշում եմ. շորս պաշտոնյա, երկու վաճառական և վեց հոգի էլ գյուղացիներից և մեր քաղաքի արհեստա-

վորների դասից: Մեր քաղաքի բարձր հասարակության մեջ, հիշում եմ, դեռ դատից էլ շատ առաջ, որոշ զարմանքով հարց էին տալիս, հատկապես տիկիճները. «Մի՞թե այսպիսի նուրբ, բարդ ու հոգեբանական գործի բախտորոշ լուծումը պիտի կատարում ունենա ինչ-որ պաշտոնյաներից ու վերջապես գյուղացիներից, և ի՞նչ կարող է հասկանալ այս գործից մի որևէ պաշտոնյայի մեկը, մանավանդ գյուղացին»: Իրոք, ատենակալների կազմի մեջ բոլոր շորս պաշտոնյաները մանր, ցածրաստիճան, ալեհեր մարդիկ էին (միայն մեկն էր մի փոքր ավելի երիտասարդ), մեր հասարակության մեջ քիչ էին հայտնի, խղճուկ մի ոռճիկով քարշ էին տվել իրենց կյանքը, և ըստ երևույթին ամեն մեկը մի ծեր ու աններկայանալի կին ունեւր, նաև մի կույտ երեխա, որոնք գուցե նույնիսկ ոտաբորիկ էին. այդ մարդիկ իրենց ազատ ժամանակը շատ-շատ թղթախաղով էին անցկացնում մի որևէ տեղ և անշուշտ ոչ մի գիրք չէին կարդացել իրենց կյանքում: Իսկ երկու վաճառականները թեև ծանրաբարո տեսք ունեին, բայց մի տեսակ տարօրինակորեն լուռ էին ու անդրդվելի. մեկը եվրոպական ձևով էր հագնված ու երեսն ամիսում էր. մյուսը մի փոքրիկ, սպիտակած մորուք ունեւր և ինչ-որ մեզալ էր կրում վզին՝ կարմիր ժապավենով: Քաղքենի արհեստավորների ու գյուղացիների մասին խոսելու կարիք էլ չկա: Մեր սկոտոպրիգոնեսկցի քաղքենիները համարյա նույն գյուղացիներն են, նույնիսկ հող են մշակում: Նրանցից երկուսը նույնպես եվրոպական ձևով էին հագնվել և գուցե դրա համար էլ ավելի կեղտոտ ու խղճուկ էին երևում, քան մյուս շորսը: Այնպես որ իսկապես մարդ կարող էր մտածել, ինչպես օրինակ ես մտածեցի անմիջապես, երբ նայեցի նրանց. «Այսպիսի մարդիկ ի՞նչ կարող են հասկանալ այսպիսի գործից»: Բայց այնուհանդերձ նրանց դեմքերը մի տեսակ տարօրինակորեն ազդու և համարյա սպառնազին տպավորություն էին գործում. խիստ ու խոժոռ էին դրանք:

Վերջապես նախագահը հայտարարեց, որ սկսվում է պաշտոնաթող տիտղոսակիր խորհրդական Ֆյոդոր Պավլովիչ Կարամազովի սպանության վերաբերյալ գործի ունկնդրությունը. լրիվ չեմ հիշում, թե ինչպես արտահայտվեց ես այդ ժամանակ: Դատական կատարածուին հրամայվեց, որ ներս բերի մեղադրյալին, և ահա երևաց Միտյան: Դահլիճում կատարյալ լուսթյուն տիրեց, կարեղ էր ճանճի տզգոցը լսել: Չգիտեմ, թե ուրիշներն ինչպես

ընկալեցին, բայց ինձ վրա Միտյայի տեսքը ամենատհաճ տպավորութիւնը գործեց: Մանավանդ այն, որ նա սոսկալի պճնամուրի պես ներկայացավ, նոսր-նոր սերթուկով: Հետո իմացա, որ նա այդ օրվա համար հատկապես պատվիրել էր սերթուկը Մոսկվայի իր դերձակին, որի մոտ մնացել էին իր շափերը: Սև լաթե նոսր-նոր ձեռնոց էր հագել և պճնագեղ վերնաշապիկ: Ներս մտավ իր լայն, կանգունաշափ քայլերով, անշարժ հայացքով նայելով ուղղակի իր դիմացը, և նստեց իր տեղը՝ կատարելապես անվեհեր արտահայտութեամբ: Հենց անմիջապէս, իսկույնեթ երևաց նրա դատապաշտպանը՝ նշանավոր Ֆետյուկովիչը, և մի տեսակ զսպված վժիտուն անցավ դահլիճով: Երկարահասակ, չոր-չոր մարդ էր նա, երկար ու բարակ ոտքերով, չափազանց երկար, գունատ ու բարակ մատներով, ածիլված դեմքով, համեստ սանրված, բավական կարճ մազերով և բարակ շրթունքներով, որոնք մերթ ընդ մերթ ծովում էին՝ չգիտես հեղինակ, թե ժպտալու համար: Մոտ քառասուն տարեկան էր երեւում: Դեմքը կարող էր նույնիսկ հաճելի թվալ, եթե չլինէր աչքերի կառուցվածքը. ինքնին փոքր էին դրանք ու անարտահայտիչ, սակայն բացառիկ կերպով մոտ էին իրար, և միայն երկարվուն, բարակ քթի բարալիկ ոսկորն էր բաժանում մեկը մյուսից: Մի խոսքով, այդ դեմքը խիստ թուլնային մի բան ուներ իր մեջ, և դա ուղղակի աչքի էր զարնում: Նա ֆրակ էր հագել ու սպիտակ փողկապով էր:

Հիշում եմ նախագահի առաջին հարցերը Միտյային՝ անունը, կոչումը և այլն: Միտյան կտրուկ պատասխանեց, բայց մի տեսակ անսպասելիորեն բարձր ձայնով, այնպես որ նախագահը հանկարծ ետ շարժեց գլուխը և համարյա զարմանքով նայեց նրան: Հետո հայտարարվեց ցուցակն այն անձերի, որոնք կանչվել էին մասնակցելու դատաքննութեան, այսինքն վկաններն ու փորձագետները: Երկար ցուցակ էր: Վկաներից չորսը չէին ներկայացել. մեկը Միուսովն էր, որ ներկայիս գտնվում էր Փարիզում, բայց իր ցուցմունքը տվել էր նախնական քննութեան ժամանակ. տիկին Խոխլովան ու կալվածատեր Մաքսիմովը բացակայում էին հիվանդութեան պատճառով, և Սմերդյակովը՝ անակնկալ մահվան պատճառով, ըստ որում հավաստագիր էր ներկայացվել ոստիկանութեան կողմից: Սմերդյակովի մահվան լուրը սաստիկ խրտում ու փսփսուք առաջացրեց դահլիճում: Հասարակութեան մեջ շատերը, իհարկե, դեռևս ոչինչ չգիտեին

այդ անակնկալ անձնասպանութեան մասին: Բայց հատկապես շրջեցուցիչ տպավորութիւն գործեց Միտյայի անակնկալ պոռթկումը. հենց որ հայտարարվեց Սմերդյակովի մահվան լուրը, հանկարծ նա իր տեղից բացականչեց ամբողջ դահլիճով մեկ.

— Շուն էր, շան պես էլ մեռավ:

Հիշում եմ, ինչպես դատապաշտպանը նետվեց նրա մոտ և ինչպես նախագահը դարձավ նրան, սպառնալով խիստ միջոցներ ձեռք առնել, եթե մի անգամ էլ կրկնվի այդպիսի արտառոց վարմունքը: Միտյան, գլուխը կտրուկ-կտրուկ շարժելով, բայց կարծես բոլորովին առանց զղջալու, ցածր ձայնով պատասխանեց դատապաշտպանին, մի քանի անգամ կրկնելով.

— Չեմ անի, չեմ անի: Բերնիցս թռավ: էլ չեմ անի:

Եվ, իհարկե, այդ կարճատու դրվագը նրա համար նպաստավոր կարծիք չստեղծեց ատենակալների ու հասարակութեան մեջ: Նկարագիրը երևան էր գալիս ու ցույց տալիս իրեն: Այդ տպավորութեան տակ էլ դատարանի քարտուղարը կարգաց ամբաստանագիրը:

Ամբաստանագիրը բավական կարճ էր, բայց հանգամանալից: Շարադրված էին ամենազխալոր պատճառները, թե ինչու այսինչը կալանքի է ենթարկված, ինչու պետք է դատի տալ նրան և այլն: Բայց այնուամենայնիվ դա ուժեղ տպավորութիւն գործեց ինձ վրա: Քարտուղարը կարգաց հնչեղ ձայնով, հստակ ու պարզորոշ: Ամբողջ այդ ողբերգութիւնը կարծես նորից պարզվեց բոլորի առաջ՝ ցայտուն, համահավաք գծերով, ճակատագրական, անողոք մի լույսի տակ: Հիշում եմ, թե ինչպես ընթերցումից հետո նախագահը իսկույն հարցրեց Միտյային՝ բարձր ու ազդեցիկ ձայնով.

— Մեղադրյալ, դուք մեղավոր ճանաչում եք ձեզ:

Միտյան հանկարծ վեր կացավ տեղից:

— Ես ինձ մեղավոր եմ ճանաչում հարեցողութեան ու անառակութեան մեջ, — բացականչեց նա, դարձյալ մի տեսակ անսպասելի, գրեթե մոլեգին ձայնով, — ծուլութեան ու շվայտութեան մեջ: Ուզում էի ընդմիջտ ազնիվ մարդ դառնալ հենց այն վայրկյանին, երբ ճակատագիրը տապալեց ինձ: Բայց ծերունու մահվան, իմ թշնամու և հոր մահվան մեջ՝ մեղավոր չեմ: Նրան կողոպտելու մեջ՝ ո՛չ, ո՛չ, մեղավոր չեմ, և չեմ էլ կարող մեղավոր լինել: Դմիտրի Կարամազովը սրիկա է, բայց ո՛չ գող:

Այդպես գոչելուց հետո նա նստեց իր տեղը, հայտնաբերեց դողալով ոտից գլուխ: Նախագահը նորից դիմեց նրան մի կարճ, բայց ազդու հորդորով, թե պետք է պատասխանել միայն հարցերին, և ոչ թե գործի հետ առնչություն չունեցող ու մոլեգին բացականչություններ արձակել: Ապա հրամայեց սկսել դատաքննությունը: Բոլոր վկաներին ներս բերեցին երդում ընդունելու: Նրանց բոլորին էլ միանգամից տեսա այդ պահին: Մեղադրյալի եղբայրներին, այնուամենայնիվ, թույլատրեցին առանց երդում ընդունելու տալ իրենց վկայությունը: Քահանայի և նախագահի հորդորանքներից հետո, վկաներին տարան ու զատ-զատ նստեցրին, հնարավորին չափ իրարից հեռու: Ապա սկսեցին մեկ առ մեկ կանչել նրանց:

II

ՎՏԱՆՎԱԿՈՐ ՎԿԱՆԵՐ

Զգիտեմ, նախագահն առանձին խմբերի բաժանե՞լ էր արդյոք դատախազության կողմից և պաշտպանության կողմից ներկայացված վկաներին, և չգիտեմ, թե հատկապես ի՞նչ կարգով էր ենթադրվում կանչել նրանց: Երևի այդ ամբողջը նախատեսվել էր: Գիտեմ միայն, որ առաջին հերթին կանչեցին դատախազության վկաներին: Կրկնում եմ, ես մտադիր չեմ բոլոր հարցաքննությունները նկարագրել քայլ առ քայլ: Մանավանդ որ իմ նկարագրելը մասամբ ավելորդ կլիներ, որովհետև երբ անցան դատավեճին՝ բոլոր տրված ու լսված վկայությունների ամբողջ ընթացքն ու իմաստը ի մի բերվեց դատախազի և դատապաշտպանի ճառերում, վառ ու բնորոշ լույսի տակ, իսկ ես այդ երկու նշանավոր ճառերի գոնե առանձին մասերը լրիվ գրի եմ առել ու կներկայացնեմ ընթերցողին, երբ դրա ժամանակը հասնի. կնկարագրեմ նաև դատավարության մի արտակարգ ու բոլորովին անսպասելի դրվագը, որ հանկարծ տեղի ունեցավ դեռ դատավեճից առաջ և անտարակուսելիորեն ազդեց դատի ահաբեկող ու ճակատագրական վախճանի վրա: Նշեմ միայն, որ դատապաշտպանության հենց առաջին իսկ ընթացքներից ակնհայտորեն երևան եկավ այս «գործի» մի յուրահատուկ կողմը, որ բոլորը նկատեցին, այսինքն մեղադրանքի արտասովոր ուժը՝ համեմատած այն միջոցների հետ, որ ունեն պաշտպանությունը իր տրամադ-

րության տակ: Բոլորն այդ բանը հասկացան հենց առաջին վայրյանից, երբ դատարանի այդ ահավոր դահլիճում փաստերն սկզսեցին համախմբվել ու կենտրոնանալ մի կետի վրա և աստիճանաբար ի հայտ եկան ամբողջ այդ զարհուրանքն ու այդ արյունը: Հենց առաջին իսկ քայլերից գուցե հասկանալի դարձավ բոլորին, որ սա բնավ էլ վիճելի գործ չէ այլևս, որ էլ ոչ մի տարակույս չկա արդեն, որ ըստ էության դատավեճի կարիք էլ չկա, որ դատավեճը պարզապես ձևի համար է լինելու, և որ մեղավոր է հանցագործը, ակնհայտորեն մեղավոր է, վերջնականորեն մեղավոր: Կարծում եմ նույնիսկ, որ տիկիններն էլ, բոլորն առանց բացառության, թեև այնպիսի՝ անհամբերությամբ ցանկանում էին հմայիչ դատապարտյալի արդարացումը, բայց միաժամանակ կատարելապես համոզված էին, որ նա մեղավոր է: Ավելին, ինձ թվում է, որ նրանք պիտի վշտանային նույնիսկ, եթե լիովին չհաստատվեր նրա հանցապարտությունը, որովհետև այդ դեպքում գործի վախճանը այնքան տպավորիչ չէր լինի, երբ արդարացնեին ոճրագործին: Տարօրինակ բան, բոլոր տիկինները համարյա մինչև վերջին րոպեն հաստատ համոզված էին, որ կարդարացնեն նրան. «Մեղավոր է, բայց կարդարացնեն մարդասիրությունից դրդված, այն նոր գաղափարներից, նոր զգացումներից, որ սկսել են տիրել հիմա», և այլն, և այլն: Հենց դրա համար էլ տիկիններն այդպիսի անհամբերությամբ վազելահավաքվել էին այստեղ: Իսկ տղամարդկանց էլ ամենից ավելի հետաքրքրում էր դատախազի և հռչակավոր Ֆետյուկովիչի պայքարը: Բոլորը զարմանում էին և հարց տալիս իրենց մտքում, թե նույնիսկ Ֆետյուկովիչի նման տաղանդը ի՞նչ կարող է գլուխ բերել այսպիսի անհուսալի գործից, այսպիսի կոտրած տաշտակից: Եվ դրա համար էլ քայլ առ քայլ հետևում էին նրա քաջադործություններին, լարված ուշադրությամբ:

Բայց Ֆետյուկովիչը մինչև վերջ, մինչև իր ճառը, հանելուկ մնաց բոլորի համար: Փորձառու մարդիկ նախազգում էին, որ նա մի որոշ սխտեմով է գործում, նրա մտքում արդեն կազմվել է մի բան, և նա որոշ նպատակ ունի իր առաջ. բայց ի՞նչ նպատակ էր դա՝ համարյա թե անկարելի եղավ գուշակել: Մակայն աչքի էին զարնում նրա վստահությունն ու անձնապատան վարվելակերպը: Բացի այդ, բոլորն էլ անմիջապես հաճույքով նկատեցին, որ նա, այդքան կարճ ժամանակ գտնվելով մեք քաղաքում, գուցե ընդամենը մի երեք օրվա

մեջ, կարողացել էր զարմանալիորեն ծանոթանալ գործին և «ուսումնասիրել էր ամենայն նրբությամբ»: Հետագայում, օրինակ, հրճվանքով էին պատմում, թե ինչպես նա կարողացավ դատախազության բոլոր վկաներին «անհարմար վիճակի մեջ գցել» և ըստ հնարավորին շփոթեցնել նրանց, մանավանդ արատավորել նրանց բարոյական վարկը, ուրեմն և, բնականաբար, արժեքագրել նրանց տված վկայությունը: Բայց ենթադրում էին, որ նա այդ բանը անում էր պարզապես խաղի համար, այսպես ասած՝ մի քիչ իրավագիտական փայլ տալու, որպեսզի ընդունված փաստաբանական հնարներից ոչ մեկը անտեսված չլինի. բոլորը համոզված էին, որ նա չէր կարող մի մեծ ու վերջնական օգուտ ձեռք բերել վկաների այդ «արատավորումով» և որ հավանաբար ինքը ամենից լավ է հասկանում դա, խորքում ունենալով իր մտադրությունը, առայժմ դեռ թաքցրած իր պաշտպանական զենքը, որ հանկարծ երևան է հանելու, երբ ժամանակը հասնի: Բայց մինչ այդ, գիտակցելով իր ուժը, նա մի տեսակ խաղում էր այնուամենայնիվ, ուրախ-զվարթ, հրճվելով: Այսպես օրինակ, երբ հարցաքննում էին Գրիգորի Վասիլևիչին՝ Ֆյոդոր Պավլովիչի նախկին սենեկապետին, որ ամենից ավելի ծանրակշիռ ցուցմունքն էր տվել «այգու վրա բացված դռան» մասին, դատապաշտպանն ուղղակի կպավ նրա օձիքից, երբ իր հերթին սկսեց հարցեր առաջարկել նրան:

Պետք է նշել, որ Գրիգորի Վասիլևիչը դահլիճում կանգնեց հանգիստ ու համարյա վեհաշուք երևույթով, մազաչափ անգամ չշփոթվելով ո՛չ դատարանի վեհությունից, ոչ էլ իրեն լսող հսկայական բազմության ներկայությունից: Իր ցուցմունքները տալիս էր այնպիսի վստահությամբ, որ կարծես առանձին խոսում էր իր Մարֆա Իգնատևնայի հետ, միայն թե գուցե ավելի հարգալից: Անկարելի էր նրան շփոթեցնել: Սկզբում դատախազը երկար-բարակ հարցաքննեց նրան՝ Կարամազովների ընտանեկան բոլոր մանրամասնությունների մասին: Ընտանիքի պատկերը վառ գույներով երևան եկավ: Կարելի էր աչքով ու ախանջով համոզվել, որ վկան անկեղծ ու անկողմնակալ մարդ է: Իր նախկին տիրոջ հիշատակի հանդեպ խորագույն հարգանք ունենալով հանդերձ, նա այնուամենայնիվ հայտարարեց, օրինակ, թե հանգուցյալը անարդար էր Միտայի նկատմամբ և «այնպես չէր դաստիարա-

կում երեխաներին: Եթե ես չլինեի, փոքր մանչուկին ոչլինեիր կուտեին,— ավելացրեց նա, Միտայի մանկության տարիներին մասին պատմելով:— Նմանապես, հոր համար անվայել բան էր, որ իր որդուն նեղացրեց նրա մայրական ժառանգության հարցում»: Իսկ դատախազի այն հարցին, թե նա ի՞նչ հիմքեր ունի պնդելու, որ Ֆյոդոր Պավլովիչը դրամական հաշիվների մեջ նեղացրել է որդուն, Գրիգորի Վասիլևիչը, ի զարմանս բոլորի, ոչ մի հիմնական տվյալ չներկայացրեց բացարձակապես, բայց այնուամենայնիվ հաստատ մնաց իր ասածի վրա, թե որդու հետ կատարված հաշվարկը «սխալ» էր, և թե իսկապես «պետք էր մի քանի հազար էլ դեռ վճարել նրան»: Ի դեպ նշեմ, որ այդ հարցը, թե ինչպե՞ս արդյոք Ֆյոդոր Պավլովիչը մի բան պակաս էր տվել Միտային, դատախազը հետագայում էլ համառորեն դրեց բոլոր այն վկաների առաջ, որոնց կարելի էր հարցնել այդ բանը, չբացառելով ո՛չ Ալյոշային, ոչ Իվան Ֆյոդորովիչին, բայց ոչ մի վկայից էլ որևէ ճշգրիտ տեղեկություն չստացավ. բոլորը հաստատում էին փաստը, բայց ոչ ոք չէր կարողանում գոնե մի քիչ որոշակի ապացույց բերել: Երբ Գրիգորին նկարագրեց ճաշից հետո պատահած տեսարանը, այսինքն այն, որ Դմիտրի Ֆյոդորովիչը ներս էր խուժել, ծեծել էր հորը և սպառնացել, որ կվերադառնա ու կսպանի նրան, մուսյ մի տպավորություն տարածվեց դահլիճում, մանավանդ որ ծերունի սպասավորը պատմում էր հանգիստ, առանց ավելորդ խոսքերի, յուրահատուկ լեզվով, և սակայն սոսկալի պերճախոս մի բան ստացվեց: Մերունին հիշեց նաև այդ նույն օրը իր կրած վիրավորանքը, երբ Միտայան հարվածել էր իր դեմքին ու գետին էր գլորել իրեն, բայց ավելացրեց, որ չի բարկանում դրա համար և վաղուց է ներել: Հանգուցյալ Սմերդյակովի մասին խոսելով, Գրիգորին խաչակնքեց ու ասաց, որ ընդունակություն ունեցող տղա էր նա, բայց հիմար էր ու հիվանդությունից ընկճված, և մանավանդ անասոված մարդ էր, և որ անհավատությունը նրան սովորեցրել էին Ֆյոդոր Պավլովիչն ու նրա միջնակ որդին: Բայց Սմերդյակովի ազնվությունը համարյա թե եռանդով հաստատեց և պատմեց, թե ինչպես Սմերդյակովը մի ժամանակ բակում գտել էր տիրոջ կորցրած փողը և չէր թաքցրել, այլ բերել էր տիրոջը և սա էլ նրան «մի ոսկի» էր նվիրել դրա համար և այնուհետև սկսել էր լիուլի վստահել նրան: Իսկ գալով

դռան հարցին, նա համառորեն պնդեց, թե բաց էր եղել դու-
ռը այդու վրա: Բայց այնքան շատ հարցեր տվեցին նրան, որ
ես այդ բոլորը չեմ էլ կարող հիշել:

Վերջապես դատապաշտպանն սկսեց հարցեր տալ և առա-
ջին հերթին ուզեց տեղեկանալ այն ծրարի մասին, որի մեջ
«իր բե» Յոդոր Պավլովիչը երեք հազար ոտբլի էր պահել
«մի որոշ անձնավորութեան» համար: «Դուք անձամբ տեսե՞լ
եք այդ ծրարը, դուք, որ այնքան երկար տարիներ եղել եք ձեր
տիրոջ մերձավոր մարդը»: Գրիգորին պատասխանեց, որ չի
տեսել, և ոչ ոքից չի էլ լսել այդպիսի փողի մասին, «մինչև
հենց այն ժամանակ, որ այ հիմա բոլորն էլ սկսեցին խոսել»:
Ծրարի մասին այդ հարցը Տետյուկովիչն իր կողմից նույնպես
առաջարկում էր բոլոր այն վկաներին, որոնց կարող էր հարց-
նել այդ բանը, նույն համառութեամբ, որով դատախազը ժա-
ռանգութեան մասին իր հարցն էր տալիս, և Տետյուկովիչը
նույնպես բոլորից էլ ստանում էր միայն մեկ պատասխան,
թե ոչ ոք չի տեսել ծրարը, թեև շատ շատերը լսել են դրա մա-
սին: Այդ հարցում դատապաշտպանի համառութեանը բոլորն էլ
նկատեցին հենց սկզբից:

— Հիմա կարո՞ղ եմ ձեզ դիմել մի հարցով, եթե իհարկե
թույլ կտաք,— հարցրեց հանկարծ Տետյուկովիչը, բառերովին
անսպասելիորեն:— Ինչի՞ց էր բազկաքած այն բալասանը կամ
այսպես ասած այն թրմողին, որով դուք այդ երեկո, քնելուց
առաջ, ինչպես հայտնի է նախնական քննութեանից, շփել եք
ձեր մեջքը, հուսալով, որ դա կբուժի ձեզ:

Գրիգորին բութ հայացքով նայեց հարցաքննողին և, մի քիչ
լռելուց հետո, մրթմրթաց.

— Եղեստուկ կար մեջը:

— Միա՞յն եղեստուկ: Ուրիշ բան չե՞ք հիշում:

— Ջղախոտ էլ կար:

— Եվ պղպե՞զ էլ գուցե,— հետաքրքրվեց Տետյուկովիչը:

— Պղպեզ էլ կար:

— Եվ այլն: Եվ այդ բոլորը օդու մեջ խառնվա՞ծ:

— Սպիրտի մեջ:

Մի թեթև խնդուք անցավ դահլիճով:

— Տեսնում եք, նույնիսկ սպիրտի մեջ: Զեք մեջքը շփե-
լուց հետո, շշի մնացյալ պարունակութեանը հաճեցիք խմել մի

որոշ բարեպաշտ աղոթքով, որ միայն ձեր կողակցին է հայտնի,
այնպես չէ՞:

— Խմեցի:

— Օրինակ, շա՞տ կլինե՞ր ձեր խմածը: Օրինակ, ինչքա՞ն:
Մի բնականա՞կ, երկո՞ւ:

— Մի բաժակ կլինե՞ր:

— Նույնիսկ մի բաժա՞կ: Գուցե և մեկուկե՞զ բաժակ:

Գրիգորին լռեց: Նա կարծես մի բան հասկացավ:

— Մեկուկես բաժակ մաքուր սպի՞րտ՝ բնավ էլ վատ չէ,
հա՞, ինչ եք կարծում: Կարելի է և «արքայութեան դռները բաց-
ված» տեսնել, ոչ միայն այգի տանող դուռը, չէ՞:

Գրիգորին լուռ էր մնում: Նորից մի խնդուք անցավ դահ-
լիճով: Նախագահը շարժեց իր տեղում:

— Հաստատ գիտե՞ք արդյոք,— ավելի ու ավելի ամուր
կպչում էր Տետյուկովիչը,— այն բուպին, երբ դուռը բաց տե-
սաք, ննջո՞ւմ էիք, թե չէ:

— Ոտքի վրա կանգնել էի:

— Դա դեռ ապացույց չէ, որ չէիք ննջում (նորից ու նորից
խնդուք դահլիճի մեջ): Կարո՞ղ էիք, օրինակ, այդ բուպին պա-
տասխանել, եթե մեկը ձեզ մի որևէ բան հարցնե՞ր, դե առենք,
օրինակ, թե ո՞ր տարեթիվն է հիմա:

— Այդ բանը չգիտեմ:

— Իսկ ո՞ր տարեթիվն է հիմա, Քրիստոսի ծնունդից հե-
տո, մեր թվարկության ո՞ր տարեթիվը, չգիտե՞ք արդյոք:

Գրիգորին կանգնել էր շլմորած տեսքով, աչքերն ուղղակի
իր տանջողին հառած: Տարօրինակ թվաց այն, որ նա երևի խա-
կապես չգիտե՞ր՝ ո՞ր տարեթիվն է հիմա:

— Բայց գուցե գիտե՞ք, թե քանի մատ ունեք ձեր ձեռքի
վրա:

— Ես ծառա մարդ եմ,— ասաց հանկարծ Գրիգորին բարձր
ու հստակ ձայնով,— եթե մեծավորի սիրտն ուզում է ինձ վրա
ծիծաղել, ես պետք է համբերող լինեմ:

Տետյուկովիչը կարծես մի քիչ կարկամեց, բայց նախա-
գահն էլ միջամուխ եղավ ու հորդորական շեշտով հիշեցրեց դա-
տապաշտպանին, որ պետք է ավելի պատշաճ հարցեր տալ:
Տետյուկովիչը լսեց, հետո արժանապատվութեամբ գլուխ տվեց
ու հայտարարեց, որ վերջացրել է իր հարցերը: Իհարկե, թե՛
հասարակության, թե՛ ատենակալների կարծիքի մեջ կարող էր

արդեն տարակույսի մի փոքրիկ ցեց մտած լինել ծերունու վկայության նկատմամբ, մի մարդու, որ բուժման համար ընկել էր մի հատուկ վիճակի մեջ և հնարավորություն էր ունեցել «արքայության դռները տեսնելու», և որ, բացի այդ, նույնիսկ շփտեր, թե Քրիստոսից հետո ո՞ր տարեթիվն է հիմա. այնպես որ դատապաշտպանն այնուամենայնիվ հասավ իր նպատակին: Բայց Գրիգորիի հեռանալուց առաջ մի դրվագ ևս տեղի ունեցավ: Նախագահը, դառնալով մեղադրյալին, հարցրեց, թե նա որևէ ասելիք ունի՞ր այս տրված ցուցմունքների կապակցությամբ:

— Բացի դռան խնդրից, ամեն ինչ ճիշտ ասաց,— բարձր ձայնով գոռաց Միտյան:— Ինձ ոչիլներից է մաքրել՝ շնորհակալ եմ, իմ տված հարվածները ներել է՝ շնորհակալ եմ. ծերուկն իր ամբողջ կյանքում ազնիվ է եղել ու այնքա՛ն հավատարիմ հորս հանդեպ՝ յոթ հարյուր բուլղոզի շափ:

— Մեղադրյա՛լ, զգույշ եղեք ձեր արտահայտությունների մեջ,— խստորեն ասաց նախագահը:

— Ես բուլղոզ չեմ,— քրթմնջաց նաև Գրիգորին:

— Դե ուրեմն ե՛ս եմ բուլղոզը, ե՛ս,— գոռաց Միտյան:— Եթե վիրավորական է, ի՛նձ վրա եմ վերցնում, իսկ նրանից ներողություն եմ խնդրում. գազա՛ն էի և դաժան վարվեցի՛ նրա հետ: Եզոպոսի հետ էլ դաժան վարվեցի:

— Ի՞նչ Եզոպոս,— նորից խստորեն նայեց նախագահը:

— Դե Պիեթոն, էլի... հայրս, Յյոզոր Պավլովիլը:

Նախագահը նորից ու նորից, ազդեցիկ ու արդեն խստագույն շեշտով հորդորեց Միտյային, որ նա ավելի զգույշ ընտրի իր արտահայտությունները:

— Ձեր դատավորների կարծիքի առաջ ինքներդ եք ձեզ վնասում գրանով:

Ճիշտ նույն ձևով, դատապաշտպանը շատ վարպետորեն իր գործը տեսավ նաև Ռակիտինի վկայաքննության ժամանակ: Նշեմ, որ Ռակիտինը ամենակարևոր վկաներից մեկն էր և դատախազն անտարակուսելիորեն թանկ էր գնահատում նրան: Պարզվեց, որ նա ամեն ինչ գիտեր, զարմանալիորեն շատ բան գիտեր, բոլորի մոտ եղել էր, ամեն ինչ տեսել էր, բոլորի հետ խոսել էր, ամենայն մանրամասնությամբ գիտեր Յյոզոր Պավլովիլի և բոլոր Կարամազովների կենսագրությունը: Ճիշտ է, ծրարի մեջ դրված երեք հազար ռուբլու մասին նա էլ հենց Միտյայից էր լսել միայն: Բայց նա մանրամասնորեն նկարագրեց

Միտյայի քաջագործությունները «Մայր քաղաք» գինետանը, հիշեց նրան վարկաբեկող բոլոր խոսքերն ու արարքները և պատմեց փոխկապիտան Սնեգիրյովի «ձիլուպի» պատմությունը: Սակայն Ռակիտինն անգամ չկարողացավ որևէ բան ասել այն հատուկ կետի մասին, թե Յյոզոր Պավլովիլը ժառանգության հարցում Միտյային պարտք մնացե՞լ էր արդյոք. նա պարզապես արհամարհական ձևով ընդհանուր բաներ ասաց, այսինքն՝ «ո՞վ կարող էր զլուխ հանել, թե նրանցից ո՞ր մեկն է մեղավորը, ո՞վ ում պարտք է մնացել այդ խենթուխելառ կարամազովականության մեջ, ուր ոչ ոք չէր կարողանում հասկանալ՝ ի՞նչ է ինքը, ի՞նչ է ուզում»: Այս ոճագործության ամբողջ ողբերգությունը նա ներկայացրեց որպես արգասիքն այն հնացած բարքերի, որոնք հատուկ են ճորտատիրական իրավունքին և անկարգության մեջ թաղված, համապատասխան հաստատությունների պակասից տառապող Ռուսաստանին: Մի խոսքով, թույլ տվեցին, որ նա մի քիչ արտահայտվի: Այս դատավարության առթիվ պարոն Ռակիտինը առաջին անգամ ցույց տվեց իր շնորհքը և նկատելի դարձավ. դատախազը գիտեր, որ վկան այս ոճագործության մասին հողված է պատրաստում ամսագրի համար, և հետո իր մեղադրական ճառում (ինչպես կտեսնենք հետո) մի քանի միտք մեջբերեց այդ հողվածից, ուրեմն արդեն ծանոթ էր Ռակիտինի գործին: Վկայի նկարագրած պատկերը մտայն ու ճակատագրական էր և մեծապես ամրապնդեց «մեղադրող» կողմի դիրքերը: Իսկ առհասարակ Ռակիտինի ատենաբանությունը ունկնդիրներին գրավեց մտքի անկախությամբ և արտակարգորեն ազնիվ թախչքով: Նույնիսկ երկու-երեք անգամ ծափահարություն պայթեց անակնկալորեն, հենց այն պահին, երբ նա խոսում էր ճորտատիրական իրավունքի և անկարգությունից տառապող Ռուսաստանի մասին: Բայց Ռակիտինը, այնուամենայնիվ երիտասարդ լինելով, մի փոքրիկ սայթաքում արեց, և դատապաշտպանն անմիջապես կարողացավ զերազանցորեն օգտվել դրանից: Երբ պատասխանում էր Գրուշենկային վերաբերվող որոշ հարցերի, Ռակիտինը, տարվելով իր հաջողությամբ, որ ինքն էլ արդեն զիտակցում էր անշուշտ, ոգևորվելով ազնիվ զգացմունքների այն բարձունքից, ուր նա ճախրում էր, իրեն թույլ տվեց մի քիչ արհամարհական արտահայտվել Ազրաֆենա Ալեքսանդրովնայի մասին՝ որպես «վաճառական Սամսոնովի հոմանունու»: Հետո նա ամեն ինչ պատրաստ էր տալու, որպեսզի ետ առնի

իր այդ ասածը, որովհետև հենց այդ խոսքի վրա էլ Ֆետյուկովիչը բռնեց նրան անմիջապես: Եվ պատճառն ամբողջ այն էր, որ Ռակիտինի մտքով անգամ չէր կարող անցնել, թե դատապաշտպանը կարող էր այդքան կարճ ժամանակում ծանոթանալ գործի այդպիսի նուրբ մանրամասնություններին:

— Թույլ տվեք իմանալ,— սկսեց դատապաշտպանը ամենասիրալիք ու նույնիսկ հարգալից ժպիտով, երբ հարցեր տալու հերթը հասավ իրեն,— դուք, անշուշտ, այն նույն պարոն Ռակիտինն եք, չէ՞, որի «Վարք ի տեր հանգուցյալ սրբահայր Զոսիմայի» կոչվող գրքույկը, թեմական առաջնորդարանի կողմից հրատարակված, խորունկ և կրոնաշունչ մտքերով լի, Սրբազան առաջնորդին ուղղված հոյակապ ու բարեպաշտ մի ձեռնով, վերջերս առիթ ունեցա այնպիսի՞ հաճույքով կարդալուս:

— Ես մամուլի համար չեմ գրել... հետո էր, որ հրատարակեցին,— մրթմրթաց Ռակիտինը, հանկարծ չզիտես ինչու շվարելով ու գրեթե ամոթ զգալով:

— Օ՛, դա հիանալի է: Ձեզ նման մի մտածող կարող է և նույնիսկ պարտավոր է շատ լայն հայացքով նայել ամեն մի հասարակական երևույթի: Սրբազան առաջնորդի հովանավորությանը, ձեր հույժ օգտակար գրքույկը տարածում գտավ և համապատասխան օգուտ բերեց... Բայց ես զլխավորաբար ահա թե ինչ կցանկանայի իմանալ ձեզնից. դուք հենց թիչ առաջ հայտարարեցիք, թե շատ մերձավոր ծանոթն եք եղել օրիորդ Սվետլովայի: (Nota bene. պարզվեց, որ Գրուչենկայի ազգանունը «Սվետլովա» է: Առաջին անգամ այդ օրը միայն իմացա այդ բանը, դատավարության ընթացքում):

— Ես չեմ կարող պատասխան տալ իմ բոլոր ծանոթությունների համար... Երիտասարդ մարդ եմ... և ո՞վ կարող է պատասխան տալ բոլոր նրանց համար, որոնց հետ հանդիպում է,— ուղղակի կրակ կտրեց Ռակիտինը:

— Հասկանո՞ւմ եմ, շատ լավ հասկանում,— բացականչեց Ֆետյուկովիչը, կարծես ինքն էլ շփոթվելով ու կարծես փութալով ներողություն խնդրել անմիջապես:— Ինչպես ուրիշ որևէ մեկը, դուք էլ կարող էիք ձեր հերթին նախանձախնդիր լինել ծանոթանալու մի երիտասարդ ու գեղեցիկ կնոջ հետ, որ սիրահոժար ընդունում էր տեղվույս երիտասարդության ընտրանին, բայց... ես ուզում էի պարզապես մի բան իմանալ. մեզ հայտնի է, որ Ավետլովան երկու ամիս առաջ արտակարգ ցանկություն է ունե-

ցել ծանոթանալու կրտսեր Կարամազովի՝ Ալեքսեյ Ֆյոդորովիչի հետ, և որ նա ձեզ խոստացել է քսանհինգ առաջի տալ՝ միայն այն բանի համար, որ դուք Ալեքսեյ Ֆյոդորովիչին բերեք նրա մոտ, և հենց այն վանական զգեստով, որ նա կրում էր այն ժամանակ: Ինչպես հայտնի է, դա տեղի է ունեցել հենց այն երեկո, երբ կատարվեց սույն դատական գործի հիմքը հանդիսացող ողբերգապան աղետը: Դուք Ալեքսեյ Կարամազովին բերեցիք օրիորդ Սվետլովայի մոտ և... ստացա՞ր Սվետլովայից այդ քսանհինգ առաջի պարզեք այն ժամանակ, ահա թե ինչ կցանկանայի լսել ձեզնից:

— Դա կատակ էր... Չեմ հասկանում, թե ինչո՞ւ կարող է ձեզ հետաքրքրել: Վերցրի կատակի համար... և որպեսզի հետո ետ տամ...

— Ուրեմն վերցրիք: Բայց դե մինչև հիմա էլ ետ չեք տվել, չէ՞... և կամ տվե՞լ եք:

— Գատարկ բան է...— զրթմնջաց Ռակիտինը,— ես չեմ կարող այնպիսի հարցերի պատասխանել... Իհարկե կտամ:

Միջամտեց նախագահը, բայց դատապաշտպանը հայտարարեց, որ այլևս հարցեր չունի պ. Ռակիտինին: Պ. Ռակիտինը մի քիչ արատավորված իջավ բեմից: Այնուամենայնիվ փշացավ այն գերագույն ազնվության տպավորությունը, որ մնացել էր նրա ճառից, և Ֆետյուկովիչը, աչքերով ուղեկցելով նրան, կարծես ցույց էր տալիս հասարակությանը և ասում. «Ահա՛ թե ինչպիսի մարդիկ են ձեր ազնվամիտ մեղադրողները»: Հիշում եմ, այդ դրվագն էլ առանց միջադեպի շանցավ: Միտյան, կատաղելով այն շեշտից, որով Ռակիտինը արտահայտվում էր Գրուչենկայի մասին, հանկարծ իր տեղից զոռաց. «Բեանա՛ր՝ թե՛կ նրբ կայի մասին, հանկարծ իր տեղից զոռաց. «Բեանա՛ր՝ թե՛կ նրբ նախագահը, Ռակիտինի հարցաքննության վերջածառուց հետո դարձավ մեղադրյալին, թե աբդյոք նա չի՞ ցանկանում որևէ բան սանել իր կողմից, Միտյան բարձր ձայնով գոռաց:

— Ես իմ ձերբակալվելուց հետո էլ պարտքով փող է պակել ինձնից: Անպե՛տք բեռնարի մեկն է, կարիերիստ, և ասածն էլ չի հավատում, խաբե՛լ է Սրբազան առաջնորդին:

Իհարկե, Միտյային նորից խելքի բերեցին իր մոլեգին արտահայտությունների համար, բայց պ. Ռակիտինի մուխը մարեղ էր արդեն: Փոխկապիտան Մենդիրյովի վկայությունն էլ անհաշտ անցավ, բայց բարբոժին այլ պատճառով: Նա ներկայացավ տեղից գրույն պատասխանված, կեղտոտ հագուստով, կեղտոտ կո-

շիկներով, և շնայած բոլոր նախազգուշութուններին և նախնական «փորձաքննության», հանկարծ պարզվեց, որ լրիվ հարթած է: Երբ հարցրին այն վիրավորանքի մասին, որ Միտյան հասցրել էր նրան, հանկարծ մերժեց պատասխանել:

— Աստված նրա հետ, տիարք: Իլյուշկան պատվիրեց, որ շասեմ: Աստված ինձ կվարձատրի այնտեղ, տիարք:

— Ո՞վ է պատվիրել ձեզ, որ շասեք: Ո՞ւմ մասին եք խոսում:

— Իլյուշկան, իմ որդյակը: «Հայրի՛կ, հայրի՛կ, ինչպե՛ս նա քեզ ստորացրեց»: Քարի մոտ ասաց: Հիմա մեռնում է, տիարք...

Փոխկապիտանը հանկարծ սկսեց հեկեկալ և ուղղակի ընկավ նախազահի ոտքերը: Շտապ դուրս տարան նրան, հասարակության ծիծաղի տակ: Դատախազի պատրաստած տպավորությունը բոլորովին չիրականացավ:

Իսկ դատապաշտպանը շարունակում էր օգտվել բոլոր միջոցներից և ավելի ու ավելի զարմանք էր պատճառում իր այն հրմտություններ, որով ծանոթացել էր գործի ամենահետին մանրամասնություններին: Այսպես, օրինակ, Տրիֆոն Բորիսովիչի վկայությունը շատ ուժեղ տպավորություն էր գործել և, անշուշտ, շահազանց աննպաստ էր Միտյայի համար: Այսինքն նա գրեթե մատնների վրա հաշվելով ցույց տվեց, որ Միտյան, երբ առաջին անգամ եկել էր Մոկրոե, աղետից համարյա մի ամիս առաջ, երեք հազարից պակաս չէր կարող ծախսած լինել, «կամ էլ դրանից շատ քիչ պակաս: Միայն էդ գնչուհիների համար ինչքան փող քամուն տվեց: Իսկ մեր ոչլոտ գյուղացիներին ոչ թե «կես ուրբիանոց էր գցում փողոցը», առնվազն քսանհինգ ուրբիանոց թղթադրամներ էր նվեր անում, պակաս չէր տալիս: Իսկ որքան էն օրը պարզապես գողացան նրանից: Ախր գողացողը հո ստորագրություն չի տալիս, էլ ո՞նց բռնեա գողին, երբ որ ինքը զուր տեղը թափոտում էր փողը: Ախր ավազակ է մեր ժողովուրդը, իրենց հոգու մասին չեն մտածում: Իսկ աղջկերքի՛ն, մեր գյուղացի աղջկերքի՛ն ինչքան փող գնաց: Ասեմ ձեզ, էն օրից հարստացան մերոնք, առաջ աղքատություն էր»: Մի խոսքով, նա հիշեց ամեն մի ծախս և այդ բոլորը գումարեց կարծես համրիչի վրա: Այսպիսով, անկարելի էր դառնում այն ենթադրությունը, թե միայն հազար հինգ հարյուր ուրբի է ծախսվել, իսկ մնացածը պահվել է լաթե քսակի մեջ: «Ի՛նքս եմ տեսել,

ինքս եմ նրա ձեռքում երեք հազար ուրբի տեսել մի կոպեկի պես, իմ էս աչքերով եմ նայել, մենք հո հաշիվ ասած բանը գիտե՛նք, չէ՞», — բացականչում էր Տրիֆոն Բորիսովիչը, ամեն ինչ անելով, որ գոհացնի «չոջերին»: Բայց երբ հարցեր տալու հերթը դատապաշտպանին հասավ, Ֆետյուկովիչը համարյա չփորձեց բացասել այդ վկայությունը, այլ հանկարծ սկսեց խոսել այն մասին, թե Մոկրոեում, այդ առաջին կերուխումի ժամանակ, ձերբակալությունից դեռ մի ամիս առաջ, կառապան Տիմոֆեյը և Ակիմ անունով մի ուրիշ գյուղացի հարյուր ուրբի են գտել միջանցքում, գինով վիճակում Միտյայի գցած հարյուր ուրբին, և այդ փողը Տրիֆոն Բորիսովիչին են հանձնել, իսկ նա մեկական ուրբի է տվել նրանց դրա համար: «Դե ուրեմն դուք այն ժամանակ վերադարձրի՞ք այդ հարյուր ուրբին պարոն Կարամազովին, թե ոչ»: Տրիֆոն Բորիսովիչը ամեն կերպ աշխատեց խույս տալ, բայց գյուղացիների հարցաքննությունից հետո խոստովանեց, որ գտել էին այդ հարյուր ուրբին, միայն թե ավելացրեց, որ հենց այն օրն էլ սրբությունք վերադարձրել է Դմիտրի Ֆյոդորովիչին և հանձնել է «ամենայն աքնվությունք, բայց դե նա էն ժամանակ լրիվ հարթած էր և հազիվ թե կարողանա հիշել»: Բայց քանի որ նա, գյուղացի վկաների կանչվելուց առաջ, այնուամենայնիվ ժխտել էր այդ հարյուր ուրբու հարցը, բնականաբար խիստ տարակուսանքի ենթարկվեց նաև նրա այն ցուցմունքը, թե գումարը վերադարձրել է գինով Միտյային: Այսպիսով, դատախազության առաջադրած ամենավտանգավոր վկաներից մեկը դարձյալ կասկածի տակ ընկավ ու խիստ վարկաբեկված հեռացավ ատյանից: Նույնը պատահեց նաև լեհերին: Նրանք ներկայացան հպարտ ու անկախ երևույթով: Բարձրագույն հավաստեցին, որ նախ և առաջ երկուսն էլ «ծառայել են թագին», և որ «պան Միտյան» երեք հազար ուրբի է առաջարկել իրենց պատիվը գնելու համար, և որ իրենք անձամբ մի մեծ գումար են տեսել նրա ձեռքում: Պան Մուսյալովիչը ստակալի շատ լեհերեն բառեր էր խառնում իր նախադասությունների մեջ, և տեսնելով, որ դա պարզապես ավելի մեծ կշիռ է տալիս իրեն նախազահի և դատախազի աչքում, ի վերջո բոլորովին ոգեպլնդվեց և սկսեց արդեն լրիվ լեհերեն խոսել: Բայց Ֆետյուկովիչը նրանց էլ գցեց իր ծուղակը. նորից կանչեցին Տրիֆոն Բորիսովիչին, և որքան էլ աշխատեց նա խույս տալ, բայց այնուամենայնիվ ստիպված եղավ ընդունել, որ իր տված խաղաթղթերի

կապոցը պան Կրուբլյովսկին նենգափոխել էր իր սեփական խաղաթղթերով, և որ պան Մուսյալովիչը խաղի ժամանակ խարդախություն էր արել: Կալզանովն էլ, իր հերթին վկայություն տալով, հաստատեց այդ բանը, և լեհերը մի քիչ խայտառակված հեռացան, նույնիսկ հասարակության ծիծաղի տակ:

Հետո ճիշտ նույն բախտին արժանացան համարյա բոլոր այն վկաները, որոնք ամենից ավելի վտանգավոր էին: Ֆետյուկովիչը կարողացավ ամեն մեկին բարոյապես արատավորել ու թողնել հիմար դրության մեջ: Դատի սիրահարներն ու իրավաբանները հիանում էին պարզապես, միայն թե տարակուսանքով մտածում էին դարձյալ՝ ի՞նչ մի մեծ ու վճռական նպատակի կարող է ծառայել այդ ամբողջը, որովհետև, կրկնում եմ, բոլորն էլ զգում էին մեղադրանքի անգիմադրելի ուժը, որ ավելի ու ավելի ողբերգականորեն աճում էր: Բայց «մեծ կախարդի» ինքնավստահությունը տեսնելով, եզրակացնում էին, որ նա հանգիստ է, և սպասում էին. «այսպիսի մարդը» հո իզուր չէր եկել Պետերբուրգից, և այնպիսի մարդ էլ չէ, որ դատարկ ետ գնա:

III

ԲԺՇԿԱԿԱՆ ՓՈՐՃԱՔՆՆՈՒԹՅՈՒՆԸ ԵՎ ՄԻ ՖՈՒՆՏ ԿԱՂԻՆ

Բժշկական փորձաքննությունը ևս շատ շօգնեց մեղադրյալին: Եվ Ֆետյուկովիչը ինքն էլ կարծես շատ հույս չէր դնում դրա վրա, և այդպես էլ պարզվեց հետազայում: Հիմնականում կատերինա Իվանովնայի պնդումով էր միայն, որ կատարվեց այդ փորձաքննությունը. նա էր, որ նշանավոր բժշկին դիտմամբ կանչել էր Մոսկվայից: Դատապաշտպանությունը դրանից ոչինչ չէր կարող կորցնել իհարկե, իսկ լավագույն դեպքում կարող էր մի որևէ բան շահել նույնիսկ: Այնուամենայնիվ, դա մասամբ զավեշտի նման մի դրվագ եղավ՝ բժիշկների միջև որոշ տարածանություն հետևանքով: Որպես փորձագետ ներկայացան երեք հոգի՝ Մոսկվայից եկած նշանաձոր բժիշկը, ապա մեր բժիշկ Հերցենշտուբեն և վերջապես երիտասարդ բժիշկ Վարվինսկին: Վերջին երկուսը հանդես էին գալիս նաև որպես պարզ վկաներ՝ դատախազի կողմից հրավիրված:

Նախ դոկտոր Հերցենշտուբեն հարցաքննության կանչվեց իբրև փորձագետ: Յոթանասունամյա ծերունի էր նա, ալեհեր ու

ճաղատ, միջահասակ, ամբողջաբույ: Մեր քաղաքում բոլորն էլ շատ էին գիտահասում ու հարգում նրան: Բարեխիղճ բժիշկ էր, սքանչելի ու քաղաքաշատ մարդ, ինչ-որ հերհաստեր էր կամ «մորաժյան նորաշո»¹, հաստատ շփոթեմ: Արդեն շատ վաղուց էր ապրում մեզ մետ և արտակարգ արժանապատվությամբ էր պահում իրեն: Բարի էր ու մարդասեր, աղքատ հիվանդներին ու գյուղացիներին ձրի էր բուժում, ինքն էր գնում նրանց հետևախորշերն ու խրճիթները և փող էր թողնում դեղի համար, բայց միաժամանակ շորու պես համառ էր: Եթե մի որևէ գաղափար նստեր նրա մտքում, անկարելի էր տարհամոզել նրան: Ի դեպ, արդեն համարյա բոլորին հայտնի էր, որ Մոսկվայից եկած նշանավոր բժիշկը, մի երկու-երեք օր գտնվելով մեր քաղաքում, դոկտոր Հերցենշտուբեի ընդունակությունների մասին մի քանի չափազանց վիրավորական ակնարկություններ էր արել: Խնդիրն այն է, որ թեև մոսկվացի բժիշկն ամեն մի այցի համար առնչվազն քսանհինգ ռուբլի էր վերցնում, բայց այնուամենայնիվ մեր քաղաքում ումանք ուրախացան նրա գալու առթիվ, չխնայեցին փողը և փութացին նրա խորհուրդներն ականջ: Բոլոր այդ հիվանդներին, իհարկե, դոկտոր Հերցենշտուբեն էր բուժում մինչ այդ, և ահա նշանավոր բժիշկը չափազանց խիստ քննադատել էր նրա բուժումը բոլոր դեպքերում: Ի վերջո նույնիսկ, այցելելով հիվանդին, ուղղակի հարցնում էր. «է՛հ, տեսնե՞ք ո՞վ էր մեզ մետում այստեղ, Հերցենշտուբե՞ն: Հե-հե՛»: Դոկտոր Հերցենշտուբեն, իհարկե, իմացել էր այդ բոլորը:

Եվ ահա երեք բժիշկները, մեկը մյուսի ետևից, ներկայացան հարցաքննության: Դոկտոր Հերցենշտուբեն ուղղակի հայտարարեց, որ «մեղադրյալի մտային կարողությունների աննորմալությունը ինքնբերական նկատելի է»: Հետո, ներկայացնելով իր պատճառաբանությունները, որոնք զանց եմ առնում այստեղ, ավելացրեց, որ այդ աննորմալությունը նկատելի է մեղադրյալի ոչ միայն նախկին բազմաթիվ արարքներից, այլև մանավանդ հիմա, այս բույսիս. և երբ խնդրեցին բացատրել, թե ինչի՞ց է դա նկատելի հիմա, այս բույսիս, ծերունի բժիշկն իր ամբողջ պարզամիտ շիտակությամբ մատնացույց արեց այն, որ երբ մեղադրյալը դատարանի դահլիճն էր մտնում, «այս իրադրության համար ուներ անսովոր ու տարօրինակ անքաղցր, դիմորի նման քայլում էր առաջ, աչքերն ուղղակի դիմացը հառած, մինչդեռ նրա համար ավելի բնական կլիներ նայել դեպի

ձախ, ուր հասարակության մեջ տիկնայք են նստած, որովհետև նա գեղեցիկ սեռի մեծ սիրահար է. և պետք է շատ մտածեր այն մասին, թե ինչ կասեն հիմա տիկնայք իր վերաբերյալ», — եզրակացրեց ծերուկը իր յուրօրինակ լեզվով: Պետք է ավելացնել, որ նա շատ ու սիրով էր խոսում ուսերեն, բայց նրա ամեն մի նախադասությունը մի տեսակ գերմաներենի պես էր ստացվում, թեև դա երբեք չէր խանգարում նրան, որովհետև ամբողջ կյանքում նա թուլություն էր ունեցել համարելու, որ ինքը օրինակելի ուսերեն է խոսում, «նույնիսկ ավելի լավ, քան ուսները». և նույնիսկ շատ էր սիրում ուսական առածներ օգտագործել, ամեն անգամ էլ հավաստելով, որ ուսական առածները ամենալավ և ամենից ավելի արտահայտիչ առածներն են աշխարհում: Նշեմ նաև, որ խոսակցության մեջ, ցրվածությամբ պատճառով, թե ինչ, նա հաճախ մոռանում էր ամենահասարակ բաները, որ շատ լավ գիտեր, բայց որոնք հանկարծ թոնում էին նրա գլխից: Բայց նույն բանն էր պատահում, երբ նաև գերմաներեն էր խոսում, և այդ դեպքում միշտ էլ ձեռքը թափահարում էր դեմքի առաջ, կարծես ջանալով բռնել կորած բառը, և մինչև այդ բառը չգտներ, ոչ ոք չէր կարող ստիպել նրան, որ շարունակի իր սկզբած խոսքը: Նրա այն դիտողությունը, թե մեղադրյալը ներս մտնելիս պետք է նայեր տիկիներին, աշխույժ մի շշուկ առաջացրեց հասարակության մեջ: Քաղաքի բոլոր տիկիները շատ էին սիրում մեր ծերուկին, գիտեին նաև, որ նա, ամբողջ կյանքում ամուրի մնացած լինելով, բարեպաշտ ու անարատ մարդ, կանանց նայում էր որպես վսեմ ու իդեալական էակներ: Դրա համար էլ նրա անսպասելի դիտողությունը սոսկալի տարօրինակ թվաց բոլորին:

Սոսկվացի բժիշկը, իր հերթին հարցաքննության ենթարկվելով, կտրականապես ու համառորեն պնդեց, թե մեղադրյալի մտային վիճակը աննորմալ է համարում, «նույնիսկ վերին աստիճանի»: Նա շատ ու հմտորեն խոսեց «աֆեկտի» և «մտամոլության» մասին և եզրակացրեց, որ ըստ բոլոր հավաքված տվյալների՝ մեղադրյալը ձերբակալությունից դեռ մի քանի օր առաջ արդեն գտնվում էր անտարակուսելիորեն հիվանդագին աֆեկտի մեջ, և եթե նա է գործել ոճիրը, ուրեմն թեպետ և գիտակցելով, բայց գրեթե ակամա է արել, բոլորովին անզոր լինելով պայքարելու այն բարոյական հիվանդագին մղման դեմ, որ տիրել է նրան: Սակայն աֆեկտից բացի, բժիշկը ախտանշում

էր նաև մտամոլությունը, որն արդեն, ըստ նրա ասածի, հետագայում ուղիղ ճանապարհով պետք է տանի դեպի կատարյալ խելագարություն: (NB: Ես պատմում եմ իմ բառերով, իսկ բժիշկը շատ գիտական ու մասնահատուկ լեզվով բացատրեց): «Նրա բոլոր արարքները հակառակ են ողջամտության և տրամաբանության, — շարունակեց նա: — էլ չեմ խոսում այն բանի մասին, որ չեմ տեսել, այսինքն բուն իսկ ոճրագործության ու ամբողջ այս աղետի մասին, բայց նույնիսկ երկու օր առաջ, ինձ հետ խոսելու ժամանակ, նա անբացատրելիորեն քարացած մի հայացք ուներ: Անակնկալ մի ծիծաղ, երբ բոլորովին առիթ չկա ծիծաղելու: Մշտական ու անհասկանալի ջղագրգռություն, տարօրինակ բառեր՝ «Բեռնար, էթիկա» և այլն, որոնք անտեղի են»: Բայց բժիշկն այդ մտամոլությունը հատկապես նկատում էր այն բանում, թե մեղադրյալը չի էլ կարողանում առանց արտակարգ ջղայնության խոսել երեք հազար ութու մասին, համարելով, որ այդ հարցում խաբել են իրեն, այնինչ իր բոլոր մյուս անհանդուրժանների ու կրած վիրավորանքների մասին բավական հանգիստ է խոսում ու հիշում: Եվ վերջապես, ըստ տեղեկությունների, նա առաջ էլ, ամեն անգամ, երբ շոշափվում էր այդ երեք հազար ութու հարցը, ճիշտ նույն ձևով ընկնում էր համարյա մոլեգնության մեջ, այնինչ վկայում են, որ նա անշահախնդիր մարդ է և փողի ձգտում չունի: «Իսկ գալով իմ գիտնական պաշտոնակցի այն կարծիքին, — հեզնականորեն ավելացրեց բժիշկը, վերջացնելով իր ճառը, — թե մեղադրյալը դահլիճ մտնելու ժամանակ պետք է տիկնանց նայեր, և ոչ թե ուղիղ իր դիմացը, միայն մի խոսք ասեմ. նման եզրակացությունը, բացի աշխույժ, թուվուն մի բան լինելուց, նաև արմատապես սխալ է. որովհետև, թեպետ ես լրիվ համաձայն եմ, որ երբ մեղադրյալը դատարանի դահլիճ էր մտնում, մի դահլիճ, ուր վճռվում է իր բախտը, չպետք է այդպես անշարժ հայացքով նայեր իր դիմացը, և որ դա իսկապես կարող էր նրա աննորմալ հոգեվիճակի ախտանշան համարվել տվյալ լրպեին, բայց և միաժամանակ պնդում եմ, որ նա պետք է նայեր ոչ թե ձախ՝ տիկիներին, այլ ընդհակառակը, հենց աջ պետք է նայեր ու հայացքով փնտրեր իր դատապաշտպանին, որի օգնության վրա է իր ամբողջ հույսը, և որի պաշտպանությունից է հիմա կախված իր ամբողջ ճակատագիրը»: Բժիշկը իր կարծիքը հայտնեց վճռականորեն ու պնդեց:

Բայց երկու գիտնական փորձագետների տարաձայնությունը

հատկապես զավեշտական երանգ ստացավ, երբ նրանցից հետո հարցաքննված բժիշկ Վարվինսկին իր անակնկալ եզրակացութունը հարտնեց: Նրա կարծիքով, մեղադրյալը և՛ այդ պահին, և՛ առաջ էլ, կատարելապես բնականոն վիճակում էր գտնվում, ու թեև իսկապես ձերբակալությունից առաջ նա պետք է շղային ու շափազանց զրգուլած գրության մեջ լիներ, բայց դա կաթող էր ծագել խիստ ակնհայտ բազմաթիվ պատճառներից՝ խանդից, դայրույթից, անընդհատ հարբած վիճակից և այլն: Սակայն այդ շղային դրությունը չէր կարող իր մեջ բովանդակել այն յուրահատուկ «աֆեկտը», որի մասին խոսվեց հիմա: Իսկ ինչ վերաբերում է այն հարցին, թե մեղադրյալը դահլիճ մտնելու ժամանակ ձա՞խ պետք է նայեր, թե՞ աչ, ապա բժշկի «համեստ կարծիքով», մեղադրյալը հենց պետք է ուղղակի իր դիմացը նայեր դահլիճ մտնելու ժամանակ, ինչպես և նայեց իսկապես, որովհետև ուղիղ իր դիմացը նստում էին նախագահն ու դատարանի անդամները, որոնցից կախված է իր ամբողջ ճակատագիրը հիմա, «այնպես որ, հենց ուղղակի իր դիմացը նայելու փաստով էլ նա ապացուցեց իր մտքի կատարելապես բնականոն վիճակը ավելի ռուպին», — մի քիչ կրակոտ շեշտով ավարտեց երիտասարդ բժիշկն իր «համեստ» վկայությունը:

— Ապրե՛ս, բժիշկ, — գոռաց Միտյան իր տեղից, — հենց այդպե՛ս է:

Միտյային լռեցրին իհարկե, բայց երիտասարդ բժշկի կարծիքը վճռական ազդեցություն ունեցավ ինչպես դատավորների, այնպես էլ հասարակության վրա, որովհետև, ինչպես պարզվեց հետագայում, բոլորն էլ համաձայնվեցին նրա հետ: Բայց դեկտոր շերտերը նրան, արդեն որպես վկա հարցաքննվելով, հանկարծ բոլորովին անսպասելիորեն օգտակար եղավ Միտյային: Որպես քաղաքի հին բնակիչ, որ վաղուց ծանոթ էր Կարամազովների ընտանիքին, նա «մեղադրող կողմի» համար շատ հետաքրքրական մի քանի վկայություններ տվեց և հանկարծ, կարծես մի բան մտաբերելով, ավելացրեց.

— Եվ սակայն, խեղճ երիտասարդը կարող էր անհամեմատ ավելի լավ ճակատագիր ձեռք բերել, որովհետև լավ սիրտ ունեւր թե՛ երեխա ժամանակ, թե՛ երեխայությունից հետո, որովհետև ես գիտեմ այդ բանը: Բայց սուստեղան առածն ասում է. «Թի՛ք մարդս մի խելք ունի, լավ բան է, իսկ եթե մի ուրիշ խելացի

մարդ էլ հյուր գա, ավելի լավ կլինի, որովհետև այն ժամանակ երկու խելք կլինի միասին, և ոչ թե միայն մի խելք...»:

— Մի խելքը լավ է, երկուսն ավելի լավ, — անհամբեր հուշեց դատախազը, որ վաղուց գիտեր ձերբակալի այդ սովորությունը՝ խոսել դանդաղ, ձգձգված, առանց մտահոգվելու, թե ինչ տպավորություն է գործում, և թե մարդկանց ստիպում է սպասել, այլև ընդհակառակը՝ շատ բարձր գնահատելով իր գեթմանական ծանրաշարժ, անհամ և միշտ ուրախորեն ինքնագոհ սրամտությունը: Իսկ ձերբակալ սիրում էր սրամտել:

— Օ՛, այո-այո՛, ես էլ նույնն եմ ասում, — համառորեն կրկնեց նա, — մի հատ խելքը լավ է, իսկ երկու հատ խելքը շատ ավելի լավ է: Բայց մի ուրիշ խելք մարդ հյուր չեկավ նրան, իսկ նա իր խելքն էլ ուղարկեց... Ի՞նչ էին ասում, ո՞ւր ուղարկեց: Մոռացա այդ բանը... Թե իր խելքը ուր ուղարկեց, — շարունակում էր նա, ձեռքը պտտեցնելով իր աչքերի առաջ, — ախ հա՛, spazieren:

— Ման գալո՞ւ:

— Դե այո՛, ման գալու, ես էլ նույնն եմ ասում: Ա՛հ սուրբն նրա խելքը գնաց ման գալու և հասավ այնպես մի խորունկ տեղ, ուր կորցրեց իրեն: Այնինչ, նա երախտագետ և զգալուն պատանի էր, օ՛, ես շատ լավ հիշում եմ նրան՝ ահա դեռ այսքան մի մանուկ, հոր տան ետևի քակում լքված, երբ գետնի վրա վազում էր առանց կոշիկների և փոքրիկ տաբատն էլ մի կոճակից կախված...

Գորովալի և հուզիչ մի շեշտ լսվեց հանկարծ պարկեշտ ծերուկի ձայնի մեջ: Ֆետյակովին ուղղակի ցնցվեց, կարծես մի բան նախազգալով, և անմիջապես կայավ գրանից:

— Օ այո՛, ես ինքս տակավին երիտասարդ էի այն ժամանակ... Ես... հա, այո, քառասունհինգ տարեկան էի այն ժամանակ, հենց նոր էի եկել այստեղ: Եվ այն ժամանակ մեղքացա մանուկին, և հարցրի ինքս ինձ՝ ինչո՞ւ չեմ կարող նրա համար գնել մի ֆունտ... դե, այո, մի ֆունտ ի՞նչ: Մոռացա ինչպես եմ ասում... մի ֆունտ այն բանից, որ երեխաները շատ են սիրում... ի՞նչ են ասում դրան, է՛հ, ի՞նչ են ասում... — բժիշկը նորից թափահարեց իր ձեռքը, — ծառի վրա է աճում այդ բանը, հավաքում են և բոլորին նվիրում...

— Խնձո՞ր:

— Օ չէ-է-է՛: Մի ֆունտ, ֆունտ: Խնձորը մի տասնյակ է լինում, ոչ թե ֆունտ... չէ՛, շատ-շատ է լինում դա և փոքր-փոքր, դնում են բերանը և թրը՛խ...

— Կաղի՛ն:

— Դե այ՛ո՛, կաղին, ես էլ նույնն եմ ասում,— հաստատեց բժիշկը ամենայն հանգստությամբ, կարծես բոլորովին էլ չէր փնտրել այդ բառը:— Եվ ես մի ֆունտ կաղին բերեցի նրան, որովհետև ոչ ոք դեռ երբեք մի ֆունտ կաղին չէր բերել մանչուկին, և ես մատա բարձրացրի և ասացի նրան. «Մանչո՛ւկ, Gott der Vater¹: Նա ծիծաղեց ու ասաց. «Gott der Vater»:— «Gott der Sohn»²: Նա նորից ծիծաղեց ու թոթովեց. «Gott der Sohn»:— «Gott der heilige Geist»³, եվ նա նորից ծիծաղեց ու ասաց ինչքան որ կարող էր. «Gott der heilige Geist»: Իսկ ես գնացի: Երկու օր հետո անցնում էի, և նա ինքը գոռաց ինձ. «Քեռի՛, Gott der Vater, Gott der Sohn», և միայն մոռացավ Gott der heilige Geist, բայց ես հիշեցրի, և նորից շատ մեղքացա նրան: Բայց տարան այստեղից, և ես այլևս չտեսա մանչուկին: Եվ ահա անցավ քսաներեք տարի, մի առավոտ նստել եմ իմ աշխատասենյակում, արդեն սպիտակ գլխով, և հանկարծ ներս է մտնում մի ծաղկուն երիտասարդ, որին ոչ մի կերպ չեմ կարողանում ճանաչել, բայց նա մատը բարձրացրեց և ծիծաղելով ասաց. «Gott der Vater, Gott der Sohn, Gott der heilige Geist! Ես հենց նոր ժամանեցի այս քաղաքը և եկա շնորհակալություն հայտնելու ձեզ մի ֆունտ կաղինի համար, որովհետև ոչ ոք երբեք ինձ մի ֆունտ կաղին չի գնել, և միայն դուք մի ֆունտ կաղին գնեցիք ինձ»: Եվ այն ժամանակ ես հիշեցի իմ երջանիկ երիտասարդությունը, հիշեցի խեղճ մանչուկին բակում, առանց կոշիկների, և սիրտս տակնուվրա եղավ, և ես ասացի. «Դու երախտագետ երիտասարդ ես, որովհետև ամբողջ կյանքիդ մեջ հիշել ես այն մի ֆունտ կաղինը, որ ես բերեցի քեզ քո մանկության օրերին»: Եվ ես գրկեցի նրան ու օրհնեցի: Եվ սկսեցի արտասովել: Նա ծիծաղում էր, բայց և նա էլ արտասովում էր... որովհետև ողւս մարդը շատ հաճախ ծիծաղում է այնտեղ, ուր պետք է արտասովել: Բայց և արտասովում էր նա, ես տեսա այդ բանը: Իսկ հիմա, ավա՛ղ...

— Հիմա՛ էլ արտասովում եմ, գերմանացի, հիմա՛ էլ արտասովում եմ, սրբաշնորհ մարդ,— գոռաց հանկարծ Միտյան իր տեղից:

Համենայն դեպս այդ փոքրիկ պատմությունը որոշ բարենպաստ տպավորություն գործեց հասարակության վրա: Բայց Միտյայի օգտին ամենակարևոր ներգործությունն ունեցավ Կատերինա Իվանովնայի ցուցմունքը, որի մասին կասեմ հիմա: Եվ առհասարակ, երբ սկսեցին հարցաքննվել à décharge վկաները, այսինքն նրանք, ովքեր կանչվել էին դատապաշտպանի կողմից, բախտը կարծես միանգամից և նույնիսկ լրջորեն ժրպտաց Միտյային, և ամենաուշագրավն այն էր, որ մինչև իսկ դատապաշտպանի համար անսպասելի էր դա: Բայց դեռ Կատերինա Իվանովնայից առաջ Ալյոշան հարցաքննության ենթարկվեց, և նա հանկարծ հիշեց մի փաստ, որ կարծես նույնիսկ դրական վկայություն էր երևում՝ մեղադրող կողմի առաջ քաշած մի շատ կարևոր կետի դեմ:

IV

ԲԱՆՏԸ ԺՊՏՈՒՄ Է ՄԻՅԱՍԻՆ

Նույնիսկ իրեն՝ Ալյոշայի համար դա բոլորովին անսպասելիորեն եղավ: Նա կանչվեց առանց երդման, և հիշում եմ, որ հարցաքննության հենց առաջին բառերից՝ երկու կողմերն էլ շափազանց մեղմ ու համակրական վերաբերմունք ցույց տվեցին նրան: Երևում էր, որ նրան նախորդել էր իր բարի համբավը: Ալյոշան համեստ ու զուսպ էր պատասխանում, բայց նրա ցուցմունքների մեջ ակնհայտորեն երևում էր ջերմ համակրանքը դժբախտ եղբոր հանդեպ: Պատասխանելով մի հարցի, նա իր եղբոր բնավորությունը նկարագրեց ու ներկայացրեց նրան որպես մի մարդու, որ գուցե ամենի է ու կրքերով տարված, բայց և ազնիվ է, հպարտ ու մեծահոգի, պատրաստ է նույնիսկ զոհողության, եթե պահանջվի նրանից: Սակայն ընդունեց, որ վերջերս իր եղբայրը, Գրուշենկայի հանդեպ տածած բուռն զգացմունքի և հոր հետ ունեցած մրցակցության հետևանքով, անտանելի վիճակի մեջ էր ընկել: Բայց վրդովմունքով մերժեց այն ենթադրությունն անգամ, թե իր եղբայրը կարող էր սպանել կոզոպտելու նպատակով, թեև ընդունեց, որ այդ երեք հազար ռուբլ-

¹ Հայր աստված (գերմ.):

² Հայր աստված:— Որդի աստված (գերմ.):

³ Որդի աստված:— Հոգին սուրբ աստված (գերմ.):

լին համարյա մի տեսակ մտամոլություն էր դարձել Միտլայի գլխում, որ նա այդ գումարը համարում էր իր ստանալիք ժառանգության մի մասը՝ հոր խաբեության պատճառով իրեն չտրված, և որ, բոլորովին անշահասեր մարդ լինելով հանդերձ, մինչև իսկ չէր կարողանում առանց մոլեգին կատաղության խոսել այդ երեք հազար ռուբլու մասին: Իսկ, ինչպես արտահայտվեց դատախազը, երկու «կանացի անձնավորությունների», այսինքն Գրուշենկայի և Կատլայի մրցակցության մասին Ալյոշան խուսափուկ պատասխաններ տվեց և նույնիսկ մեկ կամ երկու հարցի բոլորովին չուզեց պատասխանել:

— Ձեր եղբայրը գոնե ասե՛ք է՞ ձեզ, որ մտադիր է սպանել ձեր հորը, — հարցրեց դատախազը: — Կարող եք չպատասխանել, եթե անհարկի եք գտնում, — ավելացրեց նա:

— Ուղղակի չի ասել, — պատասխանեց Ալյոշան:

— Իսկ ինչպե՞ս: Անուղղակի՞:

— Մի անգամ ինձ ասաց, թե անձնական ատելություն ունի հոր հանդեպ և վախենում է, որ... ծայրահեղ մի բոպեում... նողկանքի բոպեում... գուցե և կարող է սպանել նրան:

— Եվ դուք, լսելով այդ բանը, հավատացի՞ք:

— Վախենում եմ ասել, թե հավատացի: Բայց ես միշտ էլ համոզված էի, որ մի գերագույն զգացում կիրկի նրան ճակատագրական բոպեին, ինչպես որ փրկեց իսկապես, որովհետև ես չէի իմ հորն սպանողը, — հաստատակամորեն վերջացրեց Ալյոշան բարձր ձայնով, որ հնչեց ամբողջ դահլիճում:

Գատախազը ցնցվեց մարտակառն ձիու նման, որ շեփոթի ազդանշանն է լսում հանկարծ:

— Վստահ եղեք, որ ես կատարելապես հավատում եմ ձեր համոզմունքի ամենալրիվ անկեղծությանը, և բնավ էլ այդ բանը չեմ պայմանավորում ձեր դժբախտ եղբոր հանդեպ սիրո զգացումով և չեմ նույնացնում այդ զգացման հետ: Արդեն նախնական քննությունից հայտնի է մեզ ձեր յուրօրինակ հայացքը այն ամբողջ ողբերգական պատահարի նկատմամբ, որ տեղի է ունեցել ձեր ընտանիքում: Չեմ թաքցնում ձեզից, որ վերին աստիճանի առանձնահատուկ է այդ հայացքը և հակասում է դատախազության ստացած բոլոր մյուս ցուցմունքներին: Ուստի և անհրաժեշտ եմ գտնում հարցնել արդեն հարապեղծորեն՝ ի՞նչ տվյալներ են առաջնորդել ձեր միտքը և ուղղել դեպի այն վերջնական համոզմունքը, թե ձեր եղբայրն անմեղ է և, ընդհակառակը, մեղա-

վոր է մի ուրիշ անձ, որի դեմ արդեն ուղղակի ցուցմունք տվեցիք նախնական քննության ընթացքում:

— Նախնական քննության ընթացքում ես հարցերին՝ էի պատասխանում միայն, — մեղմ ու հանգիստ ասաց Ալյոշան, — և ոչ թե անձամբ իմ կողմից մեղադրանք էի բարդում Սմերդյակովի վրա:

— Եվ այնուամենայնիվ ցուցմունք տվեցի՞ք նրա դեմ:

— Իմ եղբայր Գմիտրիի ասածից ելնելով տվեցի այդ ցուցմունքը: Գեո հարցաքննությունից առաջ ինձ պատմել էին, թե ինչ է կատարվել ձերբակալության ժամանակ, և թե ինքը այդ երեկո մատնանշել է Սմերդյակովին: Ես լրիվ հավատում եմ, որ եղբայրս անմեղ է: Եվ եթե նա չի սպանել, ուրեմն...

— Ուրեմն Սմերդյակովի՞: Իսկ ինչո՞ւ հատկապես Սմերդյակովի: Եվ ինչո՞ւ մանավանդ դուք այնպես վերջնականորեն համոզվեցիք, որ անմեղ է ձեր եղբայրը:

— Չէի կարող չհավատալ եղբորս: Ես գիտեմ, որ նա ինձ սուտ չի ասի: Ես նրա դեմքից տեսա, որ սուտ չի ասում ինձ:

— Միայն դեմքի՞ց: Ա՞յդ է ձեր ունեցած ամբողջ ապացույթը:

— Ուրիշ ապացույց չունեմ:

— Եվ Սմերդյակովի մեղավորության մասին էլ ուրիշ ոչ մի նվազագույն ապացույցի վրա չեք հիմնվում, բացի ձեր եղբոր խոսքերից և նրա դեմքի արտահայտությունից:

— Այո, ուրիշ ապացույց չունեմ:

Գրանով դատախազը վերջացրեց իր հարցուփորձը: Ալյոշայի պատասխանները խիստ հիասթափեցնող տպավորություն թողեցին հասարակության վրա: Գեո դատից առաջ արդեն մեր քաղաքում խոսում էին Սմերդյակովի մասին. մեկը մի բան էր լսել, մյուսը մի ուրիշ բան էր մատնանշում, ասում էին, թե Ալյոշան ինչ-որ արտակարգ ապացույցներ է հավաքել իր եղբոր օգտին և Սմերդյակովի մեղավոր լինելու մասին, և ասա՛՛ ոչինչ չկա, ոչ մի ապացույց, բացի որոշ բարոյական համոզմունքներից, որոնք այնքան բնական են նրա համար, քանի որ մեղադրյալի հարազատ եղբայրն է:

Բայց սկսեց հարցեր տալ նաև Ֆետյուկովիչը: Երբ հարց տրվեց, թե հատկապես ե՞րբ է մեղադրյալը Ալյոշային ասել հոր հանդեպ ունեցած ատելության մասին և այն մասին, որ կարող էր սպանել նրան, և թե արդյոք ինքը այդ բանը մեղադրյալից

լսել է, օրինակ, աղետից առաջ իրենց վերջին տեսակցութեան ժամանակ,— Ալլոշան, պատասխանելիս, հանկարծ ցնցվեց մի տեսակ, կարծես հենց հիմա միայն հիշեց մի որոշ բան և հասկացավ այդ բանը.

— Ես հիմա հիշում եմ մի հանգամանք, որ ինքս էլ բոլորովին մոռացել էի, բայց այն ժամանակ դա այնքա՛ն անորոշ էր ինձ համար, իսկ հիմա...

Եվ Ալլոշան, ինքն էլ հայտնապես հենց հիմա՛, հենց նոր այդ միտքը կոահելով, փութեռանդորեն սկսեց վերհիշել, թե ինչպես Միտյայի հետ իր վերջին տեսակցութեան ժամանակ, այն երեկո, ծառի մոտ, վանքի ճանապարհին, Միտյան կուրծքն էր ծեծել, «կրծքի վերի մասը», և մի քանի անգամ կրկնել էր, որ ինքը իր պատիվը վերականգնելու մի միջոց ունի, և որ այդ միջոցը այստեղ է ահա, ա՛յ այստեղ, իր կրծքի վրա... «Ես այն ժամանակ մտածեցի, որ նա, իր կուրծքը ծեծելով, խոսում է իր սրտի մասին,— շարունակեց Ալլոշան,— ուզում է ասել, որ իր սրտում կարող էր ուժ գտնել՝ ազատվելու համար ինչ-որ մի ահավոր անպատվությունից, որ սպառնում էր նրան, և որի մասին չհամարձակվեց խոստովանել մինչև իսկ ի՛մ առաջ: Խոստովանում եմ, ես այն ժամանակ հենց մտածեցի, որ նա մեր հոր մասին է ասում և անպատվություն է համարում այն միտքը, թե կգնա ու մի դաժան բան կանի հորը, և դողում է այդ մտքից, այնինչ հենց նույն պահին նա կարծես մի բան էր ցույց տալիս իր կրծքի վրա, այնպես որ, հիշում եմ, հենց նույն պահին էլ իմ մտքով անցավ, որ սիրտը կրծքի այդ կողմը չի գտնվում, այլ ավելի ներքև, իսկ նա խփում է շատ ավելի վեր, ահա այստեղ, վզից անմիջապես ցած, և անընդհատ այդ տեղն է ցույց տալիս: Իմ մտածածն այն ժամանակ հիմար բան թվաց ինձ, բայց նա գուցե ցույց էր տալիս հենց այդ լաթե քսակը, որի մեջ կարված էր այդ հազար հինգ հարյուր ուրբին...»:

— Հենց այդպե՛ս է,— գուցե հանկարծ Միտյան տեղից:— Ծիշտ է, Ալլոշա, այդպես է, ես այն ժամանակ դրա՛ն էի խփում բռունցքով:

Ֆետյուկովիչը հապշտապ վազեց նրա մոտ, աղաչելով, որ հանգիստ մնա, և նույն վայրկյանին էլ ուղղակի կառչեց Ալլոշայի ասածից: Ալլոշան, ինքն էլ տարված իր հիշողությամբ, փութեռանդորեն հայտնեց իր ենթադրությունը, թե այդ անպատվությունն ամենայն հավանականությամբ հենց այն էր, որ Միտյան,

այդ հազար հինգ հարյուր ուրբին իր վզին կրելով, կարող էր վերադարձնել Կատերինա Իվանովնային՝ որպես իր պարտքի կեսը, բայց այնուամենայնիվ որոշել էր շտալ այդ կեսը նրան և օգտագործել ուրիշ բանի համար, այսինքն Գրուշենկային այստեղից տանելու, եթե համաձայնվի Գրուշենկան...

— Այդպես է, հենց այդպես է,— բացականում էր Ալլոշան հանկարծակի հուզմունքով,— եղբայրս այն ժամանակ հենց գոռում էր, որ անպատվության կեսն է, կեսը (նա մի քանի անգամ ասաց՝ կե՛սը), և ասաց, որ կարող էր անմիջապես ազատվել դրանից, բայց այն աստիճան դժբախտ է իր թույլ բնավորությամբ, որ չի անի այդ բանը... նախօրոք գիտե, որ չի կարող, ուժ չունի անելու այդ բանը:

— Եվ դուք հաստատ, պարզ հիշում եք, որ նա կրծքի հենց ա՛յդ տեղն էր ծեծում,— ազահորեն հարցրեց Ֆետյուկովիչը:

— Պարզ ու հաստատ, որովհետև հենց մտածեցի այդ բանից, թե ինչո՞ւ նա այդքան վերև է խփում, երբ սիրտը ավելի ներքև է, և նույն բովանդակ էլ իմ մտածածը հիմար բան թվաց ինձ... հիշում եմ, որ հիմար բան թվաց... մտքովս անցավ այդ բանը: Այ դրա համար էլ հիմա իսկույն հիշեցի: Եվ ինչպե՛ս բանը: Այ դրա համար էլ հիմա իսկույն հիշեցի: Եվ ինչպե՛ս կարող էի այդ բանը մոռանալ մինչև ա՛յս պահը: Հենց այդ փոքրիկ քա՛կն էր ցույց տալիս նա, ասելով, որ միջոցներ ունի, բայց չի տա այդ հազար հինգ հարյուրը: Իսկ ձերբակալության ժամանակ, Մոկրոեում, հենց գոռացել է (գիտեմ այդ բանը, ասել են ինձ), գոռացել է, թե իր ամբողջ կյանքի ամենախայտառակ արարքն է համարում այն, որ միջոցներ ունե՛ր՝ իր պարտքի կեսը (հենց կե՛սը) վերադարձնելու Կատերինա Իվանովնային և գող շինելու նրա առաջ, բայց այնուամենայնիվ կամք չի արել վերադարձնելու և նախընտրել է գող մնալ նրա աչքում, քան թե հրաժարվել փողից: Եվ ինչպե՛ս էր տանջում այդ պարտքը նրան, ինչպե՛ս էր տանջում,— բացականչեց Ալլոշան, վերջացնելով:

Իհարկե, դատախազն էլ մեջ մտավ: Նա խնդրեց, որ Ալլոշան մի անգամ ևս նկարագրի, թե ինչպես կատարվեց այդ ամբողջը, և մի քանի անգամ պնդեց, թե իսկպե՛ս մեղադրյալը, իր կուրծքը ծեծելով, կարծես մի բան էր ցույց տալիս: Գուցե պարզապես կո՛ւրծքն էր ծեծում բռունցքով:

— Բայց բռունցքո՞վ էլ չէր,— բացականչեց Ալլոշան,— հենց մատներո՞վ էր ցույց տալիս, և ցույց էր տալիս այստե՛ղ,

շատ քաբձր... Բայց ինչպե՞ս կարող էի այդպես բոլորովին մոռանալ մինչև այս պահը:

Նախազանգը դեմեց Միտյային, հարցնելով թե ի՞նչ կարող է ասել սովյալ ցուցմունքի առթիվ: Միտյան հաստատեց, որ հենց այդպես է եղել այդ ամբողջը, ինքը հենց ցույց էր տալիս այդ հազար հինգ հարյուր ուրբին, որ կրում էր կրծքի վրա, վզից անմիջապես ներքև, և իհարկե, անպատվություն էր դա, «անպատվություն, որը չեմ ուրանում, ամենախայտառակ արարքը ամբողջ կյանքումս», — գոչեց Միտյան: «Կարող էի վերադարձնել ու չվերադարձրի: Նախընտրեցի գող մնալ նրա աչքում, բայց չվերադարձրի, իսկ ամենապիտանի անպատվությունն այն էր, որ նախօրոք գիտեի՝ չեմ վերադարձնելու: Ծի՛շտ է Ալյոշան: Ենորհակա՛լ եմ, Ալյոշա»:

Դրանով վերջացավ Ալյոշայի հարցաքննությունը: Կարևոր ու բնորոշ էր հատկապես այն հանգամանքը, որ գոնե գունվեց մի փոստ միայն, գոնե մի ապացույց, ասենք ամենաշնչին ապացույցը, համարյա թե ապացույցի մի նշույլ պարզապես, որը գեթ գուշկն չափով հավաստում էր այնուամենայնիվ, թե իրոք գոյություն է ունեցել այդ քսակը, թե հազար հինգ հարյուր ուրբի է եղել դրա մեջ, և թե մեղադրյալը չէր ստում նախնական քննության ժամանակ, երբ հայտարարում էր Մոկրոնով, թե «իրենն էր» այդ հազար հինգ հարյուր ուրբին: Ալյոշան ուրախ էր: լրիվ կարմրած, շարունակեց կրկնել ինքնիրեն. «Ինչպե՞ս էի մոռացել այդ քանդը: Ինչպե՞ս կարող էի մոռանալ: Ի՞նչ ինչպե՞ս եղավ, որ միայն հիմա՛ հիշեցի հանկարծ»:

Սկսվեց Կատերինա Իվանովնայի հարցաքննությունը: Հենց որ նա երևաց, արտակարգ մի բան կատարվեց դահլիճում: Տիկինները կզան իրենց կոթակնոցներին ու հեռադիտակներին, սղառամարդիկ խլրաացին, ոմանք վեր կացան, որ ազդելի լավ տեսնեն: Հետագայում բազմից պնդում էին, որ Միտյան հանկարծ գունատվեց «պատի նման», երբ օրիորդը ներս մտավ: Բա՛րից գլուխ սև հագնված, համեստ ու գրեթե երկշտ արտահայտությամբ մոտեցավ նա ու կանգնեց իրեն ցույց տրված տեղը: Կարեի չէր կռահել գեմքից, որ հուզված է նա, բայց զնուկանություն մի փայլ կար նրա մտքի, մառյալ հայացքում: Պետք է նշել՝ հետագայում շատ շատերը պնդում էին, որ նա զարմանալիորեն գեղեցիկ էր այդ ընդհանր: Սկսեց խոսել մեզմ, բայց հստակ, ամբողջ գահլիճում զսեղի ձայնով: Զափազանց հանգիստ էր արտա-

հայտվում կամ գոնե ճիգ էր անում հանգիստ երեւալու: Նախագահն սկսեց իր հարցերը տալ զգուշությամբ, շափազանց հարգալից, կարծես վախենալով դիպչել «որոշ լարերի» և հարգելով նրա մեծ դժբախտությունը: Բայց Կատերինա Իվանովնան, պատասխանելով առաջարկված հարցերից մեկին, հենց ինքը առատասխանելով առաջարկված հարցերից հաստատորեն, որ մեղադրյալն չին իսկ խոսքերից հայտարարեց հաստատորեն, որ մեղադրյալն նշանածն էր եղել «մինչև այն պահը, երբ նա լքեց ինձ...», — ավելացրեց նա մեղմ ձայնով: Երբ հարցրին այն երեք հազարի մասին, որ նա Միտյային հանձնել էր՝ փոստատուն տանելու և իր ազգականներին ուղարկելու համար, Կատերինա Իվանովնան հաստատորեն ասաց. «Ես նրան տվեցի ոչ թե ուղղակի փոստատուն տանելու համար. նախազգում էի, որ փողը շատ անհրաժեշտ է նրան... այդ ընդհանր... Այդ երեք հազարը տվեցի այն պայմանով, որ եթե ուզում է՝ մի ամսվա ընթացքում ուղարկի իզուր էր նա հետո այդքան տանջում իրեն այդ պարտքի համար...»:

Ես չեմ վերարտադրում բոլոր հարցերը և նրա բոլոր պատասխանները ամենայն ճշգրտությամբ, տալիս եմ միայն նրա ցուցմունքների էական իմաստը:

— Ես հաստատ համոզված էի, որ նա միշտ էլ կկարողանա ուղարկել այդ երեք հազարը, հենց որ ստանա իր հորից, — շարունակեց Կատերինա Իվանովնան, պատասխանելով հարցերին: — Ես միշտ էլ վստահ էի նրա անշահախնդրության ու ազնվության վրա... բարձր ազնվության... դրամական հարցերում: Նա հաստատ համոզված էր, որ երեք հազար ուրբի կստանա հորից, և մի քանի անգամ ասել էր ինձ այդ մասին: Ես գիտեի, որ նա հակառակություն ունի հոր հետ, և միշտ էլ համոզված էի, մինչև հիմա էլ համոզված եմ, որ հայրը վիրավորել էր նրան: Ես նրա կողմից ոչ մի սպառնալիք չեմ հիշում հոր նկատմամբ: Գոնե ինձ մոտ ոչինչ չի ասել, ոչ մի սպառնալիք: Եթե այն ժամանակ զար ինձ մոտ, ես իսկույն կփարատեի նրա տազնապը այդ շարաքաստիկ երեք հազար ուրբու համար, որ պարտք էր ինձ, բայց նա ալիս չեկավ ինձ մոտ... իսկ ես ինքս... ես այնպիսի վիճակի մեջ էի դրված... որ չէի կարող նրան կանչել ինձ մոտ... Եվ ես իրավունք էլ չունեի նրա հանդեպ խստապահանջ լինելու այդ պարտքի համար, — ավելացրեց նա հանկարծ, և վճռական մի բան զնգաց նրա ձայնի մեջ, — ես ի՛նքս մի անգամ դրամական օժանդակություն եմ ստացել նրանից՝ երեք հազարից,

ավելի մեծ մի գումար, և ընդունել եմ օժանդակութիւնը, շնայած որ այն ժամանակ չէի էլ կարող նախատեսել, թե երբևիցե ի վիճակի կլինեմ վերադարձնելու նրան իմ պարտքը...

Նրա ձայնի մեջ կարծես հախուռն մի շեշտ զգացվեց: Հենց այդ րոպեին Ֆետյուկովիչը սկսեց իր հարցերը տալ:

— Այդ բանը կատարվեց ոչ թե այստեղ, այլ ձեր ծանոթութեան սկզբում,— զգուշ մոտեցումով արձագանքեց Ֆետյուկովիչը, բարենպաստ մի բան նախազգալով ակնթարթորեն: (Փակագծում նշեմ, որ նա, շնայած որ մասամբ նաև հենց Կատերինա Իվանովնայի նախաձեռնութեամբ էր հրավիրվել Պետերբուրգից, այնուամենայնիվ ոչինչ չգիտեր այն հինգ հազար ուրբալու մասին, որ Միտյան դեռ այն քաղաքում տվել էր Կատյային, չգիտեր «մինչև գետին խոնարհվելու» պատմութիւնը: Կատյան չէր ասել այդ բանը նրան, թաքցրել էր: Եվ զարմանալի էր դա: Կարելի է հաստատ ենթադրել, որ Կատյան ինքն էլ մինչև վերջին րոպեն չգիտեր՝ կպատմի՞ այդ դրվագը դատարանում, թե ոչ, և մի տեսակ վայրկենական ներշնչման էր սպասում):

Չէ՛, երբեք չեմ կարող մոռանալ այդ րոպեները: Նա սկսեց պատմել, ամեն ինչ պատմեց, ամբողջ այն դրվագը, որ Միտյան հայտնել էր Ալյոշային, և՛ «մինչև գետին խոնարհվելը», և՛ պատճառները, և՛ իր հոր խնդիրը, և՛ իր գալը Միտյայի մոտ, բայց ոչ մի բան չասաց, մի հատիկ ակնարկ անգամ չարեց այն մասին, որ Միտյան ինքը, նրա քրոջ միջոցով, առաջարկել էր «իբր մոտ ուղարկել Կատերինա Իվանովնային՝ փողն ստանալու»: Վեհանձնորեն թաքցրեց այդ բանը և չամաչեց այնպես ներկայացնել, որ իբր թե ի՛նքը անձամբ վազել է երիտասարդ սպայի մոտ, իր սեփական մղումով, հուշը դնելով մի բանի վրա... որպեսզի փող խնդրի նրանից: Ցնցող մի բան էր դա: Ես ստույգում ու դողում էի լսելու ժամանակ, դահլիճը քարացել էր, որսում էր ամեն մի բառը: Անօրինակ մի բան կար դրա մեջ, այնպես որ մինչև իսկ Կատյայի նման ինքնիշխան ու արհամարհող հպարտութեամբ տոգորված աղջկանից էլ համարյա անկարելի էր սպասել այդպիսի խիստ անկեղծ մի վկայութիւն, այդպիսի զոհողութիւն, այդպիսի ինքնազոհաբերում: Եվ ինչի՞ համար, ո՞ւմ համար: Փրկելո՞ւ համար նրան, ով դավաճանել ու անարգել էր իրեն. գեթ մի որևէ բանով, գեթ մի փոքր բանով նպաստելո՞ւ համար նրա փրկութեանը, լավ տպավորութիւն ստեղծելով նրա օգտին: Եվ իրոք, շատ համակրելի ու հմայիչ մի կերպար կանգ-

նեց բոլորի աչքի առաջ՝ մի սպա, որ տալիս է իր վերջին հինգ հազար ուրբալին, այն ամբողջը, որ կյանքում մնացել էր իրեն, և հարգալից խոնարհվում է մի անմեղ աղջկա առջև: Բայց... սիրտս ցավագին սեղմվեց: Զգացի, որ հետագայում կարող է զրպարտութեամբ առիթ լինել այդ բանը (և այդպես էլ եղավ հետո, եղավ): Հետագայում շարախնդրեն սկսեցին խոսել ամբողջ քաղաքում, թե եղելութիւնը գուցե այնքան էլ ճիշտ չէր պատմվել, հատկապես այն մասը, ուր սպան «իբր թե միայն հարգալից խոնարհութեամբ» թողել է, որ օրիորդը գնա իր մոտից: Ակնարկում էին, թե մի բան «բաց է թողնվել» այդ կետում: «Բայց եթե նույնիսկ բաց չի թողնվել, եթե նույնիսկ ճշմարիտ է այդ ամբողջը,— ասում էին մեր ամենապատկառելի տիկիներն անգամ,— դեռ այդ դեպքում էլ պարզ չէ, թե մի օրիորդի համար շատ ազնիվ բան էր արդյոք այդպես վարվելը, թեկուզ և իր հորը փրկելու սիրույն»: Եվ մի՞թե Կատերինա Իվանովնան իր այդ խելքով, իր այդ հիվանդագին խորաթափանցութեամբ չէր կարողացել զգալ նախօրոք, թե մարդիկ կսկսեն խոսել այդպես: Զգացել էր անպայման, բայց թե ահա սիրտ արեց ամեն ինչ պատմել: Իհարկե, հետագայում էր միայն, որ ծայր առան այդ լուրմեկ կասկածները նրա պատմածի ճշմարիտ լինելու մասին, իսկ առաջին րոպեին լրիվ ցնցվել էին բոլորը: Դատական կազմի անդամները լսեցին երկյուղածութեամբ, նույնիսկ, այսպես ասած, ամոթխած լուրջութեամբ: Դատախազը մի հատիկ հարց անգամ թույլ չտվեց իրեն այդ նյութի շուրջ: Ֆետյուկովիչը խոր հարգանքով գլուխ տվեց օրիորդին: Օ՛, համարյա թե հաղթանակում էր դատապաշտպանը: Շատ բան էր ձեռք բերվել. մի մարդ, որ ազնիվ մղումով տալիս է իր վերջին հինգ հազար ուրբալին, և հետո նո՛ւյն մարդը իր հորն է սպանել գիշերը՝ նրանից երեք հազար ուրբալի գողանալու նպատակով... դա մասամբ անհարիբ մի բան էր արդեն: Գոնե անովազն կողոպուտի խնդիրը կարող էր վերացնել հիմա Ֆետյուկովիչը: «Գործը» հանկարծ մի նոր լույսի տակ երևաց: Համակրանքի մի շունչ տարածվեց Միտյայի օգտին: Իսկ նա... պատմում էին, որ Կատերինա Իվանովնայի վկայութեան ընթացքում նա մեկ կամ երկու անգամ վեր էր թռել տեղից, հետո նորից ընկել էր նստարանին և ափերով ծածկել դեմքը: Բայց երբ Կատյան վերջացրեց, Միտյան հանկարծ բացականչեց հեկեկուն ձայնով, ձեռքերը մեկնելով նրան:

— Կա՛տյա, ինչո՞ւ խորտակեցիր ինձ:

Եվ ամբողջ դահլիճը լսեց նրա բարձրաձայն հեկեկոցը: Սակայն նա վայրկենապես զսպեց իրեն և նորից գոռաց:

— Էլ հիմա դատապարտվե՛լ եմ արդեն:

Հետո նա մի տեսակ փայտացավ իր տեղում, ատամները սեղմած ու թևերը կրծքին խաշածեալ: Կատերինա Իվանովնան մնաց դահլիճում և նստեց իրեն ցույց տրված աթոռի վրա: Գունատ էր նա և նստել էր աչքերը խոնարհած: Նրա մոտ եղողները պատմում էին, որ երկար ժամանակ դողում էր օտից գլուխ, կարծես տենդի մեջ: Հարցաքննության ներկայացավ Գրուշենկան:

Արդեն մոտենում եմ այն աղետին, որ տեղի ունեցավ անաղքենակալորեն և գուցե իսկապես Միտայի կործանման պատճառը եզավ: Որովհետև ես համոզված եմ, և բոլորն էլ նմանապես, բոլոր իրավաբաններն այդպես էին ասում հետո, որ եթե չլինեք այդ դրվագը, հանցագործին գոնե մեղմացում կտային: Բայց դրա մասին՝ քիչ հետո: Նախ մի երկու խոսք միայն՝ Գրուշենկայի մասին:

Նա դահլիճ մտավ նույնպես ոտից գլուխ սև հագած, իր սքանչելի սև շալը ուներին: Իր սահուն, անձայն քայլվածքով, մի թեթև օրորվելով, ինչպես քայլում են երբեմն գիրուկ կանայք, մոտեցավ ճաղաշարքին, աչքերը նախագահին սևեռած և ոչ մի անգամ չնայելով ոչ աջ, ոչ ձախ: Ըստ իս, նա շատ սիրուն էր այդ րոպեին և բոլորովին էլ գունատ չէր, ինչպես պնդում էին հետո տիկնայք: Պնդում էին նաև, որ նրա դեմքին ինքնամոտի ու չարացած մի արտահայտություն կար: Ես կարծում եմ միայն, որ նա շղայնացել էր և խայտառակ տեսարանների սիրահար մեր հասարակության արհամարհական ու հետաքրքրված հայացքները ծանրորեն զգում էր իր վրա: Հպարտ բնավորություն ուներ Գրուշենկան, արհամարհանք չէր հանդուրժում. մեկն էր այն մարդկանցից, որոնք երբ ամենագուցզն կասկածն են ունենում, թե մեկն արհամարհում է իրենց, իսկույն ևեթ բռնկվում են զայրույթով և հակահարված տալու մարմաջով: Գրա հետ կար նաև, իհարկե, երկչոտությունը և ներքին ամոթը այդ երկչոտության համար, ուստի զարմանալի չէր, որ խոսակցության ժամանակ դյուրափոփոխ էր նա՝ մեկ ցասկոտ, մեկ արհամարհատ ու սաստկորեն կոպիտ, մեկ էլ հանկարծ ինքնադատապարտման, ինքնամեղադրման անկեղծ, սրտազին մի շեշտ էր հնչում նրա խոսքի մեջ: Իսկ երբեմն էլ խոսում էր այնպես, որ կարծես թա-

վազրոք ընկնում էր անդունդ, այսինքն թե՛ «միևնույն է, ինչ ուզում է լինի, ասելու եմ...»: Տյոդոր Պավլովիչի հետ իր ծանոթության մասին կտրուկ կերպով նկատեց. «Դատարկ բան է, ինչ է, ես մեղավոր եմ, որ նա իմ պոչից կպավ»: Իսկ մի րոպե հետո ավելացրեց. «Այդ բոլորը ի՞մ մեղքն է, ես երկուսի վրա էլ ծիծաղում էի՝ թե՛ բիձուկի, թե՛ սրա վրա, և երկուսին էլ այս օրը հասցրի: Ի՞մ երեսից եղավ ամեն ինչ»: Մի կերպ Սամսոնովի անունն էլ շոշափվեց: «Ո՛ւմ ինչ գործն է,— իսկույն վրա տվեց նա մի տեսակ լաշառ հանդգնությամբ,— նա իմ բարերարն էր, նա ինձ ոտաբորիկ վերցրեց, երբ իմ հարազատները դուրս շարտեցին ինձ»: Նախագահը հիշեցրեց նրան, թեև շատ քաղաքավարի կերպով, որ պետք է ուղղակի հարցերին պատասխանել, առանց ավելորդ մանրամասնությունների մեջ մտնելու: Գրուշենկան կարմրեց և աչքերը փայլատակեցին:

Նա չէր տեսել այն ծրարը, որի մեջ փողն էր դրված, միայն լսել էր «չարագործից», որ Տյոդոր Պավլովիչը ինչ-որ ծրար ունի՝ մեջը երեք հազար ռուբլի: «Բայց այդ ամբողջը հիմարություն է. ես ծիծաղում էի և ոչ մի դեպքում չէի գնա այնտեղ...»:

— Ո՛ւմ մասին էր, որ «չարագործ» ասացիք հիմա,— հարցրեց դատախազը:

— Այդ ծառան, Սմերդյակովը, որ իր տիրոջն սպանեց, իսկ երեկ էլ կախեց իրեն:

Իհարկե, անմիջապես հարցրին՝ ի՞նչ հիմքեր ունի այդպիսի վճռական մեղադրանքի համար, բայց պարզվեց, որ նա էլ ոչ մի հիմք չունի:

— Գմիտրի Տյոդորովիչն ինքը ասաց ինձ, և հենց նրան էլ հաժտացեք: Մեզ բաժանող օրիորդը խորտակեց նրան, ա՛յ ասեմ ձեզ, նա է ամեն ինչի պատճառը, ա՛յ ասում եմ,— ավելացրեց Գրուշենկան, կարծես ամբողջովին դողալով ատելությունից, և քինախնդիր մի շեշտ հնչեց նրա ձայնի մեջ:

Հարցրին, թե ում է ակնարկում նորից:

— Այս օրիորդը, ա՛յ այս կատերինա Իվանովնան: Իր տունը կանչեց ինձ այն ժամանակ, շոկոլադ հյուրասիրեց, հրապուրել ուղեց: Նրա մեջ իսկապես ամոթ ասված բանը շա՛տ քիչ է, ա՛յ ասեմ ձեզ...

Այստեղ արդեն նախագահը խոտորեն ընդհատեց նրան, խնդրելով, որ չափավորի իր արտահայտությունները: Բայց խան-

քաց՝ ա՛խ: Հիշում եմ այդ բաներ: Բայց դա էլ համարյա ոչ ոք չնկատեց:

Նախագահը սկսեց ասել նրան, թե նա վկայություն է տալիս առանց երդում ընդունելու, թե կարող է պատասխանել կամ լուռ մնալ, բայց թե անշուշտ բոլոր ցուցմունքները պետք է խղճմտանքով տրվեն և այլն, և այլն: Իվան Ֆյոդորովիչը լսում էր ու պղտոր հայացքով նայում նրան: Բայց հանկարծ նրա դեմքի վրա մի ժպիտ սկսեց տարածվել դանդաղորեն, և հենց որ նախագահը, զարմացած նայելով նրան, վերջացրեց իր խոսքը, Իվան Ֆյոդորովիչը հանկարծ ծիծաղեց:

— Է՛, ուրի՞շ ինչ,— բարձրաձայն հարցրեց նա:

Դահլիճում լռություն տիրեց, կարծես զգացին, որ մի բան կա: Նախագահը սկսեց անհանգստանալ:

— Դուք... դեռ գուցե այնքան էլ առողջ չե՞ք,— ասաց նա և աչքերով փնտրեց դատական կատարածուին:

— Մի՛ անհանգստացեք, ձեր գերազանցություն, ես բավական առողջ եմ և կարող եմ մի հետաքրքրական բան ասել ձեզ,— պատասխանեց հանկարծ Իվան Ֆյոդորովիչը՝ կատարելապես հանգիստ ու հարգալից:

— Դուք մի որևէ հատուկ ծանուցում ունեք ներկայացնելու,— շարունակեց նախագահը դեռ անվստահությամբ:

Իվան Ֆյոդորովիչը հայացքն իջեցրեց, հապաղեց մի քանի վայրկյան, հետո գլուխը նորից բարձրացրեց ու պատասխանեց մի տեսակ կակազելով.

— Չէ... չունեմ: Ոչ մի առանձնահատուկ բան չունեմ:

Սկսեցին հարցեր առաջարկել: Նա պատասխանում էր մի տեսակ խիստ դժկամորեն, չափից ավելի կարճ, նույնիսկ մի տեսակ զզվանքով, որն ավելի ու ավելի էր աճում, թեև պատասխաններն այնուամենայնիվ խելամիտ էին: Շատ հարցերից հրաժարվեց, պատճառաբանելով, թե չգիտե: Հոր և Դմիտրի Ֆյոդորովիչի հաշիվների մասին ոչինչ չէր իմանում: «Չեմ էլ զբաղվել դրանով»,— ասաց նա: Մեղադրալից լսել էր ազատնալիքներ, թե կապանի հորը: Մարտի մեջ դրված փողի մասին լսել էր Սմերդյակովից...

— Անընդհատ նույն բանը,— ընդհատեց հանկարծ հագնած երեսույթով:— Ես ոչ մի հատուկ բան չեմ կարող հաղորդել դատարանին:

— Տեսնում եմ՝ անառողջ եք, և հասկանում եմ ձեր զգացմունքները...— սկսեց նախագահը:

Նա դիմեց երկու կողմերին՝ դատախազին ու դատապաշտպանին, հրավիրելով նրանց, որ հարցեր առաջարկեն, եթե անհրաժեշտ են գտնում, բայց հանկարծ Իվան Ֆյոդորովիչը ուժասպառ ձայնով խնդրեց.

— Թողեք ինձ, գնամ, ձեր գերազանցություն, շատ անառողջ եմ զգում:

Սլ այդ ասելով, առանց թույլտվության սպասելու, հանկարծ դարձավ ու սկսեց հեռանալ դահլիճից: Բայց շորս քայլից հետո կանգ առավ, կարծես հանկարծ մի բան մտածելով, մեղմ ժպտաց ու վերադարձավ նույն տեղը:

— Ես այն գյուղացի աղջկա նման եմ, ձեր գերազանցություն... գիտեք, ինչպե՞ս էր. «Ուզեմ՝ կկանգնեմ, ցուզեմ՝ ցեմ կանգնի»: Սաքաֆանը բռնած սպասում են, որ նա վեր կենա, հագցնեն ու տանեն պսակելու, իսկ նա ասում է. «Ուզեմ կկանգնեմ, ցուզեմ՝ ցեմ կանգնի»... Մեր աղքատություններից մեկի բանահյուսությունն է մեջ է դա...

— Ի՞նչ եք ուզում ասել դրանով,— խստաշեշտ հարցրեց նախագահը:

— Ահա՛,— Իվան Ֆյոդորովիչը հանկարծ մի կապոց հանեց,— ահա՛ փողերը... հենց այն փողերը, որ ահա այն ծրարի մեջ էին,— նա գլխի շարժումով ցույց տվեց իրեղեն ապացույցներին սեղանը,— և որոնց պատճառով սպանեցին մեր հորը: Ո՛ւր դնեմ: Պարոն դատական կատարածու, վերցրեք ու հանձնեցե՛ք: Դատական կատարածուն վերցրեց ամբողջ կապոցը և հանձնեց նախագահին:

— Ինչպե՞ս այս փողը կարող էր ձեզ մոտ գտնվել... եթե նույն փողն է,— զարմանքով հարցրեց նախագահը:

— Սմերդյակովից ստացա, մարդասպանից, երեկ: Մոտն էի երեկ, հենց իմ գնալուց հետո կախել է իրեն: Նա՛ սպանեց մեր հորը, ոչ թե եղբայրս: Նա սպանեց, իսկ ես իրեն դրոգեցի, որ սպանի... Ո՞վ չի ցանկանում իր հոր մահը...

— Ձեր խելըր տե՛ղն է, թե չէ,— ակամա թափ նախագահի բերանից:

— Հենց այն է, որ խելք տե՛զն է... ստո՛ր խելքս, ինչպես ձերն էլ է ստոր, ինչպես բոլոր այս... մոռուկների՝ խելքը,— դարձավ նա հանկարծ դեպի հասարակությունը:— Սպանել են

ուզում գնալ դահլիճից, մաքառում էր, աղաչում, որ իրեն դուրս շտանեն, և հանկարծ գոռաց նախագահին.

— Ես պետք է մի ցուցմունք էլ հայտնեմ ձեզ, անմիջապես... անմիջապես... Ահա՛ մի փաստաթուղթ, նամակ... վերցրե՛ք, կարդացե՛ք, շո՛ւտ, շո՛ւտ: Այս հրեշի՛ նամակն է, ահա ա՛յս, ա՛յս, — ցույց տվեց նա Միտային: — Նա՛ է սպանել իր հորը, կտեսնե՞ք հիմա, նա ինձ գրո՛ւմ է, թե ինչպես է սպանելու հորը: Իսկ մյուսը հիվանդ է, հիվանդ, տենդի մեջ է նա: Երե՛ք օր է արդեն տեսնում եմ, որ տենդի մեջ է:

Այսպես գոռաբանում էր նա, իրեն կորցրած: Դատական կատարածուն վերցրեց այն թուղթը, որ նա մեկնում էր նախագահին, իսկ Կատերինա Իվանովնան, ընկնելով աթոռին ու դեմքը ծածկելով, սկսեց շղաճառքներն ու անձայն հեծկլտալ, օտից գլուխ ցնցվելով ու խեղդելով ամենափոքր տնքոցն անգամ՝ այն վախից, թե իրեն դահլիճից դուրս կհանեն: Նրա հանձնած թուղթը հենց այն նամակն էր, որ Միտայն գրել էր «Մայր քաղաք» գիտեսնից, և որ Իվան Ֆյոդորովիչը «մաթեմատիկական» կարևորություն ունեցող փաստաթուղթ էր կոչել: Ավա՛ղ, հենց այդ մաթեմատիկական նշանակությունն էլ տրվեց դրան, և եթե շիտեր այդ նամակը՝ գուցե և Միտայն չէր կործանվի, կամ էլ գոնե այդքա՛ն ահավոր չէր լինի նրա կործանումը: Կրկնում եմ, դժվար էր հետևել մանրամասնություններին: Հիմա էլ այդ ամբողջը իմ աչքին պատկերանում է այնպիսի՝ խառնաշփոթության մեջ: Երևի նախագահն իսկույն ևեթ նոր փաստաթուղթը ցույց տվեց դատավորներին, դատախազին, դատապաշտպանին, ատենակալներին: Հիշում եմ միայն, թե ինչպես սկսեցին վկային հարցեր տալ: Երբ նախագահը մեղմորեն դիմեց նրան այն հարցով, թե հանգստացե՞լ է նա արդյոք, Կատերինա Իվանովնան թափով բացականչեց.

— Պատրաստ եմ, պատրաստ: Կատարելապես ի վիճակի եմ պատասխանելու ձեզ, — ավելացրեց նա, երևի դեռ սոսկալի վախենալով, որ այս կամ այն պատճառով չեն լսի իր վկայությունը: Խեղդեցին, որ բացատրի ավելի մանրամասնորեն՝ ի՞նչ նամակ է դա, և ի՞նչ պայմաններում է ստացել:

— Հենց ոճրագործության նախորդ օրը ստացա, իսկ նա՛ գրել է դրանից էլ մի օր առաջ, գիտեստանը, ուրեմն իր ոճիրը գործելուց երկու օր առաջ, նայեցե՛ք, ինչ-որ հաշվեթիթի վրա է գրվել նամակը, — գոռաց նա շնչասպառ: — Նա այն ժամանակ

ատում էր ինձ, որովհետև ի՛նքը ստոր բան էր արել ու գնացել այդ արարածի ետևից... և մեկ էլ որովհետև այդ երեք հազար ուրբլին էր ինձ պարտք... Օ՛, իրեն անարգված էր զգում այդ երեք հազարի համար, հենց ի՛ր իսկ ստորութայն երեսից: Այդ երեք հազարը ահա թե ինչպես եղավ. խնդրում եմ ձեզ, աղաչում եմ՝ լսեցե՞ք ինձ: Իր հորը սպանելուց երեք շաբաթ առաջ մի առավոտ նա եկավ ինձ մոտ: Ես գիտեի, որ փող է պետք նրան, և գիտեի, թե ինչու. այո, այո, հենց այս արարածին գայթակղեցնելու և հետը տանելու համար: Գիտեի այն ժամանակ, որ արդեն դավաճանել է և ուզում է լքել ինձ. ես ի՛նքս տվեցի նրան այդ փողը, ի՛նքս առաջարկեցի՝ իբր թե քոչս ուղարկելու համար, Մոսկվա: Եվ երբ տալիս էի, նայեցի երեսին ու ասացի, համար, Մոսկվա: Եվ երբ տալիս էի, նայեցի երեսին ու ասացի, որ կարող է ուզած ժամանակ ուղարկել, «թեկուզ և մի ամիս հետո»: Ինչպե՞ս, ինչպե՞ս կարող էր շահակահալ, որ ուղղակի ասում էի իր երեսին. «Քեզ փող է պետք, որ դավաճանես ինձ այդ արարածի հետ, դե ուրեմն ահա՛ քեզ այդ փողը, ի՛նքս եմ տալիս, վերցրո՛ւ, եթե այնքա՛ն անազնիվ ես, որ կարող ես վերցնել...»: Ես ուզում էի նրա գիմակը պատռել, և ի՛նչ վերցվերցնել...»: Ես ուզում էի նրա գիմակը պատռել, և ի՛նչ վերցնեց, վերցրե՛ց փողը և տարավ, ծախսեց այս արարածի հետ ինչ, այնտեղ, մի գիշերվա մեջ... բայց նա հասկացավ, հասկացավ, որ ես ամեն ինչ գիտեմ: Հավատացնում եմ ձեզ, հասկացավ նաև, որ ես այդ փողը տալով փորձում եմ նրան պարզապես՝ արդյոք այնքա՛ն անազնիվ կլինի, որ վերցնի փողը ինձից: Նայում էի աչքերին, ինքն էլ իմ աչքերին էր նայում ու ամեն ինչ հասկանում էր, ամեն ինչ հասկանում էր, և վերցրեց, վերցրե՛ց ու տարավ իմ փողը:

— Ճի՛շտ է, Կատյա, — բղավեց հանկարծ Միտայն, — աչքերիդ նայում և հասկանում էի, որ անպատվում ես ինձ, բայց վերցրի՛ փողը: Արհամարհեցե՛ք ինձ նման սրիկային, արհամարհեցե՛ք բոլորդ, արժանի՛ եմ դրան:

— Մեղադրյա՛լ, — գոչեց նախագահը, — մի խոսք ևս, և կհրամայեմ դուրս հանել ձեզ այստեղից:

— Այդ փողը տանջում էր նրան, — շարունակեց Կատյան, շղաճառքներն շտապելով: — Ուզում էր ետ տալ ինձ, ուզում էր, ճի՛շտ է, բայց այս արարածի՛ համար էլ փող էր պետք նրան: Եվ ահա սպանե՛ց հորը, բայց այնուամենայնիվ փողը ետ չտվեց ինձ, այս արարածի հետ գնաց այդ գյուղը, ուր նրան ձերբակալեցին: Այնտեղ նորի՛ց մսխեց այն փողն էլ, որ գողացել էր իր

«Պարտնայք երդվալ ատենակալներ,— սկսեց մեղադրողը,— ներկա գործը դրդաց ամբողջ Ռուսաստանով մեկ: Բայց կարծես թե ի՞նչ կա զարմանալու, ի՞նչ մի հատուկ սարսափելի բան կա սրա մեջ: Մե՛զ համար, մե՛զ համար հատկապես: Չէ՞ որ մենք այդ բողոքին այնքա՛ն սովոր մարդիկ ենք: Հենց այն է սարսափելին, որ այսպիսի մոռալ գործերը համարյա դադարել են սարսափելի լինել մեզ համար: Ահա՛ թե ինչից պետք է սարսափել՝ մեր սովոր լինելուց, և ոչ թե այս կամ այն անհատի եզակի շարագործությունից: Իսկ որո՞նք են պատճառները մեր անտարբերության, մեր հազիվ զաղչ վերաբերմունքի, որ ցույց ենք տալիս այսպիսի գործերի նկատմամբ, մեր ժամանակի այսպիսի նշանակների, որոնք աննստաանձնիք ապագա են քուշակում մեզ համար: Մեր ցիխի՞զմն արդյոք, արդյոք մտքի ու երևակայության վաղաժամ հյուսվածությունը՝ մեր հասարակության մեջ, որ այնքա՛ն նրբաշարժ է տակավին, բայց այնքա՛ն ապա-ժամորեն զառուսել է արդեն: Արդյոք ա՛յն, որ մեր բարոյական սկզբունքները խախտվել են հիմքն ի վեր, կամ վերջապես արդյոք ա՛յն, որ մենք գուցե նույնիսկ բողոքովին շունենք այդ բարոյական սկզբունքները: Չեմ լուծում այս հարցերը, բայց դրանք տանջալի են այնուամենայնիվ, և ամեն մի քաղաքացի ոչ թե միայն պետք է տառապի, այլև պարտավոր է տառապել զրանցով: Մեր սկսնակ, մեր տեղավին երկչուտ մամուլը՝ այնուամենայնիվ որոշ ժառանգություններ մատուցել է արդեն հասարակությանը, որովհետև, առանց նրան, մենք երբեք էլ չէինք իմանա, քիչ թե շատ չիտություններ, անզուսպ ապերասանության ու բարոյական անկման այն սարսափների մասին, որ նա անընդհատ հաղորդում է իր էջերում՝ ոչ միայն նրանց համար, ովքեր հաճախում են ներկա իշխանության շնորհած այս նոր դռնբաց դատարանի դա՛լիճները, այլև բազմի համար: Եվ ի՞նչ ենք կարդում մենք համարյա ամեն օր: Օ՛, ամեն բազմ պատահող այնպիսի՛ բաներ, որոնց առաջ զաչկանում է նույնիսկ ներկա գործը և գրեթե սովորական մի բան է քվում արդեն: Բայց ամենակարևորն այն է, որ մեր ուսուսական, մեր ազգային բազմաթիվ քրեական գործերը հենց վկայում են համընդհանուր մի բանի մասին, ընդհանուր մի դժբախտության, որ մեր կյանքի մասն է կազմել, և որի դեմ, որպես համընդհանուր շարիքի, դժվար է արդեն պայքարել: Ահա այսինչ վայրում մի երիտասարդ, փառուս սպա, բարձր

հասարակության մարդ, որ դեռ հազիվ է տկուսել իր կյանքն ու սպասեց, հանկարծ ստաբ կերպով, բուռնաբանեց, առանց որևէ խղճի խայթի սպանում է մի մանր պաշտոնյայի, որ մասամբ իր բարեբարն է եղել մի ժամանակ, սպանում է նաև նրա սպասուհուն, որպեսզի գողանա իր պարտաճարհակը և միաժամանակ պաշտոնյայի մնացյալ դրամը, ասելով՝ «պետք կգա իմ բարձրաշխարհիկ հաճույքների և իմ ապագայի համար»: Սպանելով նրանց, բարձր է դնում երկու մեռյալների գլխի տակ և հեռանում է: Մի ուրիշ տեղ՝ մի երիտասարդ հերոս, որ շքախաչերով է զարդարված իր քաղութան համար, ճանաչարհի վրա սպանում է իր առաջնորդի ու բարեբարի մորը, պարհի վրա սպանում է իր առաջնորդի համար վստահավազակի նման, և իր ընկերներին համոզելու համար վստահացնում է, որ «այդ կինը իրեն սիրում է հարազատ որդու հանցում է, որ «այդ կինը իրեն սիրում է նախազգուպես, դրա համար էլ կհետևի իր խորհուրդներին և նախազգուշական միջոցներ ձեռք չի առնի»: Նա ճիվաղ է անշուշտ, բայց ես այժմ, մեր ժամանակում, չեմ համարձակվի արդեն ասել, թե եզակի մի ճիվաղ է նա: Մի ուրիշը չի էլ սպանում, բայց ճիշտ նրա պես է մտածում և զգում, իր հոգում հենց նույնպես մենակ, հարցնում է ինքնիրեն. «Բայց ի՞նչ է պատվի ասածը մենակ, հարցնում է ինքնիրեն. «Բայց ի՞նչ է պատվի ասածը»: Թերևս և արդյոք նախապաշարմունք չէ՞ արյունից ստեղծված: Թերևս և արդիկ գոռան իմ երեթին և ասեն, թե ես հիվանդագին, հիւմարիկ մարդ եմ, հրեշավոր զրպարտություն եմ անում, գատերիկ մարդ եմ, հրեշավոր զրպարտություն եմ անում, գառանցում եմ, շփալանցում: Թո՛ղ ասեն, թո՛ղ ասեն, և աստուանցում եմ, շփալանցում: Թո՛ղ ասեն, թո՛ղ ասեն, և աստված իմ, առջինը ես ի՞նչքա ուրախ կզգայի, որքա՛ն ուրախ եմ իմ այդպես լինելու Օ՛, մի հավատաք ինձ, հիվանդ համարե-եթե այդպես լինելու Օ՛, մի հավատաք ինձ, հիվանդ համարե-ցեք ինձ, բայց այնուամենայնիվ հիշեցե՛ք իմ խոսքերը. եթե իմ ասածի թեկուզ մի տասնորորդը, մի քսանորորդը միայն ճշմարիտ է, չէ՞ որ ա՛յդ դեպքում էլ սարսափելի է նույնիսկ նայեցե՛ք, պարանայք, նայեցե՛ք, թե ինչպես են անձնասպան նայեցե՛ք, պարանայք, նայեցե՛ք, և առանց ամենազուստ շփալանք լինում մեր երիտասարդները, օ՛, առանց ամենազուստ շփալանք իսկ համլիտյան հարցեր առաջ, թե ի՞նչ է լինելու այնտեղ, առանց նշուրն անգամ ունենալու արդ հարցերի, կարծես թե նրանց էություն մեզ վաղուց խաչ է քաշվել այն խնդրի վրա, որ վերաբերում է մեր հոգուն և գերեզմանից հետո մեզ սպասող բազմ բաներին, խաչ է քաշվել, թաղվել ու ժամկիվը ավագով: Նայեցե՛ք վերջապես մեր անասակությանը, մեր հեշտամարտե-րին: Երբեք Պավլոֆիչը, դժբախտ զոհը առյ՛ստ պատական որ-

փանված բարոյական ցինիզմով ու անհավատութեամբ, որոնք ավելի ժառանգաբար են ձեռք բերված, քան թե մտքի ճշմարիտ տառապանքով:

Անցնենք մյուս որդուն. օ՛, նա դեռ պատանի է, բարեպաշտ ու խոնարհ՝ ի հակադրութիւն իր եղբոր մոռյլ ու եղծանող աշխարհայացքի, ձգտում է հարել, այսպես ասած, «ժողովրդական հիմունքներին», կամ էլ այն բանին, որ մեր խորհող մտավորականութեան որոշ տեսաբան շրջանակներում կոչում են այդ դժվարիմաց հորջորջումով: Եվ ի՞նչ. նա հարեց վանքին, և քիչ էր մնացել, որ ինքն էլ վանական դառնար: Ինձ թվում է, նրա մեջ մի տեսակ անգիտակցորեն, և այսքան կանուխ, արտահայտութիւն է գտել այն երկչոտ հուսահատութիւնը, որով հիմա այնքան շատ մարդիկ, վախենալով մեր խեղճ հասարակութեան մեջ տիրող ցինիզմից ու անառակութիւնից, և ամբողջ շարիքը սխալմամբ վերագրելով եվրոպական լուսավորութեան, նետվում են դեպի «հարազատ հողը», ինչպես ասում են նրանք. ընկնում են, այսպես ասած, մայրական գիրկը հարազատ երկրի, ուրվականներից վախեցած երեխաների նման, և տենչում են գոն միայն հանգիստ քնել ուժասպառ մոր շորացած կրծքի վրա: նույնիսկ քնած անցկացնել ամբողջ կյանքը, միայն թե շտենեն իրենց վախեցնող սարսափները: Ես իմ կողմից ամենայն բարիք եմ ցանկանում առաքինի ու շնորհառատ պատանուն, ցանկանում եմ, որ հետագայում նրա պատանեկան բարեմտութիւնը և ժողովրդական հիմունքների նկատմամբ հակումը չվերածվեն, ինչպես պատահում է հաճախ, բարոյական կողմից՝ մոռյլ միտիցիզմի, իսկ քաղաքական կողմից՝ բթամիտ շովինիզմի, երկու հատկութիւններ, որոնք գուցե ավելի մեծ շարիք են սպառնում ազգին, քան նույնիսկ վաղահաս եղծանումը՝ սխալ հասկացված ու ձրիաբար ձեռք բերված եվրոպական լուսավորութեան հետեանքով, մի բան, որով տառապում է նրա ավագ եղբայրը»:

Շովինիզմի և միտիցիզմի համար նորից երկու-երեք ծափ լսվեց: Դե իհարկե, Իպոլիտ Կիրիլովիչը տարվել էր իր ճարտասանութեամբ, և այդ ամբողջը շատ էլ կապ չուներ բուն գործի հետ, էլ շխտուելով այն մասին, որ բավական տարտամ բան դուրս եկավ. բայց դե հյուծախտավոր ու մաղձոտած մարդը շափից ավելի էր ցանկանում գեթ մի անգամ իր կյանքում արտահայտել իր մտածածը: Հետագայում մեզ մոտ ասում էին, որ

Իվան Ֆլոդորովիչին բնութագրելիս նա առաջնորդվում էր նույնիսկ անբաժանելի մի զգացումով, որովհետև Իվանը մեկ կամ երկու անգամ հրապարակավ պապանձեցրել էր նրան վեճի ժամանակ, և Իպոլիտ Կիրիլովիչը, հիշելով այդ բանը, ուզում էր հիմա իր վրեժը լուծել: Բայց չգիտեմ, կարելի՞ էր արդյոք այդպիսի եղբայրացութիւն անել: Համենայն դեպս, այդ ամբողջը նախաբան էր միայն, հետո նրա ճառն ավելի ուղղակիորեն առնչվեց գործին:

«Բայց ահա ժամանակակից ընտանիքի հոր երրորդ որդին, — շարունակեց Իպոլիտ Կիրիլովիչը, — մեղադրալի աթոռին է նա, մեր աչքի առաջ է նա: Մեր աչքի առաջ են նաև նրա քաղաքործութիւնները, նրա կյանքն ու արարմունքները. հասավ ժամանակը, և ամեն ինչ պարզվեց, ամեն ինչ երևան եկավ: Ի հակադրութիւն իր եղբայրների «եվրոպականութեան» և «ժողովրդական հիմունքներին», նա կարծես իր անձով ներկայացրեց անմիջական Ռուսաստանը. օ՛, ոչ թե ամբողջ Ռուսաստանում է անմիջական Ռուսաստանը. օ՛, ոչ թե ամբողջ Ռուսաստանում է նա՝ մեր Ռուսաստան մայրիկը, նրա հոտն ենք անում, նրա ձայնն ենք լսում: Օ՛, ահա նա՝ անմիջական մարդը, շարիքի ու բարիքի զարմանալի մի խառնուրդ, որ լուսավորութեան ու Շիլլերի սիրահար է և միաժամանակ մոլեգնում է գինետներում, իր բաժակակից հարեցողների մոռութեանը է պոկում: Օ՛, նա էլ կարող է պատվական ու հիանալի մարդ լինել, բայց միայն այն ժամանակ, երբ ինքն է լավ ու հիանալի զգում իրեն: Եվ ավելին, նույնիսկ փոթորկվում է, հենց ուղղակի փոթորկվում է ազնվագույն իդեալներով, բայց միայն այն պայմանով, որ դրանք ինքնաբերաբար ձեռք բերվեն, երկնքից ընկնեն իր սեղանին, և մանավանդ՝ ձրի լինեն, ձրի, ոչինչ չվճարվի դրանց համար: Սոսկալի չի սիրում վճարել, բայց շատ է սիրում ստանալ, և այդպես է նա ամեն ինչում: Օ՛, տվեք, տվե՛ք նրան կյանքի ամեն տեսակ բարիքներ (հենց ամեն տեսակ, ավելի էժանր չի գոհացնի նրան), և մանավանդ՝ ոչ մի արգելք մի՛ էժանր չի գոհացնի նրան), և մանավանդ նա կապացուղենք նրա բնավորութեան առաջ, և այն ժամանակ նա կապացուցի, որ ինքն էլ կարող է պատվական ու հիանալի մարդ լինել: Ազահ չէ նա, ո՛չ, բայց և այնպես փող տվեք նրան, շատ, շատ որքան կարելի է շատ փող, և կտեսնեք, թե ինչպիսի՞ մեծահոգութեամբ, անարգ մետաղի հանդեպ ինչպիսի՞ արհամարհանքով վերջի վրա այդ փողը մի գիշերվա ընթացքում, սանձարձակ

տինը, մի մարդ, որ մոտիկից ու խորապես զննել է Կարամազովներին ամբողջ ընտանիքը. «Անկում ապրելու ստորության զգացողությունը նույնքան անհրաժեշտ է այս սանձարձակ, անզուսպ բնավորություններին, որքան բարձրագույն ազնվության զգացողությունը»: Եվ դա ճիշտ է. հենց այս անբնական խառնուրդը մշտապես ու անընդհատ պետք է նրանց: Երկու անհատակ խորություն, պարոնայք, երկու անհատակ խորություն՝ միևնույն պահին. այլապես, առանց դրան, դժբախտ են նրանք ու չբավարարված, անկատար է նրանց գոյությունը: Լայն են նրանք, լայն, ինչպես ամբողջ մեր մայր Ռուսաստանը, ամեն ինչ կարող են ներառնել իրենց մեջ և ամեն ինչի հետ լինել համերաշխ:

Ի դեպ, պարոնայք երդվյալ ատենակալներ, մենք հիմա շոշափեցինք այդ երեք հազար ուրբու հարցը, և ես ինձ թույլ եմ տալիս մի քիչ առաջ ընկնել: Երևակայեցե՞ք միայն, թե նա, այսպիսի նկարագրի տեր մարդը, այդ գումարն ստանալուց հետո, այն էլ ա՛յդ ձևով, այդպիսի ամոթի, այդպիսի խայտառակության, ծայր աստիճան ստորացման գնով ստանալուց հետո, երևակայեցե՞ք, իբր թե նույն օրն էլ կարողացել է առանձնացնել գումարի կեսը, կարել է մի փոքրիկ քսակի մեջ և հետո մի ամբողջ ամիս հաստատակամությունն է ունեցել իր վզին կրելու այդ քսակը, հակառակ բոլոր գայթակղություններին և փողի արտակարգ կարիքին: Նա չի՞ համարձակվել դիպչել այդ փոքրիկ քսակին՝ ո՛չ գինետներում կատարած իր գինարբուքների ժամանակ, ո՛չ էլ այն օրը, երբ ստիպված էր սուրալ քաղաքից հեռու մի տեղ՝ աստված գիտե, թե ումի՞ց ձեռք բերելու համար այն փողը, որ շափազանց անհրաժեշտ էր իրեն, որպեսզի հեռու տանի իր սիրունուն և ազատի նրան իր մրցակցի, այսինքն իր հոր գայթակղություններից: Բայց թեկուզ հենց այն բանի համար միայն, որ իր սիրունուն շթողնի ենթարկվելու ծերունու գայթակղությունների, ծերունու, որին այնքան խանդում էր, նա պետք է բանար այդ քսակը և տանը մնար՝ աննահանջ հսկելու համար իր սիրունուն, սպասելով այն թուպեն, երբ նա վերջապես կասի իրեն՝ «Ծս քոնն եմ», և ինքը անմիջապես կտանի նրան հեռու մի տեղ, հեռու ճակատագրական շրջապատից: Բայց ո՛չ, նա ձեռք չի տալիս իր հուռութիցին, և ի՞նչ պատրվակով: Առաջնագույն պատրվակը, ասացինք, հենց այն էր, որ երբ իրեն ասեն՝ «Ծս քոնն եմ, տար ինձ ուր որ ուզում ես», միջոցներ

ունենա տանելու. բայց այդ առաջին պատրվակը, մեղադրյալի սեփական խոստովանությամբ, դժգունել է երկրորդ պատրվակի առաջ: Այսինքն թե՛ քանի դեռ իմ վզին կրում եմ այս փողը, «սրիկա եմ, բայց ոչ գող», որովհետև միշտ էլ կարող եմ զնալ իմ հարսնացուի մոտ, որին վիրավորել եմ, և խաբեությամբ չուրացրած ամբողջ գումարի կեսը դնելով նրա առաջ, միշտ էլ կարող եմ ասել նրան. «Տեսնո՞ւմ ես, քո փողի կեսը մսխեցի և դրանով ապացուցեցի, որ ես թույլ ու անբարոյական մարդ եմ և, եթե ուզում ես, սրիկա եմ (ես արտահայտվում եմ հենց մեղադրյալի լեզվով), այո, սրիկա եմ թեկուզ, բայց գող չեմ, որովհետև եթե գող լինեի, չէի բերի այս մնացած կեսը, այլ սա էլ կյուրացնեի առաջին կեսի նման»: Զարմանալի՞ բացատրություն: Այս նույն կրակուրոց, բայց թույլ մարդը, որ չի կարողացել դիմադրել այդպիսի խայտառակությամբ երեք հազար ուրբի ստանալու գայթակղությանը, այս նույն մարդը հանկարծ ինչպիսի՞ ստույգիկան հաստատակամություն է զգում իր մեջ և իր վզին հազարավոր ուրբիներ է կրում, չհամարձակվելով ձեռք տալ այդ գումարին: Գեթ որևէ շափով դա համապատասխանո՞ւմ է արդյոք այն նկարագրին, որ վերլուծում ենք այժմ: Ոչ: Եվ ես ինձ թույլ եմ տալիս ասելու ձեզ, թե այդպիսի դեպքում ինչպես կվարվեր իսկական Դմիտրի Կարամազովը, եթե նույնիսկ իրոք վճռականությունն ունենար իր փողը կարելու քսակի մեջ: Առաջին իսկ գայթակղության առթիվ, դե ասենք, օրինակ, նորից զվարճացնելու համար իր այն նոր սիրեցյալին, որի հետ արդեն մսխել էր այդ փողի առաջին կեսը, նա կբանդեր իր քսակը և այդ առաջին առիթով կհաններ, ասենք, թեկուզ միայն հարյուր ուրբի, որովհետև կմտածեր, թե ինչո՞ւ անպայման վերադարձնի ուղիղ կեսը, այսինքն հազար հինգ հարյուր ուրբի, բավական է նաև հազար չորս հարյուր ուրբին. չէ՞ որ նույնը կարող էր ասել նորից՝ «սրիկա եմ, բայց գող չեմ, որովհետև գոնե հազար չորս հարյուր ուրբի ետ բերեցի համենայն դեպս, իսկ գողն ամբողջը կյուրացնեի ու ոչինչ ետ չէր բերի»: Այնուհետև, մի որոշ ժամանակ հետո, նորից կբանդեր քսակը և նորից մի հարյուր ուրբի կհաններ, հետո՝ երրորդ հարյուրը, հետո՝ չորրորդ հարյուրը, և վերջապես, դեռ ամիսը չլրացած, կհաներ նախավերջին հարյուրը, մտածելով, թե մի հարյուր ուրբի էլ եթե ետ տանի, նույն բանը կարող է ասել նորից՝ «սրիկա եմ, բայց գող չեմ. քսանինը հարյուրանոց մսխեցի, բայց այնուամենայնիվ մեկ

հարյուրանոց վերադարձրի, գողը այդ էլ չէր վերադարձնի»: Եվ վերջի վերջո, այդ նախավերջին հարյուրն էլ վատնելուց հետո, կնայեր մնացած վերջին հարյուրանոցին ու կասեր ինքն իրեն. «Չէ՛, իսկապես, շարժե մի հատ հարյուրանոցը ետ տանել. արի՛ այս էլ ծախսեմ»: Ահա՛ թե ինչպես կվարվեր մեր ճանաչած իսկական Գմիտրի Կարամազովը: Իսկ այդ քսակի առասպելը այնպիսի՛ մի հակասություն է իրականության հանդեպ, որ ավելին չի էլ կարելի պատկերացնել: Կարելի է ենթադրել ամեն ինչ, բայց ոչ դա: Բայց մենք դեռ կվերադառնանք դրան»:

Կարգով նշելով հոր և որդու դրամական վեճերի և ընտանեկան հարաբերությունների վերաբերյալ բոլոր այն փաստերը, որ հայտնի էին դարձել դատաքննության ժամանակ, և նորից ու նորից եզրակացնելով, թե ժառանգությունը բաժանելու հարցում, ըստ հայտնի տվյալների, ոչ մի կերպ հնարավոր չէ որոշել՝ ով ում է խաբել կամ ով ում հաշվին ավելի է ստացել, Իպոլիտ Կիրիլովիչը անցավ այն հարցին, թե երեք հազար ուրբլին մտասևեռում էր դարձել Միտյայի գլխում, և այդ առթիվ անդրադարձավ բժշկական փորձագետների կարծիքին:

VII

ՊԱՏՄԱԿԱՆ ԱԿՆԱՐԿ

«Բժշկական փորձագետները ձգտում էին ապացուցել մեզ, որ մեղադրյալի խելքը գլխին չէ և մտամոլ է նա: Ես պնդում եմ, որ նրա խելքը գլխին է հենց, և դա է ամենավատը. եթե խելքը գլխին չլիներ, գուցե շատ ավելի խելքը վարվեր: Իսկ գալով նրա մտամոլ լինելուն, կարող էի համաձայնվել դրան, բայց միայն մի կետ նկատի ունենալով, հենց այն կետը, որ մատնանշեցին նաև փորձագետները, այսինքն մեղադրյալի մտասեվեռումը այդ երեք հազար ուրբլու վրա, որ իբր թե հայրը դեռ պետք է վճարեր իրեն: Այնուամենայնիվ, այդ փողի նկատմամբ մեղադրյալի մշտական մոլուցքը բացատրելու համար, կարելի է գուցե անհամեմատ ավելի անմիջական մի հայեցակետ գտնել, քան այն, որ նա իբր թե խելագարության հակում ունի: Իմ կողմից՝ լրիվ համաձայն եմ երիտասարդ բժշկի հետ, որ գտնում է, թե մեղադրյալը մտային լիակատար ու բնականոն ընդունակությունների տեր է եղել և է, և թե պարզապես բորբոքված ու

զայրացած է եղել նա: Ահա այս է խնդիրը. մեղադրյալի մշտական ու մոլեգին զայրույթի առարկան ոչ թե երեք հազարն էր, ոչ թե այդ գումարը, այլ այն, որ մի հատուկ պատճառ կար այստեղ, նրա մեջ ցատում հարուցող մի պատճառ: Այդ պատճառը խա՛նդն է»:

Այստեղ Իպոլիտ Կիրիլովիչը մանրամասներեն պարզեց Գրուշենկայի հանդեպ մեղադրյալի տաժած ճակատագրական զգացմունքի ամբողջ պատկերը: Սկսեց հենց այն պահից, երբ մեղադրյալը գնացել էր «երիտասարդ անձնավորության» մոտ, որպեսզի «ծեծի նրան» («արտահայտվում եմ նրա սեփական բառերով»,— բացատրեց Իպոլիտ Կիրիլովիչը), «բայց ծեծելու փոխարեն՝ մնաց նրա ոտքերն ընկած. ահա այդ սիրո սկիզբը: Միաժամանակ նույն անձնավորությամբ հրապուրվում է նաև ծերունին՝ մեղադրյալի հայրը. զարմանալի և ճակատագրական զուգահեռից, որովհետև երկուսի սիրտն էլ բռնկվել է հանկարծակի, միաժամանակ, թեև երկուսն էլ մինչև այդ գիտեին ու հանդիպել էին այդ անձնավորությանը: Եվ այդ երկու սրտերը բռնկվել են ամենասանձարձակ, բուն իսկ կարամազովյան կրքերով: Այստեղ մենք ունենք այդ անձնավորության սեփական խոստովանությունը. «Ես,— ասում է նա,— ծիծաղում էի թե՛ մեկի, թե՛ մյուսի վրա»: Այո, նա հանկարծ ուզեց ծիծաղել թե՛ մեկի, թե՛ մյուսի վրա. առաջ չէր ուզում, բայց ահա հանկարծ նրա խելքին փչեց այդ դիտավորությունը, և հետևանքը եղավ այն, որ երկուսն էլ, հայր ու որդի, ծնկի եկան նրա առաջ: Մեռունին, որ պաշտում էր փողը աստծու նման, իսկույն երեք հազար ուրբլի պատրաստեց լոկ այն բանի համար, որ այդ անձնավորությունը այցելի իր տունը, բայց շուտով այն աստիճան տարվեց, որ նաև երջանկություն պիտի համարեր նրա ոտքերի առաջ դնել իր անունն ու իր ամբողջ հարստությունը, միայն թե նա համաձայնվեր իր օրինական կինը լինել: Մենք այդ մասին հաստատ վկայություններ ունենք: Իսկ գալով մեղադրյալին, նրա ողբերգությունը ակնհայտ է, մեր առաջ է ահա: Բայց այդպես էր երիտասարդ անձնավորության «խաղը»: Գայթակղիչ կինը հույս անգամ չէր տալիս դժբախտ երիտասարդին, որովհետև հույսը, իսկական հույսը նրան տրվեց ամենավերջին պահին միայն, երբ նա, իրեն տանջող կնոջ առաջ ծնկի եկած, մեկնում էր նրան իր ձեռքերը, որոնք արդեն իր հոր ու մրցակցի արյունով էին ներկվել. այդ վիճակում էլ նա ձեռքակալվեց:

«Ի՞նձ էլ, ինձ էլ նրա հետ ուղարկեցեք տաժանակիր արքորի, ե՛ս հասցրի նրան այս վիճակին, ե՛ս եմ ամենից ավելի մեղավոր», — բացականչում էր այդ կինը անձամբ, արդեն անկեղծ զլչումով, նրա ձեռքակալության թուլակին: Այն տաղանդավոր երիտասարդը, որ հանձն է առել սույն գործը նկարագրել հոգվածում, — նույն պարոն Ռակիտինը, որի մասին արդեն հիշատակեցի, — մի քանի սեղմ ու բնորոշ նախադասություններով բնութագրում է այս հերոսուհու նկարագիրը. «Վաղածամ հիասթափություն, վաղածամ մոլորություն ու անկում, դավաճանությունը փեսացուի, որ գայթակղել ու լքել է նրան, հետո աղքատություն, անեծքը պատվավոր ընտանիքի և, վերջապես, հովանավորությունը մի հարուստ ծերունու, որին նա սակայն հիմա էլ համարում է իր բարերարը: Նրա երիտասարդ սրտում, որի մեջ գուցե լավ բաներ շատ կային, դեռ խիստ վաղ տարիքից ծվարել է գայրույթը: Կազմվել է հաշվենկատ, դրամագույն դիզող մի նկարագիր: Առաջացել է հեզնական ու վրիժառու մի վերաբերմունք հասարակության նկատմամբ»: Այս բնութագրությունից հետո հասկանալի է, որ այդ կինը կարող էր երկուսի վրա էլ ծիծաղել՝ պարզապես խաղ խաղալու համար, շարախինդ մի խաղ: Եվ ահա, այդ մի ամսվա ընթացքում մեղադրյալը ոչ միայն տառապում է անհույս սիրով ու բարոյական անկում է ապրում, դավաճանելով իր հարսնացուին և յուրացնելով ուրիշի փողը, որ իր պատվին էր վստահված, այլև անդադրում խանդի հետևանքով հասնում է գրեթե մոլեգնության, հասնում է կատաղության: Եվ ո՞ւմ է խանդում: Իր հո՞րը: Եվ մանավանդ՝ խելացնոր ծերունին նրա սիրո առարկային հրապուրում ու գայթակղեցնում է հենց այն երեք հազար ռուբլու միջոցով, որը որդին իր տոհմական սեփականությունն է համարում՝ իբրև իր մորից մնացած ժառանգություն, և որի համար կշտամբում է հորը: Այո՞, համաձայն եմ, դժվար էր դիմանալ դրան: Նույնիսկ մտամոլության կարող էր հասնել բանը: Ոչ թե փողն էր խնդիրը, այլ այն, որ այդ իսկ փողի միջոցով, և այնպիսի՝ նողկալի անամոլությամբ, խորտակվում էր նրա երջանկությունը»:

Հետո Իպոլիտ Կիրիլովիչն սկսեց նկարագրել, թե ինչպես է հայրասպանության գաղափարը աստիճանաբար ծագել մեղադրյալի մտքում, և քայլ առ քայլ հետևեց դրան փաստերով:

«Սկզբում նա միայն գոռում է գինետներում, ամբողջ մի ամիս գոռում է: Օ՛, նա սիրում է մարդկանց մեջ լինել և իսկույն

հաղորդել նրանց ամեն ինչ՝ իր ամենադժոխային ու վտանգավոր մտքերն անգամ, սիրում է իր մտքերը կիսել մարդկանց հետ և, չգիտես ինչու, հենց տեղն ու տեղը, անմիջապես պահանջում է նաև, որ այդ մարդիկ իսկույն ևեթ լիակատար համակրանք ցուցաբերեն իրեն, մտնեն իր բոլոր հոգսերի ու տագնապների մեջ, միշտ այդ ասեն և արգելք չլինեն իր ցանկություններին: Թե չէ՝ նա կղայրանա ու ջարդուփշուր կանի ամբողջ գինետունը: (Այս խոսքերին հաջորդեց փոխկապիտան Սնեգիրյովի պատմությունը): Այդ ամսվա ընթացքում մեղադրյալին տեսնողներն ու լսողները վերջապես զգացին, որ նա կարող է արդեն շահամանափակվել միայն գոռոցալով ու սպառնալով իր հոր դեմ, այլև, այդպիսի մոլեգնության մեջ, սպառնալիքները կարող են գործի վերածվել: (Այստեղ դատախազը նկարագրեց ընտանեկան հավաքույթը վանքում, խոսակցությունները Ալյոշայի հետ և բռնության այլանդակ տեսարանը հոր տանը, երբ մեղադրյալը ներխուժել էր ճաշից հետո): Չեմ ուզում համառորեն պնդել, — շարունակեց Իպոլիտ Կիրիլովիչը, — թե մինչև այդ տեսարանը մեղադրյալն արդեն նախամտածված ու դիտավորյալ կերպով որոշել էր սպանել իր հորը: Բայց, այնուամենայնիվ, այդ գաղափարն արդեն մի քանի անգամ կանգնել էր նրա առաջ, և նա մտմտացել էր դրա շուրջ. այդ մասին ունենք փաստեր, վկաներ ու նրա սեփական խոսքերը: Խոստովանում եմ, պարոնայք երզվյալ ատենակալներ, — ավելացրեց Իպոլիտ Կիրիլովիչը, — ես մինչև այսօր իսկ տատանվում էի լիակատար ու գիտակից կանխամտածություն վերագրել մեղադրյալին՝ ոճիր կատարելու նրա ձգտման մեջ: Հաստատ համոզված էի, որ նրա հոգին բազմիցս ներհայել է գալիք ճակատագրական պահը, բայց ներհայել է միայն, պատկերացրել է լոկ իբրև հնարավորություն, բայց չի որոշել ո՞չ իրագործման ժամկետը, ո՞չ հանգամանքները: Բայց ես տատանվում էի մինչև այսօր միայն, միայն մինչև այն թույլն, երբ օրիորդ Վերիովցեան այդ ճակատագրական փաստաթուղթը ներկայացրեց դատարանին: Գուց ինքներդ, պարոնայք, լսեցիք նրա բացականչությունը. «Նախագի՞ծ է սա, սպանության ծրագի՞ր»: Ահա թե օրիորդը ինչպես բնորոշեց դժբախտ մեղադրյալի այդ շարաբաստիկ, «հարբած» նամակը: Եվ իրոք, այդ նամակը ծրագրի և կանխամտածվածության նշանակություն ունի լիովին: Գրված է ոճրից երկու օր առաջ, և այսպիսով՝ այժմ հաստատ

հայտնի է մեզ, որ իր ահավոր մտադրութիւնը իրագործելուց երկու օր առաջ մեղադրյալը երզվելով հայտարարել է՝ եթե փող չճարի, ուրեմն կսպանի հորը, որպեսզի նրա բարձի տակից վերցնի փողը «կարմիր ժապավենով ծրարի մեջ, միայն թե Իվանը գնացած լինի»: Լսո՞ւմ եք, «միայն թե Իվանը գնացած լինի»: ուրեմն ամեն ինչ կանխամտածված է արդեն, հանգամանքները ծանր ու թեթև են արված: Եվ ի՞նչ: Հետո ամեն ինչ կատարվում է հենց գրվածի նման: Կանխամտածված դիտավորութիւնն անտարակուսելի է, ոճիրը պետք է կատարվեր կողոպուտի նպատակով, ուղղակի հայտարարված է այդ բանը, գրված է և ստորագրված: Մեղադրյալը չի հրաժարվում իր ստորագրութիւնից: Կարող են ասել՝ հարբած մարդն է գրել այդ նամակը: Բայց դրանով ոչինչ չի նվազում և ընդհակառակն, դառնում է ավելի կարևոր, հարբած վիճակում գրել է այն, ինչ մտադրել է զգաստ ժամին: Եթե չմտադրեր զգաստ ժամին, չէր գրի հարբած վիճակում: Գուցե ասեն՝ ինչո՞ւ էր նա իր մտադրութեան մասին գոռում գինետներում: Իլտավառջալ կերպով այդպիսի բան որոշող մարդը լուռ է մնում և պահում է իր մեջ: Ծիշտ է, բայց նա գոռում էր այն ժամանակ, երբ դեռ ծրագիր ու դիտավորութիւն չուներ, այլ պարզապես ցանկութիւնը կար միայն, ձգտումն էր լուր հասունանում: Հետո արդեն ավելի քիչ է գոռում դրա մասին: Այն իրիկուն, երբ այդ նամակը գրվել է «Մայր քաղաք» գինետանը, նա հարբած է եղել, բայց իր սովորութեան հակառակ՝ լուռ է մնացել, բիլիարդ չի խաղացել, նստել է մի կողմ, ոչ ոքի հետ չի խոսել: միայն մի առևտրական գործակատարի քշել է տեղից, սակայն դա արել է գրեթե անգիտակցորեն, կոխվ անելու սովորութեան հետևանքով, որովհետև գինետուն մտնելուց հետո չէր կարող մի որևէ անկարգութիւն շանել: Ծիշտ է, վերջնական որոշումն ընդունելուց հետո մեղադրյալի մտքով պետք է անցնէր այն երկյուղը, թե ինքը նախապես շափից ավելի է գոռոտացել քաղաքում և դա կարող է պատճառ լինել, որ իրեն բռնեն հանցանքի մեջ ու մեղադրեն, երբ իրագործի իր մտադրութիւնը: Բայց ի՞նչ կարող ես անել, ասվածը ասվել է արդեն, չես կարող ետ առնել խոսքերդ, և վերջապես բախտը օգնել է սրանից առաջ, հիմա էլ կօգնի: Մարդը իր աստղին էր հավատում, պարոնայք: Բացի այդ, պետք է խոստովանեմ, որ նա շատ բան է արել, որպեսզի շրջանցի ճակատագրական բռնակն, շատ ու շատ ճիգեր է ի գործ դրել, որպեսզի խուսափի ար-

յունահեղութիւնից: «Վաղը երեք հազար ուրբի եմ խնդրելու բոլոր մարդկանցից.— ինչպես գրում է նա իր յուրօրինակ լեզվով,— իսկ եթե շտան մարդիկ, արյուն է թափվելու»: Ահա դարձյալ՝ գրվել է հարբած վիճակում, և զգաստ ժամին կատարվել է հենց գրվածի նման»:

Այստեղ Իպոլիտ Կիրիլովիչն սկսեց մանրամասնորեն նկարագրել այն բոլոր ջանքերը, որ Միտյան արել էր փող ճարելու համար, որպեսզի խուսափի ոճիր գործելուց: Նկարագրեց նրա բախտախնդիր այցելութիւնը Սամսոնովին, ճանապարհորդութիւնը՝ Լյազավիին հանդիպելու, և այդ բոլորը՝ փաստաթղթերով: «Վերջապես քաղաք է վերադառնում, տանջված, ծաղրված, քաղցած, այդ ճամփորդութեան համար ժամացույցը ծախած (և սակայն իր վրա հազար հինգ հարյուր ուրբի՝ ունենալով իբր թե, օ՛, իբր թե), վերադառնում է՝ քաղաքում թողած իր սիրո առարկայի համար տանջվելով խանդից, կասկածելով, որ նա իր բացակայութեան ժամանակ Ֆյոդոր Պավլովիչի մոտ գնացած կլինի: Սակայն փա՛ռք աստու՛ծ: Ֆյոդոր Պավլովիչի մոտ չի եղել նա: Ինքը անձամբ ուղեկցում է սիրուհուն, որ գնում է իր խնամակալի՝ Սամսոնովի մոտ: (Տարօրինակ բան, Սամսոնովին չի խանդում, և դա հոգեբանական շա՛տ բնորոշ մի յուրահատկութիւն է այս գործի մեջ): Հետո վազում է դեպի իր դիտակետը հոր տան «ետևներում» և այնտեղ... և այնտեղ իմանում է, որ Սմերդյակովին ընկնաժողովութեան նուպա է խփել, և որ մյուս ծառան էլ հիվանդ է. ազա՛տ է ասպարեզը, իսկ ինքը տեղյակ է «նշաններին»... ինչպիսի՞ գայթակղիչ բոպե: Բայց այնուամենայնիվ դիմադրում է փորձութեանը. գնում է մեր քաղաքի ժամանակավոր բնակիչ, մեր բոլորի կողմից մեծապես հարգված տիկին Խոխլակովայի մոտ: Այս տիկինը, որ վաղուց արդեն կարեկցանքով էր նայում նրա ճակատագրին, ամենաողջամիտ խորհուրդն է տալիս նրան՝ հրաժարվել բոլոր այդ զեխ կերուխումներից, այդ այլանդակ սիրահարութիւնից, գինետներում պարապ-սարապ քարշ գալուց, իր երիտասարդական ուժերի ապարդյուն վատնումից, և գնալ Սիրիո՝ ոսկու հանքերը. «Այնտեղ ելք կգտնեն ձեր ետուն ուժերը, ձեր ողորմանտիկ բնավորութիւնը, որ ծարավ է արկածախնդրութեան»:

Նկարագրելով այդ խոսակցութեան վախճանը և այն պահը, երբ մեղադրյալը հանկարծ լուր է ստանում, թե Գրուշենկան բնավ էլ չի մնացել Սամսոնովի մոտ, նկարագրելով խանդոտ

ու դժբախտ, ջղերը տանջված մարդու վայրկենական մոլեգնութ-
յունը այն մտքից, թե նա հենց խաբել է իրեն և հիմա գտնվում
է Ֆյոդոր Պավլովիչի տանը, Իպոլիտ Կիրիլովիչը եզրակացրեց՝
ուշադրություն դարձնելով պատահմունքի ճակատագրական
նշանակություն վրա. «Եթե աղախինը ասեր նրան, թե սիրուհին
գնացել է Մոկրոն, իր «առաջին» ու «անվիճելի» սիրածի մոտ,
ոչինչ էլ տեղի չէր ունենա: Բայց աղախինը գլուխը կորցնում է
վախից, երդում-պատառ է լինում, և եթե մեղադրյալը տեղն ու
տեղը չի սպանում նրան, պատճառն այն է, որ հապշտապ վա-
զում է իր դավաճան սիրուհուն գտնելու: Բայց նկատեցե՞ք՝ որքան
էլ կորցրել էր իրեն, համենայն դեպս պղնձե սանդղկոթը վերց-
րեց ու տարավ հետը: Ինչո՞ւ հատկապես սանդղկոթը, ինչո՞ւ ոչ
թե մի ուրիշ զենք: Բայց եթե մի ամբողջ ամիս արդեն մտովի
տեսնում էր այդ պահը և պատրաստվում դրան, ապա հենց որ
զենքի նման մի բան երևաց այժմին, իսկույն վերցրեց դա իբրև
զենք: Իսկ արդեն մի ամբողջ ամիս նա պատկերացնում էր, որ
այդ տեսակի մի որևէ առարկա կարող է զենք ծառայել: Հենց
դրա համար էլ այդպես ակնթարթորեն, առանց տատանվելու
ընդունեց դա որպես զենք: Ուստի, համենայն դեպս, նա այդ
ճակատագրական սանդղկոթը վերցրեց ոչ թե ակամա, ոչ թե ան-
գիտակցորեն: Եվ ահա, նա գտնվում է իր հոր այգում. ազատ է
ասպարեզը, վկաներ չկան, խոր գիշեր է, խավար ու խանդ: Շուն-
չը կտրվում է այն կասկածից, թե այնտեղ է իր սիրուհին, նրա
հետ, իր մրցակցի հետ, նրա գրկում, և զուցե ծիծաղում է իր
վրա այդ բուսեին: Եվ ո՞չ միայն կասկածից. էլ ի՞նչ կասկած,
բացահայտ է խաբեությունը, ակնհայտ, այնտեղ է իր սիրուհին,
ահա այն սենյակում, որտեղ լույս կա, այնտեղ է, նրա հետ,
ձեռքի ետևում... և ահա ուրեմն, դժբախտ մարդը գաղտագողի
մոտենում է պատուհանին, հարգալից նայում է ներս, հեզաբա-
րո կերպով խաղաղվում է և խոհեմաբար հեռանում, շուտափույթ
փախչում է փորձանքից, որպեսզի հանկարծ վտանգավոր ու
անբարոյական մի բան չպատահի... Եվ ուզում են, որ մենք
հավատա՞նք դրան, մենք, որ գիտենք մեղադրյալի բնավորու-
թյունը, մենք, որ հասկանում ենք, թե ինչ հոգեվիճակի մեջ էր
նա, մի հոգեվիճակ, որ մեզ հայտնի է փաստերով, և մանավանդ
երբ գիտենք, թե նա ծանոթ էր այն նշաններին, որոնցով իս-
կույն կարող էր ներս մտնել»:

Այստեղ, «նշանների» առնչությամբ, Իպոլիտ Կիրիլովիչն

առժամապես մի կողմ թողեց իր մեղադրական փաստարկումը
և անհրաժեշտ գտավ մանրամասնորեն խոսել Սմերդյակովի
մասին, որպեսզի կատարելապես սպառի այդ միջանկյալ դրվա-
զը և մի անգամ ընդմիշտ վերջ դնի այն կասկածին, թե Սմերդ-
յակովն է սպանողը: Այդ բանը շատ հանգամանորեն արեց, և
բոլորը հասկացան, որ թեև նա լիակատար արհամարհանք էր
ցուցաբերում այդ ենթադրության նկատմամբ, բայց այնուամե-
նայնիվ խիստ կարևոր էր համարում դա:

VIII

ՏՐԱԿՏԱՏ ՍՄԵՐԴՅԱԿՈՎԻ ՄԱՍԻՆ

«Նախ և առաջ, որտեղի՞ց ելավ այդպիսի կասկածի հնա-
րավորությունը,— այս հարցով էլ սկսեց Իպոլիտ Կիրիլովիչը:—
Առաջին մարդը, որ գոռաց, թե Սմերդյակովն է սպանել, հենց
մեղադրյալն էր՝ իր ձեռքակալության պահին, և սակայն նա իր
այդ առաջին գոռոցից մինչև դատի այս բուսեին ոչ մի փաստ չի
ներկայացրել իր մեղադրանքը հաստատելու համար, և ոչ միայն
փաստ, այլև որևէ մի փաստի նշույլն անգամ, որ գոնե մարդ-
կային խելքի մոտ լիներ մի քիչ: Այնուհետև, միայն երեք հոգի
են հաստատում այդ մեղադրանքը. մեղադրյալի երկու եղբայր-
ները և օրիորդ Սվետլովան: Բայց ավագ եղբայրն իր կասկածը
հայտնեց այսօր միայն, հիվանդ վիճակում, անվիճելի խելացնո-
րության ու տենդի նոպայում, իսկ առաջ, ամբողջ երկու ամիս,
ինչպես հաստատորեն հայտնի է մեզ, լիովին հարում էր այն
համոզմունքին, թե իր եղբայրը մեղավոր է, նույնիսկ չէր էլ
ձգտում առարկել այդ մտքի դեմ: Բայց մենք դեռ հատկապես
կզբադվենք դրանով հետո: Այնուհետև, կրտսեր եղբայրը քիչ
առաջ անձամբ հայտարարեց մեզ, թե Սմերդյակովի մեղավոր
լինելու մասին իր միտքը հաստատելու համար ոչ մի փաստ չու-
նի. ոչ իսկ ամենադուրե՞ր փաստը, այլ հենց մեղադրյալի խոսքե-
րից ու «ներա դեմքի արտահայտություններից» է միայն այդպես
եզրակացնում. այո՞, այդ վիթխարի՞ ապացույցը այստեղ երկու
անգամ առաջ քաշվեց մեղադրյալի եղբոր կողմից: Իսկ օրիորդ
Սվետլովայի ասածը մինչև իսկ ավելի վիթխարի մի բան էր
զուցե. «Ինչ որ մեղադրյալը ասի, հավատացե՞ք դրան, այնպիսի

մարդ չէ, որ սուս խօսի»: Ահա բոլոր փաստական ապացույցները Սմերգյակովի գեմ այս երեք անձերի կողմից, որոնք շահագրգռված են մեղադրյալի ճակատագրով: Եվ այնուամենայնիվ, Սմերգյակովի դեմ մեղադրանքը բեթացք էր գտել ու մնում էր, և հիմա էլ դեռ մնում է. կարելի՞ է հավատալ սրան, կարելի՞ է պատկերացնել այսպիսի քան:

Այստեղ Իպոլիտ Կիրիլովիչը անհրաժեշտ գտավ թեթևակի բնութագրել հանգուցյալ Սմերգյակովին, «որ իր կյանքին վերջ է տվել հիվանդագին մտամոլուցքի ու խելագարության մի նուպայում»: Ներկայացրեց նրան որպես տկարամիտ մարդու, որ տարտամ մի կրթություն էր ստացել, մոլորվել էր իր խելքից վեր եղող փրկիստփայական գաղափարներով և վախեցել էր պարտականության վերաբերյալ ժամանակակից որոշ ուսմունքներից, որոնք լայնորեն մատուցված էին նրան, գործնականորեն՝ իր հանգուցյալ տիրոջ ու գուցե նաև հոր, այսինքն Յյոզոր Պավլովիչի անդուստղ կյանքի օրինակով, իսկ տեւականորեն՝ իր տիրոջ միջնակ որդու, այսինքն Իվան Յյոզորովիչի հետ փրկիստփայական այլազան, տարօրինակ խոսակցություններով, որ վերջինս հաճույքով անում էր զվարճության համար, հավանաբար ձանձրույթից կամ հեգնելու պահանջից զրգված, ավելի լավ կիրառում չգտնելով իր այդ պահանջին: «Նա ինքը ինձ պատմեց տիրոջ տանը անցկացրած վերջին օրերի ընթացքում իր ունեցած հոգեվիճակի մասին, — բացառելի Իպոլիտովիչը, — բայց նույն բանը վկայում են նաև ուրիշները՝ մեղազրյալն ինքը, նրա եղբայրը և նույնիսկ ծառա Գրիգորին, այսինքն բոլոր այն մարդիկ, որոնք բնականաբար շատ մոտիկից էին ճանաչում նրան: Բացի այդ, ընկնավորությունից սմբած Սմերգյակովը «նման էր վախկոտ հավի»: «Նա ընկնում էր իմ ստաբլը և համբուրում էր իմ ստեղծը, — հայտնեց մեզ անձամբ մեղադրյալը այն րոպեին, երբ դեռ չէր դիտարկեցում, թե այդպիսի հայտարարությունը որոշ վնաս է բերում իրեն: — Ընկնավոր հավի մեկն է», — արտահայտվեց նա Սմերգյակովի մասին՝ իր բնորոշ լեզվով: Եվ ահա, մեղադրյալը հենց նրան է ընտրում որպես իր վստահյալը (մի բան, որ ինքն է վկայում) և այնքան է վախեցնում նրան, որ նա վերջապես համաձայնվում է լրտեսություն անել մեղադրյալի համար: Տեսյին լրտեսի հանգամանքով դավաճանում է իր տիրոջը, մեղադրյալին հայտնում է և՛ ծրարված փողի գոյություն, և՛ այն նշաններին մասին, որոնցով

կարելի էր մտնել տիրոջ մոտ: Եվ միթե կարո՞ղ էր շհայտնել «Կսպաններ ինձ, ուղղակի տեսնում էի, որ կսպաններ ինձ», — ասաց նա հարցաքննության միջոցին, նույնիսկ մեր առաջ ցրնցվելով ու դողալով, շնայած որ նրան ահաբեկողն ու տանջողը այդ ժամանակ արդեն գտնվում էր կալանքի տակ և չէր կարող գալ ու պատժել նրան: «Ամեն րոպե կասկածում էր ինձ, ես էլ ահուդողի մեջ ընկած՝ նրա բարկությունը իջեցնելու համար շուտով հայտնում էի ամեն մի գաղտնիք, որպեսզի տեսներ, որ ես անմեղ եմ իր առաջ և ինձ ողջ-առողջ բաց թողներ մեղքերս քաղելու»: Ահա նրա սեփական խոսքերը, ես գրի եմ առել դրանք ու հիշում եմ. «Հենց որ սկսում էր գոռալ ինձ վրա, ուղղակի ծնկի էի ընկնում նրա առաջ»:

Ի բնե մեծապես ազնիվ երիտասարդ լինելով, նա իր տիրոջ վստահությունն էր շահել, և Յյոզոր Պավլովիչը գնահատել էր այդ ազնվությունը, երբ իր կորցրած փողը նա գտել ու վերադարձրել էր. ուստի պետք է ենթադրել, որ դժբախտ երիտասարդը սոսկալի տանջվում էր զղջահարությունից՝ դավաճան լինելու համար իր տիրոջը, որին սիրում էր որպես իր բարերարին: Ընկնավորությամբ սաստիկ տառապողները, ըստ խորագետ հոգեբույժների վկայության, մշտապես տրամադիր են հարատև ու անշուշտ հիվանդագին ինքնամեղադրման: Նրանք տանջվում են այն մտքից, որ իրենք «մեղավոր» են մի բանի համար ու այս սինչի առաջ, տանջվում են խղճի խայթից, և հաճախ, մինչև իսկ առանց որևէ հիմքի, շափազանցում են և նույնիսկ զանազան մեղքեր ու հանցանքներ են հնարում, վերագրում են իրենք իրենց: Եվ ահա հենց այդպիսի մի անձնավորություն իսկապես մեղավոր ու հանցավոր է դառնում՝ վախի և ահաբեկման ազդեցության տակ: Բացի այդ, նա ուժգնորեն նախազգում էր, որ իր աչքի առաջ ստեղծվող իրավիճակից կարող է մի վատ բան դուրս գալ: Երբ Իվան Յյոզորովիչը հենց աղետից առաջ Մոսկվա էր մեկնում, Սմերգյակովն աղաչում է նրան, որ մնա այստեղ, բայց, ըստ վախկոտ մարդու իր սովորության, չի համարձակվում բացեիբաց ու վճռականորեն հայտնել իր երկյուղը: Բավարարվում է միայն ակնարկություններ անելով, բայց չեն հասկանում այդ ակնարկությունները: Պետք է նկատել, որ Իվան Յյոզորովիչի մեջ նա տեսնում էր կարծես իր պաշտպանին, մի տեսակ երաշխիք էր զգում, որ քանի դեռ նա տանն է, դժբախտություն չի պատահի: Հիշեցեք այն արտահայտությունը Դմիտրի Յյոզորովիչի

«Տարբած» նամակի մեջ. «Կսպանեմ ծերուկին, եթե միայն ի վա-
նը գնացած լինի»: Ուրեմն ի վան Ֆյոդորովիչի ներկայութեանը
բոլորին էլ մի տեսակ երաշխիք էր թվում, որ տան մեջ խաղա-
ղութուն ու կարգուկանոն կպահպանվի: Եվ ահա նա մեկնում է
խսկ Սմերդյակովն էլ անմիջապես, իր երիտասարդ տիրոջ մեկ-
նելուց գրեթե մի ժամ հետո, ընկնամորտության նուպա է ունե-
նում: Բայց դա կատարելապես հասկանալի է: Այստեղ պետք է
հիշել, որ Սմերդյակովը, վախից և յուրատեսակ մի հուսահա-
տությունից ընկճված, վերջին օրերի ընթացքում հատկապես
զգում էր իր մեջ ընկնամորտության մոտալուտ մի նուպաի հնա-
րավորությունը, մանավանդ որ առաջ էլ միշտ բարոյական լար-
ման ու ցնցումի պահերին այդպիսի նուպա էր ունենում: Այդ նո-
պաների օրն ու ժամը չի կարելի գուշակել անշուշտ, բայց ամեն
մի ընկնամորտ կարող է նուպաի տրամադրությունը իր մեջ զգալ
նախօրոք: Այդպես է ասում բժշկությունը:

Ահա ուրեմն, հենց նոր է մեկնել տնից ի վան Ֆյոդորովիչը
և Սմերդյակովն իր այսպես ասած որբ ու անպաշտպան մնալու
տպավորության տակ նկուղ է գնում տնային մի գործով, սան-
դուղքով իջնում է և մտածում. «Լինելու՞ է, թե չի լինելու նուպան,
խսկ եթե հանկարծ ա՛յս բոպեխս գա»: Եվ ահա հենց այդ տրա-
մադրության, այդ կասկածամտության, այդ հարցերի հետևան-
քով էլ ջղաձգվում է կոկորդը, մի բան, որ միշտ նախորդում է
ընկնամորտության նուպային, և նա գլխիվայր, ուշակորույս գլոր-
վում է նկուղի հատակին: Եվ ահա, մարդիկ հնարք են գտնում
այս ամենաբնական պատահարի մեջ ինչ-որ կասկած տեսնելու,
ինչ-որ մատնանշում, ինչ-որ ակնարկություն, թե նա դիտմա՛մբ
է հիվանդ ձևացել: Բայց եթե դիտմամբ էր, ապա իսկույն կեթ
հարց է ծագում՝ ինչու՞: Ի՞նչ հաշիվ ունեւր, ի՞նչ էր նպատակը:
Էլ չեմ խոսում բժշկության մասին. գիտությունը իբր թե սուտ
է ասում, գիտությունը սխալվում է, բժիշկները շեն կարողացել
ճշմարտությունը տարբերել կեղծիքից. թո՛ղ այդպես լինի, բայց
դե պատասխանեցեք այն հարցին, թե ինչու՞ նա պետք է կեղ-
ծեր: Մտադրված լինելով սպանել տիրոջը, արդյո՞ք ուզում էր
նախօրոք և անմիջապես իր վրա ուշադրություն հրավիրել տանը՝
այդպիսի նուպա ունենալով: Ասեմ ձեզ, պարոնայք երդվյալ ատե-
նակալներ, սպանության գիշերը հինգ մարդ է եղել Ֆյոդոր Պավ-
լովիչի տանը. նախ և առաջ՝ նույնիսկ Ֆյոդոր Պավլովիչը,
բայց հո նա ինքը չի սպանել իրեն, դա պարզ է. երկրորդ՝ նրա

Ժառա Գրիգորին, բայց դե քիչ էր մնացել, որ նրան էլ սպանեին.
երրորդ՝ Գրիգորիի կինը՝ Մարֆա Իգնատևնան, բայց պարզա-
պես ամոթ է երևակայել, թե նա սպանել է իր տիրոջը: Ուրեմն
երկու հոգի են մնում աչքի առաջ՝ մեղադրյալը և Սմերդյակովը:
Բայց քանի որ մեղադրյալը հավատացնում է, թե ինքը չի սպա-
նել, ուրեմն Սմերդյակովը պետք է սպանած լինի, ուրիշ ելք չկա,
որովհետև ուրիշ ոչ մի անձնավորություն չես կարող հնարել,
ուրիշ ոչ մի մարդասպան չես կարող ցույց տալ: Ահա, ահա՛ թե
ուրեմն որտեղից է ծագել այդ «ճարտար» ու վիթխարի՝ մեղա-
դրանքը դժբախտ ու տկարամիտ մարդու դեմ, որ երեկ անձնաս-
պան եղավ: Պատճառը հենց այն է միայն, որ ուրիշ ո՛չ ոքի չես
կարող հնարել: Թեկուզ և մի սովեր, թեկուզ և մի կասկած լի-
ներ ուրիշ մեկի վրա, որևէ մի վեցերորդ անձնավորության վրա,
ես համոզված եմ, որ նույնիսկ մեղադրյալն էլ կամաչեր այդ
դեպքում ամբաստանել Սմերդյակովին և կամբաստաներ վեցե-
րորդ անձնավորությանը, որովհետև այս սպանության մեջ
Սմերդյակովին մեղադրելը բացարձակ անհեթեթություն է:

Պարոնայք, թողնենք հոգեբանությունը, թողնենք բժշկու-
թյունը, թողնենք հենց տրամաբանությունն անգամ, դիմենք
միայն փաստերին, միայն ու միայն փաստերին, և տեսնենք,
թե ինչ են ասում մեզ փաստերը: Սմերդյակովն է սպանել, բայց
ինչպե՞ս: Մենա՞կ, թե մեղադրյալի մասնակցությամբ: Քննենք
նախ առաջին պարագան, այսինքն՝ Սմերդյակովը մենակ է սպա-
նում: Պարզ է, եթե սպանել է, ուրեմն մի որևէ բանի համար,
մի շահից ելնելով է արել: Բայց քանի որ նույն էլ չունեւր այն
շարժառիթների, այսինքն ատելության, խանդի և այլն, և այլն, ո-
րոնք սույն մեղադրյալին մղում էին սպանության, ուրեմն Սմերդ-
յակովը, անտարակույս, կարող էր սպանել միմիայն փողի համար,
որպեսզի յուրացնի այն երեք հազարը, որ անձամբ տեսել էր,
երբ իր տերը ծրարի մեջ էր դնում: Եվ ահա, սպանություն նյու-
թեմը, փողի և նշանների մասին ամեն ինչ հայտնում է մի ուրիշ
անձնավորության, այն էլ վերին աստիճանի շահագրգռված անձ-
նավորության, այսինքն մեղադրյալին, հայտնում է, թե որտեղ
է գրված ծրարը, ինչ է գրված ծրարի վրա, ինչով է ծրարը կապ-
ված, և մանավանդ, մանավանդ հայտնում է այն «նշանները»,
որոնցով կարելի է մտնել տիրոջ մոտ: Ինչ է, ուղղակի իրեն մատ-
նելու՞ համար է անում այդ բանը: Կամ էլ իր մրցակի՞ցը դարձ-
նելու համար մի ուրիշին, որ նույնպես կարող է ցանկանալ ներս

մտնել ու ձեռք բերել ծրարը: «Այո,— կասեն ինձ,— բայց չէ՞ որ նա վախից է հայտնել:» Բայց ինչպե՞ս թե վախից: Մի մարդ, որ ժպտահի է այդպիսի հանդուգն ու գաղանային մի գործ ծրագրել ու հետո ի կատար ածել, հայտնում է այնպիսի տեղեկություններ, որ միայն ինքը գիտե ամբողջ աշխարհում, և որոնք ոչ ոք երբեք չի կուսհի, եթե ինքը լուր գրանց մասին: Զէ՛, որքան էլ վախկոտ լիներ մարդը, բայց եթե իրոք այդպիսի մի ոճիր էր ծրագրել, գոնե ծրարի ու նշանների մասին ոչ մի գեղարվեստ ոչինչ չէր ասի որևէ մեկին, որովհետև դա կնշանակեր, որ նախօրոք լրիվ մատնում է իրեն: Իսկ եթե անպայման տեղեկություններ էին պահանջում նրանից, մի որևէ բան կհնարեր դիմամբ, մի որևէ սուտ կասեր, բայց դրա մասին չէր խոսի: Ընդհակառակը, կրկնում եմ, թեկուզ միայն փողի մասին եթե ոչինչ չասեր, իսկ հետո սպաներ ու յուրացներ փողը, ամբողջ աշխարհում ոչ ոք երբեք չէր կարող մեղադրել նրան գոնե կողոպուտի համար սպանած լինելու մեջ, որովհետև նրանից բացի ոչ ոք չէր տեսել այդ փողը, ոչ ոք չգիտեր, թե տանը այդպիսի փող կա: Եթե նույնիսկ մեղադրեին նրան, ապա անպայման կմտածեին, թե նա որևէ ուրիշ շարժառիթով է սպանել: Բայց քանի որ նախապես ոչ ոք չէր նկատել այդ շարժառիթները նրա մեջ, այլ ընդհակառակը, տեսել էին, որ նա տիրոջ սիրելին է, վայելում է տիրոջ վստահությունը, ուրեմն, իհարկե, վերջին կասկածելի մարդը պիտի լիներ նա, իսկ ամենից առաջ պիտի կասկածեին այնպիսի մեկի վրա, որ ունեցել էր այդ շարժառիթները, որ անձամբ գոռացել էր, թե ունի՛ այդ շարժառիթները, չէր թաքցրել դրանք, պարզել էր բոլորի առաջ, մի խոսքով՝ պիտի կասկածեին սպանվածի որդու, այսինքն Դմիտրի Ֆյոդորովիչի վրա: Մանրոգյակովն սպանած ու կողոպտած կլիներ, բայց կմեղադրեին որդուն, և դա մարդասպան Մանրոգյակովի համար ձեռնտու կլիներ, այնպես չէ՛: Բայց դե արի տես, որ Մանրոգյակովը, սպանություն նյութելով, հենց այդ որդուն էլ, այսինքն Դմիտրիին, նախօրոք հայտնում է փողի, ծրարի և նշանների մասին. որքա՛ն տրամաբանական է, որքա՛ն պարզ:

Հասնում է Մանրոգյակովի ծրագրած սպանության օրը, և ահա նա ընկնալորություն նույն է կեղծում ու գլխիվայր գլորվում է. ինչո՞ւ Դե իհարկե՞, նախ և առաջ որպեսզի ծառա Գրիգորին, տեսնելով, որ բացարձակապես ոչ ոք չկա տունը պահանջող, գուցե մի կողմ թողնի իր մտադրած բուժումը և պա-

հակ նստի: Եվ երկրորդ, իհարկե, որպեսզի Ֆյոդոր Պավլովիչն էլ կրկնապատկի իր անվստահությունն ու զգուշությունը, տեսնելով, որ ոչ ոք պահակություն չի անում, և սոսկալի վախենալով իր որդու այցելությունից, մի բան, որ չէր թաքցնում: Եվ վերջապես մանավանդ, իհարկե, որպեսզի իրեն էլ, այսինքն նույնպիսի ուժաբեկված Մանրոգյակովին, անմիջապես տեղափոխեն խոհանոցից, ուր նա միշտ առանձին էր գիշերում և ուզած ժամանակ կարող էր մտնել ու դուրս գալ, տանեն նրան շենք:՝ մյուս ծայրը՝ Գրիգորիի սենյակը, նրանց սեփական անկողնից երեք քայլ հեռու, միջնորմի ետև, ինչպես միշտ էլ անում էին հնուց անտի, Ֆյոդոր Պավլովիչի և սրտացավ Մարֆա Իգնատևայի կարգադրությամբ, հենց որ նույն խփում էր նրան: Այնտեղ, միջնորմի ետև պառկած, իսկապես հիվանդ ձևանալու համար պետք է սկսեր տնջալ իհարկե, այսինքն ամբողջ գիշերը արթնացնել նրանց (ինչպես որ եղել է իրոք, Գրիգորիի և նրա կնոջ վկայությամբ): Եվ այս բոլորը, այս բոլորը ա՛յն նպատակով, որ ավելի հարմար լիներ հանկարծ վեր կենալ ու հետո սպանել իր տիրոջը:

Բայց կարող են ասել ինձ, թե Մանրոգյակովը հենց նույն է կեղծել, որպեսզի, հիվանդ համարելով իրեն, չկասկածեն իր վրա, իսկ փողի ու նշանների մասին մեղադրալին հայտնել է հենց այն նպատակով, որ նա գայթակղվի և գա, սպանի: Եվ երբ, հասկանո՞ւմ եք, սպանելուց հետո նա հեռանա և փողն էլ տանի հետը, հավանաբար և աղմկելով, գոռոռալով, արթնացնելով վկաներին, այն ժամանակ, հասկանո՞ւմ եք, Մանրոգյակովն էլ վեր կկենա ու կգնա... է՛, կգնա ի՞նչ անելու: Այ հենց երկրորդ անգամ սպանելու իր տիրոջը և երկրորդ անգամ գողանալու արդեն գողացված փողը: Միծաղո՞ւմ եք, պարոնայք: Ինքս էլ ամաչում եմ, որ այսպիսի ենթադրություններ եմ անում, բայց երևակայեցեք, մեղադրալը հենց ա՛յդ է պնդում, չէ՛: Այսինքն թե՛ երբ ինքը արդեն դուրս է ելել տնից, տապալելով Գրիգորիին և տազնապ առաջացնելով, իրենից հետո Մանրոգյակովը վեր է կացել, գնացել է, սպանել է ու կողոպտել: Էլ չեմ խոսում այն մասին, թե ինչպե՞ս կարող էր Մանրոգյակովը նախօրոք հաշվի առնել այդ բոլորը և իմանալ հինգ մատի նման, այսինքն նախատեսել, թե ջղայնացած ու կատաղած որդին կգա հենց միայն ակնածանքո՞վ ներս նայելու համար պատուհանից և, նշանները գիտենալով հանդերձ, ետ կթաշվի, ամբողջ ավարը թողնելով

նրան՝ Սմերդյակովին: Պարոնա՛յք, ես լուրջ եմ դնում հարցը. ո՞րն է այն բուսեն, ուր Սմերդյակովը կատարել է ոճիրը: Ցույց տվեք այդ բուսեն, որովհետև առանց դրան չի կարելի մեղադրել:

«Բայց գուցե նույնան իսկական էր: Հիվանդը հանկարծ ուշքի է եկել, գոռոց է լսել ու հլել է դուրս»: Է՛հ, հետո ինչ: Շուրջը նայեց ու ինքնիրեն ասաց՝ զնամ սպանեմ տիրոջս, հա՛, իսկ որտեղի՞ց իմացավ, թե ինչ է եղել, ինչ է կատարվել. չէ՞ որ նա մինչ այդ ուշագնաց պառկել էր: Համենայն դեպս, երևակայու՞թյան թոխչքներն էլ չափ ու սահման ունեն, պարոնա՛յք:

«Լա՛վ,— կառարկեն ինձ նրբամիտ մարդիկ,— իսկ եթե երկուսը խոսքը մեկ էին արել, եթե երկուսը միասին սպանել ու փողը բաժանել են, այդ դեպքո՞ւմ ինչ կասեք»:

Այո՛, իսկապես, լուրջ կասկած է. նախ և առաջ՝ ուղղակի շշմեցուցի՛չ հանցանշաններ կան, որ հաստատում են այդ բանը: Մեկը սպանում է և հանձն առնում բոլոր հոգսերը, իսկ մյուսը նույն է կեղծել ու պառկել կողքի վրա, երևի հենց այն նպատակով, որ նախօրոք կասկած հարուցի բոլորի մեջ, տազնապ՛ իր տիրոջ սրտում, տազնապ՛ Գրիգորիի մտքում: Հետաքրքրական է, թե ինչ շարժառիթներից դրոված կարող էին այդպիսի խելագար մի ծրագիր մոգոնել երկու մեղսակիցները: Բայց գուցե դա բոլորովին էլ գործոն մասնակցություն չէր Սմերդյակովի կողմից, այլ, այսպես ասած, կրավորական մի նահատակություն. ահաբեկված Սմերդյակովը գուցե համաձայնվում է պարզապես շքնդղիմանալ սպանությունը, բայց նախազգալով, որ իրեն իսկ կմեղադրեն, թե ինչո՞ւ է թողել, որ սպանվի իր տերը, ինչո՞ւ չի գոռացել, չի ընդդիմացել, նախօրոք Դմիտրի Կարամազովից թույլտվություն է ձեռք բերում, որ այդ ժամանակ ինքը նույն կեղծի ու պառկի, «իսկ դու սպանիր ինչպես ուզում ես, իմ ի՞նչ գործն է»: Բայց եթե նույնիսկ այդպես է, ապա քանի որ այդ նույնիսկ էլ դարձյալ պետք է իրարանցում առաջ բերեր տանը, Դմիտրի Կարամազովը կնախատեսեր դա և ոչ մի կերպ չէր կարող համաձայն լինել այդպիսի պայմանի: Սակայն ես զիջում եմ. ասենք, թե նա համաձայնվել է. բայց չէ՞ որ այդ դեպքում էլ, այնուամենայնիվ, ստացվում է, որ Դմիտրի Կարամազովն է մարդասպանն ու դրողը, իսկ Սմերդյակովը պարզապես կրավորական մասնակից է, և մասնակից էլ չէ նույնիսկ, այլ պարզապես թողտվություն է արել վախից ու իր կամքին հակառակ. այս բանն արդեն անպայման կարող է տարբերել դատարանը:

Եվ ահա, ի՞նչ ենք տեսնում սակայն: Հենց որ ձեռքակալվում է մեղադրյալը, իսկույննեթ ամեն ինչ գցում է Սմերդյակովի վրա և միայն նրան է մեղադրում: Մեղադրում է ոչ թե որպես իր մեղսակիցին, այլ բացառապես նրան. այսինքն թե՛ նա մենա՛կ է արել այդ բանը, նա՛ է սպանել ու կողոպտել, նրա՛ արած գործն է: Բայց դե այդ ի՞նչ մեղսակիցներ են, որ անմիջապես սկսում են իրար դեմ խոսել. չէ, երբեք էլ այդպիսի բան չի լինում: Եվ նկատեցեք, ի՞նչ վտանգավոր հանդգնություն է Կարամազովի համար. ինքն է գլխավոր մարդասպանը, իսկ մյուսը թողտվություն է արել միայն ու պառկել է միջնորմի ետև, և ահա նա մեղքը գցում է պառկած մարդու վրա: Չէ՞ որ այդ պառկած մարդը կարող էր բարկանալ և պարզապես ինքնապաշտպանություն համար իսկույն հայտնել բուն ճշմարտությունը և ասել, որ երկուսն էլ մասնակցել են, բայց ինքը չի սպանել: Այլ միայն թողտվություն է արել վախի ազդեցության տակ: Չէ՞ որ նա՛ Սմերդյակովը, կարող էր հասկանալ, թե դատարանը անմիջապես կտարբերի իր մեղավորության աստիճանը, ուրեմն և կարող էր հաշվի առնել, որ եթե պատժեն էլ իրեն, ապա ինքը անհամեմատ ավելի շնչին մի պատիժ կստանա, քան մյուսը՝ գլխավոր մարդասպանը, որ ուզում է ամեն ինչ իր վրա գցել: Բայց ուրեմն Սմերդյակովն արդեն ստիպված կլիներ խոստովանել այդ դեպքում: Եվ սակայն այդ բանը մենք չտեսանք: Սմերդյակովը մի բառ անգամ չասաց մեղսակցության մասին, չնայած որ իսկական ոճրագործը հաստատորեն մեղադրում էր նրան և շարունակ պնդում էր, թե նա է միակ մարդասպանը: Ավելին՝ հենց Սմերդյակովը հայտնեց հարցաքննության ժամանակ, թե ծրարված փողի և նշանների մասին ինքը հաղորդել է մեղադրյալին, և թե առանց իր ասելու նա ոչինչ էլ չէր իմանա: Եթե նա իրոք մեղսակից լիներ, արդյոք այնքան հեշտորեն կհայտնե՞ր այդ բանը հարցաքննության ժամանակ, այսինքն կասե՞ր, թե ինքն է հաղորդել այդ բոլորը մեղադրյալին: Ընդհակառակը, կշանար ուրանալ և անպայման աղավաղել փաստերը, փոքրացնել դրանք: Բայց նա չէր աղավաղում և չէր փոքրացնում: Այդպես կարող է անել միայն անմեղ մարդը, որ չի վախենում, թե իրեն կմեղադրեն մեղսակցության մեջ: Եվ ահա, հիվանդագին մելամաղձության մի նուպայում, որ իր ընկնավորության և ամբողջ այս աղետի հետևանքն էր, երեկ նա կախեց իրեն: Կախվելուց առաջ թողեց մի երկտող՝ յուրահատուկ ձևով գրված:

«Ոչնչացնում եմ ինձ իմ կամքով ու ցանկությամբ, որպեսզի ոչ ոքի վրա մեղք չգցեմ»: Է՛հ, ի՞նչ կկորցնեն, եթե ավելացնեն իր երկտողում՝ մարդասպանը ես եմ, ոչ թե Կարամազովը: Բայց այդ բանը չի ավելացրել: Ինչ է, խիղճը մղել է անձնասպանության, իսկ խոստովանելու համար խիղճ չի՞ ունեցել:

Եվ ի՞նչ ենք տեսնում հետո: Քիչ առաջ փող են բերում այստեղ՝ դատարան, երեք հազար ռուբլի, և ասում են մեզ. «Հենց այն փողերն են, որ ահա այն ծրարի մեջ էին, իրեզեն ապացույցների սեղանին դրված ծրարի մեջ, երեկ ստացա Սմերդյակովից»: Բայց դուք ինքներդ, պարոնայք երգվյալ ատենակալներ, հիշում եք քիչ առաջվա տխուր տեսարանը: Մանրամասնությունները չեմ մտաբերի, սակայն ինձ թույլ եմ տալիս երկու-երեք բան նկատի առնել, ընտրելով ամենից աննշան կետերը, հենց այն պատճառով, որ աննշան են դրանք, ուստի ամեն մեկի ուշադրությունը չեն գրավի և կմոռացվեն: Նախ և առաջ, ենթադրենք դարձյալ, որ Սմերդյակովը երեկ խղճի խայթից մղված ետ է տվել փողը և կախել իրեն: (Որովհետև առանց խղճի խայթի ետ չէր տա փողը): Եվ անշուշտ, միայն երեկ իրիկուն առաջին անգամ խոստովանել է իր ոճիրը Իվան Կարամազովին, ինչպես հայտարարեց նաև ինքը՝ Իվան Կարամազովը, որն այլապես ինչո՞ւ պետք է լռեր մինչև հիմա: Այսպես ուրեմն, եթե խոստովանել է, ապա ինչո՞ւ, կրկնում եմ նորից, մեռնելու պահին գրած երկտողում չի հայտնել մեզ ամբողջ ճշմարտությունը, իմանալով հանդերձ, որ անմեղ մեղադրյալը հենց հաջորդ օրը կանգնելու է ահավոր դատի առաջ: Միայն փողը հո չի կարող ապացույց լինել: Դեռ մի շաբաթ առաջ, օրինակ, բուլտովին պատահականորեն, ինձ և այս դահլիճում գտնվող երկու ուրիշ անձների հայտնի դարձավ մի փաստ, այսինքն այն, որ Իվան Ֆյոդորովիչ Կարամազովը երկու հինգտոկոսանոց բանկատոմս է ուղարկել նահանգիս կենտրոնական քաղաքը՝ մանրելու համար, յուրաքանչյուր բանկատոմսը հինգ հազար ռուբլու արժույթյամբ, ուրեմն ընդամենը տասը հազար ռուբլի: Ուզում եմ ասել միայն, որ ամեն մարդ էլ կարող է փող ունենալ տվյալ պահին, և երեք հազար ռուբլի բերելով չի կարելի անպայման ապացուցել, թե դա հենց այն փողն է, ահա նույն այդ արկղից կամ ծրարից հանված փողը: Եվ վերջապես, Իվան Կարամազովը երեկ այնքան կարևոր մի տեղեկություն է ստանում բուն մար-

դասպանից, և հետո հանգիստ նստում է: Բայց ինչո՞ւ իսկույն եթե չհայտնեց դրա մասին: Ինչո՞ւ ամեն ինչ հետաձգեց մինչև առավոտ: Կարծում եմ՝ իրավունք ունեմ ենթադրելու, թե ինչու: Արդեն մի շաբաթ է՝ խանգարվել է նրա առողջությունը, ինքն էլ խոստովանել է բժշկին ու իր մերձավորներին, թե ցնորքներ է ունենում, հանդիպում է մեռած մարդկանց. նրա մեջ հասունանում էր այն տենդը, որ հենց այսօր էլ խփեց նրան, իսկ երեկ, տենդի նախօրյակին, նա հանկարծ իմանում է Սմերդյակովի մահվան լուրը և անմիջապես հետևյալ դատողությունն է անում. «Մարդը մեռել է, կարող եմ նրա վրա գցել մեղքը և փրկել եղբորս: Փող ունեմ մոտս, մի կապոց թղթադրամ կվերցնեմ ու կասեմ, որ Սմերդյակովն է ինձ տվել մահից առաջ»: Պիտի ասեք, որ անազնիվ բան է դա. թեկուզ և մեռած մարդու դեմ, նույնիսկ եղբորը փրկելու համար, բայց անազնիվ բան է զրպարտելը: Ճիշտ է, բայց եթե նա անգիտակցաբար է ստել, չէ՞ որ Սմերդյակովի այդ անակնկալ մահվան լուրը կարող էր վերջնականապես խախտել նրա գիտակցությունը, և նա կարող էր երևակայել, թե իրոք այդպես էլ եղել է: Դուք հո տեսաք այն, ինչ կատարվեց քիչ առաջ, տեսաք, թե ինչ վիճակի մեջ էր այդ մարդը: Կանգնած էր ոտքի վրա և խոսում էր, բայց ո՞ւր էր նրա խելքը:

Այդ տենդահար մարդու վկայությունից հետո երևան եկավ մի փաստաթուղթ՝ մեղադրյալի նամակը օրիորդ վերխույզնակին, այն նամակը, որ նա գրել է ոճիրը կատարելուց երկու օր առաջ, և ուր նախօրոք նկարագրված է ոճրագործության մանրամասն ծրագիրը: Դե էլ ինչո՞ւ ենք ուրիշ ծրագիր փնտրում: Ճիշտ ու ճիշտ այդ ծրագրով էլ կատարվել է ոճիրը, և կատարել է ոչ այլ ոք, քան այդ ծրագիրը կազմողը: Այո, պարոնայք երգվյալ ատենակալներ, «հենց գրվածի պես էլ կատարվել է»: Երբեք, երբեք էլ նա հարգանքով ու երկյուղով չի փախել հոր պատուհանի տակից, այն էլ դեռ հաստատ համոզված լինելով, որ իր սիրեցյալը նրա մոտ է այդ պահին: Ոչ, անհեթեթ ու անհավատալի է դա: Նա մտել է ու... վերջացրել գործը: Հավանաբար սպանել է ջղախին վիճակում, զայրույթից բորբոքված, անմիջապես որ նայել է իր ատելի մրցակցին, և սպանել է գուցե մի անգամից, սանդկոթով գինված իր ձեռքի մի հարվածով. և ապա, մանրամասն խուզարկությունից հետո համոզվելով, որ իր սիրեցյալը այնտեղ չէ, այնուամենայնիվ չի մոռացել ձեռքը խոթել բարձի տակ և հանել փողի ծրարը, որի պատված երեսը ահա այստեղ

է հիմա՝ իրեղեն ապացույցների սեղանին: Այս բանը ասում եմ, որպեսզի նկատեք մի հանգամանք՝ ըստ իս շատ բնորոշ: Եթե նա փորձառու մարդասպան լիներ և սպաներ հենց միայն կողոպտուտի նպատակով, մի՞թե ծրարի երեսը կթողներ հատակին այնպես, ինչպես գտան այդ իրը դիակի մոտ: Եթե, օրինակ, կողոպտուտի համար սպանող Սմերդյակովը լիներ, դե նա պարզապես ծրարը կտաներ իր հետ, բնավ էլ նեղութուն չէր քաշի, որ իր գոհի դիակի առաջ բաց անի ու նայի մեջը, քանի որ հաստատ գիտեր, թե ծրարի մեջ փող կա (չէ՞ որ իր աչքի առաջ էին փողը դրել ու կնքել), և գիտեր նաև, որ եթե բոլորովին վերցնի ու տանի ծրարը, ոչ ոք չի իմանա՝ կողոպտուտ եղե՞լ է, թե ոչ: Հարց եմ տալիս ձեզ, պարոնայք երդվյալ ատենակալներ, այդպես կվարվե՞ր արդյոք Սմերդյակովը, ծրարը կթողնե՞ր հատակին: Ոչ, հենց այդպես պետք է վարվեր մոլեգնած մարդասպանը, որն արդեն վատ է կշռադատում, այն մարդասպանը, որ գող չէ և մինչ այդ երբեք ոչինչ չի գողացել, և այդ բոլորին էլ անկողնի տակից փողը դուրս է քաշել ոչ թե որպես գողութուն անող մի գող, այլ որպես մի մարդ, որ իր գողացված սեփականութունն է ետ վերցնում գողից, որովհետև Դմիտրի Կարամազովը հենց այդպիսի համոզմունք է ունեցել այդ երեք հազար ռուբլու մասին, մտամոլության հասած մի համոզմունք: Եվ ահա, վերցնելով ծրարը, որ առաջ երբեք չէր տեսել, պատում և բաց է անում, որպեսզի ստույգ համոզվի՝ փող կա՞ արդյոք մեջը, հետո փողը գրպանը դրած փախչում է, նույնիսկ մոռանալով նկատի առնել, թե ծրարի այդ պատված երեսը նետելով հատակին՝ վիթխարագույն մի մեղադրանք է թողնում ինքն իր դեմ: Եվ դա՛ պարզ այն պատճառով, որ Կարամազովը, այլ ոչ թե Սմերդյակովը, չի մտածել, չի կշռադատել, և ինչպե՞ս կարող էր: Նա փախչում է, նա լսում է իր ետևից հասնող ծառայի աղաղակը, ծառան բռնում է նրան, կանգնեցնում է և պղնձ սանդղոթի հարվածով ընկնում գետին: Մեղադրյալը, խղճահարութունից մղված, ցատկում է ներքև՝ նրա մոտ: Պատկերացրե՛ք, նա հանկարծ ուզում է հավատացնել մեզ, թե այդ բոլորին պատից ետ է ցատկել խղճահարության, կարեկցանքի մղումով, որպեսզի նայի, թե չի՞ կարող մի բանով օգնել նրան: Բայց մի՞թե դա այն բոլորին է, ուր կարելի է կարեկցանք ցուցաբերել: Ոչ, նա ետ է ցատկել հենց համոզվելու համար, թե արդյոք կենդանի՞ է իր շարագործության միակ վկան: Որևէ այլ զգացում, որևէ այլ

շարժառիթ անբնական կլիներ: Նկատի առեք, որ նա նեղութուն է քաշում, թաշկինակով սրբում է Գրիգորիի գլուխը, և համոզվելով, որ նա մեռած է, խելակորույս վազում է նորից իր սիրուհու տունը, ոտից գլուխ արյունով թաթախված. իսկ ինչպե՞ս չի մտածել, թե ինքը արյունով է թաթախված և անմիջապես կբռնվի հանցանքի մեջ: Բայց մեղադրյալն անձամբ հավատացնում է մեզ, որ ուշադրութուն անգամ չի դարձրել, թե ինքը արյունով էր թաթախված. դա կարելի է ընդունել, դա շատ հնարավոր բան է, ոճրագործները միշտ էլ այդպես են լինում այդպիսի բոլորներին: Մի բանը դժոխային հաշվենկատությամբ են անում, իսկ մի ուրիշ բանի համար խելքը դադարում է գործել: Բայց այդ բոլորին նա մտածում էր միայն, թե որտեղ է իր սիրունիկ: Ուզում էր իսկույն իմանալ, թե որտեղ է նա, և ահա վազում է նրա բնակարանը և իմանում իր համար անսպասելի, ահռելի մի լուր. նա գնացել է Մոկրոնի՝ իր «առաջին», «անվիճելի» սիրահարի մոտ»:

IX

ՀՈԳԵՐԱՆՈՒԹՅՈՒՆԸ ԹԱՓ ԱՌԱՄ ԳՆՈՒՄ Է: ՄՐԱՐԵԱՎ ՏՐՈՅԱՆ:
ԴԱՏԱԽԱԶԻ ԾԱՌԻ ԱՎԱՐՏԵ:

Իպոլիտ Կիրիլովիչը հայտնապես ընտրել էր շարագրանքի խստորեն պատմական մեթոդը, մի մեթոդ, որին շատ են սիրում դիմել բոլոր ջղային հոետորները՝ դիտմամբ ձգտելով խստադիր շրջանակների մեջ մնալ, որպեսզի զսպեն իրենց սեփական անհամբեր ոգևորութունը: Եվ Իպոլիտ Կիրիլովիչը, հասնելով իր ձառի այդ կետին, հատկապես մանրամասն խոսեց Գրուշենկայի «առաջին» ու «անվիճելի» սիրահարի մասին և մի քանի յուրովի հետաքրքրական մտքեր հայտնեց այդ նյութի շուրջ:

«Կարամազովը, որ կատաղելու շափ խանդում էր բոլորին, հանկարծ ու միանգամից ընկնում է կարծես ու չքանում այդ «առաջին» ու «անվիճելի» սիրահարի առաջ: Եվ մանավանդ դա տարօրինակ է այն պատճառով, որ մինչ այդ նա գրեթե բոլորովին ուշադրութուն չէր դարձնում նոր վտանգին՝ ի դեմս այդ գալիք, իր համար անսպասելի մրցակցի: Բայց նա դեռ այնքա՞ն հեռու է պատկերացնում այդ վտանգը, իսկ Կարամազովը միշտ էլ ներկա բոլորով է ապրում: Հավանաբար, նույնիսկ մտացածին էր համարում այդ բանը: Բայց նա վայրկենապես հաս-

կացալ իր վիրավոր սրտով, որ եթե այդ կինը մինչ այդ թաքցը-
րել էր նոր մրցակցին, եթե խաբել էր իրեն այդ երեկո, պատճա-
ռը գուցե հենց այն էր, որ նորից հայտնված այդ սիրահարը
բոլորովին էլ ցնորք ու մտացածին բան չէր այդ կնոջ համար,
այլ ամեն ինչ էր նրա կյանքում, նրա ամբողջ հույսը: Վայրկե-
նապես հասկանալով այդ բանը, Կարամազովը համակերպվեց:
Ճիշտն ասած, պարոնայք երդվյալ ատենակալներ, ես չեմ կա-
րող լուռության մատնել այդ անակնկալ գիծը մեղադրյալի հո-
գում. կարծես թե նա բոլորովին ընդունակ չէր այդպիսի բան ի
հայտ բերելու, և հանկարծ արդարության անողոք մի պահանջ
է երևում նրա մեջ, կնոջ հանդեպ հարգանքի, կնոջ սրտի իրա-
վունքները ճանաչելու մի պահանջ, այն էլ ե՞րբ. այն պահին,
երբ այդ կնոջ համար իր ձեռքերը ներկել էր իր հոր արյունով:
Ճիշտ է նաև, որ թափված արյունն էլ արդեն վրեժ էր աղաղա-
կում այդ բոպեին, որովհետև նա, մեղադրյալը, որն իր սեփա-
կան հոգին ու իր ամբողջ երկրային կյանքն էր կործանել, պետք
է որ այդ վայրկյանին ակամա զգացած ու հարց տված լինի ինքն
իրեն. «Ի՞նչ եմ ես և ի՞նչ նշանակություն կարող եմ ունենալ
ճիմա նրա համար, այդ էակի համար, որին ես իմ հոգուց ավելի
եմ սիրում, ի՞նչ եմ ես այդ «առաջին» ու «անվիճելի» սիրահարի
համեմատությամբ, որ զղջացել է ու վերադարձել այդ կնոջ մոտ՝
մի ժամանակ իր խորտակած կնոջ, վերադարձել է նոր սիրով,
պատվավոր առաջարկություններով, վերածնված ու արդեն եր-
ջանիկ կյանքի խոստումով: Իսկ ես, դժբախտս, ճիմա ի՞նչ կա-
րող եմ տալ նրան, ի՞նչ կարող եմ առաջարկել»: Կարամազովն
այդ բոպեին հասկանում է այդ ամբողջը, հասկանում է, որ իր
կատարած ոճիրը փակել է բոլո՞ր ճանապարհները իր առաջ, և
որ ինքը պատժվելու դատապարտված մի ոճրագործ է միայն,
այլ ո՞չ թե այն մարդը, որին կյանքն է ժպտում: Այդ միտքը ճշգ-
մում ու ոչնչացնում է նրան:

Եվ ահա, նա վայրկենապես կանգ է առնում մի մոլեգին
ծրագրի վրա, որ Կարամազովի բնավորությունն ունեցող մար-
դու համար միակ ու ճակատագրական ելքը պետք է թվար իր
ահավոր դրությունից: Այդ ելքը անձնասպանությունն էր: Նա
վազում է պարոն Պերխոտինի մոտ՝ ետ վերցնելու իր գրավ
դրած ատրճանակները, և միաժամանակ ճանապարհին, վազելու
ընթացքում, գրպանից հանում է ամբողջ իր փողը, որի համար
դեռ քիչ առաջ իր ձեռքերը թաթախել է իր հոր արյունով: Օ՛,

հիմա փողն ամենից ավելի է պետք նրան. մեռնո՞ւմ է Կարամա-
զովը, անձնասպա՞ն է լինում Կարամազովը, և պիտի հիշե՞ն այդ
բանը: Զուր չէ՛, որ բանաստեղծ է նա, զուր չէ՛, որ իր կյանքն
ապրել է երկու կողմից վառված մոմի նման. «Ուզողակի նրա՞
մոտ, նրա՞ մոտ՝ իմ սիրեցյալի՞», և այնտեղ, օ՛, այնտեղ մի փա-
ռավոր խնջույք կսարքեմ բոլորի համար, շտեմնված մի խնջույք,
որ հիշեն ու պատմե՞ն երկար ժամանակ: Խենթ օւ խելառ գո-
րում-գոչումի մեջ, գնչուական խոլ երգերի ու պարերի մեջ բա-
ժակ կբարձրացնեմ, կիմեմ պաշտելի կնոջ կենացը, կշնորհավո-
րեմ նոր երջանկությունը նրա, իսկ հետո, տեղն ու տեղը, նրա
ոտքերն ընկած, կշախչախեմ իմ գանգը նրա աչքի առաջ և
կպատժե՞մ իմ կյանքը: Կգա ժամանակ, որ կհիշի նա Միտյա Կա-
րամազովին, կտեսնի, թե ինչպե՞ս էր սիրում նրան Միտյան,
կափսոսա՞ Միտյայի համար»: Այս բոլորի մեջ շատ է երևում
տպավորություն գործելու մարմաջը, ումանտիկ մոլուցքը, կա-
րամազովյան վայրի անսանձությունն ու դյուրազգացությունը,
և դեռ, այո՞, մի ուրիշ բան էլ, պարոնայք ատենակալներ, մի
բան, որ աղաղակում է նրա հոգում, տրոփում է նրա հոգում
անդադար և թունավորում է նրա սիրտը մինչ ի մահ. այդ բանը
խի՞ղճն է, պարոնայք ատենակալներ, խղճի դատաստանը, խղճի
ահավո՞ր տանջանքները: Բայց ատրճանակը ամեն ինչ կհարթի,
ատրճանակն է միակ ելքը, և շկա ուրիշ ելք, իսկ հետո, այնտեղ...
չգիտեմ, Կարամազովն արդյոք մտածո՞ւմ էր այդ բոպեին, թե
«ինչ է լինելու այնտեղ» և կարո՞ղ է արդյոք Կարամազովը համ-
լետորեն մտածել, թե ինչ է լինելու այն կողմը: Ո՞չ, պարոնայք
ատենակալներ, նրանք Համլետներ ունեն, իսկ մենք՝ գեռ Կարա-
մազովներ՝ միայն»:

Այստեղ Իպոլիտ Կիրիլովիչն ամենայն մանրամասնությամբ
նկարագրեց, թե ինչպես Միտյան պատրաստվել է Մոկրոն գնա-
լու, նկարագրեց այն, ինչ տեղի է ունեցել Պերխոտինի տանը,
խանութում, կառապանների հետ: Բերեց բազմաթիվ խոսքեր ու
արարմունքներ՝ բոլորն էլ վկանեքով հաստատված, և պատկերը
սոսկալի համոզիչ տպավորություն գործեց ունկնդիրների վրա:
Ազդեցիկ էր մանավանդ փաստերի համադրությունը: Մոլեգնո-
րեն խոտվահույզ և արդեն զգուշությունը կորցրած այդ մարդու
մեղավորությունը անժխտելիորեն ի հայտ էր գալիս:

«Այլևս կարիք չունեք զգուշ լինելու, — ասաց Իպոլիտ Կի-
րիլովիչը: — Երկու կամ երեք անգամ, քիչ է մնացել, որ լրիվ

խոստովանի, համարյա ակնարկել է, միայն թե պարզապես կես է թողել իր ասելիքը: (Այստեղ դատախազը վկաների ցուցմունքները մեջբերեց): Ճանապարհին նույնիսկ գոռացել է կառապանին. «Գիտե՞ս, որ մարդասպան ես տանում»: Բայց, այնուամենայնիվ, չէր կարող դեռ լրիվ ասել ամեն ինչ. նախ պետք է Մոկրոն հասներ և այնտեղ արդեն վերջացներ պոեմը: Եվ սակայն, ի՞նչ էր սպասում դժբախտ մարդուն այնտեղ: Մոկրոնում նա առաջին իսկ ընդունեց տեսնում է և ի վերջո կատարելապես հասկանում, որ իր «անվիճելի» մրցակիցը գուցե բոլորովին էլ անվիճելի չէ, և որ կենացի բաժակ ու նոր երջանկության շնորհավորանքներ չեն ուզում իրենից ու չեն ընդունում: Բայց դուք, պարոնայք ատենակալներ, գիտեք արդեն փաստերը նախնական քննությունից: Անժխտելի է Կարամազովի հաղթանակն իր մրցակցի վրա, և ահա այստեղ, օ՛, այստեղ արդեն բոլորովին նոր մի փուլ է սկսվում նրա հոգում, և դա նույնիսկ ամենասուսկալի փուլն է, որով երբևիցե անցել է կամ դեռ անցնելու է այդ հոգին: Հաստատորեն կարելի է ասել, պարոնայք ատենակալներ,— գուցե Իպոլիտ Կիրիլովիչը,— որ անարգված բնությունն ու հանցագործ սիրտը իրենց վրեժն են լուծում, և ավելի՛ ևս լիակատար կերպով, քան որևէ երկրային արդարադատություն: Եվ ավելին՝ արդարադատությունն ու երկրային պատիժը նույնիսկ թեթևացնում են բնության պատիժը, և նույնիսկ դրանք անհրաժեշտ են ոճրագործի հոգուն այդպիսի ընդունելի, փրկուցում են հոգին հուսահատությունից, որովհետև ես չեմ էլ կարող պատկերացնել Կարամազովի ապրած այն սարսափն ու բարոյական տանջանքները, երբ նա իմացավ, որ այդ կինը սիրում է իրեն, որ հենց ի՛ր համար հրաժարվում է «առաջին» և «անվիճելի» սիրահարից, և որ հենց իրեն, իրեն, «Միտյայի՛ն» է կանչում դեպի նորոգ մի կյանք, խոստանում է երջանկություն, և այն էլ ե՞րբ: Երբ արդեն ամեն ինչ վերջացել է Կարամազովի համար և այլևս ո՛չ մի բան հնարավոր չէ: Ի դեպ, մի շատ կարևոր կետ նշեմ հարևանցիորեն, բացատրելու համար մեղադրյալի դրությունն ու իրությունը այդ պահին. մինչև այդ վերջին րոպեն, մինչև բուն իսկ ձեռքակալության վայրկյանը, նրա համար այդ կինը մնում էր անմատչելի մի էակ, մոլեգնորեն ցանկալի, բայց անհասանելի: Բայց ինչո՞ւ, ինչո՞ւ նա անձնասպան շեղավ հենց այդ ժամանակ, ինչո՞ւ հրաժարվեց իր ընդունած որոշումից և նույնիսկ մոռացավ, թե որտեղ է իր ատրճանակը: Ահա

սիրո այդ բուռն ծարավն էր հենց, տեղն ու տեղը այդ ծարավը հագեցնելու հո՛ւյսն էր, որ ետ պահեց նրան: Խրախճանքի արբեցման մեջ նա կպել էր իր սիրունուն, որ նույնպես խրախճանք էր անում նրա հետ և ավելի շքնաղ ու հրապուրիչ էր նրա համար, քան երբևիցե, ու Կարամազովը չէր հեռանում նրա կողքից, սքանչանում էր նրանով, անէանում նրա առաջ: Այդ բուռն ծարավը կարող էր նույնիսկ մի վայրկյան խեղդել ոչ միայն ձեռքակալության վայրը, այլև բուն իսկ խղճի խայթը: Բայց մի վայրկյան, օ՛, մի վայրկյան միայն:

Իմ պատկերացումով՝ ոճրագործի հոգեվիճակն այդ պահին անպայմանորեն ենթարկվել էր երեք բանի, որոնք կատարելապես ստրկացրել էին նրան. նախ, հարբած վիճակը, խելահեղ ժխորը, պարերի դոփոփոյունն ու երգերի ճղճողոցը, և նա, նա՛ իր սիրունին, որ շառագունել էր գինուց, երգում էր ու պարում, հարբել էր ու ծիծաղադեմ նայում էր նրան: Երկրորդ, այն հեռավոր, քաջալերող հույսը, թե ճակատագրական վախճանը հեռու է տակավին, մոտ չէ համենայն դեպս, առնվազն հաջորդ առավոտ միայն կգան ու կձերբակալեն իրեն: Ուրեմն դեռ մի քանի ժամ կա, և դա շա՛տ է, սոսկալի՛ շատ: Մի քանի ժամվա մեջ կարելի է շատ բան մտածել: Պատկերացնում եմ, որ նրա զգացածը նման էր այն զգացողության, որ ունենում է մահապարտ ոճրագործը, երբ նրան տանում են մահապատժի, տանում են կախաղան. դեռ պետք է մի երկա՛ր ու երկար փողոց անցնել, այն էլ քայլաչափ ընթացքով, հազարավոր մարդկանց մոտով, հետո մի ուրիշ փողոց պետք է դառնալ և այդ փողոցի մյուս ծայրին է միայն սարսափելի հրապարակը: Ինձ թվում է, որ երթի սկզբում, իր խայտառակության սայլին նստած, դատապարտյալը պետք է հենց այնպես զգա, որ դեռ մի անհուն կյանք կա իր առջև: Բայց ահա տները ետ են մնում, սայլը շարունակ գնում է առաջ. օ՛, վնաս չունի, դեռ այնքա՛ն հեռու է մինչև երկրորդ փողոցի անկյունը, և նա դեռ արիաբար նայում է աչ ու ձախ՝ այդ հազարավոր անբարեգեթորեն հետաքրքրասեր մարդկանց, որ իրենց հայացքները բեռնել են մահապարտին, և նրան դեռ թվում է, թե ինքն էլ ճիշտ նրանց պես մի մարդ է: Բայց ահա արդեն մյուս փողոցի անկյունն էլ է հասնում. օ՛, վնաս չունի, վնաս չունի, դեռ մի լրիվ փողոց կա: Եվ որքան էլ տներ անցնեն, նա միշտ էլ պիտի մտածի. «Դեռ շատ տներ կան առջևում»: Եվ այդպես՝ մինչև վերջ, մինչև բուն իսկ հրապարա-

կը: Իմ պատկերացումով՝ Կարամազովն էլ այսպես էր զգում այն ժամանակ: «Դեռ մինչև հասնեն նրանք, կարելի է մի ելք գտնել,— մտածում էր նա,— օ՛, դեռ ժամանակ կա դիմադրության մասին խորհելու, պաշտպանության մի ծրագիր կազմելու, իսկ հիմա, հիմա... հիմա այնքան չքնաղ է իմ սիրուհին»:

Շփոթությունը ու սարսափով է լցված նրա հոգին, բայց նա կարողանում է, այնուամենայնիվ, մի կողմ դնել իր փողի կեսը և պահել մի տեղ, այլապես չեմ կարող բացատրել, թե ո՛ր կողմով մի ամբողջ կեսը այն երեք հազար ուրբլու, որ դեռ քիչ առաջ վերցրել էր հոր բարձի տակից: Առաջին անգամը չէ, որ նա գնացել էր Մոկրոն, մի անգամ արդեն երկու օր խնջույք էր արել այնտեղ: Նա գիտեր այդ փայտե հին, խոշոր տունը իր բուրձով ծակուծուկներով: Ես ենթադրում եմ, որ փողի մի մասը թաքցրվել է հենց այն ժամանակ, ձերբակալությունից ոչ շատ առաջ և հենց այդ տանը՝ մի որևէ ճեղքի, մի որևէ խոռոչի մեջ, մի որևէ տախտակի տակ, մի որևէ անկյունում, կտուրի տակ,— և ինչո՞ւ: Ինչպե՞ս թե ինչու: Աղետը կարող է իսկույն վրա հասնել, և դեռ չի մտածել անշուշտ, թե ինչպես դիմագրավի, ժամանակ էլ շուներ մտածելու, գլխի մեջ մտրճով խփում են կարծես, սիրտըն էլ ձգտում է նրան՝ իր սիրուհուն, բայց դե փողը... ամեն դեպքում էլ անհարածեշտ է փողը: Փող ունեցող մարդը ամեն տեղ էլ մարդ է: Այդպիսի՝ բոլոր այդպիսի հաշվենկատությունը գուցե անբնական է թվում ձեզ: Բայց չէ՞ որ ինքն է հավատացնում, որ դրանից մեկ ամիս առաջ, երբ նույնպես տազնապալի ու ճակատագրական մի պահ էր նրա համար, երեք հազար ուրբլուց առանձնացրել է կեսը և կարել քսակի մեջ. ու թեև դա ճիշտ չէ իհարկե, և մենք հիմա կապացուցենք այդ բանը, բայց համենայն դեպս դա ցույց է տալիս, որ այդ գաղափարը ծանոթ էր Կարամազովին, նա մտմտացել էր դրա շուրջ: Ավելին. երբ նա հետո քննիչին հավատացնում էր, թե հազար հինգ հարյուր ուրբլին առանձնացրել է քսակի մեջ (մի բան, որ երբեք չի եղել), գուցե հենց այդ պահին էլ հնարում էր քսակի պատմությունը, հնարում էր տեղն ու տեղը, վայրկենաբար, որովհետև դրանից երկու ժամ առաջ, անակնկալ մի ներշնչումով, առանձնացրել էր փողի կեսը և մի որևէ տեղ թաքցրել էր Մոկրոնում, որպեսզի ամեն պարագայի համար թողնի այնտեղ մինչև առավոտ, միայն թե իր մոտ չպահի փողը: Երկու՛ անհատակ խորություն, պարոնայք ատենակալներ, հիշեցեք, որ Կարամա-

զովը կարող է իր հայացքը ուղղել երկու անհատակ խորություն, և երկուսին էլ միանգամից: Մենք այդ տանը փնտրեցինք փողը, բայց չգտանք: Գուցե հիմա էլ դեռ այնտեղ է այդ փողը, կամ էլ գուցե հաջորդ օրն իսկ անհետացել է և հիմա գտնվում է մեղադրյալի մոտ: Համենայն դեպս, երբ նրան ձերբակալեցին, նա իր սիրուհու հետ էր, ծնկի էր եկել սիրուհու առաջ, օրիորդը պառկել էր մահճակալի վրա, իսկ մեղադրյալն իր ձեռքերը մեկնել էր նրան և այնքան էր մոռացել ամեն ինչ այդ բոլորին, որ նույնիսկ չլսեց ձերբակալողների մոտենալը: Դեռ ժամանակ չէր ունեցել մի որևէ պատասխան պատրաստելու իր մտքում: Ե՛վ նա, և՛ իր միտքը անակնկալի եկան:

Ե՛վ ահա, նա գտնվում էր իր դատավորների առաջ, իր ճակատագիրը վճռողների առաջ: Պարոնայք երգվյալ ատենակալներ, մեր պարտականությունները կատարելու ժամանակ այնպիսի պահեր են լինում, երբ մե՛զ համար էլ սոսկալի է դառնում մարդու հետ դեմ առ դեմ հանդիպելը, սոսկում ենք նաև մարդու ճակատագրի համար: Մարդու անասնական սարսափը դիտելու բոլորներն են դրանք, երբ ոճրագործն արդեն տեսնում է, որ ամեն ինչ կորավ, բայց դեռ շարունակում է պայքարել, դեռ մտադիր է պայքարել ձեր դեմ: Դրանք այն բոլորներն են, երբ ինքնապահպանման բոլոր ընաղղները միանգամից ոտքի են կանգնում նրա մեջ, և նա, փրկելու համար իր անձը, նայում է ձեզ հարցական ու տառապող մի հայացքով, ծակող մի հայացքով, որոգայթում և ուսումնասիրում է ձեր դեմքը, ձեր մտքերը, սպասում է, թե ո՛ր կողմից եք հարվածելու, և իր սասանվող մտքում հազար ու մի ծրագիր է կազմում վայրկենաբար, բայց և այնուամենայնիվ վախենում է խոսել, վախենում է, որ կմատնի՝ իրեն: Սոսկալի՝ են մարդկային հոգու այդ ստորացուցիչ պահերը, հոգու այդ դեգերումները շարձարանքից շարձարանք, ինքնափրկության այդ անասնական տենչը, և երբեմն նույնիսկ քննիչի էլ սրտում դրանք ահուդող ու կարեկցանք են հարուցում ոճրագործի նկատմամբ: Ե՛վ ահա մենք այդ բոլոր բաներին ականատես եղանք այն ժամանակ:

Սկզբում նա շշմել էր, և իր սոսկումի մեջ մի քանի բառ թոցրեց բերանից, բառեր, որոնք շատ էին մատնում նրան. «Արյո՛ւն: Արժանի՛ եմ»: Բայց իսկույն զսպեց իրեն: Ի՞նչ ասի, ի՞նչ պատասխանի: Դեռ ոչինչ չի պատրաստել, միայն մի բան ունի պատրաստ՝ անհիմն մի ժխտում. «Շորս մահվան մեջ մեղավոր

չեմ»։ Ահա՛ նրա ցանկապատը առժամապես, իսկ այդ ցանկապատի ետև գուցե դեռ մի բան կկառուցի, մի որևէ մարտապատենել։ Մեր տալիք հարցերը կանխելով, նա շտապում է բացատրել իր առաջին մատնող բացականշտությունները և ասում, թե իրեն մեղավոր է նկատում միայն ծառա Գրիգորիի մահվան համար։ «Այդ արյան համար մեղավոր եմ, բայց ո՞վ է սպանել հորս, պարոնայք, ո՞վ է սպանել։ Ո՞վ կարող է սպանած լինել, եթե ես չեմ»։ Լսո՞ւմ եք. մեզ է հարցնում այդ բանը, մեզ, որ եկել ենք այդ նույն հարցը հենց իրեն տալու։ Լսո՞ւմ եք այդ նախատրամադրող պատիկ մի խոսքը՝ «եթե ես չեմ», այդ կենդանական խորամանկությունը, այդ միամտությունն ու կարամագղովյան անհամբերությունը։ Ես չեմ սպանողը, և էլ մտքովդ էլ չանցնի, թե ես եմ։ «Ուզում էի սպանել, պարոնայք, ուզում էի սպանել,— խոստովանում է իսկույն (շտապում է, օ՛, սոսկալի շտապում),— բայց մեղավոր չեմ այնուամենայնիվ, ես չեմ սպանողը»։ Նա զիջողություն է անում մեզ, թե ուզում էր սպանել, այսինքն թե՛ տեսե՛ք որքան անկեղծ եմ, դե ուրեմն իսկույն և եթե հավատացեք, որ ես չեմ սպանողը։ Օ՛, այսպիսի դեպքերում ոճրագործը երբեմն անհավատալիորեն թեթևամիտ ու դուրահավատ է դառնում։ Եվ ահա այդ պահին, իբրև թե բոլորովին պատահականորեն, քննիչը հանկարծ ամենամիամիտ հարցը տվեց նրան. «Բայց արդյոք Սմերդյակովը չե՞ սպանողը»։ Եվ պատահեց այն, ինչ սպասում էինք. նա սոսկալի բարկացավ, որ կանխեցինք իրեն և անակնկալի բերեցինք, երբ ինքը դեռ ժամանակ չէր ունեցել նախապատրաստելու, ընտրելու և որսալու այն վայրկյանը, ուր Սմերդյակովին մեջտեղ հանելն ամենից ավելի հավանական կլիներ։ Ըստ իր բնավորության՝ ուղղակի նետվեց դեպի մյուս ծայրահեղությունը և ինքն սկսեց ամբողջ եռանդով հավատացնել մեզ, թե Սմերդյակովը չէր կարող սպանել, ընդունակ չէ սպանելու։ Բայց մի՛ հավատաք ներան, դա պարզապես նրա խորամանկությունն է. դեռ բնավ բնավ էլ չի հրաժարվում Սմերդյակովից, ընդհակառակը, դեռ մեջտեղ կզցի նրան, որովհետև էլ ո՞ւմ կարող է մեջտեղ գցել, եթե ոչ նրան. բայց մի ուրի՛շ անգամ կանի այդ բանը, որովհետև այդ րոպեին փշացավ գործը։ Գուցե միայն հաջորդ օրը կամ նույնիսկ մի քանի օր հետո մեջտեղ կզցի, գտնելով այն պահը, երբ ի՛նքը կգոռա մեր երեսին. «Տեսնո՞ւմ եք, ես ինքս ձեզնից ավելի էի ժխտում Սմերդյակովի խնդիրը, ինքներդ հի-

շում եք, բայց հիմա ես էլ համոզվեցի, որ նա՛ է սպանել, նա՛ պետք է սպանած լինի»։ Իսկ առայժմ նա ընկրկում է մտալ ու ջղային մի ժխտումով, սակայն ահաբեկությունն ու ցասումը նրան թելադրում են շա՛տ անճարակ ու անճշմարտանման մի բացատրություն տալ, թե ինչպես ինքը հոր պատուհանից ներս է նայել ու պատկառանքով ետ քաշվել պատուհանից։ Խնդիրն այն է, որ նա դեռ չգիտե հանգամանքները, չգիտե, թե ինչ աստիճան կարևոր ցուցմունք է տվել ուշքի եկած Գրիգորին։

Սկսում ենք խուզարկել նրան։ Խուզարկությունը զայրացնում է նրան, բայց և քաջալերում, որովհետև երեք հազարը լըրիվ չգտանք նրա մոտ, գտանք միայն կեսը։ Եվ իհարկե, այդ ցասկոտ լուծության ու ժխտման պահին էր միայն, որ քսակի գաղափարն առաջին անգամ փայլատակեց նրա մտքում։ Անտարակույս, ինքն էլ զգում էր իր հնարած պատմության ամբողջ անհավատալիությունը և տանջվում էր, սոսկալի տանջվում, թե ինչպես ավելի ճշմարտանման դարձնի, այնպես հնարի, որ մի ամբողջ հավաստի վեպ դուրս գա դրանից։ Այդպիսի դեպքերում քննիչների առաջնագույն, ամենագլխավոր խնդիրն է՝ չթողնել, որ պատրաստվի հանցագործը, հանկարծակիի բերել նրան, որպեսզի իր փայփայած մտքերը դուրս տա ամենայն պարզամտությամբ, դրանց սուտը մատնող անհավանականությամբ ու հակասություններով։ Իսկ ստիպելու համար, որ հանցագործը խոսի, կա միայն մեկ հնարավորություն. անակնկալորեն ու կարծես պատահաբար մի որևէ նոր փաստ հայտնել նրան, գործի մի որևէ հանգամանքը, որ վիթխարի կարևորություն ունեցող բան է, բայց որը նա ոչ մի կերպ չէր ենթադրում մինչ այդ և ոչ մի կերպ չէր կարող նախատեսել։ Այդ փաստը պատրաստ էր մեր ձեռքում, օ՛, վաղուց պատրաստ. դա ուշքի եկած Գրիգորիի ցուցմունքն էր բաց դռան մասին, որտեղից դուրս է փախել մեղադրյալը։ Այդ դռան մասին նա բոլորովին մոռացել էր և չէր էլ ենթադրում, որ Գրիգորին կարող է տեսած լինել։ Ազդեցությունը վիթխարի եղավ։ Նա վեր թռավ ու հանկարծ գոռաց. «Ուրեմն Սմերդյակովն է սպանել, Սմերդյակովը», և ահա այդպիսով դուրս տվեց իր փայփայած, իր հիմնական միտքը, դուրս տվեց ավելի անհավանական ձևով, որովհետև Սմերդյակովը կարող էր սպանած լինել միայն այն պահին, երբ մեղադրյալը արդեն տապալել էր Գրիգորիին ու փախել էր։ Իսկ երբ հայտնեցինք նրան, որ Գրիգորին բաց դուռը տեսել է իր ընկնելուց

առաջ, իսկ սենյակից դուրս գալու ընդհանուր լսել է Սմբերդյանովի տնօրենները միջնորմի ետևից, Կարամազովն ուղղակի շախջախվեց: Իմ աշխատակիցը՝ մեր հարգելի ու սրամիտ Նիկոլայ Պարֆյունովիչը հետո ինձ ասաց, որ լալու շափ խղճացել է նրան այդ վայրկյանին: Եվ ահա հենց այդ վայրկյանին էլ, գործը շտկելու համար, նա փութաց պատմել մեզ այդ տխրահուշ քսակի մասին, այսինքն թե՛ է՛հ, թող այդպես լինի, լսեցե՛ք այս պատմությունը:

Պարոնայք ատենակալներ, ես արդեն հայտնեցի ձեզ, թե ինչու այդ քսակի մեջ կարված փողի մտացածին պատմությունը ոչ միայն անհեթեթություն է համարում, այլև ամենից ավելի անհավանական հերյուրանքը, որ կարելի էր հնարել տվյալ պարագային: Եթե նույնիսկ մեկը գրագ գար, որ անհավատալի մի բան կհնարի ու կասի, այդ դեպքում իսկ անկարելի կլիներ ավելի անհավանական մի բան գտնել: Խնդիրն այն է, որ հոխորտացող վիպասանին կարելի է մանրամասնություններով պապանձեցնել ու շախջախել, հենց այն մանրամասնություններով, որոնցով միշտ էլ այնքան հարուստ է իրականությունը, և որոնք, իբր թե որպես աննշան ու ավելորդ մի մանրուք, միշտ էլ անտեսվում են այդ ձախորդ ու ակամա հորինիչների կողմից և նույնիսկ երբեք նրանց մտքով էլ չեն անցնում: Օ՛, այդ ընդհանուր նրանց չեն էլ հետաքրքրում այդ մանրամասնությունները, նրանց միտքը փառահեղ ամբողջությունն է ստեղծում միայն, և մեկ էլ ահա՛ մարդիկ հանդգնում են մի որևէ մանրուք դեմ անել նրանց: Բայց հենց դրանով էլ նրանք բռնվում են: Հարց է տրվում մեղադրյալին. «Լավ, բայց ձեր քսակը կարելու համար որտեղի՞ց բարեհաճեցիք վերցնել կտորը, ո՞վ կարեց ձեզ համար»:— «Ինքս կարեցի»:— «Իսկ կտավը որտեղից բարեհաճեցիք վերցնել»: Մեղադրյալն արդեն վերավորվում է, գրեթե անարգական մի մանրուք է համարում դա իր համար, և անկեղծորեն, անկեղծորեն է վերավորվում, կհավատա՞ք: Բայց նրանք բոլորն էլ այդպես են: «Իմ վերնաշապկից պատռեցի»:— «Շատ լավ: Ուրեմըն վաղն ևեթ ձեր սպիտակեղենի մեջ կգտնենք այդ վերնաշապկից, որից մի կտոր պոկված է»: Եվ նկատի առեք, պարոնայք ատենակալներ, եթե իսկապես գտնեինք այդ վերնաշապկից (և ինչպե՞ս կարելի էր չգտնել նրա ճամպրուկում կամ պահարանում, եթե իրոք այդպիսի մի վերնաշապկի գոյություն ունենար), չէ՞ որ դա մի փաստ կլիներ արդեն, շոշափելի մի փաստ՝ հօգուտ

նրա ցուցմունքի ճշմարտության: Բայց նա չի կարողանում այդ բանն ըմբռնել: «Չեմ հիշում, գուցե վերնաշապկից էր, տանտիրուհու տնային գլխարկի մեջ կարեցի»:— «Ի՞նչ տնային գլխարկ»:— «Նրանից վերցրի, գցել էր մի կողմ, կուլենկորե հին, անպետք մի բան»:— «Եվ հաստա՞տ հիշում եք այդ բանը»:— «Ոչ, հաստատ չեմ հիշում...»: Եվ բարկանում է, բարկանում, այնինչ պատկերացրե՞ք՝ ինչպե՞ս կարելի է չհիշել: Մարդկային կյանքի ամենասարսափելի ընդհանրություն, ասե՛ք երբ մահապատժի են տանում, ահա հենց այդ մանրուքներն են տպավորվում հիշողության մեջ: Մարդը ամեն ինչ կմոռանա, բայց ճանապարհին մի որևէ կանաչ տանիք է տեսել աչքը, կամ էլ խաչի վրա թառած մի ճայակ, և ահա այդ բանը կհիշի: Չէ՞ որ նա, իր քսակը կարելիս, թաքնվում էր տնեցիներից, և նա պետք է հիշեր, թե ի՞նչ ստորացուցիչ կերպով տանջվում էր ասեղը ձեռքին, վախենալով, որ հանկարծ մեկը ներս կմտնի ու անակնկալի կբերի իրեն, և ինչպե՞ս ամեն մի ձայնից վեր էր թռնում ու վազում միջնորմի ետև (նրա բնակարանում միջնորմ կա)... Բայց, պարոնայք ատենակալներ, ինչո՞ւ եմ այս բոլորը ասում ձեզ, բոլոր այս մանրամասնությունները, այս մանրուքները, — բացականչեց հանկարծ Իպոլիտ Կիրիլովիչը:— Այ հենց այն պատճառով, որ մեղադրյալը դեռ մինչև ա՛յս ընդհանուր էլ համոտորեն պնդում է ամբողջ այդ անհեթեթությունը: Ամբողջ այս երկու ամսվա ընթացքում, նրա համար ճակատագրական այդ գիշերից ի վեր, նա ոչինչ չի բացատրել, ոչ մի հավաստի, պարզաբանող հանգամանք չի ավելացրել իր նախկին ցնորական ցուցմունքների վրա. այսինքն թե՛ մանրուքներ են այդ բոլորը, դուք հավատացե՛ք իմ ազնի՛վ խոսքին: Օ՛, մենք սիրով կհավատանք, մենք տենչո՞ւմ ենք հավատալ, թեկուզ և ազնիվ խոսքի՛ն: Ինչ է, մարդկային արյան ծարավի շնագայլի՞ր ենք մենք: Տվե՛ք, ցույց տվե՛ք մեզ գոնե մի հատիկ փաստ հօգուտ մեղադրյալի, և մենք կուրախանանք. բայց թող լինի շոշափելի, իրական փաստ, և ոչ թե մեղադրյալի հարազատ եղբոր եղբակացությունը նրա դեմքի արտահայտությունից կամ էլ այն ենթադրությունը, թե երբ նա իր կուրծքն էր ծեծում՝ անպայման իր այդ քսակն էր ուզում մատնացույց անել, այն էլ մթան մեջ: Մենք կուրախանանք նոր փաստի համար, առաջինը մե՛նք կհրաժարվենք մեր մեղադրանքից, և կփութանք հրաժարվել: Իսկ այժմ արդարությունն է

աղաղակում, և մենք պնդում ենք, մենք ոչ մի բանից հրաժարվել չենք կարող»:

Իպոլիտ Կիրիլովիչն անցավ իր ճառի ավարտին: Տենդի մեջ էր կարծես, աղաղակում էր թափված արյան համար, հայրական արյան, որ թափել էր հայրասպան որդին՝ «կողոպուտի ստոր նպատակով»: Հարապնդորեն մատնացույց էր անում փաստերի ողբերգական ու աղաղակող ամբողջությունը: «Եվ ի՞նչ էլ լսեք իր տաղանդով հուշակված դատապաշտպանից, — չկարողացավ զսպել իրեն Իպոլիտ Կիրիլովիչը, — ինչպիսի՞ պերճաբարբառ ու սրտառու խոսքեր էլ ասվեն այստեղ, ձեր զգայուն լարերի՞ն զարկող խոսքեր, այնուամենայնիվ հիշեցեք, որ այս բույսին դուք գտնվում եք մեր արդարադատության սրբավայրում: Հիշեցե՛ք, որ դուք պաշտպաններն եք մեր արդարության, պաշտպանները մեր սրբազան Ռուսաստանի, նրա հիմունքների, ընտանեկան հարկի, ամենա՛յն սրբության: Այո՛, դուք այստեղ Ռուսաստանն եք ներկայացնում տվյալ պահին, և ձեր դատավրճի որ պիտի հնչի ոչ միայն այս դահլիճում, այլև ամբողջ Ռուսաստանում, և ամբողջ Ռուսաստանը պիտի լսի ձեզ՝ որպես իր պաշտպաններին ու դատավորներին, և ձեր դատավրճի որ պիտի քաջալերի կամ հուսալքի նրան: Արդ՝ մի՛ նահատակեք Ռուսաստանն ու նրա ակրեակալությունները, մեր ճակատագրական տրոյական խոյանում է գլխապատառ, և գուցե դեպի կործանում: Ու վաղուց արդեն, ամբողջ Ռուսաստանում, ձեռքերը մեկնում են և կոչ անում կանգնեցնել այդ կատաղի, այդ անզուսպ արշավը: Եվ եթե ուրիշ ժողովուրդներն առայժմ դեռ մի կողմ են քաշվում և ճամփա տալիս սրարշավ տրոյկային, դա գուցե բոլորովին էլ պատկառանք զգալուց չէ, ինչպես ուզում էր կարծել բանաստեղծը, այլ պարզապես սոսկումից, նկատի առեք այս բանը: Սոսկումից, գուցե նաև նողկանքից, բայց դեռ լավ է այն, որ մի կողմ են քաշվում. մեկ էլ տեսար՝ կղաղարեն մի կողմ քաշվել և ամուր պատի նման դեմ կելնեն խոյացող տեսիլքի առաջ: Իրենք իսկ կկանգնեցնեն մեր սանձարձակության խելագար արշավը, ի խնդիր իրենց սեփական փրկության, լուսավորության ու քաղաքակրթության: Մենք արդեն լսել ենք այդ տագնապալի ձայները Եվրոպայից: Դրանք սկսում են հնչել արդեն: Ուրեմն՝ մի՛ գայթակղեցնեք նրանց, մի՛ կուտակեք նրանց հարածուն ատելությունը այնպիսի մի դատավճռով, որ արդարացի նում է հոր սպանությունը հարազատ որդու ձեռքով...»:

Մի խոսքով, Իպոլիտ Կիրիլովիչը թեև շատ էր տարվել իր փաստարկությանը, բայց այնուամենայնիվ այս ոգեշունչ կոչով ավարտեց իր ճառը, և իրոք, թողած տպավորությունն արտակարգ էր: Ծառը վերջացնելուց հետո շտապ դուրս եկավ և, կրկնում հմ, համարյա ուշաթափվեց մյուս սենյակում: Դահլիճը չէր ծափահարում, բայց լրջամիտ մարդիկ գոհ էին: Միայն տիկինները այնքան էլ գոհ չէին, սակայն նրանց էլ, այնուամենայնիվ, դուր էր եկել նրա պերճախոսությունը, մանավանդ որ դրա հետևանքներից բոլորովին չէին վախենում և ամենայն վստահությամբ սպասում էին Ֆետյուկովիչի ճառին: «Վերջապես նա կսկսի խոսել և անշուշտ բոլորի՞ն կհաղթի»: Բոլորը նայում էին Միտյային. դատախազի ամբողջ ճառի ընթացքում նա լուռ նստել էր, ձեռքերը բռունցք արած, ատամները սեղմած, գլխահակ: Մերթ ընդ մերթ միայն բարձրացնում էր գլուխը և լսում: Մանավանդ երբ խոսքը վերաբերում էր Գրուշենկային: Երբ դատախազը մեջ բերեց Ռակիտինի կարծիքը Գրուշենկայի մասին, Միտյայի դեմքին արհամարհական ու զայրալից մի ժպիտ երևեց, և նա բավական լսելի՛ ձայնով բացականչեց. «Թեոնարեն՝»: Իսկ երբ Իպոլիտ Կիրիլովիչը պատմում էր, թե ինչպես է ինքը հարցաքննել ու տանջել նրան Մոկրոեում, Միտյան զլուխը բարձրացրեց ու լսեց ահռելի հետաքրքրությամբ: Եղավ նույնիսկ մի պահ, երբ նա կարծես ուզում էր վեր թռնել ու մի բան գոռալ, բայց զսպեց իրեն և միայն ուսերը թոթվեց արհամարհանքով: Հետագայում մեր քաղաքի մարդիկ խոսակցության առարկա դարձրին ճառի ավարտական մասը, այսինքն դատախազի քաջագործությունները Մոկրոեում՝ մեղադրյալին հարցաքննելու ժամանակ, և սկսեցին մի թեթև ծիծաղել Իպոլիտ Կիրիլովիչի վրա. «Զկարողացավ համբերել մարդը, պարծեցավ իր ընդունակություններով»:

Նիստն ընդհատվեց, բայց շատ կարճ տևեց ընդմիջումը՝ քառորդ ժամ, առառավելն քսան բույս: Զորս կողմից խոսակցություններ ու բացականչություններ էին լսվում: Ոմանք մնացել են հիշողությանս մեջ:

— Լո՛ւրջ ճառ է, — նկատեց խոժոռադեմ մի պարոն՝ խըմբերից մեկում:

— Շատ հոգեբանություն խաղացրեց, — լսվեց մի ուրիշ ձայն:

— Բայց դե ամեն ինչ ճիշտ էր, անժխտելի՛ ճշմարտություն:

- Այո, դրա վարպետն է:
- Ամեն ինչ ամփոփեց:
- Մե՞զ էլ, մեզ էլ ամփոփեց,— միացավ մի երրորդ ձայն,— ճառի սկզբում, հիշո՞ւմ եք. թե բոլո՞րն էլ Ֆյոդոր Պավլովիչի նման են:
- Վերջում էլ ասաց: Բայց դա փշոց էր:
- Եվ անորոշ բաներ էլ կային:
- Մի քիչ տարվեց մարդը:
- Անարդար էր, անարդար:
- Չէ՛, համենայն դեպս վարպետ բան էր: Երկար սպասում էր մարդը, և ասելիքն ասա՛ց վերջապես, հե-հե՛:
- Տեսնենք դատապաշտպա՞նը ինչ կասի:
- Մի ուրիշ խմբում.
- Բայց պետերբուրգցուն իզուր կպավ հիմա. «ձեր զգայուն լարերի՞ն զարկող», հիշո՞ւմ եք:
- Այո, դա անհարմար բան էր:
- Շտապեց:
- Ջղալին մարդ է:
- Այ մենք ծիծաղում ենք, բայց մեղադրյա՛լն ինչ է զգում:
- Այո՛, ի՞նչ է զգում Միտենկան:
- Է՛հ, տեսնենք դատապաշտպա՞նը ինչ կասի:
- Երրորդ խմբում.
- Այդ ի՞նչ տիկին է, այն հաստը, լորնետով, որ ծայրն է նստել:
- Գեներալի կին է, ամուսնուց բաժանված, գիտեմ նրան:
- Հա՛, հասկացա՞նք ինչի համար է լորնետը:
- Անպետք բան է:
- Չէ՛, ախորժակ է բացում:
- Երկու աթոռ անդին մի շեկլիկ է նստել, ավելի լավիկն է:
- Բայց ինչպե՞ս են նրան հանկարծակիի բերել Մոկրոտեում, հը՞, վարպետություն է, չէ՞:
- Է հա՛, վարպետություն է: Նորի՞ց պատմեց: Արդեն քա-նի՛ անգամ է պատմել սրա-նրա տանը:
- Հիմա նորից չհամբերեց: Ինքնասիրություն:
- Նեղացած մարդ է, հե-հե՛:
- Եվ շուտ էլ նեղացող: Մեկ էլ՝ հոնտորությունը շատ էր, նախադասությունները երկա՛ր:
- Եվ ուզում է վախեցնել, նկատի առեք, անընդհատ ուզում

է վախեցնել: Տրոյկայի մասին հիշո՞ւմ եք: «Նրանք Համլետներ ունեն, իսկ մենք՝ դեռ Կարամազովնե՛ր միայն»: Ճարպիկ խոսք էր:

- Լիբերալիզմին էր խնկարկում: Վախենում է մարդը:
- Եվ դատապաշտպանից էլ է վախենում:
- Այո՛, տեսնենք ինչ կասի պարոն Ֆետուկովիչը:
- Է՛հ, ինչ էլ ասի, մեր այս գյուղացիներին չի կարող տեղից շարժել:
- Կարծո՞ւմ եք:
- Չորրորդ խմբում.
- Բայց տրոյկայի մասին լավ ասաց, չէ՛, այսինքն երբ մյուս ժողովուրդների մասին էր խոսում:
- Եվ ճիշտ է, հիշո՞ւմ ես, երբ ասում է, թե ժողովուրդները շին սպասելու:
- Այսի՞նքն:
- Այ անցյալ շաբաթ անգլիական պառլամենտի մի անդամ վեր է կացել և նիհիլիստների կապակցությամբ հարց է տվել մինիստրությանը՝ արդյոք ժամանակը չէ՞, որ միջամտեն այս բարբարոս ազգի գործերին, այսինքն մեզ բարեկրթեն: Իպո-լիտը նրան էր ակնարկում, գիտեմ, նրան էր ակնարկում: Անցյալ շաբաթ խոսում էր դրա մասին:
- Լեզուն երկար է, ձեռքը կարճ:
- Ո՞ւմ ձեռքը: Ինչո՞ւ կարճ:
- Կփակենք Կրոնշտադտը և ցորեն չենք տա նրանց: Էլ որ-տեղի՞ց կարող են առնել:
- Է՛, Ամերիկայից: Հիմա Ամերիկան է:
- Դատարկ բան ես ասում:
- Բայց զանգը հնչեց, բոլորը վազեցին իրենց տեղերը: Ֆետուկովիչը բարձրացավ ատյան:

X

ԴԱՏԱԳԱՇՏԳԱՆԻ ՃԱԹԸ: ԵՐԿՄԱՅՈՒ ՄԻ ՍՈՒՐ

Նշանավոր հոնտորի առաջին իսկ բառերից կատարյալ լե-ռություն տիրեց: Ամբողջ դահլիճն աչքերը բևեռեց նրան: Չափից ավելի ուղղակի, պարզ և համոզված սկսեց նա, բայց առանց ամենադուրյն գոռոզության: Պերճախոսությամբ, հրայրքոտ շեշ-

տերով կամ հուղաթիւնով բառերով ազդելու նվազագույն փորձն անգամ շարեց: Նման էր մի մարդու, որ սկսում է խոսել համակիրների մտերիմ շրջանակում: Ձայնը գեղեցիկ էր, զորեղ ու հաճելի, և այդ ձայնի մեջ իսկ արդեն անկեղծ ու պարզասիրտ մի բան էր հնչում կարծես: Բայց բոլորն էլ անմիջապես հասկացան, որ հեռուորդ կարող է հանկարծ բարձրանալ մինչև իսկական հրայրքը և «ցնցել սրտերը շտեսնված ուժով»: Խոսում էր գուցե ավելի անկանոն լեզվով, քան Իպոլիտ Կիրիլովիչը, բայց առանց երկար նախադասությունների և նույնիսկ ավելի ճշգրիտ: Մի բան դուր չեկավ տիկիներին. նա անընդհատ առաջ էր ծրուվում մի տեսակ, հատկապես ճառի սկզբում, ոչ թե գլուխ էր տալիս, այլ կարծես ձգտում էր նետվել դեպի իր ունկնդիրները, ընդ որում իր երկար թիկունքի հենց կեսից էր կռանում, կարծես այդ երկար ու բարակ թիկունքի մեջտեղը ծխնի էր դրված, այնպես որ համարյա ուղիղ անկյունով կարող էր թեքվել: Ճառի սկզբում մի տեսակ ցաքուցրիվ էր խոսում, կարծես առանց սիստեմի, փաստերն անշատ-անշատ վերցնելով, բայց վերջ ի վերջո ամբողջություն դուրս եկավ: Նրա ճառը կարելի էր երկու մասի բաժանել. առաջին կեսը քննադատություն էր, մեղադրանքի հերքումը, երբեմն շարախինդ ու հեգնական: Բայց ճառի երկրորդ կեսում հանկարծ փոխեց իր շեշտը և նույնիսկ պաշտպանության եղանակը, և միանգամից բարձրացավ ոգեշունչ հրայրքի, իսկ դահլիճը կարծես սպասում էր այդ բանին և ծայրից ծայր սկսեց թպրտալ հրձվանքից:

Նա ուղղակի մոտեցավ գործին և սկսեց այն բանից, թե իր ասպարեզը Պետերբուրգն է թեև, բայց առաջին անգամը չէ, որ այցելում է Ռուսաստանի քաղաքները՝ մեղադրյալներին պաշտպանելու, բայց այն մեղադրյալներին, որոնց անմեղությանը համոզված է ինքը, և կամ նախազգում է, որ նրանք անմեղ են: «Նույնը պատահեց նաև ներկա դեպքում,— բացատրեց նա:— Լրագրային առաջին թղթակցություններից արդեն նկատեցի մի բան, որ խիստ զարմացրեց ինձ հօգուտ մեղադրյալի: Մի խոսքով, ամենից առաջ ինձ հետաքրքրեց իրավաբանական մի իրողություն, որ թեև հաճախ է կրկնվում դատական առօրյայում, բայց երբեք, ինձ թվում է, չի արտահայտվել այնպիսի լիություն մը ու այնպիսի բնորոշ յուրահատկություններով, ինչպես ներկա գործի մեջ: Այդ իրողությունը պետք է բանաձևեի միայն իմ ճառի վերջում, խոսքս ավարտելու ժամանակ, բայց միտքս արտա-

հայտեմ նաև հենց սկզբից, որովհետև ես թույլութուն ունեմ ուղղակի բուն նյութին անցնելու և տպավորիչ բաները չեմ պահում հետագայի համար, խնայողաբար չեմ օգտագործում: Գուցե անհաշվենկատություն է դա իմ կողմից, բայց գոնե անկեղծ է: Այդ իմ միտքը, այդ իմ բանաձևը հետևյալն է. կա փաստերի ճնշող մի համադրություն մեղադրյալի դեմ, և միաժամանակ չկա մի փաստ, որ դիմանա քննադատության, եթե այդ փաստը քննենք առանձին, ինքն իր մեջ: Այնուհետև որքան հետևում էի այս գործին ըստ իմ լսածների և լրագրային տեղեկությունների, այնքան իմ միտքը հաստատվում էր ավելի ու ավելի, և հանկարծ մեղադրյալի հարազատներից հրավեր ստացա պաշտպանելու նրան: Իսկույն շտապեցի այս քաղաքը և այստեղ արդեն վերջնականապես համոզվեցի: Ահա ուրեմն, փաստերի այդ ահավոր համադրությունը փշրելու և յուրաքանչյուր մեղադրական փաստի անապացույց և ցնորական լինելը ցույց տալու համար էր, որ հանձն առա այս գործի պաշտպանությունը»:

Այսպես սկսեց դատապաշտպանը և հանկարծ բարձրաձայն հայտարարեց.

«Պարոնայք երդվյալ ատենակալներ, ես այստեղ նոր մարդ եմ: Բոլոր տպավորություններն ստացել եմ առանց կանխակալություն: Մեղադրյալը, անզուսպ բնավորությամբ ու սանձարձակ մարդ, ինձ չի վիրավորել նախօրոք, ինչպես որ արել է գուցե հարյուր հոգու այս քաղաքում, որի պատճառով էլ շատերը կանխապես նախատրամադրված են նրա դեմ: Իհարկե, ես էլ գիտակցում եմ, որ այստեղի հասարակության բարոյական զգացումը բորբոքվել է իրավացիորեն, մեղադրյալը անզուսպ է և ապերասան: Եվ սակայն ընդունում էին նրան այստեղի հասարակության մեջ, նույնիսկ մեծատաղանդ մեղադրողի ընտանիքում նա փայփայված անձ էր: (Nota bene: Այս խոսքի վրա երկու-երեք ծիծաղ լավեց դահլիճում, ու թեև ծիծաղողներն անմիջապես զսպեցին իրենց, բայց բոլորն էլ նկատեցին դա: Մեր քաղաքում բոլորին հայտնի էր, որ դատախազը Միտլային ընդունում էր իր կամքին հակառակ, լոկ այն պատճառով, որ նրան, շգիտես ինչու, հետաքրքրական մարդ էր համարում իր կինը՝ վերին աստիճանի առաքինի ու պատվավոր, բայց ցնորքներով տարված ու քմահաճ մի տիկին, որ սիրում էր որոշ դեպքերում հակադրվել իր ամուսնուն, առավելապես մանրուքների մեջ: Ի միջի այլոց, Միտլայն բավական հազվադեպ էր այցելում

նրանց տունը): Բայց այնուամենայնիվ համարձակվում եմ ենթադրել, — շարունակեց դատապաշտպանը, — որ նույնիսկ իմ ընդդիմախոսի նման մի մարդ, որ անկախ մտքի և արդար բնավորության տեր է, կարող էր ինչ-որ կանխակալ ու սխալ կարծիք կազմած լինել իմ դժբախտ պաշտպանյալի հանդեպ: Օ՛, դա այնքան բնական է. դժբախտ երիտասարդը ամեն ինչ արել է, որ արժանանա նույնիսկ կանխակալ վերաբերմունքի: Իսկ բարոյական զգացումը և առավել ևս գեղասիրական զգացումը եթե վիրավորվում է, երբեմն անողոք է դառնում: Իհարկե, մեղադրական մեծատաղանդ ճառում բոլորս էլ լսեցինք մեղադրյալի բնավորության ու արարքների խստապահանջ վերլուծությունը, քննադատական խստապահանջ վերաբերմունք տեսանք գործի նկատմամբ. և մանավանդ՝ հոգեբանական այնպիսի խորություններ ի ցույց դրվեցին գործի էությունը բացատրելու համար, որ անհնար կլինեք թափանցել այդ խորությունների մեջ, եթե իմ ընդդիմախոսը որևէ շահով դիտավորյալ ու շարամտորեն կանխակալ վերաբերմունք ունենար մեղադրյալի անձի նկատմամբ: Բայց կան բաներ, որ նույնիսկ ավելի վատ, ավելի կործանարար են նման դեպքերում, քան ամենաշարամիտ ու դիտավորյալ վերաբերմունքը գործի հանդեպ: Այսինքն՝ եթե տարվում ենք, օրինակ, այսպես ասած մի որոշ գեղարվեստական խաղով, և մեզ տիրում է գեղարվեստական ստեղծագործության, այսպես ասած վեպ ստեղծելու պահանջը, մանավանդ երբ աստված մեզ առատորեն օժտել է հոգեբանական ձիրքերով: Դեռ Պետրբուրգում, երբ դեռ նոր էի պատրաստվում գալ այստեղ, ինձ նախազգուշացրին, և արդեն ինքս էլ գիտեի առանց որևէ նախազգուշացման, թե այս քաղաքում իմ ընդդիմախոսն է լինելու մի խորաթափանց ու շատ նրբամիտ հոգեբան, որն իր այդ հատկությամբ վաղուց արդեն մի յուրահատուկ հռչակ է ձեռք բերել մեր դեռ երիտասարդ իրավաբանական աշխարհում: Բայց դե հոգեբանությունը, պարոնայք, թեև խորունկ բան է, բայց այնուամենայնիվ նման է երկսայրի սուրբի, որ ա՛յս կողմից էլ է կտրում, ա՛յն կողմից էլ (ծիծաղ դահլիճում):

Օ՛, իհարկե, ներեցեք իմ այս տափակ համեմատությունը: Ես պերճախոսության վարպետ չեմ: Եվ սակայն, ահա մի օրինակ. վերցնում եմ առաջին պատահած կետը իմ ընդդիմախոսի ձառից: Մեղադրյալը, փախչելով գիշերը այգում, մազլցում է ցանկապատի վրա և սանդղոթի հարվածով տապալում ծառային,

որ հանկարծ իր ոտքից էր բռնել: Հետո իսկույն ետ է ցատկում այգու մեջ և ամբողջ հինգ րոպե զբաղվում է տապալված ծերունիով, աշխատելով իմանալ՝ սպանե՞լ է նրան, թե ոչ: Եվ ահա, դատախազը ոչ մի կերպ չի ուղում հավատալ մեղադրյալի այն ցուցմունքին, թե ինքը խղճահարությունից է ետ ցատկել ծերունի Գրիգորիի մոտ: «Ոչ, — ասում է նա, — կարո՞ղ է այդպիսի դյուրազգացություն լինել այդպիսի րոպեին. անբնական է դա, և մեղադրյալը ետ է ցատկել հենց համոզվելու համար՝ արդյոք կենդանի՞ է, թե սպանված է իր շարագործության միակ վկան, ուստի հենց դրանով էլ հաստատել է, որ կատարե՛լ է այդ շարագործությունը, քանի որ չէր կարող որևէ այլ շարժառիթով կամ զգացումով ետ ցատկել այգու մեջ»: Ահա սա հոգեբանություն է. բայց վերցնենք այդ նույն հոգեբանությունը և կիրառենք, միայն թե մյուս կողմից, և արդյունքը ճիշտ նույնքան ճշմարտանման կլինի: Մարդասպանը ետ է ցատկում նախազգուշությունից մղված, որպեսզի համոզվի՝ վկան կենդանի՞ է, թե ոչ, մինչդեռ նա, նույնինքն դատախազի պնդումով, դեռ քիչ առաջ վիթխարի մի հանցանշան է թողել իր սպանած հոր առանձնասենյակում, այսինքն այն պատված ծրարը, որի վրա գրված էր, թե երեք հազար ուրբի է եղել մեջը: «Եթե այդ ծրարը տաներ իր հետ, ամբողջ աշխարհում ոչ ոք չէր իմանա, թե ծրար է գոյություն ունեցել, մեջն էլ փող, և թե ուրեմն մեղադրյալը գողացել է այդ փողը»: Սրանք հենց դատախազի խոսքերն են: Ուրեմն, տեսե՛ք, պարզվում է, որ մի դեպքում խալառ բացակայել է նախազգուշությունը, մարդը գլուխը կորցրել, վախեցել ու փախել է, հանցանշանը թողնելով հատակին, իսկ երբ երկու րոպե հետո մի ուրիշ մարդու է հարվածում և սպանում, իսկույնեթ մեջտեղ է գալիս նախազգուշության ամենաքարսիրտ ու հաշվենկատ զգացումը՝ պատրաստ մեզ ծառայելու: Բայց ենթադրե՛նք, ենթադրենք, թե այդպես է եղել. ասում են՝ հոգեբանության նրբությունն էլ հենց այն է, որ այդպիսի հանգամանքներում մարդը անմիջապես արյունարբու ու սրատես է դառնում կովկասյան արծիվի նման, իսկ հաջորդ րոպեին՝ ողորմելի խլուրդի նման կույր ու երկչու: Բայց եթե ես այնքա՛ն արյունարբու եմ և դաժանորեն հաշվենկատ, որ սպանելուց հետո ետ եմ ցատկել պարզապես նայելու համար, թե արդյոք կենդանի՞ է իմ շարագործության վկան կամ ոչ, ապա ի՞նչ կարիք ունեմ ամբողջ հինգ րոպե այդ իմ նոր զոհով զբաղվելու, և մեկ

էլ դեռ առիթ տալու, որ գուցե ուրիշ վկաներ ելնեն իմ դեմ: Ինչո՞ւ այդ տապալված մարդու գլուխը սրբեմ և թաշկինակս թրջեմ արյունով, այնպես որ հետո այդ թաշկինակն էլ հանցանշան լինի իմ դեմ: Ո՛չ, եթե մարդը այնքա՞ն հաշվենկատ ու քարսիրտ է, ավելի լավ չէ՞ր լինի, որ ետ ցատկելուց հետո ուղղակի նորից ու նորից խփեր տապալված ծառայի գլխին այդ նույն սանդղկով, որպեսզի վերջնականապես սպաներ նրան և, ոչընչացնելով վկային, ամեն մի մտահոգությունից ազատեր իր սիրտը: Եվ, վերջապես, մարդը ետ է ցատկում, որպեսզի ստուգի՝ կենդանի՞ է իր շարագործության վկան, թե ոչ, և նույն բուպեին էլ մի ուրիշ վկա է թողնում արահետի վրա, այսինքն այդ սանդղկովը, որ նա վերցրել է երկու կանանց աչքի առաջ, և որոնք հետո միշտ էլ կարող են ճանաչել այդ սանդղկովը որպես իրենցը և վկայել, թե նա իրենցից է վերցրել այդ իրը: Եվ խնդիրն այն է, որ նա ոչ թե մոռացել է սանդղկովը արահետի վրա, ոչ թե կորցրել է ցրվածության կամ շփոթմունքի հետևանքով, ո՛չ, նա հենց մի կողմ է շարտել իր զենքը, որովհետև սանդղկովը գտել են տասնհինգ քայլ հեռու այնտեղից, ուր ընկել էր Գրիգորին: Հարց է ծագում, ինչո՞ւ է այդպես արել: Այ հենց որովհետև ցավ է զգացել, որ մարդ սպանեց, ծերունի ծառային սպանեց, ուստի և վրդովմունքով, անիծելով շարտել է սանդղկովը, որ սպանության զենք էր դարձել. այլապես ինչո՞ւ պետք է այդպիսի թափով նետեր սանդղկովը: Իսկ եթե նա կարող էր ցավ ու խղճահարություն զգալ այն պատճառով, որ մարդ է սպանել, իհարկե դա նշանակում է, որ հորը չէր սպանել. եթե սպանած լիներ հորը, մի ուրիշի համար ետ չէր ցատկի խղճահարությունից, այդ դեպքում արդեն տարբեր զգացում կունենար, ոչ թե խղճահարության, այլ ինքնափրկության մղումով կգործեր, և դա այդպես է անշուշտ: Ընդհակառակը, կրկնում եմ, վերջնականապես կջախջախեր նրա զանգը, և ոչ թե հինգ բուպե կզբաղվեր նրանով: Խղճահարությունն ու բարի զգացումը նրա սրտում տեղ են գտել հենց այն պատճառով, որ մինչ այդ մաքուր է եղել նրա խիղճը: Ահա ուրեմն, սա արդեն ուրիշ հոգեբանություն է: Դիտմամբ ես ինքս էլ հոգեբանության դիմեցի հիմա, պարոնայք ատենակալներ, որպեսզի ակնառու կերպով ցույց տամ, թե կարելի է ամեն ինչ ապացուցել դրա շնորհիվ: Ամբողջ խնդիրն այն է, թե ով է օգտագործում այդ միջոցը: Հոգեբանությունը ամենալուրջ մարդկանց իսկ տանում է վիպասանության գիրկը,

և դա լինում է բոլորովին ակամայորեն: Ես խոսում եմ ավելորդ հոգեբանության մասին, պարոնայք ատենակալներ, նկատի ունեմ դրա որոշ շարաշահումը»:

Դահլիճում նորից լավեցին հավանություն տվող ծիծաղներ, և նորից դատախազի հասցեին: Ես մանրամասնորեն չեմ մեջբերելու դատապաշտպանի ամբողջ ճառը, միայն մի քանի հատվածներ կվերցնեմ, մի քանի կարևորագույն կետեր:

XI

ՓՈՂ ԶԻ ԵՂԵԼ: ԿՈՂՈՊՈՒՏ ԶԻ ԵՂԵԼ

Դատապաշտպանի ճառում կար մի կետ, որ բոլորին էլ շշմեցրեց. նա լիովին ժխտեց այդ ճակատագրական երեք հազար ուրբու գոյությունը, ուստի և դրանք գողանալու հնարավորությունը:

«Պարոնայք երդվյալ ատենակալներ,— սկսեց դատապաշտպանը,— ամեն մի նոր ու շնախապաշարված մարդու զարմացնում է ներկա գործի մի ամենաբնորոշ հատկությունը, այսինքն այն, որ կա մեղադրանք կողոպուտի համար, և միաժամանակ բացարձակապես անհնար է փաստացիորեն ցույց տալ, թե ինչ է գողացվել: Ասում են, թե փող է գողացվել, այսինքն երեք հազար ուրբուի, բայց թե արդյոք իսկապես գոյություն ունեցե՞լ է այդ գումարը՝ ոչ ոք չգիտե: Մտածեցեք. նախ և առաջ, ինչպե՞ս ենք իմացել, որ եղել է այդ երեք հազար ուրբուի, և ո՞վ է տեսել այդ փողը: Միակ մարդը, որ տեսել է և հավաստել, թե այդ գումարը դրված է եղել մակագրված ծրարի մեջ, ծառա Սմերդյակովին է: Նա ինքն էլ այդ մասին հաղորդել է մեղադրյալին ու նրա եղբորը՝ Իվան Ֆյոդորովիչին, դեռ աղետից առաջ: Օրիորդ Սվետլովային նույնպես իմաց է տրվել: Բայց այս երեք անձներից ոչ ոք իր աչքով չի տեսել փողը, դարձյալ Սմերդյակովին է տեսել միայն: Այստեղ ինքնաբերաբար մի հարց է ծագում. եթե նույնիսկ ճիշտ է, որ եղել է այդ փողը և Սմերդյակովը տեսել է, ապա ե՞րբ է տեսել վերջին անգամ: Իսկ ի՞նչ կասեք, եթե Ֆյոդոր Պավլովիչը հանել է փողը անկողնի տակից ու վերստին դրել իր դրամատուփի մեջ, առանց հայտնելու իր ծառային: Նրկատի ունեցեք, որ փողը, Սմերդյակովի ասելով, դրված է եղել անկողնի տակ, ներքնակի տակ. մեղադրյալը պետք է այդ փողը

դուրս քաշեր ներքնակի տակից, և սակայն անկողինը բոլորովին չի ճմրթվել, մի բան, որ ուշի-ուշով նշված է արձանագրության մեջ: Ինչպե՞ս կարող էր մեղադրյալը բացարձակապես չճմրթել անկողինը, և ավելին՝ ինչպե՞ս կարող էր իր արյունոտ ձեռքերով չկեղտոտել նոփ-նոր ու նուրբ սավանները, որ հատկապես փոել էին այդ անգամ:

Բայց կարող են ասել ինձ. հապա ծրարը, որ ընկել էր հատակին: Այո՞, ահա այդ ծրարի մասին արժե խոսել: Ես մի քիչ զարմացա նույնիսկ, երբ մեծատաղանդ մեղադրողը, խոսելով այդ ծրարի մասին՝ իր ճառի հենց այն հատվածում, ուր նա ցույց էր տալիս անհեթեթությունը այն ենթադրության, թե Սմերդյակովին է սպանել, հանկարծ ի՛նքը (լսո՞ւմ եք, պարոնայք, ինքը անձամբ) հայտարարեց, «Եթե չլիներ այդ ծրարը, չմնար հատակին որպես հանցանշան, եթե գողացողը վերցնեք ու տանեք իր հետ, ամբողջ աշխարհում ոչ ոք չէր իմանա, թե մի ծրար է եղել, մեջն էլ փող, և թե ուրեմն մեղադրյալը գողացել է այդ փողը»: Այսպես ուրեմն, հենց դատախազի իսկ խոստովանությամբ, իմ պաշտպանյալի վրա կողոպուտի մեղադրանք բարդելու միակ հիմքը եղել է այդ թղթի պատոված կտորը, որի վրա մակագրություն կա. «այսպես ոչ ոք չէր իմանա, թե կողոպուտ է եղել, գուցե նույնիսկ չէին իմանա, թե փող է եղել»: Բայց մի՞թե լոկ այն փաստը, որ թղթի այդ կտորը ընկած էր հատակին, կարող է ապացույց լինել, թե փող կար դրա մեջ և թե այդ փողը գողացվել է: «Բայց չէ՞ որ Սմերդյակովը տեսել է փողը ծրարի մեջ», — կպատասխանեն ինձ: Սակայն ե՞րբ, ե՞րբ է նա վերջին անգամ տեսել, ահա ա՛յս եմ հարցնում ձեզ: Ես խոսեցի Սմերդյակովի հետ, և նա ինձ ասաց, թե տեսել է աղետից երկու օր առաջ: Իսկ ինչո՞ւ ես չեմ կարող ենթադրել, օրինակ, այսպիսի մի հանգամանք. ծերունի Ֆյոդոր Պավլովիչը փակվել է տանը, ջղազրդու անհամբերությամբ սպասում է իր սիրեցյալին, ուրիշ անելիք չունի, և հանկարծ նրա խելքին փչում է հանել ծրարը և բանալ: «Ի՞նչ կարիք կա ծրարի, — մտածում է նա, — մեկ էլ տեսար՝ չհավատաց, իսկ եթե երեսուն հատ վարդագույն հարյուրանոցները մի այսպիսի կապոցով ցույց տամ իրեն, միգուցե ավելի ուժեղ ազդի, բերնի ջրերը վազեն»: Եվ ահա նա պատում է ծրարը, փողը հանում, իսկ ծրարը տիրականորեն զցում հատակին, իհարկե

ոչ մի վախ չունենալով, թե հանցանշան է թողնում: Լսեցեք, պարոնայք ատենակալներ, կա՞ մի բան, որ ավելի հավանական լինի, քան այսպիսի ենթադրությունը և այսպիսի փաստը: Ո՞վ ասաց, որ անհնար է դա: Բայց եթե գեթ որևէ նման բան կարող էր տեղի ունենալ, չէ՞ որ այդ դեպքում ինքնըստինքյան չբանում է կողոպուտի մեղադրանքը. փող չի եղել, ուրեմն և կողոպուտ չի եղել: Եթե հատակին ընկած ծրարը կարող է դիտվել որպես հանցանշան, թե փող է եղել դրա մեջ, ապա ինչո՞ւ ես չեմ կարող պնդել հակառակը, այսինքն՝ ծրարը հատակին ընկած էր հենց այն պատճառով, որ արդեն փող չկար դրա մեջ, տերն ինքը նախօրոք հանել էր փողը այնտեղից:

«Այո, — կասեն ինձ, — բայց այդ դեպքում ո՞ւր կորավ փողը, եթե Ֆյոդոր Պավլովիչը ինքն է հանել ծրարից. չէ՞ որ նրա տունը խուզարկելիս չգտանք այդ գումարը»: Նախ և առաջ, փողի մի մասը գտնվել է նրա դրամատուփի մեջ, իսկ երկրորդ՝ նա կարող էր այդ գումարը հանած լինել առավոտյան, նույնիսկ դեռ նախօրոք օրը, այլ կերպ տնօրինելու համար՝ գուցե որևէ մեկին տալու կամ ուղարկելու, և վերջապես կարող էր հիմնովին փոխած լինել իր միտքը, իր գործողությունների ծրագիրը, ընդ որում բոլորովին էլ անհրաժեշտ չգտնելով, որ նախօրոք այդ մասին զեկուցի Սմերդյակովին: Իսկ եթե այսպիսի ենթադրության լոկ հնարավորությունն անգամ գոյություն ունի, ապա ինչպե՞ս կարելի է այնքան համառ կերպով ու հաստատորեն մեղադրել իմ պաշտպանյալին, թե նա կողոպուտի համար սպանություն է կատարել, և թե իսկապես եղել է այդ կողոպուտը: Զէ՞ որ մենք այդպիսով ընկնում ենք վիպասանության գիրկը: Եթե պնդում եք, որ այս կամ այն իրն է գողացվել, պետք է ցույց տաք այդ իրը, կամ էլ գոնե անհերքելիորեն ապացուցեք, որ այդ իրը գոյություն է ունեցել: Իսկ այստեղ ոչ ոք չի էլ տեսել փողը: Վերջերս Պետերբուրգում մի երիտասարդ, համարյա դեռ տղա՝ տասնութ տարեկան, շրջիկ մի մանրավաճառ, օր-ցերեկով լումայափոխի խանութն է մտնում կացինը ձեռքին և արտասովոր, տիպական հանդգնությամբ սպանում է խանութի տիրոջը, հետո հազար հինգ հարյուր ռուբլի է վերցնում ու տանում: Հինգ ժամ հետո ձեռք բերակալվում է, և բացի տասնհինգ ռուբլուց, որ արդեն ծախսել էր, ամբողջ գումարը գտնում են նրա մոտ: Բացի այդ, սպանությունից հետո խանութ վերադարձած գործակատարը ուստիկանությանը հայտնում է ոչ միայն

գողացված գումարի չափը, այլև այն, թե ինչ դրամանիշներից էր բաղկացած, այսինքն քանի հատ վարդագույն բանկնոտ, քանի հատ կապույտ, քանի հատ կարմիր, քանի հատ ոսկեգրամ և ինչ արժողությամբ, և ահա հենց այդ բանկնոտներն ու ոսկեգրամներն էլ հայտնաբերվում են ձերբակալված մարդասպանի մոտ: Ի լրումն ամենայնի, մարդասպանն էլ դրանից հետո լիովին ու անկեղծորեն խոստովանում է, թե ինքը սպանել է իրոք և հենց այդ փողերն է վերցրել ու տարել: Ա՛յ սա ես հանցանշան եմ կոչում, պարոնայք ատենակալներ: Ահա այս պարագային գիտեմ, տեսնում եմ, շոշափում եմ դրամանիշները և չեմ կարող ասել, թե չկա փողը կամ չի եղել:

Այդպե՛ս է արդյոք ներկա դեպքում: Մինչդեռ կյանքի ու մահվան հարց է այստեղ, մարդու ճակատագրի հարցը: «Այո, — կասեն ինձ, — բայց չէ՞ որ նա նույն գիշերը խնջույք է արել, աջ ու ձախ փող է վատնել, նրա մոտ հայտնաբերվել է հազար հինգ հարյուր ռուբլի. որտեղի՞ց է վերցրել այդ փողը»: Բայց հենց այն փաստը, որ ընդամենը հայտնաբերվել է հազար հինգ հարյուր ռուբլի, իսկ գումարի մյուս կեսը ոչ մի կերպ չեն կարողացել գտնել ու հայտնաբերել, հենց այդ փաստն էլ ապացուցում է, որ այդ փողը կարող էր բնավ էլ նույնը չլինել, երբեք դրված չլինել որևէ ծրարի մեջ: Նախնական քննությունը, ժամանակի խստագույն հաշվումներ անելով, մանրամասնորեն տեղեկացել ու ապացուցել է, որ մեղադրյալն աղախինների մոտից դուրս գալով ուղղակի վազել է Պերխոտինի բնակարանը, առանց տուն մտնելու, և առհասարակ ոչ մի տեղ չի մտել: Իսկ հետո շարունակ եղել է մարդկանց մեջ, ուրեմն նա չէր կարող երեք հազարի կեսն առանձնացնել ու պահել քաղաքում մի որևէ տեղ: Ահա հենց այս նկատառումն էլ պատճառ է եղել դատախազի այն ենթադրություն, թե նա փողը թաքցրել է Մոկրոն գյուղում, մի որևէ ճեղքի մեջ: Օ՛, գուցե Ուղոլֆոյի դղյակի նկուղներո՞ւմ է թաքցրել, պարոնայք: Է՛հ, ցնորական չէ՞, վիպական չէ՞ այս ենթադրությունը: Եվ նկատի առեք, եթե միայն ա՛յս մի ենթադրությունն ի չիք դառնա, այսինքն այն, թե փողը թաքցվել է Մոկրոնում, ապա կողոպուտի մեղադրանքն ամբողջությամբ հօդա կցնդի, որովհետև ո՞ւր կորավ այդ դեպքում այդ հազար հինգ հարյուր ռուբլին: Ի՞նչ հրաշքով կարող էր չքանալ այդ փողը, եթե ապացուցված է, որ մեղադրյալը ոչ մի տեղ չի մտել:

Եվ ահա այսպիսի՛ հեքիաթներով պատրաստ ենք կործանելու մարդու կյանքը:

Գուցե ասեն ինձ. «Այնուամենայնիվ նա չէր կարողանում բացատրել, թե որտեղից է վերցրել այն հազար հինգ հարյուրը, որ հայտնաբերվեց նրա մոտ, և բացի այդ՝ բոլորը գիտեին, որ մինչև այդ գիշեր նա փող չուներ»: Իսկ ո՞վ գիտեր այդ բանը: Սակայն մեղադրյալը պարզ ու հաստատ ցուցմունք է տրվել, թե որտեղից է վերցրել այդ փողը, և եթե ուզում եք, պարոնայք երդվյալ ատենակալներ, եթե ուզում եք՝ ոչ մի բան չէր կարող ու չի կարող ավելի հավանական լինել, քան այդ ցուցմունքը, և բացի այդ՝ ոչ մի բան չի կարող ավելի համապատասխան լինել մեղադրյալի բնավորությանը և հոգուն: Դատախազին դուր է եկել իր հյուսած վեպը. այսինքն թե՛ թուլակամ մարդը, որ նախընտրել է վերցնել իր հարսնացուի այնքա՛ն ամոթալի ձևով առաջարկած երեք հազարը, չէր կարող առանձնացնել դրա կեսը և կարել քսակի մեջ, և ընդհակառակը, եթե նույնիսկ կարեր, ապա երկու օրը մեկ պիտի քանդեր քսակը և մի հարյուրանոց դուրս քաշեր այնտեղից, ու այդպիսով վատներ ամբողջ մի ամսվա մեջ: Հիշեցեք, այս բոլորը ասվեց այնպիսի մի շեշտով, որ ոչ մի առարկություն չէր հանդուրժում: Լա՛վ, իսկ եթե բանը բոլորովին ա՛յլ կերպ է եղել. հապա՞ եթե դուք վեպ եք հյուսել և բոլորովին ուրի՛շ մարդու մասին: Այո՛, խնդիրն էլ հենց այն է, ուր դուք ուրի՛շ մարդ եք հնարել: Գուցե առարկեն ինձ. «Վկաներն ասում են, թե նա, աղետից մեկ ամիս առաջ, Մոկրոն գյուղում վատնել է օրիորդ Վերխովցևայի տված ամբողջ այդ երեք հազարը, միանգամից, մի կոպեկի նման, ուրեմն չէր կարող առանձնացնել այդ գումարի կեսը»: Բայց ովքե՞ր են այդ վկաները: Դատարանում արդեն պարզվեց, թե ինչ աստիճան վատահելի են նրանք: Բացի այդ, ուրիշի ձեռքում պատառը միշտ էլ ավելի մեծ է թվում: Եվ վերջապես, այդ վկաներից ոչ մեկը անձամբ չի հաշվել փողը, այլ միայն դատել է իր աչքի չափով: Դե՛հ, վկա Մաքսիմովն էլ ասաց, որ մեղադրյալի ձեռքում քսա՛ն հազար ռուբլի է եղել: Գիտե՞ք ինչ, պարոնայք ատենակալներ, քանի որ հոգեբանությունը երկսայրի սուր է, թույլ տվեք ինձ այստեղ էլ կիրառել դրա մյուս կողմը, և տեսնենք, թե ինչ կստացվի:

Աղետից մեկ ամիս առաջ օրիորդ Վերխովցևան երեք հազար ռուբլի է հանձնում մեղադրյալին՝ փոստով ուղարկելու

համար, սակայն հարց է՝ ճիշտ է արդյոք, որ փողը հանձնը-
վել է այնպիսի ամոթալի ու նվաստացուցիչ ձևով, ինչպես
հայտարարվեց քիչ առաջ: Նույն խնդրի մասին օրիորդ Վեր-
խովցեացի առաջին ցուցմունքը տարբեր էր, բոլորովին տար-
բեր. իսկ երկրորդ ցուցմունքի մեջ գայրույթի, վրիժառուության
ճիշեր լսեցինք միայն, երկար ժամանակ թաքնված ատելու-
թյան ճիշեր: Բայց արդեն լուր այն փաստը, որ վկան իր առա-
ջին ցուցմունքը ճիշտ չի ներկայացրել, մեզ իրավունք է տալիս
եզրակացնելու, որ երկրորդ ցուցմունքն էլ կարող էր ճիշտ
չլինել: Դատախազը «չի ուզում, չի համարձակվում» (իր բա-
ռերն են) շոշափել այդ պատմությունը: Դե լավ, թո՛ղ այդ-
պես լինի, ես էլ չեմ շոշափի, բայց և այնպես ինձ թույլ եմ
տալիս միայն նկատել, որ եթե մի մաքուր ու ազնվաբարո
անձնավորություն, ինչպիսին և է՝ մեծարդար օրիորդ Վերխով-
ցեան անկասկած, եթե այդպիսի մի անձնավորություն, ասում
եմ, իրեն թույլ է տալիս հանկարծ միանգամից, հենց դատա-
բանում, փոխել իր առաջին ցուցմունքը՝ մեղադրյալին խորտա-
կելու բացահայտ նպատակով, ուրեմն պարզ է և այն, որ նրա
այդ ցուցմունքը անկողմնակալ, պաղարյուն կերպով չի տրվել:
Մի՞թե իրավունք չունենք եզրակացնելու, որ վրիժառու կինը
կարող էր չափազանցել շատ բան: Այո, կարող էր հենց չափա-
զանցել այն ամոթն ու նախատինքը, որով ինքը առաջարկել է
այդ փողը: Ընդհակառակը, փողը հենց առաջարկվել է այնպես,
որ դեռ կարելի էր վերցնել, մանավանդ երբ ընդունողը այն-
պիսի թեթևամիտ մարդ է, ինչպես մեր մեղադրյալը: Եվ նա-
մանավանդ, վերցնելու ժամանակ նկատի ունեի, թե շուտով իր
հորից կստանա այն երեք հազարը, որ ըստ հաշվարկի նա գեռ
պարտական էր իրեն: Թեթևամտություն էր դա, բայց հենց իր
թեթևամտության հետևանքով նա հաստատ համոզված էր, որ
հայրը կտա այդ փողը, ինքը կստանա այդ երեք հազար
ոտրլին, և ուրեմն միշտ էլ կարող է փոստով ուղարկել օրիորդ
Վերխովցեացի հանձնած գումարը և փակել իր պարտքը: Սա-
կայն դատախազը ոչ մի կերպ չի ուզում ընդունել, որ նա կարող
էր նույն օրն էլ առանձնացնել իր ստացած փողի կեսը և կարել
քսակի մեջ. «այդպիսի բնավորություն չէ նա, չէր կարող այդ-
պիսի զգացումներ ունենալ»: Բայց չէ՞ որ ինքներդ էիք գոռում,
թե լա՛յն բնավորություն է կարամազովը, ինչներդ էիք գոռում
այն երկու անհատա՛կ խորությունների մասին, որոնց կարթ

է իր հայացքն ուղղել կարամազովը: Կարամազովը հենց այն-
պիսի՝ երկկողմանի բնավորություն է, այնպե՛ս է տարուբերվում
երկու անհատակ խորությունների միջև, որ նույնիսկ խրախ-
ճանքի ամենատանձարձակ պահանջն ունենալով հանդերձ՝ կա-
րող է զսպել իրեն, եթե մի որևէ բան գրավում է նրան մյո՛ւս
կողմից: Իսկ այդ մյուս կողմը սե՛րն է, հենց այն նոր սերը
ահա, որ վառողի նման բռնկվել էր այդ օրերին, և այդ սիրո
համար փող էր պետք. և ավելի էր պետք, օ՛, շատ ավելի, քան
այդ նույն սիրեցյալի հետ խրախճանք անելու համար: Եթե նա
ասի իրեն՝ «Ես քոնն եմ, չեմ ուզում Ֆյոդոր Պավլովիչին», ինքը
պետք է փող ունենա, որ վերցնի ու տանի նրան: Դա ավելի կարե-
վոր է քան խրախճանքը: Կարամազովը կարո՞ղ է այդ բանը չը-
հասկանալ: Հենց դրանով էլ, ա՛յդ մտահոգություններ էլ տառա-
պում էր նա, ուրեմն ի՞նչ անհավատալի բան կա, եթե առանձ-
նացրել է այդ փողը և պահել համենայն դեպս:

Բայց ահա անցնում են օրերը, իսկ Ֆյոդոր Պավլովիչն
այդ երեք հազարը չի տալիս մեղադրյալին. ընդհակառակը,
լուր է հասնում, որ նա որոշել է հենց այդ գումարով էլ հրա-
պուրել նույն այն կնոջը, որին մեղադրյալն էր սիրում: «Եթե
Ֆյոդոր Պավլովիչը շտա,— մտածում է նա,— ուրեմն ես կա-
տերինա Իվանովնայի աչքին գող կդառնամ»: Եվ նրա մեջ միտք
է ծագում, որ այդ նույն հազար հինգ հարյուրը, որ շարունա-
կում էր կրել իր վզին, քսակի մեջ, կգնա ու կդնի օրիորդ Վեր-
խովցեացի առաջ և կասի նրան. «Ես սրիկա եմ, բայց ոչ գող»:
Եվ ահա ուրեմն՝ արդեն կրկնակի պատճառ, որ նա աչքի լույսի
պես պահի այդ հազար հինգ հարյուրը, բոլորովին չբանա փոք-
րիկ քսակը և ամեն անգամ հարյուր ոտրլի չբաշի: Ինչո՞ւ եք
դուք մեղադրյալին զրկում պատվի զգացումից: Չէ՞, կա՞ նրա
մեջ պատվի զգացում. ասենք՝ սխալ, ասենք՝ շատ հաճախ մո-
լորվող, բայց կա՞, կա և կրթի է հասնում, և նա ապացուցել է այդ
բանը: Եվ սակայն գործը ավելի է բարդանում հիմա, խանդի
տանջանքները հասնում են ծայր աստիճանի, և նույն այդ երկու
հարցերը ավելի ու ավելի են շարշարում մեղադրյալի բորբոք-
ված ուղեղը. «Եթե փողը ետ տամ կատերինա Իվանովնային,
ի՞նչ միջոցներով եմ Գրուշենկային տանելու այստեղից»: Եթե նա
այդպես մոլեգնում էր ամբողջ այդ ամսվա ընթացքում, հար-
բում էր ու գազազում գինեաների մեջ, պատճառը գուցե հենց
այն էր, որ դառն էր նրա վիճակը, անտանելի: Այդ երկու հար-

ցերը վերջապես այնքան սրվեցին, որ ի վերջո հուսահատութեան հասցրին նրան: Իր կրտսեր եղբորն ուղարկեց հոր մոտ՝ վերջին անգամ նրանից այդ երեք հազարը խնդրելու, բայց, չսպասելով պատասխանին, անձամբ ներս խուժեց ու հետևանքը եղավ այն, որ ծեծեց ծերունուն վկաների առաջ: Դրանից հետո, ուրեմն, ոչ ոքից այլևս չէր կարող ստանալ, ծեծված հայրը փող չէր տա: Այդ նույն երեկո նա իր կուրծքն է ծեծում, հենց կրծքի վերի մասը, ուր այդ փոքրիկ քսակն էր, և երզվում է եղբորը, թե ինքը միջոցներ ունի սրիկա շինելու, բայց թե այնուամենայնիվ կմնա սրիկա, որովհետև նախատեսում է, որ չի օգտվելու այդ միջոցից, չի ունենալու այդ հոգեկան ուժը, չի ունենալու այդ կամքը: Ինչո՞ւ, ինչո՞ւ դատախազը չի հավատում Ալեքսեյ Կարամազովի ցուցմունքին, որ տրվեց այնքան մաքուր հոգով, այնքան անկեղծորեն, հանպատրաստից ու ճշմարտանման: Եվ ինչո՞ւ, ընդհակառակը, ստիպում է ինձ հավատալ, որ փողը թաքցվել է ինչ-որ մի ճեղքի մեջ, Ուղուֆոյի դղյակի նկուղներում:

Այդ նույն իրիկուն, եղբոր հետ իր խուսակցութիւնից հետո, մեղադրյալը գրում է այն ճակատագրական նամակը, և ահա հենց այդ նամակն էլ ամենազլխավոր, ամենավիթխարի՝ հանցանշանն է, որով իմ պաշտպանյալը մեղադրվում է կողոպուտի մեջ: «Կխնդրեմ բոլոր մարդկանցից, իսկ եթե շտան մարդիկ, կապանեմ հորս և կվերցնեմ նրա ներքնակի տակից, վարդազույն ժապավենով ծրարից, միայն թե Իվանը գնացած լինի»: Սա իբր թե կատարյալ մի ծրագիր է սպանութեան, ուրեմն նա է սպանել: «Կատարվել է գրվածի՝ նման», — բացականչում է մեղադրողը: Բայց, նախ և առաջ, հարբած մարդու նամակ է դա և գրվել է սոսկալի բորբոքված վիճակում. երկրորդ, ծրարի մասին գրում է դարձյալ Սմերդյակովի ասածով, որովհետև հետև ինքը չի տեսել այդ ծրարը. և երրորդ, գրելը գրե՛լ է, բայց կատարե՞լ է արդյոք գրվածի նման, ինչո՞վ կարող եք ապացուցել: Մեղադրյալը վերցրե՞լ է ծրարը բարձի տակից, գտե՞լ է փողը և նույնիսկ այդ փողը գոյութիւն ունե՞ր արդյոք: Եվ վերջապես նա փողի՞ համար է վազել հոր տունը, հիշեցե՞ք, հիշեցե՞ք: Գլխապատառ վազել է՝ ոչ թե կողոպտելու, այլ պարզապես իմանալու համար, թե որտեղ է նա, որտեղ է այդ կինը, որ շարդուփշուր էր արել իր սիրտը: Ուրեմն վազել է ոչ թե ըստ ծրագրի, ոչ թե գրվածի նման, այսինքն ոչ թե կանխամը-

տածված կողոպուտի համար, այլ վազել է հանկարծակի, անակնկալորեն, խանդի՞ց կատաղած: «Այո, — կասեն ինձ, — բայց այնուամենայնիվ, հասնելուց և սպանելուց հետո, փողն էլ է վերցրել»: Բայց դե վերջ ի վերջո հայտնի էլ չէ, սպանե՞լ է արդյոք: Կողոպուտի մեղադրանքը մերժե՞մ եմ վրդովմունքով. չի կարելի մեղադրել կողոպուտի մեջ, եթե չեք կարող որոշակիորեն ցույց տալ, թե հատկապես ի՞նչ է գողացել. սա աքսիոմ է: Բայց դե՞ սպանե՞լ է արդյոք, առա՞նց կողոպուտի էլ սպանե՞լ է արդյոք: Հենց այդ բանը ապացուցված է: Դա էլ մի հեքիաթ չէ՞ արդյոք»:

XII

ԵՎ ՍՊԱՆՈՒԹՅՈՒՆ ԷՆ ՉԻ ԵՂԵԼ

«Ներեցեք, պարոնայք ատենակալներ, մարդկային կյանքի հարց է սա, և պետք է ավելի զգույշ լինել: Մենք լսեցինք դատախազի սեփական խոստովանութիւնը, թե մինչև այսօր իսկ, մինչև դատի օրը, նա տատանվում էր իմ պաշտպանյալին մեղադրել սպանութեան լիակատար կերպով կանխամտածված լինելու մեջ, տատանվում էր մինչև հենց այդ ճակատագրական «հարբած» նամակը, որ այսօր ներկայացվեց դատարանին: «Կատարվել է գրվածի՝ նման»: Բայց դարձյալ կրկնում եմ. նա վազել է այդ կնոջ համար, նրա՛ն փնտրելու, միայն ու միայն իմանալու, թե որտեղ է նա: Այս մեկը անվիճելի փաստ է: Եթե տանը լինեք այդ կինը, մեղադրյալը ոչ մի տեղ չէր վազի, այլ կմնար նրա մոտ և չէր կատարի այն, ինչ խոստացել էր նամակում: Վազել է անակնկալորեն և հանկարծակի, իսկ իր «հարբած» նամակը գուցե բոլորովին էլ չի հիշել այդ պահին: «Սանդղկոթն է վերցրել հետը», — ասում են, և հիշե՞մ եք, թե ինչպե՞ս մի ամբողջ հոգեբանութիւն կառուցեցին այդ մի ոսանդկոթի վրա, այսինքն թե ինչու նա պետք է այդ սանդղկոթը զենքի տեղ ընդունեք, վերցնեք իբրև զենք և այլն, և այլն: Այս առթիվ շատ հասարակ մի միտք է ծագում իմ մեջ. հապա՞ եթե այդ սանդղկոթը աչքի առաջ չլինեք, չլինեք այն դարակի վրա, որտեղից վերցրել է մեղադրյալը, այլ գրված լինեք պահարանում. չէ՞ որ այդ զեպքում մեղադրյալի աչքին չէր ընկնելու այդ իրը, և նա դուրս էր վազելու առանց զենքի, դատարի ձեռքե-

րով, և ահա, գուցե ոչ ոքի չէր սպանելու այդ դեպքում: Ինչպե՞ս ուրեմն կարող եմ եզրակացնել, թե այդ սանդղիթը կանխա-մտութեան ու զենք վերցնելու ապացույց է: Լավ, բայց նա գի-նետեսերում գոռում էր, թե կսպանի հորը, իսկ երկու օր առաջ, այն երեկո, երբ գրեց իր հարբած նամակը, հանգիստ էր և միայն մի առևտրական գործակատարի հետ կովեց գինետանը, որովհետև, իբր թե, «Կարամազովը չէր կարող չկովել»: Իսկ ես դրան կպատասխանեմ, որ եթե նա արդեն մտադրվել էր այդպիսի սպանութիւն կատարել, այն էլ ծրագրով, իր գրածի նման, ապա գործակատարի հետ էլ չէր կովի անկասկած, և գուցե գինետուն էլ չէր գնա բոլորովին, որովհետև այդ-պիսի բան մտադրող անձը լուսթյուն ու մեկուսացում է փնտրում, ձգտում է անհայտանալ, որպեսզի շտեմնեն, որ-պեսզի չլսեն, կարծես ուզում է ասել՝ «Մոռացեք ինձ, եթե կա-րող եք»: և դա՛ ոչ թե միայն հաշվենկատորեն, այլ քննազրով: Պարոնայք ատենակալներ, հոգեբանութիւնը երկսայրի սուր է, և մե՛նք էլ ընդունակ ենք հոգեբանութիւն հասկանալու: Իսկ գալով այն բանին, թե նա ամբողջ մի ամիս գոռոցացել է գի-նետեսերում, է՛հ, քի՛չ են գոռում երեխաները կամ հարբած մար-դիկ, երբ դուրս են գալիս գինետանից կամ կովում են իրար հետ. «Կսպանե՛մ քեզ»: Բայց հո չեն սպանում: Եվ հենց այդ ճակա-տագրական նամակն էլ, է՛հ, հարբած մարդու շղայնութիւն չէ՞ նույնպես, գինետանից ելնողի գոռոցաց չէ՞. «Կսպանե՛մ, բոլո-րիդ էլ կսպանեմ»: Իսկ ինչո՞ւ չէ, ինչո՞ւ չէր կարող այդպես լի-նել: Ինչո՞ւ է այդ նամակը ճակատագրական. ընդհակառակը, ինչո՞ւ չեք ասում, որ ծիծաղելի է: Ա՛յ հենց որովհետև գտնվել է սպանված հոր դիակը, և որովհետև մի վկա տեսել է մեղա-դրյալին այգում, զենքը ձեռքին փախչելիս, և ինքն էլ հարված է ստացել նրանից, ուրեմն ամե՛ն ինչ կատարվել է գրվածի պես, դրա համար էլ նամակը ծիծաղելի չէ, այլ ճակատագրա-կան:

Փա՛ռք աստծո, հասանք բուն կետին. «Քանի որ եղել է այգում, նշանակում է՛ նա է սպանել»: Այդ երկու բառով էլ սպանվում է ամեն ինչ, ամբողջ մեղադրանքը. «քանի որ եղել է, նշանակում է, որ անպայման նա է»: Հապա՞ եթե չի նշանա-կում, թեկուզ և եղել է: Օ՛, համաձայն եմ, որ փաստերի հա-մադրութիւնը, փաստերի զուգարդիպումը բավական պերճախոս է իրօք: Բայց բոլոր այդ փաստերը քննեցե՛ք մեկ առ մեկ,

առանց ազդվելու դրանց համադրութիւնից. ինչո՞ւ, օրինակ, դատախազը չի ուզում ընդունել, որ կարող է ճշմարիտ լինել մեղադրյալի այն ցուցմունքը, թե ինքը թողել ու վազելով հե-ռացել է հոր պատուհանից: Հիշեցե՛ք նույնիսկ այն հեգնական արտահայտութիւնները, որ արեց դատախազն այս կետում, նկատի ունենալով այն ակնածանքն ու «բարեպաշտ» զգաց-մունքները, որ հանկարծ համակել են մարդասպանին: Իսկ եթե իրո՞ք նման մի բան է եղել, այսինքն՝ եթե ոչ ակնածանք, գոնե բարեպաշտ զգացմունքներ: «Երևի այդ րոպեին մայրս բարեխօս եղավ ինձ համար»,— ասում է մեղադրյալը նախնական քըն-նութեան ժամանակ. և ահա ուրեմն, հենց որ համոզվել է, թե Սվետլովան իր հոր տանը չէ, անմիջապես թողել ու փախել է: «Բայց նա չէր կարող պատուհանից նայելով համոզվել»,— առարկում է մեզ դատախազը: Իսկ ինչո՞ւ չէր կարող: Չէ՞ որ պատուհանը բացվել է մեղադրյալի տված նշանների վրա: Այդ վայրկյանին մի որևէ բառ կարող էր թռնել Ֆյոդոր Պավլովիչի բերանից, մի որևէ բացականչութիւն, և մեղադրյալը կարող էր հանկարծ համոզվել, որ Սվետլովան այնտեղ չէ: Ինչո՞ւ ան-պայման պետք է ենթադրենք այնպես, ինչպես մենք ենք երե-վակայում, ինչպես մտադրել ենք երեակայել: Իրականութեան մեջ հազար ու մի բան կարող է վայրկենապես պատահել ու անցնել, այնպիսի բաներ, որ խուսափում են ամենանուրբ վի-պասանի աչքից: «Այո, բայց Գրիգորին դուռը բաց է տեսել, ուրեմն մեղադրյալը հաստատապես եղել է տան մեջ, ուրեմն և սպանել է»: Այդ դրան մասին, պարոնայք ատենակալներ... Գիտե՞ք ինչ, այդ դրան մասին վկայում է մի հոգի միայն, և սակայն նա ինքն էլ այդ րոպեին գտնվել է այնպիսի վիճակում, որ... Բայց լավ, լավ, ասենք թե դուռը բաց է եղել, ասենք թե մեղադրյալը ուրացել է, սուտ է խոսել՝ մղվելով ինքնապաշտ-պանութեան բնազդից, որ այնքա՛ն հասկանալի է նրա վիճա-կում, ասենք թե մտել է, մտել է հոր տունը. է՛հ, հետո՞ ինչ, ինչո՞ւ պետք է ենթադրել, որ եթե մտել է, ուրեմն անպայման սպանել է: Կարող էր ներս խուժել, վազել սենյակից սենյակ, կարող էր դեն հրել հորը, կարող էր նույնիսկ հարվածել հորը, բայց համոզվելուց հետո, որ Սվետլովան այնտեղ չէ, կարող էր դուրս վազել, ուրախանալով, որ այնտեղ չէ իր սիրեցյալը, ուրախանալով, որ դուրս վազեց առանց հորը սպանելու: Եվ երբ, մի րոպե անց, հուզագրգիռ վիճակում Գրիգորիին տապա-

լելուց հետո, անմիջապես ետ է ցատկել նրա մոտ, դա գուցե արել է հենց այն պատճառով, որ ի վիճակի էր մաքուր զգացմունք ունենալու, կարեկցանքի և խղճահարուստության զգացմունք, որովհետև խուսափել էր հորն սպանելու փորձությունից, որովհետև սիրտը մաքուր էր և ուրախություն էր զգում, որ չի սպանել հորը:

Դատախազը սարսուղոզեցիկ պերճախոսությամբ նկարագրեց մեղադրյալի ահալոր հոգեվիճակը Մոկրոն գյուղում, երբ սիրո երջանկությունը նորից բացվել էր նրա առաջ, կանչելով նրան դեպի նոր կյանք, և երբ նրա համար այլևս անկարելի էր սերը, որովհետև հոր արյունաթաթախ դիակը կար ետևում, իսկ դիակից այն կողմ՝ պատիժը: Եվ սակայն դատախազն այնուամենայնիվ հնարավոր համարեց սերը, և դա բացատրեց ըստ իր առաջ քաշած հոգեբանության. «Հարբած վիճակ, ոճրագործին տանում են մահապատժի, դեռ շատ ժամանակ կա և այլն, և այլն»: Բայց նորից հարց եմ տալիս, ձեր նկարագրածը մի ուրիշ անձնավորություն չէ՞ արդյոք, որին դո՛ւք եք ստեղծել, պարոն դատախազ: Մի՞թե մեղադրյալը այնքան, այնքա՛ն կուպիտ ու անհոգի է, որ այդ պահին կարողանար դեռ մտածել սիրո մասին, դատից խուսափելու մասին, եթե իրոք հոր արյունը լիներ նրա խղճի վրա: Ո՛չ, ոչ ու ո՛չ: Այն ըուպիին, երբ պարզվեց, որ Սվետլովան սիրում է իրեն, կանչում է իրեն, նոր երջանկություն է խոստանում, օ՛, երդվում եմ, նա պետք է կրկնակի, եռակի պահանջ զգար անձնասպան լինելու, և անպայման կսպաներ իրեն, եթե իր հոր դիակը մնացած լիներ իր ետին: Օ ո՛չ, նա չէր մոռանա, թե որտեղ են իր ատրճանակները: Ես գիտեմ մեղադրյալին. նրա բնավորության հետ անհամատեղելի է այն բիրտ, վայրագ անսրտությունը, որ դատախազը վերագրում է նրան: Նա կսպանե՛ր իրեն, դա հաստատ բան է. չի սպանել իրեն, հենց որովհետև «մայրը բարեխոս էր եղել նրա համար» և նրա սիրտը անմեղ էր, հոր արյունը չէր ծանրացել խղճի վրա: Այդ գիշեր, Մոկրոնում, նա տանջվում էր միայն ծերունի Գրիգորիի համար, տոչորվում և աղոթում էր ասածուն, որ ծերունին ուշքի գա ու վեր կենա, որ իր հարվածը մահացու եղած չլինի և ինքը պատիժ չկրի դրա հետևանքով: Ինչո՞ւ չընդունել դեպքերի այսպիսի մեկնաբանությունը: Ի՞նչ հաստատ ապացույց ունեք, որ մեղադրյալը ստում է: «Բայց հոր դիակը, — անմիջապես կասեն մեզ նորից: —

Եթե նա դուրս է վազել, եթե չի սպանել, հապա ո՞վ է սպանել ծերունուն»:

Կրկնում եմ, ահա այս է մեղադրանքի ամբողջ տրամաբանությունը. ո՞վ է սպանել, եթե ոչ նա: Այսինքն թե՛ մարդ չկա նրա տեղը դնելու: Պարոնայք երգվյալ ատենակալներ, այդպե՛ս է արդյոք: Իսկապե՛ս, հենց ուղղակի ուրիշ ոչ ոք չկա: Մենք լսեցինք, թե ինչպես դատախազը մատնեցի վրա թվեց բոլոր նրանց, ովքեր այդ գիշեր եղել են այդ տանը: Հինգ հոգի էին: Նրանցից երեքը, համաձայն եմ, լրիվ անմեղսագրելի են՝ սպանված անձը, ծերունի Գրիգորին և նրա կինը: Մնում են, ուրեմն, մեղադրյալն ու Սմերդյակովը, և ահա դատախազը խանդաբորբոք բացականչում է, թե մեղադրյալը Սմերդյակովին է մատնանշում այն պատճառով, որ ուրիշ ոչ ոքի չի գտնում մատնանշելու, և եթե լիներ մի վեցերորդ անձ, նույնիսկ վեցերորդ անձի ստվերը լիներ, մեղադրյալն ինքը անմիջապես կըհրաժարվեր Սմերդյակովին ամբաստանելուց, ամաչելով դրանից, և այդ վեցերորդի վրա կնետեր հանցանքը: Բայց, պարոնայք ատենակալներ, ինչո՞ւ ես չեմ կարող ճիշտ հակառակ եզրակացության հանգել: Կա երկու հոգի՝ մեղադրյալն ու Սմերդյակովը. ինչո՞ւ չասեմ, որ դուք իմ պաշտպանյալին մեղադրում եք միմիայն այն պատճառով, որ ուրիշ ոչ ոքի չեք գտնում մեղադրելու: Իսկ չեք գտնում լոկ այն պատճառով, որ նախօրոք, բոլորովին կանխակալորեն, Սմերդյակովին բացառել եք ամեն մի կասկածից: Այո, ճիշտ է, Սմերդյակովին ամբաստանում են միայն մեղադրյալը, նրա երկու եղբայրները, Սվետլովան, և ուրիշ ոչ ոք: Բայց չէ՞ որ կա նաև մի այլ ամբաստանություն. կա մի հարց, կա մի կասկած, որ թեև տարտամորեն, բայց խմորվում է հասարակության մեջ, անորոշ մի լուր է պտտվում, զգացվում է, որ մարդիկ մի բան են սպասում: Վերջապես կա նաև փաստերի շատ հատկանշական, թեև, ընդունում եմ, անորոշ մի զուգորդություն. նախ և առաջ, ընկնավորության այն նոպան, որ պատահել է հենց աղետի օրը, մի նոպա, որի իսկական լինելը փութաջանորեն պաշտպանեց դատախազը, չգիտես ինչու հարկադրված զգալով: Այնուհետև՝ Սմերդյակովի այս անակնկալ անձնասպանությունը դատի նախօրեին: Եվ հետո՝ մեղադրյալի միջնակ եղբոր նույնքան անակնկալ ցուցմունքը այսօր դատարանում, ցուցմունքը մի մարդու, որ մինչև հիմա հավատում էր, թե իր եղբայրն է մեղավորը, և հանկարծ

փողի մի կապոց բերեց այստեղ ու նույնպես Մամերդյակովի՝ անունը հայտարարեց, որպես իրենց հորն սպանողի: Օ՛, ես լրիվ համոզված եմ դատարանի և դատախազության հետ միասին, որ ի վան Կարամազովը հիվանդ է ու տենդի մեջ, և որ նրա ցուցմունքը իսկապես կարող էր հուսահատ մի փորձ լինել, այն էլ զառանցանքի մեջ ծրագրված մի փորձ՝ փրկելու իր եղբորը, հանցանքը նետելով մեռածի վրա: Բայց և այնպես, նորից Մամերդյակովի անունը տրվեց, նորից կարծես թե առեղծվածային մի բան է զգացվում: Կարծես թե մի բան առկախ է մնացել, պարոնայք ատենակալներ, չի բացատրվել մինչև վերջ: Եվ գուցե դեռ կբացատրվի: Բայց դա թողնենք առայժմ, դա դեռ հետագայի հարց է: Դատարանը քիչ առաջ որոշեց շարունակել նիստը, բայց առայժմ, դեռ ակնկալություններ ունենալով հանդերձ, ես կարող էի մի քանի բան նշել, օրինակ, հանգուցյալ Մամերդյակովի այն բնութագրի մասին, որ այնքան նուրբ ու այնքան տաղանդավոր կերպով ուրվագծեց դատախազը: Սակայն զարմանալով նրա տաղանդի վրա, չեմ կարող լրիվ համաձայն լինել բնութագրի էության հետ:

Ես եղա Մամերդյակովի մոտ, տեսա նրան, խոսեցի հետը. նա ինձ վրա բոլորովին այլ տպավորություն թողեց: Առողջությամբ թույլ էր, ճիշտ է, բայց բնավորությամբ, ոգով՝ ո՛չ, երբեք էլ այն թույլ մարդը չէր, որ նրան տեսնելով եզրակացրել է դատախազը: Եվ մանավանդ՝ երկչոտություն չգտա նրա մեջ, այն երկչոտությունը, որ դատախազն այնքան բծորոշ կերպով նկարագրեց: Իսկ պարզամտություն բոլորովին չկար նրա մեջ, ընդհակառակը, միամտության դիմակի տակ թաքնված սոսկալի կասկածամտություն տեսա, և մի խելք, որ ընդունակ էր շատ բան դիտելու: Օ՛, դատախազը չափազանց պարզամտորեն նրան տկարամիտ է համարել: Ինձ վրա նա միանգամայն որոշակի տպավորություն թողեց. ես հեռացա այն համոզմունքով, որ ուղղակի շարամիտ, չափից դուրս փառասեր, ռիսակալ ու նախանձից այրվող մի արարած է նա: Որոշ տեղեկություններ եմ հավաքել նրա մասին. ատում էր իր ծագումը, ամաչում դրանից և ատամների կրճտոցով էր հիշում, որ «Մամերդյաշայայից է ծնվել»: Անհարգալից էր վերաբերվում ծառա Գրիգորիի և նրա կնոջ հանդեպ, որոնք իր մանկության երախտավորներն են եղել: Անիծում էր Ռուսաստանը և ծիծաղում նրա վրա: Ծրագրում էր գնալ Ֆրանսիա ու դառնալ ֆրանսիացի: Հաճախ ու

շատ էր խոսում այն մասին, թե գնալու համար միջոցներ չունի: Ինձ թվում է, նա ոչ ոքի չէր սիրում, բացի իրենից, և տարօրինակորեն բարձր կարծիք ուներ իր անձի մասին: Բարեկրթությունը տեսնում էր լավ հագուստ, մաքուր կրծագգեստ և փայլուն կոշիկ հագնելու մեջ: Ինքն իրեն համարելով Ֆյոդոր Պավլիչի ապօրինի որդին (և այդ մասին փաստեր կան), նա կարող էր խորշել իր վիճակից, իր տիրոջ օրինական զավակների հետ համեմատած. նրանց՝ ամեն ինչ, իսկ իրեն՝ ոչինչ, նրանց ժառանգություն է հասնում, իսկ ինքը խոհարար է միայն: Պատմեց ինձ, թե ինքը Ֆյոդոր Պավլիչի հետ միասին այդ երեք հազարը դրել է ծրարի մեջ: Նրա համար, իհարկե, ատելի էր այն նպատակը, որին հատկացված էր այդ գումարը. մի գումար, որ իր ապագայի հիմքը կարող էր լինել: Ավելին, նա երեք հազար ուրբի էր տեսել իր աչքով՝ նոփ-նոր, վարդագույն բանկնոտների մի կապոց (այդ մասին ես դիտմամբ հարցրի նրան): Օ՛, նախանձոտ և ինքնասեր մարդուն երբեք էլ մեծ գումար ցույց մի՛ տաք միանգամից. իսկ նա առաջին անգամ էր այդպիսի մի գումար տեսել մեկ մարդու ձեռքում: Վարդագույն կապոցի թողած տպավորությունը կարող էր ախտագին անդրադարձ ունենալ նրա երևակայության մեջ, բայց սկզբում առանց որևէ հետևանքի:

Մեծատաղանդ մեղադրողը արտակարգ նրբությամբ ուրվագծեց բոլոր pro և contra նկատառումները, ցույց տալու համար, թե հնարավոր է արդյոք Մամերդյակովին մեղադրել սպանության մեջ, և հատկապես հարց տվեց մեզ՝ ինչո՞ւ նա պետք է ընկնավորության նոպա կեղծեր: Այո, նա կարող էր բոլորովին էլ կեղծած չլինել, նոպան կարող էր գալ շատ բնականորեն, բայց չէ՞ որ կարող էր և անցնե՞լ շատ բնականորեն, բայց չէ՞ որ կարող էր և անցնե՞լ շատ բնականորեն, և հիվանդը կարող էր ուշքի գալ: Ասենք, ոչ թե լրիվ առողջանալ, բայց համենայն դեպս աչքերը բանալ այս կամ այն բույսին և ուշքի գալ, ինչպես որ լինում է ընկնավորության դեպքում: Մեղադրողը հարց է տալիս. ո՞րն է այն բույսն, ուր Մամերդյակովը կատարել է սպանությունը: Բայց այդ բույսն ցույց տալը չափազանց հեշտ է: Նա կարող էր զարթնել խորքից (որովհետև նա քնած էր միայն, ընկնավորության նոպային միշտ էլ խոր քունն է հաջորդում), կարող էր ուշքի գալ հենց այն վայրկյանին, երբ ձեռունի Գրիգորին, փախչող մեղա-

դրյալի ոտքը բռնելով, գոռաց ամբողջ թաղով մեկ. «Հայ-րասպա՛ն»: Հենց այդ անսովոր գոռոցն էլ, լուսթյան ու խա-վարի մեջ, կարող էր արթնացնել Սմերդյակովին, որի քունը այդ ըոպեին կարող էր շատ էլ պինդ շլինել. բնական է, նրա զարթնումը կարող էր սկսած լինել արդեն մի ժամ առաջ: Վեր կենալով անկողնից, նա համարյա անգիտակցորեն և առանց որևէ մտադրության գնում է դեպի գոռոցը՝ տեսնելու, թե ինչ է պատահել: Նրա գլխում դեռ հիվանդագին մշուշ է, գիտակցու-թյունը թմրած, բայց ահա իջնում է այգի, մոտենում է լուսա-վորված պատուհաններին և ահավոր լուրն է լսում իր տիրո-ջից, որն իհարկե ուրախանում է նրան տեսնելով: Գիտակցու-թյունը միանգամից սկսում է աշխատել: Ահաբեկված տիրոջից իմանում է բոլոր մանրամասնությունները: Եվ ահա, հետզհետե, նրա խանգարված ու հիվանդ ուղեղի մեջ գոյանում է մի միտք՝ զարհուրելի, բայց գայթակղիչ և անդիմադրելիորեն տրամաբա-նական. սպանել, վերցնել երեք հազար ռուբլի փողը և հետո ամբողջ մեղքը գցել երիտասարդ Կարամազովի վրա, որովհետև ո՛ւմ վրա կարող են կասկածել հիմա, եթե ոչ երիտասարդ Կա-րամազովի, ո՛ւմ կարող են մեղադրել, եթե ոչ երիտասարդ Կարամազովին. բոլոր հանցանշանները կան, նա եղել է այս-տեղ ու փախել: Փողի, ավարի զարհուրելի տենչը, անպատիժ մնալու գիտակցության հետ, կարող էր շնչակտուր անել նրան:

Օ՛, այդ անակնկալ և անդիմադրելի մղումները այնքա՛ն հա-ճախ են գալիս, երբ հարմար առիթ է լինում. և մանավանդ՝ այդպես անակնկալորեն գալիս են այն մարդասպաններին, ո-րոնք դեռ մի ըոպե առաջ չգիտեին, թե կարող են սպանելու ցանկություն ունենալ: Եվ ահա, Սմերդյակովը կարող էր մտնել տիրոջ մոտ և ի կատար ածել իր ծրագիրը՝ ինչո՞վ, ի՞նչ զեն-քով. է՛հ, այգուց վերցրած որևէ մի քարով: Իսկ ինչո՞ւ, նպա-տա՞կն ինչ էր: Բայց երեք հազա՛րը, չէ՞ որ դա իր ապագայի հիմքը կարող էր լինել:

Օ՛, ես չեմ հասկանում ինձ. փողը կարող էր և գոյություն ունենալ: Եվ գուցե հենց Սմերդյակովը միայն գիտեր, թե որ-տեղ է փողը, որտեղ է պահել իր տերը: «Լավ, բայց պատուված ծրա՛րը, որ ընկել էր հատակին»: Մեղադրողը, խոսելով այդ ծրարի մասին, հայտնեց իր շփազանց նուրբ ենթադրությունը, թե հենց անվարժ գողը միայն կարող էր ծրարը հատակին թող-նել, հենց Կարամազովի նման մեկը, և բնավ երբեք Սմերդյա-

կովը, որ ոչ մի դեպքում այդպիսի հանցանշան չէր թողնի ինքն իր դեմ: Երբ լսում էի այդ ենթադրությունը, պարոնայք ատե-նակալներ, հանկարծ զգացի, որ շփազանց ծանոթ մի բան եմ լսում: Եվ պատկերացրեք, հենց այդ նույն ենթադրությունը, այդ նույն կոահումը, թե Կարամազովն ինչպե՛ս կարող էր վար-վել ծրարի հետ, ուղիղ երկու օր առաջ լսել եմ անձամբ Սմերդ-յակովից: Ավելին, նա նույնիսկ զարմացրեց ինձ դրանով. ինձ թվաց, թե նա միամտություն է կեղծում, կանխում է ինձ, իմ վզին է փաթաթում այդ միտքը, որպեսզի ինքս այդպիսի են-թադրության հանգեմ: Կարծես թե նա հուշում էր այդ բանը ինձ: Արդյոք նա հարցաքննողներին էլ չի՞ հուշել այդ ենթա-դրությունը: Արդյոք մեծատաղանդ մեղադրողի վզին էլ չի՞ փաթաթել նույն բանը:

Կարող են ասել ինձ. «Իսկ պառա՞վը՝ Գրիգորիի կի՞նը: Զե՞ որ նա լսել է, թե ինչպես հիվանդն ամբողջ գիշերը տնքացել է նրա կողքին»: Այո, լսել է, բայց այդ վկայությունը շփազանց խախտ է: Ես ճանաչում էի մի տիկնոջ, որ դառնորեն գան-գատվում էր, թե բակում հաշող մի շնիկ ամբողջ գիշերը արթ-նացրել է իրեն ու չի թողել, որ քնի: Եվ սակայն, ինչպես պարզ-վեց, խեղճ շնիկն ընդամենը երկու-երեք անգամ է հաշել ամ-բողջ գիշերվա ընթացքում: Եվ դա բնական է. մարդը քնում է և հանկարծ տնքոց է լսում, զարթնում է վրդովված, որ իրեն արթնացրին, բայց վայրկենապես քուն է մտնում նորից: Երկու ժամ հետո նորից տնքոց, նորից զարթնում է և նորից քուն մտնում, և վերջապես մի երրորդ տնքոց էլ, նորից երկու ժամ հետո, ընդամենը երեք անգամ՝ ամբողջ գիշերվա մեջ: Մարդը վեր է կենում առավոտյան և գանգատվում, որ մեկը ամբողջ գիշերը տնքում էր և անընդհատ արթնացնում իրեն: Բայց հենց այդպես էլ պետք է թվա նրան. քնած պահերը, յուրաքանչյուրը երկու ժամ տևողությամբ, չի հիշում, այլ հիշում է միայն զարթ-նելու ըոպեները, և ահա նրան թվում է, թե ամբողջ գիշերը արթ-նացրել են իրեն:

Բայց ինչո՞ւ, բացականում է մեղադրողը, ինչո՞ւ Սմերդ-յակովը չի խոստովանել իր թողած երկտողում: «Սխիզը մղել է անձնասպանության, իսկ խոստովանելու համար խիղճ չի՞ ու-նեցել»: Բայց ներեցե՛ք, խիղճը արդեն զղջահարություն է նշա-նակում, իսկ անձնասպանը կարող էր և զղջահարություն չզգալ, այլ միայն հուսահատություն: Հուսահատությունն ու

զղջահարութիւնը բոլորովին տարբեր բաներ են: Հուսահատու-
թիւնը կարող է լինել քինախնդիր ու անհաշտ, և անձնասպանը,
իր կյանքի վրա ձեռք բարձրացնելու պահին, կարող էր կրկնակի
ատել նրանց, ում նախանձում էր իր ամբողջ կյանքում:

Պարոնայք երզվյալ ատենակալներ, զգուշացե՛ք դատական
սխալից: Ի՞նչ, ի՞նչ անհավանական բան կա այս բոլորի մեջ,
որ նկարագրեցի հիմա ու ներկայացրի ձեզ: Գտե՛ք մի սխալ իմ
փաստարկման մեջ, գտե՛ք մի որևէ անկարելի, անհեթեթ բան:
Բայց եթե իմ ենթադրութիւնների մեջ կա գեթ ստով՛բըրը կա-
րելիութեան, գեթ ստովերը հավանականութեան, մի՛ շտապեք դա-
տապարտելու մեղադրյալին: Իսկ միթե ստով՛բ՛ր կա միայն:
Երզվում եմ ամենայն սրբութեամբ, ես լրիվ հավատում եմ
սպանութեան մասին իմ տված մեկնաբանութեան, որ այժմ
պարզեցի ձեր առաջ: Եվ մանավանդ, մանավանդ, ինձ խոտվում
ու վրդովում է հենց այն միտքը, թե փաստերի ամբողջ այն
զանգվածի մեջ, որ դատախազը բարդում է մեղադրյալի վրա,
չկա մի հատիկ ապացույց, որ գեթ որևէ շափով լինի ճշգրիտ
ու անժխտելի, և դժբախտ մարդը կործանվում է՝ պարզապես
այդ փաստերի համադրութեան հետևանքով: Այո, սարսափելի
է այդ համադրութիւնը. արյո՛ւնը, մատներինց կաթող այդ ար-
յո՛ւնը, արյունաթաթախ շապիկը, այդ մու՛թ գիշերը, որ թնդում
է «հայրասպան» աղաղակից, և գոռացող ծերունին, որ ընկ-
նում է ջարդված գլխով, իսկ հետո՝ խոսքերի, ցուցմունքների,
գոռոցոցների այդ ամբողջ կո՛ւլտը, օ՛, այնպես է ազդում
դա, այնպե՛ս կարող է գայթակղեցնել մարդու համոզմունքը,
բայց մի՛թե կարող է ձե՛ր համոզմունքը գայթակղեցնել, ձե՛ր,
պարոնայք երզվյալ ատենակալներ: Հիշեցե՛ք, ձեզ անսահման
իշխանութիւն է տրված, կապելու և արձակելու իշխանութիւ-
նը: Բայց որքան ավելի մեծ է իշխանութիւնը, այնքան ավելի
սոսկալի է կիրառումը դրա: Ես մազաչափ անզամ չեմ նահան-
ջում այն ամենից, որ ասացի հիմա: Բայց դե ենթադրենք. են-
թադրենք, թե ես էլ մի բոպե համաձայն եմ մեղադրողի հետ,
որ իմ դժբախտ պաշտպանյալն իր ձեռքերը ներկել է հոր ար-
յունով: Սա ենթադրութիւն է միայն, կրկնում եմ, ես ոչ մի
վայրկյան չեմ տարակուսում, որ նա անմեղ է, բայց դե թող
այդպես լինի, ենթադրեմ մի պահ, որ իմ պաշտպանյալը մեղա-
վոր է հայրասպանութեան մեջ: Սակայն լսեցե՛ք իմ խոսքը,
նախնիսկ եթե այդպիսի ենթադրութեան էլ անեմ: Սիրոս . ինձ

մղում է մի բան ևս ասել ձեզ, որովհետև ձեր սրտերի ու մըտ-
քերի մեջ էլ մի մեծ պայքար եմ նախազգում... Ներեցե՛ք ինձ,
որ ձեր սրտերի ու մտքերի մասին խոսեցի, պարոնայք երզվյալ
ատենակալներ: Բայց ես ուզում եմ ճշմարտացի ու անկեղծ լի-
նել սկզբից մինչև վերջ: Անկե՛ղծ լինենք բոլորս էլ...»:

Այս կետում դատապաշտպանի ճառն ընդհատվեց բավա-
կան ուժեղ մի ծափահարութեամբ: Իրոք, նա իր վերջին խոս-
քերն այնպիսի անկեղծ հնչող մի շեշտով ասաց, որ բոլորն էլ
զգացին, թե գուցե իսկապես մի ասելիք ունի նա, և թե այն, ինչ
հիմա է ասելու, հենց ամենակարևորն է: Բայց նախագահը, լը-
սելով ծափահարութիւնը, բարձրաձայն սպառնաց «մաքրել»
դատարանի դահլիճը, եթե նորից «նման մի դեպք» կրկնվի:
Լուսթիւն տիրեց, և Ֆետյուկովին սկսեց մի նոր, հուզաթաթափ
ձայնով, որ բոլորովին նման չէր այն ձայնին, որով նա խոսում
էր մինչ այդ:

XIII

ՄՏԵՒ ԱՆԱՌԱՎՈՒԹՅՈՒՆ

«Ոչ միայն փաստերի համադրութիւնն է կործանում իմ
պաշտպանյալին, պարոնայք երզվյալ ատենակալներ,— հայտա-
բարեց նա,— ոչ, իմ պաշտպանյալին իսկապես կործանողը
մե՛կ փաստ է միայն՝ ծերունի հո՛ր դիակը: Հասարակ սպանու-
թիւն լիներ, դուք կմերժեիք մեղադրանքը, նկատի առնելով, որ
փաստերը չնչին են, անապացուցելի, ցնորական՝ եթե դրանցից
ամեն մեկը առանձին քննվի, և ոչ թե բոլորը համադրաբար-
կամ էլ գոնե կվարանեիք մարդու կյանքը կործանել սոսկ նրա
դեմ կանխակալ կարծիք ունենալու հետևանքով, մի կարծիք,
որին նա խիստ արժանի է, ավա՛ղ: Բայց այստեղ ոչ թե հա-
սարակ սպանութիւն է, այլ հայրասպանութիւն: Դա տպավո-
րութիւն է գործում, և այն աստիճան, որ մեղադրական փաս-
տերի հենց չնչին ու անապացույց լինելն անզամ դառնում է
ոչ այնքան չնչին և ոչ այնքան անապացույց՝ նույնիսկ չնախա-
պաշարված մտքի համար: Դե՛հ, ինչպե՛ս արդարացնես այս-
պիսի մեղադրյալին: Հապա՛ եթե իրոք սպանել է, և հանկարծ
անպատիժ մնա. ահա թե ինչ է զգում ամեն մեկն իր սրտում՝
գրեթե ակամա, բնազդորեն: Այո, ահավո՛ր բան է հոր արյունը

թափելը, արյունն այն մարդու, որ ծնել է ինձ, սիրել է ինձ, իր կյանքը չի խնայել ինձ համար, իմ մանկության օրերից շարաշարվել է իմ հիվանդություններով, ամբողջ կյանքում տառապել է իմ երջանկության համար և ապրել է միայն իմ ուրախություններով, իմ հաջողություններով: Օ՛ր, սպանե՛լ այդպիսի հորը. մտածե՛լն իսկ անհնար է:

Պարոնայք ատենակալներ, ի՞նչ է հայրը, իսկական հայրը, ի՞նչ է այդ մեծ բառի նշանակությունը, ի՞նչ է այն սոսկալի մեծ գաղափարը, որ կա այդ անվան մեջ: Դեռ այս բոլորիս նշեցինք մասամբ, թե ինչ է իսկական հայրը և ինչ պետք է լինի իսկ ներկա դատական գործում, որով այնպե՛ս զբաղված ենք հիմա բոլորս, որով այնպե՛ս տանջվում են մեր հոգիները, ներկա դատական գործում՝ հայրը, հանգուցյալ Ֆյոդոր Պավլովիչ Կարամազովը, բնավ չէր համապատասխանում հոր մասին այն հասկացության, որ մեր սիրտը թելադրեց այս բոլորիս: Դժբախտություն է դա: Եվ իսկապես, կան հայրեր, որոնք նման են դժբախտության: Քննենք այդ դժբախտությունն ավելի մոտից. չէ՞ որ մենք, նկատի առնելով առաջիկա որոշման կարևորությունը, ոչ մի բանից չպետք է վախենանք, պարոնայք ատենակալներ: Մենք նույնիսկ հատկապե՛ս չպետք է վախենանք հիմա, և չպետք է, այսպես ասած, մեր ձեռքերը թափահարելով վանենք այս կամ այն գաղափարը, երեխաների կամ վախկոտ կանանց նման, ինչպես ասաց մեծատաղանդ մեղադրողն այդ երջանիկ համեմատությամբ:

Բայց իմ հարգելի ընդդիմախոսը (և նա իմ ընդդիմախոսն էր, երբ ես դեռ իմ առաջին բառն իսկ չէի արտասանել), իմ ընդդիմախոսն իր կրակոտ ճառում մի քանի անգամ բացականչեց. «Ո՛չ, ես չեմ թողնի, որ ուրիշ որե՛է մեկը պաշտպանի մեղադրյալին, ես չեմ զիջի նրա պաշտպանությունը Պետերբուրգից եկած դատապաշտպանին. ես եմ մեղադրողը, ես էլ պաշտպա՛նն եմ»: Ահա այսպես բացահանչեց նա մի քանի անգամ, և սակայն մոռացավ հիշատակել մի բան. եթե այս սարսափելի մեղադրյալը ամբողջ քսաներեք տարի երախտապարտ էր եղել ընդամենը մի ֆունտ կաղինի համար, որ ստացել է այն միակ մարդուց, որն իրեն, որպես երեխայի, փայփայել էր իր հոր տանը, ապա ուրեմն, մյուս կողմից, կարո՞ղ էր այսպիսի մարդը ամբողջ քսաներեք տարվա ընթացքում չհիշել, թե ինչպես ինքը ոտաբորբիկ վազվելում էր իր հոր տան «ետևի բա-

կում, առանց կոշիկների և փոքրիկ տաբատն էլ մի կոճակից կախված», ըստ մարդասեր դոկտոր Հերցենշտուբեի արտահայտություն: Օ՛ պարոնայք ատենակալներ, ինչո՞ւ ավելի մոտից քննենք այդ «դժբախտությունը», ինչո՞ւ կրկնենք այն, ինչ բուրբը գիտե՞ն արդեն: Ի՞նչ է տեսել իմ պաշտպանյալը, երբ եկել է այստեղ՝ իր հոր մոտ: Եվ ինչո՞ւ, ինչո՞ւ իմ պաշտպանյալին ներկայացնել որպես անզգա, եսասեր մի հրեշ: Անզուսպ է նա, վայրի ու մոլեգին, և ահա դրա համար էլ դատում ենք այժմ նրան, բայց ո՞վ է մեղավորը նրա ճակատագրի համար, ո՞ւմ մեղքով է, որ նա լավ հակամենք ու ազնիվ, զգայուն սիրտ ունենալով հանդերձ, այսպիսի անհեթեթ դաստիարակություն է ստացել: Որևէ մեկը խելք սովորեցրե՞լ է նրան, ուսում ստացե՞լ է, լուսավորվե՞լ է նրա միտքը, եղե՞լ է մեկը, որ գեթ մի քիչ սիրեր նրան իր մանկության օրերին: Իմ պաշտպանյալը մեծացել է աստծո խնամքով, այսինքն վայրի գազանի նման: Նա գուցե տեսնում էր տեսնել իր հորը երկար տարիների բաժանումից հետո, և գուցե դրանից էլ առաջ, երազի պես հիշելով իր մանկությունը, հազար անգամ վանել է այն նողկալի ուրվականները, որոնք իր մանկության մղձավանջներն են եղել, և ամբողջ հոգով տենչացել է արդարացնել իր հորը և զրկե՛լ նրան: Եվ ի՞նչ, Որովհետև փողի վեճ կա՝ նրան դիմավորում են միայն ցինիկ հանաքներով, կասկածամտությամբ ու խորամանկություններով. նա լսում է միայն սիրտ խառնող խոսակցություններ ու կենցաղային խենեշ սկզբունքներ, որոնք ասվում են ամեն օր, «կոնյակ խմելիս». և վերջապես տեսնում է մի հոր, որն իր ձեռքից՝ որդու՛ ձեռքից, խլում է սիրունուն, օգտագործելով հենց որդուն պատկանող փողը: Օ՛ պարոնայք ատենակալներ, նողկալի է սա ու դաժան: Ու այդ նույն ծերունին գնում և բուրբին գանգատվում է, թե իր որդին դաժան է ու անհարգալից, վարկաբեկում է իր որդուն հասարակության մեջ, վնասում է նրան, զրպարտում, ձեռք է բերում նրա պարտամուրհակները, որպեսզի բա՛նտ նստեցնի նրան:

Պարոնայք ատենակալներ, շատ հաճախ է լինում, որ իմ պաշտպանյալի նման մարդիկ, որոնք արտաբուստ դաժանասիրտ են, մոլեգին ու անզուսպ, խորքում չափազանց քնքուշ սիրտ են ունենում, միայն թե ցույց չեն տալիս: Մի՛ ծիծաղեք, մի՛ ծիծաղեք իմ այս մտքի վրա: Մեծատաղանդ մեղադրողն անգթորեն ծիծաղում էր իմ պաշտպանյալի վրա քիչ առաջ,

ի ցույց դնելով, թե նա սիրում է Շիլլերին, սիրում է «գեղեցիկն ու վեհը»: Եթե ես նրա տեղը լինեի, մեղադրողի՝ տեղը, չէի ծիծաղի այդ բանի վրա: Այո, այսպիսի սրտեր (օ՛ թույլ տվեք ինձ պաշտպանել այսպիսի սրտերը, որոնց այնքա՛ն հազվադեպ և այնքա՛ն անարդար կերպով են հասկանում), այսպիսի սրտերը շատ հաճախ տենչում են քնքշություն, գեղեցկություն և արգարություն, և տենչում են՝ հենց հակադրվելով կարծես իրենց սեփական անձին, իրենց մոլեգնությանը, իրենց դաժանությանը, տենչում են անգիտակցորեն, և տենչո՞ւմ են հատկապես: Կրքոտ ու դաժան լինելով արտաքուստ, նրանք տանջվելու շափ ընդունակ են սիրելու, օրինակ, մի կնոջ, և անպայման հոգեկան ու բարձրագույն սիրով: Դարձյալ ասում եմ, մի՛ ծիծաղեք ինձ վրա. շատ հաճախ հենց այսպե՛ս են լինում այդպիսի բնավորությունները: Միայն թե չեն կարողանում թաքցնել իրենց կրքերը, որոնք շատ կոպիտ են երբեմն, և ահա դա է, որ աչքի է զարնում, դա է, որ նկատվում է, իսկ մարդու ներսը չեն տեսնում: Սակայն շուտ են հագնում նրանց կրքերը. իսկ ընդհակառակը, ազնիվ ու գեղեցիկ մի էակի կողքին՝ այդ երևութապես կոպիտ ու դաժան մարդը ձգտում է նորոգվել, հնարավորություն է փնտրում ուղղվելու, դառնալու ավելի լավ, լինելու բարձր ու ազնիվ, և այո՛՝ «վեհ ու գեղեցիկ», որքան էլ ծաղրված լինի այդ խոսքը: Քիչ առաջ ասացի, որ չեմ հանդգնի շոշափել իմ պաշտպանյալի պատմությունը օրիորդ Վերխովցևայի հետ: Բայց այնուամենայնիվ կարելի է մի երկու բառ ասել. մենք ոչ թե վկայություն լսեցինք, այլ պարզապես մոլեգնած ու վրեժլուծող մի կնոջ ճիշդ, և նա իրավունք չունեի, օ՛, իրավունք չունեի դավաճանության համար կշտամբել մեղադրյալին, որովհետև նա ի՛նքը դավաճանեց: Եթե գեթ մի քիչ ժամանակ ունենար մտածելու, այդպիսի վկայություն չէր տա: Օ՛, մի՛ հավատաք նրան, ո՛չ, իմ պաշտպանյալը «հրեջ» չէ, ինչպես կոչեց նրան օրիորդը:

Խաշյալ մարդասերն իր խաշելության նախօրեին ասաց. «Ես եմ հովիվն քաջ. քաջ հովիվն իր անձն է դնում ոչխարների համար, որպեսզի ոչ մեկը չկորչի...»: Մենք էլ այնպես անենք, որ չկորչի՞ մարդու հոգին: Ես հարց տվի քիչ առաջ՝ ի՛նչ է հայրը, և բացականչեցի, թե մեծ բառ է դա, թանկագին մի անուն: Սակայն բառը պետք է ազնվորեն գործածել, պարոնայք ատենակալներ ,և ես հանդգնում եմ երևույթը կոչել իր սեփական

բառով, իր սեփական անունով. այնպիսի մի հայր, ինչպիսին էր սպանված ծերունի Կարամազովը, չի կարող հայր կոչվել և արժանի չէ այդ անունին: Անարժան հոր նկատմամբ որդիական սերը անհեթեթություն է, անկարելի բան: Չի կարելի ոչնչից սեր ստեղծել, աստված միայն ոչնչից բան է ստեղծում: «Հայրե՛ր, մի՛ զայրացնեք ձեր որդիներին»,— գրում է առաքյալն իր սիրակեզ սրտից: Ոչ թե իմ պաշտպանյալի սիրույն եմ մեջբերում այս սրբազան բառերը հիմա, ես դրանք հիշատակում եմ բոլո՛ր հայրերի համար: Ո՞վ է ինձ լիազորել, որ ուսուցանեմ հայրերին: Ոչ ոք: Բայց որպես մարդ ու քաղաքացի կոչ եմ անում՝ VIVOS VOVO!՝ Մենք երկար չենք մնում երկրի վրա, մենք անում ենք բազում վատ գործեր և բազում վատ խոսքեր ենք ասում: Ուրեմն բոլորս էլ որսանք մեր համախումբ հաղորդակցության պատեհ՝ րոպեն՝ նաև մի լավ խոսք ասելու համար միմյանց: Այդ եմ անում ես հիմա. քանի այս տեղն եմ բարձրացել, օգտվում եմ իմ րոպեից: Իզուր չէ, որ այս ատենաբեմը շնորհվել է մեզ գերագույն կամոք. ամբողջ Ռուսաստանն է լսում մեզ այստեղից: Ոչ միայն տեղվույս հայրերի համար եմ ասում, այլև ձայն եմ արձակում բոլոր հայրերին. «Հայրե՛ր, մի՛ զայրացնեք ձեր որդիներին»: Այո, նախ ինքներս կատարենք պատգամը Քրիստոսի և հետո՛ միայն հավակնենք պահանջել նաև մեր որդիներից: Այլապես մենք հայրեր չենք, այլ թշնամիները մեր որդիների, և նրանք մեր որդիները չեն, այլ թշնամիները մեր, և մենք ինքնե՛րս ենք նրանց թշնամի դարձրել մեզ համար: «Որով շափով շափեք, շափեսցի ձեզ»: այս արդեն ոչ թե ես եմ ասում, ավետարանի պատգամն է այս՝ շափել այն շափով, որով ձեզ են շափում: Ինչպե՛ս ուրեմն կարող ենք մեղադրել որդիներին, եթե նրանք մեզ շափում են մեր շափով: Վերջերս Ֆինլանդիայում մի աղջիկ, աղախին, կասկածի է ենթարկվում, թե գաղտնորեն երեսա է ծնել: Սկսում են հետևել նրան, և տան ձեզնահարկում, անկյունք, աղյուսների ետև, գտնում են նրա սնդուկը, որի մասին ոչ ոք չգիտեր. բացում են և այնտեղից հանում նրա սպանած նորածին երեխայի դիակը: Նույն սնդուկի մեջ գտնում են նաև կմախքները երկու մանկիկների, որոնց նա ծնել էր դրանից առաջ ու ինքն էլ սպանել էր ծնվելու պահին, և նա խոստովանում է այդ բանը:

1 Կոչ եմ անում ապրողներին (լատ.):

Պարոնայք ատենակալներ, մի՞թե նա մայրն է իր զավակներին: Այո, ծնել է նրանց, բայց արդյոք մա՞յր է նրանց համար: Մեզ- նից որևէ մեկը կհամարձակվի՞ արդյոք «մայր» սրբազան անու- նը տալ նրան:

Համարձակ լինենք, պարոնայք ատենակալներ, հանդուգն լինենք նույնիսկ, մենք նույնիսկ պարտավո՞ր ենք այդպես լինել սույն բոլորին և չվախենալ որոշ խոսքերից ու գաղափարներից, չնմանվել Օստրովսկու պատկերած այն մոսկովացի տիկին- ներին, որոնք վախենում էին որոշ բառերից: Ընդհակառակը, ապացուցենք, որ վերջին տարիների առաջադիմությունը մեր զարգացմանն էլ է նպաստել, և ասենք ուղղակի՞ միայն ծնունդ տալը դեռ հայրություն չէ, այլ հայր է նա, ով ծնունդ է տվել և արժանացել է այդ կոչման: Օ՞, իհարկե, կա նաև «հայր» բառի մյուս նշանակությունը, մյուս մեկնաբանությունը, որ պնդում է՝ թեկուզ և հրեշ լինի քո հայրը, թեկուզ և շարագործ լինի իր երեխաների համար, այնուամենայնիվ նա քո հայրն է մնում, պարզ այն պատճառով, որ ծնունդ է տվել քեզ: Բայց դա արդեն, այսպես ասած, միստիկ նշանակությունն է, որ ես չեմ հասկանում բանականությամբ, այլ կարող եմ ընդունել լոկ հավատքով, կամ ավելի ձիշտ՝ պարզապես հավատ ընծա- յելով, ինչպես որ կան շատ ուրիշ բաներ, որ չեմ հասկանում, բայց կրոնը ինձ պատվիրում է հավատալ դրանց: Բայց այդ պարագային դա թող դուրս մնա իրական կյանքի բնագավա- րից: Իսկ այս բնագավառում, ուր իրական կյանքը ոչ միայն իր իրավունքները ունի, այլև ինքն էլ մեծ պարտականություն- ներ է դնում մեր վրա, այս բնագավառում ուրեմն, եթե ուզում ենք լինել մարդասեր, լինել քրիստոնյա վերջապես, մենք պետք է կենսագործենք և պարտավո՞ր ենք կենսագործել լոկ այն- պիսի համոզմունքներ, որոնք արդարացված են բանականու- թյամբ ու փորձով, որոնք վերլուծության բովով են անցկաց- վել, մի խոսքով՝ պետք է գործենք բանականորեն, և ոչ թե ան- մտաբար, ինչպես երազի ու զառանցանքի մեջ, որպեսզի վնաս չհասցնենք մարդ արարածին, որպեսզի շտանջենք ու չկործա- նենք մարդուն: Ահա այդ դեպքում է, որ դա կլինի իսկական քրիստոնեական գործ, ոչ թե միայն միստիկ, այլև բնական և արդեն ճշմարտապես մարդասիրական գործ...»:

Այս կետում ուժեղ ծափահարություններ պայթեցին դահ- լիճի զանազան մասերից, բայց Ֆետյուկովին իր ձեռքերը թա-

փահարեց, կարծես աղաչելով, որ չընդհատեն իրեն, և թույլ տան վերջացնել իր խոսքը: Դահլիճը լռեց իսկույն: Հոետորը շարունակեց:

«Պարոնայք ատենակալներ, կարծում եք արդյոք, որ մեր զավակները կարող են խուսափել այսպիսի հարցերից, երբ, ասենք, պատանի են դառնում արդեն, երբ սկսում են կշռադա- տել արդեն: Ոչ, չեն կարող, և անկարելի ժուժկալություն չպա- հանջենք նրանցից: Տեսնելով իր անարժան հորը, մանավանդ համեմատելով նրան ուրիշ հայրերի հետ, իր տարեկից ընկեր- ների արժանավոր հայրերի, պատանին տվալուում է տանջա- լից հարցերով, որոնք պկամայրոեն ծնվում են նրա մեջ: Նրա հարցերին պաշտոնական պատասխան են տալիս. «Նա ծնունդ է տվել քեզ, և դու նրա արյունից ես, ուրեմն պետք է սիրես նը- րան»: Պատանին պկամա խորհրդածում է. «Բայց մի՞թե նա սիրում էր ինձ, երբ ծնունդ էր տալիս,— հարցնում է նա, ավե- լի ու ավելի զարմանալով,— միթե ի՞նձ համար էր, որ ծնունդ տվեց ինձ: Այդ բոլորին ոչ ինձ գիտեր նա, ո՞չ էլ նույնիսկ իմ սեռը, տափանքի այդ բոլորին, երբ գուցե գինին էր նրա կիրքը բորբոքել, և գուցե միայն հարբեցողության հակումն է փո- խանցել նա ինձ. ահա այն ամբողջ բարիքը, որ արել է նա... Իսկ ինչո՞ւ ես պետք է սիրեմ նրան. միայն որովհետև ծնո՞ւնդ է տվել ինձ, և որովհետև իմ ամբողջ կյանքում չի՞ սիրել ինձ»: Օ՞, գուցե այս հարցերը կոպիտ ու դաժան են թվում ձեզ, սա- կայն պատանի մտքից անկարելի ժուժկալություն մի՞ պահան- ջեք: «Վտարիք բնությունը դոնից, ներս կթռչի պատուհանից», և մանավանդ, մանավանդ, չվախենանք բառերից և հարցը լու- ծենք այնպես, ինչպես թելադրում են բանականությունն ու մար- դասիրությունը, և ոչ թե այնպես, ինչպես միստիկ հասկացու- թյուններն են թելադրում: Իսկ ինչպե՞ս կարելի է լուծել հարցը: Ահա թե ինչպես. թող որդին կանգնի իր հոր առաջ և խելա- մտորեն հարցնի նրան. «Հայր իմ, ասա՞ ինձ. ինչո՞ւ պետք է սիրեմ քեզ: Հայր իմ, ապացուցի՞ր ինձ, թե ես պետք է սիրեմ քեզ»: Եվ եթե այդ հայրը ի վիճակի լինի ու կարողանա պա- տասխանել և ապացուցել, ուրեմն ահա՞ մի իսկական, բնա- կանոն ընտանիք, որ ոչ թե լոկ միստիկ նախապաշարմունքի վրա է հաստատվում, այլ բանական, ինքնագիտակից և զուտ մարդասիրական հիմունքների վրա: Հակառակ դեպքում, եթե

հայրը շապացուցի, վերջացած իսկույն այդ ընտանիքը. նա հայր չէ որդու համար, և որդին ազատություն ու իրավունք է ստանում այլևս օտար համարելու իր հորը և նույնիսկ թշնամի համարելու: Մեր այս ատենաբանը, պարոնայք ատենակալներ, պետք է ճշմարտության ու առողջ գաղափարների դպրոց լինի»:

Անզուսպ, գրեթե մոլեգին ծափահարություններն ընդհատեցին այստեղ հետորին: Իհարկե, ծափահարում էր ոչ թե ամբողջ դահլիճը, բայց դահլիճի կեսն այնուամենայնիվ ծափահարում էր: Ծափահարում էին հայրերն ու մայրերը: Վերևից, ուր տիկիներն էին նստած, ճիշեր ու բացականչություններ լսվեցին: Թաշկինակներ էին ձոճում: Նախագահն ամբողջ ուժով սկսեց հնչեցնել իր զանգակը: Նա հայտնապես ջղայնացել էր հասարակության վարմունքից, բայց ուղղակի չհամարձակվեց «մաքբել» դահլիճը, ինչպես սպառնացել էր քիչ առաջ. նույնիսկ բարձրաստիճան անձինք, շքանշան-աստղերով զարդարված ծելունիներ, որոնք հատուկ աթոռների վրա նստել էին դատավորների ետևում, ծափահարում էին և թաշկինակներ ձոճում հետորին: Այնպես որ, երբ աղմուկը դադարեց, նախագահը պալատական բավարարվեց կրկնելով իր խստագույն սպառնալիքը, թե «կմաքբի» դահլիճը, իսկ Ֆետյուկովիչը, հաղթական ու հուզված, շարունակեց իր ճառը նորից:

«Պարոնայք երգվյալ ատենակալներ, դուք հիշում եք այն ահավոր գիշերը, որի մասին այնքան շատ խոսվեց այսօր, այն գիշերը, երբ որդին ցանկապատի վրայից մտավ հոր տունը և վերջապես դեմ առ դեմ կանգնեց իր թշնամու, իրեն ծնունդ տված թշնամու և կեղեքիչի հետ: Ամբողջ ուժով պնդում եմ՝ փողի համար չէր, որ նա իր հոր տունը վազեց այդ բոպիին. կողոպուտի մեղադրանքն անհեթեթություն է, ինչպես ցույց տվեցի արդեն: Եվ սպանելու համար չէր, որ ներխուժեց նրա տունը, օ՛ր՛չ. եթե ունենար այդ դիտավորությունը, գոնե նախօրոք զենքի մասին կհոգար, իսկ պղնձ սանդղոթը վերցրեց բնազդորեն, առանց իմանալու, թե ինչու: Ենթադրենք, թե նա խաբեց իր հորը՝ այդ նշանները թխկացնելով, ենթադրենք, թե մտավ հոր մոտ. ասացի արդեն, որ ոչ մի բուպե չեմ հավատում այդ առասպելին, բայց լավ, թող այդպես լինի, ենթադրենք այդ բանը մի բուպե: Պարոնայք ատենակալներ, երգվում եմ ձեզ ամենայն սրբությամբ, եթե իր հայրը չլիներ, այլ կողմնակի մի հակառակորդ, նա կվազեր մի սենյակից մյուսը, կը-

համոզվեր, որ այդ կինը այնտեղ չէ, և գլխապատառ դուրս կխոչանար, ոչ մի վնաս չհասցնելով իր մրցակցին. գուցե հարվածեր նրան, հրեք, բայց այդքան միայն, որովհետև դա չէր նրա մտահոգությունը, ժամանակ շուներ, պետք է իմանար, թե որտեղ է այդ կինը: Բայց հա՛յրն էր, հա՛յրը. իր աչքի առաջ կանգնած էր նա՝ իր մանկության օրերից իրեն ատող այդ մարդը, իր թշնամին, իր կեղեքիչը, իսկ այժմ՝ իր հրեշավոր մրցակիցը. և իր հոր այդ կերպարանքը միայն արեց ամեն ինչ: Ատելության մի զգացում տիրեց նրան ակամա, ահդիմադրելիորեն, մտածելն անհնար էր. մի բուպեում ամեն ինչ ծառայեցավ նրա մեջ: Եվ այնպիսի մի խելագարության աֆեկտ էր դա, բայց և բնության աֆեկտը, բնության, որ անդիմադրելիորեն ու անգիտակցորեն վրեժ է լուծում իր հավիտենական օրենքների ոտնահարման համար, ինչպես ամեն ինչ բնության մեջ: Բայց մարդասպանը այդ դեպքում էլ չսպանեց, ես պնդում եմ այս բանը, գոռո՛ւմ եմ սրա մասին. ո՛չ, նա պարզապես սանդղոթը թափահարեց զայրալից նողկանքով, առանց սպանել ուզելու, առանց գիտենալու, որ կսպանի: Եթե չլիներ այդ ճակատագրական սանդղոթը ձեռքին, գուցե միայն ձեռքեր իր հորը, բայց չէր սպանի նրան: Երբ դուրս վազեց, նա չգիտեր, թե սպանված է ծերունին, որին տապալել էր: Այդպիսի սպանությունը սպանություն չէ: Այդպիսի սպանությունը հայրասպանություն էլ չէ: Ոչ, այդպիսի հոր սպանությունը չի կարող հայրասպանություն կոչվել: Միայն նախապաշարմունքի՝ հետևանքով կարող է այդպիսի սպանությունը համարվել հայրասպանություն: Բայց կրկին ու կրկին կոչ եմ անում ձեզ իմ հոգու խորքից՝ կատարվե՛լ է արդյոք, կատարվե՛լ է իսկապես այդ սպանությունը: Պարոնայք ատենակալներ, եթե մենք դատապարտենք նրան, նա կասի ինքնիրեն. «Այս մարդիկ ոչինչ չեն արել իմ ճակատագրի համար, իմ դաստիարակության, իմ կրթության համար, ոչինչ չեն արել, որ ես ավելի լավ լինեմ, որ ես մարդ դառնամ: Այս մարդիկ ոչ հաց են տվել ինձ, ոչ էլ ջուր, և բանտում էլ չեն այցելել, երբ մերկ ու մենակ էի, և ահա նույն մարդիկ ինձ քսորեցին տաժանակրության: Հաշիվս փակեցի, ես հիմա ոչինչ պարտական չեմ նրանց և ոչ ոքի պարտական չեմ հավիտյանս հավիտենից: Նրանք շար են, ես էլ շար եմ լինելու: Նրանք դաժան են, ես էլ դաժան եմ լինելու»: Ահա՛ թե ինչ կասի նա, պարոնայք ատենակալներ: Եվ

երդվում եմ՝ եթե մեղադրեք նրան, պարզապես կթեթևացնեք նրա վիճակը, նրա խիղճը կթեթևացնեք, նա կանիծի իր թափած արյունը, և ոչ թե կզղջա դրա համար: Միաժամանակ դուք կոչնչացնեք մարդ դառնալու հնարավորությունը նրա մեջ, որովհետև նա իր ամբողջ կյանքում կմնա շար և կույր: Բայց ուզո՞ւմ եք սոսկալի, ահեղ մի պատիժ տալ նրան, ամենասարսափելի պատիժը, որ կարելի է երևակայել, և ուզո՞ւմ եք միաժամանակ փրկել ու վերածնել ընդմիջտ նրա հոգին: Եթե ուզում եք, ապա ընկճեցեք նրան ձեր գթասրտությամբ: Գուք կտեսնեք, դուք կլսեք, թե ինչպես կցնցվի ու կսարսափի նրա հոգին. «Ես կարո՞ղ եմ դիմանալ այս գթասրտության, ես կարո՞ղ եմ դիմանալ այսքան սիրո, ես արժանի՞ եմ միթե սրան»: Ահա այսպե՞ս կբացականչի նա: Օ՛, ես գիտեմ, գիտեմ այդ սիրտը, այդ վայրի, բայց ազնի՛վ սիրտը, պարոնայք ատենակալներ: Այդ սիրտը կխոնարհվի ձեր սխրանքի առաջ, այդ սիրտը ծարավի է սիրո մեծագործության, նա կբոցավառվի և հարություն կառնի ընդմիջտ: Կան հոգիներ, որոնք, իրենց սահմանափակության մեջ ծվարած, մեղադրում են ամբողջ աշխարհը: Բայց խոնարհեցրե՛ք այդպիսի հոգին գթասրտությամբ, սեր ցույց տվե՛ք նրան, և նա կանիծի իր արածը, որովհետև այնքան շատ են բարի սաղմերը նրա մեջ: Հոգին կլախնանա ու կտեսնի, թե որքա՞ն՝ գթասիրտ է աստված և որքա՞ն սքանչելի ու արդար են մարդիկ: Նա կսարսափի, նա կընկճվի զըզջահարությունից և այն անսահման պարտականությունից, որ սպասում է նրան այնուհետև: Եվ նա չի ասի այն ժամանակ՝ «Հաշիվս փակեցի», այլ կասի. «Ես մեղավոր եմ բոլոր մարդկանց առաջ և բոլորից ավելի անարժան եմ»: Ձղջման ու տառապանք խանդաղատանքի արցունքներով կբացականչի նա. «Մարդիկ ավելի լավ են, քան ես, որովհետև ուղեցին ոչ թե կործանել, այլ փրկե՛լ ինձ»: Օ՛, ձեզ համար այնքա՞ն հեշտ է կատարել այդ բանը, գթասրտության այդ արարքը, որովհետև, երբ չկա գեթ մի քիչ ճշմարտանման որևէ ապացույց, ձեզ համար շահագանց ծանր կլինի արտասանել. «Այո, մեղավոր է»: Ավելի լավ է տասը մեղավորի ազատ արձակել, քան պատժել մի անմեղի: Լսո՞ւմ եք, լսո՞ւմ եք այս վսեմ ձայնը մեր փառավոր պատմության անցյալ հարյուրամյակից: Ինձ նման շնչին անձը չէ, որ պիտի հիշեցնի ձեզ, թե ուսական դատարանը ոչ միայն պատժելու համար է, այլև կործանված մարդուն փրկե-

լո՞ւ համար: Թո՞ղ ուրիշ ժողովուրդներ կառնեն տառին ու պատժին, մեզ համար ոգին է կարևոր և իմաստը, կործանվածների փրկությունն ու վերածնունդը: Եվ եթե այդպես է, եթե իրոք այդպիսին են Ռուսաստանն ու նրա արդարադատությունը, ուրեմն՝ օն առա՞ջ Ռուսաստան. և մի՛ վախեցնեք, օ՛, մի՛ վախեցնեք մեզ ձեր կատաղի տրոյականերով, որոնցից նողկալով մի կողմ են քաշվում բոլոր ժողովուրդներն իբր թե: Ոչ թե կատաղի մի տրոյկա, այլ ուսական վեհապանձ շքակառքն է հանգիստ ու հանդիսավոր ընթացքով հասնելու իր նպատակին: Գուք եք տնօրինում իմ պաշտպանյալի ճակատագիրը, դուք եք տնօրինում նաև ճակատագիրը մեր ուսական արդարության: Գուք կփրկեք, դուք կպաշտպանեք մեր արդարությունը, դուք կապացուցեք, որ կա՛ն մեր արդարությունը պահպանող մարդիկ, կապացուցեք, որ դա գտնվում է լա՛վ ձեռքերի մեջ»:

XIV

ԳԵՂՁՈՒԿՆԵՐՆ ԱՄՈՒՐ ՄՆԱՑՈՒ

Այսպես վերջացրեց Ֆետյուկովիչը, և ունկնդիրների ցրնծությունն այս անգամ պայթեց անսանձելի փոթորկի նման: Զսպելու մասին խոսք անգամ չէր կարող լինել. կանայք արտասվում էին, լաց էին լինում նաև տղամարդկանցից շատերը, նույնիսկ երկու բարձրաստիճան անձինք արցունք թափեցին: Նախագահն ստիպվեց ենթարկվել և նույնիսկ հապաղեց հընչեցնել իր զանգակը: «Ուտեճություն անել այդպիսի խանդավառության դեմ՝ ոտնձգություն կլինի սրբության դեմ», — ինչպես գոռում էին հետո մեր քաղաքի տիկիները: Հոնտորն ինքը անկեղծորեն հուզվել էր: Եվ ահա այդպիսի՝ բոպին էր, որ մեր Իպոլիտ Կիրիլովիչը նորից վեր կացավ «առարկություններ փոխանակելու»: Հանկարծ տեսնելով այդ բանը, ատելությամբ նայեցին նրան. «Ի՛նչ: Սա՞ ինչ է: Նա դեռ համարձակվում է առարկե՛լ, նա՞», — սկսեցին բլբալ տիկիները: Բայց եթե նույնիսկ ամբողջ աշխարհի տիկիներն իրենց լեզուները բանեցնեին, և բուն իսկ դատախազի կնոջ զխավորությամբ, անկարելի կլինի նրան ետ կանգնեցնել այդ վայրկյանին: Գունատ էր նա, ցնցվում էր հուզմունքից. առաջին բառերը, առաջին նախադասությունները անհասկանալի էին նույնիսկ. շունչը կը-

տըրվում էր, վատ էր արտասանում, սայթաքում էր: Այնուամենայնիվ, շուտով գտավ իրեն: Բայց միայն մի քանի նախադասություն կբերեմ նրա այդ երկրորդ ճառից:

«...Մեզ հանդիմանում են, որ վեպեր ենք ստեղծել: Իսկ ի՞նչ էր դատապաշտպանի ճառը, եթե ոչ վեպ՝ վեպի վրա: Միայն բանաստեղծությունն էր պակաս: Ֆյոդոր Պավլովիչը, սիրած կնոջն սպասելով, պատում է ծրարը և գցում հատակին: Նույնիսկ մեջ են բերում, թե նա ինչ է ասել այդ զարմանալի բանն անելիս: Բայց ինչ է, պոեմ չէ՞ դա: Եվ ի՞նչ ապացույց կա, որ նա փողը հանել է ծրարից, ո՞վ է լսել, թե ինչ է ասել նա: Տկարամիտ ցավագար Սմերդյակովն այլակերպվում է ինչ-որ բայրոնյան հերոսի, որ իր ապօրինի ծնունդի համար վրեժ է լուծում հասարակությունից. ինչ է, բայրոնյան ճաշակի մի պոեմ չէ՞ սա: Իսկ որդին, որ բռնությունը մտել է հոր տունը, սպանել է նրան, բայց և միաժամանակ չի սպանել, սա վեպ էլ չէ արդեն, պոեմ էլ չէ, սա մի սֆինքս է, որ հանելուկներ է առաջարկում մեզ, բայց անշուշտ ինքն էլ չի կարող լուծել դրանք: Եթե սպանել է, ուրեմն սպանել է. իսկ ի՞նչ է նշանակում՝ եթե սպանել է, ուրեմն չի սպանել. ո՞վ գլուխ կհանի արանից: Այնուհետև հայտարարում են մեզ, թե մեր ատենաբեմը բեմն է ճշմարտության և առողջ հասկացությունների, և ահա «առողջ հասկացությունների» այս բեմից, երգում պատառ լինելով, քարոզում են որպես աքսիոմ, թե հոր սպանությունը հայրասպանություն կոչելը նախապաշարմունք է միայն: Բայց և թե հայրասպանությունը նախապաշարմունք է և և թե ամեն մի երեխա պիտի հարցաքննության ենթարկի իր հորը՝ «Հայր իմ, ինչո՞ւ պիտի սիրեմ քեզ», ապա ի՞նչ կլինի մեր բանը, ի՞նչ կզառնան հասարակության հիմունքները, ո՞ւր կմնա ընտանիքը: Հայրասպանությունը, ուրեմն, հասկանում եք ինչ, մոսկվացի տիկիններին վախեցնող խրտվիլակ-բա՛ռն է պարզապես: Թուսական դատարանի կոչումն ու ապագան երաշխավորող ամենաթանկագին, ամենասրբազան ավանդները մատուցում են մեզ խեղաթյուրված ու թեթևամիտ ձևով, պարզապես իրենց նպատակին հասնելու համար, պարզապես ձեռք բերելու համար արդարացումն այն բանի, որ չի կարելի արդարացնել: Օ՛, ընկճեցեք նրան գթասրտությամբ, բացականչում է դատապաշտպանը. բայց ոճրագործին էլ հենց ա՛յդ է պետք միայն, և վաղն և եթ թուրը կտեսնե՛ն, թե նա ինչպես է ընկճվելու: Եվ

արդյոք չափից ավելի համեստություն չի՞ անում դատապաշտպանը, որ մեղադրյալի արդարացումն է պահանջում միայն: Ինչո՞ւ չպահանջել, որ մի թոշակ հիմնադրվի հայրասպանի անունով, հավերժացնելու համար նրա սխրագործությունը մեր հետոնորդների ու երիտասարդ սերնդի մեջ: Սրբագրվում են ավետարանն ու կրոնը. այդ բոլորը իբր թե միատիկ բաներ են, յուր ական մե՛նք, մե՛նք ենք միայն քարոզում իսկական քրիստոնեությունը, որն արդեն ստուգված է բանականության ու առողջ հասկացությունների վերլուծությամբ: Եվ ահա, մեր առաջ կանգնեցնում են կեղծ նմանությունը Քրիստոսի: «Ուրով չափով չափէ՛ք, չափեսցի ձեզ», բացականչում է դատապաշտպանը և նույն վայրկյանին էլ եզրակացնում է, թե Քրիստոս պատվիրում էր չափել այն չափով, որով ձեզ են չափում. և սա՛՛ ճշմարտության ու առողջ հասկացությունների ատենաբեմի՛ց: Մենք մեր ճառերի նախօրյակին է միայն, որ մի հայացք ենք գցում ավետարանին, որպեսզի փայլե՛նք այդ համենայն դեպս բավական յուրօրինակ երկի ծանոթությամբ, մի երկի, որ կարող է պիտանի լինել ու ծառայել որոշ տպավորություն գործելու համար, ըստ անհրաժեշտության՝, ամե՛ն ինչ անհրաժեշտության չափով: Իսկ Քրիստոս հենց պատվիրում է չանե՛լ այդպես, զգուշանալ այդպես անելուց, որովհետև շար աշխարհն է այդպես անում, իսկ մենք պետք է ներենք և մեր մյուս ծնոտը դարձնենք ապտակողին, և ոչ թե չափենք այն չափով, որով մեզ չափում են մեր կեղեքիչները: Ահա՛ թե ինչ է սովորեցրել մեզ աստվածն մեր, և ոչ թե այն միտքը, թե զավակներին իրենց հոր սպանությունն արգելելը նախապաշարմունք է: Եվ ճշմարտության ու առողջ հասկացությունների այս ամբողջից շրբագրենք ավետարանը մեր աստծո, որին դատապաշտպանը շնորհ է անում կոչել «խաչյալ մարդասեր», ի հակադրության համայն ուղղափառ Ռուսաստանի, որ կոչ է անում նրան՝ «Զի դո՛ւ ես աստված մեր...»:

Այստեղ նախագահը միջամուխ եղավ ու լոնցրեց տաքացած հոնտորին, խնդրելով նրան, որ չչափազանցնի, մնա պատշաճ սահմանների մեջ և այլն, և այլն, ինչպես սովորաբար ասում են նախագահները նման դեպքերում: Եվ դահլիճն էլ անհանգիստ էր արդեն: Հասարակությունը խլրտում էր, նույնիսկ բացականչում վրդովված: Ֆետյուկովիչը շառարկեց անգամ, նա պարզապես ելավ, որպեսզի ձեռքը դնի սրտին և վիրավոր-

ված ձայնով մի քանի խոսք ասի, արժանապատվությամբ լեցուն խոսքեր: Միայն թևթևակի ու հեզնականորեն շոշափեց նորից «վեպերի» և «հոգեբանության» հարցը և, խոսքը տեղը բերելով, ասաց. «Յուպիտե՛ր, բարկանո՛ւմ ես դու, ուրեմն իրավացի չես»: Եվ դրանով հավանության ընդհանուր մի ծիծաղ առաջ բերեց դահլիճում, որովհետև Իպոլիտ Կիրիլովիչը դե բուրո՞վին նման չէր Յուպիտերի: Այնուհետև, անդրադառնալով այն մեղադրանքին, թե ինքը երիտասարդ սերնդին իբր թե թուլատրում է իրենց հայրերին սպանել, Ֆետյուկովիչը խոր արժանապատվությամբ նկատեց, որ ինքը չի էլ պատասխանի դրան: Իսկ գալով «Քրիստոսի կեղծ նմանության» և այն մեղադրանքին, թե ինքը շնորհ չի արել Քրիստոսին աստված կոչել, այլ պարզապես կոչել է «խաշյալ մարդասեր», մի բան, որ ձեռք թե հակառակ է ուղղափառ դավանանքին և չէր կարելի ասել ճշմարտության և առողջ հասկացությունների ատենաբեմից», Ֆետյուկովիչը ակնարկեց, թե դա «սաղրանք» է իր դեմ, և թե ինքը, երբ այստեղ էր գալիս, գոնե այն հույսը ունեի, որ այս դատարանում իր անձը ապահովված կլինի այնպիսի մեղադրանքներից, «որոնք վտանգավոր են իմ անձնավորության համար՝ որպես քաղաքացու և հավատարիմ հպատակի...»: Բայց այդ խոսքերի վրա նախագահը նրան էլ լռեցրեց, և Ֆետյուկովիչը, խոնարհվելով, վերջացրեց իր պատասխանը, մինչ դահլիճն ընդհանուր մի խլրտյունով հավանություն էր տալիս նրան: Իսկ Իպոլիտ Կիրիլովիչը, մեր տիկիներին կարծիքով, «վերջնականապես ջախջախվեց»:

Այնուհետև խոսքը տրվեց նույնինքն մեղադրյալին: Միայն վեր կացավ, բայց քիչ բան ասաց: Սոսկալի հոգնել էր թե՛ մարմնապես, թե՛ հոգեպես: Անկախության և ուժի այն արտահայտությունը, որով նա դահլիճ էր մտել առավոտյան, գրեթե չբացել էր հիմա: Այդ օրվա ընթացքում իր ունեցած ապրումները կարծես ցկյանս իրեն սովորեցրել ու հասկացրել էին մի շատ կարևոր բան, որ մինչ այդ չէր հասկանում ինքը: Չայնը թուլացել էր, այլևս չէր գոտում առաջվա նման: Նրա խոսքերի մեջ մի նոր շեշտ կար, հնազանդված, պարտված ու կռացած մարդու շեշտը:

«Ի՞նչ ասեմ, պարոնայք ատենակալներ: Եկավ իմ դատաստանը, զգում եմ աստծո աջը ինձ վրա: Վերջացա՛վ անառակ մարդը: Բայց ինչպես որ պիտի խոստովանեի աստծո առաջ,

այնպես էլ ասում եմ ձեզ. «Իմ հոր այրան մեջ՝ ո՛չ, մեղք չունե՛մ»: Վերջին անգամ կրկնում եմ՝ «Ես չեմ սպանողը»: Անառակ էի, բայց սիրում էի բարին: Ամեն թույլ ձգտում էի ուղղվել, բայց ապրում էի վայրի գազանի նման: Շնորհակալ եմ դատախազից, նա ինձ շատ բան ասաց իմ մասին, որ ես չգիտեի. բայց ճիշտ չէ՛, որ սպանել եմ հորս, սխալվեց դատախազը: Շնորհակալ եմ նաև դատապաշտպանից, լաց էի լինում, երբ լսում էի նրան. բայց ճիշտ չէ՛, որ սպանել եմ հորս, ենթադրել անգամ պետք չէր: Իսկ բժիշկներին մի՛ հավատաք, միտքս կատարելապես առողջ է, միայն թե սիրտս է ծանր: Եթե խնայեք, եթե ազատ արձակեք, կաղոթեմ ձեզ համար: Ավելի լավ մարդ կդառնամ, խոսք եմ տալիս, աստծո առաջ խոսք եմ տալիս ձեզ: Իսկ եթե դատապարտեք, ի՞նքս կկոտրեմ սուրբ իմ գլխի վերև, իսկ կոտրելուց հետո կհամբուրեմ բեկորները: Բայց խնայեցեք, մի՛ զրկեք ինձ իմ աստծուց, գիտեմ ինձ՝ կտրտնջամ: Ծանր է սիրտս, պարոնայք... խնայեցե՛ք»:

Նա համարյա ընկավ իր աթոռին, ձայնը կտրվեց, վերջին նախադասությունը հազիվ կարողացավ արտասանել: Այնուհետև դատարանն անցավ հարցերի ձևակերպման և սկսեց դիմել կողմերին՝ խնդրելով նրանց եզրակացությունը: Բայց մանրամասնությունները չեմ նկարագրում: Եվ վերջապես ատենակալները վեր կացան, որպեսզի գնան խորհրդակցելու: Նախագահը շատ էր հոգնել, դրա համար էլ բարեմաղթության շատ անավյուն մի խոսք ասաց նրանց. «Անկողմնակալ եղեք, մի՛ ազդրվեք պաշտպանության պերճախոս կոչերից, բայց այնուամենայնիվ ծանր ու թեթև արեք, հիշեցեք, որ ձեզ վրա մի մեծ պարտականություն է դրված» և այլն, և այլն: Ատենակալները մեկուսացան և սկսվեց ընդմիջումը: Կարելի էր վեր կենալ, շրջել, կուտակված տպավորություններ փոխանակել, մի բան ուտել բուֆետում: Շատ ուշ էր, համարյա գիշերվա ժամը մեկը տեղ բուֆետում: Շատ ուշ էր, համարյա գիշերվա ժամը մեկը արդեն, բայց ոչ ոք չէր ուզում տուն գնալ: Բոլորն էլ այնքան էին լարված, որ հանգստի մասին մտածող չկար: Բոլորն էլ սպասում էին սրտի նվաղումով, բայց գուցե ոչ, բոլոր սրտերը չէ, որ նվաղում էին: Տիկիները պարզապես հիստերիկ անհամբերությամբ էին սպասում, բայց նրանց սրտերը հանգիստ էին, այսինքն թե՛ «անխուսափելի է արդարացումը»: Նրանք բոլորն էլ պատրաստվում էին ընդհանուր խանդավառության զգայացունց թույլին: Խոստովանում եմ, տղամարդկանց մեջ էլ

շատ-շատերը համոզված էին, թե արդարացումն անխուսափելի է: Ոմանք ուրախանում էին, ուրիշները խոժոռվում, իսկ ոմանք էլ ուղղակի կախել էին իրենց քթերը՝ չէի՛ն ուզում, որ մեղադրյալն արդարացվի: Իսկ Ֆետյուկովիչն ինքը կատարելապես վստահ էր իր հաջողությանը: Նրան շրջապատել էին և նա շքեղորհավորանքներ էր ընդունում, մարդիկ հաճոյանում էին նրան:

— Կան,— ասաց նա մի խմբում, ինչպես պատմում էին հետո,— կան անտեսանելի թելեր, որոնք դատապաշտպանին կապում են ատենակալների հետ: Դեռ ճառի ընթացքում հաստատվում են դրանք, և մարդ նախազգում է: Ծաղկացի, կան այդ թելերը: Շահեցինք գործը, հանգիստ եղեք:

— Է՛, տեսնենք մեր գեղջուկները ինչ կասեն հիմա,— ասաց մի խոժոռ, գեր ու չեչոտ պարոն, քաղաքամերձ մի կավածատեր, մոտենալով խոսակցող պարոնների մի խմբի:

— Բայց դե միայն գեղջուկներ չեն: Զորս հոգի պաշտոնյա կա այնտեղ:

— Այո՛, պաշտոնյաներ կան,— ասաց գավառական վարչության մի անդամ, մոտենալով խմբին:

— Իսկ դուք Նազարեին գիտե՞ք, Պրոխոր Իվանովիչին, ա՛յ այն մեղավոր վաճառականը, ատենակալ:

— Է՛ հետո՞ ինչ:

— Խելքի ծով է:

— Բայց նա ե՞րբ է բերանը բացում որ:

— Հա, շատ խոսող չէ, բայց դե ավելի լավ: Պետերբուրգցի՞ն է նրան խելք սովորեցնելու. ի՛նքը ամբողջ Պետերբուրգին խելք կսովորեցնի: Տասներկու երեխայի հայր է, պատկերացրե՛ք:

— Բայց ներեցե՞ք խնդրեմ, մի՞թե չեն արդարացնի,— գոռում էր մեր երիտասարդ պաշտոնյաներից մեկը մի ուրիշ խմբում:

— Կարդարացնեն անկասկած,— լավեց մի վճռական ձայն:

— Ամո՞թ, խայտառակությո՞ւն կլինի շարդարացնելը,— բացականչում էր մի պաշտոնյա:— Ենթադրենք սպանել է, բայց դե հայր կա, հա՛յր էլ կա: Ծվ, վերջապես, մարդը այնպիսի՛ մոլուցքի մեջ է եղել... Իսկապես որ, գուցե հենց միայն տվել է սանդղոթով, իսկ մյուսը ուղղակի փոփել է գետնին:

Բայց վատն այն է, որ ծառային խցկեցին մեջը: Պարզապես ծիծաղելի ենթադրություն էր դա: Ծա դատապաշտպանի տեղը լինի, հենց ուղղակի կասեի՛ սպանել է, բայց մեղավոր չէ, դե՛ գնացեք, գրո՞ղը ձեր գլխին:

— Դե հենց այնպես էլ արեց, էլի, միայն թե գրողը ձեր գլխին շասաց:

— Չէ, Միխայիլ Սեմյոնիչ, համարյա թե ասաց,— վրա բերեց մի երիտասարդ ձայն:

— Ներեցեք, պարոնայք, բայց չէ՞ որ մեծ պահքին մեզ մոտ արդարացրին այն դերասանուհուն, որ իր սիրահարի օրինական կնոջ կոկորդն էր կտրել:

— Է՛ հա, բայց մինչև վերջ չէր կտրել:

— Միկնույնն է, միկնույնը, սկսե՛լ է կտրել, չէ՞:

— Իսկ որդիների՞ մասին ինչպես էր խոսում: Հոյակա՛պ:

— Հոյակապ:

— Է՛, հապա միստիկայի՞ մասին, միստիկայի՞, հը՞:

— Դե թողե՛ք միստիկան,— գոռաց ուրիշ մեկը,— դուք Իպոլիտի՛ մասին խոսեցեք, ի՞նչ է լինելու նրա բանը սրանից հետո: Ախր կինը հենց վաղն էլ նրա աչքերը կհանի Միտենկայի համար:

— Իսկ հիմա այստե՞ղ է կինը:

— Այ քեզ բա՛ն: Եթե այստեղ լիներ, հենց այստեղ էլ աչքերը կհաներ: Նստել է տանը, ատամներն են ցավում: Հե-հե-հե՛:

— Հե-հե-հե՛:

Մի երրորդ խմբում.

— Բայց դե Միտենկային կարդարացնեն երևի:

— Է՛հ, մեկ էլ տեսար՝ վաղը ամբողջ «Մայր քաղաքը» տակնուվրա կանի, տասը օր կկոնծի անընդհատ:

— Սատանայի բան է, հա՛:

— Սատանա՞, իհա՛րկե սատանայի մատը կա այս գործի մեջ. էլ ո՛ւր կարող է լինել սատանան, եթե ո՛չ այստեղ:

— Լավ, պարոնայք, պերճախոսությունը՝ պերճախոսություն, բայց դե չի՛ կարելի հայրերի էլ գլուխը ջարդել սանդղոթով: Թե չէ՛ ո՛ւր կհասնենք:

— Շքակա՛ռքը, շքակա՛ռքը, հիշո՞ւմ եք:

— Այո՛, սայլը դարձրեց շքակառք:

— Վաղն էլ ջքակառքը սայլ կդարձնի, «ըստ անհրաժեշտութեան, ամեն ինչ անհրաժեշտութեան շարժում»:

— Ճարպիկ տիպեր են մեջտեղ ընկել հիմա: Ծշմարտութիւն ասված բանը կա՞ մեր Ռուսաստանում, պարոնայք, թե՞ բոլորովին չկա:

Բայց զանգակը հնչեց: Ատենակալները ուղիղ մեկ ժամ խորհրդակցել էին, ոչ ավելի, ոչ պակաս: Հենց որ հասարակութիւնը նորից նստեց իր տեղը, դահլիճում խոր լուսթիւն տիրեց: Հիշում եմ, թե ինչպէս ատենակալները դահլիճ մտան: Վերջապե՛ս: Չեմ բերում հարցերն ըստ կետերի, և նույնիսկ մոռացել եմ դրանք: Հիշում եմ այն պատասխանը միայն, որ տրվեց նախագահի առաջին ու գլխավոր հարցին, այսինքն՝ «սպանե՛լ է կողոպուտի նպատակով ու դիտավորյալ»: (Բուն բառերը չեմ հիշում): Բոլորը քարացան: Ատենակալների ավագը՝ հենց այն պաշտոնյան, որ ամենաերիտասարդն էր, բարձրաձայն ու հստակ հայտարարեց՝ դահլիճի մեռելային լուսթիւն մեջ:

— Այո՛, մեղավոր է:

Եվ հետո նույն բանը կրկնվեց ըստ բոլոր կետերի՝ մեղավոր է ու մեղավոր, և առանց ամենադուշն մեղմացուցիչ հանգամանքի: Այդ արդեն ոչ ոք չէր սպասում, գրեթե բոլորն էլ համոզված էին, որ գոնե մեղմացուցիչ հանգամանքներ կլինեն: Դահլիճի մեռելային լուսթիւնը չէր խզվում, կարծես բոլորն էլ քառացիորեն քարացել էին՝ և՛ նրանք, ովքեր մեղադրյալի դատապարտումն էին ցանկանում, և՛ նրանք, ովքեր տենչում էին նրա արդարացումը: Բայց դա միայն առաջին ընդհանրութիւնն էր: Հետո մի սոսկալի քառս սկսվեց: Տղամարդկանցից շատերը խիստ գոհ մնացին: Ոմանք հենց ուղղակի իրենց ձեռքերն էին շփում, շթաքցնելով իրենց ուրախութիւնը: Դժգոհները մի տեսակ ընկճվել էին, ուսերն էին թոթվում, փսփսում էին իրար մեջ, բայց կարծես դեռ չէին համակերպվում կատարված փաստին: Բայց աստվա՛ծ իմ, ի՞նչ օրի ընկան մեր տիկիները: Ինձ թվաց, թե ապստամբութիւն կբարձրացնեն: Սկզբում կարծես չէին հավատում իրենց ականջներին: Եվ հանկարծ, ամբողջ դահլիճով մեկ, բացականչութիւններ լսվեցին. «Բայց ի՞նչ բան է սա: Սա՞ ինչ բան է»: Նրանք վեր էին թռնում իրենց տեղերից: Երևի նրանց թվում էր, թե այդ ամբողջը իսկույն ևեթ կարելի է փոխել և ուրիշ կերպ անել: Այդ վայրկյանին հանկարծ վեր

կացավ Միտյան և սրտաճմլիկ մի աղաղակով գոռաց, թևերն առաջ նետելով.

— Երդվո՛ւմ եմ աստուծով և նրա ահավոր դատաստանով, մեղք չունե՛մ իմ հոր արյան մեջ: Կա՛տյա, ներում եմ քեզ: Եւրբայրնե՛ր, բարեկամնե՛ր, խնայեցե՛ք մյուսին:

Նա շկարողացավ շարունակել և սկսեց սարսափելիորեն հեկեկալ բարձրաձայն, ամբողջ դահլիճով մեկ, մի տեսակ նոր, անսպասելի, ոչ իր սեփական ձայնով, որ աստված գիտե, թե որտեղից հանկարծ հայտնվեց նրա մեջ: Վերնատան ամենահեռավոր անկյունից կանացի մի սուր ճիչ լսվեց. Գրուշենկան էր: Նա աղաչել էր մեկին, և դեռ գատախազի ճառից առաջ նրան ներս էին թողել նորից: Միտյային դուրս տարան: Դատավճռի հայտարարումը հետաձգվեց հաջորդ օրվան: Ամբողջ դահլիճը վեր կացավ թոհուրթոհով, բայց ես այլևս չսպասեցի կարծիքները լսելու: Հիշում եմ միայն մի քանի բացականչութիւն, որ ականջիս հասավ դուրս գալու ժամանակ, անդատակում.

— Քսան տարի հանքերի օդը կշնչի:

— Ոչ պակաս:

— Այո՛, մեր գեղջուկներն ամուր մնացին:

— Եվ մեր Միտյայի մո՛ւլիսը մարեցին:

Վ Ե Ր Ջ Ա Բ Ա Ն

I

ՄԻՅՅԱՅԻՆ ՓՐԿԵԼՈՒ ԾՐԱԳՐԵՐ

Դատից հինգ օր հետո, առավոտյան շատ կանուխ, դեռ ժամը իննին, Ալյոշան գնաց Կատերինա Իվանովնայի մոտ, երկուսի համար էլ շատ կարևոր մի գործի մասին վերջնական համաձայնության գալու և, բացի այդ, իրեն հանձնարարված մի բան հաղորդելու նրան: Կատերինա Իվանովնան նստել ու նրա հետ խոսում էր հենց այն սենյակում, ուր մի ժամանակ ընդունել էր Գրուշենկային: Իսկ կողքի սենյակում Իվան Ֆյոդորովիչն ուշագնաց պառկել էր տենդի մեջ: Դատի այն տեսարանից անմիջապես հետո Կատերինա Իվանովնան հրամայել էր իր տունը տանել հիվանդ ու գիտակցությունը կորցրած Իվան Ֆյոդորովիչին, արհամարհելով հասարակության հետագա անխուսափելի բամբասանքներն ու պարսավանքը: Իր հետ ապրող երկու ազգականուհիներից մեկը դատի տեսարանից հետո իսկույն մեկնել էր Մոսկվա, իսկ մյուսը մնացել էր: Բայց եթե նույնիսկ երկուսն էլ գնային, Կատերինա Իվանովնան չէր փոխի իր որոշումը և կմնար խնամելու հիվանդին, գիշեր ու ցերեկ նստելու նրա մոտ: Նրան բուժում էին Վարվինսկին ու Հերցենշտուբեն. իսկ մոսկվացի բժիշկը ետ էր գնացել Մոսկվա, հրաժարվելով իր կարծիքը հայտնել հիվանդության հնարավոր վախճանի մասին: Մյուս բժիշկները թեև քաջալերում էին Կա-

տերինա Իվանովնային ու Ալյոշային, բայց երևում էր, որ դեռ չէին կարող հաստատ հույսեր տալ: Ալյոշան օրը երկու անգամ այցելում էր իր հիվանդ եղբորը: Բայց այս անգամ մի հատուկ, շատ կնճռոտ գործ ուներ և նախազգում էր, թե որքան դժվար է լինելու խոսք բանալ դրա մասին, և միաժամանակ շատ էր շտապում. մի ուրիշ տեղ մի ուրիշ անհետաձգելի գործ ուներ այդ առավոտ և պետք է աճապարհեր:

Արդեն քառորդ ժամ է խոսում էին նրանք: Կատերինա Իվանովնան գունատ էր, սաստիկ հոգնած և միաժամանակ չափազանց հուզազրգիռ վիճակում. նախազգում էր, թե ինչու, ի միջի այլոց, Ալյոշան հիմա եկել է իր մոտ:

— Նրա որոշման մասին մի՛ մտահոգվեք, — վստահորեն ասաց նա Ալյոշային: — Այսպես թե այնպես, միևնույն է՝ նա կհասկանա, որ այդ է ելքը. պե՛տք է փախչի: Այդ դժբախտը, պատվի և խղճի այդ ասպետը... չէ՛, ոչ թե նա, ոչ թե Դմիտրի Ֆյոդորովիչը, այլ այս դռան ետև պառկողը, որ իր եղբոր համար զոհեց իրեն, — ավելացրեց Կատերինա Իվանովնան փայլատակող աչքերով, — նա վաղուց ինձ հայտնել է փախուստի ամբողջ ծրագիրը: Գիտե՛ք, նա արդեն կապեր է հաստատել... Ես ձեզ մի քանի բան ասացի արդեն... Հասկանո՞ւմ եք, շատ հավանաբար դա կլինի այստեղից երրորդ հանգրվանում, երբ աքսորականների խումբը տանեն Սիբիր: Օ՛, դեռ շատ հեռու է մինչև այդ օրը: Իվան Ֆյոդորովիչն արդեն գնացել է երրորդ հանգրվանի պետին: Միայն չգիտենք, թե խմբի պետը ով է լինելու, և չի էլ կարելի այսքան շուտ իմանալ: Վաղը գուցե մանրամասնորեն ցույց տամ ձեզ ամբողջ ծրագիրը, որ Իվան Ֆյոդորովիչն ինձ մոտ թողեց դատի նախօրեին... որ եթե մի բան պատահի... Դա հենց այն անգամն էր, հիշո՞ւմ եք, երբ երեկոյան եկաք ու մեզ գժտված գտաք. նա դեռ նոր էր իջել տանդուղից, իսկ ես, ձեզ տեսնելով, ստիպեցի նրան, որ ետ դառնա, հիշո՞ւմ եք: Գիտե՛ք ինչ պատճառով էինք ընդհարվել այն օրը:

— Ոչ, չգիտեմ, — ասաց Ալյոշան:

— Իհարկե, նա այն ժամանակ թաքցրեց ձեզնից. այ հենց այդ փախուստի ծրագիրն էր պատճառը: Դրանից դեռ երեք օր առաջ հայտնել էր ինձ ամենազխտավորը, և ահա այդ օրից էլ սկսել էինք կռվել, ամբողջ երեք օր կռվեցինք: Ինչո՞ւ կռվեցինք: Երբ նա ինձ ասաց, թե Դմիտրի Ֆյոդորովիչը, եթե դա-

տապարտեն, արտասահման է փախչելու այդ արարածի հետ, ես հանկարծ զայրացաւ շեմ կարող ասել, թե ինչու, ինքս էլ չգիտեմ ինչու... Օ՛, իհարկե, այդ արարածի համար զայրացաւ, այսինքն այն բանի համար, որ նա՛ էլ Դմիտրիի հետ փախչում է արտասահման,— բացականչեց հանկարծ Կատերինա Իվանովնան, բարկութունից դողացող շրթունքներով։— Հենց որ Իվան Ֆյոդորովիչը տեսավ՝ ես այնպես զայրանում եմ այդ արարածի համար, իսկույն մտածեց, թե խանդում եմ նրան, ուրեմն դեռ սիրում եմ Դմիտրիին։ Ահա դրանից էլ սկսվեց մեր առաջին կռիվը։ Ես լուզեցի բացատրություն տալ, չէի կարող ներողություն խնդրել. ծանր էր ինձ համար, որ այսպիսի մարդը կարող է կասկածել, թե ես շարունակում եմ սիրել այդ... Եվ դա այն դեպքում, երբ ինքս ուղղակի ասել էի նրան, արդեն վաղուց էի ասել, որ Դմիտրիին շեմ սիրում, միայն ու միայն իրեն՝ եմ սիրում։ Պարզապես այդ արարածի՛ դեմ գազազելուց էր, որ զայրացաւ Իվան Ֆյոդորովիչի վրա։ Երեք օր հետո, ա՛յ հենց ձեր եկած իրիկունը, նա մի փակ ծրար բերեց ինձ, որպեսզի ես անմիջապես բանամ, եթե իրեն մի բան պատահի։ Օ՛, նախատեսում էր իր հիվանդությունը։ Հայտնեց ինձ, որ ծրարի մեջ փախուստի մանրամասնությունները կան, և եթե ինքը մեռնի կամ վտանգավոր կերպով հիվանդանա, ես մենակս փրկեմ Միտային։ Եվ տեղն ու տեղք մի գումար թողեց ինձ, համարյա տասը հազար ռուբլի, այ հենց այն փողը, որ դատախազը Գիշեց իր ճառում, չգիտես որտեղից իմացած լինելով, որ նա բանկոտմանն ուղարկել էր մանրելու։ Ինձ սոսկալի շշմեցրեց այն, որ Իվան Ֆյոդորովիչը, դեռ ինձ խանդելով հանդերձ, դեռ համոզված լինելով, որ ես Միտային եմ սիրում, այնուամենայնիվ չէր հրաժարվել իր եղբորը փրկելու մտքից և ի՛նձ էր, ի՛նձ էր վստահում այդ փրկության գործը։ Օ՛, դա գոհողություն էր։ Զէ՛, դուք ամբողջ լիությամբ չեք հասկանա այդպիսի ինքնազոհությունը, Ալեքսեյ Ֆյոդորովիչ։ Ես ուզում էի նրա ոտքերն ընկնել երկյուղածությամբ, բայց երբ հանկարծ մտածեցի, որ նա այդ բանը կընդունի միայն որպես իմ ուրախությունը Միտայի փրկության համար (և նա անպայման պիտի մտածեր այդպես), հանկարծ այնքան ջղայնացաւ հենց միայն այդպիսի անարդար մի մտքի հնարավորությունից, այնքա՛ն ջղայնացաւ, որ նորից զայրույթս եկավ, և փոխանակ նրա ոտքերը համբուրելու, նորի՛ց տեսարան սարքեցի։ Օ՛, դժբախտ եմ

եւ։ Այսպես է իմ բնավորությունը, սոսկալի՛, դժբախտ մի բնավորություն։ Օ՛, դեռ կտեսնենք, վերջ ի վերջո բանը այնտեղ կհասցնեմ, որ նա էլ Միտայի նման կլքի ինձ և կգնա մի ուրիշի մոտ, որի հետ ավելի հեշտ է ապրելը, բայց այդ դեպքում... Ո՛չ, այդ դեպքում արդեն շեմ դիմանա, կսպանե՛մ ինձ։ Իսկ երբ այն օրը դուք ներս մտաք և ես ձեզ կանչեցի, իսկ նրան էլ ստիպեցի, որ ետ դառնա, և երբ նա ձեզ հետ ներս մտավ ու հանկարծ ատող, արհամարհական մի հայացքով նայեց ինձ, ես այնպե՛ս զայրացաւ այդ հայացքից, որ հիշո՞ւմ եք՝ հանկարծ գոռալով ասացի ձեզ, թե նա, միայն նա էր ինձ համոզողը, որ իր եղբայր Դմիտրին մարդասպան է։ Ես դիտմամբ զրպարտեցի, որ մի անգամ էլ խայթեմ նրան, իսկ նա երբեք, երբեք չի համոզել ինձ, որ եղբայրը մարդասպան է. ընդհակառակը, ե՛ս էի, ես էի համոզում նրան։ Օ՛, իմ կատաղությունն էր ամեն ինչի պատճառը, ամե՛ն ինչի։ Դատարանի այդ անիծյալ տեսարանն էլ իմ դրդումով եղավ, ի՛մ դրդումով։ Նա ուզեց ապացուցել ինձ, որ ինքը ազնիվ մարդ է և թեկուզ ես սիրում եմ իր եղբորը, բայց ինքը չի խանդի և վրեժ լուծելու համար չի կործանի նրան։ Եվ ահա ներկայացավ դատարան... Ե՛ս եմ ամեն ինչի պատճառը, ե՛ս եմ միայն մեղավոր։

Կատյան դեռ երբեք այսպիսի խոստովանություններ չէր արել Ալյոշային, և Ալյոշան զգաց, որ նա հիմա գտնվում է անտանելի տառապանքի այն աստիճանին, երբ ամենահպարտ սիրտն անգամ ցավատանջորեն խորտակում է իր հպարտությունը և ընկնում վշտից պարտված։ Օ՛, նրա այս ներկա տառապանքի մի ուրիշ ահավոր պատճառն էլ գիտեր Ալյոշան, թեև Կատյան դատից հետո թաքցրել էր այդ բանը նրանից. բայց Ալյոշայի համար, չգիտես ինչու, չափազանց ցավալի կլինեք, եթե Կատյան սիրտ աներ այնքա՛ն խոնարհվել, որ այդ պատճառի մասին էլ ի՛նքը սկսեր խոսել հիմա, այս ըոպեիս։ Աղջիկը տառապում էր դատի ժամանակ իր արած «դավաճանության» համար, և Ալյոշան նախազգում էր, որ խիղճը նրան մղում է խոստովանելու իր հանցանքը, հենց Ալյոշայի առաջ խոստովանելու՝ արցունքներով, ճիշերով, հիստերիկ ցնցումներով, հատակին ընկնելով։ Բայց Ալյոշան վախենում էր այդ բանից և ուզում էր խնայել տառապող աղջկան։ Դրանով ավելի էր դժվարանում այն հանձնարարությունը, որի համար եկել էր հիմա։ Նա նորից սկսեց խոսել Միտայի մասին։

— Ոչի՛նչ, ոչի՛նչ, մի՛ վախենաք նրա համար,— սկսեց նորից Կատյան համառ ու կտրուկ մի շեշտով,— այդ ամբողջը ըրպեի ազդեցութիւնն է նրա մեջ, գիտեմ նրան, շատ լավ գիտեմ նրա սիրտը: Վստահ եղեք, նա կհամաձայնվի փախչել: Մանավանդ որ՝ անմիջապես չի լինելու այդ բանը. դեռ ժամանակ կունենա որոշելու: Իվան Տյոգորովիչը կառողջանա մինչ այդ և ինքը կկարգադրի ամեն ինչ, այնպես որ ես ոչ մի գործ չեմ ունենա դրա մեջ: Մի՛ անհանգստանաք, կհամաձայնվի փախչել: Եվ նա համաձայն է արդեն. կարո՞ղ է հրաժարվել այդ արարածից: Իսկ այդ կնոջը չեն թողնի, որ գնա Սիրբի՛ նրա մոտ, ուրեմն կարո՞ղ է նա շփախչել: Չեզնի՛ց է հատկապես վախենում, վախենում է, որ դուք բարոյակա՛ն կողմից հավանութիւն չեք տա փախուստին, բայց դուք պետք է վեհանձնորեն քույլաւորե՛ք նրան, եթե այնքա՛ն անհրաժեշտ է ձեր հավանութիւնը այս հարցում,— ավելացրեց Կատյան թունուտ Եվ լոսց մի ըրպե, քմծիծաղ տվեց:

— Նա այնտեղ ինչ-որ օրհնութիւն մասին է խոսում, սկսեց նորից Կատյան,— այն խաչի մասին, որ պետք է կրի, խոսում է ինչ-որ պարտականութիւն մասին: Հիշում եմ, Իվան Տյոգորովիչն այն ժամանակ շատ բաներ էր պատմում ինձ դրա շուրջը, և եթե իմանայիք, թե ինչպե՛ս էր խոսում,— հանկարծ անդիմադրելի մի զգացումով բացականչեց Կատյան,— եթե իմանայիք, թե նա ինչպե՛ս էր սիրում այդ թշվառականին, երբ նրա մասին պատմում էր ինձ, և հենց նույն ըրպեին էլ ով գիտե ինչպե՛ս էր ատում նրան: Իսկ ես, օ՛, ես գոռոզամիտ քմծիծաղով լսեցի նրա պատմածն ու արցունքները: Օ՛, բիրտ արարած, Ե՛ս եմ բիրտ արարածը, Ե՛ս: Ե՛ս եմ նրա հիվանդութիւն պատճառը: Իսկ մյուսը, դատապարտյալը... մի՞թե պատրաստ է նա տառապելու,— ջղայնորեն վերջացրեց Կատյան,— և կարո՞ղ է տառապել այդպիսի մարդը: Նրա նմանները երբե՛ք չեն տառապում:

Արդեն ատելութիւն ու նողկացող արհամարհանքի մի զգացում հնչեց այդ բառերի մեջ: Այնինչ հենց ինքն էր, որ դավաճանել էր Միտայիին: Երբն այնքա՛ն մեղավոր է զգում նրա առաջ, որ գուցե այդ պատճառով էլ մեկ-մեկ ատում է նրան,— մտածեց Ալլոշան ինքնիրեն: Հուսով էր, որ դա «մեկ-մեկ» է լինում միայն: Կատյայի վերջին բառերի մեջ հրահրող մի շեշտ զգաց, բայց չընդառաջեց:

— Ես այսօր հենց կանչեցի ձեզ, որպեսզի ինձ խոստանաք, թե ինքներդ կհամոզեք նրան: Կամ գուցե դո՞ւք էլ համարում եք, որ փախչելը անազնիվ բան կլինեք, անարի բան և կամ թե ի՞նչ... քրիստոնեական ոգուն հակառակ,— ավելի ևս հրահրող շեշտով ավելացրեց Կատյան:

— Ձէ, վնաս չունի: Ես ամեն ինչ կասեմ նրան...— կրմկրմաց Ալլոշան:— Այսօր նա ձեզ իր մոտ է կանչում,— ուղղակի ասաց հանկարծ, հաստատորեն նայելով նրա աչքերին: Կատյան ցնցվեց ու բազմոցի վրա մի քիչ ետ քաշվեց նրանից:

— Ի՛նձ... բայց մի՞թե հնարավոր է,— թոթովեց նա գունատված:

— Հնարավոր է և պե՛տք է,— սկսեց Ալլոշան հաստատակամորեն ու լրիվ աշխուժանալով:— Դուք շատ հարկավոր եք նրան, հենց հիմա: Ես չէի սկսի այս մասին խոսել ու վաղօրոք տանջել ձեզ, եթե անհրաժեշտ չլիներ: Հիվանդ է նա, խելագարի նման, ձեզ է խնդրում անընդհատ: Ոչ թե հաշտվելու համար է խնդրում, որ գնաք մոտը, այլ ուզում է, որ հենց միայն գնաք ու երևաք շեմքին: Այդ օրից ի վեր շատ բան է կատարվել նրա մեջ: Հասկանում է, որ անսահմանորեն մեղավոր է ձեր առաջ: Ոչ թե ուզում է, որ ներքե իրեն. «Անկարելի է ինձ ներել», ինքն է ասում: Միայն ուզում է, որ երևաք շեմքին...

— Դուք ինձ հանկարծ...— թոթովեց Կատյան,— այս օրերին անընդհատ նախազգում էի, որ կգաք այս բանն ասելու... Այնպես էլ գիտեի, որ կկանչի ինձ... Անկարելի՛ է:

— Թեկուզ անկարելի, բայց արե՛ք, Հիշեցեք, առաջին անգամն է, որ նա ցնցվել է այն մտքից, թե ինչպե՛ս է վիրավորել ձեզ, առաջին անգամը իր կյանքում, մինչև հիմա երբե՛ք այսքան լրիվ չէր ըմբռնել այդ բանը: «Եթե հրաժարվի գալ,— ասում է,— այլևս իմ ամբողջ կյանքում ապերջանիկ կլինեմ»: Լսո՞ւմ եք, քսան տարվա տաժանակիրութիւն դատապատվածը միտք ունի դեռ երջանիկ լինելու. մի՞թե սրտաճմլիկ բան չէ դա: Մտածեցե՛ք, դուք անմեղորեն կործանված մարդուն եք այցելելու,— մարտահրավերի նման ժայթքեց հանկարծ Ալլոշայի սրտից,— նրա ձեռքերը մաքուր են, արյուն չկա՛ դրանց վրա: Ի սեր այն անհուն տառապանքի, որ նա կրելու է ապագայում, այցելեցե՛ք նրան հիմա: Եկեք, ճանապարհեցեք նրան դեպի խա-

Վար... կանգնեցեք շեմքին, և ուրիշ ոչինչ... Պետք է անեք այդ բանը,— եզրակացրեց Ալյոշան, շտեմնված ուժով շեշտելով «պետք է» բառը:

— Պետք է, բայց... չեմ կարող,— մի տեսակ տնքաց Կատյան,— նա ինձ է նայելու... չեմ կարող:

— Ձեր աչքերը պետք է հանդիպեն իրար: Ինչպե՞ս եք ապրելու ամբողջ կյանքում, եթե հիմա քաջություն չունենաք այդ բանը անելու:

— Ավելի լավ է տառապեմ ամբողջ կյանքում:

— Պետք է գաք հիմա, պե՛տք է գաք,— նորից անողորմ կերպով շեշտեց Ալյոշան:

— Բայց ինչո՞ւ այսօր, ինչո՞ւ հիմա... Չեմ կարող հիվանդին թողնել...

— Մի բոպեով կարող եք, մի բոպե ընդամենը: Եթե չգաք, մինչև գիշեր նա կհիվանդանա տենդով: Ես հո կարիք չունեմ սուտ ասելու, մեղքացե՛ք նրան:

— Ի՛նձ մեղքացեք,— դառնորեն հանդիմանեց Կատյան և սկսեց լալ:

— Ուրեմն կգա՛ք,— ասաց Ալյոշան հաստատորեն, տեսնելով նրա արցունքները:— Գնամ ասեմ նրան, որ հիմա գալիս եք:

— Չէ՛, ոչ մի դեպքում չասեք,— ճշաց Կատյան վախեցած:— Կգամ, բայց նախօրոք մի՛ ասեք նրան, որովհետև կգամ, բայց գուցե ներս չեմ մտնի... Դեռ չգիտեմ...

Նրա ձայնը կտրվեց: Դժվար էր շնչում: Ալյոշան վեր կացավ գնալու:

— Իսկ եթե որևէ մեկին հանդիպե՞մ,— ասաց հանկարծ Կատյան մեղմ ձայնով, նորից սաստիկ գունատված:

— Հենց դրա համար էլ հիմա պետք է գաք, որպեսզի ոչ ոքի չհանդիպեք այնտեղ: Ոչ ոք չի լինելու, հաստատ եմ ասում: Սպասելու ենք ձեզ,— վերջացրեց նա վճռականորեն և դուրս եկավ սենյակից:

II

ՍՈՒՏԸ ՄԻ ԲՈՊԵ ԴԱՌՆՈՒՄ Է ԾՐԱԲԱՐՈՒԹՅՈՒՆ

Նա շտապեց հիվանդանոց, ուր այժմ պառկած էր Միտյան: Դատավճռի հաջորդ օրը նա հիվանդացել էր ջղալին տենդով, և նրան ուղարկել էին քաղաքային հիվանդանոց՝ կալա-

նավորների բաժանմունքը: Բայց բժիշկ Վարվինսկին, Ալյոշայի և շատ ուրիշների խնդրանքով (Խոխլակովայի, Լիզայի և այլն), Միտյային տեղավորել էր ոչ թե կալանավորների մոտ, այլ առանձին, հենց այն խցիկում, ուր առաջ պառկել էր Սմեռոյակովը: Ծիշտ է, միջանցքի մյուս ծայրին պահակ գինավոր էր կանգնած, իսկ լուսամուտը վանդակապատ էր, Վարվինսկին կարող էր հանգիստ լինել իր զիջողության համար, որ այնքան էլ օրինական չէր. սակայն բարի ու կարեկցող երիտասարդ էր նա: Հասկանում էր, թե Միտյայի պես մարդու համար որքա՛ն ծանր է հանկարծ միանգամից ընկնել մարդասպանների և ստահակների միջավայրը, և թե նախ պետք է վարժվել դրան: Իսկ հարազատների և ծանոթների այցելութունը թույլատրվել էր թե՛ բժշկի, թե՛ վերակացուի և նույնիսկ ոստիկանապետի կողմից, անպաշտոն կերպով: Բայց միայն Ալյոշան ու Գրուշենկան այցելեցին Միտյային այդ օրերին: Ռակիտինն արդեն երկու անգամ ձգտել էր տեսնվել նրա հետ, բայց Միտյան համառորեն խնդրել էր Վարվինսկուն, որ ներս չթողնեն նրան:

Ալյոշան իր եղբորը գտավ անկողնին նստած, հիվանդանոցի զգեստով. մի քիչ շերմություն ուներ, քացախաջրով թրջված սրբիչ էր փաթաթել զլխին: Անորոշ մի հայացքով նայեց ներս մտած Ալյոշային, բայց այդ հայացքի մեջ այնուամենայնիվ մի տեսակ վախ երևաց:

Հենց դատի օրից նա ընդհանրապես սոսկալի մտախոհ էր գարձել: Երբեմն կես ժամ անքնդհատ լուռ էր մնում, մոռանալով իր մոտ գտնվողին, կարծես ծանր ու տանջալի մի մտքով տարված: Իսկ եթե թոթափում էր իր մտահոգութունը և սկսում խոսել, ապա միշտ էլ խոսում էր անակնկալորեն և անպայման ասում էր այնպիսի մի բան, որ այն չէր, ինչ ուզում էր ասել իրոք: Երբեմն տառապանքով էր նայում եղբորը: Գրուշենկայի մոտ կարծես ավելի թեթև էր զգում իրեն, քան Ալյոշայի: Ծիշտ է, համարյա չէր էլ խոսում, երբ լինում էր Գրուշենկայի հետ, բայց հենց որ նա ներս էր մտնում, դեմքը լուսավորվում էր ուրախությամբ:

Ալյոշան լուռ նստեց նրա մոտ, մահճակալին: Այս անգամ Միտյան տագնապահար սպասում էր Ալյոշային, բայց սիրտ չարեց որևէ բան հարցնել: Աներևակայելի էր համարում, որ Կատյան համաձայնվի գալ, և միաժամանակ զգում էր, որ եթե

նա չգա, ուղղակի անկարելի մի բան կլինի: Ալլոշան հասկանում էր նրա զգացմունքները:

— Ասում են, որ Տրիֆոնը, Բորիսիչ Տրիֆոնը,— շտապ-շտապ սկսեց խոսել Միտյան,— իր ամբողջ պանդոկը քանդրտել է. հատակի տախտակները հանում է, պոկոտում. ասում են՝ ամբողջ «պատշգամբը» ջարդուփշուր է արել: Գա՛նձ է փրկություն, այ հենց այն փողը, այն մեկուկես հազարը, որ դատախազն ասաց, թե ես այնտեղ եմ թաքցրել: Հենց տուն է հասել թե չէ՝ սկսել է այդ հիմարությունը: Տե՛ղն է այդ սրիկային: Պահակը ինձ ասաց երեկ, այնտեղացի մարդ է:

— Լսի՛ր,— ասաց Ալլոշան,— գալու է, բայց չգիտեմ երբ. գուցե այսօր, գուցե վաղը, մյուս օր՝ չգիտեմ, բայց կգա, կգա հաստատ:

Միտյան ցնցվեց, ուզեց մի բան ասել, բայց լուռ մնաց: Լուրը ահեղիտրեն ազդեց նրա վրա: Երևում էր, որ սոսկալի կուզեր իմանալ խոսակցության մանրամասնությունները, բայց դարձյալ վախենում էր հարցնել. Կատյայի կողմից որևէ մի դաժան ու արհամարհական բան դանակի հարված կլիներ նրա համար այդ ընդհանրապես:

— Ահա թե ինչ ասաց նա ի միջի այլոց. ասաց, որ ես անպայման հանգստացնեմ թո խիղճը փախուստի հարցում: Եթե Իվանը շատողջանա մինչ այդ, նա ինքն է հանձն առնելու այդ գործը:

— Արդեն ասել ես ինձ դրա մասին,— նկատեց Միտյան մտախոհ:

— Իսկ դու էլ արդեն Գրուշկային ասացիր,— նկատեց Ալլոշան:

— Այո,— խոստովանեց Միտյան.— Նա այս առավոտ չի գալու,— երկշտո նայեց եղբորը:— Միայն իրիկունն է գալու: Հենց որ երեկ ասացի նրան, թե Կատյան գործի է կպել, ինքը բան չասաց, բայց բերանը ծոմոց: Միայն փսփսաց. «Թո՛ղ անի»: Հասկացավ, որ կարևոր բան է: Էլ չհամարձակվեցի տնտղել: Կարծեմ էլ հասկանում է հիմա, որ Կատյան ոչ թե ինձ է սիրում, այլ Իվանին, չէ՞:

— Հասկանո՞ւմ է որ,— ակամա ասաց Ալլոշան:

— Գուցե և չի հասկանում: Բայց այս առավոտ չի գալու,— շտապեց նորից նշել Միտյան,— ես նրան մի հանձնարարու-

թյուն տվեցի... Լսիր, մեր եղբայր Իվանը բոլորին էլ կգերազանցի: Նա՛ պետք է ապրի, ոչ թե մենք: Կառողջանա՛:

— Պատկերացրու, Կատյան թեև դողում է նրա համար, բայց համարյա վստահ է, որ կառողջանա,— ասաց Ալլոշան:

— Ուրեմն համոզված է, որ կմեռնի: Վախից է այդպես վստահ, որ կառողջանա:

— Մեր եղբայրը ամուր կազմվածք ունի: Եվ ես էլ շատ հույս ունեմ, որ կառողջանա,— նկատեց Ալլոշան անձկալից:

— Այո, կառողջանա: Բայց Կատյան համոզված է, որ նա կմեռնի: Շատ է Կատյայի վիշտը...

Լուսթյուն տիրեց: Մի շատ կարևոր բան տանջում էր Միտյային:

— Ալլոշա, ես սոսկալի սիրում եմ Գրուշկային,— ասաց նա հանկարծ դողողուն, արտասովալից ձայնով:

— Նրան չեն թողնի, որ զա այնտեղ՝ քեզ մոտ,— վրա բերեց իսկույն Ալլոշան:

— Եվ մեկ էլ ահա ինչ էի ուզում ասել քեզ,— շարունակեց Միտյան, հանկարծ մի տեսակ զրնգուն ձայնով:— Եթե սկսեն ծեծել ճանապարհին կամ այնտեղ, չեմ թողնի, կսպանեմ և ինձ կգնդակահարեն: Եվ քսա՛ն տարի այդպես: Այստեղ արդեն սկսում են «դու»-ով խոսել: Պահակներն ինձ «դու» են ասում: Այսօր ամբողջ գիշերը պառկել ու դատում էի ինքս ինձ. պատրաստ չե՛մ: Զե՛մ կարող ընդունել այս բանը: Ուզում էի «օրհներգ» երգել, բայց պահակների «դու» ասելն անգամ չեմ կարողանում հանդուրժել: Գրուշկայի համար ամեն ինչի կտոկայի, ամեն ինչի... բացի սակայն ծեծից... Բայց նրան չեն թողնի այնտեղ:

Ալլոշան մեղմ ծպտաց:

— Լսիր, եղբայր, մի անգամ ընդմիջտ,— ասաց նա,— ահա ասեմ քեզ, թե ինչ եմ մտածում այդ մասին: Եվ դու գիտես, որ սուտ չեմ ասի քեզ: Ուրեմն լսիր. դու պատրաստ չես, և քեզ համար չէ այսպիսի խաչը: Ավելիքն՝ այսպիսի մարտիրոսական խաչը պե՛տք էլ չէ քեզ, երբ պատրաստ չես դրան: Եթե սպանած լինեիր մեր հորը, պիտի ցավեի, որ մերժում ես թո խաչը: Բայց դու անմեղ ես, և այսպիսի խաչը չափազանց շատ է քեզ համար: Դու ուզում էիր տառապելով վերածնվել և ուրիշ մարդ դառնալ. բոտ իս, հիշի՛ր միայն, մշտապես հիշիր այդ ուրիշ մարդու մասին, ամբողջ կյանքում և ո՛ւր էլ փախչես՝ հի-

շի՛ր, և այդքանը բավական է քեզ: Չարչարանաց մեծ խաչը մերժած լինելու գիտակցութիւնը կնպաստի, որ ավելի մեծ պարտականութիւն զգաս քո մեջ, և հետագա քո ամբողջ կյանքում այդ մշտական զգացումը ունենալով՝ գուցե ավելի ևս սատարես քո վերածնմանը, քան եթէ այնտեղ գնայիր: Որովհետև այնտեղ դու չես դիմանա և կտրտնջաս, և գուցե իսկապես կասես ի վերջո՝ «Հաշիվս փակեցի»: Դատապաշտպանն այդ կետում ճիշտ ասաց: Բոլորի համար չեն այդպիսի ծանր բեռները, ոմանց համար անկարելի են դրանք... Ահա իմ մտածածը, եթէ այնքան անհրաժեշտ է քեզ: Եթէ քո փախուստի համար ստիպված լինեին պատասխան տալ ուրիշ մարդիկ՝ սպաներ, զինվորներ, այդ դեպքում ես «չէի թույլ տա», որ փախչես, — ժրպտաց Ալյոշան: — Բայց ասում են և վստահացնում (այդ հանգրվանապետն անձամբ ասել է Իվանին), որ եթէ հատորն արվի, մեծ գլխացավանք չի լինի և կարող են հեշտ պրծնել: Իհարկե, նույնիսկ այսպիսի դեպքում անազնիվ բան է կաշառելը, բայց դե այստեղ արդեն ոչ մի կերպ հանձն չեմ առնի դատել, որովհետև, ճիշտն ասած, եթէ օրինակ Իվանն ու Կատյան ինձ հանձնարարեին այս գործը անել քեզ համար, ես կգնայի ու կկաշառեի, գիտեմ. պետք է ամբողջ ճշմարտութիւնը ասեմ քեզ: Դրա համար էլ ես չեմ կարող դատավոր լինել քո գլխին, վարվիր ինչպես ուզում ես: Բայց իմացիր, որ ես քեզ երբեք չեմ դատապարտի: Եվ տարօրինակ էլ է, ինչպե՞ս կարող էի ես քո դատավորը լինել այս հարցում: Դե հիմա արդեն ամեն ինչ քննարկեցի կարծեմ:

— Բայց ե՛ս ինձ կդատապարտեմ, — բացականչեց Միտյան: — Պիտի փախչեմ, դա արդեն առանց քեզ էլ որոշված էր. կարո՞ղ է Միտյա Կարամազովը շփախչել: Բայց դե կդատապարտեմ ինձ և հետո հավիտյանս հավիտենից կքավեմ իմ մեղքը: Ծիզվիտներն են այս ձևով խոսում, չէ՞, ա՛յս ձևով: Ա՛յ ինչպես հիմա ես ու դու, հա՛:

— Դե հա, — մեղմ ժպտաց Ալյոշան:

— Սիրո՞ւմ եմ քեզ նրա համար, որ միշտ լրիվ ճշմարտութիւնն են ասում և ոչի՛նչ չես թաքցնում, — բացականչեց Միտյան, ուրախ ծիծաղելով: — Ուրեմն ես իմ Ալյոշային ճիզվիտութեան մեջ բռնեցի: Պետք է ոտից գլուխ համբուրել քեզ դրա համար, հասկանո՞ւմ ես: Դե հիմա լսի՛ր մնացածն էլ, իմ հոգու մյուս կեսն էլ բացեմ քեզ: Ահա թե ինչ եմ մտածել ու որոշել:

Եթէ փախչեմ էլ, նույնիսկ փողով ու անձնագրով, և նույնիսկ Ամերիկա էլ փախչեմ, համենայն դեպս ինձ սրտապնդում է այն միտքը, որ ոչ թե ուրախ կյանքի համար եմ փախչում, ոչ թե երջանկութեան համար, այլ, ճշմարի՛տ, մի ուրիշ աքսոր գնալու, գուցե նույնքան վատ, որքան այս մեկը: Նո՛ւյնքան վատ, Ալեքսեյ, ճշմարիտ եմ ասում, նո՛ւյնքան վատ: Ատում եմ արդեն այդ Ամերիկան, գրո՞ղը տանի դրան: Ասենք՝ Գրուշան է ինձ հետ լինելու, բայց նայի՛ր նրան՝ ամերիկոսի՞ է նա: Ռուս աղջիկ է, մինչև ուղն ու ծուծը ռուս աղջիկ, նա կկարոտի հարազատ մայր երկրին, և ես ամեն ռուպե պիտի տեսնեմ, որ ի՛նձ համար է նա այդպես կարոտում, ի՛նձ համար է այդպիսի խաչ վերցրել իր վրա, բայց նա՞ ինչ մեղք ունի: Իսկ ես ինքս կարո՞ղ եմ հանդուրժել այնտեղի ռամիկներին, թեև նրանք բոլո՞րն էլ գուցե ավելի լավ են, քան ես: Ատո՞ւմ եմ այդ Ամերիկան հենց հիմիկվանից: Ու թեկուզ նրանք բոլորն էլ, առանց բացառութեան, հոյակապ մեքենագետներ լինեն կամ շգիտեմ ինչ, գրո՞ղը տանի նրանց, իմ հարազատ մարդիկը չեն, օտար են իմ հոգուն: Ռուսաստանն եմ սիրում, Ալեքսեյ, ռուս աստուծոն եմ սիրում, թեկուզ և սրիկա եմ ինքս: Ես այնտեղ շնչահե՛ղձ կլինեմ, — բացականչեց նա հանկարծ, և աչքերը փայլատակեցին: Չայնը դողաց արցունքներով:

— Դե ուրեմն ահա թե ինչ եմ որոշել, Ալեքսեյ, լսի՛ր, — սկսեց նա նորից, զսպելով հուզմունքը: — Գրուշայի հետ կհասնենք այնտեղ, և անմիջապես կսկսենք հերկել, աշխատել հեռավոր մի անկյունում, առանձնութեան մեջ, վայրի արջերի հետ: Այնտե՞ղ էլ իհարկե մի հեռավոր անկյուն կգտնվի: Ասո՞ւմ են՝ դեռ կարմրամորթներ կան այնտեղ, հեռո՞ւ-հեռու անկյուններում, հորիզոնի ծայրին, դե այ ուրեմն կգնանք այդ կողմերը, վերջին մոհիկանների երկիրը: Եվ անմիջապես կկպնենք քերականութեան, Գրուշան ու ես: Աշխատանք ու քերականութիւն, և այդպես՝ մի երեք տարի: Այդ երեք տարվա մեջ ուղղակի անգլիացու նման կսովորենք անգլերենը: Եվ հենց որ սովորեցինք՝ պրծա՛վ Ամերիկան: Վազում ենք այստեղ՝ Ռուսաստան, որպես ամերիկյան քաղաքացիներ: Մի՛ վախենա, չենք երևա այս փոքրիկ քաղաքում: Կթաքնվենք հեռու մի տեղ՝ հյուսիսում կամ հարավում: Մինչ այդ ես փոխված կլինեմ, նա էլ. այնտեղ, Ամերիկայում, բժիշկը մի տեսակ գորտնուկ կսարքի երեսիս, հո իզուր չէ, որ մեքենագետներ են նրանք: Իսկ եթէ չեղավ, ուրեմն մի աչքս

կհաննամ, մի կանգուն էլ մորուք կթողնեմ, սպիտակած մորուք (Ռուսաստանի կարոտից կապիտակեմ): Գուցե թե շճանաչեն: Իսկ եթե ճանաչեն, թո՛ղ աքսորեն, միևնույնն է, ուրեմն այդ է մեր բախտը: Այստեղ էլ մի որևէ խուլ անկյունում հող կմշակենք, և ես իմ ամբողջ կյանքում ամերթկացի կձևանամ: Բայց դե հարազատ երկրում կմեռնենք: Ահա իմ ծրագիրը, և անխախտ է սա: Հավանություն սալի՞ս ես:

— Տալիս եմ,— ասաց Ալյոշան, շուգենալով նրան հակաճառել:

Միտյան մի ընկեր լոնց և հանկարծ ասաց.

— Բայց ինչպե՞ս բուրբն էլ տունս քանդեցին դատարանում: Ինչպե՞ս քանդեցին:

— Ինչ էլ լինեք, միևնույն է՝ քեզ դատապարտելու էին,— ասաց Ալյոշան հառաչելով:

— Այո՞, այստեղի հասարակության աչքի փուշն էի դարձել: Է՛հ, աստված ողորմի նրանց, բայց ծա՛նր է,— տառապագին հառաչեց Միտյան:

Նորից մի ընկեր լուռ մնացին:

— Ալյոշա, հոգիս մի՛ հանի, ուղղակի ասա՛,— բացականչեց նա հանկարծ,— գալո՞ւ է նա հիմա, թե չէ, ասա՛: Ի՞նչ ասաց: Ինչպե՞ս ասաց:

— Ասաց, որ կգա, բայց չգիտեմ՝ այսօ՞ր կգա: Նրա՛ համար էլ գժվար է, հասկանո՞ւմ ես,— Ալյոշան երկչոտ նայեց եղբորը:

— Է՛, իհարկե գժվար է, իհա՛րկե: Ալյոշա, ես ուղղակի կրխելագարվեմ այս բանից: Գրուշան անընդհատ ինձ է նայում: Հասկանում է: Աստված իմ, տե՛ր իմ աստված, հանգստացրու ինձ. ի՞նչ է ուզածս: Կատյային եմ ուզում: Ծա շա՞տ գիտեմ, թե ինչ եմ ուզում: Կարամազովյան անզուսպ ողին է, պի՛ղծ ողին: Չէ՛, ես տառապանքի ընդունակ չեմ: Սրիկա եմ, ու վե՛րջ:

— Ահա՛ նա,— բացականչեց Ալյոշան:

Այդ վայրկյանին հանկարծ Կատյան երևաց շեմքին: Մի ակնթարթ նա կանգ առավ, նայեց Միտյային՝ շփոթված հայացքով: Միտյան ընդոտ վեր թռավ, դեմքին վախ երևաց, գունատվեց նա, բայց իսկույն ևեթ երկչոտ, աղերսող մի ժպիտ եկավ շրթունքներին և նա հանկարծ, անդիմադրելի մղումով, ձեռքերը մեկնեց Կատյային: Տեսնելով այդ, Կատյան շեշտակի սլացավ նրա մոտ: Բռնեց նրա ձեռքերից և համարյա ուժով նրա-

տեցրեց անկողնին, ինքն էլ նստեց մոտը, շարունակելով բռնել նրա ձեռքերը և ամուր, շղաձգորեն սեղմելով: Սրկուան էլ մի քանի անգամ բուռն մղում զգացին խոսելու, բայց ամեն անգամ էլ կանգ էին առնում և նորից նայում իրար՝ լուռ, կարծես բեկոված հայացքով, տարօրինակ ժպիտով. այդպես երկու ընկեր անցավ:

— Ներե՛լ ես, թե չէ,— թոթովեց ի վերջո Միտյան և նույն վայրկյանին էլ դարձավ Ալյոշային, ուրախությունից այլալված դեմքով գոռաց նրան.

— Լսո՞ւմ ես ինչ եմ հարցնում, լսո՞ւմ ես:

— Վեհա՛նձն է քո սիրտը, դրա՛ համար էլ սիրում էի քեզ,— ասաց հանկարծ Կատյան բուռն մղումով:— Եվ պետք էլ չէ քեզ իմ ներելը, ոչ էլ քո ներելը՝ ինձ. ներես, թե չներես՝ միևնույնն է, ամբողջ կյանքումս վերքի՛ պես մնալու ես իմ հոգում, ես էլ՝ քո՛ հոգում. այդպես էլ պե՛տք է...— կանգ առավ նա շունչ քաշելու:

— Ինչո՞ւ եկա ես,— սկսեց նորից հրայրքով ու հապճեպորեն,— եկա քո ոտքերը գրկելու, քո ձեռքերը սեղմելու, ա՛յ այսպես, ցավեցնելո՛ւ չափ, հիշո՞ւմ ես, ինչպես Մոսկվայո՞ւմ էի սեղմում, եկա նորից ասելու քեզ, որ դու իմ աստվածն ես, իմ ցնծությունը, եկա ասելու, որ խենթի նման սիրո՞ւմ եմ քեզ,— մի տեսակ տնքաց նա տանջահար, և հանկարծ ազահորեն շրթունքները սեղմեց Միտյայի ձեռքին: Արցունքը հորդեց նրա աչքերից:

Ալյոշան կանգնել էր լուռ ու շփոթված. երբեք չէր սպասում այն, ինչ տեսնում էր հիմա:

— Անցա՛վ սերը, Միտյա,— սկսեց նորից Կատյան,— բայց մորմոքելու չափ թանկ է ինձ համար այն, ինչ անցավ: Հավիտյան իմացիր այս բանը: Բայց հիմա, մի ընկեր, թող լինի այն, ինչ կարող էր լինել,— թոթովեց նա այլալված ժպիտով, նորից բերկրանքով նայելով նրա աչքերի մեջ:— Գու հիմա ուրիշին ես սիրում, ես էլ սիրելին եմ սիրում, բայց և այնպես՝ հավիտյանս սիրում, ես էլ սիրելին եմ սիրում, դու էլ ի՛նձ ես սիրելու, գիտե՛իր այս բանը: Լսո՞ւմ ես, սիրի՛ր ինձ, քո ամբողջ կյանքում սիրի՛ր ինձ,— բացականչեց նա, ձայնի մեջ համարյա սպառնագին մի դողով:

— Պիտի սիրեմ և... գիտե՞ս Կատյա,— սկսեց նաև Միտյան, ամեն մի բառից հետո շունչ քաշելով,— գիտե՞ս... հինգ

օր առաջ, այն նույն իրիկունքը, սիրում էի քեզ... երբ դու ընկար, և քեզ տարան... Ամբողջ կյանքումս: Այդպե՛ս կլինի, հավիտյան այդպես կլինի...

Երկուսն էլ, այսպես թոթովելով, գրեթե անիմաստ ու խելահեղ խոսքեր էին ասում իրար, գուցե նույնիսկ ոչ ճշմարիտ խոսքեր, բայց այդ բոլորն ամեն ինչ ճշմարիտ էր, և իրենք անվերապահորեն հավատում էին իրենց ասածին:

— Կա՛տյա, — բացականչեց հանկարծ Միտյան, — հավատո՞ւմ ես, որ ես եմ սպանել: Գիտեմ, որ հիմա շես հավատում, բայց այն ժամանակ... երբ վկայութունն էիր տալիս... Մի՞թե, մի՞թե հավատում էիր:

— Ա՛յն ժամանակ էլ չէի հավատում: Երբե՛ք չեմ հավատացել: Ատում էի քեզ ու հանկարծ համոզեցի ինքս ինձ, այ հենց այդ վայրկյանին... Երբ վկայութունն էի տալիս... համոզեցի ինքս ինձ և հավատում էի, իսկ երբ վերջացրի, անմիջապես նորից դադարեցի հավատալ: Իմացիր այս բոլորը: Մոռացա՛, որ եկել եմ պատժելու ինքս ինձ, — ասաց նա հանկարծ բոլորովին նոր մի արտահայտությամբ, որ բոլորովին նման չէր քիչ առաջվա սիրո թոթովանքին:

— Ծա՛նր է քո բեռը, կի՛ն դու, — մի տեսակ բոլորովին անզսպելիորեն դուրս թռավ հանկարծ Միտյայի բերանից:

— Թո՛ղ ինձ, — շնչաց Կատյան, — նորից կգամ, հիմա ծանրը է շատ:

Նա վեր էր կացել տեղից, բայց հանկարծ ուժեղ մի ճիչ արձակեց ու ետ նետվեց: Անակնկալորեն, թեև բոլորովին անձայն, ներս մտավ Գրուշենկան: Ոչ ոք չէր սպասում նրան: Կատյան սրընթաց քայլեց դեպի դուռը, բայց, երբ հասավ Գրուշենկայի մոտ, հանկարծ կանգ առավ, կավճի պես գունատված ու մեղմ, համարյա շնչալով, տնքաց.

— Ներեցե՛ք ինձ:

Գրուշենկան շեշտակի նայեց նրան, սպասեց մի ակնթարթ և պատասխանեց թունոտ, քինախնդիր ձայնով.

— Մաղձո՞ւտ ես մենք, քույրս, դու էլ, ես էլ: Երկուսս էլ մաղձ ունենք: Էլ ո՞նց ներենք իրար, դու էլ, ես էլ: Այ փրկի՛ր նրան, և ամբողջ կյանքումս կպաշտեմ քեզ:

— Իսկ ներել չե՛ս ուզում, — գոռաց Միտյան Գրուշենկային՝ խելահեղ կշտամբանքով:

— Հանգիստ եղիր, կփրկեմ նրան քեզ համար, — շնչաց Կատյան արագ-արագ և դուրս վազեց սենյակից:

— Եվ դու կարողացար մերժե՞լ նրան, երբ ի՛նքը քեզ ասաց՝ «ներիր», — դառնորեն բացականչեց նորից Միտյան:

— Միտյա, չհամարձակվե՛ս հանդիմանել նրան, իրավունք չունե՛ս, — սրտանց գոռաց Ալյոշան իր եղբոր վրա:

— Նրա հպարտ շրթունքներն էին խոսում, ոչ թե սիրտը, — ասաց Գրուշենկան մի տեսակ զզվանքով: — Եթե ազատի քեզ, ամեն ինչ կներեմ:

Նա լռեց, կարծես մի բան զսպելով իր հոգում: Չէր կարողանում ուշքի գալ: Ինչպես պարզվեց հետո, մտել էր բոլորովին պատահականորեն, բացարձակապես որևէ կասկած չունենալով ու չսպասելով, որ կհանդիպի այն բանին, ինչին հանդիպեց:

— Ալյոշա, վազի՛ր նրա ետևից, — Միտյան շեշտակի դիմեց իր եղբորը, — ասա՛ նրան... մի՛ թողնիր, որ այդպես գնա:

— Երեկոյան դեմ կգա՛մ, — գոչեց Ալյոշան և վազեց Կատյայի ետևից:

Աղջիկը հիվանդանոցի բակից դուրս էր եկել արդեն, երբ Ալյոշան հասավ նրան: Արագ էր գնում Կատյան, շտապում էր, բայց հենց որ Ալյոշան հասավ իր ետևից, դարձավ ու հապճեպորեն ասաց.

— Ո՛չ, այդ կնոջ առաջ չե՛մ կարող ինձ պատժել: «ներիր ինձ» ասացի նրան, որովհետև ուզում էի ծայր աստիճան պատժել ինձ: Չներեց... Սիրո՞ւմ եմ նրան դրա համար, — ավելացրեց Կատյան այլալված ձայնով, և աչքերը փայլեցին կատաղի քինախնդրությամբ:

— Եղբայրս բոլորովին չէր սպասում, — մրթմրթաց Ալյոշան, — համոզված էր, որ նա չի գա...

— Անկասկած: Թողնե՛ք այդ բանը, — կտրեց Կատյան: — Լսեցե՛ք, ես չեմ կարող հիմա ձեզ հետ գնալ այնտեղ թաղման: Մաղիկներ ուղարկեցի նրանց, դազաղի համար: Դեռ փող ունեն, կարծում եմ: Եթե պետք լինի, ասացե՛ք, որ երբեք չեմ լքի նրանց... Դե՛հ, հիմա թողե՛ք ինձ, թողե՛ք ինձ, խնդրում եմ: Արդեն ուշացա՛ք, ժամերգության զանգն են տալիս... Թողե՛ք ինձ, խնդրում եմ:

ՈՒՅՈՒԹՎԱԾԻ ՔԱՂԱՊՄԸ, ՇԱՌ՝ ՄԵՍ ԶԱՐԻ ՄՈՏ

Իսկապես, ուշացել էր նա: Սպասում էին նրան և արդեն նույնիսկ որոշել էին առանց նրա ուղեկցութեան եկեղեցի տանել փոքրիկ, գեղեցիկ, ծաղկազարդ դագաղը: Իլյուշկայի դագաղն էր դա, խեղճ մանշուկի: Նա մահացել էր Միտլայի դատավճռից երկու օր հետո: Տան դարպասի մոտ տղաները գոռում-գոռումով դիմավորեցին Ալյոշային: Բոլորն էլ անհամբեր սպասում էին նրան և ուրախացան, որ նա եկավ վերջապես: Տասներկու հոգի էին հավաքվել, Իլյուշայի դասընկերները, բոլորն էլ եկել էին իրենց դպրոցական պայուսակներով՝ ուսից կախած: «Հայրիկը լաց կլինի, հայրիկի հետ եղեք», — պատվիրել էր նրանց Իլյուշան մեռնելու պահին, և տղաները իրենց միտքն էին պահել այդ բանը: Նրանց պարագլուխը Կոլյա Կրասոտկինն էր:

— Որքա՛ն ուրախ եմ, որ եկաք, Կարամազով, — բացականչեց նա, ձեռքը մեկնելով Ալյոշային: — Սոսկալի է այստեղ: Ծիշտն ասած, շատ ծանր է նայելը: Մենքիբյովը հարբած չէ, հաստատ գիտենք, որ այսօր ոչինչ չի խմել, բայց կարծես հարբած լինի... Սա միշտ էլ ամուր մարդ եմ, բայց այս բանը սոսկալի է: Կարամազով, եթե չեմ ուշացնի ձեզ, միայն մի հարց էլ ուզում էի տալ՝ ձեր ներս մտնելուց առաջ:

— Ի՞նչ է, Կոլյա, — կանգ առավ Ալյոշան:

— Անմե՞ղ է ձեր եղբայրը, թե մեղավոր: Նա՞ է սպանել ձեր հորը, թե ծառան: Ինչպես որ ասեք, այնպես էլ կլինի: Չորս գիշեր չեմ քնել այդ մտքից:

— Մտան է սպանել, իսկ եղբայրս անմեղ է, — պատասխանեց Ալյոշան:

— Ե՛ս էլ նույնն եմ ասում, — գոռաց հանկարծ Սմուրովը:

— Ուրեմն նա ճշմարտութեան համար է կործանվելու որպես անմեղ զոհ, — բացականչեց Կոլյան: — Թեև կործանվել է նա, բայց երջանի՛կ է: Կարող եմ նախանձե՛լ նրան:

— Ի՛նչ եք ասում, ինչպե՞ս կարելի է: Եվ ինչո՞ւ, — բացականչեց Ալյոշան զարմացած:

— Օ՛, եթե ես էլ կարողանայի գեթ որևէ ժամանակ զոհաբերել ինձ ճշմարտության համար, — ասաց Կոլյան խանդավառությամբ:

— Բայց ոչ թե այսպիսի գործում, ոչ թե այսպիսի խայտառակությամբ, ոչ թե այսպիսի ա՛հ ու սարսփով, — ասաց Ալյոշան:

— Իհարկե... ես կցանկանայի մեռնել ամբողջ մարդկության համար, իսկ գալով խայտառակության, միևնու՛յնն է՝ թող կորչեն մեր անունները: Զեր եղբորը հարգո՛ւմ եմ ես:

— Ե՛ս էլ, — հանկարծ ու արդեն բոլորովին անսպասելի գոռաց խմբի միջից այն տղան, որ մի ժամանակ հայտարարել էր, թե ինքը գիտե ով է հիմնել Տրովադան. և, գոռալուց հետո, մինչև ականջները կալմբեց քաջվարդի նման, ճիշտ այնպես, ինչպես այն ժամանակ:

Ալյոշան սենյակ մտավ: Երկնազույն դագաղի մեջ, որ զարդարված էր սպիտակ փոթփոթիկներով, պառկել էր Իլյուշան՝ փոքրիկ ձեռքերը ծալված և աշուկները փակ: Նիհարիկ դիմագծերը գրեթե բոլորովին չէին փոխվել, և տարօրինակ բան՝ դիակից համարյա հոտ չէր գալիս: Դեմքի արտահայտությունը լուրջ էր և կարծես մտախոհ: Հատկապես գեղեցիկ էին խաչաձև ծալված ձեռքերը՝ կարծես մարմարից քանդակված: Զեռքերի մեջ ծաղիկ էին դրել, և արդեն ամբողջ դագաղն էլ դրսից ու ներսից զարդարված էր ծաղիկներով, որ կիզա խոխլակովան էր ուղարկել առավոտյան մութուլույսին: Բայց Կատերինա Իվանովնայից էլ ծաղիկներ էին բերել, և երբ Ալյոշան դուռը բացեց, փոխկապիտանն իր դողացող ձեռքերում մի փունջ բռնած՝ նորից ծաղիկներ էր շաղ տալիս իր սիրելի մանշուկի վրա: Նա հազիվ նայեց ներս մտած Ալյոշային, և ոչ ոքի էլ չէր ուզում նայել, ոչ իսկ իր լացող, խելագար կնոջը՝ իր «մայրիկին», որ անընդհատ ձիգ էր անում վեր կենելու իր հիվանդ սուքերի վրա և ավելի մոտիկից նայելու իր մեռած մանշուկին: Իսկ Նինային երեսնաները վերցրել էին իր աթոռի հետ և ուղղակի դագաղի մոտ էին բերել: Նա գլուխը դագաղին սեղմած նստել էր ու երևի լուռ արտասվում էր նույնպես: Մենքիբյովի դեմքն աշխույժ մի արտահայտություն ուներ, բայց կարծես շփոթված ու միաժամանակ դաժանացած մի արտահայտություն: Նրա շարժումները, նրա բերանից թռչող բառերի մեջ խնդրանք մի բան կար: «Հայրի՛կ, անուշի՛կ հայրիկա», — բացականչում էր նա ամեն բուպե, նայելով Իլյուշային: Դեռ Իլյուշայի կենդանության ժամանակ նա սովորություն ուներ փաղաքշորեն ասել նրան՝ «Հայրի՛կ, անուշի՛կ հայրիկա»:

— Հայրի՛կ, ինձ էլ ծաղիկ տուր, վերցրու նրա թաթիկից,

ա՛յ էն սպիտակ ծաղիկը, ի՛նձ տուր,— խնդրեց խելագար «մայրիկը» հեկեկալով: Գուցե նրան շատ էր դուր եկել Իլյուշայի ձեռքի փոքրիկ, սպիտակ վարդը, կամ էլ գուցե ուզում էր նրա ձեռքից մի ծաղիկ վերցնել ի հիշատակ, խեղճ կինը սկսեց այս ու այն կողմ շարժվել, ձեռքերը երկարելով ծաղիկ համար:

— Ո՛չ ոքի չեմ տա, ոչի՛նչ չեմ տա,— անողոր բացականչեց Սենգիրյովը:— Նրա՛ ծաղիկներն են, ոչ թե քոնը: Ամե՛ն ինչ նրանն է, քեզ ո՛չ մի բան:

— Հայրի՛կ, տվե՞ք ծաղիկը մայրիկին,— հանկարծ նինան բարձրացրեց իր դեմքը, որ թրջվել էր արցունքից:

— Ոչինչ չեմ տա, և հատկապես նրա՛ն չեմ տա: Նա չէր սիրում Իլյուշկային: Այն օրը թնդանոթը խլեց նրա ձեռքից, իսկ Իլյուշկան նր-վի-րեե՛ց,— հանկարծ բարձրաձայն սկսեց հեծկըլտալ փոխկապիտանը, հիշելով այն, թե ինչպես Իլյուշան իր փոքրիկ թնդանոթը զիջել էր մայրիկին: Խեղճ, խելագար կինը ուղղակի սկսեց աղի արցունք թափել, լուռ ձեռքերով դեմքը ծածկած: Տղաները, տեսնելով վերջապես, որ հայրը ազատ չի թողնում դագաղը, այնինչ արդեն ժամանակն է տանելու, հանկարծ մի սեղմ շրջանակ կաղմեցին դագաղի շուրջը և սկսեցին բարձրացնել:

— Չե՛մ ուզում եկեղեցու խաչբակում թաղել,— աղաղակեց հանկարծ Սենգիրյովը,— քարի մոտ եմ թաղելու, մե՛ր քարի մոտ: Այդպես պատվիրեց Իլյուշան: Չեմ թողնի, որ տանեք:

Առաջ էլ, ամբողջ այդ երեք օրվա ընթացքում, նա ասում էր, որ թաղելու է քարի մոտ. բայց Ալյոշան, կրասուտկինը, տանտիրուհին, նրա քույրը, բոլոր տղաները սկսեցին համոզել նրան:

— Տե՛ս ինչ է փչել խելքին, ուզում է է՛ն պիղծ քարի մոտ թաղել, ոնց որ թե խելզվածի է թաղում,— խստորեն ասաց պառավ տանտիրուհին:— Խաչբակում օրհնված է հողը: Էնտեղ նրա համար աղոթք են կարդալու: Եկեղեցուց երգն ու պատարագը լսվում է, սարկավազն էլ էնպես մաքուր ու բառք բառին է կարգում, որ ամեն անգամ էլ ծայրից ծայր կհասնի երեխուն, ոնց որ նրա գերեզմանի վրա կարդան:

Վերջապես փոխկապիտանը ձեռքերը թափ տվեց, կարծես ասելով՝ «Տարե՛ք ուր ուզում եք»: Երեխաները բարձրացրին դագաղը, բայց երբ մոր կողքով էին անցնում, կանգ առան մի րոպե նրա առաջ և իջեցրին, որպեսզի նա կարողանա հրածեշտ տալ Իլյուշային: Բայց հանկարծ մոտից տեսնելով այդ պատրիկ, թան-

կագին դեմքը, որին մի փոքր տարածությունից էր միայն նայել ամբողջ երեք օր, նա մեկեն ոտից գլուխ ցնցվեց ու սկսեց իր ալեհեր գլուխը ջղածգործն ետ ու առաջ թափ տալ դագաղի վրա:

— Մայրի՛կ, խաչակնքիք նրան, օրհնիր նրան, համբուրիր նրան,— գռչեց նինան իր մորը: Բայց կինը ավտոմատի նման թափ էր տալիս գլուխը անընդհատ, և հանկարծ, առողորով վշտից դեմքը ծամածոված, առանց մի ձայն հանելու, սկսեց կուրծքը ծեծել բռունցքով: Դագաղը շարունակեցին տանել: Երբ անցնում էին նինայի մոտով, աղջիկը վերջին անգամ շրթունքները սեղմեց իր հանգուցյալ եղբոր շրթերին: Ալյոշան, երբ դուրս էր գալիս, դարձավ տանտիրուհուն և խնդրեց, որ նա հոգ տանի մնացողներին, բայց կինը չթողեց էլ, որ նա վերջացնի:

— Դե պարզ է, հետները կլինեմ, մենք էլ քրիստոնյա մարդ ենք:— Ասելով այդ, պառավը լաց էր լինում:

Նեոու չէին տանելու, երեք հարյուր քայլ էր մինչև եկեղեցին, ոչ ավելի: Պայծառ, խաղաղ օր էր. սառնամանիք էր, բայց թեթև: Եկեղեցու զանգերը դեռ հնչում էին: Սենգիրյովն աճապարտ ու շփոթահար վազում էր դագաղի ետևից, իր հնամաշ, կարճ, գրեթե ամառային վերարկուով, գլխաբաց, և հին, լայնեզր, փափուկ գլխարկը ձեռքին: Մի տեսակ անլուծելի մտահոգություն էր տիրել նրան. մեկ երկարում էր ձեռքը, որպեսզի դագաղի գլխակողմին նեցուկ տա, և միայն խանգարում էր տանողներին, մեկ էլ հանկարծ սկսում էր վազել կողքից ու նայում, թե որտեղից ինքն էլ կարող է բռնել դագաղը: Մի ծաղիկ ընկավ ձյան վրա, և նա ուղղակի խոյացավ վերցնելու, կարծես այդ մի ծաղիկ կորստից աստված գիտե ինչեր էին կախված:

— Հացի կտո՛րը, հացի կտո՛րը մոռացանք,— բացականչեց նա մեկեն սոսկալի վախեցած: Բայց երեխաներն իսկույն հիշեցրին նրան, որ դեռ քիչ առաջ վերցրել է հացի կտորը և գրպանն է դրել արդեն: Նա հացը վայրկենապես դուրս քաշեց գրպանից, համոզվեց ու հանգստացավ:

— Իլյուշկան պատվիրեց, Իլյուշկան,— բացատրեց անմիջապես Ալյոշային,— պառկել էր գիշերը, ես էլ կողքն էի նստել, և հանկարծ պատվիրեց. «Հայրիկ, երբ իմ գերեզմանը լցնեն, վրան մի կտոր հաց փշրտիր, որ ճնճղուկները գան. ես կլսեմ, որ եկել են, և կուրախանամ, որ մենակ չեմ պառկում»:

— Շատ լավ է դա,— ասաց Ալյոշան,— պետք է հաճախ անել:

— Ամե՛ն օր, ամե՛ն օր, — բլբլաց փոխկապիտանը կարծես լրիվ աշխուժանալով հանկարծ:

Վերջապես հասան ու դազաղը դրին եկեղեցու մեջտեղը: Տղաները շրջապատեցին դազաղը և ամբողջ արարողության ընթացքում այդպես բարեվայելուչ կանգնած մնացին: Հնամենի էր եկեղեցին ու բավական աղքատ, շատ սրբապատկերներ բուրոովին շրջանակ չունեին, բայց այդպիսի եկեղեցիների մեջ մի տեսակ ավելի լավ ես աղոթում: Պատարագի ժամանակ Սնեգիրյովը կարծես հանդարտվեց մի քիչ, թեև մերթ ընդ մերթ նույն անգիտակից ու շփոթահար մտահոգությունը տիրում էր նրան. մեկ մոտենում էր դազաղին՝ ծածկույթը կամ փոքրիկ պսակն ուղղելու, իսկ մեկ էլ երբ մոմակալից մի մոմ ընկավ, հանկարծ վազեց տեղը դնելու և սոսկալի երկար զբաղվեց դրանով: Հետո արդեն խաղաղվեց ու հանգիստ կանգնեց դազաղի գլխակողմը՝ բուժորեն մտահոգ ու մի տեսակ վարանող դեմքով: «Առաքելոցի» ընթերցումից հետո հանկարծ թեքվեց Ալյոշային, որ իր կողքին էր կանգնած, և փսփսաց նրան, որ «Առաքելոցը» այնպես չկարդացին, և սակայն չբացատրեց, թե ինչ էր ուզում ասել: Երբ «Հրեշտակային» էին երգում, սկսեց ձայնակցել, բայց շարունակեց մինչև վերջ. ծունկի եկավ, ճակատը սեղմեց եկեղեցու քարե հատակին ու բավական երկար մնաց այդպես: Ի վերջո սկսեցին թաղման ծիսակատարությունը, մոմեր բաժանեցին: Վշտացնոր հայրը իրար անցավ նորից, բայց թաղմանական սրտառուչ, հոգեցունց երգեցողությունն սթափեցրեց ու սասանեց նրա հոգին: Նա հանկարծ կծկվեց մի տեսակ ու սկսեց կողկողել արագ ու կարճ-կարճ հեկեկոցներով, սկզբում զսպելով ձայնը, հետո արդեն բարձրաձայն հեծկտալով: Իսկ երբ սկսեցին հրաժեշտ տալ նեղեցյալին ու փակել դազաղը, նա թևերը առաջ նետեց, կարծես շթողնելով, որ ծածկեն Իլյոշային, գրկեց դազաղը և սկսեց արագ-արագ, ազահորեն, առանց պոկվելու համբուրել իր մեռած մանչուկի շրթունքները: Վերջապես համոզեցին ու իջեցրին նրան պատվանդանից, բայց նա հանկարծ թափով երկարեց ձեռքը և դազաղից մի քանի ծաղիկ վերցրեց: Սկսեց նայել ծաղիկներին, և կարծես մի նոր միտք ծագեց նրա գլխում, այնպես որ մի րոպե մոռացավ կարծես գլխավորը: Հետզհետե մտածմունքի մեջ ընկավ մի տեսակ և այլևս չբեմադրեց, երբ դազաղը բարձրացրին ու տարան դեպի գերեզման:

Հետո չէր փոքրիկ գերեզմանը, բակի մեջ էր, հենց եկեղեցու մոտ, և թանկ էր դինը. գումարը վճարել էր Կատերինա Իվանովնան: Սովորական ծեսից հետո գերեզմանափորները դազաղն իջեցրին: Սնեգիրյովը, իր ծաղիկները ձեռքին, այնքան վար թեքվեց բաց գերեզմանի վրա, որ երեսաները, վախեցած, բռնեցին նրա վերարկուից և սկսեցին ետ քաշել: Բայց նա կարծես լավ չէր հասկանում արդեն, թե ինչ է կատարվում: Երբ սկսեցին լրցնել գերեզմանը, հանկարծ մտահոգ արտահայտությամբ ցույց տվեց թափվող հողը և սկսում էր նույնիսկ մի բան ասել, բայց ոչ ոք ոչինչ չհասկացավ, և ինքն էլ մեկնեց լոնց: Հետո հիշեցրին նրան, որ պետք է հացը փշրի, և նա սոսկալի իրար անցավ, հանեց հացի կտորը և սկսեց մանր-մանր բրդել, փշրանքները շաղ տալով գերեզմանի վրա: «Դե եկե՛ք թռչնիկներ, դե եկե՛ք, ճընճղուկներ», — մրմնջում էր նա մտահոգ: Տղաներից մեկը նկատել տվեց նրան, որ ծաղիկները ձեռքում բռնած դժվար է հացը բրդել, և առաջարկեց, որ դրանք որևէ մեկին տա՝ մի րոպեով պահելու: Բայց նա չտվեց, նույնիսկ հանկարծ վախեցավ իր ծաղիկների համար, կարծես թե ուզում էին բուրոովին վերցնել դրանք իր ձեռքից, և նայելով գերեզմանին ու ասես համոզվելով, որ արդեն ամեն ինչ արված է, փշրանքներն էլ շաղ են տրված, հանկարծ անսպասելիորեն, նույնիսկ կատարյալ հանգրստությամբ դարձավ ու քայլեց դեպի տուն: Բայց քայլերն ավելի ու ավելի արագ ու աճապարտ էին դառնում, շտապում էր նա, համարյա վազում էր: Տղաներն ու Ալյոշան աշխատում էին ետ շմնալ նրանից:

— Ծաղիկները մայրիկի՛ն, ծաղիկները մայրիկի՛ն: Վիրավորեցինք մայրիկին, — սկսեց բացականչել հանկարծ: Մեկը գուռաց նրան, որ գլխարկը հազնի, թե չէ ցուրտ է արդեն, բայց լսելով այդ բանը, նա կարծես զայրացած շարտեց գլխարկը ձյան վրա և սկսեց բացականչել. «Չե՛մ ուզում գլխարկ, չե՛մ ուզում գլխարկ»: Մմուրովը վերցրեց գլխարկը և տարավ նրա ետևից: Բոլոր տղաները, առանց բացառության, լաց էին լինում, և ամենից ավելի՝ Կոլյան ու այն տղան, որ Տրովադայի հիմնադիրներին էր հայտնաբերել. ու թեև Մմուրովը, կապիտանի զբխարկը ձեռքին, նույնպես սոսկալի լաց էր լինում, բայց այնուամենայնիվ հասցրեց վազելու ընթացքում գետնից վերցնել աղյուսի մի կտոր, որ կարմրին էր տալիս արահետի ձյան վրա, և նետեց ճնճղուկների երամին, որ արագորեն թռչում-անցնում էր:

Վրլայեց իհարկե, և շարունակեց վազել՝ լաց լինելով: Ճանապարհի կեսին Մենգիրյովը կանգ առավ մեկին, կես ըոպե կանգնեց այդպես՝ կարծես մի բանից շքմած, և հանկարծ, ետ դառնալով եկեղեցու կողմը, սկսեց վազել դեպի լքված գերեզմանը: Բայց տղաները վայրկենապես հասան ու բոլոր կողմերից փաթաթվեցին նրան: Եվ նա արդեն անզոր, տապալված մարդու նման ընկավ ձյան վրա ու սկսեց գալարվելով, հեծկլտալով, ուրբալով աղաղակել. «Հայրի՛կ, Իլյուշկա՛, անուշի՛կ հայրիկս»: Ալյոշան ու Կոլյան ջանացին բարձրացնել նրան, թախանձազին համոզել:

— Վերջ տվեք, կապիտան, քաջ մարդը պարտավոր է տուկալ,— մրթմրթում էր Կոլյան:

— Մաղիկներ՝ը կփչացնեք,— ասաց նաև Ալյոշան,— իսկ «մայրիկն» սպասում է դրանց, նստել լաց է լինում, որ Իլյուշկայի ծաղիկներից շտվեցիք իրեն: Իլյուշկայի անկողինը դե՞ս այնտեղ է...

— Այո, այո, մայրիկի՛ն,— հանկարծ հիշեց նորից Մենգիրյովը:— Անկողինը չվերցնե՛ն, չվերցնե՛ն,— ավելացրեց նա, կարծես վախենալով, որ իրոք կվերցնեն անկողինը, և վեր թըռավ, նորից վազեց դեպի տուն: Բայց արդեն հեռու չէր, և բուրբ միասին վազեցին հասան:

Մենգիրյովը թափով բացեց դուռը և ձայն տվեց կնոջը, որի հետ այնպես անողոքաբար գժտվել էր դուրս գալուց առաջ:

— Մայրի՛կ, թանկագին մայրիկ, Իլյուշկան քեզ ծաղիկներ՝ը ուղարկեց, ոտքերդ հիվանդ մայրիկ,— գուշեց նա, երկարելով փոքրիկ փունջը ծաղիկների, որոնք սառել ու կոտորվել էին, երբ նա քիչ առաջ թավալվում էր ձյան վրա: Բայց այդ նույն վայրկյանին, Իլյուշայի անկողնի առաջ, անկյունում, տեսավ Իլյուշայի կոշիկները, որ տանտիրուհին կարգի էր բերել ու մոտիկ-մոտիկ գրել իրար կողքի: Տեսնելով այդ հնամաշ, խունացած, կոշտացած, կարկատած կոշիկները, նա ձեռքերը վեր նետեց և ուղղակի խոյացավ դրանց մոտ, ընկավ ծնկների վրա, վերցրեց կոշիկներից մեկը, սեղմեց շրթունքներին և ագահորեն սկսեց համբուրել, աղաղակելով. «Հայրի՛կ, Իլյուշկա, անուշի՛կ հայրիկս, ո՛ր են քո տոտիկները»:

— Ո՛ւր տարար նրան: Ո՛ւր տարար նրան,— ողբաց խեղազար կինը սրտաճմլիկ ձայնով: Եվ ահա Նինան էլ սկսեց հեկեկալ: Կոլյան դուրս վազեց, նրա ետևից տղաներն էլ սկսեցին

դուրս գալ սենյակից: Վերջապես դուրս եկավ նաև Ալյոշան: «Թող լաց լինեն,— ասաց նա Կոլյային,— այս ըոպեիս օգուտ չունի անշուշտ մխիթարելը: Սպասենք մի ըոպե ու վերադառնանք»:

— Այո, օգուտ չունի, ահավոր բան է,— հաստատեց Կոլյան:— Գիտե՞ք, Կարամազով,— իջեցրեց նա ձայնը հանկարծ, որ ոչ ոք չլսի,— սոսկալի տխուր եմ, և եթե հնարավոր լիներ վերակենդանացնել նրան, ամեն ինչ կտայի:

— Ա՛խ, ես էլ,— ասաց Ալյոշան:

— Ի՞նչ եք կարծում, Կարամազով, այս իրիկուն գա՞նք այստեղ: Կիսի ու կհարբի նա, հասկանո՞ւմ եք:

— Գուցե խմի ու հարբի, այո: Միայն մենք երկուսս կգանք, և բավական է. կնստենք մի ժամի շափ նրանց հետ՝ մոր ու Նինայի: Իսկ եթե բոլորս միանգամից գանք, նորից ամեն ինչ կհիշեցնենք նրանց,— խորհուրդ տվեց Ալյոշան:

— Հիմա այնտեղ տանտիրուհին սեղան է պատրաստում, այդ հոգեհա՞ց են ասում, թե ինչ, դա է լինելու, քահանան էլ կգա. վերադառնա՞նք հիմա այնտեղ, թե չէ, Կարամազով:

— Անպայման,— ասաց Ալյոշան:

— Տարօրինակ է այդ բոլորը, Կարամազով, այդպիսի վի՛շտ և հանկարծ ինչ-որ յուզաբլիթներ. ի՛նչ անբնական է այդ ամբողջը մեր կրոնի մեջ:

— Սալմոն ձուկ էլ կլինի,— հանկարծ նկատեց այն տղան, որ հայտնաբերել էր Տրովադայի հիմնադիրներին:

— Լըջորեն խնդրում եմ ձեզ, Կարտաշով, էլ շխտովե՛ք ձեր այդ հիմարություններով, հատկապես երբ շին խոսում ձեզ հետ և շին էլ ուզում իմանալ՝ դուք աշխարհի վրա կա՞ք թե չէ,— ջղախորեն շքուցեց Կոլյան: Տղան կաս-կարմիր եղավ, բայց չհամարձակվեց որևէ բան պատասխանել: Միաժամանակ բուրբ էլ դանդաղ քայլում էին արահետով, և հանկարծ Սմուրովը բացականչեց.

— Ահա՛ Իլյուշայի քարը, որի տակ ուզում էին թաղել նրան: Բոլորը լուռ կանգ առան մեծ քարի մոտ: Ալյոշան նայեց, և միանգամից ամբողջ մի պատկեր վերակենդանացավ նրա հիշողության մեջ՝ այն, ինչ Մենգիրյովը մի ժամանակ պատմել էր Իլյուշայի մասին, թե ինչպես նա, լալով ու գրկելով իր հորը՝ բացականում էր. «Հայրի՛կ, հայրի՛կ, ինչպե՛ս նա ստորացրեց քեզ»: Կարծես մի բան ցնցվեց Ալյոշայի հոգում: Նա լուրջ ու ծանրակշիռ արտահայտությամբ նայեց բոլոր այդ դպրոցական-

ների՝ Իլյուշայի դասընկերներին, անուշիկ, պայծառ դեմքերին, նայեց բոլորին մեկիկ-մեկիկ, և հանկարծ ասաց նրանց.

— Տղաներ, կուզեի ձեզ մի խոսք ասել հենց այստեղ:

Տղաները շրջապատեցին նրան և անմիջապես իրենց ուշադիր, ակնկալող հայացքներն ուղղեցին նրա դեմքին:

— Տղաներ, մենք շուտով բաժանվելու ենք: Ես առայժմ որոշ ժամանակ այստեղ եմ իմ երկու եղբայրների հետ, որոնցից մեկը աքսոր է գնալու, իսկ մյուսը պառկել է մահամերձ: Բայց շուտով պիտի թողնեմ այս քաղաքը, գուցե շատ երկար ժամանակով: Եվ ահա ուրեմն, բաժանվելու ենք, տղաներ: Ուրեմն եկեք համաձայնվենք այստեղ, Իլյուշայի քարի մոտ, որ երբեք չենք մոռանալու նախ Իլյուշային, իսկ երկրորդ՝ իրար: Եվ ինչ էլ պատահի մեզ հետագայում կյանքի մեջ, թեկուզ և քսան տարի շահնդիպենք այսուհետև, այնուամենայնիվ հիշենք, թե ինչպես թաղեցինք խեղճ տղային, որին առաջ քարկոծում էինք, հիշում եք, կամբջակի մոտ, իսկ հետո բոլորս այնպես սիրեցինք նրան: Հրաշալի տղա էր, բարի ու քաջ տղա, զգում էր իր հոր պատիվը և նրան հասցված վիրավորանքը, որի համար էլ ըմբոստացավ: Այսպես ուրեմն, նախ և առաջ հիշենք նրան, տղաներ, հիշենք մեր ամբողջ կյանքում: Ու թեկուզ զբաղված լինենք խիստ կարևոր գործերով, թեկուզ պատիվների արժանանանք կամ ընկնենք մի որևէ մեծ դժբախտության մեջ, այնուամենայնիվ մի՛ մոռանաք երբեք, թե ինչպե՞ս մի անգամ մեզ լավ զգացինք այստեղ, բոլորս միասին, երբ միավորվել էինք այնպիսի՞ գեղեցիկ ու բարի մի զգացումով, որը գուցե ավելի լավ մարդ դարձրեց մեզ՝ խեղճ տղայի հանդեպ մեր սիրո այս օրերին, ավելի լավ, քան ենք իրականում: Իմ աղավնյակներ, — թույլ տվեք այսպես կոչեմ ձեզ՝ աղավնյակներ, որովհետև դուք բոլորդ էլ շատ նման եք դրանց, այդ սիրունիկ, կապուտակ թռչնիկներին՝ հիմա, այս րոպեիս, երբ ես ձեր բարի, անուշիկ դեմքերին եմ նայում, — իմ սիրելի՞ երեխաներ, գուցե դուք չհասկանաք այն, ինչ ասելու եմ ձեզ հիմա, որովհետև հաճախ շատ անհասկանալի եմ խոսում ես, բայց այնուամենայնիվ իմ ասածը կմնա ձեր մտքում և հետո կգա մի ժամանակ, երբ համաձայն կլինեք իմ խոսքերին: Գիտցե՛ք ուրեմն, որ հետագա կյանքի համար չկա ավելի բարձր ու զորեղ, ավելի առողջ, ավելի օգտակար բան, քան մի որևէ լավ հիշատակ, և մանավանդ մանկությունից, ընտանեկան հարկից մնացած մի հիշատակ: Չեզ շատ բաներ են

ասում ձեր դաստիարակության մասին, բայց ահա այդպիսի մի գեղեցիկ, սուրբ հիշատակ, որ պահպանվել է մանկությունից, հենց ամենալավ դաստիարակություն է թերևս: Եթե մարդ այդպիսի բազմաթիվ հիշատակներով հարստացած մտնի կյանք, ապա նա փրկված կլինի ամբողջ կյանքում: Եվ եթե նույնիսկ մի հատիկ լավ հիշատակ մնա մեր սրտում, դա էլ կարող է մի որևէ ժամանակ ծառայել մեր փրկությանը: Գուցե նույնիսկ շարանանք հետագայում, մինչև իսկ շկարողանանք դիմադրել վատ արարք կատարելու փորձության, գուցե ծիծաղենք մարդկային արթունքների և այն մարդկանց վրա, որոնք ասում են այն, ինչ Կոլյան ահա բացականչեց քիչ առաջ՝ «Ուզում եմ տառապել բոլոր մարդկանց համար», և գուցե նույնիսկ շարամտորեն ծաղրենք այդպիսի մարդկանց: Բայց որքան էլ շար լինենք (թեև աստված չանի այդ բանը), այնուամենայնիվ երբ հիշենք, թե ինչպե՞ս թաղեցինք Իլյուշային, ինչպե՞ս սիրում էինք նրան վերջին օրերին և ինչպե՞ս այսքան համերաշխորեն ու միասին խոսում էինք ահա այս քարի մոտ, ապա մեր մեջ ամենադաժան ու ամենածաղրասեր մարդն անգամ (եթե այդպիսին դառնանք) չի համարձակվի ներքուստ ծիծաղել այն բանի վրա, թե որքա՞ն լավ ու բարի է եղել ինքը այս ներկա րոպեին: Եվ ավելին, գուցե հենց ա՛յս հիշատակը միայն ետ պահի նրան մի մեծ շարիքից, և նա խորհրդածի ու ասի. «Այո, ես այն ժամանակ բարի էի, համարձակ ու ազնիվ»: Թող ծիծաղի ինքնիրեն, վնաս չունի, համարձակ ու ազնիվ»: Թող ծիծաղի ինքնիրեն, վնաս չունի, մարդ հաճախ է ծիծաղում բարի ու լավ բաների վրա. դա պարզապես թեթևամտությունից է: Բայց հավատացնում եմ ձեզ, տղաներ, հենց որ ծիծաղի, իսկույն ևեթ կասի իր սրտում. «Ոչ, վատ արեցի, որ ծիծաղեցի, որովհետև չի՛ կարելի ծիծաղել դրա վրա»:

— Անպայմա՛ն այդպես կլինի, Կարամազով, ես հասկանում եմ ձեզ, Կարամազով, — բացականչեց Կոլյան բոցկլտուն աչքերով: Տղաները հուզվեցին ու նույնպես ուզում էին մի բան ասել, բայց զսպեցին իրենց, ուշադիր ու զորովալից նայելով հետորին:

— Ես այս բանն ասում եմ այն ենթադրությամբ, որ մենք վատ մարդիկ կդառնանք, — շարունակեց Ալյոշան, — բայց թե ինչու՞ վատ մարդիկ դառնանք, հիշտ չէ՞, տղաներ: Նախ և առաջ ու ամենից ավելի՛ բարի լինենք, հետո՞ ազնիվ, և հետո՞ երբեք չմոռանանք իրար: Այս բանը կրկնում եմ դարձյալ: Ես իմ

կողմից խոսք եմ տալիս ձեզ, տղաներ, որ ձեզնից ոչ մեկին չեմ մոռանալու. ամեն մի դեմք, որ ինձ է նայում հիմա, այս բուսակիս, ես միշտ էլ հիշելու եմ, թեկուզ երեսուն տարի անցած լինի՝ Քիչ առաջ ահա Կոլյան ասաց Կարտաշովին, որ իբր թե մենք չենք էլ ուզում իմանալ՝ «նա կա՞ աշխարհի վրա, թե չէ»։ Բայց մի՞թե ես կարող եմ մոռանալ, որ Կարտաշովը կա աշխարհի վրա, և որ ահա հիմա չի կարձրում այլևս, ինչպես Տրովադայի հիմնադիրներին հայտնաբերելու ժամանակ, այլ նայում է ինձ իր սքանչելի, բարի, ուրախ աշուկներով։ Տղաներ, իմ սիրելի տղաներ, բոլորս էլ լինենք վեհանձն ու համարձակ, ինչպես Իլյուշան էր, լինենք խելացի, համարձակ ու վեհանձն, ինչպես Կոլյան է (բայց որ շատ ավելի խելացի է դառնալու, երբ մեծանա), և լինենք նույնքան ամոթխած, բայց խելացի ու անուշիկ, որքան Կարտաշովն է։ Բայց ինչո՞ւ եմ այս երկուսի մասին խոսում։ Դուք բոլորդ էլ, տղաներ, սիրելի եք ինձ այսուհետև, բոլորիդ էլ կպահեմ իմ սրտում, և ձեզ խնդրում եմ, որ ինձ էլ ձեր սրտում պահեք։ Իսկ ո՞վ մեզ միացրեց այս բարի, այս լավ զգացման մեջ, որ մենք մեր ամբողջ կյանքում պիտի հիշենք ու մտադիր ենք հիշել, ո՞վ, եթե ոչ Իլյուշկան՝ բարի տղան, սիրելի տղան, մեզ համար հավիտյանս հավիտենից թանկագին տղան։ Չմոռանանք ուրեմն նրան երբեք, թո՛ղ հավերժ ու բարի լինի նրա հիշատակը մեր սրտում, այժմ և միշտ և հավիտյա՛նս հավիտենից։

— Այո, այո, հավիտյա՛ն, հավիտյա՛ն, — գոչեցին բոլոր տղաներն իրենց զնգուն ձայներով, խանդաղատալից դեմքերով։

— Հիշենք և՛ դեմքը նրա, և՛ հագուստը նրա, և՛ խղճուկ կոշիկները նրա, և՛ դագաղը, նրա, և՛ դժբախտ ու մեղավոր հորը նըրա, հիշենք և այն, թե ինչպես նա իր հոր համար կանգնեց ամբողջ դասարանի դեմ՝ համարձակորեն, մեն-մենակ։

— Պիտի հիշե՛նք, պիտի հիշե՛նք, — գոչեցին նորից տղաները, — նա քա՛ջ էր, նա բարի՛ էր։

— Ա՛խ, ինչպե՛ս էի սիրում, — բացականչեց Կոլյան։

— Ա՛խ, երեխաներ, ա՛խ սիրելի բարեկամներ, մի՛ վախենաք կյանքից։ Որքա՛ն լավ է կյանքը, երբ որևէ լավ ու արդար բան ես անում։

— Այո, այո, — կրկնեցին տղաները ոգևորությամբ։

— Կարամազով, մենք սիրո՞ւմ ենք ձեզ, — անզուսպ մղուժով բացականչեց մի ձայն, որ երևի Կարտաշովինն էր։

— Սիրո՞ւմ ենք ձեզ, սիրո՞ւմ ենք ձեզ, — ձայնակցեցին բուրբուր։ Շատերի աչքին արցունքներ էին փայլում։

— Ուուա՛՛ Կարամազովին, — խանդավառ գոչեց Կոլյան։

— Եվ հավե՛րժ հիշատակ ննջեցյալ մանուկին, — ավելացրեց նորից Ալյուշան զգացմունքով։

— Հավե՛րժ հիշատակ, — ձայնակցեցին տղաները։

— Կարամազով, — գոռաց Կոլյան, — Իսկապե՞ս ճիշտ է ասում կրոնը, որ մենք բոլորս հարուժյուն կառնենք մեռյալներից ու կվերակենդանանանք, նորից կտեսնենք իրար, և բոլորին էլ, Իլյուշկային էլ։

— Անպայման հարուժյուն կառնենք, անպայման կտեսնենք և ուրախությամբ, ցնծությամբ կպատմենք իրար ամեն ինչ, որ եղել է, — պատասխանեց Ալյուշան՝ մասամբ ծիծաղելով, մասամբ հրճագին։

— Ա՛խ, ինչ լա՛վ կլինի այդպես, — գոչեց Կոլյան։

— Դե լավ, իսկ հիմա վերջացնենք ճառերը և գնանք նրա հոգեճաշին։ Մի՛ վրդովվեք, որ յուրաբլիթ ենք ուտելու։ Չէ՞ որ դա հնավանդ, հավիտենական սովորություն է, և լավ բան կա դրա մեջ, — ծիծաղեց Ալյուշան։ — Դե գնա՛նք ուրեմն։ Ահա, ձեռք-ձեռքի ենք գնում հիմա։

— Եվ մի՛շտ այսպես, մեր ամբողջ կյանքում ձեռք-ձեռքի։ Ուուա՛՛ Կարամազովին, — նորից գոչեց Կոլյան խանդավառությամբ, և նորից բոլոր տղաները ձայնակցեցին։

Յ. Մ. Դոստոևսկու կյանքն ու ստեղծագործությունը

«Ձեր առաջ, որպես գրողի, ճշմարտությունն է բացահայտված, տրված է ձեզ ճշմարտությունն իբրև շնորհ. գնահատեցե՛ք, ուրեմն, ձեր այդ շնորհը, հավատարիմ մնացե՛ք նրան, և մեծ գրող կդառնաք»։ Այսպես ասաց Բեչինսկին քսանչորսամյա Դոստոևսկուն, 1845-ի մայիսին, նրա առաջին վիպակի ձեռագիրը կարգալուց հետո։ Գրականության պատմության բացառիկ գեպերից էր դա. հեղինակավոր քննադատը «հանճար» էր կոչում մի սկսնակ գրողի, որի առաջին երկը տակավին չէր էլ լույս տեսել։ Եվ նա չէր սխալվում։ Զոխալովեց նաև ընթերցող հասարակությունը, երբ «եռեղձ մարդիկ» վիպակը կարդալով զգաց, որ երիտասարդ հեղինակը մի նոր ու հզոր շունչ է բերում ուս գրականության մեջ։ Իրոք, Դոստոևսկին դարձավ ոչ միայն ուս, այլև համաշխարհային գրականության տիտաններից մեկը, կանգնեց մարդկային ոգու պատմության մեծագույն դեմքերի շարքին։ Անշուշտ, յուրաքանչյուր մեծ արվեստագետ մի ուրույն աշխարհ է ստեղծում։ Իսկ Դոստոևսկու աշխարհը ոչ թե պարզապես ուրույն է, այլև աննախընթաց մի տեսանկյունից դիտված. ասես նա հոգեբանության մեջ ստեղծեց ու կիրառեց «հարաբերականության տեսությունը», ճանապարհ բանալով դեպի մարդկային հոգու անհունը, այնպես, ինչպես էյնշտեյնը բնագիտության մեջ արեց այդ հեղաշրջող գյուտը և անհունորեն ընդլայնեց մարդու պատկերացումները՝ իրենից դուրս գտնվող բնության տիեզերքի մասին։

Անսովոր է թվում վիպագիր Դոստոևսկու ստեղծած աշխարհը, և նրա արվեստը՝ բացառիկ։ Մակայն նրա կյանքն էլ անսովոր ու բացառիկ եղավ։ Ծակատազիրն ամենադժժան հարվածները տվեց նրան, և նա, հանճարով օժտված մարդ, անցավ մեծագույն փորձությունների միջով, որոնք կարող են վիճակվել մարդ էակին։ Մանկության տարիներին խեղճ մարդկանց տառապանքներից տեսավ Մոսկվայի ամենատխուր թաղամասում, ուր աղքատների հիվանդանոցում ծառայում էր իր բժիշկ հայրը՝ դառնություններից անժպիտ դարձած, խստաբարո ու ցասկոտ, ակոհունի անձնատուր մարդ, որ իր ընտանիքում անշնչելի մթնոլորտ էր ստեղծում։ Պատանեկության տարիներին կորցրեց իր սիրելի մորը՝ գրական ձիրքով օժտված, հեզահամբույր, բազմալարչար, բարոյական մաքր

րության տիպար մի կին, որ բռնապետ ամուսնու ձեռքի տակ հյուծվեց անգաղղում հոգեկան տառապանքով ու մահացավ թորախտից։ Շատ շանցած՝ Կատանի Դոստոևսկին հոգեկան մի այլ ծանր ցնցում ապրեց, երբ կնոջ մահից հետո ավելի դժամանացած, բարոյալքված, հարեցողությամբ տարված իր հորն սպանեցին ճորտերը գյուղում։

Սրանք դեռ ճակատագրի առաջին հարվածներն էին։ Ավելի ուշ Դոստոևսկին տառացիորեն հասավ բռնի մահվան դուռը և վերադարձավ, հետո տառացիորեն իշավ երկրային դժոխքը և դարձյալ վերադարձավ. այսինքն, դեռ հազիվ մի քանի տարվա գրական կյանք ապրած քսանութամյա գրողին, որ տարված էր ֆրանսիական ուսուպիստների, հատկապես Ֆուլյեի մարդասիրական գաղափարներով և իր գործուն մասնակցությունն էր բերում Պետրաշևսկու գիտավորած ուս ուսուպիստների գաղտնի հավաքույթին, ցարական կառավարությունը ձեռնարկեց որպես պետական հանցագործի, դատեց ու դատապարտեց մահվան և ապա, ցարի ստորագրած երկրորդ դատավճռով՝ աքսորի ու տաժանակիր աշխատանքի։ Դոստոևսկին արդեն գտնվում էր մահվան հրապարակում, պատրաստվում էր գնդակահարվելու և մտովի հրածեշտ տալիս կյանքին ու իր մեծ երազներին, երբ կարդացվեց երկրորդ դատավճիռը։ Նա վերածնված զգաց իրեն։ Նույն օրը բանտից գրեց իր ավագ եղբորը. «...մարդ լինել մարդկանց մեջ և միշտ մարդ մնալ բոլոր դժբախտությունների մեջ, չհուսալքվել ու չընկճվել՝ ա՛յս է ահա կյանքը, ա՛յս է կյանքի նպատակը։ ...Երբեք իմ մեջ հոգեկան կյանքի այսքան առատ ու առողջ պաշարներ չեմ զգացել, որքան հիմա»։ Եվ նույն գիրքը, ձեռքերն անոթերը շղթայակապ, դեկտեմբերյան սառնամանիքին, Դոստոևսկին ճանապարհ ընկավ դեպի Սիբիր՝ իր տասնամյա քսորով։ Չորս տարի ապրեց Օմսկի տաժանավայրում, ամեն տեսակ հանցագործորի մեջ, ըստ բանտի վիճակագրական ցուցակի՝ որպես «կարգալ-գրել իմացող սեպագործ բանվոր», որը սակայն զրկված էր կարգալու և գրելու իրավունքից, միայն ավետարանը, անցյալի հիշատակները և դժնդակ ներկայի տպավորություններն ուներ իբրև հոգեկան սնունդ, և ֆիզիկական պարտադիր աշխատանքը կատարում էր ավելի դժժան պայմաններում, քան ստրուկը, ձեռքերն ու ոտքերը միշտ շղթայակապ։ Երբ վերադարձավ այդ դժոխքից, իր հետ բերեց ոչ միայն շղթայված ոտքերի ծանր քայլվածքը, որ մնաց մարդու կյանքում, այլև անդունդից եկող մարդու հարուստ ու խորունկ, մինչև կյանքի ամենամութ հետնախորշերը թափանցած փորձառությունը, որ նրա հանճարի բուրավում դարբնվում էր արդեն՝ արվեստի հզոր, փոթորկալից ու իմաստուն երկեր տալու համար աշխարհին։ Բերեց այն համոզմունքը, թե բոլոր պայմաններում մարդու մեջ պետք է փնտրել բուն մարդկայինը, բարոյական կորիզը, կյանքի, ճշմարտության լույսը, որ միացնում է մարդկանց, փնտրել այն, որ նույնիսկ բոլոր էակներին ու իրերին է միացնում։ Մակայն բերեց նաև մարդկային ճակատագրի, բուն իսկ կեցության հակասությունների, անլուծելի առեղծվածների տառապանքը, որ միշտ միաց նրա հոգում և հաճախ ժայթքեց ահեղ, երկյուզազդու զորոյունով։

Մահից ու դժոխքից վերադարձած հանճարը, որի վրա դեռ երկար ժամանակ ոտտիկանական գաղտնի հսկողություն էր սահմանված, ամբողջ Ռուսաստանը ցնցեց մի երկով, որ համաշխարհային գրականության ուժեղագույն վավերաթղթերից մեկն է մնալու առհավատ։ «Հուշեր Մեռյալ տներից» կոչվող գիրքն է դա, ուր Դոստոևսկին խիստ տպավորել պատկերներով ու փիլիսոփա-

յական խորութիւնը նկարագրում է տաժանաւայրի կյանքն ու մարդկանց, այն որդակի մարդկանց, որոնցից ոմանք իր ապագա մեծ վեպերում մի քանի կարևոր կերպարների նախատիպերը դարձան: 1880 թվականին, Դոստոևսկու մահից մի քանի ամիս առաջ, Տոլստոյը գրեց իր մի բարեկամին, թե դա լաւ վագույն գիրքն է ամբողջ նորագույն գրականութեան՝ Պուշկինն էլ ներառելով:

Դեռ ձերբակալութիւնից առաջ գրած երկերում արդեն ակնհայտ երևում էին Դոստոևսկու արվեստի հիմնական հատկանիշները. սրտաբուխ ու ցավազին մարդասիրութիւնը, ճշմարտութեան սուր զգացողութիւնը, հոգեբանական վերլուծման անօրինակ խորութիւնը, լարված իրավիճակներ ստեղծելու, տարրերն տիպական կերպարներ ու միջավայր պատկերելու, արտահայտիչ ու բազմաբովանդակ երկխոսութիւններ կերտելու բոլորովին ինքնատիպ միջոցները. — հատկանիշներ, որոնց շնորհիվ նրա երկերն անսովոր ներգործութիւն էին ունեցել ընթերցողների վրա: Իր ստեղծագործութեան երկրորդ շրջանում, աքսորից վերադառնալուց հետո, այդ հատկանիշներն ավելի ու ավելի խորացան, ընդլայնվեցին, և դրանց համադրութեամբ կերտվեց նրա մեծ վեպերի բազմաբարդ աշխարհը: Վեպերի առաջը վերցնել կենդանի իրականութիւնից, պեղել աւօրյա կյանքի փաստերի հոգեբանական և փիլիսոփայական խորքը, մինչև վերջ պարզել մարդկային արարքների բուն շարժառիթները, ի հայտ բերելով թեր ու դեմ գաղափար-զգացումների պայքարը թե՛ անհատ մարդու հոգում, թե՛ մարդկային փոխհարաբերութիւնների մեջ, — ահա այն ստեղծագործական մեթոդը, որով նա այդ բազմաբարդ աշխարհը կերտեց, հասնելով այնպիսի խորքային բացահայտումների, որոնք համարյա ֆանտաստիկ են թվում: Երբեք, — գրել է նա, — ուշադիր նայեցեք իրական կյանքի որևէ մի փաստի, որը նույնիսկ բոլորովին աչքի չի ընկնում առաջին հայացքից, և եթե դուք ի գորտեք եք և աչք ունեք, այդ փաստի մեջ կտեսնեք այնպիսի խորութիւն, որ Շեքսպիրն անգամ չունի: Եվ իրավացի է Դոստոևսկին, երբ իր այդ ստեղծագործական մեթոդը կոչում է ձերբակալութիւն՝ գերագույն իմաստով:

Քնական է, ստորացված ու անարգված գրողը, տառապանքի ամենախոր վիճերով անցած մարդասերը, կրոնափիլիսոփայական ու սոցիալ-քաղաքական հարցերում իր տանջալի տատանումներով հանդերձ, եղավ համաշխարհային գրականութեան այն դեմքը, որ ամենից ավելի խոր թափանցեց ստորացվածների և անարգվածների հոգու մեջ, ամենաչերմ սիրով սիրեց նրանց: Ու վերադարձից հետո նրա գրած վեպերից մեկը կոչվում է հենց «Ստորացվածներ ու անարգվածներ»:

Դոստոևսկու ստեղծագործութեան այդ երկրորդ շրջանը փաստորեն սկսվում է «Նուշեր մեռյալ տնից» գրքով, բայց «Ոճիւր և պատիժ» վեպն էր այն երկը, որի մեջ նրա տիտանական ձայնն առաջին անգամ հնչեց ամբողջ ուժով: Ժամանակակից հրատապ մի հարց՝ դրամի վաշխառուական անիմաստ կուտակման և, մյուս կողմից, շքավորութեան պատճառով կյանքերի ու տաղանդների խորտակման հակադրութիւնը, մի հարց, որի ահաւոր ծանրութիւնն իր սեփական օւտերի վրա զգում էր Դոստոևսկին դրամական նեղութեան այդ տարիներին, վեպում բարձրացվել է բարոյա-փիլիսոփայական մեծագույն խնդրի: Տաղանդավոր, բայց աղքատ ուսանող Ռասկոլնիկովը, հիմնվելով իր այն տեսութեան վրա, թե մարդկութեանը ընդ խոսքը ասելու կոչված «նապոլեոնյան» տիպի արուստովոր անհատն իրավունք ունի իր խղճին թույլ տալու ամեն մի արգելք վերաց-

նել իր ճանապարհից, նույնիսկ արյուն թափել, — ավելի ճիշտ՝ այդ տխուր տեսութեամբ տանջալիտրեն արգարացնելով իրեն ու ելք փնտրելով իր հուսահատական վիճակից, սպանում է մի պատավ վաշխառուի՝ մի շար ու վնասակար կնոջ, նրա հարստութեամբ փրկելու համար մորը, քրոջը և իր սեփական ապագան, ճանապարհ բացելու իր կաշկանդված ուժերի առաջ, որպեսզի զգործելու, ապրելու և սիրելու իրավունք ունենա, «կարողանա զեթ որևէ տեղ գնալ»: Բայց երբ կատարում է արդեն ոճիրը, երբ խախտում է կյանքի օրենքը, չոր բանականութեամբ ոտնահարված խիղճն սկսում է հատուցում պահանջել, լինելով կյանքի այդ բուն օրենքն իրագործող գատավորը նրա սեփական հոգու մեջ: Եվ բուն պատժից, այսինքն հոգեկան ծանր տառապանքից հետո, որ աննախընթաց խորութեամբ նկարագրել է Դոստոևսկին, երիտասարդը ինքն է խոստովանում իր ոճիրը պաշտոնական դատարանի առաջ, ընդունում նաև տաժանակիր ասցորի պաշտոնական պատիժը իբրև բավարան, և վերածնվում է որպես մարդ, աղտապարվում մարդկանց տարանջատող ծայրահեղ անհատապաշտութիւնից: Ըն վերադառնում մարդկանց միացնող սրտազին կապերին. հաղթանակում են «ճշմարտութեան օրենքն ու մարդկային բնութիւնը»: Կուսգործողութեամբ հափշտակող, արտակարգ ճշմարիտ կերպարներով ու ցնցող տեսարաններով հարուստ այդ գլուխգործոցը համաշխարհային ճանաչում բերեց հեղինակին:

Բայց Դոստոևսկին այդ վեպն ստեղծելու շրջանում էլ շարունակում էր ծանր կյանք ապրել. ճակատագրի հարվածները չէին դադարում: Մահացան հիվանդ կինն ու շատ սիրելի ավագ եղբայրը, որ նաև իր ամենամտերիմ բարեկամն ու զրական գործակիցն էր: Ոչ միայն եղբոր ընտանիքի խնամքը, այլև իրենց հրատարակութիւնից ու վերադառնում մարդկանց միացնող սրտազին կապերին. ըստ որում նա իր խղճի և պարկեշտութեան թելադրանքով միայն ստանձնեց այդ ծանր բեռը, հսկա գումար կազմող պարտքերը մանալանդ, որոնք իրավականորեն բոլորովին պարտավոր չէր ստանձնելու, և որոնցից յետոքացավ վերջնականապես ազատվել իր կյանքի վերջին տարում միայն: Եվ, ինչպես հաճախ լինում է նման դեպքերում, յուրայիններն անխղճորեն շահագործում էին իրենց բարեսիրտ ազգականին, նրանց հետ նաև հանգուցալ կնոջ առաջին ամուսնու տղան, որին նա սիրով որդեգրել ու վերցրել էր իր խնամքի տակ: Մի անգամ նույնիսկ, «ընտանեկան խորհուրդի» որոշմամբ, նույնները թուր օրերին նա իր ձեռնային վերաբերման ուղարկում է գրավ դնելու, որպեսզի կարողանա դրամ տալ այդ օրը գլխին հավաքված ազգականներին: Հանգուց չէին թողնում նաև պարտատերերը, որոնք սկզբում գոճ էին, որ նա իրենց խնդրանքին ընդառաջելով ստանձնեց պարտքերը, և խոստանում էին բարյացակամ լինել, բայց շուտով սկսեցին «խեղդել» նրան:

Այդ տարիներին Դոստոևսկին մի քանի անգամ գնում է արտասահման, ոչ միայն ճանաչողական մղումներով, այլև պարտատերերի ճշմարտից, նույնիսկ պարտքային բանտ նստեցնելու սպառնալիքից խուսափելու համար: Բայց դրամական նեղութիւնը ամեն տեղ ուղեկցում է նրան. մինչև իսկ կիսաքաղց օրեր է անցկացնում, երբ հյուրանոցում մերժում են ճաշ տալ անվճարունակ օտարականին: Դրամի կարիքը նրան մղում է իր բախտը փորձելու եվրոպական նշանավոր խաղարաններում. մի քանի անգամ շահելուց հետո, խաղամուր կիրքով հանձնվում է ռուլետին, մի կիրք, որի գերին դարձավ յոտ տասը տարի, հակառակ բանականութեան ձայնին, միշտ այն սին հույսով, թե կկարողանա

վերդի մեջ, բաց էր անում դրամապանակը և դնում մեջտեղ, որպեսզի կարի-
քավոր մարդիկ օգտվեն. ու պատահում էր, որ Ստարայա Ռուսա հասնելուց հետո
ստիպված էին լինում հեռագրել Պետերբուրգ, որպեսզի փող ուզարկեն իրենց:
Նաև շատ ընտանեհար մարդ էր Գոստոևսկին. խիստ հոգատար էր կնոջ ու երե-
խաների հանդեպ, սիրում էր ամեն տեսակ ընտանեկան տոնախմբություններ
աարբել, խաղալ երեխաների հետ, մի խոսքով՝ չեմ մթնուրտ ստեղծել տանը
(գուցե հիշում էր իր հոր խստությունները ընտանիքում և իր սեփական մասն-
կության մոռլ մթնուրտն էր սարբարում): Ճակատագրի հարվածներին դի-
մադրած, անդադրում շխտատանքից հոգնած գրողը, որ ուշ տարիքում բախտ
ունեցավ ընտանեկան շեմ օջախի քաղցրությունը վայելելու, այսպես է գրում
իր մի բարեկամին. «Մարդկային երջանկության երեք քառորդը ամուսնության
մեջ է, իսկ մնացյալում՝ հազիվ մեկ քառորդը միայն»: Նշանակալից է այս-
պիսի մի փաստ. նրա մահից շատ ու շատ տարիներ հետո, երիտասարդ կոմ-
պոզիտոր Պրոկոֆևը, որ նշանավոր մարդկանցից խնդրում էր արևի մասին
սրկ բան գրել իր ծոցատետրում, դիմում է նաև մեծ գրողի պառաված ալբոմը
և վերջինս գրում է, որ իր կյանքի անմար արևն է Գոստոևսկին:

Ի դեպ, Գոստոևսկու մասին խոսելիս անհնար է չանդրադառնալ նրա երկ-
րորդ ամուսնության պատմությանը, որ ուղղակի պոնչված է նրա դժվար կյան-
քի ճգնաժամային մի պահի և բուն իսկ ստեղծագործության հետ, ու ավելին՝
եղել է շրջադարձային դեպք:

1866 թվականի աշնանը Գոստոևսկին ընկել էր կատարելապես հուսահա-
տական վիճակի մեջ: Մինչ այդ, երբ պարտատերերն սպառնում էին բանտ նե-
տել հանձարեղ գրողին, նա փող ձարելու համար ստիպված էր եղել, ոչ մեծ
գումարի դիմաց, ստորագրել մի նենգ հրատարակչի առաջարկած պայմանա-
գիրը, որով հանձն էր առնում որոշյալ ժամկետին բոլորովին նոր վեպ տրա-
մադրել նրան. ուշացնելու դեպքում՝ ամբողջ ինը տարի նրա ստեղծելիք բոլոր
երկերը դառնալու էին հրատարակչի սեփականությունը, և վերջինս ըստ իր հա-
յեցողության էր վարվելու հեղինակի հետ: Եվ ահա, մեկ ամիս էր մնացել մինչև
ժամկետը, իսկ Գոստոևսկին դեռ ոչ մի տող չէր գրել նոր վեպից, քանի որ
աշխատում էր «ՈՆՏի և պատիժ» վրա, մաս առ մաս հասցնելով ամսագրին:
Իրոք որ ճգնաժամային, անելանելի վիճակ՝ մեկ ամիս հետո այդ գիշտով
հրատարակչի ստրուկը դառնալու հեռանկարով: Բայց նոր վեպի ծրագիրը ար-
գեն մշակված ուներ մտքում, և բարեկամներից մեկը առաջարկում է հավաք-
վել ընկերներով, գլուխների բաժանել այդ ծրագիրը և գրել միացյալ ուժերով
Գոստոևսկին մերժում է այդ առաջարկը. «Ես երբեք իմ անունը չեմ դնի ուրիշ
աշխատանքի տակ»: Բայց ընդունում է մի ուրիշ առաջարկ՝ վեպը թելադրել
մի սղագրուհու, թեպետ երբեք չէր փորձել աշխատելու այդ ձևը: Հաջորդ օրը
նրա մոտ ուղարկում են սղագրական դպրոցի լավագույն ուսանողուհի Աննա
Մերկուսային: Գոստոևսկին ընդհատում է «ՈՆՏի և պատիժը» և... քսանվեց
օրում կարողանում է ստեղծել «Եռադամուլը» վեպը, թելադրելով սղագրուհուն:
Երեկ ճիշտ է, որ չկա շարիք առանց բարիքի: Հենց այդ օրերից էր, որ մի նոր
կյանք սկսվեց քառասունհինգամյա Գոստոևսկու համար. ճակատագիրը ծրպ-
տաց հանկարծ, անցած տառապանքների դիմաց նրան վարձատրեց անփոխա-
բեկելի, տեական երջանկությամբ, որի անունն էր Աննա Գրիգորենա Մերկուսայի:
Փոստմեկամյա սղագրուհին մի քանի ամիս հետո դարձավ նրա կինը՝ ոչ միայն
սիրազեղ, այլ և գործնական խելքի տեր Անյան, որ եղավ նրա զավակների

մայրը, եղավ նրա մշտական քարտուղարն ու սղագրուհին, եղավ նաև, այսպես
ասած, նրա գործերի կառավարիչը. նա իր վրա վերցրեց բոլոր ֆինանսական ու
հրատարակչական գործերը և կամաց-կամաց կարգավորեց դրանք, նա էր, որ
մեծ գրողին ազատեց ի վերջ ոչ միայն դրամական հոգսերից, այլև անողոր
պարտատերերի սպառնալիքներից: Մի խոսքով, նա եղավ կյանքի այնպիսի
ընկեր, որ տասնչորս տարի հետո, մահվան անկողնում, Գոստոևսկին շնորհա-
կալությամբ հայտնեց նրան՝ պարզված երջանկության համար: Իր վերջին, խո-
շորագույն վեպը՝ «Կարամազով եղբայրները», ձոնեց իր Անյային, որը նրա
մահից հետո էլ շարունակեց հանձարեղ ամուսնու հիշատակին ծառայել, ամ-
բողջ կյանքը նվիրեց նրան մինչև վերջ:

Այդ տասնչորս տարիների ընթացքում Գոստոևսկին գրեց գեղարվեստական,
քննադատական, հրապարակախոսական, մինչև իսկ քաղաքական բազմաթիվ եր-
կեր (չհաշված հատորներ կազմող նամակները, որոնք երբեմն գեղարվեստա-
կան երկի արժեք ունեն), ըստ որում շրտ մեծ վեպ՝ «Ապուլլը», «Դեկերը», «Պա-
տանին» և «Կարամազով եղբայրները», որոնք, «ՈՆՏի և պատիժ» հետ, նրա
ստեղծագործության գլխավոր կառույցն են կազմում՝ նրա մեծ վեպերի «Տնագա-
մասյանը»:

Գոստոևսկու ամենասիրելի գրքերից էր Սերվանտեսի մշտնջենական գլուխ-
գործոցը: Բարի ու ծիծաղելի, տխուր ու գեղեցիկ, իր «խենթությունը» իսկ
իմաստուն և վսեմ Գոն Կիխոտը՝ մարդկության հավիտենական երազվածքների
և դեպի իդեալը ձգտող անվհատ «արկածախնդրությունների» այդ մարմնաց-
յալ պատկերը, խորապես հուզում էր Գոստոևսկուն: Գոն Կիխոտի մասին ամե-
նաուժեղ արտահայտություններից մեկը պատկանում է նրան. «Սեռայում դա
վերջին ու մեծագույն խոսքն է մարդկային մտքի... և եթե վերջ գտներ երկիրն
ու հեռու մի տեղից հարցնեին մարդկանց»՝ «Ի՞նչ է, հասկացա՞ք ձեր կյանքը
երկրի վրա և ի՞նչ եղբակացրիք դրա մասին», մարդը կարող էր լուելյայն մեկ-
նել Գոն Կիխոտը՝ «Ահա իմ եղբակացությունը կյանքի մասին, և կարո՞ղ եք
յնձ դատապարտել դրա համար»: Գոստոևսկին, անկասկած, իր սեփական հո-
գու ամենախոր, ամենանվիրական ձգտումներն էր տննում այդ մեծ կերպարի
մեջ, որ անշվում էր նաև իր համար իդեալ դարձած Փրիստոսի հետ, և այդ
երկու կերպարներն էլ մշտապես ոգևորում էին նրան, հակառակ իր նույնքան
խոր արարկույաներին և իրատես հոգեբան-մտածողի տրտում և բարեմիտ
իրոնիային, ավելի ճիշտ՝ այդ տարակույսների և իրոնիայի բովից անցնելով:

Ջարմանայի չէ, ուրեմն, որ Գոստոևսկին ձգտեր ստեղծել ժամանա-
կակից Գոն Կիխոտի կերպարը՝ իր դարաշրջանի իրականության հետ բախվող
«կատարելապես գեղեցիկ մարդուն», մի նոր իմաստուն «ասպետի»: Եվ այդ
ձգտումից ծնվեց «Ապուլլը» վեպը՝ անմոռանալի Միշկինը, այդ նոր «արևա-
ծախնդիրը», բարոյական անհուն մաքրության, խղճի գերազույն իմաստության
տեր մարդը, բնական, անկեղծ, «միամիտ» մարդը, որ հենց իր հոգեկան մե-
ծության պատճառով դատապարտված էր ծաղրի ու կործանման: Եթե Գոն Կի-
խոտը խենթ էր իր շրջապատի համար, Միշկինին էլ անվանեցին «ապուլլ»: Եթե
Գոն Կիխոտի վրա ծիծաղում էին զվարճանալով և շար կատակներ խաղում
գլխին, Միշկինի վրա ծիծաղեցին մոռուրեն, դրամապաշտ գաբի հեղանքով
հասցրին իսկական ապուլլության: Երեխաների և տառապալների անկեղծ ու
համեստ բարեկամ, բոլոր մարդկանց երջանկությունը երազող Միշկինը գե-

զեցիկի և բարու արամահույզ բանաստեղծութիւնն էր դժման ու արձակունակ իրականութեան մեջ, որ բարեկերթութեան և իմաստակ արդարաւորութեան զի- մակի տակ ծաղրում է և՛ բուն զեղծելիք, և՛ բարին, և՛ բանաստեղծութիւնը. թրած ունի լինելու արժանիքը իրականութեան վրայ: Այդ հեղինակը մտայնութիւնն այն- պիսիս էր, որ ոչ թե սիրվանստեան տիրածպիտ երգիծանք, այլ գոտտակիր- կան ցնցող գրամատիզմ էր հարկավոր՝ բացահայտելու համար այս նոր Դոն Կիխոտի արկածախնդրութեանն ոգեբերականութիւնը: Նրա մեծութիւնն իսկա- պես հասկացաւ ասանակն, այսինքն նույն այդ իրականութեան ստրուկը դարձած կիճը՝ մեծ կրքերի ու մեծ հոգու տեր զեղծելուհի Նաստասյա Ֆիլիպովնան, որ տեսնելով այդ մարդազորը ասպետին, առաջին անգամ շփոթեց անգործ տեսնելով խորապես սիրեց նրան ու վերածնվեց, ոտքի ելաւ, մի տեսակ որևէխիտոսցաւ նույնպէս, սկսեց ապրել: Բայց զուր գալով անարդ ու անկեն- ղան իրականութիւնից, նա հանդիպեց բուն իսկ կյանքի երկու հովասարազոր բեռներին՝ Միշկինին ու Ռոզոժինին, հոգեկան բարձրութեան ասպետին և ճակատագրական կրքերի ասպետին: Եվ ընկաւ մարդկային սիրտը փոթոր- կող մշտնջենական երկվութեան մեջ: Իրեն անարժան համարեց հոգու ապե- տին, Վերադիր համբուրեց նրա ձեռքերը, արտասվելով, և գնաց դեպի կրքերի վեճը, զեպի իր կործանումը: Միշկինն իր անարատ սիրո զորութեամբ ուղեց Եփրատի մոտ զեղծելի տառապալին, Ռոզոժինն իր անհազ, բայց նույնքան խոր ու անկեղծ կրքով տեսչաց նրան և... սպանեց: Բարու և զեղծելի բանաս- տեղծութիւնը դարձաւ երազի պես հոյակապ, բայց կյանքի իրականութեան պես ոգեբերական պահ: Անհունորեն խորհրդանշական է վեպի վերջին տեսարանը, որ Նաստասյա Ֆիլիպովնայի դիակի տուշ կիսախելագոր վիճակում իրար են զգլում եղբայրացած Միշկինն ու Ռոզոժինը՝ կյանքի ճակատագրական երկ- վութեան բեռները՝ հոգու և մարմնի ասպետները:

Ինքամազով եղբայրները Գոտտակու վերջին վեպն է, որի հիմքում եւ, ինչպէս հաճախ նրա երկերում, ընկած է իրական մի պատմութիւն՝ հայ- բնաստեղծութեան բանավոր մեղադրանքով իզուր գոտտապարտված մի երիտա- ստոր սպայի ողբերգութիւնը: Գոտտակին շարս տարի ապրել էր այդ սպայի հետ աքսորվալով, հատուկ հետաքրքրութիւն ցուցաբերելով հայրասպանի հանգեպ, որ չէր ընդունում մեղադրանքը, և հետո նկարագրել էր նրան իբ- շտանքի Մեռալ անից: Գրքում Իսկ երբ ալիս ուզ պարզել էր, որ իբր ան- մեղ է այդ սպան և իզուր է խորտակվել նրա կյանքը, Գոտտակուն առավել եւ ցնցել էր այդ բանավոր խորութեամբ ոգեբերական պատմութիւնը: Եվ ան- երկար տարիներ հետո այդ պատմութիւնը, որ բազմազգայնորեն իմաստան վորվել, խորհրդանշական բնույթ էր ստացել նրա սանձազորական մտածու- ղութեան մեջ, ի վերջո հիմք է ծառայում փիլիսոփայական մեծ ընդգրկում ունե- ցող վիճարկի վեպի համար, ուր համարվում և մարմնավորվում են նաեւ այլ մտահղացումներ, որոնք վաղուց հաստատանում էին, եւր փառում. ժամանա- կակից կյանքի և առհասարակ մարդկային կեցութեան էական խնդիրներ շո- ջափող մեծ մտահղացումներ...

Արդարեւ, այս կոթողային երկը՝ տխրանի երկ, որ համաշխարհային գրա- կանութեան գլուխգործոցներից է, ամփոփում է Գոտտակու սանձազորական բուր և զգումները, համարում այն բոլոր հոգեառական հարցերը, որոնք նրան հուշել, առնչել են կյանքի ընթացքում՝ կյանքի և մահվան խորհուրդի, աստու-

գոյութեան կամ շղոյութեան, մարդու բարոյական էութեան և կրքերի բնութեան, բանականութեան և սրտի, ատելութեան ու սիրո, կյանքի դեմ գործված սերի և բնական հատուցման, խղճի դատաստանի և օրինական դատի, մարդկանց տարանջատող իրականութեան և միավորման իրաւի, աշխարհի անկատար կար- զուտարքի և անպարզ գերագույն ներգաղնականութեան, անտակ բարքի և սուր վարքի, բարոյական կործանման և վերածնման, մի խոսքով՝ մարդկային գոյութեան կենսական խնդիրները: Եվ այդ բոլորը տրված են հայրասպանութեան մեծագույն սերի շարք այնկողմից կրքերի, զգացումների և զազափարների հորձանապտույտում, ուր աշտարակվում են վեպի զազափանկաները, որտեղից կարծես Գոտտակին՝ մեծ տառապալն ու իմաստունը, մարդկային խղճի ու մտքի ձայնն է արձա- կում դարերի, նույնիսկ տիեզերքի մեջ: Այդպիսի զազափանկաներից է, օրինակ, «Ըմբոստեղծութիւն» դրամա՝ Իվան Կարամազովի հրեղեմ բողոքն աստու ստեղ- ժած աշխարհին՝ հեծ, ուր ոչ միայն աստուծո օտարված է հոշոտել նշնվելին, այլ և մարդն է հոշոտում մարդուն, և ուր ամենաստեղծութեան այն է, որ կատարե- լապես անմեղ երեսան անգամ զերծ չէ տառապանքից ու հոշոտումից: Թանձ- բայցալ կերպարներով, իրաճեականերով ու գործողութիւններով հորուստ, գե- զարվանստեան ու զազափարական լիցքերով ծայր աստեղան հազեցված աշ- վեպը, որի համաշխարհայինները գեցարանական, աստածաշնչային են թվում իրենց նախաստեղծ անազնութեամբ, ասես ձգտում է կարամազովյան ամբողջու- թեան մեջ ընդգրկել մարդկային բնութեան էական կողմերը: Եվ միտածանակ, կերպարների, գործողութիւնների, երկխոսութիւնների մեջ արտահայտված միտք-հույզերը, զարմանալի մի երաժշտականութեամբ, ինչպէս մեծակտով սիմֆոնիայում, ընդունվում են իրար, խորանում, ամբողջանում իրարով, կազ- մում մի մեծ ու բարդ ներդաշնականութիւն, որ ընթերցողին տալիս է կյանքի խորքերը բացահայտող, դժգոյ, դժգոյ Կարամազովյան սպրտները: Այդ սպրտներն օգտնելի է արտահայտել առաջ նշանավոր նկարիչ Կրամայեյը, երբ Գոտտակու մահվան օրերին գրել է մի նամակում, թե «Կարամազով եղբայրները կարողա- լուց հետո ստեղծում են այնպիսի շարք և զարմանում էր, որ աշխարհը դեռ շարունակում է հին ձևով ընթանալ և շուտ չի կնկ իր առանցքի վրա, ու թե՛ ինչպե՞ս դեռ կան մարդիկ, որոնք կողոպտում են մերձավորին, կա թաղաքա- կանութիւն, որ բացահայտորեն կեղծավորութիւն է դալանում, կան հովիտայե- ներ, որոնք ամենայն հանգամանակում համարում են, թե Քրիստոսի գործը մի բան է, կյանքի գործնական կողմը՝ ուրիշ բան: Նշանակալից է, որ մեր ժամա- նակի մեծագույն բնագետ էյնշտեյնը հատկապես սիրել է «Կարամազով եղ- բայրները» վեպը, և նա ասել է. «Գոտտակին ինձ ավելին է տալիս, քան որեւէ գիտնական, քան նույնիսկ Գաուսը»:

Կյանքի վերջում փառքն ինքը հասավ Գոտտակու ետևից: Պուշկինի հու- շարձանի բացման առթիւ Մոսկվայում նրա արտասանած ճառը ցնծութեան ազազակներով ընդունվեց: Եվ դափնիներով պսակեցին նրան: Բայց նույն գի- ջերը նա այդ դափնեպսակը դրեց նոր բացված հուշարձանի տակ և, գիշերված մենութեան մեջ, առական հնամենի երկրպագութեամբ մինչև գետին խնամրե- վեց Պուշկինի առաջ, որի աշակերտն էր համարել իրեն:

Իսկ այսօր հանրահայտ իրողութիւն է, որ Գոտտակին, իր անսպառ ստեղծ-

ծագործութեան շատ կողմերով, շատ ու շատ գրողները ուսուցիչ է եղել ու շարունակում է լինել ամբողջ աշխարհում: Ընդհանուր է, քննադատական միտքը, թե՛ Ռուսաստանում, թե՛ մանավանդ Արևմուտքում, մինչև Առաջին համաշխարհային պատերազմի բարոյական մեծ ճգնաժամն ապրելը դեռ լրիվ չէր հասկանում Գոստոևսկու ստեղծագործության բուն էությունը, նրա արվեստի բերած արմատական նորությունները, որովհետև նրա վեպերը դիտում էր շախարհի ճեղքվող-լանջ պատկերացումով ստեղծված պատկերավոր արվեստի շափանիչներով, չէր ընկալում հենց այն նոր տեսանկյունը, որով Գոստոևսկին անհունորեն խորանում էր մարդու հոգեկան աշխարհի մեջ: Սրանով է բացատրվում, անշուշտ, այն տարօրինակ փաստը, որ «Ապուլը», «Դևեր», «Կարամազով եղբայրներ» վեպերն այն ժամանակ գրեթե ձախողված էին համարում ոմանք և գտնում էին, որ «Ուրիշ» և «Կատիժ» վեպից հետո Գոստոևսկու տաղանդը... անկում է ապրել: Չէին հասկանում, օրինակ, որ Գոստոևսկու վեպերի կառուցվածքն արտահայտում է կյանքի թարուհի գարտուղությունների միասնությունն ու դրանց փիլիսոփայական իմաստավորումը, հարկ եղած դեպքում անտեսելով արվեստի ընդունված կանոնները, ճիշտ այնպես, ինչպես ժամանակին տրել էր մի ուրիշ նորարար սիուան՝ Շեքսպիրը: Նրա «անիտյո», «անմշակ» գրեթե բնավ էին հենց տեսնում գեղարվեստական պատկերման նոր հնարանքները, որոնք ծնվել էին հենց այդ նոր, ավելի խորաթափանց տեսանկյունից, արտահայտչական շքեղացի ու հաղորդելով նրա վեպերին: Չէին հասկանում մանավանդ Գոստոևսկու արվեստի ուժեղագույն կողմը՝ լայն իմաստով երկխոսությունը, որ սիմֆոնիկ է իր կառուցվածքով և հագեցած ոչ միայն բուն իսկ կյանքի տարերային ուժականությամբ, այլև խորունկ հուններով ընթացող փիլիսոփայական կենդանի որոնումներով ու բախումներով: Որպես արտաոտց փաստ, ի միջի ալլոց, կարելի է հիշել, որ այդ շրջանի մի քննադատ (Յարել) Գոստոևսկուն մեղադրել է, թե... նա շարունակում էր պարզապես մտահոգությամբ ձգձգել է և անվերջանալի մի երկխոսություն: Ե Դարձել էր վերջին վեպը, այսինքն «Կարամազով եղբայրներ», որի հենց ներքին կառուցվածքի վիթխարի, կյանքի պես հակասական ներդաշնակությունը խուսափել է քննադատի աչքից: Մարդը ուզել է տոնական կոկիկ մի հրախաղ տեսնել այնտեղ, ուր հրաբխի լավան է դեպի երկինք ժայթքում: Բայց նույնիսկ նշանավոր քննադատ Բրանդեսը, որ իր ժամանակին ավելի խոր է թափանցել Գոստոևսկու ստեղծագործության մեջ, հասկանալով մանավանդ նրա երկխոսության ուժը և նրան կոչելով «մեծագույն դիալեկտիկ», համենայն դեպս ասում է. «Լինելով մեծ շափով բանաստեղծ, նա անշուշտ շափով արվեստագետ էր...»: Եվ այն էլ նկատի ունենալով հատկապես «Ուրիշ» և «Կատիժ» վեպը, որ Գոստոևսկու վեպերից ամենակատարյալն է, գուցե, հենց «արվեստի» տեսանկյունից:

Այսօր այդ կարծիքները ոչ միայն զարմանք են պատճառում, այլև ավելի ևս ակներխ են դարձնում այն նորությունը, որ Գոստոևսկու ստեղծագործությունը բերեց համաշխարհային գրականության մեջ: Իրոք, այսօր անկարելի է համաշխարհային գրականությունը պատկերացնել առանց Գոստոևսկու ազդեցության: Իրարից այնքան հեռու գրողներ, ինչպես հենց Տոլստոյը ամենից առաջ և Գորկին, Պրուստը և Թոմաս Մանը, Ստեֆան Ծվալգն ու Գոլլուորդին, Լեոնովն ու Հեմինգուեյը, Կաֆկա ու Կազանձաբիսը, Լորենսն ու Տրուսյան, Կամյուն ու

Յուկները, Բուլգակովն ու Դյուրենմատը, վեջերս նաև լատինամերիկյան գրողները՝ սկսած բրազիլացի Հիմարանես Ռոզայից մինչև կուլմբացի Մարկեսը, ինչպես և շատ ու շատ ուրիշներ (իսկ մեր հայ գրականության մեջ, օրինակ, Նար-Դոսը), կամա թե ակամա, ուղղակի կամ անուղղակիորեն, խոստովանեն կամ ոչ, ինչ-որ բանով պարտական են Գոստոևսկու արվեստին կամ աշխարհագրագոյությունը, նրա նորարարության բաց արած հնարավորություններին:

Ինչով կարելի է բացատրել Գոստոևսկու ներգործության այդ վիթխարի ուժը: Ամենից առաջ, անշուշտ, նրա խորագույն, տառապագին մարդասիրությամբ, հասարակությանն ու անհատին հուզող սոցիալական ու բարոյական ամենատարբեր անսքող, արտակարգ խորաթափանց պատկերմամբ, դրանց լուծումը գտնելու անձնական մտահոգությամբ, որ բուն իսկ պատճառ է նրա ստեղծագործության, և որով պայմանավորված են նրա արվեստի յուրահատկությունները: «Կեղևից» մինչև կորիզը արցունքներով հագեցած այս երկարագնդի վրա կյանքի գաղափարը անհեթեթիկորեն ընդունվելով արվեստի լուծումը, այնպիսի ներդաշնակություն, ուր շանտալի թեկուզ մի երեխայի արցունքն անգամ, և ուր ամեն մի անհատ իր լիարժեք ձայնն ունենալու հակառակ իր տանջալի տարակույսներին, նա հավատում էր, որ հնարավոր է այդ ներդաշնակությունը երկրի վրա, որքան էլ անլուծելի լինեն որոշ բնական հակասություններ, և միաժամանակ կանխատեսում էր ու նախազգուշացնում, որ աններդաշնակ աշխարհում քաղաքակրթության բուռն առաջընթացը հղի է ճակատագրական աղետներով:

Ուրիշ հարց է այն, թե Գոստոևսկին, մանավանդ իր բազմաթիվ խոսքեր, և առավելապես իր հրապարակախոսական գործերում, երկարյին ներդաշնակության համար ուղիներ որոնելիս երբեմն հիմնվում էր վիճելի, նույնիսկ հետադիմական տեսակետների վրա, մանավանդ կյանքի վերջին շրջանում, երբ շփում ունեցրեց ցարական քաղաքականության շատագույններ Պրեզդենտսկի և Կատկովի հետ, թեպետ նրանց հայացքներին էլ հակադրվում էր հաճախ, թեկուզ ներթափանց, անսալով իր խղճի ձայնին և ճշմարտատես արվեստագետի իր հանճաբին: Որպես իրապաշտ արվեստագետ ու մեծ մարդասեր, Գոստոևսկին մշտապես որոնումներ էր մեջ էր, մշտապես տվալատում էր կյանքի խորքից իր հայտնաբերած հակասություններով և դրանց փիլիսոփայական իմաստավորմամբ. և այդ հակասություններից ծնվում էին թե՛ որ և զեմ գաղափար-զգացումներ, որոնք տարբեր բեկումներից նույն առեղի ուժով խողովում էին նրա հոգին և նրա վեպերում արտահայտություն էին գտնում որպես հակընդդեմ ու հավասարազոր ձայներ, չորովհետև,— ինչպես ասում էր ինքը,— ամբողջ խնդիրն էլ այն է, թե ինչը պետք է համարել ճշմարտություն: Ամբողջ սկարաժազով եղբայրները վեպն էլ հենց մի տիտանական ասպարեզ է, ուր թերև և զեմ կարծիքներ բախվում են այդ խնդրի շուրջ, որը վերջին հաշիվով մնում է որպես խոշոր հարցական՝ ամբողջ մարդկությանն ուղղված:

Իր ժամանակի անմիջական հարցերով տառապած գրողը, որի երկերը եր-

բնմն ոչ թե գրական ստեղծագործության, այլ պարզապես խղճի ձայնից թե-
լագրված խորագույն ապրումների գրառման տպագրությունն են թողնում, գրա-
կան արվեստի մեծագույն նորարարներից մեկը եղավ, իր հայանատեսությամբ
հավերժական վկայություններ բերեց մարդկային հոգու անհունից, մարդկության
առաջ ծառայած հակատագրական խնդիրները շոշափելի կենդանությամբ պատկե-
րեց իր վեպերում, մի խոսքով՝ տառապանքների աղչամուղչում գարձավ խղճի
աղաղակ: Եվ եթե իր ժամանակին նա տարօրինակ էր թվում շատերին, այս-
օրվա տենդագին աշխարհում ուղեի ու ավելի այժմեական է դառնում իր «Ֆան-
տաստիկ իրապաշտությամբ»:

ԿԱՐՊԻՍ ՍՈՒՐԵՆՏԱՆ

ԲՈՎԱՆԴԱԿՈՒԹՅՈՒՆ

Մասն երրորդ

Գ ի ր ք	յ ո թ եր ո թ դ — Ալյոշա	5
Գ ի ր ք	ո լ թ եր ո թ դ — Միտյա	58
Գ ի ր ք	ի ց ց եր ո թ դ — Նախնական քննություն	168

Մասն չորրորդ

Գ ի ր ք	տ ա ս ց եր ո թ դ — Տղաները	260
Գ ի ր ք	տ ա ս ց ե կ եր ո թ դ — Իվան Ֆլոդորովիչ	326
Գ ի ր ք	տ ա ս ց եր կ ու եր ո թ դ — Գառապան սխալ	457

Վ ե ր ջ ա բ ա ց	598
Խ ղ ճ ի	ա ղ ա ղ ա կ — Կարպիս Սուրենյան	626

Ֆյոդոր Միխայլովիչ Դոստոևսկի

ԿԱՐԱՄԱԶՈՎ ԵՂՐԱՅՐՆԵՐ

Վ Ե Վ

Федор Михайлович Достоевский
БРАТЬЯ КАРАМАЗОВЫ

Р о м а н

(На армянском языке)

Издательство «Советакан грох»

Ереван, 1984

Խմբագիր՝ է. Ռ. Մասումյան
Նկարիչ՝ Ռ. Ս. Զուլհալյան
Գեղ. խմբագիր՝ Վ. Ա. Հառուբյունյան
Տեխ. խմբագիր՝ Ա. Յ. Կովկասյան
Վերստուգող սրբագրիչ՝ Ս. Մ. Բուլարյան

ИБ № 4875

Հանձնված է շտրվածքի 30.03.83: Ստորագրված է տպագրության՝ 20.12.83:
Ձորմատ 84×108¹/₃₂: Քուլթ՝ տպագր. № 2: Տառատեսակ «Գրքի սովորական»:
Տպագրություն՝ բարձր: 33,6 պայմ. տպ. մամ., 33,91 պայմ. ներկ. թերթ.,
32,2 հրատ. մամ.: Գինը՝ 2 ռ. 90 կոպ.: Պատվեր՝ 594: Տպաքանակ՝ 50 000:
«Սովետական գրող» հրատարակչություն, Երևան— 9, Տերյան, 91:

Издательство «Советакан грох», Ереван-9, ул. Теряна, 91.

ՀՍՍՀ Հրատարակչությունների, պոլիգրաֆիայի և գրքի առևտրի գործերի պետական կոմիտեի Հակոբ Մեղապարտի անվան պոլիգրաֆկոմբինատ, Երևան— 9, Տերյան 91:

Полиграфкомбинат им. Акопа Мегартта Госкомитета по делам издательства, полиграфии и книжной торговли Арм. ССР, Ереван-9, ул. Теряна, 91.